

3



GEOGRAPHIA.

N. 8.7.



t.7

Biblioteka Jagiellońska




1002970894

00036

Geogr. 1117 h

99. 1. 7

GEOGRAPHIÆ
BLAVIANÆ
VOLUMEN SEPTIMUM,
QVO
LIBER XIV, XV,
EUROPÆ
CONTINENTVR.



AMSTELÆDAMI,
Labore & Sumptibus
IOANNIS BLAEV,
MDC LXII.



*M. L.
C. A. C.*

GEORGE

BLAINE

VOLUME SEVENTH

1870

FEBRUARY, XV.

FOR

CONTINUED




3 Albany

$\frac{1}{2}$ t.7

DVO PRO-

TEGIT VNVS.




GALLIA,


QVÆ EST

EUROPÆ

LIBER XIV.



D E S C R I P T I O G A L L I Æ.



Nam gentem, Celta-
rum nomine, omnem
quondam incoluisse
Hispaniam, ac Galliam,
Germaniamque, Illyri-
cum, & Britannicas in-
fulas, notissimum est.
Cæterum Gallorum na-
tio adeo populosa fuit,
uti, quum domi haud
sterile solum tenerent, ob multitudinem tamen
hominum, necessum habuerint, in diversas ac
longinquas mundi regiones colonias deducere.
Nonnulli eorum Italia dimidiam fere partem
occuparunt. Ex his quidam ultra profecti in A-
siam usque pervenerunt; nomenque ibi Gala-
tia, sive Gallogræcia, seu Græcogallia fecerunt.
Alii in Britanniam pervenisse putantur. In Ger-
maniam autem alii inveci, ingentem tractum
à Rheno ad Vistulæ usque fontes obsederunt.
In ipsa Gallia vixit universa gens, quot nomini-
bus, tot civitatibus, imperiis, ac magistratibus
discreta. Primi Romanorum arma sensere Sa-
lves; cum de incursionibus eorum Massilia, socia
Romanorum civitas, quereretur. Deinde Allo-
broges & Arverni, quum adversus eos similes He-
duorum querelæ opem & auxilium deposcerent.
Prima igitur Gallia Narbonensis subjugata, in
Provincia formam redacta est, Domitio Aeno-
barbo & Fabio Maximo trophæa in ea statuen-
tibus. Reliquæ Gallia per x annos domita laus
Iulio Cæsari debetur. Paruit hinc tota sub præ-
fectis Romano Imperio ad Honorii Imperato-
ris usque tempestatem; cum, circa annum Chri-
sti 400, Gothorum Hispaniam atque Italiam va-
stantium pars Narbonensem provinciam invasit,
nomenque regioni de suo imposuit, quod post-
modum corrupte *Languedoc*, quasi *Langue de Goth*,
dictum est. Prolatis deinde ad Ligerim usque
annem Imperii finibus, regnum constituerunt,
cujus caput ac regia Tolosa fuit. Eadem tem-
pestate Burgundiones ab ultima Germania (pars
Cassubiorum, parsque Brandeburgensium nunc
ea loca tenent) cum Vandalis Suevisque profe-
cti, alias Gallia partes occuparunt, regnoque
constituto, Burgundia nomen de suo imposue-
runt, cujus caput regique sedes Arelate. Com-
plectebatur utramque Burgundiam, Lugdunen-
sem agrum, Delfinatum, Sabaudiam, & Provin-
ciam. Sub idem ferme tempus, Franci, Germa-
nica gens, Rheno trajecto, proximam Gallia
partem, Tungriam (nunc est Brabantia ac Leo-
diensis Episcopatus) obsederunt. At pulsi mox
à Gothis paulo post redierunt, ultraque in Pari-
sios usque progressi, regioni ac regno inibi con-
dito, Francia vocabulum de suo imposuerunt,
cujus caput ac regia Lutetia. Circa eadem tem-
pora Britanni ex Britannia insula, ab Anglis &
Gallia.


Saxonibus, quos in opem & auxilium adversus
Scotos Pictosque ex Germania vocaverant, pul-
si, extrema Gallia Celtica obsederunt, & de suo
nomine Britanniam minorem appellaverunt. At
Clodovæus V Francia Rex, Burgundia Rege
Gundebaldo armis devicto, Gothisque ex Gal-
lia ejectis, utrumque regnum imperio suo adje-
cit. Hic vita excedens, regnum Francia 4 filiis,
in quatuor partes seu regna distributum, reliquit.
Primus erat Parisiorum rex, cui parebant Parisii,
(nunc vulgo *Isle de France*, id est, Insula Francia)
Campania, Cenomani, Turones, Andegavi, A-
quitani, Arverni. Secundus Sueffionum rex, cu-
jus regno submissi Veromandui, Neustrii, (nunc
Normanni,) Picardi, Flandri. Tertius Burgun-
dia sive Aureliani rex: cui cessit totum Burgun-
dia regnum, ante dictum, cum Aurelianensi
Ducatu. Quartus rex Metensis, sive Austrasia,
quæ complectebatur quicquid inter Mosam &
Rhenum. Mortuis autem fratribus Clotarius so-
lus rerum potitus est. Hujus itidem quatuor fi-
liis regnum iterum in quatuor dictas partes divi-
sum est, At defunctis, ut ante, fratribus, Clota-
rius II totum regnum Francia solus obtinuit. Id
integrum intactumque successoribus ejus man-
sit, ad Caroli Magni usque tempestatem, quum
Austrasia divelleretur. Mox Flandria etiam sui
juris facta est. Imperator Henricus III Burgun-
dia regnum Germanorum imperio adjunxit.
Sed id postea in quatuor partes direptum est.
Beroaldus Saxonia Dux Sabaudiam invasit. Otto
Flandria Comes partem occupavit, quam *Franch-
che Comté*, id est, liberum Comitatum Burgundia,
nuncupavit. Guigius Comes eam, quam à filii
focerit nomine Delfinatum appellavit. Boso po-
stremus in Provincia regnum tenuit, quod Are-
latense dictum fuit. At posteriores Francia Re-
ges Provinciam ac Burgundia Ducatum recupe-
rarunt. Delfinatum Hubertus ultimus ejus Prin-
ceps Regi Galliarum vendidit, ea lege pacta, uti
in posterum primogenitus cujusque regis filius
nomen Delphini inde gestaret. Sabaudia succes-
soribus Beroaldi etiamnum manet. Burgundia
comitatus eodem titulo ac jure ad Hispaniarum
regem pervenit, quo Flandria. Avenionensem
Comitatum Ioanna Provincia Comes Papæ
Clementi 6 concessit manetque etiam nunc sub
Romanæ Ecclesiæ ditione.

Atque hac ratione Gallia arctior, quam olim
facta est, tota propemodum Belgica avulsa. Ita-
que à Meridie, Occasu, & Septentrione, servatis
antiquis terminis; ab Ortui clauditur Sabaudia,
Burgundia Comitatu, Lotharingia, ac Inferio-
re Germania; quam vulgo nunc Belgicam vo-
cant.

Francia autem dicitur vulgo à Francis, Ger-
manica gente, in eam transgressis. Fuit hæc olim
in Ducatus, Comitatus, aliaque Dominia divisa,
A & sub

*Quo pacto
Gallia sit
facta minor.*

*Gallia bo-
derna.
Termini.*



& sub hisce titulis quibusdam tradita : nunc vero tota paret uni Regi ; paulatim enim quæ à regno vel avulsa erant , aut alio nomine & titulo possidebantur , Coronæ rursus unita fuere. Iisdem tamen gaudent titulis. Præcipuæ autem regiones sunt , quarum vulgaria ista vocabula :

Provincie. Bretagne , Normandie , Picardie , Champagne , la France , Beausse , Berry , Blaisois , Vendosme , Perche , Gastinois , Senonais , Valois , le Maine , Touraine , Anjou , Poitou , Xaintonge , Perigort , Limosin , Bourbonnois , Lyonnois , Forest , Beaujolois , Auvergne , Angoulesme , Auxerre , Ners , Bourgogne Duché , Quercy , Gascogne , Languedoc , Provence , Dauphiné , Bearn . Accessit haud ita pridem la Bresse , pars Sabaudia : Mets etiam atque Toul , Lotharingia oppida , regis Francorum nuper facta sunt . A Francorum ditione separata , atque aliorum Principum imperio subdita sunt , Comitatus Arenionensis , qui Pontifici paret .

Ducatus Sabaudia & Lotharingia : Principatus Arausio : Comitatus Burgundia & Carolesii .

Ducatus. Cæterum Ducatus in Gallia præcipui sunt , Orleans , Bourgogne , Narbonne , Bretagne , Anjou , Berry , Normandie , Auvergne , Guienne , Tours , Barleduc , Valois , Nemours , Alençon , Reims , Laon , Langres , Bourbon , le Maine .

Urbes celeberrimæ. Urbes Gallia maximæ celeberrimæque sunt in Parisiis , sive insula Francia , Lutetia Parisiorum , vulgo Paris , caput ac regia regni ; urbs totius Europæ , si Constantinopolim excipias , magnitudine atque incolentium frequentia , clarissima , dignitate sua maxime æstimanda . In Picardis Ambianum , vulgo Amiens : templi interno splendore , ac ornamentis insignis . In Normannis Rottomagus , Rouen : opulentissimum Gallia ad Oceanum Britannicum emporium : Cadomum , Caen : Diepa , navium appulsu celebris . In Britannis Renes & Nantes . In Andegavis Andegavum , sive Iuliomagus , vulgo Angiers . In Turonibus Turonum , vulgo Tours , cujus ager ob multiplicem amoenitatem hortus Gallia nuncupatur . In Blesensi provincia Blesense castrum , vulgo Blois : In Belsia Chartres , & item Aurelianum , vulgo Orleans . In Biturigibus Bourges , antiquitatum reliquiis ac xenodochio clara . In Campania Remi , Reims , templi artificiosa extrinsecus structura nobilis : Catalauni , Chalons : Tricassium , vulgo Troyes , urbs ampla ac populosa . In Burgundia Divionum , vulgo Dijon , Ducum quondam sedes : Cabilonum , Chalon , emporium haud spernendum : Matiscona , Mascon , satis nitida : Belna , vulgo Beaune , xenodochii magnificentia famosa : Augustodunum , Autun , antiquitatibus Romanis adeo referta ; uti Roma Gallica quibusdam vocitata fuerit . In Borbonensi provincia Molins . In Lemovicibus Lemovicum , Limoges , emporium dives . In Pictonibus Pictavium , vulgo Poitiers , magnitudine quidem secundas à Lutetia fert , at multo minus populosa . In Santonibus Saintes , antiquitatibus Romanis maxime ornata : Rupellæ , vulgo la Rochelle , celeberrimum ad Oceanum Aquitanicum emporium : urbs munitissima , propugnaculum proximis bellis civilibus Protestantium tutissimum . In vasticonibus Burdegala , vulgo Bordeaux , urbs ampla , antiquitatum Romanarum reliquiis conspicua , opulentissimum emporium ; Garumna flu-

mine navium appulsus commodante . Lingua-docia est Tolosa , Tolouse , inhabitantium multitudine insignis . Martius Narbo , vulgo Narbonne , magnifica quondam urbs , nunc munimine maxime clara . Mons Pessulanus , urbs magna ac clara , vulgo Montpellier . Lugdunum , Lyon , urbs opulentissima , & ob commercia per totam fere Europam celebratissima . In Provincia , Massilia , Marseille portus jucunditate juxta ac pulchritudine clara , opulentissimumque Gallia ad internum mare emporium , triremium regiarum statio ; cæterum libera est civitas , una cum Arelate , utraque in Gallia Regis tutela . Aquæ etiam Sextia , Aix , nitida est urbs : item Avenio Arignon , quæ Romana Ecclesia subiecta est .

Gallia aeris salubritate ac temperie optimis *Aer.* Europæ regionibus accensenda . Constitutione felicissimam facit Claudianus , saluberrimam Cæsar : fertilissimam hominum genitricem Strabo . Ager magnam partem est planus , amœnis *Ager.* hic illic assurgens collibus , quos valles excipiunt adpectu amœnissimæ . Hic incolarum labore ac industria excultus , triticum , segetesque alias magna luxurie producit . Multum fert frumenti , non suis solum , sed & exterorum usibus ; etiam milium , glandes , & omnigenum pecus . Nihil in ea otiosum , nisi qua paludes aut silvæ . Abietem fert , & taxum magna copia habuit , ut Cæsar testatur . Eam Dioscorides Narbone tam præsentis esse veneni tradit , ut si qui dormiant sub ea , aut in ejus umbra morentur , lædantur , & sæpe numero moriantur . Vini feracissima est . Quid velint Vopiscus & Eusebius , dum Probum Imperatorem tradunt Gallis permisisse , ut vites haberent , docti viri nondum capiunt . Hodie vina Gallia non unius generis sunt . alia aliis locis colligunt generosiora , eaque partim suis Britannis , Normannis , Picardis , partim finitimis Germanis , Belgis , Anglis subvehunt . Nec armenta refugit , verum nutrit liberaliter : unde fit , ut carnis , lactis , butyri , casei , lanæ , rerumque aliarum abundet copia . Asinos non habere scribit in Admirandis Aristoteles , at hodie secus se res habet . Avium , pisciumque genus multiplex sufficit tellus , ac vicinum mare , fluvii que in mare se exonerantes .

Pro diversitate Climatum , coeli folique in Gallia qualitates diversæ sunt . Circa Lutetiam solum non modo frumenti , vini , cæterarumque frugum egregie ferax , sed & amœnum inprimisque riguum : Belsia frumenti feracissima ; Secalunia arenoso licet solo , secalis tamen uberrimo proventu dives . Blesensis ager præter frumenti , vini , aliarumque rerum ad vitam humanam necessariorum abundantiam , proceris arboribus luxuriat : multis amnibus , rivulis , stagnis rigua , eaque re Belsia potior . Aurelianensis ager aucupio , venationi piscationique peropportunos , sed generosi vini copia laudabilior . Vastina regio , sylvis lucisque amœna , cæterum arenoso solo & fere effæto . Senonensis omnibus rebus ad vitam humanam necessariis affluens , vino inprimis delicato ; ob nucum item copiam etiam oleo . Antistiodorensis vino abundat , ita ut Lutetia omnibus anni mensibus magnam copiam submittat . Campania læta planicie , ideoque sementi aptior , sed

sed telluris in quibusdam partibus levitate, agricolæ minus ex voto respondet. Brya sereno admodum cœlo gaudet, & licet nemoribus abundet, nullius tamen annonæ indigæ est. Picardia nullius rei indigæ præterquam vini, cætera non modo suis, sed & vicinis abunde subministrat. Nivernum, fluminibus multis dividitur, & licet sylvofior sit, tamen pascuis egregie dives est. Metal-
lis quoque abundat, præsertim ferri, quod hic præstans & magna copia effoditur. Lapidinæ quoque illius celebrantur. Biturigum provincia nullius quoque rei indigæ, annuum opportunitate, qui conjuncti se in Ligerim præcipitant, varias quoque fruges cum aliis provinciis facili commercio commutat. Tota autem Gallia nulla est regio, ubi ver, ubi æstas atque autumnus suaviores sint, vel pira meliora cæterique fructus præstantiores, quam in agro Turonum. Cœnomanorum ager inprimis riguus, ideoque pascuis quam arvis melior; licet nonnullis partibus ne vini quidem optimi, aut frumenti sit inops. Andegaven-
sis provinciæ colles quidem vinetis, campi procerissimis arboribus vestiuntur; vina ab inprimis laudantur: opportunam autem ommerciis faciunt flumina, quæ nusquam toto igno frequentiora aut majora reperiuntur: Limum quoque & cannabis hic abundat. Normania licet neque pascuis neque arvis destituatur, imen maris vicinia, incolarum ingenia magis mercatura quam agricultura delectantur: neque imen propterea, aut vino aut frugibus, aut ullo alio annonæ genere destituitur; vini quoque in-
piam supplet Pyrasium aut Sicera: vicina autem mari fere sterilia sunt, aut cultoribus suis in-
rata. Britannia insignis provincia, & pascuis eta & frugum copia dives; vina minus laudata: Metallorum variæ venæ, ferri, plumbi atque e-
iam argenti: commerciis præterea dives; & naris fluminumque opportunitate nullius rei in-
diga. Pictonum provincia pingui admodum gle-
ba; frumentis, vino, lana, lino, variisque fructi-
bus supra modum abundat; quemadmodum & proxima Sanctonum provincia, quæ non modo suis abunde sufficit, sed & vicinis Anglis, Hispa-
niis, Belgisque mittit. Petricoriorum ager mon-
tosus, asperque, & magnis nemoribus opacus, in quibus præter quercus, quas ipsi vocant *Iarrie*, innumera Castaneæ visuntur, insigni tam homi-
num quam porcorum pastu; nec tamen aut fru-
mentis, aut vino carent, quantum indigenarum usus postulant. Cœlo gaudet inprimis salubri, ita ut raro pestis hic sæviat. Fontes habet sul-
phureos & aluminosos: nec medicis herbis, aut terris caret, cum non procul ab urbe pri-
maria gleba quædam rubra effodiatur boli Ar-
menia æmula. Limogum provincia, cælo frigi-
diusculo & solo haud satis fœto, triticum ad-
modum parce, secale & hordeum paulo fert largius: Nec vina satis laudata præterquam in inferiori provinciæ parte. Cæterarum rerum & summa hic copia & vilitas. Arvernia superior, vini indigæ, sed pascuis dives: inferior nullius rei indigæ, etiam venis auri argentique & asuli lapidis celebratur. Borbonia & Forensis comi-
tatus arenoso sunt solo & plerisque locis effœto, unde frumenti hic inopia; vinum quoque nisi

Gallia.

parce admodum incolis suis indulgent; Forensis tamen Comitatus longe asperior est Borbonia. Burgundia vario est solo: neque tamen fruges tanta copia ubique producit, ut incolis suis ab-
unde sufficiant: vina magis laudata: cœlo gau-
det clementi, abundatque amnibus. Lugdu-
nensis ager tellure nonnihil macra & soluta levi-
que; secundum ripas tamen Araris & vinetis & pascuis amœnus est. Delphinatus montana fru-
mento, præsertim secali abundant; nec minus pascendis armentis & pecori sunt opportuna: vinetis inidonea. Campestris qua Rhodanum attingunt supra modum fœcunda, & vini lau-
dati feracia; pascua præterea amœnissima, & variis amniculis & torrentibus rigua. Provin-
cia longe fertilissima regio, non modo iis fru-
ctibus, quos cætera provinciæ ferunt, excellit; sed & Aurantiis malis, limonibus, granatis, oli-
vis. Etiam croco, & oryza abundat. Sed su-
perior illius pars, vites maligne, fructiferas ar-
bores benigne admodum nutrit; ob montium enim vicinitatem, qui jugi nive teguntur, paulo frigidior est: incolæ tamen non secus quam re-
liqui & opibus pollent & armentis, pecoreque abundant. Languedocia haud dubio inter Gal-
liæ provincias glebæ pinguedine, & omnium frugum feracitate eminet: licet nonnullis locis occurrant terræ effœtæ & arenosæ, prope Pe-
senas & Nemausum atque alibi. Vivarensium ager secundum Rhodani ripam omnibus rebus ad vitam necessariis abundat. Et licet magna il-
lius pars editis montibus obsita sit, incolarum industria & laborum patientia sit, ut ne hæc qui-
dem pars squalleat. Velaunorum & Gabalorum agri secale tantum & legumina abunde ferunt: hæ incolarum unicæ opes, nisi quod lacte, ca-
seisque abundant; quos cum vicinorum vinis commutant. Ruthenorum provincia monten-
sis, aspera, & sterilior: sed quercetorum non modo frumenta, sed & præstantissimum vinum producit. Hic & armentorum copia, & ligni cædui abundantia, atque carbonum fossilium; amnes illius piscosi, præsertim Tarnus, qui op-
timos sturiones nutrit, quos indigenæ appellant *Creacs*. Fuxensis regio montana pascuis dives, ditior tamen metallis, nusquam enim præstan-
tiores ferri fodinæ reperiuntur; nusquam melio-
ra marmora & id genus lapidum. In montanis Lavedani optimi & robusti equi nutriuntur, qui Hispaniensibus nequaquam cedunt, si non superant: sed minor ob angustias loci hic est copia. Convenarum provincia Fuxensi par, si non potior; tanta frumenti, vini, olei & alia-
rum rerum copia affluit. Bigerronum varia est conditio. nam qua declinat ad amnem *Aulbe*, in-
ter fertiliora Guyennæ loca censeripotest: qua vero attollitur, solo arenoso est & pene sterili. Burdegalensis ager optimum fert vinum, non tantum suis sed & exteris: aer tamen hic ob maris viciniam & alias causas insalubrior, & præ-
sertim Burdegala incolarum valetudine infamis. Benearnum vinum fert optimæ notæ; milio ab-
undat inprimis, licet ne reliquarum quidem fru-
gum sit inops.

Montes Gallia cumprimis celebrant veteres *Montes*. scriptores Cebennam, *Montagne de Cebennes*, & Ce-

B

venes:

venes: Vogesum, hodie *Mont de faucilles*, quam & aliis nomenclaturis indigetatur. Separat Burgundiam Alsatiamque à Lotharingia. Provo- mit Mosam, Cæsare teste, & infinitos alios flu- vios, quorum plerique Rhenum petunt. Gignit Vogesus in valle Leberia argentum purum; sed, ut notat Munsterus, non ita multum. Iuram, hodie etiam magna ex parte ad Germaniam per- tinentem, qui alibi aliis appellatur nominibus. De Alpibus taceo, quia hi communes Gallia, Italia, utpote utramque dirimentes.

Silva.

Silvæ Galliis sunt frequentes, non tamen, ut aliis in regionibus, magnæ, non densæ, non ita dumis horridæ. Apud Cenomanos variæ sunt, *Les Forests de Versay, Longoulmay, Perfi, Sille, Cher- nay, Audain, Maine, Confiè*: Apud Britannos Inferiores, *De Bostblanck, de Toriant, de Guierche*: Apud Pictonas, *Les Forests de Mouliere, Dyne, Bros- se, Ligne*, & aliæ. apud Bituriges *Silva Roberti* visitur: apud Andegavos *Loursaie & Marson*. To- tus Bononiensium ager una quasi obsessus est sil- va, cujus partes, *Les Bois de Surene, Celles, Har- delot, Dalles, Bourfin*. Apud Veromanduos, haud procul Perona, nemora sunt *Recoigne & Bouhan*. Apud Picardos, *Bois de Baine, de Beaulieu, de la Fere, de Couffy*. Nec suis caret silvis Lotharingia, *Warnetwald, le Banbois, bois de Mondon, de Heyde, de S. Benoist, de la Voyge, Mortagne, Doseyne*.

Flumina.

Flumina Gallia præcipua sunt, Sequana, Ma- trona, Ligeris, Garumna, Rhodanus. Sequa- na, *Seyne* vulgo, oritur in Burgundiæ Ducatu, & lustratis tum aliis urbibus, tum Lutetia Pari- siorum, cui nobilissimam facit insulam, & Rho- tomago, mare Britannicum vel Normannicum ostio satis lato irrumpit. Æstuarium ibi navigan- tibus satis periculosum, Normannis *La Bare* di- citur, cum mare ingressus Sequana, & æstu ejus auctus repentino cursu & horrendo sonitu refluit, ascendens ad hastæ longioris altitudinem, unde inexpectata hic incuriosis nautis solent accidere maris discrimina. Matróna, vulgo *Marne*, in- gens flumen, neque ipso minus Sequana, cum quo Celtas, hoc est, Gallos, à Belgis dividebat. Nascitur in Vogeso monte, paulo supra Lingo- num urbem, *Langres*, visisque post Lingones multis urbibus oppidisque, receptisque omnibus aliquot minoribus, ad pontem Charentonium supra Parisios Sequanæ miscetur. Ligeris, hodie *Loire*, amplior est reliquis, ut merito *pater fluvio- rum Gallia* audiat. Postquam varios populos ter- rasque pervagatus fuit, exonerat se in Oceanum occidentalem, inter Nannetes & Pictones. Ga- rumna sequitur, qui ex Pyrenæis, haud procul oppido, quod vulgo *Cadalup*, delapsus, nisi cum hiberno imbre aut solutis nivibus intumuit, diu vadosus & vix navigabilis fertur: at ubi obvi- us Oceani exæstuantis accessibus adauctus est, iis- demque retro remeantibus suas illiusque aquas agit, aliquantum plenior, & quanto magis pro- cedit, eo latior fit, ad postremum magni freti similis, nec majora tantum navigia tolerat, verum etiam more pelagi sævientis exsurgens ja- ctat navigantes, atrociter utique, si alio ventus, alio unda præcipitat. Hodie perlustratis cum aliis, tum Tolosa & Burdigala, mari se miscet Aquita- nico, duarum fere leucarum ostio. Garumnam

intransibilibus occurrunt scopuli arenacei, Afelli co- gnominati, septentrionalior nautis Belgis *Noorder Esel*; australior, *Zuyder Esel*. Vltimum locum Rhoda- no damus, fluvio scriptoribus omnibus & Græcis & Latinis notissimo. Gallis nuncupatur *Le Rhosne*. Oritur haud procul Canubii, Rheni, Arolæ, Tici- ni, aliorumque fontibus, prope montem, qui vul- go *Briga*. Lacum Lemanium apud pagum Novam- Villam (*Neufville*) ingressus, servato fere colore, qui ab aquis Lemanicis differt, eundem permeat, & ad Genevensium oppidum egressus, rapido cursu pergens in mare mediterraneum erumpit, ostiis, uti hodie numerantur, quinque. Excipit Rhodanus *Arvam; Ararim*, hodie Saone vel Sone; *Isarim*, hodie *Isere*; Drunam, qui hodie *Droma* est, vel *Drosne*; Druentiam, hodie *Durance*. Sed hæc de fluminibus in præsentia sufficiant: addemus nonnihil de finibus maritimis. Oceanus itaque Britannicus à septentrione, qua Angliæ oppo- nitur, eam pulsatur, ut & ab occasu. A meridie in sinus Gallia influit mare mediterraneum: utrumque variis locis hic illic recipitur, quorum alii aliis sunt insigniores. Eminent autem inter omnes cumprimis ille ad Oceanum, qui Aquita- nicus Æthico Geographo, & aliis, Tarbellicus Ancon elegantissime apud Lucanum vocatur. Sunt præterea & alii sinus, ad idem mare, ne- quaquam ignobiles, in quorum intimis recessi- bus constituta videmus oppida, Diepam, Con- stantiam, aliaque nonnulla. Ad mare vero me- diterraneum duplex est sinus à Gallia denomina- tus, *Major & Minor*. *Major* ea mediterranei ma- ris pars appellatur, ubi se in illud Rhodanu exonerat. *Angulus Gallicus* hic sinus M. Porti Catoni olim dictus; Gallicus Sinus per excel- lentiam Livio, Iustino, aliisque Historicis. Si- nus autem *Minor* à Strabone collocatur ad pro- montorium montis Pirenæi, quod Aphrodi- sium dicitur. Hic Pomponio Melæ *Salsus* dici- tur. Præter hosce jam dictos Antoninus in suo Itinerario etiam mentionem facit Gramblaci- tani sinus, eumque ponit ad Galliam Narbo- nensem.

Portus, ut hodie, qui ex recentioribus Geo- graphis nullo negotio petuntur, sic & olim ha- buit Gallia celeberrimos: inter quos principem locum obtinere Staliocanus, Vindana, Briva- tes, & alii quidam antiquis scriptoribus nomi- nati. Mantissæ loco subjiciemus paucula de pris- ca Gallorum politia & œconomia: In illa hoc pe- culiare ab antiquis notatum, quod armati ad concilium publicum, in quo de rerum summa deliberabatur, venire soliti fuerint. Tradit quo- que in Commentariis suis Cæsar, subita & re- pentina illorum fuisse decreta; & in consiliis ca- piendis mobiles, novis plerumque rebus stude- re. Quantum ad rem œconomicam attinet, te- stis est Cæsar, Gallos non pati liberos suos palam ad se redire, nisi postquam in eam ætatem ado- leverint, ut munus militiæ sustinere possint: adeo ut filium in puerili ætate, in publico, in con- spectu patris adstare, turpe ducant. Memora- bile est, quod idem de Gallorum instituto do- mestico refert his verbis: Viri, inquit, quantas pecunias ab uxoribus dotis nomine acceperint, tantas ex suis bonis, æstimatione facta, cum do- te com-

Reg.
hodi.

Ree

us Poli-

Christi
simus.

te communicant : hujus omnis pecuniæ conjunctim ratio habetur , fructusque servantur. Vter eorum vita superarit , ad eum pars utriusque cum fructibus superiorum temporum pervenit. Viri in uxores , sicut in liberos, vitæ necisque habent potestatem.

Regimen
hodiernum.

Rex.

Galliæ regimen omne ex triplici Reipublicæ forma compositum videtur : nimirum Monarchia , quæ est unius ; & Aristocratia , quæ est regimen virorum gravium & prudentium , qui ad regni gubernacula electi sunt ; & Democratia , sive regimine populari. Præter enim Regem , (quem sui non minus amant , quam metuunt) habet Principes & viros illustres , qui veluti frænum injiciunt Monarchicæ potestati , ne quicquam violenter in præjudicium suorum subditorum statuatur. Duodecim siquidem Franciæ Patres , Concilium Secretum , Privatum , Magnum , Parliamenta , Camera Rationalium , Aristocratores sunt. Ordines vero , qui quotannis in singulis provinciis conveniunt , Majoratus oppidorum , Scabinatus , Consulat , Iurati , Capitulati , Democratia sunt affines. Dicimus autem regnum hoc ita divisum videri , non autem ita divisum esse. Nam potestas Regis absoluta satis est , qualis vix alibi reperitur , licet Regum bonitas æquitasque sibi ipsi , Officialium ipsorum multitudine ac autoritate , limitem quasi honesti posuerit , ne licentius , quam par esset , vigaretur. Continentur itaque Reges in officio , religione , jurisdictione , & politia.

Religionem quod attinet , admodum illi dediti ab omni ævo fuerunt Galli , etiam tunc cum veri Dei cognitione destituerentur. Posterioribus temporibus egregium ejus studium in Regibus Galliæ emicuit , qua de causa *Christianissimi* titulum meruerunt.

Jurisdictionem exercent Senatus atque judicia , quæ Gallica lingua Parliamentum vocantur. eorum enim Iudicium is est numerus , eaque potestas , ut ipsorum decretis Rex quoque pareat , & in controversiis aliquando causa cadat , neque suis adversariis , quibuscum litigat , præjudicare possit. Ab his siquidem expendantur literæ Regis ac intercessionem , & si quid est in iis suspectum ac vitiosum , repudiatur.

Politiam voco leges atque decreta , quæ Galliæ Reges promulgarunt , quibus non temere derogant sequentes , imprimis quantum pertinet ad ipsorum , hoc est , regni Galliæ patrimonium , quod ipsis alienare non licet , nisi extrema necessitate & ex Senatus consilio.

Christiani
simus.

Præstantiam Regum Galliæ arguit primum *Christianissimi* titulus : quo primus insignitus legitur Carolus Calvus Rex & Imperator , quando , Lotario secundo mortuo , Rex Lotharingiæ factus est Metis , die nono Septembris , an. 869. Cujus consecrationis formula habetur in perversto libro Bellovacensis Capituli , & in Aimoini historia. Innocentius & Honoratus tertius Philippum Augustum , & Ludovicum Octavum S. Ludovici patrem , reges appellant Christianissimos , & Legati quoque Romanæ sedis cum tribus Episcopis , quorum adjecta sunt nomina , suis literis Augustum Regem appellant Regem Galliæ Christianissimum. Illud quoque ad hujus regni excellentiam facit , quod

Reges Imperatores , regnumque Galliæ Imperium appellatur , non minus ac Græcum olim & Romanum. Præterea reges pro summo suo imperio superiores sunt legibus & consuetudinibus regni , de quibus possunt statuere , mutando eas & abrogando. Quum olim cum exteris fœdera inibant , non jurabant ipsi , sed alii autoritate Regis instructi , jurantes per animam & personam Regum. Regni Corona est sphaerica , ut ostendatur , eam divisionis esse expertem. Coronæ insunt flores , prærogativas & jura ad Regem solum pertinentia designantes , ut Baldus Iurisconsultus ait. Est autem penes Regem belli pacisque arbitrium : convocare ordines regni , quoties necesse videtur ; conferre munia omnia , dignitatesque civiles ac militares : cognoscere de omnibus judiciis omnium Magistratum : imponere & abrogare tributa : impartiri gratiam & pœnæ relaxationes : pecuniæ valorem modo intendere , modo remittere : natalibus restituere , aut legitimos facere , ac Equestri ordini inferere. Solum per Officiales suos quædam crimina , quæ *Cas Royaux* vocant , & numero sunt XXV , punire potest : solus ærarii compos est , & expensas pro lubitu moderatur : solus fert leges , easque explicat.

Imperator.

Regalia.

Reginæ , Regibus jus dicentibus , assidere fas est , ut fit in judiciis Parium. Prærogativæ omnes , quæ Paribus competunt , ad Reginas quoque Galliæ pertinent. Cum viduæ sunt , appellantur *Blanca* , ex duarum nomine , quæ vixerunt diutissime , quarum altera fuit regina Blanca , Sancti Ludovici mater : altera regina Blanca , Regis Philippi Valesii vidua.

Regina.

Filii Regum olim ex æquo dividebant , nullo primogenitorum jure , quin & nothi accepti hæreditatem adibant cum legitimis , tenebantque singuli appellatione regni. Singuli se Reges Franciæ scribebant , solum discretionis ergo addebant , se prætorium summum habere Parisiis , aut in alio suæ partis oppido , ex quo tandem factum est , ut Reges Parisiorum , Aureliæ , &c. dicerentur. Tandem dejecti nothi non tantum regno , sed etiam cognomine Francico. Observandum tamen , quosdam fuisse acceptos , cum in regia ipsa educati , probati , eoque nomine honorati essent ; alios vero acceptos scripto.

Filii.

Filius natu maximus , proximus ac necessarius hæres Regis , *Delphinus* appellatur. Cum enim Umberto Delphinatum Princeps (sic enim eum appellat Paulus Æmilius) ex filii morte , quem unicum habebat , dolorem tantum concepisset , ut sapius in animo habuerit monasticam vitam profiteri , adhuc à Sabauda continuo bello premeretur , viribus impar , dum suis consultum vult , omnem dominatum Philippo Valesio ea conditione cessit , ut Regis proximus hæres Delphinus vocaretur. Ita enim Principes suos Delphinates appellabant.

Delphinus.

Fœminæ omni tempore à regno Galliæ fuerunt exclusæ , non tamen ex lege , uti creditur , Salica. Hæc enim statuit , ut , si mares filii erunt , fœminæ tantum succedant in bona mobilia , non autem in vetus patrimonium , quod prisca appellatione terram Salicam dixerunt.

Filii.

Atque

Atque hac appellatione veteres diu usos fuisse, constat ex instrumento Angolismensis cujusdam Archidiaconi, facto 1231, ubi hæc habentur: Cui dedit suum allodium, vel hæreditatem Salicam ibi nominatam, in agro Sanctonum sitam. Idem legis caput aliis legibus continetur, quæ Ripuariæ dictæ sunt, ubi terra Salica exponitur. Ex lege Salica (quæ pro subditis tantum conscripta est) deficientibus filiis, hæredes erant filia veteris patrimonii. Si quis ergo regnum ex ea vellet instituere, filia, deficientibus filiis, ad regnum pervenirent, quæ tamen semper consuetudine fuerunt exclusæ, & singulari Galliarum lege, quæ magno Gallorum animo nititur, dominatum muliebrem minime ferentium, tum etiam ratione hac, quod regnum ad externos perventurum fuisset matrimonio, et si interdum mulieribus jus summi imperii habentibus ad tempus parent. Nupturæ Regum filia pecunia tantum, nunquam rebus fundi donantur, novo licet more Henricus III sorori suæ Margaretæ Cadurcorum & Aginnesium præfecturas dotis nomine attribuit, & jura etiam regia & Coronæ, ut vocant, ei unita, privato diplomate transcripsit.

*Lex Salica
filias à regno
non arceat.
Vide Ioan.
Tiliam.*

*Regis agna-
ti.*

Regii sanguinis Principes absque ullis titulis & patritiorum privilegio gaudent, & patritios omnes natalium prærogativa, non patriciatus ratione præcedunt. Inter se vero hunc ordinem servant, ut qui succedendi ordine prior est, posterioriorem antecedit. De ipsorum capite ac exultatione apud alios iudices, quam coram Rege in Patriciorum curia, quæri non potest.

*Pares
Franciæ.*

Pares Franciæ, sive eorum originem ad Carolovingos, sive ad Capevingos referas, duodecim antiquitus fuere. Sacri ordinis, Archiepiscopus Rhemenfis, Episcopi Lingonensis, & Laodunensis, Duces: Episcopi Bellovacensis, Catalaunensis, & Noviodunensis, Comites: sacris soluti, Burgundiæ, Aquitaniæ, Normanniæ Duces: Flandriæ, Campaniæ, ac Tolosæ Comites. Ecclesiastici tempore minime mutaverunt. Caterorum ditiones tempore partim regiæ Coronæ accreverunt, partim perierunt, & instituti paulatim alii, qui juxta creationis tempus in publicis regni solemnitatibus ac consensibus ordinis prærogativam servant. Eorum numerus minime definitus est: titulis illis honorificis, pro regum arbitrio, præcipuis dignatione aut gratia viris semper attributis: sicut Lotharingis accidit, qui omnes ea dignitate honestari studiose affectarunt. Sed cum in inauguratione Regum, præter Ecclesiasticos, 6 tantum adhibeantur, qui veteres illos repræsentent, id semper observatum fuit, ut inter eos creationis tempus in incedendi aut sedendi ordine inspiceretur.

Connestabilis.

Mareschalli.

Connestabilis, hoc est, Comes stabuli, præfectus olim erat hippocomiæ, sive equuli principis. Mareschalli vero erant hippocomi, composita voce ex *Mar*, quæ equum Germanis significat, & *Scal*, quæ servum aut officialem. Ac obtinuerunt ista munera ante Hugonem Capetum tantisper, dum fuit Præfectus palatio. Sed postquam Præfectus palatio abrogatus est, instituti sunt Officiales in rem militarem, unus Connestabilis, &

alii minores Mareschalli. Exstat in Rationario rescriptum pervetus, quo dicitur Connestabilis superior omnibus, qui sunt in exercitu, præterquam Rege, si interfuerit, Ducibus, Baronibus, Comitibus, equitibus, armigeris, stipendiariis, sive equo, sive pedes militent, quacunque tandem conditione sint, omnesque illi ex officio debent obsequi. Ei subsunt Mareschalli, distinctamque procuracionem habent, ut milites, Duces, Comites, Barones, armigeros, eorumque copias excipiant. Hi neque lustrare possunt exercitum, neque aciem instruere, nisi ex auctoritate Connestabilis, neque quicquam in exercitu proclamare, sine consensu regis aut Connestabilis, penes quem summa militaris imperii potestas. *Admiratus Gallie*, totius rei maritimæ disceptationem, omniumque criminum cognitionem sibi vendicat: nautas & mercatores litigantes audit: ad ipsius curam pertinet edere, quos suæ jurisdictioni præesse, aut vices suas gerere velit: ipsiusque est decima prædæ manubiarumque: denique in sua verba adigit navium trimuriumque Præfectos: fidem publicam dat: & cum hostibus aliquot dierum inducias pacisci potest, ut tuto piscari liceat. *Magnus Magister Gallie* olim Comes Palatii fuit, deinde Seneschallus Gallie. Postea, edicto Philippi Pulchri Regis, pecunia, quam Rex habebat penes se, huic officio debita ex fide Regi data ab Antistitibus, tradita est tenuioribus nobilium filiabus, ut commodius elocari possent. Archimagiro Franciæ summa fuit inspectio in omnes culinæ regalis administratos, sed quia abrogatum est hoc munus, nihil pluribus opus. Gallice dicebatur, *Le Grand Queux de France*. Est etiam Regi Maximus à poculis, sive Pincerna Gallie, vernacula lingua, *Pincerna*, *Grand Bouteiller ou Eschançon de France*: uti est, Maximus Franciæ Artocopus, *Grand Panetier de France*: & summus Hippocomus, Gallice, *Le Grand Escuyer de France*: nec non summus Venator & Accipitrarius Gallie: magnus Præfectus cubiculi, *le Grand Chambellan*: summus Magister, quæsitior, & reformator generalis aquarum silvarumque Gallie. *Gubernatores* & Vicarii generales Regis, præfecti provinciarum, præfectorum Ducum & officiorum vices gerunt.

Admiratus.

Magnus Magister.

Archimagus.

Pincerna.

Artocopus.

Hippocomus.

Venator.

Cubicularius.

Gubernatores.

Concilium Privatum.

Magnus.

Concilium Privatum ita dictum, ut discernatur à Concilio Magno, quod Rex Carolus VIII instituit, in quo omnes postulationes de venia exoranda per mensem factæ examinarentur, similiter de familia regis, reginæ, filiorumque, & de ærario ad concilium unoquoque mense referretur. Præclarum quoque illum morem, ut proceres torque aureo insignirentur, à Romanis ad Francos traduxit Ludovicus XI, cum Calendis Augusti, an. 1469, Ambasiæ ordinem Divi Michaelis institueret, cujus ipse Rex caput est, quibus mos est gestandi quotidie conchyliatum torque ducentorum aureorum, quem donare, vendere, oppignorare fas non est. Postea anno 1579, Henricus III, vetera fastidians, & novarum rerum cupidus, obsolescente conchyliato ordine, ob equitum indignitatem & frequentiam, novum equitum collegium à se institutum, ac nomine Sancti Spiritus nuncupatum, solenni lustratione celebravit. Centenario numero abso-

lutum

lutum collegium, in eo comprehensis, Rege Ordinis principe, IV Cardinalibus, IV Antistitibus Ecclesiasticis, magno Eleemosynario, Cancellario, Præfecto Ceremoniarum, Magno Thesaurario, Graphiario, Feciali, Ostiario. Est & Præfectus Prætorii Regni, qui hodie dicitur *Præfectus de l'Hostel du Roy*. *Cubiculariorum* non unum genus, honestius tamen quod Proceribus constat. Hodie Camera nobiles, olim Chambellani dicti: quibus, calceandi & amiciendi Principis, cura est. Reliquorum non postremus gradus dignitatis est. Famulos Camera vocant, quorum ingens numerus. Priores illi Gallis *Gentils-hommes de la Chambre du Roy*: posteriores *Valets de Chambre* dicuntur. Cancellarii ea apud regem est autoritas, ut eum soleat in rebus omnibus ad Rempublicam pertinentibus consulere: hujus partes sunt, operam dare, ne quod rescriptum, edictum, decretum contra jus Reip. impetretur: quod si præfenserit, transversa linea circumducere vel conscindere; cancellare vocant, unde Cancellarii nomen. Lege regni non nisi ad mortem damnato, aut alioquin peracto & convicto reo magistratus ille adimi non potest. Post Cancellarium facile primum locum obtinent *libellorum Supplicum Magistri*. Mos primum fuit porrigendi libellos Regibus, cum jura reddebant: deinde, cum variis negotiis districti essent, factum ut semel in mense postulationibus vacarent. Demum, divitiis luxum regum augmentibus, Rex rem totam Cancellarii fidei commisit, qui exoriente causarum multitudine aliorum opera egere cepit, duoque creati, qui non, ut nunc, magistri libellorum dicerentur: quibus à Principis aula abesse non liceret, & Cancellarii assessores essent. Postea sancitum à Philippo, ut in Curia quinque adessent, nempe tres sacerdotes, & laici (ut vocant) duo: quibus una Curiaë classis constabat. deinde auctus uno numerus. quo etiam tempore Magistri *Requestarum* dicti sunt. Postremo duo additi: quibus omnibus jus est censendi & sedendi in primo tribunali Curiaë, proximo loco post præfides, eisque officiorum cognitio attributa, & earum controversiarum, quæ ab iis intenduntur, qui in comitatu Principis, officio funguntur, à quibus ad Curiam provocatio est. *Parlamenta* Galliaë Iudicum confessus sunt supremi, apud quos edicta omnia recitantur, quorum nulla ratio prius habetur, quam in illo confesso promulgata sint. Sunt autem hodie hæc: Parlamentum Parisiense, Tholosanum, Rothomagense, Burdigalense, Britannicum, Divionense sive Burgundicum, Gratianopolitanum, Aquense. Sunt præterea alia tria Parlamenta minoris dignationis: Benearnii, S. Pauli, & Metense. Præter hæc sunt quamplurimæ in variis provinciis curiaë præfidiales, in quibus Rex præfidem creat. Est & Triumvirorum Collegium, Advocatis duobus regiis & Procuratore Generali constans, quo subscribente, in delicta animadvertitur, constitutiones, edicta, & diplomata promulgantur, & in Curia acta referuntur. Post Curias institutas Reges Franci Concilium coegerunt, quod Magnum ab auctoritate vocarunt, cujus caput est Cancellarius; quod initio menstruum fuit, ad quod re-

ferre solebat Rex de rerum summa. Suntque apud Gallos quatuor Thesaurarii, quibus Canonis administrandi & diligenter inspiciendi cura esse debet: quorum etiam censura, quicquid ad Canonem pertinet, subjicitur. Nam possessiones, prædia, ædes ad fiscum pertinentes circumire, quisque intra suæ præfecturæ terminos debet, easque fartas tectas conservare: siquid refectione indiget, curatores operum adhibere, augendis fisci proventibus, omni cura & studio incumbere: nec non olim de universi Canonis, præterquam regaliorum, litibus cognoscebant. Verum nunc in ipsa iudicum Canonariorum (cameram Thesauri appellant) classe sedendi primo ac honestissimo loco & sententias dicendi illis jus est, præfuntque susceptoribus, (quod humile & turpissimum genus quæstus existimatum est à Romanis) qui magna diligentia undequaque conquisitas pecunias & loculis obsignatas, ad Tribunos ærarios deferendas curabant, qui inde eas numerabant illi, cui universi Canonis suscipiendi non solum cura, sed procuratio commissa est. Is vero referri in gazophylacium jubebat, id est, omnem pecuniam apud Thesaurarium *Epargna* deponebat. Denique Franciscus Rex universæ gazæ curam ab illo ad hunc transferri voluit, eamque Lutetia in arce Luparæ recondi edicto statuit: ad quam custodiendam ex stipulatoribus Regiis duo excubarent. Anno 1553 constituti sunt *Quæ-*

Quatuor Thesaurarii.

Camera Computorum.

Academia.

Mores universales.

Academia Galliaë illustres sunt, Lutetia Parisiorum, Cadomi, Andegavis, Aureliani, Biturigibus, Pictavii, Burdegala, Tholosa, Montis Pessulani.

Iulius Scaliger. Gallos video ad omnia momenta vel eventum vel disciplinarum promptos, paratos, versatiles, ut semel quicquam vel visum vel auditum, illico apud illorum ingenia & deponat & amittat novitatem: in eo ipso penitus exemplo videntur nati & educati; qui animorum vigor ingens, maturaque celeritas nulli alii nationi data est à natura. quodque incubuere, felicissime sese dant, ocissime proficiunt. gnaviter exercent mercaturam, artes, arma; literas, eruditionem, subtilitatem; atque nationum fide sunt maxime integra & constanti.

Thuan. lib. xvii. ex Italorum iudicio. Id fere usu venire cernimus, & in Gallis verissimum esse confirmat antiquitas, quæ illorum impetus initio plusquam viriles, ad extremum minus quam foemineos esse prodidit.

Apud eundem lib. xxi. Momorancius Reginam viduam admonet: meminisset præesse se genti, quam

C

Cancellarius.

Magistri libellorum Supplicum.

Parlamentum.

Curia Præfidiales.

Procurator generalis & Advocati regii.

Gallia.

quam suorum Regum ac principum imperii numquam, alieni semper tædeat.

Idem lib. 51. Gallis hoc insitum est ut semel sumpta arma ægre deponant, & cum hostem extra fines non habeant, in commilitones suos & concives faviant. Cumque Itali, Germani, Helvetii pace facta domum quisque repetant; Galli domum, otium & omnes alias artes perosi, aut in longinquo bellum sectantur, aut plerumque ne armorum tractandorum desit occasio, scelerrata mente viatores hostiliter aggrediuntur.

Ioannes Barclaius in Icone Animorum cap. 3. Gallico populo ingens amor, & patientia dominantis. Apud illos vere regnatur, nefasque quantum Regi liceat dubitare. Gens armis strenua, sed equestri certamine melior; ignara perfidia, publico præsertim consilio: indomitæ intra se molis; at ubi in externos exundat, statim impetus sui oblita: eo modo nec diu externum imperium tenuit, & sola est in exitium sui potens. Longobardiam, Neapolim, Siciliam, & pleraque alias per orbem terrarum provincias, frequentibus victoriis subegere. Sed mox hostes male domitos fidentius quam par erat contemnere, aut simulantibus obsequium, credere, inconsulta laxaque bonitate. Tum licenter uti victoria, & præter illarum gentium indolem lascivire: Ad extremum oblivisci armorum, aut ad patriam suam respicere, cuius diu absentiam ferre non possunt. Per hæc vitia cessare in prædam his ipsis de quibus triumphabant; læta semper bellorum initia atroci exitu corrumpentes.

Nullis mortalibus indoles ad speciem virilis elegantiae magis facta. Oris intrepidi habitus, motusque, atque gestus, qui totum corpus decent. Et hic decor virtutem ingentium virorum adornat; exiguis autem animis pro fūco est, ac veluti naturali munimento, quo suam humilitatem abscondant, aut mitigent. Sic venuste compositi, qualemunque vestitum de suæ mutationis infinita serie, tanquam de inexhausta penu deprompserint, quocunque salutationis artificio corpus inlectant, putes nihil magis illa institutione convenire. Vicinæ autem gentes ridiculo errore deceptæ, ad illorum quoque mores, per earundem vestium ac motuum variam imitationem putant accedere; ignaræ, leporis & gratiæ virtute in nonnullis hominibus uno genio cuncta placere; in aliis autem, in quibus Natura ad hos mutabiles habitus propitia non est, ejusdem venustatis imitationem & curam, ingrati ac ludicram esse. Nam virtutes, & vitia, & quicumque alii motus ipsis animi recessibus inhaerent, possunt à nobis non multum operosa simulatione effingi; quia adeo ingentibus latebris reconduntur nostri sensus, ut vix ullus deprehendat, veris, an extemporaneis affectibus deducamur. Sic facile humilitatem simulabis, sic odium, amorem, pietatem. At vero quæ non magis imperio animi, quam usu, & externo corporis obsequio perficiuntur, eorum imaginem in te transferre, reluctante natura, non poteris; ut est aptitudo corporis prompto habiliq; decore idonea, ut hilaris jocandi facilitas, & omnino eloquentia non in præcordiis,

sed summo ore nata. Hæc autem cum in Gallica consuetudine emineant, ægerrime te ad illius similitudinem transferes, nisi se tuus genius huic indoli sponte admoverit.

Cæterum, nunquam Orbis dignas gratias hospitali Galliæ habebit, quæ humanitatis templum videtur aperire, quo se omnium externorum fortuna conjiciat. Animum in hominibus, non patriam æstimat. Neque communi cætarum regionum errore, in inquilinis, ac advenis, nascendi sortem punit. Ita candido simplici amore virtutis, eximios viros undequaque prodierint sine invidia miratur, & sua opulentia gaudet augeri; & in tantæ humanitatis præmium habet publicam primum laudem; tum etiam tot hospitum fortunam, ac famam, qui Gallico corpori, non indigna aut inutili adoptione, inserti sunt. Neque illic hospitibus descendendi sunt patriæ suæ mores, aut ad Gallicam similitudinem flectendi; dum superbia absit, aut inculta barbaries. Quippe ipsa veluti professione exteri moris, sollicitabit curiosæ gentis studia, simplicius peregrina quam suæ æstimantis; etiam quædam vitæ aut corporis vitia, si modo aliunde advehantur, trahentis in laudem. Nam & peregrini hominis eloquentiam vidimus crebro linguæ errore favorem meruisse, & grandis opinionem scientiæ, quod non intelligeretur.

Plebis in amplioris fortunæ homines vera, nec ex metu, aut sola institutione, reverentia: Rursus primi Optimatum eodem genio culti ab illis, qui gratia aut genere perinde non excellunt. Sed superbiam, fastumque non ferunt: Si videris dominari, servire erubescunt. Comitatus, quæ frontis artificio, luminumque clementer vibrantium, vel per sermonum familiaritatem blanditur, fidelius purpuratorum latus clientibus cinget, quam potentiæ magnitudo. Opes omnes, & ipse vilior honoribus sanguis. Præcipue Patriarum spiritus in suum aut patriæ damnum sapissime excrescunt, dum nemini eorum mercaturæ aut artificiorum utilissimam disciplinam capessere ipsa inopiæ experientia persuadet. Æmulari præpostero ambitu magnitudinem placet avorum, & fœdari gentilitium sanguinem putant, si ad populum vivendi consuetudine accesserint. Ita vanum nobilitatis nomen, & magnifici oculi improba species, ad patientiam tritium curarum sufficit, & in sola exeuntium morte. Et hæc animorum celsitudo, quamvis sibi placeat, adeoque ab omni generis sordibus videatur abire, tamen interdum pene necessariis facinoribus corrumpitur, in miserorum penatum angustis turbulentam industriam exercens, ut vel publica violentia, vel arcanis sceleribus inopiæ squalorem repellat.

Mercatura illic vilior quam tantæ utilitatis rem esse deceret, & quæ prima humanitatem per Orbem circumduxit. Solon quidem qui Athenis leges condidit, & plerique Græcorum, usque ad nos fama durantium, illo commercio suas res tulerunt ad externos, vicissimque fecerunt ut exotica sui cives viderent. Nec abhorret ab hoc more Italia, in illustribus familiis opes eadem industria late componens. Britannia quo-

quoque sanguinis claritatem illo vitæ genere fœdari non putat. At in Galliis hanc mutæ utilitatis rationem non modo stirpes antiquæ aspernantur; sed & quasi mercatores sui puderet, ubi illis largius fortuna indulget, statim in aliam disciplinam filios suos agunt, jubentque majorem paterno fastigio scenam sperare.

Et quidem magnitudinem Gallicorum animorum nullibi efficacius videas, quam in ambitu magistratuum, à quibus pervicax licitatio jamdiu egentium virtutes excludit. Exhaustire familias, nomina facere, rem fidemque consumere, decorum, dum inter æquales emineas vel sterili dignitate, vel pretio furtivorum munerum patrimonii ruinam reparante. Nec dubium quin illa libido titulorum, nisi ipsa se frangat, curias, tribunalia, præfecturas, tandem sit viliori sanguine, angustisque animis, maculatura. Quippe è sordidissimis artibus multi compendiosius ad divitias properant, quam antiqua nobilitate spectabiles, paternisque opibus utentes ex majorum dignitate. Hoc modo, dum ad emendæ Curia, aut Præfecturæ ambitum, nummorum pugna initur, sæpissime ii vincunt, qui ut sanguine sic & indole & ingenio cedunt. Accidit, quod vetustarum stirpium viri non tam pervicaci studio suas opes dignitatibus illis donant, quam homines adhuc novi, qui è latebris quas auro condiderunt eruere filios properant, & eam nobilitatis gloriam suæ genti emere, quam absque ullo sumptu in hæreditatis partem Patricii habent. Sic paulatim hi honores sordidorum esse possunt, (si pecuniæ tantum conceditur) & forsitan aliquando in ignobilitatis suspicionem, eorum nominibus ceteri. Neque ideo fisci industria maligna criminatione carpenda est, qui de ejusmodi Candidatorum bonis excrescit. Nam cui non satius videatur professio precio dignitates à Principe molem publicam subeunte proponi, quam avaris Purpuratorum suffragiis in prædam concedere? qui ubi hæc publica licitatio non est, obtrudunt Regibus Candidatos, quos sibi munera charissimos fecerint; & quod à domino impetrant, deinde clientibus vendunt. Vt nec meliori fortitu delectos Respublica accipiat, nec intersit eorum qui ad tribunalia subvehi ambiunt, utrum cupiditatem dignitatis sub Principe, an sub Optimatibus luant; utrimque pari sydere in patrimonii ruinam percurrente. Hæc igitur tolerabili instituta consilio, jam ipso furore licitantium in præceps abiere, qui & mediocris census virtutem excludunt, & tota opum mole eos honores redimunt, quibus ipsi tam immodicum precium fecere.

Vt vero quo generosius vina adolitura sunt, eo adhuc recentia turbulentius despumant; ita istius gentis, ad humanitatem, & cum senuerit prudentiam factæ, adolescentia ac juvenus, infano incautoque impetu ut plurimum fervet. Vana in ejusmodi ætate libertas, nunc jocandi, nunc ignotos pariter notosque laceffendi, & ubique titulos nimia securitatis affectans: Leves animi, & rumoribus rapti, jam impatientes ocii, moxque tumultus. Ostentatio libidinis supra naturæ desiderium inepta; tum incon-

sulti risus, neminique parcentes; vis etiam intra se irrequieta, per varium ac multiplicem tumultum erumpens. Quidam tamen in omnium exordiis rerum induunt non veram, & ideo majori specie subornatam prudentiam: Veluti matura sapientia compositi, verba tarde euntia deducunt, lento vultu, & astum cum humanitate fingenti. Ex re quoque factum nomen, ut adpellent frigiditatem. Sed & virtutis simulatio tunc est ingrata; nec diu tam scenica persona impatientem omnis veli levitatem abscondit. Media autem indoles, quæ nec Galliis certe deest, lætitia capacis animi exuberans, eique non efficta prudentia frenum imponens; ea demum omni precio major, & ad sapientiæ simulque hilaritatis imaginem exacta est.

Illud autem in Gallicis moribus, ac veluti factis triste, quod benevolentiam quam in sua regione hospitibus indulgent, extra patriam vix in suos cives expromunt. Quis credat in exteris terris tam humano populo non satis convenire? Aves quoque in caveam deductæ rostra & iracundiam vix stringunt; & societas fati peregrinationem ferarum conciliat extra sylvas quærentium prædam. Soli Galli quacunque in peregrino solo confederint, præsertim si miseri, & ad opem alienam conversi, sævissima æmulatione decertant. Tum occulta ludibria, livorque deformis, tum professa odia, & rixarum etiam ad peregrina tribunalia concives vocantium derisa improbitas. Sic inter se certantes nescio qua infamia apud imperitos inundant suam gentem, quasi in invidiam nata sit; exorsque quietis, ac amoris, quo unius patriæ cives arcana vi Natura conjunxit.

Et hæc Gallorum extra patriam suam labe. Adhuc autem fœdius in Galliarum visceribus peccant, qui passim tanquam gladiatores ad arenam damnati, subditis odiis, armisque privatis, ad ultima discrimina committuntur. Rem immanem, & ad istius seculi probum! leve jurgium, solaque altercantium ambitione increlens, aut revera innocens jocus, plerumque autem turbulenti ingenii præcipitatio ad famam, sæpe ad tristissimas cades, & familiarum orbitatem, lymphatam juventutem propellit. Hinc toties miserorum parentum intercepta consilia, spesque occisæ; & propemodum frustra pax in Galliis, que vix minus patricii sanguinis, quam si bello certatum publice esset in hac arena, hausit. Quæ hæc autem dementia? ritu ferarum, non ratione, sed impetu injurias ulcisci, rerumque suarum judicium permittere pene scenicæ arti, fortunæque sæpe fallenti ipsam artem; ut quicunque felicius, ille & justius arma sustulerit? Feræ gentes & ab ipsa venientes barbaria, Orbem supra aliquot secula suis moribus polluerunt. His authoribus quondam factum, ut in dubiis judiciis, cum utrimque argumenta essent obscura, armis litigantium crederetur. In circum arenamve dimissi pugnabant; victus pro nocente habebatur. & inde vesaniæ origo hanc ætatem infestans. quæ jam auctis finibus, cum olim in Magistratuum arbitrio esset, hodie ad privatorum libidinem desævavit. Isti tamen gladiatoria arti prætextus est, nescias magnificentia

an utilitate acceptior, peritia pugnandi. Nam cum arte gladio ferire, vel deflectere destinatos sibi ictus, quis neget ad rem militarem pertinere? Hoc Græci, Romanique, & omnis gens armis strenua cum ambitu quæsit. Nuuc vero non tanquam in angustia sese prementium cuneorum (ut in iustis præliis solet) sed veluti in aperta arenæ libertate, per cursus recursusque, per omnem corporis habitum, per longam & disparem oculorum manuumque fallaciam, quis non potius privatorum odiorum crudelitatem erudire, quam publicæ pietati suam fortitudinem parare videatur? Et vero nihil jam ad amentiam aut impietatem residuum in propinquos amicosque sævientibus. Sive sanguinis, sive familiaritatis jure conjuncti, non atrocibus injuriis, sed inani superstitione verborum, & promodum gratis, dissociati, alternò cruore imbuuntur: quodque ultimum furoris gradum putres, ne inter se quidem læsi, sæpe aliorum inimicitias tantum nefas tribuere amant, & in gratiam nihil ad se pertinentium odiorum se ipsos & amicorum charissimos immolant. quippe à pugnaturis qui perire soli nolunt, veluti ad theatrum aut scenam, ita ad hunc feralem ludum invitati, ultro subeunt; & quidquid hominibus aut dulce, aut charum est, violare non dubitant; ineptissimo desiderio famæ; ut jactentur magno vitæ contemptu in arenam processisse, id est, truculentissimum facinus ausi esse barbara ignoratione virtutis.

Sed hæc mala, & si quæ præterea maculæ se Gallicæ indoli interferunt, omninò donari eorum virtutibus debent, quos vel ætatis, vel sapientiæ pondus ita composuit, ne æstu patriorum vitiorum diripi possint. In iis egregia comitas; non fucata, aut insidiosè in hos ipsos quibus blanditur collocata. Non fraudibus, non secretis odiis vacant: Dignari singulos qui accessum aut notitiam petunt, & pro sua sorte unumquemque mulcere. Externo homini ad illorum consortium admissio satis erit, aperto scelere, aut nimia ineptia, non peccare: ut quidem alibi in alienos mores, ne tibi noceant, intentus sis; cum maturis autem & castigatis Gallorum animis te ipsum respicias. Nec aliquid in humana societate felicius, quam consuetudinis tam politæ erecta virilisque suavitas.

Atque hæc de moribus Gallorum in commune dicta sunt; nunc & particularia quædam ex D. T. V. Y. prosequamur.

Parisienses ingenio sunt humano, sed admodum mobili; lucri avidissimi, cujus causâ nihil non aggrediuntur. Olim quidem stupidi audiebant, verum nunc ita astuti sunt ut aliis illudant, quod an ingenii mutatione, an vero crebris parentum monitis, ob impostorum qui in illa urbe nidulantur frequentiam, accadat, difficile dictu fuerit. Fœminæ splendoris in vestibus, ad maritorum usque perditionem, avidæ; & virorum ut plurimum potentes. Vtrique tam mares quam fœminæ novitatum supra modum avidi. Atque hæc de oppidanis. ruricolæ autem supra modum feroces, & injuriarum impatientissimi, ob viciniam Parlamenti, cujus opem sibi paratam putant: iidem & peregrinos & iter agentes ar-

gento emungere, operæ pretium existimant; quare nusquam annona carior est quam in agro Parisiensi.

Carnutes humani sunt, inter se amantes & peregrinis propitii; religionis antiquæ tenaces; munifici in pauperes; & mercaturæ studiosi. Belsii à Carnutum moribus non multum abluunt, laboris tolerantes, & agriculturæ dediti.

Blœsenses à cœli clementia, ingeniorum uti videtur amœnitatem, humanitatem, & elegantiam trahunt, domi concordes, & peregrinis hospitaes; denique morum elegantia nullis Galliæ indigenis cedunt. Vindocini proxime ingenio & moribus ad illos accedunt. Aurelianienses comitis sunt moribus, & idiomate utuntur eleganti, verum sunt ingenio petulanti & mordaci, quod ipsis nomen *de Gueffins* meruit. Senonenses facili sunt ingenio, nec ita astuto ut reliqui Galli, superstitionum retinentes. Antistiodorenses ingenio quidem minime sunt malo, sed facile irritabili & ad seditiones proclivi; & rei faciendæ avido.

Campani & Bryenses ingenio dicuntur esse pertinaci; quare vulgo Capitones appellantur: sed qui hoc vitium disciplina exuerunt, humani sunt, & facile omnes patiuntur, omnibusque gratum faciunt.

Picardi non deteriori ingenio & moribus sunt quam reliqui Galli, sed supra modum prompti sunt; qua causâ factum ut iracundiores habeantur; genio amant indulgere, & ebrietate delectantur: ingenio sunt minime fucato, ita ut ipsis fidere liceat.

Turones non magis morum elegantia, quam fide in Principes suos laudantur; cujus, tempore Caroli VII. & nuper Henrici IV. luculentum vidimus experimentum. Cenomani laborum sunt tolerantes, industrii, nec facile capiuntur dolis, attenti ad rem; cæterum inter eos nobiles nascuntur tam præstanti virtute quam usquam in Gallia.

Andegavenses & Pictones, eleganti sunt ingenio; sed maxime Pictones; nam jocos ferunt cum quadam dexteritate: ruricolæ autem sunt astuti, & si verum dicendum est, scelesti.

Normanni cauti & dolosi; nullas externas leges ferunt, suarum ad pertinaciam usque retinentes: litium avidi, & omnium ambagum sciolli; quare à peregrinis vitantur: cæterum ingenio urbano, & ad omnes artes & scientias idoneo.

Britones (licet Ausonius dixerit, Nemo bonus Brito est) pro varietate locorum plus minusve sunt urbani; Nam qui maritima loca incolunt, paulo sunt rigidiores: cæterum omnes astuto sunt ingenio, etiam cum non videntur esse. Attenti sunt ad rem, & vini avidi, quem in finem popinas & cauponas frequentare solent: Natura autem videntur comparati ad odium Normannorum, uti illi ipsorum.

Petricorii corpore sunt agili, ingenio sobrio; paucis contenti; neque inurbani, ut à quibusdam judicantur, sed ad omnes artes juxta atque literas prompti. Nobilitas in primis omnium virtutum & humanitatis exemplar, oppidanos ad sui æmulationem provocat: fœminarum genus castum, & familiaribus negotiis attentum, nequa-

nequaquam vagum aut otiosum, idque magis sua sponte quam maritorum disciplina.

Limoges ut plurimum sobrii, & vini abstinentes, præterquam in oppidis. Attenti sunt ad rem. Cæterum valde unanimes inter se, ita ut sæpe videas supra centum unius cognationis in unis ædibus degere, tanquam in Cœnobio: laboris ut plurimum sunt tolerantes: sed unum & magnum illis est vitium, quod litium sint appetentes, & quod falsos testes mercari non vereantur: sed hoc Tullensibus potissimum imputatur. Nobiles ut plurimum inimicitias inter se certant, cæterà magnifici & generosi; quod postremum etiam oppidani imitantur.

Arverni supra modum callidi sunt, laboriosi, lucri cupidissimi, ideoque mercaturæ dediti; ut plurimum dolosi, rixosi & violenti, & cum quibus nolis tibi negotium esse. Nobilitas tamen humana, atque magnanima. Borbonii qua Arvernos attingunt, iisdem pene moribus cluunt; qui longius absunt, sunt humaniores.

Burgundiones, ingenio sunt aperto & facili, minimeque maligno; sese invicem inter amant, nec peregrinos dedignantur; affabiles atque honoris appetentes: Fœminæ munditiarum & ornatus cupidae, castæ tamen & maritorum amantes. Vulgus vino nonnihil largius indulget, & pene ad Germanorum modum.

Lugdunenses moribus sunt gratiosis, & licet simpliciores videantur, satis cati. Nullibi plures peregrini, præsertim Itali, Gallis permixti degunt quam in urbe Lugdunensi; unde indigenæ plurimum mores quoque peregrinos imitantur, præsertim splendorem Italorum.

Forenses supra modum cati sunt, & subdoli.

Delphinates, qui in oppidis degunt, ingeniosi sunt, affabiles, curiosi rerum indagatores; simulare & dissimulare suæti; gloriosi & ostentatores. Qui extra oppida degunt, fere duplicis sunt generis: Nam qui montana incolunt, rudes sunt, armis & laboribus non inidonei, ad literas neutiquam habiles. consuetudo illis est sub exitum autumnii plerosque qui laboribus apti sunt dimittere in varias partes, (*Bics* aut *Bisouards* vocant) ut labore rem faciant, & sub Pascha revertantur; atque ita sedulitate sua nonnumquam divitias acquirunt. Qui inter eos degunt è Nobilitate, postquam Gratianopolitanorum consuetudine uti cœperunt, reliquæ nobilitati jam nihil concedunt, quæ patentibus & planis campis degens inter Nobilitatem Galliæ urbanitate morum præcellit. Ruricolæ porro qui planicies incolunt, urbanioribus quidem sunt moribus, sed pigri & fugientes laborum. Nobilitati plurimum deferunt: apti militiæ magis quam agriculturæ. Virginum denique & fœminarum Delphinatium summum decus est, quod quum ingeniosissimæ & maxime affabiles sint, paucæ, aut nullæ inter illas reperiuntur impudicæ.

Provinciales supra modum sobrii sunt domi, fortes, verum inconstanti ingenio, avari, versipelles, & infidi. Loquaces sunt & meri ostentatores; arrogantes quoque & feroces, superiorumque minus observantes. Fœminæ pomposa ad Italicum pene modum. Ruricolæ quoque satis cati, ut ad res gerendas nati videantur.

Gallia.

Maritimi commerciis sunt deditissimi. In communi autem rythmis & cantilenis deditissimi sunt, & religionis suæ retinentes.

Lingux Occitanorum præcipui Tholosani, ad litteras nati videntur, ingenioque eleganti, sed moveri faciles & seditiosi; peregrinis parum humani: Catholicæ Romanæ religioni addictissimi, cæterum moribus minus castigatis. Carcassonenses, Montis-Pessulani, & Nemausenses ut plurimum sunt vani, ostentatores, & in se ipsis extollendis nimii; secreti prodigi, & nimium aperti. Viri juxta ac fœminæ comiti, & in vestitu atque ornatu ad vanitatem nimis sumtuosi.

Vivareses qui planiciem incolunt, quæ angustis satis limitibus continetur, seduli sunt agricolæ & vinatores, ita ut ne fœminæ quidem à laboribus vacent: nec deest vulgo industria, qua tam dextre utuntur, ut vix ullis Galliæ indigenis concedant. Nobiles inprimis ita comes sunt, & peregrinis quoque, præsertim iis qui virtute sua merentur, ita addicti, ut nusquam major honor virtutibus habeatur. Sed unum & maximum vitium in iis qui montana incolunt inolevit, ut nusquam majora latrocinia, nusquam frequentiora duella audiantur.

Velauni & Gabali à moribus monticularum Vivaresii neutiquam discrepant. Velauni quoque violentia & legum despectu Vivareses superant. Cæterum satis industrii, & gnavi ad rem faciendam.

Fuxenses laborum sunt tolerantes juxta atque inedia; ad quæ agrorum infœcunditate indurantur. Verum multi laborum pertæsi, turmatim sese latrocinii dedunt, iis tamen qui sponte sese spoliari patiuntur, minus metuendi; nam non raro tales ultro per avia in tutum deducunt.

Convenæ magis armis quam litteris dediti sunt, licet ingenio non minus valeant quam cæteri Galli; nec vestium apparatus aut pompam amant, mediocritate contenti, vulgoque omnia fugiunt quæ viros effœminant: fœminæ hic castæ, sobriæ, & domesticis negotiis sedulo vacant, desidiâ vitant, & conjuges suos unice amant; iisque obsequuntur.

Bigerrones ad arma nati videntur, ferox hominum genus & inurbanum, præterquam in convallibus: vulgus injuriarum impatientissimum ob levissimas causas in cædes & mutua exitia ruit. Nobilitas tamen comis, & manu prompta.

Vascones summo sunt ingenio, & qui quocunque se applicant, facile eminent; sed arrogantia intolerabili: quam licet interdum tegere cogantur, ubi se superatos vident, agre tamen dissimulant. Decora sua & ipsi prædicant, & lubenter ab aliis prædicari audiunt. Magnifice se extollunt, ubi se ignorari sentiunt. Avari sunt, & bonis juxta ac malis artibus rem student augere. Invidi quoque sunt, contemptores aliorum, atque adeo ingrati, cum obnoxii esse desierunt: & contra, erga eos quibus opus habent, supra modum dejecti. Nobilitas satis humana, & inprimis hospitalis inter se & erga peregrinos; sed feroci illorum irritabilique ingenio fit, ut convivia illorum plerumque in rixas & mutuas cædes desinant.

D

Bear-

Bearnenſes eleganti ſunt ingenio, humani & ſuo idiomate ſatis diſerti, fortes & libertatis amantiſſimi; cæterum arrogantiores & aliorum contentores. Nobilitas comis, bellicoſa: quæ-

que non tam veſtium ſplendorem, quam veram Virtutis laudem aucupetur; & non raro aſſequatur.

S E R I E S R E G V M G A L L I Æ.

Dividitur Ordo regum Galliæ ſecundum tres Familias. Quarum prima eſt *Merovingorum* incipiens à Pharamundo, vel (ut alii volunt) Waramundo, anno Chriſti 419. Secunda eſt *Carolinorum*, Pipino Rege, patre Caroli Magni, anno Chriſti 751. Tertia eſt *Capetorum*, ab Hugone Capeto, filio Hugonis Magni, Comitſ Parisienſis, Ducis & Conſtabilis Franciæ, anno Chriſti 988.

Prima Claſſis Regum Gallie.

I. Anno Chriſti 419 Pharamundus, Honorio & Theodoſio II imperantibus, regnat annos 11; fuit filius Marcomiri Ducis. Ioannes Tilius ſcribit, illum regnaſſe annos 20.

II. Anno Chriſti 430 Clodius ſive Clodius, cognomine Crinitus, & Comatus, regnat annos 18. Hic eſt Germanorum *Luitbeg* ſive *Luitbig*, (quaſi dicas *populi via*) qui Francos ex antiqua Francia, quæ & Franconia trans Rhenum, in Gallias duxit.

III. Anno Chriſti 448 Meroveus, alias Merovingus, (à quo dicta eſt Familia *Merovingorum*) Ioannes Tilius ſcribit, proprie dictum fuiſſe *Merowich*, regnavit ann. 10. Hic vicit Attilam Regem Hunnorum in Campis Catalaunicis, in Campania, ut vult Ioannes Tilius, & non in Languedocia, ut alii memoriæ tradiderunt.

IV. Anno Chriſti 458 Childericus I, filius Merovei. Hic duxit in uxorem Baſinam conjugem Regis Turingiæ; è qua ſuſtulit unum filium & duas filias. Regnavit annos 24, aut 26.

V. Anno Chriſti 484 Clodovæus Magnus, fil. Childerici; primus Rex Chriſtianus. Hic duxit in uxorem Clotildem filiam Chilperici, ſororem Gundebaldi Regis Burgundionum; è qua ſuſtulit quatuor filios: quorum primogenitus infans obiit; Childebertus fuit Rex Pariſiorum; Clodomirus Rex Aurelianenſium; Clotharius Sueſſionenſium. Clodovæus regnavit annos 30. Suſtulerat quoque è concubina filium Theodoricum, qui fuit Rex Auſtraſiæ; cujus Metropolis fuit Metz: & regnavit annos 23. Huic ſucceſſit fil. Theodebertus, annis 14. Huic fil. Theobaldus, an. 7: & obiit ſine hærede.

VI. Anno Chriſti 514 Childebertus Clodovæi fil. regnavit annos 46, ſecundum Tilius; & nullos mâculos hæredes reliquit.

VII. Anno Chriſti 560 Clotharius I, Clodovæi fil. primo Rex Sueſſionenſium: dein totius Franciæ. Hic ſecundum Tilius regnavit annos 50; & è pluribus uxoribus & concubinis plures liberos ſuſcepit: quorum quatuor mares ipſi ſuperſtites fuerunt, & regnum inter ſe diviſerunt. Charibertus fuit Rex Pariſiorum: Guntrannus Aurelianenſium: Sigisbertus Auſtraſiæ: Chilpericus Sueſſionenſium.

VIII. Anno Chriſti 565 Charibertus, aliis Aribertus, Rex Pariſiorum; regnavit annis 19, & nullos liberos mares reliquit.

Guntrannus Rex Aurelianenſium, itidem ſine hæredibus obiit, poſtquam regnaſſet annos 33, anno Chriſti 593.

Sigisbertus Rex Auſtraſiæ, itidem obiit, poſtquam regnaſſet annos 14. relicto filio Childeberto.

IX. Anno Chriſti 574 Chilpericus I, fil. itidem Clotharii I, Rex Sueſſionenſium; qui plures quidem filios ſuſtulit, ſed unus tantum illi fuit ſuperſtes Clotharius.

Childebertus II, Rex Auſtraſiæ ex hæreditate paterna, quippe filius Sigisberti, & teſtamento Avunculi Guntranni, Aurelianenſium: obiit poſtquam regnaſſet annos 17. Et ſucceſſit filius Theodebertus II; qui regnavit annos 17. Huic ſucceſſit frater Theodebertus, primo Rex Aurelianenſium; & regnavit ann. 18.

X. Anno Chriſti 588 Clotharius II, Grandis dictus, rurfus totius Franciæ Rex: regnavit annos 44, & obiit anno 630, ſecundum Tilius.

XI. Anno Chriſti 630, aut, ut alii, 632, Dagobertus I: cui quidam cognomen Magni tribuunt, regnavit annos 14.

XII. Anno Chriſti 646, ut Tilius, 644, Clodovæus II. Sed Tilius vocat primum, ſecundum vulgarem errorem. Qui toti Franciæ præſuit, præter Auſtraſiam, cui Pater nothum ſuum Sigisbertum præpoſuerat. Regnavit Clodovæus annos 18, & reliquit tres filios, Clotharium, Childericum, & Theodoricum.

XIII. Anno Chriſti 663 Clotharius III, Rex Neuſtriæ & Burgundiæ, regnavit annos quinque, aut, ut alii, tantum tres. Ab hoc regni Gallici adminiſtratio & ſuprema authoritas penes Maiores Domus ſive Præfectos Palatii eſſe cœpit, ſolo fere nomine Regibus relicto; de qua re vide Eghinartum in vita Caroli Magni.

XIV. Anno Chriſti 668 Childericus II, primum Rex Auſtraſiæ, dein totius Franciæ poſt obitum fratris; & regnavit 11 annos, ſecundum Tilius; alii volunt, XIV.

XV. Anno Chriſti 680 Theodoricus III, fil. Clodovæi, poſt fratris mortem totius Franciæ Rex: qui regnavit annos XVII, ſecundum Tilius. Sub eo Pipinus Præfectus Palatii fuit per totam Franciam.

XVI. Anno Chriſti 694 Clodovæus II, Tilio; aliis III, f. Theodorici; regnavit annos 3. Pipino Præfecto Palatii.

XVII. Anno Chriſti 698 Childebertus III, Tilio, aliis II, cognomento Iuſtus, fil. Theodorici: regnavit annos XVII, ſecundum Tilius; alios, XVIII.

XVIII. Anno Chriſti 716 Dagobertus II, fil. Childeberti III; regnavit annos quatuor. Ipſo adhuc ſuperſtite per ſeditionem electus fuit in Regem frater illius Daniel, Clericus, & à ſuis dictus

Secunda Claſſis regum Franciæ.

dictus Chilpericus II. cujus Præfectus Palatii fuit Carolus Martellus.

xix. Anno 720 Clotharius IV. (quem Carolus Martellus videri volebat filium Theodorici III.) & regnavit annos duos.

xx. Anno 726 Theodoricus IV, filius Dagoberti II, regnavit annos xv, eodem Martello Præfecto Palatii.

xxi. Anno 741 Childericus III, Theodorici fil. Sub tutela Pipini & Carlomanni Præfectorum Palatii, regnavit annos vii. dein sub Pipino solo annos duos: & postquam novem annos veluti per ludibrium regnasset, anno 751 destitutus & tonsus fuit.

Alii Chilpericum II inter Reges numerant, atque ita numerum expleant xxii.

xxiii. Anno 751 Pipinus cognomento Exiguus five Brevis, consensu Nobilium & plebis, cum approbatione Zachariæ P. R. (ut volunt) regnum occupavit, & illud obtinuit annos 16, menses 4. Carlomannus minor natu illius filius, coronatus in oppido Sueffionum, eam partem regni obtinuit quam patruus illius Carlomannus nomine Præfecti Palatii obtinuerat. Sed cum anno 771 obiisset; frater illius major natu Carolus totum Regnum crevit.

xxiv. Anno Christi 768 Carolus cognomento Magnus, Pipini fil. regnavit annos 47, secundum Tilius; fuitque Imperator annos 14.

xxv. Anno Christi 814 Ludovicus I, cognomento Pius, Caroli fil. Rex & Imperator; regnavit annos xxv: è duabus uxoribus plures filios fustulit. Primogenitus illius fuit Lotharius, post patrem Imperator Germanorum; qui & possedit partem Franciæ & Burgundiæ, adeoque Provinciam. Hic monasticam vitam amplectens, reliquit Ludovico majori natu filio suo Imperium & Italiam, Lothario II Lotharingiæ regnum, Carolo regnum Burgundiæ & Provinciam; quo defuncto sine hæredibus, Ludovicus Provinciam, Lotharius Burgundiam crevit. Lotharius quoque sine hæredibus masculis decessit, & regnum illius patruus illius dividerunt. Secundogenitus Ludovici Pii fuit Pipinus Italiae Rex; qui patre adhuc superstite obiit, & reliquit duos filios, Pipinum Regem Aquitaniæ, & Carolum; qui ambo ab Patruo Carolo regno & Dominiis privati sunt.

xxvi. Carolus II, Calvus dictus, tertio-genitus Ludovici Pii filius, post patris obitum per partitionem inter fratres accepit regnum Franciæ. Regnavit post patris obitum 38 annos. obiit anno 878.

xxvii. Anno 878 Ludovicus II, cognomento Balbus, Caroli Calvi filius, regnavit annos duos.

xxviii. Anno 880 Ludovicus III, & Carlomannus, filii nothi Ludovici Balbi regnum inter se dividerunt. Carlomannus accepit Burgundiam & Aquitaniam; Ludovicus reliquas provincias. Hic obiit anno 884, & solus regnavit Carlomannus, qui non diu superfuit.

xxix. Anno 885 Carolus cognomine Crassus, Germanorum Imperator. In regnum accersitus fuit ut Normannorum invasioni occurreret, qui postea tam regno quam imperio inutilis

factus, Imperium Arnulpho cognato suo cessit, anno 890; postquam in Gallia regnasset annos quinque.

xxx. 890 Odo, Comes Andegavensis, licet non esset è genere Caroli Magni, per seditionem fuit coronatus: & postquam biennium toti Franciæ præfuisse, in Aquitaniam fuit conclusus: obiit anno 899.

xxxi. Anno 892 Carolus III, cognomine Simplex, coronatus fuit Rhemis, ætatis anno xii. quicum multis miseriis conflictatus fuit; & obiit anno 929, postquam tantum xi annos sui juris regnasset: ipso enim superstite contra illum fuit coronatus Robertus frater Odonis Regis Franciæ: quo cæso in prælio Sueffionensi, anno 923, fuit Rex Franciæ coronatus Radulphus Gener Roberti illius Regis (ut scribit Tilius) & cognatus Regis Caroli. alii scribunt fuisse filium Richardi Ducis Burgundionum, & fratrem Odonis; & regnasse an. 2.

xxxii. 929 Ludovicus IV, dictus Ultramarinus, fil. Caroli Simplicis: ab Hugone Magno Comite Parisiensi ex Anglia in Regnum revocatus; & Laoduni coronatus: Hugo autem Palatii Præfectus Regem obnoxium tenuit, & nonnumquam bello petivit, atque etiam captivum habuit. Obiit hic Rex anno 954, postquam 25 annos regnasset, ut scribit Tilius.

xxxiii. 954 Lotharius Ludovici fil. Hugone annitente coronatus Rex. Hugo autem obiit anno 955: neque propterea Regis autoritas aucta fuit, filiis illius Regni negotium facessentibus. Anno 960 Hugoni Capeto munus Præfecti Palatii concessit, & Pictaviensem provinciam; fratrem autem illius Othonem creavit Ducem Burgundiæ. Decessit Rex anno 986, postquam 32 annos regnasset.

xxxiv. Ludovicus V, Lotharii fil. Patre adhuc superstite Rex coronatus. Patre defuncto vix annum superfuit, veneno, ut creditur, extinctus ab iis qui regno inhiabant.

xxxv. Anno 988 Hugo, cognomento Capetus coronatus fuit Rex Franciæ Novioduni, erat autem primogenitus Hugonis Magni, Comitis Parisiorum: regnavit annos novem.

xxxvi. 997 Robertus filius Hugonis: regnavit annos 34, secundum Tilius; obiitque anno 1030.

xxxvii. Anno 1030 Henricus I, Roberti filius, regnavit annos 30.

xxxviii. Anno 1061 Philippus I, Henrici filius, vivo patre coronatus anno 1059, regnavit annos 49; obiitque anno 1109.

xxxix. Anno 1109 Ludovicus VI, cognomento Crassus, Philippi filius, Aureliani coronatus: regnavit annos 28: obiit Parisiis anno 1137.

xl. 1137 Ludovicus VII, dictus Junior, vivo parente coronatus, unde illi agnomen: regnavit annos 43: obiit anno 1180.

xli. Anno 1180 Philippus II, cognomine Augustus, Ludovici filius, patre superstite coronatus; regnavit annos 43: obiitque anno 1223.

xlii. Anno Christi 1224 Ludovicus VIII, Philippi II fil. Hic vivente patre in regnum Angliæ à Baronibus fuerat vocatus contra Ioannem Angliæ Regem; sed Ioanne defuncto & turbis sedatis, in Galliam fuit remissus: regnavit annos

Secunda
Classis re-
gum Fran-
ciæ.

Tertia Clas-
sis Regum
Franciæ.

annos 3, & menses 4: obiitque anno 1226.

XLIII. Anno Christi 1226 Ludovicus IX, cognomine Sanctus, regnavit annos 44: obiitque in Africa anno 1270.

XLIV. Anno Christi 1270 Philippus III, cognomine Audax, fil. S. Ludovici; coronatus per Episcopum Sueffionensem, Rhemenfi sede vacante, regnavit annos xv; obiitque anno 1285. Ab hujus filio tertio genito Carolo stemma Valesiorum deducitur.

XLV. Anno Christi 1285 Philippus IV, cognomento Bellus, coronatus Rhemis. Hic duxit in uxorem Ioannam heredem Regni Navarra: regnavit annos 28: obiitque anno 1314.

XLVI. Anno Christi 1315 Ludovicus X, cognomento Hutinus, Philippi Belli F. coronatus fuerat Rex Navarra anno 1307, & Francia anno 1315 Rhemis. Illius filia Ioanna nupsit Philippo Comiti Ebroicensi; qui uxoris nomine factus est Rex Navarra. Regnavit annum unum, menses 4; obiitque anno 1316.

XLVII. Anno Christi 1316 Philippus V, cognomine Longus, filius Philippi Pulchri secundogenitus, regnavit annos 5, obiitque anno 1321. Hujus filia major natu Ioanna nupsit Eudoni III Duci Burgundiæ, & in familiam illam intulit Comitatum Burgundiæ & Artesiæ: sed Comitatus illi per obitum nepotis illius Philippi redierunt ad Margaritam secundogenitam filiam ejusdem Regis Philippi Longi; quæ nupta fuit Ludovico Comiti Flandriæ; è quo connubio nata est Margarita Flandrica, conjux Philippi Francici, Ducis Burgundiæ; atque uterque Comitatus descendit ad Domum Burgundicam secundi Stemmatis, non sine controversia.

XLVIII. Anno Christi 1321 Carolus IV, cognomine Pulcher, frater Philippi Longi, coronatus Rhemis, regnavit annos 6, & aliquot menses; obiitque anno 1327.

XLIX. Anno Christi 1328 Philippus VI, cognomine Valesius, Philippi Audacis è Carolo filio nepos, coronatus Rhemis, regnavit annos 22 & quinque menses; obiitque anno 1350.

L. Anno Christi 1350 Ioannes Philippi Valesii F. coronatus Rhemis. Hic in proelio captus à Principe Walliæ, captivus in Angliam fuit ductus. Regnavit annos 14: obiitque Londini anno 1364. Hujus filius secundogenitus factus fuit Rex Siciliæ & Neapolis. Philippus autem ejusdem filius Dux Burgundiæ duxit Margaritam Flandricam, de qua supra diximus.

LI. Anno Christi 1364 Carolus V, cognomine Sapiens, Ioannis filius, coronatus Rhemis; regnavit annos 16; obiitque anno 1380. Hic sacras literas in linguam vernaculam Francicam verti curavit à Nicolao Oresmio; & regnum, quod Angli pene totum occupaverant, recepit.

LII. Anno Christi 1380 Carolus VI, Caroli V fil. coronatus Rhemis. Ejus filia ultima Catharina nupsit Henrico VI Regi Angliæ; quem Rex heredem Regni instituit, filio Carolo exheredato. ab eo tempore Reges Angliæ, Francia se quoque reges scripserunt, & lilia scuto suo admiscuerunt. Regnavit Carolus annos 42; obiitque anno 1422.

LIII. Anno 1422 successit Carolus VII, co-

gnomine Victor; sed primum fuit coronatus Rhemis anno 1428: regnavit annos 39; obiitque anno 1461.

LIV. Anno Christi 1461 Ludovicus XI, Caroli VII filius, coronatus Rhemis, regnavit annos 22, obiitque anno 1483.

LV. Anno Christi 1483 Carolus VIII, cognomine Exiguus, Ludovici XI filius, coronatus Rhemis. Hic duxit in uxorem Annam heredem Britannia, promissam Maximiliano Imperatori. Regnavit annos 14; obiitque anno 1498.

LVI. Anno Christi 1498 Ludovicus XII, ante Dux Aurelianensis, Pater populi cognominatus. Sanguine proximus Carolo VIII. Quippe Carolus V Franc. R. filium habuit Ludovicum Ducem Aurelianensem, qui duxit in uxorem Valentianam, filiam Ioannis Galeatii Ducis Mediolanensis; cui natus fuit Carolus Dux Aurelianensis, pater hujus Ludovici XII. Porro Ludovicus hic divortio facto cum Ioanna fil. Ludovici XI, duxit Annam Britannicam viduam Caroli VIII; è qua nulli mares supervixere. Postremo duxit Mariam filiam Henrici VII Angliæ Regis. Regnavit annos 17; obiitque anno 1515.

LVII. Anno Christi 1515, Franciscus I, cognomento Valesius, coronatus Rhemis; antea Dux Angolefmenfis: proximus agnatus Regis defuncti; nam Carolus Pater Ludovici XII fratrem habuit Ioannem Aurelianensem, Comitem Angolefmensem; qui 23 annos in Anglia obses fuit; & filium habuit item Carolum, qui duxit in uxorem Ludovicam Sabaudam filiam Comitis Segusianorum & postea Ducis Sabaudia; è qua ipsi natus Franciscus hic. Qui varia fortuna regnavit annos 32, obiitque anno 1547. Princeps vel hoc nomine ab omnibus literatis laudandus, quod linguarum artiumque liberalium studia expulsa barbarie restituit, & literatos singulari amore complexus fuit. Vxor illi fuit Claudia, Ludovici XII filia, Ducissa Britannia.

LVIII. Anno Christi 1547 Henricus II, Francisci filius, coronatus Rhemis eodem anno. Hic duxerat in uxorem Catharinam de Medices, è qua ipsi nati quinque filii & totidem filia: regnavit annos 12; obiitque anno 1559.

LIX. Anno Christi 1559 Franciscus II, Henrici II fil. primogenitus, coronatus Rhemis. Hic duxit in uxorem Mariam Reginam Scotia; è qua nullos liberos sustulit. Obiit ætatis suæ anno 23, postquam regnasset sedecim menses.

IX. Anno Christi 1560 Carolus IX, Henrici II filius, coronatus Rhemis. Hic duxit in uxorem Elisabetham Austriacam, Maximiliani Imperat. filiam: è qua tantum unam filiam sustulit, regnavit annos 14; obiitque anno 1574.

LXI. Anno Christi 1574 Henricus III, Caroli IX frater, relicto regno Polonia quod paulo ante adierat, in Galliam reversus, coronatus fuit Rhemis anno 1575. Duxit in uxorem Aloisiam Lotharingam Comitis Vaudemontii filiam: è qua nullos liberos suscepit. Regnavit annos quindecim, menses duos, cum variis miseriis, & continuis pene bellis civilibus, & domesticis seditionibus colluctatus; & tandem à Pontifice Romano censuris Ecclesiasticis percussus ob Guisii cadem, & sacris prohibitus, à Monacho Domi-

Dominicano Iacobo Clemente fuit occisus anno 1589. Princeps raris ingenii & corporis dotibus ornatus, quas ignavo otio & per desides voluptates fere corruptit. In hoc Valesiorum familia defecit.

LXII. Anno Christi 1589 Henricus IV, cognomento Magnus, Anthonio patre, matreque Iohannâ Albrettâ vitâ defunctis, Navarra rex factus, Gallicam quoque indeptus coronam, ut qui Henrici III regis hæres proximior, licet ipsum vigesimo demum & primo consanguinitatis gradu attingeret, Christianissimus Galliarum, ejus nominis IV, rex salutatus & inauguratus fuit. Tum quidem Navarra, Franciaque sub uno eodemque capite coaluerunt rursus; ut pridem, trecentos ante annos, sub Philippo Pulchro, ejusque tribus filiis unitæ leguntur fuisse; à cujus primogenito Ludovico Hutino, ejusque filia unica, Iohanna (quæ regiæ Eburovicensi stirpi, per matrimonium juncta fuerat,) Henricus Magnus, variis tamen gradibus, maternum trahebat ortum: quo etiam nomine ad regium Navarra fastigium, hereditario jure conscenderat. Magni quidem Monarchæ huic momenti tantus videri potuit ortus, at majoris tamen, si illustri sibi congenitarum virtutum splendore coruscaret: quo ipsi sacra- retur Æternitati. Et ejus quidem vita, singulari semper subnixâ Dei favore, prodigiorum plena, solidæ gloriæ, trophæorumque curriculum perpetuum fuit: sibi quippe confirmavit, auxitque & acquisivit potentissimum hoc regnum, factionibus scissum, & jam jamque penè ruiturum. Generositate sua, Iustitia, prudentiaque & Clementia armis semper victricibus feliciter junctis, regium sibi Diadema victor gloriofus asseruit, populorumque in partes abeuntes voluntates unuit, regnumque ipsum pristina Majestati splendorique restituit: quantumlibet Hispaniæ, Italiæ, Sabaudiaque, Lotharingiæ etiam & Flandriæ obstarent conspirationes. quo, illustribus ejus moliminibus dissipatis, ipsa etiam regni basi succussa, & Salica lege abolita, exteræ profapiæ rex eligeretur. Merito ergo suo, celebratissimis, summisque, quos veneranda nobis Antiquitas commendat, Imperatoribus, regibusque adcen- setur; æquiparandus Cyro, Persici fundatori Imperii; & Alexandro Magno; Iulio item Cæsari, Augusto, Constantino, Clodovæo, Carolo Magno, Othoni I, & Henrico IV, Imperatori- bus: quos Principes, Magnorum cognomen heroicis suis facinoribus, assecutos, testantur Histo- riæ. Quod idem, eadem de causa, sibi prome- ruit Henricus noster. Eorum, quos diximus Prin- cipum ultimus, 62 interfuit ipse conflictibus: at vero Henricus IV, Heros, qui mundo im- peraret universo, dignissimus, septem præliis quàm acerrimis, 125 pugnis, & 200 urbium di- versarum obsidiis; quas etiam maximam partem feliciter expugnari coràm vidit. Clauso etiam Iano, pacisque desiderio affulgente sidere, ci- vitatum politias ritè administrandas constituit, tumultus pacavit, ametrias ordinavit, magnificis urbes exornavit ædificiis; scientias, artesque li- berales docendas curavit, earundem fautores, ac præstites promovit, dotavitque stipendiis li-

Gallia.

beraliter: mechanicas artes, commerciaque, vigori suo restituit: portus marinos navibus in- struxit: urbes omnigenis apparatus bellicis munitissimas reddidit, & armamentariis suis pro- vidus prospexit. Palatium regium, *le Louvre* di- ctum, & *les Tuilleries* Parisiis restauravit, exorna- vitque: laudatissima itemque loca, dicta *Fontai- ne-Bleau*, *S. Germain en Laye*, *Blois*, *Vernueil*, & *Mon- ceaux*, regia vere magnificentia perpolivit: an- nexuit coronæ Franciæ Dominatus Bearnen- sem, Domesanum, Ducatus Vindonicensem, Bel- limontensem, & Albretensem; Comitatus Ro- verguensem, Foxiensem, Bigorrensem, Arma- gnacensem; Marlensem, Perigordiensem, Vi- cecomitatus; *Tartas*, & Limaicensem, plures- que alios, præter Comitatum illustrem Breſſaun, vicinasque ei terras. Vxorem duxit, primam, Augusto mense, 1572, Margaretam, Henrici II Galliarum regis, filiam natu minimam: sed nulla ex hoc conjugio subsecuta prole, ex autoritate Ecclesiæ, & utriusque assensu libero, dissolu- tum matrimonium hoc fuit. Vnde rex Henricus alteram sibi duxit conjugem, Mariam de Medi- cis, Francisci, Magni Tolcanæ Ducis, & Ioannæ, Archiducis Austriæ, natæ Hungariæ Bohemiæ- que regiæ filiam: quæ quidem Imperatorum filia, soror, amita, neptisque fuit. Ex hoc suscep- tit Henricus Ludovicum Iustum ejus nominis XIII, Galliæ regem; N. Franciæ, quadrien- nem denatum; Gastonem-Ioannem-Baptistam, Aurelianensem, Carnotensem, & Valesium Du- cem, Comitem Blesensem, Franciæ Parem, &c. Elisabetham Franciæ, Hispaniæ reginam; Chri- stinam Franciæ, Sabaudia Ducem, & Cypri reginam; Henricam-Mariam, Magnæ Britannia reginam, &c. Dum vero Magnus ille Henricus, omnia quæ ad regios regiæ suæ Parisiis exci- piendæ apparatus facerent, quam magnificentis- sime instrui curaret, monstrum hominis, sica- rius scelestissimus, nefandas manus regio san- guine polluere non dubitavit, a. d. Maji 14 anni 1610, quo è vulnere regum maximus occubuit; inter suos quidem, at vero subditis omnibus ma- xime deploratus, totiusque Mundi Monarchis omnibus flebilis: vitam, quam toties Franciæ suæ bono prodegerat, morte insperata, & tanto capite indigna, relinquens. Obiit vero ætatis suæ anno 57, mense quinto, die uno: regni Gal- liæ anno 20, mens. 10, dies 18; Navarra 38 anno.

LXIII. Anno Christi 1610, die 18 Octobris Ludovicus, ejus nominis XIII, cognomento Iustus, Henrici Magni filius, post funestissimum Patris obitum, Rhemis in regem coronatus. Majorennis declaratur die Octobris secundo, anni 1614. Post Annam Austriacam, Hispaniæ Infantem, Philippi III, regis Catholici mayo- rem natu filiam, duxit uxorem; eopse etiam tempore, Elisabetha, Ludovici soror, regi Phi- lippo IV desponsa fuit; etiamque Hispaniæ Le- gatis commissa. Anna Augusta, Christianissima jam regina, Burdegalam ubi appulit, nuptiarum solemnitates ibi consummata sunt, eas exequen- te in æde divo Andrea sacra Episcopo Gallo-Me- diolanensi. Plurimi Principum, anno 1616, aulâ regiâ insensis animis secesserant; in quos tres exercitus rex conscripsit, in Picardia, Campania,

E

Niver-


Nivernensique Provinciis: tertium tandem funesto hoc incendio feliciter extincto, pace etiam, morte Concino Concini, Marechalli Ancraei, hominis fastuosissimi, & inquieti plane animi, (qui nimium quantum sibi arrogans authoritatis peregrinus, Gallici regni res turbare annis fuerat,) populis suis reddita; anno tamen 1619 novis obortis tumultibus Gallia concussa est, idque reginae Mariae, regis matris, occasione: multo autem feralior inquietiorque Franciae illuxit annus insequens 1620; ut vero tempore ignem hunc rex restingeret, Normanniam petit quam citissimus, Principe Condæ comitatus, Rothomagus sui juris fecit, Cadomumque & Alençonium sub obedientiae jugum reduxit: hinc Andegavum tendit, domatque rebellantes gloriosa victoria, conferto praelio proxime Pontem Censem ad Ligerim; unde factum, ut regina, regis mater, sui que aetate, ipseque rex, laetis animis, reconciliarentur. Rex tum Bearnenses repressit: adeoque, subditorum suorum bono, utramque Parlamenti Curiam uniit; quarum una à S. Palatio cognomen sortita, Navarra Inferioris: altera Pauensis dicta, Bearniam spectans: & ex utraque, unam solum conflavit Parlamenti Curiam, suprema donatam potestate, in civitates Pauensi sede ejusdem stabilita. Navarra etiam Bearniaque Status Franciae deinceps Coronae annexuit. Exin civitates Salmurium, Pictavium, *Iargeau*, Vitraum, *Pontorson*, *S. Iane d'Angely*, (quam quidem, in rebellionis suae poenam, ac monumentum perpetuum, solo æquari iussit) *Pons*, *Chastillon*, *S. Foy*, *Bergeracum*, *Cleracum*, *Monbeurium*, *Rieux*, Pictaviae inferioris peninsulam, Royanum, Montispeffulum, plurimasque alias, in Languedocio, Pictavia, Aquitania, aliisque provinciis magni passim nominis urbes sibi rex asseruit. Hoc ipso etiam tempore, navali rex potitus victoria, de Rupellenfibus triumphavit; sub ductu Ducis Guisii, Ducis item Rochefoucautii, Comitissae Iogniaci, supremae classis Praefecti: Generosi item Ioannis Bonnetti, Domini in Toiras, auspiciis, qui, Castrum S. Ludovici regius constitutus Praefectus, hostilibus copiis strenuus restitit, easque, animosus heros, repressit. Tandem, tot trophaeis coronatus, Ludovicus Rex, & tot splendidissimis potentiae suae exhibitis monumentis, pacem, quam uno ore omnes enixe efflagitarant, ad regios projecti pedem, concessit rebellibus rex munificentissimus. His ita domi constitutis, bellisque civilibus feliciter sopitis, extra Galliae limites, regno suo prospiciendo, animum adjecit Ludovicus Iustus: Bello illo, toti Germaniae funesto, flagrante, aliquot Germaniae Principibus copiis suis auxiliatricibus succurrit. Vnde anno 1632 Elector Trevirensis, Philippus Christophorus, munitissimum castrum Hermenstei-

nium in Ludovicum Regem transtulit: quod Philippiburgum paulo post subsecutum. Occupavit item plures Alsaciae civitates, Colmariam, Hagenoam, Tabernam, Manhemium, Schlettadium; Lotharingiae item urbes, ac Ducatus Bar dicti non paucas, Motham, Mussipontum, Vic, Mojenvicum, Marfal, & Clermontium in Argonna; Nancyum item, magni momenti urbs; *Liverdum*, aliaque se ei dederunt. Anno 1633 Parlamenti Curiam Metis crexit, quae postea Tullium translata est. Anno 1635 Regi Catholico bellum indixit, conscriptis quinque exercitibus; Palatinatus urbem Bingium expugnavit; Corbiam, Royam, locumque dictum *le Chastelet*, Picardiae urbes, Hispanis occupatas, recuperavit; Insulas etiam S. Margarethae, & S. Honorati: prope Rhénofeldiam Imperialem cecidit exercitum; captis summis eorum Praefectis, Savellio, & Ioanne Wertio; Friburgo etiam Brisgoviae, Rhénofeldioque civitatibus expugnatis. Brisago itidem ad Rhenum non infima notae civitate dedita: Neostadium, Crucenacum, Confluentiam cepit: Leganezium Marchionem compulit, Casali obsidium solvere; civitatemque Taurinum sui juris fecit. Hesdinum Artesiae anno 1639 occupatum, & ipsa Artesia anno subsequenti Gallici juris facta, regionis metropolis, una cum Ayra, Bapaumia, & Bassea civitatibus. Comes Guebriantius, Franciae Marechallus, Caesareanos proxime Kempenam cecidit; ubi Praefectus Lamboyus captivum se sistere coactus est. His & compluribus aliis, variis in Orbis partibus, gloriose reportatis tropheis, victoriisque insignibus, fatalem suum vidit diem idem Ludovicus Iustus, a. d. 14 Maji, anni 1643, regni sui 32, aetate 41 mens. 7 & diebus 18, cum se Delphini, Ludovici XIV, Deodati, (anno 1638, Septembri 5 nati) & Philippi, Andegavensis tum, hodie vero Aurelianensis Ducis, Parentem vidisset.

LXIV. Anno Christi 1643, Ludovicus XIV, Deodatus, in regnum successit, sub tutamine regimineque Matris Augustissimae, Eminentissimo Cardinale Mazarino res regni feliciter moderante; ex praelio ad Rocroyum, 10 Augusti, 1643, ductu Ducis tum Anguyensis, Principis hodie Condæ, gloriosus evasit victor; quod subsecutae Theonisvillae, Virronii, Circi, & castrum Aimerii deditiones. Anno 1644 Patruus regis, Aurelianensis Dux, Gravelina potitus est. Sed quid omnia enarrem? anno 1652, majorennis declaratus, celsissimi animi specimina indubitata edidit jam compluria. Mariam Terefam, regis Catholici Philippi IV filiam natu majorem, matrimonio sibi junxit anno 1660 Julio mense, rex Augustissimus; quae quidem, Numine propitio, Galliae potentissimae, Serenissimum spondere videtur Delphinum.

Præfectura Urbis, & Agri
P A R I S I E N S I S,
 vulgo
L'ISLE DE FRANCE.

Nomen.



Amplissimum illud
 & celeberrimum
 Franciæ nomen,
 universo quidem,
 quod Franci incolunt,
 regno convenit;
 attamen singulari
 nonnumquam
 Provinciæ attribu-

tum reperitur, quæ per excellentiam,
 & peculiari velut merito Francia nominatur,
 tum quia centrum sit & umbilicus
 ceterarum Franciæ Provinciarum;
 tum vel maxime, quod ab antiquis
 temporibus Regum ipsorum ordinarius
 fuerit secessus. Ipsa vero, quæ de nunc
 agimus, Provincia in Præfecturam eve-
 cta, atque *Insula Francia*, honoratissimo
 titulo appellata, nequaquam olim usque
 adeo, ut impræsentiarum suos fines
 dilatavit; etenim ipsam solum Lutetiam
 Parisiorum amplectebatur, tractumque
 illum, qui Sequanam, Matronam, Isaram
 atque Iuinam fluviis interjacet; qui etiam
 communiter Parisiensis ager, vulgò *le Paris*,
 seu *Isle de France* nuncupatur; hanc
 autem postea Reges extenderunt, ex
 hac quidem parte usque ad terminos
 Veromanduorum, ex altera verò usque
 ad Senonense & Carnotense territoria,
 ac denique ad flumen Eptense, quod
 Normanniam circumscribit. Hos itaque
 nunc limites sortitur, ab Ortu quidem
 Brioniam; à Meridie Belsiam, seu
 Carnotense territorium; Cauxense ab
 Occasu; ac demum à Septentrione
 Picardiam.

Fines.

Tanta est hujus Præfecturæ amplitudo,
 ut quindecim comprehendat Baillivatus,
 quorum hæc series:

1 Comitatus, Vicecomitatus, & Præfectu-

ra Parisiensis.

- 2 Baillivatus Veromanduenfis.
- 3 Baillivatus Silvanectensis.
- 4 Baillivatus Claromontensis in territorio Bellovacensi.
- 5 Baillivatus Calvimontii, Chaumont en Vexin.
- 6 Baillivatus Valesius.
- 7 Baillivatus Melodunensis.
- 8 Baillivatus Namurensis.
- 9 Baillivatus Monfortensis, Monfort-l'Amaury.
- 10 Baillivatus Mantensis & Meulanensis.
- 11 Baillivatus Dourdanensis.
- 12 Baillivatus Bellovacensis.
- 13 Baillivatus Sueffionensis.
- 14 Baillivatus Dreccensis, de Dreux.
- 15 Baillivatus Mainiensis, de Magny.


Eandem vero Præfecturam alii alio modo dispertunt, in regiones scilicet varias, & tractus diversos; hoc autem ordine decem computantur:

- 1 Regio Parisiensis, le Paris, seu *Insula Francia*.
- 2 Hurepensis.
- 3 Gastinensis.
- 4 Yvelinensis, Forest d'Yveline.
- 5 Tractus Dreccensis, Dreux.
- 6 Vexinensis, le Vexin-François.
- 7 Bellovacensis.
- 8 Valesius.
- 9 Sueffionensis.
- 10 Laudunensis.

Quod autem nostri est instituti, ex una regione in aliam, juxta cujusque vicinitatem, gradum faciemus; utque indefessi sensim illas perspiciamus, modico in unaquaque earum spatio quiescemus, lustraturi nempe obviam quidquid singulare, eximium, & memoria dignum occurrerit.



R E G I O P A R I S I E N S I S.



Parisi.
Παρισιος.

Parisienſis regio, quæ Franciæ Inſula vulgo nominatur; totum hunc complectitur tractum, quem populi olim à Latinis *Parisi*, à Græcis vero *Παρισιος* dicti, infederunt. Illos Iulius Cæſar memorat libro Commentariorum ſexto, afferens fuiſſe Senonum finitimos, cum iſſque fœdus iniſſe: ſeptimo autem libro, quæ junctis fœderatorum viribus, Camulogeno Duce, bella geſſerint, exaravit. Strabo, Ptolemæus, alique Geographi ad Sequanam fluvium eorundem ſedes aſſignant.

Nomen.

Exuſtæ olim Trojæ cineres fodicant nonnulli, quo altius rationem Pariſiorum nominis exquirant, à Paride ſcilicet Priami regis filio; alii à Paride altero, Romi cujuſdam nato, quem priſco ſæculo Gallis imperaſſe ſupponunt. At Ioannes Baptiſta Mantuanus à Parrhaſiorum Gente Aſiatica deducit, quam Hercules in Gallias invexit, prout ipſemet libro de vita Dionyſii, primi Pariſienſium Antiſtitis, comminiſcitur. Quin & Guilielmus Brito ſuæ Philippiſis lib. 1. à Græcâ voce *Parrhiſia* depromit, quaſi horum fœcundâ nominis populorum; quæ quidem & libertatem locutionis non fucata, ſed aperta & ſincera indiget. Hos illius ad propositum verſus accipe:

Finibus egreſſi patriis, per Gallica rura
Sedem quærebant ponendis mœnibus aptam,
Et ſe Pariſios dixerunt nomine Græco,
Quod ſonat expoſitum noſtris, Audacia, verbis;
Erroris cauſa vitandi, nomine ſolo
A quibus exierant Francis diſtare volentes.

Παρις Ιου.

Tandem alii Pariſiorum nomenclaturam, ab adjacentibus illorum ad Templum Iſidis ſedibus emanafſe, ſcriptis etiam ſuis teſtati ſunt; fanum autem illius deæ eo fuiſſe loco ſitum, quo nunc S. Germani Pratenſis monaſterium, exiſtimatio eſt; nam & inibi aliàs idolum huiusmodi viſebatur.

Porrò Pariſienſis hic tractus in Notitia Provinciarum Romanarum, *Civitas Pariſiorum* appellatur; veteres autem Hiſtoriographi ſubſequentibus titulis indigent, *Ager Pariſienſis*, *Pagus Pariſiacus*, *Territorium Pariſienſe*; Idque fere totum eſt quod Dioceſis ſeu Archiepiſcopatus Pariſienſis comprehendit. Poſtquam vero in civitatibus Comites conſtituti ſunt, cœpit eadem regio *Comitatus Pariſiorum* nominari; unde & titulus Vicecomitatus emanavit, quem etiam impræſentiarum ſervat; nam Comites Pariſiis lociſque adjacentibus in regimen aſſumpti, ſubſtitutos habebant Vicecomites, qui hoc ipſo munere in illorum abſentia fungerentur, juſque populo dicerent; quod ex veteribus Inſtrumentis colligere

eſt; ex authentico nempe ſcripto, quo quidem Rex Carolus cognomento Simplex firmavit donationem Cathedrali Baſilicæ factam à Vicecomite Grimaldo. Hugo etiam Capetus, huiusce regionis ultimus Comes, cum regni diadema fuiſſet adeptus, in locum Vicecomitis Præpoſitum collocavit, qui, ut vetera præferunt documenta, *Præpoſitus Pariſienſis* appellatur; qua poſſimum ex cauſa totus ipſe ager Pariſienſis, cum iuriſdictioni ſubjaceret iſtius Præpoſiti, *Præſectura* ſeu Præpoſituræ nomine inſignitus eſt; quem titulum, ut & *Vicecomitatus* hucusque ſervat; attamen vocatur & *Franciæ Inſula*, quod fluminibus fere undique concludatur; nam una ex parte *Matrona* fluvius illam à Brionia dirimit; ex alia vero *Iſarâ* cingitur, quæ & *Aëſia* abs Vibio Sequeſtro nominatur, quo quidem amne à Bellovacenſi & Vexinenſi territoriis divellitur, alicunde etiam *Iuima*, vulgo *d'Estampes*, & *d'Essone*, alveo cingitur; ac tandem Sequana flumine omnium nobiliſſimo per medium irrigatur. Hæc quidem ſunt celebriora quæ Franciæ Inſulam alluunt flumina; ſunt & quædam alia minora, *Orge*, nimirum, *Iuette*, *Bievre*, & *le Crou*.

Ceterum *Franciæ* ſi propriiſſimis coërceatur limitibus, hæc complectitur oppida, Fanum S. Dionyſii, vulgo S. Denys, *Bonneville*, *Roiffy*, *Gonneſſe*, *Chenexieres*, *Belloy*, *Cercelles*, *Cervran*, *Iagny*, *Thieux*, *Mitry*, *Fontenay*, *Baillet*, aliaque *Franciæ* cognomen præ ſe ferentia. Muſſenſe territorium, *le Muſſien*, cis *Matronam* ſitum, à Meldenſi civitate, uſque *Goëlam* porrigitur, ubi villa & Comitatus de *Dammartin* poſitus eſt. Tractus *Alnenſis*, *Aulnoy*, loca continet *Livry*, *Clichy*, & alia, quorum nominibus hæc particula adjiciuntur, *en Aulnoy*, *Creſgueres*, *Viroſlay*, *Tranon*, & *Renemoulin* in *Valle-Galliæ*, *Val de Gallie* inſident, cujus & retinent appellationem. Nonnulla quoque *Iofas* territorii veſtigia adhuc videre eſt; ut in cognomine illius Archiepiſcopatu, & quibusdam aliis in locis *Montlebery*, *Châteaufort*, *Iouy*, ubi ſe dabit occaſio, referemus.

Quæ hæcenus territoria exhibuimus, *Lutetiam* Pariſiorum primariam ſibi civitatem agnovērunt, quæ hodie totius regni caput & metropolis eſt. Inſignis plane civitas, ſi quæ ſub ſole fulgeat, potens, opulenta, nobilis adeo, ut quidquid præclarum, ſublime, magnificum dixeris, nuſquam ad illius amplitudinem acceſſeris, nil uſquam videris, ni *Lutetiam* perlustraris. Hic ipſiſſima totius urbanitatis & honeſtatis ſedes; huc tota concurrat omni ex parte Nobilitas; hic, ſi quid toto orbe auguſtum, conſpicitur; hic clariſſima erudiſſimorum virorum ingenia micant; imo virtus ipſa, proprio inibi triumphans folio, ab omnibus honoratur. Hæc ornatiffima infinitorum pene hominum nutritrix civitas, à Iulio Cæſare *Lutetia* nominatur, à Strabone vero *Leucotocia*, à Ptolemæo *Leucotecia*, & abs Iuliano Imperatore

Franciæ
ſtrictæ ſumma.

Le Muſſien.
La Goëlle.

Aulnoy.

Val de Gallie.

Lutetia
Pariſiorum.

ratore *Leucetia* ; sumpta forsan horum nominum etymologia à voce *Lutum* , ob adjacentes urbi paludes ; aut potius à Græcis *Leucothecia* fuit appellata , quasi dixissent *Opus Candidum* , ob candida nempe ædificia gypso incrustata , quod in omni foditur circumregione . Equidem quodcunque afferatur , incertum est ; at Lutetia nomen in Parisiorum fuisse commutatum , nemini non exploratissimum .

Situs.

Illa quidem fuit olim modica prorsus civitas , exiguae , quam Sequana efformat , Insula finibus circumscripta ; in tantam vero , qua nunc conspicitur , evasit amplitudinem ob situm , quo gaudet , amœnissimum æque ac commodissimum , adeo , ut à Numine destinatus præparatusque videatur Regum secessus . Mons ad Meridiem obversus aquis scatet saluberrimis : omnis autem quæ circumjacet regio , lapidinis abundat ; à Septentrione gypsi fodinis ; atque in superiori Sequana & Matronæ fluminum margine pulcherrimis undique silvis confita est . Quæ ad Septentrionem vergit planities , frumento luxuriat ; colles Montlierenses , & qui Possiacum usque excurrunt , vineis excultissimi sunt , vinumque proferunt præstantissimum ; ut & territoria de Longjumeau , Verrieres , Ceaux , Baigneux , Chastillon , Vanves , Icy , Meudon , Seure , S. Cloud , Sureste , Ruel , Port au pec , Andresy , quæ etiam exquisitissimum maximâ abundantia vinum suppeditant . Temperatissima quoque regio , nec caloribus uritur , nec frigoribus alget supra modum ; innumeris pene tum annibus , tum rivulis fecundatur , quibus & ad illam merces omnigenis evehuntur . Quid enumerem quot in Sequanam , Matronam & alios amnes celeberrimos sese effundant rivi , qui in illos quoque merces cujusque hujus regni Provinciæ devehunt & exonerant , Parisios asportandas .

Aque.
Lapidini.

Silva.
Frumentum.
Vinum.

Aër.

Amnes.

Missus in Gallias Iulianus , Cæsaris jam titulo insignitus , hac in urbe domicilium elegit ; in illa etiam commoratus est Gratianus Valentiniani Imperatoris filius ; sed & Clodovæus ille , qui Regum Francorum primus Christi fidem amplexus est , loci amœnitate , pulchritudine , commoditate ductus , Turonensi relicto secessu , Parisios præoptavit , simulque throno regio exornavit . Hujus quoque vestigia profecuti Reges successores , suo fere omnes secessu urbem illam illustrarunt ; quin & divulsâ atque discissâ in partes Monarchiâ , stetit semper immota Parisii primaria regni sedes . Ex Regum igitur præsentia , tantus hujus civitatis splendor enituit , indiesque accrevit usque ad immensam illam , quâ nunc præcellit , magnificentiam ; eam enim privilegiis ac immunitatibus Reges exornarunt ; Concilia , Synodos & Comitia inibi celebrarunt ; quin & augustissimam totoque orbe celeberrimam Parliamenti Curiam , variis distinctam Cameris in ea collocarunt , Cameras quoque Computorum , Aerarii regii , Subsidiarum , Monetarum ; fundarunt & florentissimam scientiarum omnium Academiam , quæ toti præluet Europæ ; utque hæc civitas numeris omnibus esset absolutissima , & nihil ad amplissimam posset expeti gloriam , Episcopatum ab initio fere nascentis Ecclesiæ ibi constitutum , ad Archiepiscopatus honorem evexerunt .


Gallia.

Monetas quod attinet , non est illud silentio prætereundum , ab omni ævo fuisse fabricatas Parisiis monetas ; hoc enim aureæ & agentæ ab Antiquariis curiosius inter sua cimelia asservatæ restantur . Quasdam olim aureas , hisce caracteribus obsignatas , sub harum typo figurarum exhibemus , quæ sub prima Regum stirpe cusæ sunt :

Monetaria Officina.



Sunt autem argenteæ , quas subsequenti ordine collocamus , subque Regibus secundæ stirpis fabricatæ , imo & tertia stirpe jam exoriente :



Quæ verò postmodum efformatæ , non hîc expressis typis sunt appositæ , cum sint omnino communes ; illud duntaxat observandum , monetas Parisienses quarta parte pretium aliarum excessisse monetarum ; fereque omnium taxas expensarum , mulctarum , venditionum , &c. Moneta Parisiensi velut præcellenti fuisse æstimatas . Eapropter in assignando civitatum ordine , quibus jus competit signandæ monetæ , A , prima Alphabeti Littera huic urbi , velut totius regni primariæ , tributa est .

Diviso.

Tres in partes hæc civitas dispertitur , Urbem scilicet , Vniversitatem seu Academiam , & Civitatem . Septem portis exornatur , quarum hæc nomina : S. Antonii , Templi , S. Martini , S. Dionysii , Montis-Martyrum , S. Honorati , & quæ Nova nuncupatur . Nonnullis etiam pontibus sternitur , tum saxeis , tum ligneis : Insignis est inprimis & maximus , qui nomen Virginis præfert , vulgo *le Pont de N. Dame* ; principio quidem lapide extructus , cum autem corruisset anno 1296 , postmodum ligno exædificatus est , decem & sexaginta passus colligens longitudinis , latitudinis octodecim : In eo domus sexaginta conspiciantur ; at cum ad tempora Ludovici XII perdurasset , iterum lapide restauratus , pristinum auxit splendorem , ut & ædificiorum numerum ; Pons deinde minimus , quo via sternitur ad Vniversitatem ; est & alius S. Michaelis nomine insignitus ; Pons Aurifabrorum , vulgo *Le Pont au Change* , qui anno 1622 , fatali incendio deflagavit ; Pons molitorum , qui postea Pons mercatorius dictus est ; sed iisdem , quibus Pons modò memoratus , flammis exarsit . Accessit hoc seculo Pons elegantissimus , qui Novus appellatur , *Pont Neuf* , cujus fundamenta posuit Henricus III Rex , anno 1578 ; Henricus vero IV , illius successor , ad finem perduxit . Taceo pontes alios ,

Portæ.

Pontes.



Milliaria Gallica communia.

Apud Guiljelmum Blacu.

alios, brevitati consulens; nam & plerique alii in maximum urbis commodum deinceps extructi fuerunt.

Universitas. Academia, seu, ut vulgo nominant, Vniversitas, octo Portis adventantes admittit, *Neelenfi*, hodie *Nivernensi*, de *Bucy*, S. Germani, S. Michaelis, S. Iacobi, S. Marcelli, S. Victoris, & de la *Tournelle* vocitata; quinque etiam suburbiis amplificatur, S. Germani, S. Michaelis, S. Iacobi, S. Marcelli, S. Victoris; muris & fossis, prout urbs ipsa, circumsepitur.

Regime. Ius dicit in spiritualibus Antistes per totam Diocesim; Episcopus quidem à temporibus Dionysii Areopagitæ, at impræsentiarum Archiepiscopus; quem ad honorem Ioannes Franciscus de Gondy, primus omnium, anno 1622, à Gregorio XV, Summo Pontifice, provectus est. In temporalibus, Rex supremus omnium Iustitarius urbi universæ suburbiisque imperat; verum unicuique urbis regioni suus Iudex seu Præfectus assignatus est, viginti quinque scilicet, juxta eundem regionum numerum, in quas tanta Iurisdictio dispertitur. Est amplissimus alius in urbe Magistratus & Scabini, in Politiam, & œconomiam Reipublicæ constituti; illorum muneris est ædificiis publicis, Armamentario, mœnibus, cæterisque omnibus quæ tum ad urbis vires & munimenta, tum ad illius splendorem & elegantiam faciunt, prospicere, pretium annonæ, & rerum venalium moderari, Portarum servare claves, regionum Capitaneis mandare, quid quisque peragat, præsertim si quæ seditio, clades, aut dissidia fuerint exorta; symbolum suggerere custodibus; egregiisque aliis in bonum Reipublicæ muneribus perfungi.

Hæc pauca perstrinximus de tantæ urbis regione; sed aliud superest, quod ipsam concernit Vniversitatem; nam & ipsa suum plane Magnificum sortitur Rectorem, suosque insignes Officiarios rerum peritissimos, & in omni scientiarum genere exercitatissimos. Hæc celeberrima totius orbis terrarum Academia quatuor primariis Facultatibus exornatur, quibus veluti radiantibus quibusdam columnis fulcitur, *Theologia* scilicet, *Iure Canonico*, *Medicina*, & *Artibus Liberalibus*. Is, qui præsidet, Rector, tertio quodque mense ab ipsis Facultatibus eligitur. Ipsa etiam quatuor Cancellariis illustratur; sex præterea Advocatos duosque Procuratores in augusta Parlamentorum Curia suo Iuri dicundo præficit. Quatuor in nationes dividitur, *Franciam*, *Picardiam*, *Normanniam*, atque *Germaniam*, quæ, ut verbo dicam, cunctas Europæ nationes complectuntur; ut agnoscas, illuc nullo non tempore omnes Europæ populos tanquam ad Emporium bonarum quaruncunque artium confluisse. De Templorum splendore, opibus, magnificentia, apparatu, Decanis, Personatibus, Canonicis; ac de Religiosis Domibus, Monasteriis, Cœnobiis, Cleroque pene infinito, nunquam dixisse satis; quædam è celebrioribus indigetasse sufficiat. Profundo isti totius magnificentiae oceano immergatur qui plura volet, & ipse inibi stupenda totius orbis miracula conspiciet.

Ecclesiæ. Omnium augustissima est Cathedralis Basilica, sub auspiciis Beatissimæ Virginis; sunt infi-

gues aliæ maximo numero Ecclesiæ, nimirum, S. Germani Altifiodorensis, S. Nicolai, S. Thomæ, S. Honorati, S. Mederici, S. Symphoriani, S. Stephani, S. Benedicti, S. Eustachii, S. Pauli, S. Gervasii, S. Iacobi, S. Ioannis, S. Innocentii, S. Salvatoris, S. Petri, S. Bartholomæi, &c.

Celebriora monasteria sunt: S. Genovefæ, *Monasteria, & Cœnob.* S. Victoris, ubi instructissima Bibliotheca, antiquissimis voluminibus, præsertim manuscriptis celebrata; Templariorum, *le Temple*; Commendataria S. Ioannis Lateranensis, S. Eligii, Prioratus S. Dionysii de la *Chartre*, S. Iuliani veteris, aliàs Pauperis, S. Catharinæ Vallis Scholarium, S. Genovefæ des *Ardents*, S. Crucis de la *Bretonnerie*, des *Blancs-Manteaux*, SS. Trinitatis, & Redemptionis captivorum; Dominicanorum, Franciscanorum, ubi asservatur Bibliotheca regia librorum veterum, & novorum, Latinorum, Græcorum, Hebræorum, Arabum, aliarumque id genus Linguarum, quin & voluminum manuscriptorum, quæ nec alibi reperire est, totius Europæ refertissima. Passim tota urbe reperiuntur innumera pene cœnobîa Virorum & Mulierum, Augustinianorum, Carmelitarum, Cartusianorum, Celestinorum, Minimorum, Capucinorum, Feuillantorum, pleræque Domus & gymnasia Societatis Iesu, Oratorii, &c.

Taceo tot Virginum Deo sacrarum asceteria, tot Xenodochia, pauperum, miserorum, agrotantium receptacula; tot gymnasia, quibus præclara maximam partem orbis ingenia multijugâ eruditione imbuuntur; at nefas insalutatâ pertransire æde Sorbonicâ, quæ præ cæteris omnibus Academiis numerosissima Doctorum sobole, quos & omni ævo peperit, & indies parit, jure gloriari potest; illam instituit S. Ludovicus Rex, consilio fretus Roberti de Sorbona, qui & in hoc laudatissimo opere nullis sumptibus pepercit; Porro Eminentissimus Ioannes Armandus Cardinalis de *Richelieu* illius hoc ævo splendorem amplificavit. Alia Collegia indigetasse sufficiet, scilicet, de *Calvy*, *Premonstré*, *Harcourt*, des *Cholets*, Cardinalis cognomento *le Moyne*, Navarrense, de *Mont-aigu*, du *Plessis*, & de *Marmoustier*, des *Lombards*, de *Grandmont*, Trium Episcoporum, de *Beauvais*, de *Clairmont*, Societatis Iesu, &c. Præleguntur etiam publicis in Academiis Ius Canonicum, & Medicorum instituta.

Regum etiam, Principum, Dynastarum, aliorumque procerum palatia, & publica loca, simili brevitate perstringo: Parlamenti Curia, Regum Domus antiquissima; ipsa Domus Regia, vulgò *le Louvre*, Tuilleriensis, Domus item Regia S. Pauli, Tournellenfis, Platea regia, Bourbonense Palatium, Cluniacense, Nivernense, Lotharingense, Guisiacense, Navarrense, Suesionnense, Luxemburgense, Arx, vulgò *la Bastille*; Sunt quamplurima præter jam assignata, quæ perlustrari digna sunt loca; sed nunquam satis. Ad subjectas Parisiis Præfecturas nobis properandum est.

Principio se offert *Poissy*, qui pagus *Pincia-* *Poissy.* *sensis*, & *Pincecium*, à Carolo Magno, & Carolo Calvo Regibus in suis Capitularibus appellatur, urbs ad Sequanam fluvium, septem milliaribus à Parisiis distita, Regum olim sede nobilis; quam

quam itidem Carolus Calvus supra memoratus *Castrum suum Pictæ sedis* indigerat, unde forsitan postea contractum nomen *Pixedum*, quod illi à nonnullis tribuitur, & quandoque *Pixedum*, *Piffiacum*, imo & censetur is vicus, qui à Flodoardo & Aimoino *Pistis* & *Piste*, nominatur. Oppidum hoc saxeo ponte sternitur, fuitque olim validissimo castello exornatum; ubi primam hujus lucis usuram accepit sanctissimus Rex Ludovicus, ibique sacris Baptismi undis regeneratus; unde & dictitare solebat, nusquam alibi se tanto donatum honore, tanta dignitate insignitum, ut Possiaci; ne Rhemis quidem, ubi Rex inauguratus; nam Possiaci Christo consecratus est; cumque ad familiares daret epistolas, se Ludovicum Possiacensem ad calcem Epistolæ subscriberebat, suppressa etiam regia, quæ fulgebat, dignitate; illud vero castrum jubente Carolo V Rege, ignotis de causis postea dirutum est. Porro hæc sola supersunt antiquitatis vestigia, Ecclesia scilicet Collegiata, ubi mausolæa nonnullorum Principum; & Monasterium virginum. Celebre etiam est ob Colloquium Possiacensem, seu Comitum totius Franciæ Antistitem inibi congregatorum anno 1561. Sedet autem Possiacum in valle amœnissimâ, & frumento feracissima.

Montlebe-
y.

Sequitur Mons-Leherius, Præfectura & Castellania Vice-Comitatui Parisiensi subiecta; cui nomen inditum partim à monte cui insidet, partim à quodam *Leherio*, seu *Letherio* illius olim Domino, unde & à Sugerio San-Dionysiacensi Abbate *Mons-Leherius* appellatur; arx quondam inibi rebellium nutricula, sed à Ludovico Crasso funditus everfa præter turrin editissimam, quæ Parisios usque prospicit, unde illi utcumque nomen, ni magis conspicua ex pugna celebri Ludovici XI temporibus commissa anno 1465. Gaudet etiam insigni Collegio Canonicorum.

Corbeil.

Corboilum, & *Curboilum*, vulgo *Corbolium*, tertia inter Præfecturas Parisiis subiectas, urbs, Comitatus & Castellania per vetusta, Parisios inter & Melodunum sita, in angulo à confluentibus Sequana & Iunna amnibus efformato; ibi pons saxeus septem fornicibus subnixus. Petrus Abelardus vir eruditissimus, suis olim prælectionibus illam exornavit; longe lateque diffunditur jurisdictio hæc, tractum enim Gastinensem, Hurepensem, & Brionensem complectitur. Nonnullis decoratur Ecclesiis, iisque per vetustis, sed non inelegantibus.

Tor-y.

Torceium, quarta districtus Parisiensis Castellania, ultra Matronam amnem posita, olim quoque *Torciacum* vocitata in antiquissimis cartis seu instrumentis publicis. Amplissima est jurisdictio.

Chasteau-
fort.

Castellum forte, & *Castrum forte*, à priscis etiam vocatur hæc ditio, quæ inter Parisiis subiectas quinta computatur. Goneslea quoque Castellania, *Gonneffe*, ordine sexta, quæ *Croldi*, seu *Crotano* fluvio alluitur: hæc omni ævo ab ipsis etiam Regibus, Regum penus vocitata, & jure merito, nam illa tellus, si uspiam gentium, frumento optimo usque ad Regum delicias fecundissima est; imo & amplissimæ Parisiensium urbi panes delicatissimos abunde subministrat, olim regio

Gallia.

exornata Palatio, Philippi Augusti claro natalibus.

Turnonium septima ordine sub Parisiensi Præfectura, quæ sua etiam antiquitate gloriatur, quam & è veteribus comprobant monumentis, ac Titulis, in quibus *Turnum*, *Turnonium*, *Tornomium*, & *Tornantum* nominatur.

Perlustratis igitur septem hisce Præfecturis, S. Denis.

subsequitur San-dionysiacum urbs & Abbatia celebris, in qua tot Regum Mausolæa conspiciuntur; olim *Catholacensis* locus appellatus, & exiguus omnino viculus, ubi S. Dionysii primi Parisiensium Antistitis, S. Rustici & Eleutherii corpora post adeptam martyrii palmam à Catullâ, piissimâ feminâ, sepulta fuerunt; cumque ibi postmodum Christi asseclæ in memoriam Martyrum Ecclesiam extruxissent, excitatus est paulatim viculus, qui desumpto ab eadem Catullâ vocabulo, *Catulliacus* vocatus est. At Dagobertus Rex, singulari in *Dionysium* & socios *Martres pietate affectus*, se ipsum, & *Diadema regni*que statum Dionysio & Sociorum protectioni committens, egregiam & regiâ magnificentiam dignam extruxit Basilicam, mille circiter passus à præcedenti distitam, ad quam pretiosas prædictorum Martyrum exuvias transtulit, ibique monasterium Ordinis Benedictini constituit, quod amplissimis latifundiis & possessionibus dotavit, atque inibi palatium seu Regiam extrui fecit, in quo solemnioribus anni diebus cum tota Curia commoraretur; multisque deinceps locum illum privilegiis ac immunitatibus exornans, jus etiam nundinarum concessit, quæ quotannis die 9. Octobris celebrarentur, & ad quatuor continuas hebdomades protelarentur; exinde cœpit vicus ille Sancti-Dionysii nomine insigniri, ac postmodum in tantam excrecere amplitudinem, ut & hodie inter splendidas Galliæ civitates censeatur, atque undecim præter superiorem Basilicam, habeat Ecclesias parochiales, aliasque insuper Regularium. Ceterum nihil toto orbe locupletius, nihil pretiosius, nihil mirabilius Reliquiarum, veterum antiquitatis monumentorum, rerumque exquisitissimarum, & plane inestimabilium Thesauro, qui in S. Dionysii Basilica, summa omnino veneratione asservatur; quem describere, nostri superat metas instituti. Ad circumjacentia loca transeamus.

Theaurus.

Proxima est, quæ vulgo dicitur S. Dionysii Insula, ubi olim conditum Hugonis Basset castellum, quod multorum extitit causa discordiarum, quæ ut compescerentur, mandante Roberto Rege funditus eversum est. Non procul inde visitur *Spineul* pagus ad Sequanam, alias *Esplanay*, Latine autem *Spinogilus* villa, & *Esplanolium*, Dagoberti olim frequentatione, imo ægritudine ac obitu ab Historiographis memoratum. Subsequitur in ora fluminis *Argentolium*, *Argenteolum* quoque à Petro Abelardo nominatum, oppidum antiquissimum, nec ignobile. Cis S. Dionysii insulam vicus est S. Audoëni, prisco ævo *Clichy* dictus; verum S. Audoëno Rhotomagensi Archiepiscopo ibidem fati fungente nomen commutavit, illiusque Divi nomen accepit; eundem locum pridem celebris ob extructum in eo à primis Regibus palatium, quod & Dagobertus

Loca.

Argentæa.

H tus

tus Clotarii II filius excoluit, & Clodovæus II; qui etiam inibi Concilium convocavit, in quo S. Dionysii abbatia, à jurisdictione Episcoporum vindicata est. Illic institutus Ordo Equitum Stellæ, in memoriam scilicet Stellæ illius, quæ Persarum reges ad Christi incunabula perduxit. Parma hujusce Ordinis fuit Stella torque aureo appensa, hoc adjecto Lemmate, *Monstrant Regibus astra viam*. Huic assidet pagus *Aubervillers*, in cartis vetustis *Aubertivillare* dictus, de cujus antiquitate dubitare non licet, cum Henricus I, dum monasterium S. Martini fundaret, quæ Aubertivillari possidebat latifundia, illi in dotem assignavit; at cedit ipsius antiquitas prodigiis & miraculis, quæ quotidie in celeberrima illius parantur Ecclesia sub auspiciis Domine Virtutum, Gallicè *Nostre Dame des Vertus*. Præter oppidulum S. Audoëni, est aliud, quod usque impræsentiarum nomen *Glichy* retinet; deinde locus insignis de *Montmartre*, seu *Mons Martyrum*, ex Martyrio S. Dionysii desumpto vocabulo; quamvis à Martis templo inibi extructo, *montem Martis* dictum alii comminiscantur: constat quippe statim à martyrio Dionysii Christianos in montis apice, quæ Parisios aspicit, sacellum ædificasse, quod *Capella de sancto martyrio* in veteribus instrumentis vocitatur; ubi eximia est hodie Virginum velatarum abbatia, cujus Ecclesiam dedicavit Eugenius Tertius, summus Pontifex, ministrante D. Bernardo Claravallensi Abbate.

Est etiam in agro Parisiensi magnificentissima Domus regia S. Germani in Leya nuncupati, Castellania antiquissima, & à quingentis annis ordinarius regum secessus; illuc Parisiensi ex urbe proficiscenti, litusque Sequanæ legenti, principio quidem occurrit Challiotum; cui assidet egregius, & nunquam satis laudatus Nigeonensis Minimorum Conventus, hic porticus & claustra perspicias, præclaris adeo picturis fulgentia, ut ipsissimam pietatis imaginem expressam dixeris; locus ipse sanctitatem spirat, & quædam priscorum anachoretarum vestigia exhibet. Fuit olim amœnissima Annæ Britannæ Caroli VIII, & Ludovici XII, regum uxoris possessio, quam ipsa S. Francisco de Paula, ex partibus Italiæ in Gallias adventanti, concessit anno 1496. Paulò superius est *Autolium*, vetus oppidulum; silva deinde Boloniensis, aliàs S. Clodoaldi, nam bina hæc loca illi adjacent; *Novigentum* olim dicebatur, qui hodie S. Clodoaldi nomine vicus insignitur, à Clodoaldo scilicet Clodomiri filio, qui inibi monasterium excitavit, atque in eo vitam pie peractam morte sanctissimâ claudens, tumulo marmoreo insepultus est. Hic Sequana ponte lapideo sternitur. Sed gradum repete, nam inter silvæ amœna, regium Madritense castellum videas, ad normam Madritensis Hispaniarum arcis extructum; illud autem Franciscus I. Rex jussit ædificari in memoriam suæ inter Hispanos captivitatis. Nec procul inde amplissima Longi-Campi abbatia dissita est, quam Elisabetha Franciæ, S. Ludovici Regis soror erexit anno 1260, sub titulo *Humilitatis B. Mariæ*, atque inibi moniales ordinis Franciscani collocavit; ipsaque seorsim à claustris, in æde separata, vitam duxit sanctitate conspicuam,

ejusdemque Religionis habitu, juxta quod ipsa constituerat, ab obitu induta, sepulturæ mandata est; ac postmodum miraculis illius sanctitatem contestantibus, à Leone X, summo Pontifice, Beatorum catalogo adscripta. Vocatur verò à Francisco Gonzaga monasterium istud, *Archicænobium sororum S. Claræ Urbanistarum*; in quo etiam regularem vitam professæ sunt, & postea contumeliatæ, multæ aliæ Principum ac Dynastarum filiæ, Blanca scilicet Franciæ, Philippi Longi Regis filia, Ioanna Navarræ, Magdalena Britannæ, Ioanna & Margarita Brabantæ, Margarita de Craon, Maria de Beaujeu, &c.

In adversa amnis ripa Surisnense oppidum videtur; quod vino optimo, ut & Ruellense, fecundissimum est; succedunt deinde oppidula sequentia *la Celle, Villars, Puteaux, Neuilly*, ubi Henricus IV. Rex, cum Maria de Medicis Regina Vxore Sequanam pontone trajiciens, unâ cum curru in flumen, frementium equorum impetu, præcipitatus est. Porro idem ipse Rex potentissimus pontem inibi consterni mandavit. Hoc itaque ab urbe Parisiensi emenso spatio, jam apparet Mons Valerianus, quorundam Eremitarum secessu celebris, qui quidem à priscis temporibus in illius apice reclusi, ab omni hominum frequentia vitam, cælestibus addicti, solitariam peregerunt. Pergenti ad dextram occurrit Nemptodorus antiquitate insignis, & S. Genovefæ Parisiensium Patronæ natalibus, quæ diu ante regnum Clodovæi, primi Regis Christiani, hujus lucis usuram accepit; hoc etiam in oppido Clotarius II, salutiferum Baptismi lavacrum subiit. Assidet ad lævam Nemptodori *Ruelle*, seu *Ruolium, Rigoailus, & Riogilus*, ut ex vetustis colligitur instrumentis; impræsentiarum Castellaniæ titulo gloriatur, sed præsertim Eminentissimi illius, & incomparabilis Franciæ Genii, imo Consiliorum Angeli, Cardinalis Richelæi secessu. In vicinia se offert *Chatou*, qui à nonnullis *Catuliacus vicus* existimatur. Sequanam deinde pontone transmittens, silvam mox ingrederis proditione infamem, vulgò *Bois de la Trahison*, emenso nempe uno à S. Germano milliari: viâ publicâ nemus duas dispescitur in partes, quarum unâ si arbores fregeris, inque flumen projece-
ris, aquis innatant, quemadmodum alia lignorum genera; ex altera vero parte, veluti lapides ad ima fluminis deferuntur; cujus miraculi neque peritissimi quidem Philosophi rationem probabilem investigare potuerunt. Neque hinc distat Carolivanæ portus, Gallicè *Charlevenne*; Portus deinde *du Pec*. Ac tandem in monte proximo emicat splendidissima amplissimaque S. Germani regia, hanc circumstant silvæ in venationis oblectamenta consitæ, nam viæ faciles & spatiosæ cervis aprisque cursu percitis latibula denegant, & undequaque profugi in venatorum incidunt manus. Ædificii structura absolutam architecturæ peritiam exhibet; In ipso aditu ascensus visitur Herculis trophæo nobilis, aurata deinde conclavia, specus & fontes innumeri, non vulgaria artis miracula; hic aquæ in cyathos, calices aliaque vasa quasi vitrea per aërem efformantur; nymphea subridens, digitos in organo motitans, gratissimam aquarum beneficio edit

Equires
Stellæ.

Montmar-
tre.

S. Germain
en Laye.

Nigeon.

Surisnes.

Nanterre.

Ruelle.

Montmo-
rency.

edit harmoniam: est & Mercurius tubâ personans; Draco alas adinvicem quatiens aquarum vortices affatim evomit; innumera præterea aviculæ certatim occinunt, pennisque velut rorem excutunt, simulque tripudiant: Tritones, Neptunus, Cyclopes, Orpheus, stupendaque alia spectantium oculos in admirationem rapiunt. Nec longe disitum est castrum aliud regium *des Loges* appellatum; cui adjacet insignis abbatia de *Joye-en-val*, Gaudium-in-Valle à Latinis dicta, ubi Lilia è cælo in manus cujusdam Anachoretæ deposita fuisse, multorum existimatio est; huic incumbit mons de *Mont-joye*. Eadem in regione sitæ sunt Castellaniæ San-Gemmensis & Marliacensis, *Chartreville*, Confluentium, *Andresy*.

Montmorency.

Confluentio vicinus est locus Montmorenciacus, unde nomen accepit illustrissima Montmorenciorum familia. Est autem urbecula in monte condita quatuor à Parisiensi civitate milliariibus, ubi varia & antiquitatis & splendoris vestigia reperiuntur. Sexcenta plus minus feuda inde relevant. Iure Castellaniæ, Præfecturæ, Tabellionatus, multisque aliis decoratur. Est ibi elegans S. Martini templum, & venerandi Congregationis, quam vocant Oratorii, Sacerdotes. In Rescriptis Imperatorum Valentis, Gratiani, & Valentiniani die 27 Julii, sub 4 Consulatu Gratiani emanatis, vocatur *Moranciacus*, & alibi, *Mons-Maurinzus*, & *Mons-Maurinzi*, *Mons-Maurentius*, *Mons-Morantii*, & *Mons-Moranciacus*; fuit quoque olim castro validissimo munitum hoc oppidum, at illud, sub Lothario rege, Saxonum, & Danorum procellis ex parte dirutum, ex parte vero incensum, ne ullum quidem sui vestigium reliquit. Porro eximia & antiquissima suorum Dynastarum virtus, plus rebus ceteris Montmorenciacum illustravit; ipsi quippe stemma deducunt ex primis Franciæ Baronibus, prout ex vetustissimis illorum titulis constat, quæis Montmorencius primus Franciæ Baro appellatur. Subjacet autem prædictæ urbeculæ valles amœna & fertilis; aliorum verò nemoribus & oppidulis redimitur, quorum hæc nomina, *Soisy*, *Grolay*, *Andilly*, *Migasin*, *Monlignon*, *Metiger*, *Tour*, *Eaubonne*, *Ermont*, *Sarnoy*, *Franconville*, *le Plais-Bouchard*, *Taverny*, *S. Leu*, *S. Pris*, *Suecourt* sive *Pfaucourt*, *Bethemont*, *Maffliers*, *Montfoult*, & alia, quæ quidem omnia ad nobilissimam de Montmorency Domum pertinuerunt. Eidem regioni affidet Menel Prioratus Ordinis Grandimontensis; *Baillet*, lauta possessio insignis familiæ d'O; *Domont*, vicus, qui *Dolus-Mons*, vel *Dolofus-Mons* in vetustis instrumentis dicitur; *S. Bricius*, vulgò, *S. Brice*, cujus Parochialis Ecclesia S. Victoris Parisiensis Abbatia subjacet.

Ad dextram mons editissimus apparet, ubi vetusta *Esconen* Castellania, olim *Esannum*, & *Esconium*, pridem Ducum Montmorenciorum ditio, nunc autem juris Abbatia S. Dionysii. Sequitur deinde *Cercella*, & *Sarcella*, *Cercelles*; postea *Villare-Belli*, Gallicè *Villiers le Bel*. Ad lævam autem *Esconii* occurrit *Mainilium*, *Mesnil-Aubry*, à *manendo* dictum; quasi nempe diceret, manerium & domus Alberici; succedit *Villare ficcum*, *Villiers le sec*, à soli siccitate ita appellatum; dein *Cam-*

pus-plastrofus, & *Laciacus*, vulgò *Champlastreux*, & *Lacy*; cui proximè adjacet *Iagniacum*, vetus territorium, quod clarissimæ familiæ nomen imposuit. Postmodum profecutus viam regiam *Luzarchiam* usque pertinges.

Est autem *Luzarchia* urbs modica, quæ à veteribus tum Latinis Historiographis, tum manuscriptis instrumentis, *Luzarcha*, *Luzarchium*, & *Luzarchias* appellatur, & antiquis accensetur Castellaniis, duabus ab *Esconio* leucis distita, per quam proficiscenti via patet in *Picardiam*.

Tandem accedens *Calvum montilium*, *Chau-montel*, Vicecomitatus Parisiensis terminum attingisti, qui alios etiam à dextris limites habet, *Luparam* scilicet, *Louvres en Parisi*, quæ & *Lupera*, *Luperia*, & *Luxera* in pago Parisiaco à priscis dicitur, cujus & meminit *Dagobertus Rex* in publico instrumento; hinc passus est *Iustinus Martyr* sub *Diocletiano Imperatore*, unde & Ecclesia parochialis in illius honorem dedicata est. Qui Parisiis illuc voluerit proficisci, *Villette* & *Bourget* opidula pertranseat; huic postremo adjacet *Dugnaiacus*, vulgò *Dugny*. Occurrit pons exiguus, uni duntaxat fornici innixus, qui & à veteribus *Pons Ebali* nominatur, linguâ vernaculâ *Pont Eblon*; ulterius verò procedenti *Gous-sainville* visitur, nota satis ditio, quæ à quodam *Gossone* nomen traxit, quasi nimirum *Gossonis villam*, aut corruptè *Goussainvillam* enunciari; nam & istud *Gossonis* & *Gassonis* vocabulum, in familia illud primitus possidente frequens reperitur. *Goussainvillam* inter & *Luveram* Parisiorum, *Aurivilla* cernitur, à quibus paululum distat locus de *Villeron* indigetatus, è quo prodiit *Heros magnanimus Carolus d'Aunoy*. *Aurivillæ* adjacent tres aliæ dynastiæ, *le Plessis-Gassot*, *Fontenay*, & *Fontenay de Marevil*.

Reflexo autem ad pontem *Ebali* itinere, alia quoque via in dextro latere reperitur, quæ dirigit versus *Dammartinum*, atque in *Mulciense* *Valesiumque* territorium; at priusquam illuc accesseris, in dextera *Villam-pictam*, *Villepeinte*, offendes, ac postea nemus vicumque *Timilidum*, seu *Tremblacum*; aliâ vero ex parte se ostendat *Roissiacum* Franciæ, insignis plane ditio, quæ & opulento Prioratu exornatur, & nomen clarissimæ familiæ præstitit. Iter ultra promovens, *Maisnilium* *Domine Rencia* invenis, & locum, qui in cartis veteribus *Malus resportus* dicitur, vulgò *Mauregard*. Nec procul inde disitum est *Monciacus*, qui ad differentiam *Veteris*, *Novus* appellatur; *Monciacus* autem ille vetustus huic etiam tractui affidet, *Castello* ac Prioratu insignis. Vnico deinde à *Maisnilio* milliari conspicitur *Villanova*; quæ quidem in valle posita *Dammartino* subjacet, ideoque vulgò *Villeneuve sous Dammartin* cognominatur; nam & *Dammartinum* in monte positum huic imminet; quod Comitatus honore insignitum, regionis *Cæle* vocitæ caput est & metropolis. A priscis authoribus *Domnum-Martinum*, & *Dommartinum* nuncupatur; olim castro munitissimo defendebatur; quod impræsentiarum vetustate fatiscit, & totum pene dirutum est.

Dependent ex hoc Comitatu plura Dominia, quæ inter præcellit *Iuliacum*, ubi opulenta quondam

Luzarches.

Chau-montel.

Louvres.

Orville.

Tremblay.

Roissy en France.

Maisnil.

Mauregard.

Moncy le Neuf.

Villeneuve.

Dammartinum.

Iuliacum.

dam abbatia. Ultra verò Dammartinum, expanditur Regio Mulciensis, vulgò le *Mulcien*, vel *Melcien*, pagis frequens, ac optimis Nobilium latifundiis & dominiis provincia locuples; verum recepto ad Dammartinum itinere, Alnetensis regiuncula perlustranda est, quæ à veteribus latinis *Alnetum*; statimque *Monzelosus* apparet, aliaque non ignobilia loca, nimirum *Bois le Vicomte*, *Seuran*, *Blanc-Maisnis*; è regione autem objacent *Pentin*, uno dumtaxat à Parisiensi civitate milliari, viâ quæ Meldas ducit, *Noisy le sec*, *Baubigny*, Latine *Balbiniacus*, & *Balbini-villa*, *Bondis*, seu *Bungeia*, & *Bunzeia*, unde & silva cognominis illi adjacens nomen sortitur, quæ latrociniis & plerisque aliis piaculis est infamis; at priusquam pertranseas, ad lævam conspicitur *Livry* celebris abbatia Ordinis Augustiniani, cui circumjacet per vetustum ejusdem nominis territorium, arxque non inelegans. Altera ex parte est *Vallis-Gaji*, à Dynasta forsitan Gaji nomine insignito; aut potius *Vallis-gaudii*, aut *Vallis jocosa*, quod hisce Gallicis vocibus exprimeretur, *Vau de joye*, aut *Vau-joyeux*, ob miram istius gratissimæ regionis amœnitatem; & circa viam publicam *Villa-Parisiensis*, & *Cloya* insident. At *Montis-Gaji* Castellania, quæ Baronatus gaudet titulo, olim suis à munimentis celebris, monticulo insidet, à quo & nomen accepit, si & Gaji vocabulum adjeceris; nam & Instrumenta antiqua & Latini Historiographi, ut plurimum *Montem-Gaji*, & *Montem-Gajacum* nominant; ex primoribus munimentis illi superest turris vetustissima. In vicina sunt alia quædam dominia, minoris quidem momenti, illi tamen annexa, nimirum *Pin sous Montj y*, *Courtry*, *Thorigny*, qui *Thorigniacus* à nonnullis, & *Thorigneium ad matronam* nominatur.

In ripa ejusdem fluminis, supra *Thorigniacum* sedet *Anet* vicus, quem in veteri instrumento Henricus I Rex, *Anetum villam in territorio Meldensi* indigerat, eò quod ad diocesim Meldensem pertineat. Reducto ad *Pomponium* itinere, pratum visitur vastum & amœnum, ubi Ludovicus Crassus Rex Theodebaldi Campaniæ & Brioniæ Comitis copias fregit, ut testatur Abbas Sugerus in vita S. Dionysii. Deinceps autem Matronæ fluminis ductum secutus in Verense & Brovense territoria incidis, & *Cale Burgum*, seu *Villam Calensem*; hîc tantisper siste, nam & secessus priscorum Regum amœnissimus, ubi & anxias regiminis curas venationis oblectamentis relaxabant, hunc etiam contemplare locum antiquitate spectabilem, ab initio quippe exorientis hisce in regionibus Fidei, ibi rurales Parisiensis Episcopi Decani constituti sunt. Quæ proxime adjacet silva, illa videtur, quam *Fredegaricus* Lauchoniam silvam appellat, ubi *Childericus* II Rex cum conjugæ Regina trucidatus est. Robertus etiam Rex, Hugonis Capeti filius inibi Synodum omnium Franciæ Præsulorum convocavit; Clotildis vero, Clodovæi primi Regis Christiani uxor, hoc eodem burgo fundavit Ecclesiam, quæ postmodum à S. Batilde Clodovæi II vidua, in Abbatiam erecta est, ubi nobilissimæ Virgines ab illo ævo sub regula D. Benedicti militarunt; imo Batildis ipsa, Clotario III illius filio, majoritatem adepto, vitam regularem pro-

fessa, tot sanctitatis radiis effulsit, & Virgines è Iouarrensi Monasterio secum assumptæ tanta pietatis exempla præstiterunt, ut brevi hoc monasterium de *Cheles* toto orbe irradiarit, ipsique magnæ Britanniæ Reges, filias suas eò demandarint, ut omni virtutum genere imbuerentur. Quæ autem *Villa-Calensi* Parisios itur, Gornacum à *Gornay*, læva mittitur ultra Matronam situm, cui adjacet pulcherrima insula, ad quam pons ligneus sternitur, ubi quondam castellum firmissimum, unde etiamnum Castellaniæ nomen retinet. Est alia hoc in tractu Castellania, *Caudæ* appellata, Gallicè *la queue en Brie*. Quisquis supra Gornacum perspiciet, oppidulum videbit *Noisiel* nominatum, Latine *Nusiellum*; & superius progredienti Torfiacum apparet, quæ una est ex septem Parisiensibus Præfecturis. Non procul inde visitur insigne Virginum de *Malenoe*, aliàs *Footel* monasterium, in manuscriptis per vetustis *Malanoda* *abbatia*, vocitatum, hodie autem Monasterium de nemore, aut de Bosco Beate Mariæ nominatur. Roisfiacum *Roisfy*, modico inde intervallo distitum est, quod & cognomine silva exornatur. Braia deinde Comitum Roberti, vulgò *Braye-Comte Robert*; huic quoque regionem assignatur, cujus rationem nominis supra dedimus. Illud memoratu dignum de hoc oppido circumfertur, quod cum Iudæi non pauci illud incoherent, & per scelus quemdam ex ruri degentibus cruci confixissent, nempe quod certæ pecuniarum summæ illis obstrictus, solvendo par non esset; tantâ adversus illos iracundiâ exarsit Philippus Augustus Rex, ut Braiam profectus, quoscumque ibi reperit Iudæos, (erant autem nonaginta novem) in vindictam sceleris vivicomburio perdidit. Occurrit postea vallis de *Grosbois*, ob crassissimas arbores, quibus olim referta erat hoc nomen sortita; verum hodie nihil aliud superest præter amplum vivarium, & ædes Ducis Engolismensis. Edera ad rivulum ejusdem nominis sita, Castellaniæ etiam honore gloriatur; ipse autem fluvius Edera suos fontes repetit è territorio de Rosoy in Brionia; postquam autem ignobilia quædam loca perluit, *Cumbisvil-* *Comluville*, lam properat locum vetustum, atque monachorum S. Germani Pratenfis quondam perfugium, qui eò loci, dum Normaniæ furerent procellæ, sæpius velut ad asylum accurrerunt; est ibidem monasterium Virginum Cisterciensis instituti sub titulo *d'Yerre*, cui Eustachia Ludovici Crassi soror, Decimas de *Lieu-saint*, *Raray*, *Chanteloup*, aliarumque suarum possessionum in dotem assignavit; quamvis Stephanus Parisiensis Episcopus illius se fundatorem deprædicet, quod ita accipiendum, quasi ipse sedulam operam ministravit, quod ex destinatis ab Eustachia redditibus & monasterium extrueretur, & necessariis proventibus instrueretur; non enim ipse Episcopus de suo peculio sumptus profudit.

Inde procurrens Edera fluvius, Villam novam proficiscitur, sub qua in Sequanam se exonerat. Vrbs hæc, quantumvis exigua, laude tamen antiquitatis nequaquam destituta est; nam Ymbertus Parisiorum Episcopus, Henrico I regnante, illius Ecclesiam Monachis S. Germani de Pratis subjecit; taceo plurima alia vetustatis monumenta, propero ad loca adjacentia, *Valenton* *scili-*

scilicet, *Crone*, *Gercy*, Latine *Gerciacum*, & *Garfai-*
cum, celebris monialium abbatia, sub regula S.
Augustini.

Boissy.

Viâ Parisiensi regiâ Boissiacum visitur, juxta
quod oppidum cum pretiosissima S. Ludovici
Regis pignora, ex Africâ finibus allata, transve-
herentur, accidit miraculum, passim à loci incolis
hodieque deprædicatum; extat etiam locus
de *Marolles*, à priicis *Marolle*, & *Marollie*, ubi Prioratus: *Noisiacum* ad Matronam, aliâs *Nusiacum*; *Campenium*, vulgo *Champigny*; eundemque profectus fluvium S. Mauri fanum appetis, ubi Matrona ponte pertransitur: burgus est antiquissimus, monasterio conspicuus, cujus incunabula nonnulli abs Iulio Cæsare repetunt; is enim, cum Melodunum expugnasset, ut frænum Parisiensibus injiceret, castellum inibi excitavit latissimis ac profundissimis fossis obseptum, in quo & præfidiarium militem collocavit.

Marolles.

Noisy.

Champigny.

S. Maur.

Cresteil.

Apparet è regione *Cristoilus*, seu *Cristolium*, vulgo *Cresteil*, locus sanctorum Agoarti & Agilberti martyrio nobilis, & vicus amplissimus, cujus Ecclesia sub auspiciis D. Christophori dicata, magnum præbet vetustatis documentum. Illius choro subjacet specus, ubi SS. Martyrum corpora fuere tumulata. Hunc etiam memorat in veteri Instrumento Rex Carolus cognomento Simplex. Hujus parochiæ cultores, ut & *Domorum ad Sequanam* accolæ, olim paleas Regum equitatu subministrabant, dum in loco de *Carrieres* dicto pabularetur; ea propter Ioannes Rex anno 1351, hanc illis immunitatem concessit, ne deinceps ex iis triticum, avena, fruges & legumina, fœnum, vinum, cæteræque hujusmodi annonæ corrogarentur, unâ duntaxat paleâ exceptâ. Habuerunt olim reges in vicinia S. Mauri, ædes pulcherrimas amœnissimasque, quas *Decoris* titulo honestabant, ut apparet ex Diplomate Caroli V. ubi verba sequentia, *Actum in Domo nostra Decoris supra Matronam*.

Maisons sur Seine.

Carrieres.

Boissy sur Marne.

Charenton.

Conflans.

Echo.

Vincennes.

Iam arridet Vincennense nemus, amœnissimus multorum Regum secessus, ubi & castrum magnificentissimum, & Prioratus olim Ordinis Grandimontensis, qui & *Eremita*, & *Boni-homines* appellabantur; quibus pro tempore deficientibus, ne locus quidquam antiquæ Bonitatis remitteret, Henricus III Rex alios quoque *Bonos-homines*, sed alterius instituti, *Minimos* nempe, substituit, quorum Ordo imprimis celeberrimus, ne plus ultrâ immoremur.

Intra autem ipsum silvæ Vincennensis ambitum, adhuc impræsentiarum quercus visitur, sub qua sanctissimus Rex Ludovicus oblatas à subdi-

Gallia.

tis controversias summo æquitatis jure dirimebat. Est & aliud maximum hujusce loci ornamentum Sancta Capella in honorem Sanctissimæ Trinitatis, & Beatissimæ Virginis extructa, cui Dignitates quindecim seu Personatus, in sacris, summâ reverentiâ, inserviunt.

Porro tam jucunda est hæc Vincennensis quasi solitudo, ut Reges non pauci huic impense fuerint addicti; cumque frequentius ibi versarentur, ibi etiam mortem oppetierint; quos inter Philippus Pulcher, Ludovicus Hutinus, illius successor, & Carolus Pulcher, numerantur.

Superius se ostendit vicus de *Monstreuil*, Latine *Monsteriolium*, & in veteri Diplomate Philippi Augusti *Mustrolium juxta Parisios*. Ioannes & Carolus V, Reges, à subsidiis & aliis oneribus hujus loci accolæ exemerunt, subministrarent modò sumptus in fontium Vincennensium conservationem necessarios; quod etiam pagi de S. *Mandé*, *Baignolet*, *Mandé* habitatoribus ab eodem Carolo V concessum est. Huic assidet *Baignolet*, alius etiam vicus, ubi ædes amœnissimæ incomparabilis viri, Eminentissimi olim Cardinalis *du Perron*. Sunt & pleraque alia non ignobilia loca, *Charrona*, *Piquepuce*, locus ob cœnobium tertii Ordinis S. Francisci, qui olim obscurus, hodie notissimus; Fanum S. *Antonii de Campis*, ubi Abbatia, & Ecclesia perelegans, in qua Ioanna Franciæ, Caroli V Regis primogenita, cum Blanca sorore, ante princeps altare sepulta est, ad illarumque tumulum tumba nigri marmoris, duabus alabastrinis effigiebus distincta, apposita est.

Hucusque illam Vicecomitatûs Parisiensis portionem descripsimus, quæ Septentrionem & Ortum respicit; nunc ad Occidentalem & Australem perlustrandam accingamur. Transmissa itaque in urbe Parisiensi Sequana fluvio, plura in illius margine occurrunt exigua præcæ memoriæ loca; & quidem proxime adjacet, *Tyria-cum*, quod à Carolo Calvo, Rege, *Hiberiacum* indigetatur, ab aliis autem *Tyrium*, & *Ybreium*. Sequuntur exinde, *Vitriacum*, seu *Victoriacum*, & *Vitrium*; *Villa-Iudæa*, aut *Villa-Iudæorum*, à Iudæis ibi commorantibus hoc nomen sortita, quam ipsi etiam usuris solitis sibi comparant; verum Philippus Augustus Rex, Gentem istam pessimam regno expulit; Territorium, quod assidet, vitibus est refertissimum. Non procul hinc *Salceia*, prioratu virginum Benedictinarum nobilis.

Subintratur deinde planities oblonga, tribus circiter extensa leucis, vulgo *Longboyau*, quæ *Irvisy* burgo terminatur. Inferius autem versus Sequanam, *Thiais* pagus occurrit, cujus vetustati attestatur Diploma Caroli Calvi Regis, datum anno 972, ubi & *Teodaxium* nominatur. Sequitur *Orly*, qui *Aureliacus*, in veteri ejusdem Caroli Calvi Instrumento dicitur; aliâs *Orliacum* etiam appellatur. Succedit *Villanova Regis*, cui cognomen adscitum à possessione regia; *Ablunum*, Gallicè, *Ablon*, locus Ecclesiæ Parochiali d' *Athies* annexus, quæ *Aregias*, & *Athias* in Cartis veteribus, à modernis autem authoribus *Athisiacum* indigetatur, oppidulum quatuor à Parisiensi urbe leucis distans; hic est Prioratus sub nomine S. Dionysii; adjacet pago Domus structuræ perelegantis, variis

Monstreuil.

S. Mandé.

Baignolet.

Alia loca.

Tyria-cum.

Vitrium.

Villa-Iudæa.

La Saul-leye.

Thiais.

Villeneuve le Roy.

variis & hortis longe lateque diffusis obsepta. *Iuvifiacum*, vulgo *Iuvisy* & *Givisy*: Ulterius juxta ripam fluminis ascendenti se offert *Castellonium*, cui à Sequana cognomen; *Rizenfis* postea ditio, quæ & *Rios*, & *Risum*, non longè à Corbolio visitur.

Porro apud Corbolium modicus in Sequanam amnis evolvitur, qui variè à variis auctoribus nominatur; dum enim è Stampis profluit, *Iune* & *Ioine* nomen fortitur; verum ubi Villam regiam pertigit, excepto minori flumine nomen commutat; deinceps enim *Iffona*, & *Exona* dicitur; cui oppidulum imminet, quod à paludibus *Paludellum* nuncupatur. *Villa* autem *Regia*, quæ olim Regum fuit domicilium, arx est elegans & venusta, porticibus, cameris, conclavibus, topiariis, hortisque cultissimis instructa, hodie tandem ad Marchionatus dignitatem provecta est; allabitur inde *Exona* cognomine sibi burgum, uno duntaxat à Corbolio milliari; duobus postea emensis milliariibus, *Ris* oppidulum invenitur.

Est autem alius præterea rivulus, *Vrgia*, & *Orgia* dictus, qui quidem in Sequanam defluit uno supra Corbolium milliari; is juxta locum de *Dourdans* oritur, & *Castras*, vulgo *Chastres* pertransit; quæ à Guillelmo de *Nangis*, *Castra*, & à Paulo Æmilio *Chatras* appellatur. Apparet deinde Mons de *S. Ton*, qui à Sancto viro D. Dionysii, primi Parisiensium Episcopi, discipulo, hoc nomen accepit, ipse enim hac tota circumregione populum, Castrensem præsertim, ad Christi fidem perduxit. Progreditur postmodum *Orgia* fluvius ad ædes regias de *Chantelou*, quæ & ob suam vetustatem, & singularia quædam ornamenta commendantur; hinc pergit *Orgia* *Espinaium*,

unde modico absunt intervallo, *Ver* *Magnum*, *Bondusum*, & *Orengiacum*, Gallicè, *Ver*, aut, *Verd le Grand*, *Bondoufle*, & *Orengy*; quibus junge *Fleuriacum*, & *Castellaniam de Marcouffy*, & *Ramboillet*, unde Franciscus Primus Rex depositis vitæ mortalis sentibus ad palmas & lauros cælestes evolavit. Hic *Orgia* *Remardæ* rivuli aquas excipit, indeque *Noërium* proficiscitur; ac sub

Quinciaco amnem *Monttheriensem* admittit. Hic est ille fluvius, qui instructas in bellum *Boni Publici* acies sustinuit, Ludovico XI Rege, & Comite *Carolensi* inter se dissidentibus: Postquam ergo *Monttherium* obviam salutavit præfatus amnis, *Linaisum* tunc burgum alluit; mox *Longipontum* procurrit, ubi Prioratus *Cluniacensis* instituti, ac tandem in *Orgiam* se exonerat, qui paulò inferius alium sibi rivulum adjungit, ab

istius monasterii monumentis *Iueta*, seu *Iuete* nominatum; suos autem fontes repetit *Iueta*, è *Vallibus Sarnaii*, quas Galli *Vaux de Sernay* vocitant, ubi Abbatia *Cisterciensis*, cujus alumnus fuit *Petrus* ille, qui *Albigensium* belli historiam exaravit; inde vero ad *Domnam-petram* perlabitur.

Chevroza quoque, seu *Chevrussa*, *Carosa*, *Cabrosa*, *Cabrosia*, *Caprosia*, & *Capreosa*, Gallicè, *Chevreuse*, ad *Iuetam* sita, nomen cepit à Cervorum & Cervarum multitudine, quibus olim in silvis proximis abundabat; ipsa *Baronatus* & *Castellaniæ* titulum diu extulit, ut in veteribus monumentis legitur. Iacet autem in valle *Chevrofensi* *Manilium* S. *Dionysii*; ipsumque territorium & ditio

de *Maurepast*, quæ Latinè *Mahus repastus* dicitur; ultra *Manilium* S. *Dionysii* affidet, atque eodem tractu insignis illa Abbatia, quæ *Portus Regis*, & *Portus Regalis* seu *Regius* appellatur; verum nuper, quæ illic incolebant *Moniales*, in suburbium *Parisienfè* S. *Iacobi* translatae sunt. Cis *Portum* *Regium*, exiguus vicus, *Vicini* nomine, reperitur, qui nomen imposuit nobilissimæ *Vicinorum* familiae in tractu *Langdocienfè*. Reflexo postea per *Chevrussam* itinere invenitur Prioratus S. *Pauli Alnetensis*, qui in vetustis monumentis S. *Paulus de Alnetis prope Caprosam* nominatur. Binus inter colles positus est iste Prioratus, ubi duæ olim capellæ, frequentia & ornamentis penne omnibus destitutæ.

Iueta rivulus *Castellum*-forte linquens ad dexteram, versus *Gif monialium* abbatiam defluit, à qua non procul villa *Vnumvillare* dicta, vernaculè *Vnwilliers*; quæ quidem earundem *Monialium* est possessio *Bures* deinde irrigat, & oppidulum S. *Clari*, peregrinantium frequentia clarum; *Bonnes* etiam, & *Limours* territoria amplissima: *Forges*, Latine *Forgie*, ubi Prioratus *Cluniacensis*: *Gomets*, vetus *Castellania*, quæ *Gomedus*, *Gomecium*, & *Gometum* apud priscos nomina fortitur: *Villa-Iusti*, Gallicè *Ville-Iust*, *Orsay*, seu *Orceacus*: *Palaiseau*, Latina *Instrumenta Palatiolum* dicunt, ista inquam loca hunc eundem tractum occupant; quibus accensenda sunt *Villabona*, & *Campus planus*, Gallorum lingua, *Villebonne*, & *Champlan*; nec non & *Longemellus*, & *Longus jumellus*, vernaculè *Longjumeau*; locus hic ante omnem *Patrum* memoriam *Castro Cailliac* fuit annexus titulo *Castellaniæ*, quæ postmodum ad *Marchionatus* dignitatem promotæ est, vulgo *Marquisat de Chailly*: ultra *Iuetam* occurrunt *Boullainvilliers*; *Chevilly*, Latine *Civiliacus*; *Saviniacum* super *Orgiam*, prout in veteribus manuscriptis exaratum. Porro *Iueta* usque *Grandemvallem*, vulgo *Grand-vaux* decurrens, tandem paulo inferius miscetur *Orgiæ*, qui cum *Saviniacum* perlapsus est, prope *Iuvifiacum* in Sequanam effunditur.

Binis à *Longemello* leucis, alius pertransit rivulus, *Bierre* dictus, qui in Sequanam quoque procurrit in ipsis *Parisiorum* suburbiis: memorant veteres sub nomine *Biberis*, *Bibera*, & *Beveræ*: exoritur loco de *Guicourt*, Latine *Guidonis Curia*; unde non longe distat fanum S. *Antonii du Buiffon* dicti, populorum concursu & devotione celeberrimum. Eidem regioni assident quæ sequuntur oppidula, *Val de Gallie*, ubi monasterium virginum S. *Cyro* dicatum; *Trappes*, *Villepreux*, Latine *S. Cyr, abbatia*. *Villaperor*, *Villaperosa*, & *Villapetrosa*. Vt autem *Beveræ* fluminis ductum persequamur, illud, ut diximus, ex *Guidonis Curia* profluit, deinde *Bucium*, seu *Bucum* allabitur, à quo sesqui solùm milliari transiens, *Versailles* locum venatione celebrem, alio relinquit ex latere; *Ioyacum*, quod & *Iosas* dicitur, advenit; cui adjacet *Vaucreson*, olim spelunca, latronum infame latibulum; nam ob nemorum vicinitatem inibi latitabant; cis occurrunt *Separa* & *Lupicene*, vulgo *Serre*, & *Oursines*; postea *Villacobley* castrum, & *Vallis Gratie* abbatia, cujus moniales *Lutetiam* translatae sunt. Modico inde intervallo, amnis alveus reperitur, cui à dextris *Vallis-Hellendi*, Gallicè *Vaubalan* apposita est;

Chastillon
sur S. me.
Riz.

Esfontes.

Palis.

Villiers.

Exona oppidum.

Chastres.

Mont S. Ton.

Chantelou.

Alia loca.

Nauvay.

Montthery.

Linays.

Iuete.

Vaux de Sernay.

Dampierre.

Mesnil S. Denis.

Virg.

Berry.

Bourg.

Reyn.

Ceau.

Chast.

Mon.

ge.

est; nec longe Bevera vicus, quem fluvius ipse cognominis alluit; huic affidet validissima arx *la Motte de Bievre* dicta, alias *Maumolin*; exinde Bevera pergit Igniacum, vernaculè *Ignay*, *Amblainvillers*, & *Verrieres* satis amœna loca. Paulo superius saltus & nemora S. Germani conspiciuntur, quæ hinc ad Beveræ oppidum, illinc ad *Castanetum*, *Plessis Picquet*, & loca alia protenduntur. *Castanetum* autem, seu *Castanedum* à nucibus castaneis, quibus abundat, nomen sortitum est; at *Plessiacum Picquet*, cœnobio gaudet Ordinis Fueilentini. *Clamardum* oppidulum est in vicinia situm; & locus de Meudon apprimè notus ob castrum egregium, & Capucinatorum asceterium: eadem se offert regione Iliacus satis elegans pagus, cuius olim ditio ad Parisiensi usque mœnia extendebatur; proximum deinde *Vanves* oppidulum, à priscis *Vanvæ* nominatum; *Vaugirad* quoque satis famosum, Latine *Vallis-Girardi*. Quod autem fluvii est Beveræ, suas ille aquas *Virginicum* deducit, postmodum *Villaines*, *Mignaux*, *Macy*, seu *Maciacum* alluit; apparet postea *Vicfors*, corrupto vocabulo *Huichsolz*, antiquitus autem *Vicus-Cereri*, *Antoniacus* Beveræ etiam irriguus, vulgò *Antony*, in veteribus titulis *Antonii-vicus*, aut, *Villa* nuncupatur, cuius appendices sunt, *Roricurtis*, *Villa-Ofsi*, *Villa-Haymonis*, *Villa Gres*, *Villa Mulnes*, *Villa Vedrarias*, *Villa Culet*, *Villa Boldins*. Reperitur hinc quoque Pons Antoniacus, quem transgreditur *Bevera*, ac *Berniacum* perlabitur, ubi ampla & magnifica domus Illustrissimi quondam Nicolai *Brulart* Franciæ Cancellarii: provehitur deinde fluvius *Reginæburgum* inter & *Layacum*, vulgò *Bourg la Reyne* & *Lay*, ut ad locum de *Cachant* perveniat. Est autem *Reginæburgum* oppidulum pervetustum, viâ regiâ, quæ Parisiis Aurelianum ducit, insidens, duabus ab ipsa urbe Parisiensi leucis; appellatur vero in veteribus instrumentis *Burgum Regine*. Hoc etiam tractu conspiciuntur *Cella*, *Fontanetum* & *Fontanetum*, *Balneolum*, vulgò, *Ceaux*, *Fontenay*, *Baigneux*, loca satis nota; necnon *Castillonium*, & *Mons-rubeus*, quem Eremitæ, Ordinis Guillelmitani, quos vulgus *Albos* vocat *Mantellos*, ab ævo S. Ludovici, usque ad Philippi Pulchri tempora infederunt, qui eos Lutetiam Parisiorum transtulit.

Ceterum *Cachant* vicus, qui & *Bevere* alluitur, locus est perantiquus, quamquam exiguus; nam illius in antiquo diplomate meminit Ludovicus Imperator, cognomento Pius; quin & Carolus Calvus idem oppidulum *Caticantum* nominat. Visebatur olim inibi peramœnus regum secessus;

quod quidem ex vetustissimis instrumentis comprobatur. Inde verò fuit Bevera ad *Arcueil* oppidulum, secessu priscorum Regum, & limpidissimis, qui illic stagnant, fontibus nobile, quod veteres *Arcoleum*, *Arculeum*, *Arcoilum*, & *Arcolium* nominarunt; ob fornices nimirum & Aquæductus, quos ibi condidit Iulianus Imperator, dum Parisiis ageret, ut tubis plumbeis ad suum palatium aquas deduceret. Istius autem Palatii loco ædes Cluniacensis hodie substituta est, ut compertum anno 1544, dum excavarentur civitatis mœnia versus Academiam, sive Vniversitatem; eademque regione etiamnum visitur ingens aquæductus, quem *Maria de Medices* Regina extrui præcepit in commodum præclaræ Domus Luxemburgensis; sunt & alii aquæductus in communem usum Parisiensium, quorum scaturigo in fonte *Rongis* duodecim velut faucibus erumpit. *Arcolio* contiguum est *Gentiliacum*, vulgò *Gentilly*, quod & suis undis perfundit *Bevera*, qui & fluvius *Gentiliacus*, & *Gobelinorum* vocitatur. Porro *Gentiliacum* fuit & olim sedes Regum amœnitatis, sed impius *Normanorum* furor, omnem illius pulchritudinem & elegantiam deformavit. Hic aquæ præstantissimæ ad pannorum cujuscunque generis ex minio infectionem, qui etiam usque ad Palatium summi *Turcarum* Imperatoris distrahuntur. Peritissimus, qui unquam Parisiis tinctor, *Gobelinus* vocabatur, qui cum in suburbio *San-Marcellensi* sedem in amnis margine posuisset, inde postea flumini nomen inditum *Gobelinorum*.

Præminet *Gentiliaco* castellum *Vincestrense*, à *Ioanne Berriensi* Duce, temporibus *Caroli V* Regis excitatum, sed postea direptum à *Ianionibus*, atque dirutum, in Hospitale militum vulneratorum, aut membris mutilatorum deputatum est. Quæ pridem supererant hujus castelli ruinæ, à vulgò Castrum de *Bissestre* dicebantur; eratque locus ille infamis ob *Discipulorum* *Diaboli* conservationem, tetrum enim illum pædagogum magiam, aliasque artes fortilegas inibi prælegere passim circumferebatur.

Hæc de Præfectura urbis & agri Parisiensis dicta sufficiant, neque enim elogia texere, nisi obiter, ad nostrum pertinet institutum, sed loca solummodo delineare, & quo cœli climate, qua terræ regione constituta sint, demonstrare. Quod cum de præstantissima Franciæ regione præstiterimus; abunde etiam nostro muneri satisfacisse opinamur.

Virginie.

Berry.

Bourg la Reyne.

Ceaux.

Castillon. Mont-ronge.

Fons Rongis.

Gentilly.

Vincestre, seu Bissestre.

R E G I O
G A S T I N E N S I S,
E T
H V R E P E N S I S,

vulgò

LE GASTINOIS, ET HVREPOIS.



Ost amœnissimam Parisien-
sium regionem, vasta veluti solitudo se of-
fert, unde & *Wastinium*
nominatur, quod *Verni-*
sono flumine versus Oc-
casum ab Hurepen-
si agro determinatur; à Se-
nonensi versus Ortum,
amne *Tonne* dicto; à

Meridie autem Altifiodorensi; denique à Sep-
tentrione Solonensi & Blesensi clauditur.

Qualitas.

Et si rupibus obsita regio, sufficientia tamen
suis habitatoribus præbet alimenta; pascuis gau-
det feracissimis, quibus innumeros pascit anima-
lium greges: gratissimas habet silvas, & amnis
commodissimis irrigatur. Hæ sunt autem merces
præcipuæ, quas exteris regionibus divendit: O-
leum è nucibus expressum, crocus præstantissi-
mus, piscium sapidissimorum multitudo. Cælo sa-
lubri fruitur, quam ob rem habitatoribus fre-
quentissima est; imo & ab ipsis Regibus exulta,
qui palatia, ædesque amœnissimas inibi ædifica-
runt; & quidem jucundissimus elegantissimisque
totius Europæ Regum secessus, Fons Bellaquen-
sis scilicet, hac in regione positus est.

Aër.

Hic Regina olim regio fœtus ediderunt, in
Montargiensi scilicet castello, antequam super-
bum istud & magnificum palatium extrueretur;
tantæ molis erat, ut aëre selectissimo nasceren-
tur, quorum mentes omni solertiâ vigere debe-
rent in bonum Status regimen.

Extensio.

Regio Gastinensis sub se comprehendit Duca-
tus Stampensem, & Nemurensensem, Comitatum
Rochefortensem, plurimasque alias dynastias,
ac familias nobiles, quas suo loco describemus.

Civitates.

Celebriora illius oppida sunt, *Montargis*, *Milly*,
Nemours, *Fontainebleau*, *Ferrieres*, *S. Maturin*, *Cha-*
steau-Landon, *Moret*, *Chastillon*, *Lorris*, *Chasteau-*
nard, *Choisi*, *Malezerbe*, *Phoviers*, *la Ferté-Alais*,
Beaune, *Ville-neuve la Guiard*, *S. Arnoud*, *Puiseaux*,
Pont-Agasson, *Blesneau*, *Beaumont-les-bois* Comita-
tus; *Egreville*, *Boisse*, *Chelieres*, &c.

Gastinenses tum Senonensibus parebant, cum
Iulius Cæsar Galliam appulit, unde & sub Dico-
cesi & Archiepiscopatu Senonensi permanserunt
postquam in hac regione fides Christi suscepta
est, atque unus ex Senonensibus Archidiaconis,

titulum Archidiaconi Gastinensis assumpsit,
quem etiamnum servat.

Dividitur autem hæc regio à modernis quibus-
dam in Hurepensem, & Gastinensem; sed quia
certos cujusque tractus terminos non assignat
hæc divisio, nulloque sit fundamento subnixæ;
ideo duas alias probabiliores afferemus; quarum
una Spiritualis & Ecclesiastica, alia Sæcularis.
Statum igitur Ecclesiasticum quod attinet, in
quatuor dispescitur Decanatus, quorum quisque
certum parochiarum numerum complectitur,
præter Abbatis, Prioratus, Ecclesias Colle-
giales, Capellas, Xenodochia, & Lazareta: hi
autem sunt Decanatus, *Cortenay*, *Milly*, *Gastinois*,
Ferrieres. Status autem sæcularis tres habet Bail-
livatus, *Melodunensem*, *Nemurensensem*, & *Montargien-*
sem; quæ inter, duo tantum, primus nimirum &
secundus, ad regimen Insulæ Franciæ pertinent;
tertius verò Aurelianensis est ditionis, cujus ini-
bi descriptionem apponemus.


M E L O D U N V M,

vulgo

M E L V N.

MElodunum civitas antiquitate nobilis, va-
ria nomina sortitur, nam *Metiojedum* à
Iulio Cæsare; *Methetum* in Itinerario An-
tonini; à quibusdam vero *Milidunum* appellatur.
Existimant nonnulli ita nominatam, eò quod
mille & uno annis ante Parisios fuerit condita;
quodque hoc eodem nomine Parisiorum civitas
olim fuerit vocitata; etenim juxta prototypum
urbis Melodunensis fuit delineata. Sed exactis
inanibus hisce conjecturis, indubitatum istud
afferam antiquitatis documentum, quo vetu-
stius nullum de Meloduno reperitur, quod scili-
cet Clodovæus primus inter Francos Rex Chri-
stianus, misso Aureliano in opus matrimonii
cum Clotilde contrahendi, Castrum Melodu-
nense in navatæ operæ remunerationem assigna-
vit. Sunt & alia, quæ lubens prætereo; hoc
tantum adjiciam, Melodunensem scilicet civi-
tatem Episcopatus sede olim insignitam à non-
nullis asseri, primumque illius Antistitem Leo-
nium, Sanctorum catalogo ascriptum. Fuit au-
tem Melodunum Normannica tempestate vasta-
tum

rum & incensum; sed pristino splendori restituit Carolus Rex cognomento Simplex, ibique Monetam argenteam signari concessit, cujus figuram exhibemus:



Diviso.

Hanc autem civitatem quod impræsentiarum attinet, tres in regiones dispertitur; quarum prima & antiquissima insulam occupat, vocaturque propriè civitas, seu S. Stephani regio, à Parochia nimirum ejusdem nominis; illam memorat Cæsar libro 7 Commentariorum; nostri verò Historiographi passim Castellum Melodunense nominant, cujus nominis ratio & urbem & suburbia nonnumquam involvit; Secunda regio Brioniam respicit; tertiâ Gastinense territorium; porro utraque ponte sibi proprio in insulam transmittit.

Vaux le Penil.

Habet Melodunum Leges & Consuetudines sibi peculiares, quibus adhærens, locis suo Bailivatu subjectis etiam jus dicit; Sunt autem hæc præcipua & notatu digniora, Vallis Penuli, vulgo Vaux le Penil, quæ olim fuit possessio illustris familiæ de Penil, è qua Vallis hæc nomen sortita est: Livry, Chartrettes, Latinis Carnotula, seu Castretæ; duobus inde milliaribus reperitur Abbatia Barbellus dicta, Gallicè de Barbeau, Ordinis Cisterciensis; quæ quidem à Ludovico Juniore illius fundatore Melodunum inter & Corbolum olim extructa, ad Sequanæ littus, loco, qui Sacer portus, Sanctus portus, Sanus portus, & Sequanæ portus indigetatur; sed in Religiosorum commodum, ad Barbelli locum translata est, cui tale nomen inditum, ab eventu prout dicunt, mirabili, pisce nimirum Barbello, in ore palam præferente annulum, quem D. Lupus Senonensis Episcopus, sedandæ tempestatis ergo, in Pontem Melodunensem projecerat, dum solenni processione progredieretur. Haud procul à Barbelli Abbatia sedet Hericy vicus ponte saxeo ad Sequanam exornatus; ultra verò apparet Samegium, vulgò Samois, ubi Prioratus; deinde Macholium, & Machelum, unde nobilissimi dynastæ quondam nomen assumpserunt; huic adjacet Gravelleum territorium, ubi castrum non inelegans; & Vernoulus, seu Vernotum, Gallicè Vernou; hac perfluit rivulus, qui Vaujouen, Guierchy, Montigny, & Escuelle alluit, ac demum Sequanæ immergitur.

Machau.

Nangis.

Nangiacum burgus à vetustate commendatur, muris cinctus est, castello insignis, sex à Meloduno milliaribus distans. Huic autem contiguus est locus Chastel appellatus; reducto deinde Parisios itinere occurrit Grandpuy oppidulum, ubi Prioratus. In tractu Quarresio, Quarrois, vicus, nomine Guierres, reperitur; viæ quoque Melodunensi affidet Capella Gualterii, præclara ditio, castello munita. Est & alia ditio in Vicecomitatu Melodunensi, quæ Borda Vicecomitatus nominatur: Dominatus quoque alius Verte in fugam dictus, Gallicè Tournenfuite, hac etiam regione invenitur; illud forsân hocce lemmate, veluti nomine insignitur, ob commissum aliàs inibi prælium. Alluit Capellam-Gualterii flumen Ancolium, quod inde pergit Campelum, vulgò Gallia.

Chapelle-Gualter.
Borde la Viscomte.

Ancueil.

Champeaux, burgum pervetustum, ubi Abbatia S. Martini. In Melodunensi Archidiaconatu quinque sunt Parochiæ diocesis Parisiensis, nimirum Campeli, S. Mederici, Foujucq, Soucy, & Andrefel. Porro S. Mederici oppidulo nomen ipsius Sancti inditum, ob miracula quæ ibi patravit, unde & Ecclesia illi dedicata est. Foujucq alia est parochia, Campelo etiam vicina, quæ suo complectitur districtu Territorium Montis-pincionis, seu Montis-pincii, olim clari natalibus Martini IV, summi Pontificis. Pagus verò Suciacus, qui Archidiacono Melodunensi subjacet, etiam castello exornatur. Tandem Andrefel, seu Andefel, veteri quoque Castello gaudet, fuitque olim diuturna possessio celebris familiæ d' Andrefel, quæ impræsentiarum defuit.

Blandiacum, vulgò Blandy, castrum habet munitionissimum; dynastia est, & perantiqua possessio Vicecomitum Melodunensium. Haud procul sunt Moisenay, & Mincy, Latine Minciacus; deinde Curteriacus, vulgò Courtery; Crofiniacus, Gallicè Crifenoy; huic succedunt Mormant, Gastins, Courpalay. Occurrit deinde urbecula Rosay, ad Yeram posita, quæ à rosis, quas maximâ profert abundantia, nomen accepit; unde ab Historiographis, & veteribus instrumentis Rosetum appellatur.

Rosay.


Inter antiquiores Diocesis Parisiensis ditiones computatur; quin & Benedictus VII, Liziardo Parisiensi Episcopo, concedens confirmationem Terrarum & districtuum suæ Diocesis, inter alia loca recenset Rosetum; hic nempe verborum Confirmationis tenor: Eleriacum, Steorillam, Rosetum, Cellas, Vernoulum, Machelum, Samegium, Mintriacum, Mauriacum, cum Ecclesiis & universis ad se pertinentibus. Rigordus etiam insigne refert miraculum anno 1198 eadem in urbe contigisse, in sacrificio nimirum Altaris panem visibiliter in carnem, & vinum in sanguinem commutata fuisse. Non longius inde remota villa Neelenfis, à Gisleberto nomen sortita; & Calmarum urbecula mœnibus cincta, quæ & abbatiam habet Ordinis Benedictini; illam Lucius III, in Diplomate Sanctum Petrum de Calamis indigetatur: deinde locus le Vivier dictus, ubi Sacellum regiâ munificentia fundatum, quod sanctitatis nomine insignitur: Ozouer le Vougis sequitur, corrupto vocabulo ita vocitatus etsi vernaculo, nam Latine Oratorium Vougis appellatur; succedunt Vitry, Marchionatus; Coubert, seu Coubard, aliàs Curia Bardi, & Curia Berti; Guignes, Songnolles, & Teble, quæ Ebla & Ebula nominatur; Cramoyau, in veteribus monumentis Crameel, & Cramonel, cui affidet Limogenis vicus, binis à Meloduno leucis remotus, qui in antiquo diplomate Roberti regis Lemoveca, & Limogia nuncupatur: Pouilly, sive Polliacus, fortis titulo exornatus: Ver S. Dionysii, Perruchey, aliàs Perrucheium; Reau, Latine Rigolium; Montreau, sive Montreolum. Apparet postmodum sesqui à Meloduno milliari famosissimus du Iard locus, ob insignem abbatiam tantopere celebratus: subsequitur Rubelle; & versus Corbolum littus Sequanæ legenti occurrit Boscus Domini Bertrandi, Gallicè Boissie la Bertrand, seu Boissire le Bertrand, qui quidem & à nonnullis Boissie Bertrandi vocatur. Paulò inferius Sacer Portus visitur, de quo supra.

Nelle de Gislebert.

Chaulmes.

Limoges.

hard abbatia.



Iacet in adversa fluminis ripa Gastinense territorium, cuius aliqua portio ad Melodunensem Baillivatum pertinet. Proxime autem ad urbem hanc conspicua est Liliensis Abbatia virginum Cisterciensis instituti, quam sanctissimus Rex Ludovicus singulari pietate excitavit, & regiâ munificentia dotavit; huic adjacentes vici sunt *Domna-Maria*, vulgo *Dame-Marie*; *Busfia*, sive *Boisfise le Roy*, & *Orgenoy*, ubi Prioratus. Subtus autem Busfiam profluit *Scola amnis*, vulgò *Escole*, qui ortum ducit è vico *de Courance*, ob decurrentes variis illius locis aquarum scaturigines ita nominato. Inde vero *Scola* fluvijs *Sofiacum* allabatur, ac postmodum pergit ad oppidulum *S. Salvatoris*. *Courantia* affidet *Milliacum*, Castellania pervetusta, & exiguum oppidum, in profundo loco projectum, ubi nonnullæ perelegantes Ecclesiæ, quarum primaria Canoniorum Collegio exornatur. Expugnata fuit ab Anglis hæc civitas anno 1430; postea Carolo VII rerum potente, incensa; & quod mirere, quinquaginta annorum intervallo tota fere ter exarsit.

Abbatia du
Lis.

Courance.

Soff.

Milly.

Haud procul à Milliaco visebatur olim præclara Regum Domus, quæ *Foresta* dicebatur, Gallicè *Forest*, cui proximum erat amœnissimum vivarium; necnon & oppidula *de Celly*, sive *Celliacum*; *Buno*, *Capella Regina*, *Chappelle la Royné*. Mediâ deinde à Celliaco leucâ se offert *Floriacum in Bieria*, vulgò *Fleury en Biere*; *Tofiacum*, sive *Toisy*; *fanum S. Martini in Bieria*, alias *Pertbes*; *Chailly*, *Bruisoles*, *Bois le Roy*, *Samois*, *Farumville*, seu *Farumvilla*, & *Farutvilla*, quasi diceret *Faronis* aut *Farulphi-villa*.

Fontaine-
Bleau.

Ecce jam eminet augusta Regum Domus *Fonsbelle-aque* nuncupata, quæ à priscis *Fonsbhaudi*, *Fonsbleaudi*, *Fonsblaudi*, & *Fonsbellaqueus* appellatur, ob aquas nimirum limpidissimas, quæ infinitis pene locis ibi scaturiunt. Vere illa Domus est (absit verbo invidia) in cuius gloriam Reges plurimi suam & munificentiam, & magnificentiam contulerunt. Si quæ toto orbe Regum digna solitudo, illa est, quam sanctissimus Regum Ludovicus sua deserta, suasque solitudines dictitabat. Multi quidem Reges eam mirificè exornarunt, at nemo ut *Franciscus I.*, & *Henricus IV.* reges inclyti. Totius castelli ambitus mille quadringentas & quinquaginta continet orgyas. *Area*, quam *Equi Candidi* indigetant, 80 longitudine, 58 latitudine protenditur; *Maxima porticus* 60, longitud. 3 latitud. In illa autem porticu expressæ sunt vivotenus *Henrici Magni* pugnae atque victoriæ. *Fontis area*, ubi *Apollinis* & *Commodi Imperatoris* aliæque effigies antiquæ, 30, longitud. 28 latitud. Amplissima *camini perelegantis aula* 28 Longitud. 5 Latitud. Hic insignis visitur *Henrici Magni* effigies ex *Pario marmore* exsculpta. *Porticus minor*, Domos omnes amœnissimas, quotquot Francia miratur, suoque complectitur sinu, vividissimâ perspectivâ delineatas exhibet. Iuxta est conclave, quod vocant *Picturarum*, ubi non vulgaria artis miracula videas, quæ *Michael Angelus*, *Raphael Vrbinus*, *Andreas Alsertus*, *Leonardus Aluinus*, & alii celeberrimi pictores effinxerunt. Ambæ *Porticus*, *Regina* scilicet atque *Cervorum* 28 orgyas habent longitudinis; tres autem latitudinis. *Aviarium*,

cujuscunque generis scatet avibus, qui variis in arboribus sibi nidos extruunt. *Chorearum aula* patet in longitudinem orgyas quindecim; quatuor vero in latitudinem. — *Maximum Regis Viridarium* 180 orgyiarum longitudinis, 150 latitudinis, limpidissimum in sui medio fontem exhibet, qui fons *Tiberis* nominatur. Est autem fons ille statua ænea stupendæ magnitudinis, cui lupa adjacet *Remo* atque *Romulo* ubera præbens. Iacet eodem viridario ænea *Cleopatra* figura, aspidibus etiam quibus brachium pungi-tur adjectis. In *viridario* autem *Regina*, cuius longitudo est 50 orgyiarum, latitudo 38, fons alius conspicitur, in cuius basi posita est figura antiqua *Dianæ*, senorum pedum cum dimidio altitudinis, quam circumstant quatuor canes ænei, & quatuor capita cervorum, aquas, quemadmodum & canes, evomentium. Haud procul visitur elegans alia figura, hominis scilicet, spinam è planta pedis sibimet evellentis. *Stagni viridarium* 34 orgyas occupat longitudinis, & totidem latitudinis; præfert autem in medio ingentem pario ex marmore *Herculis* figuram. *Castelli stagnum* 150 orgyas implet longitudinis, & 114 latitudinis. *Hortus puteorum* 160 numerat longitudinis, 90 latitudinis. Porro *Fons* ipse, à quo *Fons-Bellaqueus* nomen sortitur, in veteris *Prætorii*, Gallicè, *Vieille Conciergerie*, *viridario* suam habet scaturiginem, extantque inibi truttarum canales. *Canalium nemus*, 80 long. 72 lat. *Pomarium* 84 long. 80. lat. *Xystus*, vulgo *le Pallemail*, 300 long. lat. 3. *Maximum Regis Vivarium* 166. terræ jugera, & 79 perticas suo ambitu comprehendit. Via denique *Ipreolis* utrâque ex parte confita, sexcentas viginti septem orgyas longitudinis, & decem latitudinis obtinet. Sunt viæ aliæ non minoris extensionis, quas omitto, ne tot, tantorumque itinerum dimensione discurrentem animum plus nimio defatigem; sufficiat suspicere tantæ Domus amplitudinem & magnificentiam, quæ ipso etiam nomine apud exterarum nationes plurimum commendatur.

Emensis igitur duabus à *Fontebellaqueo* leucis, *Moretum* urbecula districtus *Melodunensis* invenitur, Comitatus titulo nunc insignita, *Loinio*, seu *Lovanio* flumini incumbens, ad ostia quibus in *Sequanam* sese exonerat. Duas præ-tendit vetustissimas, sed validissimas turres, velut suæ monumenta antiquitatis; quarum unâ *Burgundiam* respicit, alterâ *Parisijs*; huic autem adjacent loca sequentia, *Chastellier*, *Boisses*, *Terre*, *Bosse de Loin*. Hic commissa est cruenta *Fredegondam* inter & *Brunechildem* pugna anno 605. Dimidio inde milliari sedet *Torcularium domus*, quam *Franciscus I.* Rex excitavit in commodum suorum colonorum, sive vinitorum, quæ etiam-num ad Reges pertinet. Tandem *Villanova la Guiart*, urbecula mœnibus circumvallata *Gastinense* territorium hac in regione circumscribit.

Moiety.

Torcularium
domus.

Ville-neuve
la Guiart.

D V C A T V S
N E M V R E N S I S.


Secundus territorii Gastinensis Baillivatus *Nemofium* agnoscit Caput & Metropolim, quæ Ducatus & Patriatus titulo gloriatur; sedet ad *Loin* fluvium, nomenque à nemoribus sortitum est, quibus obsepitur. Oppidum plane vetustum, figuræ etiamnum quadrangularis, jacet in loco depresso, cui colles circum-imperant. Alluitur quadam ex parte *Loin* flumine. Portis quatuor venientes excipit; castellum quidem habet, sed non adeo firmum aut munitum. Lapideo etiam ponte instruitur. Anno 1170 Ludovicus Rex, junior cognominatus, S. Ioannis Prioratum ædificare cœpit, ut Religiosos Ordinis S. Augustini à Palæstina advectos, in eo collocaret; Gualterius autem I, Nemofii Dominus, ad finem perduxit; unde & illius fundator existimatur. Idem quoque Gualterius Nemofensem Xenodochium excitavit, amplissimisque redditibus auxit in egenorum ægrotantium subsidium. Extruxit & Lazaretum in Leproforum secessum; necnon & Abbatiam sub titulo Virginis Deiparæ, à *Gaudio* cognominatæ, Ordinis Cisterciensis. Celebratur autem potissimum hæc civitas ob inita pacis fœdera, quorum duo præcipuè recensentur; primum anni 1585 sub initium Martii, quo Factiones adversus Henricum III, Regem conjuratæ deserunt: secundum anni 1588 circa decimum-quintum mensis Iulii, quo Catharina de Medicis Regina, Henrici III parens, Hispanorum, Italicorumque exercitus reformidans, qui in Galliam irrumpere minabantur, stareque à partibus Factionis, res cum Duce Guisacensi composuit; quod & obsignavit idem ipse Rex.

Sunt in eadem regione multa alia non exigui momenti loca, *la Fay*, oppidulum loco edito positum, ubi arx pervetusta: *Souppes* priscae etiam memoriæ, nam suæ vetustatis argumentum pontem ostendit à Sulpitio Romano Duce extructum iussu Iulii Cæsaris, unde in Carta veteri Pons Sulpicii appellatur; *Sercanceau*, abbatia Cisterciensis instituti, Latine, *Sacra-Cella*. Superiori ab hac abbatia regione *Bes* rivulus pertransit, in *Loinum*que amnem properat, salutans obviam castellum de *Mès le Marechal*, locus territorii Gastinensis munitissimus; ab Instrumentis Latinitate donatis vocatur *Mansum*, & *Mesum*, quod domicilium & mansionem denotat; quia verò plures illius Dynastæ Marecallatus dignitate fulserunt, ideo Marecalli nomen insuper additum est. Modico distat intervallo *Aigreville*, Latine *Acrisvilla*, urbs exigua, sed ditio spectatissima, quæ & nomen imposuit nobilissimæ familiæ. Adjacent *Pacy*, Abbatia celebris regularium Canonicorum, cuius S. Fulbertus primus Abbas extitit: *Chefiacum*, modicum oppidum, pecuariis nundinis famosum. *Lorey nemus*, vulgò *Lorey le Bocage*, à nemoribus scilicet, in quibus abditum est, nominatum. Hinc ortum ducit *Lumin* rivulus, aliàs *Lunain*, indeque ad *Pallayum* profluit. Est autem *Pallay* vicus antiquus, ubi plurima quotidie antiquitatis indicia effodiuntur; *Gallia*.

Cherroy.

vetustissimi nempe aquæductus, subterraneæ specus, templorum veterum fundamenta, innumeraque Claudii Cæsaris numismata, ubi quondam Vestæ templum extitit, cuius etiam templi testudines tessellato lapide nitent; pollubra, priscae tumbarum scutis gentilitiis insignitarum fragmenta, Cruces Equitum Ierosolymitanorum; nam & locus, juris fuit antiquitus Militum Templariorum. *Montigny, Challiau, Villecerf, Train, Licy, Dolor, Pons*, hujus quoque sunt districtus.

Castrum autem *Landonis* laudem vetustatis præripit cæteris Gastinensium civitatibus. Existimarunt nonnulli esse *Vellaudunum* Cæsaris, sed perperam; namque in Cartis vetustioribus, *Castrum-Nantonis*, sive *Namptonis*, & *Castrum-Landonis* vocatur. Vnde apparet duxisse exordium à Dynasta ejusdem nominis. Quidquid sit, pro comperto est, à Clodovæi Secundi temporibus *Castrum-Nantonis*, & *Nantonense* fuisse nuncupatum. Rex Carolus cognomento Calvus, illam privilegiis & immunitatibus exornavit, monetariaque officina excoluit, ut absque dubio colligere est ex typo numismatis, illius nomen præferentis, averfa vero facie, *Castri-Landonis* appellationem:



Landonis Castrum in monte eminet, cui etiam incumbit antiqua celebrisque Abbatia S. Severini titulo insignita, quam Sigebertus Rex in gratiam Monachorum sub regula S. Patris Benedicti agentium, ædificari præcepit anno 545; cumque posterioribus sæculis tum à Saxonibus, tum ab Anglis direpta fuisset, postmodum restaurata, in Canonicorum Regularium D. Augustini jus cessit. Sunt & aliæ insignes Ecclesiæ, quas brevitati consulens prætermitto.

Castri-Landonis pars inferior *Fusin* rivulo irrigua est; oritur autem ipse rivulus è fontibus sub *Bellomonte* stagnantibus; indeque *Neronvillam* proficiscitur, continuato postea cursu bifurcatim dispescitur à *Pont-Agassone*, usque ad *Pontem-fractum*, vulgò *Pontfract*. Hic olim floruit præclara Virginum Abbatia sub auspiciis S. Magdalene, ubi quondam *Adelais* Gastinensium Comitissa regulare institutum fuit amplexa, postquam per Comitem *Ingelgerium* ab adulterii calumnia vindicata est; hodie vero nihil aliud restat nisi facellum; & nundinæ quotannis haberi solitæ, ad civitatem *Castrolandonensem* translatae fuerunt. *Bellusmons* antiquæ memoriæ dynastia est, ad Comitatus dignitatem evecta; à *filva* cognomen acceperat, vulgò *Beaumont le bois*, eò quod superioribus sæculis, in nemoribus veluti lateret; nunc autem ab iis duabus quasi leucis distans est. Eadem Castro-Laudonenfi regione visitur urbecula *Puteolorum*, quæ illius etiam Castellaniæ subjacet. Qui Latine scripserunt auctores, *Puteolos in Wasinetto* nominant; nonnulli vero Galli Historiographi non sine causa *Puteaux* nomine infamarunt, quod nimirum aquæ, quibus scatet undique, non sint salutare. Huic

Chasteau-landon.

Beaumont.

Puteaux.

L ad-

adjacent Gualterii nemus, *le Bois Gautier*, Castil-
lonium juxta Puteolos situm, *Berciacum*, *Brecy*,
Guichervilla, *Guiercheville*, quasi dicas Gualterii
villam, quæ Patrum memoriâ Marchionatus ti-
tulo fuit insignita; *Briare* oppidum, *Euf*fluentis
riguum, quemadmodum & *Neurville*, *Orville*, *An-
gerville*, & *Males-herbes*. Est autem Novavilla,
sive *Neurville*, Baronatus; sicut & *Remarda*, uno ab
Yèvre-Chastel milliari, ubi olim castellum, cujus
superstities reliquæ crassa turris aliaque turricula
commonstrantur. Cernuntur etiam nonnulla
alia vetustatis rudera. Apparet haud procul à

Puteolis urbs exigua *Boiffes* dicta, quæ cum sit re-
gia præfectura, ad ipsam Parlamenti curiam ap-
pellat; occurrit deinde *Erra*, aliàs *Yèvre le Cha-
stel*; deinde *Beaune*, seu *Belna in Wastinesio*, ut
veteres loquebantur, oppidum perantiquum,
cujus ditionis sunt *Arconville*, *Bois-Girard*, *Batil-
ly*, *Maconville*, *Gabeval*, *Champ-Bertrand*, *Soisy*,
Nibele, *Maisieres* & fanum *S. Lupi de Vineis* nun-
cupati.


Cæterum Nemofii Baillivatus nullis regitur
Consuetudinibus sibi specialibus, sed jus dicit ex
Consuetudine Montargiensis.



SILVA, ET REGIO EQUALINA,

vulgò

PAYS ET FOREST D'YVELINE.



Asidet agro Parisiensi *Silva Equalina*, ad partem Australem; ipsaque ab Ortu Gastinense territorium attingit. Hæc olim regio suos longius latiusque terminos diffundebat; at tamen duos etiamnum Baillivatus comprehendit, *Dourdanum* scilicet & *Montfortium Amaurense*, quæ Insulæ Franciæ ditioni subiecta sunt; quamvis in spiritualibus Episcopum Carnotensem agnoscant. Varia in veteribus Instrumentis nomina sortitur; nam *Equalina silva*, *Equalina*, & *Aquilina* vocatur; imo & Robertus Rex in suo Diplomate *Eulinam* indiget, Ludovicus Iunior *Egulinam*, Sugerus autem S. Dionysii Abbas *Yvelinam*, ac tandem Franci Historiographi *Yveline*; quæ omnes & singulæ denominationes, ab undis, & rivulis, quibus scatet undique, proveniunt; nam unus eorum *Yve*, seu *Yveta* nomen retinet; & quæ Latino vocabulo *aqua* dicitur, vetusto ac ferè jam exoleto Gallorum idiomate *Egue*, *Eve*, & *Yve* appellabatur: imo & in quibusdam Galliæ provinciis etiamnum viget; atque canalis, quo foris è domibus aqua ducitur, *Evier* vocatur. Attamen nonnulli putant à iumentis & *equabus* nomen emanasse; veteri autem Gallico idiomate *Yves* silvam fuisse dictam ob numerosissima Equorum armenta, quæ ibi pascebantur; unde & forsan aliqui, *Silvam Caballinam* vocandi ansam acceperunt.

Huc omni tempore gratissima venationis oblectamenta Reges frequentius allexerunt: Hic Carolomannus Ludovici Balbi Regis filius aprum insequens, ab illo vulneratus occubuit anno 884. Sed ad hæc diverticula digitum intendisse sufficiat.

D O V R D A N.

DOVRDAN villa, suum quidem in *Silva Equalina* situm non est sortita; cum tamen in vicinia sedeat, quædamque illius appendices ibi positæ sint; eapropter hîc illam delineare operæ pretium duximus. Illam Aimoinus Monachus *Dordingam villam* appellat; Gerbertus verò Rhemensis Archiepiscopus, qui postea ad summum evectus Pontificatum Silvestri II nomen assumpsit, *Dordingum* indiget in quadam suarum Epistolarum; tandem in veteri Prioratûs Longi-Pontis instrumento, *Dordingum* Gallia.

ei nomen impositum est. Quibus ex vocabulis suspicor, & exordium & rationem nominis duxisse à Comite Dordingo, qui Childeberti I regis temporibus hujus lucis usura fruebatur.

Iacet Dordingum in valle longe latèque satis diffusa, decem circiter à Lutetia Parisiorum miliaribus. Hoc oppidum *Yrgia* flumen perluit, qui & *Orgia* nominatur. Oritur autem præfatus amnis loco *Bertrandi Curia* dicto, aliàs *Bertaucourt*, ditione insigni Domus Montlheriensis. Porro Dordingum duas prætendit parochias, atque prioratum; castro, turribus & fossis armatur. Hic variis nominibus effulget autoritas regia, nam & Baillivatus & præfectura aliæque dignitates. In spiritualibus autem præsidet Carnotensis Archidiaconus.

Supra urbem extat saltus modicus, ubi quondam ferri fodinæ, prout relicta etiamnum vestigia testantur. Haud procul est Sanctæ Maximæ dominium, vulgo *S. Mesme*, quod à Maximâ muliere sanctissima nomen accepit; hæc cum incio patre pagano fidem Christi profiteretur, proprii fratris manu obtruncata est; qui postmodum sceleris poenitens Baptismum suscepit, atque inter nemorosa avia abditus vitam austerissimam peregit. In eadem regione est *Loya*, *Louye*, ordinis Grandimontensis Prioratu insignis. Est autem amœnissimo loco posita, silvis quaquaversum obsita, & collibus in modum amphitheatrici dispositis. In extrema juxta nemus planitie, apparet structura Ecclesiæ, opus plane regium. Dicitur vulgus, & quasi à patribus acceptum enarrat, nomen istud à Rege loco inditum, qui cum venationi totus intenderet, cum per avia saltuum aberrasset, nec à quoquam exaudiretur, quò viam repeteret; hinc tandem vocem illius cœptam audiri; in cujus memoriam eventus, sacellum inibi posuisse, illudque opimis redditibus dotasse, imposito etiam nomine N. Dominae de auditu, vulgò *N. Dame de Louye*. Verum ne incerta pro certis offeramus; illud saltem indubitatum est, Regem Ludovicum cognomento Iuniorem eò loci religiosos Grandimontensis instituti viros collocasse, illis locum cum suis appendicibus assignans; imo & Granchei vici incolas, jus quod in silvas prætenderent, illis cessisse.

Arrepto deinde *Yvelinam* versus itinere occurrit alius antiquæ memoriæ locus, qui S. Arnoldi nomen præfert, alluiturque amne *Rabascio*, qui *Remarde*, corrupto Gallice vocabulo vocatur; è *Rambouillet* ad *Sonchamp* profluit, deinde S. Arnoldi fanum, atque *Nonvillier* prætervehitur, ac deinceps in *Orgiam* mergitur.

M

MONT-



MONTFORTIVM.

Hic Comitatus maximos olim districtus & dominia complectebatur, quæ temporum vicissitudine ab illo divulsa, possessorem & Dominum commutarunt, at sub iurisdictione ejusdem Baillivatus permanserunt. In ipso regionis aditu sedet *Madriacensis pagus*, sive *Madrecifus*, vulgò *Montfort*, primarius hujusce Comitatus locus. Protendebatur autem hæc regio inter flumina *Madriæ*, *Sequanæ*, & *Evræ*, ad Crucem usque *S. Leufredi*, quæ olim *S. Odoëni* locus dicebatur. Videtur amnis *Madria* regioni nomen imposuisse; hic autem incipit à silva *Yvelina*, *Murosque* allambit territorium quod juris est *Xenodochii Parisiensis*; inde *Madriacum* devolvitur, *Merey*, quod & à veteribus *Medriaca*, & *Matriaca* potestas appellatur, nomine scilicet ejusdem fluminis. Nam pro certo compertum est, plurima, quæ fluviis assident loca, ab illis nomen accepisse. Ultra conspicitur *Montfortium*, cognomento *l'Amaury*, diuturna scilicet possessio claræ olim familiæ, quæ illi nomen imposuit.

Beine.

Beina inter antiquissimas hujus Comitatus Castellanas computatur, ad ripam *Mandriæ* fluminis assidet, qui è *Merey* illuc affluit; cursumque per *Neelfam* arripit, vulgò *Naufle la Ville*, unde & à quibusdam *Nealsa* villa nominatur: quod facilius à *Nealsa* castello discernatur, *Neufle le Chastel*; quæ alia quoque Castellania est, præcedenti contigua: proficiscitur deinde fluvius *Marvellium*, *Marveille*, quod & *Mareolium*, *Marolium*, *Maroilus*, & *Marogilus* vocitatur; tandemque *Sequanæ* commiscetur. *Maulia* ditio est perverusta; quemadmodum & *Speonna*, seu *Spedona*.

Maulle.
Esponde.

Fuit quoque *Hofdanum*, aliàs *Hofdencum* aliqua portio domini Comitum *Montfortiorum*; hic fulget Ecclesia sub auspiciis *S. Ioannis Baptistæ*. Est quoque ibi castellum non ignobile. Insidet urbs illa rivulo, qui in *Cartis* veteribus *Abeton* nuncupatur, communiter autem *Vegria*, qui inde in *Evræ* sese projicit; sua autem accipit exordia circa fanum *S. Leodegarii*, in *Yvelina*; cui contiguum est *Gaudiacum*, *Iouy*; adjacet etiam *Adavilla*, *Adainville*, & *Condacum*, seu *Condatum*, *Condé*, quæ quidem omnia oppida perluit *Abeton* rivulus: deinde relictis inferius *Grosrouvræ* nemoribus, *S. Aniani*, & *Moletæ* loca irrigans, properat *Hodanum*, ad cujus lævam est *Boutigniacum*. Est alius quoque vicus in districtu hujus parochiæ, nempe *Burdoniacum*; ad dextram autem cernitur *Garancieres*, locus olim ob strenuos, quos produxit, Equites celebris. Haud procul ab *Hofdano* vetus visitur territorium *Dives-burgus* nominatum.

Boutigny.

Espernon.

Sparnonium urbecula est, titulo *Baroniæ* & *Castellaniæ* olim insignita, nunc autem ad altioris evecta dignitatem, nempe *Ducatum*; habet in vicinia *Prioratum S. Thomæ*, ad rivulum *Thau* situm; ipse autem rivulus è loco *Gué de Loré* *Galardonem* pertransit, indeque *Espernonium* allabitur, postmodumque in *Evræ* evolvitur. Ex hoc *Prioratu* dependent Ecclesiæ parochiæ

les de *Gazeran*, *Rambouillet*, & aliæ circumvicinæ.

Haud procul ab *Sparnonio* reperitur prisca etiam memoriæ ditio *Maintenon* nominata, quæ pridem *Montfortensi* dominio subjacebat. *Rumbellitum* autem, quod vernacule *Rambouillet* dicitur, antiquum est & celebre territorium. Ejus meminit *Rex Pipinus*; *Franciscus* verò *I Rex*, secessum hunc adeo cæteris prætulit, ut & ad captanda venationis oblectamenta delegerit, & ad mortem placidam sibi præoptarit.

Huic contigua sunt oppida sequentia, *Gazeran*, *Buxeria*, aliàs *Boisere*, à buxis nimirum quibus undique est confita, *Neron*, *Levis*, *Roschenis* abbatia *Ordinis S. Augustini*, *Nemus-Guidonis*, atque *Haute-Bruyere* abbatia, & *Bruieres*, quæ in inferiori jacet regione.


Remarda fluvius è *Rumbellito* ad fanum *S. Arnoldi* properat, cui proxima est *Rocha-fortis* in *Yvelina*, quam & *Rupem* fortem nonnulli dixerere, pridem juris Comitum *Montfortiorum*.

DROCENSIS COMITATVS.

Drocensis Comitatus *Montfortio* contiguus, situm in *Carnotensi* Diocesi sortitur; Baillivatu exornatur, subiecto *Insulæ* *Franciæ*; & de illius decretis ad *Parisiensem* *Parlamentum* Curiam directè appellatur. Varia illius nomina in veteribus instrumentis, & *Historiographis* inveniuntur, quandoque enim *Durcastinum*, *Dorcastinum*, *Drocastinum*, nonnunquam verò *Drocensis* & *Drocacensis pagus*, seu *Comitatus* nominatur. Tribus irrigatur fluminibus, iisdemque circumscribitur, *Eura* nimirum, *Blesia*, & *Aura*, aut potius *Hadra*, qui *Franciam* à *Normannia* dividit, prout communiter hoc versu exprimitur.

Hadra licet parva, Francorum dividit arva.

Drocensis civitas, vulgò *Dreux*, hujus est Comitatus caput & metropolis; *Blesia* fluentis assidet, qui urbem subluens, paulo post in *Euram* influit. *Guillelmus Gemeticensis* *Dorcastinum Castellum*; *Glaber* autem *Drogas*; ac tandem vetus numisma *Drucas* nuncupant. Vnde conjectari licet, monetariam ibi officinam extitisse, signataque numismata sub nomine *Hugonis* *Comitis*, forsàn *Capeti*, qui postmodum regni diadema adeptus est. Hujus tibi monetæ typum exhibemus:




Nobilior postmodum sequitur hujus ditionis Castellania, *Firmacuria* nempe, *Fermaincourt* vulgò dicta, ubi *Canonicorum Regularium* *Prioratus*; sequitur deinde *Monasterium*, *Monstreuil*, ad *Euram* amnem situm; *Villa S. Georgii*, ubi moneta *Drocensis* cudebatur; *Nemus Crotoisum*, *Forest de Crotois*, vel de *Dreux* *Firmacuriæ* contiguum. Porro celeberrimum illud *Drocense* prælium *Blesiam* inter & *Euram* commissum est anno 1562, adversus exortas pro Religionis factiones.

V E.

VELOCASSINVS COMITATVS.

vulgò

VEXIN LE FRANÇOIS.



Situ.

Extensio.

Accensetur & Montfortio Velocassinus Comitatus, nam populi, quos Velocassium nomine Cæsar memorat, Caletes inter & Veromandos insedere. Vocantur autem à Ptolemæo *Veneliocassii*, seu *Velocassii*; ab Historicis verò *Vilcassini*, & *Wlcaſſinenſes*; ipsa quoque regio *Vilcassinum*, *Wlcaſſinum*, *Vilcassinus pagus*, *Vilcassinense*, aut *Vilcassinense territorium*, & *Vilcassina provincia*. Diffundebatur ista olim regio absque ullo discrimine ab Isara fluvio usque ad Andelam, quo quidem amne à Caletensi tractu, vulgo *pays de Caux*, divellebatur: at postquam Normanni illam provinciam occuparunt, quæ ab illis Normanniæ appellationem sortita, ager Velocassinus duas in partes divisus est, quarum una Vilcassinum Normannorum, alia Gallorum vocitata est. Vilcassinum Normannorum, Eptam inter & Andelam fluvios porrigitur, & Normanniæ Ducatui permansit annexum, quod etiam exhibebimus in ipsius Normanniæ descriptione. Gallicum autem Vilcassinum, hoc nomine insignitum, eo quod ad Gallos pertineat. Limites habet Sequanam & Montfortium à Meridie; ab Ortu Isaram fluvium, cum agro Parisiensi; ab Occasu vero Eptam amnem, & Vilcassinum Normannum; à Septentrione denique, *Terin* flumine & Bellovacensi territorio clauditur.

Vilcassinus Galliæ ager, prisca est memoria Comitatus, multa complectens non ignobilia oppida, scilicet *Pontoise*, *Chaumont*, *Mante* & alia.

MANDANTENSIS, ET MELLENTENSIS COMITATVS.

*Mante,
Comité.*

Qui Mandantensem urbem memorant Historici, illam variis nominibus indignant, nam in rebus gestis Ludovici Crassii regis, quam scripsit Sugerus S. Dionysii Abbas, vocatur *Meduntense castrum*. Ordericus Vitalis alicubi *Medantense castrum* nominat, immutata simplici litterâ; & paucis quibusdam interjectis, *Madantum*, & *Mandantum*; & in antiquis Diplomatis, *Medanta* dicitur, sæpius autem *Medunta*. Sedet ad Sequanam quâ Meridiem spectat, & quamvis limites Vilcassini exeat, ad Comites tamen hujus tractus possessores pertinet Gallia.

bat; atque inter præcipua Comitatus oppida censetur. Illam civitatem Philippus I Rex suæ adjecit Coronæ; cum autem ab eo repeteret Guilielmus I Magnæ Britannia Rex, velut quandam suæ provinciæ portionem, Philippus ipse denegavit; quamobrem furore percitus, totam quaquaversum incendit, & in omni circumregione immaniter grassatus est.

Mantis-villa, parum à Meduntensi castro distita, olim ad Simonem Rodulphi Meduntensis Comitis filium pertinebat; at cum monachalem habitum suscepisset, illam insigni munificentia ad Cluniacensem Abbatiam transtulit; cui quidem & Grassicuriæ Decanatus competit; huic autem supereminet Rogniacum.

Mellentum autem quod attinet, aliud est Vilcassini Gallici oppidum Sequanæ incumbens, cui adjacet tenuis Insula, in qua fortalitium non ignobile assurgit. Inter Epistolas Yvonis Episcopi Carnotensis extat ab eo scripta Clericis *Mellentinis* & omnibus in *Pixiacensi Archidiaconatu*. Ab antiquis temporibus exordia repetit, & Prioratu exornatur.

In hac Mellentensi Castellania complures reperiuntur ditiones & territoria, *Vaux*, *Vigni*, *Longueſſe*, &c.

COMITATVS CALVIMONTENSIS, ET MAIGNIENSIS.

Vilcassini Galliæ agri reliqua portio Calvum montem, Maigniacum & Pontisaram includens, Silvanectensi Baillivatu regitur. *Calvus-mons* primaria civitas & metropolis hujus districtus. Vocatur & à quibusdam *Calus-Mons*, & *Calidus-Mons*, quibus etiam nominibus additur *in Vilcassino*, sive *en Vexin*, ad cognominum scilicet locorum differentiam; nam & in aliis regionibus ejusdem nominis oppida reperiuntur. Videtur civitas satis antiqua, parte præsertim superiore, tota fere diruta, quâ *turrim Balbi* respicit. Sunt hujus districtus quædam alia loca, *Maudeſtour*, *Serranz*, *Bouris*, *Natainville*, *Trie*, *Parnes* seu *Pernes*, ubi præclarus S. Martini Prioratus; postea legendo ripam Eptæ fluminis, fanum S. *Clari* invenitur, & *Novum-Castrum*, *Rupes* quoque *Guidonis*, vulgo *La Roche-Guyon*, locus natura & arte munitissimus, Comitatus quoque titulo insignis; qui quidem editissimæ rupi insidet ad Sequanæ ripam, unde & nomen sortitur, quemadmodum & à suis olim Dynastis, qui nomen

N

mer



men Guidonis ut plurimum prætulere. Testatur Sugerus S. Dionysii Abbas, Guidonem illius Dominum Ludovici Crassi temporibus inibi à socero obruncatum; quod cum in Regis notitiam pervenisset, misit exercitum in loci impugnationem, quem etiam paucis diebus expugnavit, atque in sceleris vindictam quoscunque ibi reperit, neci addixit. Eandem regionem occupant Benecourt, Beauregard, Chantemerle, & fanum S. Martini, Vaux, Francourt, Maudestour, & alia Vilcassini Franciæ loca.

Maigny.

Maigniacum tenue oppidum, in Calvi-Montis Castellania situm, Collegiatâ Canonicorum Ecclesiâ decoratur; huic contiguum est Villarcellum, aliàs Villarceau, Rouleboise, Ambleville, Omerville; cui adjacet Allincourt, Baronatus. Haud procul apparet Monsjovis, Gallicè, Montjaveux, à Iove olim Paganorum denominatus; Chars, in membrana veteri Charcium in Vilcassino nominatum, cujus silvas memorat vetus instrumentum factæ donationis monasterio S. Dionysii in nemoribus de Charcio, videlicet de Lusleix, de Espineto, de Valleostre, de Divisionibus, de Essartelis, de Genestaio, & du Chef-nay. Inde Pontisaram accedenti occurrit Cormelia in Vilcassino dicta, ut à Cormelia in agro Parisiensi sita discriminetur. Nunc ad Pontisara Castellaniam gradum faciamus.

Cormeilles.

P O N T I S A R A.

Pontoise.

Pontisara Silvanectensi jurisdictioni subiecta, iisdem Legibus & Consuetudinibus gubernatur. Sedet ad flumen Isaram, ubi pons antiquissimus, è quo Pontisara nomen assumptum. Brivisaram vocat Itinerarium Imperii Antonino tributum; Carta verò Peutingeri Brivisaram, quod quidem vocabulum cum Pontisara coincidit, nam Briva priscum Gallorum vocabulum pontem indiget; unde & Samarobriva, Sommonobriua, Briva super Vram, & Briva-Curretia ad transitus & Pontes istorum fluminum demonstrandos. Vnde etiam verisimile est Pontem Isaræ impositum, omnium vetustissimum fuisse, ideoque urbi nomen imposuisse; imo & pontem illum unicum tunc temporis extitisse, quo ex urbe Bellovacensi Parisios quis proficisceretur. Curiosius aspicienti, paulo inferius pontem olim positum apparet, nempe juxta S. Martini monasterium, ubi superstitēs tignorum jam petrefactorum reliquiæ cernuntur; illi etenim ponti respondet via publica, quæ in veteribus istius regionis titulis via Iulii Caesaris nuncupatur. Sunt &

in ipso monasterii ambitu consitæ quædam vineæ, quibus subjacent specus subterraneæ, ex quibus conjicias, pridem hoc oppidum ibi constituisse. Demum ipsa Deipara Basilica, quæ impræsentiarum extra urbem posita est, præcipua civium Parochia censebatur; novo enim ponte jam extructo cæteræ conditæ fuerunt. Ceterum Isara fluvius aliis etiam nominibus fuit appellatus, Esia namque à Vibio Sequestro dicitur, Ezera autem à Ludovico Balbo in quodam diplomate; in Chronico de gestis Normanorum Hifa, à Floardo denique & Sugero S. Dionysii Præfule, Sara; unde etiam ipsa urbs varias sortitur appellationes, scilicet Pontesia, & Pontesium, Pontezera, Pons-fera, seu Sara, &c. Invenitur & Moneta Pontisarenfis dicta, & solidi Pontesienfium. Castro defenditur, olim ad coercendas Normanorum excursiones extructo, ne scilicet Isaram impune transmitterent; sed perperam; nam repulsis aliquoties Normannorum assultibus, tandem illorum furori permissum est, qui illo jam incenso, Parisios illico advolarunt. Porro multis tum Ecclesiis, tum cœnobiis exornatur.

Moneta.

Non multum distat à Pontesia insignis Abbatia de Maubuisson, munificentia sanctissimi Regis Ludovici extructa, quod exorante Blanca matre peregit, ipsa quippe hunc sibi sepulturæ locum delegerat; quin etiam illa cum adhuc in vivis ageret, Philippam Campaniæ, sibi consanguineam, ibidem sepeliri mandavit.

Maubuisson.

Distriktus autem Pontisarenfis Castellaniæ; plurima alia continet non minimi momenti loca, nempe Villeneuve le Roy, Henonville, Marines, Grisy, Espies, Valengouart, Latine Vallis Enjardi, & Vallis Engueivardi; Hedouville, Berville, Sandricourt, Amblainville, Herouville, Auvers, Mery sur Oyse, sive Meriacum ad Isaram, &c.

Accensetur eidem tractui antiqua Insula-Adam Castellania, vulgo l'Isle Adam. Hanc appellationis rationem sortita est à quadam tenui Insulâ circumvolutione fluminis efformatâ, & ex nomine Adami, à primis illius Dominis adscito. Subjacent à priscis temporibus huic Castellaniæ ea quæ sequuntur loca, Nogentum super Isaram, aliàs Nogent sur Oise, Valmondois, Marquemont, & Champ-dolent. Insidet huic regioni nobilissimum D. Mariæ monasterium, seu Vallengis Abbatia, vulgo l'Abbaye du Val, & pagus Villaria, seu Villiers-Adam dictus, prædictæ adjacens Abbatia. Sed transmissio jam ponte Isaræ, Bellovacensē territorium propius accedamus.

Isle Adam.

Abbaye du Val.

R E G I O
BELLOVACENSIS,
vulgò
LE BEAUVVOISIS.



Nomina.

Fines.

Ellovacensis ager Vilcassino contiguus, strenuos adeo Iulii Cæsaris ætate possedit habitatores, ut ipse lib. 2. Commentariorum de bello Gallico, illorum virtutem effuse prædicarit, atque Bellovaci, indigenæ scilicet, in Gallia Belgica primas occuparint. Audet etiam Hircius asserere, Bellovacenses olim, Gallos & Belgas universos militari gloriâ superasse. Strabo autem Belgarum potentissimos dicit. Qui ergo Romanorum tempore *Bellovaci* sunt appellati, postmodum *Belvacenses*, & *Belvacensis populus* dicti fuerunt; imo & ab Hincmaro Remensi Archiepiscopo, *Belgiviagi*. Vnde & illorum regio varias appellationes fortita; illam Eumenius Rhetor in Panegyrico Constantii, Constantini Magni parentis, *Bellovacum solum* indigetat; & Historiographi *Pagum Bellovacensem*, & *Belvacensem* appellant. Rex autem Dagobertus *pagum Bellocensem*; ac demum Carolus Calvus, *Comitatum Bellocensem*.

Bellovacensis regio Veromanduorum finibus ab Ortu clauditur; agro Parisiensi à Meridie; ab Occasu, Vilcassino & Caletensi; à Septentrione, Pontivio seu Ponthiaco, & Ambianensi. Senis equidem fluminibus perfunditur, sed solus Illara fluvius navigiis ferendis est idoneus, ceteri ab indigenis hinc nominibus appellantur, *le Therain*, *Avelon*, *Bresche*, *Arée*, & *Aronde*; quibus hoc singulare, ut ab Occasu in Ortum profluant, contra ceterorum morem fluviorum, qui ab Ortu in Occasum suas aquas devehunt. Valles habet amoenissimas, unde & Bellovacensis regio à Bellis Vallibus nomen traxisse creditur; fructibus, & frumento abundat, vinetis, pascuis, & nemoribus refertissima; suorum benigna nutrix populorum cuncta illis ad vitam necessaria subministrat. Ab initio nascentis Ecclesiæ sedem habuit Episcopalem, trecentis & octuaginta quinque Parochiis exornatam, quæ in novem Decanatus dispertuntur. Porro cum hanc regionem Galliæ reges suæ subiecissent ditioni, longo tempore à Comitibus gubernata est; postmodum velut quædam portio Picardiæ annexa, sub iisdem Gubernatoribus egit; impræsentiarum vero ad Franciæ insulam pertinet, duosque fortitur Baillivatus, Bellovacensem nimirum & Claromontensem.

Gallia.

BELLOVACENSIS
COMITATUS.

Bellovacum, primaria hujusce territorii civitas, à priscis cultoribus nomen fortitur; nam ævo Iulii Cæsaris idem oppidum *Bratuspannum* vocabatur, illo verò diruto novum illius loco oppidum Romani ædificarunt, quod *Cæsaromagus*, de Cæsaris nomine nuncuparunt; verum ista nominis ratio non diu perduravit, etenim Constantini Magni temporibus, *Bellovacorum civitas* cœpit appellari; quæ quidem appellatio fuerat antea toti regioni, illiusque quaquaversum habitatoribus communis; quod ex singulari ipsius Constantini lege in Codice Theodosiano inserta comprobatur, quâ scilicet à bellicis expeditionibus veterani milites eximuntur, *Data Kal. Mart. civitate Bellovacorum, Constantino A. VI. & Constantio Cæsare Coss.* Demum sub ipsis quoque regibus diversis nominibus fuit insignita, *Belvacus*, nempe, *Belgevacus*, *Belvagus*, *Belvacia*, *Belloacus*, *Bellovagum*, *Belvacum*, & *urbs*, seu *civitas Belloaca*, *Belvagica*, *Belvacensis*, & *Belvacensium*.

Bellovacensis civitas sedes ordinaria fuit Episcoporum hujus Diœcesis. Primus sedit S. Lucianus, quem à S. Dionysio Gallorum Apostolo fuisse transmissum, ut Bellovacensibus Christi fidem nunciaret, communis existimatio est; ipse vero in opus ministerii Messianum & Iulianum socios adhibuit; qui medio ab eadem urbe milliari cum ipso etiam martyrium pertulerunt, in monte scilicet *Milio*, seu S. Messiani dicto, ob Ecclesiam inibi ejusdem Divi memoriæ dicatam. Decursu vero temporis hic Episcopatus in maximam evasit amplitudinem, adjecto nimirum Comitatus titulo, & dignitate Pariatus; quapropter, Principes, Dynastæ, alique viri nobilissimi hanc sedem omni tempore tenuerunt.

Monetariam hæc civitas olim habuit officinam, cujus antiqua numismata adhuc reperiuntur sub nomine & effigie Regis Caroli, Simplicis an Calvi? dubitatur; ipsa autem averfâ faciem præferunt inscriptionem, *Belgevacus Civi.* cujus specimen tibi exhibemus:



Idem quoque jus signandæ monetæ postmodum ad Episcopos devolutum est, ut colligitur ex diplomata-

O

ploma-

Beauvais.
Nomina.Episcopus
Belvacensis.



plomate anni 1208, variisque ex veteribus titulis, quibus fit mentio *denariorum* & *solidorum Bellovacensium*, ab anno scilicet 1050, usque ad annum 1400; quorum etiam valor, denariorum & solidorum Parisiensium excedebat valorem. Ceterum jus illud Episcoporum Bellovacensium paulatim exolevit.

Egit olim Castellanus Bellovacis, qui & Capitaneus & Custos erat urbis atque civitatis; hodie verò & regiminis, & urbis facies immutata est; nam impræsentiarum illius amplitudo tribus minimum partibus accrevit. Figura constat fere orbiculari, præclaro mœnium ambitu, latis profundisque fossis vallata, & aquis pene undique circumfusa; defenduntur etiam muri propugnaculis & aggeribus; quinque portis venientes excipit, præter quas sunt tres portulæ, quas ipsi linguâ vernaculâ *Poternes* vocitant. Præclaris admodum & insignibus Ecclesiis exornatur. Ipsa Cathedralis Basilica suas habet Dignitates, Munera, Personatus, à quibus sacra ministeria peraguntur, Decanum nempe, Archidiaconum, Præcentorem, Cancellarium, Pœnitentiarium, Canonicos 42, Cappellanos, aliosque Divini cultus & ceremoniarum ministros. Eminent in editissimo urbis loco ipsa perampla & magnificentissima Basilica, eximia adeo structuræ, tantæque altitudinis, ut nec orbe universo quæpiam altius aut pulchrius assurgat. Palatium quoque Episcopale amplissimum est, quod plane Comitibus ac summi Dynastæ magnificentiam exhibet.

Numerantur intra muros parochiæ tredecim, variis Sanctorum nominibus attributæ; sunt etiam sex Ecclesiæ Collegiatæ. Quatuor insignibus Abbatibus suburbia exornantur, S. Luciani scilicet, S. Quintini, S. Symphoriani, & S. Pauli. Hæc sufficiant de ipsa civitate, nunc ad circumjacentia loca transeamus; ne autem locorum flexibus irretiamur, ductum fluminum prosequemur.

Territorium Bellovacense, primò quidem Thara fluvio est irriguum, vulgo *le Therain*, qui duobus è rivulis progignitur, Occidentali uno; à quo etiam nomen fortitur; qui quidem suos fontes repetit juxta *Grumesnil*, postremum hujusce Diœcesis pagum, quâ sese versùs Dieppam porrigit, inde *Caunx*, S. *Samson*, *Fontenay*, *Sully*, & *Escames* pertransiens, *Gerboretum*, vulgò *Gerberoy*, allabitur, qui locus est in hac Diœcesi satis famosus; nam & Collegiatâ gloriatur Ecclesiâ, & Dominos olim habuit Vicedominatus honore exornatos. Porro Thara flumen ad locum de *Greneville* defluit, & postea *Vrocourt*, *Caigny*, *Bonnieres* oppidula perluens, ad Burgum tandem *Milliacum* devolvitur.

Septentrionalis est alter fluvius, è quo Thara nascitur; Incipit autem apparere ad loca de *Denicourt*, & *Omecourt*, indeque *Therino* pago affluit, cui nomen impertit; mox *Rium* alluit, vulgo *Roy*, vel *Rey*. Huic autem tractui adjacent alia quædam loca, *Orsimont*, aliàs *l'Aunoy*, ubi celebris Abbatia Ordinis Cisterciensis; *Marfeille*, *Beaupré*, altera quoque ejusdem Ordinis Abbatia *Ochy*, S. *Omer*; paululum inde duo, quibus Thara gignitur, rivuli, adinvicem conjunguntur in vico *Milliacensi*, ut jam diximus; unicuique de-

inceps Thara fluvius, *Harchies*, *Cantervilles*, & *Troisfereus* vicos irrigans, Bellovacum properat, Brayensemque tractum parte Occidentali relinquit; ubi unus est hujusce Diœcesis Decanatus.

Brayense territorium sequentia complectitur ^{Bray.} oppida satis nota, *Ons en Bray*, *Ville en Bray*, *Houdenc*, *Puisseux*, *la Ferté*, S. *Germer de Flay*, *Wardes*, &c. Irrigatur quoque hic ager alio rivulo *Avelon* dicto, qui Turrem Brayensem inter & *Monstrolium* suas habet scaturigines, indeque procurrit ad pagum sibi cognominem, sive *Avelon*; & postea *Brayum* alluit, unde hoc territorium nomen accepit, paululumque decurrens *Poteriam* accedit, vulgo *la Poterie*, vicus ob fictilia, quæ inibi absque numero finguntur, notissimus; ubi terra veluti sigillata reperitur, sistendo sanguini idonea: deinde *Savinium*; pergit postmodum versùs S. *Pauli* monasterium, & pagum de *Goincourt*, ac tandem Tharæ ad Bellovacum immergitur, unde Thara factus tumidior, esset quidem navigabilis usque ad *Isaram*, ni volvendis molis farinaceis, papyraceis aliisque generis adhiberi satius putaretur; prout in locis de *Marissel*, *Bracheul*, *Tardonne*, *Condé*, *Bailleux*, *Villiers S. Sepulchre*, *Hermes*, *Houdainville*, *Mouy*, *Balagny*, *Bury*, *Mello*, & aliis.

Villare autem, S. *Sepulchri* cognomen obtinuit, eo quod Dynasta quidam, cui *Lancelinus* ^{Villiers de S. Sepulchre.} Senior nomen, cum peregrinationem in terram sanctam adornasset, Sanctumque Christi Salvatoris sepulchrum invisisset, ad suos reversus Ecclesiam in honorem ejusdem S. *Sepulchri* ædificavit, in cuius ministerio monachos S. Germani addixit; eosque munificentissime dotavit, ut constat ex veteri instrumento anni 1060.

Haud procul à *Baillio*co visitur *Frigidus-Mons*, ^{Frenmont abbazia.} insignis Abbatia Ordinis Cisterciensis; deinde *Hermes*, *Braelle*, cujus arx & Dynastia in possessione est Episcopi Bellovacensis. Cis *Hermes* Thara *Monciacum le Chastel* cognominatum à dextra ^{Monchy le Chastel.} relinquit, Burgus is est spectatissimus, & antiquissimus territorii Bellovacensis Baronatus; *Aimoinus Monceium* appellat, adjectum est autem *Castelli* cognomentum, ob castrum firmissimum, quo quidem olim munebatur. Occurrunt eodem tractu *Boncourt*, *Longviller*, *Caurvigny*.

Verum ut Tharæ fluminis ductum prosequamur, *Moyacum* accedamus, Gallice *Mouy*, ^{Mouy.} Burgus est pannorum texturâ celebris, quorum opificia quemadmodum & apud Bellovacenses frequentissima sunt. Inde autem præfatus amnis transmissis *Bury* & *Balagny* viculis *Mellotum* allabitur, vulgo quidem *Mello*, sed corrupto plebeculæ vocabulo *Merlou*. Est autem *Mellotum* prisca ^{Merlou.} memoriæ Baronatus, ubi urbecula castello munita, cum Prioratu, & Collegio Canonicorum; inde Thara *Cramoisiacum* procurrit; ac tandem ^{Cramoisy.} *Montem-Tharæ* burgum advenit, aliàs *Montathaire*, ^{Montathaire.} quem nonnulli perperam *Montem-atrum* indigentant, quasi per antithesin *Clari-montis*, vulgo *Clermont*, namque à Thara fluvio rationem nominis deducit, qui modico inde intervallo in *Isaram* sese effundit, in confinio scilicet oppidi de *Creil*.

CLAROMONTENSIS
COMITATUS.

Secundus Bellovacensis territorii Baillivatus, ab urbe Claromontensi denominationem sortitur, ubi præcipua Baillivi sedes. Vocatur autem communiter *Clermont en Beauvoisis*, ad differentiam aliorum ejusdem nominis oppidorum; nam & in Arvernus, & in Bassigniensi territorio, & alibi urbes ejusdem nominis reperiuntur. Præclaro monti insidet, à quo nomen illi inditum; à vetustioribus quippe Geographis *Clarus-Mons* appellatur. Iam à longo tempore Comitatus honore insignitur; unde & nomen imposuit nobilissimæ familiæ, ex qua Comites, & Franciæ Comestabiles, & Marecalli, alique Dynastæ, genus deduxerunt.

*Ades sa-
ere.*

Illustratur hæc civitas insigni Canonorum Capitulo; ipsa autem Basilica sub auspiciis Deiparæ, & S. Martyris Arnoldi dedicata est. Habet & antiquum Xenodochium, quod Religiosis Ordinis SS. Trinitatis anno 1144 attributum est.

Silva.

Varii sunt saltus & nemora antiquæ ditionis hujus Comitatus; non multum à Claromontana civitate distat, quarum præcipua est silva de *Hez*; ubi quondam Comitum Claromontanorum Arx & secessus; de quo testantur vetusta antiquitatis monumenta.

Bresche fl.

Decurrit juxta Claromontium alius quidam rivulus, *Bresche* vocitatus, qui exordium ducit à Nova-villa S. Petri, vulgo *Neuville S. Pierre*; inde Monstrolium progreditur, moxque *Bullam* prope- rat non contemnendam urbem; namque illius ager linum copiosissime profert, unde subtilissima Hollandorum & Cameracensium textilia conficiuntur. Lingua quidem vernacula *Bulles* dicitur; Latine autem varia ex instrumentis veteribus nomina sortitur, in iis enim *Bugla*, & *Bubula*, in quibusdam etiam titulis *Bulla* nominatur; Castellania est pervetusta; pridem verò Comitatus honore gloriabatur.

Vareville.

Varevillam postmodum Breschius amnis prope- rat, ubi celebre Fontis Ebraldi monasterium, duobus Conventibus dispertitum, uno quinquaginta Virginum, altero sex sacerdotum religiosorum, omnium verò cultui divino vacantium. Alluit idem amnis postea *Escouy* oppidulum, & *Ronquerolles*; pauloque inferius, *Aram* rivulum excipit, vulgo *Aire*, vel *Arée*, qui currere incipit inter S. Iusti fanum & *Plestiacum*, non ignobilis loca. Porro rivulus, qui olim *Tractus* vocabatur, *Aram* deinde nominatum fuisse, probabile est. Cæterum qui S. Iusti fanum fluvius perlabitur, prata irrigat cis Claromontium jacentia, ac subsequentes deinde viculos, *Warty*, *Brueil-le-sec*, *Brueil-le-Verd*, *Monchy*, *Eloy*, *Villers S. Paul*, &c. tandemque in *Ilaram* juxta *Creilense* oppidum mergitur.

Loca.

Accensentur autem Comitatu Claromontensi plurima præter hæc quæ supra memoravimus, notissima loca, scilicet *Sacy le Grand*, *Noimtel*, *Hargenlieu*, *Cressonfert*, contracto vocabulo *Cressonfert*, &c.

Gallia.

Aronda fluvius tractum Bellovacensem à *Picardia* dirimit, & juxta *Monstiers* scaturit, indeque *Gournayum* proficiscitur, deinde *Monchy le Perreux*, cui adjacet *Venette*, quæ ut plurimum *Avenette* vocitatur. Paulò superius autem Territorium & Castellania Remensis, *Remy*, Claromontano Comitatu subiacens reperitur.

SILVANECTVM.

Silvanectensis tractus Bellovacensi, qua *Isara* adjacet, collimitaneus, angustis finibus clauditur, totusque Episcopatus sexaginta septem parochias, & non amplius numerat. Verum Silvanectensis Baillivatus seu Iurisdic- tio longe lateque diffunditur, ipsa quippe *Vilcassinum* Franciæ, maximamque Bellovacensis territorii partem amplectitur. Territorii caput, ipsa est Silvanectensis civitas, sua antiquitate celebris. Illam Gregorius Turonensis, *Hincmarus*, *Flo- doardus* alique prisca auctores cum laude memo- rant, & aliud quandoque illius nomen assignant, *Augustomagum* scilicet, *Rethomagus*, &c. Ipsa etenim à circumfusa undique Rethensi silva nomen accepit, qua quidem veluti circumnectitur. Hæc porro silva est, in qua *Carolus VI*, Rex, vetera- num cervum invenit, cujus collo torques ænea auro superinducta appendebat, hocce lemmate fugientibus fere caracteribus inscripta, *Hoc Caesar me donavit*.

Sculis.

Sedet autem in collis acclivitate ipsa civitas Episcopatu Nobilis. In ea primus sedit Antistes S. Regulus S. Dionysii discipulus, qui Silvanectenses olim populos ad Christianæ fidei jubar perduxit; huic successerunt alii maximo numero, & sanctissimi, & nobilissimi etiam Episcopi, quorum catalogum texere alterius est instituti. Multis decoratur Ecclesiis, Cathedrali nempe, parochialibus, atque alterâ Collegiata, imò & insigni Franciscanorum cœnobio, ubi Dynastarum mausolæa.

Huic Præfecturæ annexa est ipsa *Angiensis* Præfectura, & Majoratus *Brenoullensis*.

*Ang y.
Brenouille.*

Totum ferè territorium Silvanectense perfundit *Nonnetta* rivulus; oritur autem circa pagum, *Fontem S. Petri* appellatum, & *Ruilly* subtus *Chamecy*; indeque *Brajum* provehitur; ad cujus lavam *Braisilva*, vulgo *Brasseuse* affidet. E regione vero objacet *Mons-speculatoris*, Gallicè *Montespiloer*, ubi Prioratus Canonorum regularium. Dein *Nonnetta* versus Silvanectum properans, à dextris linquit *Barbariacum*, quod vernaculè *Barbery* nuncupatur.

Nonnetta fl.

Porro *Nonnetta* subter Silvanectum, alio flumine accrescit, qui è *Verfigny* territorio labitur; quo quidem auctus *Carolilocum* pertransit, ubi celebris Abbatia Ordinis Cisterciensis, cui adjacet *Hermenonis-Villa*, seu ditio. Fluvius autem ille, quem è *Verfinien*si territorio erumpere diximus, secum rapiens rivulum *Hermenovilen*sem sub viculo *Fonte-Cornuto*, aliàs *Fontaine-les-Cornus*, *Borretum* suas aquas provehit; deinde *Montem-Episcopi* perluens, *Victoria* Abbatiam advenit. Hanc pridem Abbatiam erexit *Philippus Augustus* Rex in monumentum duplicis victoriæ, quas uno eodemque die tum ex Anglis, tum

Charlis.

*Armenon-
ville.*

*Mont l'E-
vesque.*

*Abbaye de
la Victoire.*

ex Othone Imperatore & Ferrando Comite singulari prudentiâ reportavit. Idem vero fluvius urbis Silvanectensis latus allambens in Nonettam sese projicit, qui perpetuo cursu ad S. Nicolaum d' Acy accedit, ubi Prioratus Ordinis Cluniacensis; cui contiguum est Courtevil oppidulum, quod memorat Diploma Caroli Calvi Regis datum anno 962, in quo Villam Cortilionis in Comitatu Silvanectensi sitam nominat; in membranis autem veteribus Cortellolium, & Curtolium vocitatur. Castellum quoque de Chantilly eadem regione positum Nonetta irrigatur; quod ob præclara conclavia, & magnificum apparatus ab omnibus celebratur. Amplissimum illi adjacet vivarium; prædictus amnis huc affluens, stagnum efformat, castello undique circumfusus; nec longe distitum nemus captandis quibuslibet aucupii & venationis oblectamentis accommodum. Sed ad alia transeamus.

BELLOMONTENSIS COMITATUS, AD ISARAM.

Sequitur convenienti ordine Bellomontensis Comitatus, olim Cameliacensis à Carolo Calvo rege indigetatus, ob insidentem Cameliacensem civitatem, vulgo Chambly, quæ illius tractus erat Metropolis. At condita jam urbe Bellomontensi, quasi commodiore pertranseuntibus viâ, & loco tutiore, eundem Comitatus titulum ipsa civitas ad se pellexit. Ipsa montis, cui assidet, amœnitas, Bellomontis nomen imposuit; ad differentiam autem nominis, super Isaram, cognomen adjectum est. Exornatur Prioratu Ordinis Cluniacensis. Hic etiam amnis Isara ponte jungitur.

Ius dicit Baillivus à Rege constitutus, ad illumque provocant binæ Castellaniæ, Persensis, nimirum & Meruvienfis. Situm est autem Meruvium, seu Merudium juxta Escham, sive Lescham fluvium; cui & Bailleul, aliàs Baillet insidet; unde & Bordonellum proficiscitur; à quo non longe distitum est pagus Camliacus, seu Camliacus, olim, ut supra diximus, hujus territorii caput, ubi etiam extitit castrum firmissimum, quod & potentissimo exercitui restitit. Idem vero amnis, qui Camliacum perlabitur, locum etiam de Persenc alluit, titulo Baronatus insignem. Vocatur in Cartis veteribus Parcencum, & Persencum, Gallicè Parcenc, & Persent. Huic autem Castellaniæ annectitur Croiacum; unde modico distant intervallo Blaincourt, Berne, Mesnil, Montigni, Roncherolles, Renonval, præcipuæ hujusce regionis dynastiæ.

Infra Bellummontem visuntur & alia non contemnenda loca, Campanie, nimirum & Valles, vulgo Champaignes & Vaux; superius autem, Bruieres, Borrenc, quam vulgus Borain, vel Boram nominat; in quodam vero Theodorici Primi Diplomate Villa Baudrinum appellatur; postea verò Borrencum, & Borrengum, vocitatum est; cui adjacent Fresneium, Morauglia, & Puteoli, Prateria, Asnières, Quernelle, filva celebris; Reaumont, insignis Abbatia, Morancy, Gouxieux, & Montmelianensis Castellania, Precy, Villers, Scerentum, seu S. Lupi

fanum, vulgo S. Leu de Scerent; aliàs etiam Asserentum vocabatur; verum aliis nominibus S. Lupi vocabulum præposuit, ob Prioratum Cluniacensem hoc loci, in illius Sancti memoriam erectum.

CRETHELENSIS CASTELLANIA, PONS S. MAXENTIAE, ET COMPENDIVM.

Crethelensis urbs, & Castellania, Baillivatu etiam Silvanectensi subjectæ sunt; illam memorat Lupus Ferrariensis Abbas in quadam Epistola, vocatque Credilium; Dudo autem Quintopolitanus, Crethelense castrum, posteriora denique Instrumenta, Credulium nuncupant. Pulcherrimo castro exornatur. Insignis est illius Basilica, S. Eremundo dicata, cujus sacre exuviae ante annum millesimum è monasterio Diocesis de Sees in hoc oppidum translatae fuerunt. In hoc tractu confita est Silva de Pomeroye.

In ipso Crethelensi castro reclusus fuit Carolus VI, cum mentis impos evalisset; illum enim Isabella Bavaria, illius uxor, conclavi cancellis ferreis obserato mancipavit, cum ex sinistro quopiam eventu sui impotem esse comperisset.

Pons S. Maxentiae urbecula est non ignobilis. Sedet ad Isaram, Credilium inter & Compendium; hanc autem sortitur nominis rationem à piissima quondam Domina eodem nomine insignita, quæ inibi sancto fine quievit, ipsique loco claritatem attulit. Illius antiquitas satis discitur ex Itinerario Antonini, qui cum viam describeret, quæ Ambiano per Bellovacum Sueffiones ducit, eam vocat Lithanobrigam, quod saxeum pontem denotat, nam Briga, seu Briva, ut aliàs diximus, veteribus Gallis pontem, viam, aut transitum significat; Lithanos autem Græca dictio Saxeum, seu lapidibus structum indigetat.

Præcipua & antiquissima hujus Castellaniæ appendix est Pomponium, vulgo Pompoim, fiscus olim regius; hodie vero de jure est Moncellensis Abbatia. Ipsa autem Abbatia Ponti S. Maxentiae contigua est, quæ primitivam sui fundationem Philippo Pulchro Regi acceptam refert, qui quidem anno 1309 illam extrui mandavit loco de Moncel dicto juxta ædes Regias, quinquaginta Franciscani Ordinis Moniales illi assignans, quas & amplissimis redditibus pro regiâ munificentia dotavit.

Vernensis ditio juxta Isaram, inter Credilium & Pontem S. Maxentiae diffusa, Marchionatus titulo decoratur, regii olim domini portio, ubi & ipsorum insigne palatium; nam illic Synodos & Comitia congregarunt; anno quippe 755, ut in veteribus Actis legitur, Illustris Vir Pipinus Rex Francorum universos pene Galliarum Episcopos aggregari fecit ad Concilium Verno Palatio publico, recuperare aliquantisper cupiens instituta Canonica. Et in Capitularibus Caroli Calvi Regis referuntur Canones Concilii in Verno Palatio habiti, anno 845. Idem etiam his verbis testatur Rex Carlomannus: cum ad Palatium Vernis anno Dominicae Incarnationis 884 convenissemus, & pars fidelium nostrorum nobiscum. Vernolio etiam nemus adjacet.

Porro

S. Nicolas
d' Acy.

Courtevil.

Chantilly.

Beaumont.

Nomina.

Regimen.

Meru.

Bornel.

Chambly.

Persenc.

Croy.

Fresnoy.
Morangle.
Puisieux.
Presles.

Compendium.

Pomeroye.

Pont Sain-
te Max-
ence.

Pompoim.

Abbaye du
Moncel.

Vernouil.

Compendium.

Porro quod urbem & Castellaniâ Compendiensem attinet, quamvis in spiritualibus Suefionensis Episcopi jurisdictioni subdita sit, in temporalibus tamen regie subiacet ditioni, & plurimi Reges amœnissimum Compendii secessum in deliciis habuerunt; unde & Historiographi *Compendium Palatium*, & *Compendium regium*, & *Compendium Regalis sedis oppidum*, certatim vocarunt. Refert Gregorius Turonensis, quod, cum Clotharius I, Rex, Clodovæi Magni filius impugnantem Saxonum exercitu profligatus fuisset, ipse à molestiis animum relevaturus Compendium accessit, in proximis etiam nemoribus venationis oblectamenta captaturus; at cum venationis laboribus exastuasset, in causum incidit, ex quo & mortuus est; cum autem esset jam morti proximus, exclamavit, *O verè metuenda Domini manus, cui potentissimi etiam Reges ludibrium!* Dagobertus etiam Primus Parlamenta quædam & Comitia ibi celebravit, ut suspicari licet ex tenore cuiusdam Diplomatis hæc verba præferentis: *Iuxta hoc quod ante hos dies in Compendio in generali nostro placito tractavimus.* Et in vita Caroli Magni hæc etiam perleguntur: *Deinde iter agens ad Partes Neustrie pervenit in villam, quæ dicitur Compendium.* Narra- rat etiam Aimoinus hîc quoque Ludovicum Pium frequentasse, regni- que negotia pertractasse; imo & Carolum Calvum illius filium & successorem idem peregrisse; qui quidem Rex in suis Capitularibus asserit, se hanc urbem duabus exi- miis suæ benevolentie notis exornasse, nimirum insigni Abbatia, quam in palatii ambitu ædifi- cari iussit, quæ S. Cornelii nomine impræsen- tiarum insignitur, ob sacra nempe pignora SS. Cornelii & Cypriani in ipsius æde aservata; & Castrum amplissimum & magnificum, quod, destructo veteri, ibi excitavit; ejusque filius ob propensum in vota patris animum, ad finem us- que perduxit; quapropter & in memoriam Ca- roli, Compendium Caropolis vocata est. Innu- mera fere alia vetustatis monumenta commen- dant Compendium; sed hoc unum sufficiat ad- jecisse, monetariam scilicet habuisse officinam, quarum nonnullæ species inter antiquiorum cimelia aservantur; illarum typum, si lubet, hic aspice:



Verum efflagitantibus Compendii civibus de- fuit hæc officina, monetæque ibi signatæ exole- verunt.

Porro illa, quæ Compendio silva adjacet, Co- ^{Forest de} *tia* nominatur & *Coacia*, quandoque etiam *Cau- Cuisse.* *isia*, vulgò *Cuisse*. De illa hoc mirum Rigordus me- morat, quod nempe Philippus Augustus Ludo- vici Junioris filius, venatione animum relaxans in aprum immanem incidit, quem persecutus, illico disparuit; verum cum ipse juvenis à via aberrasset, nec ullus viæ dux appareret, biduo per implicitos silvarum anfractus discurrens, tan- dem Deiparam invocans, Divumque Dionysium, perspexit à latere quemdam proceræ staturæ vi- rum, gestu & habitu rusticum, qui ignem fla- bellaret, unde & atra illi facies in morem fere dæmonis, quem cum primò exhorresceret, at- tamen propius accessit, seseque filium esse Re- gis illi aperiens, mox Compendium ab illo re- ductus est.

Assidet huic silvæ pagus *Cuciacus*, five *Causiacus*, ^{Choisy.} & *Cosciagus*, vulgò *Choisy*, juxta fauces Axonæ in Isaram sese immittentis positus. Fredegarius in Chronico, ubi de Rege Childeberto loquitur, Etiam Cauciaci meminit, *Mortuus est*, inquit, *his diebus Childebertus Rex, & sepultus Cauciaci in Basilica* ^{Bona-do-} *S. Stephani Martyris.* Emenso inde milliari Priora- tus reperitur Ordinis olim Grandimontensis; im- præsentiarum autem, Minimorum Conventus; qui in veteribus Monachorum Grandimonten- sium monumentis vocatur *Bona domus in nemore Erley*, five *Erloy*, juxta *Choisiacum*. ^{Thorote.} Toroten- se dein *Castrum* juxta silvam quoque *Cotiam*, quod etiam memorat Dudo Quintopolitanus. Aliâ verò ex parte nemoris conspicitur *Offemont*, ubi præcla- rus Celestinorum Conventus, quo quidem in amœnissima solitudine relicto, in tractum Vale- sium exspatiamur.

TRACTVS VALESIVS,

vulgò

L E V A L O I S.



Extensio.

Fines.

Reges.

Crespy.

Ecclesiæ.

Abbatia du
parc aux
Dames.

Nantueil.

Alia loca.

Forest de
Kest.

Vroier.

Abbatia de
Long-pont.

Alesia regio à Principibus & Dynastis, qui illam possederunt notissima, Ducatus titulum præfert; non usque adeo protenditur; Longitudine enim leucas sedecim, latitudine duodecim ad summum complectitur.

Ab Ortu Axona clauditur, & Sueffionensi, Tartanefioque territorio; à Meridie, Castrotericensi, & Matrona flumine; Meldensi & Silvaneensi ab Occasu; à Septentrione Isara, & Compendiensi ac Bellovacensi territoriis. *Valesius* autem dicitur ab amœnissimis, quibus undique excurrit, vallibus, quæ & feracissimæ sunt, unde etiam jucundissima illius loca à *Vallis* vocabulo aut incipiunt, aut in illo terminantur, *Vausery*, *Vauchrestien*, *Donneval*, *Bellival*, &c.

Quam verò sit illustris *Valesiorum* prosapia, vel ex hoc suspice, quod tredecim Franciæ Reges ex ista stirpe nobilissima progesserint.

Primaria hujus territorii civitas *Crispiacus* appellatur, ut autem ab aliis ejusdem nominis oppidis seorsim innotescat, additur in *Valesio*; neque unum solummodo nomen fortitur; sed varii nomina imposuere, *Crispeium* scilicet, *Crispiacum*, & *Castrum Crispiacum*. Multas habet Ecclesias; præ ceteris vero eminet S. Arnoldi Prioratus, & duæ Collegiales Ecclesiæ, una S. Albani, altera D. Thomæ. Urbi affidet monasterium S. Agathæ; cis visitur insignis monialium Ordinis Cisterciensis Abbatia, quæ vulgo *le Parc aux Dames* appellatur.

Inter præcipua territorii *Crispiensis* loca, censentur Castellania *Nantoliensis*, quæ hodie Comitatus titulo insignitur; vallis *Agassel*, *Ballency*, *Fresnoy*; silvæ de *Gombrie*, de *Levignem* & de *Piers*; *Silly*, *Mercourt*, *Baiz*, *Oger*, *Villiers*, S. *Georges*. Porro *Nantolium* castro decoratur, & Prioratu Ordinis Cluniacensis.

Ipsa autem *Crespiensis* præfectura usque ad *Aciaum*, quod in *Meldensi* territorio situm est, porrigitur, amplectiturque velut ipsum gremium totius regionis *Valesiæ*, ubi *Retia silva*, *Villierscoste-Retz*, *Liortoré* Abbatia, quæ Latine locus restauratus dicitur; *Bonnevil*, *Morgnieuval*, celebris Abbatia; *Burfonteneium*, vulgo *Bourfontaine*, amplissimum Cartusienis instituti monasterium.

Haud procul à *Retia silva* extat *Vivarium* *Burgus*, ubi quondam *Valesii* Comites Domos amœnitatis habuerunt. Aliâ etiam orâ nemoris *Longus-pons* visitur, præclara Cisterciensis Ordinis Abbatia.

Secunda Baillivatus *Valesii* Præfectura, Firmi-

tas *Milonis* assignatur, vulgo *la Ferté-Milon*; quæ antiquo nomine *Firmitas Vre*, *Vrcha*, & *super Vrcha* dicebatur, desumpto ab amne vocabulo. Communiter autem *Firmitas Milonis* appellatur, sui nomine fundatoris, qui intestino flagrante bello castellum inibi excitavit. Istius *Milonis* meminerunt acta translationis S. *Wulgisi*, quem potentissimi Domini elogio exornant, piissimumque & sacerrimum translationis opus illi tribuunt. Porro *Ludovicus Franciæ*, Dux *Aurelianensis*, loco istius castri vetustate fatiscantis, novum ædificari præcepit, sed morte interceptus nequaquam ad exitum perduxit; imo civilibus dissidiis simul cum Ecclesia S. *Wulgisi* ex parte dirutum est.

Haud procul à castro, *Vrca* fluvius labitur, qui nomen impertiit territorio, quod *Vrcissum* *Carolus Calvus* Rex indigerat. Attamen ab aliis *Vlcum* dicitur, Gallicè *Oulc*. Exoritur amnis ille ultra *Crucis* oppidulum, profluitque ad *Vlchiacum* Castrum, *Oulchy le Chateau*, quod quidem cum *Vlcheia* villam unam *Valesii* Præfecturam constituit. Est in ipso castro insignis Prioratus; olim *Canonicorum* secularium collegium, ab ipsius loci Comitibus institutum; sed exactis sæcularibus, Regulares Canonici à *Theodebaldo Magno*, Campaniæ Comite introducti sunt.

Sunt & aliæ ultra *Vlchiacum* Dynastiæ, *Baillivatus Valesiæ* appendices, nimirum *Armentieres*, *Mont-Nostre-Dame*, *Saponnay*, *Cramailles*, *Coincy*, Latine *Coinciacus*, ubi *Cluniacensis* Ordinis Prioratus; à quo non multum abest præclarum etiam Fontis *Ebraldi* monasterium, *le Charme* dictum, quod vico de *Raucourt* affidet; *la Croix*, *Glizolles*, &c.

Vt autem ad alveum *Vlci* fluminis revertamur; Ex *Vlchiaco* castro, ad oppidulum *Rosoy de S. Aubin* amnis ille defluit: unde modico distant intervallo loca de *Billy*, S. *Remy*, *Marisy*, seu *Marisiaca* villa, ubi furente *Normannica* tempestate, sacra D. *Genovefæ* pignora fuere translata, & summo cum honore asservata.

Sequitur *Novilliacum* S. *Frontonis*, sive *Nuilly* S. *Front*, locus celebris, quem *Flodoardus Villam* *Novilliacum* in pago *Vrcinse* appellat, eo quod in territorio, quod *Vrca* perluit, positum sit; deinde *Pacx*, *Auteuil*, *Marolles*, *Bornonville*, & *Mareville*, in altera parte fluminis. Haud procul inde pulcherrima *Collinances* Abbatia, ubi *Virgines* Ordinis *Fontebraldi*, aliaque non ignobilia loca, *Crouy*, *Tresmes*, *Mail*, *Rieux*, *Trocy*, *Eschancu*, *Ocquerre*, &c.

Quod autem reliquarum est hujusce *Baillivatus Castellaniarum*, *Bistisiacum* burgus non inelégans, Iudicis sedes est, qua tractus hic *Bellovacensem* attinet; situs est in vasto quodam, & spatio-

spatioso hiatu vallis Autonnæ, rivoque cognomine irrigatur.

In inferiore burgi regione pertransit Autonna rivulus, qui fontes reperit ex agro Villaircoterienfi, *Pisseu* inter & *Coulioles* pagos, inde *Vulcenias*, seu *Wolcenias* pergit, vulgò *Vouciennes*, stagnumque postmodum de *Walu* efformat, quo peracto Haramoni fluviolo miscetur, ac postea per fossas Longipratenfis Abbatia diffuit, modicoque emenso spatio, alium obviam fluviolum rapit, qui è *Watmesia* provenit; alioque qui è *Russy*, *Liorore*, *Bonnoil*, *Guencourt*, & *Buy* prodeunt; deinceps adimplet idem fluviu stagna Aubervalia, & Poudronia; è quibus emergens *Autonna* nomen sortitur, variisque aliis accrescit fluminibus è *Morgnierval*, *Morcourt*, *Gillocourt*, *Betaucourt*, effluentibus; sibi que sociat eum, qui è *Glagua* proficiscitur rivulum, qui è fontibus *Oger S. Mard*, & *Oger S. Vincent* nascitur, ac Betisiaci prata perluens tandem in Isaram sese exonerat sub Vermeria. Non multum hinc distita est *Saintines*, antiqua Dynastia, cui *Nery* ditio proxime adjacet.

Vermeria etiam inter antiquas *Valesii* Præfecturas computatur; impræsentiarum Betisiacæ est annexa. Incumbit Isaræ; regio olim Palatio ornabatur; refertque *Fredegarius* in *Chronico*, hunc loci Carolum Martellum à bello Saracenorum è Provincia reducem, in morbum incidisse; quod itidem ac iisdem plane verbis testatur *Aimoinus*: *Ægrotare cepit in villa Vermeria super fluvium Isaram.*

Nec silentio prætereunda est spectatissima *Petrafortis* Præfectura, quæ præsertim versus *Suessionem* protenditur; castrum olim habuit fortissimum, sed civilibus dissidiis deformatum, jubente *Ludovico XIII*, Rege; illius etiamnum parietinae conspiciuntur. Est etiam inibi *S. Sulpitii* Prioratus. Hoc autem in tractu reperitur *Kala* viculus, aliaque non contemnenda loca, *Outreval*, *Cuisse*, *Dongeon de Martimont*; fanum *S. Petri*, vulgò *S. Pierre en Chastres*, ubi *Petrus de Mouron*, seu *Celestinus* Papa *Celestinorum* Conventum ad modum *Eremitæ* ædificare cepit, quod & *Philippus Pulcher* amplissimis reditibus dotavit. Vno etiam à *Petrafonte* milliari invenitur locus *Campi-dolentis*, ob Anglorum cladem hoc nomen sortitus. Præclarum vero antiquitatis monumentum extat in vico & Prioratu *Crucis S. Audoeni*, qui portio quædam est *Petrafortensis* Castellania; circumfertur enim ansam foundationi hujusce Prioratus præbuisse *Crucem* è nive compactam, mensibus æstivis, *Audoëno*, *Dagoberti* Regis Cancellario, apparentem; cui locum ipsum *Rex* munificentissimus in Ecclesiæ ædificationem assignavit, nemoribusque & terris adjacentibus impense dotavit.

S V E S S I O N E N S E T E R R I T O R I U M.

Soissonois. Hæc amoenissima regio à priscis *Suessionibus*, Gallia Belgicæ populis, nomen assumpsit. Illorum variis in locis Commentariorum *Cæsar* meminit, & *Suessonum* nomenclaturâ indiget, fuisse ex una parte, *Bellovacogallia*.

rum; ex alia vero *Rhemorum* finitimos asserit. Adnotat etiam *Strabo*, eosdem, quos additâ litterâ *Suessiones* vocat, primos à *Bellovacensibus* apud *Belgas* autoritate polluisse; cuius quoque sententiæ adhæsit *Plinius*, qui & illos inter municipes liberosque populos & propriis utentes legibus ac Magistratibus annumerat. Vocantur autem à *Ptolemæo* *Vessones* detractâ aliâ litterâ; sed illapso in scriptis errore; censent enim viri eruditi legendum *Suessones*. Inde postea dictum est *Suessonicum solum*, quo quidem vocabulo usus fuit *S. Remigius Rhemenfis Archiepiscopus*; *Flodoardus* autem *Suessionensem pagum* appellat.

Hic ager veterum Gallorum temporibus in maximam expandebatur amplitudinem; illi namque *Cæsar* civitates duodecim assignat, quas inter *Noviomagus*, seu *Noviodunum*, vulgò *Noyon*, computabatur; magnam quoque *Valesii*, atque *Tartenesii* partem, quandamque *Superioris Campaniæ*, & *Brioniæ* portionem amplectebatur; accisâ autem *Noviomagenfi* civitate, perstitit intra fines *Diocesis* reliqua ejus amplitudo; sedes vero *Episcopalis* statim à prædicatione fidei, in *Suessionenfi* civitate constituta est. Porro complectitur ipsa *Diocesis* quadringentas fere parochias, urbes egregias, insignes Abbatis, Prioratus, aliasque Ecclesias.

Si autem juxta seculare regimen territorium *Suessionenense* perspicias; plurimum sane decrevit illius amplitudo; nam ab anno octingentesimo neque *Valesium*, neque *Tartenium* tractum amplius amplectebatur; ab iis quippe & appellatione & limitibus fuisse seclusum constat ex datis *Caroli Magni* litteris, quibus *Vadense*, seu *Valesium*, *Tardonense*, & *Suessionenense* territoria ab invicem distinguuntur. Attamen *Suessionenensis* regio etiam hac ratione accisa, postmodum insigni refulsit *Baillivatu*, qui quidem Legibus atque Consuetudinibus *Veromanduorum* usus est, ad *Parisiensemque* *Parlamentum* Curiam provocat.

Tribus hic ager fluminibus irrigatur; quæ *Flumina* vulgò *Aisne*, *Velle*, & *Crise*, appellantur. Prior quidem *Axona* apud *Cæsarem* nominatur; qui, junctis sibi duobus aliis, in *Isaram* properat, cui juxta *Compendium* commiscetur; cumque sit aliis nobilior, eapropter *Lucanus Poëta*, ab illo nomen *Axonum* derivavit, volens hoc versu notare *Suessiones*:

— Longisque leves Axones in armis;

Quasi diceret, *Axona fluminis* accolas; namque *Axona* alveus vallem efformat viginti & amplius leucis projectam, quam strenuos bello viros omni ævo peperisse, notat *Guillelmus Bretonius*:

Valle Suëssonica, quàm fortia corpora surgunt.


S V E S S I O.

*P*rimaria hujusce tractus civitas *Suessio* nominatur, ubi præter *Sedem* *Episcopi*, & *Baillivi*, est quoque *Sedes* *Præfidialis*. Binis montibus interjacet, in quorum fundo perlabitur *Axona*. Quod illi nomen ævo *Cæsaris* fuerit, ipse non expressit; sed sequentibus proximè temporibus *Augusta Suëssonum* fuit appellata, scilicet in memoriam *Augusti*, ut testantur *Ptolemæus*.




maeus, atque Antonini Itinerarium; at postea huic civitati contigit, quod plurimis & celeberrimis Galliarum civitatibus commune, ut suorum duntaxat populorum nomen retineret; unde & *Nomina.* Sueffiones, Civitas Sueffonum, Sueffona civitas, Civitas Suefforum, Vrbs Sueffonum, Sueffonica civitas, Sueffionnes, Sueffonis, Sueffo, & Sueffio nominata est. Rationem autem nominis quidam autumant à *suavi sessione* deduci, quod scilicet locus sit amœnissimus.

Dominatus. Principiò quidem Gallorum regibus paruit hæc civitas, quos inter, Divitiacus à Cæsare memoratur; imo & Galba, qui quidem illam Romanorum imperio subiecit; à quibus Clodovæus Primus, Rex, eam extulit; cuius etiam liberi regium illi titulum restituerunt, quem Gallorum ævo possederat; nam divisâ Franciæ monarchiâ Clotarius I, thronum Sueffioni stabilivit, cui Chilpericus filius successit. Cœpit autem illa civitas sub Carolo Magno à Comitibus regi; at nihilominus Reges, etiam Comitum temporibus monetas inibi signari iusserunt, nam & apud antiquarios extant numismata argentea Caroli Calvi, aut forte Simplicis monogramma præferentia, prout typus hic subjectus præterendit:



Cum autem iste Comitatus postmodum hæreditarius evasisset, idem quoque monetas signandi jus ipsi Comites usurparunt, quod aliud numisma aperte demonstrat, circa tempora Philippi Audacis Francorum Regis excusum, quod Ioannis cuiusdam Sueffionum Comitatus nomine insignitur.



Status Ecclesiasticus.

Quod autem Status est Ecclesiastici, primi, qui zelo Christianæ fidei Sueffiones appulerunt, fuere Crispinus & Crispinianus à Romana civitate transmissi, qui quidem inibi martyrium pertulerunt; cum itaque modico tempore in vivis ibi perstitissent, post mortem Romano Pontifici apparuerunt, qui iisdem compellentibus Sixtum Episcopum, & Siricium Presbyterum ad consummandum opus fidei, & conversionis Sueffionum à prædictis martyribus jam inchoatæ, delegavit. Porro Sixtus, primus Rhemenfis Archiepiscopus, Episcopalis etiam Sueffionensis Ecclesiæ fundator extitit, ubi & Sanctum Siricium Episcopum ordinavit, qui & post illius obitum in Rhemensem Archiepiscopatum suffectus est. Caterum Sueffionensis civitas Cathedrali Basilica, multisque aliis Ecclesiis, ac religiosis Domibus exornata est; præ cæteris autem eminent nobilissimæ, opulentissimæque Abbatia S. Medardi, D. Mariæ, S. Ioannis cognomento à Vineis, S. Leodegarii, &c.

Præter tot celeberrimas, quæ huic urbi maximo sunt ornamento, Ecclesias, multis etiam pagis, iisque pervetustis redimitur; quos inter

non infimæ notæ sunt Bucy, Treny, Margival, Crouy, Clamecy, Cuffiers, Pommiers, Villeneuve, & Oyle, qui antiqui huiusce Comitatus domini membra fuerunt; nam Ioannes II, Sueffionensis Comes, illorum incolas variis ab oneribus exemit; quod & ratum fecit Ioannes III, Comes, prædicti Comitatus filius & successor, anno 1271. Celebris est apud Cuffiers abbatia, cuius Ecclesia Protomartyri Stephano dicata fuit quondam parochia; verum S. Ansericus Sueffionensis Episcopus, tempore Dagoberti I, regis, Collegio Canonorum sæcularium exornavit; Nevelo autem, Sueffionensis etiam Episcopus, postmodum Religiosos Ordinis Augustiniani substituit, qui ad annum usque 1228, illam occuparunt; tunc vero temporis Iacobus de Basoches, in Conventum Monialium commutavit; ipsæ autem Moniales anno 1627 ad civitatem Remensem translatae sunt.

Extat quoque in oppidulo Villanovano monasterium non inelegans Ordinis Celestinorum sub nomine SS. Trinitatis, ab Enguerrano VII de Coucy Domino, Sueffionensique Comite quondam erectum, qui in Hungariam profecturus omnem pretiosissimam, quam habebat, supellectilem, omnia bona mobilia, imo & Sueffionensem Comitatum, & ipsam Ditionem de Coucy, quod cœptum opus absolveret, oppigneravit; mandans ne ullus hæredum, post ipsius obitum, illorum possessione frueretur, donec opus ad exitum perductum fuisset. Eodem quoque Monasterio contumulari elegerat; verum cum paulò post obiisset, cor illius duntaxat illuc allatum est, atque sepultum.

Axona fluvius Sueffionem defluens, hoc salutat monasterium. Oritur in Rhemorum finibus, ac postquam varia perluit territoria, Pontem-Arriacum, vulgo Pont-Arffy, alluit; inde Velly urbem prolabitur, Præfecturæ titulo insignem, cui subjacent sequentes pagi, Chavonnes, Paigny, Ioy, Aisy, & Freullains. Hanc urbem Velliam nonnulli indigetant, formato nimirum à Gallica dictione vocabulo; Ipsum autem nomen à flumine deductum est.

Hunc annum nonnulli vocant Vidulam, & Vidulam; ipse Rhemenfis è territorio scaturit, indeque decurrens, Basilicas vulgò Basoches, veterem Castellaniæ, & Baronatum irrigat. Hic olim frumentorum promptuaria à Romanis Imperatoribus extructa fuere, unde & locus adeò famigeratus evasit. Postmodum etiam illius nomen adauxit Basilica in memoriam Sanctorum Rufini & Valeriani Martyrum erecta; nam & Basilicarum nomen illi indidit, quod ei quoque per antonomasiam Flodoardus in Historia Rhemenfi tribuit; prisca etenim nascentis Ecclesiæ Christiani, sua templa Basilicas vocabant, quod regia ædificia indigerat. Isti viri Sanctitate insignes ibi commorabantur, frumentariis hordeis ab ipso Imperatore præfecti; cumque ad Christi fidem nuper essent conversi, maximas egenis eleemosynas elargiebantur; quod cum rescisset Rictiovarus à Maximiano Imperatore Prætor, illos comprehendi iussit, & capite multari. Basilicis autem eos martyrium subiisse Flodoardus asserit; Carta etiam pervetusta testatur, S. Remigium Rhemen-

mensē Archiepiscopum sumptuosissimam eō loci Ecclesiam excitasse in horum SS. Martyrum memoriam. Scripta verò est anno 1122, in ipso *Basilicarum* oppido, qua ex appellatione, pleraque alia vocabula prodierunt, scilicet *Basilica*, *Basilica*, & *Basilica*, *Basilica*, *Basilica*, *Basilica*, & *Basilica*, hunc locum velut in plurali denotantia. Ceterum huic oppido adjacent S. Theodebaldi Prioratus, *Tesnières*, *Colonges*, *Ville-Scavoire*, *Vauvercée*, *Loupines*, *Barbonval*, &c.

Braine.

Braine exiguum hujus tractus oppidum, ab antiquis temporibus Comitatus dignitatem præfert. De illa, velut de spectatissimo munimento mentionem injicit Flodoardus; ipse enim Chronici anno 931 *Brainam castrum super Vidulam* vocat, quandoque etiam *Brana* & *Brena* dicitur. Proximum *Brainæ* assidet castrum, quod vulgò *de la folie* nominatur; illud excitavit Agnes Drocensis & *Brainensis* Comitissa. Aliud autem est eximium quod huic urbeculæ adjecit ornamentum, Sancti nempe Evodii Abbatiam, ubi *Brainensium* Comitum quamplura visuntur Mausolæa.

Vidula fluvius *Brainam* deferens, subter *Velliacum* in *Axonam* influit, quo quidem flumine illius etiam nomen sepelitur; sua autem ostia in *Condato*, super *Axonam*, *Conde sur Aisne*, reperit. Porro *Condatum* viculus est in confluenti duorum fluminum positus; *Urbes* verò, & oppida quæcunque in *Gallia* *Condati* nomen præferentia, ut plurimum confluentibus assident. Huic contiguum est *Celles* oppidulum.

Celles.

La Fere.

Priusquam longius à *Braine* secedamus, operæ pretium est, antiquas illius dependentias perlustremus, quæ & illi proximæ sunt. Agmen ducit *Fera* *Tardenensis* castellania, quæ tenui sedet in territorio, *Tardenium* nominato. Hoc territorium Flodoardus frequenter memorat, pagumque *Tardonensem* vocitat, & alicubi *Suessionensibus* jungit; at *Carolus Calvus* Rex *Tardanum*, & vetera quædam Latino idiomate instrumenta *Tardanum*, & *Tardanesium* indigetant.

Sunt autem in illa regione loca varia in *Tardenio* cognominata, ut discrimen aliquod adhibeatur inter alia ejusdem nominis loca. *Fera* equidem, ceu *Fara*, *Tardenii* caput; à quibusdam indiscriminatum, sed perperam pro *Fera* super *Isaram* accepta, suam probat vetustatem ex ipso *D. Remigii* testamento; cum etenim hanc civitatem *Clodoveus*, *Galliarum* primus Rex *Christianus*, *D. Genovefæ* cum *Cruny* viculo donasset, illud *Virgo Sanctissima*, *Genovefa*, inquam, *Rhemensi Ecclesiæ* munus assignavit; mandavit autem *Remigius*, ut *Archiepiscopus* post ipsius obitum successor, ex *Feræ* proventibus, necessarios profunderet sumptus in illius Templi restorationem, in quo ipse sepulturæ mandaretur. *Feræ* appendices sunt *Villers*, *Villemoyenne*, *Forest de Rie*, *Augi*, & *S. Gilles*.

Neelle.

Neelle ejusdem agri oppidum ad antiquum *Brainensis* Comitatus dominium pertinuit, cum territoriis de *Quincy*, de *Longueville*, *Draveny*, *Villavrier*, *Verfilly*, & *Charry*; quibus adjiciam vicum *Cartobram* appellatum, vulgò *Charvreuve*, juxta *Feram* in *Tardenio* situm. Hic monasterium *Ludovici Junioris* temporibus fuit extructum, cujus præcipua dotatio *Agneti* Comitissæ *Brainensi* tribuitur.

Gallia.

Feram inter & *Suessiones* *Muretum* reperitur antiquæ memoriæ *Baronatus*, à quo non multum abest *Nantolium* sub *Mureto* cognominatum, ubi nascitur *Crise* rivulus, qui *Chacrise* viculum allabitur, cui & nomen impertit; postea *Busancium* allambit, *Vicecomitatus* titulo conspicuum, cujus dependentiæ sunt *Thau* & *Tigny* non contemnenda loca. Haud procul *Hartenesium*, & ditio *Villemauthuyensis*, atque *Dynastia* *Acconinensis*.

Inde *Crifa* amniculus *Suessiones* proficiscitur, ibique *Axona* miscetur. *Axona* autem junctis sibi *Vidula* & *Crifa* rivulis, *Suessiones* deferens, *Pommiers*, *Oyle*, *Fontenay*, & *Kervres* perluit, alterumque ibi fluviolum sibi sociat. Hoc in tractu jacet *Laverdines*. Porro *Kevrense* territorium ad *Marchionatus* dignitatem à *Ludovico XIII*, Rege, provectum est.

Ostel, sive *Hostel*, est etiam aliqua portio *Suessionensis* Comitatus, qui *Comitis* titulum suis quoque possessoribus attulit; huic annexa est ditio de *Mareville* in territorio *Tardenensi*. *Axona* verò fluvius *Fontenayo* egrediens *Ripariam* pergit, Gallicè *la Rivière*; deinde *Viacum* progreditur. Haud procul inde splendidissimum, pulcherrimumque *Blerencourtii* Palatium visitur, cui adjacet *Burgus* cognominis; deinde *Espagny* vicus *D. Anserici*, *Suessionensis* quondam *Episcopi*, ortu nobilis. Exinceps *Axona* *Vitriacum* inter & *Iausiacum* profluens, *Archiacum* invistit. Tandem fluminis ductum prosequens *Rotundas* pervenit. Is locus fuit olim celebris, & *Abbatia* exornatus; inde tandem *Axona* *Choisiacum* procurrit, & in *Isaram* sese exonerat, loco *Isaræ ostium* indigetato; quod *Guillelmus Bretonius* eleganter his versibus expressit:

Axona cui faciunt nomen vulgale moderni,
Hic tibi cum tollat nativum Vidola nomen,
Ipse suum perdit Isara majore receptus.

VRBS NOVIOMENSIS.

Noviomensis civitas, ad *Isaram* posita, antiquissimis *Galliæ* oppidis, quorum *Romani* veteres fundamenta jecere, non immeritò potest accenseri. Tribus irrigatur fluminibus, *Galliola* scilicet, *Margareta* & *Versa*, è quibus duo priores junguntur posteriori, ut simul in *Isaram* evolvantur. Præcellis tum ab *Ortu*, tum ab *Occasu* rupibus munitur. Qui è priscis authoribus illius meminerunt, variis eam nominibus appellarunt; nam *Iulius Cæsar* libro 2. *Commentariorum de Bello Gallico* *Noviodunum* nominat, quemadmodum & *Valentinianus*, & *Gratianus* Imperatores in quadam ex suis legibus; at verò in notitia *Occidentalis Imperii*, & in *Antonini Itinerario*, *Noviomagus* appellatur; posteriores *Novionum*, *Novionium*, & *Novionem* vocitarunt, prout legimus in *Chronicis*, *Historiis*, *Sanctorum gestis*, & *Martyrologiis*, unde tandem novissimi *Scriptores* *Noviomagensis civitatem*, & urbem *Noviomensis* derivarunt.

Paruit olim *Suessionibus* hæc civitas, scilicet ante *Romanorum* in *Gallias* dominatum; id quippe *Iulius Cæsar* asserit; scribit enim, quod cum exercitum in *Suessionense* territorium adduxisset, ut inde in *Bellovacense* transmitteret,

R

vo-

voluisse obviam Noviodunum obsidere, non potuisse tamen illam expugnare, tum ob nimiam fossarum latitudinem, & murorum altitudinem, qui poterant à paucis militibus custodiri, tum vel maxime quod Sueffionenses, qui jam prælio fusi & fugati fuerant, nocte sequenti, in eadem convenerant; verum modicā ab illis resistantiā factā, petentibus Rhemis, Legatos ad Cæsarem de deditione miserant, eaque de causā Sueffiones in deditionem accepisse, datis obsidibus primis civitatis, atque ipsius Galbæ regis duobus filiis.

Vnde, quemadmodum à principio Christianæ fidei, Episcopatus ad quemdam numerum civitatum, seu districtum, fuere constituti; ita limites Sueffionensis Episcopatus Noviodunum usque pertigerunt, adeo, ut hæc etiam civitas Sueffionensi civitati fuerit ad tempus subiecta; verum Clodovæo Primo sceptrā moderante, Episcopalis Veromanduorum sedes, Noviodunum à S. Medardo translata est, ut testatur vetus Chronicon: S. Medardus, inquit, *Sedem Episcopalem ab urbe Virimandorum, ad Castrum Noviomum transtulit.*

Complectitur hodie Noviomensis Episcopatus 334 circiter parochias, in novem Decanatus distributas. Celebriora illius monasteria sunt, S. Eligii juxta Noviodunum, sub regula S. Benedicti; S. Quintini in insula, ejusdem Ordinis, eximium S. Mariæ monasterium, in Hamensi civitate, vulgò *Ham*, Ordinis S. Augustini; Mons S. Quintini, Ordinis etiam S. Benedicti; Genliacensis Abbatia Ordinis Præmonstratensis; S. Eligii de *Fontaine* Prioratus; S. Bartholomæi, prope Noviodunum; *Orcamp*, *Fervac*, &c.

Illustrant etiam Noviodunum plurima antiquitatis monumenta. Narrat Ado, Viennensis Archiepiscopus, Chilpericum Franciæ regem, hac in urbe diem clausisse supremum, in eaque contumulatum fuisse. Refert quoque idem auctor Carolum Magnum, Pipini regis primogenitum, regni diadema ibi suscepisse eodem omnino die, quo Carolomanus illius Germanus Sueffioni inauguraretur. Ab illo ævo ista civitas, & territorium adjacens, Comitatus titulo fulgere ceperunt, ut convincitur ex diplomate Caroli Calvi in gratiam Abbatiae S. Dionysii concessio, *villam*, inquit, *cognomento Bonam mansionem in Comitatu Noviomensi*, &c. Insigni Basilica decoratur, quæ quidem Virginis Deiparæ honori dedicata est, amplissimoque Canonicorum collegio illustratur. Sæpius fatali incendio deflagavit; nihilominus intacta permanserunt quorundam Episcoporum Mausolæa. Visuntur etiam in templo SS. Petri & Pauli vetusta S. Acharii, & S. Mommolani sepulcra, quorum ille sanctum Eligium in Episcopatu præcessit; hic vero successit. Hic etiam contumulatus fuerat Sanctissimus ipse Præful Eligius, sed postmodum ad cathedralem Basilicam pretiosissimæ illius exuvie translatae sunt. Extat extra muros, loco de *Mont-Regnaut*, non inelegans Cartusienſe monasterium.

Hinc appellationem cepit *Noviomensis regio*, quam Flodoardus *Noviomensem pagum* indigetat. Hinc inde juxta Isaram diffunditur, & quædam illius portio Axonæ adjacet; multa habet oppida, & non contemnenda loca, quæ inter accen-

setur *Salenciacum*, S. Medardi ortu nobile; *Varen-* *Salency.*
nes, *Orcamp*, *Trapy*, S. *Legier au Bois.* *Varemes.*

Porro fluvius Isara, decem circiter aut duodecim supra Vrsi-Campum, sive *Orcamp*, milliariibus, ad locum scilicet de *Vandueil*, incipit esse navigabilis, indeque Feram properat, & Calniacum; & ubi *Pontem-Episcopi*, vulgò *Pont-l'Evêque* *Pont-l'Evesque* attigit, ternis inde flexibus digreditur, sicque cursum peragit, donec ad Pontonem Bairiensem venerit; ubi paulò inferius, Axonam sibi sociat, ejusdem nomine conscripto; deinde Compendium quas excepit aquas deducit.

Ceterum Noviomensis civitas cum suo territorio, Consuetudine Veromanduorum regitur, cuius quidem præcipuus Baillivatus, in Laudunensi sedet civitate. Accensetur etiam Insulæ Franciæ regimini, quemadmodum & Calniacum, quamvis tota fere Diœcesis ad Picardiam pertineat.

C A L N I A C V M.

Calniacum urbs est, & munimentum antiquissimum; assidet Isaræ, Feram inter & Noviodunum civitates; Varia apud auctores, atque in Cartis veteribus nomina fortitur; à Flodoardo namque *Calnac* & *Calniacus* vocitatur; In Chronico autem Laudunensi, *Cauniacus*, à recentioribus denique, *Chauniacus* appellatur. Proprios olim Dominos habuit; impræsentiarum autem Coronæ annexa est cum quibusdam pagis adjacentibus, *Foillovel* scilicet, *Coudren*, &c.

Eximius juxta Calniacum viculus prædicitur, cui nomen Viriacus, Gallice *Viry*; hujus ditio ad Cathedralē Lutetiæ Parisiorum Ecclesiam spectat. In eadem quoque præfectura est *Curisiacus*, vulgò *Cherisy*, Locus olim celebris, nam ibi quondam ædes regiæ; asserit quippe *Fredegarius*, Palatium Carisiacum, ad Isaram fuisse situm, sicut etiamnum Carisiacus pagus conspicitur, cum vetusti, sed magnifici castrorum rudibus; non etenim juxta hujus amnis alveum alius reperitur locus, cujus nomen accedat; profero illius verba, quæ obitum Caroli Martelli hoc loci morientis describit: *Carolus nempe Princeps veniens Carisiacum, villam Palatii super Isaram fluxum, valida febre correptus obiit in pace.* Indubitato igitur errore vulgares Historiographi *Creciacum ad Isaram* appellitarunt; neque enim ullus est viculus huic flumini adjacens, qui hujusmodi vocabulo nuncupetur.

Quod autem Palatium Reges hîc habuerint, amoenissimumque hunc venationis ergo locum frequentarint, variæ attestantur Regum Litteræ, Caroli Magni, Ludovici Pii, Caroli Calvi, & aliorum, quibus subscriptum est, *Actum Carisiaco Palatio Regio*; cumque iidem Reges iisdem in Palatiis monetas signari curarent, quarum generalis inscriptio, *Moneta Palatina*, cudebatur; nonnulla tamen reperiuntur numismata, quibus singulari prærogativâ, *Carisiaco* inscribitur, ut patet ex typo



impræsentiarum exarato. Non est operæ pretium, quæ hîc digna memoratu gesta sunt, sigillatim excute-

cutere; quàm magnifico nempe apparatu, Pipinus Rex Stephanum Papam ibi exceperit; Leonem III, Carolus Magnus; aliaque innumera, quæ quidem antiquam loci amplitudinem evincerent; sed brevitati litans, nil tamen deferens quod ad intentum faciat, cetera prætermitto.

TRACTVS

L A V D V N E N S I S.

Laonnois.

PRæter enumerata hucusque territoria, Tractus Laudunensis Francicæ Insulæ etiam accensetur, quiquidem agro Remensi, Sueffionensi, Veromanduorum, & Thieraschenfi circumscribitur. Vsq̃ue ad Iulii Cæsaris tempora nullum habuit particulare nomen, sed Remorum nomine continebatur; quod & perseveravit Romano florente imperio, usque dum Marcobrius Prætor Laudunense castrum ædificari mandavit; ab illis enim temporibus adjacens regio unum seorsim territorium constituit, quod in vetustis auctoribus *Laudunensis pagus*, atque *Lugdunensis* nominatur.

Nomina.

Hincmarus & Flodoardus, celeberrimi Scriptores, hunc tractum Comitatus etiam titulo exornant; ubi enim de eo sermo incidit, *Laudunensem Comitatum* exscribunt; at vero in Capitularibus Caroli Calvi regis, *Laudunense*, simplici vocabulo, & *Laudunifus* appellatur. Guibertus Abbas Nogetensis, & Guillelmus Nangius *Laudunensem provinciam* indigetant; in Cartis autem & Membranis recentioribus *Laudunensium* nuncupatur.

Porro idem ipse Hincmarus nonnumquam luculentius de hoc Comitatu testimonium profert, ubi de S. Remigio, Antistitem huic territorio præficiente, loquitur: Et *Parochiam*, inquit, *ipsius Comitatus Laudunensis præfato castro subjecit*; & iisdem fere verbis Flodoardus lib. 1. suæ Historiæ, *Comitatus*, ait, *Laudunensis eidem castro subjecit Parochiam*. Quibus ex verbis evincitur, tractum Laudunensem, jam superioribus sæculis antequam in Episcopatum erigeretur, Comitatus titulo fuisse insignitum.

Quantum autem ad Diocesim, principid quidem extitit aliqua portio Rhemenfis Archiepiscopatus; Verum illam segregavit D. Remigius, seorsimque in Episcopatum erexit, suos illi limites & terminos præscribens. Ipse vero Episcopatus in duodecim rurales Decanatus fuit divisus, quæ subjectæ sunt trecentæ circiter Ecclesiæ parochiales, plures Abbatia, Prioratus, & Conventuales Ecclesiæ. Potest etiam generalius dividi in duas regiones, Thieraschensem scilicet, & Laudunensem.

Flumina.

Isara fluvius Laudunensem agrum à Veromanduis dirimit; *Axona* verò abs Diocesi Rhemenfi; Aileta à Sueffionensi separat. Præter hæc autem flumina, *Seram* habet & *Ardonam*, quibus etiam irrigatur; imo & alia quædam; nam *Resbaci*, cujus meminit Ludovicus Pius Imperator in instrumento veteri, vicum sibi cognominem allambebat, quem Chronicon S. Dionysii *Roboys* indigetant.

Tandem hæc regio amœnissima est, & gratis

nemoribus undique confita; ubi & Reges venandi studio velut illecti priscis temporibus secesserunt; ideoque Palatiis, ædibusque regiis illam exornarunt.

L A V D V N V M.

LAudunum civitas, Laudunensis territorii caput, ipsi regioni nomen indidit. Præcipua illius decora sunt sedes Episcopalis, præclaraque Ducatus atque Pariatus dignitas; imo & Baillivatus Veromanduorum sedes primitiva, nec non & Tribunal Præsidis. Olim quidem Lugdunum vocabatur, à Reginone scilicet, aliisque Auctoribus; unde & Episcopi *Lugdunenses*, & *Lugdunensium* Episcopi fuere vocitatum in Synodis, tum alibi. In vita etiam S. Fursei, Bercharius, Comes Laudunensis, *Lugdunensis Dux* appellatur; verum ad differentiam nominis cum pleræque aliæ Galliarum civitates *Lugduni* vocabulo significarentur, hocce *Lugdunum Clavatium* appellatum est, aut etiam *Cloatum*, quo quidem illam nomine insignivit Gregorius Turoensis lib. 6. Historiæ cap. 4. Ad quoque Archiepiscopus Viennensis in Chronico, apud quem *Lugduno Cloaca*, pro *Lugduno Cloato* turpissimus error irrepsit; quod ex numismatibus ibi fabricatis uberrime comprobatur. At temporis cuncta immutantis vicissitudo, hoc quoque *Lugduni* vocabulum in Lauduni nomen commutavit, retento etiam *Clavati* cognomento, ut in Fredegarii Chronico videre est, & in vita S. Remigii ab Hincmaro conscripta, Flodoardi Ecclesiastica Historia, Dudone Quintopolitano, Guillelmo Gemetenfi, & aliis; qui quidem unanimiter omnes *Laudunum Clavatium* appellarunt. Sublata demum *Clavati* additione, sola *Lauduni* dictio perseveravit; unde postmodum *Laudunensis*, & *Laudunica civitatis* appellationes derivatæ fuerunt.

Nomina.

Vetustæ cujusdam civitatis meminit Iulius Cæsar, quam *Bibrax* nominat, illam etsi velint aliqui *Brainam*, *Braine*, interpretari; cenfeo nihilominus eodem olim loco positam, quo Marcobrius castrum Laudunense postea ædificavit; quod & optimis rationibus fulcitur; nam primo Laudunense territorium tunc temporis Rhemenfi includebatur; *Braina* autem Sueffionensi; deinde *Braina* ad Vellam fluvium sita, *Bibracem* vero ultra flumen Axonam constituit Cæsar, qui se Axonam pertransisse scripsit ponte octenis passuum millibus à *Bibrace* disito, quod apprime convenit illi, quem *Pont-Avoir* indigetant, quatuor à Lauduno milliaribus. Sed præstantius ceteris argumentum, sunt veterum quorundam monumenta scriptorum, qui ipsam Laudunensem civitatem quandoque *Bibracem* nominarunt; nam Dudo Quintopolitanus, ubi Guillelmi Normanniæ Ducis in hanc civitatem adventum memorat, ut Lotharium è Sacri Baptismi fonte susciperet, *Willelmus*, inquit, *Rege exercituque suo Laudunensi pago relicto, Laudunum Clavatium, qui è Bibrax dicitur, petivit cito, antecedente Episcoporum Franciæ choro*. Et supra vetustissimam Balduini Abbatibus tumbam in monasterio S. Vincentii Laudunensis hic versus legitur:

Bibrax.

More pius, speculum pacis, lumenque Bibracis.

Non-

Nonnulli etiam montem illum, in quo Laudunense castrum assurgit, *montem Bibracem* appellarunt; Guibertus autem Nogetensis Abbas *Bibracinam convallem* vocat, subiectam Lauduno vallem, quæ ad S. Vincentii Abbatiam ducit: *Per vallem*, inquit, *Bibracinam*, *ad Sanctum contendit Vincentium*; atque paulo inferius duorum brachiorum huiusce montis meminit, ubi fuerant olim vineæ consitæ; unde quidam suspicati sunt Bibracis nomen aut pro monte acceptum, aut pro ipsa urbe, rationem nominis accepisse, à *binis brachiis*, quorum unum est ad Moncellam, alterum vero ad S. Vincentium spectat.

Si ergo vetusta illa *Bibrax*, fuit ætate Iulii Cæsaris hoc in monte posita, persuasissimum est, aut postmodum destructam fuisse, aut quum castro esset destituta, *Marcobrium*, cuius supra mentionem iniecimus, inibi castrum excitasse, cui *Lugduni* nomen imposuit, quod postea in *Lauduni* appellationem conversum est; namque Hincmarus Rhemensis Archiepiscopus illum huius loci primum fundatorem agnoscit; cui adhærens Ioannes S. Vincentii Abbas eundem etiam his terminis designat. *Marcobrius Prætor Romanus ædificavit civitatem Laudunensem supra montem excelsum nomine Bibrax, & vocavit eum Laudunum.* Vbi anticipato titulo civitatem vocitat, cum tamen necdum ab initio, civitatis elogium mereretur; verum ipsa nil fere præter formam castrî prætulit ad annum usque quingentesimum, quo quidem tempore cunctis Hunnorum, Vandalorum, Alanorum, aliorumque Germaniæ, & Scythiæ populorum conatibus restitit, qui inclinante Romano imperio tota quaquaversum Gallia grassati sunt; Sic enim testatur qui gesta S. Salabergæ auctor perscripsit; is quippe annotat, quod etsi Laudunum nullo negotio posset obsideri; attamen loci natura, & situs in montis vertice, inexpugnabilem effecerunt: unde etiam potest conjici urbem hanc *Clavati* cognomen accepisse, quod nimirum quasi undique in ipso, cui imposita erat scopulo, *clavata* videretur; aut forsan, quod illius mœnia omni ex parte clavis & vectibus ferreis fuerint obserata.

Episcopatus.


Tandem D. Remigius, Rhemensis Archiepiscopus, huius etiam castrî suæ Diocesi subiecti dignitatem amplificavit, sede Episcopali exornans, & amplissimis redditibus, quos suæ primitus Ecclesiæ Clodovæus Rex assignarat. Quamvis autem insignis ille titulus urbem hanc ad tantam, qua nunc fulget, amplitudinem provexerit, non tamen hac de causa patriæ munimentum esse destitit, aut dedignata est; imo ingruente belli tempestate sese propugnaculum obtulit.

Fuit etiam hæc civitas Regum, Reginarumque secessus; illam Brunechildis, cum filio Childberto adhuc in minoritate constituto diu incoluit; id testantur vetera quædam numismata junioris Principis effigiem præferentia, quorum hic typum subiecimus:



Secundæ etiam prosapiæ reges hic frequentarunt; quare & Flodoardus ipse in Chronico ad

annum 948 *Lundunum unam ex sedibus regis* vocat. Hic sæpius secessit Carolus Rex, cognomento Simplex, & monetas argenteas cudi mandavit, quæ ex una parte illius monogramma conspiciuntur, ex altera vero nomen civitatis, prout ex subiecto typo videre licet:



Tanto urbem hanc in pretio Reges habuerunt, ut & illius Episcopos non Comitatus tantum titulo, quem nullo non tempore ipsi Antistites præ se tulerunt, illam exornarint; sed à quingentis & amplius annis, in Episcoporum gratiam, Ducatus & Pariatus dignitatem illi tribuerint; quin & jus signandæ monetæ concesserint; cuius numisma aliquod tibi præbemus, ubi Gualterii Episcopi anno 1151 sedem occupantis, nomen, averfâ autem facie, nomen Ludovici Iunioris, cum utriusque effigie, exprimitur.



Habuit quoque Vicedominos hæc civitas, qui Episcoporum temporalia bona tuerentur, & secularia illorum negotia, auctoritate regia pertractarent. Idem etiam Laudunensium Antistites subiectos sibi Castellanos habuerunt, sed omnium & Vicedominorum, & Castellavorum jura tandem ad ipsum Episcopum devoluta sunt, ipsique Episcopatus à Regibus annexa fuerunt.

Vicedomini.

Castellani.

Capitulum Cathedralis Ecclesiæ octuaginta & quatuor Canonicis conspicuum est, sunt præterea Vicarii, Symphoniararchæ, Musici, Capellani quinquaginta quatuor, & alii quamplures Ecclesiæ ministri, in maximum huius Ecclesiæ decus instituti. Floruerunt hic olim bonarum studii litterarum, eratque Laudunum velut scientiarum Emporium, ad quod non ex omnibus solum Galliæ provinciis, sed ex diffitis etiam regionibus certatim omnes concurrebant, præsertim vero ex Anglia. Nomen huic Academiæ fecerat Anselmus Canonicus, & Decanus Ecclesiæ Laudunensis; illum quidam ejusdem ævi Historiographus, *Virum sapientissimum* appellat, ac per totum pene orbem Latinum, *scientiæ & eloquentiæ fama notissimum.* Docebat publice in Ecclesia Laudunensi, felicique adeo processu, ut ex laudatissimo hocce Lyceo viri eruditissimi prodierint, quos inter, Guillelmus de Champeaux Ecclesiæ Parisiensis Archidiaconus, & postea, Cabilonensis Episcopus; Petrus Abelardus, Albericus Rhemensis, imo & Guillelmus Archiepiscopus Cantuariensis, qui ante adeptam dignitatem Laudunum profectus est, ut Anselmi prælectiones exciperet; quin & Rollonis Angliæ Cancellarii liberos illuc secum adduxit. Maximum etiam decus accepit Ecclesia Laudunensis abs Canonicis, aut nobili è prosapia oriundis, aut ad eminentissimas dignitates evectis; nam quidam illorum, Cardinales, Episcopi, & Franciæ Cancellarii extiterunt; imo & Iacobus Pantaleon,

Capitulum.

leon, cum esset Canonicus, & Archiepiscopus Laudunensis, summum Pontificatum adeptus est sub nomine Urbani IV, neque Cardinalis Auscerus dicti Urbani IV nepos, in eadem Ecclesia Canonicatum gerere dedignatus est. Tandem plurimæ aliæ celebres Ecclesiæ ex eodem Collegio suos Antistites elegerunt.

Cathedralis Ecclesia Laudunensis Virginis Deiparæ titulo inaugurata est; ipsa ex die fundationis, ad annum usque 1112 ab omni sinistro eventu immunis perstitit; eo vero tempore fatali periodo deflagavit, sed postmodum majori splendore restituta est, soloque duorum annorum spatio omni ex parte absoluta, eodem plane die dedicata est, quo prius ejus dedicatio celebrabatur. At vero præter istam insignem Basilicam, sunt Lauduni tum intra muros, tum extra, tres celeberrimæ Abbatiæ, quarum nobilissima opulentissimaque S. Ioannis nomine est insignita, primitus autem D. Mariæ titulo. Illius fundamenta jecit D. Salaberga, quæ congregatâ ingenti sacrarum Virginum multitudine, prima in hoc monasterio Abbatissæ munere defuncta est; utque illi decus & splendorem adderet, septem Ecclesiis exornavit, sub nominibus scilicet D. Mariæ, S. Michaelis, S. Ioannis Baptiste, S. Petri, S. Crucis, S. Apollinaris Martyris, & S. Mariæ Magdalene. Sed temporum vicissitudine à Monialibus ad monachos Ordinis Benedictini istud monasterium devolutum est.

Secundas tenet Abbatia S. Vincentii, Ordinis etiam Benedictini; in ea floruit Anselmus Abbas, cujus vita tot virtutum exemplis fuit respersa, ut suis etiam monachis eundem sanctitatis odorem aspirans, brevi novem ex illis ad insignes Abbatis provecti sint; ipseque ad Tornacensem Episcopatum fuerit assumptus. Tertia, est S. Martini Abbatia Ordinis Præmonstratensis, ubi primus à S. Norberto præfectus Abbas Gualterius tantis virtutibus effulsit, ut brevi quingentos ibi monachos congregarit.

Relicto ergo Lauduno, si Latitiam perrexeris, offendas obviam locum de Samoussy dictum, ubi Silva venationi aptissima, & insignis Prioratus; hic forte situs olim Salmonciacus, aut Salmonciagus, Regum secessus, de quo Historiographi & vetera monumenta, quæ etiam memorant, Carlomanum Regem ibi diem extremum obiisse. Ceterum hoc in more positum habuerunt Reges, ut ad nemora ædes amœnas ponerent, inibique Ecclesias exedificarent, quæ quidem fuere postmodum in monasteria conversæ. Latitia, vulgo Liesse urbicula est tribus à Lauduno milliariis, cui pietas & populorum frequentia nomen attulit. Celeberrima illius Ecclesia in honorem Beatissimæ Virginis anno circiter 1234 fuit consecrata. Ex quo tempore peregrinationes non è Gallia solum, sed è provinciis etiam exteris institutæ fuerunt.

Inde amnis defluit, qui Petrapontem prætervehitur, qui burgus est & castrum, versus tractum Thierascensem assidens, nobilissima omnino castellania.

Latitia iter ad Axonam fluvium profectus, Remos contendens, alium reperias burgum, Montaigny Montisacuti nomine indigetatum; is præcellis mon-

tis & acuti radicibus adjacet. Visuntur etiamnum in montis apice vetusta diruti castri rudera.

Vno inde milliari Sissonia reperitur, insignis quoque Castellania, ubi castrum elegans, & vivarium amœnissimum: duobus deinde milliariis, versus Thierasciam, Nisiacum vetus castrum visitur, Baronatus titulo insignitum, addito etiam Comitatus cognomento.

E Monte-acuto profectus ad Axonam, in dextra, S. Hermetis locum deseres, ubi Prioratus; deinde vicum à S. Thoma denominatum, Prioratus itidem exornatum; cis apparet Corbinicum, vulgo Corbeny, celebre quondam Regum palatium, prout Historiographi, relictaque veterum monumenta, testantur.

Porro Axona fluvius Laudunensem Diocesim à Rhemenfi dirimit, pontoneque in pago de Bairy pertransitur, qui quidem vicus Bariacus in Latinis instrumentis nominatur. Paulo superius Novum-castrum, Neuf-Chastel conspicitur, quod Ludovici Crassi gesta memorant; his enim verbis utitur Sugerus Abbas: Hoc etiam, quod de Castro-novo repetebat, in diem distulit. Inde non multum abest Prioratus Euegnicourt appellatus.

Rauciacus, Roucy, urbicula est ad Axonam subtus Bariacum seu Bairy, sita, ubi arx prætenditur pervetusta, quæ quidem à septingentis fere annis Comitatus titulum prætulit. Varia Latine nomina sortitur; nam præter Rauciacum, vocatur etiam Ruciacus, & Rocejum, Ruzejum, Rucium & Rocejacum Castrum. Illustratur etiam hæc urbicula antiquissimo Prioratu. Adjacet quoque territorium Boscus dictum, quod Rauciaci Comites liberis suis ultimogenitis in possessionem assignarunt. Toinensis ditio Ponti-avaro, Gallice Pont-Avoir, proxima, eodem, quo Rauciacus, flumine alluitur, haud procul ab ipso Rauciasensi oppido dissita; cui etiam binæ assident Abbatiæ, sumptibus eorundem Comitum fundatæ & dotatæ, quarum una Vallis-clara nuncupatur, estque Ordinis Cisterciensis; altera Cuissiacensis, vulgo Cuissy, ordinis Præmonstratensis. Sunt in hoc tractu aliæ quædam dynastie, la Bove, Montchablon, sive Mons Cabilonis, & Maureny.

E Ponte-avaro decurrit Axona ad Curtim-Superiorem, aliàs, Courcureux vicus non ignobilis, & possessio celebris Abbatiæ S. Dionysii.

Verum relicto Axonæ alveo, Laudunum versus, reducto itinere, Bruyeres occurrit, oppidulum, non longe ab Ardon rivulo remotum, qui & vico cognomini, cujus in vicinia oritur, nomen impertit, atque deinceps procurrens, præclaram Virginum Cisterciensium in dextra linquit Abbatiæ, Salvatorium, aliàs Sauvoir vocatam; posteaque altero flumine, Ailete dicto, sepelitur. Hujus fluminis Flodoardus meminit, Aleam nominans, describensque exercitus Regis Caroli cognomento Simplicis, atque Roberti Comitatus velut in acie invicem obversos, Carolus, inquit, abnegato sibi introitu Lauduni resedit super fluvium Saram, & Robertus castra metatus est super Aleam. Guibertus autem Nogetensis Abbas Aquilam vocat. Ceterum hic fluviolus quamquam sit exiguus, tamen piscosissimus est, plurima enim stagna variis in locis constituit. Fontes suos repetit è vico Bucy les Ramons appellato, unde Claciacum affluit,

affluit, qui quidem validissimo castro munitur, unde & Castellania nomen assumpsit. Illi assidet vetus territorium *Novæ-villæ Laudunensis*, vulgo *Neuville en Laonnois*.

Anisy. Progreffus è Claciaco Alea fluvius *Anisiacum* properat, ubi vetustissimum aliud castellum, præclara Laudunensium Episcoporum possessio. Inde *Novigentum* pergit, ubi celebris Abbatia Ordinis Benedictini, in qua olim Guibertus Abbas præfuit, qui expeditionem Terræ Sanctæ gesta-que alia historiæ mandavit. Ipse autem hujusce loci situm describens, locupletissimum his verbis testimonium profert: *Est autem locus ille sub castello, qui Codiciacus appellatur. Montium hinc inde prominentium vineis dextera cinguntur. Humus utrobique Libero, Cererique conveniens, omnium bonarum frugum gleba genitrice laudatur. Fluvii fecunditas pratorum longe lateque tendentium amenitatibus commendatur.* Subjicit idem auctor, quod & memoratu dignissimum est; traditum scilicet à majoribus, quod eò loci templum olim fuerit extructum, non cuidam Paganorum numini, five Idolo dicatum, sed Feminae, quæ Deum & Hominem erat paritura.

Coucy. *Codiciacus*, civitas in præcelso monte posita, castro defenditur. Accensetur præcipuis Galliæ Baronatibus; *Cociacus* contracto vocabulo nominatur, quin & *Couciacus*, *Coccium* & *Cuceium*, imo & *Cocium*. Priscæ memoriæ est oppidum, nam & Clodovæus I, Rex, post acceptum D. Remigii ministerio Baptisma, hunc illi locum dono obtulit, quem ipse Remigius suæ Rhemenfis Ecclesiæ testamento transmisit. Ejusdem verò ditionis est *Luliacum*, vulgò *Lully*.

Lully. Urbem hanc & castrum occupavit olim Enguerranus de *Boves*, Comes Ambianensis; nam in veteri carta, diu pertinaciter censuum persolutionem recusasse dicitur, quos Ecclesia S. Remigii ad illud usque tempus acceperat ratione castri Couciacensis; quod argumento est, prædictum Enguerranum per vim hunc locum occupasse. Quocunque autem modo in possessionem hanc involarit, illud certe constat, quod exinceps Couciacam ditionem absque ulla controversia possederit; cujus etiam titulum suæ familiæ adjecit; nam & Guibertus, Nogetensis Abbas, & Nicolaus Sueffionensis monachus in vita S. Godofredi Ambianensis Episcopi, *Enguerranum* Comitem Couciacensem postmodum indigetant; non equidem quod ipsa civitas in Comitatus dignitatem esset evecta, sed ob Comitatum Ambianensem, quo ipse potiebatur; quod etiam comprobatur ex sequentibus versiculis, vulgato sermone exaratis:

Roy ne puis-je estre,

Duc ne veus estre,

Ne Comte aussi,

Mais grand Seigneur de Coucy.

Attamen ditio Couciacensis inter tres maximas regni Baronias computata est, quia & sæpenumero illius Dynastæ multis Comitibus aut dignitate pares, aut certe superiores evaserunt.

Enguerranus igitur Ambianensis Comes prima stipes hujusce Couciacensis Domus extitit, quæ una est ex illustrissimis & nobilissimis totius Gal-

liæ familiis. Porro ipsa Ditio impræsentiarum regni Coronæ annexa est.

Huic Terræ, seu Baronatui adjacent velut appendices pagi quidam circumvicini, *Fresnes*, scilicet, *Noirmaisiers*, *Landricourt*, *Rieurville*, *Verneuil*, *Forny*, *Folembay*, *Champs*, *Sernay*, *Trosly*, *Pallemans*, *Vaussaillon*, *Cressy dessus Nogent*, *Guiry*, *Courson*, *Dau-delain*, *Bertaucourt*, *Montseaux*, *Vaudeffon*, *Pont S. Mard*, & *Mareuil*.

Pons S. Medardi, ab eo ponte nomen accepit, qui Aleæ flumini sternitur, è regione Couciaci oppidi, quem collimitaneum inter Sueffionense & Laudunense territoria Guibertus appellat. Procurrit autem Alea ad locum de *Folembay*, qui quidem est voluptatis & venationis recessus. Est etiam in hoc tractu amœnissima amplissimaque *Vosagi* silva, quam *Voiz* Galli Lingua vernacula appellant. Hanc frequentarunt secundæ prosapiæ Reges, qui eadem regione Palatium extruxerunt, quod *Silvacus* per antonomasiam à silva vocabatur; illius mentionem injecit Carolus Calvus in suis capitularibus, nec non & Hincmarus Laudunensis Episcopus datis ad Hincmarum Rhemensem Archiepiscopum litteris. Verum illius Palatii ne vestigium quidem hodie apparet. Satius est itaque tum ea quæ in silva, tum quæ illi adjacent, loca enumerare.

Præmonstratus, celeberrimus hujusce regionis *Præmonstré* locus, uno tantum à Couciaco milljari reperitur, ubi nobilissima est ejusdem nominis Abbatia. Circa rationem nominis, nonnulli fabulas texuerunt, quibus non immoror; illud, quod certissimum est, duntaxat referam, *Præmonstratum* dici à *Prato monstrato*, ut testatur Bartholomæus Laudunensis Episcopus in diplomate; qui cum extruendo monasterio commodissimum videret, S. Norberto obtulit, ipse autem divino instinctu Abbatiam ibi ædificavit, quæ postmodum *Præmonstratus* nuncupata est; unde etiam ipsemet Ordo, cujus Norbertus fundator extitit, idem nomen retinuit; cumque jam completa esset Ecclesia, Bartholomæus Episcopus illam consecravit præsentem Thoma, Domino Couciacensi, Enguerrani II parente, qui maximis illam redditibus ampliavit; quodcunque enim jus in *Præmonstraten* territorio prætenderet, Religiosis hujus Abbatiae viris cessit, cum vallibus eidem adjacentibus, tantumque terræ, quantum par boum uno anno arare consueverat; præter alia magni momenti jura, quæ illos exornavit. Quare non immerito Couciacenses Dynastæ, censentur præcipui magnificæ istius Abbatiae dotatores; in qua ex illis non pauci sua sepulchra delegere, ut tumbe ibi positæ, & epitaphia ascripta evidentissime demonstrant.

Cœpit Ordo *Præmonstraten* circa annum 1116, referunt tamen Albericus, & Martinus Polonus ad annum 1119; alii ad annum 1137; verum pars maxima Scriptorum in annum 1120 assignant; quibus hi versus conveniunt ab Echoino conscripti:

Anno milleno centeno bis quoque deno

In Præmonstrato fundatur candidus Ordo.

Haud procul assident *Bassoles* vicus, *Broiencourt*, *Bassoles*, *Septvaux*, Latine *Septem-valles*. In eodem quoque nemore burgus S. *Gobani* reperitur. Fuit autem S. *Gobani* tem

S. Gobain. tem Gobanus natione Hibernus, & S. Furfei discipulus, qui Laudunense territorium appulsus, *S. Gobani* *Eremus.* Montem Eremi sibi solitudinem delegit, qui quidem hodie Mons S. Gobani nominatur, qui & prædicto burgo adjacet.

S. Nicolas *au Bois.* In eadem etiam silva extat non incelebris S. Nicolai Abbatia, de Bosco dicta, aut de Silva, vel de Saltu; quod cognomentum mihi suspicionem injicit, *Silvacum* palatium, de quo supra mentionem fecimus, forsan hoc loci fuisse constitutum; quemadmodum enim *Silvacus* in Boloniensi Comitatu, nomen, *S. Vlmeri de Silva* nomine, commutavit; sic potuisse *Silvacum* palatium, monasterii S. Nicolai nomine nomen commutasse. Narrat autem Guillelmus Nangius, quod cum temporibus S. Ludovici Regis, è provinciis exteris nobiles eo demigrarent, quo Gallicum idioma politius ediscerent, tres è Flandria juvenes claro etiam stemmate oriundos, illuc adventasse, eodem addiscendæ linguæ actos desiderio; ipsos verò, cum per saltus avia, venationis oblectamenta captarent, interceptos fuisse à præfectis saltuum, qui eos ad Enguerranum Couciacensem Dominum, velut reos deducerent; illeque extemplo, furore percitus, ipsos patibulo appendi juberet. Conquestus est S. Nicolai Abbas apud Ægidium Brunum Franciæ Comestabilem, quem juvenum alter consanguinitate pertingebat; Comestabilis autem coram Rege querelam deposuit; Rex Enguerranum ad se convocat; verum ille causam dicere recusavit, abnegans se obstrictum ad in-

terrogata respondere, postulansque ut ad Pares Franciæ remitteretur judicandus, juxta sui Baronatus Consuetudinem; illum nihilominus Rex carceri mancipavit, diemque dixit, quâ coram cunctis regni proceribus causam peroraret. At vero concessit Rex, ut à cunctis suæ stirpis Baronibus, qui tunc aderant, super hoc negotio consultaret; qui omnes ab Enguerrani partibus unanimiter perstiterunt; Rex itaque à proposito destitit, & supplicium capitis, in multam gravissimam commutavit. Iussus quippe fuit Enguerranus duas fundare capellanas in demortuorum juvenum expiationem; decem mille libras expendere in extructionem Pontifarensis Xenodochii, & ad complenda S. Dominici, & S. Francisci cœnobia; in Palæstinam pergere, ibique suis stipendiis certo tempore militare, juncto etiam sibi certo Equitum numero; quæ omnia promissit, & solemnî juramento firmavit. Verum Rollo Eburovicensis Episcopus illum hoc juramento exolvit, accepta in id munus à summo Pontifice potestate; hoc tamen pacto, quod summam præterea duodecim millia librarum penderet, in subsidium Christianorum ultramarinorum.

Tandem in alia nemoris extremitate sese offert *Crespeium*, vulgò *Crespy*, huic cognomen *Laundunense* additur, ad differentiam aliorum ejusdem nominis oppidorum. Sunt alia quædam minimi momenti loca, quæ quidem, ad nobiliora properantes, ultro præterimus.

Crespy est
Laonnois.



C A M P A N I A.

Illiusque appendices Provinciae.

Nomen.



Campania, insignis Galliae regio, suis è campis longè lateque diffusis nomen adeptæ est. Qui antiquitus eam incoluerunt, præcipuis illius urbibus sua ipsorum nomina consignavere; quippe à Tricassensibus *Tricassium*, à Lingonensibus *Lingona*, à Rhemis *Rhemenfis civitas*; *Catalaunum*, *Meldæ*, ac *Senones*, suis etiam ab incolis nomen acceperunt.

Fines.

Hæc regio, si Brioniam illi adjeceris quasi unum eundemque tractum ex parte Belgicum, atque etiam ex parte Celticum, habet ab Oriente Lotharingiam, Barrensemque provinciam; ab Occasu Galliam, finesque Hurepensium, vulgo *Hurepoix*, à quibus Sequana, flumine celebri, (de quo aliàs) dirimitur; à Meridie Burgundiam; ac demum à Septentrione Picardiam. Protenditur in ora Augei fluminis, ad *Lintes*, *Lintellesque* oppidula, in Burgundienfi Ducatu versus Yonam fluvium, in Comitatu vero Carolensi, ad Lingonensium limites; ac tandem in Lotharingia, ad Rhemensem Catalaunensemque civitates usque diffunditur. Si à Passavantio Bassiniæ, ad Dormantium superioris Campaniæ oppidum exploretur longitudo, ad leucas quinquaginta Gallicas sese porrigit; latitudo autem ad quadraginta, à Cadurcio nimirum, ad San-Menehoviensem civitatem.

Flumina.

Multa ex agro Campaniæ flumina nascuntur; Matrona quidem, vulgo *Marne*, dimidio à Lingonibus milliari, Matrono è fonte erumpit, unde ad Lingones proficiscitur, exin ad Rolandi-pontem defluit, Chaumontium, Iainvillam, San-Didacum, Vitriacum, Catalaunum, Ferteum-sub-Iouarrense, Meldas, ac Lagnienfe oppidum, & admissis obviam San-Geosmo, Muscho, Suiza, Bloisa, Saltu, aliisque fluminibus, Sequanæ miscetur ad pontem Charentesium non procul à Parisienfi civitate extructum. Porro Sequana subsequentes excipit fluvios, Bréum, qui ultra Rochfortium nascitur, Sequanæque jungitur Ayséam-Ducis inter & Castillonium; Vrsam, qui à Benevro ortum ducit, Lugnyaviumque perfluens, & Creusam amnem sibi socians obiter, in Sequanam properat ad Barense, quod Sequanæ infidet, oppidum: *Leignes* quoque fluvius, in Leignienfi solo supra Molefium exortus, juxta Pollizium, modico ob oppido Barenfi intervallo, Sequanam ingreditur, quemadmodum & Arsa, cujus scaturigo est in Fonte-Arseo; Lozain, qui sex à Tricassio milliariibus habet originem: Barfa, qui Munsterium-Rameyenfe perluit: Arduffon amnis apud S. Flavium erumpens, seseque in Sequanam exonerans sub vico S. Albani nomine infi-

gnito; Sorma & Lorvinium juncti ad invicem fluvii Trancaltium interfecant, *Treignelque* & *Sollignium* alluunt, ac quinis exinde leucis in Sequanam procurrunt: Albis in convalli oritur adjacenti via publicæ Divionenfi civitatis, propagaturque ad Auberiviam atque Aubepetream, Longéum, Montigny, Ferteum-Clarevallense, Bar, Plancy-Anglurum, posteaque in Sequanam prolabitur, subtus oppidulum Meriacense. Ceterum Albis, quibusdam augetur etiam fluminibus, quorum nomina hæc sunt: Aujonium sive Ionium ex Auberivenfi Solo scaturiens, San-Lupense, Arquense, & Castrovilanense oppida pertransiens in Albim effunditur sub Claravalle: Armanceus etiam amnis, qui à vico Sire-Fontano ad Randovillierum, Matheviumque excurrit: Voira, cujus fontes in Sommevoira, Torram flumen suo recipiens alveo, unà cum illo Beaufortium progreditur, Ronneum, & Cholettam, Ausonius præterea fluvius è territorio Brantiniensi egressus: Husteus amnis è Mallienfi agro Vinuelium pagum prætervehitur: Angeus, qui suas per Feram aquas devehit, Sezannam præterlabitur, Albique supra Anglurum sepelitur. Hi autem in Matronam exonerantur fluvii; San-Geosmus nimirum, qui uno Lingonensibus scaturit milliari, Brenonium transgreditur, Sanctique Salvatoris vicum irrigat, ac in Matronam postmodum elabatur. Muschus, qui San-Cyricum San-Martinumque loca pervadit, Pranséy ac Iocquenay territoria fecundat, Humesioque sub ponte saxeo excipitur. Suiza Marréum juxta & Villierium ducens primordia, eo itinere, quod ad Lingonenses ac Divionenses permeat, Chaumontium, Buffervillamque perlapsus, in Matronam evolvitur: Bloisa fluvius exordium sortitus è fonte, qui centum à Cœnobio Brazancuriensi passibus distans est, illud ipsum monasterium obviam salutatur, arcisque Blosensis fossas opplet, Donlevantium, Passium, atque Esclarron vicos transmeat, subtusque San-Didacum Matronæ demergitur: Saltus scaturit è montibus ultra-Lingniacensibus, in Barrenfi provincia Bar-ducentse oppidum rigat, ut & Vitriacum à deflagratione cognominatum, ex quo emensis quindecim circiter leucis in Matronam sese præcipitat per cognomine sibi ostium. Vella tandem suos habet latites supra Sommam-Vellam, tribus à Catalauno leucis, Castrum Silrense alluit, Remos adit, Ioncherium, Fismenfeque territorium ac denique in Aisneum flumen, vulgo *Aisne* se totum projicit.

Omnes impræsentiarum memorati fluvii, è Vogeso monte profluunt, juxta San-Seinenfe territorium, in Lingonenfi Diœcesi, qua spectat ad Occasum. Sunt & alii, qui eadem in regione sua sortiuntur incunabula, modicoque ab invicem intervallo distiti excurrunt ad pelagus, hi ad Septen-

Mosella.

Septentrionem, ad Orientem alii. Ipso etiam Vogeso in monte Mosella nascitur non longe ab Araris fontibus, Estreum inter & Bussarsium burgum, in finibus Lotharingæ, unde Remiremontium affluit, Espinaleque, Charmesium, Bayonium, Thoul, Fruart, Mussi-pontum, Metensem atque Trevirenses civitates, ac demum Rheno miscetur apud Confluentiam.

Araris.

Araris, vulgo *Saone*, fluvius celebris, Vogeso è monte ac nemore proruit, Darneum, Attigneum, & Monsterialium advenit, multisque postea peractis ambagibus, septem aut octo rivulos suo admittit alveo, Ponti Burgum ad Ararim situm proficiscitur, mox Croy, Pontallerium, Auxonium, Sanctique Ioannis Laonensis oppidum, Bellegardiam, Virodunum, Cabillonium, Matisconensem, Villamfrancam ac Trivultium civitates. Amplissimus hic fluvius, etsi lentius suas aquas devehat, multos tamen suo sinu rivulos excipit, Lantanam scilicet, Amanciam, Navigennam, Lognonium, Venellam, Bezam, Thyllam, Ouscham, Vocugam, Therinum, Musonium, Bursuram, Dunam, Dulceum, Grosnam, Pianettam, Yranciam, & alios. Navigenna, qui à vulgo Vigenna vocatur, è monte Saulionnensi provenit, Montigniumque supra Vigennam præterlapsus, atque irrigata Fontis-Franci planitie decurrit Bello-montium, ac longo locorum emenso spatio, antequam misceatur Arari, bifurcatim dividitur, & quasi insulam efformat, ubi *Thalmay* & *Marilly* nobiles hujusce fluminis portus insident, ad quos regionis Bassigniacensis aliarumque in vicinia adjacentium frumenta asportantur, suaque ibidem institores habent horrea. Thylla duos Marchionatus Is nempe ad Thylliam, & Thylli-castelli, ac Comitatum Savy-Ducis suis laticibus diluit, variosque in ramos dispersit, suas in Ararim aquas effundit, Auxonium inter & S. Ioannis Laonensis oppidum. Beza è fonte profilit, in loco ejusdem secum nominis; hujus aquæ limpidissimæ sunt, & saluberrimæ, piscosissimus est fluvius, & ob truttas, quas gignit præstantissimas celeberrimus.

Qualitas.

Provincia hæc frumentorum magnam suis incolis profert abundantiam; vinum quidem nonnullibi ab aliis expetit; attamen quæ tractus Barrensis ad Albim vina suppeditat, optimæ sunt notæ, à Belgis ac Lotharingis maximo pretio comparantur. Mons etiam Rhemensis, & Solum Catalaunense, necnon & Ayense, aliaque adjacentia loca, præstantissima, delicatissima suavisissimæque, si quæ ullibi, vina producant. Superior Campania nemoribus destituta est; decem leucas peregeris, ne inventis quidem arboribus aut dumetis. Aquæ Borbonenses, ob non vulgarem, quo præditæ sunt, calorem, celeberrimæ sunt. Extat & in agro Vassinenfi, quibusdam fodinis terra conficiendæ bolo Armenæ idonea.

Mores.

Optimæ sunt indolis hujusce tractus habitatores, frugi, in réque sua familiari administranda industrii: venationi indulgent, in armis strenui; ipsique Nobiles omni ingenuitatis ac rectæ educationis genere instructi.

Opes.

Quamvis autem plurimis scateat hæc regio fluminibus, attamen modicum habet commercium, neque enim in ipso Campaniæ exitu navigabiles

Gallia.

sunt fluvii; maximeque à pelago distat. Papyrus, quæ in molendinis Trevirensibus, aliisque conficitur; panni, quos inter razæ Catalaunenses laudatissimæ sunt, Campaniæ opes ac proventus adaugent cumulatissime, ut & ferrariæ Barrensiæ officinæ; è quibus ferrum in Burgundiam tractumque Lugdunensem asportatur.

Possunt ex hac provincia peditum decem milia, equites autem mille in aciem conscribi, & ad bella procedere.

Ipsa Campania, quæ olim Comitatus honore fuit insignita, in Inferiorem ac Superiorem dispertiri potest. Ducatus ac urbes Rhemensis & Lingonensis, quæ nullatenus Comitatus subjectæ sunt, locis regionibusque adjacentibus accensentur, ut tractus, Comitatusque Catalaunensis, Lignienensis, atque Mottenfis. Brionia Superioris Campaniæ provincia est; Comitatus autem Retelensis, Tonnerrensis, atque Senonensis, veluti tractus Campaniæ annexi in subsequenter describentur.

Suos olim Comites habuit Campania; qui autem prior Comitatum hunc sibi fecit hereditarium, Odo nominatus est, Odonis I, Blesensis, Turonensis & Carnotensis Comitis filius. Odo, inquam, ipse II, Roberti regis temporibus, Brionia, & Campaniæ prior possessionem accepit; unde & *Odo Campanius* à Sigeberto Chronographo appellatur. Ille verò Theobaldum Secundum genuit, qui ob conceptas adversus Henricum Primum Regem inimicitias, sub protectionem Henrici Germaniæ Imperatoris confugit, qui titulo Palatini illum exornavit, (hoc insigniebant nomine ordinarios sibi Consiliarios Imperatores,) is autem honos è familia Comitum Campanensium deinceps non excidit; illumque suis omnibus titulis indefinenter adjecerunt; & quamvis Palatinorum titulus, & Parium, adinvicem annexi non patiantur; nihil tamen obstat, quin & Franciæ Paribus accenserentur. Equidem sub Hugone Capeto, idem quoque honos Theobaldo Carnotensi, Blesensi, ac Turonensi Comiti jam contigerat; eo quod primus ipse laudabili proplius zelo funesta moderatus est dissidia, unde Princeps maximus, prudentissimusque regni Francici thronum adeptus est; quamobrem & illius successores jure hæreditario, sibi congruo acquisitis Campaniæ, Brioniaque provinciis in Parium numerum Campaniæ Comites retulerunt.


Comitatus supra memorati, per Ioannam Navarræ reginam, ac Campaniæ & Brionia Comitissam, Philippique Pulchri regis uxorem, Galliarum regibus obtigere; quos & Philippus cognomento Valesius suæ adjecit copulavitque Coronæ; is quippe cum Philippo Ludovici Comitis Ebroicensis filio, Ioannæque illius uxori regnum Navarræ restituisset, quod ad illam jure spectaret hæreditario, in compensationem Campaniæ ac Brionia Comitatum ad eandem Ioannam pertinentium, territoria, dynastiasque in Marchiæ Comitatu illi assignavit; ne videlicet isti Comitatus Lutetiæ Parisiorum proximi, è suis, regumque successorum manibus elaberentur; quo tutius amplissima Parisiorum civitas, ac regiones finitimæ protegerentur.

At nunc quæ celebriora sunt harum provinciarum

T

ciarum

*Vires.**Diviso.**Primi
Campaniæ
Comites.**Comites
Palatini, &
Pares
Franciæ.*



*Tricassium,
seu Trece.*

ciarum loca sigillatim dispiciamus, principioque Tricassii civitatis incunabula perlustremus, cessus olim Comitum antiquorum. Existimant nonnulli plurimum conducere ad splendorem originis, si nomen illius à priscæ Troja ruinis repetant; sed maximis illi sese ambagibus implicant; nam Troja & Trece multum ab vicem differunt; illa enim quæ olim in Phrygia, Troja vocabatur; at quæ impræsentiarum in Campania est, Trece seu Tricassium dicitur, cuius etiam habitatores abs Cæsare Tricassii nominantur. Vrbs est inferioris Campaniæ, quam Sequana fluvius trans medium alluit, multaque illi commoda ex commercio suppeditat; Solum illius pingue est; validissimis cingitur mœnibus, quæ & ingentis amplitudinis sunt, necnon & elegantia; unde & inter amœnissimas Galliæ Belgicæ censetur civitates: castellum habet firmissimum, & undique munitum. Ab ipso nascentis Ecclesiæ primordio Episcopis illustrata est, magnificentissimæque Basilica Stephani Protomartyris nomine insignita, cuius & Ammianus Marcellinus suis in scriptis mentionem iniecit, illam rebus accensens augustissimis. Hic claruit præ cæteris illius Episcopis, sanctissimus ille Præsul Lupus, cuius intuitus ferociam perfregit Attilæ, urbisque obsidionem solvere coëgit; cum tamen illam ferro flammisque totam perdere in animum induxisset. Ob acceptum vero tantimomenti beneficium excitata est inibi Ecclesia monasteriumque, quod Abbatia S. Lupi nuncupatur. Sunt binæ præterea Collegiata Ecclesiæ, parochiæ sex; Episcopatus autem ipse quingentas complectitur Parochias, plurimæque celeberrima monasteria.

*Concilia
Trecensia.*

Anno 878, celebratum fuit hic generale totius Ecclesiæ Gallicanæ Concilium, quo ad finem perducto, Ludovicus cognomento Balbus è Ioannis VIII, summi Pontificis manibus accepit diademata. Congregatum fuit & aliud sub Paschali II. summo etiam Pontifice, qui in Galliam venerat suppetias à rege petiturus adversus Imperatorem. In hoc autem Concilio declaratum fuit irritum matrimonium nondum consummatum Ludovici Crassi cum filia Comitum Rochfortii Franciæ Seneschalli, maximique Magistri, Gregorii Summi Pontificis Decretum de matrimonii Sacerdotum prohibitionem innovatum est.

*Trecense
Parlamentum.*

Anno 1418, cum Isabella regina Caroli VI uxor, Comitum Parlamentaria suspendi obtinisset, adhærens utpote Comiti Armeniaco; & quæcunque ab iisdem emanassent Comitum edita revocasset ab anno 1413, Trecensem Curiam instituit; verum ipsa in sui primordio extincta est.

Iurisdiclio.

Hic jus dicit Ballivus seu Præses assistentibus octo Consiliariis; Est & Prætor, alique Iustitiæ Antistites, hocque Tribunal appellant subalterna ejusdem urbis iurisdictiones. Aula Trecensi subordinantur undecim regii Majoratus, Castellaniæ viginti tres, aliaque sex tribunalia.

Joigny.

Comitatus Ioviniacensis urbs primaria, eodem quoque Iovinii nomine exornatur, quæ & Campaniam à Burgundia separat, ex parteque Senones attinet; nonnulli modernam, pervetustam alii asserunt; quod & testatur Latinum nomen Iovinium; quamvis autem impræsentiarum Trecensis extet ditionis, olim tamen iurisdictionis

erat Altifiodorensis. Iovinii Comites sese Decanos olim septem Comitum vasallorum prætendebant, præcipuaque Campaniæ Comitatus membra, prout relatum in actis Blancæ reginæ datis 10 Augusti anni 1354. Nomen fecit hæc civitas illustrissimæ familiæ Ioviniacensi, è qua prodiit eximius ille Guilielmus Comes Ioviniacensis ab an. 1170, ab Historiographis tantopere celebratus. Transtulit hinc Comitatum Ioanna Ioviniacensis jure matrimoniali in Carolum Valesium hujus nominis Secundum, Comitem Alençonium, Carnotensem, Perchensem, &c. quibus & titulum Comitum Ioviniacensis adjecit; cum autem absque liberis obiisset, hereditate obligit illustrissimæ familiæ de Noyers, per Ioannem de Noyers, qui hujus Comitatus heredem duxit uxorem, unde Miles, Ioannes, Ludovicus alique liberi fuere procreati.

Bassigniæ tractus hoc nomine donatus, Bassigny. quod Inferiorem occupet Campaniam, pluribus est aquis irriguus, quam reliquæ hujus regionis plagæ, Matrona, Mosa, Mosella fluviis undique cingitur.

Illius caput est Chaumontium, à Calvo-monte dictum, Matronæ flumini adjacens, antiquitus duntaxat Burgum arce munitum in Campaniæ finibus, & agro Barrensi. Arx ipsa suos olim singulares habuit dynastas, donec Campaniæ Comitatus annexa est, atque hoc pacto cum ipsa Campania regum dominio adjecta est. Hoc oppidum tres Franciæ reges amplificaverunt, murisque circumdederunt, Ludovicus nimirum XII, Franciscus I, Henricus II; qui & turribus validissimis munierunt. Maximum faciunt è pannis ac textilibus proventum hujus oppidi habitatores, ut & ex aliis manu elaboratis opificiis; unde Iudicem & Consules inibi habent mercatores, qui eorum Lites & dissidia componat.

Ecclesiæ.

Basilica princeps hujus civitatis, gloriosissimi Ioannis Baptistæ Christi præcursoris auspiciis inaugurata est. Ministrant in ea Canonici duodecim, uno moderante Decano; sunt & alii præterea Capellani. Porro ipsi Canonici ab ævo per Capitulum civesque urbis illius eliguntur ex solis indigenarum familiis. Matronæ flumini, longo satis à mœnibus intervallo assidet Capella Dominæ à Bonis Nunciis nuncupata, necnon & Lazaretum, atque Ecclesia S. Aniani; visuntur & in alia montis crepidine, quædam aliæ capellæ, ejusdem etiam beatissimæ Virginis cultui addictæ, atque Xenodochium, & Parochialis Ecclesia Archangeli Michaelis.

Complectitur hic quoque Comitatus oppidulum, quod vulgo Montigny nominatur; deinde Nogent-le-Roy, Castellum & civitatem; postea Montem-Clarum, vulgo Mont-clair, qui statim in ipso Lotharingiæ occurrit ingressu, cuius arx editissimi totius provinciæ montis crepidini incumbit, quam vallis, mœnibus, ac propugnaculis Franciscus I. & Henricus II, Reges munitissimam firmissimamque effecerunt. Assidet montis hujusce radicibus burgus Andelou dictus, cuius præfectura & Iurisdiclio longe lateque diffunditur, quondam elegans amplexu civitas, ut ex rudibus potest conjici, necnon ex privilegiis & immunitatibus, quæ etiamnum incolæ in commerciis,

*Montigny.
Nogent-le-Roy.
Mont-clair.*

Andelou.

ciis, commutationibus, novisque acquisitionibus potiuntur. Sunt aliae praeterea urbes, burgi, arces, & fortalitia, *Risnay, Choiseul, Clarus-mons*, vulgò *Clermont*, &c. quae suos habent Praefectos & Gubernatores. *Aigremont*, urbecula est in finibus Lotharingiae, jurisdictionis Lingoniensis, ad familiam Luxemburgensem pertinens, locus planè non ignobilis.

Bar-sur-Aube.

Barense ad Albim oppidum, vulgò *Bar-sur-Aube* Inferiori in Campania constitutum, Comitatus titulo insignitum est; commendatur à vinis exquisitissimis; hinc regium tribunal, Collegiataque Basilica. Castro-vilani, *Chateau-vilain*, locus munitissimus, & Castellum per vetustum, juxta normam hodiernae structurae restauratum,

Chateau-vilain.

Passavant.

fulget Comitatus titulo. *Passavant* lautum satis oppidum circa fines agri Balliniensis, juxta Lotharingiam & Francum-Comitatum, Silva innumbratur densissima sibi cognomine. Habent illius incolae sua privilegia & immunitates. *Borbonna* à

Borbonne.

thermis calidis laudatissima, ostendit vetera quaedam antiquitatis monumenta, Marchionatus titulo insignitur, & regià praefectura. *Coeffy* ca-

Coeffy.

strum firmissimum in ora Lotharingiae, ubi & praesidium militare; burgum ipsum elegantissimum est & opulentum. Quatuor à Lingonen-

Ortes.

Roland-pont-Grand.

urbe milliariibus *Ortes* invenitur non procul à Belli-loci abbacia. *Roland-pontium* Matrona fluvius per medium secatur. *Grand*, exiguum est oppidum, assidet uni Matronae amnis scaturigini, pluribus antiquitatis vestigiis insigne, vetusto etiam castello defenditur, secessus olim, ut fama est, Iuliani Apostatae, attamen hodie de civilibus aut criminalibus postulati inibi mancipantur. *Vignory*, urbecula Matronae adjacens, binos inter montes posita, in quorum altero castellum extructum est machinis bellicis munitum. Exornatur Ecclesia, Stephano protomartyri dicata, atque Prioratu, Gaudet honore Comitatus. Hic ager rebus omnibus ad vitam necessariis instructissimus est, pratis, pascuis, nemoribus, limpidissimarumque scatebris aquarum amoenissimus; nec desunt thermæ, ac medicamenta simplicia.

Vallage.

Tractus Vallagensis, *Vallage*, à frequentibus in ipso vallibus cognomen accepit, plurima ipse loca complectitur; nam mox ut Calvo monte egressus fueris, si in Galliam Celticam iter arripueris, occurrit *Ioinvilla* insignis & nota civitas, olim Baronatus; cujus proceres & dynastæ tanto praefulerunt apparatu in Terræ-Sanctæ expeditione, ut Sanctissimum Regem Ludovicum in admirationem rapuerint. Illam in Principatum evexit Henricus II, Rex, quæ quidem hodie peculium est illustrissimorum Ducum Guisacensium, quorum majores sua inibi mausolæa extruxerunt, praesertim in Collegiata S. Landerici Basilica, ubi strenuissimi Herois Godefridi Bullionii ossa translata fuisse dicuntur, è quo velut è suo stipite stemma deducunt Duces Lotharingiae. Appendices hujus Principatus sunt Baronatus hi, *Hailly* nimirum, *Doulevant*, *Roches*, & *Esclairen*, cujus parent jurisdictioni, ut plurimæ etiam arces aliae, burgi & pagi.

Vassy.

Non procul à Ioinvilla *Vassy* oppidum cernitur, lauta hereditas familiae Ioinvillensis, obsepta filvis & nemoribus, quæ ob scatentium fontes a-

Gallia.

quarum jucundissima est. Modico à mœnibus intervallo terra singularis effoditur ad conficiendam bolum Armenam idonea, quæ in regiones ultimas exportatur. Celebratur illius castrum à fortitudine structuraeque elegantia.

Barense ad Sequanam oppidum, exigua quidem est civitas, sed amoenissima; variis irrigatur fluminibus, ibi in Sequanam confluentibus, quæ tumens, in amplissimum deinceps evadit fluvium, Comitatus ornata titulo, Campaniaeque paribus accensetur, cujus subjacet jurisdictioni; at quod ærarii est ac regiminis, ad Burgundiam pertinet.

Bar-sur-Seine.

Monterandé, sive, *Monstier en Der*, vastum nemus complectitur ad Voiram fluvium, specialem habet jurisdictionem, at Vitriensi subordinatam.

Monterandé.

Vand'œuvre, urbs vetusta & fortalitium, Barfæ amni infidens, Vandalorum opus, sexto ab urbe Trecentis lapide, Baronatus impræsentiarum familiae Luxemburgensis, olim vero Dynastarum de Noyers.

Vand'œuvre.

Monstier-Ramey, Barfæ flumini etiam adjacens oppidum, insigni Abbacia exornatum; quemadmodum & Piney, Sequanam inter & Albim, cui Ducatus, Pariatusque Franciæ tituli sunt annexi. Iuga quoque montium Albi incumbencia eodem in tractu conspiciuntur.

Monstier-Ramey.

Chaurcium, Burgum in primis elegans, castello propriaque jurisdictione instructum. *Brienna* præ-

Chaurcum.

se fert titulum Comitatus, atque inter septenos Campaniæ Pares computatur. In genealogiis nobilium Franciæ familiarum memorantur Briennæ Comites ante annum 1099, è quibus genus ducit egregius ille Gaucherius Briennæ Comes, Erardi progenitor, qui Anglesiam de Montbeliard uxorem duxit; cujus primogenitus Ioannes Briennensis, regnum obtinuit Hierosolymitanum, jure per uxorem devoluto, quæ filia fuit Comitis Montisferratenfis, atque Isabellæ Ierusalem reginæ. Ex hac porro familia, ampla seges Nobilium exorta est. Gualterius Eraldi filius, dictique Ioannis Briennensis germanus, Comes quoque fuit Briennensis, matrimonio junctus filiae Tancredi Neapoleos & Siciliae regis; quæ & Gualterium genuit, alligatum Mariæ Cyprensi, Hugonis Luzignani, Cypri Regis hoc nomine primi, atque Alisæ Campanienfi, à Ierusalem dictæ; è qua procreatus fuit Ioannes postea Comes Briennensis, qui Mariam Enghiennensem assumpsit in uxorem, Hugonis IV, Rhetelensis Comitis viduam, quorum etiam filius Hugo, Briennensis Comes appellatus est. Transiit autem postmodum Briennensis Comitatus in familiam Luxemburgensem. Petrus itaque Luxemburgensis, Briennæ Comitatum adeptus est, qui Margaritam Francisci de Baux Ducis Andrensis in Apulia filiam matrimonio sibi copulavit, ex qua suscepit Ludovicum, sub Ludovico XI, anno 1475 capite truncatum. In Comitatum verò Briennensem successit Antonius, qui ex filia Comitis Porceani, secunda sibi uxore filium habuit Carolum hujus nominis primum, Antonii Secundi, Comitis Briennensis progenitorem; Ipse verò Antonius ex Margarita Sabaudienfi, filium procreavit Ioannem Briennæ Comitem, qui fati functus est anno 1576, relicto ex Guillelma uxore, Roberti de la Marck IV Ducis Bullionensis filia, Carolo II, Comite Briennensi. Ceterum in hoc Comitatu

V

fre-

frequentes ferrifodinæ reperiuntur; suprema montium silvis amœnantur & arboribus, infima fontibus alluuntur & amnibus; conspicias hinc inde molendina, ferrique officinas; tota ipsa regio vitibus ac frumentis fœcundissima est.

Campania
Superior.
Pertois.

Vitry.

Campania Superior tractum Pertesiensem, le Pertois, amplectitur, plaga vetustissima, celebrioris olim, quam hoc ævo, nominis, qui Saltu, Matronaque fluvii clauditur Vitriacum inter & San-Didacum. Maximam tritici profert abundantiam, commercio celebris ob annuum opportunitatem. Præcipua illius oppida sunt, Vitriacum, Vitry, Vetus, & Hodiernum; Vetus illud à conflagratione nomen accepit, vulgo, Vitry le Bruslé, quod funesta olim clade accidit, cum Ioannes Luxemburgensis Briennæ Comes, à partibus Ducis Burgundienfis, atque in Anglorum suppetias adversus Carolum Septimum decertans, tam horrendis incendit flammarum vorticibus, ut ad sexaginta in circuitu oppidula pervolarit incendium: quin & Carolus Quintus Imperator indignabundus & ulciscens, usque adeo flammis circumvolvitur, ut ædes etiam magnificentissimas in cinerem & favillam à fundo redigeret; at rebus alta pace compositis, Franciscus Primus Rex, dimidio à priori sede milliari urbem restauravit, & antiquo splendori restituit ad vicum Moncontour dictum, qui molliter affurgit in montis crepidine circa oram Matronæ fluminis inde ad San-Desiderium navigabilis. Porro Rex ipse ut incolis animum adderet, quod celerius de reedificandis sibi domibus providerent, maximis immunitatibus, privilegiis, & exemptionibus illos prosecutus est, gloriosoque nomine Vitry le François, illud oppidum honestavit, ipso videlicet Regis conditoris nomine insignitum; huiusque districtus caput constituit, tres quotannis nundinas concessit, primas quidem in festivitate S. Magdalene octo diebus perennes; secundas in solenniis D. Martini, hyberna tempestate, diebus totidem; tertias denique ad festum S. Mathiæ, quatuor solum diebus; celebrarentur & quot Septimanis, ternis diebus mercatus, Lunæ nimirum, Iovis & Sabbathi. Ad triginta vel quinquaginta leucas se extendit Vitriacensis præfecturæ districtus, incipiens à S. Desiderii oppido, quod à Carolo V. anno 1544. fuit dirutum; sese à Septentrione usque ad Nogent l'Artaut diffundens; in Gallia autem Belgica, ubi præcipua sunt loca, ad Ducatum Luxemburgensem Brionensemque Comitatum.

S. Dizier.

Eidem districtui, octo quondam præfecturæ, totidemque Castellaniæ subiacebant; Castrotoricensis nimirum, Castillionensis, San-Manehoudensis, Feismensis, Espernenfis, Roverensis, Pasfavantensis, Vertusienfis, & Lazicourtenfis; impræsentiarum autem Castrotoricensis, atque Castillionensis ab hoc districtu divulsæ sunt, ut ostendetur inferius; quemadmodum & Vertusia, apud quam Carolus Delphinus, Ioannis regis filius, secessit anno 1357, cum apud Parisienses indigne haberetur; ibique huiusce regionis Ordines convocavit; quapropter eodem Ioanne Sceptra moderante, ab hoc etiam districtu sejuncta est, qui eam in Comitatus evexit dignitatem, atque Valentiniæ filiæ Vicecomiti Mediolanensi enu-

ptæ in matrimonium assignavit; Lazicouria etiam regnante Ludovico XI, inde submota, atque in Comitem Foxensem translata, in commutationem Narbonæ, limitaneæ civitatis, quam indissolubiler Coronæ adjunxit.

San-Manehoudensis civitas, in regni finibus supra rupem condita, loco palustri, quæ fluvius Axona labitur urbemque trajicit, è regione vero Yvra perfluit, qui quidem amnis Axonæ jungitur; jacet autem ipsa palus ad alteram castelli extremitatem; ipsum verò castellum integram rupis summitatem operit, cum tamen illa amplam satis habeat summitatem, præcellamque urbem imitari videatur, ubi plura assurgant ædificia, præter illa, quæ ad præsidium militare pertinent, intra muros est parochialis Ecclesia; inferius est ipsa civitas, ubi Iustitiæ Domus.

Fisina ad Velam amnem, Picardiæ contigua, civitas est castro munita structuræ perelegantis. Espernæum quoque lautum est oppidum, cui Matrona fluvius ingentia profert commoda ex datis vicissimque acceptis mercibus. In titulum Ducatus fuit evectum à Carolo IX, anno 1566, cui & Paris dignitas adjecta est. Nogent, & Pons ad Sequanam, Ponts-Sur-Seine, exigua quidem oppida, verum ob portuum commoditatem opulenta, in quibus nullo non tempore consistunt quam plurima navigia variis mercibus onusta. Sed & statis hebdomadæ diebus, solvens Nogentio navigium, Parisios ducit. Dormantius, urbecula, lauta satis, ad Matronam posita. Mery Præfectura est, longe lateque suam diffundens jurisdictionem. Pons-Favergius, amni Suippæ affidet, locus non ignobilis. Fera Campanensis dicta ad distinctionem Feræ in Picardia sita, mœnibus cincta civitas, in Campaniæ ac Brioniæ finibus, juxta amnem Augæum. Suippa, Burgum amplum & opulentum ad fluvium cognominem conditum, pannis tenuioris texturæ, vulgò ras de Chalons celeberrimum. Sunt & alii Burgi, pingues satis & lauti. Dampierre scilicet, burgus arce munitus, ad Saltum & Ornam flumina; Neufville au pont, in Axonæ fluvii ripa; Pont à Vere, burgus per antiquus eidem fluvio insidens. Castillonium ad Matronam, unde nomen illustrissimæ familiæ de Chastillon, in vertice præalti montis eminet, Dormantium inter & Espernayum; maxima uno ex latere silva cingitur; ex altero autem Matronâ perfunditur. In spiritualibus Sueffionensem Antistitem agnoscit, etsi quinque aut sex leucis tantum à Rhemenfi distet civitate. Exigebant olim hac in regione tributum Comites Campaniæ, at cuncti tam masculi quam feminae ab hoc tributo per Theobaldum huius nominis Quartum, cognomento Magnum, fuere exempti anno 1231. Ab hoc ævo jus Communitatis possederunt, quemadmodum Dormantii incolæ; atque simili, quo Vitriacum, regimine usi. Hujus arx civitatis ab Herivæo Vrsi Campaniæ Comitis pronepote fuit excitata ante annum 880. Locus olim fuit munitissimus, donec Anglorum & Caroli Quinti temporibus clades maximas perpeffus, intestinis demum dissidiis, fatali velut periodo à fundamentis dirutus est. Laudatissima pietas priscorum huius urbis Dominorum arcem Collegio Canoniorum exornaverat, ac postmodum,

Castellana.

S. Mane-
houd.

Fisines.

Espernay.

Nogent.

Ponts-Sur-
Seine.

Dormants.

Mery.

Pont-Fa-
verges.

Fera.

Suippe.

Chastillon
sur Marne.

Langres.

modum, cœtu Monachorum Marmonstierien-
fium; sed cuncta hæc bellorum tempestas de
medio sustulit, castrumque & illius Ecclesia suis
ruinis sepulta sunt, ut & mausolæa, & epitaphia
procerum ibidem tumulorum.

Castellania.

Porro Castellaniam, unde feuda plusquam
oëcenta jure relevant clientelari, possede-
runt proceres cum ipso arcis Dominatu usque
ad tempora Gaucherii Castillonensis Franciæ
Comestabilis, qui eam in Philippum Pulchrum
regem transtulit in commutationem Porceani
Comitatus, arce sibi tantum reservata, quæ po-
stea jure matrimonii in familiam de Roncherol-
les translata est. Philippus autem Pulcher, Præfe-
cturam inibi erexit regiam, suis omnibus instru-
ctam Officiariis, & ministris, in gratiam Ioannæ
Comitis Campaniæ, ac suæ in matrimonio con-
fortis. Illius deinde successores idem dominium
variis Principibus & Dynastis addixerunt: Nam
Carolus VI, Ludovico Franciæ, Aurelianensi
Duci, fratri suo, cum *Montargis, Courtenay & Crecy*,
in peculii additamentum dono concessit anno
1404: Ludovicus verò XI, Antonio Burgun-
diæ spurio donavit anno 1478, cum plerisque
Comitatibus, Granpratenfi, Vassensi, Castrote-
ricensi, aliis; tandem Carolus IX Francisco Du-
ci Alençonio contulit anno 1566, qui eam posse-
dit cum Castrotericensi, Espernayoque urbibus
sub Ducatus titulo.

Langres.

Andomatumum Lingonum, civitas Ducatus & Pa-
riatus titulo nobilis; cujus Cæsar meminit lib. 4.
his plane verbis: *Mosa profluit ex monte Vogeso, qui
est in finibus Lingonum.* Vrbs veteribus antiquitatis
monumentis exornata, arcum ostentat trium-
phalem, non longe à suis mœnibus erectum,
aliasque superstites reliquias victoriæ à Romanis
eò loci de exercitu Germanico reportatæ. Ipsa
quidem civitas potentissima est, situ, & arte mu-
nitissima. Plurimis gaudent privilegiis habitato-
res, utpote Franco-Comitatui collimitanei, à
quo tantum sex leucis remoti sunt; à Lotharingia
autem mediæ solum diei itinere. Dominium ci-
vitatatis quadam ex parte penes suum Episcopum
est illiusque Capitulum. Plura etiam sunt territo-
ria atque districtus sub ipsius Episcopi clientela,
qui multis insignibus titulis honestatur, Ducis
nempe, Paris, Marchionis, Comitis & Baronis.
Ducatus quidem quatuor habet Baronatus vetu-
stos, *Aigremont* scilicet, *Fouvent*, *Thile-chastel*, &
Granuy. Longe lateque patet ipsa Diœcesis, per
totam nimirum Inferiorem Campaniam, par-
temque Ducatus Burgundiæ, Divionensi etiam
superaddita civitate. Hic augustum est Iustitiæ
prætorium, Senonensi tamen Præfecturæ subor-
dinatum; præclaris urbs hæc ædificiis nitet, quæ
inter eminet Ecclesia Cathedralis; suis ab ævo
sanctissimis nobilissimisque Episcopis illustrissi-
ma est. Intacta ab ullo unquam hoste civitas,
hostium debellatrix, Puellæ nomine gloriatur,
quidquid Zelosi obstrepant, aut in contrarium
exprobrent; neque enim à Vandalis direpta fuit
aut deformata anno 411, quod perperam Chef-
neus asserit; illud enim quod asserit de martyrio
S. Didaci hujus urbis Episcopi, à Vandalis in
Cruce confixi, erroris convincitur, neque enim
dictus Didacus in hujus loci Episcoporum serie

à Ioanne Chenu, probato auctore, contexta, re-
peritur. Habet hæc Diœcesis opulentissimas sub
se Abbantias, Auberivensem scilicet, Beaufayen-
sem, Belli-loci, Belli-montis, Clarevallensem,
multasque alias Ordinis Cisterciensis: Deinde
S. Benigni Divionensis, S. Petri Bezensis, Mo-
lesmensis, S. Michaelis de *Tonnerre*, *Pralon*, *Puis-
d'orbe*, Potericensis, Monstériensis S. Ioannis, Ru-
brimontensem, omnes sub regula sanctissimi Præ-
sulis Benedicti: postea Castillonensem sub auspi-
ciis Beatissimæ Virginis, S. Stephani Divionensis,
B. etiam Virginis de Valle Scholarium, Ordinis
S. Augustini, & Septem-fontium Ordinis Præmon-
stratensis: Septem denique Prioratus possidet,
quos inter Monstreliensis celeberrimus est.

Catalaunum, quod ad Matronam dicitur, ut à
Cabilonensi civitate ad Sequanam posita discerna-
tur, cum utraque Gallicè *Chaalons* nominetur, urbs
est antiquissima, quæ ante omnem patrum memo-
riam suos habuit Episcopos, Archiepiscopi Rhe-
mensis Suffraganeos, nam Memmium S. Petri
discipulum, hanc civitatem Christi fide initiasse
memoriæ proditum est. Iuxta illam, in planitie,
Catalaunensi ab antiquis dicta, Ætius Dux sum-
mus Romani exercitus, Theodorico Visigotho-
rum, ac Merovæo Francorum, Regibus sociatus,
cruentum illud prælium iniit adversus Attilam
Hunorum regem, in quo cecidere bellatores
octuaginta millia, quorum opera gloriosam adeo
ex ipso Dei flagello victoriam reportavit. Hic
præclara visuntur antiquitatis monumenta in py-
ramidum formam, tum intra muros, tum foris
assurgentia; quæ priscum illius splendorem loquun-
tur, etiam ab ævo Iuliani Apostatæ, qui inter pri-
marias Galliæ Belgicæ civitates, Catalaunum ac-
censebat, ut testatur Ammianus Marcellinus. Hic
etiam speciatim Baillivi Veromanduorum sedes
erecta est anno 1543. Est & amplissima regionum
Thesaurariorum Curia. Habitatores autem fru-
mentis, laneisque ac lineis textilibus negotiantur.

Suprema Parlamenti Franciæ Curia hic rese-
dit anno 1592 ob funesta nimirum dissidia, ibique
adversus Bullam Legati Pontificii & Factionum
Comitia solenne illud edictum pronunciavit in
posteritatis memoriam, eò quod legitimum re-
gni hæredem folio exturbare decrevissent. Fuit
olim Comitatus specialis, sed postmodum Cam-
paniensi unitus, ac demum Episcopo ex parte af-
signatus, qui quidem illius impræsentiarum titulo
exornatur, ut & Paris Ecclesiastici Franciæ.
Sub regimine stetit septem & nonaginta Episco-
porum, quorum alii Sanctorum, alii Virorum
illustrissimorum Catalogo adscripti sunt.

Tanta fuit istorum Præsulum amplitudo, ut &
suos Vicedominos, & Subpratores in temporali-
bus habuerint, qui illorum & personas & latifun-
dia protegerent; qui cum possessiones viresque suo-
rum Antistitum præ manibus haberent, sua mu-
nera & officia, quibus apud Episcopos funge-
bantur, in feuda à Dominis Antistitibus relevan-
tia commutarunt; cum nullus sit hodie in Gallia
Vicedominus, quin alicui Episcopo jure clien-
telari subjectus sit; aut cujus latifundia tem-
poralibus Episcopi bonis non sint annexa. Hac
itaque ratione Vicedominatus hereditarii eva-
serunt; imo & usurparunt ipsos episcopatum
titulos

Chaalons
sur Marne.

titulos & cognomina, ut Rhemensis, Ambia-
nensis, Catalaunensis, & alii Vicedomini.

Extensio.

Latè patet hæc Diœcesis, utpote quæ celeberrima tanto numero monasteria complectatur, nimirum, S. Petri à monte, S. Martini *de Viron*, *Mirumont*, S. Urbani, *Monstier en Der*, S. Salvatoris *de Vertus*, *Mermînes*, *Milnart*, quæ Ordinis sunt Benedictini: dein S. Mengii in territorio Catalaunensi, B. Mariæ *de Vertus*, ejusdem B. Virginis *de Chastices*, quæ regulæ sub sunt D. Augustini: Triumfontium, Fontis-alti, vulgò *Haute-fontaine*, *Estes*, Cisterciensis instituti: *Morelix* denique Ordinis Præmonstratensis, &c.

Lagny.

Lagny, sive *Ligney*, olim sub ditione Comitum Campaniæ; oppidum pervetustum, *Sault* flumini adjacens, cujus Abbatia ob antiquitatem famosissima est, quæ & gloriatur ob fontem imprimis

limpidissimum; suos etiam olim speciales Dominos ac Comites habuit.

A Lagnienfi, de qua nunc egimus, urbe paululum diffusa est *Motta* Comitatus; quæ nemoribus, agris, & pascuis amœnissima est. *La Motte.*

Campaniam, Brioniam, ac Senones moderatur Gubernator à Rege constitutus; cui tres Præfecti in uno quoque districtu substituti sunt. *Regimen.*

Invaluit hac in regione consuetudo singularis, ut alterutro ex conjugibus titulo nobilitatis potiente, eodem perinde gaudeant exorti eo in matrimonio liberi; eo quod fœminis nobili è prosapia oriundis, ignobilibus viris nubere olim sit concessum.

Ducatus Rhemensis, unâ cum Campania ut plurimum describi solet; verum specialem illius tabulam proxime exhibebimus.



R H E M E N S I S

D V C A T V S,

vulgò

R H E I M S.

Rhemi.



Hemenfis civitas, *Durocortorum Rhemorum*, seu *Durocortum* olim appellata, ad Vellam fluvium posita est; hujus etiam prisci incolæ, *Rhemi* vocitabantur; de quibus & meminit Iulius Cæsar in suis de Bello Gallico Commentariis, quantoque illos in pretio habuerit, litteris exaravit; nempe cum ad fines Belgarum pervenisset, verba sunt Cæsar's lib. 2, *Rhemi*, qui proximi Gallie ex Belgis sunt, ad eum Legatos Iccium, & Antebrogium primos civitatis sue miserunt, qui dicerent, se suaque omnia in fidem atque potestatem populi Romani permittere, neque se cum reliquis Belgis consensisse, neque contra populum Romanum omnino conjurasse; paratosque esse & obsides dare, & imperata facere, & oppidis recipere, & frumento, ceterisque rebus jurare, &c. Ea de causa fœdus cum illis copulavit, atque ut propenso in illum animo constantissimè permanerent, hortatus est, suisque ut partibus apprimè fungerentur: unde & humanissimis blandissimisque illos verbis affatus est. Plurima quoque strictissimæ Cæsar's in Rhemos benevolentia, libris quinto & sexto videbis indicia, quæ brevitatis causâ pertransimus.

Quæ verò totius Gallie civitas tanta laude potest gloriari! Sanctus etiam Sixtus D. Petri Discipulus, cum urbem hanc Christi fide informasset, in Belgarum illico Metropolim evecta est, multasque habuit subjectas Dioceses, Catalaunensem scilicet, Sueffionensem, Tornacensem, Teroannensem, cujus impræsentiarum Episcopatus Boloniam translatus est; Atrebatensem, Ambianensem, Noviodunensem, Silvanectensem, Laudunensem, & Bellovacensem.

Ecclesia Cathedralis.

Plurima etiamnum servat antiquitatis indicia, præsertim verò in portis à Martè, Baccho, Cere, & Venere denominatis, ut & præsidio Cæsar's: præaltis mœnibus, turribusque fortissimis instructa est; præclaris magnificisque superbit ædibus; præcellit illius princeps Basilica, sede Archiepiscopi nobilis, auspiciis inaugurata sacratissimæ Virginis Deiparæ; illustrata Canonicatibus Sexaginta-septem. Primariam verò istius Ecclesiæ Ianuam quis delineare possit? celebratissimam dico illam, totoque orbe decantatam; certe in illius elegantia, amplitudine, magnificentia, pulchritudine, ornamentis, ars, si unquam aliàs, se ipsam exhaustit, seipsam superavit. Hic S. Nicasius pro Christo gene-

Gallia.

rosus Athleta martyrium subiit; est quoque perelegans aliud templum primitus quidem D. Petro dicatum, deinde S. Remigio, quod tessellato constratum est lapide, cui & figuræ, nonnullæque morales historiæ delineatæ sunt. In hac Ecclesia asservatur Ampulla cœlestis olei, quo quidem omnes Franciæ Reges inaugurantur. Hic epitaphia, Regumque & procerum mausolæa visuntur. Excitavit templum istud Clotildis Regina Clodovæi primi Regis Christiani uxor, in memoriam celebris illius miraculi, nimirum Angeli sub Specie columbæ Ampullam olei cœlitus deferentis, quo & Clodovæus à S. Remigio recens baptizatus, illico inunctus est; quæ postmodum in hac eadem æde omni reverentiâ custoditur.

Cæteræ autem præcipuæ hujus urbis Ecclesiæ, sunt, S. Nicasii, S. Bassoli, S. Dionysii, & S. Symphoriani. Extant & plurima Religiosorum asceteria, Franciscanorum, Dominicanorum, Augustinianorum, Carmelitarum, Minorum, Capucinatorum, ac denique Iesuitarum, præter parochiales Ecclesias. Carolus Cardinalis Lotharingus Academiam inibi stabilivit. Prætorium ibi regium est, plurimique Iustitiæ Antistites, Consiliarii, Senatores.

Rhemenses Archiepiscopi, ejusdem civitatis Domini sunt, qui & Ducum, & Franciæ Parium titulo exornantur. Summam hujusce Archiepiscopatus dignitatem adipiscuntur ut plurimum Magnatum liberi, ut sedes ipsa omni ex parte fulgeat. Hic Archiepiscopatus parœcias 1200 sibi subjectas habet, multasque insignes Abbantias, videlicet S. Remigii Rhemenfis civitatis, S. Nicasii, S. Petri, S. Theodorici, *Mousson*, S. Dionysii, *Auxilker*, &c.

Varia hac in urbe celebrata fuere Concilia, primum quidem sub S. Remigio, reparata salutis anno 514: dein sub Carolo Magno ad reformatam Cleri disciplinam anno 813: aliud sub Fulcone Archiepiscopo, in confirmationem regni Caroli Simplicis anno 892; aliud quoque sub Artaldo in raptos bonorum ad Ecclesiam pertinentium: annis deinde 992, & 995: nec non & sub Leone IX, summo Pontifice, anno 1099: contra investituras Laicorum, anno 1114: sub Calixto II, anno 1122 in pacem ac tranquillitatem Ecclesiæ, in quo Baculi pastores 424 enumerati sunt, assistente etiam Ludovico cognomine Crasso Galliarum rege, ubi & Henricus V Imperator communi Patrum consensu excommunicatus est, quod Ecclesiarum investituris renunciare nolisset: sub Innocentio II, Romano

X

mano



mano Pontifice ob Schisma Petri Leonis, anno 1131: sub Eugenio III, adversus hæreses recens exortas, anno 1148. Sunt & alia magno numero Concilia, quæ brevitati consulens omitto.

Qui plura volet de hujus urbis splendore, & amplitudine, illius Historiographum adeat D. Nicolaum Bergier; nos interim ad territorium Retelense properamus.

R E T E L E N S E T E R R I T O R I V M.

Nomina.

Fines.

Flumina.

Axona fl.

Quatuor
Principatus.
Mehon
Archez.

Charleville.

Lomez.



Retelense Territorium, à Latinis *Retelensis regio*, seu *Reteliorum ager* appellatur; imo & à sua Metropoli *Registete*, *Retel*, & *Registetenfis* dicitur.

Habet Retelensis regio, ab Aquilone Picardiam, Namurum, & Hannoniam; ab Ortu, Luxemburgum & Lotharingiam; Campaniam Barrenseque territorium ab Occasu & à Meridie.

Præcipua, quæ regionem hanc perfundunt flumina, sunt; à Luxemburgi quidem latere, atque Lotharingiæ, Mosæ fluvius; ex parte verò Campaniæ, *Axona*, vulgò *l'Aisne*, Porro Mosæ Reteliorum agrum à Luxemburgo & Lotharingiâ dirimit; exordium ducit è Burgo Baronatueque cognomine, vulgò *Meuse en Basigny*, Campaniam nonnullibi perlabitur, ingentem optimorum piscium copiam proferens, salmonum scilicet, truttarum, congrorum, muranularum, alosarumque delicatissimarum.

Axona fluvius, Gallicè *Aisne*, ex Argonna profuit, partemque Campaniæ irrigat, & transmissa Retelensi territorio, urbes *S. Menehou*, *Retel*, *Château-Portian*, & *Suesstones* alluit, tandemque Haræ juxta Compendium, *Compiègne*, miscetur; annis ille fecundissimus est, præces optimos, lucos nimirum, ac cyprinos portentosa magnitudinis suppeditat. Sunt & alii minores fluvii, qui suas in Axonam aquas deducunt, qui sequentibus vulgo nominibus indigerantur, *Barvelle*, *Bione*, *Tourbe*, *Vallie*; Barum flumen non longe à Busancio scaturit, quod & irrigans, ad *Brieul* oppidum postea decurrit, ac postmodum quibusdam emensis locorum spatii in Mosellam irruit subtus Doncherium; angusto quidem coarctatur alveo, profundo tamen, navigiisque ferendis non impari. Amnis quoque *Tourbea*, fonte prodit non procul à *Gravilla* disito, atque ad burgum *Autry* dictum, suas Axonæ commiscet aquas. Vallia ad *Liberfy* oppidulum nascitur, abbatiamque de *Signy* alluens, Axonæ tandem sepelitur.

Territorium Retelense, quatuor habet Principatus: Primus *Mehon* nominatur; *Archez*, secundus, qui in civitatem fuit evehctus abs Carolo Nivernensi Mantuanoque Ducè à quo & nomen sortita est, vocatur enim *Carolopolis*, vulgò *Charleville*; maximasque inibi ædificare volentibus concessit immunitates: hîc in Mosæ ripa gymnasium Societatis affidet: plateam habet Ducalem, ad exemplar plateæ Parisiensis regiæ extructam, in cujus medio fons præclarus visitur. Sunt & tria ibidem Cænobia, unumque Xenodochium, maximis proventibus dotatum. Cingitur autem regio Retelensis Leodiensi, Namurcensiue territorio. Tertius verò Principatus est Lumezensis ultra Mosam; quartus denique Castellum Re-

naldi nuncupatur, *Archesio*, *Lumezioque* principatibus collimitaneo.

Ducatus Retelensis oppida sunt, *Registete*, vulgò *Retel*, totius regionis Caput, ad Axonam fluvium, urbs elegans & ampla, castro munita; in qua singulare cernitur antiquitatis monumentum, quod Romanos olim ibi stetitisse demonstrat, nempe cum *Iulius Cæsar* aciem adversus Belgas dirigeret. *Amagetrobia*, *Maifieres*, amœna in confinio Luxemburgensi civitas, binos inter Mosæ ramos, qui illam quoque interfecat, & quandam velut peninsulam eò loci efformat, locumque efficit spectatissimum, & arce valida instructum: Collegiatâ gaudet Ecclesiâ, extra urbem vero est Cænobium Franciscanorum, *Bethleem* nomine; quod ad normam *Bethlehemitici* Terræ sanctæ cænobii conditum esse circumfertur. *Ouarque*, sive *Arq*, exiguum est ad Mosam oppidum, cujus Ecclesia parochialis in extremitate posita est Insulæ, quam constituit Mosæ Agetrobiam inter & *Ovarcam*. *Doncherium*, Lumezensis atque Sedanensis territorii interfidet, subter ostia *Bari* fluminis in Mosam sese exonerantis; duabus ornatur Ecclesiis. *Rocroy*, urbicula est totam per Europam celebris, ob notissimam Ducis Euguiniensis, nunc Principis *Condæi*, victoriam de Hispanis reportatam anno 1643. *Buzancium* Baro flumini impositum; Fons-Mauberti non ignobile oppidum in Hannoniæ finibus, ubi & militare præsidium à rege constitutum; extat quoque in illius suburbio parochialis Ecclesia. *Villa-franca* inter paludes Mosæque rivulos velut projecta. *Monsfalconius*, olim castro exornatus, sed illud *Henricus IV* Rex potentissimus diruit; nunc autem collegiata splendet Ecclesia Canoniorum, qui loci illius Domini sunt. Castrum-Porceanum, *Château-Porcian* duabus ab urbe Retelensi leucis ad Axonam situm: vetustum, quod habet castrum, nomen illi fecit, quod exigua quidem plagæ, at fertilissima communicat: titulo Principatus insignitur, quem à Retelensi plerique distinguunt. Primarii hujus Ducatus burgi sunt, *Grand-pré* ad fluvium Axonam, Comitatus cum arce & Prioratu conventuali. *Attigny* cum parochia pereleganti. *Rosoy* ad *Ser* amnem, qui Campaniam & Retelensem Ducatum à Picardia & Thierascensi ditione submovet; Collegiata hujus loci Ecclesia viginti Canonicis decoratur: *Montcornet* in Arduenna; *le Chesne Pouilleux*, cujus incolæ, hoc singulari privilegio gloriantur, quod Regum Francorum inaugurationi possint interesse, ut armati sanctam deducant Ampullam ab Ecclesia *S. Remigii*, ad Basilicam Virginis *Deiparæ* in civitate Rhemenfi.

Mouzon, distincta est provinciola, sub ditione olim Archiepiscopi Rhemenfis supremi domini jure, è quo aliorum commutatione locorum *Carolus V*, aut *Philippus Valesius* comparavit.

B R I O -

Château-Regnaud.

Alia oppida.

Donchery.

Rocroy.

Buzancy.
Maubert-Fontaine.Ville-franche.
Monsfalcon.

Château-Porcean.

Grand-pré.

Attigny.
Rosoy.Montcornet.
Le Chesne Pouilleux.

Mouzon.

Nomina.

Situs.

Extensio.

Divisio.

Château-Thierry.

Meldæ.

Episcopi.

Comites.

Vicecomites.

B R I O N N I A,

vulgo

L A B R I E.

Nomina.



Brionia provincia, quæ & *Brigeium*, & *Brigien-
sis Salsus*; illius autem
populi *Brionenſes* no-
minantur; nihilominus
è ſententia eorum, qui
nominum etymologias
curioſius inveſtigant,
nominis rationem à vo-
ce Gallica *Abry*, quod

ſub tecto & in umbra poſitum ſignificat, deſu-
mere videtur; non ideo quod fuerit olim ſilvis
obſita, quibus à ventorum tempeſtate & radiis
Solaribus veluti protegeretur; ſed quia Cam-
pania è regione poſita ſit.

Situs.

Sedet *Brionia* Campaniam inter & *Matronam*,
incipitque à *Creteil* oppido, juxta pontem *Cha-
rentonium*, ubi *Matrona* fluvius ſuas *Sequanæ* al-
veo aquas deponit; qui *Brioniam* à *Gaſtineo*
tractu dirimit, quemadmodum *Matrona* Cam-
paniam à *Brionia*; adeo ut quod binis hiſce in-
terjacet amnibus uſque ad *Burgundiæ* Ducatum,
Brionenſis ſit territorii. Illius ab *Ortu* ad *Vespe-
rum* longitudo duodecim eſt milliarium; latitu-
do autem novem leucarum à *Meridie* ad *Septen-
trionem*. Cæterum *Brionia* in *Superiorem* & *In-
feriorem* dividitur.

Chateau-
Thierry.

Caſtrotericenſis civitas, *Superioris* *Brionia* cap-
put, ad *Matronam* poſita, *Præſectura* *Sedeſque*
Iudicis à *Rege* conſtituti, ampliffimis fulget *Iu-
ſtitia* *Miniſtris*, *Senatoribus*, *Conſiliariis*, *Pro-
curatoribus*, &c. *Meldæ* vero potentiffimum eſt,
munitiffimumque ejuſdem tractus oppidum,
quod & *Iatinum Meldorum*, ſeu *Meldarum* antiquo
ſuo nomine etiamnum indigetatur; ſedet illud
in colle amœniſſimo, rivuloque binas ſecatur
in partes, urbem ſcilicet & mercatum, cui arx
imminet in crepidine rupis condita, profundif-
ſimique foſſis circumvallata. Maximum acci-
piunt illius incolæ ex *Matronæ* vicinia emolu-
mentum. Vetuſtiſſima eſt civitas, quo etiam no-
mine, jure merito poteſt gloriari; cum & *Iu-
lius Cæſar* lib. 5. de bello Gallico illius mentio-
nem injecerit; & *Dionyſius Areopagita* Sancti-
num *Episcopum* præfecerit; qua etiam dignitate à
priſcis illis temporibus eſſulget. Suis illam
honoribus Campaniæ *Comites* olim adjecere,
quos inter *Odo Secundus* *Comitis* *Meldenſis* ti-
tulum aſſumpſit. At quamvis ſuperioribus ſæculis
ſuos habuerit *Dominos* *Comitum* dignitate in-
ſignitos; impræſentiarum tamen non illuſtriori
quam *Vicecomitum* titulo potiuntur.

Episcopi.

Comites.

Vicecomites.

Ceterum antiquiſſima illa *Meldenſis* *Dioceſis*
216 parochias ſibi ſubjectas habet, præter
Abbatias & *Prioratus* illorumque appendices.
Celebriores autem *Abbatia* ſunt, *S. Petri de Re-
Galla*.

bez, *S. Pharaonis*, *Chambre-Fontaine*, *Ioarre*, *S. Ho-
norati*, ac *Pontis* *Dominarum* cognominati,
vulgo *Pont aux Dames*, *Phar-monſtier*, *Iulli*, &
quod ſub auſpiciis eſt *Beatiffimæ Virginis*, di-
ctum, *Noſtre-Dame de Chaire*.

Quod autem *Meldenſis* eſt *Præſectura*, ſe-
cundum illa *Brionia* locum obtinet, *Iudici-
bus* ac *viris* in *Iure* conſultiffimis inſtructa; plu-
rimis etiam *Brionia* diſtriſtibus jus dicit, quos
ſigillatim referre, noſtri neutiſquam eſt inſtituti.

Duabus ab urbe *Meldenſi* milliariſibus, regia *Monceaux*.
Domus emicat, de *Monceaux* appellata, quam *re-
gia*.
Oura fluvius irrigat. Illam *Catharina de Medicis*
Regina, necnon & *Henricus IV*, ſummopere
illuſtrarunt: hîc amœniſſimum eſt vivarium, ac
latiſſima ſilva.

Agendicum, *Provins*, *primarium* *Brionniæ* *Provins*.
inferioris oppidum, *Morino* anni aſſidet, qui
Matronæ poſtmodum mergitur. Teſtatur urbis
vetuſtatem *Iulius Cæſar* *Commentariorum* de
bell. Gallico lib. 6. *Duas*, inquit, *Legiones ad fines*
Trevirorum, *duas in Lingonibus*, *ſex reliſuas in Seno-
num ſinibus* *Agendici* in *hibernis collocant*. Quibus ex
verbis ſuſpicari licet, quam populosa & frequens
olim fuerit hæc civitas, cum apud illam multo
plures legiones, quam memoratis jam urbibus
Cæſar aſſignarit; qui etiam dum legiones eo loci
hibernarent, caſtellum excitavit, cujus veſtigia
hoc quoque ſeculo conſpiciuntur.

Tanti fecerunt Campaniæ *Comites* iſtam civi-
tatem, ut extructo in ea palatio, ſæpius inibi
ſeceſſerint. Hic *Iuſtitia* ſedes conſultiffimis *Iudi-
cibus* exculta; nam & illius *jurisdictio* longe la-
teſque diſfuſa eſt.

Palatia.
Jurisdictio.

Apprime commendatur à roſis rubeis quæ ibi
naſcuntur, queis itidem *Conſervæ* conficiuntur.

Alia *Brionia* *Inferioris* oppida ſunt, *Colomiers*, *Se-
zan*, *Loy le Chaſtel*, & *Montereau*, quod notiſſimum *Colomiers*.
eſt ex morte *Ioannis Burgundiæ Ducis*, *Philippi* *Montereau*.
cognomento *Audacis* filii, qui *Ducem* *Aurelia-
nenſem* *Parifiſis* obtruncari mandaverat. Maxima
hujus urbis portio territorio *Gaſtinenſi* inſidet,
ſuburbia vero intra *Brioniam*. Extant & inter
Sequanam ac *Yonnâ* maxima flumina, quæ-
dam alia loca, *Maroles* nimirum, *Motu*, & *Va-
lery*: ex parte autem ipſius *Brionia* *Prioratus*
S. Martini denſis abditus ſilvis reperitur, modi-
coque à ripa *Sequanæ* intervallo, *Blandy* caſtrum
viſitur, nobilis & amœnus *Illuſtriſſimorum* *Du-
cum de Longueville* ſeceſſus. Tandem omnium,
quæ mox retulimus locorum, ager fertiſſimus
eſt, omniaque ad vitam neceſſaria ſuppeditat;
neque caret iis quæ ex venatione & aucupio
captantur oblectamenti. Denique neminem
latet locus *Braye-Comte-Robert*, à ſuo olim *Prin-
cipe*, *Roberto Franciæ* hoc nomine inſigni-
tus,



tus, omnium deinceps ore passim enunciatus; de quo, cum non obscurus sit, etiam nominasse sufficiat.

Crecy. *Crecy*, urbecula est, in Brionia Inferiori, loco satis amœno sita; proprios olim dominos habuit, quorum seriem texuit *Chefnæus Historiographus*.

Ferté-Gaucher. *Ferté Gaucher*, & *Montmireil*, exigua quidem, sed non contemnenda in Brionia Inferiori oppida, quæ elegantissimis validissimisque arcibus, tum in secessum suorum Dynastarum, tum vel maxime adversus hostium incursiones munita sunt.

Gallo-Helvetia. Ceterum præter Superiorem & Inferiorem Brioniam, alia quædam tertia recensetur, Brionia scilicet *Pediculosa*, vulgo *la Pouilleuse*, seu Gallo-Helvetia, in finibus Brionia posita, tendenti *Espernayum*; quæ quatuor aut quinque circiter leucas & longitudine, & latitudine col-

ligit; in qua *Orbay*, *Montmor*, aliaque loca collocantur.

Hujusce regionis aër saluberrimus est, & aquæ *Qualitas* ipsæ salutares: habet autem *Castrotericum* aquas minerales, quas & Medici adhibent curandis quibusvis fere ægritudinibus. Solum alicubi pingue, alibi macilentum est; attamen regio, si universim spectaveris, frumento, vino, pascuis, fœno, frugibus, hibernis etiam fructibus refertissima est.

Hic Nobiles atque Proceres humanissimi sunt, *Mores*. plebs docilis; qui tamen è plebe rus incolunt, durissimi sunt & agrestes.

Potest ex hac provincia numerofus conscribi *Vires*. miles; trecenti scilicet, ut minimum Equites, peditum autem sex millia.

Brionia sufficitur à Rege Gubernator. In spi- *Regimen*. ritualibus, *Melden*si, *Senonen*si, *Suessionen*si, ac *Trecensi* regitur Antistitibus.



SENONES,

vulgò

SENONOIS.



Enonum notissima regio, illa est quam Senones inhabitant, Galliae populi, celebratissimi, inquam, illi, qui Capitolium olim incendunt, Romamque vastaverunt; sed à Furio Camillo adeo cæsi, ut incendiorum vestigia

Gallici sanguinis inundatione deleta fuerint. Atrocissimum sane Romanis bellum moverunt anno V. C. CCCLXIV, Galli Senones, quod ab his bellum Senonicum deinceps appellatum est. Dux erat Brennus, Gallorum regulus. Post pugnam Alliensensem (à qua dies Alliensis in Romanorum fastis) urbem ingressi, cæsis obviis, omnibusque incendio fœde vastatis, Capitolium, in quod Romana Iuventus confugerat, obsederunt multos menses, tandemque facta cum obsessis pace, aurique quantitatem stipulati, contra fidem à M. Furio Camillo Dictatore, urbem cum copiis collectis ingresso, partim obtruncati sunt, partim in fugam acti, sese in Græciam transfudere; illos Florus ac Titus Livius dixerunt, Romanam civitatem trutinæ appendisse, milliumque auri librarum pondo vendidisse. Ab his in Italia Sena & Senogallia conditæ sunt, imo & plures aliae civitates iis in regionibus quas obierunt.

Fines antiqui,

Gallia Senonensis totam olim Campaniam, Burgundiam, portionemque Picardiae donec pertingens Bellovacum, quin & Regionem Carnotensem, Hurepensem, atque Gastinensem complectebatur, unde numerosus adeo miles in Italianam expeditionem à Brenno fuit conscriptus.

Moderni.

Hodie autem hæc Galliae provincia, ab Ortu Campaniæ clauditur; agro Gastinensi & Yonne flumine, ab Occasu; Altifiodorensi tractu, amneque Armanfonia, à Meridie; Brioniæ denique & Sequanæ fluvii à Septentrione; leucas autem 17 habet longitudinis; 8 tantum latitudinis.

Extensio.

Flumina.

Agrum Senonensem ex parte perfundit Sequana, sed multo uberius Yonna fluvius, qui è territorio Nivernensi, præcellis è *Marvan* montibus profuit. Hanc quoque regionem Vanna flumen rigat, qui ducit originem è loco *Font-vanne* dicto, tribus à Trecentis civitate milliariibus, fanumque S. Liebaldis perlabitur, nec non & *Rigny-le-feron*, Villam novam, *Foissy*, *Chigy*, *Pont-Sur-Vannes*, *Masley* Vicecomitatum, uno à Senonensi urbe milliari, ac demum adit Yonnam, non longe à S. Pauli Abbatia; obiter verò à suis fontibus ad hanc usque periodum triginta & amplius molendina circumagitur, novemque rivulos suo excipit alveo. *Armanfon* amnis huic etiam provinciae benignus est, Gallia.

& aquis Brennae, *Oserain*, & *Lose* locupletatus Tonnerrense petit oppidum, alio deinde rivulo tumidior factus in Yonnam sese præcipitat.

Urbs Senonensis inter vetustissimas censetur *Antiquitas*. Galliae civitates, cujus fundamenta anno 140 à Diluvio, ante Christum natum 2120, & ante Trojam conditam 529 jacta fuere. Variis olim nominibus fuit insignita, scilicet, *Aleuza*, *Allabria*, *Nomina*. & *Orbendella*; postea verò *Agendicum*, quod & in Senonense commutavit.

Senonenses optimæ sunt indolis, absque furo *Indoles*. aut dissimulatione, etiam à priscis temporibus in Religionem proclives; unde nullo negotio SS. *Religio*. Savinianus & Potentianus, primi Senonensium Apostoli, cum in Gallias appulissent, hoc in tractu fidem Christi propagarunt; quibus longa serie ad hanc usque diem successerunt sanctissimi, illustrissimique Antistites, qui fundatam eò loci pietatem nullo non seculo perennarunt. *Archiepiscopi*.


Ceterum Senonenses Archiepiscopi à primo Senonensi Archidiacono, suæ Sedis investituram accipiunt, jure hujusmodi à summis Pontificibus, tempore fere immemoriali, accepto, super quo Eminentissimus Cardinalis Guisus disceptare voluit, sed perperam; nam datà apud Libellorum supplicum Cameram sententià Archidiaconus in prædicto investituræ jure confirmatus est: In cuius muneris agnitionem exolvunt illustrissimi Antistites, Archidiacono quidem auri marcam, duodecim & sexaginta nummis æstimatam; duobus autem Canonicis ipsi Archidiacono assistentibus, unam duntaxat argenti marcam. Porro Nobiles, & quatuor primarii hujusce Diocesis Barones, tenentur in primo solenni urbis ingressu Archiepiscopum ab Ecclesia S. Petri *le Vif* dicti, usque ad Cathedralē Ecclesiam deferre, ad perennandam posteritati memoriam quatuor è Senonensi Nobilitate proceres, sanctum scilicet Serotinum, S. Edoardum, S. Altinum, & S. Victorinum principio in hanc sedem Archiepiscopum introduxisse, eique apud populum auctoritatem conciliasse.

Investitura.

Galliarum autem primatum quod attinet, quem Senonensis Archiepiscopus adversus Lugdunensem prætendit, censent nonnulli Senonensem Ecclesiam, cum antiquissima sit, primatum olim Galliarum possedisse; quin & sub Augesimo ejusdem civitatis Archiepiscopo, in Concilio Gallicano vigesima prima Junii die, anno 876 celebrato, regnante Carolo Calvo, Senonensis Antistes Galliarum Primas assertus est; sed postmodum Lugdunensis quidam Archiepiscopus simplicitate fretus Ludovici Melodunensis, Præsulis etiam Senonensis hanc præminentiam vindicavit, obtentâ etiam hac dere Parlamenti sententiâ.

Z

Sunt



SENONOI,
&
LA PARTIE MERIDIONALE
DE LA CHAMPAGNE.



Sunt autem in Senonensi civitate insignes Ecclesiae. Ipsa Cathedralis Basilica, Deo & Protomartyri Stephano dicata temporibus S. Saviniani à Christianis fuit extructa, quæ anno 878, funesto totius urbis incendio fuit involuta, postmodumque restaurata denuo conflagravit simul cum asservatis in ea reliquiis anno 962; tandemque iterum pristino splendori restituta anno 986, quo etiam Palatium Archiepiscopale exadificatum est; quod utrumque ædificium, Basilica nimirum Cathedralis, & Palatium jam dictum ad annum usque 1184 perennavit; ea autem tempestate, ipsa civitas, pene tota rursus exarsit, & imprimis ipsa princeps Basilica, quam Philippus II, Rex, maximis reparavit impensis, pluribusque turribus, & aliis elegantis architecturæ operibus exornavit. Sedes autem hæc Archiepiscopalis, 674 parochias sibi subiectas habet, præter monasteria, quorum celeberrima sunt ea quæ sequuntur: S. Remigii, S. Petri *le Vif*, S. Columbæ, S. Petri *de Chaumes*, S. Petri Melodunensis, quæ sub institutis agunt S. Patris Benedicti: S. Ioannis Senonensis, S. Eugenii, S. Severini Castro-Landonensis, S. Ioannis *du Iard*, S. Iacobi Provinienfis, Ordinis S. Augustini; Cœnobia *des Barbeaux*, *Seranceaux*, *Iouy*, *Poulis*, *Vauluisant*, *Dilo*, Fontis S. Ioannis, *des Eschalis*, *Pommeray*, *Viliers*, S. Pauli, *Rosette*, *de Lys*, *de Ioye*, *Ville-Chaillon*, &c.

Archiepiscopus Senonensis septem olim habebat Suffraganeos; verum hodie tres duntaxat, Altiſiodorenſem ſcilicet, Nivernenſem, & Trecentem habet ſuæ iurisdictioni ſubjectos. In varios extenditur tractus hæc Diœceſis, amplectitur enim territorium Gaſtinenſe, Brionenſe, Campanenſe, Hurepenſe, &c.

Porro præcipuæ aliæ Senonensis urbis Ecclesiæ sunt: Ædes S. Petri, *du Donjon* dicta, quam piissima Clotildis Regina, priscis illis temporibus ædificavit; Ecclesia deinde S. Hilarii, anno 795 condita, SS. Gervasii & Porthasii, S. Maximi, S. Ioannis. Anno autem 1363, ad 1366, Cœnobium Franciscanorum, quod antea fuerat in suburbii extructum, intra urbis muros fuit translatum: cumque prius Senonensi in urbe nullus defunctorum ſepeliretur, præter Archiepiscopos; tunc tamen cœperunt F. F. Minores, facta ſibi licentia, mortuorum corpora tumulare. Extant & alia in hac civitate aſceteria, Cœlesti-norum ſcilicet, Dominicanorum, Capucinatorum, Iesuitarum, Carmelitarum, &c.

Illud inſigne circa monaſterium S. Petri *le Vif*, quod Theodechildis Clodovæi primi Chriſtiani regis filiæ munificentia fuerit conditum, amplifiſſimisque redditibus dotatum, ac tandem assignatum Monachis Ordinis Benedictini, quod & primum huius Inſtituti cenſetur in Francia fuiſſe ſtabilitum. Illud etiam ſingulare, quod Baſſolus Aquitaniæ Dux, in eodem vitam regularem profeſſus ſit, ætatemque ad multos annos protelavit. Sed & multi alii & proſapia & ſanctitate inſignes viri idem monaſterium nobilitarunt.

Baillivatus. Baillivatus Senonensis inter quatuor totius regni antiquiſſimos computatur, ex Trecentis olim conflatus, ubi Baillivus Senonensis tribunal etiamnum fortitur, atque jus dicit; ad eundem

etiam pertinebant Melodunensis & Altiſiodorenſis, atque à Ligeri, qua Gyennense alluit territorium, usque ad Lotharingiam, comprehenſo quoque Lingonenſi Ducatu, *Basigni* & *Barleduc*, qui & hodie huius ſunt iurisdictionis, diffundebatur. Iſte vero Baillivus ter quotannis maxima, ut vocant, Iudicia celebrat, quæ ſingula diebus octo perſeverant, prima nempe die Lunæ à ſolemniis omnium Sanctorum, eodem quoque die poſt Dominicam Palmarum, ac feſtum S. Barnabæ; quibus omnes omnino huiusce Baillivatus Iuſtitarii interſunt.

Primo abs Senonenſi urbe lapide ſe offert *Malley*. *Malley* vicus Archiepiscopalis, ubi ampliſſima Domus conſpicitur, Vivario ac nemore circumſepta, & nemore mille decempedas complectente; interque amœna huius ditionis viridaria fons emergit, qui ſtagnis pluribus oppletis pro-currens, multas hinc inde molas circumagit, ac demum in Yonnâ ſeſe exonerat.

Villeneuve, olim urbecula, ſecundò à Senonibus lapide, à Rege extructa, cum ampliſſimo leprofori Xenodochio, ubi & Iudæis è Gallia oriundis copiam fecit Rex inhabitandi, liberèque ibidem ſuam Religionem exercendi. Erat inibi locus cimeterium Iudæorum appellatus; at illo ad instantiam Eugenii III, diruto, Iudæi etiam ipſa urbe expulſi ſunt. *Pont-sur-Yonne*, exiguum oppidum, huic etiam regioni assignatur, plurimaque alia loca muris circumvallata, *Dimon* nempe, ſeceſſus amœniſſimus, ubi & opima venatio, ſilvæque condensa, quibus undique obſequitur; *Belle* caſtrum ſumptuoſiſſimum, in ipſis quoque nemoribus abditum. Ex adverſa autem Yonnæ fluminis ripa ſeſe oſtentat *Courtenay*, modicum quidem oppidum, ſed Comitatus titulo antiquiſſimum. Illud à Iulii Cæſaris temporibus extitiſſe, quorundam exiſtimatio eſt, nam & vetuſtiſſima in urbe inferiori veſtigia cernuntur. Dividitur itaque urbs hæc in Superiorem & Inferiorem, collique modice alto inſidet. In Superiore viſitur arx elegans inclytæ familiæ *de Courtenay*. Effoſſa fuere nuper ad radices mœnium urbis inferioris numiſmata quædam, ex parte crucis figuram præferentia, averſa vero facie, manicam, quibus quidem Sanctiſſimi Regis Ludovici monetæ ſignabantur, ob perpeſſas in expeditione Terræ Sanctæ injurias, immanesque proditones.

Famam conciliant oppido ſepes *de Courtenay* *Sepes de Courtenay*. dictæ, quarum hanc accipe deſcriptionem: Incipiunt hæ ſepes à parochia *de Montcorbou*, indeque reflectuntur ad fanum S. Martini *de Dourdon*, quod duobus à Cortenayo milliaribus ſejunctum eſt; poſteaue ad Saviniacum protenduntur, quo deinde tranſmiſſo ſeſe porrigunt ad fanum uſque S. Hilarii, & ad locum *de Chante-cocq*; atque adeo hoc tam multiplici excuſſu, ſeptena ſuo ambitu milliaria complectuntur.

Fuit olim Courtenayum non ignobilis civitas, utpote undiquaque mœnibus, propugnaculis ac turribus circummunita; verum Anglicis procelis ſub Carolo VII omnino deformata eſt.

Non procul à Courtenayo reperitur vicus à S. Hilario dictus, ubi Prioratus à Balduino de Courtenay Conſtantinopolitano Imperatore fundatus; modicoque inde intervallo *Montalan* occur-

occurrit castrum amœnissimum nobili & antiquæ familiæ *de Montalan*, ob egregiam Reipublicæ navatam operam, attributum; cum enim illud esset Anglorum per Franciam grassantium perfugium, ipsos inde exturbavit vir strenuus, Philippus *de Ville-Chastel*; quapropter ipsum à Regibus dono accepit, ejusque nomen suo prætulit, dictus postmodum Dominus *de Montalan*; cujus etiam sepulchrum multos post annos ibidem repertum est. Accensentur huic tractui alia quædam castella, & loca, *S. Phale, Frety, Chantecocq, Cudot, Piffons, Hallebec, Blacon, Beurvillier, Giry, Theorigny, la Chapelle, Launay, Granches, Cerifiers, Venisy, Aix-en-Gothie*; atque in Senonum finibus, *Coulours, S. Julian du Saut, Courlon*, &c.

Qualitas.

Ager Senonensis fecundissimus est, frumento & vino abundat, frugibusque omnigenis, ut & pecoribus ac variis animalibus; queis omnibus

maximum quæstum faciunt habitatores; nam triticum, vinum, aliaque id genus Lutetiam Parisiorum distrahunt.

Comitatus Senonensis à suis olim Comitibus, *Merces.* iisque hæreditariis possidebatur; hodie autem Regum Coronæ annexus est. Antequam vero territorium hoc relinquamus, Senonibusque valedicamus, Veronensem, Gallicè *de Veron*, perlustremus. Hujusce lacus aquæ in lapides convertuntur, leves admodum, & porosos, ipsamque *Lacus Veronensis.* velut spumam ac pumicem imitantur; nusquam crescunt aut decrescunt; muscum & herbam in margine progerminantem in petram quoque transmutant; imo & murus ipse molendino adhærens, ex aquarum alluvio velut lapide spississimo incrustatus est; demum si in aliquo vase per aliquot dies aquam hujusmodi reservaris, statim in globulos lapideos concrevit.



P I C A R D I A.

Nomen.



Icardia regio est amœnissima, multorumque uberrima nutrix populorum. Luserunt quotquot antea rationem nominis investigarunt; neque enim à contis (Gallice *Piques*) quorum inventores à quibusdam asseruntur, nomen assumpserunt; quasi vero prius fuerint nomine destituti; aut ex rudis cuiusdam artificis inventione provincia celebratissima nomen accepit, unde solus ipse gloriaretur. Longius aberant, qui à *Picardica*, Græco vocabulo nomen Picardiæ derivant; quasi Picardi primis iracundiæ motibus sint concitiores, aut juxta Græcam vocem, amariores; imo *PI-Cardias*, seu *Pii Cordis* potius dixeris, si agnoscas; nam benignissimi sunt, adeoque in omnes benevoli, ut cunctos sibi amore devinciant; Satiùs cum principis auctoribus dixeris, Picardiam olim unam duntaxat cum antiqua Belgica provinciam conflavisse; postea verò ab illa divulsam, nomen forsitan à cubitali quam præfert figurâ suscepisse, *picus* enim Græca dictio cubitum indiget.

Fines.

Agro Retelenfi ab Ortu clauditur; Parisiensi seu Franciæ Insula ad Meridiem; Normannia ab Occasu; à Septentrione, mari Britannico, & veteris Belgii regionibus, Artesia scilicet, Hannonia, & Agro Cameracensi. Illius longitudo ad 45 millaria porrigitur, ad quindecim latitudo.

Extensio.

Divisio.

Dividitur autem tres in partes Picardia, Veram nimirum, Inferiorem, & Superiorem. Superior, maximam partem Belgicis provinciis constat. Vera, Tiraſchenſem complectitur Ducatum, necnon Territorium Ambianense, & Veromanduorum. Inferior opimis fecundissimisque territoriis componitur, vulgo *le Santerre*, & *Ponthieu*.

Qualitas.

In planities ubique diffunditur hæc regio, omnisque est ex parte amœnissima, gratissimis silvis hinc inde confita, lætissimis pascuis abundans, numerosissimos pascit ovium aliorumque animalium greges, piscibus optimis referta est, aucupio gaudet, venatione, totque oblectamentis, ut naturam benignissimam sibi parentem nactam fuisse dixeris, quæ ipsam non solum cunctis rebus ad vitam necessariis, sed etiam usque ad delicias cumularit. Ager feracissimus frumentum tanta vi suppeditat, ut Parisiensium hordeum vulgo cenſeatur; nec solum vino ferendo est idoneum, at plantare vineas & colere negligunt habitatores, cum aliis ex regni provinciis facili negotio advehatur tantâ, quantâ exoptant, abundantiam, in suorum videlicet frumentorum, aliarumque rerum commutationem.

Vires.

Strenuissimi sunt illius incolæ, & ad arma peritissimi, totque populis frequens est regio, ut numerosissimum militem in campum possit educere. Fortalitiis, arcibus, ac locis aliis munitissi-

mis passim disseminatur. Quid opes eloquar, cum enim omnibus instructissima sit, imo & aliis regionibus affatim subministret, commerciorum frequentiam vigeat, atque apud nationes exterarum ob suorum fluminum opportunitatem, & frumenta, mercesque alias distrahat, non immerito inter opulentissimas Galliæ provincias computatur.

Sunt autem nobilissima illius flumina, quæ vulgo nuncupantur, *La Somme*, *l'Oyse*, *l'Aisne*, *l'Escaut*, & *l'Escharpe*. Fluvius ergo *Somona* in pago Veromanduorum nascitur, cui nomen *Fervac*, ubi celebris Virginum abbatia; inde Augustam Veromanduorum; vulgo *S. Quentin*, allabitur; seseque velut in arcum recurvans Peronam adit, postea verò Corbiam, unde Ambianum properat, ubi quatuor in ramos finditur, qui in ipso urbis exitu Ponte S. Michaelis adinvicem conjunguntur; magnoque jam apparatu dives *Somona* Picquiniacum transvehitur, atque Abbatisvillam procurrit, modicoque postmodum intervallo in Oceanum se exonerat. Porro ipse fluvius variis obviam pontibus sternitur in commodum & gratiam viatorum, inque connexionem Picardiæ Superioris & Inferioris, quæ ipso flumine dirimuntur. Apud Augustam Veromanduorum pons primus visitur; secundus apud Dalonem, vulgo *Dalon*, tertius Peronæ, quartus Ambiani, quintus Picquiniaci; sextus denique duobus ab Abbatisvilla milliariibus *Pons Remigii* dictus, quem Philippus Valesius jussit reparari, ut pertranscunti exercitui viam præberet, cum prælium adversus Anglos ad Creceium committere destineret.

Oritur autem *Isara* apud *Hiesſon* oppidulum territorii Thieraschensis, quinque circiter leucis à Virodunenſi civitate, celebratissima ob initos Franciam inter & Hispaniam Pacis tractatus; inde Guisiam adit, exceptisque Arroüaisio & Serra fluminibus, Feram urbem Tartanensi caput alluit, posteaque Calniacum properat, raptoque obviam *Delette* rivulo, Noviodunum progreditur, ac demum *Galliolum*, *Margaritam* & *Veriam* sibi sociat: subitus verò Noviodunum pontone pertransitur, loco *Berry* vocitato. In Confluenti autem *Axona* fluvius in *Isaram* se exonerat, qui tot auctus fluminibus, Compendium provehitur.

Fontes suos repetit *Axona* ex Barrenſium finibus, Campaniamque irrigans sensim fit locupletior, ut tandem *Isaræ* jungatur. Duas habet scaturigines, unam Belliloci in territorio Argennensi, supra San-Menehoviense oppidum, cujus muros alluit; alteram verò supra Claromontium in Barrenſi territorio. Conjuncti autem hi duo fluvii, pleniori alveo Rethelenſe territorium subingrediuntur, cujus supra meminimus.

Scaldis in Picardia scaturit, in finibus Veromanduorum, indeque Cameracum procurrit, quam suis aquis irrigat, agrumque illius fecundissimum reddit.

Scarpa

Flumina.
Somona fl.Arroüaisio.
Serra.
Delette.
Galliolum.
Margaritam.
Veriam.
La Verſe.

Aisne.

Escaud.

Amiens.

Ecclesia
Cathedra.Magistri
viri.

Viri Cl.

Episcopi.

Scarpa prodiit è Picardiæ finibus, duas quidem habet scatebras, verùm præcipua in monte S. Eligii reperitur; altera non procul inde diffita; quæ invicem sociatæ Attrebatî mœnia perfundunt, quæ totius regionis est Metropolis.

Picardia Superior, cum ex territorii, & provinciis exteris conflata separatim à Francia corpus efficiat, ad nostrum minime pertinet institutum; ipsa itaque relicta, aut potius suo loco remissa, Veram Picardiam ocus describemus.

Vera igitur, quæ communiter ab omnibus censetur Picardia, Parisiis discedenti, transactis Bellovacensium finibus, à viculo de *Crevecœur* incipit, & sequentes tractus includit, scilicet, Vicedominatum Ambianensem, Corbiam, Piconium, & Comitatum Veromanduorum.

Amiens.

Ambianum præclara, ampla, & antiqua civitas, sæpius à Iulio Cæsare cum laude memoratur; urbs sane populi frequentia, opum abundantia, ædium nitore & elegantia, commerciorum varietate illustris, bonis legibus, laudabilibusque institutis ornata, ob præcipuam in reges fidem jam olim amplissimis privilegiis donata fuerat, custodia & administratione urbis penes Decurionum collegium manente. Itaque neque novo tributo neque subsidii, tam intra urbem, quam in suburbiiis, acceptis gravari posse per privilegia sua causabatur, ut fide, sic libertate semper inviolatâ, servatâ usque ad postremos Galliæ tumultus, à quibus in partes, ut pleræque aliæ, raptata, tandem Regi conciliata, rursus antiquorum privilegiorum confirmationem impetraverat. Anno autem 1597 ab Alberto Austriaco ex insidiis capta, nubicibus scilicet in porta disseminatis; eodem quoque anno à Rege Henrico IV, strenuitatē, ac magnanimitate incredibili fuit recuperata. Vnde etiam vulgo jactatur: *Amiens fut prise en Renard, reprise en Lyon*, seu, *Ambianum vulpis astutia surreptum, sed leonis potentia recuperatum*. Sex aureorum millionum sumptus profudit magnanimus Rex, ut rem tantam ad exitum perduceret. Excitata est postmodum in parte ejus eminentiore arx fortissima, quâ quidem inexpugnabiliter fere defenditur. Cathedralis illius Basilica, omnium totius Galliæ elegantissima censetur; tantus in ea est exquisitissimarum omni ex parte tabellarum, seu picturarum apparatus, ut nil usquam simile toto orbe videas; tantus est illius sacre ædis nitor, ut contemplantis oculus novas semper delicias inveniat, animus quoque nova & vetera inibi semper addiscens nusquam defatigetur. Plurimis quoque aliis splendet Ecclesiis & Religioforum cœnobiis. Ipsa autem Somonæ infidet, præclaro mœnium ambitu cincta, turribus & propugnaculis munita, fossis late patentibus & profundis circumvallata, quas & aquæ fluviales opulent; unde & *Ambiani* nomen sortita, quod tota undique aquis ambiatur.

Ecclesia Cathedralis.

Magistratus.

Viri Clari.

Episcopatus.

Regis undique fulget muneribus, Sede Præfidiâli, Consiliariis, insigni Magistratu, multisque præstantissimis & eruditissimis viris. Peperit orbi illa civitas Silvium & Fernelium, duo præclara Medicæ Facultatis ornamenta.

Hic etiam amplissimus est Episcopatus, qui quidem longe lateque suam jurisdictionem diffundit.

Gallia.

fundit; potest autem innotescere illius amplitudo ex Decanatibus, qui ad ipsam Diocesim pertinent; sunt autem viginti numero, quibus omnibus ipsa Diocesis conflatur.

Varia subiacent Ambiano Præfecturæ, quæ communiter hoc ordine recensentur, *Beauvoisis, Grandviller, Beauquesne, Fouilloy, Vimieu, Dourlens, S. Riquier, Monstreuil.*

Corbia autem quatuor supra dictam civitatem milliaribus posita, urbs munitissima est, insigni fulgens abbatia.

Tribus infra Ambianum milliaribus *Piconium Picquiny* reperitur, oppidum pervetustum, ubi Somona ponte necitur; inde illustrissima Vicedominorum Ambianensium prosapia nomen familiæ deducit, vocantur enim Barones, seu Domini Piconienses, *Seigneurs de Picquiny*. Censetur autem inter primitivos regni Vicedominatus. Horum majores fundarunt dotaruntque insignem *du Gard* Abbatiam, hac eadem in regione sitam; quemadmodum & *Flexicourt, & Moreaucourt* Prioratus, Capitulumque *de Vinacourt*, ab omni onere absolverunt; & quodcunque jus ipsi sui que successores prætenderent extinxerunt. Multa sunt alia eximia pietatis & illorum magnificentie monimenta, quæ quidem brevitati attendentes præterimus. Porro nomen istius urbis *de Picquiny*, eodem Anglorum nationem fato involvit, quo Tribum Ephraim dictio *Schiboleth*; horum enim 42 millia à Iephthe in Iordanis littore occisa sunt, quod ex suo idiomate hostes & exteri dignoscerentur, pro *Schiboleth*, pronunciantes *Siboleth*; sic totus Anglorum exercitus in Somonæ ripa, cum pro *Picquiny*, corrupto aut quasi contracto vocabulo *Pecny* pronunciarent, in confluentem detrusus est.

Porro antiquior, qui è veteribus monumentis potest erui hujus loci Dynasta, Eustachius nominatur, qui anno 1066, Collegiatam S. Martini Ecclesiam in oppido de Picquiny instituit, fundatis ibidem in ministerium ipsius Ecclesiæ octo canonicatibus. Abs prædicto Eustachio genus deducit Guermontius, qui in Vicedominatum successit circa annum 1112, qui Thomæ de Marles Ambianensem Comitatum prætendenti constanter se opposuit. Addit Surius, ipsum etiam, Adamum Ambianensem, civitatis Principem, id est, Castellatum, carceri mancipasse, quod Enguerrani Bovenfis & Thomæ Marlensis ejus filii, partibus favisset in civium Ambianensium jacturam & perniciem. Gerardus Guermontii primogenitus Vicedominatus post patrem suffectus est, amplissimisque redditibus Ambianensem S. Joannis Ecclesiam locupletavit, necnon & Abbatiam *du Gard* dictam; cujus monachi solemnem Ecclesiæ pompam, Crucem nimirum præferentes, & vas Aquæ benedictæ, obviam Vicedominis procedere tenentur, prima quaque vice in ipsam Abbatiam adventantibus. Porro ipse Gerardus Guermontium hujus nominis II, progeniit, ex quo prodiit Gerardus etiam II, Vicedominatus successor, qui in Palæstina improles obiit; illius vero frater secundogenitus, nomine Enguerranus, Vicedominatus dignitatem adeptus est anno 1197, duasque fundavit capellas in Ecclesia S.

B b

Marti-



Martini Piconiensis, ductâ vero in uxorem Margaritâ, Ioannis Pontiniensis Comitis filiâ, quatuor ex eâ suscepit liberos, quorum primogenitus, scilicet Gerardus III Vicedominorum seriem auxit; cui postmodum additus est Ioannes filius primogenitus, & in Vicedominatu successit, anno 1246; qui cum virilem ætatem attigisset, sibi matrimonio junxit Margaretam, Ægidii *Beaumez* dynastæ filiam, ex qua plures utriusque sexus liberos procreavit; Renaldus vero primogenitus filiam unigenitam nomine Margaritam reliquit, vicedominatus heredem; quæ etiam secundò enupta, cum liberos non haberet, Vicecomitatus ad Margaritam Pinconiensem consobrinam devolutus est, quem ad Robertum Dominum *d'Ailly* nuptiis transtulit, anno circiter 1381; ex iis vero progenitus est Balduinus, qui eundem Vicedominorum textum prosecutus est; cui successit Rollo Alliensis; qui quidem ex Iacquelina Bethuniensi Ioannem *d'Ailly* primogenitum suscepit, qui patre defuncto Vicedominatus dignitatem obtinuit anno 1468; cui subrogatus Carolus *d'Ailly*; deinde Emmanuel *d'Ailly*, qui cum ex Ludovisia Ongniacensi tres liberos procreasset, illis, dum adhuc in teneris agerent, de medio sublati, Charlottam filiam Honnorato Alberto Chaulnenfi Duci enuptam Vicedominatus heredem substituit; quæ Henricum-Ludovicum *d'Ailly*, hodie Ambianensem Vicedominum peperit.

S. Riquier.

S. Riquerii fanum, vulgò *S. Riquier*, Cardonæ

fluentis alluitur, nomen autem & originem ducit è celebri illa abbatia, quam *S. Riquerus* anno 644 extruxit, exordium enim urbes plurimæ, tum à Castellis, tum à Monasteriis habuerunt, paulatim namque illorum in ambitu populi insederunt. Illud autem singulare & memoratu dignum hac de urbe refertur; quod cum illam Hispani ex insidiis cepissent anno 1536, illos inusitato stratagemate mulieres expulerunt, assumpta enim veste virili, strenue in iactabundos, & nimium ventosos involarunt, & ereptis signis eorum cornua & supercilium deprefferunt.

Monsterolium ripæ *Canchii* fluminis infidet, illius *Monstrenil.* nomini, *sur mer*, sive *supra mare* cognomentum additur, ad differentiam alterius, quæ in Andegavensium finibus in crepidine montis posita est. Quæ autem sit ratio nominis, varii varie opinantur. Fingunt namque specum veluti fuisse cuiusdam Polyphemi, & quasi hospitium *monoculo Monstro* olim præbuisse, quod inihi fortuitò repertum, dum ipsa civitas extrui cœpisset. Alii vero, ut Regum theatrum exhibent, *Montem*que potius *regium* debuisse indigetari asserunt. Sed alii probabilius deducunt à Monasterio; quod nempe cum olim esset monachorum secessus, nunc veluti militare extet armamentarium.


Et quidem urbs est munitissima, castro etiam firmissimo instructa. Et hæc pauca de Ambiano locisque adjacentibus libasse sufficiat; ad Veromandos illico transeamus.



R E G I O

VEROMANDVORVM.

Vermandois.



Vermanduorum regio Veræ Picardiæ portio est; ipsa priscum nomen etiamnum retinet; Antiqui etenim illius cultores Veromandui dicebantur. Exstitit diuturna possessio Principum è Carolo Magno stemma ducentium. Comitatus titulum præfert, & antiquitus *Ambianum*, S.

Quintini municipium, *Peronam*, *Ham*, *Montdidier*, *Roye*, *Laon*, *Chauny*, *Valois*, *Soissons*, *la Fere sur Oyse*, aliasque Tartenesii urbes, imo & Noviodunum, *Noyon*, *le Catelet*, *Coucy*, totumque Tieraſchenſem tractum complectebatur; illius autem impræſentiarum metropolis est ipsa S. *Quintini* civitas, loco palustri ad Somonam posita, septem ab urbe Cameracensi milliaribus. Cæsaris Samarobrinarum fuisse docti autumant, communiterque ab omnibus *Augusta Veromanduorum* existimatur; hoc autem illi nomen in memoriam Augusti Imperatoris impositum est; ipsum enim populi Romanorum imperio subiecti veluti numen, & propitium publicæ felicitatis fidus venerabantur. Verum postquam S. *Quintinus*, è Romana Gente oriundus, sub Maximino Imperatore urbem hanc strenuo pro Christi fide martyrio illustravit, terreni Imperatoris nomen indigenæ respuerunt, civis cœlestis nomine suæ civitati assumpto. Potentissima civitas, nullo non tempore castro optimo munita, validissimis præcinctæ mœnibus, fossis profundissimis & Somonæ fluentis circumfusa, omnibus fere artis & naturæ munimentis armata. Equidem cruentâ illâ S. *Quintini* pugnâ anno 1557, illam Gallis eripuerunt milites Cæsariani, qui velut Guisiam obsessuri venerant, sed re ipsa S. *Quintini* municipium armis & viribus tunc temporis destitutum aggressi, tam acriter impugnaverunt, ut cum obsessi strenue resisterent, devicti sint, passim quidquid aut victor auderet, vel victus timeret; nam quinque hominum millia, & amplius illa die funestissimâ clade ceciderunt; at postmodum à Gallis recuperata est.

Ribemont.

Ribadimons tribus circiter à Quintopolitana civitate milliaribus, editiori loco eminet, castrum ostentat, suorum olim Dynastarum domicilium. Huic adjacent sequentia non infimæ notæ oppida, *Lucian*, *Montigny*, *Monceaux*, *Aubrechies*, *Masieres*, *Audencourt*, omnia ad Isaram posita; quemadmodum & *Origny*, ubi opulentissima totius Tieraſchenſis tractus Abbatia Virginum Ordinis Benedictini; ac denique *Castri-Porciani* territorium.

Origny.

Chasteau-Porcian.

Isaræ igitur ductum prosequenti Feram appellimus Tartanesii caput, urbemque munitissimam; quæ tamen victricibus armis Henrici IV. collum subdidit, cum enim obiecto aggere cursum Isaræ stitisset Rex potentissimus, fecissetque

Gallia.

fluvium intra civitatem restagnare; miseri cives aquis intercepti cum & pyrii pulveris, & rerum ad vitam necessariorum jacturam fecissent, vitæ manus dederunt.

Veromanduis etiam accensetur *Calniacum*, urbs *Chauny*, non ignobilis, quam & rigat Isara, emensis duobus à Fera civitate milliaribus, exceptoque Delletta rivulo Noviodunum properat. Cessit superioribus sæculis in jus Hispanorum, qui militare præsidium in ea collocarunt, ut direpto undique vini proventu, illud in redactas suæ potestati civitates distribuerent.

Ham quoque Veromanduorum civitas castello *Ham*, firma, aquis Somonæ perfunditur; eodem tempore fuit ab Hispanis capta, moxque *Cateletum* *Catelet*, ejusdem tractus urbecula; sed paulopost utraque Francorum ditioni restituta est.

T H I E R A S C H I A.

Tieraſchenſis tractus, Veræ Picardiæ *Tieraſche*, pars, Luxemburgensi oræ collimitanea, *Capellam* metropolim habet, exiguam quidem urbem Isaræ fluentis irriguam, sed omnibus *La Chapelle*, industriæ munimentis firmam. Variis belli cladibus nuperrimis dissidiis fatigata, variorum etiam Dominorum jugum sustinuit, veluti theatrum colludentis fortunæ effecta.

Isara fluvius in hoc tractu oritur è tenui fonte, in saltu prope *Herissonem*, hancque postmodum *Herisson*, regionem interfecans, Guisiam proficiscitur. Est autem *Herisson* burgus, quatuor à Vervinio leucis diffusus; castro defenditur, & exornatur. *Vervinium* vero elegans oppidum, & augustum initæ pacis anno 1598 Gallos inter & Hispanos Sacrarum; à quo itidem *Marle* paucis etiam leucis remotum est in divergio fluminis sita. Ad ortum visitur *Aubenton* locus non ignobilis.

Aubenton.

Guisie.

Quod autem ad Guisiam attinet, eximia est illa civitas, honestissimis oppleta civibus, qui, ut & illorum domus, singularis honestatis specimen exhibent. Ipsa autem in Superiorem & Inferiorem dispescitur. Castrum habet inprimis solidissimum, quod & antiquitate & fortitudine celebratissimum est. In gratiam Claudii Lotharingii ad Ducatus dignitatem evecta est anno 1527.

Sunt & alia hujusce regionis loca, *Montcornet*, scilicet, *Martigny*, *Pierrepoint*, *Marfontaine*, &c. Sed ad Somonæ alveum revertamur, illiusque ductum Peronam usque consequamur.

I N F E R I O R P I C A R D I A.

Ille Picardiæ portio, quæ versus Oceanum porrigitur, istas amplectitur regiones: *Santerre*, *Ponthieu*, *Boulonnois*, *Guisnes*, & *Oye*.

Santerre.

Nobilissimum igitur illud territorium, quod

C c

com-



communi Gentis vocabulo *Santerre* dicitur, rebus omnibus; sed frumento præsertim luxuriat; solum pingue admodum, nam indubitata fides, & vetustissima Gentis monumenta memorant, totum sanguine Hunnorum inundasse tempore Dagoberti Regis, ideoque antiquitus loca in illo posita in sanguine terfo indigetari. Ferax est adeo, ut jure merito Parisiense hordeum seu promptuarium vocitetur præclaris cingitur oppidis, quorum hæc vulgo nomina, *Peronne*, *Mondidier*, *Roye*, *Nesle*, ex parte etiam agro Bellovacensi, qui illi à Claro-monte, & Bello itidem monte; usque ad locum de *Crevecœur* adjacet.

Peronne. *Perona* illius est metropolis, egregia plane civitas, & à parte Australi situ munitissima; infidet aquis Somonæ, loco palustri; aliis autem partibus, artis armaturæ industriâ; à Cæsariano milite quondam acriter impugnata, sed nullatenus expugnata, sua etiam integritate gloriatur, passimque de sua civitate dictitant cives inclyti, *Perona Potens Puella*; Regni clavis etiam communiter appellatur. Ibi Somona ponte sternitur.

Roye. Sequitur convenienti locorum serie *Roya*, urbs non ignobilis, castro firmissimo munita; à qua *Mondidier.* *Mondidier* oppidum non longe dissitum est, validissimo etiam castro defensum, & aquis *Moreuil.* *Morelii* amnis riguum; qui quidem duobus scatet è fontibus; quorum unus hac urbe superius oritur; alius supra *Royam*, atque postmodum circa *Neufville* oppidulum sociantur, procurrentesque ad *Boream*, *Nays* flumen excipiunt, qui è paludibus de *Beaurevoir*, & *Bretueil* emergens, ad radices *Paracleti* labitur. *Alceus* autem nonnisi tenuis est rivulus, qui sub *Dourjensi* castello sepelitur.

Porro Somona priusquam in Oceanum influat, omnes secum rapit rivulos, quotcunque è fontibus paludibusque Superioris Picardiæ erumpunt, ita ut plenissimo postmodum volvatur alveo. Primus autem qui in illam influit rivulus, *Ignon.* *Ignon* appellatur, qui *Nigellensi* oppidum perfluit. *Nesle.* *Nigella* vero urbecula est firmissima, & velut propugnaculum adversus quoscunque Belgarum insultus. Inter antiquissimos *Quintopolitani* Baillivatus censetur *Marchionatus*.

Encre fl. & Marchionatus. *Encrensis* fluvius, ex oppido sibi cognomine emanans, *Encre* scilicet, ubi *Corbeiam* attingit, *Somonæ* jungitur; *Celle.* *Celle* salutans obviam *Burgum* Castrumque fortissimum de *Contry*, *Contry.* *Ambianum* prolabitur, multisque postea junctus anonymis rivulis in *Pontinium* properat, vulgo *Ponthieu*, *Burgum* de *Canaples* interfecat, eidemque

Canaples. Comitatus limitem constituit. *Cardon* etiam flu-

violus è *S. Riquierio* decedit, & paulò post *Somonæ* miscetur; tumque *Somona* tot auctus amnibus in Oceanum sese exonerat.

PONTINIENSIS

COMITATUS.

Pontinium Comitatus titulo exornatur; ipsum *Ponthieu.* autem nomen fortitur à *Pontibus* quæ per paludes frequentissimis sternitur. Hic olim Gallorum & Anglorum acies ad invicem acerrime concurrerunt.

Sunt autem hæc celebriora, quæ *Pontiniensis* *Oppida.* tractus complectitur loca, *Abbatis-villa*, vulgo *Abbeville*, *S. Riquier*, *Ruë*, *Waben*, *Crotoy*, *Crecy*, seu *Cresoy*, *Araïnes*, *Port*, *Arguel*, *Tranleel*, *Martaigneville*, *Tristre*, *Camberon*, *Monstreuil*, de quo supra, & *Pont-dormy*, urbecula castro munita.

Abbatifvilla, *Pontiniensis* territorii caput, *Abbeville.* urbs est elegans, populosa, & commercio celebris; cum enim *Somonæ* sit irrigua, nec procul ab Oceano distet, opportunissimo *S. Valeriani* portu fruitur ad transmittenda & adducenda, quæcunque exoptarit, commoda, & ad vitam necessaria. Est autem *S. Valeriani* fanum locus antiquissimus, *S. Valery.* & monasterium pervetustum.

Ipsa verò *Abbatifvilla* celeberrimo *Baillivatu* exornatur, qui quidem ad *Parisiensem* Parlamento Curiam appellat; Sedemque habet *Præsidialem*, septem *Consiliarios*, aliosque *Judices* & *Officiarios*. Titulo *Vicecomitatus* insignitur. Ex hac dependet *Crotesium*, quod castro pereleganti & firmo, ut & opportuno portu, instruitur. Haud procul inde *Somona* in Oceanum labitur. Eidem etiam *Baillivatu* sequentia subjacent *Dominia*: *Noyelle*, *Noyellette*, *Ponthelle*, *Hiermont*, *Conteville*, & *Rambures*.

Ruë. *Ruë* etiam urbs est Comitatus *Pontinii* non ignobilis. Incumbit illa rivulo, qui è *Cressiacensi* planitie profluit, atque in Oceanum mergitur; *Auriacum* quoque, *Crotesium*, *Creciacum*, *Piconium*, ceteraque hujus tractus oppida, amnibus etiam & *Pontinii* paludibus perfunduntur.

Porro *Creciacum*, obscurus quondam fuit *Crecy.* viculus, ac postquam *Edouardus Angliæ* Rex in hunc Comitatum appulsus anno 1346, illius *Dominium* jure per matrem acquisito prætendens, illic castra posuisset, vallisque, aggeribus ac fossis munisset; tum emerfit è tenebris, atque ex cruentissimo inibi commisso prælio nomen accepit.

BOLONIENSIS,

ET

GVINENSIS

COMITATUS,

vulgo

Comtez de Boulogne, & de Guisnes.



Fines.

Bologna Comitatus est amplissimus, multosque alios sub se tractus includit, Guinæum nempe, Oyum, & Calesium. A Septentrione montibus S. Ingelberti clauditur; ab Ortu quadam portione Flandriæ atque Artesiæ; à Meridie, Britannico mari; ab Occasu denique Cancha flumine terminatur.

Flumina.

Ager Boloniensis quinque fluminibus perfunditur, Aa scilicet, & fluvio *Bolonia* proprio, *Cancha*, *Antia*, & *Somona*. Illorum ab origine ductum, usque ad ostia, quibus in Oceanum sese exonerant, prosequamur.

Aa.

Aa fluvius supra Rentiacum nascitur, indeque ad Fanum S. Audomari defluit, multisque divisus alveolis, uno postmodum juxta Gravelingam alveo jungitur, tandemque in Oceanum properat, ut pretiosissimas, quas advehit è Flandria, aliisque ex provinciis merces, in regiones longinquas transmittat.

Bolonia fluvius, & ci-vitas.

Bolonia fluvius ab ipsa civitate nomen mutuatur. Inferior, quæque jacet in maris littore, ad sui fluminis ostia, burgus tantum erat antequam ab Anglis obsideretur. Superior vero, centum ab Inferiori passibus distans, in monte eminet, urbs munitissima, fossis altissimis circumvallata, & aquis undique circumfusa. Censent viri eruditi ab ebullientibus in littore arenis nomen accepisse; totus enim tractus arenosus est, æstivisque adeo fervet mensibus, ut velut arenis ebulliens videatur; ideoque inde *Bolonia* nomen traxisse autumant, quasi *Bulliensi* diceretur; cui propius Gallica dictio accedit, nempe *Boiillanve*. Portum habet, dum mare affluit, commodissimum, facillimumque. Græci auctores sub nomine *Bononia* illius meminere; illamque portum Gessoriacum putant viri docti, quos inter Robertus Cœnalis de re Gallica lib. 2, perioche 3, de ipso speciatim tractu Boloniensi sequentia verba exaravit: De Gessoriaci Morinorum portu recte cum Mejero dixerim, vere dici Boloniam maritimam, à qua ad Doverium portum Angliæ brevissimus est trajectus.

Nomen.

Castrum habet Bolonia in editiore urbis partem Gallia.

te positum, ubi & præfidiarius miles indefessas agit excubias; Episcopali sede exornata fuit anno 1565, illiusque Episcopus Rhemensis Archiepiscopus agnoscit.

Boloniensis Comitatus ex Artesiæ dominatu movebatur, ab eo tempore, quo Isabella Hannoniæ Philippo Augusto fuit enupta; verum Ludovicus XI, à temporali dominatione prorsus exemit, soli Deiparæ, Angelorum hominumque Reginæ illam subjecit; & quasi novam accipiens à B. Virgine investituram, posito ense & militari baltheo, aperto capite, flexis genibus, debitam clientis reverentiam coram illius imagine, quæ in Principe Basilica Boloniensi visitur, inter Abbatis manus præstitit 18 Augusti anno 1477, cor ex auro solidum, pondo duum millium aureorum offerens, hac etiam conditione se obstringens, quod ipse illiusque successores Franciæ Reges, Civitatem & Comitatum Boloniensem denuo ab ipsa Beatissima Virgine fide clientelari tenerent; & quoties novus succederet Clien, ipse coram illius altari eodem ritu, oblatoque ejusdem ponderis corde auri solido investituram acciperet.

Ab illo ævo perstitit in regum dominio iste Comitatus; attamen illius possessio ab Henrico Octavo Magnæ Britanniæ rege quodam temporis intervallo fuit interrupta, qui anno 1544 Boloniam Francisco I, Regi, eripuit, per Vervinii cujusdam ignaviam, deditone invitis, qui ibi aderant, Capitaneis factâ; quod & ipse postmodum publico supplicio Parisiis luit, capite, carnificis manu, obtruncatus. Henricus vero II, terramarique bellum gerens, hanc civitatem Anglis eripuit, qui cum innumeris pene munimentis potentissimi adeo Regis nequaquam possent impetus sustinere, illam præoptatâ pace tradiderunt, anno 1551, ex quo tempore Regum dominio inseparabiliter fuit annexa.

Quinis à Bolonia milliaribus, littus legenti Turris Ordinis visitur; quam suo etiam ex littore Angli prospiciunt, *Turrimque Boni-hominis* vocitant; assurrexisse dicitur impensa Iulii Cæsaris, cum secundo in Angliam transfretaret; ut nimirum illius triremes, si forte procellis & tempestatibus quaterentur, aut à recto deviant itinere, hoc possent indicio in rectum ad ipsam Insulam tramitem reduci; talis quippe eventus in prima transfretatione contigerat. Ludovicus

D d

Pius

Tour d'Ordre.



Pius eandem restaurari iussit in maximum nautarum commodum & emolumentum.

*Heu flu-
vius.
Lyane.*

Turrim Ordinis inter & Dieppam perlabitur *Heu* fluvijs, suæ civitatis nomine insignitus. *Lyana*, qui subitus Boloniam in mare influit, fontes suos repetit è Boloniæ & Artesiæ finibus, loco *Quisque* dicto, unde Cellam, & Cremarum transgreditur, trajectoque *Surenna* nemore, & exceptis quibusdam rivulis, sub ponte lateritio labitur, ut inferioris Boloniæ mœnia pertingat, fossasque oppleat.

Estaples.

Canchia in Artesia nascitur juxta Blavincurtium; inde Ligniacum allabitur; transmissio autem Hefdinio, quosdam sibi jungit rivulos, quos inter Ternesium, vulgo *le Ternois*, qui in ipso scaturit S. Pauli Comitatu, allabensque recentis Hefdinii muros, suas in Cancham deponit aquas. Est etiam alius amnis, qui quidem ab imperitis Hefdinio tribuitur; nos autem *Blangis* à loco suæ originis appellamus; separat iste Boloniam à Picardia, ac *Sampium* vicum interfecat. Hefdinio discedens Cancha, suas Monstrolium aquas devehit; indeque *Estaples* urbeculam properat, ubi in mari mergitur.

Ista autem urbecula nil antiquius habet Lupi Ferrariensis Abbatis ortu, qui floruit sub Ludovico Pio, & Carolo Calvo Imperatoribus. Illæ, quas exaravit, Epistolæ locupletissimum ejus probitati & doctrinæ testimonium reddunt. Porro in hac urbe portus est commodissimus, & fidelissima navium statio.

Tresport.

Ad Septentrionalem vero fluvij *Heu*, Turrisque Ordinis partem, videtur *Tresport*, ubi appellas licet affluente Oceano, vix aliter. Immunis est à vectigalibus omnis illa regio, utpote in regni confinio posita.

*Fosse de
Boulogne.*

Fossa Boloniensis vulgo dicta, sedecim leucas ambitu colligit. Vnicus est hac in regione Episcopatus, cujus sedes in Bolonia extat, è Teroüanensi quondam civitate huc translata, cujus olim jurisdictioni totus hic Comitatus in spiritualibus subiacebat. In hac regione tres sunt spectatissimæ arces, præsidio munitæ, *Mont-Hulin*, *Hardelot*, cui adjacet cognominis silva, ipsaque urbs *Estaples*, cujus supra mentionem injecimus. Sunt etiam Abbatæ quatuor, totidemque Prioratus; hæ nimirum Abbatæ, *la Chapelle*, seu *Capelle*, Instituti Benedictini; *Longviliers*, *Beaulieu*, & *Saugier* in nemore abdita, Ordinis Augustiniani.

G V I N E N S I S C O M I T A T V S.

*Guines.
Nomina.*

Comitatus *Guinenfis* variis nominibus indigetatur; nam quandoque *Githma*, aliàs *Ghisna*, & *Gismensis* terræ Comitatus dicitur;

accensetur maximis & celeberrimis Comitatus. Sedet *Caletum* inter & *Boloniam* juxta Oceanum littus; vasto canali ab Oyensi Comitatu sejungitur. Tota autem regio procurrit in planitiem, frumento, fœno, frugibus, aliisque rebus necessariis feracissimam; hic aucupium frequens, & commodissima damarum, aprorumque venatio; amœnissima etiam silva, quæ *Guinenfis* vocitatur; plebs agit à gabella aliisque publicis oneribus immunis.

Loca.

Celebriora hujus regionis loca sunt; *Guinenfis* civitas, totius territorii metropolis; *Ardres*, *Auderyvic*, *Bredenarde*, *Sangathe*, & *Tornehem* fuere olim illius appendices, prout & portus *de Witsant* dictus, quem pro Iccio portu Cæsaris accipiunt eruditi. Hoc autem supra modum effert illius amplitudinem, quod Baronatus duodecim, totidemque Pariatus sibi subiectos habet; Baronatus quidem, *Andres*, *Bavelinghen*, *Fiennes*, *Licques*, *Wal en Surques*, *Crescques*, *Courtebonne*, *Haumes*, *Hermelinghen*, *Zueveland*, *la Molle d'Ardres*, & *Allembon*. Pariatus vero, *Bouvelinghen*, *Arquingbond*, *Surques*, *Eselemy*, *Fouquesolles*, *Prieuré d'Ardres*, *Recques*, *Lotbarnes*, *Aurvainghes*, *Nielles lez Ardres*, *Campaignes*, & *Ouderbrouck*.

Guinenfis civitas binis partibus constat, palustri nimirum, & terra firma seu consistenti; sedecim circiter à Bolonia miliaribus divellitur; locus est natura & arte munitissimus. Illi adjacet *Hames* validissimum castrum, in paludibus situm.

Hames.

Ardria in collis acclivi posita, in superiori Boloniæ tractu *Calesium* inter, & S. Audomari fanum, duas in partes dispescitur, Novam scilicet, & Veterem villam; urbs potens & elegans omni ex parte; Nova enim septem propugnaculis defenditur; clauditur autem *Vetus* fossis circumjacentibus.


Ardres.

Sunt & alia in *Guinenfi* Comitatu loca, *Hartincourt*, scilicet, *Peuplingue*, *Conquelle*, Portus *Nivelletius*, vulgo *Port de Nieulet*, Præsidium *Blanenfe*, *Fort de Blanes*, *Lyane*, *Colambert*, S. *Iglervert*, &c.

Famam, & celebritatem accepit hæc regio ab illustrissimis generosissimisque Dominis, qui illam possederunt; nam Comitibus longa serie succedentibus paruit, quorum præstantia & pietas eorum gloriam æternitati commendarunt; quemadmodum & nobilitas, & honoratissimorum connubiorum splendor; quod ansam præbuit *Lamberto*, *Ardrensi* Ecclesiæ Presbytero, res illorum præclare gestas monumentis mandandi; quod itidem fecit *Guiliemus Ardrensis Abbas*, S. *Ludovici* contemporaneus, in Chronico suæ Abbatæ; à quibus *Andræas du Chesne* integram iisdem de Comitibus texuit Historiam; quos quidem auctores avido Lectori sufficiat indigetasse.

C A L E T V M.

Calais.



Fines.

Caletum inter antiquissimos Europæ portus computatur, duobus ab Ardrensi civitate miliaribus; insidet Oceano urbs firmissima, validissimo castro munita, instructaque omni bellico apparatu; Oyenfi Comitatu ab Oriente clauditur; Portu Nivelletio ab Occasu; à Meridie verò Hames paludibus; à Septentrione tandem Risbanensi fortalatio. Habet & alia quædam præsidia in paludibus projecta, *Brusse* scilicet, *Fore-Rouge*, *Bastard*, *l'Escluse*, quibus ab Artesia separatur.


Hic tractus in Commentario Iulii Cæsaris, ceterisque priscorum Romanorum historiis sub nomine *Portus Iccii* præcipue commendatur. Locus hic viam fecit ipsi Cæsari, qua novum, ultra pelagus, mundum investigaret, & divulsas ab invicem Oceano provincias, adinvicem jungeret, suo subiciens imperio. Hac civitas Doverium è regione respicit, septem inde miliaribus distitum, adeo ut dum propitius afflaverit ventus, horis tribus quis illuc trajiciat. Urbs ipsa inter præcipuas regni claves censetur; formam habet triangularem, præclaris & solidioris etiam structuræ ædibus nitens. Quod autem apprime illius ostendat amplitudinem, illud est, quod nobilissimorum Dynastarum omni tempore possessio extiterit, quibus uti fidissimis potentissimisque tradita fuerit; unde & ab illis maximum splendorem accepit.

Mores.

Magnanimi sunt, & probitatis ac fidei in patriam prorsus suspiciendæ, illius habitatores; quamvis enim Eduardo Anglorum Regi, à Creciaca victoria reduci ad nutum se dediderint, at non nisi post continuam anni obsidionem fame adacti præstiterunt. Verum cum ipse Eduardus factâ plebeculæ copiâ, cum quamcunque possent asportare supellectile egrediendi, sex primarios urbis cives in exolutionem præstiti à se juramenti reservavit, exigendi causâ illorum morte poenas rebellionis. Postulantur ergo, se

sistant victori; mox omnes animo constanti & intrepido, *Regem adeamus*, inquit, & *mortem pro patria oppetamus*; quod strenuum animi propositum relciens Regina Eduardi uxor, institit ut essent immunes; Rex autem ipse concessit. Ex hoc excellenti prototypo, cæterorum civium mentem suspicere licet.

Flagrantibus igitur Anglos inter & Gallos funestis diffidiis, adeoque pertinaciter durantibus, cum Gallia jam multis cladibus esset fatigata, tandem anno 1360, initum est Bretiniaci inter Ioannem & Eduardum Reges, huiusmodi fœdus, quod dominium *Caleti*, *Merk*, *Sangate*, *Colognes*, *Hames*, *Wals*, *Oye*, nec non & Guinenfis Comitatus apud Angliæ Regem permaneret; ex quo etiam illud diu penes se retinuit. Verum bonis avibus, & felicibus Caroli VII auspiciis, ut & illius præstantia, atque magnanimitate Angli toto Franciæ regno expulsi sunt, excepto tamen Caletum; quam civitatem haud longo postea intervallo, captata occasione, Rex obsedit, advocato scilicet ex partibus Italiæ cum potentissimo exercitu, Guiliacensi Duce; qui velut Hispanorum quasdam alias Picardiæ urbes impugnantium com meatui obstare volens, & quasi aliud intendens, Caletum convolvit, illucque vires & exercitum convertit; & ipsam urbem devictis primum cunctis in circuitu militaribus præsidii, obsedit, & paulo post expugnavit, & hac demum ratione Oyenfis Comitatus (qui munimentis Caletensibus contiguus est, ac Gravelinam, Dunkerquium, & Horstek usque protenditur) antiqui Principis imperio redactus est, vocaturque impræsentiarum, *Recuperata regio*, vulgo *Pays reconquis*. Cum autem postmodum Archidux Albertus Caletum prospero Marte, & victricibus armis sibi subiecisset; felicioribus Henrici Magni semper Victoris, armis & potentia recuperatum est; atque demum facta Caleti deditione, exoptata pacis oliva toti Europæ restituta. At de Picardia, quod ad propositum factis; nunc autem gradu ex amœnissima ipsâ regione facto, ad sedes alterius Gentis, Normannorum scilicet, illorumque mores transeamus.



*Nomen
priscum 3*

Recentius.

Fines.


Extensio.

Fluvii.

N O R M A N N I A ,

vulgo

N O R M A N D I E .

Nomen
priscum ;

Recentius.

Fines.

Extensio.

Fluvii.

Occidentalior hæc Gallia pars, Celtica, & Belgica, varios quondam complectens populos, sub suis viventes Principibus particularibus, (quales fuisse indicant Historiæ, Aulercos, Caletes, Ebri-nicos, Lexovios, Bello-Cassios, Sajos, Ambiliates, nostro hoc tempore Rothomagenfes dictos, Ebroicenses, Lexovien-fes, Bajocenses, Sajenses, & Aboricenses) felici-bus Iulii Cæsaris armis devicta, Populi Romani agnoscere imperium coacta, *Lugdunensis Secunda* vocata deinceps fuit. At sub Childerico & Clo-dovæo *Neustrie* appellationem sortita; quæ vox Occidentalem terræ plagam notat. Omnes cis Rhenum Provincias hoc venire nomine, non diffitear: verum enim vero hanc ipsam deno-minationem, lapsu temporis, Occidentali huic regioni, regni Sueffionici partem constituenti, ut maxime propriam, adhæsisse, nec illud infician-dum. Cui tertia Normanniæ accessit appella-tio, idque occasione Dani Principis, Rollonis, cui Rex Carolus Simplex, fœdere inito, hanc populisque suis inhabitandam concesserat re-gionem: & reapse *Normanniæ* vox nihil sonat præterquam Terram populis Septentrionalibus posseffam: prout suo amplius loco dicturi sumus.

Terminatur Provincia hæc ab Ortu fluvio Epta, qui illam à Francia dividit. Hic è fonte cognomine oriens, duabus, aut circiter à Gor-najo leucis, secatur Gifortium, & apud Guydonis rupem, (vulgo *Roche-Guyon*) septem à Gifortio leucis Sequanæ permiscetur. Ad Occidentem fluvium habet Crenonem propriè *Cenon*, aut *Coesnon*, qui à Fulgeriarum valida munitione fluens, Britanniam à Normannia dividit ad pon-tem *Orson*, indeque versus montem S. Michaë-lis descendens, in mare labitur. Ad Septentrio-nem est mare Britannicum: ad Meridiem sunt Cenomani. A Gifortio ad Cheriburgum usque septuaginta & duorum milliarium obtinet longi-tudinem: triginta amplitudinem, & centum ac quadraginta in circuitu.

Fluminibus irrigatur quamplurimis, & nobilissi-mis: plurimumque ad Terræ fœcunditatem fa-cientibus: Sequana, vernacule *la Seine*: Eura, Ri-sola, Andura, vel Actura; Olena, Orne; Semina, *Selune*; Touquesia, *Touques*, Diva, *Dive*; Vira, *Vire*; Sea, *See*; Sulla, *Soulle*; Ouveria, *Ouve*; Eua, *Eu*: quæ omnia mare versus tendunt; & com-plura alia in hæc ipsa, mutatis nominibus, defi-nunt. Sequanæ originem, aliosque quos recipit fluvios prius, quàm Parisios alluat, alibi diduxi-Gallia.

mus. Proximè Lutetiam Oysæ fl. jungitur Se-quana, Normanniamque versus cursum dirigit, recipit Eptam prope Guidonis-Rupem, qui Vexil-lodunum Normanniæ à Francico sæcernit; cujus etiam scaturigo Erigniæ est, haud procul Forgefia. Epta Gournayum alluere incipit, Gifortium la-bitur, & ad Sancti Clari Sequanam illabitur; qui ad Vernonium, Andelyamque Euræ sui facit copiam. Andura, vel Actura, Euræ proximus fluvius, in Saltu Lognicensi Perchiæ, recipit Au-ream, *Aure*, qui Vermilliacum, Tilleresium, No-nancourtium, & Estreensæm Abbatiam irrigat; & sub Aneta Vegram admittit, Hondencio ad-fluentem; & paucos post circuitus fluvium Ito-nem, Perchiensi è fonte ebullientem; Salutat Condæum, Ebroicensium Episcoporum acce-ptissimam semper sedem: unde prolabens Euræ adlabitur prope Aquigniacum. Sequana, pontem Arcalem, vulgo *Pont de l'Arche*, præfluens, Rotho-magum tendit, ubi Robecam, Aubettam, & Ri-solam fl. admittit, eò loci qui vernacule *la Crique de saint Samson* dicitur: & hic ille Oceanum illabitur. Risola, *Risles*, ad Arcem Haspresium nascitur, saltumque ab Aquila denominatum; qui, ubi disparuisse videri jam possit, sub Grolæo auge-scit, *Beaumontium-le Roger* præterlabitur: Nassandre-siumque, (ubi Carentonnam recipit, in Ouchenfi saltu nascentem) proxime Abbatiam S. Euoldi Ternaultium admittens; Montereivium, Cham-broisium, Bernayumque irrigat; ubi Conque fl. se jungit, & Risolæ hic immixtus, mutato etiam nomine, tandem Montfortium locumque di-ctum *Ponteau-de-Mer*, pervenit; & ad S. Samso-nis Sequanæ immergitur. Canabuillio suam tra-hit originem fluvius Touquesia, *Touques*; recipit Orbecium, Lexovium præterfluit, Cormeille-siumque fl. admittit ad locum *Pont-l'Evêque*: & inde Oceano absorbetur. *Cormellesius* fl. è loco dicto *Dures-en-Fontaines* profluit, Estivaliam per-git, Bailleulium item, Asnièresum, & Cormeil-le-sium, recipit fl. Hebertotium, & in fl. Touque-sia dicto ad Sanctæ Melanæ nomen amittit. Diva, *Dive*, duas sortitur origines, sub Guacéo, reci-pit fl. *Ante*, inter Turyum & Caumontium, Falai-sium transcurrit, & Divæ immergitur, sub S. Petro, qui inde denominationem habet. Olena, Orne, fl. Aunoniæ nascitur, Seésium, Pontem-Crespini, & Clissyum, loca, transcurrit, recipit fluvium dictum vulgo *le Noireau*, suprà Condæum ordien-tem, (qui locus etiam inde appellationem for-titur suam) deinceps tendit *Pontem du Coudray* ver-sus, ac Linchampium, ubi Guignéum fl. admittit, & impetuofum Laifæ, vulgo *Laise*, flumen, quod è montibus *Ancreis* (*monts de l'Ancre*) delabatur: & inde Orlena Cadomum properat, ubi Oudo-nium fl. recipit ad S. Perri montem; hicque in-

F f

cipit



pit majoribus ferendis navigiis esse commodus, & ad portum Estrehanæ mari commiscetur. Proxime Olenæ scaturiginem Sarta profuit, qui Merleum, Alençoniumque allabatur, Ligerimque intrat. Sulla, Seulle, è monte Aneréo orditur, Tillysy, Cruillyum, Coursevillam, & Bernieres, loca, transit, Cadomensen atque Bajocensem discernit jurisdictiones, tandemque maris portus efficitur. Aurea, Aure, Livoya progreditur, proxime Caumontium, & locum vernaculè *Vaux* dictum, translabitur. Droma, Drome, è saltu Aillesio scaturit, cumque Aurea sub Bajocio commiscetur; & unà ad Montis Calvini nomen amittunt: ac duobus inde milliaribus exsurgentia hæc flumina, portum *Besinium* efficiunt. Vira, Vire, nomen impertitur suum & Civitati ac Valli Virensi, vulgò *Vaux-de-Vire*, Pontem-Bellengerii translabitur, Tessy, S. Lo, & in mare se effundit proxime locum, le Grand Wé, Constantiam Bajoco secernens. Sea, Sée, duobus è locis scaturit; scaturiginum una Alba, Rubra dicitur altera; & prope *Butte-Brimbalium* profuit, ut Vira & Engreina fluvii; Senes perfluit Valles, inque mare se exonerat apud Abrinonem. Semina, Selune, in eodem dicto loco *Butte* & parrochiâ dictâ *Chaulieu* nascitur; Pont-Aubantium rigat, marique commiscetur. Lerra, vernaculè *Coesnon*, è duobus itidem fontibus scaturit; quorum prior est ad Lucernam, ad Burgum Lerensem alter; prope Champernonium auctus, ad S. Michaelis montem in Oceanum ruit, quem, ut diximus, Normanniæ relinquit. Soulla, Soulle, Bordeſii comparet, proxime Deipolim, Ville-Dieu, recipit fl. Burd, qui Constantiam rigans, in mare se præcipitat. Ova, Owe, in saltu Briquebecensi nascitur, Carentanum delabatur, & ad locum vulgò le petit Wé, sive abbatiam de Wees Oceano confunditur.

Silve.

Saltubus, silvisque Normannia scatet; unde, seu venationi indulgere, apricarique velint aliquando: vel etiam premente frigore focus instruendis se dedant incolæ; quin imò architectari animus si sit, omnis generis arbores illis sufficiunt, quercus, putà, ulmus, cedrus, pinus, &c. Saltus illi sunt, ut vocant, Euenſis, Arquenſis, Brayenſis, Lugdunenſis, de Molineaux, Rourmarensis, Eburonenſis, de Bretueil, Aquilenſis, aliàs del' Aigle, Conchenſis, de Conches, de Beaumont-le-Roger, de Chambois, antiquitus dictus le Buisſon, Cornilaffle, Harcourtenſis, Neubourgenſis, de Brotonne, Touques, Argentan, Hyesmes, la Lande pourrie, Cerisy, Ailles, Briquebec, Singlais &c.

Qualitas.

Frigidissima totius Gallia regio est, aëre utut temperato ac salubri, Maris vaporibus frigoris asperitatem, æstatisque sudores moderantibus. Tellus frugifera, ac cunctorum penè frumenti generum ferax; Rothomagi maximè: pyrorum, pomorumque perabundans, unde vulgus potum sibi parat, quem *ſiceram* dicimus. Rarum quippe hæc loci vinum; eò quod hujus provinciae incolæ mercaturæ ac negotiationi plus satis addicti, minus de colenda terra laborent; maris utrimque vicini huc inducti commoditate. Sicera, lapidus cætera potus, vel ipsum præstantiâ vinum referens; ac, quod mirere, largior ſiceræ potus ebrietatem quandoque parit. Ex hac etiam, aqua distillationi perquam idonea eli-

citur. Nec cerevisia tamen incolæ carent; ac pyrasio. Arenosa ob loca, viciniores Oceano agri minus fertiles. Pecorum pascuis herbæ passim sufficiunt, nec feræ defunt, venatibus reservatæ: abundant pisces, maris vicinitate, fluviorumque multitudine; adeò ut vili admodum precio sint. Nec ipsa etiam caro cara in compluribus locis, ut Montebourgii, & in eo Provinciae districtu qui Douva fluvio irrigatur. Inferior Normannia herbas suppeditat, tinctorum usibus proprias; *Garantiam*, ut vocant, glastum, isatin, nec lanificio accomodi defunt cardui. Ora Rommoſiaca, Rommois, & Lieuvinia, le Lieuvain, furculos tanta subministrat copia, ut annuatim in ipsam deferantur Provinciam, quæ vocatur, Francicam, & Aureliam, ubi locorum lapsu temporis, ſicera pyrasiumque tantum, quantum in ipsa Normannia, æstimium sui que usum acquirunt.

Præcellentes habet hæc Provincia lapicidinas: *Lapicidina.*

Alençonii lapides *Hertres* dicti effodiuntur, alique, adamantis speciem præ se ferentes. Propè Turrim Bonæ, uti dicitur, Insulæ, & in valle d'Infray lapicidina aluminis rupei instar est, aut similis, cujus natura necdum indagari potuit. In vico *Vieux* marmor offenditur jaspidei coloris, & ad S. Lo griseum, rubrum, & nigrum suppeditatur; ut & ad Fontis-Abbatiam, *Fontaine l'Abbaye*, inter Cadomum & Falaisium.

Per totam passim Galliam lapis Ferrierensis proximè Seesium nascens, in maximo est usu; ille qui ad Vernonium provenit, politus, & candidus, durior est; qui tamen facile diduci potest. Lapicidina plurimæ ab ipsa natura factæ videntur, ædificiis exstruendis aptissimæ. Grezii lapides præterea celebrantur, non ita pridem detecti, immensæ magnitudinis, & crassitiei, diffusu tamen perfaciles. In Lugdunenſi saltu quæ conficiuntur vitra, & proxime S. Lo & Manerbienſis prope Lexovium, artificio ac pulcritudine sua spectatorum oculos in admirationem rapiunt.

Vulgares admodum ferrifodina in hac sunt *Ferrifodina.*

Provincia: ita ut pauci admodum sint fluvii, qui furnis ferro cudendo & præparando destituantur: etiamque fabri ferrarii, & qui ipsis operas suas præbent, inter Auream, Ormamque flumina, speciali gaudeant Regis privilegiis, & aliquot insuper immunitatibus fruuntur. Cupri venæ inventæ sunt, aliorumque metallorum, in saltu Briquebecensi, & in Parochia Carolesia, tribus Abrincone milliaribus; & quatuor à Cadomo leucis propè Tracyum, auri, argenticque venas repertas esse, constat. Salina plurimæ propè Touquesium aliaque mari vicina loca conspiciuntur; ubi candidissimus sal conficitur; in plumbeis vasis aquam marinam percoquant incolæ, unde deinceps in salem maximè album convertitur: cujus pars quarta ad Regem spectat. Oppidorum sunt 25, aut 30 circiter, sub loci Pont-l'Evêque jurisdictione, quibus concessum est salem hunc mensæ suæ adhibere.

Præter aquas Forgeſias in Braya, laudatissimas & usitatissimas, celebrantur illæ quæ vocantur de Saint Pol; propè Rothomagum, de Hebertot, propè Pont-l'Evêque, de Saint Sautin prez l'Aigle, S. Laurentii, S. Lo, &c. & quæ Thorignyacum inter

Aque minerales.

Aloes.

Opes.

ter & Iunquesium sunt. Aliquæ nonnisi certa anni tempestate, imò certis etiam annis fluunt; quæ caram futuri anni annonam præfagire videntur.

Mores.

Normanni cholericæ sunt, ac fervidi, callidi, ver- futi, processuum juridicorum & stropharum avidissimi; subtili quippe ingenio, nec facile seduci se patiuntur, aut circumveniri. Contumaces, ac præfractæ sunt mentis; sive causas agant, sive leges & mores suos defensum eant, ne alios admittere cogantur. Quod probro ipsis vertatur, quod perjuriis se facile inquinant, id de facie plebis, non de honoratoribus capiendum. Vti bono sunt promptoque ingenio, sic scientiarum capacissimi, laboriosi, gnavique commendantur: & ad quidvis imitandum parati. Bellicosi sunt, terraque marique validissimi, tot tantisque per universum terrarum orbem trophæis reportatis, id affatim testantibus. In præliis Normannicæ Nobilitatis virtus semper spectatissima: & cui, quotidianam quod attinet conversationem, comitas singularis, & Humanitas ipsa ingenita, etiam Regum Principumque aulis non frequentatis. Fæminæ, maxime cives, utut domesticis curis operibusque supra modum attentæ, & sollicitæ, commerciisque dexterrimam navantes operam, vestitu tamen ornatiores, sumptuosioresque incedunt, quam illarum ferat conditio. Et illas si decoret agilitatis & promptitudinis virtus, imperiosi animi non minus deformat habitus. Ruricolæ fœminæ œconomæ sunt optimæ, & sibi suæque familiæ piis manuum laboribus prospiciunt. Incolæ passim humani satis comesque: politæque eloquentiæ: sed Oceano proximiores incultiorum sunt morum, etiamque linguæ non usque adeo elegantis. Victus Normannorum sobrius & parvus, ut plurimum; utut satis lautus. Vbi tamen Parentes, amicieque convenerint, ordinario Nobilium more, splendidissima dices agitari convivia. Populi potus sicera est pyrasiumque: mulierum sicera tenuior; vino conviviis sumptuosioribus reservato, aut familiis Nobilioribus. Rothomagus vinum defertur, Hispanicum vulgo, vel *Perrochimel* dictum; naturâ perquam ardens & validum. Canariâ aliud adfertur, & excellentius quod est, à Petro Ximenes nomen mutuatur, qui optimum omnium fertur habuisse producendo vino solum.

Opes.

Variarum mercaturæ rerum, & quod ex negotiatione resultat, lucro, incolæ toti se dedunt, idque ratione Maris, quod ipsis vicinum, & rei faciundæ percommodum. Pannificium tractant Bessinenses & Lexovienses: Caletes lino, filisque, & carbasis conficiendis insudant; siceram etiam frumentumque divendunt. Vexillodunenses optimæ tenerrimæque lanæ operam navant. Ebroicenses Sequanæ & Euræ oportunitate Rothomagus, inque alias Superioris Normanniæ oras frumenta sua asportant divendenda. Rommoisius tractus linificio gaudet, & Rothomago, Hispaniæ, ipsique Barbariæ de lino suis prospicit: ut & ea Normanniæ ora, quæ *Lieuvin* dicitur, opes sibi acquirit ex cannabi sua, carbasisque Borrayensi, Briosmensi, & de *S. Iorè*; ex lanis similiter, pannis, &c. Bernayensibus, Ebroicenses, & Corneillensibus, Cenomanum, Gallia.

Andegavum, & Aureliam devectis. Augienses & Constantienses Rothomago & Parisiis boves sup- peditant. Cenomanenses, Eburonicenses, & Rommoysini divitias suas pecori & lignis acceptas ferunt. Constantia Nauceros exploratissimos fovet; & longinquis diuturnisque notissimos navigationibus. Tandem, Provincia hæc opulentissima est, & potentissima commerciis omnis generis, frumenti, sicera, abietum, quæ navium malis faciendis percommodæ: boum item, vaccarumque armentis gaudent plurimis, aliisque pecudibus, quibus Lutetiam ipsam abunde provident. Sale item candido affluunt; Parisios delato, & in alia Galliæ loca: ferro & restibus, quæ exteri magno sibi cœmunt, Seviliamque & Vlyssipponam transmittunt, ut inde classes suas navales instruant. Rothomagus, ditissima urbs, & frequentatissima, cujus incolæ longinquas & diuturnas suscipiunt, Oceanum sulcantes, cis & ultra Æquatorem navigationes.

Ex Normanniæ opibus ejusdem vires ac potentiam facile conjicere est; numerosam si attendas incolarum multitudinem, maxime Rothomagensium; & vastam Provinciæ extensionem animo si suspicias tuo: loca quot habeat munitissima, portus opportunissimos; & si ob oculos tibi ponas populi dexteritatem felicissimam, & exploratissimam rei maritimæ scientiam: Nobilitatem præterea, quæ ruri residens, agris non exiguo cedit ornamento: unde maxima Rex præsidia sibi habet, quibus majora vix subministrare possit, aut quæ eis equiparanda veniant, ulla Galliæ Provincia, nisi quod Gallia Narbonensis, vulgo *le Languedoc*, Regi, teloniorum ratione, plus pecuniarum conferat; quas immensas dixeris, idque unius Provinciæ nomine, ut quæ amplioris sit extensionis, continens 22 Dioceses, & Episcopatus opulentissimos complectatur; quorum duo Archiepiscopatus celebrantur.

Normannia sequentes comprehendit districtus, sive partes, Eburonicum, *Evreux*, *Lieuvin*, *Auge*, *Onche*, *Bessin*, *Constantin*, *Auranchin*, *Rommots*, *Vexin le Normand*, *Bray*, & *Caux*.

Vulgatissima Normanniæ divisio est qua dispertitur in Superiorem & Inferiorem. Superior quatuor continet Baillivatus, Rothomagensem, Eburonicensem, Caletensem, de *Caux*, & Gisorsensem. Inferior tres habet, Alençonium, Cadomensem, & Constantiensem. Et hæc quidem divisio, ratione Regionum, ut vocant, Præfectorum, Provinciæ huic concessorum, se habet. Præter Normanniæ Metropolim, Rothomagus, & sex Episcopales Vrbes, quæ sunt, Abrincensis, Ebroicensis, Bajocensis, Sagensis, Constantiensis, Lexoviensis; vulgo, *Auranches*, *Evreux*, *Bajeux*, *Sais*, *Contances*, *Lisieux*; civitates nonaginta quatuor numerantur; ingenti Arcium Burgorumque numero excepto.

Rouen, olim dicta *Vellenocassium*, *Velocassium*, *Rouen*. *Rodonium*, *Rodomus*, jam *Rothomagus*, Ducatus Normanniæ Caput & Metropolis est: Archiepiscopatu insignis. Nomen ei inditum ferunt ab idolo *Roth*, olim ab incolis suppliciter adorato, & ab secundo loci Archiepiscopo S. Melone scilicet, destructo, qui hic loci Templum extruxit SS. Trinitati, hodieque sub nomine S. *Lo* celebre.

G g

Vnde

Vnde eidem Sancto hymnus inscriptus fuit :

*Extirpato Roth idolo ,
Fides est in lumine,
Ferro cinctus, pane solo
Pascitur, & flumine :
Post hæc junctus est in Polo
Cum Sanctorum agmine.*

Roth igitur, & Magus, Samothis, Celtarum & totius Celticæ regis filius, Rothomagi fundator, civitati huic celebratissimæ nomen imponunt. Alii aliunde nominis originem deducunt. Sed cui bono, tam incertis inhærere opinionibus? quicquid sit, extensionis suæ vastitas, & incolarum affluentissimæ divitiæ Urbis famam, toto terrarum orbe dispergunt: nec fabularum involucris immorandum. Archiepiscopatus sui erectionem consule, vitamque sanctissimorum Præfulum, quæ de ejus antiquitate fidem abunde tibi faciant. Anno salutis humanæ 80, S. Nicasius à S. Clemente in hosce terrarum tractus missus, religionis Christianæ semina disseminaturus, in itinere comprehensus, ad locum dictum *Monstiers*, prope Guidonis Rupem, *la Rocheguyon*, à Sifinnii, regionis tum Præfecti, lictoribus capite truncatus, piâ Nobilis Heroinæ Piennæ operâ, sepultura honorificæ demandatus est. Præfule tum orbatum Rothomagum ad annum usque 265, quo S. Melo, natione Anglus, à Papa Stephano huc delegatus fuit. Hujus supra mentionem injecimus. Huic suffectus S. Anidianus, qui duobus Conciliis, Arelatæ, Provinciæ urbe, habitis interfuit, Constantini M. tempore: ubi ex ejusdem Imperatoris auctoritate, Metropolitanus primusque dignitate constitutus fuit Episcopus Neustriæ, scilicet Saiensi, Abrincensi, Constantiensi, Bajocensi, Lexoviensi & Ebroicensi Episcopis prælatus. Hunc secutus S. Severus, quem alii; quos enarrare tædiosum foret; quorum seriem texere, Geographici instituti non est.

Situs urbis.

Cæterum urbs amplissima, est & elegantissima, Rothomagum; à Meridie Sequanæ æstuario clauditur, quod ponte lapideo eximii operis jungitur, & in ulteriore ripa S. Severi suburbium habet: ad Septentrionem præaltos colles impositos spectat, & ad pedes eorum Albertam amniculum, qui Darnetalium, pannificio nobile municipium alluit, tum quasi in suburbano positos & latissimos pascuis campos habet. Ad Ortum supra viam Parisiensem in præcelso aliis contiguo colle S. Catharinæ Cœnobium eminet, à Gabriele Comite Mongomerio quondam munirum: ab eadem parte Robeca amnis influit, & juxta Santhiarianam portam intra urbem receptus undecim molatrinis servit, & inter Portuensem & Guilielmi Leonis portas in Sequanam exoneratur. Vetus palatium forma quadrata in imo angulo, qui Calentense suburbium altero latere respicit, situm est, & Sequanæ altero latere imminet; arx semidiruta ad Occasum vergit, inter Boveroliam, sed huic propior, ad Calentensem portam sita. Templum primarium est B. Virginis, exquisitæ artis & elegantia, sive exterius illud, sive interius contempleris. Tribus turribus decoratur, S. Romani, Butyracea, & Pyramide. Butyracea nomen habet, quod ex eo argento exstructa fuerit, quod Archiepiscopus

Templa.

Georgius Ambosius, ex indulto esu butyri tempore Quadragesimæ, collegerat exactis ab unoquoque sex denariis. In ea spectatur campana totius Galliæ maxima, tredecim pedes alta, triginta duos lata, undecim in diametro, pondere librarum 40000, aut 36000, uti alii volunt, crassitie magis conspicua, quam magnitudine: illi Gallice inscriptum;

*Je suis nommée George d'Amboise,
Qui plus de trente six mille pèse;
Et qui bien me poîséra,
Quarante mille il trouvera.*

Pyramis ex ligno mirabili artificio erecta, plumboque vestita hinc inde deaurata est. In fastigio etiam templi statua D. Georgii collocata est, eaque pulcherrima. In sacello pone chorum, quod vocant *d'Amboise*, visu dignissimum est Epitaphium Cardinalis Ambosii, Domini *de Breslay*, Seneschalli Normanniæ, & aliorum. Prope chorum pictus est draco, qui infestissimus dicitur fuisse incolis, & obtentu stolæ victus à S. Romano, (alii S. Oventium successorem ejus hoc fecisse narrant) cui adjuncti tum fuere captivi duo capitis rei, quorum tamen unus aufugerat. Inde invaluit mos, ut Archiepiscopo & Canonicis hujus ædis liceat quotannis liberare unum ex captivis, postquam omnium confessiones audiverunt; fitque hoc Ascensionis festo. Quin & in memoriam hujus liberationis quotannis processio celebratur, in qua captivus iste septem continuis annis tenetur adesse, vel ipse, aut, si fieri nequeat, per alium. Aliud templum splendidissimum & nitidissimum est S. Oventii, vulgo *S. Oinct*, cum cœnobio contiguo à Clotario Rege loco totius urbis amœnissimo conditum. Hortos vicinos habet perelegantes; duas fenestras è regione sibi obversas, figuram rosarum representantes, alteram à Magistro, à discipulo alteram structam, quorum ille cum invidia ac æmulatione motus, discipulum occidisset, laqueo suffocatus fuit. Vterque in templo hoc prope chorum humati narrantur. In hoc monasterium, quoties huc concedunt, Reges Galliæ divertere solent.


Loca publica paulum contemlemur, quæ nec ipsa exigua, nec pauca. Primum se offert Palatium regium, *le Palais Royal*; Parlamenti Curia: fundata an. 1499 à Lud. XII, Rege; Præsede suo gloriatur, Consiliariis item, aliisque Magistratibus & Iustitiæ Ministris. Structurâ opus est laudatissimum; atria & cubicula imprimis magnifica: maxime elegantissimum est atrium, quod vulgo vocant *la chambre dorée*: alia insuper Palatia procerum, ædesque privatae splendoris non exigui in hac urbe visuntur.

Sub Palatio locus est, forma quadra extructus, Carcerum mancipationi destinatus: Cappella ornatus, & præaltis muris cinctus. Curia item eorum, qui vocantur Electi, & Camera Subsidii, *Chambre des aides*, à Carolo VII fundata, ut subsidiorum, tributorum, teloniorumque ratio habeatur. Sub hac comprehenduntur complures, quas vocant, Electiones, hoc, quem damus, ordine: Rothomagum, *Ponteau de Mer*, *Pont de l'Arche*, *Gisors*, *Andely*, *Erreux*, *Conches*, *Bretueil*, *Caudebec*, *Arques*, *Neufchatel*, *Montivillier*, *Pontoise*, *Chaumont*, *Magny*, *le Perche*, *Bernay*, *Lysieux*, *Pont l'Evesque*, *Alençon*, *Argentan*, *Dan Front*, *Vernueil*, *Mortai-*

Loca publica.

Palatium regium.

Tribunalia alia.




EPIS CO-
P A T V S C O P A T V S

NOTARVM EXPLICATIO
Civitates. Parochie.
Abbatie. Castellum.
Prioratus.

Illustr. Reverend. Domino,
D. EGIDIO BOVTAVLT,
EBROICENSI
EPISCOPO,
Domino et Comiti Conditi, Illierii, Broguille, etc.
Tabulam hanc dedit Collegium Mufarum Blavianum.





Mortaigne, Caën, Bayeux, Falaise, Vire, Condé, Constance, Carentan, S. Lo, Vallognes, Avranches, & Mortaing. Curia S. Loensis, ubi rationum Camera, restituta anno 1580 ab Henrico III Rege. Ab anno quidem 1388 inibi jam instituta fuerat, sed Rex Franciscus I, anno 1548 eam suppresserat.

Conventus Thesaurariorum, ubi de Provincia Finantiis, quas vocant, tractatur.

Locus Carceris Publici, prope quem Rothomagensis Baillivus alique Iustitiæ Præsides, & Vicecomes conveniunt, munia sua obituri.

Proximè Conventum Franciscanorum, Primorum, Consulunque celebrantur Confessus Iuridici.

Sedes Curiae Ecclesiasticae proxime ædem Archiepiscopalem, sub se 24 complectens, eos totius quidem Archiepiscopatus Rothomagensis, Decanatûs.

Vt tot tantaque alia elegantissima silentio præteream ædificia, quorum è numero est Domus Præfecti Regii, arx, ordinaria Baillivi sedes, Palatium vetus, locus dictus *Bouteronde*, Archiepiscopi Palatium, illudque quod S. Oueni dicitur: Aula *Fescamensis*; *Aumaliensis*; *Lexoviensis*; *l'Hostel du Bec*; *de Lumieges*; & *l'Hostel de Vrandrille*.

Externus hic ædificiorum tam sacrorum, quam publicorum splendor Civitati Urbique Rothomagensi magnam peperit ubique nominis celebritatem; at maiorem ei, pene dicam, conciliarunt commercia omnigena æstimationem; ut inter opulentissimas frequentatissimasque totius Galliae, ne dicam Normanniae Civitates accenseri meritò possit. Situ munitissima, vallisque instructissima, arcibus decorata, atque fossis, aliisque ad urbis tuitionem spectantibus operibus prospectissima: S. Catharinae mons eam protegit modo, quo Metense ille defendit fortalium. Sequana, muros suos alluens, eam maxime securam reddit, tutaturque; cui stupendus maxime, totiusque Galliae pons pulcherrimus subternitur; sive ejusdem altitudinem, aut verò situs sui profunditatem spectes.

Fluvioli *Robec*, *Aubette*, & *Reuille* diversas ejus transcurrentes plateas, eximio Civium commodo sunt, ut qui interserviant molendo frumento, alutariis etiam, & aliis compluribus. Pontes, hos præter, invenias etiam qui te de platea in aliam deducant, quales sunt, pons dictus *Robec*, *Aubette*, *le Pont Dame Renaulde*, & *le Pont de Taritaine*.

Multa alia, utut huc spectantia, silentio involvo, maxime quæ ultimis hisce tumultibus evenere: cum nostri non sit instituti: & ad Urbis proprio infortunia.

Incendia. Hæc quidem Civitas (quingenta & unam sub se continens parochias,) aliquando ipsi potuisset præferri Lutetiae; nisi tot, tantisque incendiis deformata fuisset. Quaterdecies quippe legitur Mulciberi iram fuisse perpeffa. *Hastings*, *Daniae Seneschallus*, anno 842 urbem, superbeque ædificatas Ecclesias omnes igni devoverat. Anno 1118 furiosum hoc elementum totam penè Civitatem invasit. Anno 1120, Ecclesiae Cathedralis fornices consumpsit. ann. 1126, Civitatis pars aliqua igne consumpta cum abbatibus S. Amandi, & S. Oueni. Anno verò 1173 tredecim in urbe parochias, adjunctasque domos Vulca-

nus sui juris fecit; nec viris, faminis, & ipsis parcens infantibus. Sed quid his immoror? nunquam actum foret, si omnia recensere animus esset; hoc addam, Rothomagum belli incommodorum, ultimis hisce, maxime religionis ergo, tumultibus, non inexpertum fuisse. Pestiferae luc aliquoties etiam tacta fuit, & potissimum anno 1511, quo gramina plateas, agrorum instar, obtexerint, habitatoribus, peste absumptis, vacuas.

Sequana, longo quidem circuitu acto, tribus Rothomago leucis, locum dictum *Alboeuf*, vel *Elboeuf*, alluit; Ducum, *d'Elboeuf* dictorum, Domoque Lotharingicæ ortorum, sedem gratissimam.

Hinc se offert Ebroica, *Evreux* Gallicè, Latine *Ebreux*, etiam Mediolanum Aulercorum, Eburonicum, Itonæ flumine irrigatur; sive malis fluviolo, è Perchia scaturiente: sed admirando tamen, ut qui spatio duarum triumve leucarum cis hanc ipsam Civitatem quasi evanescat, ne ullo sui vestigio relicto, nec vel aquæ guttulâ comparente: sed tria passuum millia terram subterfluens, tantum injicit sui proximis stuporem, quantum cætera commoditatem afferunt. E duobus scaturit fontibus; uno propè stagnum *Breteuil*; altero propè *Verneuil en Perche*, quia Condæum, arcem, placidamque Episcoporum Ebroicensium aliquando sedem, conjunguntur.

Ebroica, muris validissimis cincta, Arce munita, cujus inspectio Baillivo demandata. Sex, quos diximus, Normanniae Episcopatum, septem Baillivatuum, unus est. Sub hoc Baillivatu sunt, *Tilleres*, Comitatus & Burgus, ad Auram fl. *l'Aigle*, *l'Aigle*, *Conches*, (Baronia fluvio *Rille* rigua) *Conches*, tribus Ebroicæ leucis; Vicecomitatus, & Electio, firma Civitas, cum arce & Præfecto. *Breteuil*, duobus stagnis cinctum, quæ fluvius Iton transmeat. *Rugles*, *Rugles*, *Rille* flumine irrigatum, ad castrum *Haspres* suam habente scatebram propè saltum dictum *d'Aigle*, perlabitur *Aigle*, deinde dictum *Rugles*, *Auton*, *Auton*, *Montfort*, *Ponteau*, minoris quidem momenti loca, sed quæ bellis utrimque durantibus, Gallorum, Anglorumque arma, victricia, & aliquando infelicia ex utraque parte, probarunt. Ebroicæ tribus dissidet leucis *Passy sur Eure*, vineis suis nobilitatus locus. *Nonancourt*, Auræ aquis irrigatur. *Lyre*, duplici castro munitum; quorum unum vetus; at novum celebri Abbatia famosum. *Bruin*, *Hermencourt*, *Louviers*, *Aquigny*, (ab aquis ob confluentes Itonam, & Euram fluvios) & *Harcourt*, Ebroicensem similiter spectant Baillivatuum: *Vernon* etiam super Sequanam: ubi loci lapideus pons erectus est. *Carolus VII* Anglo *Vernon*ium ademit, cum arce *Vernonetta*. *Vernon*ium & *Longuevillam* Castellaniâ à *Richardo Vernontio* sibi acquisivit Rex *Philippus Augustus*, anno 1195, cum suis dependentiis.

Beaumont le Roger locus sub Ebroicensis Baillivatus jurisdictione, *Risola* fluvio irrigatur, qui, sui quasi oblitus, deferens *Aigle*, sub *Grolæo* caput denuò effert, hunc locum salutaturus: qui olim conspicuus fuit Dynastarum suorum domicilio. E quorum prosapia illustri ortus est *Rollo de Mellant*, Eques, Regis *Ludovici Sancti* seculo, in quem etiam anno 1255, *Beaumont le Roger*, & *Brianam* terram transtulit, rege ipsi sexcenta terræ jugera concedente.

Ci-

Civitas Ebroica Præfulum suorum sanctitate commendatissima semper fuit: cujus Episcopus hodieque etiam 353 sub se parochias habet; Abbatibus non connumeratis, quæ vulgò vocantur à S. Taurino, à Cruce S. Leofridi, à S. Maria de Lire, de S. Marie la Vallée, de la Nouë, à S. Salvatore Brevalensi, de l'Estrée, d'Yry, &c. Primus hic Episcopus fuisse legitur S. Taurinus, ann. 133. aut, juxta Baronium, 95.

Ebroica suos semper habuit coluitque Dominos, dignitate, tituloque Comitum insignitos, Normannos stirpe; quos inter, Radulphus celebratur, cujus uxor, Hesselina nuncupata, fluvio Iton nomen impertiit. Alius item, Robertus, qui Civitatem gemina æde sacra quam magnificentiissimè exornavit; quarum unam piis Nobilium Fœminarum officiis sacram fecit: & S. Taurini in honorem extruxit alteram, utpote primi apud Ebroicenses sacrorum Antistitis. Verum enim verò, Philippus Augustus, ab Sacra suâ Expeditione redux, bellum in Normannos movit; Richardo, Angliæ regi, infensus: unde, belli fortuna arridente, Gisortium, Comitatumque Vexinensem ei eripuit; vallemque de Rueil vocatam universam; Vrbes, locaque necessariis validisque instruxit munitionibus. Ebroicam, inter alias, munitissimam reddidit; quam, ut & mille argenti marcas, Iohanni sine Terra dicto, (Richardus, Regis Angliæ fratri) contulit; quod ipse, deserto fratre, ejus se protectioni tutelæque commisisset. At vero Philippæi beneficii post immemor, Richardo fratri suo, urbem fortalitemque Ebroicam, ingratus reddidit: quo motus Philippus, Vernueillii obsidium quam festinantissime solvit, Ebroicam recuperaturus; quam tamen nonnisi plurimorum strage & clade tristissima obtinere potuit. Amauricus tamen Glocestriæ Comes, cessit, & in Philippum Augustum Comitatum Ebroicensem universum transtulit, Goletonii, anno 1200. Vicecomitatum etiam Ebroicensem obtinuit idem rex 1204, à Rogerio Meulatio. Cui Dynastia, dictæ Guyrebonne, Croinville, & Foucherolles à Regia beneficentia obtigerant. Ludovicus Francicus, Philippi III, Audacis cognominati, filius, Ebroicæ Comitatem se gessit. Ludovicus Hutinus Ebroicam in Pariatum & Comitatum erexit anno 1316. fato cessit Princeps hic anno 1319. Philippus, Comes Ebroicenus obiit 1343. Carolus Pulcher Pariatum huic Philippo confirmarat anno 1326. Quem Pariatum tamen, Comitatumque Ebroicensem Carolus, hujus nominis IX, in Ducatum erexit, anno salutis 1569, in cujus possessionem fratrem suum miserat, Franciscum, Alençonix Ducem. Quo Duce defuncto, Ducatus Ebroicensis Coronæ restitutus; à quo etiam tempore, regis nomine Baillivatus hic constitutus, & Curia Præsidialis, (sub Rothomagensis jurisdictione,) cui complures alias Civitates, & Castellanas veteris territorii Ebroicensis subjecerunt. Quibus missis, *Lieuvinium* nos conferamus, sive Lexoviorum terram: & ab antiquitate & ab validitate non minus commendatorum, quam reliqui Galliæ populi. Præcorum Lexoviorum, Iulii Cæsaris Commentariis celebratorum, metropolis sedes est Lexovium. Diva terram irri-

Lexovium.

gat, duas habens scatebras, sub loco Guacedicto, separatque Seensès, (Sagios,) à Lexovienfibus. Ad S. Petri locum Antam recipit, ubi viatorum commodo pons constructus est, inde Mari se commiscet ad S. Salvatoris de Diva, complures secum rivulos tranans, è stagnis, quibus scatet Provincia, provenientes.

Civitas Lexovium dicta, Lexovia etiam, & olim Neomagus, Gallicè *Lisieux*, ad fluvium Lesonam sita, qui se nobis omnium primum in Normannia offert, Honfleuræo Britanniam versus contenditibus. Non quidem late fluvius hic se diffundit; & parvi est apud Geographos aestimii, qui nec ejus recordari dignentur. Ad Canabavillam scaturit, Orbec recipit sub Lexovia, versus locum Pont l'Evesque labitur, & inde mari se reddit, inter Touquesiam & S. Arnoldi, ubi fluvii Cormeilles, sive Calone, & Hebertotio jam intumuerit. Lexovium Episcopali sede fulget: ejusque Episcopus Comitatus titulo decoratur: non amplè quidem est extensionis, ut qui sub sua habeat jurisdictione tantum Abbatias de Bernay, de Preaux, de S. Erroul, de Præstain, & de Cormel. Episcoporum primus fuit Etherius, cui successit Litharius, qui primo Aureliæ Concilio, sub Magni Clodovæi, primi Christiani regis auctoritate, habito, interfuit.

Loca hæc, dicta vernacule le Lieuvin, Risola, Carentonna, & Touquesia fluvii cingitur: rigaturque Orbec, & Cormeillesii aquis: tractus est omnium Normanniæ fertilissimus; quin & universæ pene Galliæ: dignus, qui unicus, Normannorum deliciæ audiat: Vino tantum destituitur: cujus tamen potus familiaris & ordinarius satis, & comparatu inter incolas facilis, ac si ipsis Bacchi disfluere delitiis. Frumentum, & reliqua vitæ & amictui necessaria omnia abunde suppetunt: ex linificio & cannabi maximas sibi parantibus divitias habitatoribus. Planitiem undiquaque hic videris, pomorum feracissimam, maxime versus loca le Ponteau de Mer & Lieurrey dicta, unde ficeram conficiunt, pellucidam, & succinei coloris; cujus potum priori quidem semestri compluribus Galliarum vinis præferre meritò possis.

Non magno Lexoviâ intervallo se conspiciendam offert Civitas Ponteau de Mer; cui celebratum adsidet Monasterium, de Bernay, à Iuditha, Richardi Normanniæ Ducis, uxore ædificatum. Ioannes Rex, ut turbulentis se extricaret difficultatibus, quæ ei cum Navarræ rege intercedebant, & se ab omni removeret suspitione homicidii, patrati in Comestabile Clifsonio, cujus rex Navarræus arguebatur, concessit prædicto Navarræo locum Ponteau de Mer, Conches, &c. Bretonnensi saltu excepto, aliisque, quibus ut feudalibus tantum bonis frueretur, & Pariatus jure, ea lege, ne jura regalia, dissolutionem nullam ferentia, regi Gallo perpetuum reservarentur. Exin rex Navarræ Carolus VI, Galliæ regi hanc ipsam urbem restituit. At his terris omnibus, sub dominio Henrici, Angliæ regis, qui hæredem & regem Franciæ se dictitabat, existentibus, Vicecomitatus Orbecensis, Augensis, & Ponteau de Mer anno 1430, Ducatui Normanniæ adnectebantur. Quod ipsum prædictus Angliæ rex, Henricus,

Situs Lexovii.

Episcopatus, & Comitatus.

Lieuvin.

Ponteau de Mer.

Honfleur.

Bernay.
Chambro
Pont de
l'Arche.
Orbec.

Ses terris.

Metropolis.

Caen.

ricus, ut Franciæ quoque rex, (ut quidem præ se ferebat,) confirmavit.

Honfleur. Alia districtus hujus Lexovienſis loca, sunt *Honfleur*, urbs maritima, (sic dicta, quod aquæ per hunc locum fluant, seque in mare exonerent.) *Bernayl*, *Montereul*, *Chambrois*, *le Pont de l'Arche*, *Orbec*, prævalido munita Castro, quod *Guilielmus Mareſchallus*, Comes *Pembrocenſis*, Regi restituit, anno 1204. *Iohannes rex* fratri suo *Philippo*, *Aurelianenſi Duci*, *Orbecam* ademit, anno 1353, & complura alia loca, in quorum vicem alia eidem reddidit.

Sees territorium. Territorium *Sees*, à Geographis *Gallis Sessunienſe*, & *Sagienſe*, dictum: Latinis urbs ipsa, *Sajus*, *Sagium*, *Sesuvium* & *Sesunorum* plaga vocitata. Ab Oriente *Lexoviam* habet; ab Occidente *Bessinium*; ad Meridiem Ducatum *Alençonium*, & ad Septentrionem *Baillivatum Cadomenſem*, & *Augenſem*.

Metropolis. Metropolis est *Sagium*, *Sees*, *Ornæ* fluvio adfidens, ex *Annon* loco scaturienti, non procul hinc; unde *Argentan*, *Pontem-Crispini*, & *Clisſy* perlabitur, se fluvio *Noireau* miscet, qui *Condao* profluit, & inde cognomen sortitur; hinc *Orna* *Pontem Caudray* versus properat, & *Linchamp*; ubi se fluvio *Guigné* insinuat, & impetuoso illi rivo *Laize* dicto commiscetur, qui è montibus *Anoræ* scaturit. Deinceps *Thury* delabitur sub ponte, *Cadomum* transmeat, ubi *Oudonium* fluvium amplectitur, ad pontem *S. Petri*; & hinc demum loci, navigiis ferendis idoneus evadit *Orna*: tum tribus abhinc leucis in mare ad portum *Estreban* diffluit. Episcopali sede renitet urbs *Sagium*; cujus Cathedralis ædes sacrata est *Beatæ Virginii*.

Hæc civitas validissimo castro armatur; parsque illius civium Ducibus *Alençonis* olim paruit; pars altera regiæ potestati.

Bessinensis regio aquis *Vire* & *Orne* circumfunditur, illamque *Laize*, *Suelle*, *Aure*, & *Drome* flumina fecundant; expanditur à Meridie, montuosa est, cautibus aspera, & silvis obſita; attamen hordeum, avenam, filiginem, & triticum, quod *Sarracenum* vocant, profert, unde plebecula victitat; *Bajocense* vero territorium tantam frumentorum gignit abundantiam, ut & suis indigenis, & *Cadomenſibus* affatim subministret. Sicera quoque ibi præstantissima est, vinisque non infimæ notæ suavitatem præcellit. Ipsa etiam numerosos alit animalium domesticorum greges. E rubia tinctorum, glasto & isatide opes congerunt: venatione, aucupio, piscatione, mentas onerant: ostreorum piscatura copiosissima est. Qui rebus suis sollicitè intendunt; labori invigilant, pannorum texturæ operam navant, mari negotiantur.

Celebriora hujus tractus loca sunt *Caen*, *Bajeux*, *S. Lo*, *Vire*, & *Condé*; horum descriptionem in subsequenteribus dabimus.

Caen. *Cadomum* priscae memoriæ est oppidum, quod hoc ipso nomine etiam *Iulius Cæsar* indiget, quasi *Caji-Domum* dixeris; hinc quippe maximus Imperator, dum *Angliam* cogitaret, præpararetque expeditionem, secesserat. *Orna* fluvio istud oppidum bipartitur; ambæ verò illius partes *SS. Iacobi* & *Petri* pontibus connectuntur. Hic affatim

Gallia.

furgit Prætoria Domus structuræ perelegantis, quaternis contignationibus, totidemque turribus eminens, pulcherrimis tum sacris, tum sæcularibus & publicis ædibus nitet. Præcellit cæteris *S. Petri* ampla, divesque Basilica; secundas tenet nobilissimum *D. Mariæ* templum; deinde *S. Salvatoris*, *S. Stephani*, *Franciscanorum*, *Dominicanorum*, *Carmelitarum*, aliaque ingenti numero sanctitatis delubra, tum virorum, tum Virginum Deo sacrarum, Parochiæ, Monasteria, Abbatiæ. Hinc, sicut & *Rothomagi*, & quibusdam aliis *Normanniæ* locis, celebrantur propositis etiam *Laureis* Poëtarum insignes Panegyres, Musarum miracula.

In superiori urbis regione castrum affidet, quod inter munitissima totius *Normanniæ* loca computatur; eadem quoque regione Collegia plurima conspiciuntur; quorum Cancellarius est ipse *Bajocensis* Episcopus; *Lizienſis* & *Contancienſis* Episcopi privilegiorum Conservatores; quasi Academiae sive Universitatis jura propugnare, idem omnino censeatur atque Christi Ecclesiam tueri. Hinc amplissima Curia, totiusque Iustitiæ pompa & ornatus.

Inferior autem urbis regio aquis circumfunditur, ubi navium onerariarum appulsus & fidissima statio maximam negotiationi opportunitatem præbent. Interfecat urbem *Oudon* amnis, qui postmodum *Ornæ* jungitur, ubi pontem *S. Petri* attingit.

Supra *Cadomum* Portus *Estreban* visitur, ad ostia, quibus *Orna* flumen in mare se præcipitat, ubi & *Cadomenſis* Gubernator quasdam belli machinas in fortuitos eventus præparatas constituit.

Subtus *Cadomum* reperitur oppidulum *Veteris* nomine indigetatum, vulgò *Vieux*, ubi marmor effoditur colore jaspideo variegatum.

Augenſe territorium depressum est, atque uliginosum, attamen inter opulentissima hujus provinciæ recensitum; pars clivosa modici est proventus, vixque culturæ laboribus respondet, neque incolis sufficiens præbet alimentum; verum ipse ager, qui à sepe *Hyesmes* ad *Pontem* usque Episcopi sese explicat, tot herbis virescit, ut ter quotannis bobus repleatur, quò citius & uberiùs pinguescant; & quasi fidem superat ingens quæ inde extrahitur boum multitudo in *Rothomagensium* & *Parisiensium* annonam. Tantam lactis copiam vaccæ suppeditant, ut per æstatem duobus tantum assibus butyri libra coëmatur; duodecim casei, quinque assibus veneant; passim in paludibus inambulant & natant anseres atque anates. Hinc opima venatio. Regio hæc tot arboribus malis est confita, ut unus atque idem cultor, ducenta nonnunquam aut trecenta sicera dolia exprimat, tantæ suavitatis, ut vini penuriam abunde compenset, maximaque pariat emolumenta ex distractione apud *Rothomagenses* aliaque fluviis opportuna loca.

Bayeux. Septenis à *Cadomo* miliaribus sita est *Bajocensis* civitas, Episcopali sede nobilis, antiqua & valida; *Bellocaſsum* Latine vocari potest, cum *Bellocaſſos* incolas Cæsar appellavit lib. 7 *Commentariorum*, ubi cum *Eburonicibus*, & *Lexobienſibus* collocat, sub signis *Vercingentorigis*, dum *Galli Romanorum* jugum excutere molirentur. Porro id genus nominis quibusdam im-

H h

po-

posuit, ut cogitarent, in hanc inferioris Normanniae partem Belum, Babylonis secundum regem, appulisse, cujus & prima fundamenta jecerit, & *Beli-Casam* vocitavit; sed perperam. Belleforestius autem Bajocassium appellat, atque ut urbis potentiam comprobet, post verba Iulii Caesaris, hæc quoque Gregorii Turonensis recenset: *Dehinc Bajocassini, Turonici, Pictavi, Cenomani, Andegavi, cum multis aliis in Britanniam ex jussu Chilperici regis abierunt, & contra Barochum, filium quondam Macliam ad Vicinoniam fluvium resident, sed ille dolose per noctem super Saxones Bajocassinos ruens maximam exinde partem ejecit.* ubi, inquit, Saxonum nomine Bajocassi à Gregorio indigetantur, quia nimirum Childerici I temporibus Saxones quidam hac in regione constiterant; illo quippe ævo Odoacer Saxonum Princeps, in Gallias transmigrarat, suæque potestati Aurelianum, Andegavum, aliaque maximi momenti oppida subjecerat.

Episcopatus. Bajocassium igitur hujus regionis caput, prædicante Exuperio, Christi fidem ac religionem excepit. Ipse autem primus suarum radiis virtutum Sedem hanc illustravit, cujus vestigiis sanctissimi Præsules in Episcopatu successores adhæserunt.

Ecclesia Cathedralis, primas pulchritudinis & opulentiae nulli totâ Normanniâ Ecclesiæ cedit; insigni quinquaginta Canonorum Capitulo decoratur.

Regimen. Exornatur quoque hæc civitas Vicecomitatu, nec non & Baillivatu, cujus quidem jurisdictio longius latiusque diffunditur, quam ipsa Diœcesis.

Falsif. *Falesium*, à promontoriis & rupibus, queis undique cingitur, nomen assumpsisse creditur, hoc enim linguâ Celticâ Falesii nomen exprimit: alii à bilancis trutinâ nomen inditum credunt, hoc quippe vocabulum Hebræum *Fales*, seu *Feles* significat, nimirum quod cum sit inter populos velut in æquilibrio, aut potius vallis medio posita, atamen, quasi trutina, omnibus suis aditibus & suburbiis undecunque pateat; hoc autem nomen posteros Noë illi imposuisse.

Quidquid verò sit, hoc saltem indubitatum est, urbem hanc & antiquissimam esse, & munitissimam; ipsa navicularem figuram præfert, longa & angusta, tribus tantum plateis decora. Parte superiori castrum eminet, velut navis puppim in scopulo effictam ostentans, quod & fossis altissimis munitur, duobus etiam stagnis adfatis, quorum alterum nunquam exhauritur, alterum binas molas circumagit. Fuit olim primorum Normanniæ Ducum domicilium, duabus eximiis turribus, præaltis & rotundis insignie.

Ecclesiæ. Falesium duabus ornatur parochiis, unâ in honorem SS. Trinitatis, alterâ S. Gervasii; Franciscanorum Cœnobia, & pauperum seu infirmorum Xenodochio. Extra muros extat Abbatia Ordinis S. Augustini, & paulo ulterius elegans D. Mariæ Sacellum, vulgo *de la Guibray* dictum, hîc quotannis mense Augusto nundinæ celebrantur, toto regno provinciisque conterminis notissimæ.

Nundinæ. Primo ab urbe lapide, mons visitur in parte Occidentali, *Airiennes* appellatus, ubi Accipitres, Nisi, Falcones, Aquilæ, & rapaces aliæ id gene-

ris aves capiuntur. Nec procul inde, inventa sunt à 40 annis quædam numismata ærea Iulii Caesaris effigiem & nomen, fugientibus caracteribus, præferentia; unde suspicio nascitur hisce in partibus Iulium Cæsarem olim constitisse, arcemque hujus oppidi exædificasse.

Est aliud in hoc territorio singulare & memoratu dignum; in vico scilicet Arnenfi in planitie sito, fluminibusque ac rivulis destituto, mare novem circiter leucis remotum, occultis & ignotis meatibus tantâ copiâ suas illuc aquas propellere, ut lacum, seu stagnum varii generis piscibus exundans efformet, stagnum quoque arefcere, suas inde aquas mari subducente.

Arnes. *Vire.* *Ecclesiæ.* *Vandevilles.* *Episcopi.* *Vira* urbecula est satis à Falesio distita, Castro, Vicecomitatu, & Baillivi sede conspicua, fluvio cognomine irrigatur; adjacens illi territorium abundat pecore, lanis, textilibusque totâ Galliâ decantatis sub vocabulo *Vau-de-Vire*; inde vulgi rumores, & cantilenæ *Vandevilles* vocitata, pro *Vandevires*, quarum inventor fertur Oliverius Basselinus, teste Belleforest.

Est etiam hoc in tractu *Thoriniacum*, olim non inelegans oppidum, ut superstites ostendunt ruinæ; nec impræsentiarum fama destitutum, utpote Comitatus titulo & jure Baillivatus insignie.

Occurrit & *Argentanum* ad Ornam situm, quondam Anglorum juris, quorum potestati diu paruit; at tandem Carolo VII, victori, subiectum.

Inde *Oximum* devenitur, vulgo *Hiemes*, cui quidem oppido perperam tribuitur, sedem Episcopalem olim habuisse; nam ablusit in voce *Hiemes*, pro *Séez*, quicumque est auctor.

Hac etiam regione sedet *Mortain* Comitatus, ubi mos invaluit, ut in festis solennibus ensis evaginatus pro vexillo in processionibus deferatur.

Ille Comitatus, Baillivo, Vicecomite, Prætoribus, aliisque à Rege Officiariis exornatur.

Tractus Constantinensis inter septem Baillivatus Normanniæ computatur; à Septentrione clauditur Oceano; à Meridie *Sees* territorio; ab Ortu, Guezensi, urbeque Thorigniensi, ac Virensi Vicecomitatu; ab Occasu denique, Britannia. Principatum tenet inter ceteras Normanniæ regiones; nam ager ille feracissimus triticum maxima profert abundantia, estque adeo pinguis, ut vix pedem efferas, ubi pluvia inundat; pascua tot boum armentis referta, ut numerus afferat stuporem. Affluit sicera, & quidem præstantissima, præsertim vero quæ glasti colorem imitatur: hæc enim ad vini subpallidi speciem & suavitatem accedit. Carnium pisciumque esculenta vili adeo pretio veneunt, ut decem expensis apud tabernas assibus, laute admodum epuleris. Plebs lanis pannisque negotiatur terra marique; hæc autem habet munitissima loca, *Constances*, *Carentan*, *Cherbourg*, *Vallongnes*, & *Barfleur*, de quibus seorsim, sed succincte, tractabimus.

Constances. *Constancia*, hujus regionis caput, id nominis sortita est ob *Castra Constantia*, quibus priscorum Gallorum Gens inclita constantissime Romanorum impetus reundebant. Putarunt nonnulli Iulium Cæsarem urbis hujusce fundamenta jecisse; atque

atque Constantium 49 Imperatorem suo nomine insignisse, in Normanniaque apud Euburovices diem supremum clausisse. Ceterum hæc civitas, quantumvis sit antiqua, nullis tamen clauditur mœnibus, neque fossis vallatur, sed castro tantum defenditur. Equidem olim præclaro mœnium ambitu cingebatur, quæ quidem expulsis Anglis anno 1400 diruta fuerunt, & solo fere coæquata. In Occidentali urbis latere, ad depressa vallis, multæ cernuntur columnæ velut arcuatæ, structuræque elegantis; subtus defluit rivulus nomine *Bullard*; superius autem fons plumbeis canalibus ad mediam usque civitatem decurrit.

Ecclesie. Cathedralis ædes Constancia civitatis inter insignes Gallia Basilicas jure numeratur, nam & omnem elegantiam, & artis industriam sibi vendicat; binas turres præaltas habet, quarum altera in vertice quadrata, plumbo obtegitur, unde amœnissimus per subjacentem undique regionem prospectus. Ministrat in sacris venerandus Canonorum cœtus. Hanc sedem illustrarunt sanctissimi Episcopi, quorum agmen duxerunt SS. Ereptolus, & Exuperantius, hos autem iidem vestigiis multi subsecuti fuerunt, quos recensere, nostri nequequam est instituti. Sunt præterea binæ parochiæ, & Collegium à Ioanne Michaële, Doctore Theologo, atque Canonico Constantiensi, fundatum.

Eadem civitas sede Præsidiali exornatur, suoque habet tum in Civilibus, tum in Criminalibus Iustitiæ Officiarios.

Septimo à Constancia lapide, ad Ortum, apparet Theopolis, vulgo *Ville-Dieu*, ubi celebris Equitum Rhodensium Commendataria. Hujus urbis incolæ maximam partem rudes sunt & agrestes, & colliquando metallo in usum campanarum, & lebetum, præcipue operam impendunt.

Haud procul est *Lande-Herould*, impræsentiarum simplex parochia, olim autem burgus elegans, & ad sesquimilliare projectus, cujus etiamnum vestigia conspiciuntur. Habuit & castellum, cujus solum nomen prato, cui insidebat, relictum.

Modico inde intervallo, visitur antiquissimum sacellum, quod fuit olim virorum religiosorum secessus & domicilium.

Prodigium. Stupendum hac in regione prodigium evenisse enarrat Sigebertus circa annum 1158, Columnam scilicet cæruleam, & rubram in aëre apparuisse, quam crebræ impeterent sagittæ & jacula, huicque circumhærent aves multiplicis generis; funestum plane omen pestis per totam Normanniam annis subsequētibz immaniter grassantis, à qua nec ipsi Proceres immunes evaserunt.

Loca. Sunt & alia hujusce tractus non ignobilia loca, nempe *Gauray*, ubi nuper vetus castrum visebatur suis ruinis velut conscriptum, quod nunc resurrexisse testantur; deinde *Hambuys*, ubi quondam Abbatia; *Moyon* burgus; *Tessy* Baronatus, & *la Motte* pulcherrimum castrum.

S. Lo. Occurrit deinde urbs non inelegans *S. Lo* dicta, locus munitissimus ad Viram flumen, quod modico inde spatio in mare labitur; cui id

nomen inditum à quinto Constancia Episcopo, cujus Successores *S. Loti* Episcoporum titulum diu prætulerunt, quod ipsa urbs esset eorum possessio, ibique amplissimas, opulentissimas, ac magnificentissimas ædes obtinerent. Est etiam in eadem civitate, eximia Ordinis Benedictini Abbatia. Adjacet quoque huic urbi *Hommet* Baronatus; unde brevi *Carentan*, seu *Querentan* pervenitur, ubi portus commodissimus, & fidissima navium statio; quod quidem oppidum castro obarmatur, estque *D. Leonis Rothomagensium* olim Archiepiscopi natalibus illustre; ac *Baillivo*, Vicecomite, aliisque dignitatibus exornatur.

Quaternis inde milliariis se offert *Montebourg*, burgus non incelebris. Hic quondam *Guillelmus Rufus* Magnæ Britannia Rex, Duxque Normannia elegantem Benedictinorum Abbatiam posuit, ibique frequentissimæ nundinæ quot diebus Sabati celebrantur.

Vno postea milliari reperitur *Valongnes* modicum oppidum, quod à suis incolis virilitatoribus *la Hongne* per ludibrium nomen accepit; at tamen Vicecomitatus dignitate potitur; idem locus castro validissimo munitur. Ad Occasum ulterius progredienti, *Hogue* burgus se ostendit, ubi copiosissima piscatura; nec procul *Barfleur*, etiam burgus, in valle positus invenitur; ipsa autem vallis *Cereris* nomen præfert, ob maximam, scilicet, frumentorum abundantiam, quæ quotannis ibi colligitur. Inde *Chereburgum* devenitur, quod à Latinis *Cæsaris burgum* indigeratur, nam à *Cæsare*, loco arenoso, & ob binos quotidie maris æstus fere inaccessio, extructum perhibetur. Extra muros visitur præclara Ordinis Augustiniani Abbatia. Reducto ad *Valongnes* itinere, versus Ortum cernitur burgus & castrum *S. Salvatoris*, à Vicecomite cognominati, prisca memoria Vicecomitatus, ubi Iurisdictio Regia. Habet quoque Abbatiam Benedictini instituti.

Australi parte *Briquebec* reperitur, burgus castro munitus, quem amœnissima circumstat silva; & quarto ad Ortum milliari *la Haye du puy*, burgus itidem & castrum, à quo Abbatia *de Blanche-lande* non longe distat.

Avranchinense territorium, plurimis fluminibus, *Coesnon*, scilicet, *Engraine*, *Burd*, *Vire*, *Selune*, *Cause*, *Causon*, *Herou*, & *Souille* perfunditur; varias qualitates fortitur, ex parte montibus & silvis obsitum; ex parte vallibus depressum, solo arenoso, & filiginibus, hordeis, & avenis parcissime idoneo, ita ut nec sufficientem cultoribus annonam suppeditet; ipsi tamen aliunde divitias congerunt, ex numerosissimis scilicet boum & vaccarum armentis quæ in montibus & pascuis nutriunt; unde carnibus, quemadmodum & è mari piscibus abundant: multaque alia emolumenta percipiunt. Hujus regionis oppida sunt, *Avranches*, *Granville*, *Ville-Dieu*, *Pont-Orson*, & *Domfront*.

Arborica, seu *Abrinca*, ex arboribus, queis olim undique confita, nomen accepit; urbs vetusta, nam *Ambiliates*, quos *Cæsar* memorat, fuisse cives *Arboricæ* existimantur. Præalto colli insidet, ad Oceanum, fossis, mœnibus, ac suburbiis circumvallata. Floret Episcopatu ab ævo Francorum in Gallias adventantium, illiusque velut maximi momenti in distributione terrarum inter filios *Clodovi*

Carentan.

Valongnes.

Barfleur.

Vallis Cere-

Cherebourg.

S. Salvatoris.

Briquebec.

Avranchin.

Qualitas.

Oppida.

Avranches.

dovæ factâ cum aliis adjacentibus terris fuit inserta mentio.

Primus in hoc Episcopatu sedit D. Leontius, cui successit Nepus ille, qui fuit ex numero 32 Episcoporum, Concilio primo Aurelianensi sub magno Clodovæo Rege assistentium. Huic in hac sede successerunt plures alii virtute & singulari pietate insignes.

Cathedralis Basilica in honorem D. Andreae Apostoli dicata est, cui assidet Episcopale palatium elegantia singulari, ut & magnificentia instructum. Sunt etiam in suburbiis tres parochiæ, ac gymnasium. Suos etiam hæc civitas Magistratus fortitur, gaudetque honore Vicecomitatus.

Mont S.
Michel.

E mœnibus civitatis Arboricæ prospicitur Mons D. Michaelis editissimæ rupi incumbens, urbs & Abbatia ob frequentiam peregrinorum illuc adventantium notissima. Hic scopulus ternis ab Arborica leucis diffusus, fuit olim tantum solitudo silvis obsita, quam devoti quidam Eremitæ incoluerunt, qui inusitato, prout piè creditur, Providentiæ miraculo inibi sustentabantur, usque ad annum 708, quo S. Aubertus Arboricensis Episcopus, primum ibi Ecclesiam in rupis apice extrui fecit in honorem D. Michaelis, qui illi apparuerat, in qua duodecim Canonicos constituit, sacris ministeriis operaturos. Verum Richardus, Primus Normanniæ Dux, ibidem monachos Ordinis Benedictini substituit, nimirum anno 966; Richardus verò, Secundus ejusdem Normanniæ Dux, eandem Ecclesiam reedificari mandavit anno 1024, quæ etiamnum extat. Porro qua ratione locus accreverit, & in urbem satis amplam evaserit; castri extructionem, fontem multis morbis saluberrimum, reliquias, miracula, qui scire volet, adeat Feuardentium toto orbe celeberrimum Doctorem, qui absolutissimam illius loci historiam exaravit.

Mortain.

Septimo ab Arborica milliari extat urbecula Mortain nuncupata, cujus Baillivatus appendix est Castellania de Thincebray; cui etiam contigua sunt Moutons, Blanche & Savigny Abbatia.

Rommois.

Rommois ager, Sequana & Risle fluviis clauditur, solo gaudet fertili & ameno, silvis & saltibus exornatur: Linum ingenti copia producit, unde plebs maximam partem textilibus infudat, quæ quidem Rothomagum asportata, totâ ferme Europâ distrahuntur. Nullæ sunt hoc in tractu urbes; sed hæc tantum oppidula recensentur: Bourgheroude, du Boschard, Routot, Bec, Montfort, & Briofne, &c.

Pagi.

Ouche.

Ouchenis regio Rislæ fluentis irrigua, solum habet planum, & saxosum, quod æstivis mensibus nimium arefcit; hibernis autem nimis est uliginosum. Avenam abunde profert; silvis densissimis obsita est; numerosos pascit ovium greges; quarum è lanis quæstum non modicum

facit. Ferri fodinis & officinis scatet, quibus indigenarum pars operam navat, pars lineis textilibus invigilat: potu è pyris expresso utuntur, qui censetur suavior, quam qui aliis in plagis exprimitur; nam pyrus suo pte genio, solo rudi & aspero delectatur. Hæc autem sunt Ouchenis regionis loca, Vernueil, Bretueil, Conches, l'Aigle, Lyre, Rugles, & la Barte.

Tractus Brayensis alicubi varius est, modo enim in colles attollitur, modò silvis & nemoribus occupatur; modò in prata & arva diffunditur. Illius loca & oppida sunt, Gournay, la Ferté, Lyons, Charleval & Fleury.

Vellocassinum Normannum, fecunda regio, Sequana, Andella, & Epta fluminibus irrigatur; arva habet aratro idonea, vina gignit nonnullis in locis, & ficeram. Celebriora illius loca sunt, Gisors, Andely, & Escouis.

Gisorsium, hujus territorii caput, urbs Eptæ infidens, munitissima amœnissimaque; nec inepte rationem nominis quidam investigarunt, Gisorsium, quasi Regis otium; nec aberrarunt, qui Gisorsium velut terrarum Franciæ & Normanniæ divortium existimarunt. Hic varia, ad Eptam fluvium; Anglos inter & Francos, commissa fuere prælia. Porro hæc civitas septem Normanniæ Baillivatus accensetur. Hujus appendices sunt, Andelis, major nimirum & minor; Escouy, burgus celebris, Collegio Canonicorum exornatus.

Hujusce tractus sunt alia non contemnenda loca, scilicet; Estrepaigny, S. Clair ad Eptam fluvium; Neaufle, Gamaches, Arville, Chasteau-neuf, Vaudemont, Braye, Cornice, &c.


Alençonium in inferiori Normannia situm, in agro pingui, frumentoque, ac frugibus feraci, ex parte ad silvam d'Escouy, ex altera ad Perfeignensem nemus protenditur; nam ambæ silvæ æquali intercapedine sunt ab urbe diffusæ, quas inter Sarta profluit, Alençonique muros allambit, terminaturque altero latere, Hambon pascuis. Briante etiam amnis undis perfunditur, qui quidem in Sartam sub ponte se exonerat, & in ipsa urbe, juxta Virginum S. Claræ Cœnobium, tenuem efformat insulam. Ecclesiâ Beatissimæ Virgini dicatâ gloriatur. Quatuor portis & arce exornatur, amplissimoque vivario. Ducatus Alençonius sequentes Castellanas sibi subjectas habet, Alençon, Esse, urbeculam castro munitam, S. Escolasse, Moulins, & Bons-Moulins.

Argentan, non minoris notæ oppidum, castro firmum, Trun, & Hiesme, unum simul efficiunt Vicecomitatum. Vernolium, vulgo Vernueil, est ampla, & vetusta civitas, cujus turris Auræ amni imminens, districtus est Gallici; urbs autem reliqua Normannicæ est ditioris; Vrbs potens, castro olim munita, quod Ludovico XIII, rege, dirutum est. Loca alia sunt Quatre-marés, Sorteaupville, Routot, &c.

CALETES,

vulgò

DE PAYS DE CAUX.



Divitie.

Civitates.

Situs.

Fines.

Dieppe.

Mbitur hæc regio fluminibus *Deu & Sequana*, & Oceano ad littora urbium, *de Sie, Dieppe*, & *S. Valery*; magnam partem fertilis est, rebus ad vitam necessariis abundat, silvis, pratis, agris culturae patientibus, carnibus, fructibus, lanis & lino, magnaue piscium copia, ad mare vicinum ubique piscatoribus opportuna. Sicerâ ut plurimum, & cerevisi in potum utuntur. Præcipuarum civitatum vernacula nomina sunt, *Caudebec, Harfleur, Havre de Grace, Fescamp, Montvillier, Dieppe, S. Valery, Eu, Neufchâstel, Aumale, Arques*, &c.

Faciem peninsulæ præfert hæc regio, magis in longum quam in latum patet: agro Abavillensi finitur ab Ortu; Bellovacensi à meridie; à septentrione Oceano; ab Occasû Sequana fluvio, ex parteque Rothomagensium finibus. Hos esse Caletes Cæsari nuncupatos aliqui malunt quàm Caletenses, quorum oppidum ille alibi *Accium Portum*, recentiores *Calitium* vocant; quod ut certius evincant, *Castetum* à Cæsare dirutum, non *Calais*, sed arcem in agro de *Caux* fuisse asserunt. Vbi denuo struxit arcem Iulæ-Bonæ titulo decoram, vulgo *l'Isle bonne*, corrupto vocabulo, è cuius ruderibus strata est via Collebosensis, Promontorium de *Caux* dictum, oppido ejusdem nominis subjacet, turri ad littus insigne, in qua pharus, in gratiam navigantium; summum vero ejus acumen occurfus Axonæ nominatur, hinc in Angliam, secundum Sequanam navigantibus iter. Hic tractus inter septem Parlamenti Rothomagensis Baillivatus computatur; multosque Ducatus, Comitatus, Vicecomitatus, Baronias, Abbacias, Prioratus, magni nominis completitur.

Dieppe, urbs ejus præcipua, inter duos montes ad littus maris muros ejus ferientis jacet, & quantumvis angustis faucibus, in portum commodum, ad ostium de *la Bethune* se insinuantis, unde urbis accolæ, opportuno tempore, ad Terras novas, novaque regna commercium inituri proficiscuntur. Propugnaculum *du Pollet* Portui imminet; castro autem ex adversa parte urbs defenditur: latere hujus propugnaculi assidet *Castillonense* præsidium, quod flumini *Arquense* imperat; urbi nomen est ab exiguo flumine portas ejus alluente.

Ponè locus eminet, ubi quondam posita *Limarum* civitas, cujus nullum modo extat vestigium. Hic portus, variis oppugnationibus, inter bella civilia conflictatus, Henrico IV post præ-

Gallia.

decessoris obitum refugium fuit. Hujus urbis, ut & *Louviers* dominationem, quo ad sacra & profana penes *Gautherium* Rhotomagensem Archiepiscopum annuente Rege atque Pontifice fuisse ferunt. Constat cives Rothomagensium exemplo, in festis Natalitiis & Assumptionis floralia celebrare solitos, & æqua præmia Poëtarum industriae proponere. *Arquense* oppidum haut procul *Dieppe*, arx flumini *Bethune* imminet, collem cui insidet alluente; neque longum neque altum hoc flumen, victoria Henrici Quarti celebre; ex tribus rivulis coalescit, quorum unus à vico de *Seaume*, alter fontem ducit paulo supra *Neufchâstel*, ab Henrico IV subactò, foederatis per Legatos fractis; tertius rivus à loco cui nomen *Bon-encombre* oritur; tres hi rivuli prope *Arques* conjunguntur, ubi anno 1598 Henricus IV famoso certamine cum paucis Helvetiis, & Gallis, triginta millibus hostium debellatis, Coronâ potiri cœpit.

Ad idem littus versus meridiem antiquus vicus de *Fescamp* situs, ad ostium fluminis exigui ex duobus rivis coalescentis, quorum unus à *Vallemont*, alter à *Gouffreville* ducit originem. Abbatia fundatorem *Richardum* II Normanniæ Ducem agnoscit, S. Vandrillum Pipini Regis nepotem eò solitudinis amore allectum, Regum Angliæ Ducumque Normanniæ sepulchris celebris, à quibus præter cætera Baroniam d'Argences dono accepit.

Caudebec, urbs ab agro ubi sita nomen accepisse videtur, alluitur Sequana, in quam se *Clere* flumen paulo infra *Cler* & Rothomagum exonerat, inde latiori alveo propter vicinum mare, in quod inter *le Havre*, & *Honfleur*, magno impetu nautis verendo irruit, æstus ille vocatur *la Barre de Seine*. *Honfleur* ita dicitur, quod ex eo undæ in mare fluant: *Harfleur* vero illi oppositum, contrarium maris æstum significat.

Havre de Grace arx validissima, & maximi ad littora Gallia tuenda momenti, à Francisco I erecta ad intercludendum Anglis Gallia aditum, si denuo Galliam cogitarent, ut cum sub Carolo IX urbs illa Elisabethæ Reginae à Protestantibus tradita, sed postmodum à rege recuperata est.

Tertio à *Caudebec* lapide, exiguum regnum extat, si tamen ager *Tvetot* titulo illo unquam potitus, eo quod *Clotharius* Primus occiso *Gualterio*, Domino d'*Tvetot*, die Veneris Sancti, in ipso sacello dum sacris interesset, ad expiandum scelus à Pontifice sub pœna anathematis obstrictus, ejus loci Dominos imposterum à clientelari subjectione exemit, quoad agrum *Tvetot* in Normannia situm, tandem Regis nomen & autoritas in Domini nomen & autoritatem cessere: quibus

Ii

Fami-

Arques oppidum, flumen Bethune.

Fescamp urbs & Abbatia.

Baronia d'Argences.

Caudebec urbs. Cler flumen.

Honfleur.

Harfleur.

Havre de Grace.

Tvetot Principatus, olim Regnum.

P A R S .



L' Emboucheure de la Riviere de Seine

N O  R  M A N-

Milliaria Gallica.

P A R S

Familia *du Bellay* etiamnum gaudet. *Bresle*, flumen, urbem *Eu* alluit, nullibi navium capax, nisi ad ostium *du Treport*, ibique vix idoneum, à vico *Courcelles* oritur, supra *Aumalle*, augetur rivo ad *Senenpont*, ubi ponte lapideo ripæ junguntur, alioque ad *Blangy* quarto inferior lapide. *Aumale* olim Comitatus, impræsentiarum verò Ducatus, & ob militarem suorum Dominorum gloriam & nobilitatem, & affinitates cum Angliæ Regibus insignior. *Montvillier*, Portus admodum commodus, non longe à *Fescamp*; *S. Valery* urbs & Parrochia quingentis passibus à littore maris inter *Dieppam* & *Fescamp*, portu caret ad maris æstum admittendum. *Oton* & *Courbon* ad agrum *Huge* pertinent, agro de *Caux* nonnulli annectunt.

*Ager Aumale-
malensis.*

*Montvil-
lier portus.
S. Valery
portus.*

*Oton &
Courbon.*

*Insula Iar-
say, Grene-
say &c.*

Non longe à Constantino, de quo supra, insulæ *Iarsay* five *Gersey* ac *Grenesay* & *Sere* propugnaculis non spernendis contra Piratas extant munitæ, Anglo parent: ibi Persarum regum mos viget, ut primogenitis, five nobilibus five plebeis, tantum paternorum bonorum cedat, ut pars admodum tenuis posterioribus superfit; mos ab antiquis Norvegis & Danis ortus, ad sustinendam familiam, quo posterius nati coguntur rem familiarem sibi deficientem alibi quærere; quemadmodum forte primi Normanni tam feliciter Gallias invasere, ut adhuc vi partis fruuntur, ut in Ducum origine notandum.

*Mutatio
Ducum
Norman-
niæ.*

Neustria, antiquis Dominis in servitutem reductis, ut se res humanæ habent, nomen mutare coacta, & vocata *Normannia*, cum *Rollo*, five *Raoul*, *Normannorum* Dux, anno 910 potitus est regione.

*Norman-
norum in-
gressus in
hanc pro-
vinciam.*

Normanni Septentrionales populi, ex *Dania*, *Suecia*, populorumque adjacentium supra soli fertilitatem abundantia coacti arrepta occasione, quod *Caroli Magni* successores ab avita virtute degenerarent, Regni fines invasere, tam fortiter, ut *Carolus* cognomento *Crassus* inito fœdere, cedere coactus sit illis quæ tollere non valebat. Inde *Neustria* *Normannis* contigit, hoc pacto ut regem feudataria lege (ut barbare vocatur) agnoscerent. Illi natale nomen subactis terris assignavere. Nulli mortalium Christo infensores, dum impii fuerunt, nulli agnita veritate impenitus coluere.

*Gubernatio
Norman-
niæ.*

Est in *Normannia* Superiori *Gubernator*, itemque *Locum Regis* tenens, seu à Rege præfectus, quemadmodum & in Inferiori, una cum *Statibus* singulis annis *Rothomagi* congregatis, ejus ritus, & *Clamor de Haro* (vocabulum Iuris apud Gallos in usu) quo ad illa quæ ad reos spectant, & ad quædam civilia, *Parlamentum* etiam, aliis nominibus alioque numero constans, auctum sub *Francisco Primo* & sequentibus Regibus, inde duæ *Generalitates* pendent, *Rouën* & *Caen*, præterita prolixiori minutarum *Curiarum* de novo

electarum erectione, quamprimum supprimenda. Ferunt hanc præcipuam fuisse *Admiralium* sedem.

Continet *Ducatus d'Alençon*, *d'Aumale*, *d'Elbœuf* *d'Eureux*, de quibus supra, & *Ducatus de Damville*, de *Longueville* & *d'Estouteville*, de quibus infra.

Estouteville arce munitur. Magnatum in Gallia nobilissimorum ibidem imperitantium notissima sedes.

Longueville, celebris locus, unde nomen illustrissimæ familiæ, ad Regiam Domum jam pridem pertinuit.

Agri Graville, *Neubourg*, *Nonant*, *O*, *Courtaumer*, *Canizy*, *Beuvron*, *la Lande*, *Thury*, *Manny*, *Alegre* & *Verneuil*, *Marchionatum* titulo insigniuntur. *Graville* insigni familiæ nomen dedit ab antiquis Comitibus *d'Alençon* oriundæ.

Nonnulli *Normanniæ* Comitatus denuo *Coronæ* annexi sunt. Ut *Hiesmes*, *Argentan*, *Vireconches*, *Orbec*, *Bretueil*, *Beaumont-le-Roger* & *Montfort*.

Alii ad peculiare Dominos spectant, ut *Comitatus*, *Eu*, erectus in Ducatum in favorem *Caroli d'Aartois* anno 1458, *Lisieux*, *Mortain*, *Harcourt*, *Briofne*, *Tancarville*, *Maulevrier*, *Montgommery*, *S. Sauveur*, *Landelin* (à *Carolo VI* erectum & *Aurelianensi* *Duci* traditum), *Gisors*, *Thilleres*, *Carrouge*, *Thoirigny*, *Creances*, *Thury*, *Auge*, *Flers*, *Estelan*, & *Cuissy*, quorum Domini olim illustribus affinitatibus & Bellicis facinoribus inclyti.

Baroniæ *Normanniæ* inter multas præcipuæ sunt, *Medany*, *la Ferté*, *Orbec*, *Montreuil*, *Pont S. Pierre*, *l'Aigle*, *Quilbœuf*, ad *Sequanam* olim portus munitus, cui nomen fuit *de Herinville*, *Rommois* &c.

Præcipui multorum conventus sunt, *Charleval*, *Prioratus* extructus à *Carolo Nono* in sylvâ *de Lyons*, studio venationis, nunc *abbatia Sainct Evroult*, *le-Bec*, cui nomen à *Bec*, hoc est promontorio terræ in quo jacet, ubi duo flumina conflunt; *Bec-Herluyn* vocatur, propter abbatiam ab *Herlum* *Magnate* *Normanno* fundatam; *Cormeilles* ad ripam fluminis exigui *de Calonne* abbatia cognomini annectitur; *Bernay* ad flumen *Charantone*, dives locus ac fertilis, unâ cum abbatia; *Dive* nomen sumpsit à flumine vicino de quo supra, cujus ad ostium *Christi Cruci* affixi extat imago, peregrinantium eò frequentia celebris.

Præter *Caen* *Vniversitatem*, in qua *Jus Civile*, *Sacrumque*, *Theologia*, *Medicina*, artesque liberales docentur, à Pontificibus & à *Carolo Septimo* confirmatam, patent artium collegia & magnæ scholæ *du Mont-cloutier*, aliaque. Scholasticis ibidem initiatis, & ad *Gradus* promotis, idem jus ad obtinenda beneficia suo tempore, quod illi qui promoti fuere *Parisiis*. Sequitur *Comitatus de Perche*, quem olim *Normanniæ* partem fuisse nonnulli autumant.

*Ducatus
Norman-
niæ,
Alençon,
Aumale,
Elbœuf, E-
ureux, Lon-
gueville,
Estouteville,
Longueville.*

*Marchio-
natus.*

*Octo Nor-
manniæ Co-
mitatus Co-
ronæ an-
nexi.*

*Comitatus
ad particu-
lares perti-
nentes.*


*Baroniæ
Norman-
niæ.*

Conventus.

Academia.

C O M I T A T V S P E R C H E N S I S.

Nomen.



Fines.

Divisio.

Flumina.

Sarte.

Orne.

Dive.

Ager Perchenſis variorum flumini-
num inde orientum fontibus
clarus, recens nomen accepit
admodum diverſum à veteri;
vocabantur olim incolæ *Vnel-*
li vel *Aulerci*, qui forte partem
ejus incoluere, ambo ſub Cel-
tica Lugdunenſi continentur.

Carnotenſe, & Vindocinenſe territoria huic à
Meridie adjacent; Cenomanenſe, vulgo *le Mai-*
ne, ab occidente, ab oriente vero ac ſepten-
trione Nortmannia. Vnde fit ut aliqui hos
populos Nortmannis annumerent. Pars agri ſi-
ta in Ducatu d'Alençon, Rothomagenſe Parlamen-
tum; pars altera in Carnotenſi Baillivatu, Pari-
ſienſe, Iudicem agnoſcit; olim Neuſtriæ aſcri-
bebatur: ejus incolæ, vicinis in agris imperitanti-
bus quatuor Episcopis ſubjacent, de *Sées*, de *Char-*
tres, du *Mans*, & d'*Evreux*.

Dividitur in ſuperiorem & inferiorem: Infer-
rior antiquorum dominorum nomine *Perche-*
Gouet inſignitur. Superior Comitatu conſtat, hinc
vicinum *Verneuil*, ubi à Nortmannia; illinc *Memers*,
ubi ab agro Cenomanenſi ſejungitur. Nonnulli
quatuor in partes dividunt, in Terram Gallicam,
Perchenſe majus, Perchenſe minus, vulgo *le*
Perche-Gouet, & terras inde diſtractas. Terra Gal-
lica ipſa eſt, in qua extat Turre grifea Vernolien-
ſis. Ab urbe, & Normannia flumine d'*Aure*
dividitur; ejus curia, cui nomen Gallica, Pari-
ſienſe Parlamentum ſolum agnoſcit. Perchenſe
majus, quod communiter Perchenſe territorium
dicitur. Continet urbes & Caſtra regia de *Beleſme*,
Mortagne, *la Perriere*, & *Nogent le Rotrou*. Le *Per-*
che Gouet conſtat Baronis d'*Auton*, *la Baſoche*, *Mont-*
miral, *Alluye* & *Brou*: ejus lites ad Iudicem de *Iain-*
ville vulgo ſpectant: terræ diſtractæ hæ ſunt,
Château-neuf in *Timerais*, hujus agri caput, ita vo-
cati à *Thimer* parvulo vico: Hæc oppida continet,
Senonches, *Bazoches* & *Champront*, moribus ac legi-
bus à cæteris diverſi, & à reliquo agro in favo-
rem Ducis de *Nevers* diſtracti, ſub titulo Man-
tue Principatus. Ita inter Regem & ultimi d'*A-*
lençon Ducis hæredes conventum eſt.

Præcipua flumina ſunt, *la Sarte*, & *l'Huygne*,
præter quas *le Loir*, *Orne*, *Braye*, *Eure*, & *Aure* inde
oriuntur. *La Sarte* ibidem fontem habet nomine
Sommeſarte inter *Soligny* & *Saint Eſtiennes*, & per
Longpont & *la Meſle*, Nortmanniam dividit ab
agro *le Perche*, admiſſis in alveum fluminibus
de *Pontpercé* & d'*Euine*, præterita urbe *Meſle*, præ-
terit *Barville*, paulo inferius flumen d'*Autreche*
admittit, inde præterfluit *Alençon*, *Fresnayé*, *Iail-*
le, *Vivain*, *Beaumont le Viſconte*, *Saint Marceau* &
la Guersche, in eum demum ſe flumen *Orne* exone-
rat ab agro de *Soiſay* ortum ducens, & inde ur-
bes *Suré*, *Origny le Roux* & *Peray* præteriens prope
Dive flumen, quod præter *Memers* deſcendit au-
Balon & *la Sarte* ingreditur, quod muros urbis *Ce-*
Gallia.

nomanenſis præterlabens, & poſtmodum *Huy-*
gne conjunctum, præteritis *Noyens*, *la Suſe*, *Ma-*
licorne & *Sablé*, conjungitur flumini *le Loir* in *An-*
degavenſi agro. Le *Loir* ortum ab agro *Des Loir*.
Corvées nomen à fonte, lacu, & abbazia du *Loir*
ducit, ſtagna de *Cernay* præterlabitur, prope *Ville-*
bon ad *Illiers*, ubi admittit Rivum de *Montigny* orien-
tem à ſtagnis de *Tiron*, & præterlapſis *Châteaudun*,
Claye, *Vandosme*, *Lavardin* & *Montoire*, flumini de *Braye*.
Braye conjungitur, quod à caſtro de *la Greve* ortum
Theligny ſublatur, rivum ſibi non abſimilem
labendo excipit, poſtmodum alluit *Vibraye*, *Gué de*
Lawray, *Savigny ſur Braye*, *S. Calais* transmittit *le*
Mayne, *l'Anjou*, *la Fleſche*, *Duretal*, & *Liſle S. Aubain*
prope *Angers*, demum admiſſis *la Sarte* & *le May-*
ne, ad *Bouchemayne* in *Ligerim* influit, cum quo
Meridionale Britannia mare ingreditur. *Eure* in *Eure*.
Perchenſi majori oritur, inter *Nully* & *la Lande* aquas
de *Vanpillon* & de *la Loupe* excipit, cœnobium mo-
nialium de *Bellommer* præterfluit, & extra nati-
vum ſolum uſque Carnutum progreditur, ubi
flumini *Ligeri* terga vertens, præterlabitur *Iouy*,
Maintenon, *Nogent le Roy* & redit in Perchen-
ſe ſolum; occurrit *Aure* ex ſylva ejusdem ru-
ris orienti, prætergreditur *Cheſnebrun*, *Verneuil*,
Tilleres, *Nonancourt*, & multis in locis Franciam
à Nortmannia dirimit, flumen utrumque con-
junctum, præterlapſis, *Anet*, *Baſſy* & *le Vau de*
Rueil in *Sequanam* irruunt ad *Pont de l'Arche*, ubi ab
æſtu ſeptentrionalis Oceani excipiuntur. Flumi-
na de *Comeoche* & *la Iambée* ingrediuntur *l'Huy-*
gne, prope locum cui nomen *le Moulin Cheureul*.

Hoc in agro tres ſylvæ regales ſurgunt. Primæ *Sylve*.
nomen regionis inditum, *la Forest du Perche*; Alteri
Reno, intra quam cœnobium Cartuſianorum du
Valdieu: tertiæ de *Beleſme*, arborum præſtantia &
abundantia cæteris longe antecellenti; in qua
Monasteria Sancti Martini du *Vieil-Beleſme*, & de
Cheſne Gallon cum Prioratibus de *S. Lienard de la*
Cheſe, & aliis: in medio hujus ſylvæ à *Beleſme* ad
Mortagne eunti fons occurrit nomine *la Herſe*,
aquis ad medendum variis morbis ſalubribus, ni-
hilo aquis de *Pouques* & de *Forges Medicorum* ju-
dicio inferioribus.

Præcipuæ urbes ſunt *Belleſme*, *Mortagne* antiqui *Vrbes*.
Comitatus, *Nogent le Rotrou*, & *la Perriere Mor-*
tagne publicis privatiſque ædificiis, & amplo mu-
rorum ambitu clarior eſt; *Belleſme* vero, dignitate:
propter viginti duas ſupremas Juſticias, vernacule
vocant *hautes juſtices*, octuaginta feudos, agri
amplitudinem, arcem admodum antiquam, &
horreum ſalis non aſpernandum; ex utraque
conſtat unicus Baillivatus: cujus Præſes, ſeu Præ-
fectus, ſagatus, hoc eſt vernacule de *Robbe cour-*
te, *Mortagne* reſidens, ab incolis utriuſque agno-
ſcitur: in ſingulis ſedibus vices ſuas gerentem, ſeu
ut vocant ſub-Pratorem habet. *Belleſme*, *Morta-*
gne & *la Perriere*, tres ſedes & Caſtra regalia ſunt.
Nogent le Rotrou, vulgo caput Perchenſis inferio-
ris,

K k

ris, seu *Perche Gouet* habetur, tametsi in divisione quatuor agri partium non contineatur. Ingens oppidum, tribus ecclesiis clarum, modò Ducatus d'Anguyen le François. Sunt nonnulla præterea loca, nimirum *Fenillet*, *Mauves*, *Roux Maillard*, *Condé sur Huygne*, *Ceton*, *Villeray*, *Preaux*, *Le Tail* &c.

Qualitas.

Ager, magnam partem fertilis, omnis generis frugum, pascuis pinguibus abundans, pratis & collibus, fontium rivorumque copia peramœnus. Perchense territorium non late patet, nec ideo multum à vicinarum regionum moribus diversum.

Mores.

Nogent le Rotrou, propter merces, maxime pannorum, telarum & coriorum dives.

Duodecim ibi Marchionatus erecti sunt, *Graville*, *Neubourg*, *Nonant*, *O*, *Courtaumer*, *Canisy*, *Beuvron*, *la Londe*, *Thury*, *Manny*, *Alegre* & *Vernueil*.

Le *Perche*, quo ad jus, Parisiense Parlamentum; quo ad spectantia edictum, Curiam Præsidialem *Chartres*; quoad tributa & subsidia, Cameram Supputationum & subsidiorum *Rothomagensem* agnoscit; congregantur Status regionis in *Bellesme*: in Generalitatibus *Perchensis* inter *Aurelianenses* annumeratur.





BRITANNIA,

vulgo

DUCHE de BRETAGNE.

Opinio de
origine no-
minis.

N magno errore ver-
santur, qui sibi persua-
dent, quod Britannia
nomen suum sit mutua-
ta de nomine Angliæ,
quæ *Britannia Magna* vo-
catur, & *insulana*, vel
transmarina. Scriptores,
qui enumerant populos
des Gaules, sive *Gallia-*
rum, testantur, Britones, *Bretons*, sic fuisse no-
minatos, priusquam Cæsares, Oceanum trans-
gressi, in hanc insulam Oceani maximam ditis-
simamque, victorias intulissent suas. Rationi ma-
gis est consentaneum, Britones Galliarum, de-
victa insula *Albion*, quæ Anglia est, nomen *Brit-*
tannia huic dedisse: contra quam Romani, qui
sibi nomen à devictis vindicare solebant. Ut
sit, compertum est, hujus Britannia civitates
dictas fuisse *Armoricas*; hoc est, maritimas, tem-
pore Iulii Cæsaris; eo quod, sitæ quum essent
illæ ad oram alicujus tumuli vel sinus terræ,
iter pedibus facere non dabatur, mari inturgen-
te; neque navi, undis minuentibus, & illa in
sicco hærente: ut adeo summa esset difficultas,
seu illo, seu altero statu, ad ipsas appropin-
quandi. Enimvero, quum cogerentur sese ac-
commodare iisdem legibus, quibus aliæ Gallia-
rum tenebantur Provinciae, gubernati sunt sicut
alii populi, qui per Gubernatores Romanos Im-
perio subacti: donec Tyrannus, nomine *Maxi-*
mus, se proclamaret Imperatorem *Magne Britan-*
niae, Galliasque, Comites inter, & Nobiles, quo-
rum ille fortitudinem & fidelitatem erat exper-
tus, dispertiretur. Qui idem *Parvam Britanniam*
Conani dedit, tribuno suo. *Conan* hic, regem
sefe facturum, hoc tam facile præstare se posse
fidebat, quam patronus suus Imperatoris maje-
statem assumsisset. Ergo, sumpta corona, sce-
ptroque, parvam Britanniam titulo regni posse-
dit. Quam auctoritatem hæredes filii servare co-
nati alios, qui Coronæ Galliarum erant proximi,
interemerunt. Verum *Clodovæus Magnus* tan-
dem illos devicit, titulumque regium, & insi-
gnia sustulit ab illis, Comitumque nomen assu-
merent, coëgit, sibi que coronam relinquerent.
Abinde hi, & deinceps, prout ipsis theatri for-
tuna favit, modo reges, mox comites, ducesque,
fuerunt; nunc sceptrum in manu, in capite co-
ronam, gestarunt, aliàs ad pedes regum Fran-
ciæ dejiciebantur, apud quos clientelarem fi-
dem profiterentur. Tandem *Annæ* matrimo-
nium, quæ filia fuit unica *Francisci*, postremi
Ducis, cum rege *Ludovico XII* initum, hos
liberavit ex omnibus istis incommodis, & Fran-

cicæ coronæ firmiter feliciterque Ducatum hunc
annexuit.

Latitudo Ducatus Britannia extendit se à qua-
dragesimo quinto gradu cum dimidio ad quadra-
gesimum septimum & dimidium: longitudo ab
undecimo & dimidio ad decimum quintum cum
dimidio: id est, usque in Gallicas leucas centum
viginti: circuitus ducentarum circiter est leuca-
rum. Ejus diameter, à *S. Malo* ad extremitatem
terræ de *Rez*, leucarum est quinque & quadragi-
nta; & à *Conquest* ad *Vitré* usque, sexaginta quin-
que. Formam habet peninsula, *Plinio Specta-*
tior peninsula dicta; formam item equinae soleæ,
cujus rotundum exterius, hoc est, concavum,
respicit mare; interius, sive convexum, conti-
nentem.

Britannia non tantum perluitur *Ligeri*, *Loi-*
re dicto, qui transit ab extremitate saxi d' *Ingran-*
de; sed etiam perluitur à flumine *Cæsson*, quod
hanc à *Normannia* discernit; à flumine *Vilaine*;
quod transit à *Rennes* Provinciae capite, ubi ad-
mittit flumen *l'Isle*, sive *Lelle*. Pelluitur & à *l'An-*
dre, quod apud *Nannetum* in *Ligerim* se pro-
volvit; à *la Seure Nantoise*, id est, *Separa*, quæ
transit à *Cliffon*. Pelluitur à *Lelle*, quod transit
à *Quimperlay*; ut *le Rance*, Rinctius, à *Dinan*, cir-
citer à *la tour Solidor* in mare labens: à *Solidor*,
Oude, *Loques*, *Blavet*, aliisque minoribus.

Hæc provincia copiam habet rerum omnium,
non solum eximiarum, sed & rararum, quæ
alibi non est reperire. Agri oppidò quàm exo-
ptatissimam ferunt culturam, & inprimis, ma-
re secus. Pratorum dives est supra modum.
Habet nemora, quæ dant arbores, & pabula-
tionem: sylvæ omnimodam materiem submi-
nistrant. Lac, butyrum, fructus, fruges, se-
mina, grana, ficera, potus è piris, & pomis,
cerevisia, captum superant. Vini indigenis nulla
copia, neque delectamentum: Gallica vina,
Andegavense, *Gravense*, & *Burdegalense*, è
cellaque *Gasconia*, defectum omnem explent.

Litora, ripæque, tantam piscium copiam ex-
hibent, ut ne quidem *Orientis* maria taleis un-
quam cognitos habuerint. Heic inveniuntur del-
phines, heic acipenseræ, heic thunni, heic ma-
rini porci. *Laprisæ* qui vocantur, nonnisi pro
regibus habentur egregii. Sed & alii occurrunt,
regalium nomine; salmones item. Sunt & haleces,
& sardines, qui suis temporibus littori sese prosti-
tuunt, & capturam ferunt, agminatim. *Rouget*
hic, seu rubellio sit, seu mullus, non alibi com-
paret, quam apud *Vennes*. Alius singularis piscis
habetur, *Marseille* imperador dictus: huic *Britan-*
ni nomen fecerunt *de Gracieux seigneur*. Denique
sunt qui *crabans*, vel *carabans*, dicuntur, qui iidem
inter

Tyrannus
Maximus
magne Bri-
tannia Im-
perator.Conan par-
vus Britan-
nia rex.Clodovæus
Magnus.

inter Britannos *brevaches*, formâ avem marinam *canjard* assimilantes: nigro colore. Non certo liquet, an hi caro sint, vel piscis. Horum generatio talis commemoratur; Magna navigia, quæ refinâ, pice, gommibus, ceratâ pice, aliter, aliter, ferruminantur, hæc quando per annos in oceano continuant, gignunt exterius massam vel crustam, adhærentem medio navis, quæ tandem acquirit avis formam, tandemque vivit, & rostro suo aquæ imminet, donec in mare labatur, quando confestim se subducit.

Sal. Circa *Prignoy*, & in *Prignoy*, habentur salinæ, quibus sal crassus conficitur, indeque per Britanniam & vicinas provincias eum distrahunt mercatores. Tales salinæ sunt & in *Belle Isle*, in *Finniac*, interque *Dol* & *saint Michel*.

Fodine. Fodinarum raritas nulla. Sunt enim inter *Chasteau Briant* & *Martigne*, ferri plumbique. Argentique fodinæ non desunt suis locis. In dominio de *Salles* est regio montosa, habens scaturigines fabuli auriferi, & aquæ præ se ferentis nonnihil odoris, antimonii. Eodem in colle inveniuntur frusta sulfuris, antimonii, petrarum rufarum, cum quantitate cupri, cui subinde stannum, cum alia terrâ, colore distinctâ cæruleo, adhæret. Omnes hæc petrae sunt, tenaces & bituminosæ, non absque sulfuris odore. Alius collis habet copiam talci, & ammianthæ, sive aluminis plumati, quod instar speculi à solo radiati splendet. Creditur, hoc esse petram asbeston antiquorum. Iaspides, qui fodiuntur, sunt graves, & virore magis nigricante, quam rubefcente, perfusi. In Britannia est abundantia pyritæ lapidis, qui marcasites appellatur. Heic purum crystallum, & serenum. Heic alia rara. Vt in opulentis fodinis de *Vulgoët*, quæ sunt à Ducibus Britannia excitata. Vt in secessibus montis *Menedalhoeb*. Vt in amœnitatibus nemoris de *Bresselian*: ubi lustratur adhuc *le Perron-Merlin*, antiquum delectamentum vacantium equitum; ubi fons de *Balanton*; ubi alia, quæ curiositate digna. Vt in antiquitatibus nemoris de *la Humandaye*. Vbi est nemus nigrum; lapicidina, de *Succinne en la Belle Isle*; aqueductuum canales de *Dol*; priscae testudines vel arcus inter *Rieux* & *Redon*, torrens subterraneus in nemore de *S. Aubin du Cormier*; exquisita fluminis d' *Ardre*; lacusque de *Grand-lieu*, prope *Condivin* cum seu *Nantelium*; lacus alius *Guippeel* in territorio de *Remes*; ubi multi chelonitæ, sive gemmae bufonis, *crapaudines* dictæ; item lingua serpentis; qualia diversis proprietatibus efficacia sunt, ac remedium contra venena præstant.

Mores.

Vicinitas maris reddit hos Britannos non satis civiles vel comes. Quo longius remoti sunt alii, hoc politiores sunt, & melius morati. De reliquo, universi sic satis sunt sociabiles, & non malæ conversationis; cauti tamen & subtiles re ipsa, bardaque indole. Quæstum amant, & cauponam: hic omnes illorum curæ & mercaturæ expediuntur; emptio, venditio; controversiarum actio, processus, & terminatio. Pietate & devotione fervent, dediti religioni: non pronâ benevolentia in Normannos.

Lingua.

Alibi nos indicavimus opinionem, quæ sustinet, quod lingua vetus *Gauloise*, id est, Gallica, fuerit antiqua Britannica; quæ in inferiore Britannia.

tannia, & in terra de *Walles* in Angliâ, pro una è linguis capitalibus Europæ, conservatur; quod ipsum indicavimus quoque. Hanc opinionem sequuntur & antiquarii ipsi Britannorum. Hanc roborant illi quarundam vocum usu, quæ manent communes ipsis *Bretons*, vel *Bretonnans*, & ipsis *Gaulois*. *Mor*, id est, *mare*. Hæc vox conservatur in nominibus, *Morbihan*, *Larmor*, & *Morlaix*. (quæ sunt loca maritima) item, in antiquissimo & primo nomine terræ *Armorica* dictæ, *Britanni*, & *Angli de Walles*, perinde eam conservant. Leonenses Britannum judicant suaviorem & eloquentiorem propter magistros linguæ. Wallones Angliæ, Leonenses & Kimpercotentineses, intelligunt se invicem optime, eodem modo verba formantes. Quod fatentur Anglici scriptores: at, Cameracenses, vel Wallones, intelligi ab Anglis, iidem negant.

Opulentia Britannia consistit in magno commercio, quod cum externis nationibus exercent incolæ. Vt incolæ de *S. Malo* cum Lusitanis, in frumento, tritico, in telis lini, telis lanæ cum lino, in telis *boldavid* dictis, è quibus vela nautica parantur: alia grandia mercimonia asportantur in Flandriam. E territorii de *Nantes*, *Blavet*, atque *Pigueley*, aliò afferuntur omnigenæ telæ candidæ, frumentum paradisi, cardamomum dictum, pruna Damascenis æmula, castanæ. Ex *Pigueley* petuntur coria de *Lamballe*, *parchemins de Lamballe* dicta, quæ præstat pecorum immensa copia: salis indidem permagna mercatura frequentatur. In territorio circumcirca d' *Ancenis*, cui latæ silvæ circumjacent, compinguntur navigia marina numero indicta. Immenso navis illa, *la Nompaille* vocata, sub Rege Francisco I, & alia, regis Henrici II, *le grand carraquon*, illic constructæ sunt. Verum sunt desertæ, quod prægraves essent ad regendum. Oppidum *Nantes*, ob ditissima reconditoria, vel mercatorum apothecas, nulli totius regni cedit. Mercatores Hispani, aliique, in telis potissimum heic, & quidem cum aliis Britannia urbibus, negotiantur. Eadem quæ regi eximios redditus præstat, præter officiorum pensiones, aliaque extraordinaria emolumenta, Societas generalis mercatorum Franciæ, per longinqua itinera Orientis & Occidentis, sedem cepit in *Morbihan*, autoritate generali Eminentissimi Cardinalis Ducis de Richelieu.

Vires Britannia non obiter è divitiis ejus, nec leviter, est existimare. Arces, munimenta, terrâ marique clarissima, re machinaria & navali instructissima, sub strenuis, marique terræque expertis præfectis, satis indicant, quantas inde suppetias Rex, si quid opus foret, habere queat. Municipium de *S. Malo* heic excellit. Illud de *Vannes*, cum sua modica republica antiqua, fuerat alioqui potentissimum; cujus numerosæ naves Angliam frequentabant, ac omnes, qui illo utebantur mari, vectigales faciebat. Polybius, & Strabo, affirmant, Venetias ortum suum ex hoc *Vannes* habere.

Britannia partim superna est, & partim inferna. Superna, est pars orientior. Quæ separatur ab inferna, ducendo lineam à *Bourg du Chasteau*, *Andron*, eamque continuando *Quintin* inter & *Cowlay*, versus extremitatem du *Golfe de Vannes*, usque ad flumen de *Vilaine*, ita

Ll

ut

ut *St. Iean* infernæ Britanniaë maneat inclusum.

Lingua. Britanniaë lingua duplex est. Francica tribuitur supernæ, *Langage le bas Breton*, vel *Langage Breton bretonnant*, internæ. Dioeceses *Cornuaille*, *S. Pol*, & *Treguier*, utuntur lingua *Bretonne*. Incolæ de *Dol*, *Rennes*, & de *S. Malo*, quia lingua Francica utuntur, nomen habent *Bretons-Galots*. Sed incolæ de *Nantes*, de *Vannes*, & de *S. Brien*, mixtam linguam habent, vel potius utramque, modo Francicam loquentes, modò *Bretonne*, scientes ambas, & intelligentes.

*Civitas
Rennes.*

Primaria civitas Ducatus Britanniaë, *Haillan* dicti, est municipium & Episcopatus de *Rennes*, Latinis *Redonum* civitas, metropolis Britanniaë. *Ptolemæo* *Condata* vocatur. Nonnullis *Rubra*, quod credatur, antiquitus eam habuisse muros è lateribus, qui rubrum colorem ferunt, constructos. Cujus rei vestigia cernuntur adhuc in maceriebus veteris civitatis. Circuitus externus est ter mille quadringentorum quinquaginta graduum, gradus autem, duorum pedum & dimidii. Quantam habitationis amplitudinem nulla Britanniaë civitas habet. Populosissima est, & per-vetus. *Iulio Cæsari* nota fuit, ac celebris. Huc ille misit *Iunium Crassum* cum præsidio. Hodie sedes est Parlamenti totius Provinciaë, cujus Præfides & Consilarii partim Galli sunt, partim Britones. Hinc jura petuntur per provocationem à tribunalibus primariis quatuor, *Rennes*, *Nantes*, *Vannes*, *Quimpercorentim*. Erectum est hoc Parlamentum anno *MD LI*. Quod constanter in fidelitate & obedientiâ erga suos Principes perseveravit.

Situs.

Civitas hæc ab omnibus rei militaris peritis habetur pro forti; commodissimæque sita est, ut recte defendere queat sese, habens fortissima moenia & valla, magnas turreis, cum fossis magnis & profundis: ut adeo paucae urbes in Gallia sint, quæ huic possint æquiparari. Situs urbis propè in planicie est, parumper declivis: quæ alluitur à duobus fluminibus, (quæ & suprà commemorata,) de *l'Isle*, & de *la Vilaine*, sive *Viglaine*. Hoc *Vilaine* olim fuit majus. Sumit originem suam in territorio *du Mayne*, & secus muros de *Vitré* (quod exiguum oppidum) descendit ad *Rennes*; ubi divisa aqua, uno brachio transit inferiore urbem, altero volvitur in fossas moenium, ut redeat ad *Redon* portum, & illac sese in Oceanum exoneret. Veteribus Geographis *Vidiana*, *Vigelania*, *Vicenonia*, est hæc ipsa *Vilayne*.

Flumina.

Vilaine.

Hoc flumen est navigabile. Et nomen ex omne habet. Nam est receptaculum immunditiarum, vicorum impurorum, & macellorum. Quæ remanent, à corvis continenter distrahuntur in passionem suam. Absque quo foret, aer inde inficeretur. Quæ causa est, quod lege prohibitum apud *Redonenses*, necare corvos, seu beneficos vicinos suos, ac sequestros sanitatis.

*Chasteau
Giron.*

Ad tertiam leucam de *Rennes* aperit sese *Chasteau Giron*, arx spectabilis & perfortis, eximium castellum. Familia nominis hujus eam longo tempore possedit, quæ progenit fortissimos viros: donec in familiam abiit de *Malestroit*, posteaque de *Acigné*, minorem natu de *Vitré*.

Ad alteram leucam *du Chasteau Giron* lustrare *Port Redon*, est portum *Redon*, portum marinum bonum, qui castello munitus forti, condecoratus Abbatia de *S. Saviour*, in territorio & limitibus de *Rennes*.

Episcopi de *Rennes* ac de *Nantes* sunt in Parlamento Britanniaë genuini Consilarii vel Senatores, & quidem per erectionem ipsius Parlamenti; habentque vocem deliberativam in civilibus processibus, & similibus controversiis in eo proponi solitis. Hoc ad exemplum Episcopi *Parisiensis*, & abbatis *S. Dionysii* in Gallia. Qui prærogativam habent eandem in Parlamento *Parisiensi*, quam singuli Pares Ecclesiastici. Ceteri Prælati, pro honore dignitatis, accessum solummodo, ac decentiam à dextra manu Præsidentis habere sunt soliti, in diebus audientiarum, & quidem sine permissione, sine licentia, iudicium proferendi suum, nisi hæcenus per intercedendum viginti annorum heic fuerint Senatores.

In statibus Provinciaë pertinebant quidem primæ sessiones ad Episcopos hujus Episcopatus *Redonensis*. At hoc non confiebat sine controversia in hujusmodi conventibus. Nam, certatim invicem invidentes, in varianteis decentias inciderunt. Decentia supra cunctos alios, & jurisdictionis super totam Provinciaem Britanniaë, spectabat ad Seneschallos hujus civitatis *Redonensis*, qui tenent locum primum iudicaturæ inter Status æqualis tituli, nihil quam Comitatum de *Nantes* excipiendo. Ordo hic & distributio justitiæ comperitur hanc auctoritatem habere à tempore usque *Conanis Meriadez*. Quæ postea confirmata & renovata fuit per *Conanem Iuhælis* filium, fratrem *Martini Redonensis*. Etiam comperitur subinde, qui tenuerunt dictam qualitatem Seneschalli *Redonensis*, vindicasse sibi qualitatem Iudicum universalium vel generalium provinciaë, usque ad parentum nostrorum tempora. Posthac cœperunt mutare politias, pristinaque instituta, quæ recepta fuerant & approbata per sæcula. Hinc confusio nobis, hinc ruina, turba, fastidium, justitiæque magistratuumque.

Dominatus hic, qui & Episcopatus, priscus Comitatus *Redonensis*, sedes Principum suprema, ex se habet tres Baronias, *Vitré*, *Fougeres*, *Chasteau-Briand*.

Vitré, exiguum oppidum, sed egregium, & dives. Cui moenia dedit anno 1448 *Anna de Laval*, Baronissa loci. Hæc Baronia est assignatio perpetua *Iuhælis*, Comitissæ *Redonensis*, quam *Iuhælis* filio suo, *Martino de Rennes*, minori natu, dedit in patrimonium gentilicium, anno 992. Hinc descendit domus de *Vitré*.

Non procul ab hac Baronia de *Vitré*, secus limites, altera jacet, septem leucas à *Redone*, *Baronie de Fougeres* dicta. Quæ & ipsa est assignatio Comitissæ *Redonensis*, olim data in patrimonium natu minori filio *Meen*; unde ille sumit sibi cognomentum gentilicium Baronis de *Fougeres*; quod ipsius posteritas per complura secula continuavit.

Tertia Baronia sub eodem Episcopatu, plus ultra in continente, civitas est & castellum de *Chasteau Briand*, Baronatus antiquus, possessus aliàs à Domo de *le Beuf* & de *Briand le Beuf*, dehinc appellatus *Chasteau Briand*, ut quidam: deinde perve-

*Episcopi de
Rennes.*

*Status pro-
vinciae.*

*Comitatus
& Episco-
patus Redo-
nensis, cum
tribus Baro-
nibus suis.
Vitré baro-
natus.*

*Fougeres
baronatus.*

*Chasteau
Briand, ba-
ronatus.*

*Quatuor
ass.*

*Guerrande
oppidum,
cum Portu
de Sallé.*

*Portus
Croisy.*

S. Nazaire.

*Hevain.
Pomich.*

*Estua-
rium la
Baye.
Bouin ins-
la.*

*Lacus
Grand lie.*

*Flumen
Tenu.*

*Civitas
Ancenis.*

*Nannet
Universi.*

*Clisson
145.*

Pervēnit in domum de *Dinan*, d' *Avougour*; & per confederationem lapsus est in domum de *Laval*; non pridem in manum & possessionem Ducum de *Montmorency*, dono à Domino *Iohanne de Laval*, Gubernatore Britanniae, datum à Domino *Annæ de Montmorency*, Comestabili Galliae.

Quatuor
aut.

Alii sunt Baronatus quatuor, quos ad solemnem ingressum episcoporum in urbem *Nantes*, oportet apparere; & ordine quidem istoc; *Raix*, *Pont-chateau*, *Ancenis*, *Chateau Briand*.

Guerrande
oppidum,
cum Portu
de Saily.

Sub *Nantes* Episcopatu sita est civitas de *Guerde*, cum portu *Saily*, ad mediam leucam distante: veteribus est aula *Quiriaca*, pars territorii olim *Aulercorum*. Civitas esset satis bella & amœna, n̄ palustribus esset circumdata; è quibus plebs vulgi fodit glebas terreas, quas pro lignis adhibent foco; quod in locis maritimis rarum est plerumque.

Portus
Croisy.

Non longe abhinc portus est *Croisy*, primum *Trofic*, ut nonnulli, vocatus.

S. Nazaire.

Abinde offenditur *Saint Nazaire*, situs portus in litore occidentali ad ostium de *Loyre*. Vbi &

Hevain.
Pornich.

portus *Hevain* est; deinde *Pornich*; ubi æstuarium est periculosissimum; quod extendit se adusque

Æstua-
rium la
Baye.
Bovin insu-
la.

Burgum de Bourgneuf & *Monstiers*, non procul ab insula *Boum*. Hæc finem dat Britanniae ex hoc latere, in margine communi posita.

Lacus
Grand lieu.

In loco, ubi videre est lacum de *Grand lieu*, extabat magna urbs *Herbauges*, quæ, propter indignitatem factam *S. Martino de Vertou*, qui fuit *Diaconus S. Felicis*, voragine devorata est, & hoc lacu contestata. Hic lacus exit in sex leucas per circuitum, & illabitur in flumen *Tenu*, parvum, sed profundum; quod petit *Ligerim*. Ex adverso latere ejusdem fluminis, septem leucas supra

Flumen
Tenu.

latere ejusdem fluminis, septem leucas supra *Nantes*, in eodem Episcopatu, est civitas *Ancenis*, antiquitus clausa. Territorium hoc facit separationem inter Britanniam & inter saxum d' *Ingrande*. Apud *Ptolemaum* locus vocatur habitatio *Samnitarum*. Hi erant antiquitus domini aliquot insularum ad oram Britanniae, infra ostium *Ligeris*.

Civitas
Ancenis.

Nannetensis
Universitas.

Nannetes ab *Universitate* literata ornamentum habet; quam *Pius II*, magnus amator literarum, crexit. Largitus eadem est privilegia, quæ *Bononia*, *Sena*, *Lutetiaque*, habent. Quandoque inventa sunt ibi nonnulla monumenta, & vetustæ inscriptiones lapideæ. Quæ fidem faciunt & antiquitati & literaturæ. Ex illis istæc est quæ sequitur:

NVMINIB. AVGVSTOR.

DEO VOLIANO.

M. GEMEL. SECVNDVS ET C. SEDAT.
FLORVS ACTOR VICANOR. POR-
TENS. TRIBVNAL C. M. LOCIS EX STI-
PE CONLATA POSVERVNT.

Clisson, civi-
tas.

Ad quinque leucas à *Nantes* situm est municipium de *Clisson*. Quod titulum dat dominis *Domus de Clisson*. Inter quos Dominus *Olivier de Clisson*, Comes stabuli Galliae. Qui magnifice illud auxit, clausum & circumdatum bonis mœnibus, cum exiguo castello, in primis forti tamen, & defensionis apto. Ingressus illi tantum à latere oppidi, eo quod excelsæ rupi incumbat; ad cujus radicem trans-
Gallia.

labitur *Serre Nantoise*, hoc est, *Separa flumen*, in *Ligerim* illapsurum. Hæc diœcesis continet cc lv parochias, i x abbatias.

Venetia, *la Vannes*, nomen habet nonnullis à *Vannes*, *Guennet*, quod *Britannice* sonat id quod *Gallis* *Bledblanc*, hoc est, *Blancblé*, candidum frumentum. Cujus territorium hoc fertilissimum est. Alii existimant, à *Venna* venire, quod nominis in veteri *Gallica* lingua sonat idem quod in hodierna *la Pesche*, *Piscatio*, quoniam pisces marini singulares heic capiuntur, inter quos *rubellio*, *aurata*, *mugil*. *Venna Caroli*, *Helgardo*, vetusto auctori, est, *Piscatio Caroli*.

Hoc territorium olim nomen habebat *Broberrec*. Erec fuit minor natu *Domus & Comitatus* hujus territorii, qui vindicavit sibi *le Vannetois*, & *Vicecomitatum de Porhoët*.

Territorium
de Vannes.

Portus vicini hujus oppidi inter alios sunt *le Croisy*, & *Marbiliam*. Hæc nova civitas est, erecta negotiationi *Franciae* in insulis orientalibus, magnis privilegiis. Negotiatio heic floret, in præclaro portu. Ad duas leucas est insula de *Ruys*, cum castello de *Susinio*. Terra tam amœna, & habitantibus commoda, tam fertilis, jucundaque, quam ullus *Britanniae* locus. E regione est sinus maris, cum triginta parvis insulis, in quibus nulla unquam bestia venenata. Supra hunc sinum est civitas d' *Auray*, veterum *Arubiorum*.

Portus.

Insula
Ruys, cum
Castello.

Diœcesis de *Vannes* complectitur sub se *Parochias* centum & viginti, quatuor abbatias.

Civitas
Arubio-
rum.

E regione insula *Ruys* jacet insula de *Belle-Isle*, vetustum patrimonium comitum de *Cornouaille*.

Amplius
Diœcesis
de Vannes.

Belle-Isle, hoc est, *Calonesus*. Hæc insula ad sex leucas à ripa maris est remota; distans ab *Honnebond* & à *Cornouaille* circiter decem leucas; à continente quatuor. Circuitus est leucarum septem; longitudo trium; latitudo duarum. Includit quatuor *Parochias*, centum quadraginta vicos. Episcopos non accipiunt, sed obediunt uni, qui universæ ecclesiæ clavum regit, quem pro pastore suo ferunt. Qui pastor unum officialem habet. *Cuniculorum* abundantia venationem præbet libentibus non injucundam, & amœnam. Superius, versus agrum *Pictonicum*, est insula *l'Isle Dieu*, minor, minusque populosa. Hinc ultra, versus *Septentrionem*, insula de *Groaye*. Inter hanc & continentem extat scopulus pravissimus & periculosissimus: tametsi è contrario aliquamulti boni portus occurrunt, in quibus commercia permultum frequentantur è *Gallia*, *Anglia*, *Hispania*, *Flandriaque*.

Insula Bel-
le-Isle.

l'Isle Dieu.

De Groaye.

Quimper, & *Kemper*, sunt nomen civitatis, cujus primus fundator fuit *Corentin*, vir sanctæ vitæ, sub rege *Britanniae* *Gralon*. Ipsum Territorium & Episcopatus habent nomen de *Cornouaille*. Prisci habitatores apud *Cæsarem*, *Pliniumque*, erant *Curiositæ*, *Cariosuelites*, *Curosopitenes*. Apud alios veteres legitur nomen regionis *Cornubia*, & *Cornugallia*: *Cornugallia* quidem non tantum de hac, sed & de illa quæ in *Anglia* invenitur. Civitas ipsa *Corisopitum* illis, & *Curiosolitano- rum* civitas, sub Archiepiscopatu de *Tours*. Sita est supra sinum maris. Sub ipsam præterfluit amnis d' *Oder*, qui suas aquas dulcis amaro Oceani corrumpit. Ad ostium hujus sinus cernitur oppidum & promontorium de *Penmarch*, aliquam
M m multis

Quimper-
Corentin.

Penmarch.

Port Redm.

Episcopi de
Remes.

Status pro-
vinciæ.

Comitatus
& Episco-
patus Redo-
nensis, cum
tribus Baro-
nibus suis.
Vitræ baro-
natus.

Fongeres
baronatus.

Chateau
Briand, ba-
ronatus.

multis parvis insulis scopulisque circumdata. Sabulum heic paret subrufum.

Dioecesis de Cornouaille. Sex, & plures, si forte, abbatias, cum ducentis eximiiis parochiis, dioecesis de Cornouaille sub se completitur.

Promontorium du Four. In hoc Episcopatu Cornouaille, ad confinia regionis, detegitur promontorium Gobæum Ptolemæi, hodie Manethum, vel Menetumet, aliàs Finis terræ, vel du Four. Vbi est Burgum & abbatia de S. Mahé, ex una parte in Cornouaille, ex altera in Leon. Quidam vocant S. Matthieu de fine Poterne.

S. Mahé. Circiter hanc abbatiam initium sumit le Raz de S. Mahé. Qui est sævus vortex maris, scopulis terrificis ceu parvis insulis, ex utroque latere eminentibus, septus.

Concarneau oppidulum. Abeuntes è Kempercorentin, sive Quimpercorrentin, ob oculos habent oppidulum Concarneau, bono instructum propugnaculo, in maris ora situm: & respicientes versus meridiem, habent insulas des

Gleran & Moutons isles. Moutons, & de Gleran; oppidum Quemperlay situm supra flumina d'Elle & de l'Isle. Hinc flumen Elle præcipitat se in sinum, dans le golfe, eis νελπον, Blavet, infra fontem Scort, è fluxu & refluxu Maris ordinario increfcens. Pouffort, vel Pouffort, oppidulum est, in quodam sinu extructum. Hennebon bona civitas est, sita in triangulo terræ, circumdata mari, instar peninsulæ. Ad duas leucas ab angulo ejus est portus Blavet, vel Blavoët, è regione insulæ de Groaye. Inter hanc & continenter scopuli sunt periculosi. Hic portus Blavet, nomen habet à flumine Blavet, quo alluitur. Origo fluminis est prope locum de Grace, in dioecesi de S. Brieu. Petit locum Pontivi, & civitatem Hennebon, ubi ponte illud obtectum. Tandem ad portum Blavet sese in mare exonerat. Vbi facillime ad septem orgyas usque mare patet; ita tamen, ut scopulum periculofum Iument prima fronte habeat in oculis, alios item, qui secus ostium cernuntur. Hodie vocatur hic portus port Louys, unus è fortissimis totius oræ Britannicæ. In continente cernuntur oppida Pondogon, & Landerneau, sita in optimo fertilissimoque solo Britannicæ. Ab hoc Angulo trianguli de Hennebon in hoc littore reflectentes ad septentrionem, Leon habent, primum Episcopatum. Qui distat à littore pedum sex millia. Vbi Ptolemæus ponit portum Soli ocan, qui est portus Leon. Heic habitabant populi Ofissimii à Cæsare nuncupati, à Ptolemæo Ofissimi, Solino Sissimii, Strabone, Timii. Ab Antonino ipsa urbs vocatur Ofissimum; à Britonibus autem Ofissimor; priscis Legio, hoc est, Leon, Leonium, Leona; Gallis sæpe Leondol, & S. Paul de Leon. Leon erat Vicecomitatus; nunc Principatus. Sub hoc Episcopatu continetur le royal port de Brest. Brest, tam ratione situs, quam structuræ, fortisque urbs est, & forte ac superbum castellum. Habet meliorem portum, ac tutiorem, quam ulla alia Britannicæ castella. Situs ejus in magno sinu, in quem mare quatuor accessus habet. Versus septentrionem habet accessum per harre de Brest, portum de Brest. Versus medium inter septentrionem & occidentem habet accessum Landerneau. Versus occidentem habet accessum du Four. Versus meridiem habet accessum de S. Segal, & respicit meridiem versus Chasteau Lin. Hic accessus factus est in trian-

Blavet portus. Blavet portus. Groaye insula.

Iument scopulus. Iument scopulus.

Leon Episcopatus, & portus. Leon Episcopatus, & portus.

Brest, regalis portus, urbs & castellum. Brest, regalis portus, urbs & castellum.

gulum. Ad accessum septentrionis cernere est S. Mahé, de quo dictum supra. Versus meridiem est quoque Crandzon: ubi circiter sunt tres aliæ insulæ, & numerosi scopuli. Hoc latere urbs erat Vorganum, juxta Ptolemæum, cum portu Solio-can, qui est Leon. Notitia Imperii collocat ibi turmas præfidiarias, quas vocat Mauros Ofissimiacos. (Lemovices, quos Cæsar inter Armoricas commemorat, non sunt Lenovices, ut quidam putat, id est, Leonenses. Nam Leon tempore Cæsaris nondum erat nota, licet idem dicat quod Legion: quales plures erant; Legion, regnum in Hispania, aliud Legion in l'Isle.) Leon ergo sedes erat des Ofissimes. Hæc Dioecesis continet octoginta parochias, & abbatias treis.

Non procul à Leon occurrit le bourg de Rodeau, in promontorio. Vbi circiter est insula du Bas. Unde venit ad promontorium le Four; Veteribus Gobæum, sicut jam dictum. Aditum habet difficilimum; inprimis illis, qui legunt oras de Probanec, Burac, & Porfan, propter scopulos terræ vicinos. E regione de cap du Four est insula d'Ouessant. Paucos inquilinos habet hæc, propter erroneas piratas, Anglos, Hispanos, præsertim temporibus bellorum. Alioquin amœnissima est, & sufficiente magnitudine ad habitandum. Axantos hanc Plinius appellat, nomine non abludente; ut & alii Vxantis.

Qui transit Crandzon, offendet le bec de la Chevre; quod sonat, rostrum Capræ. Qua venit ad supra dictum Raz de S. Mahé. Inter hæc duo portus est & civitas Pouldouy: & ad alium portum vicus d'Audierne, & vicus de pont de Croix.

Totus hic Episcopatus loquitur Britonicam tersam, & elegantem inter magistros hujus.

S. Malo, id est, Fanum S. Maclovii, olim Aletha, & episcopatus est, fortisque civitas. Munitur eximio castello, quod Anna regina erexit. Sita est in scopulo ad maris oram. Hanc mare bis de die, tanquam insulam, circumdat: eadem deinde ripam quam proxime, nunquam tamen penitus, attingit. Emporium est hæc civitas, habens egregium portum; tametsi aditus est periculofissimus illi quem hoc fugit. Ergo munimentum habet hic portus, è quo terra, vel è terra ille, aditur, dum non est refluxus, per aggerem angustum & arte factum; qui agger le Seillon, nominatur. Incolæ negotiantur cum Hispanis, Lusitanis, Novis Terris, Tripoli Syria, & quaquaversum per omnia lata æquora. Militaris indolis sunt, & formidabilis in mari, hac ora certe. Magnus numerus heic navium onerariarum, Mercatorumque ex omni natione. Exigua civitas, at bene clausa. Ad magnam leucæ quartam partem extra oppidum fontes aquæ vivos habent, quos per canales vel tubos in oppidum deducunt. Sed & cisternas habent. Res machinaria fere est innumerabilis. Excubiæ, & lustratio excubiarum, perpetuò noctu grandibus Angliæ canibus, qui dogues nomen habent, non aliter atque militibus, exantlantur, ita ut gregarium habeant militem conductorem, ceu capitaneum, qui hos secus moenia circumducit. Mane diluculi reducuntur in locum oppidi, ubi sopiunt rabiem suam seu ferociam, quæ per noctem supra modum est immanis. Totus hic Episcopatus loquitur Gallice.

Crandzon.

Vorganum, cum portu Soli ocan.

Lemovices.

Sejembre, insula.

Cancalle burgum & portus.

Le bourg de Rodeau, insula du Bas, Cap le Four.

Insula d'Ouessant.

Monfort oppidum.

Bec de la Chevre. Raz de S. Mahé. Pouldouy. Audierne. Pont de Croix. Lingua.

S. Malo, Episcopatus.

Vnelli.

Ploërmel oppidulum.

Ioffelin.

Malestroit.

Roban, Sales.

Trégvier.

Cocquebort.

lice. Diœcesis parochias habet CLXVI, & quatuor abbatias. Inter quas & abbatia de Meen. Quæ habet immensam quotidie congeriem sacrorum viatorum, ex omnibus quaquaversum regionibus, ac nationibus remotioribus, ad fanandam pforam, vel lepram corporis huc peregrinantium. Non remotius tamen abest hinc locus *Avornis*, satis notus, cujus speciatim meminisse, cum nihil nisi commune præferat, nostri non est instituti. Duabus à S. Malo leucis distat insula *Sesembre*, (ubi Franciscanorum conventus,) quæ olim fuit terra firma cum continente. Quatuor à S. Malo leucis jacet pagus magnus, *gros bourg*, dictus *Cancelle*, qui mari pene totus est circumfusus, manente angustia continentis. Heic commoda ripa est cum portu, tam ab ortu quam ab occasu intrantibus. Objacet illi tamen transversaria multitudo saxorum. Amplius est & commodus receptus anchoram figentibus ad aquarum usque quatuor vel quinque orgyas: naves apricum requirentes commodiorem habere non possunt: ut adeo tantopere expetatur ab unoquoque, ut nullus alius portus. Omnis commoditas heic datur, quæcunque ad egregii oppidi extructionem desiderari potest. Huic eidem Episcopatu subiacet oppidum de *Montfort*, quatuor leucis distitum ab *Rennes*, declinans in tesqua loca Britanniae. Domus dominorum de *Montfort* extincta est in familia de *Laval*. Quos subsecuti sunt Comites de *Montfort*, volente sic rege Ludovico XII. Tam antiqua est hæc domus, ut ad tempora Sigeberti adscendat. In hac diœcesi est & urbs *Dinan*, amœna, magna, dives, cum egregiis mœnibus & turribus, monasteriisque: quam præterfluit *le Rance*, Rinctius, ut eat in mare versus turrem *Solidor*, & obijciatur sinui marino, seu canali, qui Rinctium frequenter retroagit, vehementem naveis usque ad dictam urbem *Dinan*. Est qui putet, *Dinan* esse Veterum *Vnello*, quasi *Vnelli* dicatur pro *Dinelli*. Verum *Vnellorum* neque locus nec ætas demonstrari potest. *Dinan* habuit primùm dominos singulareis: postea venit in manus dominorum d' *Avaugour*: deinde ducis Ioannis I; cujus filii natu minores titulum dominorum de *Dinan* ad usque postremos Duces retinuerunt. Sape dicto Episcopatu subiacet quoque *Ploërmel*, oppidum & territorium: oppidum exile quidem, & suo tempore Ducibus carum, sed habens amplum districtum jurisdictionis, clarisque dominis & nobilibus familiis turgens. Ibi circiter est & civitas & castellum de *Ioffelin*, olim dominium de *Domini Olivier Clisson*, postea Vicecomitis de *Rohan*. Ibidem pulcrum oppidulum de *Malestroit*. Domini ejus hoc nomine claruerunt non ita pridem in Italiam usque. Inter alia est & castellum & pagus de *Rohan*, domus vetustissima, supra flumen *Doude*. Est & domus de *Sales*. Trecorensis plaga Lexobiorum apud Casarem, creditur esse oppidum *Treguier*, *Triguier*, *Triquet*, *Landrignier*, vel *Landrigniet*, fundamento veterum quorundam titulorum; quibus Episcopus hujus civitatis vocatur Lexobienfis; quod item Normanni utuntur nomine Lexobienfium, quando nobis innuunt populos de *Liseux*. Quod plus est, hanc civitatem ajunt sitam fuisse ubi hodie *Cocquehondet*, hoc est,

vetus civitas, supra flumen de *Loquez*, cui vicinus est ille locus, cujus rudera monstrant. Duodecim millia passuum à Lexobio, in valle *Treacor*, oppidum est, quod ab hac nomen habet de *Lantreguer*, ipsaque diœcesis *Treguier*, prope exiguum fluentum, de *Trioux*; non est clausum, portus vero bonus, licet in aditu tres insulæ parvæ, cum scopulis diversis, abjaceant, quæ appulsam pilotis inexpertis periculosum reddunt. Ad latus septentrionale aperitur insula de *Brehac*. Vbi circiter notantur quoque scopuli periculossimi de *Horave*. Plus ultra cernitur urbs de *Morlais*, supra sinum maris; quam dispertit exiguum fluentum, & unam partem diœcesi de *Treguier*, alteramque de *Leon*, relinquit. Via, qua itur ad *Morlaix*, obnoxia est potestati castelli *Taureau*, quod proxime ante nostrum tempus extructum fuit. Flumen *Lez* meat ad *Pontrieux*, & se condit in Oceanum supra *Treguier*, infra famam manens. Sicut & *l'Elorne*, & *l'Aufen*, flumina sunt incelebria, cognoscenda tantum propter magnam & spatiosam paludem de *Brest*, baye de *Brest*, in quam absorbentur; *l'Elorne* apud portum de *Landerneau*; *l'Aufen* ad latus portus du *Four*. *l'Aufen* longiorem cursum habet; veniens à *Buzlat*, & à *Rostrenan*, pergit ad *chasteau Neuf*; roborat portum de *chasteau Lin*, ubi mare suum refluxum habet; tandem in bayam dictam, infra *Lancvenel*, abdit sese. Tota hæc ripa perquam periculosa est propter scopulos: interque *Lantreguier*, & *Leon* cernuntur septem insulæ; vicinæ oppido *Lanion*, quod & ipsum ad maris oram situm. Diœcesis de *Treguier* continet septuaginta parochias, & abbatias duas. Hanc ripam persequentibus ingressus datur in diœcesin Episcopatus de *S. Brien*, vel *Brienc*, dictam Latinis *Biducium*, *le Biduce*, hodie *S. Brioci*, nomine Apostoli & primi Episcopi sui *S. Brien*. Minuti amnes, de *Trien*, & d' *Arguenon*, sint *Nitius*, & *Argenna* Ptolemæi. Vbi est *Biducium* veterum, circa de *S. Brien*. Prope hanc civitatem est portus du *Leguer*, ubi est turris de *Sesson*, erecta ad securitatem ripæ, quæ maxime infestatur magno numero scopulorum, qui sunt quasi totidem insulæ, nominata ab accolis, *Commets*, *Grenome*, *Micques*, & *Roche-dure*. Territorium de *Lamballe* homines fert, qui, rem facturi, in exterarum regiones excurrunt, & fossiores sunt castrenses. Hæc est celebritas de *Lamballe*. Sed & optima coria parant incolæ, *parchemins* de *Lamballe* dicta; quæ deinde in *Pigueley* venduntur, & in externas regiones late distribuuntur. Hoc ad divitias territorii pertinet. Incolæ creduntur esse Ambiliates veterum. Nam habitatores du *bourg d'Amblie*, prope *Bayeux*, diversi sunt ab illis. Cernitur quoque civitas de *Moncontour*, ducum vetus dominium, deinde Comitum de *Ponthievre*. In hac eadem sæpius dicta diœcesi, est & oppidum *Quintin*, vetus hæredium dominorum d' *Avaugour*: possessa deinde à dominis du *Perier*, donec veniret in domum de *Laval*. In eadem est parvum castellum *Iugon* dictum, à militibus vastatum, eminenti loco positum, olim camera Ducis. Item castellum *Laudran*, sub domo d' *Avaugour*, & *Borlay*. Sed *Guingamp* oppidulum est, apud veteres dictum *Mengamp*. Vbi multi ex hac domo domini sepulti jacent.

Vrbem

Loquez fl.
Trecor val-
lis.
Lantreguer,
oppidum.
Trioux flu-
entum.

Brehac,
insula.

Scopuli de
Horave
urbs Mor-
lais.

Lez, l'Elor-
ne, l'Aufen,
incelebria
flumina.

Lanion, op-
pidum.

S. Brien,
Episcopatus.

Thrien, Ar-
genon, am-
nes.

Leguer,
portus.
Sesson, tur-
ris.

Lamballe,
regio.

Moncon-
tour, civitas.

Quintin ci-
vitas.

Castellaz
Iugon, &
Laudran.

*Dol, urbs,
& Episco-
patus.*

Vrbem Dol autumant nonnulli pertinuisse ad Episcopatum *de S. Malo*, quæ inter initia solummodo castellum fuit. Hactenus urbs est, & Episcopatus, sedes veterum dominorum qui vocati *Diablintres*, quorum primi nomen *de Diablers* habebant, & adhuc nomen *de Diablers* ipsa territoria retinent. Dolum antiquitus erat Diablintum in Armorica. Subjacet Parlamento *de Rennes*, & Archiepiscopatui *de Tours*. In palustribus


est sita. Vnde aer infectus sanitati permultum nocet. Latitudo diœceseos hodie comprehendit LXXX parochias, vel circiter, abbatias treis.

Insulæ, quæ hactenus sunt annotatæ heic, & Insulæ. numerus earum, nullam proportionem habent ad numerum nondum annotatarum, tam principalium quam reliquarum.



C O M I T A T V S
C E N O M A N E N S I S ;
vulgò
P A Y S D V M A I N E .

Nomen.



Omitatus du Maine ac-
quisivit nomen à priscis
populis Cenomanorum,
qui habitabant ibi, in
Galliâ Lugdunensi. Me-
tropolis du Mans, & ip-
sum territorium Comi-
tatus, adeo adæquant
generale nomen Ceno-
manorum, ut non opus

fit in antiquos Aulercos & Orobios inquirere,
(quum nihil certi haberi queat,) quinam sint, &
ubi hi duo populi habitarent; fuerint ne diversi à
Cenomanis, vel unius corporis Cenomanorum
membra.

Confinia.

Vindocinus ager illi ab oriente adjacet: à me-
ridie vicinos habet Turones & Andegavenſes:
Britannia illi ad occasum est: Vnelli denique, &
Alençonium, à septentrione territorium hocce
claudunt.

Amplius.

Longitudo territorii est leucarum triginta
duarum, à Gervon ad castellum du Loir: & à Memers
in territorio du Sonnois usque ad Laval; latitudo
ejus est duarum & viginti leucarum. Facta est
pridem regionis in superiorem & inferiorem di-
stinctio. Pro inferiore capere est illam, quæ à
civitate du Mans versus Balon, in occidentem,
ad tres quatuorve leucas extenditur. Solum terræ
non est eximie bonitatis, neque vini ferax. Peni-
tus aliter se habet superior: ut dicetur post in Ca-
stello du Loir. Lingua incolarum lenta & crassa.

Flumina.

Regio Cenomanensis multis alluitur perluitur-
que fluminibus rivisque. Inter principaleſ cele-
bratur la Mayne vel Mayenne, Latine Meduana.
Qui fluvius, sicut ipsa regio, seu pais du Mayne,
à Cenomannis nomen accepit. Oritur in monti-
bus d'Alençon; transit per urbem Mayenne, quæ
jacet supra fluvium de Mayne; denique se abjicit in
Ligerim, postquam discerniculum fecit inter Co-
mitatum du Mans & inter Normanniæ regionem.
Navigabilis fit prope civitatem Laval. Complu-
ra flumina minora ingredientia in sese fluvius de
Mayne recipit. Primum est Domfront, quod in dex-
trâ ripâ ingreditur, proveniens è saltibus Dan-
dayne, supra limites du Mans & de la Normandie.
Alterum est la Grene, quod oritur supra S. Aubin-
fosse-Louvain, supra margines trium provincia-
rum, du Mans, de la Normandie, & de la Bretagne.
Parumper infra urbem de Mayenne jungit sese la
Grene ipsi Meduanæ.

l'Oeste &
Levenne.

Duo flumina, l'Oeste & Lovenne, coeunt ad
Maissoncelles, & se præcipitant in Meduanam su-
pra locum de S. Sulpice. Oeste descendit à loco de
Gallia.

Brées, Lovenne, de Schaillon. Ripâ sinistrâ de Mayne,
infra locum de S. Sulpice, adest flumen le Ioune, *Le Ioune.*
Meduanæ illapsum; & adhuc inferius, infra
castellum Gontier, adest le Beron; cujus cursus tan- *Le Beron.*
tum tres vel quatuor leucas habet, veniens à Gres,
& petens flumen Boyere. Flumen l'Oudon in con- *l'Oudon.*
spectum venit ex adversâ ripâ de Mayne, auctum *Boyere.*
& ipsum diversis amnibus; qui sunt, la Rincerie,
& Charrans. Rincerie habet duplicem originem, u- *Rincerie.*
nam in saltu de Guerche; alteram infra eundem sal-
tum. Charrans oritur supra confinia Britannia, & *Charrans.*
se perdit in l'Oudon, è regione loci de Castellais. A-
liud quod Vrezée, profluit è stagnis quibusdam, *Vrezée.*
qua pergit ad Povance, ad la Previere, & ad S. Mi-
chaëlis du Bois; & se jungit ipsi l'Argos, & ipsi l'Or- *l'Argos.*
mée, & ipsi Segre supra ante pontem de Segre. L'Or- *l'Ormée.*
mée promanat è saltu de Longuenée; peragiturque *Segre.*
suum cursum à meridie versus septentrionem,
contrâ quàm alii fluvii solent. L'Oudon ortum habet
in stagno de Meral; & sese provehit subter ponti-
bus, de Craon, de Segre, de Lion, d'Angers, de Grez, &
de Neuville. Grez, & Neuville, loci sunt riparum si-
bi adversarum, ponteque junctarum.

Post Meduanam celebratur fluvius le Loire, Li- *Loire.*
geris Latine. Nascitur in parochiâ des Cornées V-
nellorum. Loir, fons est, & stagna abbatiæ du
Loir: unde nomen ipsi Ligeri, seu fluvio de Loi-
re. Tranat stagna de Cernay prope Villebon, & pe-
tit Illiers; (ubi assumit rivum de Montigny, qui
profluit è stagnis de Tiron;) defluit ad Bonneval,
ubi recipit alium rivum, Musive; inde pergit ad
Chasteau-Dun in Comitatu de Dunois; ubi compos-
sit de l'Yere; pergens ad Cloye, Vendosme, Lavar-
din, Montoire, la Chartre, Chasteau du Loir, le Lude, la
Fleche, Durtal, & insulam S. Aubin prope d'Angers;
ubi se jungit cum Sartâ & Meduanâ: apud Bou-
che Meduana nanciscitur Ligerim: qui duo, jun-
cti, meridionalem in Oceanum Britannia pro-
labuntur, postquam agrum Andegavensem al-
luerunt.

Sarta flumen primas aquas acquirit prope de Sarte.
Molins, in limite Normandiæ, tres leucas ultra
Mortagne in Vnellis, sive en Perche. Prima origo
est fons Somme Sarte dictus, inter Soligny & S. E-
stienne; qui, transiens per Longpont & la Maile,
separat Normanniam ab Vnellis, recipiens ri-
vos de Pontpercé & d'Erives. A Mesle tendit ad Ber-
vile. Paullum inferius recipit rivum d'Autreche;
& pergit, dum cadat in fossas d'Alençon. Inde
fert argenteas aquas suas in regionem de Sonnois,
& sensim provehit subter pontes Jaillé, Pont-neuf,
Pont de Vivain, Beaumont, S. Marceau. Supra limi-
tes Ducatus de Beaumont recipit l'Orne.

N n

L'Orne



L'Orne.

L'Orne capit suam originem supra territorium de Soisy; alluit Sure, Origny, le Roux, Peray, Balon. Fluentum Dive sibi jungit l'Orne ad Peray; atque transmeat per Memers. Hi duo petunt Sartam; cum illa perfusuri mœnia du Mans, ejusque fossas repleturi. Eodem venit Huygne, se juncturus urbem supra. Qui Huygne sortitur originem prope Mortagne, ad limitanea du Perche; ubi se auget duobus tribusve rivis, inter domum Maugis, & Boisse-Maugis; pergens ad Condé sur Huygne: ubi pontem habet; descendens inde ad Nogent le Rotrou, ubi capitulum du Perche-Gouet.

Ronne.

Vbi exiguum fluentum Ronne sese agit in l'Huygne, ut sic perveniant ad la Ferté-Bernard, quæ species est insulæ sic formatae ab hoc fluente; quod idem recipit rivos de Belesme & de la Herse; la Herse id est, aquas de la Fontaine, aquas salubres & medicinales, fluentes inter Belesme & Mortagne, quæ aquis de Pougres & de Forges à Medicis æquiparantur. Hic rivus de la Herse nominatur Mesme; qui vadit in la Calabriere; veniens à Bonmay, à Villiers, & è pratenibus de Courbes; socians se cum alio exiguo, sed periculoso, rivo la Nerive; qui proficiscitur de la Chapelle, & meat per S. Germain de la Coudre, in l'Huygne cadens, inter abbatiam de la Palisse & la Ferté Bernard. Exiguum quid heic addatur, ob homonymiam vocabuli Mesme & mesme; quod heic nomen est fluenti, aquas fundentis saluberrimas; aliàs pronomen Mesme, ille ipse, id ipsum, &c. Quo fit ut in urbe Mayenne hoc utantur lusu in cives de la Fontaine, servosque illorum; nempe quod cives bibant præstans vinum, servi item de Mesme. Quasi diceretur, quod servi de eodem (de mesme) bibant de præstanti vino; quum tamen sensus sit, quod è contrario servi bibant aquam de fluente Mesme. De la Ferté Bernard effundit sese Huygne flumen usque subter pontes de Pontagene, de Champagne, Irray, & subter le Pont-long, ut tandem se jungat Sartæ flumini, ad latus du Mans, postquam in se recipit rivum de Cameoches, & rivum la Lambée, in loco qui nominatur le Moulin Chevreuil. Vbi Sartæ ipsi Huygne depeculatus est & aquas & nomen, procedit ad Alone, ad Suze, Noyen, Malicorne, ad Peschenil oppidoquam egregiam domum de Mayne, cui sociatus grandisburgus, vel castellum. Hæc domus ad dextram habet la Sargie, vel Sergie, atque l'Eure; habet la Vegre; qui fluvius pererrat regionem de Charnie, fluens per S. Susanne, seque ipsi Sablé insinuans, usque in ipsum Sartam; habet & la Vergette, infra ipsum Sablé. Ad sinistram insuper, infra Sablé, admittit l'Enferne; qui descendit usque infra pontem de Chasteau-neuf, uniens se Ligeri, ut intrent in Meduanam, infra insulam de S. Aubin, proxime apud Angers. Ibi circiter & rivi de Braye, d'Ante, alique, suum ortum habent, suas aquas in Sartam & l'Huygne inferentes. Fluvius l'Huygne à Theodulfo episcopo Aurelianensi vocatur Idonea.

Le Mans, metropolis du Mayne.

Metropolis regionis du Mayne est le Mans, una è quatuor urbibus quæ dicuntur rubræ, quod earum mœnia sunt è lateribus rubris exacte cæmentatis. Latine Cenomanum: aliquibus Vindinium, Vindicum ad Sartam; quod ad Sartæ fluvium est extructa, orâ amœnissimâ, ut si quæ ulla Gallia extat. Maxima civitas est, populis

abunde differta; sede decorata episcopali, justitiæque Principatu; rei aquaticæ sylvaticæque præfecturis, tribunatu equestri, comitio, denique salarii vestigalis curiâ. Districtus habet tres abbates, & unam abbatissam; complureis conventus religiosorum; monasteria alia, & abbatias, octodecim; cum nonaginta & unâ cathedralibus præfecturis. Omnia loca hæc subsunt unius episcopi jurisdictioni.

Castrum du Loir, sedes est regia, & ordinem habet eorundem jurium quæ celebrantur in Mans. Castrum devastatum est; civitas tamen est dives satis, & populosa. In propinquo est sacrarum virginum abbatia de Bonlieu; verum conventus Benedictinarum est urbem intra. Ipsa regio Vau du Loir, longa est ad octo si forte decemve leucas; ad tres verò quatuorve lata; regio feracissima tritici, sed vini albi rubellique imprimis; quæ vina in Angliam Flandriamque avehuntur.

Inter ceteras urbeis vel oppida est Laval supra Meduanam, regia sedes, & eximia. Camera computorum, vel ararii, pro terris Comitatus & domini senatoris regii, heic celebratur; quæ pertinet ad dominum de la Trimouille. Sablé est Marchionatus. S. Calés, sedes regia. Sunt & aliæ civitates, ut Mont-doubleau, Bonnestable, civitas, & castrum. La Ferté-Bernard (quæ præterlabitur amnis d'Huygne; quæque solum unam parochiam habet; tametsi septendecim octodecimve parochiæ ab ista dependant) est baronia & sedes regii Senatoris; unde provocationes dantur rectâ ad curiam Parliamenti Parisiensis. Sunt adhuc aliæ civitates, juridicatus, satrapia. Quarum nonnullæ dependent à Ducatu de Mayenne, qui vocatur in inferiori territorio du Mayne. Vbi sunt & Beaumont le Vicomte, Sillé le Guillaume, Lascey sive Lussé, Bresteau Procomitatus, cum castellaniâ de Montfort, quatuor leucas à Mans; Conarrey oppidulum, quatuor leucas à la Ferté; aliæque regiones & castellaniæ complures.

Mayenne, supra fluvium Meduanam, est Ducatus & dominium senatoris regii. Pertinuit antehac ad domum de Guise nomine de Lorraine: post hæc pervenit ad domum de Nevers, vel de Mantouë. Vulgariter appellatur Mayenne la Iuhais vel Iuhel, qui fuit priscus loci dominus. Civitas est bona; in quâ justitia pro rege, dominoque, conservatur.

Baronia de Sonnois confinis est ab occidente ipsi Alençon; ad quam pertinent Alençonii suburbia de Montsaur dicta. Ab Oriente confinis est ipsi Belesme de Perche. A meridie ipsi Balon, quod jacet in territorio Mayne. A septentrione confinis est ipsi Seex, quod est in Normanniâ. Longitudo ejus est, à Balon ad Seex usque, leucarum duodecim: latitudo totidem, ab Alençon usque ad Perche. Est ergò quadrata. Memers est urbs primaria. Fresnay supra Orne pertinet ad hanc Baroniam, cum René, S. Remy du Plain; cumque S. Cosme, & Nostre Dame; quæ duo unum burgum seu castellum faciunt in duabus parochiis. Sunt & alii minores loci.

Regio de Charnie habet si forte octo leucas longitudinis. Flumen le Vegre per medium eam secatur. Sainte Susanne, baronia & sedes regalis, cum

Qualitas du Mayne.

Mores.

Laval.

Sablé.

S. Calés.

Ferté-Bernard.

Beaumont le vicomte.

Sillé le Guillaume.

Lussé.

Bresteau.

Montfort.

Conarrey.

Mayenne.

Pais de Sonnois.

Memers.

Fresnay.

René.

S. Remy.

S. Cosme.

Nostre Dame.

Pays de Charnie.

cum abbatiâ d'Esteval, pondus aliquod volenti lustrare ferunt. Solum non est bonum, propter salebrosa, saltuosa, atque resqua loca.

Qualitas
du Mayne.

Regio du Mayne copiam habet tritici, vinorum, butyri, pecorum; imprimis superior; quod indicatum in *divisione Terræ*, & in castro du Loir. In cannabe linoque par est Andegavensi agro. Telarum mercatura inter hanc regionem, urbisque Laval & Mayenne, aliaque loca, assidua viget. Saltus egregii sunt & regales. Quales, Bercay, Douvre, Minclou, Loncaulnay. Montes copiam habent fodinarum ferri. Præstantissima domus du Mayne est Pescheseul; quæ magnum burgum sive castrum habet.

Mores.

Homines sunt cauti & subtile, ingeniosi ad vafre machinandum aliquod facinus, venusti in loquendo. Cenomani hoc infamiæ patiuntur; quod unus *Cenomanus valeat sesqui Normannum*: eo quod sint aliquid plus quam veteratores. At verbum hoc ortum fuit occasione monetarum Normannicæ & Cenomanicæ æqualium; quando Comes Cenomaniæ nummum Normanniæ, qui valebat exempli causâ obolos sex, proscripsit, ut inter suos tantum quatuor obolorum haberet valorem, nummo Cenomanico pristinum valorem retinente: ut adeo dici posset; *Nummus Cenomanicus valet sesqui Normannicum*. Sed quid inde? Si vera sunt hæc; Cenomaniæ Comes lapidem

in altum jecit, qui caderet in caput Normanorum, at in suorum cervicem desedit: Non hæc commemorantur in contemptum utriusque nationis. Certo certius hoc manet immutabile dictum, Quod in unaquâque natione hominum sit congeries ex bonis malisque mixtorum. Tam præstantia ingenia nata sunt in Cenomaniâ, tam illustres doctique viri ex illâ prodire in omni Facultate, ut verum ipsum non sit verius quam hoc, Provinciam du Mayne multorum bonorum ingeniorum esse matrem. Exemplum hujus effati apud alios, qui prodiderunt, est legere; heic autem ad alia pergendum.

Comitatus du Mayne priscis temporibus habuit Dominum, modò Comitem d'Anjou, modò regem Angliæ, modò Galliæ, per diversa connubia; donec pervenit ad Ducem d'Alençon; qui, decedens absque hærede, eundem Coronæ Galliæ reliquit, quem à fratre rege in perpetuam fiduciam habebat. Cui hucusque unitus manet.

Possessores
supremi;

Particulares possessores sunt, Comites de Soissons, Duces de Brissac, Comites de Laval, Comites de la Suze, Marchiones de Sablé, de Valley, Bouille; Comites de Tresmes; & complures Barones. Quæ heic de illis requiri possint, alibi commodius tradentur. Nunc Andegavenses occupationi nostræ sunt proximi.

Et particu-
lares.



D V C A T V S ANDEGAVENSIS.

vernacule

A N J O V.



Limites.

Fluvii.

Metropolis.

Inter Populos Galliae Lugdunensis antiquissimos Ptolemæo aliisque auctoribus Græcis recensentur *Agducaſay*, quos Latini Scriptores postmodum, nempe Tacitus *Andicavos*, vel *Andecavos*, Cæsar *Andes*, Plinius *Andegavos*, hodierni vero *Andegavenses*, item *Andinos* dixere. Regio autem, quam populi illi inhabitârunt, hodie vocatur communi Patriæ dialecto, *Duché d'Anjou*, & *l'Evesché d'Angiers*; Latine scribentibus, *Ducatus Andegavensis*; & incipit à vico *Chouſay*, ac desinit inter *Montcontour*, & *Herraut*, ubi initium Territorii *Pictaviensis*, quod versus meridiem aspicit. Ad ortum habet *Turones*, *Turaine*; ad septentrionem *Marchionatum Ducatumve Cenomanorum*, vulgo *Maine*, & comitatum *Vallensem*, vulgo *de la Val*; ad occidentem vero *Britannos*. Nonnulli scribunt hunc tractum antiquitus dictum fuisse *Aiguade*, *Aquadam*, ob ingentem amnium, aquarumque quibus irrigatur, multitudinem. Quippe plus quam quadraginta in eo se offerunt fluvii, quos omnes fere *Ligeris*, vernacule *Loire* dictus, excipit; ut sunt majores, *Vienne*, *la Dive*, *le Touay*, *le Layon*, *l'Eure*, *la Guynate*, *Mayne*, *Loir*, *Sarte*, qui navibus haud parvis pervii; item minores *Laviron*, *Vresée*, *Oudon*, *Irosne*, *Aubence*, *Huye*, *Touré*, &c. Stagnorum præterea, & lacuum, item paludum, fontiumque magnus numerus. Et quamquam non late extendatur hæc regio, limitum tamen suorum angustiam solo valde fertili, ac rerum ad vitam necessariorum ubere proventu compensat. Inter alia profert vina alba magnopere commendata, vinorumque Galliae nobilissima. Propter collum, & tumulorum frequentiam montosa, & inæqualis est. Planitiem silvæ ingentes numerosæque ac proceris arboribus umbrosa, nec non prata, pascuaque viridantia maxime illustrant. Totius Regionis caput, & metropolis est *Andegavum*, alias *Iuliomagus*, *Andium*, item *Andegavorum*, seu *Andicavorum civitas*, vulgo *Angiers*, dicta. Prima ejus fundamenta jecisse dicuntur Philosophi antiquissimi, quibus postea complementum addiderint *Trojani*, atque sic ab illis leges sapientiæ, ab his autem ornatum, & splendorem nobilitatis accepit. Sita est ad *Meduanam* fluvium, vulgo *la Majenne*, vel *Mayne*, dictum, qui eam in duas partes, ponte tamen ingenti, ædibusque ab utroque latere onusto, rursus conjunctas, dispeſcens, unico milliari ab urbe in *Ligerim* se exone-

rat. Harum partium una prospicit meridiem, & orientem, altera occidentem. In orientali parte, qua urbs primùm condita fuit, se offert *Templum S. Mauriti cathedrale*, in quo conspicitur sepulchrum *Renati*, Regis *Siciliæ*, & *Hierosolymæ*, cum vestibus, corona, & imagine ejus, quam propria pinxit manu: item gladius *S. Mauriti*, Exercitus *Thebanorum Ducis*; & urceus ex gemma quadam, jaspide simili, rubri coloris, quem unum ex urceis istis in nuptiis *Canæ* olim usitatis esse ferunt: Hoc sequitur *Templum S. Petri*, nunc sedes *Episcopalis*, & *S. Martini*, *S. Maurilli*, *S. Dionysii*, &c. cum *Basilica S. Iohannis*, nunc *S. Iuliani* dicta, ubi in cœmeterio se offert lapis quidam vetustissimus, cum hac inscriptione: *Vxor optimæ T. Flavius Aug. Li. Aſiat*. In occidentali parte, quæ minima est, quæque urbem *Iohannes*, *Angliæ Rex*, & *Normanniæ Dux*, absque regno, vulgo *Sans terre*, cognominatus, cum Galliae itidem Rex designatus esset, pomœria dilatans auxit, templum est *S. Trinitatis*, circa annum 581 conditum, item *Cœnobium S. Laurentii*, *S. Iohannis*, & *Carmelitarum*, *Augustinorumque*, cum suis templis. Castellum urbis, quod quidam à Principibus *Angevini*, alii regibus *Angliæ*, aut primis *Andegavi Comitibus*, & *Præfectis* conditum esse asserunt, ex lapidibus nigriusculis in tantam altitudinem ascendens, octodecim turribus quadratis, fossisque valde profundis munitur. Hoc nimia vetustate fere collapsum restaurari curavit *Bertrada* cognomento *Pulchra*, quam *Rex Philippus*, repudiata uxore, sibi sociaverat. Comites enim superioribus temporibus non hic, sed *Turaniæ*, commorati sunt. Antiquitatis quoque satis evidens testimonium præbet locus ille in præurbio, *Grohan* dictus, in quo *Amphitheatrum* à Romanis olim constructi rudera, & reliquæ adhuc apparent, quod loci etiam veterum Imperatorum numismata sæpenumero effodiuntur. Et hæc quidem moles eo fine à *Provinciarum Præsidibus* quondam erecta, ut populo ibi ludos, & spectacula exhiberent, simulque gratam Cæsarum memoriam illis redderent. Nec minus celebrem facit urbem ordo Ecclesiasticus, Episcopo civilem pariter, ac ecclesiasticam jurisdictionem exercente, idque ex plenaria ac generali illa potestate, quam veteres olim Reges, Imperatoresque, Episcopalis dignitatis illustrandæ gratia, quoad feuda, & jurisdictiones, illis indulgere. Ceterum ad Christianam religionem conversi perhibentur *Andegavenses* eo ipso tempore, quo *D. Iulianus* *Cenomanis* Evangelium prædicaret; qui postquam satis diu inibi concionatorem egisset, *Maineam* tendens, comitem suum,

Reliqua op-
pida.

suum, nomine *Defensorem*, virum pietate ac religione præstantem, sibi substituit. Et hic *Defensor* primus hujus Urbis Episcopus fuit, cui *Apothemius* successit, quidam præponunt *Auxilium*; dein *Prosper*, post *Maxillus*. Quintus erat *S. Renanus*, & *S. Breton* decimus, *Andorinus* decimus tertius, *S. Lecinus* decimus quartus, *Cardulphus*, Comes Andegavenfis, circa annum 581, decimus quintus, *S. Magnebodus*, decimus sextus, *S. Lupus* 17, *S. Iob. Michaël* 59: & recensentur, usque ad tempora Caroli IX, Episcopi 65. Quin & hæc Ecclesia Andegavenfis plurima, & opima possidet beneficia, opulentas item Abbantias, Prioratus, Præposituras, & collegia cum in urbe, tum etiam extra, de quibus omnibus adeantur *Annales Andegavenf.* part. 1, c. 6. Ludovicus primus Andegavensium Dux, Iohannis Galliarum Regis filius, unicum hoc efficere studens, ut Andegavum præ aliis civitatibus, magnificentia, splendore, ac fama polleret, in hac urbe, anno 1398, Academiam fundavit, quam privilegiis ac immunitatibus eximiis decoravit. Et in hac Academia, quam Carolus V, cognomento Sapiens, non absque ratione, *Fontem scientiarum* dixit, præ cæteris, qui jura, aliasque facultates olim publice hic professi sunt, claruerunt, *S. Guilielmus du Pojet*, Franciæ Cancellarius, *S. Lazarus Baifus*, *Ioachim Bellajus*, *Franciscus Balduinus*, summus Iurisconsultus, *Renanus Benedictus*, Theol. Doctor, *Bodinus* Advocatus Parlamenti Parisiensis, & alii non pauci doctrina, gravitateque illustres. Hinc, velut ex equo Trojano emergentes, quorum laus in publicis, privatisque rebus semper emicuit. *Portæ* hujus urbis præcipuæ sunt *S. Michaëlis*, *S. Albini*, *S. Iohannis*, omnium *Sanctorum*, & *Lugdunensis*, quæ exitum civibus præbent singula, in sua singula haud exigua magnitudinis præurbia, plurimis templis, aliisque ædificiis sacris passim decorata. Vnicuique *Portæ* addita est Abbatia, seu Domus quædam vigilum sacrorum. Urbis præsidarii singularibus privilegiis gaudent, quippe qui ab omni subsidiorum onere immunes sunt. Mercatores vero antiquo civium Romanorum jure fruuntur; etiam cudentæ monetæ. Ceterum sita est urbs loco humili, unde natum proverbium: *Angiers basse ville, hautes clochers*; *riches putains, pauvres escoliers*, hoc est, Urbs humilis, cella campanilia, opulentæ meretrices, studentes egeni.

Vno ab Andegavo milliari pons est, vulgo *Pont de Cee*, vel *See*, quasi *Pons Cæsaris*, quippe à Iulio Cæsare extructum asserunt: licet alii velint, quod sic dictus sit, quasi *pons stagni*, sive *stagnantis Ligeris*. See enim Germanica lingua aquam stagnantem significat; & Ligeris hic, ob latitudinem suam, magis stagno, quam brachio seu alveo fluvii similis, ita ut pons longitudine sua quadrantem milliariis fere excedat. Ponti adjacens vicus, vulgo *Bourg de Cee* dictus, longitudine semimilliare complectitur. Prope urbem ipsam, quod hic quoque annotandum duximus, excinditur marmor tam album, quam nigrum, valde elegans; ut & tophus tanta multitudine, ut admodum vili pretio vendatur.

Reliqua oppida.

Præter Andegavum, in hoc Ducatu adhuc novæ Gallia.

vendecim oppida muris cincta numerantur, ut sunt *Saumur*, *Montrenau*, *Beauge*, *Beaufort*, *Craon*, *Brissac*, *la Fleche*, *Monstreuil-Belay*, *Malevrier*, *Chantonceau*, *Vihers*, *Montforeau*, *Durtail*, *Chasteau-Gontier*, ad *Meduanam*, *Segre*, *Thouars*, &c.

Saumur, Latinis *Salmurium*, ad *Ligerim*, loco a mœnissimo situm, exiguum quidem est oppidum, sed muris, fossisque munitissimum, ac intus ædificiis egregiis nitens. Præurbis quoque haud exiguis undiquaque cinctum; & unum ex his muris & fossis munitur. Prælongo ponte sternitur ob immensam *Ligeris* latitudinem, quippe qui hoc loco in plurima brachia divisus. Insulas quasdam habitatas complectitur. Oppidum ad radices montis situm; arx vero in monte posita, foris antiquitatem præ se fert, at intus atriis, cubiculisque nitidissimis splendet.

La Fleche, oppidum, cum castello quoque ad *Ligerim* situm, exornatur Collegio Iesuitarum, ab Henrico IV, Galliarum rege, fundato. Hoc octo Doctoribus, quatuor in Iure, & totidem in Medicina instructum, agnoscit Rectorem Iesuitarum, & Præfectum Studiosorum, quibus directio Vniversitatis est demandata.

Beaugé & *Beaufort en Vallée*, sunt Regiæ sedes, ab antiquissimis temporibus ad Regnum Galliarum pertinentes. *Beaufort*, circa annum 1340, Comitatus titulo exornatum est à Rege Philippo Valefio.

Brissacum, sedes Francisci Cossæi, Ducis de *Brissacum*. *Brissac*, Ordinis Franciæ Equitis.

Suos olim habuerunt Andegavenfes regulos, & duces militares, quorum *Dumnacum* à Cæsare victum scribit *Hirtius* l. viii. Postea cum aliis Galliarum populis venerunt in Francorum ditionem, ubi Comites suos habuerunt. Primus autem, qui titulo Comitum Andegavensium usus est, fuit *Hildebrandus*, Caroli Martelli frater, ex cujus posteris succedente tempore plurimi Orientis Imperatores, & Franciæ Reges electi, ac coronati sunt. Imò Robertus hujus nominis II, & quartus in ordine à dicto *Hildebrando*, cum Normannos & Danos, Normandiam, aliasque finitimas regiones, irruptione facta, spoliantes ac vastantes, compescuerat, hanc gratiam à Carolo Calvo obtinuit, ut illum Ducem, & Marchionem Franciæ, Comitem Andegavensium, Aureliæ, &c. crearet. Quin & hujus ditionis à *Chilperico* Rege, Andegavensium Comite Paulo occiso, occupata, ac posteris suis relicta, partem quidem superiorem, Carolus Calvus postmodum *Torquato* dedit, reservato sibi supremo in eam jure; sed inferiorem *Odoni*, Parisiorum Comiti: cujus ex fratre *Ruperto*, Comite Andegavensi, Duceque Celticæ, nepos, *Hugo Magnus* eam largitus est *Fulconi*, *Torquati*, ex *Ingelgero* filio, Nepoti. Huic autem *Fulconi* ordine successerunt, *Fulco* II, *Godofridus* I, vulgo *Grisgonella* dictus, *Fulco* III, *Godofridus* II, *Fulco* IV, qui Hierosolymorum rex fuit, *Godofridus* Barbatus, *Godofridus* VI, & *Guilielmus*; *Godofridus* VIII, *Arturus*, *Ludovicus* VIII, Francorum Rex. Huic successit filius. *Ludovicus* IX, Sanctus cognominatus, qui regionem hanc Carolo fratri concessit. Hunc

P p

secu-



secutus est Carolus II, & hujus filius, Philippus Valesius, qui successorem habuit quoque filium, seu, ut alii scribunt, nepotem, Iohannem. Et hic Iohannes nobilissimam hanc regni portionem, jam Ducatus titulo, nempe anno 1350, decoratam, Filio Ludovico appennagii, ut vocari consuevit, jure dedit: Quem secuti sunt descendente linea, Ludovicus II, & Ludovicus III; hoc absque liberis anno 1435 mortuo, Principatum adiit *Renatus*, frater Ludovici II. Hic defunctis liberis, heredem dixit fratris sui filium, Carolum, qui heredem scripsit Ludovicum XI, Franciæ Regem. Atque sic hic Ducatus, cum Comitatu Cenomanorum, juxta investituram anni 1360, & jus appennagii, anno 1480, ad Regnum rediit, ac Coronæ Franciæ fuit annexus, eique in hæc usque tempora unitus mansit, nisi quod Franciscus I eundem matri suæ Aloisiæ Sabaudicæ in usumfructum tradiderit. Rex Carolus IX eundem postmodum, anno 1566, jure appennagii tribuit Henrico III, fratri, postea Poloniæ regi: & hic Rex Franciæ factus, rursus Fratri Francisco, Duci Alençonio. Hodie hunc ipsum possidet Regis Ludovici XIV frater, Philippus, qui natus est anno 1640. Atque sic hæcenus in Gallia mos obtinuit, ut Regum minores natu filii semper appellati sint *Duces Andegavensium*, vulgo *Ducs d'Anjou*, æque ac majores natu *Delphini*, vulgo *Daufrins de Viennois*.

Cæterum complectitur sub se Ducatus Andegavensis *Marchionatum Cenomanorum*, vulgo *Maines*,

non ita pridem ornatum titulo Ducatus, uti & Comitatum *de la Val*, ac Vicecomitatus, *Beaumont & Omfort*. Ducatus Cenomanorum tribus præcipue fluviis irrigatur, nempe *Meduana*, vulgo *Majenne*, *Ledo*, vulgo *Loir*, & *Sarra*. Ornatus illi multus accedit à silvis, saltibusque. Cenomaneus, *le Mans*, ditioni addita est Regis Franciæ. Vrbs autem *Menia*, vulgo *Maine*, cum Marchionatu, nunc Ducatu, jam Guisios agnoscit Dominos. Oppidum primarium situm est ad Sartram fluvium, quod vulgo *le Mans*, vocant. Hoc nobilissimus vir Iosephus Scaliger putat esse Ptolemæi *οὐινδινον*, Aulerciorum Cenomanorum caput. Ab initio erat sedes Ballivatus: post Henricum II præfidiæ est facta, ad quam variorum oppidorum appellationes devolvuntur. Hæc se jactat omnium Gallicarum urbium primam Christianam fidem admisisse, misso à Clemente, S. Iuliano, qui Ecclesiam illam annos 47 continuos rexit, & mysterium religionis in vicina loca propagavit. Homagium quoque illi, sive fidem clientelarem præstare solent Comitatus *Vendosme*, *Beaufort*, & *la Val*.

Denique ad hunc Ducatum, quod regimen seculare seu civile concernit, quoque referri solet Ducatus *Richelieu*, tam in latitudinem, quam longitudinem se ad octo circiter milliaria extendens. Loca ejus principalia ac munita, sunt *Mirebeau*, & *l'Isle-bouchard*; item *Richelieu*, castello valde munito conspicuum, quod Cardinalis ille famigeratissimus ejusdem cognominis nuperrime possedit, ac supra modum exornavit.



T E R R I T O R I U M L O D O N E N S E.

*Belfam-
dia.*



*Ducatus
Turonensis.*

*Inter cujus
oppida*

Belfamdia Media est, cui tribui solitum, quicquid est, inde quidem ad utramque Ligeris ripam à Ratomago, *Romorantin* vernacule, Vendomium usque: hinc autem in dextra ejusdem Ligeris ripa, quicquid Castelloduno porrigitur Belfas, & ad Turonensium usque agros. Comprehendit partim Ducatus Vindocinensem & Turonensem, partim Comitatus Blesensem, Dunensem, & Tonnoriensem. *Turonensis* Ducatus, *le Duché de Touraine*, incipit tribus supra Ambacensem urbem miliaribus, versus Belfas, & terminatur in vicis, qui vulgo *la Chapelle Blanche*. Metropolis ejus est Turonum, *Tours*. Oppida vero minorum gentium sunt Ambocia, *Amboise*: Langersum, *Langres*: Chinonum, *Chinon*: Castellum, *Chastillon*: Asayum duplex, *Asay*: Mons Richardi, *Mont Richard*: Lodonum, *Lodum*, vel *Loudun*.

Lodun.

Est autem Lodonum & urbis & totius tractus ac territorii nomen, quod alii Pictaviæ adscribunt, cujus Dioeceses, aut potius parœciæ, sub tribus Episcopatibus, Pictaviensi nempe, Luconii, & Maillezais, ut vulgo sonant, comprehenduntur. Loca celebriora præter hæc sunt (incolarum nominibus ea profero) *Roche sur Yon*, *Talmon*, *Meroil*, *Vouvan*, *Mervant*, *Bressuire*, *Loudun*, *Fontenay le Comte*; atque hæc in superiore, quam diximus. Inferior habet, *Nyort*, *Partenay*, *Thouars*, *Moncontour*, *Hernauld*, *Mirebeau*, *Chastelleraut*, &c. Primatum autem inter hæc Pictavia, sive *Poitiers* obtinet, omnium Galliarum urbium post Lutetiam amplissima, maxima parte Clanio flumine vivo circumdata. Districtus Lodonensis non usque adeo magnus est, Ligerim inter, Divam, Vigenam, & Veudam interceptus. In medietate est *Lodunum*, urbs non adeo magna, sed situ loci amœnissima ac jucundissima, arcem habens valde vetustam. Privatis quondam paruit, nunc sedes Tribunalis regii est. Sunt qui Iuliodunum vocant, quod à C. Iul. Cæsare conditum sit, at nescio quo antiquo scriptore. Laudatur hic panis croco coloratus, quem, qui ex vicinis oppidis negotiorum gratia huc abeunt, domum

redeunt, liberis aut amicis secum adferre solent. Est & aliud huic territorio laudabile, quod Silva urbi vicina, *Bois-Ronge* dicta, prægrandium gallinarum copia abundet, vulgo *les poules de Loudun*. Urbes, quod sciam, alias hoc territorium non habet, sed pagos, vicosque plurimos, sylvas ordine quasi positas tres, quarum media Loduno vicina est. Ligerim hic videre est, à Cæsare aliisque nobilitatum, hodie Loire & Leire. Caput ejus in pago Velauno, locus vulgo *le font de Leire*. Amplior est reliquis, ut merito audiat *Pater Galliarum fluviorum*, aquæ limpidissimæ. Facto inter varios populos procurfu, exonerat se in Oceanum occidentalem, inter Nannetes & Pictones, ostio quatuor fere leucas amplo, pulvillis aliquot infesto. Ingentes & navium patientes excipit fluvios non paucos, Elaver, Carim, Vigenam, Meduanam. *Caris*, *Cher* hodie, in tabula supra Vigenam conspicitur. *Vigenna*, cujus mentio apud Fortunatum, Gregorium Turonensem, & Hugonem Floriacensem, hodie *Vienna*, agros Lodunenses proxime præterlabitur à septentrione in austrum, ita ut eos proxime radat. Ab occidente eam ambit, & parte tenus secatur Diva fluvius, *le Dive*. In ejus finibus versus boream spectatur in ipso Ligeri *Salmurium*, *Saumur*, urbs elegans satis, murisque & mœnibus non inconcinna, ædificiisque non vulgaribus pulchra. Arcem habet in edito monte positam, quæ, foris si adspiceres, antiquissima & veluti collapsa esset, apparet: verum intus atrii, cubiculisque pluribus nitet & fulget, uti & hortis circum amœnissimis. Proximis annis eam Gubernatoris titulo tenuit Philippus Mornæus Plessiaci Dominus, vir natalium splendore celebris. Ab urbe trans Ligerim pons stratus est, ex quo jucundissimus quaquaversum ambulanti prospectus. Versus Austrum in finibus Lodunensis tractus videre est urbem *Moncontour*, ad Divam fluvium. Ad orientem occurrit oppidum *Champigny*; altius, Insula, *Viennæ* aquis circumdata, in qua situm est oppidum *l'Isle-Bouchart*, antiquum patrimonium insignis Familiæ, cui nomen *Bouchard* admodum familiare, & ordinarium. Ceterum hoc territorium Lodonense titulo Ducatus ornavit Henricus III, anno 1579, in gratiam Franciscæ de Rohan, cui illud ipsum ad vitam donavit, quod postea anno 1591, comprobavit Henricus IV.


Ligeris.

Caris.

Vigenna.

Diva.

Saumur.



T R A C T V S M I R E B A L A I S.

Flumina.

Metropolis.
Mirebeau.
Oppida.

Poitiers.



Contermina superiori Lodonensi agro est regiuncula *Mirebalais*, ab oppido capitali *Mirebeau* nomen sortita, Lodonensi minor. *Clanio* flumine vulgo *Clain*, ab oriente, *Veuda* à septentrione cincta, qui per mediam regionem abit, eamque irrigat. In ea præter *Mirebeau* urbem præcipuam, arce, ac salinis nobilem, etiam occurrunt oppida, *Faye la Vineuse*, *Aurigne*, *Doussay*, *Moncontour*, *Vouzaille*, & *Ceaux*. In finibus spectatur ad austrum *Pictonium* urbs *Poitiers*, amœnissimo sita loco, clivoso tamen, nisi quod una parte, quam *Tranchæam* patrio vocabulo dicunt, in planitiem abeat; latissimi, si quæ in *Galliis* alia, ambitus: sed cujus ingens portio ab habitantibus vacua, pratis, vineis, aliisque agrestibus operibus occupata, reliqua excellentibus ædificiorum structuris veneranda. Adluit latus illud *Clanius* fluvius, aqua satis copiosa manans, insulasque deducto alveo efficiens, qui inde aliquot versus septentrionem milliariibus *Vigenæ* miscetur. Visuntur ibi præter validam arcem, palatium *Gallieni*, vasta Amphitheatri ru-

dera, vulgo *les Arenes*, nota voce; aquæductuum fornices, Romanorum hoc loco imperii vestigia. Primarium templum *D. Petro* est consecratum. Præfuit huic Ecclesiæ *D. Hilarius* antistes, invitum se gerens *Arianis* antagonistam, à quo regionem hanc ad religionem Christianam conversam tradunt Ecclesiastici scriptores. *Academia* habet florentissimam, cui alter post *Parisiensem* locus solet tribui. Instituit *Carolus VII* Francorum rex, anno *c15 cccc xxxi*. Magnas sustinuerunt aliquando incolæ calamitates ab Anglorum aliorumque incursionibus. Medio circiter ab urbe milliari, itinere, quod *Avaricum* *Biturigum* ducit, in via regia, ingens spectatur saxum, forma quadratum, quinque lapidibus fultum, unde vulgo *La Pierre levée*, de eo hoc distichon exstat:

*Hic lapis ingentem superat gravitate Colossum
Ponderis, & grandi sidera mole petit.*

Regio est frugum omnis generis, pecorisque, lanæ, linique feracissima, vino, frumentoque dives, piscium abundans; avium, ferarumque magnam habens copiam, ejusdemque prorsus cum *Pictaviensi* agro indolis ac genii.



B E L S I A.

La Beausse.



Belsia, vulgo *la Beausse*, regionis nomen, non equidem priscae adeo memoriae, ut populi, qui illam inhabitant; quorum appellationes sunt *Carnutes*, *Cenomani*, & *Turones*. Horum notitiam veteres habuerunt; & vox *Belsia* in priscis auctoribus reperitur.

Diviso.

Dividitur in tres partes à Geographis, Superiorem, Mediam, & Inferiorem; assignatis igitur *Belsiae* Superioris finibus, eos etiam, qui alias partes circumscribunt, facili negotio assequemur. Superior autem *Aurelianum* includit cum locis illi adjacentibus, quae quidem *Aurelianensis* regio inter duodecim *Franciae* Gubernatus seu Provincias computatur, quarum Praefecti in Comitibus generalibus *Franciae*, locum & suffragium habent.

Attamen Superior *Belsia*, tractum proprie *Carnotensem* solum includit; unde nunc exordium faciemus; postea vero adjunctos à Geographis tractus convenienti ordine subjiciemus, qui cum modicae sint extensionis, nec aliis provinciis contineantur, cum proprios habeant Gubernatores, hac parte melius, quam alibi inferentur.

Le Chartrain.

Carnutum regio, vulgo *le Chartrain*, sub qua censentur Comitatus *Drocensis*, vulgo *Dreux*, & *Montfortius*, quem versus orientem spectat; ita ut versus occidentem aspiciat *d'Ilhers*, *Courville*, & *Champront*, versus meridiem *Pluviers*, & *Saltum d'Orleans*, & versus Septentrionem Comitatum *de Dreux*. Ad novendecim milliaria, ab *Estampes* usque ad *Champront*, in longitudinem se extendit; & à *Pluviers*, usque ad Comitatum *Dreux*, ad viginti, & quod excurrit. Fluvii, quibus irrigatur haec regio, sunt *Eure*, *Drouette*, *Blaise*, *Loir*, *le Gas*, à quibusdam *Lorin* dictus. Oppidum *Chartres*, olim *Autricum Carnutum*, hodie non postremi est loci, situm ad *Eurum* fluvium, partim in planitie, partim in colle, frequentibus aedificiis refertum, mœnibus firmis cinctum, aggeribus fossisque circumvallatum, incolarum divitiis pollens. Perluit ad collis pedem fluvius, pistrinis versandis commodus, qui è *Perchensibus* ortus, hucusque civium industria derivatus, apud *Luparias* (*Louviers*) paulo supra *Rothomagum* in majores Sequanae undas influit. Summum templum *Mariae Virginis* est consecratum, in cujus crypta, puteus ostenditur, *Sanctorum Fortium* dictus, in quem, quum *Carnutes* Christo nomen primitus dedissent, magnus Christianorum numerus ab *Quirino Galliae* Proconsule dicitur praecipitatus. Adservari hic etiam fertur ingenti pietate subucula *Divae Virginis*, quam *Carolus Magnus* huic civitati dono dedit. Portas habet 8, quarum sex patent. Reliquas bella clauferunt civilia: quibus anno 1567 fuit obsessum oppugnatumque, sed

Gallia.

virtute *Lignerii* fortiter defensum. Loquitur carmen, quod ad mœniorum partem, quae hostium machinis prostrata, restituta, Lapidem incisum est:

*Dum nova religio studia in contraria caecas
Gallorum mentes agit, & bello omnia miscet,
CARNUTVM premitur magna obsidione, globisque
Machina sulphureis oppugnat mœnia, quae nunc
Sarta & recta vides. Salva incolumisque remansit
Vibs Duce Lignerio, populi curaue fidelis,
Atque manu parva numerosum reppulit agmen.
Quam pro Rege suo, patriaue, arisque, focusque
Sit pulchrum pugnare, atque hosti cedere nunquam,
Exemplo discant Nati, serique nepotes.*

Dies, quo ab obsidione repulsi hostes, Festis est adscriptus. Cæterum in ipso oppido septem sunt Ecclesiae parochiales, & in praeruriis adhuc tres: item septem Abbatiae seu Conventus, nempe Abbatia *S. Petri*, & *S. Iohannis*, conventusque monachorum tres, & duo foeminarum, cum Collegio *Poquetano*, cujus princeps Canonicus est Templi *D. Virginis*, anno 1572, à quodam *Poquet* condito. Extra urbem est Abbatia *S. Cheronis*, & *S. Iosaphati*, item Prioratus *S. Martini au Val*, &c. Haec urbs, hodie *Carnutum* & *Carnotum* dicta, quondam sedes erat *Druidarum*, qui Gallos, priusquam à *Iulio Caesare* subigerentur, gubernarunt, atque hic Parlamentum suum celebrarunt. Ex horum, quos valde venerabantur, instructione credebant incolae, *Virginem* quandam in terris nascituram esse, Matrem *Salvatoris* hominum futuram. Atque hinc *Priscus*, *Carnuti* Comes, imaginem quandam *Virginis* infantem portantis fabricari curavit, & diis seu idolis suis adjungens, sacrificiis saepissime exhibitis, summe coluit. Et *Godefridus*, Comes *de Montlebery*, postquam filium suum deperditum ex puteo quodam recuperasset, in honorem hujus incognitae Virginis, à *Carnotensibus* vicinis tanto studio cultae, templum erexit, cum crederet hanc ipsam filium suum conservasse. Lucus ille, quem *Caesar* de *Druidis* loquens, *Lucum consecratum* dixit, erat silva montem *Carnutorum* tegens, ubi illi altare quoddam huic *Virgini* erexerant, cum hac inscriptione, *Virgini Pariturae*, anno 500 ante Christi nativitatem. Atque sic hos populos *Savinianus*, & *Potentianus*, Apostolorum Discipuli in hasce terras missi, facili negotio ad Christum penitus convertere potuerunt. Suos tempore *I. Caesaris* *Carnutum* habuit reges; sed *Normanni*, & *Dani* ibidem instituerunt Comites; quorum nunc fallos, progenitor *Otho*, cujus pater *Theobaldus Senior*, Comes *Blesensis*, *Rollonis* *Normanni*, (qui urbem hanc obsidens, & ab obsessis subucula *D. Virginis* victus, Christianam amplexus est religionem) adgnatus, illud ipsum armis adquisiverat. *Otho* quosdam habuit successores, nempe filios, *Theobaldum II* implem, & *Stephanum*, item nepotem ex posteriore *Theobaldum III*, & pronepotem *Theobaldum IV* implem: post quem quidem nihil amplius de *Carnotensibus* Comitibus invenitur. Epi-

R r

seopi



scopi Carnutensis jurisdictionem agnoscunt 847 Parochiæ, 113 Capellæ, 8 Capitula, supra 200 Prioratus, 200 Abbatia Monachorum, & 7 Virginum. Cæterum Carnutum olim Comitatum, anno 1528, Ducatus titulo ornavit Rex Franciscus I, ac Renata Filiæ in matrimonium dedit. Ludovicus XIII, anno 1626, eundem Gastoni Fratri, Duci Aurelianensium, jure appennagii possidendum tradidit. Carnutes humani sunt, inter se amantes, in peregrinos faciles, religionis ac libertatis antiquæ tenaces; munifici in pauperes, ac mercaturæ studiosi. Belsia Carnutum (inquit Masson) frumentaria regio est, à Ligerique & Aurelia protenditur leucis 15, Stampas usque, & à Stampæ Lutetiam 14 leucæ minores numerantur, quas las metimur 11 pass. mill. Hæc regio neque montes, neque fluvijs, neque sylvas, neque vites habet, nec prata, nisi paucissima, propterea putei Belsiani, fontes à prætereuntibus vocantur. Vnde versus nescio cujus Poëtæ circumferuntur:

Belsia triste solum, cui desunt bis tria solum,

Fontes, prata, nemus, lapides, arbusta, racemus.

In eadem raras arbores nasci, nec natas crescere ajunt, propter tophum, lapidis genus: puteique in ea regione altissimi sunt, quia regio ipsa alta. Frumenti hic summa ubertas, & non sine causa urbis Parisiorum granarium appellatur. Aquas vero pluvias Belsiani habent, ad aquandum animalia, easque in concavis colligunt locis, & refides arte faciunt, *Marasque* vocant. Droca, vulgo *Dreux*, antiqua urbs & pulchra, arce olim conspicua, & Druydum conventu celebris, ut

creditur. Ad fluvium Ebrum jacet, qui vulgo *Erreux*. Comitatus est, ut & Montfortius, *le Comté de Montfort*. Eam inter alios obtinuisse legitur Robertus IV, Dreusii Comes, uxore ducta Beatrice, Ioannis Comitis Montfortii filia & hærede. Montfortium oppidum, medio fere inter Druydum urbem, & Lutetiam itinere situm, multos bellipotentis Heroës produxit, ut Simonem, Philippum, & Iohannem, Montfortios.

Pertinent insuper ad Belsiam Superiorem *Ducatus Andegavensis*, & sub illo Comitatus *Maine*. Ille à pago Choulay incipit, & desinit inter Montcontour, & Herraut, ubi Pictaviense territorium incipit, quod limitem illius claudit ad Meridiem. Ad Orientem habet Turonensem & Vindocinam ditionem: ad septentrionem Comitatus *Maine*, & Laval: ad Occidentem Britanniam. Regio fertilis & amœna, colles vitibus confiti, & vina alba hujus provinciæ laudatissima. Metropolis Ducatus Andegavum, vulgo *Angiers*, ad utramque Meduanæ ripam sita, quam pons lapideus jungit. Sunt præterea in hoc Ducatu Salmurium, cum arce ad Ligerim in edito colle posita. Ripæ fluminis lapideo ponte junguntur, *Montreneau*, *Baugé*, *la Fleche*, *Segre*, &c. Verum latiore descriptionem Ducatus Andegavensis, ut & Comitatus *Maine*, leges in propriis harum regionum Tabulis.

Tertiò in Superiore Belsia ponitur *Comitatus Perchenensis*, in quo sunt *Perche Gouet*, cujus principale oppidum est *Nogent le Rotrou*; & *Haute Perche*, cujus præcipuum oppidum *Mortagne*. De hoc fufius in Tabula Comitatus Perchenensis.



T E R R I T O R I U M B L E S E N S E.

*Blois.
Nomen.*



Blesense vocabulum Ptolemæo, Cæsari, Plinio, aliisque vetustis auctoribus ignotum, primum à Gregorio Turonensi cepit usurpari.

Habet ab ortu Aurelianense & Bituricense territorium ab Occasu, Turonense; ab Austro, Solognienſe, Vindocinense demum à Septentrionibus. Quinque & viginti leucis patet in longitudinem, latitudine verò Æquatoris versus Aquilonem, leucas quadraginta colligit. Blesense oppidum 21 gradus longitudinis, & 47 grad. 32. min. latitudinis complectitur.

Blesium est hujus regionis caput; Ligeri fluviio infidet, cujus fluenta præclaro ponte excipit; quo transmissio territorium Solonienſe in inferiori Belsia reperitur. Amplissimo castro munitur, structurae elegantis & magnificæ; ab Occasu, urbe sejungitur. Collegiata S. Salvatoris Ecclesia in prima caſtri area conſurgit, amplissimis redditibus à suis Comitibus & Franciæ Regibus dotata, ubi superba urbis Dominorum maſolæa conſpiciuntur. Est quoque alia non inelegans Ecclesia S. Iacobo dicata. Viſuntur etiam juxta ipſam urbem quædam antiquitatis monumenta, operis veterum Romanorum, creduntque indigenæ horrea Iulii Cæsaris ibi extiſſe. Hic emicat Præſidialis ſedes, aliique regii Magiſtratus. Præclaro etiam Patrum Societatis Collegio, pluribusque Cœnobiis & Abbatiis exornatur.

Huic civitati ad lævam objacet suburbium *Vienna* dictum, quod urbi ſaxeo ponte neſcitur, cui pyramis imminet cum inſcriptione præferente, Pontem hunc diſſidiis civilibus dirutum; rebus autem in pace compoſitis, Henrici Magni ætate fuiſſe reſtauratum. Cætera Blesenſis provinciæ loca ſunt, *Sancet, Aignan, Comitatus, Mer, Selles, Remorantin, Vatan, Chateau-Roux*, Ducatus & Parriatus de jure Principis Condæi; quæ quidem loca nonnulli in territorio *Bituricenſi* conſtituunt; *Valençay, Buſſy* caſtrum ampliffimum; in cujus area extat ſtatua ænea Davidis Regis columnæ impoſita, quæ maximi cenſetur valoris.

Qualitas.

Blesenſis regio clementi & temperato aëre potitur, ob fontium variis in locis erumpentium ſcaturigines. Duobus à Blesenſi civitate milliariibus, in collis acclivi, inter arbuſta ſpecus reperitur, ubi inter ſaxorum hiatus terra pinguis & viſcoſa pallidi coloris ſubrubei extrahitur, quæ jure merito Bolo Armenæ, vel terræ ſigillatæ Lemnos Inſulæ comparatur; illamque in ſimiles uſus adhibent Medici. Illa etiam regio frumenti eſt adeo ferax, ut Franciæ hordeis accenſeatur. In circumjacentibus urbi Blesenſi ad duo milliaria locis, vina melioris notæ producuntur, quæ in Flandriam, Hollandiam, Angliam, aliasque regiones exportantur. Fructus quoque & fruges maximâ ibi naſcuntur abundantia, & gratiffimi

Gallia.

ſaporis; ſilvis etiam amœniſſimis, hortis & viridariis eſt conſita. Lac, & multiplicis generis lactinia ſuppeditat; cui uſui, paſcendis nimirum pecoribus ampliffimum Vallis-Ligeris pratum commodiſſimum eſt, quod rivulo *de Couſſon* dicto, irrigatur, qui quidem haud procul ab Aurelianenſi civitate originem ſortitur, ac poſtmodum in Ligerim ſeſe exonerat, tribus ſub Blesenſi urbe milliariibus.

Blesenſes humaniſſimi ſunt & urbani; nec minus, cum fuerit olim hæc civitas aula regia, & ordinarius Regum ſeceſſus, ubi etiam Regii liberi honorificentiffime educabantur; quò enim populi ſuo Regi ſunt viciniore, eò uberiùs urbanitatis fonte imbuuntur.

Opes colligit hæc regio ex immenſa rerum omnium quas profert abundantia, ex commerciis, & ex vini copiâ, quam exteris provinciis ſuppeditat. Horologiola ſingulari arte ex auro & argento effingunt aurifabri, quæ totâ Galliâ commendantur.

Chamburgum, regia Domus eſt tantæ amplitudinis, ut cunctos etiam Europæ Principes ſimul hoſpicio poſſit excipere: tam elegantis architectura, ut omnibus veterum & modernorum operibus præluceat, ſitque veluti abſolutiſſimum totius artis & elegantia compendium. Illam Franciſcus I, Rex, ab Hiſpana detentione redux inchoavit, nec duodecim annorum ſpatio comple-re potuit, quamquam octocentos mille operarios ampliffimæ huic Domui exſtruendæ indefinenter addiſſet. Scala ſeu aſcenſorium ducentis & ſeptuaginta quatuor gradibus conſtat, tantæ latitudinis, ut qui per ambas graduum extremitates aſcenderint, invicem colloqui poſſint, quamvis ſeſe intueri nequeant, miro proſus artificio; unde peritiſſimi artis magiſtri ſemper aliquid eximii poſſint edificere. Horti tam amœni, tantæque indiſtriâ ſunt conſiti, ut nihil aut mirabilius, aut jucundius toto orbe videas.

Ciſa fluviio ad pontem Chouſiacum proficiſcitur, ternis à Bleſa milliariibus, à parte Aquilonari, ad dextram Ligeris; *Beuveron* verò ad ſiniſtram in meridie, qui oritur apud *Sourdon* vicum ſuperioris Soloniæ. Hoc nomine inſignitur, quod æſtate terrâ imbibitus totus fere penitus areſcat.

Bleſia Gubernatorem habet & Baillivum, cujus quidem juridiſctio longe lateque diffunditur.

D V N E N S I S C O M I T A T V S.

DVnenſis Comitatus à Caſtelloduno metro- poli nomen accepit; *Dunum* autem veteri Gallorum linguâ, aut urbem, aut ſcopulum & collem indigetat.

Habet hic Comitatus ab Ortu territorium Aurelianenſe; Vendocinenſe ab Occaſu; à Meridie

Ss

So-



Extensio.

Chasteau-

Qualitas.

Flumina.

Solo
rense
Pa
tudin
auter
Ca
strum
major
runt.
exor
mitat
Com
So
diver
rimos
sem &
vino
Du
Ligeri
Loir,
rigin
prio
pertu
cit :

Solognienſe & Bleſenſe ; à Septentrione Carnotenſe & Perchenſe *Gouët* vocitatum.

Extenſio.

Patet amplius in latitudinem quam in longitudinem, nam decem protenditur leucis ; octo autem & quadraginta gradus latitudinis ſortitur.

Château-dun.

Caſtellodunum colli præalto infidet, ipſum caſtrum validiſſima turre munitur ; atque ſuburbia, majorem quam ipſa civitas, elegantiam præferunt. Plurimas habet Eccleſias, quibus apprime exornatur. Hic celebrantur Iudicia Dunenſis Comitatus. In caſtro viſitur Sancta Capella, ubi Comitum Dunenſium mauſolæa.

Qualitas.

Solum ferax, varia producit juxta regionum diverſitatem, ſilvas habet & paſcua, quibus plurimos nutrit animalium greges ; quâ Aurelianenſem & Bleſenſem tractus attingit, frumento & vino refertiſſimum eſt.

Flumina.

Dunenſis ager quatuor fluminibus irrigatur, *Ligeri* nimirum, *Connia*, *Aigra*, & *Hierra*, vulgò *Loir*, *Connie*, *Aigre*, *Hierre*. E nemore Aurelianenſi originem ducit *Connia*, qui fluvius nunquam proprio exundat alveo, nec imbribus ullo tempore perturbatur ; equidem æſtivalibus accreſcit : Verum ſi quando plus ſolito intumeſcat,

peſtem Autumno proximo præſagit. *Aigra* ſub Verdenſi ſtagno naſcitur, mediamque *Ferté-Ville-neul* ſilvam pertransiens, in *Ligerim* properat, tandemque illi immergitur. *Hierra*, velut Meſopotamiæ *Tigris*, nunc palam profluit, nunc cuniculis abditur ; nomen quoque *fluvii ſicci* præfert, cujus ratio nominis inde deducta, quod ſolâ pluviarum vehementiâ concuſſus procurrat.

Stagnum Verdenſe juxta *Caſtellodunum*, duabus patet in longitudinem leucis, 250 in latitudinem paſſibus ; de quo memoratu dignum, quod, cum *Childebertus Rex*, Regniæque uxor veneno immaniter conſecti fuiſſent, ſic æſtuarint ſtagnilatices, ut excoctos maxima copia in margine piſces ejecerit ; quaſi elementa enormitatem ſceles, inuſitato prodigio deteſtarentur.

Acuto ſunt ingenio & ſubtili hujusce Comitatus habitatores ; paucis, quæ dicuntur, percipiunt ; Sunt, quod laudabile eſt, pauci ſermonis & acciſi.

Comitatus Dunenſis, ad illuſtriſſimum & magnanimum Ducem *Longavillaum* ſpectat, quem à majoribus de *Francia* æternum beneficiis hæreditario jure accepit.

Verdenſe Stagnum.

Mores.




TURONENSIS

DUCATUS.

Touraine.
Nomina.

Fines.



Eteres Turonum populi nomen huic regioni fecerunt. Turones quippe pro Turupii dictione substituendum in Libris Ptolemæi, ubi *Cæsarodunum* ponit territorii caput.

Terminatur Ducatus Turonensis ab Ortu, agro Blesensi, & aliqua Bituricensis portione, Andegavensi, ab Occasu; Vindocinensi ab Aquilone, ac Pictaviensi à Meridie. Longitudo 28, aut 29 circiter leucis protenditur, cui par fere latitudo.

Flumina.

Amœnissima regio multis amnibus perfunditur, quæ hæc vulgo nomina sortiuntur, *Loire*, *Cher*, *Indre*, *Clayse*, *Creuse*, *Vienne*, *Bransle*, *Cisse*.

Qualitas.

Illius amœnitatem auget placidissima suavè spirantis aëris constitutio, adeo ut totius Galliar Hortus ac Pomarium vocetur, *le Jardin de France*. Vini frumentique feracissima est, & nemora habet venationi commoda.

Turones autem inter ceteros Galliar populos sunt antiquissimi & præcipui, inter Celtas haud postremi, quorum metropolis ad suburbii partem Ligeri alluitur, qui fluvius ex transverso rivum canali propè S. Annam ad suburbia Richii transmittit, eorumque partem Orientalem occupat: à Meridie & Occidente fluvius Idra cursum suum dirigit. Latitudo hujus regionis non ita magna est, propter vicinas & finitimas provincias, quibus circumdatur. Incolæ non magis morum elegantia, quam fide in suos Principes laudantur.

Metropolis
Tours.

Urbem TURONVM antiquissimam, vulgo *Tours*, *Cæsarodunum* Tacito, ædificarunt Galli, unde etiam, ob antiquitatem, præ aliis Galliar civitatibus excellit, adeo ut caput multarum nationum dici meruerit; etiam à Cæsare aliisque, qui Galliam descripsere, pro præcipuis primisque Gallis semper Turones habitati sint. Ptolemæus lib. 2, cap. 8, tab. 3. eos Turegios nominat, ripam Ligeris incolentes. Cæsar plurimis in locis illorum facit mentionem, præsertim in fine secundi libri Commentariorum, cujus hæc verba sunt: *His rebus gestis, omni Gallia pacata, tanta hujus belli ad Barbaros perlata opinio est, ut ab nationibus, quæ trans Rhenum incolerent, mitterentur Legati ad Cæsarem, quæ se obsides daturas, imperata facturas, pollicerentur, quas legiones Cæsar, quod in Italiam Illyricumque properabat, in ita proxima æstate, ad se reverti jussit. Ipse in Carnutes, Andes, Turones, quæ civitates propinqua his locis erant, ubi bellum gesserat, legionibus in hiberna deductis, in Italiam profectus est.* Vnde colligi potest, Turonenses non fuisse hostes Romanorum, sed Cæsaris partes tenuisse, optimumque hoc antiquæ illorum magnificentiar indicium esse. Ex historia etiam Gregorii Turo-

nenfis liquet, cives Turonenses plurimis in locis Senatores Romanos nuncupari, eo quod jure civium Romanorum usu sint, cujus juris olim amici & confœderati Romanorum fuere participes. Sed posteaquam imperium Romanorum à Gothis, Vandalis, Alanis, Burgundis, Hunnis, & Francis devastatum, Turonum civitas, ut & aliæ, libertate sua privata fuit, duraque obsidione à Gallis pressa, qui tamen commoti reverentia tumuli S. Martini, cujus ossa hic condita sunt, ab incepto destitit, quin imo tanti postmodum hanc urbem habuere, ut in sanctis reliquiis hujus sacratissimi Episcopi, omnium negotiorum suorum ac conatum fortunam posuerint. Et hac ratione urbs Turonum Franciar Coronæ accessit, donec post Danorum & Normannorum irruptionem in Galliam, à Ludovico Tertio in Ingelgerum, Comitem Andegavensem, transferretur, quo hostiles Barbarorum impetus copiis suis repelleret, & oram Ligeris propugnaret. Illud quoque memoria dignum est, quod olim in territorio, fere in ipsis portis & sub mœnibus Turonum invictissimus ille Gallorum Princeps Carolus Martellus, circa annum Christi 729, prælio superavit, necique dedit Regem, unum cum quadringentis millibus militum, quibus cum, subjugata prius Hispania, Galliam invaserat. Turonenses etiam hac in parte æternum nomen meruerunt, qui non solum Sarracenis illis acriter resistere, sed & Christianis, cum prælium anceps esset, aditum in urbem præcluserunt, quo salutem non in fuga, sed fortiter dimicando quærent.

Primus urbis Archiepiscopatuum tenuit Gratianus, qui temporibus Diocletiani vixit. Verum post hunc anno 375 secutus in eodem munere S. Martinus, tertius Turonensis Archiepiscopus. Natus hic creditur in Hungaria, & sub Iuliano Apostata militasse, postea vero, mutato vitæ genere, Turonenses ad Christianam fidem convertisse. Archiepiscopatuum obiit annos 26 & ultra. Habet Archiepiscopatuum Turonensis undecim Episcopos suffraganeos: Andegavensem, Cænomanensem, Redonensem, Nannetensem, Venetensem, Briocensem, Corosopitensem, Leonensem, Trecorensem, Macloviensem, & Dolensem. Ipsa autem Turonensis diocesis 1036 parochias subiectas habet. Spectantur in urbe, primo templum Cathedrale S. Gratiani, quod in ejus honorem exstruxit S. Martinus, architectura magnificum, horologio quoque insigne, quod non horas solum, sed & Planetarum motus, Lunæque incrementa ac decrementa designat. Duabus turribus elegantis structuræ exsurgit, paræ altitudinis, unde conspectus longe lateque. Deinde Templum S. Martini, in hujus memoriam à posteris fabricatum, in quo ejusdem ossa asservata fuere, donec bellicis furoribus commissa Gallia, ab alterius part-

tis

tis hominibus cremata fuere. Locus cancellis ferreis cinctus aditum vulgo prohibet. Illis inscriptum :

Impia religio furiis agitata malignis

Ossa viri sancti hic igne cremanda dedit, &c.

Sunt & alia hic templa, sed ea quæ recensui, præcipui sunt nominis. Dimidio ab urbe lapide Abbatia visitur, opus ejusdem Martini, præterlabente Ligere. In ea spectari solent stabulum Regium, deinde ampulla, sacri olei receptaculum, quod Martino a b Angelo traditum perhibent, quo oleo in Regem unctus fuit Henricus IV, cum Rhemense in Campania, ferventibus ibi bellis, haberi non posset. Duabus leucis infra eandem urbem in ripa Ligeris rupes est concava, unde stillicidia quam plurimas figuras effingunt, alias forma rotunda & orbiculari, alias oblongas, alias amygdalis similes, omnes tamen albo & candido colore politissimas, ut Tragematis perfimiles apposite dicantur; ac sæpe fallunt convivas in mensis, præsertim feminas sacchari amantes.

Oppida.

Minorum gentium hujus Ducatus oppida sunt Ambocia, *Amboise*: Langersum, Chinonum, Lodunum, Loches, Montrichard, Castellum, sive *Chastillon*, *Asay*. Ambociam, vicum Ambociensem vocat Gregorius Turonensis, hodie *Amboise*, oppidum ad Ligerim loco tam amœno situm, ut cum omnibus aliis hujus regni certare audeat, qua de causa Reges sæpius eo secedere solent. Arcem hic exstruxit Carolus VIII, in qua & repentina morte extinctus fuit anno 1498. Primum hic templum ædificari jussit S. Martinus, remotis gentilium idolis ac sacris. Templo nomen *Marmonstier*. Templum S. Florentini condidit Fulco de Nerra, Comes Andegavensis, qui Canonicatus in eo instituit, reditusque ad hos necessarios addidit. Diu penes Comites Andegavenses fuit. Philippus Valesius accepit per commutationem. Alii dicunt dominum Touarsii imaginario contractu Ludovico XI vendidisse, odio hæredis sui Domini Tremollii: Regem autem oppidum quidem & arcem amœnitate loci captum retinuisse, cetera Tremollio restituisse. Arx in rupe edita posita est, nec nisi fame expugnabilis putatur. Hinc, obortis in Gallia bellorum moribus, in ea Regina regique liberi, velut loco tutiore, custodiri solebant. *Langersum*, *Langres*, oppidum non ignobile, paulo supra Confluentes Ligeris & Indri versus Orientem. *Chinonum*, *Chinon*, oppidum arce munitum, Francorum regibus olim in deliciis, præsertim Carolo VII, quo tempore æmuli non alio eum dignabantur titulo, quam regis Biturigum; territorium habet fertile & amœnum. Ab hoc oppido majores leucæ versus Pictones initium capiunt. Visitur haud procul hinc pons, qui vulgo *de la Nonnaia*. Arcus sunt lapidei ad medium procurentes milliæ. *Lodunum*, *Loudun*, Pictaviensi ditioni à nonnullis adscribi solet. Olim privatis paruit, nunc sedes tribunalis regii est. *Lochum*, *Loche*, ibidem oppidum est non invalidum, ubi sepulta formosissima quondam mulier Agnes *Surelle*, Caroli VII. Regis, pellex. In crypta arcis repertum olim corpus viri, staturæ raræ; inventus narratur insidens grandi lapidi, capite in ambas manus inclinato. *Mons Richardi*, Gallia.

Montrichard, oppidum in amœna planicie situm, rupibus silvisque (quæ vulgo *les Forests de Montrichard*) cinctum. In suburbanis domus sunt subterraneæ, superque eas horti & vineta. *Castellum*, *Chastillon*, oppidum regale ad Indrum fluvium. *Asayum* duplex, unum ad Indrum, quod *Asay le Brusse*: alterum ad Carim (*Cher*) *Asay le Ferron*. *Insula Bouchardi*, *l'Isle Bouchard*, ad Vigenam est fluvium, quo circumdatur. *Cauda*, *Cau-de*, situm habet ubi Vigena cum Ligeri concurrat. *Paulmum* arx, Vicecomitatus titulo gaudet, sita loco edito. Vivarium adjacet duorum fere milliæ, muro cinctum.

Porro Ligeris fluvius plurimas hac in regione *Insulae*. Insulas efformat; hæc autem speciatim Turonensi territorio tribuuntur: *des Canes*, *de S. Jean*, *des Hastelliers*, juxta Ambociam; *Tribon*, *du Laroir* ad locum Bonidesiderii, vulgo *Bondefir*; *Mahoudeau* prope *Verron*; *Roche-Courbon*, haud procul à Turonibus, *de Tourçay*, quæ urbi Turonensi objacet; *Insula* autem *de Vorger* eidem subjacet; alia deinde *Insula de Maillé* dicta, non longe à cognomine vico; *du Buisson-Berthenecy*, *Druyneau*, *Bec de Cher*, *Trois Volets*, *S. Martin*, *Chapelle-blanche*, *Sauget*, & *Chosé* quæ quidem quatuor sunt ejusdem nominis insulæ, invicem contiguæ; *S. Cosmae* *Insula*, in qua sepultus jacet Petrus Ronfardus Gallorum Poëtarum princeps; atque famosissimus ille Berengarius.

Ceterum hujus tractus incolæ maximam partem, Turonenses præsertim, sericis textilibus operam navant, queis etiam opulentiores negotiantur. *Textilia serica.*

In hac provincia duo sunt Ducatus & Paria- *Ducatus*. tus, *de Montbason* nimirum, & *de Luines*; duo quoque Marchionatus, *de Mezieres*, scilicet, & *de Montgauger*; Comitatus autem sunt, *Busançois*, *Montso-* *Marchionatus*. *reau*, *S. Maure*, *Chinon*, &c. Plures etiam Baronia- *Comitatus*. *Beaulieu*, *Grand-Pressigny*, *la Haye*, *Chateau-Reg-* *Baronatus*. *naut*, &c.

B R E N N A.

Brennæ quædam portio tribuitur Ducatui *Brenne*. Turonensi, altera partim Pictaviensi, partim Bituricensi territoriis; in spiritualibus autem tota est Diœcesis Burdigalensis.

Agro Bituricensi ab Ortu; Pictaviensi ab Occasu; iisdem confiniis à Meridie; à Septentrione, Turonensi terminatur. Figuram triangularem præfert. Patet longitudine leucis quindecim, octo circiter latitudine. *Fines.*

Haud procul à Brennensi territorio *Creuse*, & *Flumina*. *Indre* flumina suas aquas devehunt: duo autem rivuli *Claise* & *Dioson* ex hoc tractu ortum deducunt, quo decurrentes per medium irrigant.

Stagna plurima ex divergio horum fluminum efformantur, quorum præcipua sunt, quæ vulgo vocitantur *des Sept bondes*, quod aliorum 250 stagnorum & amplius aquas excipit; & quamquam septem obstaculis amotis, aut potius septem faucibus apertis effluat, attamen nec hoc sufficit, ut tot aquis ibi regurgitantibus evacuetur; sed agger nonnunquam proscindendus est, ut aquæ liberiùs erumpant: *Picadon*, quod vastissimi totius

Tt



tius regionis stagni, Vigniacci nempe, vulgò *Vignaux*, aquas admittit. Hæc stagna & pleraque alia Claisæ amni sese committunt, qui inde piscosissimus evadit, & lucios, cyprinos, percas, anguillas, piscesque alios optimos affatim producit.

Oppida.
Mesieres.
Blanc.

Turnon.

La Haye.

Tour de
Rancé.

Meserensis civitas regionis caput, collegiatam in suburbiis Ecclesiam habet. Arx hujusce Marchionatus est elegans & vetusta. Villa Blanca Creusa flumine dissecatur, parte altera Bituricensis, altera Piclavienensis territorii. Turnonium quoque burgus eodem modo dispescitur, ut & urbs *la Haye* dicta, quæ eandem sortitur divisionem. *La Selle* burgus est non ignobilis, Turonensis ditionis. Quæ tractus hic vergit ad Creusam fluvium, præterdit amplissima quædam nobilium palatia, scilicet *Neville-les Bois*, ubi Rancea Turris; *Ronay*, ubi famosissimum castrum *du Bouchet*, quod

loco ita eminenti assurgit, ut duodecim procul leucis prospici queat; ædes deinde Avenionenses & aliæ conspiciuntur.

Hæc regio depressa est, nec multum frequens, *Qualitas.* ac velut inculta & silvestris, paucis vinetis conferta, nec triticum aliud quam filiginem & avenam producit. Viæ sunt aquis impeditæ, ac viatoribus difficiles, imo & ipsis Brennæ incolis, qui velut paludibus immerfi & filvis obsiti degunt. Copiosissimos suis nemoribus nutrit cervorum, dammarum, aprorum, aliarumque ferarum greges; est etiam ibi maxima avium fluviatilium multitudo.

Plebecula obtuso est ingenio & parum sagaci, *Mores.* ignara, deses, malitiosa & nequam; proceres autem, & primarii cives, omni morum elegantia & honestate præditi sunt.



Extensio.

Flamina.

AVRELIANENSIS

PRÆFECTURA.


Avrelanensis Præfectura sub celeberrimo ejus nomine longe lateque patet ; continet enim Ducatus Aurelianensem , Andegavensem , Turonensem , Nivernensem , Vindocinensem , Bituricensem , Engolismensem , Maisnensem , Comitatus Perchensem , Blesensem , Pictaviensem , Terram Aulnis , Belsiam , & partem agri Gastiniensis , vulgo *Gastinois* , quarum regionum descriptiones partim supra dedimus ; partim vero infra subjiciemus.

INFERIOR BELSIA,

DVCATVS AVRELIANENSIS,

ET SOLONIA.

Extensio.



Inferior Belsia , vulgo *la Basse Beausse* , ipsa est verissima quæ Belsiæ nomine regio indigetatur. Ipsa autem inter Senonensem , Aurelianensem , & Carnotensem Episcopatus diffunditur.

Flumina.

Connia fluvius hanc regionem alluit ; flumen hoc , paludem potius , quam fluvium nonnulli putant , nam arefcit sæpius ea tempestate , qua ceteri intumescunt ; 25 circiter leucis decurrit , ac postmodum Ligeri se immittit. Huic anni imposta est præclara domus *de Fontenay*. Sunt alia duo flumina , quæ ex Aurelianensi silva emergunt ; de quibus mox in ipsius silvæ descriptione mentionem injiciemus.

Dimensa fuit , Francisco I , Rege , Aurelianensis silva , inventaque septem viginti mille orgyas in ambitu continere , sed ab illo ævo mediam fere partem præcisa , in vineta , arvom & pascua uberrima evasit. Incipit ab Occasu civitatis Aurelianensis , juxta locum *de Monpipeau* , porrigitur autem ad viam , quam dicunt , Romanorum ; ab Ortum verò usque ad Gyennensem oppidum procurrit. Ex hoc nemore duo progrediuntur fluvii , *Pont aux Moines* , & *Bionne* dicti ; ille nomen sumpsit à præpingui hujus regionis Prioratu ; hinc autem ab ejusdem nominis oppidulo , quod alluit. Cæterum hac in silvâ , lautissima venatio est , nam feræ omnigenis ibi reperiuntur. Eò loci quondam præcipue venationis oblectamenta captabant Reges ; quod testantur disseminati passim insignes hac regione burgi , quibus ideo cognomen inditum est *aux loges* , *Vitry aux loges* , *Neufville aux loges* , &c. Quod equi supranumerarii , vulgo *relais* , & in substitutionem defessorum adducti , ibidem stabularentur ; quapropter & isti burgi postmodum *fre-Gallia*.

quentes evaserunt. Ceterum tota hæc silva optimo in fundo confita est , eaque de causa variis in locis excisa locum frumento , vino , uberimisque aliis proventibus fecit.

Aurelia civitas à Julio Cæsare & Ptolemæo *Gennabum* nominatur ; Strabo autem τὸν Καρπύτων ἐμπόριον illam appellat ; nomen verò quod impræsentiarum præfert , ab Aulercis veteribus forte accepit.

Soloniam habet à Meridie ; ab Aquilone autem suâ silvâ cingitur. Illius ager in Soloniam procurrit , & in Gastinense territorium ; quidquid superest , id ipsum vera est Belsia. Urbs omnium amœnissima in lætissimo Ligeris colle emicat. Insulam gratissimam in gremio præfert , pulchris arboribus confitam , quibus & umbræ delicias excipit , alia vero ex parte superbis ædibus exornatur. Insula urbi ponte necitur , ipsa autem civitas intensi arcus figuram imitatur , cuius funis est ad Meridiem , quâ scilicet Ligerim aspicit ; parte autem altera molliter incurvatur.

Decem portis venientes excipit , magnisque suburbiis accrescit ; supersunt etiamnum antiquorum murorum rudera ; plurimum autem huic urbi accessit post Anglorum tempestatem ; nam regnante Carolo VII , ille , quo nunc cingitur , ambitus inceptus est. Angustæ sunt urbis veteris plateæ ; spatiosæ vero quæ in nova civitate conspiciuntur : publicos habet mercatus , quæis frumenta , & vina communiter distrahuntur. Castellum , seu justitiæ Prætorium non quidem pulchrum est aut elegans , sed potius abs sua antiquitate commendatum. Horologium majus pondo octoginta mille librarum extat in turri publicæ Domus. Sunt in urbe parochiales Ecclesiæ 22 , quarum quatuor totidem Collegiatis sunt annexæ ; præter Cœnobium , & Conventus utriusque sexus Religiosorum.

Cathedralis Basilica S. Crucis creditur ab uno ex primitivis Aureliæ Episcopis condita ab anno 360 , opulentissimis ornamentis abs Constantio Imperatore Arriano dotata ; cuius rei causæ in


Orleans.
Nomina.

Fines.

Ecclesia
S. Crucis.

V u

vete-



veteribus istius Ecclesiæ, & Abbatia monumentis recensentur: iis annumeratur Ecclesiis quæ ab ipso Christo fuere consecrata, S. Dionysii, in Gallia, S. Severini Burdegalenfis, & Arelatenfis in Provincia.

Fuit hæc Ecclesia sæpius diruta, sæpius quoque restaurata, præsertim sub Rege Roberto, urbe ipsâ penitus incensâ. Inceperat Henricus IV, super iisdem fundamentis illam restituere, cœptumque opus profectus est Ludovicus XIII. Porro hæc Basilica quinquaginta Canonicatibus exornatur. Sunt aliæ præterea Ecclesiæ Collegiatae, scilicet S. Aniani, S. Petri Puellarum, S. Petri in puncto, & S. Aviti. Extat Ecclesia S. Salvatoris loco Synagogæ Iudæorum, qui Aureliâ fuere expulsi anno 1184.

Res vitæ sustentandæ necessarias desiderat nullas: & imprimis vinum, quod ex circumjacente agro colligitur, & generosissimis Galliæ accensetur. Sanitati tamen proficuum non creditur. Sic ut etiam Pincernæ regio hoc Principi suo propinare vetitum perhibeant. Exportatur tamen Ligeri opitulante, & post mari in diversas Europæ Septentrionalis provincias distribuitur, nomen ab urbe mutuans. Deambulationes extra urbem sunt peramœnæ inter vineas, quæ tamen nunc viridariis, nunc hortis fructiferis, nunc arvo frugum ferace interstinguuntur.

Vinetum, quod civitati Aurelianensi circumjacet, duas & viginti parochias habet; & sane frequentissima est regio; nam quædam ex iis parochiæ, *Ingre* nimirum, & *Olins*, bis mille & amplius familias numerant; adeo ut si totius vineti familiæ in unum coalescerent, potentissimam componerent civitatem; hinc rurales domus non vulgarem elegantiam ostentant.

Regimen.

Aurelia augusto Magistratu conspicua, Urbis Majorem habet cum decem Consulibus seu Scabinis; Marefcallum quoque, necnon pontium viarumque Præfectum, & Monetariam Officinam. Quantum autem ad Aurelianensem Præfecturam, illa tam longe lateque se extendit, ut inter amplissimas Galliæ jurisdictiones censeatur.

Qualitas.

Aëre fruitur puro & clementi; in pulchram planitiem se pandit tota fere regio; frumento, vino, frugibus, fructiferisque arboribus abundat. Humanissimi sunt incolæ & comes, robusti, laboriosi, negotiationi addicti; attamen qui exteris nationes nullatenus frequentarunt, rudes sunt, iracundi, & otio nimium dediti. Verum maxima regionum Officiariorum multitudo, istam qualemuncque morum duritiem emollivit; sed hac viâ luxur irrepfit, cum olim essent frugi, & rebus suis intenti.

Lingua.

Lingua Gallicanæ elegantia hinc in urbis medietullio, & Blæsiis ea floret, ut palmam facile præripiant omnibus. Hinc Gallis Aurelianisimus, quod Græcis Atticisimus. Puellæ imprimis excolere illam nituntur, ac cum æmulatione ita in ea excellere laborant, ut Pindarum se exprimere (*Pindarizer* vocant) gloriari audent: quod & Merula in Aureliæ descriptione adnotavit. Illam tamen elegantiam turpant una atque altera vox & significativa & consignificativa, in extremis oppidi regionibus, ubi alia, eaque rudi dia-

lecto utuntur, e longo in a, modo Dorico, mutato, præsertim circa Portam *Banniere*, quas ut non facile indigenis eripias, ita monitus quam facillime evites.

Ex tantâ, quam obiter attigimus, rerum omnium abundantia, extitit hæc omni tempore opulentissima civitas; cujus opes etiam commerciorum frequentia supra modum adauxit, & accumulavit. In toto autem Aurelianensi Ducatu, *Vires*, locus nequiquam firmus aut munitus reperitur; sola Aurelia ab omni ævo pollet viribus, præclaro mœnium ambitu cincta, strenuis habitatoribus exulta, etiam olim Attilæ assultibus intrepida perstitit & inconcussa.

Equidem mala sustinuit plurima. Vt antiquiora taceam, ab Attila arctissime obfessa, & tantum non ad deditionem coacta fuit. Virtute tamen & fortitudine civium vim omnem viriliter sustinuit, certa etiam spe suppetiarum ab Ætio, Merovæo, Theodorico. Creduntur etiam preces sancti Aniani, sub id tempus Episcopi Aureliani, civitatis conservationi profuisse. Vide Sidon. Apollin. 8, *Epist.* 16. Cujus nomini & memoriæ edificatum fuit templum, post cœnobium effectum, hodieque S. *Aignan* dictum. Nec minorem insultum passa est ab Anglis, sub regno Caroli VII, anno 1428, cum puella Aurelianensis, de qua mox, suppetiatum ipsi veniret, & obsidionem solveret. Parilem obsidionem tulit anno 1536, à Francisco Gaisia Duce, nomine Regis Caroli IX. Quem cum scelerate Poltrotus interemisset, pacto obsidio solvebatur: quo de novissimæ historiæ consulendæ.

Divisâ quondam inter Clodovæi Magni liberos Monarchiâ, fuit Aurelia regni potentissimi solum & titulus, multasque provincias sibi subiectas complectebatur; sed postmodum in Ducatum erecta, Regum liberis in peculium & appennagium assignata est. Plures habet Castellanas, quarum prima est ipsa Aurelianensis, vulgo *le Chastelet d'Orleans*; secunda, *Lorris*; quæ quidem urbs in silva Aurelianensi ad Ortum sita est. Tertia, *Tenville*, Aurelianum inter & Carnutum, urbecula elegans, muris circumvallata. Quarta, *Baugency*, titulo Comitatus insignita; est verò in colle Ligeris posita, pontemque præterdit 22 fornicibus suffultum. Quinta Castellania, *Chasteau-renard*; Sexta, *Boiscommun*; Teure-le-Chastelle; Octava, *Chasteau-neuf*; Nona, *Virry*, Decima tandem *Neuf-ville-aux-loges*.

Baillivatus Aurelianensis ex Castellaniis jam enumeratis coalescit, prout & ex sequentibus; nimirum, *Pluviers*, frumentorum mercatu celebris; *Meun*, urbecula non ignobilis, 20 Canonicorum collegio insignita; *Artenay*, *Toury*, *Angerville*, &c.

Hujus regionis Palatia, Castella, præclaræque nobilium aedes hoc ordine recensentur, *Laz*, antiquum Borbonicæ Domus patrimonium; *Doisy*, *Malsherbe*, *Chasteau-neuf*, *Chenaille*, *Chamerolles*, *Chemant*, *Acheres*, *Rouchemont*, *Montpipeau*, *Huisseau*, *Fontenaille*, *Avalé*, *l'Orgé*, *Duyset*, *Lornay*, *les Gascchertiers*, *Duilly*, *Fontpertuis*, &c.

Extra portas Aureliæ, quacunque egrediaris, duro filice ad duas saltem aut tres leucas con-

Opet.

Vires.

Academia.

Castella.

Vie.

Insula.

cur-

currens, varias Nanneten usque Insulas efformat, *Roselin*, scilicet, & illam, cui *ab Anseribus* nomen est inditum, vulgò *l'Isle aux Oyes*, quæ unam ambitu colligit leucam; Insulam deinde *de Baugency*, octocentis passibus protensam; quæ vero Calvo-Monti objacet, ducentis passibus porrigitur: plures alias passim reperies, si Ligeris ductum fueris prosecutus.

Quina Gallicanæ Ecclesiæ Concilia Aureliæ sunt celebrata: multi etiam Reges ibidem inaugurati, Carolus nimirum Calvus, Robertus, & Ludovicus Crassus. Non tam late patet Diœcesis, quam ipse Ducatus aut Præfectura; ducenas tantum & octoginta parochias habet, & triginta Prioratus, undecim Collegiatus, & quinque Abbatis.

Neque silentio involvendum singulare & eximium prorsus Aurelianensium Antistitem privilegium, quo quidem illis potestas facta, ut ipso die primi solennis in urbem adventus, possint quoscunque urbis carceribus mancipatos, illico relaxare; & quod mirum, Nicolaus *Nets*, ejusdem urbis Antistes, hac fretus potestate, cum anno 1632 urbem pompaticè ingrederetur, undecim supra quadringentos carceribus liberavit. In hac autem pompa, quatuor ex hac Diœcesi Barones tenentur Episcopum usque in thronum Episcopalem suis humeris deferre.

Academia. Academia, sive Univerſitas Aurelianensis antiquissima est; & collegia seu gymnasia Ecclesiarum, aut Cœnobiorum omni ævo celeberrima fuerunt. Guntrannus Rex primo suo in urbem adventu, felicibus auspiciis linguâ Hebræa, Græca, & Latina exceptus est. Florebat illa Academia ætate D. Ludovici; anno quoque 1230, S. Richardus Magnæ Britanniæ Episcopus, Theologiæ operam navavit in cœnobio Dominicanorum. Imo & Bonifacius VIII, Pontifex summus, suas Decretales anno 1298 illuc transmissit, ut in eadem Academia prælegerentur. Celebris est hæc Academia, & à Germanis frequentata, qui nonnullis ibi privilegiis potiuntur: præsertimque ut linguam Gallicam addiscant, illuc se conferunt; ubi & suæ Nationis Procuratorem obtinent, gaudentque Bibliotheca & Ærario sive Bursa suæ Nationi propriis; ac præscripto quotannis die solenni pompa per urbem procedunt, delato etiam vexillo, ubi Aquila, Imperii insigne, depicta est. Plateæ, eleganti pavimento ex lapide quadrato minuscule strata, nulla impuritate inambulantes maculant.

Areæ complures majores, minores, quarum celebrationes sunt, *la place de l'Estappe*, *le Martroy*, (ubi supplicium de reis sumitur, unde & nomen mutuata creditur) S. *Aignan*, *les Mottes*. Nonnullæ arboribus latissime ramos diffundentibus inopacantur: quod præ omnibus aliis amœnitatem Aureliæ incomparabilem conciliare videtur.

Innumera certè alia in hac ornatissima civitate reperiuntur, sed relictis naturæ, artisque ac magnificentiæ miraculis, ad Providentiæ prodigia tranſeamus, sicque commendatâ meritissimo jure Aureliâ, sermonem ad alia convertemus.

Exhibet Pons Aurelianensis singulare, & dignissimum memoratu pietatis monumentum, Deiparæ scilicet iconem, Christum è Cruce

Gallia.

depositum inter ulnas præferentis; à cujus uno latere extat Caroli VII Regis, cataphracti, effigies; ab altero, Puellæ quoque cataphractæ, flexis genibus, cæsariem humeris defluentem gestantis; cui junctæ manus supplicantis instar; huic olim nomen Ioannæ à parentibus inditum, vulgò *Ieanne d'Arc*; à rebus autem præclare gestis, eximiisque facinoribus *Puella Aurelianensis* decoro & celebri nomine insignita est. Puella, inquam, insolitum Providentiæ regna nutu gubernantis, miraculum, pauperculis orta parentibus, pascendisque ovibus addita, flagrantibus Anglorum procellis, Aurelia obsidione pressa, & arctè circumvallata rebusque pene desperatis, Carolum VII Regem adit, suppetias ex parte Numinis illi allatura, quod & præstitit; nam brevi septem Anglorum millia occidit, sexagintaque illorum munimenta solo cœquavit, tandemque Aurelianensem obsidionem solvit; in cuius rei, ac stupendæ liberationis perennem memoriam cives incliti Aurelianenses suo ponti prædictam effigiem apposuerunt. Urbem tali encomio celebravit Iul. Scaliger.

Non potuit magni caput esse Aurelia regni.

Ergo quod reliquum est, cor animusque fuit.

Dat Bellona manum, facundam Curia linguam.

Ars potuit nullis ulla latere modis.

Tam come ingenium, tanta est prudentia rerum.

Hæc quod non novit, Gallia muta silet.

Ipse pater choreas agitans in vertice Nyse

Olim, aut hinc, aut huc munera leta tulit.

Nil humile aut vulgare sonat: magna omnia, magni

Quin animum vulgus principis ipse gerit.

Quæ tibi non cecidit, toti non cesserit orbi.

Cedere non debes tu, nisi sola tibi.

S E C A L O N I A.

*S*ecaloniæ variis nominibus auctores appellant, nimirum, *Sigalauniam*, *Siligoniam*, eò quod siliginem proferat, & *Sabuloniam*, quod abundet sabulo. A Giennensibus fere pontibus orditur, procurritque ad *Cheram* fluvium, vulgò *Cher*, totamque Australem Aureliæ ultra Ligerim regionem occupat. Quadraginta circiter leucas longitudine, octodecim autem latitudine colligit.

Illam plura, sed innavigabilia flumina rigant; præcipua autem sunt *Loiret*, *Cousson*, *Beuvron*, & *la Sauldre*. Loiretum unico nascitur ab Aurelia milliari; illius autem fons tantâ scatet aquarum abundantia, ut amplissimum lacum efformet ferendis etiam navigiis onerariis idoneum; at cum ad binas tantum leucas decurrat secus vineta, circumagendis duntaxat molendinis infervit. Hic fluvius quosdam æstus patitur, quales maxima flumina perpetiuntur, ita ut totam fere regionem suis fluctibus inundet; attamen piscosissimus est, & cygnorum innatantium candore decoratur. Haud procul absunt S. *Cyre* & *Cobray* rivuli, qui inde in Loiretum properant. Collis huic anni imminens præclaris ædibus disseminatur, ubi etiam *du Pontil* spectatissima domus. Sunt alii præterea hujus tractus fluvii, scilicet *Cousson*, *Canle*, *Beuvron*, *Sauldre*, quo nomine duplex fluvius indigetatur; *Neere*, *Berenjon*, *Reze*, &c.

X x

Præ-

*La Pucelle
d'Orleans.*

*Sologne.
Nomina.*

Fines.

Extensio.

Opes.

Vires.

Castella.

Vie.

Insula.

Oppida.
Remorantin.

Præcipua autem oppida sunt, *Ratomagum*, vulgo *Remorantin*; *Gergeau*, *Sully* & *Aubigny*. *Ratomagum* *Saldræ* fluentis assidet, oppidum elegans, & castro insigne. Spectatissimo Canoniorum Collegio gloriatur. Pannis laudatissimis ipsi indigenæ & operantur, & negotiantur. *Gergeau* urbs satis nota ob pontem commodissimum, quo *Ligeris* fluvius ibi pertransitur; fulget etiam Collegio Canoniorum; *Sully*, Ducatus & *Pariatus*, in ora ejusdem fluminis situs, iisdem Dignitatibus præcellit; *Aubigny sur Neere*, urbecula muris cincta, & castro munita; *Clery Secalonia* burgus, quaternis ab *Aurelia* leucis distans, ubi egregium *Deiparæ* templum, cuius Canonici, loci Dominio potiuntur.

Qualitas.

Amœna satis est hæc regio, nam saltibus confita, fontibus ac rivulis respersa, gleba fertili, quæ præcipuè filiginem melioris notæ producit; pascuis abundat, omnis generis venatione gaudet, non tamen aucupio; præsertim verò nutriendis gregibus & armentis cultores insudant. Bobus duntaxat arant, & quidem ingenti labore arvom proscindunt, namque altius terram pe-

netrant, illamque attollunt, quò aquas tutius devitent; novem boves unico addicunt aratro. Cœlum prorsus insalubre, nec aquæ sunt salutaræ, sed ponderosæ; unde forsitan incolæ, vultu subpallido ut plurimum, aut quasi plumbeo de-venustantur. Nihilominus ipsa regio est habitatoribus frequens.

Indigenæ omni sollicitudine rei familiari intendunt, altius apud se res trutinant, profunde ruminant, vix proximis se aperiunt, aut cuiquam communicant. Vulgaris parcemia, *Stolidi Secalonienses*, in proprium duntaxat emolumentum falluntur! Gallicè, *Niais de Sologne, qui ne se trompent qu'à leur profit*.

Puisæus tractus Electionis est *Gienensis*. Generalitatis autem *Aurelianensis*, cuius Gubernatori subjacet; *S. Fergeau* illius est caput & metropolis; comprehendit alia pleraque loca, *Toucy* nimirum, *Perreuse*, *Treigny*, &c. Hinc plures, fluvii exoriuntur, *Chenille* scilicet, *Mezille*, *Bourdon*, *Ouayne*, &c. Sed de *Solonia*, seu *Secalonia*, pro instituto satis.



BITURIGVM

REGIO,

vulgò

LEBERRY.



Bituricensis ager ille est, quem olim *Bituriges Cubi* insederant, in priori scilicet Aquitania; in posteriori verò *Bituriges Vivisci*. Provinciarum Notitia vetus vocabulum aliquatenus immutavit. A Septentrione

Secalonia clauditur; habet autem ab Ortu Hurepensem, Nivernensem, & Bojorum tractus; à Meridie Lemovicensem; ab Occasu denique Pictaviensem, & Turonensem. Longitudine 60. leucis, latitudine 32 protenditur.

Præclaram hanc provinciam plurimi amnes alluunt, quorum præcipuus, nomine non re ipsa, *Carus*, assignatur; suo ille exundans alveo multa damna infert, tantoque decurrit impetu, ut vix equus totis viribus contendens possit in adversum flumen obniti. E Lemovicensibus jugis nascitur, moxque nativo fonte egressus, Tardam fluvium in Bojorum finibus excipit, posteaque rivulum *Amaron*, qui *Neris* oppidum prolabitur, à Nerone olim extructum, & veteribus monumentis etiamnum insigne. Inde *Carus* Monluconium defluit, rapitque obviam *Cosnil* flumen, *Bande*, *Aumance*, *Chaulne*, ac *Trevillies* rivulis oneratum; tandemque *Marnandæ* aquis locupletatus, ponte sternitur ad locum *de Bruiers*, alteroque itidem ponte, ad Novum-Castrum, vulgò *Chasteauneuf*, in Biturigum limite, emensoque postea spatio, *Auram* cum plerisque aliis amnibus admittit; ex cuius fluvii appellatione, *Avaticum* Latini derivarunt. Porro alia flumina sunt, *Auron*, *Molon*, *Aurette*, *Colin*, *Tripaude*, *Azin*, *Choëstre*, *Oratier*, *Beranson*, *Barageon*, *Arnon*, *Cynaise*, *Theo*, *Tournemine*, *Saundre* major & minor, *Reze*, *Poson*, *Nahom*, *Moton*, *Indre*, *Couard*, *Clery*, *Eschandon*, *Creuse*, major & minor, *Veiron*, *Croute*, *Bouzine*, *Gartampe*, *Vinçon*, *Seve*, *Basile*, *Anglin*, *Aisë*, *Blenaise*, *Blou*, &c. Præter autem hîc enumerata, sunt & pleraque alia, quæ hanc regionem perfundunt, de quibus in aliarum descriptione terrarum abunde tractamus.

Dividitur autem Bituricensis regio in Superiorem & Inferiorem; Superior à Ligeri, ad Lovaterum usque flumen procurrit; Inferior verò, à Caro flumine, ad Creusam usque itidem flumen.

Avaticum Biturigum Cuborum, *Biturica*, & *Biturica*, vulgò *Bourges*, verusta ostentat mœnia, partim Gallia.

Romanorum opus; partim à Carolo Magno extructa. Integrum S. Fulgentii suburbium, cum ipsâ etiam Auroræ platea, fuere olim intra muros conclusa, necnon & illa, quæ *de Montchevry* nominatur, usque ad Clementiam Turrim; ubi visuntur superstites quædam antiquitatis reliquæ tum intra muros, tum extra; ipso quoque loco *arenarum fossa* nuncupato, atque amphitheatro. Vetus civitas tantulum inclinat, qua parte paludi objacet. Septem portis majoribus adventantes excipit, ac quibusdam minoribus, quas poternas vocant; septem quoque suburbiis amplificatur; septemdecim parochias habet, & septem Collegiatis, præter quatuor Mendicantium cœnobias, binas virorum Abbatias, unam S. Ambrosii, S. Sulpitii alteram; tres quoque feminarum D. Mariæ Annunciationis, S. Laurentii, & Mendicantium Clarissarum.

Fluvij & paludes, urbem potenter muniunt, ferèque reddunt hostibus inaccessam; neque enim averti possunt aut exsiccari ob erumpentes passim scaturigines. Turris ingens seu crassa tres orgyas spissitudinis habet, tantæque altitudinis, ut ex illius vertice ad quatuor leucas facilis sit prospectus; in ea omnis bellicus apparatus reperitur, præclarumque Gubernatori domicilium exhibet. Hic ostenditur ferrata cavea, cui Ludovicus, Dux Aurelianensis, postmodum autem huius nominis duodecimus Franciæ Rex, fuit mancipatus. Cathedralis Basilica Stephano Protomartyri dicata, amplissima est, habetque præaltum campanile plumbo copertum, deaurataque porticus, ac cæruleo colore depictas. Sancta quoque Capella, opus est magnificum & elegans, ad Parisiensis S. Capellæ exemplar effigiatum. Tribuitur illius ædificium Ioanni Biturigum Duci, profusæ liberalitatis & munificentiae Principi, qui quamplurimas ædes alias insignes excitavit. Hic Briati Gigantis ossa conspiciuntur, qui quidem perperam Bituricensis Gigas appellatur, ferturque quindecim cubitos altitudinis implevisse; Illius sepulchrum in Comitatu Crussoliensi, anno 1456, regnante Carolo Septimo, fuit repertum. Videtur etiam cuiusdam inusitatae magnitudinis cervi effigies; visuntur adhuc eadem in urbe Domus magnificæ viri opulentissimi Iacobi *Cœur*, ædesque columnis statuisque marmoreis interstinctæ; extra muros vero, viæ plurimæ ac meatus subterranei, arcuato opere eleganter extructi, conspiciuntur, qui in varias huiusce regionis plagas porriguntur. Sunt & alia Romanæ antiquitatis monumenta, militaria

Y y nem-



nempe praesidia, aliaque id genus aedificia non à Romanis solum, sed à veteribus quoque Gallis constructa.

Exoldunum.

Exoldunum, sexto à Biturigibus milliari, *Theols* flumine perfunditur, ipsius autem scaturigo quatuor ab Exolduno leucis *Fontheols* appellatur, ramus est majoris fluvii, qui hoc ipso nomine insignitur, in urbemque aggestis molibus in usum molendinorum invecus est, unde coriariis, tintoribus, membranariis, aliisque artificibus maximo est emolumento. Ipsa civitas firmis mœnibus cingitur, fossis praetis & latioribus, turribusque ac munimentis aliis obarmatur; arx quoque adjacens, muris fossisque vallata, & amne circumfusa, instar est urbis sejunctae, crassissimam turrin in praesidium praetendentis. Ibi Domus regia, & Iustitiae solium, Aedes S. Stephani, Benedictinorum Abbatia, superbaque hujusmodi aedificia eò loci, velut in tutiore urbis parte, posita sunt; ideoque ipsi proceres ibi domicilium elegerunt. Amplius autem ipsa civitas se diffundit, nec angustis adeo finibus coarctatur; illam incolunt cives, mercatores, opifices; hinc mercatus, tabernae, hospitia, quatuorque spatiosa satis suburbia. E Turri, Baillivatuque Exoldunensi plurimae dependent Baroniae, ac feuda. *Charros*, urbs est & Castellania, Bituriges inter & Exoldunum sita; hanc Arnon fluvius irrigat, quem exornant latissima in margine prata, silvaeque amœnissimae & opacae, de *Fontmoreau* dictae, necnon & optimum alia ex parte vinetum.

Chasteau-Roux.

Castellum-Rufum, live *Chasteau-Roux*, civitas & Baronia pervetusta, in finibus Biturigum, octo circiter ab Exolduno leucis; hodie Ducatus ac Pariatus titulo conspicuum, muris, turribus ac fossis munitur, cum quatuor amplissimis suburbis; *Indrae* fluentis alluitur; Ipsum autem territorium viginti leucas & amplius ambitu colligit; milleque & ducenta inde relevant feuda.

Sancerre.

Sancerrense oppidum, vulgo *Sancerre*, ad Ligerrim situm, decem à Bituricensi urbe milliariibus, in monte eminet, cujus radices alluit fluvius, ubi S. Theodebaldi portus. Hæc civitas in veterum monumentis commendatur quasi *Sacrum Ceres*, quod nempe Ceres in ea coleretur; aut potius, ut *Sacrum Caesaris*; hunc nempe locum velut in alto positum delegerat Caesar, quod vota cœlo propius nuncuparet, acceptamque, diis auctoribus faciens, felicitatem ac fortunam referret. Nunc tantum quatuor portas habet, quarum altera *Caesar* nominatur; hanc portam inter & illam, quæ ab *Anfere* nomen sortitur, Castellum infidet. Protenditur illius ambitus ad duo mille & quingentos passus. Famam à Dominis & Comitibus accepit, sed celebriorem ab obsidione & clade, quam perpeffa est anno 1573, priusquam peremtoriiis armis cederet; nam calamitates insolitæ Ierofolymis & Numantiae illam adæquarunt.

S. Satur.

S. *Satur* sub Sancerrensi oppido visitur, urbis gaudet titulo, turribus ac fossis obseptæ. Ibi Abbatia insignis, quæ sua etiam vetustate gloriatur; Castellum quoque muris solidissimis, turribusque optimis est munitum.

Les Ais d'Anglon.

Ajacia, oppidum est arce vallatum, sex à Sancerre leucis. Arx ipsa validissima est, 800 pas-

sus ambitu continens. Decoratur Collegio Canonorum; subsuntque urbi ac Castellaniae parochiae novem, ex qua etiam ducenta relevant feuda. Urbs est antiquæ memoriæ, quæ quidem sæpius vastata, clades diversas & incendia sustulit tum à Vercingentorige, tum ab Anglis & Burgundionibus. *Colin* flumine subtus alluitur.

Mons-falconius, civitas, castro edito munita, *Montfalcon.* muris cincta, crebris turribus ac fossis vallata. Hic Baronatus 28 parochias sibi subiectas habet, quas inter *Baugy* burgus elegans, castro conspicuus recensetur, ubi nundinae novies quotannis celebrantur. Hac regione quinquaginta plus minus stagna spectatæ magnitudinis reperiuntur; præter cætera autem Polignienſe, quatuor in ambitu leucis expanditur.

Luricum, exiguum quidem, sed priscae memoriæ oppidum, muris clausum, ceterisque industriae munimentis, ut superius memorata oppida, instructum, ubi quadrata turris stupendæ magnitudinis. Hæc Castellania quinque tantum parochias subiectas habet, attamen usque ad Carum amnem diffunditur.

Gracayum, urbs Baronatu insignis, mœnibus *Gracay.* & castro munitur; præclaris fulget aedibus. Hic panni lanei melioris notæ conficiuntur. Regio est silvis opaca, & stagnis ac amnibus irrigua.

Linieres, urbs est & Baronia, optimo mœnium ambitu, & castro obarmata. *Arnon* fluvius in Bojorum finibus nascens, hanc urbem perlabitur, ipsumque territorium ad tres leucas procurrit. Inde Rizenſis Castellania dependet, ac quinque complectitur parochias, habetque vetustum castrum, cujus radices perfundit Cinesus amnis, qui in Arnonium postea influit. Hujus urbis incolæ plurium jure Nundinarum potiuntur.

S. *Severi* oppidum Baronatu insignitum, arce *S. Severi.* defenditur; illius ager vinetis est confitus, ac pratis latus, ubi & numerosos pascit animalium greges; arcem *Indra* fluvius allambit. Illius habitatores macerandis coriis insudant; unaque & altera vice quotannis nundinas celebrant.

Argentona, urbs castro firma, Bituriges ab *Argentona.* Aquitanis dirimit, in monte castrum eminet, septem crassis turribus, tribusque minoribus adjunctis; omnium crassior, turris Eraclea nominatur. Vallatur præstanti mœnium ambitu, & crebris turribus, quarum radices allambit *Creusa* flumen, quod quinis inde milliariibus, in Marchia Superiori nascitur, unde cursu velocissimo proruit, donec ad rostrum confluentium aquarum Viennæ amni demergatur, sub portu *Pilenſi*, ubi navigabilis esse incipit, ac truttis, lucis piscibusque aliis refertissimus est. S. *Marcelli* oppidum haud procul distitum est. *S. Marcell.*

Bouffac, urbs & Castellania in Bojorum & *Bouffac.* Marchiae finibus, muris clauditur, turres prætendit & arcem in rupe positam, binisque amnibus obseptam, *Creusa* scilicet minori, & *Veyrona*. Multas complectitur parochias, quas inter *Leraet* oppidum tribus firmissimis arcibus insigne; *Moserines*, *Clugnat*, *Iallesches*, & *Vaulfranche*, locus elegans, Præceptoriam conspicuus. Hæc plaga stagnis foecundissimis, & piscibus optimis abundat, silvis est confita, quibus feras, cuniculos, alias que venationis prædas nutrit.

Castra,

Montfalcon.

Aubigny sur Neerre. Concreffant.

Qualitas.

La Chapelle d'Anglon.

S. Aig.

Selles.

Castra, vulgò *la Chastre*, quam subluit Indrus amnis, urbs est satis ampla, cui castrum assidet; pannorum, aliarumque rerum mercatoribus est frequens. Sunt multa alia hujus tractus non ignobilia loca, quæ vernaculâ Gentis linguâ vocitantur: *Chasteaumeillant*, *Chastelet*, *Motte-fully*, *Marveil*, *Voulon*, *Neufry*, *S. Sepulchre*, *Agurande*, *Clin-dessus*, *Masseure*, *Coudray*, *Dun le Roy*, à quo non longe remotum sublime & opacum Moufense nemus, vulgò *Moufu*; prædictis accensentur *Vierzon*, seu *Verfio*, aut *Eversio*; urbicula scilicet sæpius everfa & cremata; *Mehun*, Latine *Medinum*, *Magdunum*, & nonnullis *Mediolanium*, egregio castro decorum, ubi ager frumento & leguminibus ferax, cui circumjacent amœnissima prata, & densissima silvæ; ibique est opima venatio.

Moufu, nemus.

Aubigny sur Neerre. Concreffaut.

Aubiniacum, aliàs *Aubigny sur Neerre*, ubi quondam Prætorium, seu sedes regia, quæ hodie ad *Concordiam salutis* translata est. Est autem *Concordia-salutis*, Gallicè *Concreffaut*, insignis burgus, muris nequaquam, sed fossis obseptus, Sanceram inter & Aubiniacum in valle projectus, Castrum muris ex quadrato lapide cinctum, sex validissimas turres habet, æquali ab invicem spatio distitas, in radicibus autem fossam centum pedibus latam, altitudinis duodecim, & aquis semper offertam, in illam enim suas Sauldra amnis aquas derivat. Spississimi sunt arcis muri, altiusque ædes assurgunt, coctis laterculis extructæ, tecta scandulis pulchro ordine dispositis operta, quorum apices plumbo deaurato nitent, disseminatis etiam variorum animalium, ursorum, cygnorum & aliorum peritissime expressorum figuris.

Qualitas.

Aër hic saluberrimus, & ager fertilis, qui rerum omnium copiam suppeditat; pecore & equis abundat; tantaque est ob silvas passim confitas, ferarum ac silvestrium animalium multitudo, ut cum domesticis sæpenumero pascantur.

La Chapelle d'Angillon.

Capella Angillonensis castro etiam defenditur; neque urbi aut castro sua munimenta defunt, muri, turres, fossæ, circumfusa flumina. Hic spatiosum est vivarium proceris nemoribus oblitum, quaternisque milliaribus excurrans; in medio semita seu via in modum aggeris delineata jacet, cui assident hinc illinc tuguriola, seu casæ viridantes & amœnæ, circumfluuntque stagna ac piscinæ.

S. Aignan.

S. Aniani oppidum & Comitatus optimis mœnibus clauditur, castro quoque præalto & forti obarmatur. Iuxta urbem profluunt Eura, Sauldra, & Carus fluvii. Hic Carus navigiis ferendis est idoneus; urbs negotiationi & commerciis frequentissima est, nam opportunitatem præbet Eura navigabilis, ipsaque regio frumento, vino, fœno, frugibus & silvis feracissima. Tredecim in suo districtu parochias habet. Porro Sellenis urbicula S. Aniano contigua est. Sunt & multa alia hujus regionis loca, nempe *Leuroux*, *Vatan* laneis opificiis & pannis celebre; *Oblincum*, Gallicè *le Blanc*, *Preuilly*, *Sevilly*, Latinis *Soliacense* castrum, *la Perouse*, *la Salle-le-Roy*, *Chastillon*, *Buzançais*, *Palluau*, *Menesto*, *Enet*, *S. Palais*, *Chuys*, sive *Cuys*, *Tradegoulat*, *Bourg-Dieu*, *Quantilly*, *Valençay*, *Nançay*, *Montron*, *S. Amand*, *Bom-Gallia*.

Selles.

miers, *Boisbelle*, seu *Henrichemont*, & vulgò *Rougemont*, &c.

Bituricensis regio amœnissima est, multorum benigna nutrix populorum, quæis omnia ad vitam necessaria subministrat. Frumentum magnâ profert abundantiam, ut & vinum, quod laudatissimum est, & ætatem fert; nam Exoldunense vinum ad viginti annos sincerum asservatur. Celebriora autem Exoldunensis territorii vineta sunt, *Crevecœur*, *Champ-lort*, *Haute-roche*, & *Pied-rouan*. Nec ignobilia sunt quæ sequentibus locis enascuntur, scilicet, *Chasteau-Roux*, *Sancerre*, *S. Satur*, *Argenton*, *la Fretay*, & *Reully*. Silvæ & pascua ipsam regionem commendant quibus etiam partibus sterilis & otiosa videtur; ubi vero flava, pinguis & fœcunda est, frumentum, filiginem, hordeum, & avenam profert. Aëris benignitate gaudet, & gratam amœnitatem sua viriditate spargunt arbores passim confitæ; herbæ & plantæ ibi teneræ sunt, & in alimentum pecoris sapidissimæ, imprimis ovium, quæ optimo pastæ alimento, subtilissimas quoque & laudatissimas lanas ferunt. Bojorum quidem oviculæ lanam rudem & oblongam gignunt, verum hanc in regionem adductæ, lanam emendant, subtilioremque emittunt ac præstantiorem quam antea. Fructus optimos edit & varios, poma scilicet, pyra, persica, pruna, nuces, &c. Habet ferri & argenti venas, imo & lapidinas, è quibus lapides struiles eruuntur. Frequens ibi venatio & aucupium, quin & volatilium aquatilium maxima multitudo, necnon & copiosissima piscium omnis fere generis sapidissimorum captura.

Lanis præsertim & pannis negotiantur hujus regionis incolæ, quamvis enim rebus innumeris quibus abundant, commercia ineant, præ cæteris tamen panni Bituricenses totâ Europâ laudatissimi sunt; nam neque in Gallia, neque in exteris provinciis melioris notæ reperiuntur. Singularis autem est politia quæ in signandis apud Bituriges pannis observatur. In id operis enim viri sex quotannis eliguntur, qui Domi Publicæ convenientes, auctoritate Magistratus pannos inspiciunt, antequam Ovis effigies, quæ est urbis insigne, illis apponatur. Vix est ullum hac in regione oppidum aut burgus, ubi non aliquoties nundinæ, frumentarii mercatus, vini, leguminum, coriorum, lanarum, pecorum majorumque animalium quotannis celebrentur.

Maximis etiam viribus pollet hæc regio, nam præter Bituricensem Turrim omni bellico apparatu instructam, aliis quoque validissimis munitur, Dunensi nimirum, Sancerrensi, Exoldunensi, & aliis; firmissimas etiam arces 124 numerat, quarum vulgaria nomina hic inferere operæ pretium duximus; nam illæ fere totidem nobilissimis familiis nomen imposuere. Cæteris præluet arx Exoldunensis, vulgo *Tissoudum*, de qua superius mentionem injecimus; sequuntur deinde *Villelongis*, *Baugy*, *Bouffac*, *Concreffaut*, *la Sale le Roy*, *Meun*, *Haute-rive*, *Vouillon*, *Montfaucon*, *Linieres*, *Bocard*, *la Creuzete*, *S. Fleurant*, *le Lys*, *S. Georges*, *Leuzeret*, *Pauldy*, *Cluy dessous*, *Culant*, *Vierron*, *Contre-Moret*, *la Motte-Sully*, *Nançay*, *Sancerre*, *S. Chartier*, *Vierzon*, *Ville-Mart*, *Salebry*, *Bom-myers*, &c.

Z z

myers, la Selete, le Coudray, Ville-Dieu, Cuzains, Chateau-roux, Pringet, Brouilhamenon, la Verrery, Bruslebant, Boissac, Marmaignes, Montigny, Beau-lieu, Iussy, la Vaul de Boureil, Bressy, les Ais d'Angillon, Verrieres, Quantilly, Brelières, Vauxvirile, S. Aignan, la Mote-cochon, S. Palais, Corbeil, Maubrache, Dames, Charentonmay, Brine, S. Severe, Chateau-meillant, Soetines, Maulpas, Beaujeu, Quicampoix, la Maison-forte, la Tour-gazeau, Vally, Cornusse, les Gordes, Douay, Saucergues, Argent, Tuoly, Aisy, Mar-filly, Villiers, Pesselières, Dullion, Menestou-couture, Menestou sur Chere, Menestou-celon, Bussy, Soulangy, de Portaux, Theveu, l'Ecluseau, Chast-gravan, la Terryer, Cilly, le Mahuy, Buïres, la Rocherole, le Vivier, Milier, S. Fauste, la Ferté-ville-mort, le Broutay, Bucheyou, Nizeroles, Chastihon, les Bordes, Chambon, Malfay, Lomethiaul, Villemenart, le Perreau, le Sellier, Ville-neufve, Meun près Chasteauroux, Spire, Bousson, Chezelles, le Mainet, Barneufve, Bournoiseau, Prunieres, la Ferté-Imbaut, Chabenel, Monte-Iean, le Repaire, Cherellet, le Courpoy, le Brion, &c.

Hanc etiam provinciam opum abundantia, & populi frequentia spectatissimam reddunt, ingentia enim subsidia in regni necessitatibus subministrat, nam neque bellorum cladibus vastata, neque ullis calamitatibus jacturam perpeffa est, quemadmodum illæ, quæ in confiniis positæ sunt; illa quippe Franciæ gremio infidet.

In civilibus cognoscit Iudex & Magistratus Bituricensis, in criminalibus autem urbis Major cum Consulibus dijudicat. Extenditur quoque hæc Iurisdictio ad Septum urbis, ut vocant, Gallicè *Septaine*, quod novemdecim parochias continet. Nemini licet cives Bituricenses ex-

tra muros in iudicium vocare, nec illorum bona ob perpetratum ab illis crimen fisco addici, itaque eorum possessiones jure hereditario ad successores devolvuntur. His, aliisque privilegiis sibi à Regibus concessis potiuntur. Porro extenditur Baillivi iurisdictio ad omnia fere memorata loca, iis duntaxat exceptis, quæ Baillivatus dignitate exornantur. Tota vero Bituricensis regio paret Gubernatori à Rege præfecto, atque in iudiciis ad Parisiensem Parlamenti Curiam appellat.

Academia Bituricensis, olim & hoc etiam ævo spectatissima est, totaque Europâ celebris ob præstantissima ingenia, quæ suo sinu educavit; hanc illustrissimi Principes adierunt, illique sese imbuendos commiserunt. Florebat jam illa Dagoberti I, Regis, temporibus; hodieque Theologiæ, Iurisprudentiæ, Philosophiæ, Eloquentiæ, ac denique scientiarum omnium radiis emicat. Illustrarunt hanc Academiam innumeri pene doctissimi viri, quos inter, Salvator Ferdinandus, Andreas Alciatus, Antoninus, Petrus Loriol, Franciscus Duarenus, Franciscus Bau-duinus, Hugo Donneau, Iacobus Cujacius, Claudius Ronlardus, Rebuffus, Ioannes Faber, Carolus Girardus, ac plurimi alii, quos brevitatibus causa prætermitto.


Porro hanc etiam urbem illustrarunt sanctissimi illius Archiepiscopi; qui autem primus hanc sedem tenuit, Vrsinus vocabatur, Vir sanctitate conspicuus, quem alii longa serie iisdem virtutum vestigiis profecti sunt, nec ad hanc usque diem defecerunt.

P I C T A V I A,

vulgo

P O I C T O V.

Nomen.



Pictavia, vulgo *Poitou*, à veteribus populis, *Pictonibus* nempe, seu *Pictavis* nomen sortita, fines habet versus Septentrionem, Britanniam & Andegaveses; versus Ortum, Turones, Bituriges, & Lemovices; versus Meridiem, Sanctones & Engolismenses; versus Occasum denique, Oceanum. Conditores, teste Isidoro, Gallos habuit. Hanc provinciam nonnulli terrestrem Paradisum dixerunt, ac jure merito, *Pictaviam* nominari, quasi herbarum, arborumque viriditate depictam, pulchramque adeo, ut nec usquam similem ars ipsa possit imitari. Extenditur autem 75 leucis in longitudinem, in latitudinem vero 25 duntaxat; dividiturque in superiorem & inferiorem.

Extensio.

Divisio.

Oppida.

Episcopatus.

Sunt autem hæc præcipua *Pictaviæ* Superioris oppida, *Augustoritum*, vel *Pictavium*, aut *Pictavum*, vulgo *Poitiers*, hujus provinciæ caput; *Niort*, *Chastelleraut*, *Lusignan*, *S. Maixant*, *Thouars*, *Montmorillon*, *Civray* Comitatus, *Melle*, *Chizay*, *Aunay*, *Vijon*, *Charroux*, *Vivonne*, *Chauvigny* Baronatus, *Angle*, *Rochecouart*, *Brosse*, *Bridiers*, *Oirvau*, *Bressuire*, *Argenton*, antiquæ memoriæ Baronatus; *Vivonne*, *la Motte S. Heraye*, Marchionatus. Complectitur hæc regio 1200 parochias sub tribus Episcopatibus, *Pictaviensi*, *Malleacensi*, & *Lucionensi*.

Subest Episcopatus *Pictaviensis* Archiepiscopatus *Burdigalensis*, & Parlamento *Parisiensi*; cuius Ecclesia Cathedralis in urbe *Pictavio* *S. Petro* dicata est, in sua Diocesi comprehendens parochias 700, aliis 722, viginti quatuor archiparochias gubernatas, Abbatis habet 27, aliis 30. Episcopos numerant 98, quorum primus fuisse memoratur *S. Victorinus*, aliis *Martialis*, vel *Liberius*; ultimus *Henricus Lodovicus Castaneus*, *Chastanier*. Decimus Episcopus numeratur *S. Hilarius*, magnus ille *SS. Trinitatis* assertor. Hinc illud *Vandelberti* in Martyrologio inter opera venerabilis *Bedæ*:

Pictavis Hilario multum radiata magistro.

Qualitas.

Sal.

Tota hæc quaquaversum regio est frugum, pecoris, lanæ, linique feracissima; vino frumentoque dives, piscium abundans; avium ferarumque copiosa nutritrix. In littore regionis *Pictaviensis* tanta salis extat congeries, ut montes aureos censeas; lætissimum sane Regum *Franciæ* proventum. *Viperæ* confectioni *theriacæ* utiles in hac regione, & imprimis in rupibus & dumentis circa metropolim inveniuntur; quarum nomen *Gallia*.

merum ingentem pharmacopolæ *Venetias* sæpe ablegare solent. His autem fluminibus irrigatur, *Vie*, *Clain*, *Lay*, *Sèvre*, *Thoué*, *Vandée*, *Vienne*, *Dive*, *Voune*, *Gartampe*, *Charente*, & *Seudre*.

Illud autem in hac provincia singulare, & velut ingens miraculum, quod neque homines, neque ulla omnino animalia naturalem obeant mortem mari huc refluyente; quasi Oceanus, tanquam alia quædam anima, vim abstrusam gereret vitæ productricem. Illud vero à pluribus viris fide dignissimis sæpius observatum est.

Eleganti satis sunt ingenio incolæ, sed maxime *Pictones*; nam jocos ferunt cum quadam dexterritate: *ruricolæ* autem sunt astuti, & si verum dicendum est, improbi; quibus qui parum fident, sapere perhibetur. Nobiles strenui, providi, audaces.

Augustoritum, seu *Pictavium*, regionis caput, urbs vasto ambitu porrecta, non tamen ubique habitatoribus exulta; nam hortis alicubi, amplissimisque viridariis, pratis & terris arabilibus occupatur; situm est autem partim in amœna planitie, partim in prælonga ad Ortum collis crepidine, & præruptis collibus undiquaque cingitur, intermedia angusta valle, ex quibus intus in urbem despectus est, ita ut sclopetarii ad angulum urbis imo loco citra periculum in urbanum militem jaculari possint. Tantum ad portam, Valli vulgo dictam, versus orientem, planitie spatiosa excipitur. Populosa non est ubique, quia ingentibus hortis, & areis repleta. Antiquitatibus suis superbit, arce valida; palatio *Gallieni*; vastis Amphitheatri ruderibus, vulgo *Les Arenes*; aquæductuum fornicibus, vulgo *Arceaux de Parigne* dictis. Academiam habet florentissimam, cui secundus post *Parisiensem* locus solet tribui, institutam à *Carolo VII* Francorum Rege, anno 1431. Templum hic est cathedrale structuræ magnificæ ex lapide quadrato durissimo, *D. Petro* sacrum à *D. Martiale* primum, sed non tam augusto opere excitatum. Huic annexa est sedes Episcopalis. Aliud est *B. Virgini* dicatum in foro magno, quod vocant, *Nostre Dame la Grande*: uti & illud in superiore urbis parte *D. Hilario* sacrum, à Rege *Roberto* conditum, & ad differentiam alterius ejusdem nominis *Majus* dictum, æque ac præcedens. Parochiæ numerantur 25; & 4 templa Religiosorum mendicantium, nempe *Cordigerorum*, *Dominicanorum*, *Carmelitarum*, & *Augustinianorum*. His accedunt & *Minimi*, *Capucini*, & *Fueillentini*, item *Iesuitæ*, qui optimum hic possident collegium.

Inter Ortum & Meridiem *Clanius*, vulgo *le Clain*, è *Lemovicibus* descendens, pedem clivi aluit,

A a a

PICTAVIÆ DVCATVS DESCRIPTIO, Vulgo LE PAIS DE POICTOV.



luit, & porta Valli ad lævam relicta, per canales divisus, insulas quasdam non minus amœnas, quam oppidanorum usibus utiles, efficit, & infra vallum, ad Cypriani Fanum, rursus funditur, parte alvei secundum muros urbis, longius fluente, quæ tandem ad Ioberti pontem jungitur, & prætium Abbatissæ vulgo dictum prætervectus, inter Rupirolium & arcem triquetra forma olim à Ioanne Biturigum Duce, Caroli V fratre, constructum exit. Dein haud longe à Castro-Eraldi Vigennæ miscetur. Ultra arcem suburbium sancti Lazari porrigitur in imo urbis loco. Inde ad Hilarii fanum Septentrioni & Occasui objectum pars superiore non minor extenditur, cuius muris stagnum, vulgo *Sant Hilarianum*, aliis Lazaranum, dictum, subjacet, ponte, cui Archardo nomen, divisum, ex quo sursum enitendo ad Valli portam ascenditur. Hanc urbem appellavit Carolus V ingentem pagum, æque ac idem Turonum oppidum, Hortum; Aureliam, urbem; & Lutetiam Mundum dixit. Et divinus Scaliger existimabat, quod aliæ urbes nihil aliud, quam membra, & corpus, Pictavium autem animam, & spiritum, cum in meditullio Franciæ sit situm, huic regno concilient. Cæterum antiquitatum scrutatores affirmare nituntur, quod Imperator Clodius, in Angliam proficiscens, in comitatu suo habuerit multitudinem Nobilium Pictaviensium; quibus rediens, ad remunerandam eorum fidelitatem, permiserit, ut urbem suam in illo loco, ubi nunc est, ædificarent, cum antea sita fuerit prope oppidum *Chastelleraud*, ubi adhuc hodie rudera quædam veteris oppidi, quod *vetus Pictavium* appellare solent, videre licet.

Alia oppida.

Nyortium, munitum oppidum, & nundinis toto Regno maxime famosum, ad Suram amnem situm, qui inde navigabilis, per Almetensem agrum decurrens, supra Maranum in mare exoneratur: alius ab eo, qui ex Gastinensis regionis stagnis ortus, silvam vicinam permeat, & Pomeræi ponte junctus per Mortanium, & Clissonem labens, ad Condivicinum Nannetum Ligeri mergitur.

Fontenæum Comitis, vulgo *Fontenay le Comte*, ad Vandelam amnem situm oppidum cum arce, sed invalida, inferioris Pictaviæ.

Lusignanum, *Lusignum*, vulgo *Lezignan*, quinque ab Augustorito leucis, arcem habet saxo undique prærupto & lato impositam. Hæc qua extra urbem prominet, duplici muro firmissimæ structuræ ac crassitudinis circumdatur, ita ut à tormentorum ictibus nihil aut parum labefactetur; adhæc fossa admodum profunda, ut quanquam ex collibus imminentibus in eam despectus sit, difficillimo tamen accessu adeatur: qua oppidum respicit, triplici muro ac duplici fossa cingitur. Domini ejus aliquoties Reges Hierosolymis, Cypri, & Armeniæ extiterunt; & proditum est Melusinam illam famosam prima arcis hujus sumptuosissimæ fundamenta jecisse; Hugonemque II, cognomento Charum, illam ipsam absolvisse. Hugonis nomen huic familiæ ad miraculum usque familiare. Alia oppida sunt, *Montmorillon*, *Baronia*, *La Bassè Marche*, *Dorat*, *Sivray*.

In eadem Pictonum Provincia est Principatus *Talmont*, *Talon du monde* quibusdam dictus, ad illu-

strem Domum *de la Trimouille* pertinens. Talmundus oppidum (inquit *Masson*) in sublimi collocatum promontorio, mari imminet; qua vero parte tellus continenti adhæret, excisum est promontorium; adeo mare circa id oppidum, ob æstum influentem, & refluentem, locum natura munitum, arte munitissimum reddidit; isque locus portum habet conventu mercatorum celebrem. Quin & hic quoque se offert *Roche-sur-Ton*, Latinis Rupisurionensis, & Ducatus Eraldi Castrensis, quo nunc fruitur Gastonis, Ducis Aurelianensis, filia unica. Hujus oppidum Castrium-Eraldi, vulgo *Chastelleraud*, in plano jacet, muro debile, nec satis profunda fossa vallatum aut pomœrio firmatum, ad fl. Vigennam, cui & pontem impositum habet, à Regina Catharina de Medicis ædificari cœptum, & postmodum cura Ducis Suillensis, sub Henrico Magno, absolutum. Verum inter murum & domos oppidi spatium, licet vacuum, interjacet.

Antequam autem Vienna fluvius Castrum-Eraldi perluat, multa in Pictonum confinio loca percurrit, nempe *Pierre-Buffiere*, *Solognac*, & *Chalucet*, unde miles quidam, cum in subterranea specu Imperatoris, & Imperatricis, ac liberorum, in mensa accumbentium conflatas ex auro solido effigies reperisset, profugus evasit anno 1199. Cum autem rumor tam fortunati eventus, ad Richardi Magnæ Britannæ regis aures pervenisset, urbem illico obsidione cinxit, ubi & in sinistro brachio inflata è muris sagitta vulnus accepit, quo neglecto cœptam obsidionem pertinaciter prosecutus, exceptum vulnus in pejus abiit; & quidem Richardus urbem expugnavit, at cum aufugisset miles, spe thesauri frustratus Rex, vitam quoque ex incuria vulneris amisit; vanitatis rerum terrenarum illustre relinquens cunctis mortalibus exemplum.

Exceptis vero *Glava* & *Goëra* aquis Vienna Chabanum profluit, ibique pontibus transmissis, ad Garanæ & Vigennæ Confluentem, vulgo *Confolans*, properat, ubi pontibus quoque sternitur. Ad eundem fluvium extat deinde *Availle*, ubi fons, cujus aquæ colicis, stomachicis aliisque doloribus salutares; hic quoque pons pertransitur, ut & in Iordanis insula, tribus tantum leucis inde distita. Hoc autem nomen loco est inditum, quod castrum reapse in Insula conditum sit, quam fluvius suo in sinu efformat. Ex hac porro Insula *Lussacum* venit, ad lævamque linquitur Parochia *de Civeaux*, ubi stupendus adeo saxeorum tumulorum numerus in campo vasto & aperto, ut insitum naturæ potius quam artis opus diceret, ni indigenæ ut rem memoratu dignissimam à majoribus accepissent, in cruenta illa Magni Clodovæi adversus Gothos pugna, qua quidem illos fudit fregitque, quoscunque magni Regis milites tam justa de causâ prælio defunctos, Angelorum ministerio hisce tumbis lapideis contumelatos fuisse; ipsi namque Beatissimi spiritus Clodovæi recens ad fidem conversi exercitum ut Tutelares à Deo delegati impense protexerunt. Hic quoque ostenditur cervæ trajectus, ubi Clodovæus duce, quæ ad illum è nemoribus venerat, cervâ, fluvium transvadavit.

Separis fluvius è *Surete* Pictaviensi burgo emanans,

Pont de Vaux.
Ligère fl.

Luçon.

nans, à quo nomen assumpsit, Prioratûs de *Pamprou* aquis auctior, sancti Maxantii oppidum perluit; quod quidem à sanctissimo ejusdem nominis Solitario, seu Eremita, nomen & famam accepit. Hic exiguum duntaxat monasterium Clodovæi Magni temporibus extitit, cui præerat venerandus ille Maxantius miraculorum gloria clarus, & alter sui seculi Moses, qui limpidissimos è cautibus fontes virga quoque percutiens eduxit, qui & insanam militum rabiem coërcuit, eorumque pervicaciam, Deum inclamans, castigavit. Ab illo tempore crevit in oppidum, multis ob spem cœlestium beneficiorum ad illius sepulchrum convolantibus, electo etiam ibidem sibi domicilio. Hodie ergo Tribunali regio exornatur, aliisque spectatissimis Magistratibus.

Pont de
Vaux.
Ligère fl.

Porro Separis fluvius huic oppido valedicens sub Vauxensi ponte defluit, suoque alveo Liguram aliosque rivulos admittit, & postmodum ad pontem de *Maille* properat, urbiculum satis celebrem, ubi Antilæ fluvii aquis cumulatur; huic autem fluvio affidet amplissimus *Maillezais* burgus, Episcopali sede nobilis, qui à Latinis, *Malleacum ad Separim fluvium* nominatur, olim vastissima tantum silva, in cujus gremio Pictavienses Comites, & Aquitanæ Duces ædes amœnitatis extruxerunt, adjecta etiam Ecclesia D. Hilario sacra. Habet hic Episcopatus sequentes Abbatis sibi subjectas, *Abbe, Belle-fontaine*, ambas Ordinis Benedictini; *Airvaux, Nœuil, & Mauleon*, Ordinis Augustiniani; *Mouzeilles*, Ordinis Cisterciensis.

Primus autem Malleacensis Episcopus fuit Godfridus de Pouvreille, qui hanc sedem suis virtutibus exornavit, cui successerunt insignes pietate & nobilitate viri ab anno 1319.

A loco de *Maillezais* usque ad *Marans*, vastæ adeo jacent paludes, ut amplissimos æquent fluvios; est autem *Marans* ingens burgus, arce munitus, & paludibus undique circumfusus, unde hybernis mensibus inaccessibilis est, & ubi mare suos fluctus illuc impulerit. Hic Separis fluvius priusquam mari absorbeat Pictaviensem provinciam ab Alnensi dirimit.

Luxon.

Luxonium, vulgo *Lusson*, amplissimus quoque est burgus, qui & Lucionum vocitatur; haud procul à Marantio, ut nec Oceano distat, neque eo loci pascua defunt in pecoris alimentum. Exordium cepit à Lucio Constantii Imperatoris & Helenæ illius confortis filio; ubi nobilissimam Mariæ Deiparæ Abbatiam dedicavit. Illam deinde Abbatiam Ioannes XXII Pontifex summus in sedem commutavit Episcopalem anno 1317, subjecitque huic Diœcesi 233 parochias, nec non & Abbatis d'Orbestier, de *Talemond, d'Angles, du Iard, S. Marie, de la Granatier, de S. Michel de l'Erm, de Fontenelles, de l'Isle-Chaurey, du Brueil, Groland du Brueil-Arbaut, & de Trizay*. Ultimus Luxonii Abbas, primus illius loci creatus est Episcopus, Petrus de la Voirie appellatus; inter clarissimos autem quos habuit successores, minime reticendus vir ille incomparabilis, Eminentissimusque Cardinalis, Armandus Ioannes du Plessis de Richelieu, cujus saluberrimis fretus consiliis Ludovicus XIII, Rex, desideratissimam regni, ac rerum prosperitatem expertus est; egit quippe velut

Gallia.

cœlestis quædam Intelligentia in supremum Status regimen à Deo immissa, tantumque de Francia meruit, ut ejus sepulchro hic versus jure fuerit inscriptus:

Gallorum columen, lux alma, & gloria Roma.

Succedit urbs *Thouars*, quem hodie Tremolii possident. Hic Vicecomitatus in Ducatum erectus est à Carolo IX, anno 1563. Ejus oppidum ad fluvium *Touay* situm castello munitur, in quo est ædícula sacra admodum elegans, sumptibus Gabriellæ Borboniæ, uxoris Ludovici Tremolii, ædificata. Et Baronatus de *Mainlers, Partenay, Meile, Chisay, Chauvigny, Lussac, Chastene-raye, S. Mesmin, S. Gillis, &c.*

Mellensis civitas suis hodie ruinis sepulta est, funestis civilium dissidiorum reliquiis; olim elegantis situ conspicua, negotiatione nundinisque celebris. Hanc cum obsedisset Dux Trimollius, eodem die dedita est, quo ille obiit, solennique pompa, Præfectorum militarium humeris elatus, triumphans, etsi mortuus, urbem ingressus est.

Pictaviensi quoque ditioni accensetur Cellensis Abbatia, Ludovici XI, Regis, eximia pietate, effusissimaque liberalitate, extructa.

Lusignanum, suorum radiis Dynastarum fulgens & notissimum oppidum, amplam elegantemque arcem ostentat, cujus Melusina illa tantopere celebrata jecisse fundamenta perhibetur; illa vero arx nondum exortis civilibus dissidiis adhuc integra visebatur. Vernaculum fere huic insigni familiæ Hugonis nomen fuisse reperitur.

Reliqua loca sunt, Valentia, hujus tractus urbecula; deinde celeberrima *Fontis Ebraldi* Abbatia, Ordinis caput, 14 à Pictaviensi urbe leucis distita, ubi nobilissimum assurgit templum magnificentia non vulgari extructum.

Gastina etiam exiguus est in Pictaviensi regione tractus, qui sexaginta parochias numerat, Partenæumque metropolim habet; ac nonnullas ditiones & Castellanas, quas inter computantur *Chandenier, Amaillon, Freseliere*, nec non Abbatia Lapsiensis; est autem hæc plaga montibus, stagnis, rivulis & silvis obsita, unde & *Gastina* nomen illi inditum, quod nemus feris offertur indiget; hic enim copiosissimi pecorum, aliorumque animalium pascuntur greges, & ingentia venatorum spolia. Hic quoque castrum d'*Oiron* insidet.

Fontenayum vero Inferioris Pictaviæ caput, Vandæ fluentis irriguum, populis est frequens, Seneschallatu, Tribunalique regio insigne. Hæc urbecula optimorum genitrix ingeniorum, bina Iurisprudentiæ sidera, Brissonium nempe & Tiracquellum Orbi peperit, multosque alios, qui optimarum litterarum peritia claruerunt: Sunt hic quædam territoria Principatus titulo insignita, *Talmont*, videlicet, *Roche-sur-Ton, & Luc*; hic etiam invenitur castellum de *Champigny*; *Mirebeau*, Baronatus; *Marcillac*, Ducatus; *la Fosseliere*, Marchionatus; prout & *Noirmonstier*; *Olonne, & Apremont*, Comitatus; plurimæque præterea Baronix, scilicet *S. Hermine, Mareuil, Belle-ville, les Effars, & Rié, Tiffauge, Mortagne, Coulouges les Royaux, Chastaigneray, Pouchange, Chasteaumur, Roche-cerviere, Montaigu, Montleon, Montmorillon*, ac demum ca-

B b b

stella-

stellania de S. Onomoie, aut Neomoie dicta. Extant & plurimæ in regione Pictaviensi Abbatia, quarum præcipuas suis locis in hac Pictaviæ descriptione indigetamus.

Pictavia regni titulo insignita fuit à Gothis, vel Wisigothis, quos tota Aquitania expulit Rex Clodovæus. Imperator Ludovicus Pius Aquitaniæ Regnum filio Pipino dedit: cujus filios Pipinum & Carolum cum Carolus Calvus, ipsorum patruus, Aquitania dejectos monasteriis inclusisset, ipse Principatum invasit, donoque consanguineo suo Arnulpho dedit: sed abrogato Regni titulo, Ducatus honore insignitum. Arnulpho successerunt ordine Gulielmus Bonus, Eblo I, & II, Gulielmus II & III, Guido, Gulielmus IV & V, hujus unica filia & hæres Eleonora elocata fuit Ludovico VII Francorum Regi; à quo præter adulterii & prodicionis suspicionem repudiatam duxit Henricus Normanniæ Dux, qui defuncto Stephano Angliæ Regi successit. Henricum tam in Angliæ Regno, quam in dotalibus paternisque in Francia ditioribus, secuti sunt ipsius filii Richardus & Ioannes cognomine *Sans-terre*. Quum autem Arthurus filius Godefredi, (qui Regis Ioannis major natus fuerat) præferendum se Ioanni diceret, persuasus à Francorum Rege Philippo Augusto, ut

Pictones patruo Ioanni eriperet, rem viribus aggressus, à Ioanne, qui ex improvviso supervenerat, fufis copiis captus est, Rotomagumque raptus temeritatis suæ pœnas dedit. Eam ob causam Ioannes Rex à Constantia Arthuri matre apud Philippum Regem parricidii accusatus, damnatus fuit: ejusque bona Philippo, tanquam feudorum Domino, circa annum 1202, sunt adjudicata; cum alia, tum Pictavia: quam mox successor ipsius Lodovicus VIII Alphonsus filio concessit: quo improbi defuncto in potestatem Regis Philippi III venit, penesque ipsius posteros mansit, donec regnante Philippo Valesio, ab Eduardo III Anglorum Rege fuit recuperata, retentaque plenius cum omni Aquitania per sanctam inter eundem & Ioannem Francorum Regem anno 1360, pacem. Factum mox ex Aquitaniæ Ducatu Principatum Rex Eduardus filio concessit, qui cum Aquitanis gravissimum impetrasset tributum, magnam partem amisit, deficientibus subditis ad Carolum V Francorum Regem. Cujus filius Carolus VII Anglos tota Aquitania exegit, filioque Ludovico reliquit. Hic eam fratri Carolo largitus est, quo mortuo, rursus Rex Lodovicus receptam ad Carolum VIII transmisit; à quo tempore Aquitania, & Pictavium, ejus pars, Gallorum Regibus paruit.



SANTONIA.

vulgò

XAINTONGE.



VIENNA Aquitaniæ pars quatuor sub se habet Seneschallias, *Burdigalensem*, *Vasatensem*, *Lapurdensem*, & *Xantoniam*, vel *Santoniam*. Cis Garumnæ vero sunt *Santones*, vel *Xantones* (unde *Santoniam* nomen, quorum meminit Cæsar, Strabo, Ptolemæus, Plinius; etiam Galenus, qui inde *Santoniam* herbam nomen sortiri vult. Iuvenalis satyra III *Santonium cucullum* nominat. Hodie dicitur *bardocucullus*, & adhuc populis hisce maritimis in usu est. *Santonum* Provincia (vulgò *Xaintonge*) ad orientem Inculismensibus, & Petracorensibus: ad septentrionem Piætonibus regioneque *Alnesia*, d' *Aulnis* vulgo dicta: ad meridiem Garumna & Bourdelesia: ad occasum Oceano, ubi se offerunt Insulæ d' *Oleron*, & de *Marennas*, clauditur. Olim ampliores fuisse *Santonibus* terminos, non obscure colligitur ex auctore Ephemeridum de bello Gallico, qui scribit eos non longe à Tolosatium finibus abesse; illisque in magno illo contra Cæsarem bello, concilium Principum Gallorum 12 millia hominum imperasse, cum octo tantum millia Piætonibus, Lemovicibus decem fuerint imperata. Regioni nomen dedit metropolis *Santonum*, vulgò *Xaintes*, vel *Saintes*, unde & *Mediolanium Santonum* audit, quod à *Carentono* fluvio vulgò la *Charente*, alluitur. Vrbs Episcopalis est, in qua plurima Romanarum antiquitatum monumenta se ostendant, ut amphitheatrum, aquæductus Caveæ, ubi bestię ad spectacula aservabantur, ponsque lapideus *Carentonum* sternerens, cum Arcu summæ altitudinis, ac vetustatis, cui Cæsaris nomen incisum est, & turris quam vulgò de *Mautrible* vocant. Templum ejus cathedrale S. Petri condidit Carolus Magnus, cujus caput muro extra templum incisum spectatur, cum litera Y, ad denotandum, quod hic pius, & magnanimus Princeps in Gallia tot templa fundaverit, quot literæ in Alphabeto huic Y præcedunt, antequam hoc ipsum condiderit. Primus hic loci Episcopus fuit Sanctus Eutropius Martyr, cui successerunt S. Bibianus, S. Ambrosius, Petrus anno 511, &c. Duobus hinc milliaribus Oppidum S. Ioannis, vulgò S. *Iean d'Angely*, Latine *Angeria*, conspicitur, cui à cœnobio venerandæ antiquitatis nomen. Ante foundationem enim hujus oppidi, Abbatiam hic instituit Rex Pipinus, in Palatio suo Angeriano, in honorem S. Iohannis Baptistæ, & memoriam victoriæ con-

Gallia.

tra Gaiferum, Aquitaniæ Regem, adminiculo ac virtute capitis modo dicti Præcursoris, quod Religiosi quidam ex Terra Sancta huc apportaverant, acquisitæ. Sed succedente tempore populus miraculis harum reliquiarum, vitæque innocentia Religiosorum huc attractus, ac permotus, oppidum ædificavit, quod industria inhabitantium pariter, ac situ suo valde commodo, tam potentia, quam opibus, in tantum crevit, ut obedientiæ claustris perfractis summa sæpe temeritate sese opposuerit Regibus ac Dominis suis. Vnde & tribus obsidionibus cincta est. Ultima, quæ sex hebdomadas duravit, oppidum hoc in potestatem suam, deditioe facta, recepit Ludovicus Iustus, Galliæ Rex, anno 1621, eo ipso die in quem S. Iohannis Baptistæ natalis incidere solet, ubi omnia signa civitatis ei adempta, imo ipsum nomen S. *Iean d'Angely*, quod minime mereretur, mutatum, ac aliud, nempe *Bourg-Louis*, inditum fuit, ita ut iustis poenis afficeretur. Est humili loco situm ad *Botonam*, qui ex Engolismensi agro descendens per *Chisæum*, & *Tonæum*, quod ad distinctionem alterius ad *Carantonum* positi, ad *Botonam*, vulgò cognominatur, alveo angusto, sed profundo, labitur, & fossam urbis maiorem partem alluit, ac suburbium S. Crucis ab ea divellit. De cætero turribus ac mœnibus structuræ optimæ firma urbs: & superioribus annis bello civili ardente magis firmata. Tribus milliaribus ab hoc oppido se offert oppidum illud exiguum *Mattha*, arce optima munitum, quod familiæ haud ignobili, ac ante annum 1050 notæ, nomen indidit. Sunt præterea hic *Lorgaire*, *Archaut*, *Pont Loubleze*, *Tallaburgum* oppidum, & *Castelania* olim, jam Comitatus, cum arce egregia. Non longe abest à *Santonum* metropoli, & Fano S. Ioannis, Tremollianæ ditionis. Arx satis ampla saxo pluribus partibus prærupto insidet, cui circumdatur oppidum minime firmum, ita ut oppidanorum domus ad radices fere rupis sitæ, eam quasi corona cingant: desuper spatiosis à natura complanatis in ipso saxo areis, quæ in oppidum & campos subjectos despiciunt. Ab una parte *Carentonio* alluitur, cui pons firmus impositus est. *Iarnacium* oppidum est, non cinctum mœnibus. Præterea occurrunt *Barbesieux*, cum arce, sub ditione Comitum de *Rochevoucaut*; *Iosac*, & *Broagium*, quod à fluvio in *Santonibus*, cui à turri cognomine intra terram 3 circiter leucas retracta nomen, *Broagium* dictum est, vulgò *Broûage*, municipium paucis ab hinc annis conditum, solo paludoso, & accedente mari fere immerso. quod septentrionalium pupulorum istuc ad salis, cujus

C c c

illis



XAINTONGE,
avec
LE PAYS D'AVINIS,
LE BROVAGEAIS,
TERRE D'ARVERT,
&c.

Millaria Germanica communis.
Millaria Gallica.

Arx Iacopolis.

Broagium.

illis locis optimi copia est, subvectionem, commearum appulsi crevit, saburra, quam in naves vacuas imponebant, eo loco exonerata, ita ut tumulus tractu temporis in mari excitatus sit, forma quadrata xxc circiter passuum amplitudine, qui vallo & palis initio à Iacobo Pontiano, à quo & Iacopolis nomen, cinctus est, asseribus abietinis & malis navium introrsum ductis, & cesspitibus ac lignorum fascibus firmatus. Dein post Monconturianam pugnam Hardoinus Villerius Riverius locum Protestantibus ereptum, propter situs commoditatem, firmiore vallo & propugnaculis munivit. Sed Francisco Rupifocaudio Comite superveniente, cum inde Dorienna & Hannibal Coconacius dejecti essent, Mirambellus rursus loco muniendo animum adjecit: & insularis vicinis illuc commoditate & Domini ipsius humanitate invitatis, loca ad habitandum volentibus distribuit. Ita urbs in eam, quam videmus, magnitudinem excrevit. A Santonica urbe non distat Broagium pluribus quam septem leucis: totidem à Marennis in vicinia sitis, ubi campanile altissimum spectatur, in quo pharum noctu prælucens quotidie collocant in gratiam nautarum, qui procul adhuc ab optato portu absunt. Prope Marennas sita est peninsula Arvertum, ceteris falsis paludibus latior, ubi ligna pinea visuntur, ilicesque perpetuo virides, quibus abundat: & quia oleaginosa omnia facile ignem viridia concipiunt, ardentque, idcirco à rei proprietate Santonica lingua peninsula illa Ardverd, quasi dicas le verd ardent, nuncupatur; in hac peninsula se offert Castellum Monac. Roianum oppidulum antiquum, & in eo non tam opere quam natura munitissima arx, qua Portus, quo prædita, defenditur. Anno 1622 obsidebatur à rege Ludovico XIII, eo quod parum obediens edicta violaverat regia. In hoc tractu se offert Promontorium Santoniæ Ptolemæo citatum, ac Aufonio *Blavia militaris*, vulgo *Blaye* dictum, sic enim ab Aufonio vocatur, eo quod illius ætate præfidiarius miles, illam occuparet, ut & impræsentiarum; nam regni clavis est, fores exteris occludens. Oppidum item Garumna fluvio fere cinctum. Rolando Palatino, Caroli Magni ex sorore Nepoti olim paruisse fertur; quin & additur illum in Templo S. Romani, cum gladio suo, sepultum esse. Charibertus, Parisiensium Rex, Clotarii I filius natu major, vitam hic una cum sceptro amisit, ac in hoc ipso Templo terræ mandatus est.

In Santonum diœcesi numerantur Abbatia hæ: Angerianensis, sive S. Ioannis Angeliacen-sis, S. Iean d'Angely: S. Stephani de Vallibus, des Vallées: Bassiacum Bassac: S. Mariæ de Castris, Chatres lez Cognac: Fontis-dulcis, Fontdoulce: S. Stephani de Beania, Baigne: S. Leodegarii Sainct Leger, vel S. Liguire: de Sabloncellis, Sablonceaux: Gratia Dei, la Grace-Dieu: Frenada, Frenade: Mortaignier fœminarum in urbe; S. Mariæ Insulæ Reæ, Nostre Dame de l'isle de Ré. S. Mariæ in urbe, Nostre Dame.

Episcopos hujus sedis numerat Claudius Roberti 68, quorum primum facit S. Eutropium, ultimum Michaëlem Raoul ex Decano Episcopum anno 1618.

In iisdem Santonum finibus est urbs Pontium, vulgo *Ponts*, à pontium subliciorum ingressu appellata: Fluvius enim *la Seugne* penes hanc urbem in tria dividitur brachia, quatuor pontibus strata. Ipsa urbs, quatuor milliaribus Santono distans, dividitur in superius, & inferius oppidum, & illud quod vulgo de S. Vivien dicunt, jam fere desertum est. Toparchæ enim Pontiani Iudæos illud antehac inhabitantes expulerunt, ædibus eorum destructis, eo quod virum Religiosum ex Ordine Crucigerorum vulgo *Croixez* ex odio in Iesum Christum concepto, crudelissime necaverant. Pars oppidi, qua Septentrionem aspicit, dicitur *les Haires*, & tribus Ecclesiis Parochialibus ornatur. Toparchæ Pontiani, quorum insignia tres pontes inauratos ostendunt, in jurisdictione sua quinquaginta duas Parochias, & 250 feuda possident, & nulli præterquam Regi homagium præstare tenentur. Cæterum ortum traxisse dicunt ex Pontiorum antiquissima Romanorum familia, in hisce tractibus olim frequenti. quod ipsum, inter alia vetustissima documenta, apparet ex hac inscriptione, quæ adhuc in marmore quodam incisa legitur: *Ælius Pontius, Ne-pos Pomp. Magn. Tumul.*

Solbiza quoque (*Zoubize* vulgo) oppidum & arx nobilis, quam Carentonus præterfluit.

Cæterum hic Santonum Comitatus, ut in Diplomatis legitur regiis, comprehendit Oppidum Santonum, vulgo *Xaintes*, *Ardverd*, *Marennas*, *Ters*, *Broûage*, *S. Iean d'Angely*, *Pons*, *Ionjac*, *Archiac*, *Barbezieux*, *Talmont*, *Roffignac*, *Cosnac*, *Mortagne*, *Royan*, *Sangen*, *Cadenac*, *Plassac*, *Soubize*, *Frontenay-l'abbatu*, *Tors*, *Taillebourg*, *S. Savinien*, *Dampierre*, *Pisani*, *Chalais*, & *Contras*, à Coutracensi pugna celebris.

Denique de Santonum Provincia usurpant Galli:

*Si la France estoit un œuf,
Saintonge en seroit le moyeu.*

id est, si Galliam ovum statuas, Santones ovi vitellum sunt. Nam præterquam quod cœli clementia, soli ubertate & aquarum bonitate præstant, non datur in Gallia regio quæ vicinarum dotes minus desideret, sive generosas vites, sive frumentorum leguminumque copiam, sive falem, qui illis magis est peculiaris, sive portus tutissimos & commercia spectes.

T R A C T V S A L N I S I E N S I S.

AD Santonicam Provinciam pertinet regio, quam Latini *Annedonnacum*, & *Alnisien-jem Pagum*, incolæ Alnesium (vulgo *Aulnis*) vocant, vitibus abundans, quæ vinum satis generosum præbent.

Aulnis autem dicta fertur ab *ulna*. Cum enim Rex Galliæ hanc provinciam Anglis armata manu eripere conaretur, ac conatus ejus prorsus infelices viderentur, ita ut nonnulli Regem ab adeo rædiosis laboribus avertere voluerint, hoc responsum dedisse legitur: *je suis content d'en gagner une aulne chaque jour*. In latitudinem pariter ac longitudinem non ultra sex vel septem milliaria se extendens,

tendens, Pictones aspicit ad Septentrionem, & Orientem, Santoniam vero versus meridiem, & Oceanum versus Occidentem. Haud plures, quam duos, agnoscit fluvios, nempe *Severam*, vulgo *la Severe Niortoise*, versus Septentrionem, & *Carantanium*, versus meridiem.

Rupella.

Hujus præcipua urbs est Rupella, à rupibus, quibus infidet, vulgo *Rochelle* dicta, urbs Santonum in agro pingui ad sinum maris sita, portus commoditate & maritima negotiatione dives, adhuc privilegiis & immunitatibus magnis à Principibus donata, in hanc quam videmus opulentiam ac potentiam per hæc bella civilia, quæ fere alias aut affligerunt, aut penitus desolarunt, excrevit. Guilielmus, Tertius Aquitaniæ Dux, hujus urbis incolis, quæ tunc temporis tantummodo ex ædificiis quibusdam piscatoriis constabat, primum permisit, ut muris locum cingerent; imo eos, ut opus hoc eo melius procederet, ab omnibus vectigalibus & impositionibus immunes reddidit. Anglis postmodum paruit; sed cum illi, obsessa jam urbe & auxilium petente, cistam lapidibus refertam, loco pecuniæ auxiliari, submiserint, urbs Obsessori Ludovico VIII, Franciæ tunc Delphino, anno 1224, portas statim aperiens, fidelitatis ac obedientiæ sacramentum præstitit. Dehinc Bretoniaca pacificatione, post Ioannis Regis captivitatem, anno 1360, cum Pictonibus, Lemovicibus, Santonibus, Engolismensi agro rursus in Anglorum potestatem concessit. Quam ægre id Ruppellani fecerint, indicium fuit, quod anno duodecimo post rebellarent, & Anglis ejectis rursus in verba Regis jurarunt, antiquis immunitatibus ac privilegiis confirmatis, ac novis additis. Ab eo tempore in fide Regum Galliæ urbs mansit; aliquamdiu tamen cum cætera Aquitania Carolo Ludovici XI fratri paruit. Rempublicam quod attinet, ea ante urbem captam, centum-viris ex Civibus electis administrabatur, nempe 50, quos Pares, & totidem, quos Scabinos vocabant; ex iis quotannis post ferias Paschales Major eligebatur, qui summus secundum regium Præfectum & ejus Legatum magistratus erat, maximaque in urbe potestate pollebat; ideoque statutis antiquis cautum, ne plus anno magistratum gereret. Moris autem erat, ut ex omni numero tres deligerentur, quorum nomina ad Præfectum regium, aut ad Regem ipsum deferrebantur, qui quem volebat ex iis sumens, inaugurandum in annum insequentem mandabat. Verum omnia illa anno 1626, capta urbe, abrogata, ac cum omnibus privilegiis extincta sunt. Urbs in Alnetensi pago, qui ad Santones pertinet, ad Oceanum patenti planicie sita est, quæ paulatim tamen ut vix sentiatur, ad eam partem quæ Orientem & Septentrionem spectat, assurgit. Circuitus ejus est quadrangularis, & complectitur tres mille passus. Mare quod urbem alluit, alveo facto 1000 passuum latitudine porrigitur, & dimidium in lon-

gitudinem patens, portum efficit, tutissima ad naves tam longas quam onerarias capiendas statione, in cujus faucibus binæ turres ingentes à Rege Carolo V erectæ sunt, lateritio solidiori opere structæ, & fenestratæ in mare prospicientes, tormentis in latera directis firmatæ, quæ vel minimas scaphas subeuntes portu submovere possunt: atque is locus, quod catena utrimque ducta ingressum à mari prohibeat, Catena vulgo appellatur. Præterea à Rupella duobus milliariibus *Bosium* promontorium *Chef de Boys*, ou *Bays*, vulgo dictum, assurgit, quod sinu vasto, sed à ventis & omni tempestate tuto, cujusmodi sinus toto illo tractu *Bajas* vocant, imminet, cujusvis classis magnæ capax. Turribus iis, quæ portum claudunt, murus magna crassitudine jungitur, rectoque ductu novo & in orbem exstructo mediocris magnitudinis propugnaculo occurrit, Garrotio vulgo dicto, quod totius alvei imperium obtinere videtur, & pro armamentario urbi est.

Pari distantia ab urbe Rupella Oceanum versus, olim valde vetustum se offerebat oppidum, *Castrum Iulii*, vulgo *Chastel-Aillon*, vocatum, ac plurimis turribus cinctum, ex quibus unica adhuc superstes, cæteris omnibus destructis. Tumulo hujus oppidi incunabula sua prima debet Rupella, arce inibi tum primitus exstructa.

Superioribus annis gravi ac longa obsidione, Religionis imprimis causa, cui addicti erant cives, pressa à Ludovico XIII, Galliarum rege, & plusquam Saguntina fame attrita, absumtis aliquot civium millibus, tandem, frustra liberationem ejus tentantibus Anglis, pristina libertate excidit, & anno 1628, feriis omnium Sanctorum, in regis sui potestatem redacta est, qui reiteratam rebellionem metuens, urbem armis hæcenus invictam, propugnaculis, mœnibusque omnibus denudatam, minus Francorum scepro terribilem fecit. Atque ita unà nomen illud, quo quondam *Ville-Blanche* audiebat, amisit, & propter patrata sua crimina, *ville la plus noire* dici merita est.

Maranum Comitatus 4 à Rupella leucis, locus situ solo munitus (inquit Thuanus) utpote nullis mœnibus cinctus, arce, si tormenta non admoveantur, adversus hominum impetus firma; de cætero vastis & spatiosis paludibus, in quibus hyeme aqua restagnat, omni fere ex parte clauditur, ad Septentrionem à Beraldino canali vallata. ad eam per aggerem silicibus munitum Surgeria & Fano Ioannis ad municipium tendentibus aditus patet.

Ciconia, vulgo *Cigogne*, est insula Marano vicina, ut & *Charon*, ubi se offert Fortalitium de *Bray* dictum; *Surgeres* est Baronia, & municipium apertum. *Benonia* est antiquissimus Comitatus. Hunc sequitur Comitatus *Iarriere*, *Dampierre*, *S. Xandre*; *Laleu*, *Nievil*, *Esnandes*, *Adilly-le-Marais*, *Bourg-neuf*, *Thaire*, *Rochefort*, &c.

TRACTVS ENCOLISMENSIS.



Nomina.
Fines.

Encolismensis tractus ab *Encolisma*, vulgo *Angoulesme*, quæ illius est metropolis, nomen accepit; illa autem varia nomina fortitur, *Inculisma* scilicet, *Iculisma*, *Ecoleisma*, *Engoleisma*, & *Æquoleisma*. A Septentrionibus *Pictones* conterminos habet; *Sanctones* ad Vesperum; *Petragorenses* à Meridie; ac tandem *Lemovices*, ab Ortu. Illius longitudo à Sole oriente in occidentem 23 leucis porrigitur; latitudo à Meridie in Septentrionem, 17.

lumina.

Notiora illius flumina his vulgo nominibus indigetantur, *Charente*, *Touvre*, *Droume*, *Tardoire*, *Bandiac*, *le Né*, *Anguienne*, & quædam alia, de quibus propriis dicemus locis.

La Charente.

Carentelo nil usquam videri clarius aut limpidius potest, nihilque illius excursu jucundius; & sane *Ronsardus* perperam, nec absque injuria, ab *Acheronte* derivat, cujus aquæ, palustres, lutulentæ, nigricantes & atræ à *Poëtis* referuntur; hujus enim fluminis undæ à loco originis, Oceano tenus, perpetui instar fontis scaturiunt; quoscunque irrorat agros, eosdem etiam fecundat, & maximam, quocunque affluit, profert abundantiam; colles ameni in illius margine, silvis & vitibus confiti. Nascitur aut in finibus *Lemovicum*, inter *Pictones* accrescit, decursis vero *Encolismensi* & *Santonensi* territoriis, Oceano tandem mergitur.

Occurrit alius deinde fluvius, velut naturæ miraculum, *Perusa* scilicet, qui statis duntaxat anni mensibus, *Aprili* nempe, *Majo*, & *14 Junii* diebus profluit, quibus elapsis consistit, nec ultra progreditur; & quod plus mirabere, ruricolæ suo de adventu præmonet, ubi enim puteum quendam ore tenus oppleverit, tunc certissimum illius adventus est indicium. Sunt & alii duo divites rivuli, ni eorum nomen falleret, *Aurum*, scilicet, & *Argentum*, vulgo *Or*, & *Argent*, qui ad locum de *Nantueil* juncti adinvicem, uno postmodum alveo decurrunt, unicoque nomine *Argentor* insigniuntur, qui emensa quadam locorum intercapedine, pretiosis suarum aquarum muneribus tandem *Carentelum* ditant.

Cavæne
Ranconien-

Celeberrimæ sunt hoc in tractu *Ranconienfes* cavæ, velut quadam insolita naturæ suos thesauros, imo suam peritiam in specubus occultantis miracula; hinc accenso lumine præclara videas conclavia, proceras hominum statuas effigiesque quasi ad vivum expressas, & quasdam animalium figuras, columnas affabre & audacter exsculptas, altaria erecta, & præclaram variarum rerum suppellectilem longa serie, & egregio ordine dispositam, imo & vestes multiplicis generis perite affutas, atque infinita alia, quæ nequaquam ars moliri aut imitari ausa est. Angustissimus est harum cavernarum aditus, nec ulla ex parte ullum vel tenue lumen accipiunt, adeo ut adire volenti faces afferre necesse sit.

Hujus regionis caput & præcipua civitas, ipsa est *Engolisma*, Ducatus & Episcopatus titulis conspicua; sedet in montis apice, uno solum aditu

pervia, quo etiam turribus, fossis & mœnibus, apprime circumvallatur, castro quoque non ignobili munitur. Inter præcipua antiquitatis monumenta, illud non vulgare, & plane insolitum; quod illius mœnia coram maximo Rege *Clodovæo*, postquam *Alaricum* *Visigothorum* regem propria manu interfecisset, sua sponte conciderunt, quemadmodum olim mœnia *Iericho* coram *Iosue*; Deo nempe, stupendo hoc miraculo attestante, quantum *Christi* gloriæ tanto facinore operatus esset *Clodovæus*. Potest quoque illius vetustas suspici ex amplissimis & vetustissimis illius templis; Cathedrale enim à *S. Aufonio* primo illius Episcopo fuit extructum ante annum salutis humanæ à *Christo* restauratæ 549. Sunt & alia priscae memoriæ templa, *S. Andreae* scilicet, *S. Vincentii*, *Virginis Deiparæ*, *S. Antonini*, *S. Pauli*, *S. Ioannis*, *S. Rochi*, *S. Yvredi*; quibus etiam accensentur *Ædes* sive *Cœnobîa* *Franciscanorum*, *Dominicanorum*, *Iesuitarum*, ac demum *S. Martialis*. Extra muros autem visitur *Abbatia* *S. Cibardi*, ubi *Carentelus* amnis insigni ponte sternitur. Hic olim sita *Viri* sanctissimi *Eremus* & *Solitudo*, dum adhuc inter vivos agerent *Clodovæi* Regis liberi; in suburbiiis vero extat monasterium *S. Aufonio* dicatum.

Ecclesiæ.

Vetustus hujus urbis ambitus octo portis distinguebatur, at recens tribus tantum venientes admittit, porta scilicet *Nantonæ*, *S. Martialis*, & *Chandæ*, quæ à quodam civitatis Gubernatore hoc nomine fuit insignita. Porro hæc civitas viginti ab Oceano milliariibus, totidemque à *Pictonibus*, *Rupella*, & *Lemovicibus* distita est.

Portæ.

Rupifucaldum quatuor ab *Engolisma* leucis, insigne oppidum, Ducatus titulum præfert; quatuor Baronias sibi subjectas habet; superbum ostentat castrum; ipsius autem *Castellania* novemdecim parochias numerat, unde amplissimus *Duci* proventus; ad quem etiam spectant *Baronatus* de *Montignac* & *Touriers*, imo & ducenta feuda inde relevantia, necnon & *Baronatus* de *Vertueil*, ac perelegans domus de *Vaugay*, *Vivarium* ac nemus de *Tremblay*, &c. Hujus oppidi castrum summopere commendavit *Carolus Quintus Imperator*, ac inter *Galliarum* quædam miracula computavit. Cæterum hæc urbs *Collegiatam* habet *Ecclesiam*, & *Carmelitarum* cœnobium.

Rochefort-
cant.

Engolismensis ager præterdit pleraque alia non ignobilia loca, nimirum *Chasteau-neuf*; deinde *Iarnac*, locus ob pugnam *Regios* inter & *Fœderatos* celebratissimus; & *Coignac*, *Francisci I*, *Regis* natalibus insigne.

Iarnac.

Coignac.

Silvæ hoc in tractu passim inveniuntur, *Braconensis* scilicet, *Marthonensis*, & alia, quæ lingua vernacula certius indigetantur, *Quatre-paux*, *Ruffec*, & *Iarnac*, quæ opima venatio.

Silvæ.

Aëre potitur saluberrimo, & agro rerum omnium feracissimo; frumentis præsertim abundat. Nascuntur hac etiam quaquaversum regione vina laudatissima; commendaturque tota *Gallia* vinum de *Cognac*, ut inter cætera præstantissimum.

Qualitas.

Insula Re-
ta, alias
S. Martin

Cant
vigan

I N S V L Æ
S. M A R T I N I,
E T
V L I A R V S,
vulgo

L'ISLE DE RÉ, & OLERON.

*Insula Re-
ta, alias
S. Martini.*



ANTONIÆ, (regio Aquitaniæ est) objacent ad Occidentem Insulæ majores duæ, *l'Isle de Ré*, & *Oleron*. Prior *Re-ta*, aliis *Herus*, vel *Herensis Insula*, item *Reacus*, vel *Rea*, & *Reorum insula* dicta, à continenti unius, à Rupella duarum leucarum spatio dissita, per quinque leucas in longum exporrigitur: leucam & sesqui, quæ latior, aliis locis multo minor; salis & vini abundans, & aliarum rerum ad vitam necessariarum. Portum & stationes tutas habet qua parte Septentrionem spectat: ad Meridiem, qua mari inhospitali alluitur, & Insulam *Vliarum* spectat, penitus inaccessa; populo ob commercium, & vicis frequens, sub præfectura Rupellæ comprehensa. Insula ad S. Michaelis cœnobium pertinet, unde cœnobium ipsum Retense etiam cognominatur. Martini Fanum primum, & maxime populosum tota insula municipium, nomen quoque insulæ dedit. Pagos præterea habet *S. Maria*, *Heers*, unde nomen totius Insulæ *Herus*, *Bois*, *Abbatiam*, *La Flotte*, *La Courvade*; & 5 Parochias.

Cæterum huic Insulæ de Ré annexæ sunt quasi duæ aliæ Insulæ parvæ, nempe *L'Isle d'Oye*, & *l'Isle de Ars*, quæ unam conjunctim habent jurisdictionem, cujus sedes in insula d' *Ars*, & Abbatem Sancti Michaelis dominum agnoscunt. Insulæ d' *Oye*, hoc est, *Anserina*, cum anseris speciem situ suo representet, in circuitu unicum milliare comprehendit, & quatuor aut quinque pagis frequentatur.

Qui continentem inter Pictaviam, & insulam S. Martini navis cursum tuto dirigere volet, propior continenti naviget oportet, longiusque ab insula dicta recedat: littora enim ejus vadosa sunt, & prærupta. Nec tamen nimis radendum littus continentis, cum & illic breviora sint, & fyrtes. Interiora subeuntibus ita porro navigandum, donec templum S. Martini situm sit ad Occasum hibernum, quo cum perveneris, superasse te credas pulvillum maris, qui ad Boreale est insulæ latus. Hic refluxo mari, profundus est orgyiam unam, pleno mari quatuor. Circa S. Martini Fanum mare altum est 4, 5, 6 or-

Gallia.

gyias. Quoties anchoram hic figere voles, hoc observa, uti rectà spectanti pateat & objiciatur portus. Hunc locum prætervectus, si navi onusta pulvillum transire voles, qui ex adverso Abbatia, Pictones *Nigrum Monasterium* dicunt, extenditur, exspecta usque dum plusculum intumuerit mare; nam remisso mari, deficientibus aquis, facile erit in scopulum impingere. Si anchoram jacere voles prope Abbatiam, capta profunditatem 6 vel 7 orgyiarum. Quod si præternavigare voles insulam Martini, & ad insulam illam triangularem, quam *Brandeylant* vocant, contendere, oculis locum illum signa, in quo linea recta constitutas videbis turres *Luffou* & insulæ minoris *Vrch*. Hoc enim situ nihil periculi erit à vadis *Lavardin* dictis. Iacent hæc quarta circiter milliaria parte ab insula Martini, inter quam & vada ista, tuta datur navigatio. Portus ostium est patens satis insulam inter & Vliarum, quod qui subire volet, studiose sibi cavere debet à promontorio Boreali insulæ Oleron.

Insulam hanc celebrem fecit Anglorum potentissima in eam expeditio. Obsessa enim à Ludovico Decimotertio, Francorum Rege, Rupella, Anglorum Rex tutelam ipsius urbis ob communem religionis causam sibi deberi ratus, eo cum numerosa classe misit Ducem Buckinghamum, comite Soubisio, Archithalasso regio, qui cum in insulam, 21 Julii, anno 1627, appulisset, felici satis Marte Gallos repulit, & in pagum, cui *la Flotte* nomen, se recipere coegit. Ipse successus suos urgens, municipium S. Martini nullis moenibus cinctum occupavit, ex quo paulo ante discesserat Gallorum Dux fortissimus Dominus *Thoras*, qui in castrum & propugnaculum suum se recepit, una cum præfidiariis 2500. Buckinghamus municipium vallo cingi jussit, ita ut nulli ipsius injussu exire permissum fuerit. Etiam propugnaculum corona cinxit & aggere, ex prisco, & usitato hodiernæ militiæ more. Cumque consultum videretur Buckinghamo non vi, sed famè expugnare propugnaculum, octoaginta Gallorum foeminas una cum liberis coegit adire propugnaculum, ut, si reciperentur, oneri essent obsessis, sin minus, invidiam Gallorum in Gallos concitaret. Durante obsidione causas ejus edidit prolixiore scripto idem Dux, variis varie hoc ejus factum interpretantibus. Cum autem non nisi re-

E e e

centibus

*Anglorum
in eam ex-
peditio.*

*Cautio Na-
vigantibus.*

*Lavnac.
Coignac.*

Silva.

Qualitas.



INSVLÆ
DIVI MARTINI et VLIARVS,
Vulgo
L'ISLE DE RÉ et OLERON.

centibus vescerentur cibis, carnibusque, & à salitis essent alieniores Angli, morbis affligi & debilitari cœperunt, plurimis extinctis siti, dysenteria, uvarum immodico esu. Tormento maiore ictus cecidit Præfectus *Burcht*; cuius mortem ut ulcisceretur Buckinghamus, plurimos explosis in arcem tormentis hoc effecit, ut frater D. Thoras vulneratus obierit, & cum eo è gregariis viginti quinque. Invalescente intra arcem fame, ob cibi inopiam, rerum quæ ad victum spectabant, precia in immensum excrevere. Et grassans diarrhœa dimidiam fere exercitus Anglicani partem consumpsit. Interea favente vento quindecim myoparones arcem subiere, & à comœatu obsessis prospexere, damnantibus negligentiam Anglorum Batavis, qui istuc erant. Angli, ne idem postmodum accideret, molem ligneam ex arboribus catenatim cohærentibus portui objecere, sed hanc aquarum & ventorum vis disiecit. Tandem confugere ad eas artes, quibus aliquando usus fuit in obsidione Gertrudisbergæ Illustrissimus Princeps Mauritius. Nempe navigia minora lunata forma disposita aditum Gallis præcludere. Cum autem recepto intra arcem comœatu animi crescerent obsessis, de discessu cogitare cœperunt Britannii. Quumque in insulam appulissent quatuor aut quinque Gallorum millia, decretum inter Anglos insula re infecta discedere. In postremos impetum fecere Galli, quingentis aut sexcentis cæsis. Angli adversis etiam tempestatibus jactati in Angliam reversi sunt, desideratis è suorum numero tribus millibus. Hac victoria erectiores Galli non leviter Anglis insultarunt, ignaviam, rei militaris imperitiam, aliaque fortissimo aliàs & pugnaci satis populo exprobrantes.

Insula Oleron.

Vernas.

Vliarus insula, vulgo *Oleron*, omnium rerum feracissima & fertilissima est parens; ambitus ejus septem, aliis 10 miliaribus circumscribitur, longitudo vero quinque, & latitudo unico. Sub ditione est Pontianorum. Cumque Broagium sibi alendo minime sufficiat, ex hac annona, & quæ ad victum necessaria sunt, eo comportantur. Plinius Vliarum vocat. Abest à Broagio secundo vento duabus horis aut circiter; à Rupella vero septem, & 24 ab Hispaniæ regno, castro natura loci egregie munito, Canoniorum collegio & Franciscanorum conspiciua: parochiis sex, & opimo Benedictinorum cœnobio distincta est. Locus principalis hujus Insulæ est *Castellum*, vulgo *Chasteau*, cui additum est, post expugnationem Rupelle, juxta Portum Oceani, propugnaculum incomparabile. Ab hoc unica saltem hora distat *Dolus*, cuius Toparcha, qui titulo Baronis Insulæ Vliari utitur, supremum ac absolutum in omnes hujus Insulæ Dominos exercet imperium. In meditullio Insulæ se offerunt Pagi duo, nempe *S. Petri*, & *Bonemie*, qui unicam saltem Parochiam constituunt, *S. Petri* dictam. Hos sequuntur alia hujus Insulæ feuda,

nempe *S. Georgii*, *S. Dionysii*, cum Portu ex opposito Insulæ Reorum, & Rupellæ, item *Chastiron*, *la Gomboudiere*, *Mattha*, *Chastelliers*, &c. Quin & satis populosa est hæc Insula, quippe quæ duo millia hominum ad sui defensionem exhibere potest. Incolæ partim commerciis, partim piscatui, partim coctioni salis dediti sunt, & Reformata religioni fere omnes addicti. Caterum frumenti, vini, salisque in hac insula tanta copia est, ut nihil ad vitæ hujus usum desiderari possit, aditumque satis facilem habet. Hinc in Belgium & vicinas regiones magna salis vis navibus transportatur. Arboribus quoque confita est, & silvis, in quibus varia se offerunt animalia, ut lepores, perdices, & alia varii generis volatilia.

A R M O T E N S I S

I N S V L A.

A *Rmotensis* Insula uno tantum milliari ab *Isle d'Armot.* Vliaro distita, formam ovalem præfert, duasque leucas cum dimidia tum longitudine, tum latitudine colligit. Continentem ab Oriente pertingit; verum exiguo canali à Mor-naco sibi vicino sejungitur; à Royano autem densissima Silva; ab Occasu clauditur Oceano; à Septentrione, Cinereo flumine, vulgo *Centre*, qui suos fontes repetit è loco de *Maumussou*, ubi Salinæ, quarum hoc flumine sales distrahuntur, unde proventus maximi; à Meridie demum mari pulsatur. Ex hac vero parte tres sese offerunt aditus, quorum quisque nomen proprium sortitur.

Primarius hujus Insulæ burgus *S. Stephani* nomine insignitur, ubi Iudicia peraguntur; *la Tremblade* quoque, & alia duo loca illius sunt ditionis. Frumento & vino ferax est insula, neque lignum deest, in ignis alimentum; invenitur etiam gummi, & sal ibidem conficitur. *Loca. Qualitas.*

Tota vero Insula Brouagenfi Gubernatori sub-jacet, fuitque olim Eminentissimi Cardinalis Ducis de *Richelieu* possessio, ubi etiam quædam nobilium Prætoria, *Fouilloux*, scilicet, & *Beau-regard*, ibique medii & infimi Tribunalis causæ deciduntur; verum appellationes ad *S. Stephani* burgum, indeque ad Santones devolvuntur. *Regimen.*

Vnica est Parochia; verum sunt aliqui etiam in ipsa Insula Prioratus. *Religio.*

Cum autem subsit hæc insula Ditioni Brouagenfi, illud ex occasione non reticendum, hoc oppidum, olim Castellum duntaxat extitisse, *Brone* vocabulo indigeratum; quod tanti momenti extitit, ut omnes Anglorum impetus propulerit, unde vernaculi Indigenarum rythmi:

*Fronsac, Cropignac, & Brouë,
Ont fait aux Anglois la mouë.*

LEMOVICIVM.

Fines.



Burdigalensi Parlamento
subiungunt Lemovicium, Pe-
trocorium, Guenna. Le-
movicio, vulgo *Pays ou*
Comté de Limosin, ad Se-
ptentrionem & Aquil-
lonem adjacent Bituri-
censes, *Le Berry* vulgo :
ad Ortum Marchia su-
perior, & Borbonii :

ad Meridiem & Vulturnum Arverni: ad Africum
& Occidentem Petrocorii : ad Caurum denique
Pictones. Nomen hoc Regioni inditum ab anti-
quis suis incolis, qui Ptolemæo *Lemovices*, & *Le-*
movici dicuntur. Vlmus visitur, grandioris ætatis,
inter vicum, cui à nova Domo nomen, *la Maison*
neufve, & Argentonium, Bituricense oppidum,
Septentrionem versus, quæ quatuor ditionum re-
git vel indicat fines, nempe Bituricensium, Bor-
boniorum, Arvernorum & Lemovicum; adeo
ut aliquando quatuor horum populorum Princi-
pes dicantur hic sermones inter se conseruisse,
quisque in suo territorio. Terra non ejusdem
ubique indolis : universim sterilius, præsertim in
superiori Lemovicio, quod longe sterilius, quam
inferius : producit tamen omnis generis fruges,
cum primis siliginem, hordeum, panicum, ca-
staneas item, rapas, vinum, sed ignobilis, quod
tamen in inferiore Lemovicio generosius. Inco-
læ cibi potusque sunt parcissimi, parvo contenti,
lautitiarumque ocores : panis tamen helluones,
ut proverbio locum dederint; præsertim illius,
quem vulgo *la Gonneffe du Limosin* vocant, nempe
Aysini, à loco inter Chalusium, & Lemovicum
sito, sic dicto : vini usum pagi fere ignorant. In-
dustrii sunt, ingeniosi, cauti, catique, non præci-
pites : egregie sibi suisque rebus consulentes.
Vulgus tenax, domique sordidius : nobilitas ma-
gnifica, altioris animi, liberalis. Ad provectissi-
mam plerique perveniunt ætatem. Sunt qui in
familia sua vident abnepotes. Scribit Bellefore-
stius vidisse se familias, in quibus centum cognat-
ione per nuptias juncti simul vivebant, ut colle-
gia quædam agnoscere quis posset. Lemovices
quidam indigenas esse volunt, & Aborigenes,
eorumque conditorem & Principem faciunt Le-
movicem, à Gomoritis oriundum. Subjuga-
runt eos aliquando Gothi cum tota Aquitania.
Scribuntur inde Franci, Gothi exturbatis, Le-
movicibus dedisse Gubernatores. Leguntur &
constituti ipsis Comites & Duces; hi quidem
gerendo bello, illi vero justitiæ administrandæ.

Lemovi-
cium dis-
plex.

Metropolis.

Lemovicium aliud Superius, aliud Inferius.
Superius inferiore planius est, & ad 19 milliaria
in longitudinem se extendit. Metropolim habet
Lemovicum, quæ vulgo *Limoges* dicitur. *Ratistum*
Ptolemæo, in Gallia Aquitanica, Aimonio Lemo-
vix, & Gregorio Turonensi *Lemovica prope Vigen-*
nam fluvium. Quicquid sit, urbs est ad Vigen-
nam, partim in valle, partim in monticuli sita fa-
stigio, arce, murisque bene munita, ipsissima di-
Gallia.


lignitiæ officina, desidiæ ergastulum. Castitas
hic fœminis in precio, & misericordia, quæ ve-
stitu utuntur non adeo decenti. Cæsaris ævo,
ut ipse scribit, valde populosa & ingens fuit hæc
urbs, quippe quæ decem millia civium fovebat.
Verum ab eo tempore partim à Gothiis, partim
à Francis Galliam tunc occupantibus, partim à
Carolo Martello, & Pipino Regibus, Guennæ
regem armis petentibus, imprimis autem anno
1369, ab Anglis miserum in modum afflictæ est.
Cæterum Episcopatus gaudet dignitate, quam
primus possedit ac illustravit S. Martialis, vulgo
Discipulus Iesu Christi creditus; imo primus hos
populos ad Christum convertens, prima posuit
fundamenta Templi cathedralis, glorioso Mar-
tyri S. Stephano, quem sanguine attigisse hunc
Martialem ferunt, dicati. Huic succedere Aure-
lianus, Æmilius, Atticus, &c.

Alia hic oppida *Glenic*, *Gueret*, *S. Julien*, *Aixe*,
Eimotiers, oppidum parvum ad Vigenam duo-
bus pontibus lapideis hic instratum; *Pierre-Buf-*
fieri, oppidum cum arce, & titulo primæ Baronie
hujus regionis. Et vici, qui vernacule *La Souter-*
raine, *Le Boisson*, *Barat*, *Confolans*, quasi dicas *Con-*
fluens duorum fluviorum, cum Garana, & Vienna
fluvii hic conveniant. Inter eos Chalusio fa-
mam conciliant annuæ pecudum equorumque
nundinæ, D. Georgii festo. Sunt & hic Abbatie,
inter quas Solemniacum, vulgo *Solognac*, & *Gran-*
dimons, caput ordinis Grandimontensis; item
Fanum D. Leonardi, magni nominis, inter Lemo-
vicum & Felletinum, *Nobilicum* aliàs dictum,
ob gestus incolarum nobiles, vel ob id, quod
Regio hæc à rege quodam Franciæ nobilitata
sit, in honorem Sancti Leonardi, captivorum li-
beratoris, quorum catenas adhuc suspensas in
Templo passim videre licet. Familiis illustres
sunt, quæ vulgo *Pierre-Buffiere*, *Chasteau-neuf*, *Carsie*,
quæ Vicecomitatus honore fulget, *Roche-Couart*,
cui inter antiquissimas Aquitaniæ locus, *Maygnac*,
& alia.

Inferius superiore montosius, dicitur proprie
La Marche de Limosin. Primaria hujus urbs est
Tutela, vel *Tutella*, & *Tullum super Curefiam* fluv. vul-
go *Tulle*, in aspero montosoque collocata terri-
torio : sedes non Ballivatus solum, sed & Episco-
patus novi, ex monasterio in hunc dignitatis gra-
dum à Papa Iohanne XXII elevati. Primus
hic Episcopus fuit Arnoldus de S. Astier an. 1318.

Est ibidem *Vsarcha*, *Vsarche*, oppidum non in-
amœnum, grati aëris, ad flumen Vezeram, quod
expugnari non posse fama jactitat. Proverbium
sane fertur, cui *Vsarche est domus*, arcem eum possidere
in *Lemovicum* ditione. Communis opinio est, quod
Pepinus accinctus ad expeditionem contra Gai-
ferum, Aquitaniæ regem, hoc oppidum primus
condiderit, ac octodecim turribus muniverit,
quarum una adhuc hodie dicitur *la tour de Leocai-*
re, eo quod inibi Leocarum, Præfectum Palatii
sui, supplicio affecerit. Non silent virtutem ci-
vium historiæ, quibus narrantur, Anglis per to-
tam

F f f



tam Aquitaniam triumphos agentibus, restitisse: suoque Principi Francorum regi fideles summa constantia perstitisse. Obsidione enim septennali ab Anglis oppugnata, sed haud expugnata est.

Briva oppidum in læta fertilique planitie situm, silvis oblitum, vinetis non destitutum. Sedes est Seneschalli. Sunt & alia: *Treignacum*, *Donzenacum*, *Allasacum*, *Bellus-locus*, *Meissacum*, *Vissetum*, *Bello-Montium*, quibus accensentur & *Vijoles*, *Terrasson* ad *Vezeram*, & *S. Angel.* De Lemovicibus ita scribit in Tabulis suis Geographicis Petrus Bertius: Lemovices regionem habent frugibus, vino, melle, pecore, jumentis, croco, nucibus, oleribus, pascuis, nemoribus, fontibus, fluminibus, balneis, bitumine, lacubus, argenti fodinis, locis munitis, mercimoniisque refertam, longitudine viginti leucarum, latitudine decem. Continet in se partem Arvernæ, patriam C. Sollii Appollinaris, uberem, divitem, amœnam, non ipsius solum præconio, sed etiam Theodorici Gothi, quem Gregorius Turonensis sic ait milites allocutum: *Ad Arvernos me sequimini, & ego vos inducam in patriam, ubi aurum & argentum accipietis, quantum vestra potest desiderare cupiditas, de qua pecora, de qua mancipia, de qua vestimenta in abundantiam accipietis.* Quod etsi de universa regione intelligi possit, tamen de civitate eorum præcipue capiendum est, cujus Turonensis meminit lib. 2, cap. 20. Iornandes exserte: *Erricus vicerex Wisigothorum Arvernam Gallia civitatem occupavit.* Et in Notitia Imperii clare distincteque commemoratur *Civitas Arvernorum.* In hac civitate etiam studia aliquando viguisse insinuat Sidonius lib. 15, Epist. 3. *Mitto istic ob gratiam pueritiæ tuæ undique gentium confluisse studia litterarum: tuæque personæ quoddam debitum, quod sermonis Celtici squamam depositura nobilitas, nunc Oratoris stylo, nunc etiam Camœnæ libus modis imbuebatur.* Illud in te affectum principaliter universitatis accendit, quod quos olim Latinos fieri exegeras, deinceps esse Barbaros vetuisti.

Viri illustres.

Inde prodierunt insignes pietate & scientia viri, tres inquam summi Pontifices, nempe Innocentius VI, Urbanus V, & Gregorius XI; inde Eminentissimi Cardinales, & Illustrissimi magno numero Episcopi, alique Præsules virtute & sanctitate conspicui; inde facundissimi Oratores, quos inter eloquentissimus, & clarissimus toto orbe Muretus, qui & eloquentiam pristino splendori restituit, & purum antiquæ Romæ idioma Romanos ipsos edocuit. Inde oriundus quoque Doratus, optimarum litterarum director, qui & Gallicorum Poëtarum Principis fuit pædagogus; taceo Mathematicos, aliisque præclaris facultatibus exornatos viros: recte dixeris Palladem apud Lemovicenses præfedissee.

Lemovices Ptolemæus vocat *Λιμωίκας*, eorumque urbem memorat *Ῥαλμαςον*, quæ certissime est *Lymoges.*

Cæterum ad Lemovicium Superius accensentur Ducatus *Ventadour*, in quo sita sunt oppida

Visselium, *Meymar*, & *Glottens*: item *Donzenacum*, *Neury*, & *Denacourt.* Dordonia fluvius est in finibus; sed *Lusigia*, vulgo *la Lusiege*, Arcem *Ventadour* præterlabitur. Vicecomitatus *Pompadour*, cuius sedes principalis est *Liberfac*, etiam comprehenditur in Lemovicio superiore: ut & *Baronia Novum castrum*, vulgo *Chasteau-neuf*; item *Liguria*, vulgo *le pas de Ligoure*, inter *Pierre-Buffiere*, & *Massere*, ad quatuor circiter miliaria se extendens. Hic se offert locus principalis *S. Jean de Ligoure* dictus, cum Parochiis aliquot.

Quod ad Vicecomitatum *Turenne* vel *Tureine* attinet, ille partim in Lemovicio inferiori, partim in regione *Quercy* situs est. Ejus longitudo ad octo miliaria, latitudo vero ad septem se extendit. Vrbs *Turenna* duobus miliaribus *Briva* distat, in inferiore Lemovicio; & est sedes Seneschallatus. Hanc sequitur *Beaulieu*, oppidulum parvum ad *Dordoniam* fluv. situm. Cætera loca sunt *Argentac*, *Servieres*, *Meissac*, *Curmonté*, *Malemort*, *Baronia* non procul ab oppido *Briva*, &c.

M A R C H I A.

M Archia hoc nomen fortita quod in margine vicinarum provinciarum sit constituta, Lemovicum, scilicet, *Pictonium*, *Arvenorum*, *Bojorum*, & *Biturigum*, longitudine 22 circiter miliaribus, latitudine septem tantum extenditur.

Pluribus irroratur amnibus, qui & ab ea suos fontes repetunt, hi scilicet vulgo nominati, *Le Cher*, *Creusa* minor, & major, *Petite Creuse*, & *la Grande*, cui insident oppida *Felletin*, *Aubusson*, & *Ahun*: fluvii quoque *Gartampe*, *Taurion*, *Vezeze*, &c. Dividitur autem Marchia in Superiorem, & Inferiorem; Superior quasdam habet civitates, quarum primaria *Gueret* nominatur, quæ regis quibuscunque jurisdictionibus exornatur, Seneschallatu nempe, sede Præsidiali, Castellaniis, Marescallatu, &c. Sunt alia præterea oppida, scilicet *Agedunum*, vulgo *Ahun*, *Chenerailles*, & *Iarnages*. Præterdit quoque insignem Abbatiam *Grandimontensem* Ordinis caput, & novem Præceptorias, seu Commendatarias, & quatuor antiquissimos Baronatus, nimirum *S. Julien*, *la Borne*, *Malleval*, & *Chasteau-vert*; adjiciuntur etiam Baronatus *de Courtine*, *Glenic*, & *Froiselines*.

Inferior duas tantum Vrbes habet, *Dorat* & *Belat*. Tota regio saluberrima est; filigines & avenas profert; equosque optimos, & minoris notæ pecora nutrit, unde & opes accumulatur. In spiritualibus Lemovicensi diœcesi subjacet.

Combraille Baronatus Marchiæ collimitaneus, octo leucis longitudine, quatuor autem latitudine protensus, hæc quæ subsequuntur continet loca, *Hervaux*, *Chambon*, *S. Valerie*, *Auzance*, *Lespau*, *Salmur*, & *Montaigu*, qui locus munitissimus est.

D V C A T V S N I V E R N E N S I S,

vulgò

D V C H È D E N E V E R S.



Fines.

Burgundia Ducatui concenseri solent tres urbes Episcopales, quæ tamen Parlamenti Parisiensis jurisdictionem agnoscunt: vernacule nominantur *Nevers*, *Auxerre*, *Mascon*. Prima dignitate nunc gaudet & honore Ducatus, cujus ditio (*Duché de Nivernois*) late patens, tribus navigeris fluviis irrigatur, *Icauna*, *Elavere*, *Ligeri*. Versus Occidentem aspicit provinciam Bituricensem; versus Orientem Burgundiam; versus Septentrionem *Gastinois*, & *Sologne*; versus Meridiem autem *Borboniam*. Incolæ rei pecuariæ sunt dediti. Frumenti producit ager parum, vini fere nihil. Præter ferri, etiam argenti habet venas, circa Fanum Divi Leonardi: Carbonum lapideorum, qui haud procul *Decisa* oppido effodiuntur, magnus ibi usus. Componitur autem hic Ducatus Nivernensis ex octo tractibus principalibus: quorum primus vocatur vulgo *Vaux de Nevers*; secundus *Alimonia*, vulgo *Amonges*; tertius *Montenoyson*; quartus *Icaunicus*, vulgò *de la vallée d'onne*; quintus *Morvan*; sextus *Bazois*; septimus territorium inter *Ligerim*, & *Elavere*; vulgo *Allier*, fluviis; octavus *Donziois*, *Baronia*.

Vaux de Nevers se extendit cum Parochiis suis, quas plurimas habet, usque ad Portas Nivernii. In hoc tractu funditur ac præparatur ferrum è fodinis recens erutum, ope cujusdam materiæ, vulgo *castine* dictæ, quod est terra petrosa. Fornacibus enim, & officinis ferrariis, ob commoditatem loci, hic tractus abundat. Massas ferreas, seu ferri fusi, quas ex fornacibus deponunt, vulgo appellant *guises*, & hæ singulæ 1800 circiter pondo continent. In Parochia *Pogues* se offerunt duo fontes, quorum unus vulgò *de S. Liger*, alter *de S. Marceau* audit; hi per venas quasdam nitrosas decurrentes, nitratum saporem præ se ferunt, & ad curanda apostemata interiora, purgandos renes, aliosque morbos occultos, subtercutaneos, & incurabiles conducunt. Spiritus eorum est adeo subtilis, ut statim exhalet; & uterque saporis est valde acidi, imprimis autem ille, qui *S. Marceau* dicitur. Maxima pollent virtute mense Julio, Augusto, & Septembri, tempestate imprimis sicca.

Amonges est regio valde fertilis & fructifera, & ob hanc causam Latine scribentibus etiam *Alimonia* dicitur.

Gallia.

Montenoyson est arx valde munita, in summitate montis excelsi, ad Ducem Nivernensem pertinens. Nomen suum traxit à vicino pago *Noison*.

Tractus *Icaunicus*, vulgò *és vallées d'onne*, in vallibus *Icauni* fluvii, partim cis fluvium in diocesi Nivernensi, partim trans fluvium, in Episcopatu Autunensi, situs est. Quinque comprehendit Castellanas; & aliquot oppida, ut sunt *Clamecy*, *S. Leonard*, *Tannay*, & *Dormecy*, &c.

Morvanus compositus quasi est ex Nivernensis, *Chastelchinois*, & *Burgundensis* territorii partibus. Montosa est hæc regio, & saltibus confita.

Bazois plurimis alluitur fluviis, ut sunt *Arron*, *Canne*, *Alesne*, *Andarge*, alii. Prope *Decisam*, vulgò *Desize*, effodiuntur carbones lapidei, ut vocant, quibus utuntur fabri ferrarii.

Tractus septimus inter *Ligerim* & *Elavere* fluviis situs, initium sumit à confluente horum duorum fluviorum, unico milliari ab urbe Nivernio, & se extendit usque ad *Borboniam*. Extat hoc in tractu oppidum *S. Petri le Monstier* dicti, & quædam Castellana, nimirum *Chastelneuf sur Allier*, *la Ferté-Chauderon*, *Decise*, *Ganay*, *Chevenon*, *Sermoyse*, *Chalny*, *Meaulse*, *Mars*, *Magny*, *S. Parise le Chastel*, *Lothenay*, *Livry*, *Chantenay*, *Thory*, *Aury*, &c.

Octavus *de Donziois*, ante multa secula *Baronia* titulo claruit, & mediante conjugio *Baronis* cujusdam *Donsensis* cum *Agneta*, *Domus Nivernensis* hærede, circa annum 1300, Comitatus Nivernensi annexus est. Comprehendit Castellanas, & oppida *Donzy*, *Entrain*, *Dreve*, *Saint Sauveur en Puisaye*, *Corvol l'orgueilleux*, *Billy*, & *Estaiz*; item *Cosne* ad *Ligerim*, Castellum.

In Ducatu hoc numerantur oppida portis, murisque clausa 13, quorum *Niversum* est metropolis, jurisdictionem exercens in xxx, ut vocant, Castellanas. *Noviodunum*, Cæsari notum, cujus lib. 7 hæc de eo sunt verba: *Noviodunum erat oppidum Eduorum, ad ripas Ligeris opportuno loco positum, &c.* Et ne quis amplius ambigat, urbem *Ligeri* appositam, quæ *Nevers* vulgò, esse *Noviodunum* Cæsaris: diserte in quadam *Notitia Provinciarum Galliarum*, quæ penes IC. *Iacobum Cujacium* fuit, legitur: *Noviodunum Nivernensium*. Antonino *Nivernium* vocatur in itinere, quod Augustoduno ducitur *Lutetiam Parisiorum*. Præterea quoque dicitur *Nevidunum Eduorum*, *Nevidunus*, *Nivedunus*, *Niveria*, & recentius *Niverna*. Oppidum est omni ex parte mœnibus cinctum firmissimis, turribusque amplissimis, & fossis profundis.

G g g

Niversum.

Nivers olim
Noviodunum.



fundissimis probe munitum. Qua meridies est, mœnia Ligeris lambit, pontem habens pulcherrime quadrato lapide constructum, viginti arcuum. *Nivernis* fluvius, vulgo *Nierre*, unde vernaculum oppido nomen, ab Ortu circumfluens, duobus acceptis ponticulis, mox in Ligerim se exonerat. Ad Septentrionem & Occalum fontes sunt, ex quibus etiam aqua in urbis fossas deduci possunt. Urbs in circuitu suo complectitur 3000 passus. Arcem habet, & palatium Principum Nivernensium, in medio urbis, juxta primariam Ecclesiam, quæ D. Cyro sacra, cuique Episcopum adhæret. Nihil, aut certe parum suburbiorum, quod secus in aliis Galliarum oppidis: & hinc Nivernium munitius, minusque insidiis obnoxium.

De ea ita Tomo Urbium 3. scribit G. Braun: *Noviodunum*, vel, ut plerique, *Nivernia*, vulgo *Nevers*, Nivernensium Ducatus, urbs tam antiqua, eoque loco sita, ut sine errore dici ea possit, cujus in Commentariis suis meminit Cæsar hisce verbis: Oppidum diruit (de Genabo loquitur) atque incendit, prædam militibus donat, exercitum Ligerim transducit, atque in Biturigum fines pervenit. Vercingetorix, ubi de Cæsaris adventu cognovit, oppugnatione desistit, atque obviam Cæsari proficiscitur. Ille oppidum Biturigum, positum in via, *Noviodunum* oppugnare instituerat, &c. Vides, ut Gergobinæ urbi à Gallis obsessæ auxilio proficiscens, *Novioduno* iter habuerit? quæ urbs non alia censeretur, quam quæ nunc *Nivernia* dicitur, ad Ligerim sita, eo prorsus itinere, quo Cæsari eundem erat. Vbi is veritus, ne male ab exercitu Gallico exciperetur, quamvis urbem teneret: videns tamen adversum occurrere Gallorum equitatum, qui prælium deposceret, eam reliquit. Itaque hodie quoque in ipsius urbis mœnibus videas antiquum propugnaculum, magnæ omnino amplitudinis, & altitudine ipsos urbis muros æquans. Et vero *Nivernium* esse *Noviodunum* Cæsaris, docet Aimé ille monachus, historiarum suarum initio, ubi Celticas urbes enumerans, *Noviodunum*, inquit, esse, quam hodie *Nivernis* esse putant. Qui eadem etiam sua historia perhibet, urbem hanc (quemadmodum universum Nivernensem Ducatum, cujus *Noviodunum* caput est) initio Comites habuisse, qui rempub. Regis nomine curarent, sed Comites deinde ejus possessionem ac dominatum usu cepisse; successu deinde temporis Comitatum hunc ad Ducalem dignitatem pervenisse: primumque *Nivernia* Ducem fuisse Franciscum, filium Caroli Niverni, & Mariæ Atrebatanæ, cui uxor fuerit Margareta Borbonia, Caroli Primi Ducis Vendomi filia.

Regimen.

Regimen Civitatis administratur quatuor Scabinis, quos circa Festum S. Michaelis viginti quatuor Senatores, corpus Civitatis representantes, eligunt. Civitas ipsa distributa est, secundum quatuor urbis portas, in quatuor regiones. Prima vocatur *Nicolaica*, æque ac illius porta; secunda vulgo *de la Barre*; tertia *Ligerina*; & quarta *de Croûe*. Ex his singulis regionibus eliguntur à civibus, ad pulsum campanæ congregatis, sex singuli Senatores, qui electi in universum constituunt numerum viginti quatuor Sena-

torum, quibus postmodum electio 4 Scabinorum, imo 4 Consulium, aliorumque ejusmodi Magistratuum demandatur. Consules dictis Senatoribus, Scabini vero Ballivo seu Satrapæ Nivernensi, sacramentum præstant.

Episcopatus hic circa annum Christi 600 institutus legitur; & primus Episcopus fuit S. Aregius, vulgo S. *Aire*; licet quidam alios nominent, & inter illos S. Austremonem, Discipulum Apostolorum, qui hunc præcesserint. Episcopo subsumunt tres Cestellaniæ, nempe *Premery*, *Vrzy*, & *Parzy*, ubi dominium temporale, ut vocant, exercet.

Infra oppidum dimidii fere milliarii itinere, nobilissimus Arvernorum fluvius *Elaver*, vulgo *Allier*, Ligeri commiscetur. Locus *Conflans*, à *Conflans*, confluentibus fluviis, dicitur.

Inter præcipua Ducatus Nivernensis oppida sunt *Dezisa*, vulgo *Desize*, *Decise* apud Antoninum: *Clamecyum*, *Donzyum*, *Molinum* vulgo *Moulins*, *Angilbertsum* les *Engilberts*, *Corbignium*, *Fanum Divi Leonardi*, *Fanum S. Petri*, *Luygium*, *Premeryum*, *Dreva*, *Antrain*, & alia.

Decisa, vernacule *Desize*, est oppidum in insula quadam montosa, Ligeri cinctâ, situm. Quidam putant, insulam istam non natura, sed arte hominum esse factam, ita ut nomen inde derivare conentur. Itinerarium Antonini *Decidam* vocat. *Clamecyum* situm est ad fluvium Icaunam, eo in loco, ubi *Beuvron* fluvius in Icaunam se exonerat.

Cæterum in hoc Ducatu Nivernensi adhuc hodie multa observantur vestigia antiquitatis, & splendoris Romanorum, imprimis autem circa nomenclaturas plurimorum locorum, quæ vel ab ipsis Romanis in hisce regionibus quondam degentibus iis impositæ, vel ab eorum nominibus, tam hominum, quam deorum, desumptæ, & temporis successu aliquantisper depravatæ sunt. Atque sic *Niarzy*, vel *Marcy* nihil aliud est, quam villa Martii; *Dienne*, proprie lucus Dianæ; *Polligny*, originaliter Fanum Apollinis; *la Paroisse de Mars*, est incorruptum; *Cezilly*, Villa Cecilii; *Saisy*, Villa Cæsarii; *Aubigny*, Albini; *Germancy*, Germanici; *Corbigny*, Corvini; *Domecy*, Domitii; *Chassy*, Cassii; *Milly*, Emilii; *Sauvigny*, Sabini; *Mussy*, Mutii; *Flory*, Flori; *Lentully*, Lentuli; *Marcelly*, Marcelli; *Aurilly*, Aurelii; *Iuigny*, Iunii; *Cunciz*, Quintii; *Pouilly*, Apuleii; *Gilly*, Gellii; *Anisy*, Anitii; *Donzy*, Dionysii; *Bussy*, Ebutii; *Remilly*, Romuli; *Ratilly*, Rutilii; *Cessy*, Sextii, vel Cæsarii; *Cuzy*, Curii; *Flacy*, Flacci; *Tazilly*, Otacilii; *Trangy*, Terentii; *Cossage*, Cocceii; *Saligny*, Sillani per metathesin: *Amary*, Marii; *Oigny*, Ovinii; *Viry*, Virii; *Azy*, Aetii; *Trogny*, Petronii; *Tintury*, Turturii; *Noisy*, Nautii; *Esquilly*, Aquilii; *Maily*, Mantii; *Surgy*, Sergii; *Martigny*, Martini; *Chauvigny*, Calvini; *Arcilly*, Acilii; *Varigny*, Veranii; *Grateiz*, Grati; *Lucy*, Lucii; *Clamecy*, Clementii; *Fragny*, Afranii; *Crezancy*, Crescentii; *Germigny*, Gemini; *Chailly*, Salii; *Levanges*, Libanii; *Polligny*, Paulini; *Alligny*, Eliani; *Bizy*, Apitii; *Arcy*, Aritii; *Dornecy*, Andronici; *Lurcy*, Luperii; *Marigny*, Macrini; *Masigny*, Mancini; *Memercy*, Mamerici; *Narcy*, Neratii; *Nourry*, Honorii; *Origny*, Vranii; *Precy*, Prisci; *Passy*, Bassi; *Pozzy*, Pontii; *Sevry*,

Servy, *Severi*; *Ialigny*, *Gallieni*; *Maumigny*, *Maximini*; omnia sunt nomina antiquorum Romanorum; & ut Romani loca, vel prædia sua ruri ædificata nominare solebant *Tusculanum*, *Pompejanum*, *Cumanum*, sc. Prædium; sic in hoc Ducatu sunt Parochiæ, & pagi, eodem modo dicti, ut *Lucenay*, *Lucianum*; *Chassenay*, *Cassianum*; *Ganay*, *Cajanum*; &c. *Venille* est territorium & silva prope Nivernium, à *Venilia*, dea Romanorum. Quin & plurimis in locis, præsertim prope *Deculam*, numismata inventa repræsentant Imperatores Romanorum, & res eorum tempore gestas. In iis videntur imagines *Neronis*, *Traiani*, *Adriani*, *Antonini Pii*, & *Aurelii Antonini*, *Philosophi* dicti. In quodam *Neronis* numismate effectum erat Templum Iani, cum hac inscriptione: *Pace Populo Romano terra marique parta, Ianum clausit*. Et sane de hoc Templo Iani per *Neronem* clauso loquitur *Suetonius* in ejus vita. In alio erant *Marcus Antoninus Philosophus*, & *Lucius Elius Verus*, qui nominabantur *Divi Fratres*, & in averfa facie figura duorum hominum manibus invicem confertis, cum hac inscriptione: *Concordia Augustorum*.

Præterea quoque antiquitatem indicat nomen territorii *de Druy*, à *Druidis*, antiquis Gallorum Sacerdotibus, sic dicti. Hoc territorium est *Baronia*, sub ditione *Episcopi Nivernensis* principalis, quam *Domini de Marion* per aliquot secula possederunt.

Memoratur in annalibus Franciæ *Philippus Ni-*

vernii, *Retelli*, & *Estampii Comes*, *Philippi Valesii Burgundiæ Ducis* filius, qui cum fratre in pugna *Azincurtiana* cecidit, successores nactus filios: in *Nivernensi* quidem & *Rhetellano Comitatu Carolum*; in *Stampano* autem *Ioannem*, qui, fratre sine liberis defuncto, reliquos quoque Principatus est adeptus. Hic ex tribus conjugibus plures suscepit liberos. Sed præmortuis cæteris, unam tantum filiam habuit superstitem *Carolam*: cujus (nupta enim fuit *Ioanni Albretano*) filia fuit *Maria Albretana*, uxor *Caroli Clivensis*, *Ioannis II Cliviæ Ducis* filii: qui primus *Nivernii dux* legitur. Huic filius fuit *Franciscus II Dux*, cui ex *Margareta Borbonia*, *Caroli I Ducis Vendocinensis* filia, liberi fuerunt *Franciscus*, *Dux III Nivernii*, *Comes Eufii*, qui nulla prole relicta, pugna *Dreusiana* periit, an. 1563. *Iacobus*, *Ilæ Marchio*, *Dux Nivernii IV*, qui etiam *apud* obiit; *Henricus Nivernii Dux V*, qui item, ut fratres, improlis est defunctus: quibus omnibus successa est soror *Henrica*, *Dux Nivernii VI*, quæ uxor facta *Ludovico Gonzagæ Marchioni Mantuano*, Principatum *Nivernensem* dotis nomine ad eum attulit. Ex eo conjugio natus *Carolus Gonzaga Clivensis*, *Dux Nivernii VII*, &c. Quem utilissime peregrinantem, & magnorum Principum, anteaquam propriis gubernaculis tenendis se admoveant, exemplo, noscendis peritissime variorum populorum rerumque publicarum moribus & institutis invigilantem, Magnatum filios sequi expedit.



B O R B O N I V M,

vulgo

L E B O V R B O N O I S.

Nomen.

Fines.



Orbonensis ager, à Borbonio civitate nomen fortitus, Foresis atque Arvernisi à Meridie clauditur; regionem autem Bituricensem habet ab Occasu; Nivernensem à Septentrione; ac denique Burgundicensem ab Ortu.

Fluvii.

Multis regio hæc fecundatur fluminibus, inter quæ *Sarnetum* amnis celeberrimus est, qui *Bordam-Comitis* interluit; *Londa* vero fluvius alter illuc adventantes in ipso ingressu excipit; *Beberis* autem seu *Chaberis*, *Valæ*, *Teichæ*que factus aquis tumidior, transmissio *Dalignyensi*, & *San-Germanensi* oppido, ad *Septem-fontes* cum *Ligeri* perlabitur; indeque profuit sub pontem *Palisse*, oppidi castro egregio muniti; quod & æternum est gloriæ monumentum celeberrimi illius Herois *Iacobi de la Palisse*, *Galliæ* quondam *Marescalli*, qui *Pataviensi* in prælio suis cumulatius trophæis generosus occubuit.

Palissiacum oppidum.

Non procul à *Septem-fontibus* sedet *Borbonium-Lancyum* in adversa *Ligeris* ripa; istud autem accepit ab antiquitate cognomentum, ut nonnulli existimant; at verius est, ab *Ancealmo* *Borbonici* *Archobaldi* *Germano* id nominis assumpsisse, qui exortas sibi quasunque controversias nulla ratione, quam districto in adversarium dirimebat gladio, contractusque omnes ensis obsignabat capulo. Porro uterque, *Archobaldus* nimirum ipseque *Ancealmus*, & *Ioanne* *Burgundico* prognati sunt, qui *divisa* *majorum* *hereditate*, *Borbonium* juxta *Ligerim*, nec non *Burgundiæ* finibus inclusum unus accepit, cui & nomen *Lancy* imposuit; alter vero *Borbonium* cognomento *Archobaldum*, *Borbonensis* *Ducatus* oppidum, in convalli quatuor inter montes positum, pro sua hereditatis portione assumpsit. Ceterum utrumque *Borbonium* à *Thermis* calidis celeberrimum est. Hoc autem postremum, *Archobaldum* scilicet, arce validissima defenditur, in qua sacellum visitur, quod multis nominibus Sanctum appellatur, ad *Parisiensis* hujusmodi Sanctæ etiam *Capellæ* normam extructum abs *Ioanne* *Borboniæ* *Duce*; ibi quippe pretiosissimæ asservantur reliquiæ, multæque insignes tum pictæ, tum sculptæ ex ligno ac marmore imagines, artis prorsus miracula, conspiciuntur.

Hoc autem singulare est, & quod historiarum monumentis mandetur dignissimum, arma nimirum gentilitia stirpis *Borbonicæ*, cum ipsa sint *Franciæ* insignia, baculo duntaxat rubeo distin-

Gallia.

cta; eadem die, qua trucidatus fuit *Henricus Tertius* Rex, cumque illo extincta *Valesiorum* regum prosapia, illum ex scuto gentilitio limbum fulmen sustulisse, vitreas sacelli *Borbonici* fenestras perfringens, intactis tamen omni ex parte *Liliis*, quæ *Superi* (felix omen!) amplissimæ, potentissimæque *Borboniorum* familiæ destinarent.

Borbonio itaque *Lanciaco* *Ligeris* fluvius valedicens, procurrit ad urbem *Deciam*, exceptis deinde multis fluminibus & rivulis *Nivernensem* alluit civitatem; duobusque sub illa milliaribus suas in *Ligerim* *Elaver* fluvius aquas evomit, eo plane loco, qui *Bec-Allier* indigetatur, ad *Confluentiæ* *Burgum*. Hic ille est fluvius, qui *Davro* sociatus urbis *Gergobinæ*, vulgo *Molins*, mœnia irrigat, cujus prospectus jucundissimus est, illaque velut *Paradisus* deliciarum, ipsaque sedes amœnitatis. Civitas hæc *Bojorum* est *Metropolis*, undique arboribus confita, eximiis asurgens turribus, castelloque magnifico ac elegantiori exornata; exigua quidem est, si illius solum spectes ambitum, at si suburbia adjeceris, quæ maxima sunt & mœnibus cincta, urbem di-ces spectatæ amplitudinis, quæ & splendidissimis ubique nitet ædibus, populique honoratissimi frequentia. Fuit autem arx ipsa seu castellum sedes olim *Ducum* *Borboniorum*, quorum inibi effigies ad vivum expressæ conspiciuntur. Cum autem inde gloria, splendor & Majestas *Franciæ* affulserit, quid optes amplius ad arcis illius magnificentiam; sufficiat ad *Domum* *Borboniorum* digitum intendisse.

Nec silentio prætereundum est, hoc super *Ducatu*, *Galliæ* *Reginarum* dotem assignari; celebrarique *Borbonium* à thermis suis apprimè salutaris. *Gergobina* autem seu *Molinen* civitas, duabus emicat basilicis primariis, quarum elegantior *Virginis* *Beatissimæ* auspiciis inaugurata est; secundas tenet *D. Petri* Ecclesia; habet binas etiam *Parochias*, multaque cœnobio Religiosorum; amplissimo gaudet Scabinatu, plurimisque immunitatibus ac privilegiis. Sunt ex plebe omnigenis artifices, laute satis & commode inibi agentes, officiosissimi omnes atque humanissimi, Gallico idiomate eleganti utentes. Constratus est hac in urbe pons unicus *Elavero* fluvio, qui & *Quesneum* amnem obviam arripens, illo factus locupletior, *Nivernensem* ingreditur civitatem.

Visitur autem in *Bojorum* finibus *Gergobia*, vulgo *Montluçon*, civitas in collis acclivi posita, cujus radices alluit rivulus, cui *Charus* seu *Chara* nomen impositum est, & jure merito, nam suis

H h h

acco-



AMSTERDAMI
Apud Guiljelmum
et Ioannem Blacuw.

accolis charissimus est, utpote qui aquas habeat limpidissimas atque salutare.

*Therma
Nerianæ.*

Primo à Gergobia lapide offerunt sese obviam *Thermæ Nerianæ*, Romanorum opus; quæ inibi scaturigo profilit, in tantum fecunda est, & aquis exundans, ut efformet rivulum, qui circumagendis tredecim molendinis sufficiens sit; inde est adeo celebris Gergobia ob molendina tredecim aquis ferventia, suæque nullo non tempore vernantia nemora; illa quippe buxo longe lateque confita sunt.

Donjon.

Extat etiam in agro Borbonienfi burgus, qui lingua indigenarum vernacula *Donjon* nominatur. Sunt & plurima alia hac in regione notissima loca, *Mons-meraudi* nimirum, & fanum sancti *Amandi*; *Chantelles*, Ducum olim Borboniorum nobilis secessus; *Gannal*, *Varennes* ad Elaverum, *Mons Monachorum*, fanum *S. Gerani*; *Souvigniacum*, urbecula pervetusta; *Athenæum Castellense*, *Chambo*, *Ialigniacum*, &c.

Qualitas.

Ager hujus regionis amplissimus est, & fecundissimus, triticum, legumina, fruges omnis generis maximâ profert abundantia; silvæ redundant fructibus, pecoribus, cuniculis ac leporibus. Oleum è nucibus maxima copia exprimi-

tur. Commendatur Gergobienfe territorium à vini fertilitate, quod & finitimis regionibus vinum suppeditet. Habet etiam hæc regio nonnullibi ferri fodinas atque officinas. Celebrantur passim à Medicis aquæ illius saluberrimæ, quæ vim illam salutiferam, qua præditæ sunt, à sulphure, nitro & alumine concipiunt; quibuscumque ægrotudinibus afflicti, opem hinc efferunt & levamen, quin & sæpenumero plenissimam omni ex parte valetudinem & alacritatem. Laudatur & urbs *Molinenfis*, à cultellis, forficibus, cæterisque id genus operis, quæ per rotam fere, velut singularis excellentiæ, distrahuntur Europam. Vrbs denique *Monluçonensis* maximum è vino suo laudatissimo, lanis ovium atque balneis proventum extrahit.

Bourbonensis seu Bojorum regio inter amplissimos antiquissimosque Galliæ censetur Baronatus; qui illum longa serie Domini possederunt, maximam partem *Archobaldi* nominati sunt; alias quoque Dynastias, latifundia & opes tum in *Burgundia*, tum in *Campania* tenuerunt, Magnatum, Principum, Regumque multorum, imo & Imperatorum affinitate, quin & consanguinitate decorati.




ARVERNORVM

PROVINCIA,

ET LIMANIA.

Avergne.



Arvernia, seu Arvernorum provincia, prisco-
rum olim incolarum
etiam hodie nomen re-
tinet; illi quippe Ar-
verni dicebantur, ii
sunt, qui communem
cum Romanis se habe-
re originem jaçant;
tantaque Caesaris tem-
poribus erecti fuere potentia, ut triginta bellato-
rum millia conscribere, pro sua expeditionis par-
te taxati fuerint. Hic est amenissima illa regio,
inquit Sidonius in laudes patriæ effusus, tam
commoda, tamque benigna viatoribus, co-
lonis frugifera, venatoribus delectabilis, monti-
bus confita, in quorum vertice latissima rident
prata, in declivitate velut exultant vineæ, villæ
alliciunt in radicibus positæ, planities vero mes-
sibus uberrima est; ibi si quæ viarum ambages
sunt, silvis inumbrantur, scopuli arcibus exornan-
tur, præsidiiisque militaribus, fontibus & rivulis
convales irrigantur. Eapse in provincia gene-
rosissimorum acerrimorumque altrice ingenio-
rum primam hujus lucis usuram acceperunt tot
sanctissimi vigilantissimique Ecclesiæ Præsules,
tot effulserunt Doctores subtilissimi, tot incorrupti
Iudices, & viri celebratissimi.

Fines.

Provincia hæc, Foresis ab Ortu cingitur; Ve-
launo & Gevaudano à Meridie; à Septentrione
autem tractu Borbonio; ac tandem Lemovi-
censi Perigordienique ab Occasu.

Divisio.

Arvernensis ager in Superiorem dividitur &
Inferiorem; Superior quidem præcellis assurgit
montibus, qui proprie Arvernensis vulgo indi-
getatur; Inferior in planitiem & campetria dif-
funditur, & Limania communiter appellatur.

Arvernia
Superior.

Superior Arvernorum regio, ab Ortu, Lima-
niâ circumscribitur; à Meridie Gevaudano; ab
Occasu, agro Cadurcensi; à Septentrione autem
Lemovicensi territorio. Dordona fluvius regio-
nem utramque ab invicem dirimit.

S. Flour.

San-Florensis civitas, *Saint-Flour*, regionis hu-
jusce metropolis est, præcellæ rupi insidens, bur-
gus olim Montis-plani, *Mont-plan*, nomine; nunc
vero Episcopatu nobilis, Audientiæque regiâ.

Aurillac.

Aurillac, Præfectura celebris, in qua & pro
tribunali Præsides assidet, qui jus dicit San-Florensi
civitati, & quatuor præfecturis, quæ pertinent
ad Muratum, urbem amplam satis & opulentam,
Mauriacum, Maurfium, & Salersium. Muratum
titulo Vicecomitatus exornatum est, castelloque
defenditur editissimo; Mauriaci Gymnasium est
Societatis Iesu, ex antiquioribus in Gallia excita-
tis; urbs hæc mercatoribus frequens, ubi pecua-

Gallia.

riæ nundinæ, præsertim vero equinæ celebra-
tur. Præter loca jam memorata, Bessa quoque
visitur, oppidum elegans, Monti Aureo adædifi-
catum, ob Capellam Beatissimæ Virginis *de la Vassière*
celeberrimum; *Carlat* deinde, *Chaudesaygues*,
locus munitissimus, & possessio Marchionis *de*
Malause; *Aubijoux*; Riomum in montibus situm;
Fanum S. Martini *de Marmaroux*; Peyra, *Fontan-*
ges, Mons-Salinus; Roquebra; *Pleaux*, titulo
Comitatus nobilis; Pongibaltius, & Rora:
Turris, *la Tour*, Baronatus; Dei-Portus *le Port-*
Dieu, arce insignis; *Murol* Baronatus ad Comitem
Estainensem pertinens; *Fenders*, Abbatia; *Espen-*
charsum, Turris Lugardenfis, *Soubrevise*, Fa-
num S. Agnaci; *Madic*, Domus perelegans Mar-
chionis de Curton, plurimæque alia loca in con-
finiis Lemovicensium.

Arvernia Inferior, seu Limania, *Limagne*, *Arvernia*
fines habet ab Oriente Foresios; Velaunum Su-
periolemque Arverniam à Meridie; ab Occiden-
te autem, Marchiam, tractumque Lemovicen-
sem; ab Aquilone Borbonium: illius longitudo
ab ora San-Porsanensi ad Alegrensem, triginta
milliaribus; latitudo, à Sellenfi ad Roquensem,
tres supra viginti leucas protenditur. Perquirunt
nonnulli rationem nominis à Limonna flumine,
è Superioris Arverniæ montibus deciduo, fa-
numque S. Fleureti, Nocherum, San-Saturni-
ni, S. Amantii alluente, ac demum in Elaverum
amnem ad Fanum S. Martini ingrediente.

Vrbes.

Claromontium, *Clermont*, vetusta præclaraque
civitas, jam ab ævo Gregorii Turonensis, & Si-
donii Apollinaris celebris, & ob præstantiam at-
que fortitudinem decantata, Inferioris Arver-
niæ caput, & jam inde *Arvernum oppidum*, urbs &
civitas *Arverna* vocabatur; *Augustonemetum* à Pro-
lemæo, juxta Scaligerum; abs Cæsare autem
Gergobia, ut variorum mens est auctorum; qui
enim illic incumbit Gergovius mons, ad Gergo-
biæ urbis amplitudinem videtur insufficiens:
quin & passim per Claromontanæ urbis pomœ-
ria, infinita videas antiquitatis monumenta, mœ-
nium firmissimorum rudera, superstites veterum
ædificiorum reliquias, antiqua numismata, co-
lumnas marmoreas, quæ inibi quot diebus effo-
diuntur. Vrbs in montis acclivitate posita, ferti-
libus obsepta collibus, è quibus prolabantia flu-
mina, hortos, viridaria, villas, aliaque deliciarum
loca irrigant: duobus interjacet amnibus, *Artier*
scilicet, qui è Royaco & Chamalierefio profluit,
& juxta Lusatium Elavero mergitur; & *Bedat*,
qui Monteferrandum perluens, modico ab *Enrai-*
gues & *Maringues* intervallo, se in Elaverum præci-
pitat juxta locum à Vineâ cognominatum. Exor-
nata est civitas sede Episcopali, Cathedralique
Eccle-



Ecclesia sub auspiciis Beatissimæ Virginis, quæ & celeberrima est, perelegantis structuræ, tecto plumbeo coopertæ; cui objacet Episcopale palatium, fonsque limpidissimus, ejus scaturigo, ut & aliorum in urbe extantium ex *Royac* proficitur. Tres inibi sunt Ecclesiæ Collegiata, nimirum B. Mariæ de Portu dictæ, quæ inter hujus Diocesis Ecclesias primatum antiquitatis possidet; S. Genesii, & S. Petri; præter Franciscanorum & Carmelitarum Conventus, Domosque tres Monialium. Antonius Pratenfis, Galliæ Cancellarius, amplissimum ibidem excitavit fundavitque Xenodochium. Abbatia S. Alyri, ejus structura solidissima est, & columnis, mausoleis, altaribus ex marmore & jaspide, artificio veteri exulta; S. Andree de Chantoïn, quæ ab anno 1633, Carmelitis Discalceatis fuit assignata. Cœnobium etiam Clarissarum Monialium eo loci visitur, ut & Capucinorum, Minorum, aliorumque Institutorum asceteria, quæ extra urbem condita sunt; Prædiali denique Claromontium sede exornatur. E regione Monsferrandus cernitur, urbs præclaro situ, spectabilique fortitudine ad *Bedat* fluvium. Hic favore & auctoritate præstantissimi Viri Cancellarii du Prat, Auxiliorum Curia constituta est, sceptrum moderante Francisco Primo Galliarum rege. Collegiata nitet Ecclesia, tribusque cœnobiis religiosorum, uno monialium. Tota hac in circuitu regione jus olim dicebat Montisferrandensis Prætor. *Riomum* Ducatus Arvernensis caput, Sedesque Prædialis, tenui interfecatur rivulo; ibi in veterum Dynastiarum palatio Iudicia celebrantur. Fulget aliis quoque nominibus hæc civitas, Senescallatu nimirum, Erario regio, Marefcallatu, Officina monetaria. Tribus exornatur Ecclesiis Canoniorum, una S. Amabilis, quæ olim Abbatia; alia sub auspiciis B. Mariæ du Marturet; tertia, quæ S. Capella nominatur; præter Capucinorum asceterium, aliudque Monialium; sunt & Patres, qui Oratorii nomine insigniuntur, Claromontium, Monsferrandus & Riomum urbes medio duntaxat milliari distant ab invicem ex uno latere; at ex alio duabus à se invicem leucis distatæ sunt, situ eximie, structura elegantes, & opulentæ.

Chamaliens.
Eury,
Castella.

Chamaliens burgus non ignobilis est, castellum regium, non procul à Claromontio, Collegiatam habet Ecclesiam. Nec longe submota sunt *Sancey*, *Beaurepaire*, & *Durtol* castella perelegantia; quemadmodum & eximii *Nonan*, *Royac*, & *Bellomontium* burgi, frumento vinoque feracissimi; *Lempde*, Episcopi peculium; *Onat* autem, unde optimus Capitulo proventus; sequuntur *Obeyna*, *Pereyniat*, *Romaniat*, & *Chanonat* arces & burgi spectabiles. Modico etiam inde intervallo apparent vetustæ Castelli de *Montrojenon* diruti ruinæ, quod & olim à Iulio Cæsare conditum fuisse perhibetur, dum ipse *Gergoviam* obsideret; esseque *Montem Romanorum*.

Enezat.

Visitur & supra Riomum, seu in adjacenti circumregione, arx vetusta *Chazeron* dicta; *Chasteauguyon* burgus, arces de *Tournelles*; *Sabazat* burgus quoque insignis, arce instructus, Collegiataque Ecclesia; fanum S. Bonneti, *Volvic*, *Chastelguy*, *Blansac*, *Marfat* cum præpingui Abbatia, ac Monialium Prioratu ac demum *Enezat* urbecula.

Billon, oppidum est elegans, & lauta Episcopi Claromontani possessio, præcellis obsepta montibus, qui fecundissimis undique vitibus confiti sunt: *Ricochet* rivulus urbem hanc perlabitur; quæ quidem Collegiata gaudet Ecclesia, nec non & alia S. Lupi pervetusta; est & inibi asceterium Capucinorum, aliudque Virginum velatarum, atque Patrum Societatis Iesu gymnasium, ab illusterrimo quondam viro Guilielmo du Prat, Claromontensi Episcopo fundatum. Succedunt deinde *Spirat*, *Chars*, & *Choriat* non contemnenda loca; arx postmodum de *Montegat*; *Moussun* castrum munitissimum, nec non & *Montmorin*, castrum etiam perantiquum; *Molliere*, *Aulterat*, *Chier*, *Cornets*, *Rochette*, *Couppet*, *Ieussel*, aliaque huic urbi adjacentia loca.

Yffora civitas à nuperis bellis notissima, agrum habet frumento vinoque fertilissimum: *Cousleus* amnis è Pavino lacu profluens, Elavero amni, vulgo *Allier*, permixtus, uno ab Yffora milliari, illius muros alluit; quibusdam exornatur cœnobiis tum virorum, tum Virginum Deo devotarum. Exin *Brog* burgus collegiata Ecclesia exornatus, arcesque plurimæ hoc in tractu conspiciuntur, *Steyran* nimirum, *Villa-nova*, *Nonnetta*, *Vaudable*, *Yboy*, quæ ob singularem elegantiam ac firmitatem laudatissimæ sunt: occurrit postea *Breul* burgus arce munitus, *Milbeau*, S. *Firgues*, *Chelus*, *Bonda*, *Sansat*, *Pertu*, *Chadien*, *Champaix*, burgus amplus cum Prioratu, quem perluit rapidissimus amnis, qui Elavero exoneratur; *Nichers*, *Plausat*, *Sauvetat*, prægrandis etiam burgus, Abbatiaque *Blessensis* ac *Megemontensis* sunt in vicinia Yfforæ.

Brioudense oppidum, ad normam veteris architecturæ extructum, plateas habet inegalantes & incultas; attamen inigne est ob Canonicos illius Comites ac Dominos temporales; quemadmodum & Canonici S. Ioannis Lugdunensis; præterea nullus est Diocesis Collegiata hæc Ecclesia, verum summo Pontifici immediate subiecta est. Multis decoratur Domibus Religiosorum tam intra muros, quam extra, ubi etiam extat celeberrima S. Ferreoli Basilica; nec procul inde Elaver amnis profluit, cui in burgo Veteris *Briaudæ* pons saxeus miræ longitudinis & altitudinis extructus est. Hac etiam in regione sunt quædam Monasteria Virginum Ordinis Fontis-Ebraldi, atque S. Benedicti; Castellum d' *Aubervac*; *Mottenis* burgus de *Canillac*, qui & Vicecomitatus titulo insignitur; *Auzon* urbs & Baronatus, ubi & Collegialis Ecclesia; *Chillac* seu *Sillac* ad flumen Elaverum; *Langeac*, urbecula, castro defensa ad oram amnis Elaveri, in Marchionatus titulum paucis ab annis evecta est. Paulò inferius in parte Orientali situm est *Pulhaquet* oppidum suburbis amplissimis instructum, modicaque intercapedine exiguus in Elaverum decedens rivulus: nec contemnenda civitas *Alegrensis*, quæ & Marchionatus splendet dignitate; hæc in montis radicibus posita est, ubi validissimum infidet castrum, quod urbi minatur; mons sane editissimus, in ejus summitate vastissimus conspicitur lacus; ad ima defluit rivulus, qui suas in Bornam fluvium aquas deducit. Duobus ab *Alegria* milliariibus finitur Arvernica, & à *Velayo* dirimitur; hocque in confinio extat S. Pauliani oppi-

Cathedra
Dei.

Ayguepe

Cusset.

Vichy.

Anzon.

Langeac.

Treviri

*Cathedra-
Dei.*

oppidum, & nota satis urbecula *Cathedra-Dei* nomine exornata, quæ & Abbatia insignitur, muris propriis ac turribus instructa, duabus à prædicto monte leucis distat. *Amandy* saltus longe lateque diffusus hanc regionem occupat; cui proximum est celeberrimum illud Sanctissimæ Trinitatis Sacellum, quod statis anni diebus maximo populorum concursu devotissime frequentatur; insidet autem illud velut in immani præcipitio rupibus horridis interjecto. Maximum statim apparet *Clavellier* castrum, moxque urbs ac Burgus *Arlenenensis*, cum arce in modum præsidii militaris, eidem plagæ assident, quæ & decurrit *Dora* fluvius: Castrum & parochialis Ecclesia de *Montravet*; burgus cum castello de *Viveros*; fanum *S. Anthemi*, quæ amnis *Ausa* delabitur, qui in confiniis *Segulianorum* & *Arvernorum* scaturit; *la Roue*, *S. Germani L'air* dicti, ubi fontes *Doulon* fluvii; fanum *S. Verini*, *la Val*. Fanum Sancti *Didaci*, quod immanibus & inaccessis rupibus protegitur, maximamque partem *Doulon* flumine sepitur; *Emual* denique cum præcelsa turri & quadrata, quæ omnia loca nec à monte jam memorato, nec à *Doulon* fluentis procul absunt.

Post hæc se ostendit fanum *S. Germani Lambron* appellati; ac *Aygueperse*, urbs primaria Ducatus *Montspenserensis* de *Montpensier*, ubi Collegiata est Ecclesia, necnon & Sacellum Sanctum, cujus sacra munera Canonici exequuntur; & monasterium Virginum sub regula *S. Claræ* degentium. Vetus illud *Monspenserense* castrum anno 1634 fuit dirutum; amplissima deinde arx d'Effiat, perelegantis structuræ, aliaque loca subsequenter vocabulis communiter indigetata, *Denone*, *Biausat*, *Arboules*, *S. Genesii*, *la Font de Vansac*, *S. Agolini*, *la Roche-l'hospital*, in cujus vicinia sunt duo Monialium Prioratus, *Pontrattier*, nimirum, & *Escurolles*; *Esbreulle*, ubi insignis Abbatia ad *Sioulle* fluvium, *S. Quintini*, *Mata*, *Marsillac*, *Chastelard*, *Rocheport* & *Aiviers*, *S. Poriani*, à quo non longe *Sioulle* amnis labitur sub ponte faxeo; Virginum Sacrarum Prioratus, *Aubeterre* dictus; arces præclaræ de *Beaulin*, *Briale*, & de *Morelles* in hac quoque vicinia sunt. *Cusset*, oppidum situ & arte munitum, collegiata nitet Ecclesia, & opulento Virginum monasterio; *Vichy* etiam urbecula, quam *Elaver* amnis alluit; *Seresac*, *Chaussain*, *Vernet*, castella; *Albret*, & *Busset* Comitatus, hoc quoque tractu conspiciuntur. Porro illa sunt notiora *Limanæ* oppida.

Treviri.

Treviri, *Thiers*, populosa civitas, maximique commercii, Ducatus est *Monspenserensis*, cujus alluit mœnia *Durolla* fluvius, qui exinde sesquimillari *Doræ* mergitur: varias amnis hic, *Durolla* nempe, molas circumagit, papyraceas nimirum, & quæ cudendis, fabricandisque cultellorum laminis inserviunt. Urbs ipsa Capitulum habet, Collegiatam Ecclesiam, atque insignem Abbatiam Ordinis *Benedictini*, ac denique cœnobium monialium; modico inde intervallo *Dora* perfluit, incipitque à ponte *Trevirorum* esse navigabilis; nec remota sunt, quæ nos impræsentiarum loca recensemus, *la Chassagne* castellum non incultum, *Montgaullie* Baronatus, *Selle*, *Maubet*, *la Versiere*, *les Hors*, *Genetoux*, *le Croix-lavort*, *Noaliart* Prioratus, *Monpeyroux* abbatia, & Gallia.

Ris. *Elaver* amnis leucæ quadrante ab urbe labitur.

Cropiere, exigua quidem, sed lauta urbecula, *Cropiere*. ad *Claromontanum* spectat Episcopum; at Dominatus quædam portio de jure est cujusdam inibi monialium Prioratus: hanc quoque *Dora* fluvius alluit, qui castellis locisque aliis hinc inde confitus est, *Belesme*, scilicet *la Barge*, *Hauteribe*, *Laudan*, *Courtesene*, & *Sauriat* Prioratu, ac burgo pereleganti, *Frederville*, *Volatre* Comitatu, arceque amplissima, parochiaque *Arvernorum* pulcherrima. *Augerolles*, & *Menlbias*, Prioratibus, *Aubusson* denique Baronatu castelloque munitissimo.

Lezoux, urbs est regia, *Elaverum* inter & *Do-* *Lezoux*. ram sita, in agro fertili & amœno, aëreque temperatissimo, ita ut securus esse possit, dum pestis grassatur, secessus; ejus vetustatem illa, quæ quotidie effodiuntur numismata, urnæ & marmora antiqua loquuntur; Collegiata insignitur Ecclesia, cui subministrant Canonici. Quantum autem ad agri *Lezouxensis* bonitatem; commendatur ille à fructuum sapidissimorum præstantia, præsertim malopeponum; redimitur aliis præterea burgis atque castellis, *Meul* Vice-Comitatu, *Mojeffat*, *la Garde* Baronatu, *Codeigniac*, *Crottes*, *Fontenilles*, *Lingonne*, *Beaubost*, *la Terrasse*, *la Forest de Buillon*, *Seichalle*, cui incumbit mons amœnissimus de *Corroure* dictus, qui vinetis undique confitus est; *Beauregard*, perelegans burgus, ubi Domus insignis Episcopi *Claromontensis*; *Vertayon*, *Verdonnet*, *la Borde*, *Culbiat*; quæ quidem omnia loca frumento & vino celebratissima sunt.

Maringues inter præcipua *Arvernorum* censetur *Maringues*. oppida; portus, quem ad *Elaverum* amnem possidet, inprimis commendatur, nam frequentissimus est, illoque cum exteris negotiantur habitatores: *Murgeum* quoque flumen, *Murge*, muros alluit, ac paulopost *Elaverum* ingreditur; nec procul sunt arces egregiæ *Tosc* & *Montgascon*, *Randan* Comitatus dignitate insignis, *Thuret*, *Saurvanat*, *Nusillat*, *la Veyne* opulentus Virginum velatarum Prioratus, quæ inibi maximo numero sub institutis militant *S. Benedicti*, *le Pont du Chasteau*, qua etiam decurrit *Elaver*, *Aynezat*, *Entragues*, *Varrennes*, fanum *S. Ignatii*, vulgo *S. Ignat*, *Palerle*, *S. Bonnet*, *Mezet*, *Dallet*, *les Marties d'Artiere*, & *Ligniat*: *Cornon* urbecula, quæ de jure est Episcopi *Claromontensis*, quæ & Collegiata nitet Ecclesia: his etiam in circuitu exornatur Nobilium Castellis, ac burgis, *de Goldolle*, *Dieux-seret*, *Millesleur*, *la Roche de Marniac*, *Orset*, *le Crest*, cum sacra Aede collegiata, *Monton*, & *Marties de Veyre*. Laudatissimi sunt adeo hujusce regionis fructus, ut *Lutetiam* *Parisiorum*, etsi longe distitam, quotannis asportentur. Quin & *S. Amandi* fanum vinetis, fructibusque refertissimum est, quemadmodum locus alius *S. Saturnini* nomine insignitus, & *Lalende* burgus.

Vic le Comte, primum olim *Arvernensis* Comitatus oppidum, sed nunc *Coronæ* cum ipsa regione annexum; ubi amplissimum conspicitur palatium à *Ducibus Albanensibus* extructum, Sanctumque Sacellum illi contiguum, cui Canonici inserviunt. Visuntur hoc in tractu *Castella de la Cuelle*, *d'Anval*, *la Chaux*, *Mercuriol*, *Busseau* & *Crain*, præ senio fatiscencia; Est etiam

K k k

inibi

Oliergues. inibi *du Boufchet*, abbatia non ignobilis. *Oliergues* exiguum oppidum ad Dorā fluentia positum.

Sauxilanges. *Sauxilanges*, urbecula est cum præpingui Prioratu; unoque inde milliari sese ostentat arx insignis *de Vffon*, possessio regia, quæ editissimo totius Arvernæ scopulo insidet, columnis ipso Naturæ genio, nec ulla prorsus arte aut manu incisis. In ipsius autem scopuli summitate limpidissimam cernas scaturiginem, quæ cisternam opplet, modicosque lacus in imis sufficit; atque uno ab urbe milliari conspicua est regia *de Manlieu* abbatia, ubi pretiosissimæ D. Sebastiani reliquæ asservantur; quæ summa ibidem ab omnibus veneratione coluntur.

Ardes. *Ardes*, præcipua Ducatus Mercœuriensis civitas, hac etiam in regione sita est, necnon *Alenche*, & *Arleuc* modica, sed non ignobilia oppida.

S. Gervais. *S. Gervais*, exiguum oppidum, cui proxime affidet cœnobium Carthusiense, quod perlabitur *Sioule* amnis, vocitaturque inibi portus S. Mariæ; nec procul inde remotus pons Aumurensis, neque arces *de Chalus*, *Maison-neufve*, *Chas*, & *Roche-dagou*. *Chay* fluvius juxta *Chas* scaturit, nomenque proprium Turones usque invariatur servat. Sunt etiam in hoc territorio, quæ subsequuntur, loca; Castella scilicet *de Linieres*, *Groulières*, *Sallevert*, *Bramont* Vicecomitatus, *Beaufort*, *les Roches*, *Chasteau-neuf* Marchionatus, *Punfac*, *la Chanac*, *Montet de Gelac*, locus stagno celebris, cujus arenæ velut inauratæ, litteris recens exaratis inspersæ, ipsi scripturæ aureum splendorem conciliant: *Blot* Ecclesia, *Blot* Castellum, *Montepon*, fanum S. *Christinae*, S. *Menatii* Abbatia, ubi & eximie Divorum reliquæ depositæ sunt; hac *Sioula* fluvius sub ponte labitur; *Artonne* urbs exigua, Collegiali Aede insignis; *Arment* Baronatus & oppidum. Hac in ora sunt arces *du Puy*, S. *Guimier*, *Banfon*, *Tessonniers*, *Preschonner* & *Barmontet*, atque monasterium virginum *de l'Esclache*, Prioratus *de Brifons*, *la Celeste*, Franciscanorum cœnobium in solitudine remotum. *Orrival* burgus, ob Ecclesiam Virgini Deiparæ dicatam celebratissimus; *Rochefort* Comitatus, *Cordeis*, *Alaniat*, & *Vareilles*. *Croc* tenue oppidum in finibus Marchiæ & Arvernæ: *Ambert* urbecula Segusianis adjacet, duoque habet asceteria, unum monialium, aliud Recollectorum; adfident eidem tractui castella sequentia, *de Champetieres*, *la Roche de Bas-Rieux*, *Roche-Savine*, & Prioratus *de Chaumont*. Extant autem *Polignac* & *Graponne* in Sedunensi territorio. Tractus *Livradois*, regiuncula est tribus longa milliariibus, lata dimidio. Inter *Boutounargues* & *Tourguyon* mons ducentis extensus orgyis fuit præcisus, quod exundantes aquæ totam operientes regionem præterfluerent, unde *Livradois* nomen accepit, quasi ab aquis liberata, Gallice *delivrée d'eau*: Porro plaga hæc uno tantum milliari ab Arvernorum, Segusianorumque finibus distita est.

Qualitas. Vt autem amplissimæ hujus regionis innotescat ubertas, attende quot & quantis amnibus perfundatur, & quam perpetuis montium jugis assurgat: unde non mirum si omnia suppeditet, quæ cuilibet communia sunt regioni; at gaudet multis singularibus commodis. De fluminibus quidem obiter mentionem injecimus, dum de locis & urbibus egimus, quas alluunt; montes

quod attinet, si non ascendere, saltem pertingere aliquatenus aggrediamur. Principio quidem illud in Arvernæ montibus laudatissimum est, quod non, ut aliarum montes regionum, nudi sint, steriles, & vacui, sed feracissimi sunt, & ut plurimum aliquid singulare prætendunt; plantas enim producant optimas, & simplicia in medicinæ usum saluberrima. Sunt in iis quoque latissima pascua, tantæque ubertatis, ut propter numerosos, qui inibi pascuntur, animalium greges, passim ab omnibus circumferatur, Superiorem Arverniam plus lactis gignere, quam vini Inferiorem; etsi longius latiusque pateat, amplissimisque & fecundissimis vinetis confita sit. Quapropter & casei, qui ex Arvernia distrahuntur, etsi optimæ sint notæ, vili tamen coëmuntur pretio, propter regionis abundantiam. Porro celebriores hujus provinciæ montes hi duo sunt, *Cantal*, & *Lyouran*: *Cantal* quidem ceteris altius assurgit, præruptus & asper, nullo non tempore nivibus riget, duabus fere aut tribus leucis protenditur, quo quidem intervallo multas erumpit in scatebras aquarum saluberrimarum, quæ & variis qualitatibus sunt insignes; nam in quadam illius portione, quæ montem S. Cosimæ pertingit, in loco *la Cherre* dicto, fons visitur glacie concretus ardente Sirio, solutus vero & limpidus perflante Borea, quin & hibernis temporibus calidum aspirat. *Lyouran* mons etiam editissimus est, & longissimus, procurritque à loco *Murat le Vicomte* appellato, usque ad *Salles*, simplicium medicamentorum, quæ etiam à Medicis longe ex Italia proficiscentibus perquiruntur, feracissimus. *Puy*, seu *Poy de Dome*, mons non procul à Claromontio distitus, pascuis uberrimis, ac simplicibus exquisitis refertus est. *Duranius* in vertice laticibus scatet; ad radices vero thermis naturaliter aut calidis, aut frigidis, aut tepentibus, variis prout variæ poscunt ægritudines. Huic monti assidet urbecula, *Besse* nomine indigetata, cui mons alter imminet, ubi lacus amplissimus, cui si lapidem injeceris, mox ex eo micant fulgura, mugiunt tonitrua, maximæque exoriuntur procellæ, quas & pluvia ac grandines excipiunt. Est etiam locus juxta hunc locum concavus, de quo illud idem enarratur; imo quod mensibus æstivis strepitus & tonitrua in eo percipiuntur, etsi nil quidquam ullus injecerit. Qui Claromontio incumbunt montes, venis argenti fecundi sunt. Mons autem aureus inde etiam rationem nominis accepit, quod quæ ex eo aquæ defluunt, stagnaque conficiunt, in fundo velut arenas aut scintillas aureas ostendant; & ob maxima quæ profert emolumenta, nam & pisces gignit inprimis sapidissimos. *Rochedagou*, decem à Claromontio milliariibus, rupem ostentat modicæ altitudinis, è qua lapilli absconduntur suoapte genio rutili, qui & nitore splendidissimorum adæquent pulchritudinem adamantium. Iisdem in jugis fontem reperias Vinosum vulgo dictum, quod illius aquæ vini saporem præ se ferant. Juxta locum *la Croix-Morant* appellatum, fervent thermæ leprosis, aliisque morbis salutare. In tractu Claromontano versus Abbatiam *de S. Alyre*, profluit rivulus nomine Teretanus, olim *Scateon*, qui è fonte nascitur, cujus aquæ in lapideam duritiem coalescunt, quæ & seipsis pontem effor-

efformarunt, quo subterlabitur ipse amniculus. Porro illius aquæ aluminosæ sunt; at eodem in tractu inveniuntur duo balnea à S. Marco cognominata, illud calcinosarum aquarum, aliud sulphurearum; passimque per Arverniam occurrunt tum calentium, tum mineralium cujuscunque generis aquarum fontes & thermæ, *Medaigues* scilicet, S. Margaritæ, *Nyons* tota Gallia celebrimæ; *Chaudes-Aygues*. In colle etiam Claromontanæ civitati vicino, scatet velut è fonte bitumen, quod varios in usus adhibent hujus regionis incolæ, præsertim vero ad præstandum nervis robur & firmitudinem eximium est. Picem quoque magna vi producunt abietes in finibus Sedunorum circa *Ambert*, *Polignac*, *Alegre*, aliaque maximo numero loca. Ad Montemferrandum fons visitur limpidissimus quidem, cujus tamen aquæ in picem ac bitumen convertuntur tanta spissitudine, ut & montem effingat, qui in tota circum regione Mons picis appellatur: fit autem hæc picis conglutinatio æstivis præcipue mensibus, quibus non ubertim adeo exundant scaturigines; neque hiberna tempestas aquæ coagulationem prohibet: crocus juxta Riomum reperitur; imò venæ quædam fusci ac rutilantis lapidis plane eximii; effodiuntur quoque marmora, & Iaspis non procul à *Brioude* oppido; carbones lapidei ad *Sauxilanges*; aurum, lapisque cyaneus ad fontes Elaveri; lapis Lazuli in montibus d'*Veson*, atque in monte Aureo; argenti fodinas habet *Pontgibaut*. Sunt & vitriariæ multis in locis officinæ; prope *Menat* monasterium, ager visitur igneas eructans flammæ. Limannia vinctis undique confita est; sed & illius vina præstantissima sunt.

Mores. Arverni, comes quidem sunt, sed astuti, augendæ rei familiaris studiosi, laboribus impense dediti, litteris armisque idonei: Nobilium frequentia superbit hæc regio, utpote ubi tot familiarum illustres, tot viri strenui atque magnanimi.

Opes. Maximas opes ipsa regionis ubertas suppeditat, quam prolixius supra descripsimus: varia quoque commercia ingentes illis afferunt proventus, negotiantur quippe frumento, vino & aliis; nam frumentum Elavero amne Aurelianum, Nannetes & alibi deducunt; quos vero colligunt fructus, plane exquisitos, Lutetiam Parisiorum evehunt. Papyrum etiam & cartas laudatissimas tota fere Europa distrahunt, quæ quidem in oppidis *Chamaliens*, *Ambert*, *Thiers* &c. conficiuntur; tapetes, pannos, cymatilia, multaue id

generis lanificia regionibus finitimis divendunt; equorum, mulorumque armenta è tractu Langeacensi, Mercuriensi, & Beslenfi in Italiam, Hispaniamque transmittunt; numerosos autem, quos alunt, ovium, boum, & aliorum animalium greges, Lugdunum adducunt, imo & Parisios, unde maximum quæstum faciunt; demum casei Arvernorum decantatissimi, totâ quaquaversum Galliâ & desiderantur & perquiruntur. Porro nullo non tempore ob suam opulentiam celebrata fuit Arvernia, cum & Theodoricus Gothorum Rex, solo prædæ intuitu, suos milites adversus Arvernos potentissimos, opulentissimosque concitavit.

Celebrant authores varii priscorum hujusce *Vires.* regionis incolarum potentiam. Strabo inprimis, de prælio ad Iseram commisso locutus, refert, Bituitum istius Gentis regem, è ducentis bellatorum millibus, quos in acie commiserat, 120 millia desiderasse: Gens eadem sub Vercingentorige adversus Iulium Cæsarem strenue decertavit. Arvernorum Dominatus à Narbonnensi tractu Massiliam usque, Oceanum & Rhenum olim diffusus est; quin & non temere iidem se Romanorum fratres asseruerunt, suumque è veteri illa Troja genus ac stemma deducere ausi sunt. Porro ipsi etiamnum bellica laude nitent, ipsaque regio ob montes quibus circumscribitur, omni fere ex parte est inaccessa; quid enumerem tot Equites, tot Nobiles, tot Heroës, Martes ipsissimos?

Suos olim Reges, ac Duces habuerunt; verum *Regimen.* suppetias Romano ferente populo, liberi postmodum ac immunes egerunt, nam ideo captivum illorum regem Bituitum detinuit Senatus, ut ab ejus dominatu liberarentur. Deinde Comitibus paruerunt, ac demum Regibus. Spiritualia autem quod attinet, Episcopis subiecti sunt Claromontano & Floropolenfi.

Ceterum Claromontana Dioecesis has in suo *Abbatie.* districtu continet Abbatias, de S. *Allyre*, S. *André*, *Chaise-Dieu*, *Esbreule*, *Mozac*, *Manlieu*, *Menat*, *Isloire*, *Tiern*, *Beaulmont*, *Brageat*, *Cusset*, *Rion*, *Chantoen*, *Be-laïque*, *du Bouschet*, *Fenieres*, *Megemont*, *Montperoux*, *l'Esclache*, *Vaissy*, S. *Gilbert*, de *Neufontaine*.

Porro nec illud silentio involvendum, quod spectat ad regimen, & nostrum facit ad institutum, tres antiquitus in Arvernia fuisse Comitatus, primus quidem Claromontanus; secundus, is est, qui *Vic le Comte* oppidum Metropolim habet; tertius denique, qui postea in Ducatus dignitatem evectus est.

Nomina.

Qualita

Fons.

Specius

PETROGORIENSE

TERRITORIUM,

vulgò

PERIGORD.

Nomina.



Qualitas.

*P*etrogoriensis tractus nomen à suis olim habitatoribus sortitus est, qui Petrocorii, & Petrogorii, quandoque etiam *Vesunni* vocabantur; quorum & meminit Iulius Caesar Commentariorum libro 7. Regio quidem saxi, rupibus & ericetis aspera, at rebus præstantissimis, ac naturæ velut miraculis dotata; aëre saluberrimo fruitur; fontibus ubique scatet limpidissimis; nuces quoque castaneas alicubi producit; prata habet latissima, unde & munerofissimos nutrit animalium greges; vina etiam suppeditat, piscesque optimos maxima profert abundantia; nam multis fluminibus irrigua est: oleum è nucibus, quæ refertissima est, tanta exprimit copia, ut & finitimis regionibus subministret: indeque maximum quæstum faciat; quippe apud Lemovices, Arvernos, Languedociensesque distrahitur; sunt plurimæ ferri fodinæ iis quæ subsequuntur locis, *Nortrou*, scilicet, *Esidueil*, *Marveil*, *Chapelle-pomier*, &c. extant & ferri officinæ in plagis *Bernardiers*, *S. Iammes*, *Roche-Cusset*, & *Rouquette* dictis; argenteæ etiam crustæ juxta *Nortrou* reperiuntur; nec procul lapis *Lazuli* similis invenitur. Quarto ab urbe Perigordio lapide terra rubea effoditur, paræ cum Bolo Armena virtutis & proprietatis. Nec defunt aquæ minerales, sulphuræ, & aluminosæ; thermæ tepentes & calidæ, multiplicis generis simplicia medicamenta, raræ prorsus virtutis & exquisitæ, Capillarium præsertim cujuscumque speciei. At si lubet naturæ ledentis contemplari miraculum, duabus à Perigordio leucis exspatiare, hic fontem videas, cujus aquæ in lapideam concreverunt duritiem, & sæpenumero glacie constringuntur; & quod visum mirifice oblectet, Protheum hic peragit sagax Natura, tot formas in aquis exhibet, tot figuras induit, tot facies & imagines in fonte commutat; & nihilominus aquæ illius saluberrimæ sunt. Nec procul à Miraumontio, *Miraumont*, Specus visitur, quæ *le Cluzeau* vulgò appellatur, subter humum quinque aut sex milliariis excurrens, ubi aulæ perelegantes, & conclavia tessellato strata lapide olim visa fuerunt, testantibus indigenis, id constantissime à Patribus traditum; quin & ibidem veluti altaria, picturas, atque imagines extitisse, quosdamque fontes & rivulos profuxisse, quorum alter profundissimus erat & rapidissimus, centumque pedes & amplius extenditur.

Fons.

Specus.

debatur; quem prætergredi nequisquam ausus est, quamvis specus longe ulterius prætendi videretur. Adde & aliud non minus stupendum, quod in circumjacente *Marsana* regione conspicitur, ubi amnis profluit, qui statis temporibus reciprocus patitur æstus in modum Oceani. Sunt & alia plurima, verum ne aberres, & ut certius in hanc progrediare regionem, fines illius accipe:

Tractus Petrocorensis Agennensi clauditur à Meridie; Cadurcensi ab Ortum; Lemovicensi à Septentrione; ac tandem Burdegaliensi ab Occasu. Longitudine 33 milliaria, 24 autem latitudine complectitur.

Perigordienfis ager multis fluminibus irrigatur, nimirum, *Dordonia*, vulgò *Dordogne*, *Isle*, *Vesere*, *Droume*, *la Creuse*, *le Loup*, *Ver*, *Lisone*, *le Seu*, *Zoly*, *le Ceon*, *Belver*, *la Cleuse*, *Bandiat*, *Aurezere*, & *Tardoire*. Amnis *l'Isle* è superiori Lemovicum tractu profluens, à Perigordio ferendis aptus est navigiis, donec pertingas *Liburniam*, ubi se in mare præcipitat. *Droume* fluvius, *l'Isle* ingreditur juxta *Loubardemontium*. *Vesere* ex inferiori tractu Lemovicum procurrit in *Duranium*, alias *Dordoniam* circa *Limenliam*. *Bandiat* autem *Droume* immergitur ad *Brantomium*. *Aurezere* ambos Lemovicum tractus interluens, ad *Insulense* (*l'Isle*) flumen properat: *Tardoire* ex *Roche-foucaudensi* oppido initium ducens, & *Bandiat* ex *Vau-guyonensi* in *Silvam Braconniæ* confluit, ibique subterraneis meatibus duas emetiuntur leucas, ac tandem velut unico redivivi sepulcro sociatis ad invicem aquis *Touvre* fluvium juxta *Engolismam* efformant.

Nitidis splendet ædibus hæc regio, passim videas Magnatum Palatia, Castella Nobilium, villas hinc inde amœnissimas; horumce locorum quædam tibi linguâ vulgari nomina transcribam: *Bourdeille*, *Esidueil*, *Marchionatus* titulo insignis; *Marveil*, *Baronatus*; *Hautefort*, etiam *Marchionatus*; *Fanum S. Alvari*, *S. Alvaire*; *la Douze* *Marchionatus*; *les Bories*; *Auberoche* *Baronatus*, *Neufvic*, *Mont-real*, *Beau regard*, *la Roderie*, *Bernardiere*, *Riberac*, *Comitatu nobilis*; *S. Aulaye*, *la Roche-Chalais*, *Longa de l'Armandie*, *Longa de Barriere*, *Ronibac*, *Peyraux*, *Miramont*, *Griniol*, *Rastignac*, *Lafieu*, *Puy-Guilhem*, *la Force*, locus inprimis amœnissimus, *Gurçon*, *Trajac*, *la Chapelle-Faucher*, *Aferac*, *Montenfeys*, *Montegrier*, *Marouates*, *Boursac*, *Ver*, *Lair*, *Lardimarie*, *Mont-Basilbac*, *Clarens*, *Fernus*, *Rochevigneron*, *Boisse-Pardaillan*, *Castelnau*, *Piles*; Quæcunque supersunt, in locorum delineatione afferemus.

Tractus Petrocorensis in Superiorem, & Inferiorem Diviso.

L I I

ferio



feriorem dispartitur; Superior, ubi cognominis civitas, & Bergeracense oppidum *Candidus*; Inferior autem *Niger* appellantur. In hoc postremo situs est Sarlatensis Episcopatus.

Civitates.

Perigordienfis civitas, olim *Vesuna Petrocoriorum* à priscis vocitata, idem hodie nomen retinet. Illius antiquitatem superstites Amphitheatri ruinæ loquuntur, quæ trito apud illam Gentem vocabulo *les Rolles* indigerantur; testatur & turris, quæ *Vifone* dicitur, cujus meminit Ptolemæus; in eaque cultum Veneri præstitum existimatio est: Sphæricam illa figuram præfert; muri quibus circumvestitur, ad centum pedum assurgunt altitudinem, spissi & solidi septem pedibus; fenestris ac januis, quibus lucem accipiat, destituitur, duabusque subterraneis specubus subintratur. Perigordius in urbem ac civitatem dispescitur, civitas autem ipsa est, quæ vetusta nominatur, de qua mox præfati sumus; Cathedralis illius Basilica, opus perantiquum, cujus concaemeratio crucis formam imitatur. Præclaro mœnium ambitu urbs ipsa cingitur, fossis, turribus, ac propugnaculis munita, ad oram Islenfis fluminis assidet in planitie montibus ac collibus circumsepta, in ipso quoque regionis umbilico; ac septem portis non inelegantibus adventantes excipit. Illa, inquam, fluvius ibi pulchro ponte sternitur. Aliis etiam Ecclesiis exornatur, Collegiata nempe seu Abbatiali, Episcopatu annexa, Parochiali, nonnullis Religiosorum Cœnobiis ac Iesuitarum gymnasio. Armamentarium habet bellico apparatu instructissimum, amplissimoque regitur Majoratu & Consulibus. Plurima extra muros virorum, ac virginum monasteria conspiciuntur; primoque ab urbe lapide extat celebratissima sub auspiciis Deiparæ Virtutum capella, ad quam frequentissimus est populorum concursus, vetusta quoque præsidii militaris à Cæsare extracti rudera, non procul ab urbe supersunt, quæ sub ipsius etiam nomine ostentantur. Suos à priscis temporibus habuit Episcopos, quorum hoc etiam seculo radiis illustratur.

Episcopi.

Bergerac.

Bergeracum Superioris Perigordii civitas, Dordoniæ aquis alluitur; sedet in amœna planitie cui nullus omnino collis dominatur. In tantum

olim floruit, ut post Burdegalam secundas tene- ret viribus & opulentia; hodie quoque non mi- nimi est momenti; cum enim in Agenensium, Perigordiensium, Burdegalsium, atque Ca- durcensium finibus posita sit, ad illas omnes provincias aditum præbet. Castellonium urbs quoque est notissima ob commissum Anglos inter & Gallos prælium anno 1452, ibi enim urgente *Talbot* sene octogenario, voceque acriter decer- tante, cum manu esset impotens, ipse quidem asturconi infidens generosus in acie cecidit; ve- rum Angli fusi sunt, in suamque Insulam repulsi, ac demum à Gallis stetit victoria. Fanum S. Æ- miliani, quod & ab indigenis S. *Emilian* vocitatur, modicum quidem, sed non inelegans est oppi- dum, in colle situm, ubi Canoniorum Ecclesia artificio singulari, in rupe extructa.

Castillon.

S. Emilian.

Tandem Isla fluvius Perigordio valedicens, multis obviam fluminibus intumescit, donec emenso duarum aut trium circiter leucarum spa- tio, ad sua properans ostia, Dordoniæ jungitur, amboque unico postmodum alveo decurrentes, Girondæ immerguntur.

Cetera superioris Perigordii loca sunt, *Bour- deille*, *Brantome*, ubi Abbatia insignis ad radices scopuli posita, cui nemus infidet, & fontes sca- tent innumeri; *Musidam*, *Riberac*, antiquo Co- mitatus titulo nobilis; *Marzac*, fonte reciprocos æstus patiente celebris; *Nontron*, *Limeil*, *Tiviers*, *Esidueil*, *Miramont*, ob fanum Veneris, statuasque Priapæas notissimum; S. *Astier*, urbecula satis ele- gans, ubi Collegiata Ecclesia; *Roche-Beaucourt*, quæ itidem Collegiata exornatur; *Chancelade*, ca- stellum Abbatia insignitum; *Sauvétat*, *Aymet*, *Linde*, quæ turre quadrangulæ defenditur, unde fons profluit duo pistrina circumagens; *la Force*, ca- strum elegans & peramœnum; *Curson*, castello munitum; *Montravel*, burgus & possessio Archi- episcopi Burdegalsis, *Montegrier*, *Beau-sejour*, *Tour-Blanche*, ubi amœnissimus hortus Domino- rum *de la Fucillade*; *Montrou*, urbecula; *Salignac* oppidum perelegans, prævalido castro munitum. Sunt & alia non parvo numero minoris momen- ti loca, quæ lubens omitto, ut ad inferiorem Perigordii regionem illico gradum faciam.

Alia oppi- da.

Abbatie.

Oppida.

SARLATENSIS

EPISCOPATUS,

ET DITIO,

vulgò

SARLAT.



Sarlatensis civitas inferioris Perigordii Caput, Episcopi sede nobilis, cujus inde comprobatur antiquitas, quod cum Druidæ Galliarum genti jus dicerent, hîc erat insigne templum Æsculapii, & Medicorum Academia celebris.

Illa porro civitas nullo non tempore Franciæ Regibus addictissima, etiam dum Angli totâ quaquaversum Galliâ impune grassarentur; ipsæque Religionariorum factiones acerbius desævirent. Vrbs situ munitissima, intestinorum tempore dissidiorum, duas obsidiones sustinuit & superavit. Expanditur illius jurisdictio ad 12, aut 14 ferè milliarum tum longitudine, tum latitudine, scilicet usque ad Seneschallatum Agenensem. Hic quoque floret Seneschallatus celeberrimus; ipsa vero Diocesis amne Duranio seu Dordonia cingitur, nec procul abest à fluentis Vezerae & Droumæ, quibus etiam ex parte clauditur.

Abbatie.

Tres tantum in Sarlatensi Diocesi reperiuntur Abbatia, *Terrassonnensis*, nempe, S. Amantii, & Cadoûini. Vigilantissimis ac nobilissimis omnino ævo fulsit Episcopis, quorum nomina brevitati consulens præmitto.

Oppida.

Hæc autem districtus Sarlatensis oppida, burgi ac castella recensentur, *Tourette*, *Roussillac*, *Fenelon*, *Veyrinbac*, *Gauleiac*, *la Gazaille*, *Cursac*, *Montfort*, *Domme*; *Roque-Gajac*, *Castelnau*, *Feyrac*, *Beynac*, Fanum S. Cypriani cum suo Prioratu; *Goudon*, *Alat de Ferrières*, *Cascla*, *Moussac*, *Bethon*, *Ciourac*, *Suquet*, *Bigarroque*, *Turris de Buysson*, *Cunbac*, *S. Chamaussii*, *Badefou*, *Lenquais*, *Couze*, ubi papyrus & cartæ laudatissimæ elaborantur; *Terrasson* burgus & Abbatia, ubi etiam pons eximius ad Vezeram sternitur; *Condat*, *Fleunie*, *Filoulie*, *Saurdebauf*, *Felez*, *Montignac*, sedes olim Comitum Petrogoriensium, hîc quoque commodissimo ponte Vezera pertransitur; *Brueil*, *Losse*, *Tonnac*, Burgus amplissimus; *Sarjac*, *Clerans*, *la Roque*, S. Christophori fanum portu opportuno instructum; *Marzac*, *Sayac*, *Azzies*, *Campaufe*, &c.

Sarlatensis districtus quinque Iudicaturis exornatur, quæ linguâ Gentis vernaculâ *Bastilles*, appellantur, *Domme*, scilicet, *Ville-franche*, *Mont-*

passer, *Beaumont*, *Moulières*; fulget etiam Dynastis, qui suâ quisque regione jus dicunt. Petrocorensis tractus inferior aliis præterea oppidis, arcibus, ac locis confitus est, quorum hæc series; *Isigeac*, *Belver*, cui nemus affidet, vulgò *de la Bissède*; *Biron*, *Cailus*, *Doysac*, *Borbieres*, *la Roque-Miral*, fanum S. Genesii, *la Capelle Albarel*, *Puymartin*, *Puyberon*, *la Faye*, *le Repaire*, *Theobon*, *Cadoinensis* Abbatia; Fanum S. Aviti, &c. Porro illud territorium, quod à Conquæstu nomen sortitum est, reginacula est, quatuor longitudine, latitudineque milliarum colligens.

Terre de la Conquête, alias, la Double.

Accedunt Petrocorenses ad Vasconum sibi finitimorum indolem, suo sunt genio rudes & asperi. Nobilitas exculpta omnino, & singulari morum honestate prædita est. Extollit quidem Merula feminarum Petrocorensium pulchritudinem; illam tamen dotem eximiam, non ille solum, sed plerique authores alii, ad feminas duntaxat nobiles extendit.

Mores.

Tractus Pericordienfis, ex frequentissimis quibus alluitur fluviiis maxima percipit commoda; nam ope fluminum plurimæ inibi ferri papyrique officinæ excoluntur; solus Couza amnis, 120 molas tum frumentarias, tum papyraceas, unius tantum leucæ decursu circumagit; quod in maximum cedit incolarum hujusce regionis emolumentum; etenim ferreis, quæ fabricant, instrumentis ad proscindendam durissimam suæ terræ glebam utuntur; quin & illa apud Bergeracenses, Burdegaleses, aliasque provincias distrahunt; opera quoque cuprea & area ope aquarum cudent, quæ in regiones externas venum exportantur. Qui Duranium flumen accolunt, frumento, vino, castaneis, rebusque aliis negotiantur, quas flumine transvehunt Burdegalam, & alibi. Nutriunt alii numerosos porcorum greges, unde etiam maximum proventum faciunt.

Opes.

Ipsa Petrocorensis civitas, castellaque innu-mera, & qua pollent indigenæ armorum peritia; præsertim verò Nobilium strenuitas, insuperabilem fere conciliant huic regioni fortitudinem.

Vires.

Porro non solum hunc tractum, sed totam Galliam illustrarunt familiæ insignes è Petracorensibus oriundæ, quas inter numerantur Nobiles hæ profapia, *de Bourdeille*, *d'Autefort*, *Talerand*, *Gurson*, *de Foix*, *de Gontant Biron*, *de Caumon*, *de la Force*, &c.

Gallia.

M m m

C A-



Nomen.

Encl.

Fluvii.

Cadenac.

C A D V R C I V M,

vulgo

Q V E R C Y.

Nomen.



Fines.

Adurci, veteres Narbonensis Galliae populi, nomen regioni fecerunt, inclyti, fortes, & strenui, ut hocce elogio testatur Mantuanus, *fortesque Cadurci*; ab iis hodie *Cadurcium* nominatur; quod Languedocium habet à Meridie; Agenensem ab Occasu provinciam; Petraco-

Fluvii.

rensem à Septentrione; Rovergenssem denique ab Ortu. Extenditur leucis octodecim longitudine, totidemque latitudine complectitur. Celebriora illius flumina sunt Garumna, Duranium, & quæ vulgo *le Tarn*, & Oldum, Gallicè *le Lot* appellantur. Postremus is fluvius Gevaudanensibus è jugis nascitur, Rovergensè territorium allabatur, præterfluensque Cadurcium, tandem in Agenensi tractu Garumnæ immergitur. Nullatenus ob scopulos navigabilis est, quod & maximum commercio impedimentum; unde cum sit regio fecundissima, multisque naturæ dotibus locupletata, ex innata tamen nequaquam prævalet abundantia, pecuniarum sæpe sæpius indiga, cum affatim cuncta suppeditet ad vitam necessaria. Ipse autem fluvius paucissimos pisces nutrit; de quo illud quoque singulare circumfertur, quod cum immanis scopulus, juxta locum *de Puymerol* in ejus alveum proturbatus incidisset, 24 horarum spatio illius aquas represit ne fluere, donec postmodum commutato canali inde prolaberentur, tuncque rupis violentia tot pisces enecatos, ut deinceps velut piscibus viduatum flumen videretur. Porro Lot fluvius Trieram *Adie*, *Aubene*, *la Sale*, & aliorum fluminum aquis intumescens excipit, unde & amplissimi jam amnis nomine insignitur, etiam prius quam Divonam Cadurcorum appulerit, multaque loca prætervectus, quibus aut ponte, aut Pontone pertransitur, Cadenacum Cadurcii civitatem advenit, ab ipso Cæsare, sub vocabulo *Vxelloduni*, ut creditur, memoratam; etenim & hodie fons ille visitur, cujus aquas restrinxit summus Imperator, ne fluere, ut cives obsessi, fitis pressi molestia, victi urbem dederent, qui armis frangi non potuerant; nam strenuitate ne Cæsaris quidem militibus erant impares; unde, ut illorum deinceps audaciam reprimeret, & suæ velut rebellionis pœnas luerent, cunctorum manus jussit amputari. Existimant alii *Vxellodunum* in monte *Martel* adjacenti fuisse positum, ubi vetera cujusdam urbis rudera conspiciuntur, & porta etiam, quæ Romana vocitatur.

Gallia.

Cadenac.

E Cadenaco Divonam, vulgo *Cabors*, Lot suas *Cabors* aquas devehit, ibique ternis sub pontibus labitur. Hæc civitas Cadurcii caput & metropolis exornatur Episcopo, qui spirituali ac temporali potestate præminet, cui splendor hic singularis, ut dum sacris operatur, cassidem mitræ conjungat in altari, ensique pedum pastorale, in signum utriusque potestatis adjiciat. Varia autem apud Latinos auctores nomina fortitur, nam *Divona*, *Cadurcorum*, *Cadurcum*, *Caduræ*, *Caturcum*, & *Caturcium super Oldum*, nominatur. Illius antiquitatem testantur superstitēs veteris amphitheatri reliquæ, & quædam thermarum species. Hic floruit omni ævo Iuris civilis Academia, è qua viri doctissimi prodire, quos inter Iacobus de l'Osse, qui postea Ioannes XXII, summi Pontificatus honorem adeptus est; Cujacius, Benedictus, Ioannes à Costa, & alii.

Hæc complectitur Divonensis Diœcesis *Abbatias*, *de Moysac*, scilicet, *Figeac*, *Marcillac*, *Souillac*, Latine *Sublacum*, Custodiæ Dei, vulgo *Garde-Dieu*, S. Marcelli, &c.

Cadurcensis regio in Superiorem & Inferiorem dividitur; Superior supra Divonam protenditur, vocaturque lingua vernacula *la Causse*, à cautibus nempe, quibus disseminatur: inferior autem ipsa est, quæ eidem urbi subjacet, ac versus Montem Albanum, & Moysacum procurrit. In finibus hujusce provinciæ Lot amnis Agenensem tractum subingrediens, in proprio restringitur alveo, ut aquis adinvicem sociatis viresaugeat ad perrumpendos obviam sibi scopulos, quo postmodum superato omni obice liberius effluat; illum deinceps assequi conabimur, postquam aliorum decursus fluminum fuerimus prosecuti, qui antea nobis exciderunt.

Tarnus igitur, *le Tarn*, quem fluvium aureum indigetat Ausonius, Cevennensibus è jugis profluit inter cautes & prærupta Gevodani, tantoque fragore ac impetu volvitur, ut plus detrimenti afferat, quam commodi. E Gevodano ad Rutenos prolabitur, tumque incipit *Tarnou* aquis accrescere, modicaque intercapedine, juncto sibi *Dourbie* flumine, quod Gevodanum inter & Cevennas effluit, *Millau* oppidum alluit. Sub loco autem *de Brougnie*, Tarnus exceptis *Sernou* & *Sorgue* fluminum aquis, ad eximium *Alby* pontem proficiscitur; de ipsa autem Allagensium urbe suo loco dicetur; inde Tarnus ad *Gaillac*, & *Rabasteins* territoria præstantissimo vino celebrata properat; interim *Agouft* amnis, qui è Cevennis quoque defluit, è montibus nempe *de la Chaume*, ac pleraque loca prætergreditur, *Castres* scilicet, *Fraisse*, *Brassac*, *Rocquecourbe*, *la Vaur*, & *Damiate*, rapiens

N n n



Amsterdami
Guiljelmus Janſonius,
&
Johannes Blaeuw
Excudebant.

rapient obviam *Caudet, Toret, Durenque*, & *Dadon* rivulos, Tarno sociatur, amboque ad Montem-Albanum eodem decurrunt alveo; *Tescon* autem fluvius, qui Cadurcium à Languedocio dirimit, iisdem jungitur.

Montan-
ban.

Porro Mons-Albanus est egregia civitas in monte posita, quæ *Mons aureolus* olim dicebatur; initium duxit à S. Martini abbatia, ex arce autem à Tolosæ Comitibus extructâ incrementum accepit; Episcopatus dignitate nobilis, & fœcundissima Medicorum alitrix Academia. Prope pontem, quo Tarnis, seu Tarnus sternitur, multæ sunt cellæ vinariæ profundius in terra excavatæ, vinis asservandis supra modum idoneæ. Spectatur & hic fons vivus, per duodecim tubos exiliens. Ceterum urbs est frequens & negotiationi satis opportuna.

Moissacum.

Moissacum inter quatuor primarias & antiquissimas Cadurcii civitates computatur; illam Gothi à Romanis extulerunt; ab ipsis vero Gothis eripuit Clodovæus. Hic Carolus Magnus Imperator opulentam fundavit Abbatiam, ubi pretiosissimæ S. Cypriani Carthaginensis Episcopi exuviæ summa veneratione asservantur; in hac olim abbatia mille monachi contempta seculi vanitate, iis quæ Dei sunt, solummodo intendebant. Urbem hanc longo tempore Angli occuparunt, cum autem cedere cogerentur, illam incendio deformarunt, cujus etiamnum incendii vestigia extant; nec potuit unquam à tantis exurgere ruinis, splendorique pristino restitui. Tarni flumine alluitur, qui Garumnæ jungitur modico inde intervallo.

Aveyron fl.

Averon nobilissimis tractus Cadurcensis fluminibus accensetur, è fonte Soveracensi oritur, subter Segoduno, vulgo *Rodez*, Rutenorum metropoli; accrescens vero *Biaur*, & *Lezert* fluviorum aquis, oppidi S. Antonini pulsat mœnia; quæ civitas duorum amnium confluenti insidet, Aveyroi nimirum, & Bonettæ; hujus incolæ urbem inexpugnabilem crediderunt; nam tormenta bellica, ad excelsa montium inaccessorum, & undique præruptorum, quibus cingitur, nequaquam posse provehi vix, ac ne vix quidem in mentem inducere poterant; at quantus illis stupor, ac terror incussus est, dum immanes machinas ad nubes usque attolli prospexerunt, seseque horum impetu & fragore horribiliter concuti & conquassari; nam tum natura loci cessit industriæ. At sensim, & quasi aliud cogitantes in fines Rutenorum penetravimus, itaque tantulum iter reducamus, ut omnia hinc inde loca circumspiciamus. Duobus à S. Antonini urbe

Bourniquet.

milliaribus reperitur *Bourniquet*, priscae memoriæ Vicecomitatus, qui arcem prætendit in scopulo positam, & fere inaccessam; Latine *Brunechildum* dicitur, ideoque à Brunechilde fuisse conditum, nonnullorum existimatio est. *Negrepelissa* duabus distat leucis à Vicecomitatu Bourniquetenfi, de quo mox sermo habebatur, amœna prorsus urbecula, ædibus & plateis pulcherrimis exulta, quæ occulta quadam dulcedine cunctos alliciat; attamen illa, quam adversus præfidiarios milites atrocitatem exercuit, Regem in ultionem scele-
ris concitavit; ideo enim expugnata urbs, & militum furori permissa, direpta, ferro & flam-

mis vastata, cunctas perpessa est injurias, quas & victus timere, & victor potest inferre; nam nec sexui aut ætati condonatum est, femina & juvenculæ constupratæ, ipsi etiam vagientes in cunis occisi sunt.

Ceterum *Aveyron* amnis, ubi *Lere*, & *Cande* rivulos sibi fociavit, jam tumidior factus, in Tarnim sese exonerat, ubi definita sibi periodus. Porro volentes indigenæ, quanta his vecti fluminibus incurrant pericula, suggerere, lingua hujusce regionis inconcinna hos rythmos effutiant:

Qui passe lo Lot, lo Tar, & l'Aveyron,

Nes pas segur de torna en sa maison.

Quod idem est ac si Latine diceret, quisquis Loto, Tarni, & *Aveyron* fluminibus sese committit, incertus est an domum incolumis unquam sit reversurus. Neque tacitus prætereo amnem alium *Serou* nominatum, is enim hanc etiam regionem alluit, quippe cum in Rutenorum finibus exoritur, ad loca de *Rosiers, Monestiers* & *Cordes* pertransit, ac tandem in *Aveyron* subitus Milhars circa limites Albigenisium sese projicit.

Tarnis ergo tantis auctus divitiis coeptum jam cursum peragit, donec adhuc *Lemboulas*, & *la Lute* amnes obviam rapiat, ac postmodum in Garumnæ sese præcipitet; Garumnæ autem versus Valentiam procurrit, de quo nos postea; nam & in alias Cadurcii urbes saltem digitum intendere proposuimus.

Habet igitur Cadurcium sequentia non contemnenda loca, *Figeac* nimirum, *Lauzerte, Martel*, & *Gourdon, Moncuq, Ville-Real, Albias, Montpesat, Monticous, Caussade* non exiguum civitatem; *Souillac, Mirabel, Molieres, Castelnau de Monratier, Moncibrier, Durand, S. Seré, Salviac*, fanum S. Germani, *Gramat, Malaufe, Marchionatum, Calviniac, Vicecomitatum, Caziliac, Baroniam; Montbrun* vero domus est elegans & amœna, imo & locus apprime munitus, & priscae memoriæ Baronatus; *Sieurac, Senevieres, Marchionatus; Cadenat*, five *Capdenat*, aut *Capdenau*, locus etiam firmissimus, non procul à *Figeac* dislitus, qui olim arx Escrinienensis vocabatur, prout ex veteribus apparet instrumentis; quin & ibi visitur turris pervetusta, nomen istud antiquum præferens; at præsidium militare, seu fortalitium abs Wisigotho Equite circa annum 477 fuit extructum, totus autem ipse burgus monti præalto & sphærico insidet, quo quidem velut muro undique obsepitur; putarunt nonnulli fuisse Cæsaris *Vxellodunum*, quod & ipse obsedit & expugnavit, multis etiam insumptis laboribus in præcidendo fontis alveo, ne ad obsessos diffunderet; sed perperam; nam mons ipse, qui loco de *Martel* adjacet, de quo nos supra egimus, in contrarium attestatur. Perelegans quoque assurgit hac in regione domus *Acier* dicta, quæ palmas præfert & pulchritudinis & amœnitatis. Hic etiam non obscuræ notæ S. *Sulpitii* Marchionatus; atque *Piquecos, Roussillon, Millac, Vaillac, Cardaillac*, non ignobilia loca, imo ob suam firmitatem & vetustatem laudatissima, nam & à tempore Anglorum celebrantur. *Monclar* inter omnes regionis Vicecomitatus vetustate præcellit, cui & Marchionatus dignitas attributa. Porro quatuor præcipue & vetustiores Baronie sunt, *Castelnau, Puy-Cornet, Baronum, Gour-*

Amnes.

Quadrans.

Alia loca.

Quatuor

Cadurcii

Baronum,

Gour-

Gourdon, & Luzech; Marchionatus vero ii recensentur, Themines, Montpesat, Senevies; Comitatus denique sunt, Vaillac, & de Cabreris, ac Vicecomitatus de Peccaluel, erectionis novissimæ, quibus titulo vetustatis antestat Negrepelessensis Comitatus; Roquemadurum in districtu Martellensi, notissimum est ob Rolandi gladium, Durandal vocatum.

Qualitas.

Omnia quæquaversum Cadurcensis regio aëre saluberrimo potitur, præsertim vero tractu superiori; maximam fructuum profert abundantiam, & nusquam vini est indiga: illud vero quod in Divonensi solo nascitur, cæteris laudem præripit; distitant accolæ, Franciscum I, Regem allatis inde palmitibus vineam Moreti plantasse, illiusque culturam vinitori ejusdem regionis ad longum tempus demandasse, qui postmodum in patriam reversus, communiter ab omnibus Princeps appellatus est, illudque nomen honoratissimum ipsius familiæ denuo fuit attributum. Superior regio numerosissimos alit ovium greges, è quibus lana optima in usum pannorum maximo proventu comparatur; inferior autem pascuis pinguis abundat. Croci maxima copia producit tractus Caussadensis, qui & Hispaniarum præfertur croco; neque ipsa superioris Cadurcii nemora, venatione destituta sunt, nam in iis apri velut agmine facto reperiuntur; quin & aucupium frequens in agro Divonensi; habenturque in deliciis illius oræ perdoes, quales nec tota Aquitania invenire est. Quæ olim in Rutenorum agro erant argenti fodinæ, longo tempore perdurarunt, quarum meminere vetera Parisiensis monetarum Curia instrumenta. In loco Mie dicto, juxta Tegram, in superiori Cadurcorum regione, à paucis annis fons inventus est sulphure scatus & vitriolo; quamobrem ad salutiferas illius aquas morbi non pauci confugiunt; Encaussenibus quoque lymphis eadem omnino virtus concessa est. Videas etiam in Padiracensi solo puteum à natura excavatum, ducentis aut trecentis altum cubitis.

Cadurcenselinum, lineaque ejusdem regionis textilia summo opere laudarunt antiqui; verum hodie operæ textilium desierunt. Flavas habet tulipas mons Angeliensis, hæc autem Cadurcenses appellantur, eo quod plurimum ab aliis differant. Nec silentio prætereundum, repertas hic aliquando testas piscium marinorum in lapide induratas, quæ & spectatæ essent magnitudinis. Specus in agro de Marillac visitur, de Rouby vocata, cujus aquæ in lapideam duritiem concreverunt, evaduntque crystallo perfimiles, imo & gratissimas species & figuras efformant, columnamque sui medio præferunt, quæ & contorta est, atque ad specus testudinem pertingit: aqua etiam scaturiginis, seu Fontis Polemii, lignum in se projectum post modicum temporis spatium lapide incrustat. In plaga superiori ad castrum du Bas, temporibus Ebrardi Episcopi, à S. Sulpitio cognominati, reperta in rupe fluvio imminenti auri fodina, ubi deinceps ob stupendam altitudinem nequisquam fodere ausus est. Veteris etiam aquæductus vestigia hodieque observantur, qui quidem tres leucas in longitudinem protensus, ubi montes ipsos per medium oportuit diffecari,

Gallia.

ut qui ex parte Vers, & Velles tubus cernitur, ad finem perduceretur; quod inter maximos & difficillimos antiquitatis labores computatur: hoc autem Pontio Polemio Prætorii Præfecto in Galliis attribuitur; quod & unus ex veteribus hujusce tractus Episcopis non sine causa memorat. Conspiciuntur in territorio Sommeriensi, vulgo de Sommieres, tantæ lapidum moles, ut vix centena boum paria possint dimovere; sunt autem altaribus perfimiles, septemque aut octo ulnas per diametrum colligunt, totidemque pedes spissitudine.

Cadurcorum indoles ad benignitatem propensa, illis etiam exterorum benevolentiam conciliat; sunt ad scientias comparandas & ad arma idonei. Ipsa Nobilitas altos spiritus gerit; duces in bellis strenuos, non superioribus tantum sæculis, sed hoc etiam ævo, suppeditavit.

Regio Cadurcensis non est admodum opulenta, aut commerciis frequens; nam fluvii navigabilibus est destituta, si Tarnim exceperis, qui Montem-Albanum & Moissacum alluit, unde excellentissima de Gaillac vina distrahuntur, & optima S. Antonini pruna, quæ ad Burdegalenses asportantur. Tres maximæ celebrantur in oppido Gramatensi quotannis equorum nundinæ: apud Varerium autem minorum animalium greges in usum Aquitaniæ divenduntur; è Concorio autem porcos abducunt Languedocii in suæ familiæ sustentationem.

Nulla fere hic civitas præfidiario milite custodita. Cadenatium quidem loci natura munitum est; potestque Cadurcium universum tria aut quatuor peditum millia, & equites mille in aciem educere.

Prisci Cadurcorum populi magno in pretio apud Romanos fuere; tantum enim abest ut subjectos crederent; quin potius liberos existimarent; prout ex ipso Cæsare intelligitur, & sub jure Latii ipsos omni magistraturæ habiles effecerunt; cujus rei etiamnum vetera extant monumenta. Hujus conquæstor regionis fuit Iulius Cæsar, quæ quidem è Romanis ad Gothos devenit, à Gothis autem ad Clodovæum primum hujusce nominis regem. Impræsentiarum vero sub universali Aquitaniæ ditione comprehenditur, eundemque sibi cum illa Gubernatorem vendicat, nimirum ipsius provinciæ Seneschallum; nam hæc duo munera, Gubernatoris nempe, & Seneschalli invicem annexa sunt.

Quot autem & quantæ sint in hoc tractu Nobilium familiæ, ex tot & tantis dignitatibus & titulis, quos civitatibus & locis assignavimus, colligere nullo negotio quisque poterit; passim enim Baronias, Marchionatus, Comitatus, alioque titulos locis adjectos reperies.

RVTENORVM REGIO,

vulgo

Le Pays de RORVEGVE.

Hæc regio, quemadmodum & aliæ, quas supra memoravimus, à suis habitatoribus nomen sortita est, qui à Latinis Rbuthani, Rutheni, & Ruteni nominantur.

O o o

Rute-

Fines.

Rutenium igitur, ceu Rutenorum regio, ab Occasu quidem Cadurcio clauditur; ab Ortu, jugis Cevennensibus & Gevaudano, habet autem à Meridie Albigenſe territorium; ac tandem

Extensio.

Arvernos à Septentrione. Triginta leucis panditur in longitudinem; latitudine vero, ſolum viginti colligit.

Amnes.

Præcipuus, quo rigatur, fluvius, eſt Tarnis, qui ſubſequentia perluit oppida, *Monstueges*, ſcilicet, *Compeyre*, *Millaud*, *S. Rome*, *Broquiar*, *Peire*, *Broſſe*, & poſtmodum Albigenſium fines ingreditur. *Aveyron*, ut jam annotavimus, è fonte naſcitur Severacenſis territorii, Segodunum, ſeu Rutenam, vulgo *Rodez* perlabitur, inde *Villam-Francam*, *Gueprie*, *Bourſiquel*, *S. Antonini fanum*, *Montricour*, *Vieule*, *Negrepeliſſe*, & *Loubejac* properat, ac tandem Tarni mergitur. Ex Arvernorum finibus *Lot* egreditur, Rutenosque ſubingrediens, *S. Givium* pertranſit, ac tandem in Garumnam ſepelitur. *Dourbia* vero Gevaudanum inter & Cevennas ſcaturit, unde proficiſcens in Tarnim ſeſe evomit. *Dordou* è monte *S. Thomæ* ducit originem, indeque procurrens Tarni jungitur. *Viaura* Rutenorum intra limites naſcitur, *Aveyronæ*que ſociatur circa fines Albigenſium. *Lezert* è monte *Lerdairollenſi* deſluit, & locum *de Saure-terre* prætergreditur. *Sarnon* in monte *Larſacenſi* gignitur, ac poſtea *Dordou* flumini commiſcetur.

Diviſio.

Hæc regio in Superiorem & Inferiorem Marchiam diſpeſcitur, & in Rutenenſem Comitatum, qui utrique Marchiæ interjacet. *Millaud* primaria eſt Marchiæ Superioris civitas; *Villam-Franca* autem Marchiæ Inferioris.

Millaud.

Millaudum quidem urbs eſt ampla ſatis & elegans, convenientique ſitu poſita ad Tarnim fluvium, qui binis ibi pontibus ſternitur. Ager amygdalarum ferax, unde nomen accepit, quorundam exiſtimatio eſt. Sede regia, ſeu Prætorio civitas hæc exornatur, quin & Senefchallatu, & Sede Præſidiali.

Vabres.

Vabra, & *Vabrincum*, vulgo *Vabres*, ab arce duxit initium, quam & memorat *Gregorius Turoneniſis*; acceſſit poſtea monaſterium Ordinis *Benedictini*, unde & ſuos fines dilatavit, & ad hanc evaſit amplitudinem, ut ſede *Epilcopi* decoraretur. *Vabrincenſis* autem *Antiſtes*, *Yſſeriaci* commoratur, duasque ſolummodo habet Abbatias ſuæ iuriſdictioni ſubjectas.

Alia loca.

Accenſentur pleraque alia huic regioni loca, quæ vulgo ſic appellantur, *S. Jean d'Auguas*, *Combret*, *Beaumont*, *Roqueſueil*, *S. Affrique*, *Compeyre*, *Saint Rome*, *Camares*, *S. Sernin*, *Creyſſels*, *Nant*, *Nonenque*, *S. Bauzely*, *Couvertteyrade*, *la Cavalarie*, *S. Aulary*, *Brueil*, *Cornus*, *Peyre Brouſſe*, *Roquefort*, *S. George*, *Salvanez*, *Montlaur*, *Brusque*, &c.

Rodez.

Rodez, quam veteres *Segodunum Rutenorum*, alii *Rutenum*, & *Rutenam* nominarunt, huius eſt regionis caput, venerandæ quidem antiquitatis, ſed ob perpeſſas clades deplorandæ; nam tum à *Gothis*, tum à *Gallis* & *Sarracenis* toties impugnata, expugnata, direpta, incenſa, diruta hæc civitas, ut jure merito theatrum totius furoris bellici poſſit appellari. Colli inſidet, montibus undique circumvallata; duasque in partes diſpeſcitur, civitatem ſcilicet, & burgum. Inſignis

eſt illius Eccleſia Cathedralis, quæ etiam turre editiſſima decoratur; inde tota paſſim regione tria celebrantur, Segoduni Campanile, Mimatensis Campana, & Eccleſia Albigenſis. Exornatur eadem civitas Prætorio Præſidiali.

Subjacent autem iuriſdictioni Segodunenſis Abbatia. *Epilcopi* ſequentes Abbatia: *S. Germani* monaſterium, *de Conques*, *Cogneres*, *Bonnecombe*, *Bonneval*, *Beaulieu*, *Loc-Dieu*, & *Larptenne*.

Hæc autem ſunt notiora Marchiæ ſuperioris loca: *Durenque* & *Caumont* Baronatus; *Tolet*, *Requiſta*, *Coupiac*, etiam Baronatus; *Pyrebrune*, *Vicecomitatus*; *Ledergues*, urbecula; *Cap-longue*, *Guille*, oppidum; *Aubin*, *Bel-Caire*, *S. Geneſi fanum*, *S. Coſme*, *Lodeſve*, *Entragues*, *Ville-contat*, *Sallez*, *Lurau*, perexiguum oppidum; *Eſpaliou*, *Pinet*, *Cyſſene*, *Severac*, locus munitiſſimus, ad Marchionatus dignitatem evectus; *Eſtain*, Comitatus.

In inferiori vero Marchia numerantur, *Villam-Franca*, in amœniſſima totius regionis ſede collocata, Senefchallatus dignitate gaudens; & *S. Antonini* civitas, montibus quaquaverſum obſita, nam & in profunda valle projecta eſt; hanc *Aveyrona* fluvius alluit, qui etiam ibi ponte ſaxeo ſternitur. Hic confinium eſt regionis, quæ Cadurcium reſpicit. Sunt pleraque alia Rutenii non ignobilia loca; quæ ſuis præciſe regionibus indigetare non potuimus, quæ ne ſilentio involveremus, operæ pretium duximus ſuis ſaltem nominibus recensere, hæc ſcilicet: *Bournasel*, *Vicecomitatus*, & *Domus* elegans; *Bel-Caſtel*, *Privasac*, *S. Venſa*, *Loc-Dieu*, abbatia; *Nanfelle*, *Sauveterre*, *Salvetat*, *Najac*, *Roupeyrourx*, *Brezols*, &c.

Scatent variis Rutenii locis metallorum fodinæ, *Mercurii* nimirum & vitrioli in *Najacenſi* territorio: *antimonium* autem in *Muro-Berrenſi*, *Peyruſſenſi*, & alibi effoditur; in *Cranſacenſi* monte carbonem lapideum, ſulphur & alumen reperiuntur, necnon & *Thermæ* ſalutiferæ, quæ veluti Arvernorum balnea celebrantur.

Duobus à Rutenenſi civitate milliariſ, juxta *Vaiſſierum* oppidum, gurgis ſive abyſſus hiat, quæ ab indigenis *Tindoul* vocatur, os habens ſexaginta paſſibus apertum, ac ducentis itidem paſſibus profundum, huic etiam adjacet foramen aliud, cujus eſt inexhauſta profunditas; ipſa autem abyſſus in rupe excavata eſt. Specus vero *Os-Rolandi* dicta, non longe à loco de *Marſillac* diſſita, patet amplius quam urbis janua, murus adædificatus eſt cum tenui janua, qua quidem ſubintratur, tamque altum penetrat, ut Rutenam uſque ſeptem leucis inde diſſitam pertingat.


Illorum opulentia ex ovium gregibus, majorumque animalium armentis præcipue naſcitur, & accreſcit; nam in montium jugis paſcuntur abſque numero. Equos taceo, qui maxima multitudine in nundinis Rutenenſibus diſtrahuntur, ubi affluunt *Hiſpani* mercatores illos coëmturi.

Rutenium multis prævalet oppidis, caſtellis, locisque aliis munitiſſimis, *Severac*, nimirum, *Brusque*, *la Roque* ad *Durbiam* amnem, *Montmejan*, *S. Veran*, *Dalgues*, *S. Yſery*, &c. Suppeditat pedum duo millia, equitum mille.

A Q V I T A N I A ,

vulgo

L A G V Y E N N E .



Quitania, ampla quondam provincia, legibus Romanorum, quadringentos circiter annos paruit; Verum inclinante jam Romano Imperio, plurimi è Germania populi rebellant, Rhenumque & Danubium transierunt, ut

partem Occidentalis Imperii pessum euntis & fere discerpti sibi vendicarent. Illo ævo Gallia, Romanorum subiecta imperio, primam Germanorum invasionem sustinuit. Successere Visigothi, qui duce suo rege Atulpho, sedes in Aquitania posuerunt. Wallia autem Rex, primus Visigothorum regnum per Aquitaniam fundavit, quæ à Tolosa metropoli, usque ad Oceanum porrigebatur. Walliæ successerunt quinque alii Reges, Theodoricus scilicet, Turismundus, Theodoricus II, Eoricus, & Alaricus, quibus exactis, ipsi quoque Galli in partem imperii subintrarunt, hancque provinciam sui juris fecerunt, ipsam etiam inseparabiliter Coronæ annexâ.

Sub Carolo Magno regnum Aquitanie filio Ludovico ibidem nato traditum, & in novem provincias divisum, quarum singulis Gubernator assignatus sive Comes. Hæ autem sunt, Biturigum regio, Pictavia, Petricorium, Arvernia, Velaunum, Toloza, Burdegala, Albigenfis denique provincia, atque Lemovicensis. Nupit filia

Guilielmi Ducis Aquitanie Richardo II, Angliæ regi, ab eo tempore Angli Aquitania per multos annos potiti sunt. Sanctissimus Rex Ludovicus, decem populos ab Aquitania diremit, nimirum, Bituriges, Arvernos, Velaunenses, Rutenos, Albigenfes, Gabalos, Pictones, Engolismenses, Santones, & Agennenses: cætera ad Aquitaniam spectantia, adhuc aliquamdiu post hæc ad reges Angliæ, fiduciario jure pertinere, ac tandem ipsis erepta demum Aquitania, ad limites quibus nunc continetur, à Ludovico XI Gallie rege redacta est.

Itaque Aquitania, tertia olim Gallie pars, nunc est duodecima, si Galliam pro numero Gubernatorum, ut vocant, dividas. Idem est Vasconia, quod Aquitania nonnullis; alii vero Vasconiam tanquam partem à toto distinguunt, sicut insula Franciæ, ut dicitur, à tota Gallia, quæ gaudet eodem nomine, distinguitur. Constat, olim Vascones, cum frequentius rebellarent, nec in officio contineri possent, à Cæsare iustos deferere Pyrenæum montem, cuius præsidio, Naturæ beneficio, nitebantur, dum incolerent, & in duas partes distractos, alios quidem valles quæ trans Pyrenæum montem ad Hispaniam pertinent, invalisse, alios, agrum cui nomen modò Vasconia.

Aquitania, ut nunc est, à Meridie Monte Pyrenæo, ab Ortu Languedocensi, & Cadurcensi regione; ab Occasu, Oceano terminatur; à Septentrione agro Engolismensi, cuius caput est Engolisma.



AGER BVRDIGALENSIS,

vulgo

LE BOVRDELOIS.



Nomen.

Fines.

Diecefs.

Vrbes.

Flumina.

Vrbes.

Balnea.

Lacus.

Flumina.

Burdigala, vulgo *Bordeaux*, recentis Aquitaniae caput, Parlamento, Archiepiscopatu, arce ac portu maritimo insignis. Præter Amphitheatri, & alia nonnulla Romanæ antiquitatis vestigia; æstu maris bis quotidie feritur, refluxente Garumna is æstus usque ad oppidum vulgo *de Langon* ascendit, & paulo superius. *Bordeaux* vocari putatur à situ, quia *bord* Gallice ripam, *eaux* aquas significat. Garumna, Oceano, parte provinciæ cui nomen *la Bigorre*, & hæc pars *la Chalosse* vocatur, & agro Agennenfi continetur.

Archiepiscopo Burdigalensi suffragantur Episcopi novem, Pictaviensis, Engolismensis, Agennensis, Santonensis, Petracoricensis, Condomensis, Malleacensis, Lucienfis, Sarlatensis.

Urbes sunt, *Cadillac* caput Comitatus *de Benauges*, ex hereditate Ducum Candallorum, Castro splendidissimo ad ripam Garumnae insignis. *Bazas* episcopatus. *Barsac* oppidum paulo supra urbem *de Bourc*, est promontorium cui nomen Rostrum Ambefiacum, vulgo *le Bec d'Ambex*, ubi Girunda flumen Garumnae jungitur; ita vocatur mutato nomine *la Dordogne* inferior, quæ à duobus fontibus in *Arvenia* oritur à monte *Dordont*. Alter fontium monti cognominis est; alter *Dogne* nomen habet, unde *Dordogne* æstus maris violentissimus & navibus periculosissimus est: Salmonibus ab Oceano usque ad ejus fontem ascendentibus scatet. Sex Provincias peragrat, nimirum, Arvernensem, Lemovicensem, Cadurcensem, Aginnensem, Petracoricensem, & Burdigalensem. Ad ejus ripam sedent urbes, *Lindre*, *Bergerrac*, *S. Foy*, *Castillon* *Libourne* ab Eduardo Angliæ Rege fundata; dicta *Libourne*, quasi *l'Isle borne*, quia est ad confluentem fluminis *de l'Isle*, & *de la Dordogne*; *Etalieres*, & *Montandre*, urbes.

Fronsac, Ducatus olim, arce in summitate montis & natura loci & arte munitissima, jussu regis diruta, & in Ducatum erecta, quo flumen vicinum liberius esset. In monte *d'Or*, à quo *Dordogne* fluit, sunt balnea calida admodum salubria. Et non longe hinc abyssus, quod si lapidem etiam sereno tempore jeceris, statim tonitrua, fulgura & grandines subsequuntur.

L'Isle flumen per urbes *Musidan* & *Monpont* transit, prope *Guitres* flumen *Drome* admittit, in quod flumen *la Colle* fluit, non longe à *Coutracensi* urbe arce famosa, & memoranda *Henrici IV*, pugna.

Portus *Cusacensis*, *Cusac*, utroque flumine *Isa*, & *Dordonia* irroratus, quæ circa hæc loca plus

quam Garumna prope Burdigalam in latitudinem patet, & speciem maris refert.

Infra Burdigalam, ad sinistram Garumnae ripam, & littus Oceani, est ager *Medocensis*, vulgo *de Medor*, *Blanquefort* & *Aubin*; in eo continentur aliquæ minoris nominis.

Ad maris littus ager *Buchensis* agro *Medocensi* copulatur: hoc promontorium, quod in portum *Arcaconium* extenditur, olim *Boji* incolabant. Ejus loci dominus, vocatur *Capitalis de Buchs*, ex illustri *Candalorum* sive *Foxensium* *Candalorum* familia. Mira ventorum vis in iis locis, oppida & sylvas nonnunquam arena obruit: præter multa minoris famæ oppida sunt ibi *Vicecomitatus Vsa*, & *Montferratenfis* prima *Aquitaniae* *Baronia*.

Vasatium, vulgo *Bazas*, episcopatus prope *Castetum* *zelotypi*, & montem *Marfantii* situs, ejus incolæ *Cæsari* ac *Plinio* *Cocostates* dicuntur; diei unius itinere Burdigala distat, ericetis quidem obsitus ager, nec tamen sterilis: Præter episcopatum curiam præsidialem obtinet. Quatuor fluminibus irroratur, *Dordonia* nimirum, *Garumna*, *Drota*, & *Cironio*, quod ab *Auscitana* diecesi ortum, supra *Cadillac* in Garumnâ fluit. In hoc Agro sunt *la Reole*, *Montsegur*, *Langon*, *Sauveterre*, *Castet-jaloux*, *Castelmoron*, *Caudrot*, &c. *Blaignac* Comitatus, & recens *Marchionatus*, *Rozan*, & *Pujols* *Baronatus*, *Castets* *Vicecomitatus* ad *Garumnâ*, cujus arx diruta est; accensetur etiam huic tractui *Castelnau* *Baronia* ad *Cironium* flumen, *Roquetaillade*, *Grignols* *Baronia*, & minoris nominis permulta.

Ducatus *d'Albret* late patet: continet urbes, *Albret*, *Tartas*, *Castet-jaloux*, *Nirac*, *Millan*, *Castelmoron*, *Puy-normant*, &c.

VRBS AQVENSIS,
ET EPISCOPATVS.

Vlterius procedenti occurrit *Arturus* fluvius, cujus ripæ incumbit *Aquensis* civitas & Episcopatus. Hæc *Tarbellorum* vetusti nominis populorum metropolis, comprehensa quoque in maximi Imperatoris *Iulii Cæsaris* *Novempopulania*. Nitet Præsidiali sede, cum jurisdictione ad quindecim leucas diffusa; verum plaga hæc ericetis horrida, deportandis potius in exilium sceleratis, quam infontibus excipiendis idonea est.

Solum hoc asperum, nihil profert præter ericas pinusque silvestres, è quibus pix & resina exprimuntur; obsident aërem muscæ viatoribus infestæ. Aures quadantenus offendit asperitas idio-





idiomatis; Barbaros potius, quam Gallos dixeris, ni Francorum humanitas in illorum vultu radiaret. Panem ex milio vulgus sibi conficit; exsicca enim humus frumentum producere non potest.

Vrbs nihilominus spectatissima est, ostendit enim plurima priscae memoriae monumenta; fontes habet limpidissimos; illiusque situs & propugnacula passim à bellatoribus commendantur. Olim vocabatur Nobilium civitas, eo quod à duodecim primariis regeretur Proceribus, quorum quotusquisque propriam turrin possideret, familiae suae insignibus exornata: formam praefert triangularem; fortalitiis, mœnibus ac fossis defenditur; quippe inter praecipuas regni claves computatur, fores Hispanis occludens. Intra muros & exterius, balnea fovet. Illud autem praeter ceteris singulare, quod fontem salum habeat, haud procul à mœnibus profluentem; nec non & specum, in qua tres tumuli aqua referti visuntur in plenilunio, decrefcente autem Luna, vacui. Sunt & saluberrimae in loco de Tercis thermæ, unico ab urbe milliari, quæ celebritatem quoque illi conciliant.


Episcopatus.

Porro Episcopos Aquenses quod attinet, primus sedit S. Vincentius de *Saintes* cognominatus, qui insigne martyrii certamen gloriosus athleta pro Christo subiit, loco *Poy de Saintes* nominato, ubi Conventus est hodie Ordinis Clarissarum.

Ipse autem ante annum salutis per Christum reparata 500, Cathedralē Ecclesiam fundavit. Successerunt plurimi sanctitate insignes Episcopi. Hæc Dioecesis duas habet Collegiatus, septemdecim Archipresbyteratus, quibus subsunt 194 parochiæ: in civitate Aquensi plura numerantur Religiosorum cœnobia, & Abbatia de *Cagnotte*, de *Sorde*, d' *Arrous*, & de *Dundelle*.


Vrbes autem celebriores præter Metropolim numerantur, *Boyanne*, S. *Severe*, *Tartas*, *Orthe*, *Bastide*, *Vidache*, *Hastings*, *Cap-breton*, & *Peirehore*. Tandem hic tractus iis quæ sequuntur fluminibus irrigatur, *Adour*, *Douze*, *Gavas*, *Louze*, & *Luys* utroque, *Vidouze*, *Nive*, *les Nivelles*, &c.

S. Severi oppidum agri Chalossensis caput; *Chalosse*. cui subjacent plurima loca, *Tursan* nimirum, aliàs *Cap de Gascogne*, *Ayre*, & 150 circiter parochiæ, quas inter, sex urbes numerantur. At vero *Geaune*, sive *Geauna*, urbs est primaria Marchionatus de *Castet-nau*, cui accensentur *Pimbo*, S. *Loubover*, *Orgoux*, *Sault de Navailles*, *Hagetmau*, Baronatus; *Lorigner*, Comitatus; ubi etiam *Orsac*, burgus pecuariis nundinis celebris; *Monget*, item burgus, *Samadet*, *Momuy*, *Montgaillard*, &c. Sunt etiam in hac regione Vicecomitatus de *Marfan*; *Gavardan*, cujus metropolis *Gavarret*; & *Nebouzan*, tractus ab aliis sejunctus, eodem Vicecomitatus titulo exornatus, cui nonnullæ subjacent Castellaniae, scilicet S. *Blancard*, *Mauvesin*, *Sauveterre*, &c.



A Y R E N S I S

E P I S C O P A T V S.



Sedet Ayrensis civitas loco satis fertili, in ipsius fere Vasconiae gremio; urbs quondam munita & celebris, nempe Visigothorum temporibus, priscæque illius magnificentiae in vetustis parietinis adhuc monumenta visuntur, & praesertim in Alarici castro. Primus illius Episcopus extitit Marcellus anno 506, cujus inserta mentio

in veteribus Ecclesiae Gallicanae Conciliis, in quibus *Vicojuli Antistes* appellatur; nam id nominis olim huic civitati impositum, praeterquam quod & *urbs Sociatensis*, *Socia*, *Sociatum*; & ab *Aturo*, sive *Atyro* flumine, quo perfunditur, *Adtorensum Vicojulum* vocabatur. Porro hic Episcopus Aufcitanam sedem Metropolitanam agnoscit, sexque Archipresbyteratus comprehendit, quibus continentur 211 parochiae, & septem Abbatae, nimirum, *S. Sever*, *Pontau*, *S. Jean de la Castelle*, *S. Claire du Mont de Marsan*, *S. Gerons*, *S. Louchover*, Latine *Leborium*; & *Pimbès*.

B A Y O N E N S I S

E P I S C O P A T V S.


B Ayona populosa urbs & negotiatoribus frequens, omnique bellico apparatu instructa, tam antiquae est memoriae, ut nulla illius nominis ratio assignari possit; affirmant nonnulli, illam esse, quam Ptolemaeus *Aquam Augustam* vocat; alii vero, *Lapurdum*, *Vasorum Regionis caput*, indigetant; in veteribus quoque Galliarum Notionibus *Boatium civitas* appellatur. Illius vero antiquitas ex facta Childebertum inter & Guntrandum reges divisione, uberrime comprobatur.

Cantabrorum est metropolis, Franciae tamen regibus subiecta, usque ad *Iron* fluvium, qui Franciae ditionem ab Hispania dirimit; ipsa quip-

pe fuit à Carolo VII, Rege, Galliarum Coronae annexa.

Patronum haec civitas D. Leonem agnoscit, primumque Episcopum, qui pro Christi fide Martyrii lauream, viriliter adversus pyratum rabiem decertans, adeptus est; cui successerunt Viri pietate insignes. Ceterum hic Episcopus quondam longius latiusque suos fines porrigebat, nam in regna Franciae, Navarrae, & Castellae protendebatur; sed illius limites restrinxit summus Pontifex. Duas tantum habet Abbantias, unam *de la Honce* dictam; alteram *S. Bernardi*, haud procul à Bayonensi civitate.





Fines

*Port S
Marie*

Aiguil

Cassene

Monty

Tonner

Vibes

Flum

Vibes

T E R R I T O R I V M A G E N N E N S E.

157



ic ager habet à Septentrione tractum Petracorensensem ; à Meridie Armaniacum & Bigerones ; ab Oriente Cadurcensem , & ab Occasu Vafatium, vulgo *le Basadois*, & arenas, quas vocant *les Landes*, quod sonat vernacula voce

deserta. In longitudinem duodecim leucis, in latitudinem, totidem patet. Quatuor fluminibus nec contemnendis irrigatur, Garumna, Dordonia, Drota, & Loto, quorum ope commoda multa urbi Aginnenfi accedunt. Hæc ad radices montis ad Aquilonem imminens sita, olim ad ripam fluminis, ut ex antiquis fracti pontis arcibus conicere licet, modo spatium peramœnum, & arboribus confutum, urbem & flumen interjacet. *Tantum ævi longinqua valet mutare vetustas*, ut flumen, five arte & aggere pulsum, five natura sua, antiquum alveum à longe deferuerit.

Secundo ab urbe lapide Portus S. Mariæ nomine insignitus reperitur; postmodum ad ostium fluminis Lot in Garumnâ fluentis occurrit Ducatus d' Aiguillon, optime munitus, cujus incolæ olim obfidione 14 mensium contra Ioannem, tum Normanniæ Ducem, ac postea Regem Galliæ, resistere.

Casseneuil oppidum castro firmum, & olim palatio Caroli Magni, in quo *Hildegarda*, Regina, peperit Ludovicum cognomento Pium, anno 777.

Montpefat, urbs olim non ignobilis, sed à Rege diruta, quod Anglorum partes tueretur, ejus loci dominus, præ mœnore urbe diruta mortuus est; eadem variis bellis sæpius extincta, sæpius resurrexit.

Ex urbe Tonninsensi, igne ferroque vastata, funestis ob religionem dissidiis, vix ulla vestigia supersunt, imo vetitum urbem restaurare. Huic vulgo *Tonneins le Grand* nomen fuit, ad Comitumque de *Vauguyon* pertinuit.

Est aliud ejusdem nominis oppidum, ad Ducem de la Force pertinens. Sequuntur quædam alia oppida, nempe *Marmande*, ad ripam Garumnæ, S. Fidei, ad littus fluminis Dordonniæ. Ad ripam vero fluminis Lot, ascendentem ab ostio primum occurrunt *Lusets*, ubi flumina *le Vert*, & *la Masse* excipit; inde vestigia urbis *Pennes* ante bella civilia amœnissi-

mæ, sed modo dirutæ; *Villeneuve*, *Casseneuil*, *Sainte Liurade*, & *Clerac*, urbs non ampla, sed magnæ famæ, quod prima Lutheranam religionem amplexa, authore Abbate, nomine *Gerardo Roussel* natione Picardo, Parisiensi Professore, postmodum Calvinî dogmata; demum rebellis veniam à rege obtinuit. Quatuor in Episcopatu Aginnenfi Abbatia sunt, *Eyslez*, *S. Maurin*, *Gondon*, & *Peri-gnac*.

AIGVILLONNENSIS DVCATVS.

Ætera Agennensis agri loca sunt, *Eguillon*, *Monheur*, *le Temple*, *la Fit*, *la Parade*, *Ville-real*, *Castillonés*, *la Sauvetat*, *les Allemands*, *Duras*, *Castel-Sagrat*, *Clermont*, *d'Entragues*, *Puy-merol*, *Preissas*, *Beaurville*, *Pujols*, *Bajaumont*, *Doulmeirac*, *Mont S. Prou*, *Cuzols*, *Nerac*, locus *Henrici Magni* educatione celeberrimus; &c. Reliqua autem hujus tractus flumina sunt, *Baise*, *Losse*, *Gelisse*, &c.

DE AGRO CONDOMIO, vulgo LE CONDOMOIS.

Agri hujus caput vulgo *Condom*, Latinis *Condomium*, quasi *Condominium*, quod duos condominos agnoscat, Regem & Episcopum, in longitudinem duodecim miliaribus, in latitudinem duobus patet. Ager urbis ad confluentem fluminum, *Baise* & *Gele* sita, fecundis collibus cingitur: præcipuæ urbes & oppida sunt, *Caumont* ad Garumnâ, ubi castrum in arduo monte situm; *Montreal*, urbs olim ampla & dives, nunc diruta; *Montrejan*, *Francescas*, *Moncrebeau*, *Damazan*, *la Gruere*, *la Romieu*, *Resingle*, *la Cassagne*, &c. Vrbs autem ortum duxit ab Abbatia S. Benedicti, ab *Algasio* Aquitaniæ Duce fundata, & in Episcopatum à *Ioanne XXII*, Papa erecta.

Est in eo agro Marchionatus de *Fiumarcon*, *Tursan*, *Marsan*, *Gavardan*, &c.

Fines.

Port S. Mariæ.

Aiguillon.

Casseneuil.

Montpefat.

Tonneins.

Vrbes.

Flumina.

Vrbes.

Nomen.

Vrbes & oppida.

Ortus urbis.

Gallia.

SSS

VASCO-



V A S C O N I A.



Fines.

La Vallée
d'Aure.Nesle flu-
vius.

Balnea.

Banieres.

Barege.

Auch.

Vascones olim montem Pyrenæum incolere, ne ferociam gentis sitis habitationis juvaret, Cæsar domitos ad planities compulit, in duas partes divisit; partem, trans Pyrenæum, partem citra montem habitare iussit; inde hodiernæ Vasconia nomen, apud multos nomen Aquitania toti synonymum; apud nonnullos altera tantum Aquitania pars de qua hic agimus, olim *Novempopulania*, apud Cæsarem. Clauditur Garumna flumine, Aquitania inferiori, & Monte Pyrenæo. Armaniacum Comitatus, & Senescalli sedes, patet sicut & Belsia, in longitudinem 25 milliariibus; 17 aut 18 in latitudinem.

Vallis, cui vulgo nomen, *la Vallée d'Aure*, olim ad Dominium Navarrae spectavit; geminas urbes non magni nominis continet, *Sarancolia* & *Arra*. Sunt etiam in hoc tractu plurimi Burgi; hanc vallem *Nesle* fluvius præterit, & in Garumnam exoneratur, ad urbem *Montreal*; circumdatur altis & asperrimis montibus; ex sola occidentis parte patet ingressus, nisi quis aggrediatur anfractus montium admodum arduos superare, quos incolæ *Portus* vocant. Mons *Agella* prope vallem è regione Hispania, tribus in circuitu milliariibus extenditur, duobus in altum assurgit; ex cacumine spectatur Hispania dimidio inde distans milliari, quo patet aditus per angustias montis, quibus vulgo nomen *le Port d'Angelle*. Ibidem minæ ferri, plumbi, argenti, cupri, & ignes subterranei, crystallum non longe adamantibus absimile, lapides pretiosi, topasios & sapphiros referentes: ornantur montes floribus, ac præsertim liliis diversi coloris à communibus. Habent etiam aquas calidas ad morbos curandos mirabiles in oppido cui nomen *Banieres*; & in valle, ac fere supremo monte vicino sunt balnea quam plurima, usque adeo calida, ut sine gravi incommodo sensus etiam frigidissimo tempore ferri non possint; ita ut ovum in illis momento temporis durecat, frigidis nervis & morbis à frigore remedium præsentissimum, biliosis & quibus fervet jecur, certa pernicies, & pauci vitæ dies superstites. Quia utroque calore fervent, Elementari qui sensum percellit; & virtuali, ut *Piper* & *Sulphur*. Sunt alia Balnea in Pyrenæo, in loco cui nomen *Barege*, mitiora & salubriora, aqua instar olei glutinosa, vulnera & ulcera brevi tempore curat; beneficium naturæ mirandum à Geographis vix notatum, & post inutilem Medicorum & Chirurgorum curam, eo nec currus nec equus accedere potest. Auscorum civitas apud authores, *Augusta Auscorum* apud Ptolemæum, vulgo *Auscha*, Vasconia caput, rivulo *le Gers* dicto alluitur; miror, quod à Poëta Fortunato, Pictaviensi Episcopo, qui nunquam viderat, tanquam Fluvius celebretur, cum sæpius æstate omnino deficiat, nec unquam nisi Vere, Pyrenæi montis nivibus intumescat. Archiepiscopatus post excidium urbis *Elusa*, vulgo *Eausse*, ab hæreticis diruta, eo translatus est. Sedes hæc opulentissima est, nam cen-

tum mille libras annui proventus colligit. Urbs amenissimo loco sita, Orientem respicit. Est in illa civitate templum Virgini Mariæ sacrum, ædes in Geographia notatu digna; inter multas reliquias, ajunt se habere phialam plenam lacte Mariæ Virginis, & brachium S. Taurini Archiepiscopi, ante mille & quadringentos annos extincti, adeo solidum & integrum, ac si viveret, sive id à Deo, sive à Balsamo, sive ab alio arcano naturæ. Ibidem Collegium, in quo studium Philosophiæ, reliquæ Aquitaniæ fertur antecellere. Vina robusta; plebs supra modum pauper & arrogans.

Dioecesis 1256 parochias subjectas habet, & has, quæ sequuntur Abbantias, *Simorre*, *Pessan*, *Saramon*, *Bendoues*, *Gimont*, *Flarant*, *Bouillas*, & *la Casse-Dieu*. Abbatis.

LECTORATENSIS
EPISCOPATUS.

Oritur rivus de *Giers* à Pyrenæo, Auscos præterit, *Lectoram* præterlabitur, ac tandem in Garumnam influit. Hæc civitas supra rupem sita, natura loci munitissima est; ipsa quidem procul distat à flumine, sed in ea scaturit fons uberrimus, in tam edito loco, & octuaginta putei.

Decoratur hæc civitas Senescallatu, Sede Præsidiali, & Episcopatu. Varia apud Latinos nomina sortitur, quibus apud auctores innotescit, nempe *Lectora*, *Lactora*, *Lectorium*, *Civitas Lactoratum*, imo & *Tauripolium* apud *Ægircum* flumen.

Comitatus Armagnacensis, multis ex Comitatus, Vicecomitatibus, Baronis, aliisque amplissimis ditionibus coalescit, nempe *Fezensac*, *Vic-Fezensac*, *Iegun*, *Larepax*, *Lupiac*, &c. Horum præcipuus fuit *Fezensac* Comitatus, qui plusquam trecentas ditiones sibi clientelari fide obstrictas habuit. *Fezensacquet* Vicecomitatus, est etiam aliqua portio Comitatus Armagnacensis, olimque triginta nobiles Vasallos habuit. Tertia ditio est inferior Armagnacensis Comitatus, cujus caput est Nogarense oppidum ad *Mondou* rivulum situm; inde relevant *Aignan*, *le Feuget*, *Riscle*, *Barcinona*, *Placentia*, & maxima Nobilium multitudo.

Bassus-rivulus, vulgo *Rivière-Basse*, hujus quoque est Comitatus membrum, ex quo relevant *Castel-nau*, *Deuse*, & *Mauburguet*; ibi quoque sitæ sunt *Tasque*, & *Casades* Abbatia.

Pertinet ad eundem Comitatum *Euzan* Dominatus, cujus *Elusa* est caput; olim *Novempopulania* Metropolis; Vocabantur autem indigenæ *Elusates*; à Vandalis pridem aut Gothis vastata, anno circiter 870. Hujus appendices sequentes urbiculæ, *la Bastide*, & *Casaubon*, moenibus sunt discinctæ, quæ tamen Baronatus dignitate fulgent; *Mauciet*, & *Bretagne*, ubi arces & fortalitia. Visitur ibi exiguus terræ tractus, *Cieutat* appellatus, ubi *Eleusa* quondam fuerat extructa.

Pardiac Comitatus, Armaniacum quoque respicit.

Abbatis.

Armagnac,
Comitatus,
& Ditiones
subjectæ.

spicit. Ibi regia peraguntur judicia; urbes habet *Montlexun, Ville-Condal, & Tillac.*

Vicecomitatus & Baillivatus *du Bruillois*, ejusdem est ditionis, primaria Iustitiæ sedes *la Plume*, urbs non ignobilis, muris cingitur, subjectaque sibi numerat oppida, *Leyrac* ad Garumnam, *Cauderot*, & *Serignac*.

Vicecomitatus Auvilarensis, Armaniaco etiam Comitatu annexus est; nonnullos habet Nobiles fide clientelari devinctos.

Lomagne Vicecomitatus, exornatur judicatura regia, & quatuor locis, ac quinquaginta feudis sibi subjectis. Porro hæc sunt dependentia ab illo loca, *la Vit, S. Clar, Miradous, & Gardonville.*

Iordanis Insula feudum est pervetustum, de jure Comitum Armagnacensium; illius civitas muris viduata, & castrum fuit solo coæquatum. Collegiata decoratur, multosque nobiles clientelari jure obstrictos tenet. Hæc urbs quatuor tantum à Tolosa leucis distita est.

Mores.

Agrestes sunt hujus tractus incolæ, & linguæ impeditioris; Nobilium ibi est maxima multitudo, quorum præcipui sunt, Comes de Peguilain; Vicecomes de Sere, Barones de *Beaurepeau* & de *Fontanilles*, &c.

Gavre.

Comitatus Gavrensis Armaniaco clauditur, & à Lugduno Convenarum, vulgo *Cominge*, interfluente rivulo determinatur. Exiguus quidem est iste Comitatus; attamen ob illius limites ortæ sunt frequentes controversiæ, suos inter & Tolosatium Comites. Hic Comitatus has quæ sequuntur urbes comprehendit, *Lavignac, Fleurance, S. Puy, la Sauvetat.* Iurisdictio de *Verdun* sex in tribunalibus exercetur, *Verdun*, scilicet, *le Mas de Verdun, Grenade sur la Garonne, Beaumont, Gimont, & Cologne.* Iurisdictio de *Riviere* constat oppidis de *Marsiac, Beau-marché, Trie, Bologne, S. Foy, Galan, & Monte-regali*, qui ad Garumnam positus est. Vtræque hæc iurisdictio unicum efficit territorium, *Riviere-Verdun* appellatum, quod & olim unico Iudici subiacebat.

Verdun.

Riviere.

Astac.

Comitatus Astaracensis, seu Estracensis, ab Ortu, Lugduno Convenarum clauditur; à Meridie, *Magnoat* collimitaneum habet; ab Occasu & Septentrione *Amagnac & Rivier-Verdun.* Protrahitur in longitudinem septem Vasconia leucis, in latitudinem, octo; hæc regio partim collibus assurgit; partim in planities diffunditur. Urbes sunt *Mirande, Maseube*, Iustitiæ sedes; *Lechan & Pavie*, Gersii fluminis ripæ imminens; *Simmorre, Sintelix, Saramon*, &c. Ager frumento ferax, filigine etiam, millio, ac fœno abundat; imo & vina profert. Hic porro Comitatus Ducum Candallorum possessio est.

Itaque Comitatus Armagnacensis plusquam 1800 feuda sibi subjecta habuit, quorum nobilissimi fuere quatuor supremi hujusce regionis Barones, scilicet de *Moutaut, de Monteguyon* (alias Comes de *Monluc*), de *Pardaillan*, & de *l'Isle*. Sunt præterea quatuor Vice-Barones, qui in supremorum Baronum absentia primas obtinent, ubi Nobilitatis comitia celebrantur.

Gallia.

COMITATUS BIGERRENSIS.

Regio Bigerrensis, quædam tertiæ Aquitania portio est, cujus populi ab Iulio Cæsare *Bigerriones*, à Paulino *Bigerri*, ab aliis denique *Tarbeli & Tarbelli* nominantur. Aurienfi valle ab Ortu clauditur, & Nebuzensi Vicecomitatu, Rivo-Verdunensi, & Pardiacensi; ab Occasu, agro Benearnensi; ad Austrum vero habet Arragoniam, Vallesque *Drotou, & Tera*; ad Septentrionem denique Rivum-Bassum, vulgo *Riviere-Basse*, in Armagnacensi Comitatu.

Non paucis fluminibus irrigatur, *Ladour*, nempe, *Leschetz, Larros*, &c. Is autem Bigerrensis tractus, qui juxta *Larros* amnem porrigitur, *Rustan* communiter appellatur.

Dividitur hæc regio in planam & montosam; tractus vero *Rustanensis*, quasi tertia quædam illius portio numeratur. Illius juga montibus *Valis Aurensis*, Arragonensibus ac Benearnensibus includuntur; quod autem interjacet spatium, *Lavedan & Barege* valles occupant; plurimas continet Parochias, quarum præcipua *Luz* nomine insignitur. Vallis *Lavedanensis* ad duo milliaria porrigitur, quatuorque minoribus aliis vallibus sociatur, scilicet *Davantagues, Azun, Estreme de Salles, & Batforiguere*, quibus accensetur vallis quinta, *Cauteres* dicta, quæ juris est abbatia *S. Savini*. Vicecomitatus *Lavedanensis* inferiori in regione sedet, atque castrum de *Beaucens*; unoque inde milliari *S. Pé de Genes* cum cognomine sibi abbatia. Haud procul est *Capan*, burgus non inelegans, qui à Tolosatibus usque ad *Burdigalenses* butyrum assatim subministrat: Extat & in valle *Lavedanensi* *Argeles* burgus, & vetera quædam castella. Vallis & Comitatus *Lavedanensis*, anno 1300, ædium quinque millia numeravit.

Planities Bigerrensis ovalem figuram præfert, etiam nutrit animalium greges, multis irrigatur rivulis, lætissimis abundat pratis, ac vinetis optimis; silvis quoque inumbratur, & uberrimis messibus fœcunda, & populo frequentissima est.

Bagnieres, urbs agris notissima ob thermas saluberrimas, quæ referta, à Romanorum temporibus celebratur; ipsi eam vicum *Aquensem* nominant, velut Burgum aquarum dixissent, multaque illi decora contulerunt, quorum vestigia frequentissime in veteribus ædificiorum ruinis inventa sunt, quemadmodum & numismata Cæsarum effigies præferentia. Præter istas autem thermas, aliæ in locis de *Bareges, & de Cauteres* inveniuntur, ex aquis scilicet mineralibus, sulphureis, aluminosis, aliisque venis metallicis, quæ potui saluberrimæ sunt.

Tarba regionis est caput, & Episcopalis civitas, cujus tamen Cæsar, etsi Gallicarum provinciarum solertissimus indagator, singulares velut populos, Tarbellorum nomine indiget, quos Aquenses accolæ nonnulli existimant. Hæc civitas in Galliarum Notitia, *Turka, Turfa*, & quandoque *Tursambica* nuncupatur, sed perperam; Gregorius vero Turonensis, *Begoriam, & Beorritan-*

T t t

nam,

nam, alii Bigerronum civitatem, ac denique moderni, Tarbam Bigerronum Caput, vel Castrum Begorra ad Aturum fluvium in Novempopulania, sub Metropolitano Auscitano, & Tolozatum Parlamento, appellarunt. Sedet igitur ad Aturum fluvium, vulgo Adour, qui illuc per planitiem suas deducit aquas, & quinos in alveos dispefcitur, qui totidem in partes ipsam quoque urbem dividunt, pontibus nempe, portis, & aliis id generis claufuris, quæ illam interrupto opere, distinctisque temporibus ædificatam fuisse demonftrant. Hic fedet impræfentiarum Senefcallus, qui in fupersitibus veteris caſtri reliquiis judicia celebrat. Decoratur ipſa civitas octo Conſulibus. Eſt etiam in criminalibus Iudex. Præter Eccleſiam Cathedralē, binas habet Parochias, & Franciſcanorum ac Carmelitarum cœnobია. Palatium quoque Epifcopi, & illius Eccleſia quamvis exigua, decus civitatis plurimum adaugent.

Has autem Abbantias ſibi ſubjeſtas habent Epifcopi, S. Sever, S. Pé de Genes, S. Pierre de Caſte, la Reole, S. Savin, S. Savin de Lavedan, l'Eſcole-Dieu, &c. Primus ſedit Tarbæ Epifcopus ante annum 506, Antomarius; eandem vero ſedem plurimi ſanctitate inſignes Epifcopi poſtmodum illuſtrarunt.

Tribus ab hac metropoli milliariſus Vic-Bigorre burgus invenitur. Huc Tarbæ valedicens properat Aturus amnis, ut Iſle, Leſchez, & Larros, aquas velut juſtum ſibi tributum excipiat; Iſle autem amnis Rabastens perluit, oppidum elegans & vetuſtum; at perſenſit quam ſit immanis & funeſta civilium rabies diſſidiorum, quæ nec pulchrioribus ædificiis abſtinent, & horrendæ cuncta devaſtant; ea lege tempora decurrunt, has clades ſecum volvit temporum viciffitudo! Hujus urbis caſtrum quondam firmiſſimum terræ viſceribus eſt velut abſorptum.

Lourde. Lapurdum, ſeu Lampurdium, Gallice Lourde, in Bigerronum quoque finibus viſitur, eſtque poſtrema Tolofatum jurisdiſtionis civitas, cujus & meminit Sidonius, celeberrimamque olim fuiſſe affirmat, & caſtro munitam; ubi etiamnum craſſa turris extat, veterum Romanorum opus, quæ non ſemel indigenas ab hoſtium aſſultibus defendit.

S. Pé. S. Pé, urbecula eſt Gabaro inſidens; in circumjacente planitie ſequentia conſpiciuntur loca, Ybos, Goudon, Toſtat, Benac, Paraberc, Luc, & plurima itidem caſtella, ac munimenta, quæ totidem nobilibus familiis nomen impoſuere.

Hujusce regionis Comitia expreſſo Regis edito convocantur; componunturque, quantum ad Eccleſiaſticum ſpectat Ordinem, Tarbenſi Antiftite; Abbatibus de S. Pé, S. Savin, l'Eſcole-Dieu, & de Reole; Prioribus de S. Lecer, S. Orens, Commendatario de Borderes, Ordinis Melitenſis; quantum vero ad Nobiles, Vicecomite Lavedanenſi; Baronibus de Barbaſan, Antin, Caſtet-bajac, Baceillac, des Angles, de Benac, Vicecomite Alterenſi, &c. ex urbium denique ac vallium delegatis. Regi tanquam Bigerronum Comiti 8000 Librarum munus deferunt; hanc autem ſummam, tribus poſtmodum librarum millibus cumularunt.

Duché d'Albret. Albretenſis Ducatus limites habet ab Ortu Comitatum Armagnacenſem Garumnæque fluvium, qui Agennenſem agrum ab Albretenſi di-

rimittit; à Meridie, Condomum & Senefcallatum des Lanes; ab Occaſu, Oceanum; ac demum à Septentrione, territorium Burdegalenſe, ac Petracorenſe. Triginta leucis varias continet terras; Senefcallatus quoque Vaſatenſis, & quædam Condomenſis ac Marſanenſis portio illius gremio concluduntur. Multis perfunditur amnibus; & quidem Garumna ad leucas duodecim hanc regionem percurrit; Dordonia illam ſeptem milliariſus perfluit. Aliis etiam irroratur fluminibus, Adour, ſcilicet, la Bayſe, la Gelife, Lavance, la Douſe, &c.

Hic Senefcallatus quatuor conſtat tribunaliſus, nimirum Nerac, Tartas, Caſtet-jaloux, & Caſtelmoron, quorum jurisdiſtionis triginta circiter urbes ſubjacent.

Barbaſte uno à Nerac milliari, venuſtum oſtentat ædificium quaternis turribus nitens, & pontem octo fornicibus ſubnixum. Dimidio inde milliari, ampliſſima videas Duranciæ vivaria, queis cervi, apri, phaſiani, ardeæ, &c. Computatur inter amœniſſima Franciæ loca; fuitque olim Henrico I V, Regi Maximo, in deliciis.

Caſtet-jaloux Garumnæ inſidet, arce exornatur, ubi contumulati quondam priſci familiæ Albretenſis Dynaſtæ. Huic quoque regioni accenſetur Tartas, cujus munitiſſimum caſtrum anno 1621 ſolo fuit coæquatum. Sunt & quædam abbatiæ, quas inter celeberrima eſt de Paradis, Ordinis Fontis Ebraldi; ubi Virgines, è nobiliſſimis totius Vaſconia familiis ſelectæ, vitam religioſam profitentur.

CONVENARVM COMITATVS.

Comenges. Nomina. Convenarum Comitatus, hodie S. Bertrandi nomen fortitur; equidem nomen Convenarum olim indigenis inditum, qui cum diu variis ſedibus diſperſi egiffent, tandem in unum populum Romanis ſuggerentibus coaluerunt, extructaque civitate ſedibus certis convennerunt; illam autem Plinius, & antiquioris memoriæ Hiſtoriographi Lugdunum Convenarum appellarunt, quæ in edito montis poſita, & loci natura & arte munita, adeo ut inexpugnabilis cenſeretur, nihilominus capta fuit & diruta; ſed poſtmodum reſtaurata, priſco nomine Convenarum ablegato, S. Bertrandi tutelaris ſui nomen ſibi impoſuit; illi quippe Cathedralis Eccleſia dedicata eſt.

Illam civitatem diu ante Francorum in Gallias adventum Episcopali ſede claruit, nam in ea ſedit Alorius ante annum 360; ac poſtmodum in Concilio Agathenſi memoratur Suavis anno 506; unde illius præſtantia & vetuſtas comprobantur.

Finis. Limitatur hæc regio, ad Ortum, agro Languedocienſi; valle Aranenſi, & terris Aragonenſibus ad Meridiem; Nebouſenſi campo & Barthenſi Baronatu, ad Occaſum; Comitatu Gaurenſi, & Riviere-Verdunenſi ad Septentrionem. Octodecim longitudine leucas; ſex latitudine colligit.

Salut, fl. Oritur Sala fluvius è monte Salantio, qui frequentiffimus eſt in Hiſpaniam portus & trajetus.

etus. Mons & amnis à falsis in adjacenti regione puteis nomen assumpserunt. Scaturit Sava ad radices montium Pyrenæorum, loco *Lannes de Bouc* vocitato, tribusque à Tolosa leucis Garumnæ miscetur. Inde quoque erumpit Girona, qui Bolognam pertransit, Convenarum urbem, ac demum in Garumnæ exoneratur.

Quæ impræsentiarum S. Bertrandi nomine urbs insignitur, ex ruinis Convenarum fuit extructa; inferius est *Braccavere* vicus, ubi Franciscanorum cœnobium. Quinis à S. Bertrandi oppido leucis assurgit Alanense castrum, præclara Episcopi possessio. Numerat hic tractus octo Castellanas, nimirum *Muret, Samathan, Cazerès, Aurignac, S. Julien, Salies, Castillon, & l'Isle en Dodon.*

L O M B E R I V M.

Lombers. **L**omberium, vulgo *Lombers*, civitas Savæ fluentis infidet, octo à Tolosatibus leucis distita, herbida planitie vinetis confita, & frumentis feraci. Illam Ioannes XXII, Sede Episcopi decoravit; & Abbatia Deiparæ dicata, in Antistitum Lomberiensium sedem erecta est, quorum primus fuit Arnoldus Rogerius Convenensis.

Episcopatus. Haud procul à Lomberio in subiecta valle jacet urbs *Samathan*, quam perluit Sava fluvius, qui urbem à foro segregat; ita ut triplex civitas videatur, ex burgo, mercatu, & castro coalescens. Castrum vero ob altissimas, quibus cingitur fossas in modum fere præcipitiorum, censetur inexpugnabile & inaccessum. Superstites Montis Olivæ, & loci *de Motasse* reliquæ, priscum illius splendorem loquuntur. Apparet adhuc vetustissimum superbæ structuræ castrum, at præalto aggere opertum; nec non & spatiosissima quædam conclavia pulchris fornicibus exornata, nonnullæque ædium contignationes, quæ aggere impervio proteguntur.

Pluribus Ecclesiis illustratur; intra muros quidem egregium D. Mariæ templum, deinde S. Michaëlis, Beguinarum Franciscanarum; extra muros autem est Ecclesia Varenensis cum amplissimo cœmiterio; S. Mariæ ad Nives, & S. Mariæ Magdalenæ, præter cœnobîa fratrum Minorum, atque Minorum.

Regimen. Quantum ad civile regimen, urbs à Consulibus gubernatur; in iis autem, quæ regiæ sunt jurisdictionis, Prætozem habet Iudici Majori substitutum, aliosque iustitiæ Officiarios, à quibus ad Tolosatem Parlamenti Curiam provocat.

Muret. Quinis à *Samathan* leucis *Muret* urbs celebris reperitur, in Garumnæ margine sita, cui & amœnus collis dominatur, illamque variis bellorum tempestate insidiis exponit. Hic cruentum quondam prælium atque æterna memoria dignum commissum est, in quo fusi Comites Tolosæ, *Foxensis*, & *Convenensis*, obtruncatusque fuit Rex Aragoniæ à Simone Montfortio. Stupenda prorsus victoria, ubi exiguus victorum numerus, scilicet mille quingenti, viginti millia peremerunt; & plane miraculosa, nam centum mille hæretici unum duntaxat cataphractum equitem, & octo milites occiderunt.

C O N S E R A N V M.

Conseranum urbs vetusta, & Vicecomitatus perantiquus, prædicante olim S. Valerio, primo illius Episcopo, Evangelium suscepit. Egregio murorum ambitu cingitur civitas, in cuius parte superiori Cathedralis assurgit; & ab urbe S. Lyceri dicta, sejungitur. Ibi Sala fluvius, vulgo *Salat*, ponte saxeo pertransitur; in cuius medio extat validissima turris sedulo custodita; pons autem noctu clauditur; in extremitate vero est Capella Deiparæ sacra, quæ vernacula Hispanorum lingua, *Nuestra Señora del Cap del Pon* nominatur.

Variis quondam nominibus fuit indigetata, nempe *Civitas Conseranorum*, & *Vrbs S. Lyceri*, deinde *Austria*, ac tandem hodie *Conseranum* nominatur.

Conserano egressus mox S. *Fregeou* urbem conspicis in colle tam edito, ut nec perspicacissima oculorum acies illuc pertingat; unde & accessu difficillima est, attamen vinetis disseminatur, ipsaque collis crepido silvis obsita: inter silvas amœnissime sedet opulenta nobilium Virginum abbatia; valles tritico feraces, prata lætissima, quibus circumjacent diruta quædam loca, quæ inter, *Cochiles* priscæ magnificentiae reliquias ostendit. In hac etiam regione fuerunt centum alia non minoris momenti loca; at quia suis ruinis sepulta jacent, illa nos etiam silentio involvemus.

Est in Vasconia quædam species hominum *Cagots* vocatorum, quorum etiam nonnulli in Bearnensi provincia reperiuntur; hi quamvis facie venusti, halitum tamen & carnem graveolentem habent, censenturque hac quaquaversum regione velut leprosi, ac illorum vitatur contubernium, & in civitatum suburbia sequestrantur, atque in Ecclesiis clausura quadam ab aliis divelluntur. Sunt quidem inopes, sed singulari industria præditi, qui suis è laboribus victitant, omnes fere fabri lignarii. Hoc velut maledictum à suis parentibus Gothi, Wisigothi aut Sarraceni, quasi ex traduce pertraxerunt, ut plurimi censent auctores.

Inter Pyrenæos montes jacet vallis *d'Arbouste* appellata, quæ octodecim circiter vicos continet; huic autem valli imminet Mons Liliorum, ob maximam liliorum ibi verna tempestate germinantium copiam; nascuntur & alii flores speciei anonymæ, nedum cognitæ. Mons ille sex leucas ambitu colligit, habetque densissimas, & amœnissimas silvas.

F O X E N S I S
C O M I T A T V S.

Qui hujusce Gentis incunabula, primosque illius Dynastas perquisierunt, varie rationem nominis assignarunt, involuta etiam figmentis Poëticis veritate; nos autem ablegatis fabulis, sinceris auctoribus inhærentes, dicimus hos populos à Iulio Cæsare *Flussates* appellatos fuisse; ab aliis vero *Fuxenses*, qui quidem, ut ceteri Aqu-

Aquitaniæ populi, Romanorum legibus paruerunt usque ad Gothorum imperium; verum Alaricus Wisigothorum rex à Clodovæo expulsus, postmodum devicta Hispania, suas profectus victorias, agros Burdegalem, Agennensem, Cadurcensem, Languedocensem, Arvernensem, Rutenensem, & Foxensem sibi comparavit; qui deinde à Theodorico rege profligatus est; ipse vero Theodoricus amplissimas hæc provincias Coronæ annexuit.

Habet autem Comitatus Foxensis Languedocium ab Ortu, Convenas ab Occasu; tractum de la Rivière à Septentrione; ac montes denique Pyrenæos à Meridie.

Flumina.

Maximus hujus regionis fluvijs vocatur vulgo *Aurige*, Latine *Aurigera*; hoc enim ab aureis arenis nomen fortitur, quibus in fundo & in marginibus inauratur. Amnis ille à Foxensibus jugis fontes suos repetit, inde ad urbem hujus Comitatus Metropolim properat, productoque postea cursu Sedem Apamensem obiter salutat, ac modica post intercapedine, *Saverdun*, *S. Gavele*, & *Hauterive* oppida perluit; ac tandem in Garumnam sese exonerat.

Bellestat, fons mirabilis.

Singulare est hujus regionis miraculum fons *Bellestat*, qui certius diei noctisque horas notat, quam quodvis solare horologium; hic enim fons vividissimus, duodecies quot diebus, & quot noctibus scaturit; totiesque arefcit, justis adeo intervallis ac tam ordinate recurrentibus, ut clepsidram dixeris inenarrabili solertia à natura fabricatam, quo suorum maximi ponderis negotiorum exactissime tempus metiri possit. *Argentigera* vulgo *l'Arget*, ab argenteis arenis hoc nomine insignita, *Aurigeræ* miscetur juxta Foxensem civitatem.

Castellania.

Dividitur Foxensis Comitatus in 16 Castellania, quarum hæc vulgo nomina, *Foix*, *Merens*, *Aqs*, *Montalir*, *Lordat*, *Castel-Verdun*, *Quier*, *Tarascon*, *Mont-gaillard*, *la Bastide*, *Camerade*, *du Carlar*. *S. Ibars*, *Saverdun*, & *Bareilles*.

Vires.

Quatuor sunt hujus regionis urbes præcipuæ, *Foix*, *Mazeres*, *Tarascon*, & *Saverdun*.

Baronatus.

Quatuor primarii Baronatus sunt, *Rabat*, *S. Paul*, *Arniac*, & *du Fort*. Vicecomitatus autem de *Leran* specialis est ditio ad Foxensem administrationem spectans. Porro *Miglos* est antiquissima in hoc Comitatu familia, quæ primum post quatuor Barones locum obtinuit.

Pamiers.

Appamiæ, aut potius Pamia, vulgo *Pamiers*, urbs elegans ad Aurigeram sita, quondam à Latinis auctoribus *Fredelacum* vocabatur, ut perhibent, qui exiguum fuisse regnum putant, ubi *Fredelas* è Gothis oriundus, ac Regis Theodorici germanus, folium posuisset, unde & à Carcafflonensi Comite fuit expulsus.

Sex in partes dividitur, quæ etiam sex Confules assignantur; prima vocatur *Mercadat*; 2, *Villonnave*; 3, *la Place*; 4, *Romengous*; 5, *Les trois Barris*; 6, *Lolmet*.

Diviso.

Sedem hîc Episcopalem, invito etiam Rege, *Episcopus* erexit Bonifacius VIII, Pontifex summus; ubi etiam duo sunt Capitula, quorum unum subest Antistiti, Divique Augustini proficitur institutum; agit vero alterum sub sæculari Decano. Multa exhibet cœnobîa, Dominicanorum, Augustinensium, Franciscanorum, Carmelitarum, Bernardinorum, Iesuitarum, Clarissarum, Vrse-linarum, &c. Urbis tutelaris est S. Antoninus, cujus honori dedicata est insignis Abbatia, quæ impræsentiarum in Cathedralē conversa est. Diœcesis autem centum duntaxat parochias continet. Primus Apamensem Episcopatum rexit Bernardus *Saisset*, ex Abbate S. Antonini ad hanc dignitatem evectus anno 1296; huic successit S. Ludovicus Siculus, Caroli II, Siciliæ Regis, filius, &c.

Haud procul à Foxensi civitate visitur Ecclesia de *Montgaucy* à Carolo Magno fundata, & dotata, ubi pretiosissimæ S. Volusiani, Vasconum Apostoli reliquiæ summa cum veneratione aservantur.

Doumezan, tractus est exiguus, sub Gubernatore & Senescallo Foxensi, oppida plurima & castella continens, quæ inter *Quericum* cum suo castro computatur. *Andorre* vallis est insignis ejusdem Foxensis Comitatus; cui etiam accensentur sequentia loca, *Sabarat*, *Montaut*, *Hauterive*, *Baronatus*; *les Bordes*, *Saurat*, *Vic-de-Sos*, *Siguer*, *les Cabanes*, *Amplan*, *Verdun*, *Loubens*, &c.


Pays de Doumezan.

Cœlo purissimo optimoque fruitur, & ad calidum magis accedenti. Hic maxima limpidissimarum aquarum abundantia, fontes in urbibus passim, & campestribus frequentissimi. Solum satis pingue, frumentum, siliginem, avenam & milium producit. Præcellunt ceteris vina Apamensia; Vineta autem Foxensia, de *Bareils*, *du Mas d'Azil*, *Sabarat*, & *des Bordes*, vinum affatim toti regioni suppeditant; mons Tarasconensis vino destitutus, è planitie distrahit; carnes lapidissimæ sunt ob pascua optima quæ pecora nutriuntur; omnibus aperta venationi nemora, nec tamen inde venationis copia minuitur, aut rarefcit, & quidem omnigenis prædæ affluunt, cervi, damæ, apri, &c. Viget quoque aucupium; reperiuntur falcones & urfi, qui locis propriis, seu areis sibi fabricatis eripiuntur. Porro Montes Foxenses tum ob metallorum fodinas, tum ob aquas minerales, multaque alia ob nomina summo opere commendantur.

Qualit.

B E N E A R N E N S I S

P R I N C I P A T V S.



Bearnensis regio, abs *Bearno* vetusta civitate nomen accepit; illam Antoninus memorat sub *Bearnensium civitatis* vocabulo; censetque P. Marca populos olim à Plinio *Venamos*, seu *Venarnos* dictos, fuisse Bearnenses.

Insidet radicibus Montium Pyrenæorum, atque ab Ortū Bigerrones conterminos habet; ab Occasu, Aquissem Præposituram, & aliquam inferioris Navarræ portionem; ad Austrum montes Arragoniæ, & Roncaliæ in Navarra superiori; ac denique ad Septentrionem, inferiorem Armagnaci regionem. Longitudine 18, latitudine sex circiter leucas protenditur. Figuræ est fere triangularis; quinto climati subjacet, & ad 43 & $\frac{1}{2}$ grad. procurrit, versus extremitatem, ubi prolixior æstatis dies horas quindecim cum quadrante perseverat.

Bearnensis ager binis annibus irroratur; uterque vero *Gabarus* appellatur, vulgo *le Gave*; nascitur unus è præruptis Bigerronum montibus, in Arragoniæ finibus, de altero dicetur inferius.

Lascar, vel *Lescar*, quam Latini *Bearnensium* civitatem, & *Bearnum* nominant, à modernis *Lascurra* vocitatur, ob aquarum illuc concurrentium copiam, in maximum indigenis emolumentum; inde etenim planities fertiliores evadunt, & amœniores. Hæc civitas collis dorso imminet, centenisque gaudet fontibus: Exornatur Episcopatu, ac nobilissimum habet templum D. Mariæ sacrum, ubi Navarræ Reges, ac Bearnensium Principes sibi Mausolæa extruxerunt; ibi quoque Margareta Valesia contumelata est, alique Heroes, & Femina insignes.

Primus hunc Episcopatum rexit S. Iulianus, anno 506, quem subsequutus est S. Galactorius, & alii, quorum seriem texere, aliorum est; nos quippe regiones solum, & quædam obvia non adeo prolixi laboris exhibemus; cætera Historiographorum messis uberrima sunt.

Vno duntaxat à Lascurra milliari visitur Pavensis civitas, Gallice *Pau*, in crepidine posita, cui etiam castrum assidet, è qua jucundissimus in subterfluentem amnem prospectus; Locus hic, maximi omnium Regis, Henrici nimirum IV, ortu celeberrimus est. Quinis inde leucis sita est *Ortez* in collis acclivi; cernuntur in crepidine veteris castrì de *Moncade* vestigia, cum turre vetusta, in qua Gasto Phœbus suos asservasse thesauros creditur, Caroli VI Regis ætate, quæ quidem ad oram fluminis pertingit, ubi pons egregius sternitur. Emenis postmodum duobus hinc milliariibus, *Belloc* conspicitur, cum superstitibus veteris Bearnii reliquiis.

Porro Gabarus alter, cui cognomen d'*Ossau*, Gallia.

ut à Gabaro d'*Oleron*, qui ex Ossaviensi, & Aspensensi coalescit, discerni possit; è Pyrenæis montibus scaturit, ubi Bearnensis regio ab Hispania separatur juxta *Saillen* pagum Arragonensem. Binæ scaturigines in montis crepidine visuntur, invicem contiguæ. Hic Gabarus rapidissimus est, tribusque ab Ossaviensi monte milliariibus *Gabas* Xenedochium in hospitium peregrinorum extructum offendit, illi quippe impeditissimis hinc itineribus maxima è nivibus incommoda perpetiuntur. Relicto *Gabas* hospitio, & producto duarum leucarum itinere, pertingis ad montes sulphureos d'*Aigues-cautes*; unoque inferius milliari Gabarus amnis vallem *Ossau* ingreditur duobus protensam milliariibus; hic locus de *Laruns* monti objacet; *Bielle* autem illius gremium occupat, ubi Vallis generalia Comitia celebrantur; & *Aru-dy* uno inferius milliari, ubi perelegans mercatus. Gabarus igitur valle egressus ad Iluronam urbem, vulgo *Oloron*, properat, sic enim in Itinerario Antonini vocatur; oppidum hoc cum præcella turre in eminente aggere positum est, à lævaque flumine perluitur, & à præclaro suburbio ponte saxeo determinatur. Sedes est Episcopalis.

Gabarus autem Aspensensis, qui in arduis Pyrenæorum jugis oritur, loco *Summus portus*, in itinere Antonini dicto, vallem Aspensensem, vulgo d'*Aspe*, binis inferius leucis subintrat. Ceterum ipsa vallis angusta quidem est, sed quinque leucis protenditur, completiturque Baroniam de *Lescun*, in confinio Navarræ & Arragoniæ positam; & *Acos*, ubi generalis Ordinum Conventus convocat. Adit deinde Gabarus celeberrimam D. Mariæ de Sarrancia Ædem; ex ipsa postmodum valle egressus *Pene d'Escot* petit, ubi Iulius Cæsar contis & ferro per cautes invias, & durissima saxa viam sibi aperuit, prout insculpta in scopuli apice monumenta testantur. D. Mariæ burgus ab Ilurona, *Oloron*, ponte separatur, ubi Gabarus Aspensensis Ossaviensi jungitur. Tribus inde leucis *Navarren* oppidum reperitur; emensoque pari spatio, *Sauve-terre*, cum castro veteri, & diruto; hinc campus angustus, at septem leucis oblongus terminatur. Binis quoque hinc milliariibus, uterque Gabarus, uno jam decurrentes alveo, in Bayonæ pelagus immerguntur.

Isti fluvii non sunt hac in regione navigabiles, sed piscosissimi, truttasque, lucios & salmones magna proferunt copia. Notantur alii quatuor rivuli truttis quoque fecundi, *Lozon*, *le Nez*, *du Vert*, & *Lourdios*.

Vtroque Gabaro conclusus hic ager, quatuor leucis in colles vitibus confitos, arvis pascuisque oppletos dilatatur. Quatuor numerantur burgi immunes & liberi, *Asson*, *Bruges*, *Gan*, *Monein*, queis adjiciuntur *Luc*, *Lagor*, *Viele-Segure*, *Saobalade* & *Maslac*. *Salies* oppidum, in illo terræ angulo, qui

V u u

Qualitas.



qui Belloc & Cassaner interjacet, positum est. Hic aquæ salæ scaturigo, unde sal album conficitur in usum ipsius regionis, & tractuum illi adjacentium. Hic Bearnensis quinas latitudine leucas implet, tresque in portiones dividitur, superiorem nimirum, mediam & infimam. Lembeye urbecula, censetur hujusce tractus caput, in cujus laudes sic effunduntur indigenæ, ut quasi præcipuam Benearnensium deprædicent.

Benearnensis regio aëre salubri gaudet, à contagio morbisque epidemiis immunis, etsi hujusmodi ægritudinibus vicini confluentur; non est ubique sibi similis, alicubi enim montibus attollitur, alibi in planities vallesque diffunditur, adeoque varium est soli ingenium pro tractuum varietate; grandinibus frequens percellitur, præterquam quod ager naturâ suâ sterilefcit, nisi fimo lætificetur. Tractus Iuranfonijs vina exquisitissima profert, quæ etiam Burdegalesibus laudem præripiunt; nec desciscunt quæ in vinetis de Gan, Gelos, S. Haut, & Artigueloube enascuntur. Copiosissima inibi cervorum, damarum, aprorum & cuniculorum venatio, & maxima perdicum quam alibi crassiorum multitudo. Solum montibus proximum fructibus ac vinetis destitutum est: hordeum abunde producit; silvas habet & pascua, quæ plurimos nutrit animalium greges, è quibus lac, butyrum atque caseum tanta copia extrahit, ut & populis circumvicinis suppeditet. Valles amœnæ sunt & fertiles, hic fontes limpidissimi magno numero scaturiunt, molæ plurimæ circumaguntur, prata latissima vernant. Vallis Iosbaige horreum & delicia Benearnensis quaqua versum regionis existimatur.

Fontes. Fons d'Aigues-cautes, qui in monte Offaviensi nascitur, diversas ægritudines sanat; sulphur quippe, nitrum, & alumen sapit. Fons Ogevensis, Ogeu, dotes habet singulares. Aquæ fontis Aas inflatis sclopeto, aliisve ignariis machinis vulneribus saluberrimæ sunt; unde & talium vulnerum Aqua vocatur, vulgo Eau des Arquebuses; prædictis fontibus accensentur & alii morbis salutares, Aspe nimirum, Aygues-bonnes, & Baure.

Metalla. Sunt quoque hoc in tractu ferri fodinæ atque officinæ, quin & plumbi, æris, argenti, & marmoris, quæ necdum sunt apertæ.

Benearnenses incolæ, optimæ sunt indolis, suapte natura hilares, ingenio acri, & bonis artibus idoneo; in bello strenui; domi, rebus suis intenti, homines frugi & sobrii; attamen in excipiendis exteris profusi. Qui autem ruridegunt, laboribus sunt indefessi, absque dissimulatione & fūco; seduli rei familiaris administratores, qui etiam ex juris apicibus lites serere norunt. Porro Nobiles sunt magnanimi, officiosissimi, liberales, magnifici; mulieres quidem vestium elegantiam sectantur, attamen singulari pudicitia ac modestia præditæ, & virorum suorum sincere amantes. Vernacula sibi lingua complacent Benearnenses, eamque cujuscumque gentis idiomati præferunt; neque in actibus publicis aut concionibus alia utebantur lingua, usque dum Edicto Vnionis, Gallicum idioma in actibus Iustitiæ fuit introductum. Varii variè loquuntur, & unaquæque civitas propriam dialectum, & singulares terminos sibi vendicat.

Benearnensis ager sufficientem suis habitatoribus frumenti aut vini non profert annonam, adeo ut à vicinis perquirere opus habeat; hanc tamen inopiam solatur aliarum rerum copia, lini, scilicet, panni, gregum & armentorum, quæ Cæsaraugustæ divendunt & alibi; unde non modicum quæstum faciunt.

Vires. Tota fere hæc regio insitis à natura munimentis vallata est; nam Pyrenæis montibus adversus exterorum incursiones defenditur; & Navarrenx civitas, quantumvis exigua, validissima est, quinque enim propugnaculis obarmatur, præclaroque muro circumvestitur, situ optimo collocata; unde & totius regionis censetur armamentarium, omni apparatu bellico, & præfidiario milite instructum. Sunt & alia munitissima loca, præter quæ strenuos, ut diximus, habet incolas, & quidem numerosissimos; etenim 6000 bellatores potest in aciem educere.

B A S C O R V M R E G I O , Biscaya, Navarra, Principatus de Bidache, &c.

Pays des Basques. **F**orsan à Vasconibus nomen accepit hæc regio; ipsi enim illam insederunt ante stabilitam Novempopulaniam, cui etiam nomen imposuerunt.

Incipit à Bayonnæ pelago usque ad Fontarabiam, indeque in Ortum procurrit secus montes Pyrenæos, qui & Hispaniam circumscribunt. Quindecim leucis protenditur in longitudinem, septem vero aut circiter in latitudinem.

Diviso. Tres in provincias dividitur, scilicet in Lapurdensem tractum, vulgo Pays de Labourd, inferiorem Navarram, & Vicecomitatum de Soule; Biscaya quoque & Guipuscoa huic etiam regioni possunt accenseri; nam & præcorum Cantabrorum nomine comprehenduntur.

Lapurdensis tractus 23 amplissimis constat burgis, quorum præcipui sunt, S. Ioannis de Luz dicti, & Sibouré. Pons duntaxat utrique burgo interjacet, qui Niveo amni sternitur, quo etiam quotidie reciprocos perfluit maris æstus. Hic quoque eximius est portus.

Nive fl. Ab Occasu clauditur Oceano; Bidasso flumine, Iron districtu in Guipuscoa provincia, & tribus superioris Navarræ vallibus à Meridie; ab Ortum, Navarra inferiori; ac demum Bidouze & Adour amnibus, ab Aquilone.

Irroratur aquis Nivei fluminis, quod lingua Gentis Errobi nominatur, profluitque ex inferioris Navarræ montibus, atque piscosissimus est.

Tractui Lapurdensi contigua est inferior Navarra, hosque fines habet, nimirum Valles de Bassan, de Valderro, de Roncervaux, & d'Ahescoa, versus Meridiem; Tractum Soulensem ad Ortum; Benearnum, Aquense territorium, & Principatum de Bidache, à Septentrione; neque longius aut latius expanditur, quam tractus ipse Lapurdensis; sex circiter leucas tum longitudine, tum latitudine colligit.

Diversas sortitur jurisdictiones, Cize, nempe, Mixe, Ostabarez, Arberonne, Baigorry, & Armendarits.

Voca-

Vocatur autem *Imus Pyreneus*, in Itinerario Antonini.

S. Palais, five *S. Pelagii* oppidum, aquis *Bidoufæ* cingitur, editissimoque loco constitutum est, ac quibusdam clauditur mœnibus, duabusque fossis obvallatur. *Bastida-Clarentia* veteres murorum ruinas exhibet. *Ostabat*, urbecula est, & possessio Dynastarum Luxensium. *Garris* patet absque mœnibus. *Larzabeau*, urbs ditionis regiae, insigni mœnium ambitu, & fossa duplici vallatur. Huic quoque tractui insidet Baronatus *de Lantabat*, & alia loca variis feudorum titulis insignita, nempe *Gramont & Luxe*, ambo Comitatus, *Meherin & Chaux*, Vicecomitatus, aliaque magno numero ditiones Nobilium, qui locum & suffragium in Comitibus generalibus habent.

Bidache.

Bidachensis Principatus, inter Lapurdensem tractum & Navarram inferiorem positus est, elegans & amœnus satis burgus, cujus territorium tribus aut quatuor leucis porrigitur; *Bidoufæ* amni adjacet. Illius ager è possessione est Comitum Grandimontensium, qui & Principatum prætendunt, regiis officiariis in contrarium abeuntibus. Munitissimam habet arcem, quæ Caroli V armis restitit.

Qualitas.


Navarra inferior montuosa est, & aspera, populis frequens: solum, quod ibi maximo labore colitur, amplam satis frumentorum annonam profert, necnon panicum, atque milium. Paucissimæ quidem sunt vineæ, sed quæ delicatissimum vinum præstent. Siceram quoque maxima conficiunt abundantia habitatores, quam lingua

vernacula *Sagarnova* vocitant; atque in hunc usum frequentissima pometa excolunt; hic autem potus gratissimus est, & plebi ordinarius. Aquæ minerales *Laccaræ* inveniuntur.

Navarræ inferioris incolæ eleganti corporis *Mores.* habitu præditi sunt, exercitiis omnibus habiles, urbani, Litterarum artibus, & armis idonei; suo idiomate disertissimi. Venationis oblectamenta sectatur Nobilitas, strenua, affabilis, supellectile, vestitu & equis splendidissima; cultus feminarum nobilium nitidissimus, Franciæ morem in omnibus imitatur.


Maximæ regionem hanc silvæ occupant, & *Opes.* amplissima pascua, ubi numerosissimos animalium greges nutriunt, quæ postmodum non vili pretio distrahunt; equi quamvis exigui, attamen ab exteris perquiruntur. Ex lanis quoque pecuniam colligunt; porcos & sues apud Hispanos divendunt. Qui autem in limitibus degunt, textilia linea, atque volatilia in superiorem Navarram transmittunt.

Totum quacunque patet Navarræ regnum sex *Divisio.* Baillivatibus dispertitur, scilicet, *Pampelune*, Regum secessus; *Estella*, ubi Vianensis Principatus, & primogenitorum Navarræ titulus; *Tudelle*; *Olite*; *Sanguessa*; & *S. Iean-de-Pied-de-Port*, quem Hispani *Terra de Bascos*, vel *Ultrapuertos* vocitant; nam ultra Pyrenæos Hispanæ est ditionis. Quare neque nos impræsentiarum ultra progrediemur, neque enim in Gallia agentibus præscripto transgredi terminos licet.



PROVINCIA LANGVEDOCIENSIS.

Languedoc.
Limus.



Mnium Gallia Provin-
ciarum præstantissima
est Languedociensis. Ea
limites habet, ab ortu
Solis quidem, Roda-
num; à meridie mare
mediterraneum, mon-
tesque Pyrenæos; ab
occasu Garumnæ; à
Septentrione fluvios du
Tarn, de Tescou, de l'Aveiron, de Biaur, cum monti-
bus de Rovergue, & de Auvergne.

Divisia.

Copiam habet tritici, quod longe lateque suf-
ficit, & in Italiam & Hispaniam distrahitur. Gal-
hiac, Rabasteins, Nîmes, Beaucaire, habent nobilissi-
ma vina; Limoux alba; Frontignan apiana. Olivæ
proveniunt in inferiori Languedocio. Salia fiunt
in salinis de Pequais. Aves benarris & ortolans ca-
piuntur in planitie camporum de Tholouse, & Pa-
risiis in regia mensa ferculis apponuntur. Fru-
ges, poma, pruna, fici, Armeniaca, illæ quæ pa-
pies vocantur, granata, hæc, & alia, nascuntur
in dumetis. In Cemennes castaneorum est luxuries.
Promptuaria glasti, vel isatidis, sunt in Laurag-
uez, unde tinctores & ars bapfica colores de-
promunt sibi. Crocum præstant Albigenfes. Pa-
ludes & margines pelagi suppeditant id quod sa-
licor vocatur, quæ materia est vitro faciendo nati-
va. Ex ea vitra conficiuntur admirando artificio,
inter illos qui stemmatis sui nobilitatem hoc il-
lustrem reddunt. Sabula complurium fluminum
sibi mixtam habent auri argentique arenam. Ad
valetudinis sanitatem conservandam, augendam,
aut recuperandam, famosæ sunt thermæ, & bal-
neæ, de Baigneux in territorio Gevodan, & de Ba-
laruc in diocesi de Montpellier. Recte dicunt ergo,
qui dicunt, terram Languedociensem terrestrem
esse Galliarum Paradisum: quippe quum nil in ea
desideretur, quod vel integritas naturæ, vel ar-
tium fastigium, vel amœnitas vitæ, societasque
postulare queant.

Fluvii.

Eximium decorem huic provinciae confert
maximus numerus fluviorum, qui illam alluunt
pelluuntque.

Garumna.

Rex fluviorum est Garumna, qui fluvius al-
luit metropolim Tholosam, Volcarum Tecto-
sagum, mœnia nempe illius. Cognomentum ha-
bet la Grande; quod magnus sit in omnibus di-
mensionibus suis. Ejus cursus, procedens ab ex-
tremate unius regni, centum sexaginta leucas
Gallicas exantlat, priusquam perveniat ad alius
regni extremitatem. Alveus ejus tam latus est,
ut instar pelagi referat inde à Burdegala ad Ro-
tomagum usque. Aquæ tam profundæ sunt illi,
ut non nisi in perpaucis locis vadum haberi
queat, ne quidem in extremis siccitatibus æsta-
tis, idque maxime procul ab ostio ejus. La Gran-
Gallia.

de vocatur ob maxima commoda, quæ quaquæ-
versum confert, ad mercaturam tritici, vino-
rum, lignorum, variarumque mercium, quæ
quotidie ex ejus portibus in portis transferun-
tur; & ob alia commoda quæ annuatim in lito-
ra appellantur. La Grande vocatur, ob exunda-
tiones suas, quales ab incolis vocantur Suberne,
quando videlicet è limitibus suis evagatur, ac se
longe lateque, in hyeme turgidus à pluviis, quem-
admodum in æstate à nivalibus aquis, expandit;
depopulatione sua non minores terrores incu-
tiens undiquaque, atque hostiles copias solent.
La Grande vocatur, & ob suas prosperitates: dum
habet in marginibus suis duo suprema Parlamen-
ta, quæ jus dicunt populis: duos Archiepiscopa-
tus, Episcopatus quatuor, cum duabus Vniversi-
tatibus: & ob numerum pulcherrimarum ur-
bium, quarum protectionem hic fluvius susti-
net non tantum, sed & nutritionem. La Grande
vocatur, ob suas adversitates & calamitates;
quando compluries vidit in marginibus suis &
bella civilia, & Gallos Anglosque se invicem tru-
cidantes, ut amborum sanguine fluctus aqua-
rum cruentarentur. Denique la Grande vocatur,
quod aquas plurium quam quadraginta annuum
absorbet, novemque vel decem provincias al-
luit. Garumna, post primordia sua, non est exi-
lis. Quæ primordia nanciscitur ille in montibus
Pyrenæis, è fonte prope Arragoniam scaturien-
te, qui meat per vallem de S. Beat. Vbi augetur
quibusdam rivis & torrentibus; qui ex his sale-
brosis collibus decidunt cum impetu. Posthæc
irrigat mœnia oppidi de S. Beat; pergit ad S. Ber-
trandi, ubi est Episcopatus de Cominges. Ibi reci-
pit aquas de la Creste & de la Neste: pergit ad Cose-
rans sedem Episcopatus: inde præterlegit ter-
ram Cazeris cum Episcopatu de Rieux & Muret.
Vix hinc digressus, assumit sibi, ab uno latere,
la Loigné, quod provenit è valle d'Aure; ab alte-
ro, l'Aurige, duas leucas ante Tolosam. Hinc
illi se jungunt la Larget, le Lers, la Leze, & com-
plura alia fluentia; donec se objiciat portis To-
losæ; ubi ingressum facit sub pontem, qui unus
est è superbis Franciæ. Garumnæ heic relin-
quemus, quod postea opportunius illum abhinc
ad ostia sua usque deducemus.

Rhodanus, le Rofne, nomen trahit, secundum
eruditum Petrarcham, à Latino rodere; eo quod,
secus longitudinem alvei sui, terram suffodiat &
erodat, ad instar militum prædatorum, qui de-
populantur omnia quæqua vagantur, & perdi-
tum veniunt eos apud quos diverforium quæ-
runt. Atqui Eusebius autumat, quando incolis
Rhodi insulæ territorium angustius esset, quam ut
ferretur alereturque tanta multitudo, eos misisse
colonias in Galliam: quæ, venientes in oras
Rhodani, terræque bonitatem cognoscentes, ibi
de-

X x x



desederint, ipsique fluvio *Rhodani* dederint nomen. Ut adeo nomen habeat *Rhodanus* ab externis, originem autem à monte *de la Fourche*, qui pars est montis *Godan*, in regione *de Vallais*. Ipso jure nominatur hic mons mater fontium. Nam *Danubius*, *Rhenus*, *Rus*, & *Tesis*, *Rhodanusque*, hic ortus habent suos, primosque fontes. Hic *Rhodanus* aliquandiu provolvit sese inter rupes *de Vallais*, donec mœnia abluat *de Sion*, quæ regionis caput, præterfluatque locum *de S. Maurice*, ut illabatur lacui *de Geneve*, sive *de Losanne*. Quem medium à primo extremo ad alterum ita secat, ut neque fluvii aquæ cum lacûs misceantur, neque lacus nigricantes & torpentes puritatem *Rhodani* clarissimam rapidissimamque confundant. Regio *du Vallais* à vallibus nomen habet, quas montes rupesque circundant. Ceterum, torrentibus rivisque, qui se tradunt *Rhodano*, priusquam perveniat ad *d'Yvorne*, non par erit numerandis, nisi qui stellis numerandis par est: nominatim vero nuncupandis nemo par est, qui non est *Helvetius*. Inter tales numerantur, *Elin*, *Egin*, *Buum*, *Saltina*, *Vesph*, *Vsents*, *Born*, & *Drance*, ab uno latere: *Viesch*, *Massa*, *Lanz*, *Dala*, *Sitta*, *Moissa*, *Lisserna*, alique, ab latere altero. *Rhodanum* hi procul dubio sic roborant, ut ille vi cursuque puritati suæ conservandæ sufficiat. Inde pervenit *Genevam* usque, indeque *Lugdunum*: ubi *Rhodanus* & *Araris* confluent, posteaquam ille tam longo cursu plura grandiora flumina suscepit. Exinde vadit secus *Vivarezium* ad usque *S. Pierre des Bœufs*, circum initia *Languedocii*, usque ad *Serleire*, *Peraud*, *Andance*, *Tournon*, & secus *de Crussol*, usque ad *Soyon*, *Charmes*, *Beau-chastel*, *la Voulte*, *au Poisin*, ad *Bays*, *Rochemauve*, ad *Teils*, *Viviers*, *au Bourg*, *au Pont-saint-Esprit*, *Roquemaure*, *au Lers*; (quod est castellum in insula;) à *S. André*, *Aramont*, *Vallebreque*, *Ville-neufve* apud *Avignon*, *Beaucaire*, *Fourques*, *S. Gilles*, *Becais*. Hoc prolixo cursu separat *Delphinatum* & *Provinciam* à *Languedoc* secus *Vivarez*, & diœceses *d'Vzez* & *de Nismes*; recipitque illo ipso latere *du Languedoc* flumina, rivum *de Limonin*, proveniente in ejusdem nominis pago, facientem discerniculum inter *Lyonnois* & *Vivarez*; (à quibusdam *Charvanay* vocatur;) post hunc *Canse*, qui, juxta nonnullos, pervenit usque ad *Annonay*; *le Doux*, qui venit à *Vellay*, vadit ad *Sainte Agreve*, & se projicit in *Rhodanum* ad *Tournon*; *Erieu*, venientem à *Boutieres*, quæ regio est terræ *Vivarez*, ac separantem superius *Vivarez* ab inferiori, & ad *Beau-chastel* in *Rhodanum* intrantem; *Ardeche*, qui post suum ortum, pone ostium *de Chassezat*, separationem facit inter *Vzeige* & *Vivarez*, & vadit ad *Vogveer* & ad *Aubenas*, pergitque usque aux *Vaux*; *Ceze*, qui provenit ex *Cevennes d'Vzez*, & abit ad *S. Ambrois*, ad *Bagnols*, intratque in *Rhodanum* apud *Codelet*: denique duplex *Gardon* & ipse prodit à *Cevennes*; alter vadit ad *Alez*, & vocatur *Gardon d'Alez*; & alter ad *Anduse*, & *Gardon d'Anduse* nominatur: qui duplex *Gardon* deinde se jungit sibi in unum apud *Ners*: exinde progreditur *Gardon* integer usque *Bocoyran*, & usque *saint Anastasiers*: infra pontem *de S. Nicolas*, unam leucam ab *Vzez*, *Gardon* recipit illum qui *Alzon* dicitur, nascentem supra dictam urbem; at infra illam idem *Alzon* in se recipit illum qui *Eyssene* no-

men habet, seseque perdit *Alzon* in *Gardon* quem dixi: qui *Gardon* continuat cursum secus *de S. Privat*, usque subter pontem *du Gard*, vel pontem *du Gardon* dictum; qui pons inter eximias antiquitates *Europæ* numeratur, habens treis fornices, humilem, altiore, & sublimem; quorum hic pertinebat ad aquas *d'Vzez* usque *Nismes* conducendas; cujus rei vestigia adhuc extant: *Gardon* tandem, apud *Coms*, *Rhodano* sese insinuat. Hactenus detenti sumus à fluminibus quæ *Rhodano* se tradunt. Ipse *Rhodanus* in vallibus *Helvetiorum* tam arctus est, ut de monte in montem super longa trajecticia tabula transeat. Hic, circa *Vienne* & *Lyon*, circaque *la Camargue*, quæ sunt Aquæ mortuæ, *Aigues-mortes* dictæ, tres leucas infra *d'Arles*, suis eluvionibus anniversariis perquam formidabilem sese reddit. Hic idem, qui tot nobilissimas provincias alluit, perluit; multasque civitates, per commercia ditat; qui *Sabaudiam* à *Brixia* discernit, limites dat *Delfinatus*, *Provinciamque* à *Languedoc*, id est, *Galliâ Narbonensi*, separat; qui pontibus quindecim sedecimve transiit; hic tres leucas infra *d'Arles* in mare *Mediterraneum* immittit sese; dulceisque suas aquas, magno processu in altum facto, incorruptas conservat.

Flumen *Vidourle* oritur infra castellum *de S. Roman*, in *Cevennes*; tendit ad *S. Hippolyte*, ad *Sauve*, *Quissac*, & *Sommieres*; & receptis in se fluminibus, *le Vistre*, (quod à *Nismes* venit, & tendit ad *Bernis*), & *la Iante*, (quod tendit ad *Mayrreys*), & *l'Arre*, (quod pellit *le Vigan*), facit stagnum *de Taur*.

Berangé oritur supra *de Castries*; tendit ad *Fontmagne*, ad *S. Brez*; & facit stagnum *de Perots*.

Salazon tendit ad castellum *de Salazon*; & infra *du Crez*, intrat in stagnum.

Le Lez, id est, *Ledum*, originem habet in *valle de Montferrand*; procedit ad *Bades* infra *Montferrier*, ad *Castelnau*, secus *Montpellier*, subter pontem *Iunevau*; intrans in stagnum à *Lates*; postquam assumit *l'Arrieyre* sive *Merdanson*, exiguum rivum, qui vadit versus *Montpellier*.

L'Amousson oritur supra *de Grabele* in diœcesi *de Montpellier*: pergit ad pontem *de l'Amousson*; intratque in stagnum *de Perots*.

Erbaud, Latine *Rauraris*, originem sumit à *Mont-aygal* in *Cevennes*: procedit secus *de S. Guilhem* desertum, secus *d'Agnane*, *de Gignac*, *Montagnac*, & *Pefenas*, usque ad *Castelnau de Guers*, prope *S. Tebery*, prope *Florensac*, usque ad *Agde*. Dehinc in itinere suo hic *Erbaud* assumit *Arré de Vigan*, *Vis du Larsac*, *Buege de S. Jean*, *Lergue de Lodeve*, *Boine de Lezignan*, *Peyne de Pefenas*, & *Tougue de Valros*. *Lergue* admittit ad se amnem *de Soulongre*, infra urbem & castellum *de Monbrun*: qui *Soulongre* nascitur duabus leucis à *Lodeve*. Idem *Lergue* admittit quoque amneis, *de Gourgas*, *de Laurous*, *de Salagon*, & *de la Marguerite*: qui proveniunt in eadem diœcesi *de Lodeve*. Hos omnes ille *Lergue* secum vehit in amnem *Erbaud*. Hic *Erbaud* tandem in mare *mediterraneum* se, cum omnibus assumptis fluminibus, exonerat. Totus hic tractus *d'Erbaud*, una cum tot vivis fontibus enumeratis, tam fertilis est omnigenum frugum, ut revera flos & coronamentum dici possit ipsius *Languedo-*

guedocii seu Galliae Narbonensis, amoenissimum-
que solum Franciae paradisi, immo altera Arabia
Felix, & deliciarum locus.

Orb flu.

Flumen Orb exit è montosis S. Pontii Tomme-
riarum; pergit secus Bedarriens, Cessanon: ad Besiers
subit lapideum pontem; ubi Liron se dedit il-
li: dehinc venit ad Ville-neufve prope Besiers; amit-
tit se in mare, infra Serignan; ubi canalem facit.
Recipit in se Verne, supra S. Chignan; item la Iau
de S. Pons, & Vicoussan.

Aude, du-
plex.

Flumen Aude, id est, Atax, exit è Pyrenais, nem-
pe de montosis du Saule, prope Catalauniam: per-
git ad Anglès, Puech-Valadon, Querigut, Mijanes, &
Sou in terra de Donezan; petit Axar, Balbianes, Guil-
han, Corisa, Alet, Limous, Cassolens, Carcassonne, Tre-
bès, Marzeille, Pechairic, & Narbonne: dehinc est
canalis manufactus à Salleles usque ad mare. Ca-
nalis de Narbonne vadit in stagnum de Bages, vel de
Periac, apud Nouvelle. Hic canalis recipit la Bols-
ne, que petit Caudies & S. Paul de Fenouilles in dioe-
cesi d'Allet. Apud Carcassonne recipit fluvius Aude
in se l'Hiçie, qui jam auctus est illo du Fresqueil.
Hiçie vadit ad Villepinte, ad Alsonne, & versus Car-
cassonne. Porro, l'Aude recipit etiam in se omnes
hic sequentes: Argent double, qui pergit ad Caumes,
Rieux, & Liran: recipit & Cesse, qui petit Cabesac
& Bisin: item Orbieu, qui petit la Grasse, & se jun-
git ipsi Taur prope Lezignan.

Alterum Aude, quod le vray Aude vocatur, Aude
Germanum propriumque, petit Coursan, & præ-
ceps labitur in stagnum de Vaudres du Loup, ubi est
transitus Lupi.

Berre
amnis.

Flumen Berre amittit se in stagno de Bages, post-
quam transivit Sijan.

Latet,

Amnis de Latet pertinet ad territorium & Co-
mitatum de Roussillon, qui est ipsi Languedocio vi-
cinus, & ad Galliam, Franciamque ipsam perti-
net. Qua de re alibi. Amnis provenit è Pyre-
nais; pergit ad Olire, Ioncet, Ville-Franque, Vinsa,
Rodes, Ilha, Perpignan, & Canet. Vbi in mare se
immergit.

Tarn, &
alii.

Amnem Tarn Cæsar seu terminum locat inter
Languedocium & priscos Perigordins, tametsi in-
terjacet omnis regio Cadurcii, quæ per hunc Tarn
separatur à Languedocio, inde ab ostio fluminis
usque ad Tescon, & nonnihil altius per l'Aveyron,
quod Aveyron consequenter discernit inter Langue-
doc & Rovergue. Aufonius hunc Tarn nominat fl. au-
ri. Ille descendit è montosis Cevennes per medium
rupium & præcipitiorum du Gevodan. Vnde per-
git ad Florac, Espagnac, Quesac, S. Eremie, & S. Che-
ly: & per le Rouvergue venit ad Compeyre, Millaud,
Creissels, & S. Rome: deinde per l'Albigeois ad Am-
bilet, Albi, Galbac, ad insulam d'Albigeois, ad Raba-
stens: tandem per Ville-longue venit ad Ville-Mur
& Ville-Bourbon, quæ pars est de Mont-auban, seque
agit in Garumniam. Ipse Tarn recipit in se Tarnou
amniculum. Recipit & Doubie prope Millud:
Sernou prope la Sorgue. Recipit amnem Agout,
amniculum Tascon, (fortasse Tescon, de quo paullo
ante.) Recipit l'Aveyron. Doubie oritur inter le Ge-
vodan & les Cevennes. Sernou exit è S. Eulalia in
Loderes; pergit ad saint Rome de Sernou. La Sor-
gue provenit in propinquo castri de Sorgue, & va-
dit versum Cornus. Agout exit è montosis de la
Chaume; trajicit le Castres; pergit ad Frayssè, Bras-
Gallia.

sac, Roquecourbe, Castres, la Vaur, S. Paul & Damiate:
in itinere recipiens Cauler, Toret, Durenque, Da-
dou, &c. Tascon, (Tescon) separat Quercy à Langue-
doc, ut & ipse Tarn, ut dictum. quem Tarn intrat
ipse Tascon ad Montauban. Amnis l'Aveyron pro-
luit è territorio Rovergue; pergit ad Rodès, Ville-
franque, & Najac, in eadem regione; pergit ad
castrum de la Guepie in Languedoc. Ibi assumit le
Biaur, ad S. Antoninum in Rovergue; assumit &
Negrepelisse in Quercy. Le Biaur venit è Rovergue;
quod discernit ille ab Albigenibus; pergit ad Se-
gur, Bonnecombe, Tanus, Pampelone, ad pontes de Sirou
& de la Guepie. Le Biaur assumit amnem Lezert, ve-
nientem è Rovergue, pergentem ad Sauveterre &
ad Castelmarty: ubi Lezert orditur discerniculum
inter le Rovergue & Languedoc: circa vero portum
de Mirandol à Biaur assumitur. Le Serou (Sirou) venit è
Rovergue, vadit ad Rosieres, Monefliers, & Cordes: pro-
jicit se in Aveyron infra Milbars in Albigensem fl.

Loire fl.

Ligeris, Gallice Loire, fluvius, appellatur pater
fluviorum Franciæ. Hic originem habet in mon-
te du Gerbier le Jouy, inter treis colleis, Mesinc, Lam-
bre, & Clergeac circa Concourin in Vivarez. Tendit ver-
sus Goudet, & inde ad Velay circa Puy, ad Ministrol,
ad S. Rambert, & versus alia complura loca ejus-
dem regionis: penetrat in saltus, aliasque Fran-
ciæ provincias. De quibus singulatim dicitur.

Amnis Allier oritur in Gevaudan, in saltu de Mer-
coure, vel, ut alii, de la Verune en Vivarez: transfuit
per les Concules, Lengaigne, aliasque civitates & lo-
ca dictæ regionis: facit discerniculum inter Ve-
lay & Gevaudan: pergit ad Pont-de-château, ad
Marengre in Auvergne, ad Moulins in Bourbonnois:
inde continuat, juncturus sese cum Ligeri inter
Moulins, & Nevers, quando nomen illi perivit.
Tantum est, & quidem satis prolixè, de fluvii &
amnis.

Allier, am-
nis.

Montes Pyrenæi pertinent ad Languedoc, (licet Montes
le Foix ab illis est abscissus,) quod montes de Sauls
separant diocesim de Narbonne à Comitatu de
Roussillon, quod item mons Gebenna, vel Cem-
menus, les Cevennes, penitus pertinent ad Langue-
doc. Quod alibi indicatum; cujus & in descri-
ptione Provinciæ mentio, & eorum quæ ad
montosa spectant. Le Foix abscissus est à Pyre-
næis tantum autoritate suorum Comitum; ne-
que tributum solvit Ordinibus Regni, quoniam
est exemptus.

Saluum est multitudo. At in inferiori Langue-
doc sunt pauciores. In superiori ille de la Grefigne
in Albigeois fert primas, non tantum in hac pro-
vincia, sed etiam longe lateque circumcirca.

Paucæ sunt insignes superbæque domus; pro-
pter amplitudinem terræ vastissimam. Quales
annotandæ; ut Preignes in diocesi de Besiers; La-
vagnac in diocesi d'Agde, circa Montagnac; Canet
circa Clermont; Ceyras S. Felix, circa Gignac, in dioe-
cesi de Lodève; Salleles, circa Narbonne; Villaliers,
circa Carcassonne; la Grange des Prez, circa Pefenas;
Graullet & Castel-fadese in Albigeois; in Comitatu
d'Aubyous; Gay circa Castres; in Comitatu de Bieu-
le; duo Espinets, la Cipierre, & Fontaine l'estang, cir-
citer Toulouse; S. Privat circa d'Vjez; la Verune cir-
ca Montpellier & Montpeyrroux.

Omnis ora maris, à Rhodano usque ad Comi-
tatum de Roussillon, est stipata stagnis, quæ ha-
bent

Y y y

bent canales, qui à fluctibus marinis aperiuntur, iterumque, cum tempore mutantur ac transferuntur: per quos canales è transverso vasti sinus, vel æstuarii mare jungitur stagnis: ita ut naves, ex Italia, Hispania, Barbaria, appellant locis qui stagnis adjacent: quales sunt, *Aiguesmortes*, *Perrats*, *Latet*, *Frontignan*, *Marfeillan*, *Serignan*, *Vendres*, *Narbonne*, *la Nouvelle*, *Laffranquit*, & alii. Sola civitas *d'Agde* appulsum habet commodissimum per ostium fluvii *d'Ernaud*, prope promontorium *d'Agde*, & insulam *de Brescou*. Fluvii Garumna Rhodanusque, qui sunt & grandes & profundi, tam commodos habent portus, ut secus longitudinem cursus sui, in locis adjacentibus civitates colantur.

Diversa nomina.

Provincia hæc primum, idque tempore Augusti, appellata fuit Provincia *Narbonnoise*, propter Coloniam quæ ab Romanis sub Narbone Duce missa huc fuit. Quæ una *Narbonnoise* tunc comprehendebat *Languedocium* & *la Provence*. Anno trecentesimo octogesimo primo ex hac *Narbonnensi* una factæ sunt duæ. Prima *Narbonnensis* comprehendebat *le Languedoc*. Secunda *Narbonnensis*, *la Provence*. Quædam Noticiæ sunt vetustæ, quæ referunt *le Languedoc* sub Provinciam *Viennensem* secundam. Deinde appellata fuit Provincia *du Languedoc*, *Septimanie*, quando Visigothi Galliam tenerent. Verum istæc longe majorem districtum habebat, quam *Narbonnensis* prima. Traditur, *Septimaniam* sic vocatam fuisse propter diuturnam commorationem, quam Legio Romanorum septima ibi morabatur. Aliis hoc potius habetur; eo quod septem fuerint unitæ Provincie; *Viennensis*, duæ *Narbonnenses*, duæ *Aquitanae*, *Novempopulana*, & *Alpium maritimarum*; quorum collegium erat in *Arles*; inde *Septimanie* nomen universis unitis Provinciis datum fuisse; inprimis etiam, quod septem his Provinciis Archiepiscopatus septem subiecti essent, *de Narbonne*, *d'Aix*, *de Tarentaise*, *d'Ambrun*, *d'Arles*, *d'Auch*, & *de Bourdeaux*. Sidonius Apollinaris, qui vixit anno 480, epist. 1, l. 3, sic scribit: *Gothis credite, qui sepe etiam Septimaniam suam fastidiunt*. Gregorius Turonensis, qui vixit anno 600, lib. 8, mandat ut Regi Gontrano hæc fiant verba: *Prius Septimaniam Provinciam ditioni nostræ subdite, quæ Gallis est propinqua. Indignum est, ut horrendorum Gothorum terminus usque in Gallias sit extensus. Tertium nomen, quod erat ipsi Languedoc, fuit Gothia; eo quod Gothi per suum Astaulfum ibi stabiliverant regnum, qui se regem fecit anno 413. Novissimum nomen est Languedoc. Galliarum antiquitus duæ linguæ erant; la langue d'Ouy, cujus metropolis Parisii, & la langue d'Oc; cujus Tolosa metropolis. Hinc Languedoc nomen; item, Occitania, sive Occitane.*

Partitio.

Ordinatio partitio hujus Provincie illa est, quæ fit per duas & viginti dioceses, & totidem Episcopatus. Ex quibus confiunt tres juridicatus vel præfecturæ veteres, *Tolouse*, *Carcaſſonne*, *Beaucaire* & *Nismes*: & duæ Generalitates, *Tolouse*, & *Mompellier*: ipsiusque Provincie in superiorem & inferiorem divisio: Superior undecim has dioceses habet: *Tolouse*, *Carcaſſonne*, *Albi*, *Castres*, *Mirepoix*, *la Vair*, *S. Papoul*, *Alet*, & *Limous*, *Rieux*, *le petit Cominges*, & *le bas Mont-Auban*. Quæ sunt Ge-

neralitates *Tolosanæ*. Inferior consistit in reliquis diocesis, quæ & ipsæ sunt undecim, *Narbonne*, *Befiers*, *S. Pons*, *Lodève*, *Agde*, *Montpellier*, *Nismes*, *Vieux*, *Viviers*, *le Puy*, & *Mende*. Hæ sunt Generalitates *de Montpellier*. Sub hac partitione commemoranda quoque hujus Provincie territoria, Ducatus, Comitatus, Vicecomitatus, Baronatus, aliaque dominatus tam veteres quam novi, ut & novæ præfecturæ, aliaque jurisdictiones minores. Ipsi Ordines Provincie generales desumpti sunt ex his viginti duabus diocesis. Superior & inferior Provincia *du Languedoc* collimitantur inter *Carcaſſonne* & *Narbonne*, in loco de *Trebes*.

Tolosa, Volcarum *Tectosagum*, est metropolis *Languedocii*, quæ sedes regum Gothorum fuit, nomenque regni, civitas antiquissima & Colonia Romanorum. Quæ habuit Senatum, & capitolium; ubi senatores capitolini conventus agebant per longum tempus. Est & amphitheatrum, cujus rudera lustrantur prope urbem è regione castris *S. Michael*, in territorio *des Ardenes*, vel *Arenes*. Vbi extant vestigia aqueductus. Et prope *la Cypiere* campus arcuum vel fornicum. Extant & alia monumenta vetustatis in templis certis, quæ creduntur fuisse Iovis, Apollinis, Palladisque. Hæc urbs hodieque secunda est Francie post Lutetiam, tum quod ad circuitum, tum quod ad emolumenta. Veteres eam tradunt adhuc majorem fuisse, & ex quatuor vel quinque urbibus compositam. Non est dubium, quin diversæ incursiones, quas sustinuit à Gothis, Saracenis, Anglis, aliisque, eam permultum labefactarint. Alias illa divisa fuit in burgum & civitatem, per distincta mœnia, distinctos magistratus, satellites & reditus. In urbe sunt capitolini Senatores duodecim; totidem in burgo. Anno 1346 burgum & civitas in unam urbem sunt contracta, ut adeo ab illo tempore nulla differentia inter burgum & urbem in posterum remanserit. Numerus senatorum capitolii, & regionum urbis, subinde multum variavit. Anno tandem 1438 redactus fuit ad octo regiones & capitulatus: *la Daurade*, *S. Estienne*, *le Pont-vieil*, *la Pierre*, *la Dalbade*, *S. Pierre de Cuisine*, *S. Barthelemi*, & *S. Sernin*.

Primus capitulatus, vel regio *de la Daurade*, comprehendit domus 868, in corpore civitatis, sive in suburbio *S. Cypriani*. Cujus templum est cathedrale, perque vetustum, quemadmodum & templum *de S. Nicolas* in eodem *S. Cyprien*, vel templum *S. Subra*. In hoc tractu sunt: Conventus religiosorum *S. Dominici*, templum *S. Ignatii*, vel domus professæ patrum Iesuitarum; duo conventus religiosorum, *S. Claræ de S. Subra*, & *des Ursulines*; hospitale *de la Grave* pro peste percussis; hospitale magnum *S. Jacobi à S. Subra*; Collegium *S. Nicolai*, vel *de Mirepoix*; Collegium Iesuitarum cum eorum Novitiat; *la Viguerie*; *la Foraine*; *le pont de S. Subra*, vel *de la Daurade*, vel *Pont-neuf*, ad differentiam *du Pont-vieil*, tametsi ille *Pont-neuf* sit pervetustus; area *de la Daurade*; & forum nundinarum publicarum, quod ante hac pratum fuit vel viridarium; cappella vel area *Redonde*, & illa *des Beyrolieres*; portæ item *Pinte* vel *Peinte*, *Taillefer*, (quæ pervetusta,) & porta *de l'Isle*.

Capitulatus *S. Stephani* sumit nomen à templo

Tolosa metropolis.

Pont-vieil.

La Pierre.

La Dalbade.

S. Pierre des Cuisines.

S. Estienne.

plo cathedrali & metropolitano. Extendit se usque ad suburbia, & continet domus 1300: templum S. Stephani vastissimum est, & egregie structum, habens circa chorum cappellas testudinas. Edificium chori templi, quod deflagavit anno 1609, reedificatum est magnificentius, quam fuit ante. Monasterium templi vetustius est quam omnia alia templa. Etiam alia templa cernuntur, ut, S. Iacobi, S. Servatoris, (quod perquam vetustum,) cum magno cœmeterio; S. Georgii, de S. Rome, de S. Albin; conventus religiosarum de S. Pantaleon; capellæ pœnitentium alborum, nigrorum, cœruleorum; collegium S. Martialis, fundatum per Papam Innocentium VI, anno 1359; domus Collegialis de Bolbonne, pertinens ad abbatem de Bolbonne in Comitatu de Foix; domus Archiepiscopatus; domus communis, vel hospitalis, civitatis, cum majori minorique consistorio, splendidisque cœnaculis; & armamentarium. Domui Archiepiscopatus adjacet domus officialatus, id est, Curia justitiæ Episcopi metropolitani, vel aula Archiepiscopi; item apotheca decimarum; & carcer Ecclesiasticus, l'escarlade dictus. Videre est ibidem aream S. Stephani, cum fonte S. Georgii Grifoul dicto, cumque pegmate executionis damnatorum maleficorum; areas, des Clotes, de saintes Carbes, de Montolieu, & de Roaux; cum portis de S. Estienne, de Montolieu, & la porte neuve.

Pont-vieil.

Capitolatus Pontis veteris habet tantum 175 domos. Hic pons est è structura Romana, vel Gothica, eaque sat imperita. Ad hunc districtum pertinent templum de S. Benoist des Feuillans; Conventus religiosarum de sainte Scholaistique, des Repenties, des Hospitalieres de S. Jean de Jerusalem; la Bourse, vel area justitiæ Prioris & Consulum mercatorum, cum pulchro ponte lapideo latericioque, qui de novo ædificatus est ab anno 1544 usque ad aliquod sequenteis; la Cage, ubi prisca consuetudine in Garumna merguntur blasphemi; la Halle; le Chay Redon, sive Cave ronde, cella rotunda; porta de Muret; equitatus, id est, domus pro equitibus Maltesis.

La Pierre.

Capitolatus de la Pierre, qui sic nuncupatur ab area quadam, vel hujus nominis foro, prorsum intra civitatem est, habetque domus 414 tantum. Templum S. Gerardi, alias S. Petri, de S. Pierre, conventus Augustinianorum, & area Mage, cum cruce, nil aliud, ibi lustratur.

La Dalbade.

La Dalbade 748 habet domus, intra civitatem, in insula de Tonis, vel intra suburbia. Habet & templum de la Dalbade, templum de S. Jean; conventum parvæ observantiæ, fundatum à Ludovico XI; conventum S. Claræ, templum Domine nostræ, sive divæ Virginis, du Feretra, vel Feretral; Inquisitionem; templum S. Antonii, l'Isle de Tounois dictum, id est, insulam Antonii, quæ est in fluvio Garumna, populum habens opificum; cum ponte latericio, ab urbe ad insulam usque. Molendina castri Narbonnensis, & portus Garaut, pertinent ad hunc capitulatam.

S. Pierre des Cuifines.

S. Pierre de Cuifines nomen est adeptus à templo & parochia hujusce nominis: habens intra ambitum mœniorum domus 838, templa & prioratus de S. Quentin, & de S. Julian, capellam sainte Radegonde, Franciscanos, vel ma-

gnam Observantiam: conventus Mercedis, tertii ordinis S. Francisci, Minimorum, Capucinarum, Chartistianorum; (qui ordo introductus anno 1612:) religiosarum tertii ordinis, qui de novo institutus: cum Pœnitentibus Gris: collegium de Foix, erectum per Petrum Cardinalem de Foix, anno 1454, cum duabus eximiis Bibliothecis, quarum una manuscriptorum, altera typis excusorum: Collegium de S. Raymond: Collegium de Narbonne, erectum per Ganbertum Archiepiscopum d'Arles & de Narbonne, anno 1342: Collegium de Papillon, de Secondat: tum & Collegium de l'Equille, quod cœptum ædificari anno 1561, continuari annis 1583, 1590, & 1608, sumptibus urbis, cura Senatorum Capitolinorum, pro linguis Hebraica, Græca, & Latina, cum auditorio Theologiæ, (quod extructum anno 1327,) & auditoriis pro Iure canonico & Civili, (extructis anno 1518,) & scholis Medicinæ, excitatis à Capitolinis senatoribus anno 1600. Molendina du Basacle, quæ erant prope castellum de Badaclo, cum porta cognomine, alteraque de las Crofes, cumque portu de Vidou, & hæc ipsa huic capitolatui coherent.

Capitolatus S. Bartholomæi & in urbem sese, S. Bartholomæi.

inque suburbium, extendit. Si ædeis aulicas excipias, juridicasque Provinciæ, numerantur domus 914, inter quas sunt 38 metæ fœniles. Hic visere est templum S. Bartholomæi, in antiquis tabulis vocatum capella regalis; templum S. Michaëlis; capellam divæ Virginis de Nazareth; alia: cum conventibus Carmelitarum, Trinitatis, & Carmelitarum Discalceatorum. Aedes aulicæ, sita ubi olim erat castrum Narbonnense, sunt munimentum totius provinciæ validissimum. In his inclusa, cœnaculum audientiæ, carceres, cancellaria, tabula vel mensa marmorea. Aedes juridicæ translatae sunt in Mirabel. In his sedet Parliamentum. In his est ærarium. Heic vexilla regiae. Heic sedent Thesaurarii vel Quæstores Franciæ. Heic fabrica monetaria. Portæ hujus castri, sunt duæ: una, dicta porta castri; altera, porta Montgaillard.

Octavus & ultimus capitolatus est de S. Sernin. S. Sernin.

Qui & in urbem, & suburbia, se extendit, habetque domus 580. Heic visuntur templum de S. Sernin, perpulchrum & vetustum; ubi sepulti jacent Episcopi, viri illustres; ubi veteres Comites habent sua monumenta. Heic templum du Taur vel Taureau: conventus S. Crucis vel S. Orens; conventus Benedictinorum reformatorum, de novo fundatus; conventus religiosorum de S. Sernin, S. Catharina Senensis; Carmelitarum, de novo fundatus. Sunt & capitolatus hujus, Collegia de S. Bernard, de Perigord, (hoc fundatum est per Cardinalem de Talairan, qui fuit oriundus è domo Comitum de Perigord,) & de Magalone: item curia præfecti juridici, & curia judicis provocationum: portæ, d'Arnaud-Bernard, de Pefonville, de Villeneuve, & de Matebiou.

Capitolini Senatores æqualem potestatem habent, sed unusquisque in suo districtu. Illustres sunt, non tantum in anno functionis, sed & post illustres manent. Tenent claves & custodiam urbis, justitiæ sanguinariam, curiam, & carceres, cum privilegiis aliis. Imagines illorum, anno decursu,

Capitolini Senatores.

curso, in domo civica servantur: quemadmodum Lutetiae mos est Praefecto mercatorum, & duumviris, consulibus item *de Montpellier*. Iuridicatus Tholosanus quam ampliter extendat sese, vix dici potest.

*Alia loca
dioceseos
Tholosanae.*

Mille passus circiter à Garumna occurrit locus qui *Castelnaud de Strettesons* vocatur, qui est dioceseos Tholosanae; locus peramoenus, propter planiciem camporum. Alius est, *Grifolles* dictus, satis propinquus Garumnae; ubi fiunt egregia scalpra, forfices, cultrique. Oppidulum *Hauterive* situm ad amnem *l'Ariege*, ad quartam leucam à Tholosa distans, & propinquum Comitatu *de Foix*; cum *Buset* supra *le Tarn*, ubi est magistratus judicialis regis. *Carmaing*, *Montjoyre*, *Mons Iovis*, burgum & castrum: haec duo in eadem sunt distantia. In hac eadem diocesi comprehenduntur plura alia: ad unam leucam à Tholosa, oppida & burga *de Bresveil*, (sub Archiepiscopo Tholosano;) *Castenet*, *Pompignan*, *Fronton*, (sub commendatoribus Melitenis;) *S. Sulpice* supra confluentem *de l'Agout* & *du Tarn*; *Montastruc*, *Auriac*, *S. Julian*, *Grepjac*, *Miramont*, *Fourquevaux*, *Belpuech* *de Garnaguez*, *Aussone*, *Quint*, *Toulouse* vetus, *S. Iory*, *les Vigueries de Villelongue*, *de Rieux*, sunt de jure Archiepiscopi. Haec diocesis longius quam ipse ager (qui vocari possit *Pays le Toulousan*, ager Tholosanus) se extendit.

De Episcopatu & Comitatu

C A R C A S S O N N E N S I.

*Territorium
Carcassèze.*

Territorium *de Carcassèze* non est permagnae amplitudinis, sed magnos proventus habet, propter amoenos feracisque campos quos illud complectitur. Vetustus comitatus est. Qui nunquam non complexus fuit celebres urbes, *d'Alet* & *de l'Imous*. Confinis est Comitatus *de Redex* & *Razet*.

*Carcassonne
metropolis,
& Episcopatus.*

Metropolis regionis est *Carcassonne*, Carcasio Volcarum Latinis, praeflora Tectosagum civitas; Gregorio Turonensi *Carcassona* super *Akacem* fluvium, civitas supra amnem *de l'Aude*. Vetustis temporibus gubernata fuit per suos Comites particulares, donec *Carcassonne*, Comitatus *de Carcassèze*, *Redex*, *Razet*, &c. additi sunt patrimonio Coronae. *Carcassonne* perverustum municipium est Tectosagum, ab amne *d'Aude* in duas partes divisa, civitatem, & urbem; quae moenibus separatae sunt, & politia uniuscujusque communitatis, distinctis legibus suis, sua jurisdictione, suisque consuetudinibus utentis. Amnis *d'Aude* egregium lapideum pontem habet, & in utraque ripa suburbia. Urbs est inferior, secus amnem, bene exaedificata, habens plateas oppidoquam directas, cum planicie quadrata, in cujus medio cernere datur quatuor portas urbis. Munita est propugnaculis, & validis moenibus circumvallata, ut quae sit limitanea, ac proinde magni momenti. Civitas urbi dominatur, ac circumdata est duplicatis moenibus, cum fossis lacus instar profundis. Castrum habet Gubernatorem vice regis, & praesidium; cum archivis, ad custodiam tabularum, non tantum urbis & praes-

fecturae iudicatus, sed etiam aliorum regni negotiorum. In iis ostenduntur tabulae veterinae, quarum scriptura permultum à nostra hodierna variat; ut quae cernitur scripta in corticibus arborum, in subtili lino, similibusque aliis materiis. Ostenduntur & omnigena vetusta arma, thoraces chalybei, machinaeque bellicae. Quae testantur, quanti momenti fuerit Principibus gloriaeque nobilitatis, hic locus, qui eum pro vallo limitum suorum, & pro gaza divitiarum, elegerunt. Hic est sedes Seneschalli, sedes Praefidis, & Episcopi. Diocesis ipsa jacet inter dioceseis, *de Narbonne*, *Mirepoix*, *S. Papoul*, & *Toulouse*. Praetorianus iudex, Praefectus equitum, sustinent Iustitiam ordinariam regis. Intra urbem vel burgum est *le Viguièr* (Consul) urbis, & Consulatus, *la Viguerie*.

*Municipia
& burgi.*

Municipia & burgi *du Carcassèze*, vel ipsius dioceseos, sunt: *la Grasse*, oppidulum & Abbatia *en Corbiere*, exadversum amnem *Orbieu*. Abbatia divae Virginis prope *Carcassonnem*. *Campendut*, una è Viginti duabus Baronis Ordinum Provinciae, in domo *de Pordiac* in Gasconia, *Montolieu*, oppidulum & Abbatia exadversum amnem *Alfau*. *Villelongue*, Abbatia. *Marzeillette* exadversum stagnum, quod inde nomen habet *Puecheric*, oppidulum & Baronia. *Trebes au Roy*, supra *Aude*. *S. Hilaire*, Abbatia. *Ville-Mouffisson*, regalis dominatus. *Le Mas de Cobardez*. *Ceissac*, novus Marchionatus domus *de Guillelms de Clermont*. *Montreal*, oppidulum & castellania regalis, cum templo collegiali. *Villalier*, burgus & egregia domus Episcopi *de Carcassonne*. *Coffolens*, una viginti duarum Baroniarum Ordinum. *Conques*, burgus pro rege, ex adversum *le Fresquel*. *Douzens*, commendatorium Maltesium. *Marmorieres*, quod à marmoribus, si forte, quae in hoc tractu habentur, nomen habet. *Cabaret*. *Alsomme*, oppidulum, exadversum *le Fresquel*. *Alayrac*. *Salleles*, burgus, & egregia domus, supra *Ataxem*, (*sur Aude*.) *La Caunete*, burgus. ubi argentifodina reperta. *Preysan*, Baronia domus *de Mirepoix*. Iurisdictio satrapae (*du Seneschal*) peramplam habet extensionem, complectens totam diocesin *Carcassonnæ*, partemque illius *d'Alby*, totamque *de Castres*. Episcopatus *de Carcassonne* hodie non ampliter extendit se; habens tantum quatuor Abbantias.

Comitatus & Episcopatus

A L B I G E N S I S.

Alby, urbs Albigenis, vulgariter à Latinis nominatur *Albia*, & urbs *Albigensium*. A Gregorio Turonensi *Albiga*, & à Mattheo Parisio *Alba*. Quod distinguendum ab *Alba Helviorum*. Haec civitas sita est supra *le Tarn*. Habetur pro metropoli *Albigensium*. Vbi & sedes Episcopalis. Vnum consulem (*Viguièr*) heic habet rex; unum iudicem inferioris subfellii; unum negotiorum regaliū. Episcopus se dignatur titulo Domini urbis.

Albigens.


Ecclesia cathedralis, dedicata *S. Ceciliae*, per-elegans est, & egregie exaedificata. Praesto sunt illi regulares viginti, pluresque, & quinquaginta pres-

*Templum
cathedrale.*

municipia
urg.

g.


olum
drate.





EPISCOPATVS
ALBIENSIS,
EVESCHÉ D'ALBY.

Amstelredami exc. Joannes Blaeu.



Dioc

Croix
& op

presbyteri & facellani. Est præterea Ecclesia collegialis S. Michaelis; aliarque & complures conventus. Reditus Ecclesiæ heic sunt permagni: Episcopus ipse amplius quinquaginta vel sexaginta millia librarum habet in annuo proventu. Civitas est clausa bonis vallis fossisque. Amnis, qui subter pulchrum pontem prope mœnia transfluit, commodus est ad commercia, eamque opulentam & mercatoriam reddit; præter fertilitatem territorii, in tritico, vinis, & glasto, vel isatide.

Diœceses.

Ville d'Albigois complexa fuit diœcesis d'Albi & de Castres, cum pluribus judicialibus magistratibus, sine mutatione nominis: nam ante erectionem Episcopatus de Castres, una sola fuit horum locorum diœcesis. Nos ordinem sequimur Episcopatum, & de diœcesi d'Albi loquimur exclusive, separantes eam ab illa de Castres. Vtraque habet duodecim leucas in longitudine; in latitudine octo vel novem, à Senasse usque ad S. Antonin in Rouergue. Diœcesis d'Albi est inter Castres, S. Pons, & inferius Montauban, & inter le Quercy & le Rouergue, media. Habet suos Ordines speciales; quibus principales Ecclesiastici, Barones, & Consules civitatum, assistunt: antea provinciæ Generales habuit. Idem actitatur in Vellay, Gevaudan, & Vivarez.

Civitates & oppida.

Civitates & oppida sunt: Lescure, oppidulum clausum, una ex Baronatibus Ordinum diœceseos. Ville-franque, mœnibus vallatum, pro Comite d'Aubous, cognomine d'Amboise. Castel-vieil, oppidulum clausum, supra Tarn. Giroffens, oppidum & castellum Capitaneatus & sedes Prætoris de Terrebasse, pro Rege. Orbaing, burgus firmus. Bonne-combe, Abbatia. Trevas, Baronatus. Milhars, domus Comitis de Cessac, nomine de Casilhac in Quercy. Cestairols, Baronatus Ordinum diœceseos. Riviere, Baronatus domus de Cheverry. Galbac, unum è duodecim summis oppidis diœceseos, sita è regione du Tarn, sedes principalis Prætoris d'Albigex, Abbatia, sub nomine S. Michaelis de Galbac, & Commendatura, locus celebris ob præstantia vina. Valence, oppidulum cum mœnibus & fossis; unum è duodecim summis oppidis, unde archidiaconus Ecclesiæ Cathedralis de Montpellier beneficium suum accipit; una è sedibus prætoris d'Albigex, sedesque claviaræ dignitatis. Ambilet, Vicecomitatus, & munitus locus, è regione du Tarn, sub Barone du Pujol in Guyenne. Paulin, Vicecomitatus, & munitum castrum. Realmont, unum è duodecim supremis oppidis, prope amnem d'Adou, cum regali præpositura. Clavairie, oppidulum, mercaturâ florens, & munitum, habens quatuor portas. Lombers, castrum & civitas eversa, vetus Baronatus pro rege, (sicut & Comitatus de Castres,) habens prætorem regalem; quæ & ipsa est unum duodecim supremorum oppidorum. In hujus eversæ civitatis locum substituta est inter duodecim civitas Denat. Artez, est burgus supra Tarn, pro rege; antiqua sedes prætoris Albigenis; hodierna sedes illi est ad extremum pontem d'Albi. Cahusac de Vere, una duodecim summarum civitatum. Denat, oppidulum, clausum, pro Episcopo d'Albi. Berens, burgus, cum portu. Ibi Vicarius est prætoris Comitatus Castelenis. La Grave, oppidulum & ca-

Gallia.

strum supra Tarnum. La Guepre, è regione amnis Biaur; ubi hic Biaur se amittit in Aveyron; hic Aveyron autem dat castrum Albigenis, & burgum ipsi Rouerge. Pechbegon burgus, ac sedes claviaræ dignitatis. Candeb, Abbatia. Curvale, exiguus burgus, & titulus magni Baronatus pro rege. Coffolens, burgus pro rege, secus ostium d'Agout, intra Tarnum. Florentin, firmum oppidulum, pro Marchione de Mirepoix. Cadalen, unum è dictis duodecim supremis, & una sedum Prætoris de Terrebasse, pro rege. Insula Albigenis, è regione Tarni, unum è duodecim summis, & una sedum prætoris d'Albigex. Rabastens supra Tarnum, civitas suprema diœceseos, sedes claviaræ dignitatis, una sedum prætoris d'Albigex. Salvagnac, castellum vetus, & oppidulum, pro domo d'Arpajou. Montmiral, oppidum pro rege, cum castello, dicto Castelnau de Montmiral, una duodecim summarum civitatum diœceseos. Pene, civitas & castrum satellitii, pro rege, è regione amnis de Vere, una è duodecim. Cordes, oppidum, situm supra collem instar arcis, muro triplici circumdatum, in propinquo amnis Serou; una è summis, & una sedum prætoris d'Albigex. Monesties, oppidulum & Baronatus, pro Episcopo, è regione amnis Serou; cum castello vicino Combesa dicto, pro Episcopo; una è duodecim. Chastelnau de Levis, firmatum oppidulum prope Tarnum; Baronatus Ordinum Albigenis, & Ordinum provinciæ; cum pulchro castello. Pampelonne, oppidulum pro rege, una sedum prætoris d'Albigex. Pont de Siron, Alban, Ville-neuve, S. André, firmata muris; cum bono firmoque castro. Et nonnulla alia.

Episcoporum vetustas altior est quam ut describatur. Martyrologium Albigenis refert, quod anno circiter trecentesimo præfederit S. Clarus. Post quem omnes successores ad usque nostrum tempus leguntur annotati.

Episcopatus & Comitatus

CASTRENSIS.

Civitas de Castres à Latinis auctoribus vocatur Castra, & Castra supra Aguthum amnem; nam hujus aquis alluitur; quæ profluunt è Gebennicis montibus. Rivi de Durenque & de Toret muros ejus irrigant. Temporibus Caroli Magni satis hæc celebris fuit. Nam ille hic pulcherrimum & opulentum monasterium ordinis S. Benedicti, firmatum privilegiis maximis, erexit. Primum suos dominos; post, Comites habuit. Anno 1521, consulto Parlamenti regii, Comitatus hic fuit declaratus unitus dominationi regiæ. Aguthus amnis hanc civitatem dirimit bifariam. Pars, quæ spectat meridiem, nominatur civitas Goudou, estque metropolis diœceseos, & sedes Seneschalli regii, prætoris item appellationum, quæ provocant ad Seneschallum Carcassonæ. Hic & Camera est edicti, ex Præsidente & consiliariis, è curia Parlamenti Tolosani, & Præsidente & Consiliariis religionis quæ dicitur Reformatæ conflata; qui consilarii, & illinc, atque hinc, numero sunt decem.

Z z z

Op-

Oppida.

Oppida, & loca, sunt hæc : *S. Amans de Valtozet*; quod hinc transluit amnis *de Toret*, secus domos *de Boysseron*, & *Castelnaud de Brassac*, prope *Aguthum*. *Roquecourbe*, oppidulum & castellum supra *Aguthum*. *Vielmur*, oppidulum, & Abbatia virginum. *Graulhet*, Baronia, & amœna domus, pro Comite *d'Aubyou*, nomine *d'Amboise*. Oppidulum *Brassac*, & *Briateste*, castellum custodiae, pro rege; ubi sedes Prætoris *de Terrebasse*. *Damiate*, altera sedes ejusdem Prætoris. *Burlats*, templum collegiale. *Ambrez*, Baronatus vetustus; ubi aditus datur ad Ordines *Languedocii*, qui sunt in præsens *Marchionatus*. *Venez*, Baronatus. *S. Gervasii*, Vicecomitatus, è domo *Tholosana de Lautrec*. *La Cabarede*, burgus in valle *de Toret*. *Val Durenque*. (Est & rivus *Durenque*.) *Serviez*, pro domo *de Castelnaud*. *Viane*, burgus & castellum pro rege, in Comitatu *de Castres*. *La Cone*, oppidulum *Montfa*, Vicecomitatus domus *Tholosanæ*. *Ville-magnie*, Abbatia, &c.

Papa Ioannes XXII erexit Episcopatum hunc anno 1317; primumque nominavit Adeodatum.

In hac diœcesi est & Vicecomitatus *de Lautrec*. Civitas *Lautrec*, pervetusta est. Anno 1072, dominus erat *Bertrandus Vicecomes de Lautrec*. Deinde, anno 1222, alius ejusdem nominis, pater *Sicardi*.

Episcopatus, & Marchionatus

M I R A P I C E N S I S.

Mirepoix.

Civitas *Mirapicensis*, vulgo *de Mirepoix*, sita est in tractu perquam amœno, perfusa aquis *du Lers*, qui Latine *Lertius*. *Mirapicum* vero, & *Mirapicium*, inter *Occitanæ* Baronatus computatur. Eadem comprehensa est inter viginti duas Ordinum *Provinciae*. Ea pertinet ab omni vetustate ad domum *de Levis*. Antiqua fragmenta ostendunt familiam ex hac domo, quæ habuit absolutum titulum *Mareschalli de Mirepoix*. Ex hac domo prognatus est *Guy de Levis*, Eques, dominus *Mirapicensis*, *de Florenzac* & *Montsegur*, *Mareschallus de la Foy*, qui vixit anno circiter 1240. Fœcunda hæc & gloriosa familia dedit nostro sæculo *Alexandrum de Levis*, *Marchionem Mirapicensem*; qui anno 1620 in uxorem duxit *Ludovicam Bethunensem*, filiam *Maximiliani de Bethune*, Ducis *de Sully*. Pater ejus fuit *Antonius Guilielmus de Levis*, *Marchio Mirapicensis*, *Mareschallus de la Foy*, *Vicecomes de Montsegur*, *de Perilhe*, & *de Gimois*, *Baro de la Garde*, *de Teride*, *du Velavet*, &c.

Ecclesia *Mirapicensis*, dedicata *S. Mauricio*, olim simplex parochia fuit; sed anno 1318 Papa Ioannes Vigessimus secundus erexit eam in cathedralem. Primus Episcopus fuit *Raimondus Athon*.

Diœcesis *Mirapicensis* circumscribitur diœcesibus, *Aletensi*, *Apamensi*, *Carcassonnensi*, & *S. Papuli*.

Civitates.

Civitates, & loca dependentia, sunt: *Cinte-gabelle*, oppidulum supra *Aurigeram*. *Gibel*, Baronatus, in præsens *Coronæ*; quem nonnulli annectunt Comitatu *de Foix*. Custodia *Mirapicensis*, vulgo *la Garde de Mirepoix*, sedes ordinaria domi-

norum *Mirapicensium*. *Lauracum* majus, est burgus perelegans, munitus castro vetusto. Qui burgus antiquitus pertinebat ad Comitem *Lauragensem*. Ager, in quo situs hic burgus, inter feracissimos *Franciæ* numeratur. Hic burgus nomen dedit regioni & Comitatu cognomini; de quo infra dicetur. Discernendus est hic burgus, qui *Lauracum* majus dicitur ab *Lauraco Bucensi*, in diœcesi *S. Papuli*. *Leran* est Baronatus domus *de Levis*, qui postea pertinuit ad natu minorem domus *Mirapicensis*. Aliqui hunc inserunt in Comitatum *Foxensem*. *Fanjaux*, (fanum *Iovis*, fanum *Iovis Idæi*), civitas est, optimo castro munita; ubi celebratur sessio & conventus diœceseos. Pertinet autem ad Comitatum *Lauragensem*. *Montsegur* est Vicecomitatus domus *de Levis*. *La Rocque d'Olm* una est supremarum civitatum diœceseos. *Chalable*, oppidulum, & Baronatus. *Bellesta*; hic est fons mirabilis, de quo alibi plenius. *Le Carla*. In hac diœcesi duo sunt hujus nominis loca; tertiusque in diœcesi *de Rieux*. *Les Allemans*, oppidulum; ubi Consilatus regalis est. (*Viguerie Royale*) *Puy-verd*, Baronatus. *Petrus Monachus* vocat *Viride podium*. Burgus *Peyrat* percelebris est propter fodinas lapidis gagentis. Est & in hac diœcesi Abbatia *de Bolbonne*, Comitatus *Foxensis*; & alia.

D I O E C E S I S

V A V R E N S I S.

La Vaur erat nobile & amplum castrum, *La Vaur*. situm supra amnem *Aguthum*, distans *Tholosa leucas* quinque. Cui adjacebat templum *S. Elani*, quod erat vastatum. Hoc *Isarnus*, Episcopus *Tholosanus*, donavit *Flotardo*, Abbati *S. Pontii Thommeriensis* anno 1098, cum hac commissione, ut illud instauraret, adderetque burgum. Qui postea burgus, nomine castri, *Vaurum*, ejusque Episcopi *Vaurense* fuerunt appellati. In hac Ecclesia fuit Prioratus, qui dependebat à dicta Abbatia *S. Pontii*. Hunc Papa Ioannes XXII in Episcopatum erexit, eique sexaginta novem parochias, cum Abbatia *de Sorese*, subjecit. *Robertus Armagnacensis* Episcoporum fuit primus, anno 1318. Hæc civitas est domini regalis. In qua rex Præfectum habet Prætori *Villæ-longæ* substitutum. Diœcesis oppida & loca sunt: *La Gardiole*, Baronatus pervetustus. Nam est unus è viginti duobus Ordinibus *Occitanæ*. Pertinetque ad Domum *Foxensem de Rabat*. *Soricinium*, vulgo *Soreze*, oppidulum in tractu *Lauraguensi* situm supra amnem *de Sor*, qui nomen illi dedit. Hic Abbatia à *Pipino* fundata, ut repertum est superiori sæculo in veteribus fundamentis Abbatiae, quando hæc à funestis factionibus fuit demolita. *S. Verdal*, *Hauptoul*, *S. Germer*, hæc tria, pertinent ad domum *de Toulouse de Lautrec*. *Revel* erat olim burgus, nominatus *la bastide de Lavaur*. Hunc *Philippus Pulcher*, *Franciæ Rex*, muris inclusit. Vnde illi nomen *Revel*, quasi à rege *Bello* clausus. Hæc confirmantur illo disticho quod repertum est supraportam oppidi:

Nunc

Bram,
Castrum.
Bessede.Mas saintes
Puelles.

Ville-pine.

Avignon-
mer.Pamavede.
Laurac le
Duc.Fondille.
Proville.

Nunc nova, quæ quondam Vauri Bastida vocabar,
Dicta Re-Bellus ero, regis honore mei.

S. Amans, minoris momenti locus. Puy-Laurens, civitas, tribus leucis à Vauro, Podium Laurentii Latine. Heic Ecclesia collegialis est. Heic prætor Villæ longæ, sedem suam principalem habet, S. Pauli Cadajouensis oppidum, ubi Ecclesia collegialis est; Mazamet, & la Bruguiere, & ipsa oppidula sunt. Anxillon celebrer pagus est. La Creiffille fert titulum Vicecomitatus; Engarravaques in Comitatu de Lauraguez, spectat ad domum de Vesines. Auriac, Durfort, Cahusac, Gaudete, Montepieu, Lugan, Marsens, Servaing, Cambourg, Escaupon, Camboumet, Soal, Lesta, S. Ayy, Massaguel, Prades, Belleferre, Mousieur, Flamarens, Lichaudier, Algans, Montlong, & quædam alia, in hac Diœcesi loca sunt satis considerabilia.

E P I S C O P A T V S

S. P A P V L I,

& Comitatus L A V R A G V E S E N S I S.

Civitas S. Papuli, vulgo S. Papoul, sita est in Comitatu Lauraguezensi, & in vetere Diœcesi Episcopatus Tolosani, ad exiguam leucam à Castello Naudariensi. Carolus Magnus ibi fundavit abbatiam, eo quod sanctus hic, qui fuerat commilito S. Saturnini martyrium heic subiit: quæ abbatia, vel potius, qui sanctus, huic oppido nomen reliquit. In huic oppido cernuntur adhuc rudera quædam inveterati castrî, quod in vetustis chartis nominatur castrum S. Papuli. Hæc Abbatia ordinis est S. Benedicti, & erecta in Episcopatum à Papa Ioanne XXII, anno 1317, (de quo heic ante jam aliquoties,) qui illi subjecit quadraginta quinque Parochias, cum Monasterio religiosarum ordinis S. Dominici. Diœcesis hæc inclusa est Tolozati, Mirepexensi, & Carcassonnensi; & complectitur loca complura satis considerabilia; inprimis Castell-Naudariense, metropolin territorii & Comitatus Lauraguezensis, in qua est Senescallatus, (juridicatus Provinciæ,) & sedes præfudialis, quæ Senescallo Tolosano adempta est. Heic habitat quoque Prætor Lauraguezensis. Territorium & Comitatus Lauraguezensis extendit se usque in Diœcesis, Tolosatensem, Lapurdensem, & Mirepixensem.

Alia loca in Diœcesi S. Papuli sunt: Bram, hodie castrum Brom dictum, olim arce firma munitum. Besseda, urbecula est castro munita.

Le Mas Saintes Puellas, erat olim clausum oppidum, distans leuca à Castelnauario; quod solo æquatum est turbis & rebellionem incolarum. Præfudis temporibus illi nomen erat Recaudum; postea, Monasterium puellare; hodieque noscitur sub nomine Ecclesiæ sanctarum puellarum. Ville-pinte, oppidulum clausum, è regione ipsius Fresqueil. Avignonnet, oppidulum domini regalis. Pomarède castrum, quod titulum Baronatus habet. Lauracum Ducense, & Villar-Savarii, duo sunt optimi burgi: Lauracum Maius, id est inter civitates Mirepixenses heic ante. Fendelle, insignis Baronia. Proulbe, Abbatia prædives, ordinis S. Dominici. Sunt & alia complura loca in hac Diœcesi, satis

considerabilia, quæ totidem præstantibus familiis nomen dederunt; Iudicatura Comitatus Lauraguezensis perampli districtus est, & sub se plusquam septuaginta loca bene magni momenti complectitur.

C O M I T A T V S

R H E D E N S I S,

Episcopatus Electensis, Territoria de Sault, de Fenouilledes, & de Limous.

Comitatus Rhedensis, vulgo de Razez, ab omni antiquitate gessit titulum Comitatus, qui semper adhibebatur in hæredium vel alimentum vitæ pro natu minoribus Comitum Carcassonnensium; in testamento Rogerii Comitatus Carcassonnensis facto anno 1062, appellatur castrum Rhedæ. Donat castrum Rhedas. Reges Aragoniæ jus aliquod in hoc castrum Rhedas pretendebant, donec inter reges, S. Ludovicum Franciæ, & Iacobum Aragoniæ, transactione conventum est, regionem hanc, Carcassonnensem, & Carcassèz, & quidquid in Rhedis, & Rhedez, mansuram apud Coronam Galliæ. Archiepiscopi Narbonnenses quandoque seipsos Archiepiscopos Narbonnenses & Rhedenses qualificant. Nam Territorium Rhedense per concilium Narbonnense fuit ipsis adjudicatum, tempore Caroli Magni, anno 788. Dicti Archiepiscopi adhuc Officiale externum habent in Limous, amœna civitate, Episcopatu quondam insignita, cujus sedes postmodum in urbem Electensem, vulgo Alet, translata est. Ibidem est quoque sedes regalis, obnoxia Seneschallo Carcassonnensi, perinde ac tota Diœcesis Electensis.

Electum præfudis temporibus, nil erat quam Abbatia. Vnde Abbas Electensis dictus, vel Abbas de Electo. Hodie Papyrio Massoni nominatus Electa. Nam Aletum est civitas communiter de S. Malo dicta, in Britannia. Abbatia hæc S. Benedicti erecta fuit in Episcopatum à Papa Ioanne XXII, anno 1317, de quo jam pluries actum; ubi constituit Episcopum, Archiepiscopo Narbonnensi suffraganeum. Cathedralis Ecclesia dedicata est divæ Virgini.

Hæc Diœcesis clauditur Narbonnensi, Mirapicensi, & Comitatus Foxensi, & Ruffilionensi, & quibusdam terris Hispano subjectis.

Præcipua loca sunt: Arques, unus ex antiquis & primis Baronatibus Ordinum Languedocii: qui olim pertinebat ad domum de Ioyeuse, deinde illapsus est in eam de Guyse, nomine de Lorraine.

Covisa, Baronatus, qui pertinet ad Archiepiscopum Narbonnensem, supra amnem d'Aube. Quilhan, oppidulum & Baronatus, sub eodem Archiepiscopo, supra l'Aude. Caudies, supra la Bolfane, oppidulum; ubi iudicatura regalis, in Territorio de Fenouilledes; quod, cum Territorio de Sault, hac in Diœcesi quoque comprehenditur. S. Paul de Fenouilledes, itidem oppidulum, aquis adpersa de la Bolfane, decorata Collegiali Ecclesia. La Serpent, est Patrimonium domus d'Arx, Mont-

ferrand

Bram, castrum. Besseda.

Mas Saintes Puellas.

Ville-pinte.

Avignonnet. Pomarède. Laurac le Duc.

Fendelle. Proulbe.

Arques, Baronatus.

Covisa, Baronatus.

Quilhan, Baronatus. Caudies, oppidulum.

S. Paul, oppidulum.

La Serpent.

Montfer-
rand.
Querigut.
Castel-fizel.
Remmes.
Sault.

ferrand celebris est ob balneas. Querigut, & Castel-fizel, sunt duo firma castella ad limites, quæ cum cura custodiuntur. Rennes, celebres balneæ sunt.

Territorium de Sault & id in hac comprehensum Diœcesi; sic & Coustassa, Vendemies, Cornavel, Roquetaillade, Conilhac, Bonge, S. Cernin, S. Cogal, Tournebois, Feste, Leon, Rovenas, Fa, Antisac, Crocz, Montazels, Esperasa, Campagne, Brenac, Quilla, Ginolfes, Cabirac, S. Iulia, S. Ferrol, le Besu, Gravez, Parou, Serres, Terrolles, Pontils, Corisa, & plurima alia non ignobilia loca. Hoc territorium de Sault includit Belcaire, Camuzat, Comus, Niort, Roquefel, Espezel, Belvis, Quierabajou, Marsan, Codoux, Alelad, Bessede, Honat, Iacon, Rodome, Mus, Galinhagues, Masubi, Campagna, & Escolobre.

Fenoulledes.

Supradictum territorium de Fenoulledes includit quadraginta loca satis jucunda. Principalia: ut S. Paul, Lesguerde, Alanzac, S. Arnac, la Tour, Castagnes, Caladraë, Planes, Caramamy, Trinillac, Montalba, Trilha, Pefilha, Felmis, le Vivier, Teissac, Perles, Fosse, Vira, Castel-fizel, Rabolbet, Sorvia, Salvagnies, Artigues, Laprade, Touzel, Roquefort, &c.

Limoux.

Civitas & jurisdictio de Limoux, de qua jam aliquid dictum, plusquam quinquaginta continet non contemnenda loca. Notabiliora: Pieussa, S. Polycarpe, le Villa, Belcastel, Agrefel, Clermont, Villar le belle, Missègre, Sepia, S. Martin, Malvies, Cambieure, Tonens, Brazillac, Ferram, la Cortete, Maferoles, Laurens, Montgradal, Bellegarde, S. Iret, Montaut, Pomy, Loupia, Damasac, Rantier, Malras, Caja, Castelrem, Ajac, Magrie, &c.

EPISCOPATUS RIVENSIS.

Rivense oppidulum amni Rhedenfis affidet; qui profuit è montibus Pyrenæis; pergit ad Durban; è transverso permeat aliquem montem, ac tandem huc appropinquat. Hoc in Episcopatum erectum est per Papam Ioannem XXII. Rieux, Latini vocant Riva, & Rivense oppidum, à rivis, ob rivorum & fluentorum heic oberrantium multitudinem. Olim & regio, civitasque, noscebatur sub nomine *Volvestria*. Quod nomen haud dubie fluxit ab amne *Volp*, qui alluit maximam partem Diœceseos, & apud Tersac se præcipitat in Garumnam. In hac civitate regalis iudicatura celebratur.

Diœcesis.

Diœcesis hæc Tolosati, & Apamensi finitima est, urbs Comitatus de Foix in Gasconiam, & quidem trans Garumnam, protendit sese. Hæc plusquam sexaginta loca complectitur. Principalia: Toulfa, oppidulum domini regii, de sede Prætoris Rivenfis decoratum. Montesquieu de Volvestre, ejusdem sedes prætoris, S. Sulpitii Lezandensis, tertia dicti prætoris sedes. Le Fossaret, quarta illius ipsius. Marquesave, oppidulum. Castagnac, Caseres & Carbonnes, loci præclari & notia quos Garumna alluit. Calbers, Feuillans, Lesat supra la Leze, item Sales, quatuor sunt Abbatia opipare fundata. Reliqui loci notantur hi: Palemeni, Canjac, Capens, Noë, Montagut, S. Michel, Montaut, Grefac, S. Felix, Mausan, Massebrac, Maressac, Montaudet, Auribal, S. Croix, Bezat, Gratens, la

Toulfa.

Montes-
quieu.
S. Sulpice.
Fossaret,
&c.

Fite, Artigat, Magrin, Sperre, Faras, Seix, Madiere, Pis, Cavens, Larboust, Marinbac, Caladeze, Paillez, la Tracque, Tortouse, Serifols, Prax, la Caigne, Montardu, Gabre, Lavols, Casteras, Montroy, Rieumont, Aigue-jontes, Orias, Alzerit, Praderes, Lansstronques, Nothac, &c.

De Comitatu de Commenges, sito in Gasconia, deque oppido & Episcopatu S. Bertrandi, è rudibus exstructo veteris Lugduni, Lugdunum Convenarum dicti, dictum est in loco. Commenges parvum, pars præsentis diœceseos, extat in Languedoc, in undecim oppidis locisve subsistens. Valentine, suprema civitas supra Garumnam, ex altera ripa habens S. Gaudens, in Gasconia, & in Vicecomitatu de Nebouzan. Heic locum tenet Vicarius prætoris de Riviere S. Beat, oppidulum. Quod à Garumna secatur in duo. Vbi alius Vices-gens prætoris de Riviere. Hæc civitas firma est, sedens inter duos montes, qui serviunt ei claustrorum instar. Mercatus ejus frequentantur à limitaneis Hispanis. Cetera loca sunt: Poëntis, Huos, Cier, Martres, S. Pé, Argut, Melles, Mont-Savez, & Mazerettes.

Commenges
parvum.

Tarnis & Tescona fluvii, Cadurcium à Languedocio dirimit; ipseque Tarnis, Montalbanum & multa illius Diœcesis loca in Cadurcensi regione collocat, ut & burgum Ville-Bourbon dictum, & alia oppida, quæ iurisdictionis sunt Villalongæ, & Montis-Albani inferioris Diœcesim constituunt: unde quamvis Mons-albanus, & quædam adjacentia hujus Diœcesis loca in Cadurcensi regione sita sint, attamen Episcopus locum & suffragium habet in Comitibus Languedociensibus, cum Consulibus urbium, competenti unicuique ordine servato, nimirum Castel-Sarrafin, Monteich, Montbeton, Reyniés, Villemur, Dieu-Pantale, Beauvais.

Bas Mont-
Auban.

Sunt & alia non contemnenda hujusce Diœcesis loca, scilicet, les Catalens, Finham, Montbequi, Bessens, Canssals, Bressos, &c.

NARBONNENSIS ARCHIEPISCOPATUS.

Narbona quondam à Romanis Narbo Martius appellata, in extremis Languedocii & Catalauniæ finibus apparet, ubi se Auda fluvius in pelagus Orientale præcipitat, in opulenta regione posita, omnibusque vitæ commodis referta; fuit olim in valle condita ab antiquo Gallorum rege Narbone, seu Hardone, qui ei quoque suum nomen imposuit: aut, quemadmodum alii putant, ab Aracinis fluvii Narbonis accolis; hunc autem fluvium Audam hodie nominamus, qui totam hanc regionem ab Hispania montibusque Pyrenæis dirimit. Hanc provinciam Romani cum suæ potestati subjecissent, primariam suorum militum Coloniam Narbonæ collocarunt: at vero cum Martius, nobilissimæ istius Colonie Dux extitisset; eapropter Martii cognomentum sortita est, quod & alio titulo promeruit, scilicet quod amplissimum Martis, generositatisque theatrum fuerit. Quanto autem Augustum prosecuti sint affectu cives Narbonenses,

Narbonne.
Nomen.

nenſes, conſtat ex ara illi erecta, quæ juxta palatium Archiepiſcopale viſitur, cum tabula marmorea exſculptum illorum votum præferente.

Hæc tamen civitas, eſſi magno à Romanis in pretio habita, nihilominus multis cladibus fatigata, fortunæ viciffitudines experta eſt; funeſto prorfus incendio ſub Antonino Pio Imperatore fuit conſumpta. Obſederunt Gothi, & expugnaverunt, ferroque & flamma vaſtarunt, ætate Theodorici regis; Hunni poſtmodum ſupervenere, qui ſuis illam ruinis ſepultam reliquerunt; cumque Sarraceni illam occupaffent, Carolus Martellus, tranſmiſſo cum potenti exercitu Rhodano, eos expulit. Sileo alia venerandæ antiquitatis geſta; etenim illa nunquam adeo extincta, quin ſuis in cineribus fodicans priſtinum ſplendorem redaccenderit.

Impræſentiarum igitur, ſoſſis altiffimis, & præclaro mœnium ambitu cingitur; quinque propugnacula offert, turreſque totidem; inſignem habet Eccleſiam ſub auſpiciis S. Juſti, cujus præcelſum campanile quadringentos gradus numerat; ubi etiam Organa ſingulari artificio duobus tantum muris innixa, unico duntaxat egent ſtabelle; ipſa quoque Lazari à morte per Chriſtum fuſcitati pictura, præclarum ſane artis miraculum; & id genus alia non vulgaris induſtriæ, quæ magnum huic templo ſplendorem conciliant.

Quod vero Narbonnenſis Capitoliū eſt, à Sidonio memorati, juxta portam à Rege denominatam, vulgo *Porte du Roy*, viſebatur; ubi quondam ſuperbum & vaſtum palatium, quod indigenæ uſitato illorum vocabulo *Cap-Dueil*, id eſt Capitolum, vocitabant; cujus ruinæ ſuperſtites, ut & marmora, Romanorum opus fuiſſe teſtantur. Hoc autem palatium deinceps Regum Viſigothorum ſeceſſus extitit; poſtea vero cum Galli urbem ſubjeciſſent, illud Archiepiſcopis aſſignarunt, ut conſtat ex actis in archivio hujus Archiepiſcopatus aſſervatis ab anno 1066, ubi dicitur, quod de jure Archiepiſcopi erit *Capitolium*, quod eſt in civitate Narbonnæ; illo quippe ad annum uſque 1451 potiti ſunt; hac enim tempeſtate Ioannes de Harencourt, Narbonnenſis Archiepiſcopus, illud dirui, exque ruinis Collegiatam S. Sebaſtiani ædem extrui præcepit, nec non & maximam mœnium urbis partem. At vero palatium, quod impræſentiarum Archiepiſcopi occupant, non ita pridem extructum, magnificentiffimum eſt; illiusque gradus rari adeo operis, ut nec Vitruvius exquisitiſſimis ſuæ architecturæ delineationibus, ſimile quid expreſſerit.

Habet quoque Narbonna amphitheatrum, thermas, & aquæductus. Haud procul ab urbe mediis in pratis, putei, aut verius abyſſi, reperiuntur, ſub undis in fundo variis floribus conſiti; vocantur autem iſti putei lingua Gentis, *uillas*, id eſt *oculi*, qui ſæpeſæpius obſtruuntur, aliisque in locis novi aperiuntur; horum pratorum humus adeo tremula eſt, ut alienigenæ eam premere reformident.

Fuerunt etiam hac in urbe magnifica templa, arcus, porticus, theatra, aliaque ædificia publica, quorum meminit Sidonius, quæ impræſentiarum ſepulta nullatenus apparent, nec ulla eorum veſtigia extant, præter quaſdam inſcriptio-

Gallia.

nes, marmora, columnas, petraſque inſculptas, quæ etiamnum reperiuntur. Viſitur & in lapide marmoreo incifum urbis Narbonnenſis votum factum Auguſto Cæſari ipſiſſimis, quæ ſequuntur, verbis:

QVOD. BONVM. FAVSTVM. FELIXQVE. SIT. IMP. CÆSARI. DIVI. F. AVGVSTO. P. P. PONTIFICI. MAXIMO. TRIB. POTEST. XXXIV. CONIVGI. LIBERIS. GENTIQVE. EIVS. SENATVI. POPVLOQVE. ROMANO. ET. COLONIS. INCOLISQVE. C. I. P. N. M. QVI. SE. NVMINI. EIVS. IN. PERPETVVM. COLENDO. OBLIGAVERVNT. PLEBS. NARBONENSIVM. ARAM. NARBONE. IN. FORO. POSVIT. AD. QVAM. QVOT. ANNIS. VIII. K. OCTOBR. QVA. DIE. CVM. SECVLI. FELICITAS. ORBI. TERRARVM. RECTOREM. EDIDIT. TRES. EQUI. TES. ROMANI. A. PLEBE. ET. TRES. LIBERTINI. HOSTIAS. SINGVLAS. IMMOLENT. ET. COLONIS. ET. INCOLIS. AD. SVPPPLICANDVM. NVMINI. EIVS. THVS. ET. VINVM. DE. SVO. EA. DIE. PRESTENT. ET. VIII. K. OCTOBR. THVS. VINVM. COLONIS. ET. INCOLIS. ITEM. PRESTENT. K. QVOQVE. IANVAR. THVS. ET. VINVM. COLONIS. ET. INCOLIS. PRESTENT. VII. QVOQVE. IDVS. IANVAR. QVA. DIE. PRIMVM. IMPERIVM. ORBIS. TERRARVM. AVSPICATVS. EST. THVRE. VINO. SVPPPLICENT. ET. HOSTIAS. SINGVL. IMMOLENT. ET. COLONIS. INCOLISQVE. THVS. VINVM. EA. DIE. PRESTENT.

ET. PRIDIE. K. IVNIAS. QVOD. EA. DIE. T. STATILIO. TAVRO. M. ÆMILIO. LEPIDO. COSS. IVDICIA. PLEBIS. DECVRIONIBVS. CONIVNXIT. HOSTIAS. SINGVLAS. IMMOLENT. ET. THVS. ET. VINVM. AD. SVPPPLICANDVM. NVMINI. EIVS. COLONIS. ET. INCOLIS. PRESTENT. EXQVE. IIS. TRIBVS. EQVITIBVS. ROM. LIBERTINIS. NARBONENSIS. ARAM. NVMIN. AVGVSTI. D... CAVIT.

Extant præterea inſignes aliæ magno numero inſcriptiones, marmoribus incifæ, in memoriam multorum Imperatorum, & Proconſulum Romanorum, quorum nonnulli hac etiam in urbe primam lucis uſuram acceperunt, ut teſtantur Eufebius, Sextus Victor, Oroſius, & alii.

Genuit Narbonna Cæſares, Carum ſcilicet, Carinum, & Numerianum; genuit & clariffimos omni eruditione viros, quos inter, Publius Terentius Varro, & Votienus Montanus, de quo Martialis lib. 8 Epigrammatum, *Docti patria Narbo Votieni*: Aprunculus & Conſentius, celeberrimi

A a a a

mi

mi Oratores; Leo insignis Iureconsultus ætate Alarici Gothorum regis; & plures alii.

Nec silentio prætereundum, hic olim monetariam fuisse officinam; illius quippe mentionem injicit Sidonius, & inter vetusta antiquariorum cimelia, Recaredi Narbonæ regis numismata reperiuntur; quin & ex Caroli Calvi Capitularibus eruitur, anno 864, signatas fuisse Narbonnæ monetas: quod & diu postea perseveravit.

Archiepiscopus.

Loca.

Hæc civitas ab ipsis fere nascentis Ecclesiæ incunabulis sede Archiepiscopali decorata est, & prærogativis Primatus Galliarum potitur. Alia autem hujusce Diœcesis oppida, & celebriora loca sunt: S. Polycarpi abbatia; *Capestang*, urbecula & Baronatus, atque Archiepiscopi Narbonnensis possessio; *Carante*, abbatia; *Fontfroide*, monasterium in solitudine positum; *Cauves*, item abbatia; *Perchserguier*: *Azilhe*, sive *Azilhan*, urbs exigua; *Perignan*, *Peyriac de Mer*, *Ginestras*, *Lusignan*, &c. Regiuncula *de la Corbiere*, quæ intra montem excurrit, Sejanum Metropolim habens; & tractus *de Termenes* hæc Diœcesi includuntur.

Aër Narbonnensis insaluberrimus est, circumjacent enim stagna plurima, quæ densiores vapores emittunt, unde incolæ quadam velut humorum gravitate laborant, ac sæpenumero apostemata & abscessus perpetiuntur bubonibus contagiosis simillimos.

BITERRENSIS EPISCOPATUS.

Beziers.

Biterrensis civitas, tertia sequitur in ordine urbium Galliæ Narbonnensis. Varie illam nominant prisca auctores, *Bliteram* Mela; Plinius *Bliteres*; Itinerarium Antonini *Beteras*; Festus Avienus, *Besaram*; Benjamin Tudelensis, *Bidras*; quidam etiam *Orbipolim* dictam fuisse, eo quod Orbæ fluentis ejus solum irriguum sit; postmodum vero *Biterrim*, seu *Bisterrim* dictam fuisse scripserunt; ut significetur, terras adeo inibi esse fertiles, ut bis quotannis ferant.

Et quidem Orba fluvio perluitur, & sane vetustissima est, nam & una fuit ex Colonia militum Romanorum septimæ Legionis; unde & Colonia Septimanorum vocitata est, eo quod illam septimæ Legionis milites insedissent; quemadmodum & Narbonna *Decumanorum*, Arelate, Sextanorum, Auriacum *Secundanorum*. Extat etiam in hac civitate vetus inscriptio, quæ illam olim *Iuliam Beterrensem* dictam fuisse indiget; illius tibi fragmentum exhibemus:

..EAIVI. IV....

PRÆFECTO. EQVIT. TR...

ET. LEG. XXII. PRÆCT. C...

PRIMO. VRBI. IVL. BÆTERR.

PRÆFECTO. PRO.....

Plures aliæ sunt raræ admodum inscriptiones, lapidibus incisæ, quas Historiographis demandamus suis inferendas monumentis. Exornarant

civitatem prisca Romani ædificiis splendidissimis, quorum adhuc ruinæ visuntur, quæ etiam amplissimum suspicitur amphitheatrum in Gladiatorium, & ferarum certamen, ordinaria Martialis populi oblectamenta. Fuit quondam hæc civitas populosa & opulenta, habuitque Academiam Iudæis Scholasticis refertam.

Cathedralis S. Nazario sacra, eximia est, Episcopaleque palatium pulchritudine adæquat, unde amœnissimus in circumjacentes campos prospectus. Ager autem frumento & vino feracissimus est. Hæc porro Diœcesis Oceanum pertingit, & plagam Rutenorum. Iam aliquot ab annis arx fuit diruta. Patres Societatis perelegans ibi gymnasium habent, ubi in aula quadam egregium artis specimen visitur, perspectivæ nimirum tanta subtilitate expressæ, ut cautissimi quoque decipiantur.

Primus Biterrensis Antistes asseritur Aphrodisius Ægyptius, in Gallias ad opus Evangelii à S. Petro delegatus; quod cum pervenisset, S. Paulo primo Narbonnensium Episcopo adjunctus est, qui illum postea in Biterrensem emisit civitatem, cujus factus est Episcopus. Aliquot postea seculis, anno nimirum 326, Agritius ejusdem civitatis Episcopus Concilio Arelateni subscripsit his verbis: *Agritius apud Septimaniam. Civitat. Biterren. Episcopus.*

Cætera hujus Diœcesis digna memoratu loca sunt, *Boujan*, *Serignan*, *Villa-nova*, quæ Biterrensi urbi adjacet; *Espondeilan*, *Magalas*, *Aumelas*, *Baronatus*, *Cabrières*, *Castellania* quidem regia, sed nunc diruta; *Casouls*, locus gratissimus; *Tezan*, burgus elegans, muris cinctus; *Villa-magna*, seu *Vallis-magna*, non ignobilis Abbatia; *Cassan*, pinguis Prioratus, &c.

EPISCOPATUS S. PONTII TOMERIARVM.

Sancti Pontii civitas, in valle juxta Iauram flumen posita, olim fuit Abbatia celebris, & crescente fama sanctitatis, excipere meruit Ramirum Sancii Regis filium, sui instituti sectatorem. Fertur autem illius Abbatiae fundator extitisse Pontius Tolosæ Comes, quem & nomen ei indidisse verisimile est. Vulgus ut plurimum S. Pontium Tomeriarum vocitat, notat vero Papyrius Masso, quod *Thomeria dicta sunt ab excindendis marmoribus, quorum ibi magna est copia.*

Primus sedit Episcopus nomine Raimundus, cui plurimi succedere. Equidem ipsi Episcopi, temporaria urbis ditio potuerunt. Limitatur autem hæc Diœcesis, Narbonnensi, Castrensi, Biterrensi, & Albigeni, ducentasque circiter Parochias habet, præter Abbatis S. Signani, & de *Fonchaud*, præcipua vero illius loca sunt, *Cessenon*, urbecula, regiaque Castellania, Orbæ fluentis rigua; *Ferrals*, S. *Chignan*, urbs quoque exigua, ubi præpinguis est Abbatia; *Olonzac*, *Siran*, ubi Iudicis sedes; *Menerbe*, cum arce & præsidio militari; *Anglez*, *Baillivatus*; *la Salverat* burgus opulentus; *Olargues*, *Crussy*, *Ventajou*, *Felines*, *Oppian*, *Cardrac*, &c.

L O-

Lodève.
Leygue fl.

Ratio nominis.

Loca.

Evêché de
S. Pons de
Tomier.

Clermont.

Fines.

Loca.

LODEVENSIS

EPISCOPATUS.

Lodeve.
Lergue fl.

VRbs Lodevensis Lerguæ amni adfidet, qui excepto Soulondra fluvio, uberius Monbruni muros rigat. Paret illa legibus Antistitis, qui absoluto illius Dominio potitur, ubi supremum jus, Curia, carceresque teterrimi, queis creditores obtentis ab Episcopo litteris, suos debitores coercet. Tota autem diœcesis 54 tantum parochias numerat; ipseque Pastor sive Episcopus nullo prorsus negotio commissis sibi ovibus invigilare potest, nemine illius notitiam fugiente. Moenia Instrumenti cujusdam musici figuram præferunt; domos insignes habet, castella potius diceret; turribus quippe unaquæque domus exornatur. Primo quidem *Lutera* vocabatur, quo etiam vocabulo cum Lutetia Parisiorum communicat, quemadmodum & similia participat incommoda; at ob peracta facinora splendidius nomen meruit; cum etenim Ludovicus VIII, Albigenes fudisset, fregissetque, suppetias ferente Lodevensi Nobilitate, nec non & strenuis ejusdem urbis Præsulibus, qui data occasione, caput casside pro mitra Episcopali protexerant, Lodevam, quasi Ludovici urbem, non urbem Luti, seu Lutevam deinceps appellari voluit.

Ratio nominis.

Præclaro mœnium ambitu, gratissimisque arvis cingitur, quæ irrorant amnes plurimi. Duabus illa civitas parochiis exornatur, S. Petri nimirum, & S. Andreæ; sunt & Conventus Franciscanorum, Recollectorum, Carmelitarum Discalceatorum strictioris Observantiæ, Ursulinarum, ac tandem gymnasium Clericorum Regularium Doctrinæ Christianæ.

Terminatur hæc diœcesis, Agathensi, Montepessulensi, Biterrensi, ac Vabrensi, tresque tantum abbatias suo districtu includit, nimirum S. Salvatoris Lodevensis, Ordinis S. Benedicti, S. Guillelmi, & Claromontanam Virginum Benedictinarum.

Clermont.

Claromontium primaria hujus diœcesis civitas, est populo frequens & opulenta; æquivalet illius mercatus celeberrimis nundinis, ubi omnigenis animalia distrahuntur in totius Occitanie adjacentiumque regionum annonam. Computatur inter viginti duos Ordinum Baronatus, ac titulo Comitatus insignitur. Alia vero loca sunt, S. Guillelmi Abbatia, *Montpeyroux*, S. Guiraud, *Loziers*, *Ceyras*, *Arbozas* Virginum Abbatia, & plurima mœnibus discincta loca. Castella, Monbrunenſe, Claromontanum, *de Malleville*, *de Moreſe*, *de S. Michel*, & *de Loziers*, munitissima sunt loca, velut armamentaria bellica; quæ à Cardinali Claromontano præclara Itatorum arte sunt extructa, ubi ædes commodissimæ; adscitis etiam limpidissimis fontibus, eximia Mareſcallo- rum Teminensium possessio. Qui Lodevam montes circumscribunt, binos habent impeditiſſimos trajectus, *Pertus*, nimirum, ubi Præſidium militare ab Anglis excitatum, & Eſcaletenſis ipſe trajectus. Hic octocenta circiter feuda ab Episcopo relevantia.

Evêché de
S. Pons de
Tomieres.

Fines.

Loca.

AGATHENSIS

EPISCOPATUS.

AGathensis civitas tum à Latinis, tum à AGDE, Græcis nomen accepit, quod illius dotes abunde exprimit; Agatha namque lapillus est exquisitissimus, & ipsa urbs cognominis, inter Gallos præstantissima & vetustissima est, priscorumque Massiliensium Colonia, quæ Romanorum arma incredibili magnanimitate coercuit; illorumque animos optimis litterarum artibus sibi subjecit; illam memorant historiæ & sacræ & prophanæ; hic quippe celebratum fuit Concilium, *Agathense* vulgo dictum.

Est de jure ipsius Episcopi, qui & Comitatus exornatur titulo, quemadmodum & Lodevensis; ad *Araurim*, & *Arauram* positus est; ipsiusque facillimus est per amnis ostium accessus; idoneus etiam admodum locus demonstrante Ludovico XIII, Rege, dirigenteque Cardinali Richelæo, repertus est, qui excipiendis pluribus navigiis capacissimus esset, modo cœptus jam murus fluctuum violentiæ resistere possit, qui ventis Orientalibus & marinis propelluntur; nam à ventis meridionalibus tutissimus est ob scopulorum vicinitatem; & ab Occidentalibus protegitur montibus Pyrenæis, quamquam disſitis; à Septentrionalibus vero, quia debiles sunt, nec vehementer perflant juxta portum; & collibus quibus amicitur.

Primus Agathensis Episcopus fuit Beticus, qui Concilio Agathensi anno 506 interfuit, cui Præſedit Cæſar Arelatenſis Episcopus; ſucceſſit Sophronius, qui eidem Concilio, quasi Cœpiscopus adfuit; hæc autem Diœcesis limites habet Montpelienſem, Lodevenſem, Biterrenſem, & littus pelagi; non quidem longe protenditur; at gratissima est, & maximi proventus. Porro celebriora hujus Diœcesis loca sunt *Pezenas*, Latine, *Castrum Pesanacum*, & *Pissenium* confluenti utriusque fluminis *Peyne*, & *l'Eraud*, positum, apud priscos magni nominis; annotat enim Plinius lib. 3 naturalis Historiæ, lanam, quæ ex *Pesenacensi* extrahitur regione, pilo subtilissimo esse perſimilem, & quæ ex illa texuntur indumenta, si post diuturnum usum denuo inficiantur, nova apparere, quasi nunquam finem habitura. Castrum autem *Pesenacum* quod attinet, nihil aliud ostendit præter ruinas; exornatur autem ipsa civitas *Æde* collegiata. *Cesero*, vulgo *S. Tibery*, urbecula insignem habet Abbatiam; *Marſeillan*, *Meze*, *Florenſac*, Baronatus; *Loupian* burgus, olim castro optimo munitus; *Montagnac*, oppidulum *S. Pontii de Maſcas*, *Villevariæ*, seu *Villemanne*, exigua quidem sed amœna loca. *Brefcou* tenuis Insula ad ripam maris sita; hic terni montes conspiciuntur, quorum primus *Mons lupi*; secundus, *Viridarii* seu *paradiſi Dei*; tertius denique cete promontorium, eo quod cete figuram apprime referat; adjacet autem puteus *Dei-Viridario*, quem nequaquam acceſſeris, nam arcebit populus, ne fulgura, procellas, & fulmina commoveas, si lapidem injeceris. Decipiunt quo-

Pezenas.
Loca.

quoque incautos nonnulli fontes, quorum aquæ in candidos lapides diaphanos commutantur, adeo ut pro saccharo Candiaco possent accipi. Visitur in eadem ora, burgo *Peru* dicto, fons prorsus mirabilis, qui & infirmis valetudinem, sanis infirmitatem, ac pecoribus ex eo potantibus mortem conciliat.

EPISCOPATVS MONSPESSVLENSIS.

Montpelier.

VRbs Montispeffulensis in vertice montis posita, ad *Ledum* flumen, in suorum scrutatione primordiorum, doctorum ingenia plurimum fatigat; quidam enim *Agatham* putant, cujus ipse Plinius honorifice meminit, & quæ postmodum *Agathopolis* vocitata est, quasi Bonorum civitas; alii vero recentiorum credunt, atque à situs loco nomen accepisse, quem Latini *Montem-Pelium* appellant, aut potius *Montem-puellarum*; duarum quippe sororum patrimonium extitit, quæ fratris sui Folcrandi Lodevensis Episcopi insistentes vestigiis, se ipsas quidem Deo, suas autem opes Ecclesiæ voverunt; præcipua autem bonorum portio erat burgus Monspelien-sis, qui in veteribus urbis archivis, quandoque *Donum Puellarum*, alias etiam *Donatio Montis-Puellarum*, vocitatur.

Sedes Episcopi Montispefien-sis fuit olim in Insula *Magalona*, at Carolus Magnus ob continuas Sarracenorum incursiones, Ecclesiam insulæ cunctaque ædificia iussit dirui; ipsi vero Insulani novam urbem in Continenti extruxerunt loco burgi Montispefien-sis; unde & Episcopus, Montispefien-sis nomen accepit.

Hæc autem civitas amœnissima est, præclaro situ, uno circiter à pelago milliari, sufficienti magnitudine, superbe extructa, validisque mœnibus præcineta, cœlo salubri gaudet, soloque rerum omnium feracissimo, ibique simplicia felicius quam alibi progerminant; unde & Medici primum suæ Facultatis Gymnasium ibi elegerunt.

Vniversitas hæc seu Academia anno 1220 initium accepit fundatore Alexandro IV, summo Pontifice; Maximum vero à Sarracenis incrementum accepit, qui omnes fere erant Arabes, Avicennæ & Averrois, aliorumque famosissimorum Africæ Medicorum discipuli; cum enim ipsi plurima suis à Doctoribus artis secreta exce-pissent, ea illi communicarunt; unde & tantum nomen apud externos meruit, ut nullo non tempore illuc affluant, ob maxima quæ percipiunt suis in studiis emolumenta, & absolutissimam perfectionem. Carolus Pulcher inibi Legum Facultatem instituit, in qua Placentinus celebris Iuriconsultus suas Iuris prælectiones habuit, ubi & diem clausit supremum anno 1192; unde & Scholæ Monspeffulanæ adhuc Placentinarum titulo decorantur. In idem opus incubuit celebratissimus Azo. Porro horum insignium virorum memoria tantam in scholis venerationem meruit, ut Massarii Vniversitatis, illorum effigies in massis argenteis præferant.

Est extra muros Hortus regius, ubi congesta

videas duodecim millia diversi generis nativa simplicia, quæ nullibi videas nisi penicillo aut arte expressa; unaquæque vero species exiguo terræ quadrangulo à cæteris secernitur, suo cuique nomine adscripto, in eruditionem ignorantium.

Hic præclaræ fulgent omnium fere civium domus ex quadrato lapide; Ecclesiæ & Cœnobîa, magno quoque hic numero fuerunt, sed funesta pro religione dissidia anni 1561 omnia deformarunt; ipsoque eodem anno sex & triginta Ecclesiæ seu Conventus diruti sunt, quæ Rex, illiusque simul Curia commodissime posset excipi, ut præferunt schedulæ celeberrimo cuidam nostri temporis Historiographo traditæ. Neque vero superba hæc ædificia, neque amplissima amœnissimaque viridaria ab illo avo potuerunt restaurari; unde & civitas hac ex parte deformata est. S. Petri Basilica, quæ & Cathedralis, olim insignis erat, & magnifica; cum vero jaceret suis quasi ruinis sepulta, illam restauravit Eminentissimus Cardinalis *de Richelieu*. Extant hodie plurimi Conventus eximii, Capucinatorum, Dominicanorum, Patrum Trinitatis, Pœnitentium, Observantiorum, &c.

Diœcesis Monspelien-sis, collimitaneas habet *Finis.* Agathensem, Lodevensensem, & Nemaufensem: propinquiora loca sunt *Magalona*, vulgo *Maguelonne*, sic dicta abs Magdo illius fundatore, aut à situ proprio; ante tempora Caroli Martelli celeberrima fuit opulentissimaque, illam autem ipse Rex solo coæquavit, eo quod esset perfugium & portus Sarracenorum. Illic quondam Episcopi suam sepulturam delegerunt, at munimento, temporum vicissitudine diruto, superest tantum Ecclesia, stagnum inter & pelagus posita, quæ ad Ecclesiam Monspelien-sensem spectat. Ut autem illius Sedis vetustatem consecrari possis, discis ex primo illius Episcopo *Ætherio*, qui sedit circa annum 451.

Cetera hujusce Diœcesis loca sunt *Lates*, ubi castrum stagno imminens; *Agnane*, urbs & Abbatia; *Caravete*, Baronatus; *Montferrandum*; *Vignogoul*, sacrarum Virginum monasterium; *Barave*, urbecula, de jure Episcopi Montispefien-sis; *le Terrail*, Pegayeroles Baronatus; *Frontignan*, Latinæ, *Forum Domitii*, regia castellaniam; *les Matelles*, urbecula; *la Roquette*, Baronatus, *Ganges*, *Murviel*, *Mirevaux*, Castellaniam: *Poussan*, *Pignan*, &c.

EPISCOPATVS NEMAUSENSIS.

Nemausus, secunda Galliarum Roma, à *Nismes.* Nemauso Herculis filio fuit condita, prout ex veteri Geographo discitur, duobusque ex semibobus in ipso ingressu amphitheatri depictis, qui istius Tyrannorum & Monstrorum domitoris insignia fuerunt; à strenuissimis Augusti militibus frequentata, qui cum Egyptum sibi comparasset, selectos è toto exercitu milites huc transmisit; uti præferunt numismata, generosissimi, & sapientissimi istius Principis, ubi Crocodili effigies palmæ alligata, adjecta etiam

etiam hac inscriptione, *Col. Nem. Colonia Nemausus*, quamvis aliqui alio sensu exprimant, nempe *Colligavit nemo*, quod scilicet nemo præter Augustum victoriarum palmis alligare Ægyptum, Romanoque subdere imperio potuisset.

Quis autem hujus civitatis fundator extiterit, certo colligitur è duobus Inscriptionum fragmentis, quæ impræsentiarum etiam conspiciuntur; queis annotatur priscos illius habitatores Nemausum coluisse quasi Deum sibi Tutelarem; Illarum inscriptionum altera, hæc præferebat verba:

DEO. NEMAVS. X. VTVLLIVS. PERSEVS. HOROLOGIVM. ET. CERVLAS. II. ARGENTEAS.

T. P.

Altera vero :

..... EO SILVANO ET LIBERO
PATRI ET NEMAVSO
..... RCHVS. SINODI.....

Statua cui id inscriptum, tribus constat corporibus, taurique in ea effigati docent, Ludos eò loci in honorem Herculis fuisse celebratos.

Eadem ipsa colonia abs cæteris Imperatoribus culta fuit & ditata; quorum itidem temporibus extitit velut Roma Secunda, septem habens colles quemadmodum Prima, ut abunde colligi potest ex tot veteribus venerandæ antiquitatis monumentis, ædificiis, pontibus, amphitheatris, fontibus, aquæductibus, sepulchris, arcubus, canalibus, pavimentis tessellatis, quæ nullis bellorum cladibus ex toto deleri potuerunt.

Amphitheatrum.

At nihil rarius in antiquitatibus videas, quam illius amphitheatrum, quod vulgo *Arena*, id est, *les Arenes*, nominatur, ovalis figuræ, 470 passus ambitu colligens; ibi rara plurima videntur; illa nimirum Lupa, quæ Remo & Romulo ubera præbuit, nec non & qui iisdem apparuere vultures, in faustum felixque rerum suarum augurium. Specus vero obstructæ sunt, Campusque Martis alios in usus conversus est.

Capitolium.

Quadrata domus fuit olim Capitolium, quod indigenæ lingua vernacula *Cap Duel* vocitant; & plane figuræ est triangularis, etsi paulo plus protensa, quam lata, senis in frontispicio exornata columnis, ac denis unoquoque ex latere. Visitur & cujusdam forniciis aditus, qui exinde ad Arelatensem usque civitatem porrigitur; in proximoque est Pegasus, adjecta etiam hac inscriptione, *Procul este profani*, bonarum scilicet incapaces literarum, quæ quidem hic eodem tempore flourerunt, quo apud Massilienses. Extant quoque extra muros prisce Vestæ aut Dianæ templi ruinæ, ubi etiam idolorum loculamenta, & victimarum locus, necnon & camini, queis sacrificiorum fumus evaporaretur. Nec suus huic secundæ Romæ defuit Senatus, veteribus monumentis id attestantibus, imo & Sextum viros hic fuisse, quibus commissa esset urbis administratio.

Plinius cap. 8, libri noni historię naturalis operæ pretium duxit, velut ex professo enarrare Gallia.

jucundissimam quæ fit in stagno Laternæ piscaturam, Delphinum ope, quasi delphines ipsi secretam cum piscatoribus intelligentiam haberent, quo maximam piscium copiam eorum capturæ adigerent; ubi enim piscatores Simonem inclamantes audiverint, tanto impetu agitant pisces alios, ut in piscatorum retia sese immittere cogant.

Sunt & alia urbis hujus decora, nimirum ædes magnificæ, castellum regium, insignis illa columna in adventu Francisci Primi regis erecta, cui mira omnino Salamandra imminet. Turris Vinataria, inde dicta, quod ex oneribus vino impositis fuerit extructa. Turris horologii; Porta Coronæ, validissimumque illi adjacens propugnaculum, ac tandem Palatium Præsidiale.

Hic præsidet Senescallus Beaucariensis, & Nemausensis; est augustus quoque à rege Magistratus. Olim munita fuit castro egregie extructo; quod etiam illius Vicecomitum ac Dominorum Arx & munimentum extitit. Visuntur etiam hic quædam specus atque fontes, miræ artis & industriæ, speciatim vero ædes pulchræ, & amœna viridaria S. Privati, ubi omnigenis topiaria, & innumera hortorum oblectamenta.

Episcopos quod attinet, Sidonius Apollinaris insignem quemdam virum memorat, Crocum nomine, qui suo Nemausensi Episcopatu fuit expulsus ab Euvarige Wisigothorum rege circa annum 474. Sedatus quoque ejusdem urbis Episcopus Concilio Agathensi interfuit anno 506. Alius quoque mox inibi sedit nomine Pelagius. His porro Episcopis, illius Sedis antiquitas abunde comprobari potest.

Nemausensis Diocesis, Monspelienfi, Vceti- *Fines.* cens, & Mimatenfi circumscribitur; longe lateque sese diffundit, pluraque celeberrima loca continet, quorum præcipua sunt quæ hic vulgari sermone recensemus, *Alex*, Latine *Alestum*, urbs & Comitatus; *Anduze*, quæ impræsentiarum urbs est perelegans, in Gebennicis montibus sita; *Salvia* etiam urbecula est, & Baronia de jure *Sauve.* Ducis Engolismensis, ubi Archipresbyteratus, & Abbatia, haud procul à Vidourla flumine distita, quod quidem sub castro S. Romani scaturit in Gebennicis jugis. *La Sale.* Sala exigua etiam urbs, de jure Baronis de la Fare; *Valerangue* amœnissimus quoque est locus; *Sumene*, Baronatus titulo insignita. *Meirveys*, urbs, castro olim munita; *Aimargues*, urbs firmissima, abs Latinis *Armasanica* nominatur, ibi Alphonsus II, Tolozæ Comes quondam secessit; hæc etiam Baronia est, de jure Ducum Vceticensium; S. Ægidii fanum egregium est oppidum ad Rhodani ostia; insigni decoratur Ecclesia, ut & Abbatia. Quo vero nomine priusquam S. Ægidii, fuerit insignita, facile comperiri non potest; variæ enim sunt hac de re opiniones; illud tamen certissimum est, quod & ad nostrum apprime facit institutum, hanc scilicet urbeculam, tanti seculis remotioribus fuisse nominis, ut provincia adjacens ab illa denominata fuerit; quin & Tolosates Comites, novissimis temporibus S. Ægidii Comites dicti fuerint; & sane à quibusdam auctoribus *Palatium Gothorum* indigetatur. Remundus Quartus, Tolosæ Comes, primus titulum

B b b b

Co-

Comitis S. Ægidii prætulit. *Masillargues* oppidulum est ad Vidourlam. *Aigues-mortes* civitas, ob inertes paludum aquas ita nominata, non est prisca adeo memoria locus; nam in Bibliotheca Collegii Foxensis apud Tolosates, reperitur, quod cum S. Rex Ludovicus, quanta regnum hoc perpeti cogeretur detrimenta ex defectu portus tuti & securi in mare mediterraneum, percepisset; operæ pretium duxit, Turrim, quæ Constantiæ dicitur, in mœnibus urbis tunc recens erectis extruere. Extat hac in urbe Abbatia, cujus Præful Psalmodiensis Abbas dicitur, ob priorem hujus nominis Abbatia locum, quæ huc translata fuit, hodieque in Collegiatam commutata, & illius Monachi in Canonicos sæculares.

Sommeries. *Sumerium*, tribus à Nemauso leucis distitum est, qua Gebennicos ad montes contendis; Viturli aquis infidet, Gallice, *Vidourle*; urbs arce munita, & optimis nundinis celebris; sequuntur deinde *Montredon*, & *Ville-veille*, munitissima juxta Summerium loca.

Beaucaire. *Bellicadri-Castrum*, urbs perelegans ad Rhodanum; olim castrum habuit, sed anno 1632 dirutum fuit; & quidem urbs est optima, & commercio frequens, ob Rhodani fluminis opportunitatem. Famosissimæ sunt, quæ quotannis 22 Iulii inibi celebrantur nundinæ. Illi quoque summam suam Collegiata gloriam conciliat.

Gardon. Hac profluit *Gardon* amnis, qui Gebennicis è montibus scaturit. Huic autem amniculo imponere quondam Romani superbum illum Pontem *du Gard* dictum, opus omnino magnificum, quod & populi omnium victoris effusam quasi magnificentiam indicat; Arcus triumphalis speciem præfert pons ille insignis, maximam plane dexteritatem, & peritiam ostendit; adeo ut nec antiquæ pyramides, neque colossi, in comparationem veniant. Fatentur quicunque attentius considerant, nusquam Romanos tam augusta suæ magnitudinis vestigia reliquisse, tum ob profusos sumptus, tum ob industrios operarios.

Peccais. Est etiam hoc in tractu *Peccaisium*, in Salinarum custodiam munimentum. Reliqua hujus tractus loca sunt: S. Hippolyte, *Quissac*, *Vauvert*, *Vissec*, *Ierle*, *Aubays*, *Ledenon*, *Serignac*, *Caurvissou*, *Gaillargues*, *Calvissou*, *Limerou*, *Mus*, *Codoignan*, *Vergezes*, *Colorgues*, S. Cosme, *Pannargues*, *Caveyrac*, *Langlade*, *Vrbau*, *Milhau*, *Beonis*, *Vestric*, *Generac*, *Marquerites*, *Cabrieres*, &c.

E P I S C O P A T V S

V S E T I E N S I S.

Vez. *V*Setia, prisca Cosmographis ignota fuit civitas; illius tamen meminit Notitia Provinciarum atque civitatum Gallia, speciatim vero *Castri Vsetiensis*. Gregorius vero Turonensis hanc urbem *Veticam* & *Veticensem oppidum* nominat. Sedet loco fertili & amœno; Comitibus titulo insignitur illius Episcopus, estque Regi Condominus. Illius Cathedralis S. Theodorico, Presbytero & Martyri dedicata est; Primus autem illius Antistes fuit S. Constantius, qui sedit anno 451.

Loca autem hujus Diœcesis sunt, S. Ambrois, urbicula de jure Episcopi; *les Vans*; *Sabran*, antiquus Baronatus; *Vallabregue*, exigua etiam urbs ad Rhodanum, qui eam velut insulam circumfundit; *Salindre*, *Teyrargues*, ubi & amœna domus; S. Iean de *Marvajols*, *Montclus*, *Ville-neufve*, juxta Avenionem, urbs tenuis ad Rhodanum; *Genoulbac*, *Chambourigaud*, *Roquemaure*, *Barjac*, *Pont du S. Esprit*, & *le Marquisat des Portes*, &c.

E P I S C O P A T V S

V I V A R I E N S I S.

Vivarez. *V*ivaresium, ab Ortu, Rhodano clauditur, qui quidem illud à Delphinatu dirimit; tractu Lugdunensi aut Foretio, à Septentrione; Velauno, ab Occasu; à Meridie tandem Ardechio amne, vulgo *Ardeche*, haud procul ab oppido, S. Spiritus nomine insignito. Patet viginti duabus leucis in longitudinem; in latitudinem vero alicubi 17, alibi 10 tantum leucas continet.

Dividitur in Superius & Inferius, nam Erieva flumine bipartitur; binos constituit Baillivatus, seu tribunalia; alterum Annonayo oppido, ubi Vivarezii superioris judicis peraguntur; alterum Villanovæ Bergenfi, ubi inferioris. Reliqua autem, quæ Vivaresium flumina perfundunt, his vulgo nominibus indigentantur, *Canse*, *Deom*, *le Doux*, *la Seize*, qui è jugis Gevaudanensibus prolabitur, *la Tere*, &c.

Vivarium est hujus territorii caput; urbs hæc *Viviers.* in scopulo sedet, cujus radices Rhodanus alluit; dispescitur autem in superiorem & inferiorem; superior, quæ arx dicitur, rupi infidet; inferior vero subjacet; ipsa est, quæ urbs nominatur. Aubenatenfis sedes huc translata est post cladem à Vandalis acceptam; Ecclesia quoque Vivariensis fuit à Religionariis diruta, cum urbem sibi subjecissent; equidem Catholici postea reftaurarunt, eamque splendidiorem & auctiorem reddiderunt; neque enim augustum adeo templum debuit suis ruinis jacere sepultum; nam illud quondam Gallorum Reges atque Imperatores suis favoribus exornarant; Ludovicus Pius, Imperator, Aquilas Imperii insigne concesserat, urbem ipsam inter Imperiales numerans civitates, Rex vero Ioannes, Aquilas postmodum in Lilia commutavit.

Est autem hæc civitas, juris Episcopalis, ipse vero Episcopus Comitibus titulum præfert, ut & Principis Douferensis, & Castri-novi ad Rhodanum, &c. Illa quidem fulgebat olim insignibus Ecclesiis, S. Laurentii nimirum, S. Ioannis, S. Mariæ ad Rhodanum, S. Auli, S. Martini, S. Victoris, S. Albani, pluribusque aliis, quarum aliquæ duntaxat hodie superstitæ sunt. Cathedralis sancti Vincentii, pridem quadraginta Canonicis decorabatur, qui quidem Caroli Magni, Caroli Calvi, & aliorum regum munificentia amplissimis redditibus erant dotati. Porro ipsi Episcopi quondam *Albenses* & *Helvii* vocabantur, ab Alba scilicet Helviorum civitate, olim quidem opulenta, impræsentiarum vero, in tenuem viculum redacta,

Episcopi.

Diviso.
Erieva fl.

Annonay.

Annonay.

Villeneuve
de Berg.

Soyon.

Le Poussin.

Chambray.

redacta, nec procul à Vivario urbe diffita; quo postmodum ab Auxonio Episcopo Sedes Episcopalis translata est. Hæc Diœcesis Albæ nomen diu retinuit, sed temporum vicissitudine tandem Vivariensis Sedes fuit appellata.

Episcopatus Vivariensis non adeo longe lateque diffunditur, ac ipsa jurisdictio, quæ nonnulla cis Rhodanum habet loca Diœcesis Viennensis, & maxima pars Superioris Vivaresii Sedi Viennensi subest; Turnonium partim ad Viennensem Archiepiscopatum, partim ad Valentinum Antistitem pertinet.

Episcopi.

In Archivii Ecclesiæ Vivariensis primus invenitur veteris *Alba Helviorum* Episcopus Ianuarius, cui successit Septimius, deinde Maspicianus, & S. Melanus; Beatus vero Auxonius, ob assiduas Croci Vandalorum Regis persecutiones, urbem deferere coactus fuit, Vivariumque civitatem transmigrare, quam postea Albaricum nominavit, ipsiusque successores, modo Albenses, modo Vivarienses Episcopi fuere appellati.

Cætera quod attinet, huiusce Diœceseos loca, Rhodani ripis adjacentia, vix commemorare auderem, cum fuerint rebellionis, impietatisque perfugia; quæ tamen Rex sapientissimus debita sibi obedientiæ, optatæque religioni reduxit.

Annonay.

Annonæum, ad Canfam flumen situm, primos funestæ factionis impetus tulit, cum enim sub Carolo IX, Rege, illam occupassent fœderati, eandem cum suis omnibus Ecclesiis deformarunt. Hic sedet huiusce regionis Baillivus. Ceterum hoc ex loco titulum Marchionatus sibi vendicat nobilissima Domus de *Vantadour*, quæ totius fere orbis antiquissima est, ex Levi enim stemma deducit, unde & Beatissima Virgo Deipara; quapropter & ipsi Marchiones eandem Deiparam, suam cognatam vocitant. Ex hac autem illustrissima familia prodierunt Duces, Franciæque Pares, Provinciarum Gubernatores, nec non & Equites Ordinis S. Spiritus.

Soyon.

Soyona, urbs ad Rhodanum, funesta quoque civilium dissidiorum incendia perculit; loci Dominus in ea castrum possidet; habent etiam inibi Virgines religiosæ Abbatiam. Sapius capta fuit & diruta; ac postmodum à Religionariis apprimè munita, ut ex navigantibus Rhodano contributiones extorquerent; verum à Catholicis vastata, ne commercio illac frequenti obicem poneret. Fert hæc civitas titulum Principatus.

Le Poutin.

Poussin eadem anni infidens, bellorum, jure merito, ludibrium vocari potest, & cruentarum Martis tragoediarum theatrum; tres enim obsidiones sustinuit, primam sub Carolo IX, secundam sub Henrico III, ultimam denique sub Ludovico XIII, Regibus; qui illud idem oppidum dirui, cremarique mandavit, ut sic civium illius immanis perfidia flammis atrocibus expiaretur.

Chaumerac.

Chaumeracum quoque, sive *Chemeras*, per vim fuit capta, illiusque Præsidarii milites obruncti; qui vero armorum impetum evaserant, patibulum subiere; condigna quippe illorum rebellionis pœna, ut carnificis potius manu, quam militis, de medio tollerentur. Idem fatum subiit Mirabellense castrum, quod Chameraci vestigiis, rebellionique inhæserat.

Privas, perelegans olim oppidum, duabus à *Privas*. Rhodano leucis rivulo insidet. Hæc civitas prima omnium signa rebellionis extulit; visa quasi illudere Regi Alpium domitori, strenuoque illius exercitui, qui palmas ibi collegerat, ubi nil nisi scopulos & nives quondam invenit Hannibal; qui rumor regias ut aures perculit, mox imperat Majestas regia, rebellionem suis in initiis opprimi. Venit, Vidit, Vicit; nam statim ut adfuit, velut consternati Duces, suorumque conscientia criminum perciti, in Tolonenfè munimentum urbe relicta perfugere, cujus & portas aperiri jusserunt, nondum cœpta impugnatione; urbem ergo desertam invadere milites, & quidem invito Rege domum unam incenderunt, unde mox tota quaquaversum civitas cum suis habitatoribus in favillam redacta est.

Turnonium urbs exigua secus Rhodanum, quæ à Gregorio Turonensi lib. 4. historiæ Francicæ *Tauredunum* vocitatur; illius vero situm describens idem Gregorius, rem stupendam ibi contigisse refert; nam sexaginta dierum intervallo exauditus est intra montem, cui urbs insidet, horribilis mugitus, qui non, nisi aperto monte, destitit, qui seque ab alio monte separavit; homines vero, Ecclesiæ, domus, & quæcunque suppellex, in Rhodanum præcipientes ruerunt. Visitur ibi castrum sua ab antiquitate laudatum; est & gymnasium Patrum Societatis Iesu, à Cardinali Turnonio fundatum anno 1561. Censetur autem urbs inter undecim Vivarezii Baronias.

Alia Vivaresii loca sunt, *Andance*, *S. Agreve*, *Abs*, sive *Alba Helviorum*, *S. Andeole*, *Ville-neufve de Berg*, *l'Argentiere*, *la Gorce*, *Iohannas*, *Pradelles*, *Bays sur Bays*, *la Voute*, *Chalengon*, *le Cheylar*, *Brion*, *Aubenas*, *Montlor*, *Ioyeuse*, *Crussol*, *Boulogne*, *de l'Estrange*, *Balasuc*, *Mons*, *Plantade*, *la Gorée*, *Vzers*, *Bezens*, *Vinassac*, *Prunet*, *Fraisinet*, *Ribes*, *S. Saunay*, *Vaguères*, *Larnas*, *Chastères*, *Rocles*, *Valgorge*, *Sampson*, *Salaivas*, *Gandonlet*, *Vaiquas*, *le Mas de Fons*, *Grapière*, *Malbosq*, *S. Heulaye*, *Corlin*, *Subres*, *Mazerrac*, *Bonnafez*, *Livet*, *Bajor*, *Surbayer*, *S. Lagierée*, *Durfort*, *Montbrun*, *Vessaux*, *Ageux*, *Aillon*, *Devals*, *Burget*, *d'Asfresjoc*, *Megle*, *Fabiau*, *Lavernie*, *S. Melaucy*, *Arffens*, *Thuo*, *Malars*, *Lavat*, *Dauvelle*, *du Plan*, *Arcous*, *Leperrou*, *la Fare*, *Villatelle*, *Coucouilles*, *Grailhouze*, *S. Clement*, *Cros de Gerran*, *Bourres*, *Contagnet*, *S. Agrinier*, *Macheville*, *Roman*, *le Mastic*, *Lefat*, *S. Fatimat*, *Sagines*, *Mouvrières*, *Salamou*, *Labroussat*, *Hambre*, *Ruis*, *Gilloe*, *Granjou*, *Rioman*, *le Rout*, *Bauffre*, *Plats*, *Arrie*, *Roure*, *Retrutrier*, *Serlebosq*, *Gelmel*, *Boujan*, *Dardois*, *Limpts*, *de Quintenats*, *S. Auban*, *Satiliu*, *Machabey*, *Preaux*, *Meuvernus*, *Plangie*, *Valcanes*, *Nonay*, *Torrenc*, *Verræsc*, *Talaucet*, *Siron*, *Sercers*, *Nemonas*, *Viron*, *Monniez*, *Glin*, *Château-bouc*, *Comas*, *Toullaud*, *Charman*, *Pierre Gourde*, &c.

Erieu, *Cance*, & *le Doux*, amnes; in Rhodanum sese exonerant; Deom autem & ipse fluvius, juxta Annonæum in Canciam ingreditur. Porro illa regiuncula, quæ *des Botieres* vocitatur, sex circiter leucas longitudine, duas vero latitudine completitur, excurritque secundum montes, difficillimis aditibus, & itineribus impedita. Tractus Bournensis, vulgo *Borne*, quatuor, aut quinque circiter miliaribus tum longitudine, tum latitudine extensus, situm fortitur in confiniis Diœcesum *Vze*.

Flumina.

Botieres.

Borne.

Vzetensis, Vivariensis, & Mimatenfis. Id autem nominis accepit, vel quia limitat has Dioeceses, vel quia limitatur ab ipsis; tribuitur tamen Vivarezio, quamvis Parochia maximam partem ad Dioecesin Vzetensem pertineant; montibus obsepitur, fereque inaccessibilis est; *Chassésac* fluvio per medium irrigatur. Exiguus hic ager neque frumentum neque vinum producit, aut saltem utrumque pejoris notæ; numerosissimas oves nutrit; castaneasque magna profert copia; foecundus est etiam argenti, æris, & plumbi metallis.

Plurimæ sunt hac in regione abbatia, nimirum, *Cruas*, *les Chambons*, *Bonnefex*, *Masan*, & nonnulli sacrarum Virginum Conventus; *Ville-Dieu*, &c.

A N I C I E N S I S E P I S C O P A T V S,

vulgo, *l'Evesché du Puy*.

Velaunensis regio, Vivariensi ab Ortu col-limitanea est; Gevaudanensi, à Meridie; Arvernisi ab Occasu; Segusiani, à Septentrione. Tredecim leucas longitudine panditur; latitudine vero decem. Duas autem in regiunculas dividitur; unam, quæ cis nemora vocatur, qua nempe Podium insidet; aliam pone nemora, ubi districtus Montisfalconensis Baillivatus. Præcelsi montes Mezerei, nemoribus opaci, utramque hanc regiunculam ab invicem dirimunt. Hic *Ligeris*, vere pater fluminum Franciæ, suos fontes sortitur, qui postmodum plusquam duodecim Provincias suis locupletat aquis; vix natus, mox hominibus beneficentissimus est; nam vastissimum pratum, *Loiret* dictum, irrigat, ac virefcere facit. Alia hujus tractus flumina sunt, *Lignon*, *Salize*, *Furan*, *la Canse*, *la Canise*, *la Donne*, *le Doux*, *Riotor*, *Dumiere*, *Retournac*, *Vorey*, &c.

Podium Velauni caput, & primaria civitas, sedet in montis apice; *Anicium* olim vocabatur, desumpto à monte *Anis* vocabulo, cui cœpit urbs inædificari, (distat autem duobus à Ruessio, antiquissima Velauni civitate milliaribus) ubi & S. Euvodius insignem extruxit Ecclesiam, quæ tanto populorum concursu fuit frequentata, ut non solum ipse Episcopatus ad montem Anicium translatus fuerit, sed etiam Ruessii habitatores, sui sequentes Episcopi vestigia, suas quoque ibi sedes posuerint; paulatimque is locus, in tantam, quæ nunc cernitur, amplitudinem evasit.

Anicium exinde, *Podium*, seu *Podium sanctæ Mariæ*, nuncupatum est, vulgo, *le Puy du Mont Notre-Dame*; *Podii* autem vocabulum montem seu collem indigerat. Veteres populi vocarunt hunc locum *civitatem Velaunorum*, *Velanam civitatem*, & *Valagiam*; unde Velaunensis regio nomen accepit; populi autem, *Velauni*, *Vellates*, & *Vallagienses* dicti sunt, quorum & Cæsar meminit. Est igitur ampla urbs illa & populo frequens; illiusque Antistes, Comes Velaunensis appellatur, neque ullius Archiepiscopi suffraganeus est, immediateque sum-

mo Pontifici subest. Podium haud procul à *Ligeris* alveo dislitum est. Hic sedet Senescallus, Baillivus à Rege; alius vero ab ipso Episcopo urbis Condomino, qui indivisim judicia peragunt. Cathedralis nomen *Deiparæ* præfert, ubi & initium cepit ipsa civitas; binis exornatur Choris, quorum primarius, Beatissimæ Virginis imagine in altari decoratur, ubi nemo celebrat nisi Canonicus Podiensis, aut ipsi Episcopi, vel Abbates; habet Podium præterea plures Collegiatis & Parochiales Ecclesias, nec non & Cœnobita tum virorum, tum mulierum; gaudet etiam gymnasio Patrum Societatis. Porro sanctus Georgius à S. Petro delegatus, primus hanc Sedem exornavit, cui successerunt plurimi longa serie, nec inflexa sanctitate insignes Episcopi.

Oppida autem & loca hujusce Dioecesis sunt, *S. Pierre de la Tour*, *S. Curdu*, *Seaurve*, *Clavas*, *Bellecombe*, *S. Chaffie*, quæ quidem ob suas præpingues Abbatias apprimè celebrantur: *Montfalcon*, urbs non ignobilis, ubi & castrum situ edito assurgit, quod mœnibus, fossa, & turribus, quemadmodum & ipsa urbs circumvallatur: *Polignac*, Vicecomitatus, ubi etiam castrum perantiquum in monte præalto extructum, quod & à suo situ inexpugnabile est. Savo suis in commentariis, hunc locum asserit esse *Domum Apollinarium*, unde etiam genus ducit celeberrimus toto orbe *Sidonius Apollinaris*: *Rochebaron*, Baronatus; *Monistrol*, urbs arce munita, quæ etiam aede Collegiata decoratur: *S. Poulan* (à Latinis *Sampulium* dicitur) urbecula est duabus ab Aniciensi civitate milliaribus distita, quam esse vetus *Ruessium* nonnulli affirmant; *S. Didier* oppidulum & Baronatus; *Servieres*, *Ysingheaux*, *Auret*, *Bausac*, *la Brousse*, *Solignac*, urbecula quoque & Baronatus; *Tense*, urbs est mœnibus viduata; *Craponna* autem pulchro mœnium ambitu cingitur. Alia autem præcipua Velaunensis regionis loca sunt, *Bausic Prat*, *Lary*, *l'Harantus*, *du Leson*, *Cambou*, *Bruce*, *Ours*, *Diecrane*, *Faict*, *Lautenas*, *le Chariot*, *le Chailon*, *Maurimiac*, *S. Vincens*, *Amblannes*, *Musnier*, *S. Vidal*, &c.

M I M A T E N S I S E P I S C O P A T V S.

Mimatenfis civitas Gevaudani caput est, *Mende*. hujusque Dioecesis metropolis; nominibus variis à veteribus vocabatur, nimirum, *Gabalum civitas*, *Mimata urbs*, *Mimatum Gabalorum*; imo & *Mimas*, *Gabalus*, & *Gabalus*; illius vero populi *Gabalici* nominantur à Cæsare; à Gregorio vero Turonensi, & Sidonio, *Gabalitani*; ac tandem *Gabales* à Plinio. Vrbe Gevaudanensi (quæ à Latinis *Gabalum*, & à Ptolemæo *Anderetum* vocabatur) in cinerem ac favillas à nationibus barbaris redacta, Sedes illius Episcopalis in Mimatensem civitatem translata est; *Mimatum* vero tunc erat tantum viculus, qui à monte proximo nomen acceperat; sed paulatim ad hunc, quo nunc cernitur, urbis splendorem, pervenit, tum industria & indole civium, tum suorum residentia Episcoporum.

Hæc civitas in superiori Gabalorum regione insi-

Le Loire.

Gevaudan.

Qualitas.

Frumentum.

Vinum.

infidet, (haud procul ab *Ol* flumine, quod Latine *Oleus* appellatur) valle amœnissima, aëre clementi & temperato, solo frumentis, fœno ac frugibus feraci, quod vinum etiam & crocum profert. Basilica Princeps venerando Canoniorum collegio in sacris deservitur; præter autem Canonicos, numerantur centum, & amplius eadem in Ecclesia Beneficarii. Tria sunt in urbe cœnobîa, Franciscanorum nempe, Carmelitarum, & Capucinatorum.

Gevaudan.

Gabalorum regio à priscis incolis nomen sortita est, qui *Gavali*, & *Gabali* dicebantur; ab Ortu limites habet Vivarezium, & Velaunum; à Meridie, Nemausensem & Vzetensem Diœceses; ab Occasu, tractum Rutenorum; ac tandem à Septentrione, superiorem Arvernorum regionem. Porro Diœcesis ad viginti leucas protenditur; dividiturque in Superius & Inferius Gevaudanum; primus Mimatensis Episcopus fuit S. Severianus. S. autem Privatus martyrium subiit sub Galieno & Valeriano Imperatoribus.

Præcipua hujusce Diœcesis loca sunt, *Apchier*, *Roure*, *Barré*, amplissimus burgus, frequentibus nundinis celebratus; *Chirac*, urbecula; *Canillac*, Marchionatus; *Florac*, urbs quidem tenuis, sed mœnibus cincta; *Grese* priscæ memoriæ Vicecomitatus, cum castro diruto; *Grisac*, *Espagnac*, *la Canourgue*, *S. Colombe*, *Almond*, *Paliere*, *Permejols*, *Thoras*, *Vazeilles*, *Valdas*, *Autrenas*, *Chase*, *le Blacon*, *Blaignac*, *Albaret*, *Montmernoux*, *S. Viveraut*, *Gillaret*, *Grandval*, *Recoulés*, *S. Amant*, *Montbrun*, *Lavals*, *S. Gellis de Tarn*, *le Rosier*, *Dolant*, *Severet*, *S. Frezal*, *Arzene*, *Chastanier*, *Balines*, *Rouffe*, *Stables*, *S. Amans*, *S. Denis*, *Ribens*, *Chapieu de la Panouffe*, *S. Jean de Gabriac*, *Rochebel*, *Randou*, *Bedoves*, *Nogaret*, *Vanassac*, *Rocles*, *Vis*, *Demos*, *Cubelles*, *Vebron*, *les Plantats*, *Cultures*, *Berdesin*, *Cassamas*, *Laras*, *Dacher*, *S. Croix*, *Lamelouze*, *Larcis*, *Hermas*, *Salgues*, &c.

Qualitas.

Frumentum.

Vinum.

Indigetatis igitur fere sigillatim omnibus Languedocii locis, nunc regionis dotes, quasi per recapitulationem recensēbimus. Languedocium igitur omnia vitæ humanæ necessaria abunde suppeditat, cunctaque tum ad commodum, tum ad sanitatem conducentia abunde profert. Plantities Tolosanæ frumentum ubertim ferunt, quod ipsi indigenæ ad Burdigalenses per Garumnā transmittunt; territorium autem Narbonense, Albigense, Biterrense, Lodevense, Agathense, Nemausense, suis etiam vicinis, imo Hispanis & Italis subministrant. *Gailbac*, *Rabestens*, *Nismes*, *Beaucaire*, *Laudun*, vina proferunt laudatissima; Muscata vero gignunt *Frontignan*, *Vic*, *Mirevaux*, & *Balaruc*, in Diœcesi Montepessulensi. Vina Galiacensia, præter suam bonitatem, etiam ætatem ferunt, unde & facilius in exterarum Provincias exportantur. Porro toti huic regioni hoc à natura insitum, ut omni ex parte vinum

proferat. Inferioris Languedocii oleum, Hispani-
co, suavitate præcellit; Salinarum quoque ferax *Salinae*.
est eadem regiuncula; concrevit enim sal in stagnis & paludibus *de Pecaïs*, Diœcesis Nemausensis, & alibi variis in locis, tantaque copia, ut totâ etiam Europâ abunde suppeditare posset: Superius Languedocium copiosos pascit animalium greges, boum scilicet, vaccarum, & vitulorum: inferius vero oves quam plurimas suis in pascuis thymo, roremarinô, lentisco, serpyllo, lavendula, aliisque plantis suaveolentibus constitit, nutrit, quæ quidem eorum carnes sapidiore reddunt, & delicatiores; quin & æstate suas oves ad montes Gebennicos, & Gevaudanenses transmittit, qui ad senos menses centum mille animalibus abunde pastum sufficere possunt; ta-
ceo equos & mulos optimos, qui magno numero in Velaunensi regione reperiuntur. Pisces mediterranei maris Tolosam usque deferuntur, thunni scilicet, soleæ, rhombi, ostrea, cancri marini, sardinæ, &c. Non immoror piscibus fluvialibus, quæ lacus, piscinæ, frequentiaque hujusce regionis flumina passim referta sunt; nec deest aucupium, & opima venatio: fructus etiam exquisitissimos tota quaquaversum regio, maxima profert abundantia, melones, mala persica, granata, Armeniaca, castaneas, &c. Scatet quoque gypso, structili lapide, & cujus-
cunque coloris marmore; præsertim vero in Diœcesi Montepessulensi sunt ferri, argenti-
que fodinæ, imo & cupri; & quorundam fluminum è Pyrenæis profluentum arenæ aureæ sunt & argenteæ. Simplicia & plantæ præstantissimæ in montibus Gebennicis, & Gevaudanensibus inveniuntur, quorum unus *Dei-hortus* appellatur.

Languedocienses ad omnia sunt idonei, ad ar-
ma, bonas litteras, mercaturam, terræque excolendæ labores. Opes hujus regionis ex prædictis colligere facillimum est; vires quoque ex locorum ipsius provinciæ descriptione, incolentiumque frequentia & strenuitate.

Quod autem regiminis est; illa quidem olim Romanis paruit, necnon & Gothis, Wisigothis, barbarisque aliis nationibus, qui longis temporibus illam infestarunt; Vicit porro Sarracenos Carolus Martellus, quasdamque inferioris Languedocii civitates, quæ ab illis steterant, multavit. Agit nunc hæc provincia sub Gubernatore à Rege constituto; fuit autem antea solummodo Præfectus Regis vices-gerens, verum ab anno 1632 tres statuti fuerunt. Tolozatum civitas augustissima Parlamenti Curia decoratur, cujus amplitudinem splendoremque hic describere, nostri superat metas instituti. Et hæc pauca de tam amœna, felici, spectatissimaque regione delibasse sufficiat; modò in Provinciam transeamus.

P R O V I N C I A,

vulgo

P R O V E N C E.



*Insula ora
mediterranea.*

Provincia nunc iustas laudes allaturi, Rhodanum quidem toto nixu sequeremur, quo florentem tot præclaris oppidis illius ripam mente sereniori conspiceremus; at vocat pelagus, imo imperat, suas primo Insulas perlustrari, ne si forte malaciam contemnamus, postmodum procellis involvamus. Hanc igitur viam insecutis mox sese offerunt sequentes Insulae, *le Chasteau d'If, Ratoneau, & Pomegue*, suis cum fortalitiis, sub Gubernatore, qui sedulo portui invigilat; tenuis insula *de Panies*, ubi turris, nullis defensa excubiis; Insula *d'Yeres*, quæ à priscis *Stæchades* vocitantur; *Ribandon, & Ribandas*, nuperis diffidiis munitæ, ubi etiam Seneschallus, & Salinæ, *Poqueiroles* insula, de jure est nobilissimæ familiæ *d'Ornano*; Insula Crucigera, quæ potius meruit mala aurantia gerens nominari; cum illius horti malis aurantiis ubique sint confiti; Titanis insula longe lateque sese diffundit, hocque nomen sortitur, quia quot diebus mane Solem orientem videat, persimilis Rhodensi, quæ mare Carpathium occupat. Istæ Insulae à Continenti duabus leucis sunt distitæ, nuncupanturque Insulae aureæ, propter venas auri, quibus scaudent; aut quia tellus auro nitet, auroque resperfa ubique videtur. Exigua est *Bregançon* insula, & jam enumeratis proxima, probe munita, protectaque Gubernatore speciali. Porro spectatissimæ sunt Insula S. Honorati, aliàs *Lirinensis*; & S. Margaritæ, tot Sanctorum fecundæ nutrices; quin & Campi Martii, ubi generosissimus Comes Harcurtius, invictissimus Franciæ Mars, tot lauros colligere meruit, potiusque obtutu, quam viribus hostes fudit.

Hoc in tractu Rhodanus duos in ramos dispescitur; quorum alter in mare profluit inter campum *de Crau*, & Insulam *Camarguensem*; alter vero usque ad *Motham* excurrit, ubi adhuc duas in partes dividitur; pars, *Layensis* alveus appellatur, *Camargam*que præterit; pars vero, *Robina* dicitur, pluresque in ramulos dissipatur, qui Insulas *de Pecay* efformant; alius *Camarguam* Trium-Mariarum includit, hocque pacto cunctæ suis velut ulnis, Rhodanum in mediterraneum pelagus deferunt, quasi summum Negotiationis, nec non & Franciæ navigationis in Orientis maria Præfectum; porro ipse Rhodanus tanto apparatu in mare excipitur, quanto Nilus, septem scilicet ostiis.

La Crau, vasta planities, & saxosa, jam multis à seculis innotuit; illius etenim prisci meminerunt sub agri Petrofi vocabulo, quem & lapidosam ripam indigetant; ad sex aut septem leucas protenditur, quæ Francicas duodecim, longitudine adæquant; ventis æstivisque pulsatur caloribus; attamen frumento & vino fecundissima est, mannaque & stybium affatim suppeditat.

Camargua Insula à Cajo Mario nomen accepit; ibi enim castra posuit, ut Cimbris Italiam cogitantibus, viam præcluderet: optimos equos nutrit hæc Insula; boves autem & tauri illius, genii sunt quodammodo ferocioris; attamen hæc animalia, cum in ipsa insula fere intractabilia sint; ubi cælum, seu clima commutarint, voci obaudiunt, manumque ad nutum facillime aguntur; asperam quippe indolem illis ingerit alimentum inter petrosa depastum.

Haud procul hinc distitæ sunt *Fosse Mariana*, vulgo *Aigues-mortes*, à Romanis olim conditæ, quorum Dux Marius, dum bellum in Provincia gereret, à quo & nomen sortitæ sunt, eo quod inibi fossas effodi suave castra locari mandarant, alveumque, prius limo offertum, expurgari, navigiisque ferendis idoneum reddi præceperat; Aquas-vero mortuas Galli vocitarunt, eo quod palustres illius loci aquæ, velut inertes, & emortuæ videantur. At hunc locum in Occitaniæ confinio positum obiter tantum attigimus, rapiente nos Rhodano, cujus in posterum ripas consecramur.

Provincia mediterraneo mari circumscribitur à Meridie; Alpibus Varoque flumine ab Ortu; Delphinatu, monteque Velaunensi, à Septentrione; Occitania & Rhodano ab Occasu, 36 leucis longitudine numerat, latitudine vero 30.

Crapona fl. Insulam cordi similem efformat, in petrosa illa, quam diximus, planitie, multisque peractis ambagibus, suarum partem aquarum in *Durantiam*, partem aliam in pelagus devehit, duobus sibi invicem oppositis motibus, quorum unus in Septentrionem vergit, alter ad Meridiem. *Tolèbra* autem amnis, ponte sternitur, cujus in unaquaque extremitate triumphalis extat arcus, adjecta etiam Latina Inscriptione per vetusta. In vastum Berræ stagnum, seu Martiguense pelagus rectè defluit, juxta S. Chamassii oppidum, quod in summitate montis eminet. Hac etiam regione decurrunt, *Arc, & Barret*, flumina, quorum postremum usque in Berram procurrat, quæ quidem urbecula salinis est opulenta, piratisque impervia; unico enim aditu venientes admittit, is autem binis pontibus, qui illius ostium protegunt, clauditur, defenditurque Tur-

re

re de Bouc dicta, & arce Insulensi. *Colonia Maritima*, vulgo *Martigues*, seu *Martegues*, titulo Principatus gloriatur; condita est in cognomine sibi Insula.

ARCHIEPISCOPATVS

A Q V E N S I S.

Aix.

Aque
Sextie.

AQuensis civitas, etsi cæterarum *Provincia* urbium non sit antiquissima, illis tamen palmam dignitatis præripit, suamque gloriam Cajo Sextio acceptam refert; qui cum Sallios Cimbrosque Romano subdidisset Imperio, urbis conditæ anno 631, prima hujusce civitatis fundamenta jecit, ibique calidarum thermas aquarum erexit, unde postmodum *Aquarum Sextiarum* nomen sortita est, quasi diceret *Sextii Aquas*; Galli autem corrupto vocabulo *Aix* vocitant. Sidonius *Aquas Bajas*, Plutarchus *Sextilias Aquas*, alii vero *Coloniam Iuliam Augustam* nominarunt. Porro nomen istud ultimum prætulit, quod Romani veteres *Coloniam* inibi collocassent. Visuntur hodieque nonnulla priscorum ædificiorum rudera, ubi aquæ tepidæ, aluminosæ, sulphuræ, &c. necnon & plurima antiquitatis monumenta, nimirum sepulchra, inscriptiones, columnæ, & numismata.

Verùm pulchriora illius ornamenta sunt Ecclesiæ, quarum Princeps est Basilica S. Salvatoris, Sedes Archiepiscopi, ubi Carolus Andegavensis Comes, Rexque Neapolis & Sicilia, tumulo marmoreo conditus est; ubi & Baptisterium, octo columnis immensi valoris suffultum, quod fuisse Baalis altare creditur, cui Provinciales sacrificia offerrent, priusquam Religionem Christianam amplecterentur. Aliæ vero Ecclesiæ sunt, D. Mariæ de Consolatione, S. Laurentii, S. Sebastiani, D. Magdalensæ, &c. Cænobia Dominicanorum, Franciscanorum, Augustinensium, Carmelitarum, Minimorum, S. Claræ, &c.

Parlamenti.

Ludovicus XII, Rex, urbem hanc augusta Parlamenti Curia exornavit anno 1501, ad quam provocant Baillivatus Aquis, Arelatensis, Massiliensis, & Digniensis. Palatium, in quo convenit Parlamenti curia, summam præfert magnificentiam, egregiamque in prospectu aream exhibet, ac in frontispicio Henrici IV, Regis, effigiem. Conspicitur & in Æde Franciscanorum Aquis, *Nostradamus* insignis Medici, & celeberrimi Astrologi sepulchrum. Primus Aquis Episcopus fedit S. Maximinus, unus è 72 Christi Discipulis.

EPISCOPATVS

M A S S I L I E N S I S.

Marseille.

SVam antiquitatem jactat Massilia, & jure quidem merito, Phocensium enim colonia est, qui illam in maris litore condiderunt, loco amœno, situque optimo, spe etiam concepta exorientis tum primum Romæ sistendi progressus; nam Massilia Tarquinii Superbi Regis Gallia.

temporibus fuit condita, illoque ævo, quo Ierusalem, Iudææ Metropolis, à Nabuchodonozore funditus jacuit everfa; & quo etiam Harpalus Græcos compulit Asia egredi, & in Galliam sibi quærere perfugium, ubi primum tantæ civitatis fundamenta jecerunt. Gloriatur quoque florentissimam olim habuisse Academiam, quæ trium sapientissimorum Europæ populorum, Græcorum, scilicet, Romanorum, & Gallorum nutritrix extitit; ubi tres illæ nationes, scientias vernaculâ linguâ possent ediscere; unde à Græcis *Triglossos*, à Latinis vero *Trilinguis* vocitata est. Verum cum rescisset Tiberius Imperator, execranda, quæ noctu peragebantur, Druidarum sacrificia, queis post inspecta hominum exta, sua faciebant præfagia, eam ob rem scholas eorum sustulit.

Quatuor in regiones seu partes dividitur, nimirum, S. Ioannis, Blancariæ, Domus Publicæ, & Cavaillonis, quibus olim quatuor supremi Comites præfuere; imo & insignis familia *de Vintimille* adhuc Massiliensis Comititis titulum præfert. Amplissimo Magistratu exornatur; suos tum in civilibus, tum in criminalibus Prætores habet, Senatores, aliosque à Rege Officiarios, Admiralitatis Iudices, &c.

Hæc civitas mari infidet in colle amœno: qua autem sese portus aperit, Turris assurgit, quæ S. Ioannis nomine insignitur, ubi vigil excubat Præfidiarius miles sub Gubernatore.

Valido quoque moenium ambitu, sexque portis, turribus, & propugnaculis obarmatur, & laudatissimo tutissimoque portu gaudet, ubi ne una quidem navis unquam naufragium passa est; ibi à Piratarum deprædationibus, procellarumque vorticibus tutæ triremes; figuram enim ovalem præfert, & duos inter scopulos panditur, qui quidem ventorum impetus aut frangunt, aut sistunt omnino; ferrea etiam catena obtenditur, qua navigiis hostilibus aditum præcludit; præterquam quod ingenti turre, fortalicioque D. Mariæ, in monte posito, defenditur; jugesque in ora excubiæ discurrentia pelago navigia observant, civesque accensis supra montes ignibus commonent; quod autem mirere amplius, ad sexaginta leucas ignes accenduntur, à loco scilicet *de Mourgues*, adusque Massiliam. Arx Ifensis, & fortalitorium Ratonæum augent securitatem. Hoc ex portu solvunt quot diebus onerariæ, hæc quidem vela facturæ in Syriam; aliæ Tunetum, Algerum, & ad Magnum Cairum navigaturæ, ibique commercia inituræ; unde & magni momenti merces advehunt.

Quæ etsi hujusce civitatis in commendationem sufficere possent, majus tamen decus suis ab Ecclesiis accipit, præsertim vero à Cathedrali, S. Lazari, Marthæ & Magdalensæ fratris memoriam dicata, qui primus illius civitatis fuit Episcopus; illius enim prædicatione Gens Massiliensis ad Christum conversa, superbum Minervæ scientiarum Tutelaris templum destruxit; quæ, ut refert Iustinus, tantis favoribus Massilienses cumularat, ut Regem Caramundum in lectulo quiescentem, in somnis terruerit, adeo, ut pacem cum hac Gente bello, quo sibi illam subicere cogitarat, præoptarit, ad hoc enim numerosissimum

D. d d d

mum



mum instruxerat exercitum, quem in oris Massiliensibus collocarat.

Alia civitatis templa sunt, Abbatia S. Victoris, & S. Salvatoris, Trinitariorum Conventus, anno 1203 fundatus; Dominicanorum, anno 1224; Virginum Cisterciensium, an. 1242; Augustinensium an. 1261; Carmelitarum anno 1300; Clarissarum an. 1330; Observantinorum anno 1432; Servitarum an. 1555; Capucinarum an. 1579; Minimorum an. 1575; Ursularum an. 1612; Iesuitarum anno 1621; multaque alia utriusque sexus asceteria novissimis temporibus erecta, quæ summum huic urbi splendorem conciliant. Sunt præterea quatuor Ecclesiæ parochiales, plures Prioratus, Xenodochia, & Capellæ. Nostro quoque ævo visebantur adhuc in ipsa Cathedrali, multæ Dorici & Corinthii operis columnæ, quæ quondam sumptuosissimo illi Minervæ templo decori fuerant. Inter pulchriora urbis ædificia censentur Ædes magnificentissimæ Ducis Guiciacensis, qui superiori ætate Provinciae Gubernator extitit; Palatium, quo Themidos sacra celebrantur; florentissima extra muros prata, horti amœnissimi, fructiferis etiam arboribus confiti, restagnantes limpidissimis fontibus convalles, Campi villis elegantissimis disseminati, quas *Bastides* vocant, quæque urbi proximè assident tanto numero, ut alteram quasi urbem componere videantur; utpote ad quindecim millia numerantur.

Porro, quod singulari laude dignissimum est, perseveravit nullo non tempore hæc civitas Francorum Ditioni addicta, quanquam variis Imperatorum Regumque exterorum lenociniis fuerit sollicitata: Carolus Quintus Imperator omnem operam posuit, quo sibi eam subderet; Philippus II, ejusdem Caroli filius, omnem artem atque industriam adhibuit, ut Hispano adjiceret imperio.

Verum omisissis sæcularibus hisce encomiis, hoc unum, sed spirituale superstruamus; Massiliam scilicet sanctissimos semper habuisse Episcopos, quorum primus fuit S. Lazarus à Christo è mortuis suscitatus, qui statim à morte & Passione Salvatoris, cum Celidonio cæco, Maria Magdalena, & Martha in Galliam vela faciens, Massiliam appulit, ubi Christum crucifixum annunciavit; S. Lazaro successerunt Oresius, deinde Proculus, Venerius, Eustachius, &c.

Aran fl.

Aran fluvius oritur ad radices montis Sanctæ Balmæ, ipse vero mons totius Provinciae editissimus est. Locus autem Balmæ Massiliam Aquas Sextias interjacet: illuc Magdalena appulsis Provinciae finibus secessit, ut altissimas solitudinis delicias pleniori mente degustaret, Christique unice dilecti toto corde vacaret amoribus. Hujus sanctæ Eremitæ Ecclesia in rupe condita est, quinque altaribus conspicua; à latere vero principis Altaris, Sanctissimæ Pœnitentis lectulus, in eadem rupe incisus, visitur, ubi & fons perennis: in montis apice facellum eminet, vulgo *le S. Pilon*, seu, *Pilier*, dictum; juxtaque Cavernam assidet Conventiculus in ipsa rupe collocatus, qui unâ duntaxat ferreâ portâ venientes excipit. Ipsius autem Ecclesiæ ministeria abs Religiosis S. Maximini peraguntur; Conventus

S. Pilon.

vero S. Maximini tribus inde leucis sub monte positus est.

T O L O N E N S I S

E P I S C O P A T V S.

HAc regione perfluit Gapæus amnis, qui duobus è locis scaturit, è *Mondriou*, nimirum, & *Pignans*, indeque in mare procurrit à latere portus Hierensis, qui antiquissimus est, Stœchadesque è regione aspicit. De iis apud Historiographos frequens est mentio. Hac plaga sedet Tolonensis civitas, quæ à Latinis auctoribus *Tolonium*, seu *Telonium*, non *Taurentum*, sive *Tauræum* appellatur. Nomen accepit à *Telo Martio*, qui Romanam Coloniam illuc deduxit; aut forte à Tolumno Gothorum Rege, illius restauratore. Arelatenfi Archiepiscopo subest; egregioque ac commodo portu gloriatur, qui numerosissimæ navium expeditioni idoneus est, regiarumque triremum navale ordinarium. Urbs est munitissima, præsidario milite instructa, quæ & ingenti Turre in ipso portus aditu defenditur, censeturque inter antiquissimos totius regionis Episcopatus, quem erexit Gratianus S. Cleti Romani Pontificis discipulus; memorantur inter priscae memoriæ hujus urbis Episcopos Honoratus anno 451; Cyprianus circa annum 541; Palladius, qui interfuit Concilio Arelatenfi anno 554. Desiderius, 585; Leo, 804; Eustorgius, 879; Adeodatus, cujus inserta mentio in legatis piis Guilielmi Crassi; quos quidem Episcopos recensere operæ pretium duximus, quo liquidius pateret antiquitas hujusce Episcopatus.

Olieoules, sive *Oliars*, burgus muris cinctus, non Olivæ procul à Telonio sejungitur, neque à mari, portumque suum sortitur apud S. Nazarium. *Cenari*, *Six-fours*, *la Valette*, *Evenon*, *Soulis*, sive *Soliers*, & *la Garde*, hinc non longe distant. Porro *Six-fours*, aut *Cifour*, optimus quoque est burgus, mœnium ambitu conclusus, præalto situ; at portum loco depressio sortitur, vulgo *la Sayne*, qui quidem viculus est adjacens, & de jure Abbatis S. Victoris.

F O R O - I V L I E N S I S,

sive PACENSIS Episcopatus,
vulgo FREJVLIS.

Territorium Forojuliense variis fluminibus irrigatur, nempe *la Bataillere*, quod Vernam irrorat urbem non ignobilem; juxta est sinus Grimaldus, necnon & promontoria *de Talliat*, *de Lardier*, *de l'Elbe*, & *Tesle de Can*. Ultra Sinum Grimaldum apparent Sardinariæ, dein promontorium S. Vincentii & Leonum: huc affluunt latices amnis Argentei, qui duobus conflatur è rivulis, S. Martini scilicet, & S. Maximini, qui ad invicem sociati, *Chalillon* quoque amnem excipiunt, postmodumque duobus aliis locupletantur fluminibus, *Charamio*, nempe, quod è Brignolla (celebri à prunis urbecula) defluit; & amne Candemia; tandemque admissio Lendala, pleno

*Flumina.
Vernæ.*

pleno alveo in mare sese præcipitant, haud procul à Foro-Julienfi civitate.

Draguignan, solo fertili & amœno sedet, mœnibus cingitur egregiis, & Senescalli sede exornatur.

Frejuls.

Forojulienfis autem civitas, quæ varia etiam tum Gallice, tum Latine nomina fortitur, nimirum *Frejuls*, *Frejus*, imo & *Frieus*, eos, qui nominum etymologias rimantur, apprime fatigat; Plinius *Pacensem* nominat; Strabo *Navale Caesaris*; Tacitus verò, *Forum Iulium inter Olbim & Antipolim conditum*, cujus regio *Argentio flumine irrigatur in planitie fecundissima Saliorum maritimarum*. Sed omissa tot nominum ratione, sufficiat urbis antiquitatem asseruisse; nam Iulius Imperator, aut illam iussit extrui, aut saltem amplificari, elegitque in penum militarem. Octavam igitur huc legionem demisere Imperatores (unde ab auctore pervetusto nuncupatur *Iul-forum Octavianorum Colonia*) qui urbem pluribus superbis ædibus exornarunt, Amphitheatro nempe figuræ ovalis, illoque amplissimo ac multorum millium hominum capaci, thermis, & Aquæductibus, qui decem extra civitatem leucas ducerent, quorum nonnulla solum vestigia supersunt. Visuntur etiam plurimæ inscriptiones Lapidibus incisæ, nec non & sepulchra ab hisce populis erecta.

Fins.

Urbs Forojulienfis contigua est pelago à latere Meridionali; cingitur autem valle fertilissima, qua Septentrionem respicit; altissimis ab Ortu jugis; ac demum Estereollis, quæ Alpibus finitimæ sunt, ab Occasu; illius portus olim commodissimus, assumptâ jam lacus formâ, navitis fere inutilis evasit. Gothicis procellis splendorem amisit, quibus accessit Sarracenorum, aliarumque nationum exterarum rabies, quæ pluries illam discerpsit. Quod autem impræsentiarum illam commendat amplius, Sedes est Episcopalis, nam & Episcopus urbis dominium possidet, quod illi dono contulit Ildefonsus Provinciæ Comes. Potitur etiam idem Episcopus dynastiâ de *Fayance*, à vasis fictilibus mira arte elaboratis celebrata, quæ & mensis procerum ad aliqualem splendorem & venustatem adhibentur, præsertim ubi fructus & bellaria apponuntur. Possidet etiam Forojulienfis Episcopus territoria de *Baignoles*, de *S. Rapheau*, seu *Raphael*, d' *Agay*, de *Pujet*, seu *Pogeton*; quæ sunt optima satis loca, ad oram maris sita. Eiusdem juris Episcopalis sunt ex parte *Roquebrune*, *Revest*, *Fagnac*, *Bourigaille*; estque ipse Fayanciæ Prior, de *Montauron-Bagnols*, du *Muy*, de *Flajost*, d' *Eforagnole*, de *Chasteau-vieux*, & d' *Agay*. Ius etiam habet nominationis omnium fere beneficiorum suæ Diœcesis. Hic Episcopatus, quemadmodum & alia Collegia hujusce Diœcesis, immunis est à jure Regalium. Ecclesia Cathedralis Deiparæ auspiciis dedicata est; ipsi autem indigenæ S. Leonem hujusce urbis Episcopum tutelarem agnoscunt. Primus autem Episcopus fuit Acceptus an. 374; deinde Cyllenius, Leontius, Theodorus, cujus inserta mentio in Actis Concilii Arelatenfis anno 455, &c.

Sunt alia quædam, præter ea, quæ supra jam enumeravimus, hujusce tractus flumina, *Agat*; *Rairan*, quod rupes tantum alluit, ad nihilque aliud conducit, quam ut dulcium aquarum co-

Gallia.

piam nautis suppeditet. *Bençon* suos fontes repetit haud procul à Fayancia; suasque postmodum in mare aquas evomit juxta Lanapolim.

G R A S S E N S I S E P I S C O P A T V S,

vulgo,

G R A S S E.

Signa fluvius hunc Episcopatum maximam partem perfundit; Nascitur è Provinciæ montibus, necnon & ex Grassa civitate, quam nonnulli dicunt esse *Grimmicum ad fluxiolum*, qui *Varum* ingreditur. Dirimitur hic Episcopatus à Venciensi, aquis Lupi fluminis; à Forojulienfi autem, Siagnæ laticibus. Hanc in urbem translatus fuit Episcopatus Antipolitanus, disponente Innocentio IV, summo Pontifice; eo quod Antipolis sæpius à Pyratibus diriperetur.

Primus Antistes Antipolitanus fuit Armamentarius; S. autem Valerius persequente Eurico Gothorum rege martyrium subiit anno 473, &c. Situm est in hac Diœcesi Monasterium S. Honorati Lerinenfis, in insula nempe contigua insulæ D. Margaretæ, cujus supra mentionem injecimus; locus plane multis nominibus insignis, inde enim prodire Hilarii, Eucherii, Vincentii, aliaque sidera Ecclesiæ.

Porro Antipolis, urbs fuit olim elegans, & apud antiquos celebris, illius enim honorifice meminerunt optimi Historiographi, & curiosissimi Cosmographi; primique Galliæ Christiani illam sede Episcopali dignam judicarunt, quæ postmodum Grassam translata est.

Grassenses Episcopi jus olim prætenderunt in territorium Antipolense; verum Clemens Sextus, anno 1384, Pontificio diplomate, hanc ditionem à mensis Episcoporum separavit, cavens ne in posterum, jus ullum sibi vendicarent. Ceterum Tractus Antipolitanus juris est Comitum Provinciæ.

Tota Grassensis Diœcesis in regiuncula Callianensi clauditur, quæ præter Grassam sequentia comprehendit loca, *Callian*, *Montauroux*, *Tourette*, *Gardon*, sive *Gourdon*, *Mont*, *S. Césary*, *Clapon*, *la Marthe*, *Serenon*, *S. Vallier*, aliasque urbes & oppidula, quorum incolæ lingua utuntur à communi idiomate diffita.

E P I S C O P A T V S V E N C I E N S I S,

vulgo,

V A N C E.

Venciam inter & Antipolim Barga & Lupus amnes in pelagus se exonerant; juxta autem horum alveos urbs Episcopalis Venciensis reperitur, quæ varia apud auctores nomina fortitur, *Ventium*, scilicet, seu *Vencia*, *Vincienfum* in *Notitia Provinciæ Galliæ*, & alias *Vinscien-*

E e e e

sum

sum urbs, & Vidantiorum. Vrbs mediam partem juris est Episcopalis; mediam, Baronis Vincienfis. Cathedralis, in honorem Apostoli Pauli consecrata est, ubi pretiosissimæ SS. Verani & Lamberti reliquiæ summa veneratione asservantur. Hæc Diœcesis separatur à Niciensi, Varo flumine; à Grassensi, amne Lupo; à Glandevenfi, rivo *Esteron*; à Forojulienfi tandem, Callianensi territorio: vigintiquinque solum parochias habet, quarum tres, Sabaudi Ducis dominio subjacent. Primus Venciæ Episcopus sedit S. Eusebius circa annum 374, cui successerunt S. Iovinius, Arcadius, S. Veranus, filius Eucherii Lugdunensis Archiepiscopi, Prosper, Firminus, &c.

Perfundunt Venciense territorium sequentia flumina, Varus, nempe, qui oritur juxta Argentariam, in Collo Tarundæ, sic enim ille locus appellatur; properat deinde ad pontem Villænouvæ, sub quo Tubiam quoque amnem excipit: inde petit Glandevam urbem Episcopalem, sociato sibi Vairo priusquam ipsam urbem alluat; ubi vero Glandevam prætervectus est, accelerat ad pontem Pogetium: peractisque rupes inter variis flexibus, rapit obiter Lineam fluvium, qui in Bueilenfi Comitatu scaturit; pauloque inferius, Blondam fluvium etiam alterum, qui è Niciæ partibus advenit. Ex adverso se offert *Esteron*, qui è loco de *Briançon* profluens, & multis postea cumulatus amnibus, in mare tandem horrendo cum fragore sese præcipitat.

Nec possum consistere in ora hujus fluminis, nam invitat Magnanimus Illustrissimusque Monachii Princeps, qui intima cum Liliis amicitia fœdera junxit, ut Principatus illius fines subeamus; neque Niciam Principi Pedemontano antehac subjectam, nunc vero sub protectione hujus Coronæ positam, absque injuria pertransire possumus; itaque *Palion* flumen transibimus, quod quidem Niciæ propugnacula allambit; inde Monachii Navale superabimus, quo nostra relegendes vestigia, in regnum Arelatense, Comitatum Avenionensem, & Venaissinum revertamur, indeque expeditior nobis pateat aditus in Principatum Auriacum, Saltuensum Comitatum, aliosque Provinciae tractus, longius ab ora maritima diffitos.

N I C I E N S I S

E P I S C O P A T V S,

MONACHIIQUE PRINCIPATVS.

Nice.

Nicia, seu *Nicea*, suo satis nomine, quod Græcè Victoriā præfert, indicat, se veterum Græcorum Coloniam extitisse; qui cum hujus oræ maritimæ victores evasissent, Massiliam, Agatham & Niciam civitates condiderunt, velut sua ponentes hoc in littore trophæa, mandantesque indelebilia, posteritati, suæ memoriæ monumenta. Assignarunt quidam hanc urbem Italiæ; sed veteres tituli, Scriptoresque accuratiores collocant in Provincia, unde aliàs dependebat, quasi feudum ex ipso Comitatu relevans.

Sedet hæc civitas ad radices editissimæ terræ *Sinus*, rum linguæ, quæ ab Alpibus in Mediterraneum mare prominet; urbem quasi duplicem exhibet, *Palion* flumine bipartitam, qui ponte utramque urbem jungente sternitur. Quam autem apud veteres celebris fuerit hæc civitas, testantur Arenæ, Amphitheatrum, burgus quoque *Aracha* silvis oblitus, Tempia, Plutonis, Neptuni, Junonis, & Charontis Infernorum Nacleri, necnon & indigenarum superstitiones à Strabone notatæ. Quo autem honore apud Massilienses eorum fratres aut Patres potius, censerentur, ex hoc apparet, quod Ptolemæus, Antoninus, Plinius, & alii asserant ipsos Massilienses hanc civitatem condidisse, Prætoresque inibi constituisse. Vocarunt porro prædicti auctores *Bellandam*; hodie vero *Nicea*, & *Nicia* nominatur, intra pomeria antiquæ civitatis Cemeliæ sita, quæ quidem sedes erat Episcopi; cujus habitatores, cum Lombardorum incursionibus infestarentur, suam transmiserunt, imo miscuerunt cum Niceensibus Coloniam, ut hac demum ratione à Barbarorum infestatione tuti degerent; unde Historiographi primam sæpenumero Niciæ laudem detulere, quæ Cemeliæ jure debebatur.

Arx Niciensis, quæ nullo conatu videtur expugnabilis, cum nullis belli machinis possit impeti ob sublimitatem, neque cuniculis subverti, cum rupi insideat; est velut Italiæ munimentum. Sub rupe extat fons uberrimus, haud procul à littore, qui nautas ad aquandum invitat.

Portus Villæ-Francæ, duabus abhinc leucis, qui portus Herculis creditur, Augustique trophæa, à Ptolemæo memorata, binæque arces, quarum una in montis vertice, altera in littore assurgit, Portusque Molenfis, ubi Dux Sabaudus suas triremes collocat, omnia hæc vice clavis sunt Principi, quo suorum Statuum aditum hostibus præcludat, pandatque mercatoribus & fœderatis, qui quotannis plusquam triginta quinque mille aureos pensitant.

Primus sedem Niciensem rexit S. Bassus, Decio Imperatore, quo jubente gloriosum pro Christo martyrium pertulit; successerunt Amantius anno 381, S. Valerius, anno 439; S. Auxianus, 458; Magnus, 549; Catulinus, 585; B. Saccarius, è Caroli Magni stirpe oriundus, anno 777, &c.

Monachium in Alpium extremitate situm, tri- *Monaco.* bus à Nicia leucis, qua Genuam divergit, in maris littore; civitas in tantum naturâ munita, ut nec arte opus habeat, nam rupi insidet, quæ eam reddit inaccessam, scalisque imperviam, quæque pro muris, stupendis tum ex latere maris, tum Continentis abyssis cingitur.

Si quos autem recessus natura videtur neglexisse, ars incredibili industriâ protexit; adeo, ut nisi deficiente annonâ, fameque urgente, aut forte ex insidiis, nil vel potentissimus exercitus in eam prætereundum possit. Portus quoque illius præstantissimus est; nec perperam dictitant Hispani, maximam sibi illatam à Fortuna injuriam, cum ab isto portu penitus propulsi sunt: hic quadraginta triremium exercitus in tuto locari potest.

Palatium, Principis ipsius præfert magnificen- *Palatium.* centiam;

Qualitas.

Extensio.

Loca.

centiam; symmetriam proportionemque mirabilem servat, superbis enim conclavibus & ornamentis exquisitissimis constat; Armamentarium miri est operis, & singulari arte dispositum. Bellicarum machinarum impetus sustinuit illabefactus hic locus. Ambitu duo milliaria Italica colligit; equidem non omni ex parte æqualiter inhabitatur; quæ enim longius in mare procurrit, magno intervallo habitatoribus destituitur, nec nisi hortis privatorum disseminatur.

Qualitas. Regiuncula hæc, totius fere orbis amœnissima est, nam Monachio descendens, progredieris secundum littus pelagi, adusque *Mentonam*, urbem de jure ipsius Principis, inter jasminos, mala aurantia, atque citronia, quæ miram per aëra suaveolentiam aspergunt; tantaque affluunt abundantia, ut Gebennicorum montium castaneas, & mala Normanniæ adæquent.

Vno duntaxat à Nicia milliari, Mantiga cernitur, amœna domus, quod sub umbra malorum aurantiorum perpetuò proficisceris Nicia egresus.

Extensio. Totus Niciensis Comitatus duorum dierum iter longitudine continet; unius vero, latitudine, præterque urbes, vicos centum optimos, seu ditiones comprehendit. Excurrit in Provinciam, pelagus Mediterraneum, oram Savonensem versus Vintimigiam, Collum Tendæ, Collum Agnelli, & usque ad Alpes.

Loca.

Porro alia hujusce Comitatus loca sunt, Fanum S. Albani, quod vice phari nautis inservit; Portus-Mauricius, ubi validissimum castrum; S. *Soffir*, & *Soffel*, loca mœnibus clausa; *Breglio*, urbecula; Briga & Lescarena, veræ sedes amœnitatis; Tenda castrum munita, atque cognominis Comitatus metropolis; S. Martini oppidum; *Lantosco Vtello*; Blora cum valle viculis disseminata; *Boglio*, five *Bueil*, urbs insignis, castrum conspicua, & Comitatus, ubi quatuor aut quinque arces validissimæ reperiuntur; *Casours*, urbs castrum obarmata; *Dolce-aqua*, vallis ampla & populosa, plurimæque alia non contemnenda loca. Sed sufficiat in alieno territorio vel gradum posuisse; nunc quantocyus in Franciam revertamur.

GLANDEVENSIS EPISCOPATUS.

Monaco. **G**Landeva variis nominibus apud auctores demonstratur; quandoque enim *Glannatica*, aliàs *Glannata*, & *Glandata* dicitur; in valle posita est, in confinio Alpium maritimarum, ubi & Palatium Episcopi, qui & illius dominio potitur. Venerantur indigenæ S. Iustum urbis suæ Tutelarem, cui inaugurata est ipsa Cathedralis. Qui primus resedit hujus civitatis Episcopus, Fraternalis vocabatur; ipse sedem hanc gubernavit anno 451.

SANICIENSIS EPISCOPATUS.

Palatium. **S**anefum, Sanitium, & Saniciens civitas, vulgo *Senex*, (his enim nominibus ab Historiographis vocitatur) amœnissimo sedet loco, duobus

ab urbe Castellana milliariibus. Illius Cathedralis in honorem D. Mariæ dedicata est, non autem D. Augustino, ut nonnulli asserunt perperam; non adeo numerosus ut olim Canonico-rum cœtus; illam enim Religionarii diripuerunt.

Primus Saniciensium Episcoporum fuit Vrsus anno 451; cui successit Marcellus anno 529; deinde Simplicius anno 554; Vigilius 585; &c.

REJENSIS EPISCOPATUS,

vulgo

R I E Z.

Rejense territorium alluit Verdonius amnis; exoritur autem ille juxta *Allozam*, insignem Comitatus Bueilenfis civitatem, deinde juxta desertum S. Martini procurrit, duabus à Rejo leucis, ubi specus videas, quæ Naturam suam extruxisse palatium dixeris; equidem ipsa solitudo horrorem quodammodo incutit, eo quod inter scopulos sita sit; sed variis dotibus Cartusiâ præcellit; nam cœlo fruitur puro & salubri, & limpidissimis fontibus, quorum prodigiosa est origo; deinde Verdonius amnis suo coarctatus alveo, frementium fragore aquarum hanc solitudinem occultis quasi lenociniis aspergit, quibus horrorem suavitatem temperet. In specubus innumera sunt ludentis naturæ miracula, lapides nempe in genus omne figurarum effictos, avium scilicet, serpentum, arborum, characterum perfectissime depictorum, rerumque aliarum quas phantasia, quantumvis imaginationum ferax, potest effingere.

Rejensis civitas multa sortitur nomina apud *Riez.* veteres; nam Plinius *Albecum Rejorum*, & *Coloniæ Reginsencium*; Gregorius vero Turonensis, *Urbem Regensem* nominant: at moderni *Rejum* illi nomen imposuerunt: sedet in agro fertili & amœno, in gremio Provinciæ, sexque Diocesium limitatur; ab Ortus Saniciens; Aquensi, ab Occasu; Forojulensi, à Meridie; Cisteronensi, Dignienti, & Gapensi, ab Aquilone. Cathedralis titulo D. Mariæ decoratur. Hac in urbe fulgent cœnobîa Capucinarum, Franciscanorum, atque Vrsularum; sunt etiam piæ Poenitentium, tum Candidorum, tum Fuscorum, tum & Cærulæorum Congregationes; plurimæque Xenodochia, & passim hinc inde Oratoria.

In Episcopatum evecta est anno restauratæ *Episcopus.* Salutis 400, antiqua etenim monumenta testantur, sedisse illo ævo S. Prosperum hujusce urbis Episcopum, qui successorem habuit S. Maximinum, quem Rejenses indigenæ Patronum suspiciunt; Faustus deinde, prius Abbas Lirinenfis; Contumeliosus, &c.

Alia hujusce Diocesis loca sunt, *Manosque* oppidum ad Durantiam positum, è regione Assæ, quæ quidem de jure est Equitum Melitenensium, illorumque alter Baillivi munere fungitur; hic validissimum extat castellum: *Cavaillon* in insula Duranciæ, spectat ad Comitatum Avenionensem, terrasque Pontificiæ ditionis à Francia dirimit;

mit ; *Ourgnon* quoque *Durancia* perfunditur, urbs & castrum munita, & possessio Ducum *Guifacensium* ; *Malemort* super *Duranciam* ad Episcopum *Massiliensem* pertinet ; *Senas* est *Baronatus* ; *Salon*, *Castellano*, & *Bargeols*, urbs mœnibus clausa, sub qua scatet fons aquæ salæ, & tenuis rivulus.

Durancia.

Porro *Durancia* inter difficillimos *Franciae* amnes computatur, sæpius enim præfixos sibi à natura terminos transgreditur, etiam scopulos evolvit, arvaque circumvicina depopulatur, neque ob suam rapiditatem, & breviam, negotiationi, aut navigationi idoneus est, neque quidquam constantius habet sua inconstantia, suisque exundationibus. E monte *Genevrensi* proficiscitur ; ubi etiam *Doucra* suos fontes habet, qui in *Padum* suas deducit aquas, acceptis prius hisce fluminibus, nimirum, *Hubaye*, *Bene*, *la Sasse*, *Buelch*, *Bleon*, *Larque*, *Assé*, *Verdon*, *Issolet*, *Nartube*, *Riez*, *Lez*, *Crapone*, & *Amnis* ipse *Durancia* juxta locum de *Malemort*, duos in ramos dispescitur ; major, *Duranciae* nomen retinet ; minor, *Duransola* nominatur ; sed unico postmodum recurrunt alveo juxta *Cavallonium*, ubi admissio flumine *Calenonio*, quod *Aptensi* ponte pertransitur, in *Rhodanum* sese exonerat, uno sub *Avenione* milliari.

A R E L A T E N S I S ARCHIEPISCOPATUS.

Arelate.

Civitas *Arelatenfis*, *Massiliam*, veluti soror, origine contingit ; nam *Phocenses* utriusque fundamenta posuerunt ; fuit etiam colonia *Romanorum*, sextæque *Legionis* domicilium, quæ illuc transmissa est, ut *Romano* subiectam Imperio manuteneret. Illam memorant summa cum laude *Historiographi* ; alii civitatum gloriam, alii *Romam Gallicam*, seu *Romam Galliarum* nominant. Iussit *Constantinus Imperator* *Constantinam* vocari. Venantur illius notitiam nonnulli ex veteribus inscriptionibus, sub nomine *Mamillaris*, quod nempe solum ipfius uberrimum sit : at vulgarius nomen, est *Arelas*, quasi diceret, *Ara lata* ; natum est autem vocabulum à duabus columnis veteribus, *Romanorum* opere extructis, ac superposito latitudinis non vulgaris lapide ; quæ in urbis gymnasio hodieque conspiciuntur, creditque vulgus *Columnas* & *Altare Herculis* : ni potius dixeris, illam esse ingentem pyramidem sexaginta pedes altam, ubi *Dianæ* sacrificabatur.

Potest impræsentiarum hæc civitas *Sol Provinciae* vocitari, & antiquæ *Romæ* æmula, ob eximia nimirum opera, quæ suis mœnibus claudit, Templum scilicet *Dianæ*, & Amphitheatrum, quod cæteris *Europæ* antecellit, quidquid dicat eruditissimus aliàs *Lipfius*, qui non nisi ex relationibus aliorum locutus est ; constat illud quidem sexaginta fornicibus, quorum quisque quindecim pedibus panditur, tantæque molis sunt illorum lapides, ut suo pte pondere absque calce & cœmento fulciantur. Locus *Arenarum*, seu certaminis *Gladiatorum* atque ferarum, ædificiis quaquaversum obfusus est ; Specus autem, quarum una subter *Rhodanum* medio aquæductu

excurrit *Nemausum* usque, pro textrinis cellisque vinariis inserviunt. Insidet urbs *Rhodano*, qui ubi eam per medium disleuit, duasque in urbes, navali ponte ad invicem connexas, divisit, seipsum duos aperit in ramos, quæ insulam *Camarquam* efformat.

Fuit olim hîc regni *Arelatenfis* solium, & metropolis, cujus adhuc *Cæsarei* jus & proprietatem sibi tribuunt, quam tamen *Galli* possident ; ibique *Senescallum* collocarunt cum *Prætor*, Subprætor aliisque Magistratibus. Et quidem regnum *Arelatense*, quod *Burgundiam*, *Delphinatum*, & *Sabaudiam* complectebatur, fuit quædam olim Imperii portio, nam & ipsa regio adhuc Imperium vocitatur.

Basilica Princeps S. Stephano Protomartyri *Ecclesie.* dedicata est ; alia est *Ecclesia S. Trophimi Apostolorum Discipuli*, qui primus extitit *Arelatenfis* Episcopus, aque inter illustrissimos *Christianismi* in *Galliis* fundatores computatur ; *Ecclesia S. Antonii*, in qua nonnulla hujus sanctissimi *Anachoretæ* sacra pignora honorificentissime asservantur. Est & *Præceptor* *Melitenfis*, & *Xenodochium* à *Carolo Nono* fundatum & donatum. Visitur & specus *S. Trophimi*, qua infidelium persecutionem fugiens latuit. *Ecclesia* vero *S. Honorati*, vestigia funestorum pro religione dissidiorum suis in ruinis præfert ; superbis olim nitebat ædificiis hæc *Ecclesia*, ut relictae ingentes columnæ marmoreæ testantur. Extant plusquam sexcenta in cœmeterio sepulcra, præclaris etiam inscriptionibus insignita ; cernitur inter alia vetustus Ducis *Sabaudie* tumulus, quem *Dux Carolus Emanuel* iussit aperiri, verum præter cinerem, ossa, & corruptionem, nil reperit : in ipsius vero *Ecclesie* cavea ostenditur sepulchrum *Rolandi*, *Caroli Magni* nepotis ; sepulchrum quoque *S. Hilarii*, *Arelatenfis* Archiepiscopi, ubi quodam velut miraculo aqua est in eadem semper copia, nulla anni tempestate crescens aut decrescens.

Trophimus ergo hujusce tractus incolæ, *Christi* fide, & *Evangelii* prædicatione imbut, unde & primus fuit *Arelatæ* Episcopus. Hæc autem urbs cum facta esset *Metropolis* regni *Burgundionum* sub nomine regni *Arelatenfis*, facta quoque est *Metropolis* Episcopatum in eo inclusorum ; unde & Archiepiscopus *Arelatenfis* etiamnum se *Galliæ* Primatem dictitat. Ius olim horum Archiepiscoporum adeo excreverat, ut semel quotannis Concilium celebrarent, quod septem *Provinciarum* dicebatur, quo tum *Galli*, tum *Hispani* convenire tenebantur, & si quid illis in fide ambiguum, proponere : *Dimissorias* dabant indifferenter omnibus *Galliæ* Episcopis, sine quibus abesse non poterant à sua *Dioecesi* ; jusque nominandi ad Episcopatus *Galliæ* *Narbonensis* & *Viennensis* possidebant, ac demum de cunctis disponebant tum personis, tum rebus *Ecclesiasticis* in quantum *Galliarum* *Primates* sanctæque *Sedis Apostolicæ* vicarii ; verum aliqua pars horum privilegiorum sublata est sub *Carolo Calvo*, neque alios hodie suffraganeos habent præter Episcopum *Massiliensem*, *Tricastinum*, *Tolonensem*, & *Auriacum*.

Dioecesis Arelatenfis parum omnino nunc extendi-

tenditur, binasque tantum abbatias sibi subjectas habet, nimirum S. Petri Montismajoris, Ordinis Benedictini, & S. Cæsarii Arelatensis, ejusdem Instituti. Tria, aut forte sex Concilia, urbem hanc celeberrimam reddiderunt, unum sub Constantino Imperatore, & Silvestro summo Pontifice; secundum sub eodem Pontifice, anno 326; tertium anno 461.

Secundus Arelatensis Episcopus fuit S. Regulus, qui S. Trophimo successit. Porro sedente Heroe S. Martini Turonensis discipulo, urbem hanc Gothi occuparunt, quæ mox singulari Ducis Aëtii strenuitate recuperata fuit. Hanc sedem exornavit etiam S. Hilarius Lerinensis Abbas, qui floruit anno 439; quem subsecuti sunt plurimi Præsules Sanctitate insignes. Ipsa autem urbs deinceps à Sarracenis direpta fuit anno 738, quemadmodum & plurima alia Galliæ celeberrima loca; ipsi quippe ope freti aliarum barbararum nationum, ab anno 670, usque ad annum 743 cuncta longe lateque depopulati sunt. Innumeras præterea clades perpeffa est, quas enumerare, nimis prolixum. Hanc illustres familiæ exornant, quarum præcipuæ sunt Porcelletorum Domus, seu de Foz, Mailhaine, Vbaye, Nogaret, Eguieres, Roque-martine, de Bodiol, Galbert, Arlatan, &c.

Haud procul ab Arelate diffitus est præpinguis S. Aegidii Prioratus. Quæ vero paludes à Bellocadro, aliàs *Beaucaire*, ad Fossas Marianas excurrunt, septem aut octo leucas occupant; quæ quidem etsi in Provincia non comprehendantur, attamen hujusce regionis terræ censentur. Camargua feracior indies evadit irrorante Rhodano, binis enim illius ramis in Insulam efformatur juxta urbem Arelatensem, in eaque maximam boum, atque equorum multitudinem cives nutriunt.

*Urbis &
Prioratus
S. Aegidii.*

Prioratus S. Aegidii urbi cognomini nomen imposuit, quæ portio quædam est Domus Tolosanæ in Comitatum evecta. Visitur singulare remotioris antiquitatis vestigium in proximo nemore, *Istael* dicto, Arelatem inter, & Nemausum, Cathedra nempe lapidea, quam vulgus asserit Druydis inservisse, quod res sacras populos edocerent.

E Diocesi Arelatensi Tarasconem proficiscimur, quæ sedet in ripis Rhodani è latere Provinciæ, castrumque habet firmissimum, à Renato Sicilia rege, & Provinciæ Comite extructum, cujus effigies in area cernitur, Reginaque uxoris, cum Latina inscriptione. Tectum quidem non habet; sed in parte superiori in planum expanditur, ubi tormentariæ machinæ; indeque amoenissimus in subjectam urbem prospectus.

Primaria urbis Basilica, Marthæ Virgini, Christi servatoris hospitæ, dedicata est, quæ inibi contumelata, illiusque reliquiæ vase pretiosissimo aservantur; & victoria, quam de dracone regionem infestante extulit, in columna depicta monstratur.

Iam aliquot ab annis reperta est in medio Rhodani alveo insula Bellicadrum inter atque Tarasconem, quod vetus proverbium perperam circumferri censeatur, ipso quippe inter ista duo oppida, neque oves, neque pecus cujuscunque

Gallia.

generis pasci, vulgo decantatur; quod falsum experientia demonstrat.

Rhodani ductum profecuti, Avenionem pertingemus, indeque Auriacum Principatum; quia autem hi tractus, speciales tabulas habent, eas idcirco illis subjiciemus; interimque alia quædam spectatissima Provinciæ loca perspicemus.

Berbentana, firmissimus olim hujusce regionis locus juxta Durantiam amnem, castro defenditur apprime munito; *Boulbon* quoque ad aquas Rhodani situm, oppidum est insigne; *Forcalquier*, & antiquitate & viribus gloriatur; nomen fecit nobilissimæ familiæ, quæ Comitatus titulo possidet. Devolutus est hic Comitatus in clarissimam Provinciæ Domum; seculisque remotioribus, Imperii nobile feudum extitit; Fredericus enim Imperator anno 1152, Guilielmum Comitem Forcalquierium, clientelarem sibi fidem præstare mandavit ob territoria ditionesque quas in Provincia possideret; cum autem recussasset Guilielmus, Comitatu suo exturbatus est; qui Berengario Provinciæ Comite, ejusque in perpetuum successoribus, ab Imperatore assignatus est; verum hæc donatio nullum sortita est effectum; nam Guilielmus tandem respuit, atque cum Alphonso I, Provinciæ Comite, è quo fide Clientelari Comitatum tenere debebat, res composuit. Ceterum hæc civitas Sedem habet Senescallatus; Arcensi amni insidet, qui quidem Ollieresii intra Provinciæ montes oritur. Cis paululum versus Avenionem respiciens, Aptam Iuliam videbis, cujux mox tibi descriptionem subjiciemus.

A P T E N S I S E P I S C O P A T V S,

vulgo

A P T.

APtenfis civitas, ad unum Duransolæ ramum sita, inter Durantiam & Rhodanum, à Plinio *Apta Iulia Vulgiensium* nominatur; hoc enim nomine abs Iulio Cæsare, qui eam condidit, Coloniamque in ea statuit, donata est; Sanctæ Annæ dicata est Cathedralis. Habet autem hæc Diocesis quinque Abbatias, scilicet S. Eusebii, & Vaucellensem, Ordinis Benedictini; Vallis-Sanctæ, S. Catharinæ Aptensis, & S. Crucis itidem Aptensis.

Principis titulum præfert hujus loci Episcopus, estque primus Aquis Metropolitani Suffraganeus, Fredericus, & Carolus IV, Imperatores, maximis Aptensem Ecclesiam privilegiis exornarunt, Consules instituendi, signandi monetas, &c. Arces S. Martini, Turritesi, Claromontana, & Auribelenfis ex parte ad hunc Episcopatum pertinent; Superioribus vero sæculis Castella *de Savion*, *de Rochefure*, *de Chastillon*, ipsaque S. Martini Baronia de mensa Episcopi censebantur.

Primus, qui hac in urbe sedit Episcopus, fuit S. Auspicius, anno 314; deinde S. Quintinus, S. Castor, Sillucius, Asclepius, S. Prætextatus, Eusebius, Clementinus, Pappus, & Magnericus,

F f f f

quo

quo sedem hanc moderante, anno 792, inventum fuit in urbe Aptensi sacrum Corpus S. Annæ, Virginis Deiparæ parentis, cujus miraculosæ inventionis festum quotannis celebratur. In finibus hujus Diocesis spectatur urbs Forcalquierensis, deinde urbs Episcopalis Sisteronensis, de qua proxime dicemus.

SISTERONENSIS

EPISCOPATUS,

vulgo, SISTERON,
aut CISTERON.

Sisteronem Latini auctores varie nominant, *Sistaricum* nempe, *Sistero*, *Sequestero*, *Segesterica urbs*, & *Segesterorum*, & *Segestericorum civitas*. Urbs optima est ad Durantiam sita, quæ sedes gaudet Episcopali, cujus Antistes, Aquis Archiepiscopi suffraganeus est, quemadmodum & Episcopi Aptensis, Rejensis, Forojulienensis, & Gapensis.

Princeps Basilica hujusce civitatis, titulo D. Mariæ decoratur; in ea sacris operantur Præpositus & undecim Canonici, à Carolo Magno Imperatore fundati. Continet hæc Diocesis duas Abbantias, *Lure*, & *Crueys*, Ecclesiam Collegiatam Forcalquierensem, monasterium S. Claræ civitatis Sisteronensis, Archipresbyteratum Vallis Bodonæ in ipso Delphinatu, pluresque Prioratus, & Parochias.

Primum habuit Episcopum nomine Valerium anno 517, quem piissimi nobilissimique longa serie in hanc usque diem subsecuti sunt Episcopi. Ceterum urbs Sisteronensis firmissimo castro munitur, ubi præfidiarius à Rege miles.

DIGNIENSIS

EPISCOPATUS.

Haud procul ab urbe Sisterone Digniensis civitas reperitur, quam Ptolemæus & Plinius *Diniam*, *Dinam*, *Diniensium*, *Dineam*, *Digniam*; moderni vero *Dignam* appellant; hanc perluit *Bledona*, seu *Bloduna* fluvius, vulgo *Bleoce*, seu *Bleons*, qui multis peractis ambagibus, in Durantiam tandem evolvitur, quatuor ab hac urbe miliaribus. Afferit Plinius *Digniam* olim fuisse tractus Ebredunensis caput; hæc sunt illius verba: *Tam Avanticos, quam Ebroduntios, quorum oppidum Dinia, à Galba Imperatore, formule adjectos, id est, Narbonnensi Provincia aggregatos.* Nam prius Alpium populis accensebantur. Ptolemæus autem hujusce regionis incolas *Sentios* vocat: *Vocontii*, & *Mimenis* magis Orientales sunt *Sentii*, quorum civitas mediterranea est *Dinia*. Equidem persuasissimum mihi est, *Sentii* vocabulo Diocesis Senesiensis populos Digniensium finitimos indigestasse.

Hæc civitas ante octingentos annos divisa fuit in burgum atque civitatem, civitas quidem ad radices montis posita, figuram ovalem fortita est; in montis autem vertice visuntur etiamnum

rudera veteris Episcoporum castelli: tribus portis decoratur. At vero burgus in valle jacet, aquis Mardarici riguus; gloriatur Ecclesia Cathedrali sacra Deiparæ; illam fundavit, dotavitque Carolus Magnus Imperator; unde & Præposito, aliisque Dignitatibus & Canonicis illustratur. Est præterea in urbe Ecclesia S. Hieronymi, Conventus FF. Minorum, SS. Trinitatis, Redemptionis Captivorum, Recollectorum, & quædam cœnobium Virginum.

Princeps & Episcopus urbis quondam dominatum infimul possederunt, communique eorum nomine fiebant publicæ proclamationes. Hic Sedes est Senescalli. Burgus directe ad Præposituram Ecclesiæ pertinet, donatione facta abs Remundo Berengario anno 1221. Urbs autem regitur Magistratibus municipalibus, quos Consules vocant. Extant in suburbiiis thermæ salutare.

Primus, qui resedit hac in urbe Episcopus, fuit S. Dominus, circa annum 313; successit S. Vincentius, qui & Concilio Valentiniensi interfuit; ceteros illustrissimos Antistites, proposita brevitate consulens, omitto.

Alia Provinciæ loca sunt *Anot*, seu *Allos*, *Colmars*, urbs firma, Verdonii fluentis insidens; *Antrevaux*, burgus muro vallatus, cum Præfidiario milite: *Seyne*, locus ob editam turrim celebris; apparent deinde valles *Chanan* & *Barreme*, quibus insident loca *de Barreme*, fanum S. Iacobi, *Clumans*, *Chandon*, *Lambruyssé*, & *Tartonne*, *Marignagne*, *Lourgues*, S. *Paul*, *Pertuys*, *Peyrolle*, *la Vallette*, *Monflier*, S. *Tropez*, *Solliers*, & S. *Remy*. Hoc etiam in tractu assurgit Turris Aquis, vulgo *Tour d'Aygues*, miræ prorsus structuræ ac symmetriæ, ubi fontes limpidissimi, prata, vivaria, viridariaque amœnissima. Sunt quoque hac in regione Comitatus *de Grignan*, & *du Sault*; Principatus *de Montdragon*, Archiepiscopi Arelatenensis possessio; & opulenta dominia *de Baulx*, *de Montségur*, *de Chantemerle*, *de Salles*, *de Collongelles*, *d'Allain*, *de Reonville*, *de Vitrolles*, *de Daigues*, &c.

Provinciæ vires tot ex locis munitissimis concipere nullo negotio quisque potest; nam in ora maritima passim fortalitia erecta sunt, ubi & præfidiarius miles nullo non tempore excubias agit, ut in Bregauconio versus Stœchades insulas, quo Hispanæ Italæque triremes appellant: portus maritimi, quæis Statum Rex ab hostium invasione protegit, in iisque decem peditum millia, Equitum vero mille, collocare potest, neque urbes aut oppida habitatoribus propterea forent destituta.

At vero priusquam Provinciâ egrediamur, *Qualitas.* operæ pretium est eximias illius dotes recensere; Regio quippe est amœnissima, & omnibus ad vitam necessariis instructa, adeo ut non benigna solum, sed effusa videatur suis in muneribus rerum Natura erga Provinciam; nam & aspirante Austro temperantur æstivi calores, nec nisi ad mensē frigus perseverat; & vix unquam gelu riget, imo caryophylli, rosæ, floresque alii eo ipso vernant tempore, quo alibi viduata omni pulchritudine terra conspicitur; frumento & vino feracissima est; planities enim Camarguæ sementem multiplici fœnore reddit; colles sunt viti-

vitibus confiti; nascitur vinum musco odoratum juxta Cientiam, Rejem civitatem, nec non & in tractu Tarasconensi. Hic etiam præstantissimæ olivæ, mala aurea, Granata, pruna, Persica, Armeniaca, &c.

Delicias aliis in regionibus augent artis miracula, profusque in excolendis Procerum viridariis sumptus, flores exquisitissimi è longinquis etiam regionibus advecti; at non sic in Provincia; hæc enim omnia benignissima parens Natura Provincialibus absque arte suppeditat; Provincialium silvæ, olivis passim & palmis refertæ sunt, ducti sunt in rectum absque funiculis arborum ordines, cuncta convenienti ordine, miraque elegantia Natura concinnat; anseribus, phasianis, pavonibus, coturnicibus, turturibus, ac perdicibus fœcundissima est; hic quoque est opima cuniculorum venatio. Rhombum, soleam, thunnus, aliosque pisces, etiam testaceos subministrat pelagus; truttæ & alii pisces exquisitissimi è fluminibus extrahuntur; adeo ut non perperam Romani Provinciam vocitarint, quasi ceteras inter Provincias, quas sibi subegerant, palman præferret.

Mores.

Provinciales maxima pollent dexteritate in cunctis corporis exercitationibus, etiam in ludicris; habent singuli Provinciæ pagi Festa, solennitatesque seu Dedicationes speciales, quibus velocius currenti, saltanti agilius, sclopeto, aut balista propositam attingenti metam, præmia distribuuntur; ibique locorum adjacentium juvenus suæ dexteritatis specimen præbet. Omnes fere optimo ingenio præditi sunt; videnturque omnes Musarum alumni; unde & præci auctores Poetas natos vocitarunt. Nativæ etiam hilaritatis notæ ex veteri eorum consuetudine perspiciuntur, quod scilicet in Aquensi civitate, Amorum Principem statuant, à regionis Procuratoribus nominatum, qui cunctis in Festo Corporis Christi solenniis assistit, cum insigni juvenum caterva; quibus peractis, Procuratores, Consules, atque Nobilitatem sumptuosissimis epulis excipit; choreasque, & saltationes cum uxoribus procerum celebrat; ipse suos omnes Officiarios habet, selectæque juventutis est Caput; quem titulum nec Romani Imperatores dedignati sunt. Eadem pompa procedit Rex Basochiæ. Si quæ morum asperitas in Provincialibus notatur, eos solum afficit, qui aut pelagus accolunt, aut frequentant; hanc enim illis affricant Turcæ & Africani; at qui regionis gremium insident, ipsique Nobiles summa morum suavitate præditi sunt. Femina vestium sectantur elegantiam, attamen tum verbis, tum gestis quandam ingenuitatem præ se ferunt.

Oper.

Provinciæ opulentia præsertim ex commerciis nascitur, quæ quidem ineunt Massilienses, aliarumque urbium indigenæ, cum Orientalibus, Hispanis & Italis; sed præstantiora sunt cum Orientalibus commercia, ceterisque longe utiliora. Solvunt naves ut plurimum è portu Massiliensi, ut proficiscantur Alepum in Syriam, quæ celeberrimum Orientis censetur emporium, un-

de sericum, gossypium, rhabarbarum, aliaque asportant Massilienses; Alii petunt Alexandriam, & Magnum Cairum, unde linum, piper & multiplicitia aromata devehunt; alii Constantinopolim, nec non & Tripolim aliasque urbes in ora Ierosolymæ subeunt, Tunetum, Algerum, ac diversas Hispaniæ urbes in plaga maritima usque ad Abulam, & Vlissiponam; Genuam Italiæ, Liburnum, & Neapolim, Messanam & Palermum Sicilia. Nativi autem regionis proventus sunt frumentum & vinum, quæ in exteras transmittunt provincias; oleum, quoque, ficus, cappares, amygdala, quæ commutant serico, aulæis Turcicis, saccharo, daëtylis, &c.

Vnicus est & Supremus hac in regione Senescallus, novemque Iudiciorum sedes; quarum Aquensis generalis nominatur, in qua privilegiatæ Marchionum, Comitum, summorumque Officiariorum causæ definiuntur; aliæ sunt Arelatensis, Massiliensis, Briguollensis, Yerenfis, Grassefis, Draguignanensis, Forcalquierensis, & Dignienfis.

Suprema Parlamenti Curia Aquis Sextiis constituta est, cum Camera Computorum, Auxiliorum, Aerarii, &c. Controversias dirimit ex jure scripto. Præter singulares locorum Gubernatores, est etiam universalis Provinciæ Gubernator à Rege constitutus.

Antiquos autem Provinciæ Dynastas & Comites quod attinet, certissimum est illam non semel eandem cum Italia fortunam subiisse, etiam sub Ostrogothorum imperio, & sub Lothario Ludovici Pii primogenito; quasi occultâ quadam hos inter populos sympathiâ Provinciales Romanorum fortunis obstringerentur, & vicissim Romani Provincialibus. Carolus Calvus Imperator Rexque Galliæ, putans regiæ Majestatis interesse, Reges tantum regii sanguinis affines habere, Provinciam in regni dignitatem evexit: at cum deinceps Italiæ annexa fuisset, iterum à regno Franciæ sejuncta, particularibus Dominis paruit, qui ex Regibus Italiæ descenderant, qui & titulum Comitum præferebant. Porro temporum vicissitudine, Ludovico XI, Rege, Comitatus iste, Regum coronæ inseparabiliter unitus est.

Innumeræ sunt in Provincia familiæ nobiles & antiquæ, quarum res præclare gestas enarrare, ad Historiographos pertinet; nam ne quidem præ nimia multitudine indigetare licet.

Ceterum Provincia duos in Senescallatus dispescitur; Primus Provinciæ dictus, complectitur Massiliam, Aquas Sextias, Yeres, Draguignan, Grasse, Nice, Tholon, S. Maximin, Brignolle, Vintimille, Theoniers, Castellane, & Monstres: alter vero Senescallatus, Forcalquierensis appellatus, includit Baillivatus Vallis Demontiæ, de Valasturane, urbis Dignienfis, Sisteronensis, Aptensis, Mariarum, de Realville, & Vallis Ollæ. Sed sufficiat compendio Provinciam provinciarum & peragrassæ & perlustrasse; nunc itaque ad Delphinatum accingamur.

[Faint, illegible text, likely bleed-through from the reverse side of the page.]

Fines.

Qualita


Nomen.

Antiqui

Nomen

Fines.

PRINCIPATVS
ARAUSIONENSIS,
vulgo
D'ORANGE.



Fines.

Qualitas.

Nomen.

Antiquitas.

Principatus Arausionensis loco peramœno situs, ad confinia Comitatus Avenionensis, eum fere totum ambientis ac veluti cornibus amplexantis, nisi quâ ripam Rhodani contingit; terra ferax frugum & fructuum, ventis paulo sæpius infestata, Græcis *Arausion*, sive *Araï-sion*, à colonia Græca ejus nominis olim eo ducta, Latinis *Arausio*, Gallis *Orange*; magni apud Romanos nominis fuisse constat, ibique primo nascentis Ecclesiæ seculo Episcopum erectum, secundam legionem *Arausionem* missam comperimus, à Romanis ad mores Romanos eo inducendos, ut sextam in *Arelatensem* urbem, vulgo *Arles*, septimam Biterras, sive *Besziens*, &c. quapropter *Arausionem Secundanorum* quoque coloniam esse vocatam.


Antiquissimis Galliæ Narbonensis urbibus annumeratur; quidam fundatam volunt à Colonia Græcorum, quæ *Masiliam*, vulgo *Marseille*, appulit, Tarquinio regnante, sub ipsa imperii Romani nascentis incunabula. Circumjacenti regioni olim imperitavit; sed sive diuturnitate temporis & injuria, sive Principum suorum externis bellis implicitorum absentia, finibus & oppidis non

admodum amplis ejus nunc dominatio continetur.

Mœnibus olim & turribus rotundis, quinquaginta passus inter se distantibus, more Græco cincta fuit; eorum ambitus mille quingentos complectebatur, à colle, cui arcis modo dirutæ radices diu hæserunt, versus meridiem, usque ad fontem cui nomen *Lavacrum*, extant etiamnum multa murorum antiquorum, fossarumque vestigia, Theatri, Balneorum, & arcus Triumphalis prope portam quæ Lugdunum respicit, à Mario extructus, ut ferunt, & pugnis equestribus in eo egregie insculptis insignis. In hac olim tria consilia diversis temporibus celebrata, à loco, *Arausicana* dicta, Principibus bellicæ nostro seculo restituendæ virtutis, ac militaris disciplinæ peritissimis inclyta: civitas, nescio quo fato, novis etiam mœnibus & propugnaculis exuta. Irrigatur ager tribus fluminibus se in Rhodanum exonerantibus, scilicet *Meine*, *Louesse*, *Egues*: olim ope aquarum, à Romanis invecetarum, fere singulæ domus proprios fontes habuere.

Principibus à multis seculis paruerat, qui stirpem, ad Principes Romanorum haud obscuris indiciis referunt, avorum atavorumque præclaris facinoribus, ac propriis Orbi noti; Fœderatarum Belgii Provinciarum Libertatis fundatores, & acerrimi vindices.

COMITATVS
AVENIONENSIS,
sive VENISSÆ.



Nomen.

Fines.

À finistram Rhodani Ripam si quis secundo flumine vehatur, occurrunt Principatus Arausionensis, vulgo *d'Orange*, & Comitatus Avenionensis, vulgo *d'Avignon*, sive de *Venais-sin*, qui à voce Gallica *Venais-sin*, nomen sumpsisse putatur, eo quod locus sit venationi admodum opportunus, quum ad Occidentem Rhodanus præterfluit, seu potius præterruit, à *Linguadociis*, ut vocant, dirimens, à me-

Gallia.

ridie *Druentia*, vulgo *la Durance*, à Provincia, sive *la Provence* dirimitur, quam ab Oriente quoque respicit, versus Septentrionem vero habet *Delphinatum* & Principatum Arausionensem.

Abundat ager frumento, vino, fructibus & venatu; habet Archiepiscopatum unum, scilicet Avenionensem; 3 Episcopatus, nimirum *Carpentoratensem*, id est de *Carpentras*, *Caballionensem*, sive de *tus*, *Cavaillon*, & *Vasionensem*, vulgo *Vaison*; quamdiu, quomodo, & quo jure is Comitatus à Pontifice Romano possideatur, varii varie sentiunt, & nar-

G g g g

rant.

rant. Constat ibi sedem Pontificiam per LX annos integros fuisse, cum Clemens Quintus eo sedem transtulisset; urbs est ambitu murorum à Pontificibus splendide structorum, & privatorum publicorumque ædificiorum amplitudine celebris; flumine *la Sorque* in rivulos per plateas urbis, & rura vicina distracto hilaris: oritur hoc flumen intra ipsum Comitatum, quarto tantum ab urbe lapide, ad fontem *de Vaucluse*; versibus & domo Petrarchæ famosum, & aquarum limpidissimarum copia, quibus magis abundat in ipso fonte quam alia flumina non ignota, multis regionibus peragratis.

Vrbs Ponte trecentorum passuum adversa trans Rhodanum ripæ suburbio, nomine *de Ville-neufve* conjungitur, in quo cœnobium cum Monachorum, tum vicinarum Monialium, nomine *de S. André*, Arcis instar, satis altis, & valde præruptis rupibus ponti eminet, inibi quoque Carthusianorum cœnobium.

Avenioni & Carpentorati, distinctas sedes & vestis colorem à cætera plebe obtinent Iudæi, libere ceremonias suas in Synagoga exercent.

Hæc olim urbs, quod Albigenfibus faveret, longa obsidione cincta, vi capta, & propemodum diruta, à Carolo Octavo, Galliæ Rege.

Vrbes,
Carpentras.

Carpentras Episcopatus, olim *Carpentorate* Minorum, *Vindisca*, vel *Vindausisa*, & *Vendacensis* urbs, ex cuius ruinis extructa; Quæstoris Comitatus Generalis: tenui flumine *de la Russe* alluitur, centum Italos præfidiarios milites obtinet.

Cavaillon.

Cavaillon non longe à *Druentia*, Latinis olim Ca-

bellio Cavarum, Colonia Cabellicorum, hodie Cavallio; Comitatum esse *Nostradamus* putavit, à quo penderent Huenio.

Vrbs *Vaïsson* prope *Druentiam* quoque sita, flumine *la Sorque* alluitur. Olim *Vocorum* civitas, & *Vasio*, inter celeberrimas totius Galliæ Narbonensis urbes à Pomponio Mela annumeratur, ex ruinis ad tria passuum millia patentibus: celebrem fuisse constat, præsertim tempore Vandolorum, atque Gothorum, qui expilatam diruerunt. Ac postmodum restauratam Sarraceni, alique non semel ferro flammaque vastarunt, quantumvis à Tholosatum Comitibus arce nova ad has clades vitandas munitam. Sedes Episcopalis ibidem ab anno 314: diœcesis ampla, partem Comitatus *de Venaisim* continet, in Arau-sionensem Principatum & Provinciam Delphinatus extenditur; cum diœceses, de quibus modo egimus, arctis admodum limitibus circumscribuntur.

Aliæ Comitatus urbes sunt, Insula, vulgo *l'Isle*, *Alie civitates*. *Pons de Sorgues*, *Vaukras*, *Bolene*, *Caderouffe*, *Mornas*, castro munita, *Du Tor*, *Baronia*, *Masan*, *Brantou*, cum arce ac militibus præfidiariis, & *Chasteau-neuf*; urbis antiquæ *Florus* & alii meminere sub nomine *Vindelium* & *Vindalus*. Hodie *Port de la Traillie*, aut *Pont de Sorque*, prope Avenionem, præterea *Serignan*, *Baronia*, &c.

Qui plura volet de urbe Avenionensi, adeat nostrum Theatrum Urbium Italiæ, volumine Status Ecclesiastici; quas inter, diffusam civitatis Avenionensis descriptionem reperiet.



DELPHINATUS.

Nomen.



Delphinatus, vulgo *le Dauphiné*, provinciae Viennensis titulum ab initio praeferebat, eratque antiqui Burgundiae regni quaedam portio; sed temporum vicissitudine, Regum Burgundionum, & Transjuranonum dominio adiectus est, qui illum variorum Comitum regimini commiserunt; ipsi vero post Rollonis cognomento Ignavi obitum, hanc provinciam juris proprii fecerunt, adscito sibi Comitum Albonensium, & Viennensium titulo; verum in memoriam alterutrius, Delphinatorum nomen retinuerunt, quod & Terris suae Dominationi subiectis imposuerunt.

Fines.

Hic tractus à latere meridionali Provincia clauditur, vulgo *Provence*, & Avenionensi Comitatu, ac Auriacensi Principatu; à Septentrione, Lugdunensi, atque Bressensi territorii; Vivarezio, & Vellezio, ab Occasu; Sabaudia denique ac Pedemontio ab Ortum. Longitudine 5 dierum; latitudine, trium iter complectitur.

Extensio.

Divisio.

Ambrun.

Vienna.

Grenoble.

Qualitas.

Archiepiscopus, & Episcopus.

Superior Delphinatus, montium jugis quaquaversum oblitus, omni fere anni tempestate in praeceptorum vertice nivibus riget; unde & feris scatet, urfis nimirum, & rupicapris: Inferior autem Delphinatus, frumento, vino, ac ligno feracissimus est; attamen vinearum arboribus insitae sunt; idem ager ligno, vino & frumento saepe idoneus est.

Hac provincia duobus Archiepiscopatibus exornatur, Viennensi nimirum, & Ambuaretenensi; quatuorque habet Episcopatus, Valentianum, Gratianopolitanum, S. Pauli Tricastini, & Gapensem.

VIENNENSIS ARCHIEPISCOPATUS.

Viennam ergo profecturi Lugduno, Rhodani alveum prosequamur. Ille obviam multas constituit insulas, quarum nobilissima illa est, quae *Du Fesin* nominatur, ad milliare pro-

Gallia.

tena & expansa. Lugdunum inter & Viennam urbes quinque leucis ab invicem distitas, *Garon* & *Giers* flumina Rhodano sociantur; *Garon* fluvius martyrio S. Didaci Viennensis Archiepiscopi clarus, cujus sanguine fuit purpuratus; *Giers* autem è monte Pila defluit, ubi stertit velut immobilis lacus, *Giers* puteus communiter appellatus, cui à natura insitum, ut vaporibus sursum emissis, futuras in aëre procellas praemoneat, quae tandem in ventorum turbines ac pluvias erumpunt. Hujusce scaturiginis aqua adeo frigida est, ut nec absque punctione doloris diutius in ea manum teneas; imo & si quis mensibus aestivis potaverit, os bibentis illico intumescit. *Doibe* alter fluvius eodem ex monte prodit, jungiturque *Giers* amni, ut pariter Rhodano immergantur.

Porro amnes isti Viennam procurunt, ubi Rhodanus ponte jungitur, ibidemque *Gere* rivulus molas frumentarias, papyraceas, atque alias circumagat.

Vienna autem vetustissima est civitas, olim à *Vienna*. Iulio Caesare frumentis asservandis deputata, quam ipse *Viennam Allobrogum Metropolim* appellat; & Strabo, *Nobilissimam in Galliis Metropolim*. Claudius vero Imperator, *Ornatissimam valentissimamque Viennensem Coloniam*. Ado Viennensis, *Senatoriā* nuncupavit, propter amplitudinem, supremamque sui Senatus potestatem. Fortunatus *Urbem Alpinam & Opulentam*; Eusebius, priscique alii laudatissimi auctores multo amplius illam commendarunt, utpote *Sanctam, Metropolim, Galliarum maximam, & opulentissimam prolocuti*. Longius olim latiusque, quam impraesentiarum sua pomeria dilatavit, hoc quippe relicta vetustorum moenium rudera plenius evincunt. Hæc quondam fuit præcipua Allobrogum civitas, quo quidem nomine Sabaudi Delphinatesque comprehendebantur. Fertur autem nomen accepisse à Venetio quodam, natione Africano, patriaque extorri ac fugitivo, qui & moenibus illam cinxit, ante annos bis mille; quin & Senones dum in Italiam transmitterent anno 365 ab Urbe condita, ibidem duo templa erexerunt, alterum Marti, alterum Victoriæ. Ab illo autem ævo cum Romani Delphinatum suae ditioni subjecissent, præclaram inibi Coloniam collocarunt, & Tiberius Gracchus illam ponte exornavit anno 576 Urbis conditæ, ambasque pontis extremitates duabus arcibus munivit, quo via tutior omnibus esset. Illam Iulius Caesar diutissime incoluit, & in ea belli penus & horrea constituit; Tiberius quoque editissimam illam turrim extrui præcepit, ubi dicitur Pilatus diem clausisse suæ premum; in vinetis etiam ingentes adhuc videntur pyramides, ubi olim illius palatium; lacusque conspicitur, in quem ipse sese præcipitem dedit; quin & asseritur, quasi indubitatum, D. Mariæ Templum ex ipsius Prætorii, in quo jus diceret, ruinis extructum; imo & inscriptio hæc in quadam lapideâ illius columna legitur, *Hoc est capulum sceptri Pilati, qui hic extinctus est*. Illam & Galba

H h h h

Galba suâ munificentia decoravit, frendente etiam Nerone, & ut civibus, qui à se adversus Lugdunenses Neronemque steterant grates rependeret. Testatur tandem Pomponius Mela, horum Imperatorum ævo, amplissimam ibi totius Gallia Universitatem ac scientiarum omnium Academiam floruisse, ex cunctisque orbis partibus illuc præclara ingenia, velut ad emporium optimarum artium, sese contulisse.

Verum relictis paganis tenebris, ad splendidissimum Christianæ fidei jubar transeamus; suos habeat pugiles & gladiatores amphitheatrum, quod etiamnum intra illius muros ferme integrum visitur; vana illa Romanæ antiquitatis monumenta, quæ ipsa curiosissime asservat, prætereamus; illiusque maximum decus, à Christi religione, & ab elegantissimis sacerrimisque Deo dicatis ædibus aucupemur.

Ecclesie.

Cathedralis S. Mauriti Ecclesia in aggere sita, structuræ est perelegantis; illuc duobus & triginta gradibus ascenditur; decem habet parochiales, præter Collegiatus S. Petri, S. Severi, & S. Andrea Religiosi. Splendidissimum est hac in urbe Patrum Societatis Gymnasium. Sunt & multa virorum Religioforum & Virginum cœnobita, Xenodochia, & alia, quas singularis pietas, domus ædificavit.

Primatus.

Viennensis civitas de Galliarum Primatu cum Lugdunensi contendit, gloriaturque una & altera vice suos intra muros Universalem Ecclesiam duobus œcumenicis Conciliis congregasse, aut potius inclusisse.

Divisio.

Dividitur territorium Viennense in Superius, & Inferius; Superius incipit à latere Lugdunensi, ducitque à fano S. Genesii usque ad viam publicam S. Martini.

Duobus à Vienna miliaribus extat mons atque puteus, sive lacus Pilati dictus. Vrbs ista & vetera & nova pro ratione temporum habuit fortalitia, quæ eadem quoque vicissitudine diruta fuerunt. D. Mariae templum, fuit olim Prætorium Romanorum, ubi columnæ & epistylia affabre elaborata visebantur.

Hæc Diœcesis septem numerat Archipresbyteratus, quibus plures subjacent Parochiæ. Sub sunt & Prioratus, & Abbatia, quarum præcipuæ hac serie recensentur, S. Antonii Viennensis, S. Chef, Romans, S. Petri extra portas Viennenses, S. Andrea item Viennensis, ac demum Bonavallis.

Suffraganei autem Viennensis Archiepiscopi sunt hi qui sequuntur Antistites, Genevensis, Gratianopolitanus, Moriennensis, Viveriensis, Diensis, & Valencienensis. Crescentium vero illuc in prædicationem Fidei à S. Paulo missum, Viennæque primum sedisse Episcopum, asserit Ado Viennensis, illius etiam Sedis suo tempore successor.

Transmissa igitur Viennensi civitate, Rhodani amnis ductum prosequendo, Turnonium devenitur, obiterque Delphinatum inter & Vellayum quinquaginta rivuli variis flexibus per herbida littoris circumducti cum admiratione conspiciuntur; tribusque à Vienna miliaribus, Barfluvius occurrit, exundationibus frequens, ac prata sibi adjacentia devastans.

EBREDVNE NSIS ARCHIEPISCOPATVS.

E Bredunum, vulgo Ambrum, Imperialis quondam civitas, Superioris Delphinatus est caput & metropolis; cujus Suffraganei sunt, Dignienfis, Senezensis, Glandevenfis, Nicensis, Vensensis, & Grassensis, Antistites, cuncti extra hanc regionem positi. Hæc autem urbs hujus regni postrema est, qua Provinciam ingrediaris, supremaque totius Francia; quemadmodum omnium infima est civitas Narbonnensis.

Qui Iulii Cæsaris libros de bello Gallico evolvent, nullo negotio adduci poterit, ut credat, Ebredunum inter antiquissimas, ut & amplissimas esse hujus provinciæ civitates; illam enim ante sexcentos & mille annos Cæsar memorat, vetustissimis Gallia populis accensens, qui invicem fœderati ingentem adversus Romanos exercitum in aciem educerent; illos autem Ambuaretorum vocabulo indigetat.

Vocatur autem à Latinis ipsa civitas, Ebredunum, & Ebrodunum, urbs Caturigum, & Alpium maritimarum finitima, qui ab Ebris idolo ibi quondam à Paganis adorato, atque ex Duni vocabulo, quod veteribus Gallis montem significabat, nomen assumpsisse referunt. Equidem urbs loci naturâ munitissima est, inaccessæ etenim rupi insidet à latere Occidentali; à Meridie vero aliisque regionibus, firmissimis mœnibus, propugnaculis, arceque defenditur. Vrbi dominatur cum Rege Archiepiscopus, alternatimque Iudex tum à Rege, tum ab Archiepiscopo constituitur, unde appellationes directæ ad Parlamentum provocant. Ipse autem Ebredunensis Baillivus districtuum & jurisdictionum subalternarum provocaciones definit. Est quoque Officialitas, quam Curiam Ecclesiasticam appellant.

Collegium, seu Capitulum viginti Canonicis exornatur, quos inter locum honorarium Rex possidet; volensque Ludovicus XIII, Rex, patefacere nequiquam ab armis dissentire pietatem, honorarium hoc munus, dum Sufam pergeret, implevit, aut potius locum occupavit, assumpto etiam superpelliceo, & almutio Canonicorum insigni; quod & à Francisco I constitutum ferunt, simul cum Missâ quot diebus ab uno Canonicorum celebrandâ, quam Regis Missam dicunt. Sacra Sanctorum reliquiæ, hac in Basilica asservatæ, pretiosissimaque ornamenta ostentantur. Hæc urbs septem olim parochias numeravit; verum binæ funestis ob religionem diffidiis in munimenta bellica fuere conversæ. Collegium Societatis, quod ibi extat, & celeberrimum, & frequentissimum est.

Maximas olim prærogativas habuerunt Archiepiscopi, dum jus cudendæ monetæ prætenderent, nam & Principatus titulum illo ævo prætulerunt.

Baillivatus Ebredunensis ad leucas undecim extenditur, illi Vallis Barcinonensis ab Ortu, & à Meridie contigua est. Porro S. Nazarius illuc à Lino D. Petri successore fuit delegatus anno 69, at vero cum ab eodem Pontifice Romam revocatus

catus fuisset, ibique pro Christo martyrium subiisset; ad tempus fidei jubar apud Ebredunenses eclipsim passum, tandem anno 340, suos plenissime radios diffudit, prædicante scilicet S. Marcellino natione Africano circa finem Imperii Constantini Magni. Ipse autem Marcellinus primus omnium sedem hanc tenuit & exornavit.

VALENTINVS & DIENSIS EPISCOPATVS.

Valence.

Valentie nomen multæ urbes præferunt; habet enim suam quoque Hispania Valentiam regni cognominis caput; habet & Vasconia, ejusdem nominis urbem juxta Condomum; hæc autem, qua de nunc loquimur, Valentia Delphinatum occupat; quæ duabus aliis honorem antiquitatis præripit; illam Ptolemæus *Colonia Romanorum Valentiam prænomine Iuliam* indigetat; Strabo autem ipsam ante tempora Iulii Cæsaris *Durium* fuisse appellatam asserit; alii tandem *Segalaunorum urbem Rhodano flumini post Isaræ amnis confluvii impositam*, dicunt, & Plinius *Valentiam Cavarum*. Ipsa est Ducatus Valentiniensis caput, Rhodano insidens, quam ipse aluit, ejusque moenia tanto impetu pulsat, ut nuper maximam eorum partem suis fluctibus diruerit.

Qui curiosius foundationis auctores perquisierunt, illius gloriam Romæ, Allobrogis Gallorum regis filio, tribuunt. Sed alii probabilius à Romana ibi existente Colonia Romæ nomen inditum affirmant; Roma enim Græce, idem Latine sonat atque Valentia. Alii vocum similitudini inhaerentes, Valentem & Valentinianum Imperatores hujus civitatis conditores adstruunt, sed perperam; namque ante hos Imperatores etiam Valentia vocabatur.

Fontes.

Illud vero, quod memorabile hac in urbe reperitur, sunt fontes illi insignes, quibus prata irrigantur; horum canales rari adeo artificii sunt, ut illos perambulare homo etiam erectus possit; opus certe Iulii Cæsaris magnificentia dignum, cujus nec initium, nec finis hucusque reperta sunt. Vocantur autem fontes isti, unus *Charan*, alter *Contant*. Extant & in Dominicanorum cœnobio bini fontes exigui, æstivis mensibus glaciæ instar frigidi, hibernis autem calidissimi.

Ecclesie.

Templa, quæ quidem nihil fere aliud impræsentiarum præferunt, quam tristes Fœderatorum furoris reliquias, olim structuræ perelegantis & magnificæ extiterunt. Princeps Ecclesia sub nomine S. Apollinaris, ceteris tum structuræ elegantia, tum dignitate præluet; hæc Cathedralis, quæ & Canonicorum collegio illustratur; nec inelegans est, quæ S. Felicis nomine honestatur, in qua, superiori sæculo ante funesta bellorum dissidia, Romani Equitis cum uxore tumultus viscebatur hoc Epitaphio insignitus:

D. M. MEMORIÆ ÆTERN. PETRO-
NI CASTIVET. MISSI HONESTA
MISSIONE EX LEG. PRINC. MIN.
EX OPTIONE PROCONS. DV-
Gallia.

CENAR. ET VITALINÆ FLO-
RAT. CONIVG. ILLIVS VIVI SL-
BI PONENDVM CVRAVER. ET
SVB ASCIA DEDICAVERVNT.

In ipso etiam aditu prædictæ S. Apollinaris Ecclesiæ legitur adhuc hæc antiquæ notæ Inscriptio:

T. POMPEIO HILARI LVERINO. T.
POMPEIVS BASSVS. ET PATRI SIBI.

Conspicitur & in Dominicanorum viridario Gigantis cujusdam *Buard* dicti effigies, 15 cubitos altitudinis, septem vero latitudinis, prout ex ossium è claustro non ita pridem exhumatorum dimensione conjectatum est. Sunt & aliæ ædes sacræ, S. Martini scilicet, S. Iacobi, Franciscanorum, Minimorum, Capucinorum, S. Ursulæ virginum, & aliarum sub SS. Benedicti, & Bernardi institutis.

Abbatia S. Rufi olim inter superbissima Delphinatus ædificia censebatur, illiusque imprimis claustrum, quod marmoreis columnis vario colore interstinctis, atque affabre elaboratis erat fustulatum, imo veteris ac novi Testamenti figuris expictum; tota autem elegantia post illius vastationem dispersit.

Hæc Abbatia quondam ab Urbano V, Avenione huc translata, postmodum in Prioratum S. Iacobi, qui in urbe est, constituta, à Canonici Regularibus D. Augustini possidetur, qui solius Romani Pontificis jurisdictioni subsunt; namque hoc monasterium est hujus Ordinis in hac provincia caput, ex eoque S. Felicis Prioratus dependet.

Ecclesia S. Ioannis, quæ nunc Rotunda, olim ^{Ecclesia S. Ioannis.} Pantheon dicebatur, priscorum incolarum & opulentiam, & falsam pietatem clamat; ii quippe Romanorum mores in omnibus imitabantur, mutuabanturque ab iisdem delubra, ritus & numina, ut à quibus vitam acceperant, acciperent & religionem.

In Abbatia S. Petri, quæ quidem in burgo abs ^{Abbatia S. Petri.} Carolo Magno fundata est, patet foramen, quod longe protenditur subter Rhodanum flumen, & in adversam ripam camposque ultra patentes deducit, at supra transeuntium caput, quasi ponte superius strato, profluit amnis.

Præter hæc autem antiquitatis miracula, in domo cujusdam civis cernitur eximium feminae, in ^{Tumulus Imperatoris.} forsan Imperatricis, sepulchrum, quod quidem in vinetis, cum hac Inscriptione fuit repertum, D. IVSTINAM. A. ipso autem aperto apparuit formosissima mulier, cui annulus aureus in unaquaque auricula appendebat, utrique vero annulo insertus erat lapillus, uni Turquesia, alteri Smaragdus, vas etiam crySTALLINUM pedibus appositum, & vitrea capiti lampas. Verum & cadaver, & sumptuosus iste apparatus exceptâ aurâ in pulverem abierunt. Taceo insignes alias antiquitatis reliquias, quæ priscam hujus urbis amplitudinem & magnificentiam locupletissime testantur.

Nam ut ad ea, quæ impræsentiarum habet ornamen-

namenta revertamur, quæ illi decus, & majorem quam antea splendorem addunt; Ducatus titulo gloriatur, sede Præsidiali, arce validissimâ præfidiario etiam milite instructâ, augusto Magistratu, celeberrimâ Iuris civilis Academiâ, & quod longe melius, Episcopum habet, qui animarum salutem invigilet.

Est autem Episcopus, Valentia Comes & temporalis Dominus, qui Baillivum, Iudicem majorem aliosque inferiores Officiarios constituit. Ipsa etiam Cathedralis Basilica jurisdictione potitur suprema, media, infima, ab Episcopali jurisdictione indivisa in Canonicos omnes, & Ecclesiæ Officiarios.

Adjacens urbi Burgus optimo mœnium ambitu vallatur, suosque habet Consules & Magistratus. Exornatur etiam venerabili Capitulo, Priore, Canonicis plurimisque Clericis insignito, neque Ordinarii jurisdictioni subiecto. Pertinet autem suprema, media, & infima jurisdictio ad D. Felicis Abbatem, & hujusce loci Priorem; quorum quisque suos seorsim Officiarios habet.

Erumpunt è collibus urbi proximis multi rivuli, qui & prata irrorant, & quinque molas propellentibus aquis circumagunt. Duobus hinc milliariis reperitur locus *de la Roche-Clain*; hic nomen perdit Isera fluvius, suasque aquas Rhodano confundit. Nec procul à prædicto Burgo Torrens Barbeyrellius eundem in amnem evolvitur, qui maximas eidem Burgo clades parit, alvei sui ripas supergressus.

Valentina Diocesis 325 parochias suæ jurisdictioni subiectas habet, atque Abbatis S. Rufi, & S. Tiraucii Saonæ, vulgo *S. Tiers de Saon*. Primus sedit Valentia Antistes S. Felix, cui plurimi virtute insignes Episcopi successerunt.

Diviso.

Ager Valentia dividitur in superiorem & inferiorem; superior ab Isera fluv. ad Droumam quoque flumen excurrit; inferior autem à Drouma usque ad terras *Provincia* contiguas. Superior longitudine & latitudine quatuor duntaxat leucis diffunditur.

Oppida.

Regio superior ipsam Valentia civitatem habet, nec non S. Marcellini oppidum, *Albon*, *Moras*, *Romans*; hæc urbs opulenta, quæ aliquam Ierosolymæ similitudinem, aut saltem quasdam illius circumstantias exhibet; *Loriol*, *Alex*, *Vire*, *Vaulxanes*, *Beaulne*, *Cornillanne*, *Ourches*, *Barcelonne*, *Montvendres*, *Chabueil*, *Montmeyran*, *Monteyson*, *Vspic*, *Montelegier*, *Beaumont*, *l'Estaille*, *la Vache*, *S. Thomas*, & *Livron*, quæ quidem tenuis est urbecula, ubi olim castrum in rupe conditum, cujus situ freti cives eo insolentia devenere, ut Henrici III, Regis, auctoritati rebelles, illius exercitum sisterent, Regemque ipsum contumeliis ac maledictis proscinderent; *la Mote Faugeas*, *la Roche-chinard*, *S. Nazaire*, *la Beaulne d'Autun*, *Autun*, *Chateau-double*, *Peyrus*, *Combovin*, &c. Hæc omnia loca fuere olim mœnibus cincta, sed anno 1564°, flagrantibus diffidiis civilibus discincta, præter *Chabueil*, *Estaille*, *Monteilles*, & *Alixan*. Intersecatur hæc regio fluentis cujusdam rivuli *Veorre* dicti, quibus etiam illius solum uberrime fecundatur.

Montelimar.

Montilium Ademari, vulgo *Montelimar*, oppidum castrum munitum, in inferiori Valentia sedet, Canonicorum capitulo exornatur, & Vice-Sene-

scallatu, cujus jurisdictioni subsunt pagi circiter quinquaginta. Tribus perfunditur fluminibus, nempe *Robion*, *Iabron*, & *le Rez*.

E Montilio Ademari ad Petramlatam, via ducit amœnitate incomparabilis, thymo, lavendula, roremarino, herbisque aliis suaveolentibus resperfa. Est autem Petralata urbs elegans, commerciis frequens, castro in rupe sito obarmata, è quo jucundissimus patet in amnem Bèveram prospectus. Vidit hic amnis effusum Catholicorum sanguinem suis cum undis eodem alveo fluere, quos insana adversæ religionis rabies aut occiderat, aut ex editissimis turribus præcipitarat.

Cætera hujus districtus præcipua loca sunt, *Ancone*, *Derbieres*, *Sanasse*, *S. Marcelli Prioratus*, *Sauzet* burgus castrum munitus, *Marjanne*, *Roynac*, *Puy S. Martin*, *Soupière*, *Chateau-neuf de Magene*, *Poytlaut* Præceptorium Melitenis, *Dieu le fit*, *Alençon*, *Roches*, *Secret*, *la Bastie*, *Blacons*, *Taullignan*, *Donzère* & *Chateau-neuf du Rhosne*, vel *de Rat*, ambo Principatus; *la Garde* Baronatus, ubi Domus elegans; *Roche-fort*, *Pieygiron*, oppidulum castrum vallatum; *S. Gervasi* burgus muris cinctus; *Suze la Rousse*, Comitatus, ubi quoque est castrum, *Tullette*, *Rochegude*, &c.

Valentina Diocesis quatuor habet presbyteratus, quorum primus est Montilium Ademari, quo continentur quindecim Prioratus, & S. Tiraucii Saonæ abbatia; secundus est Livronensis, ubi decem Prioratus; tertius, Royanensis; qui septem habet Prioratus, & Abbatiam Verneysonensem; quartus denique S. Silvestri presbyteratus.

Baroniae autem, vulgo *les Baronies*, spectatissimam constituunt regionem, quæ quintam fere Delphinatus partem facit sub uno eodemque Baillivatu, cujus sedes est loco *de Buys* regie ditioni subiecto; *Vinsobres*; *Condourfes*, locus muro & arce munitus; *Nyons*, vetus oppidum; *Aigues* amni riguum, qui sub ponte labitur: vehementissimi hujus regionis æstus, emissio ex rupis hiatus vento temperantur; aliàs esset inhabitabilis; ipsa autem rupes urbi supereminet, ipsi quoque rupi fons adjacet morbis pluribus salutaris. Arx Nionensis solo fuit coæquata. S. Albani oppidum, mœnibus & castrum est vallatum; S. Ial-læ urbecula, rivulo & muris circumcincta, arce non ineleganti defenditur. Cætera loca sunt *Sabunne*, *Merindol* regie ditionis oppidum mœnibus clausum; *Montbrun* Comitatus, & locus etiam muris cinctus; *Ville-perdrix*, *S. André*, *Mirabel*, *Vanterolle*, *Piegoun*, *S. Vfony*, *S. Sauveur*, *le Poët*, *Arpavon*, *Moulans* burgus binis castris munitus, cujus etiam muros allambit Aueza saxeo sub ponte transiens; & quidem locus ille mœnium ambitu cingitur; verum arx illius fuit diruta anno 1622: *Reillanete*, burgus itidem conclusus, quem pertingit mons editissimus, *Mont-ventoux* vulgo dictus, qui ad tres mille passus in ambitum excurrit, locus undique inaccessus, fonte limpidissimo multisque cisternis instructus; ipsa vero, quæ in summitate rupis extat planities, frumentum ac ligna in præfidiarii militis usum suppeditat. Populis frequentissimus est hic Baillivatus, & ad septem protenditur leucas longitudine, latitudine 4; potestque 2000 Pedites, Equites 300 in aciem

Die.

Crest.

Loca.

Grenoble.

aciem educere; in ipsius vero defensionem regionis, sex bellatorum millia conscribi possent.

Die, vel *Deia Augusta Vocontiorum*, vulgo *Die*, colonia Romanorum, in inferioribus Delphinatum montibus, & quasi in ipsius regionis gremio sita, Temporalitatis seu Vallis Diocesis est caput, tribus olim exornata turribus, quæ quidem Parliamentaria auctoritate solo æquata fuerunt; illarum altera figuræ quadrangularis, veterum Romanorum opus videbatur; aliæ vero duæ quinque angulorum formam præferiebant, eximiæ structuræ, symmetriæque singularis; bini amnes mœnibus circumfusi, Drouma nempe, qui è Vaudromensi parochia proficiscitur, octo supra Diam miliaribus, tribusque locis superius lacum efformat, qui Lucensis lacus nominatur, vulgo *Lac de Luc*; creditur autem ratio nominis mutata è loco Romanis olim familiari, sed amnis exundationibus submerso, cujus etiamnum quædam in medio lacu turres extant, integræque concamerationes. Fluvius alter *Merosse* dicitur, aliàs *Merosse*, quem priscei Romani quibusdam aquæductibus in urbem invexerant, qui hodieque visuntur; solum Dienſe perfundit, septenariusque circumagit molas. Porro Dienſis civitas illustratur Ecclesia Cathedrali, quæ suos habet Canonicos; imo & Iudices, Officiarios, jurisdictionemque ab Episcopali sejunctam; præclarum ostentat campanile, quod nec humi incumbit, sed sursum attollitur columnis lapideis ex uno lapide miræ altitudinis & molis suffultum; Episcopale palatium adhuc integrum perseverat. Urbs quoque arce munitur, ubi præfidiarius miles. Visitur & in platea majori antiqua domus, quæ olim à Vestalibus inhabitata fuisse perhibetur.

Crest. Crestense oppidum Droumæ aquis irriguum turrem habet quadrangularem, præter castrum, & ea, quæ in illius ambitu sunt domicilia. Arx pone urbem extat. Primaria Valentini Dienſisque Senescallatus sedes est.

Dienſis autem Episcopatus quaternis Archipresbyteratibus constat, Dienſi nimirum, Crestensi, Desertensi, & Trivenſi; duas Collegiatis, habet, Crestensem scilicet, atque Griniânensem. Dimidio abs Dienſi urbe milliari reperitur Valliscreſcentis Abbatia sub monte Glandaffio sita, qui tantæ est altitudinis, ut vinetis ad duodecim leucas in circuitu confitis, gelû, quod ingerit, summo opere noceat. Sunt præterea quædam Abbatia, & Præceptorie Melitenſes.

Loca. Plurima sunt Dienſis jurisdictionis loca, nimirum, *Chaſtillon*, *Moulières*, *S. Roman*, *la Croix haute*; *Glandage* castrum inexpugnabile, nec nisi cælo ipsi conspicuum, quo impeditissimis aditibus pervenitur; *Menglon*, *Poujols la Mote-Chalençon*, *Luc*, *Salhans*, *Aouste*, *Bordeaux*, *S. Agnan*, *S. Martin*, *Pontaix*, &c.

EPISCOPATUS GRATIANOPOLITANVS.

Grenoble. **G**ratianopolis, inter antiquissimas & nobilissimas censetur Galliæ Narbonensis civitates; à Ptolemæo vocatur *Accuſion*, qui

& illam fuisse inhabitatam asserit à populo & Colonia è *Provincia* deducta; nomen vero istud retinuit usque ad tempora Diocletiani & Maximiani, quorum ævo *Cularona* vocitata est.

Hanc civitatem Maximianus apprimè munit, arcemque inibi in protectionem Romanorum extruxit, duasque ex quadrato lapide portas erexit, miri omnino operis, quod etiamnum intuentium oculos ad se rapit; quæ meridiem aspiciat, *Romane Iovis* nomen extulit, hocque illi vocabulum in Gratianum Diocletiani inditum est, qui sese Iovi coæquabat, cui & ipsemet hanc inscriptionem insculpi mandavit, quæ impræsentiarum etiam visitur:

DD. NN. IMPP. CÆS. CAIVS AVREL. VALERIVS DIOCLETIANVS PP. INVICTVS AVGVSTVS, ET IMP. CÆSAR M. AVREL. VALERIVS MAXIMIANVS, PIVS, FELIX, INVICTVS, AVG. MVRIS CVLARONENSIBVS, CVM INTERIORIBVS ÆDIFICIIS, PROVIDENTIA SVA INSTITVTIS ATQVE PERFECTIS, PORTAM ROMANAM IOVIAM VOCARI IVSSIT.

Quæ vero spectat ad Septentrionem, ducitque Viennam, *Herculeæ* titulo insignita est, in memoriam scilicet Maximiani, qui sese in terris Herculem jactitabat; exornatur vero istâ inscriptione:

DD. NN. IMPP. CÆS. CAIVS AVREL. VALERIVS DIOCLETIANVS PP. INVICTVS AVG. ET IMP. CÆS. MARC. AVREL. VALERIVS MAXIMIANVS, PIVS, FELIX, INVICTVS, AVG. MVRIS CVLARONENSIBVS CVM INTERIORIBVS ÆDIFICIIS PROVIDENTIA SVA INSTITVTIS ATQVE PERFECTIS PORTAM VIENNENSEM HERCVLEAM VOCARI IVSSERVNT.

Tandem Gratianus Imperator, Christianus Princeps, Gallisque dilectissimus, multis eam splendidissimis ædibus exornavit, illiusque dilatavit pomœria, ac nomen *Gratianopolis* imposuit.

Sedet hæc civitas in planitie ad radices Alpium, quæ paulatim recedens à montis *Chelmont*, sive *Challemont* acclivitate, molliter ad Ortum diffunditur in arvom adeo pingue, ut cunctis ad vitam necessariis luxuriet; ubi & prospectus est amœnissimus, atque innumeris campestrum deliciarum oblectamentis circumscriptus. Sat autem

Quatuor
Diocesis
Gratianopo-
litane mi-
racula.
I.

tem digitum intendisse; nam inde progrediare necessum est, ut quatuor miracula abs Ludovico XI, Rege, curiosius observata, tu etiam avidissime perlustres.

Primum itaque miraculum est fons vividissimus, five *Ardens*, cujus & S. Augustinus meminit, fontique Epiri adæquat, qui facem extinctam accenderet, accensam autem extingueret. Istud plane inter maxima mundi miracula computandum est, nam aquam igni sociat, jungitque pacis fœdera inter infensissimos sibi invicem hostes, quibus à natura insitum est, ut se invicem perimant, nec se mutuo compatiantur.

II. Secundum vero miraculum est Turre à veneno immunis, quæ haud procul à Gratianopoli distita est; hoc autem nomen sortita est, quod nullum apud se venenosum animal compati possit; nam, mox ut illatum fuerit, extinguitur necesse est: quod provenit occulto naturæ miraculo.

III. Tertium, est Mons suo ex situ inaccessus, nam terræ incumbit in modum inversæ pyramidis, angustus in radicibus, paulatimque dum assurgit, sese dilatans, donec in satis amplam diffundatur planitiem, quæ extat in vertice.

IV. Quartum tandem miraculum est regiuncula senis excurrentis milliariibus, binos inter montes, nimirum à loco *de la Boissière* dicto, adusque Gratianopolim; hunc tractum Ludovicus Delphinus amœnissimum totius mundi hortum dictitare solebat, ubi centum antiquissimæ Nobilium domus, quas inter strenuissima familia *du Terraille*, ex qua stemma duxit, qui postmodum toto orbe celebratissimus Eques Bayardus.

Iuxta Gratianopolim, viâ, quæ Lugdunum ducit, specus reperitur, quæ pandit iter ad lacum subterraneum, uno latum milliari, longum duobus aut tribus, quem Franciscus I, Rex, dum è *Provincia* rediret, curiositate ductus explorare voluit, navigiumque in hoc opus adornari præcepit, cujus fragmenta longo post tempore aservata fuere: navigatum est ad duas & amplius leucas in ipso lacu, sed illius aquæ alterum in lacum præcipientes averterunt generosissimum Principem cum regia caterva ne ulterius progredere-
tur, cumque faces accensas asseri commisisset secundum aquæductum, ut illuc à longe posset prospici, quod absque temeritate fas non erat per-
tingere, statim ab oculis faces evanuerunt appulso loco ubi aquæ in præcipitium irruerant.

Chateau de
Vigile.

Opus etiam non vulgare in tractu Gratianopolitano cernitur, arx nempe *Vigilensis*, Romaniciæ amni insidens, pereleganti structura nitens, superbis ædibus, quæ 126 conclavia numerantur; horti præterea amœnissimi, fontes, labyrinthi, aræ, *Xysthi* arborum fruticumve ordinibus distincti; est præterea armamentarium omni bellico apparatu instructum.

Amnes.

Amnis *Romancia* è præcellis montium jugis decidit, perlapsoque *d'Oysans* burgo, lacuum defluya excipit, qui in montis absorpti vertice extant, rapitque obiter *Sep*, *Salaise*, *la Perte* flumina, quæ secum in Dracum torrentem incitatissimum, exundationibusque frequentissimum devehit. Torrens autem ipse juxta Gratianopolim ponte pertransitur, sed sæpius suos perfringit ag-

geres, eruptionesque facit, quæ maximum toti regioni exitium afferunt: nascitur vico *de Champ-lieu*, multaque in decursu perluens loca, tandem in Ileram evolvitur. Dia quoque fluvius è *Mens*, & *Tresminis* prodit, peractaque præfixa sibi periodo, in Dracum totus irruit.

Vulgo circumfertur apud cives Gratianopolitanos, *Serpentem* & *Draconem*, *Gratianopolitanam devoraturus civitatem*; Serpens dicitur Ilera ob Mæandros illi frequentissimos; Draco autem ipse Torrens, qui & nomine ad id monstrum accedit, quemadmodum & re, ob innumeras clades, quas ingerit; quod ex simili prorsus eventu posset comprobari, quiquidem sub Philippo Adeodato Rege contigit, stagno S. Laurentii, subita eruptione extra metas effuso, tantaque inundatione, ut tota quaquaversum Gratianopolitana civitas aquis immersa fuerit; ipsique mercatores, qui nundinarum causa venerant, in plateis publicis aquarum impetu suffocati; effraçti pontes Ileræ, dirutæ arces, arborum stupendæ moles in silvis eradicatæ; totaque ipsa regio Diluvii Vniversalis terrore concussa; nam & illius quoddam præludium consternati perspiciebant incolæ.

Porro cuncti, quos hucusque retulimus, fluvii, & Gressa amnis, qui è *Lenfia* decidit, oppidumque S. Nazarii perlabitur, ubi pontem Romanici pertigerint, sociata sibi paulo inferius *Furentia*, uno alveo in Rhodanum decurrunt. Roman-
cium autem vetus est oppidum, juxta figuram
Ierosolymæ Iudæorum metropolis delineatum.

Parlamentum Gratianopolitanum à Carolo
Septimo fuit institutum anno 1453, augustum
plane, & ob suos Præsides Consiliariosque abso-
lutæ integritatis viros summo opere commenda-
tum. Est hic Camera Computorum, Cancellaria, Edicti, &c. Est quoque Publica Domus, ubi
quatuor Consules urbis regimen & politiam decernunt: octo validissimis munimentis, ac turribus, quæ in ponte, insula, *Rabot*, *Thalemont*, *Saf-senaigre* extant, fortalitioque Bastidiæ proteguntur. Alia insuper habet ornamenta, quæ quidem enumerare, nimis foret prolixum.

Sed nihil antiquius aut splendidius suis Ecclesiis, quarum Cathedralis Deiparæ sacra, Decano deservitur octodecimque Canonicis. Ædes S. Andreæ turrem pyramidalem miræ altitudinis ostentat, quæ etiam Canonicorum collegio gloriatur; ut & alia D. Magdalene dicata, sunt præterea binæ parochiales; præter cœnobîa Dominicanorum, Franciscanorum, Minimorum, Recollectorum, Capucinatorum, Augustinensium, Iesuitarum, Clarissarum, & Ursularum.

Gratianopolitani Antistites titulum Principis assumunt, ipsius nempe civitatis; atque in Comitibus Delphinatus, perpetui Præsides existunt. Constat hæc Diocesis quatuor Decanatibus ruralibus, in summaque 312 parochias complectitur; 72 Prioratus, adnumeratis Cartusianorum solitudinibus; septem Monialium Conventus; sex Præceptorias, seu Commandatarias; Domus Hospitaliariorum 36; Leprosorum 18; & plurimos Mendicantium Conventus; ac tandem Abbatiam à Sepibus cognominatam, vulgo *les Hayes*.

Pri-

Primas tenent sub Viennensi Metropolitano hujus civitatis Episcopi, quorum primus fuit Dominus, cujus meminit Concilium Aquileense cum S. Ambrosio, Mediolanensi Episcopo, anno 381.

Territorium Gratianopolitanum quandoque Graisivaudanense vocitatur, quod nihil aliud denotat, quam Gratianopolitanum. Duobus ab urbe milliariis visitur Conventus S. Cæcilie, Virginum Deo sacrarum; cui assidet burgus *Pariser* dictus.

Guya fl.

Guya fluvius binis conflatur è rivulis, quorum unus è Cartusia pago nascitur; alter intra fines Parochiæ D. Petri in Delphinatum montibus, socianturque invicem in Sclarum seu Essellarum burgum, atque ubi S. Gervasii fanum attigerint, Rhodanum subingrediuntur.

Las Eschelles.

Scala, à via publica, cui insident, nomen acceperunt; quæ quidem tota in rupe incisa est. Credunt nonnulli hunc esse locum, quem ferro & aceto sibi aperuit Hannibal, quo suum in Italiam exercitum transmitteret.

Grande Chartreuse.

Inter binas Guyæ amnis scaturigines sui Ordinis fundamenta jecit S. Bruno, primamque Cartusianorum Domum ædificavit inter prærupta scopulorum, & loco fere hominibus inaccessio, ut sic ab omni hominum conversatione remotus, animo liberiori totus Deo vacaret. Assurgit itaque in asperis montium jugis Monasterium Ordinis Cartusiani caput, quod amplissimum est, & longe lateque se diffundit. Prima Monasterii porta ferinis capitibus est disseminata, nam urbis scætet hæc solitudo. Ecclesia exigua est & obscura, capitulum vero satis expositum, adeo ut Ordinis Delegatos possit continere, qui illuc ex omni natione conveniunt; unusquisque sedem habet seorsim ab alio. Refectory sobrietatem sapit, redoletque modestiam; in eo festis tantum diebus atque Dominicis conveniunt: cellulæ sunt veluti cujusque solitudo & eremus, quæ ab aliis divulsus, Deum ad cor sibi loquentem audiat. Ordinem regit Prior Generalis, in vasta illa Cartusia residens, quæ nullo prætextu potest egredi postquam electus est; inde tribus Religiosorum millibus propria præscribit munera, & ducentas fere Domus septemdecim Provinciis distributas moderatur. Cœleste prorsus institutum, quo ut animus à terrenis prorsus abstrahat, jejunium, silentium, cilicium, & solitudinem absque intermissione servant alumni; ne nos itaque illorum silentium, & familiaria cum Deo colloquia interrumpamus, ad alia Delphinatus loca transeamus.

EPISCOPATUS TRICASTINVS, vulgo, S. POL-TROIS-CHASTEAVX, sive TRICASTIN.

Hæc Diœcesis, quædam est Delphinatus portio, à Latinis *Augusta Tricastinorum* dicta, Gratianopolitanoque Parlamento subiecta. Tricastinorum autem summa cum laude Gallia.

de memorat Ptolemæus, quos in Orientali parte Rhodani collocat, à quo flumine urbs ipsa duobus distat milliariis, totidemque à Ponte sancti Spiritus.

Episcopus Tricastinus se loci ejusdem Comitum, Regique Condominium dicit. Cathedralis D. Paulo urbis tutelari sacra, sex Canonicis, præcedentibus quatuor Dignitatibus deservitur. Alternativa est Iudicatura Regem inter & Episcopum, quorum Officarii sua quique vice judicia peragunt, controversiasque & lites componunt.

Ad quinque tantum leucas extenditur Diœcesis, cujus pars altera Comitatu Venaissino, altera vero in Provincia, ac tandem pars maxima Delphinatu comprehenditur, in summaque 38 tantum parochias habet. Porro Abbatia Aquæbellæ dicta, vulgo *d'Aigue-belle*, huic Diœcesi subiecta est.

Primus Antistes Tricastinus fuit S. Sulpitius; successere S. Eusebius, S. Torquatus, &c. Funestis Factionum dissidiis incensa fuit hæc civitas, & penitus deformata anno 1562, ita ut ne à Templis quidem aut Reliquiis continerent sacrilegæ manus.

VAPINCENSIS EPISCOPATUS, vulgo G A P.

Gapensis civitas, quam Gregorius Turo-nensis *Vapincum*, alii vero *Vapingum* nominant, quindecim à Gratianopoli leucis submotâ est. Illius arx in colliculo posita, quatuor optimis propugnaculis vallatur, cetera fossis circumscribitur. Hic præfidiarius miles indefessas agit excubias.

Ipsa Cathedralis, D. Mariæ inaugurata est, cui ministrant quatuor Dignitates, duodecim Canonici, nec non & duodecim alii Beneficarii.

Vapincensis ager novem leucas longitudine, sex vero latitudine colligit; Ebredunensi clauditur ab Ortu; à Meridie Provincia, à qua & Durantia aquis se jungitur. Binis amnibus irrigatur hæc regio, *Buech*, nimirum, & *Bene*, qui Vapincensem urbem alluit.

Abbatia Clossonensis, & S. Petri de Subripie Episcopatus hæc Diœcesi comprehenduntur. Præfert Antistes Comitatus Vapincensis titulum. Primus hanc sedem rexit S. Demetrius, deinde S. Constantinus anno 517. Quidam nomine Sagittarius ob sua scelera Episcopatu privatus est.

Celebriora hujusce Diœcesis loca sunt, *Talard*, Loca urbis moenibus clausa, & titulo Vicecomitatus insignita, quæ & castro defenditur, cujus radices perfundit Durantia. Fons Salsus, vulgo *la Sausse*, haud procul hinc distans est: *Ventanon* burgus muris cinctus, & castro munitus: *Serres* urbecula, castrum habuit, & alia munimenta, quæ impresentiarum diruta sunt; hac patet via, ex urbe Massiliensi Lugdunum contendentibus: *Veyne* burgus frequentissimis celebratus nundinis, unde & indigenæ affatim locupletantur.

K k k k

Val-

Chamfaur.

Vallis Chamfauensis frumento fœnoque feracissima est; mulis, bobus, aliisque pecoribus negotiantur illius incolæ; quatuor leucis porrigitur in longitudinem, in latitudinem vero, duabus; Dracensi flumine irroratur, quod pertransit oppidum S. Bonniti primum hujusce vallis locum, & Ileræ juxta Gratianopolim miscetur. In vallis extremitate apparet Domus elegans Lefdiguierensis, necnon & cognominis burgus. Hoc tractu continentur Rochensis Comitatus; Baronia Montmaurensis, Gribierensis, Vitrollensis & Ozensis cum arce firma, quæ quidem in valle tribus leucis longa, posita sunt: vallis quoque Volvensis eidem plagæ accensetur; ut & S. Andreæ Baronatus in valle Beauhanensi situs.

Lesdiguieres.
La Roche.
Montmaur.
Gribieres.
Vitrolle.
Oze.

S. André.

Royanez.

Beauvoir.

La Baulme.

Briançon.

Vallée
d'Hours.Septem
Vallées.

Royanezium, regiuncula est Delphinatus, & portio non contemnenda, quæ septem leucas excurret in longitudinem, quinque vero in latitudinem; incipit à portu Belli-virus, oppidi per vetusti, olimque Principum Delphinarum secessus, cujus quædam tantum rudera supersunt, & Palatii reliquiæ. Conventus Carmelitarum ab Humberto Delphino fundatus, protenditur ad parochiam usque Douventeziam, ubi terminatur: Cartusia autem vallis S. Mariæ, quæ inter Ordinis opulentiores computatur, maximique est ambitus, & superba præferens ædificia, omnimodam in hanc parochiam jurisdictionem exercet; illius vero coloni immunes sunt à cunctis oneribus, indulgentiâ cujusdam Principis Delphini hujusce Conventus fundatoris. Pons Royanensium, vulgo *Pont-aux-Royans*, urbecula est, titulo Marchionatus insignita, ubi castrum in editissimo scopulo positum: oppidum S. Laurentii collem occupat, in cujus summitate extat castrum singulari artificio constructum, & visu insignis, vulgo *la Bastie du Pont* appellatur. Comprehenditur eadem in regione Balmenis Marchionatus.

Brigantium Segusianorum, seu, *Virgantia Castellum*, civitas est loco eminenti condita, adeo ut inter editissimas totius orbis civitates censeatur: Baillivatus est regius, cujus appellationes immediate ad Curiam Parlamenti devolvuntur: fuit quondam opulentior ac munitior, quam impræsentiarum sit; nam plus mediam partem quibusdam ab annis exarsit; aliquot adhuc turribus vallatur, necnon & arce præfidiarioque milite defenditur.

Haudprocul à Brigantio invenitur Rochetta-perforata, vulgo *la Rochette-percée*, qua quidem creditur Cæsar suo cum exercitu in Gallias subintrasse, in descensu montis Godardi, ipsaque inscriptio, quæ in frontispicio Rupis in portam incisæ legitur, id abunde testatur: *D. Cæsari Augusto dedicata, salutate eam.*

At Brigantii incolarum labor, omne Romanorum opus superat; ii quippe, cum Vallem Hoursem ob defectum aquarum sterilem viderent, Tonillarum montem perforarunt, ut è Pedemontio latices ad montis cacumen deducerent, quæ tota perfunderetur ac fecundaretur regio, quod & ex voto compleverunt, insumpto in id operis quadraginta annorum spatio.

Septem vallibus componitur iste Baillivatus, quæ his vulgo nominibus indigetantur: *Hours*,

Pragela, *Chasteau-Dauphin*, *Queytas*, *Val-Louyse*, *le Monestier*, & *Bardonench*; leucis tredecim longitudine; latitudine, novem porrigitur. Vallis Hourseensis propius cæteris ad Brigantium accedit, septem extensa leucis. *Eysilles* locus insignis, ubi præfidiarius à Rege miles, hac in valle positus est, duobus à Suza milliaribus; hic quoque Mons-virus, vulgo *le Mont-vise* cernitur, altus adeo, ut Mediolano etiam, aliisque locis plurimum distitis queat prospici. Proficiscentibus Pedemontium mons Genevensis, perpetuis fere nivibus rigens, pertransitur, necnon & cognominis pagus, cujus indigenæ utriusque sexus robustissimi sunt, qui viatores à montis vertice ad radices singulari dexteritate devehunt, quod vulgo *ramasser* vocitant. Hoc ex monte bini scaturiunt amnes, Doira nimirum, & Durantia.

Ramasseurs.

Delphinatus non omni ex parte sibi ipsi similis; nam montosa regio, quæ vastissima est, ob ingruentes perpetuo nives, & frigus asperum, quadantenus sterilitate laborat: at tractus Valentinus frumentum atque filiginem profert. Densis planities, tritico vinoque luxuriat, imo & vina gignit musco odorata; producit quoque cannabim, herbas, & omnigenis fruges & fructus; opima in montibus cervorum, damarum, aprorum, aliarumque ferarum venatio; necnon & cuniculorum; nec deest aucupium phasianorum, perdicum, aliarumque mensæ deliciarum: ex iisdem extrahuntur ligna ad ædificandum idonea, ingentes etiam arbores pro malis navium: lætissima & uberrima sunt pascua, quapropter & Provinciæ pecora illuc ob copiosissimum pabulum æstivis mensibus, numerosissimo agmine deducuntur. Densibus in jugis adamantes inveniuntur; auri fodina est in loco *Aurel* dicto, qui exinde forsitan nomen assumpsit; sunt & quædam aliæ auri venæ, quas verosimile est in notitiam venisse Romanorum: in territorio Dienfi fons reperitur, cujus aquæ per vitriolum transfusæ multis sunt morbis salutes: quatuor à Gratianopolitana civitate milliaribus, loco *de la Motte*, sunt iidem aquæ aluminosæ, & sanandis ægritudinibus utiles.

Qualitas.

Cælum Gapense temperatissimum est, solum fertile, ipsaque regio numerosissimos pascit ovium & mulorum greges: tractus quoque Tricastinus eadem ubertate gloriatur.

Delphinates ingenii pollent acumine, scientiarum omnium, præsertim Mathematicarum capaces, industrii, laboribus indefessi, & rei familiari supramodum intenti, parci & sobrii; operas quoque & labores procul à suis domibus exquirunt; qui montes incolunt, paulo rudiores sunt; attamen, qui juxta Ebredunum accolunt, politioribus sunt moribus, nihilque aliud asperum, præter indumentum, ut vulgo dicitur, circumferunt. Brigantii incolæ totius regionis robustissimi sunt, laborum tolerantissimi, ac peritissimi æconomi. Qui in montibus degunt, totam quaquaversum in Franciam excurrunt suis cum tabernis ac mercaturis portatilibus, quo in negotio ingentem sæpe quæstum faciunt, opulentique mercatores evadunt. Eximiis fulget dotibus ipsa Nobilitas. Quæ urbes incolunt femina, vestium sectantur elegantiam; attamen honori,

Mores.


nori, & famæ student, optimæque educationis indicia in omnibus demonstrare curant.

Opes.

Pro tractuum Delphinatus varietate, varius quoque est negotiandi modus: superior Valentia regio lanificiis rem peragit; itidemque Dientis, quæ & ex lignis, trabibus, tignis & asseribus, aliisque ad ædificandum idoneis negotiatur; sua quoque vina distrahunt incolæ: Montosa regio greges & armenta transmittit in Provinciam: Ebredunum etiam boves, mulos, & cætera id genus animalia suis in nundinis exponit. Sunt & plurimæ ferri elaborandi officinæ, molæque papiraceæ; ac quotquot sunt Delphinatus plagæ, sua peculiaria uberi proventu habent emolumenta.

Arces, castella, aliaque variis in locis munita fusc recensuimus; Nobilium quoque maxima est in Delphinatu multitudo; ipsa etiam regio amplissima & populo frequentissima, adeo ut peditum decem millia, Equitum mille in campum educere queat.

Delphinatus paret Gubernatori à Rege constituto, qui etiam quibusdam supra ceteros provinciarum Gubernatores prærogativis potitur: provincia hæc, Ordinum comitia quandoque celebrat, queis Gratianopolitanus Antistes præsidentis jus possidet, Archiepiscopis etiam Viennensi & Ebredunensi præsentibus.



AGER LVGDVNENSIS.

vulgo

LE LYONNOIS.

Lyonnois.



Vgdunensis regio à Lugduno illius metropoli nominis rationem accepit; hanc infederunt prisci habitatores, quos Cæsar *Sebusianos* vocat; Plinius autem, Strabo & alii, *Segusianos*; qui postmodum *Lugdunenses* ad *Rhodanum* & *Ararim* fluvios siti, appellati fuerunt. Araris vero fluvius ille est, quem hodie Saonam nominant, vulgo *la Saone*, à sanguine scilicet Christianorum, quo tinctus Matisconem usque fluvius priscum nomen Araris in velut sanguinolentum amnem commutavit. Nascitur Saona, five Araris, è Vogeso monte in Lotharingæ finibus, vixque fontes egressus ad Sequanos, *Franche-Comté*, Burgundionesque properat, Cabillonumque pertransiens, Belli-Iocense territorium, Principatumque Dombensem irrigat, raptisque obviam pluribus rivulis, uno secum alveo Lugdunum deducit, quos tandem Rhodano quasi tributum reddit.

Isle-Barbe.

Priusquam vero amplissimam hanc pertingat civitatem, amœnissimam efformat Insulam, delicias dixerim & oblectamenta civium Lugdunensium, quam ipsi *l'Isle-Barbe* appellitant. Ut autem quod apud Lugdunenses laudatissimum est attingamus; ipsa est solemnitas egenorum, pauperum, ac orphanorum incredili pene multitudine Processio, qui civium largitionibus & munificentia sustentantur; huic intersunt etiam quatuor Ordines Mendicantium; subsequitur sollemni pompa, urbis Magistratus & Scabini.

Pierre Encise.

Hic conspicitur famosissimum illud *Pierre Incise* castrum, vulgo *Pierre Encise*, sic dictum, ut creditur, quod incisa fuerit rupes cui castrum insidet, ut novus Arari cursus præberetur; Arx ipsa bellicis instruitur machinis, utpote firmissimum urbis adversus quasvisque insidias munimentum.

Fines.

Lugdunensis ager à Septentrione Bressia clauditur; ab Ortus, Sabaudia; Delphinatu & Languedocio, à Meridie; Foresio & Arvernus, ab Occasu: illius longitudo ad leucas duodecim, latitudo ad septem tantum protenditur.

Situs.

Posita est autem Lugdunensis civitas in confluxu Rhodani & Araris; bini verò montes, S. Iusti nimirum, & S. Sebastiani ipsa urbe includuntur. Extat in S. Sebastiani monte validissimum S. Ioannis propugnaculum, multis fornicibus ac Casematis instructum, ubi & præsidarius miles excubias agit. Est aliud quoque ad fluentia

Rhodani Præsidium, quod S. Clari nomen præfert. Porro Lugdunum Romanorum Colonia est, à L. Munatio Planco, qui Iulii Cæsaris vixit temporibus, fundata in regione Segusianorum, seu Sebusianorum; ita enim apud Cæsarem legitur. Hæc civitas ob situs commoditatem generalissimum est Galliarum emporium, inde enim cum provinciis exteris frequentia nullo fere labore commercia peraguntur; unde & inter opulentissimas Galliæ civitates meritò computatur. Eminent in superiori urbis parte priscae memoriæ Templum, olim quidem Veneris, nempe Romanorum seculo; impræsentiarum autem vice commutata, D. Mariæ sacrum, quod celebratissimo nomine *Nostre-Dame de Fourviere* vocatur.

Fourviere.

In Veyzenfi suburbio præcellsum visitur Mausolæum, quatuor columnis suffultum, quod Herodis, Pilati, atque Herodiadis vulgus existimat, sed perperam; nam vere duorum Amantium inopinato post diuturnam absentiam sibi invicem occurrentium, repenteque vi amoris extinctorum sepultura est.

Deux Amants.

Urbis regimen Consulibus & Scabinis commissum est, qui quidem superioribus seculis duodecim extiterunt; Henrici vero Quarti, Regis potentissimi Edicto, ad quaternarium numerum, sicut & Parisienses, redacti sunt: horum autem quatuor, bini quotannis eliguntur; at Mercatorum Præpositus, seu Urbis Præfectus de biennio in biennium commutatur. Ad istius vero Magistratus electionem proceditur 21 Decembris, ipso S. Thomæ Apostoli festo. Claves portarum urbis Scabini custodiunt, qua super re Henrico III, Regi, fidem præstiterunt an. 1575, quo jure freti, ad arma urgent habitatores, ubi postularit occasio, præsertim ubi Regis edicto, id ipsis injunctum fuerit. Extat etiam in Domo Civica Politicæ tribunal, quorum Consiliarios atque Iudices unoquoque semestri eligunt, ab iisque provocationes ad Senescallatum devolvuntur. Consules five Scabini mox ac electi sunt, nobilitate donantur ipsi eorumque posteris, possuntque Equitum gradum adipisci; atque dum vixerint ab omnibus civium oneribus sunt immunes. Præpositus Mercatorum, atque Scabini, urbis Procuratorem, qui per totam vitam hoc munere potitur, in consilium adhibent; necnon & Scribam five Secretarium. Urbis etiam Quæstor locum habet in Consulatu. Inspector quoque, cui munus incumbit Plateas urbis, ædes, & quæ de novo exsurgunt ædificia, reparationes, fortalitia, aliaque id genus sedulo explorare, accensetur aliis Domus civicæ Officiariis. Sunt pleraque alia Politicæ munera. Possidet hæc civitas amplissimos

Magistratus.

ra-
nia
xit
n,
le-
ne-
im
la-
pu-
ur.
ia
na-
ce
tif-

. *Fourviere.*

au-
le-

ut,

um *Deux*
em *Amant.*

co-

m- *Magistra-*
tu.

no-

gis

ne-

um

at

tus

ius

De-

ves

re

75,

ubi

o,

no

at-

iiif-

ur.

ili-

que

int

ra-

ro-

ere

cri-

lo-

cui

de


ali-

se-


que

lif-

nos



GOUVERNEMENT GENERAL
DV
LYONNOIS.



Millaria Gallica communia.

AMSTELÆDAMI,
Apud IOANNEM BLAEV.

simos redditus in commune civium bonum, ordinarios, inquam, & extraordinarios. Urbis Capitaneus, qui antea excubiarum Praefectus vocabatur, assignatur à Mercatorum Praeposito, & Consulibus, sed à Rege ipso potestatem accipit, suaeque dignitate investitur, cui & fidem praestat. Est & Accensus Major à Rege praefectus, à quo & praescripta muneis stipendia excipit. Porro Lugdunum, 36 in regiones dividitur, totidemque Capitaneos habet, qui ob urbis, quae gestant insignia, Penones appellantur. Ducentorum sclopetariorum agmen eodem modo institutum est ac directum, quo ceterae urbis vires. Exempli sunt à vectigalibus cives Lugdunenses, multisque aliis immunitatibus ac privilegiis gaudent. Quater in anno Lugduni nundinae celebrantur, in solenniis nempe Regum, & Paschatis, Augusto mense, & in Festo omnium Sanctorum. Privilegia & Concessionem Nundinarum Lugdunensium emanarunt praesertim ex munificentia Ludovici XI, Regis, aetate vero & amplificatae abs Henrico Secundo anno 1550. Constitutus est Iudex horum Conservator privilegiorum, qui idem ipse & Mercatorum nundinas frequentantium lites dijudicat, cujus sententiae executioni mandantur, interposita licet appellatione, modo quis fideiussorem substituatur, imo & personaliter, absque *Parcatis*, quacunque in jurisdictione id contigerit.

Iurisdictiones, Canonicorum Cathedralis Basilicae, qui & Comitum Lugdunensium praefereunt titulum; Abbatis Athenaei, Temporalitatis Archiepiscopi Lugdunensis, S. Iusti, S. Irenaei, &c. ipsa urbe includuntur; illarumque provocationes ad Senescallum Lugdunensem deferuntur. Sunt aliae praeterea Iudicaturae, Electionis nimirum, Salis & Monetae Officiariorum.

Ecclesiae.

Ecclesia Cathedralis, Archiepiscopalis, ac Primatialis, ipsa est S. Ioannis Baptistae inaugurata nomini, sita in urbis planitie iuxta Ararim, à latere Fori-Veneris, vulgo *Fourviere*, fundata abs Burgundionum rege; cui contigua est sancti Stephani Protomartyris Ecclesia. Plurimae sunt parochiae, scilicet S. Crucis, S. Iusti; hac in Parochia situs est Minimorum Conventus; S. Thomae, ubi quondam templum Minervae, seu Veneris; cujus quidem Decanus sese Lugdunensis Ecclesiae Praepositum dicitur; S. Georgii, cujus Ecclesia est Praeceptorum Melitenensis; S. Pauli, quae etiam Collegiata est; huicque adjacet Ecclesia S. Laurentii; S. Nicetii ampla & insignis Ecclesia, quae & Canonicorum dignitatibus nitet; S. Petri, antiquissimi, celeberrimi, & regii Virginum Benedictinarum monasterii, cui S. Saturnini parochia annexa est; eximium etiam D. Mariae templum, vulgo *la Platiere*; S. Vincentii; S. Michaelis, cui proxime assidet vetustissima S. Martini in Athenaeo Abbatia, vulgo *Ainay*; & S. Irenaei. Multa etiam coenobia & Religiosorum & Monialium hac in urbe conspiciuntur, Dominicanorum nempe, Franciscanorum, Carmelitarum, Augustinensium, Capucinarum, Recollectorum, Fulliensium, Patrum Societatis Iesu, Clarissarum, S. Ursulae Virginum, &c. Nec tacitus praetereundum Lugdunense Xenodochium, D. Mariae inauguratum,

Gallia.

situmque ad Pontem Rhodani, opus plane eximium, & mirae prorsus architecturae, quod & ipsius civitatis erga pauperes magnificentiam loquitur.

Porro ipsa civitas sex portis venientes excipit, *Portae.* pluraque loca praecleara & amoenissima in se continet, quae his vulgo nominibus indigetantur: *Bellecourt, Terreaux, les Cordeliers, S. Nizier, S. Pierre, la Grenette, le Change, la Douane, la Roche, & de saint Jean.* Quatuor etiam suburbiis amplificatur.

Cetera Lugdunensis agri loca sunt, *Condieu Ba-* *Loca.* ronatus, atque Canonicorum & Comitum Lugdunensium possessio ad Rhodanum sita; *fanum* S. Columnae iuxta Viennam, quo incidit pons Viennensis Rhodani, ubi & eximia turris visitur in pontis extremitate; *Guyort, Darguoir, S. Andueil, Rive de Gier, S. Chamont, S. Pol en Iarests, S. Genis, S. Martin la Plaine, S. Romain en Iarests, Montagny, S. Genis Laval, Breguies, la Bresle, Anse, Vimy, Chasse-lay, Riverie, &c.*

Lugdunum gravitate caeli laborat propter *Qualitas.* montes ipso urbis ambitu inclusos; etsi autem regio sit aspera, nec solum pingue, in collibus tamen, hortis, viridariis & pratis feracissima est; nam frumentum, vinum, fruges omnigenae maxima ubertate profert. Equidem vinum Lugdunense variis in plagis exquisitissimum est; illud praesertim quod è pagis S. Fidei, Milleriaco, & Condriacensi extrahitur, quorum palmites è Dalmatiâ subvecti aetate Probi Imperatoris, unde & ipsemet dicitur fuisse oriundus, qua etiam in re curam posuisse creditur. Illa autem Lugdunensis territorii portio, quae Arari adjacet, vulgo *Franc-Lyonnois*, pinguiori gleba potitur. Quondam in planitie S. Martini, (vocat Lugdunenses S. Martin la Plaine) inventa est auri argentine fodina: loco de *Cheffy* dicto, cupri optimi argentoque permixti est vena, imo & vitrioli, quod coloris & bonitatis laudem Romano praeripit. Lapicidinae S. Beli petras ferunt, auri scintillulis interstinctas: nigra Couzonis & Montis-aurei marmora, lacrymis, annulis, aliisque id genus coloris lactei figuris sunt respersa.

Populus Lugdunensis humanus est & comis, *Mores.* laboriosus, summaque industria praeditus, cumque nationibus variis sit permixtus, Italici nimirum, & Germanici, facile potest eorum mores imitari; negotiationi, lucro, suisque rebus mirum quantum intendit. Studet quotusquisque vestium elegantiae, praesertim vero mulieres civicae, quae & plurimum formosae sunt. Pollet Nobilitas singulari morum elegantia; Ruricola vero astutissimus est.

Praecipua Lugdunensium opulentia stat in frequentissimo ipsius florentissima civitatis omnigenis commercio, quae quidem tot fluminibus, Arari scilicet, Rhodano, & Ligeri, haud procul ab ea disito, suas merces toto orbe distrahere potest. Pecuniae negotiatio, universali adeo hic viget correspondentia, tantoque interesse & emolumento, ut exinde solum possent habitatores locupletari. Omnes aut negotiationi, aut opificiis intendunt, excudendis nimirum voluminibus, unde & celeberrimum hic est Bibliopolarum emporium, qui & Francofurti aliisque Germaniae civitatibus, & tota quaquaersum Hispania,

L 111

nia,



nia, atque Italia, impressa volumina divendunt: aut serico incumbunt, pannis nempe pretiosissimis, tanto operarum numero, ut diei noctisque maximam partem hujuscemodi opificiis insistentium agmen, 20000 excedat; ipsisque mercatoribus annum 300000 librarum proventum afferat.

Vires.

Opes itaque Lugdunensium, ipsa populi multitudo, ceteraque urbis commoda, maximas Strati vires subministrant; possetque Rex etiam immuni civitate, tria peditum millia, Equitesque trecentos conscribere. Est Lugduni Armamentarium omni bellico apparatu instructum.

Regimen.

Lugdunensis civitas Romanis olim paruit, utpote Romanorum Colonia, à Munatio Planco, ut supra diximus, illuc deducta, illorum Imperio subiecta, usque dum ad occasum vergeret, Arcadii & Honorii temporibus, quibus Stilico, qui Burgundionum ope adversus Gothos usus fuerat, Lugdunum illis cum Burgundia tradidit, quam & in regnum evexerunt, quod anno 526 sub prima Regum Francorum prosapia, agentibus Clodovæi Primi liberis, suam periodum clausit; illo namque ævo urbs Lugdunensis Francorum dominationi subesse cœpit, ipsaque Burgundia in Provinciam redacta; quæ rursus regni titulum recepit in divisione inter Ludovici Pii Liberos instituta. Urbs Gubernatoris potestate subiacet, cui absenti sufficitur à Rege Præfectus, qui & ipsi civitati & agro Lugdunensi, Foresio, & Bello-jocensi imperant. Senescallus vero Lugdunensis, ejusque in absentia Consules urbi dominantur, si defuerit à Rege Gubernator. Senescallus Sedesque Præfidiæ, quæ vigintiquinque Consiliariis conspicua est, totius territorii appellationes excipiunt; hæc autem Sedes ad Parlamentum Parisiense provocat, atque in omnibus Iuri scripto adhæret. E Franco-Lugdunensi nonnulla dependent loca, scilicet Vimy, Fontaines, & alia Bressensi & Dombensi tractui adjacentia, quæ à communibus oneribus immunia sunt; at munus honorificum unoquoque novennio Regi exsolvant.

Religio.

Christiana religio à primis fere nascentis Ecclesiæ incunabilis apud Lugdunenses fuit instituta, ac templa & altaria, vana superstitione, atque Idololatriarum ritu Augusto Imperatori inaugurata diruta sunt, diique tutelares incensi. Concilium Gallicanum sub Irenæo Lugduni celebratum, cui & ipse præsedit, Lugdunensibus Archiepiscopis illam Primatiæ prærogativam contulit, quam ipsorum successores præ Senonensi, aliisque Galliæ Archiepiscopis sibi tribuunt. Ecclesia Cathedralis novem exornatur Dignitatibus, si Archiepiscopum comprehenderit, Decano nimirum, Archidiacono, Præcentore, Symphoniarcha, Custode, Præposito, & aliis, habetque sex supra viginti Canonicos seu Comites Lugdunenses, quos inter, primum locum honorarium Rex obtinet, quemadmodum & Comes Turnonensis honorarius est in Ecclesia S. Iusti Canonici, quæ quidem à S. Iusto Archiepiscopo fundata est à Turnonensi familia oriundo, eamque ob rem nomen Iusti hæreditariò in Gente Turnonensi asservatur. Canonici S. Ioannis, quaternis è generationibus suæ Nobilitatis stemma &

repetere & probare tenentur; illorum Ecclesia multis Præbendariis deservitur, quorum tredecim perpetui sunt, illorumque primus est Archiepiscopus, quatuor Custodes appellantur, septem Equites & in Iure Doctores, præter 70 alios sacerdotes ibidem præscripto cuidam muneri destinatos. Hac ex Basilica relevant sexaginta novem dominia, comprehensis quatuor Baronis, adjectis etiam plurimis & maximis in urbe iuribus, impositisque super civium ædes oneribus, adeo ut annuus ejusdem Ecclesiæ proventus 300000 librarum summam impleat. Augustodunensis Episcopus, mox ut vacat Sedes Lugdunensis, ipsius æconomia potitur, & vice versa Lugdunensis Archiepiscopus, ubi Sedes Augustodunensis vacaverit.

Gloriari potest hæc civitas, quod multos genuerit insignes eruditione viros; nam clarissimos toto orbe Oratores in lucem emisit; Plautium Ciceronis Oratorum Principis Magistrum, nec non & potentissimorum Caracallæ, & Caligulæ Cæsarum iuformatorem produxit; qui ut patriam nobilitaret, eloquentiæ certamen quotannis ibidem fieri instituit. Fuit & Lugdunum conclave Vniuersalis Ecclesiæ, quæ duobus œcumenicis Conciliis eo loci congregata est, quorum alterum convocavit Innocentius IV, ubi & Fredericus II, Imperio exturbatus est; alterum Gregorius X, ubi Michael Palæologus semetipsum suosque Status Romanæ submisit Ecclesiæ. Erecta est eadem illa civitas in splendidissimum gloriæ theatrum, quo Clemens V, summi Pontificatus Tiaram, & Pileum purpureum Cardinales exceperunt.

Viri illustres.

Nec tamen à cladibus fuit immunis; nam & olim fuit Bellonæ receptaculum, imo & totius Tyrannorum furoris & immanitatis secessus, & contagionis nidus; in hanc omnia velut agmine facto elementa conjurarunt: imperante Nerone, in cinerem & favillam redacta est igne cœlitus decidente, unius duntaxat noctis intervallo; ipse autem Nero auri millionem habitatoribus obtulit, quo ejusdem restorationi operam impenderent. Aurelius Christianorum, quos pro religione fecit occidi, sanguine purpuravit. Severus vastavit, ferroque & flamma crudelitatis suæ vestigia lapidibus hominibusque impressit. Hunni sub Thedosis illam expilarunt; sub Carolo Martello Sarraceni; sub Philippo Augusto seditiosi, & Reipublicæ perturbatores; sed Regum munificentia suis è cladibus ac ruinis semper clarior atque pulchrior exsurrexit. Hoc addam, Lugdunum existere quasi microcosmum; suo enim ambitu montes & planitiem, terram, aquas, ædes, viridaria, vineas & pascua includit; totum commodissimo suo situ velut orbem attingit; ducit namque Rhodanus in Italiam, Hispaniam, Africam, in Orientem & Vesperum. Tandem pervius est totus Orbis Lugduno; Lugdunum in totius Orbis utilitatem patefactum est.

Præclaro ponte fluvius uterque, Rhodanus nempe & Araris sternitur; impeditissimi quidem ob situs incommoditatem operis; at elegantis prorsus architecturæ. Procurrit pons Rhodani passus octuaginta, ac novemdecim maximis fornicibus septemque minoribus sustentatur. Quæ supra

Nomen

Fines

Extensio

Anno

supra hunc pontem Crux eminet, Delphinates à Lugdunensibus dirimit. Pons autem quo neclitur Araris, novem solum fornicibus constat, at commodissimo mercatoribus portu instruitur. Habet præterea pons uterque aliquid memoratu dignum, nam in ponte Rhodani mitissimus religiosissimusque Imperatorum Gratianus à Tyranno Maximo per immane nefas occisus est: pons autem Arari impositus spectandam omnibus Caligula crudelitatem exhibuit, qui præceperat, ut qui forent in certamine Eloquentiæ victi, ex ipso ponte in flumen submergendi præcipitarentur.

Sed omissa ferocissimorum hominum rabie, ad augustiora convertamur; illosque insignes pietate viros in medium proferamus, qui verbum Fidei hac in regione disseminarunt, quorum primus fuit S. Pothinus, qui & primus extitit hujus civitatis Episcopus anno 150; cui successit S. Irenæus anno 179, deinde S. Zacharias, S. Elias, Faustinus, Verus, Iulius, &c.

Hic Archiepiscopatus suffraganeos habet Episcopos, Augstodunensem, Lingonensem, Cabillonensem, & Matisconensem. Gubernatur autem Dioecesis sedecim Archipresbyteratibus, comprehenditque 750 Parochias, 124 Prioratus, & 14 Abbatis, quæ vulgo sic enumerantur: Aisnay, l'Isle-Barbe, S. Pierre de Lyon, Ambronay, saint Claude, Ioug-Dieu, S. Rambert, Savigny, Belleville, Chassigne, Valbenoiste, le Miroir, Benisson-Dieu, & Bonlieu.

COMITATUS FORENSIS,

vulgo

FOREST.

Nomen.

Hæc regio non à filvis aut nemoribus, quibus undique obsita est, quæ Forest Gallice vocitantur; sed à Latino vocabulo Forum nomen assumpsit; unde & illius metropolis Feurs dicitur, quod illuc Sebusii suas merces ut ad forum commune vanum importarent, ut Romanis divenderent, cum illi Galliis dominarentur. Forestium & Velaudunum Ansa flumine determinantur. Non multum juxta Ligerim processeris, quin occurrat oppidum Rambertense, ubi pulchro ponte sternitur Ligeris in commodum Languedociensium mercatorum, qui quidem Lugdunum negotiaturi proficiscuntur. In Ramberti oppido extat Prioratus duodecim Canonicorum.

Fines.

Tractus Forensis à latere Orientali Delphinatu clauditur, & agro Lugdunensi; Vivarezio & Velauduno à Meridie; Bello-jocensi & Lugdunensi à Septentrionibus, & altissimis Arvernorum montibus ab Occasu. Patet triginta leucas in longitudinem, in latitudinem vero quindecim.

Extensio.

Amnes.

Multis hic ager annibus irroratur: profluit enim Ligeris in ipso regionis sinu; Rhodanus atque Araris circa illius fines. Perfunditur & Lignon piscosissimo flumine, ubi copiosissima truttarum, salmonum, aliorumque exquisitissimorum piscium captura.

Gallia.

Mons-Brisonius, celebre nunc oppidum, olim vero castrum dumtaxat monti insidens, decem à Lugduno miliaribus distitum est, moenium ambitu & fossis clauditur; quatuor habet parochias; Collegiatum D. Mariæ Templum Canonicis deservitur; habet quoque cœnobium Franciscanorum, Observantinorum, Capucinorum, Clarissarum, S. Ursula, nec non & Patrum Oratorii gymnasium. Baillivatus est amplissimus. Porro locus iste Ioannis Paponii, celebris Iurisconsulti, natalibus gloriatur.

A latere S. Ramberti apparet urbs S. Stephani nomine insignita, montis S. Barbaræ radicibus adjacens, quæ quidem moenibus undique cingitur; illam perluit Furan fluvius: maximis amplificatur suburbiis; una solum constat parochia, quæ procul diffunditur. Quibusdam Religiosorum Conventibus exornatur, Capucinorum scilicet, Minimorum, S. Catharinæ, & Visitationis B. Mariæ. Gaudet Castellaniæ titulo, ibique nuper constitutus est Electionis Magistratus.

Haud procul à prædicto S. Stephani oppido tres assurgunt montes, vulgo Mine, Viale, & Bute, qui instar Vesuvii per Italiam, diu noctuque exardent & flammæ eructant; ubi & ferri fodinæ, & carbones fossiles inveniuntur, quæ indigenæ, qui peritissimi sunt totius Galliæ operarii, in fabricandis quibusvis armorum generibus, cæterisque ferri operibus utuntur.

Hac regione nonnulli fluunt rivuli, ii nempe qui lingua vernacula nominantur, Chenevalet, la Coise, & Fonsfort, cujus aquæ saluberrimæ sunt, & quemdam vini saporem præferunt; le Vesil, la Dé, l'Escu, l'Isable, l'Vs, Sorvin, & Renaison.

Cætera Comitatus Forensis loca sunt, Boin, S. Germain la Val, Paumiers, Feurs prisca memoria oppidum; la Foullouse, S. Jean de Bonefons, S. Bonnet, Charlieu, S. Marcelin, S. Sauveur, Argentat, Chavanay, &c.

Ager Forensis feracissimus est, frumento, vino, leguminibus, filvis atque fructibus luxurians; numerosissimos pascit animalium greges, quæ lac optimum, caseumque laudatissimum extrahit: stagnis piscosissimis planities scatet: montibus undequaque obsepitur, ubi abietes aliaque ligna ad ædificandum idonea excinduntur; e quibus etiam pix exprimitur. Inveniuntur & carbones fossiles in montibus S. Stephani, ut jam diximus, egregiæque lapicidinæ.

Indigenæ subtili mente præditi sunt, & quadam morum elegantia exornati: Nobiles strenui & opulenti.

S. Stephani oppidum præcipuam hujus regionis opulentiam parit, nam fidem superat, quantas ex præstantissimis ferri operibus, opes congerat; iis enim non tota solum Gallia, sed & Italia, Hispania, Portugallia, Flandria, Allemania, & Anglia negotiatur. Neque in hoc tantum sistit habitatorum industria, sed & sericis navant operam, quæ per varias urbes Galliæ, provinciasque exteras distrahuntur.

M m m m

AGER

AGER BELLIOCENSIS.

vulgo

LE BEAUJOLOIS.

Nomen.

Belli-jocensis regiuncula nomen è veteri hujus tractus ditione sortita est, quæ lingua gentis vernacula *Beaujeu*, seu potius *Beaujou* nominatur, eo quod *jugum* montem significet, ipsumque oppidum in bello jugo situm sit; vocatur & in vetustissimis monumentis *Bellus-jocus*; prout in capella quadam Ecclesiæ S. Ivigniaci legitur, ubi duo sepulchra conspiciuntur cum hac inscriptione: *Hic jacet Artaudaus Comes Lugdunensis, & Comes Forensis, & Dominus Belli-joci, & Vmfredus frater ejus, & mater eorum, qui obiit non-gentesimo anno.*

Fines.

Hic ager Lugdunensi clauditur à Meridie; Dombensi, ab Ortu; Matisconensi, à Septentrione; Forensi denique ab Occasu. Illius longitudo decem leucis porrigitur; latitudo autem octo solum procurrit.

Extensio.

Villa-Franche.

Villa-Franca est istius regiunculæ caput, quinis supra Lugdunum milliaribus sita, solo ferili & amœno, & *Morgon* fluentis irriguo. Hic Baillivatus regius cæteris hujus agri locis jus dicit. Visitur in urbe perantiquus instituti Franciscani Conventus, qui totius Franciæ primus ejusdem Ordinis fundatus creditur, anno nimirum 1295, paulò post ipsius D. Francisci obitum; est quoque ibidem Capucinorum Asceterium, aliudque Monialium.

Alia loca.

Alia hujus tractus loca hoc ordine, vulgari

idiomate, recensentur: *Thisy, Belleville, Lay, Perreux, Chamelet, Amplepuys, Requeins, Limas, Paulin, Claucison, &c.*

Diffusa circum Ararim planities usque dum Matisconem pertingas, frumentum, vinum, fructus, cannabim, nuces, è quibus exprimitur oleum, mel, cuniculos, perdices, aliasque vitæ delicias abunde suppeditat; quæ autem hic ager Ligerim, aut tractum Forensis Augustodunensemque pertingit, in montes attollitur, & pascuis abundat, quibus copiosissimos nutrit animalium greges. Territorium Villæ-Franche cæteris palmam præripit, illud enim nemoribus, silvis cæduis, vinetisque uberrimis ubique confutum est; habet arva fertilissima, arbores fructiferas, nuces, castaneas; latissimis etiam viridariis passim deliciatur, pratibusque luxuriat, quæ perfundit Araris maximam piscium vim urbi subministrans. Reperta est hac in regione vena vitrioli.

Qualitas.

Lugdunensium, Foresiorum, aliorumque finitimorum mores imitantur incolæ; omnium fere laudatissima est indoles. Præstant Nobiles singulari morum elegantia, & à magnanimitate commendantur.

Mores.

Regionis ubertas suos habitatores opulentos facit; exigua quidem est, Regi tamen annum 200000 librarum redditum præbet. Vires quod attinet, pedites 4000, Equites 200 in militiam possunt conscribi.

Vires.

Tractus Belli-jocensis subest Diocesi Lugdunensi, ac præpingues habet Prioratus, *Sales*, nimirum, sub titulo S. Martini, ubi quadraginta clari stemmatis Virgines Deo militant, Monasterium S. Petri, in burgo Thisiacensi, &c.

Religio.



B R E S S I A

& B V G I A,

vulgò

LA BRESSE, & LE BVGEY.

Situs.



Itus harum provinciarum, Galliae finibus olim inclusas fuisse demonstrat, secundum etiam omnes ab antiquis factas divisiones; inseritur enim Bressia fluminibus Arari, Rhodano, Sella, Idano, vulgo *Ains*; limitatur autem Bugia, Comitatu Burgundienfi, Bressia, Cabilonenfi, agris Matisconenfi, Dombenfi, Lugdunenfi, & Delphinatu. Bugia vero Rhodano, Idanoque amnibus clauditur; limites habet, Burgundiensem Comitatum, agrum Gexiacum, Sabaudiam, Delphinatum & Bressiam. Quae Caesaris aetate nomina gesserint, nobis ignotum; nomen enim Bressiae modernum est, illiusque etymologia venatu difficilis; nulla quippe est Bressiae cum Sebusia similitudo, neque cum *Branchia* vocabulo, quod à *Brancho*, *Allobrogum* *Regulo* desumptum est. At verosimilius Bugiae nomen è Sebusiano derivari, Bugesianosque, cum Sebusiani dici debuissent, corrupto vocabulo Bussianos appellatos fuisse.

Vnicum Bressia ditionis Romanae monumentum praefert, castra nimirum Iulii Caesaris in Rupe Coironenfi; ni forte adjicias pagum, Caesaris nomine insignitum, vulgo *Cesarie*. Bugia autem multa ostendit antiquitatis vestigia in planitie Ambronensi, vulgò *d'Ambronay*. Inter oppida S. Ioannis Veteris & S. Mauricii visitur etiamnum Sergii Galbae castrametatio integra, qui quidem bellicae adversus Natuates, Sedunos, & Veragros expeditioni praefectus fuerat; quia & marmora, columnae, templa, tumuli, & inscriptiones extant in pagis *Isarnore*, *Anglefort*, *Tallaisieu*, *Mesia*, *Saiffel*, *S. Ennemond*, *S. Martin de Iou*, & aliis locis, quae etiam saepenumero numismata effodiuntur.

Prisci Domini.

Cum fuissent istae duae provinciae ditioni Romanorum longo tempore subjectae; inclinate Romano Imperio Burgundionibus paruerunt; at postmodum Childebertus, Clotarius, & Theodoricus Clodovæi I, Francorum regis liberi, suae potestati subegerunt, & insignis victoriae, quam ex Godemaro reportarant laudem & spolia inter se diviserunt.

Hoc in tractu Rhodanus abyssus quadam sepelitur, sed postea uberiori redivivus alveo procurrit, suasque propellit aquas sub ponte Grezinio, indeque *Seyssel* properat, urbemque duas Gallia.

in partes dividens, incipit esse navigabilis, plurimaeque navigia Lugdunum devehit, terras Bressenses & Sabaudicas interluens, Franciam hac ex parte ad triginta leucas amplificavit Henricus Magnus, Rex potentissimus, regnique fines ad oram Rhodani porrexit; hoc etiam territorium perfundunt Lucidulus amnis, vulgo *Luiset*, qui ab urbe cognomine nomen accepit, deinde *Idanus*, vulgo *Ains*, qui *Ens*, *Indis*, & *Idanis* nominatur, *Araris* vulgò *la Saone*; *Seille*, *Solenan*, *Reissouse*, *Vesse*, *Chalaronne*, *Monian*, *Serene*, & *Suran*; & multi praeterea rivuli, quos lubens omitto. Quae autem Bugiam irrorant flumina, haec sunt, Rhodanus, cuius scaturigo in monte, qui à Latinis *Iuberus*, *Coatius*, vel *Vrsellus* nuncupatur; *Vauferine*, *Seran*, *Furan*, *Albatine*, qui à Latinis *Albarona* dicitur; *Oignin*, *Landelon*, &c.

Dividitur Bressia in superiorem & inferiorem: *Divisio.* *Burgus*, seu *Burgum* superioris est Bressiae caput, & diuturna possessio Sebusianorum Dominorum; cum autem Guido Sebusiae seu Bugiae Dynasta, filiam unicam nomine Sibyllam reliquisset, Amedæo IV, Sabaudiae Comiti enuptam, urbs & dition Burgensis in Domum Sabaudicam devoluta est cum reliqua Bressia; Bugia vero Bressiae caput extitit; quae praerogativa tamen illi detracta, Burgo postmodum restituta est. Sedet in loco palustri, unde & coeli gravitate laborat; attamen urbs spectatissima est, multisque dotata privilegiis.

Tria sunt hac in urbe memoratu digna; primum, est Capella S. Sepulcri, quae Christi corpus in sepulchro jacens, statuâ lapideâ audaci artis specimine exsculptâ demonstratur. Secundum est platea institorum, vulgò *la Halle*, totius regni pulcherrima, quae sub uno eodemque tecto, oblongas latasque porticus exhibet, ubi mensae, & officinae mercatorum, sutorum, sartorum, aliorumque opificum; hic visitur Concionatorum Cathedra, qua & S. Vincentius Ferrerius conciones ad populum habuisse perhibetur. Tertium est Crux lapidea, è regione templi D. Mariae posita, quae arte singulari efficta est. Quartum olim censebatur arx inter Europaeas pulcherrima, cuius ad normam Ambianensis, & Taurinensis extructae sunt.

Est & Xenodochium sub nomine S. Mariae, plurimaeque Ecclesiae, & coenobia; templum scilicet D. Mariae, Franciscanorum, Dominicanorum, Iesuitarum, Clarissarum, S. Vrsulae Virginum, Visitationis, &c.

Exornatur etiam sede Praesidiali, suumque alias habuit

N n n n



Amsterdam.
Guiljelmus Blauw. fecit.

habuit Episcopum; sed exorante Francisco I, Rege, Paulus III, summus Pontifex, hunc Episcopatum suppressit, qui suis fere in cunabulis extinctus est. Porro ipsa civitas in spiritualibus Archiepiscopo Lugdunensi subiecta est.

Cætera quod attinet Bressiæ loca, sunt, *Monsloellum*, seu *Monslupellum*, vulgo *Montluel*, à nonnullis etiam *Mons lucis* dictus; *Mirebet*, *Peroges*, *Meximieux*, *Montvert*, *Quirieu*, &c. *Monsloellum* autem tribus à Lugduno leucis distitum est, loco fertili & amœno, nec procul ab aquis Rhodani, tractusque Valbonnensis est caput: Collegiatam habet cum Decano, Archidiacono, Præcentore, Canonicis tredecim, 14 Præbendariis; sunt præterea binæ parochiæ, S. Stephani nimirum, & S. Bartholomæi; dividitur in superiorem & inferiorem, aquis Serenæ per medium irroratur. Sunt & alia non contemnenda loca, nimirum *Villars*, *Pont d'Ains*, *Loyes*, *Chafey*, *Varembon*, *Toissy*, *Pont de Vaux*, locus nundinis celeberrimus; *Pont de Vesle*, *S. Trivier*, *Chastillon les Dombes*, *S. Iulin*, *Montrevel*, *Treffort*, *Coligny le Vieil*, *Coligny le Neuf*, *Albergement*, *Arrens*, *l'Asne*, *Asnieres*, *Asnieres le bois*, *Banains*, &c.

Baugé.

Bugia, antiquissima hujus provinciæ dynastia est, è qua illustrissimæ familiæ nomen, quæ quidem Bressiam supremo annis quadringentis jure possedit. Urbs hæc libera & immunis abs Guidone Bugiæ Domino declarata, per nuptias Sabaudia Comitibus obtigit; qui illam Comitatus titulo possederunt; hodie autem Marchionatus dignitate gloriatur.

Loca.

Hæc sunt notiora Bugiæ loca, *la Bastie*, *Beaupont*, *Baronatus*; in finibus Burgundionum Comitatus; *Beaurepaire*; *Becerel*, castrum pervetustum; *Beost*, castrum, quod hodie suis ruinis sepultum jacet; *Berreins*, Comitatus; *les Bertrandieres*, *Berruyre*, *le Bessay*, *la Beyviere*, *Bayviers*, *Biolieres*, *Bioley*, *les Blanchieres*, *Boba-Montjourvent*, *Bonrepos*, *la Botte*, *Bouligneux*, S. Christophori burgus castro vallatus; *Bouvens*, olim *Curtasay*; *Briod*, *Broces*.

Brou, Prioratus.

Brou præpinguis est Prioratus, quem S. Gerardus fundavit, anno 937, auxeruntque Sabaudi Principes; quin & Philibertus Sabaudia Dux, Margaritæque Borbonia ejusdem parens, necnon & Margarita Austriaca in Ecclesia hujusce Prioratus contumulati sunt. Structura Conventus sumptuosissima est.

Sunt & alia hoc in tractu loca, nimirum *Buenc*, castrum in colle positum: gaudet titulo Baronatus; *Cessia*, *Chassaut*, *Chales*, *Chanay*, *Chandée*, *Chassagne*; deinde Castrum-vetus, vulgo *Chasteau-Vieux*, in rupis apice conditum, juxta *Suran* amnem: *Chastelard*, egregia Domus, uno circiter milliari à Burgo metropoli distita: *Chastelet*, *Chastelay*, *Chavagna*, *Chavanes*, *Chavaux*, *Chiloup*, *Choin*, *Cobertod*, *Colonges*, *Conflens*, *Corent*, *Corgenon*, *Corleyson*, *Cornaton*, *Cornod*, *Corrobert*, *Corsant*, *Corveyssia*, *la Cras*, *Dananches*, *Duissia*, *Eschebs*, *Esquerande*, *Esnes*, *Espey*, *Espeysoles*, *Falconnier*, *Feillens*, *Fromentes*, *Geliere*, *Genetey*, *Genost*, *Genod*, *Gordans*, *Gramont*, *Haute pierre*, *Hauvet*, *Ialamondes*, *Iachiere*, *Iasseron*, *Iaia*, *Langes*, *Marbos*, *Boletereins*, ubi *Cartusia*; *Bomiers*, &c.

B E L L I C E N S I S

E P I S C O P A T V S,

vulgo B E L L A Y.

Bellicio diversa nomina, diversi auctores tribuunt, nempe *Bellilocum*, *Bellinum*, *Bellitium*, à Bello, & Lite, *Bellonam*, *Bellismam*, & *Bellismam*; quibus omisiss *Bellicium* *Sebusianorum* appellabimus, Episcopos autem, *Bellicenses*; urbs plane est pervetusta, nam ab anno salutis 412 sedem habet Episcopalem. Multas clades perpeffa est sub Attila Hunnorum rege, atque sub Theodorico II, Francia Rege, longius latiusque olim sua dilatavit pomeria; verum anno 1385, penitus exarsit, excepta Cathedrali, Episcopali que palatio, ac Canonicorum ædibus; cum vero paulatim restaurata fuisset, Amedæus I, Sabaudia Dux, præclaro mœnium ambitu turribusque circumcinxit. Multa sunt hac in urbe antiquitatis vestigia, nimirum sepulchra, urnæ, numismata, necnon & templi Cybele deorum matri dicati rudera; cujus etiam meminit inscriptio, quæ etiamnum visitur in Ecclesia S. Laurentii in fronte Baptistarii.

MATRI DEVM ET ATTIN. CVPIDINES II. APRONIVS GEMELLINVS TEST. LEG. VIC. BELL. HER. PON. CVRAVIT.

In cavea vero Episcopatus legitur Inscriptio sequens:

MATRI DEVM CIBELI TALBIVS
ATTIVS ARAM CREPIDINES
COLVMNAS TECTVM. PRO.....

Quantum autem ad urbis Ecclesias attinet, eminet inter alias Cathedralis D. Ioanni Baptistæ sacra, quæ olim à Canonicis Regularibus, impræsentiarum autem à sæcularibus deferuitur. Est etiam perelegans Ecclesia S. Francisci, atque adeo S. Laurentii, Monialium Visitationis B. Mariæ, Virginum S. Ursulæ, Capuccinorum, &c.

Hic Sebusianorum Sedes regia sub Baillivatus titulo constituta est. Equidem sedet aliàs Baillivus in oppido S. Ramberti, deinde Rossilloni, unde in urbem Bellicensem velut regionis metropolim translatus est; huc provocant omnes subalternæ Dynastarum judicaturæ, si excipias Marchionatus S. Ramberti, S. Sorlini, & Vallis-Romanorum, vulgo *Valromey*, qui proprium habent Iudicem ad quem appellent.

Porro, Bellicenses Episcopi sunt temporarii urbis Domini, titulumque S. Imperii Principum præferunt. Fuit autem Audax primus hujusce urbis Episcopus, qui claruit anno 412. Successere plurimi pietate & doctrina insignes, quos inter æternum memorandus Ioannes-Petrus Camus, vir ob singularem animi præstantiam, vitæ probitatem, præclara ingenii monumenta, & efficacissi-

Facillimas ad populum conciones totâ Galliâ celeberrimus; qui etiam hunc Episcopatum resignavit anno 1629.

Aumes. Ne quid autem omittamus ad nostrum perti-
nens institutum, operæ pretium existimavimus
referre gradum ad flumina regionem hanc alluen-
tia. Idanus itaque, vulgo *Ain*, totum hunc tra-
ctum interfecat, obiterque excipit rivulum lacûs
truttarum, deinde amnem Nantuatum; postea
Nantua. *Surant*, & *Arbelaine*, totque cumulus annibus
in Rhodanum influit. Sunt plures alii rivuli,
quos Bressia, & Bugia Rhodano communicant,
nimirum, *Oeules*, *Furans*, *Glandis*, *Bremio*, *Cheran*,
Rossa, *Oguin*, *Seraïne*, &c.

Inter præcipua Bugiæ loca censentur urbecula
Pierre-Cha- Petra-Castellensis, vulgo *Pierre-Chastel*, quæ in
stel. scopuli vertice exædificata est, ubi insignis Car-
tusius, situque validissima; oppidum S. Ramberti,
ab eodem divo nomen accepit, qui ibidem
martyrium subiit; S. Sorlini burgus, castri fir-
missimi vestigia servat; fanum S. Andreae de
Briord, plurimas Romanæ antiquitatis reliquias
etiamnum ostendit, sepulcra, inscriptiones, nu-
mismata aurea, argentea, ærea, &c. S. Germani
d' *Amberieu* oppidulum, fuit olim optimo castro
Amberieu. munitum, quod hodie dirutum est, cuius radi-
Rosillon. cibus hæret *Amberieu* burgus; *Rosillon*, Bugiæ
quondam metropolis, & ordinaria iustitiæ sedes,
sed cum variis devastata depopulataque esset in-
cendiis, sedes Bellicium translata est: Castrum-
novum, vulgo *Chasteauneuf*, nullum aliud pris-
ci splendoris vestigium retinet, præter Mandatum
Valromey. in Vallem Romanorum, vulgo *Valromey*; ista au-
tem vallis fuit locus deportationis civium Roma-
Cordon. norum ob scelus exulantium.

Cordon burgus celebris, populo frequens, in
valle jacet altis montibus obsitâ, & ordinariâ
Lugduno Genevam proficiscentibus viâ: hîc af-
surgit eximia turris de Carignano dicta, ubi sedu-
lus speculator excubat; Ecclesiâ quoque Colle-
giatâ decoratur. *Brion* burgus è regione lacûs
Ambroay. Nantuani, castro apprime munitus; *Altemare*,
& *Alimes*; postea occurrit *Ambroay*, publicâ quæ
Lugduno Genevam ducit viâ; urbecula hæc sua
ex Abbatia initium duxit, quæ circa annum 800
fundata, amplissimisque redditibus dotata fuit à
Bernardo Equestris familiæ, Diocesis Lugdu-
nensis viro, qui abdicatâ militiâ, ibidem vitam
religiosam professus est. Sectatur autem hæc Ab-
batia D. Patris Benedicti institutum. Ex hac de-
pendent tres Prioratus, *Loyettes*, *Amblanieu*, &
Dompierre.

Cætera Bugiæ loca sunt, *Beauretour*, *Blye*, ce-
lebre monasterium; *Bons* itidem nobilium Vir-
ginum monasterium, à Margarita Sabaudia A-
madæi II, ejusdem Sabaudia Comititis filia ex-
tractum; *Bussy*, *Chateau-bochard*, *Chateau-gaillard*,
Chastelard, *Corcelles*, *la Cou*, *Dortans*, *Douvres*,
Eschalon, *Gramont*, *Grolée*, ac tandem *Lanieu*,
urbecula loco fertili & amœno sita, æde Colle-
giatâ insignis, necnon & Prioratu conspicua; &
Nantua, urbs ob commercia sat celebris, ubi &
præpinguis Abbatia.

Sunt & alia quædam non contemnenda loca,
Poncinum nundinis frequens; *Portes*, eximia
Cartusianorum solitudo, quæ multos insignes
Gallia.

sanctitate viros peperit; *Rogemont*; *Seyssel*, vetus
oppidum, amplissimis, à Sabaudia Ducibus, pri-
vilegiis & immunitatibus dotatum, Latine *Sissum*
dicitur; hîc incipit Rhodanus esse navigabilis;
hîc quoque deponitur Sal, quod in Sabaudiam,
Helvetiam, & Genevam transmittitur; firmissi-
mo olim castro vallabatur, cuius è ruinis Capuci-
norum Conventus exædificatus est.

Priusquam à Bugæo longius recedamus, anim-
advertendum, in diocesi Bellicensi 112 Paro-
chias contineri; quarum septem & quinquaginta
in Bugiensi territorio, in Delphinatu Sabau-
diaque cæteræ. Quod Bugæi districtus reliquum,
Genevensis id Dioceseos, quicquid nempe Valro-
meæ & Michailensis oræ est, Baillivatu & Præ-
fecturæ Bugiensi est annexum. Limitatur Bugæa
plaga ab Oriente, terrâ, quæ in neutram inclinât
partem, & *Cheisry*, *Valromey*, & *Michaille*. Chanta-
nia, exigua est provincia, Marchionis Aquensis.

Baillivatum Gexensem quod attinet, nonnisi
in quinque se longitudine leucas extendit, duas
latitudine. Ab Occidente Valle *Cheisry*, quæ Re-
gis, Ducis Sabaudia, & Comititis Burgundia est,
terminatur. Præcipua ejus oppida sunt *Gex*, ci-
vitas, & *Gex sur Gex*, *Thuerier*, *Collonges*, *Dyonne*
& *Verfoy*, sibi pene contigua. In oppido *Thuerier*,
duo videas summæ antiquitatis taxa, Cæsaris
trajectum incisum inscriptumque præferentia.
In vico *de Collonges* est Slusæ fortalium, Ducis
Sabaudia, qui loca aliquot hujus Baillivatus pos-
sident, qualia sunt, Baronatus *Ternier*, *Viry*, jam
Comitatus. Flumina regionis sunt, *Iornan*, *Alan-* Flumina.
don, *le Liou*, *la Verfoy*, quæ de Gexio monte sca-
turiunt, & Rhodano se immiscent: aliâs *Mijou*
nuncupatur hic mons, qui à Slusæ Castro oc-
cipiens, ad Vallensem regionem, & Burgundia
Comitatum usque, cunctas has dynastias & do-
minia, loco qui *la Combe de Mijou* dicitur, separat.
Cæterâ, Baillivatus hic Rhodano, Geneva, Sa-
baudia, & Sequanorum Comitatu, Vallensique
regione includitur.

Ære optimo gaudet Bressia, tritico, ligno, *Bressia qua-*
pecore, omnis generis piscibus etiam abundans. *litas.*
Regio aliâs ipsa plana, & arenosa, nec vini ferax:
præterquam quod mons Revermontius vini ali-
quid producat, sex leucarum se extendens spacio.
Matisconensis ei proximus, vicinis suis vinum
parce sufficit. Bressia Civitates inter Rhodanum
Ararimque sitæ; & fluvius d' *Ain* dictus, iis inter-
medius fluit, unde duæ amœnissimæ & fecundissi-
mæ exoriuntur Insulæ. In Gexensi Baillivatu pra-
tis oportunissimi sunt montes, ipsi planitie longè
præferendi: vino & tritico, incolis quæ suffi-
ciant, abundantes. Propè locum *Thuerier* dictum,
auri fodina reperta; & aliquibus morbis aqua hic
præterlabens, conducit. Arbor etiam, quæ quin-
quaginta, vel sexaginta contegat homines, hic
visitur: Puteusque, pluviam tempestate aquam
emittens in perticæ altitudinem.

Bressienses Gallia indigenis non accensentur; *Mores.*
moribus, vicinis suis similes, Sabaudis, inquam,
Delphinatibus, & Lugdunensibus.


Ex frumenti sui, cannabis & pecoris distractio-
ne opes sibi acquirunt Bressienses: Bugeiensis *Opes, ac*
oræ incolæ armentis pecoribusque suis divitias *Vires.*
suas unicè ferunt acceptas; & lacticiis aliquan-
tum

tum suis. Rhodanus & Araris, Bressiæ loca circumlabentia flumina, facilem opportunamque negotiatoribus, suis exercendis commerciis viam pandunt. Pontis Vallenfis habitatores frumenta sua Matisconensibus dividunt: à quibus vina recipiunt, quæ Ressousâ fluvio Bressiam devehunt.

Pons Vallis limitanea antehac urbs, duplici amplaque fossâ munita; situm loco aquoso, arenosque sortita, nec qui ullis cuniculis terræque obnoxius sit suffossionibus. Meridiem versus Ressousâ fluvius, profunditatis eximiae, nec qui transvadari possit, eam cingit.

A Divione dependent Bressia, Bugæum, Gexiumque, & personalia hæc sunt tributa. Salis quod attinet gabellas, eæ ad Generalitatem Lugdunensem spectant; Salemque navibus Seyffelium usque devehunt. A Parlamento Divionensi pendet hæc

terra; Religionem Calvinii profitentes Cameræ Edicti Gratianopolitani, aut Divionensis, pro libitu, se subjiciunt: Burgundiaci est regiminis, Regiumque habet Præfectum. Gexiensis terra Baillivum habet, aliosque Officiarios, Gubernatoremque & Castellatum. Intermixtos huic Ballivatu subditos, ac feuda aliquot Genevenses habent. Lugdunensis Dioceseos Bressia est; sub Bellicensi Episcopo Bugæa Valromæaque terræ sunt; qui Archiepiscopi Vesontionensis est suffraganeus. In Gexium quidem Ecclesiæ Romanæ ritus introducti sunt, cum Genevensis Respublica jam ab anno 1589 eos abolivisset, quando Sabaudia Duci illud eripuerat, Regique tradidisset, qui Coronæ illud incorporavit: sed Duci restitutum, in Regem unâ cum aliis dominiis hoc ipso etiam translatus est.



D O M B E S I I

D O M I N I V M.

Limites, &
extensio.



Ombesii Dominium ab Septentrione, & Oriente terminatur Bressæo territorio; à Meridie, Lugdunensi vulgò *le Franc* dicto, (quod à vectigalibus solvendis hæc Lugdunensis provinciæ pars immunis sit:) & ab

Occidente Arari fluvio cingitur; quo quidem à Beaujolienfi & Lugdunensi Provinciis separatur. Ejus longitudo in octo; latitudo verò in sex se extendit leucas.

Civitates,
& loca.

Præfecturas complectitur undecim; quarum prima Trevolsium est, regionis metropolis, ad Ararim; ordinaria Iustitiæ, & ipsius Baillivatus, sedes: continet autem dicta Præfectura nonnullas ad Ararim Parochias. Præfecturarum altera à Bello-visu denominatur, vernaculè *Beauregard*, urbs exigua, arce munita, ad Principem cum Parochiis suis spectans. Earundem tertia, Montmerlium, cum undenis ei annexis parochiis. Quarta Tossyem, urbs parva quidem, at muris tamen cincta, mille ab Arari passibus dissita; & quatuor parochiis decorata. Quinta, est Lenthium, aliàs *Lens*, murata Civitas, licet non magna, de Principis dominio. VI Chalamontium, ejusdem cum superioribus notæ; ad Pontis-Valensem Ducem, Mamayumque in Libero, uti vocant, Comitatu, *Franche-Comté* Gallicè, spectans. VII. Chastellardum, Marliæum, S. Georgii de Renon. VIII. S. Trivier, urbs muris circumdata, exigua tamen. IX. Villa-Nova, cum septem Parochiis, ipsius est Principis. X. *Ambeyrien*, cum castro, modò in ruinis suis jacente: locus Principis proprius. XI, & Præfecturarum ultima est *Ligneu*. Complura quidem præter jam dicta sunt loca, feudaque nobilia, & castra, ut *Taney*, *Flechieres*, ornatissimus locus, & urbs, licet non magna: *Meyssimy*, *Lurey* Marchionis de *Varennes*; *Franchelais*; ad Dombesii Baillivum spectans. *La Bastie*, Baronatus, Baronis de *Ioux*: *la Tour Chabes*: portio castri Bergementii, ad Comitem de Montruel: *Iuys* Baronia, &c. Solum

Qualitas,
Opes, Vires.

regionis optimum, tritico abundans, vinearum etiam pratorumque patiens; Cannabin itidem producit, & alia terræ munera: nec lacus, & illi quidem quamviscosissimi, defunt. Loca maxime munita, sunt *Chamaignieu*, magni & minoris vocabulis interstincta, S. *Trivier*, *la Bastie*; *Beau-*

regard, & *Barbarelle*. Quinquaginta, aut sexaginta circiter Nobilium Domos hæc Provincia numerat: quarum mentionem jam antè injecimus.

Principatus hic ad Dominos de *Beaujeu* di-
Regimen.
ctos, spectavit aliquando; idque ratione conubiorum cum Familiis Sabaudicâ, Bressæaque initorum; etiamque per matrimonium Huberti IV, Domini de *Beaujeu*, & Margaretæ de *Baugey*, donec tandem Eduardus II, terras suas, earumque possessionem, Ludovico II, Duci Bourbonio, gratuito munere, concessit: unde, Susannâ Bourboniâ, Carolo Duci Bourbonio, Franciæ Connestabili, enuptâ, hic ipse Carolus universi Domini hæres unicus factus est: ab eoque tempore illud ipsum in Familiam lineamque Montpensieriam transcriptum; ad Mariam Bourboniam usque, unicam Henrici, Ducis de *Montpensier*, filiam; quæ Duci Aurelianensi, unico regis Ludovici XIII Germano, in matrimonium elocata, & fatis functa anno 1627, unicam itidem reliquit filiam, Annam-Mariam, Dombesii hæredem, Ducissam de *Montpensier*, de *S. Fergeau*, & *Chastelleraut*; Arvernæ Delphinam; Principem *Rupis ad Yonnam*, vulgò *de la Roche-sur-Yon*, & *Lucæ*, *du Luc*; Marchionissam *Mesieræ*; Baronissam de *Beaujolois*; Comitem Baræ ad *Sequanam*, de *Bar-sur-Seine*, & *Montaignæ*; Vice-Comitem *Augiæ*, *Brossiæ*, & *Domfrontii*; Dominam de *Champigny*, de *Combrailles*, *Montagu*, &c.

Dombesii Parlamentum Lugduni sedem suam fixit, in Palatio Regio, ut vocant, Iustitiæ, residens: Duobus constat Præsidibus, Libellorum supplicum Magistro; sex Consiliariis: Procuratore, & Advocato Generali, duobus Secretariis; Scribâ, quatuorque Apparitoribus. Secundum scriptam juris normam jus dicunt. Singulo octennio, Principi, honorarii muneris instar, librarum decem mille offeruntur: Salis redditus 36000 librarum. Officinæ monetariæ Principi suæ conferunt 10000 libras: toto enim regno monetæ hic cusæ valor plurimum æstimatur.

Lugdunensem Diocesin agnoscit Terra Dombesia; nulla insignita abbatiâ: & Prioratûs quidem Montis Bertrandi, *Cissana*, *Girlonges*, & *S. Trivier*, diversis adnexi sunt Abbatiis; etiamque Minimorum Montmerleenfi Conventui, qui quidem Terræ hujus unicus est; originem suam, foundationemque, Mariæ, ultimæ Dombesii Domini ac Principis, liberalitati acceptam referens.

Religio.



*Vnde ori
Burgundi.*

*Nominis
ratio.*

D V C A T V S B V R G V N D I Æ.



Vnde ori
Burgundi.

Vi res gestas superioribus sæculis memoria mandavere, unanimi fere omnes consensu testantur, Burgundos à Wandalis, septentrionalibusque Gothis esse ortos, ac circiter annum à nativitate Iesu Christi 280 sedibus pullos, magna multitudine in eam Germaniæ partem irrupisse, quæ, tum Alemannia dicta, ob amnis Rheni propinquitatem, agrorum fertilitate, nullis Germanorum provinciis cedebat; contra quos vario successu aliquandiu pugnantes, tandem fedes quas bello nequiverant, liberali incolarum benignitate obtinuisse, eas nimirum Alemanniæ partes, quæ nunc Palsgraviatus, sive Palatinatus Rheni ac Marchionatus Badensis titulo gaudent. Cum autem Romanum Imperium jam labasceret sub Honorio & Arcadio Imper. Theodosii Magni filiis, multæ exteræ barbaræ nationes concurrerunt, ut unaquæque partem aliquam sibi vendicaret. Iuvabat aliquas, præsertim Burgundiones, præter imbecillitatem Imperatorum, qui suæ mentis non satis compotes erant, invitantis ambitio Stiliconis, qui meliori ratione filium suum Eucherium Imperio se intrudere non posse arbitrabatur, nisi omnibus modis imperantium auctoritatem & vires pessumdedit. Pessimo itaque exemplo allecti cum cæteris à Stilicone Burgundiones, eam Galliæ oram occupare, quam etiamnum possident, expulsi veteribus incolis Sequanis & Hæduis: quorum hi Ducatum, illi Comitatum Burgundiæ, (ut nunc vocatur) habitaverunt. Nomen alii deducunt à *Burgis*, hoc est, castris, quia in Inferiore Germania per castrorum limites dispositi erant. Alii nomen putant deductum à more Septentrionalium populorum, vicatim habitantium, ac proinde à Germanis dictos *Bourgwonders*, quam vocem ejus temporis Galli, corrupta Latina Germanicaque lingua in *Bourgonders* depravarunt, duarum vocum, paucis mutatis literis, coitione. Rationem ex eo petunt, quod vetustissimi Germani, expresso Cæsaris ac Taciti testimonio, nullas habitarent urbes, sed pagos, vicosque, parvo intervallo invicem distantes, quos *Bourgen* appellarent, unde vox *Bour*, aut *Buir*, quæ vicinum sonat, manavit. Quod autem plerique suspicentur vocem *Bourgons*, deductum ex antiquissima ignotaque Scytharum Septentrionalium (nunc Tartarorum) lingua, quemadmodum & Lombardos, Gepidas, Wandalos, Bastarnas, Neuros, Getas, Dacos, &c. plane incertum est. Petrus Sancto-Julianus Burgundiæ etymon à loco quodam ducit, qui vulgo *Burgogne* in agro Lingonum.

Gallia.

Olim regni titulo in Gallia longe lateque imperarunt. Anno 415 Rex eorum Gondiochus ^{Olim re-} erat, qui cum Ætio collatis signis in prælio occubuit, relictis quatuor filiis Gondebaldo, Chilperico, Godemaro & Godegisillo. Chilpericum & Gondemarum ambitio in natu maximum & minimum fratres armavit, ita ut commissa acie Gondebaldus & Godegisillus victi, fuga salutem querere coacti sint. Gondebaldus delitescens sparsa falso rumore suæ mortis, fratres victores fefellit; qui positis armis nullo ab hoste sibi cavendum existimantes, ante à Gondebaldo Vienne fugere coacti sunt, quam cum revixisse scient. Gondebaldus expugnata Vienna captivos fratres capite plectit una cum uxoribus, quarum illam Chilperici appenso ad collum lapide in flumine mergi iussit. Ita totius Burgundiæ Dominus factus, nullam tamen fratri Godegisillo illius partem concessit: usque dum instigante Clotilde, Chilperici filia, à Clodovæo, cui illa nupserat, victus fugatusque & intra Avenionis moenia compulsus, fratri illud torum tradere coactus fuerit: quem tamen restauratis viribus post Clodovæi in Galliam discessum Viennæ obsedit, ibidemque, per aquæductum secreto in urbem aditu aperto, cum omnibus à Clodovæo adjunctis Francis interfecit. Clodovæus audita suorum cæde raptim in Burgundiam cum copiis rediens, iterato Gondebaldum prælio superatum, relicto regno in Visigothos fugere coëgit, regni que partem sibi subiecit, reliquum Sigismundo Gondebaldi filio tradidit; quo postea, ob fractam in non servatis pactis fidem, in puteum cum omni familia coniecto, tota Burgundia ad Theodoricum Clodovæi filium, & tandem ad Clotarium jure succedendi devenit; & ex eo tempore Burgundia penes Francorum Reges mansit. Complectebatur tunc Burgundiæ regnum Sequanos, Superiorem Burgundiam, Sabaudiam, Delphinatum, & territorium Arelatense. Ideoque regni sedes modo Arelia, modo Aurelia fuisse legitur.

Regnum hoc circa annum 1034 bipartitum abiit in Ducatum & Comitatum, quorum ille, versus Occidentem, *Burgundia Inferior* & *Regia*: hic, ad Orientem, *Superior*, & *Imperatoria*.

Regionem hanc claudunt ab oriente, intercurrente Arari, Sabaudia & Burgundiæ Comitatus: à meridie, Lugdunense territorium: ad occasum Nivernensium & Borboniorum regio: à Septentrione Campania, ab occidente Borbonicus & Nivernensis ager. Extenditur hic Ducatus longe lateque, ita ut à Matiscone usque ad Altiliodorum five Barram ad Sequanam quadraginta quinque miliaria in longitudinem porrigatur; & si à Baujolesio versus Campaniæ limites ad usque pagum Fauchiere ejus rationem ineas, quinquaginta miliaria excedet. Latitudo ab Augustoduno usque

Q q q q

ad



ad urbem Ligoniam viginti quinque; at à Borbonico Lancejo usque dictam urbem Ligonum triginta quinque milliaria conficiet. Controversia vero de jure in amplissimum hunc Burgundiae Ducatum gravissimae motae fuere, anno 1555 inter Imperatorem Carolum V, Hispaniae regem, & Henricum Galliarum Monarcham, de quibus vide P. Merulae librum Historiae Belgicae 6. Urbes olim florentissimae hic fuerunt, *Alexia*, cujus vix rudera supersunt, nominis umbram servante pago *Alize*, & *Bibraete*, oppidum quondam maximum & opulentissimum.

Veteres mures.

Diviso.

Dividitur hodie in quinque praefecturas praecipuas, Divionensem, Augustodunensem, Cabillonensem, Auxensem, & Montanam; quarum huic caput est Castilio ad Sequanam, illi Semurium. Divionensis Praefectura quatuor sedes habet, quae quasi singulae praefecturae sunt, nimirum Nuitonium; Auxonnam, cum Castello ad Ararim, urbem satis validam & in Burgundiae Comitatus confiniis sitam; Fanum S. Ioannis Loosnensis; & Belnam. Augustodunensis tres habet, Moncenis; Semurium in Brionenfi agro cum annexo Ancejo; & Borbonicum Lancejum. Auxensis Praefectura sedes numerat duas, Aballonem & Arnay le Duc. Cabillonum & Augustodunum sedes Episcopales sunt: Supradictis autem praefecturis adjunguntur Matisconensis, & Altitudorensis seu Auxerrensis ager, ut & praefectura Barra ad Sequanam, quae Parlamenti Parisiensis jurisdictionem agnoscunt; quamquam Regimini Burgundico accenseantur, & Episcopi, Nobiles, tertiusque ordo inter Ordines Provinciae suum locum habeant, itidem ut Carolesium, & Vicecomitatus Auxonensis, regiones adjacentes, & illae quae à suis Dominis possidentur, sed Liberae vocantur.

P R A E F E C T V R A D I V I O N E N S I S.

Dijon.

Metropolis Ducatus hodie est *Divio*, vulgo *Dijon*. Hujus conditor, aut potius restaurator, pomœriique productor fuit Aurelianus Imperator. Nomen à divis, quibus plurimus ibi fuit cultus, impositum putatur. Hac urbe nihil in Burgundia pulchrius amœniusque. Sita est ad Oscharam fluvium, *l'Ouche*, pisculentum, agro fertili, & admodum foecundo, vini quoque in vicinis montibus feraci. Munita est situ non tantum naturali, sed industria etiam adversus quamlibet vim. Vtrinque muros alluunt flumina duo, Suzio *Suson*, & Oscara, quorum ille periculosissimis exundationibus urbem infestare consuevit: hic pisculentus admodum alveo fluit quietiore, rerum multarum usum suppeditare solitus: muri ad justam magnitudinem apti, ad propugnandum in altum assurgunt: turribus, propugnaculisque muniti: ultra quos castellum quatuor turribus sibi respondentibus provisum, cum arce munitissima. Sub cœnobio D. Benigni, quod à Gregorio conditum Lingonensium Episcopo, vastum ostenditur specus: cryptas cisternasque habens, in quo Benignus vir sanctus victus fuisse tradi-

tur, quum populum ad Christum traduceret, daemonum adhuc sacris operantem. Supremum hic est Ducatus Parlamentum, & justitiae sedes, unde velut è sinu patriae jura petuntur. Qui in *Majorem* hujus oppidi legitur, non tam honorem, quam onus suscipere, vel invitatus & renitens, cogitur, jusque jurandum praestare in templo D. Virginis, praeeunte verba Procuratore regio, se Regi fidelem futurum, defensurumque sua civitati jura, libertates & privilegia, adversus quoscunque, etiam ipsum Regem, quoties flagitat necessitas. Praeter Majorem ad urbis regimen eliguntur viginti quatuor Scabini: Si quando Reges solemniter urbem ingrediuntur, juramentum praestant in Ecclesia S. Benigni, se privilegia non violaturos: econtra Major nomine totius regionis fidem suam integram semper fore jurat; quamobrem album ex velluto cingulum equi Regii freno innectit, atque ita cum viginti quatuor Scabinis Regem ad Sacellum sacrum deducit. Est autem hic Major caput perpetuum Tertii Ordinis apud Ordines Provinciae, qui singulis trienniis congregantur: Iustitiam omnifariam primae instantiae in omnes urbis cives exercet, cujus & claves custodit. Sunt in urbe viginti quatuor Ecclesiae; duae Abbatiae, S. Benigni, & S. Stephani; Sacellum sacrum à Philippo Bono Burgundiae Duce fundatum, quinque prochothrophia; & extra urbem Prioratus Arcienfis, templum S. Iacobi ad vineas, & Cartusianum, quod elegantissimum est, & monumentis Ducum Burgundiae ornatum: inter profana aedificia palam meretur Palatium, in quo Parlamentum sedet, & Camerae rationum, reddituum publicorum & Iustitiae sunt; Domus Regia à Ducibus exstructa; Domus Publica; palatia multorum Nobilium, Abbatiarum Cisterciensis & Claraevalensis ordinum, &c. Munimentum Talantium nunc dirutum, castellum & pagus Fontanus, Abbatias S. Bernardi incunabulis celebris, cum Sacello in eodem loco fundato non longe Divione distant, quorum incolae aliquibus privilegiis fruuntur.

Episcopatus & Praefectura AUGUSTODUNENSIS.

Augustodunum, *Augusta Iulia Aduorum*, ab *Antim.* Augusto restauratore sic dictum, ad radices jacet montium, qui vulgo *Les monts de Cenis*, ad fluvium Arotium. Urbs quondam amplissima & populosissima, hodie aedificiis supra modum vacua, & diu quondam in Galliarum potita, populoque Romano foederata, in ordinem quasi & ad inferiorum oppidorum conditionem est redacta. Multa visuntur Augustoduni cum intra, tum extra urbem, antiquitatum monumenta, fanum Proserpinae & Plutonis, Iani templum, Martis templum, Martis campus, *Philosia* Collis, Cupidinis aedes, fornices Veneris, Cucubarrus, Theatrum, Capitolium, Apollinis templum, Caninus vicus, Rochi delubrum, statuae, columnae, aquaeductus, arcus, nummi veteres, mons Druidus, mons Iovis, ut plane aemula Romae



R
m

in
na
pe

C
In
M
na
ft
te
op
tu
B
X
lu
h
S
E
d
h
t
l
f
f
v
h
c
S
s
i
h
S
h

Diacefsis.

*Chalon
Civitas.*

Romæ fuisse credi possit hæc civitas, unde & medii ævi poëta quidam canit,

Celtica Roma dein voluit, cœpitque vocari.

Affirmat Tacitus Tiberium à Senatu Romano impetrasse, ut Hædri Augustodunenses in Senatum allegerentur, & populi Romani fratres appellarentur.

In hac urbe Magnentius, natione Gallus, post Constantem in Galliis fraude occisum, purpuram Imperialem induit. Fuit & bonarum artium ac Musarum sedes, ubi, ut Tacitus scribit lib. 3 Annalium, nobilissima Galliarum soboles liberalibus studiis operabatur. Inter ædificia sacra eminet templum Cathedrale S. Nazario sacrum, eximii operis; quemadmodum & aliud B. Virgini dicatum, fundatum à Nicolao Paulino Cancellario Burgundiæ sub Philippo Bono. Fundavit hic & Xenodochium Belnense, quo in tota Gallia nulum commodius & pulchrius. E Monasteriis, quæ hic plurima, antiquissimum est illud quod à S. Symphoriano nomen habet, fundatum ab Euphronio Sacerdote, dein Episcopo Augustodunensi: nunc Prioratus est Ordinis S. Augustini, habetque liberam electionem. Abbatia S. Martini Ordinis S. Benedicti valde celebris est tumulo Regina Brunechildis fundatricis, fœminæ scelestissimæ, quæ decem Regibus vitam omnifario scelere eripuit. Aliqui eam piissimam fuisse volunt, quod nullus Rex fuerit, qui plura templa, monasteria, Xenodochia, & similia ædificia exstrui curaverit, eaque tam eximie structuræ. Sunt in urbe præterea bina alia Monasteria Virginum, quorum hoc S. Androchi à Carolo M, illud S. Ioannis Majoris à Brunechilde fundatum. Reliqua templa nominibus S. Ioannis ad specum, S. Lazari, S. Quintini, S. Branchetii, S. Petri, S. Ioannis Evangelistæ, S. Andrea, S. Blasii, S. Claudii, S. Rochi Prioratus, S. Spiritus Xenodochii, Cœnobii Franciscanorum, Domus Dei, cognita sunt.

Diœcesis.

Diœcesis Augustodunensis latè extenditur, continens ultra sexcentas Parochias, exceptis plurimis Abbatibus, Prioratibus, Collegiis Canonicorum, & Sacellis. Abbatia S. Martini, S. Androchi, S. Ioannis Majoris, *Corbigny*, *Cherrey*, *Flavigny*, *Fontenay* & *Vezelay*, omnes ordinis S. Benedicti sunt; præter quas & hæc numerantur, *Oigny*, S. Margaritæ, *la Bussière*, *Sept-Fons*, *Lieu Dieu*, & Consolationis de *Reconfort* dictæ.

Episcopatus & Præfectura

CABILLONENSIS.

*Chaalon
Croizat.*

Cabillonum, Cabillonium, Cabillonia, Cabillonus, Cabalodunum vel Cabilo Aëduorum, sita est ad dexteram Araris ripam, agri uberrimi, coelique saluberrimi. Eximie felix, conveniensque & secundo Arari mercimoniis idonea, unde à Cæsare commeatui parando, exercituique, qui sæpe in plures distractus erat partes, distribuendo delecta. Majorem olim fuisse testantur antiqua rudera. Concilium hic habitum à Christianis Antistitibus, rerum apud Francos potente Clodovæo. Regiam quoque hic sedem habuit Gun-

Gallia.

thranus Clotharii I filius, Chereberti Francorum Regis frater, Aurelianensium Princeps, qui eam supra modum variis ædificiis ornavit, in S. Marcelli cœnobio ibi conditus. Evertit contra cum quatuor suburbiis Clotharius, Ludovici Pii Augusti filius, cum in Italiam solum vertere cogeretur, Augusto patre ex cœnobio ad regni gubernacula ab optimatibus retracto: idque odio Anselmi Cabilonensium Comitis. Primarium templum, consecratum olim sub nomine D. Stephani, hodie D. Vincentio, quod ejus ibi reliquæ ab Childeberto I conditæ, est dicatum. Est & templum D. Georgii, quod nullis incendii facibus, aut tormentis unquam dejici potuisse memoratur, quo tempore urbs à Clothario vastata. Præter hæc templa, plurima sunt cœnobia cum adjunctis templis, qualia sunt Minimorum, S. Benedicti, S. Ursulæ, S. Claræ, S. Catharinæ, S. Francisci, Societ. Iesu, Carmelitarum, & Xenodochium, quod à Religiosis fœminis administratur. Abbatia five Prioratus S. Marcelli, pulcherrimis turribus antiquæ & Gothicæ structuræ celebris, urbi proxima est. Binis ornata quondam fuit nundinis, utrisque ad totum mensem durantibus, alterisque *Brandoniis*, alteris ab Augusto mense nuncupatis: quæ tamen, urbe suis cladi-bus fere sepulta, primo quidem Genevam, quæ tunc etiam regni Burgundici erat, postea vero Lugdunum, ubi nunc quoque habentur, sunt translata. Retinet tamen Cabillonum, quas nundinarum beneficio solebat habere, immunitates. Usurpat enim Cabillonensis Magistratus nundinarum & mercatum Magistri nomen, & quo anni tempore nundinæ habentur, nemo Cabillonii adparitor vel regius vel alius, quemquam potest jure sistere, vel in ejus bona manus injicere. Hodie civitas pro dimidia tantum parte Episcopi est, pro altera Regis, aut Burgundiæ Ducis. In duas enim divisa jurisdictiones, habet & curiam Iudicalem Castelli, quæ regia est; & Episcopi Collegiique Canonicorum Cathedralium, in qua Episcopi ministri jus dicunt. Cabillonensium familia secundum Principes longe fuit clarissima, cujus parens Gulielmus ille Magnus fertur, cui à venatorio cornu erat cognomen.

Cives multis iisque non contemnendis gaudent privilegiis, & inter cætera potestatem habent eligendi in Capitaneum unum ex vicinis Nobilibus, qui custodiendæ urbis curam cum Magistratibus participet. Quatuor Scabini, qui singuli habent clavem, qua portæ referantur, annui sunt quemadmodum & Major cum Procuratore Syndico.

Diœcesis.

Diœcesis Cabillonensis terminatur ad occidentem Augustodunensi, ad orientem Vesontionensi, ad meridiem Matisconensi, & ad Septentrionem Lingonico. Continet circiter ducentas parochias sub quinque Archipresbyteratibus, nempe Montignensi, Demignensi, Brescensi, Trenortensi & Oscariensi. Comprehendit itidem sex Abbatis, S. Petri Cabillonensis, *Tournus sur Saone*, Cisterciensem, *la Ferté sur Grosne*, *Maisieres*, & cœnobium *Molaise* parthenium.

Tournus, Latinis *Tornutium*, modicum oppidum inter Cabillonum & Matisconam ad Saonam fl. situm.

R r r

fitum est in loco valde fertili & amœno, non vero adeo commodo ob frequentes & damnosas fluminis exundationes, quæ agricolarum laborem sæpe irritum reddunt. Divisum fuit olim in tres partes, nimirum *Trenorchium Castrum*, *Tornutum villam*, & *Cellam S. Valeriani*, ut expresse in literis Caroli Calvi habetur. *Trenorchium Castrum* est illa pars, quam hodie S. Magdalene appellant, ubi etiamnum porta conspicitur, dicta Porta Castelli: Romani vocabant hoc castellum *Horreum Castrense*. *Tornutum* optima, pulcherrima & frequentissima mercatoribus pars est, quæ nunc Parochia S. Andree dicitur. Cella S. Valeriani Abbatia illa est, de qua paulo ante diximus, in colle sita & satis firmo operæ & muris cincta; ita ut, si excelsæ illi impositæ tures non dissuaderent, castello magis quam Cœnobio similior videretur. Plurimæ existimationis est hæc Abbatia, utpote libera & caput sui ipsius, à qua multi opulenti & splendidi Prioratus in Britannia, Pictavia, Andibus, multisque aliis provinciis fundati dependent: & in quos Abbas Tornutensis Collationem & Dispositionem habet, ingentibus redditibus fruens.

Cistercium five *Cisteaux*, prædices itidem Abbatia est, caputque Ordinis S. Bernardi, sub se habens mille octingenta monasteria monachorum, & totidem Religiosarum velatarum, dispersa per totam Europam, quasi Colonias Civitatis Dei. Nomen mutuatur à multitudine vicinarum cisteriarum, quæ ibidem effossæ sunt ad recipiendam pluviam.

Oppida. Sunt in Cabillonensi territorio octo oppida muris fossisque cincta, & totidem majores pagi. *Oppida* sunt *Givry*, *Brancion* Comitatus Regum proprius; *Bellegarde* à defuncto Rege in Ducatum & Patriatum evectum; *Verdun*, Comitatus; *Bellefure*; *Touchans*; *Cuseau*, & *Cusery*. *Pagi.* Pagi majores sunt *Bussy* Præposituræ gaudens; *Senecey* Marchionatus; *Chaigny* Prioratum habens, qui anno 1220 Abbatia S. Ruffi in Valentia conjunctus est; *Mavans*; *Sagy*; *Sainte Croix*; *Branges*, & *Sagy* in *Revermond*, cujus media pars Regi Gallia altera Hispania Regi subjecta est.

P R Æ F E C T V R A M O N T E N S I S E T A L E X I E N S I S.

Castillonium. **C** Aput hujus Præfecturæ *Castillonium* est, divisum interlabente fluvio in duas partes, quarum altera *le Bourg*, altera *Chaumont* vocatur. Castellum, vetus Ducum Burgundia sedes, in ruinas abiit. Extra urbem conspicitur alta rupes, è qua aquæ dulcis fons emanat, sexto inde passu molas frumento & pannis conficiendis circumagens, quorum, ut & tapetium minorum diversicolorum, maxima copia in hac urbe distrahitur.

Beaune. *Belnam* à Romanis conditam fuisse ex ruinis patet. Martis etiam hodie sedes est; præterquam enim quod opportuno ad lacum loco sita sit, mu-

ris, fossis, propugnaculisque fortissimis cincta est. Munimentum, quod Ludovicus XII extrui fecit tantis, & tam ad artis regulas exactis propugnaculis circumdatum est, ut inexpugnabile judicetur. Xenodochium Palatio Regio, quam pauperum Domicilio similis, à Nicolao Rolino Philippi Boni Cancellario, adeo magnifice structum est, ut Rex Gallia & Dux Burgundia sua illic conclavia habeat omnis generis mobilibus ornatissima, & ægroti pro morborum conditione diversa cubacula inveniant, in quibus curentur. Area spatiosa, quæ atrio ad latus & binas sibi porticus habet unam supra aliam, in quibus camerae diversæ cum conclavibus; rivo alluitur qui urbi illabatur. Officia hoc in Xenodochio distincta sunt; ita ut infirmi ibidem commodissime habeantur. Est & in urbe Palatium Parlamento olim inserviens, antequam Divionem transferretur; ipsaque urbs, præfecturæ sedes, adeo honoris sui conservandi zelotypa est, ut circa finem præcedentis sæculi de priori in confessu Ordinum Provincia loco cum Augustodunensi civitate disputaverit.

Præfectura Auxienfis five *Alexienfis*, Semurii stabilita, ultra viginti milliaria in longitudinem, & totidem fere in latitudinem extenditur. Nomen habet corruptum ab Alexia metropoli olim totius Gallia, & à Cæsare diruta, quamquam à trecentis & quatuor viginti millibus Gallorum defenderetur. Parvus ille pagus prope Flaviam nominis veteris adhuc vestigia retinet *Alize* appellatus.

Auxonna quoque urbs non longe inde distita, nomen suum ab ea traxisse videtur.

Alesia destructa *Semurium* caput Mandubiorum fuit. Situm est Semurium in medio præfecturæ Alexienfis, undeque montibus præterquam orientem versus inclusum, & ternis murorum claustris in tres partes divisum. Prima, quæ *Burgi* nomen obtinet, maxima & hominibus frequentissima est, temploque eximio B. Virgini dicato clara, cujus fundator Gerardus Rossillonius fuisse existimatur: aliqui Robertum Francicum, Ducem Burgundia, illius structuræ authorem arbitrantur. Ecclesia hæc Prioratus est Ordinis S. Benedicti, & loco Parochia incolis inservit, ita artificiose ædificata, ut quamvis muri satis alte exfurgant, uno lapide tamen latiores non sint, exceptis columnis, quæ convexum templi sustinent. Est etiam in hac parte Carmelitarum Cœnobium. Altera urbis pars *Donjeon* vocatur, quæ natura & arte munitissima est, in rupe sita, cui fluvius Armanfon allabatur; muri, præterquam quod crassi & præalti sint, intus terra oppleti sunt. In hoc munimento, quod circiter 120 passus in longitudine, in latitudine vero 80 complectitur, sacellum est S. Margaritæ sacrum, cui Religiosi Ordinis S. Ioannis Rhodii seu Melitenfis inserviunt: horum reditus è Salinis Comitatus Burgundici provenit; sunt & duo loci, quorum alter ad formam munimenti accedens *Mons Illi*, alter *Valefing*, *Velleris signum* nominatur. Tertiã partem constituit Arx quoad formam rotunda, sed accessu difficilis ob præruptas rupes: Ambitur undequaque turribus, quindecim passus se invicem distantibus. Est in eo Prioratus S. Martino dicatus: ut & quadraginta putei salientis aquæ, quorum

Elavigny.

Oppida & arces.

Baillivatus d'Auxois.

Semur.

Mascon Crutis.

quorum profundissimus vix triginta pedum est, quod quidem rarum inter rupes, & saxa.

Caso ante Nancejum Carolo, ultimo ex illa familia Burgundiae Duce, Semurium à Carolo d'Amboise, Ludovici XI Galliarum Regis supremo Legato seu Praefecto, obsessum, captum & Galliae annexum fuit. Administrandae Iustitiae Praetor Regius, rebus vero civilibus, & politicis ad urbis regimen pertinentibus constituendis, Major cum sex Scabinis & Procuratore Publico (quorum munia tantum annua,) praeficitur.

Elavigny.

Oppidum *Flavia* medium milliare Semurio distat, conditum, ut plerique volunt, ab Imperatoribus Flaviis; ruinae Alesiae hinc vix alterum milliare disjunctae sunt.

Oppida & arces.

Praefectura Auxensis ultra Semurium duas alias sedes habet, *Aballonem* & *Arnay le Duc*. Illud de Aballone notarunt veteres Historici, quod cum ejus castellum à Roberto Rege anno 1006 obsideretur, nec capi posset, Rex in tentorio hymnum cecinerit, quo vix inchoato ad canentis Regis vocem muros corruisse, qui jam tertium mensem Regiis machinis restiterant. Reliqua hujus praefecturae oppida & arces sunt, *Montreal*, & *Insula* infra *Montreal* ad Serenum fluvium; *Arx Tanlay* magnificae & superbae structurae; *Noyers*, *Saulieu* five *Sidolucum*, *Mombard*, *Viteaux*, *Ravieres*, *Mont S. Jean*, *Moustier S. Jean* arx eximia & munita; quales etiam sunt *Montigny*, *Missery*, *Thoisly*, *Thoilon*, *Saumaise le Duc*, *Borbilly*, *Esposse*, *Raigny*, *Bar-sur-Seine*, & aliae complures.

Comitatus & Episcopatus

MATISCONENSIS.

Mafcon Civitas.

Mafcon, *Matifcona*, praecipua territorii Matifconensis urbs, multis & frequentibus cladibus obruta, toties iterum sese in ampliore statum erexit; diruta primum ab Hunnorum Rege Attila; dein fervente inter Regem Lotharium & Burgundiones bello, vastata; iterum à Ludovico Iuniore ita disjecta est, ut lapis supra lapidem non relinqueretur. Exinde sub Philippo Augusto resurgens, tempore bellorum civilium à Reformatae Religionis sectatoribus templa & aras suas profanatas simul & dissipatas vidit. Carolus Primogenitus & Regens Galliae, quo tempore Rex Ioannes in Anglia detinebatur, illam fratri Ioanni Comiti Pictaviensi dono dedit, cui eam Ioannes Rex ex Anglia redux eripuit ut Coronae Gallicae reuniret. Ludovicus XI restituit eam Philippo Burgundiae Duci, sed Carolo fati functo recepit. Sita est Matifcona loco amoenissimo & virentibus pratis vicino. Saona seu Araris urbem praeterlabens, lapideo tredecim arcuum ponte constratus est, cui porro continuum pratum in sex septemve milliaria extensum, & tres milliariae quartas largum. Regitur à sex Scabinis; caput suae Dioeceseos, Ecclesiam habet Cathedralam, praeterea campanilibus & grata campanarum harmonia celebrem. Capitulum, uno Decano & novendecim Canonicis constans; accipit quinquaginta millia florenorum annua ex redditibus. Parochia primaria est illa S. Petri,

cujus Capitulum è Praeposito & duodecim Canonicis compositum est, qui nobilitatis suae indicia usque in quartam generationem demonstrare tenentur, antequam admitti possint; sunt autem Curiones primitivi Parochiae. Ultra alteram S. Stephani Parochiam conspiciuntur in urbe quatuor monasteria, Iacobinorum nempe, Franciscanorum, Capucinatorum & Minimorum, cum sacello & aedibus Patrum Oratorii; ut & tria virginum Cœnobita, S. Ursulae, Carmelitarum, & Visitationis S. Mariae.

Est haec praefectura vetusta & longè lateque extensa. Appellationes in controversiis, quae Edictum concernunt, devolvuntur ad sedem praesidiale Lugdunensem; & in reliquis ad Parlamentum Parisinum.

Praetor Generalis Civilis gaudet praeterea Officio Praepositi Excubitorum, & Iudicis Regii Matifconensis. Ultra haec judicia Regia & ordinaria, tribunal Electionis est duobus Praesidibus fultum, à quo appellatio ad Curiam Adjutorum Parisiensem procedit. Aliquae Parochiae, quae Dioecesi Augustodunensi accensentur, & suas commissiones ab Ordinibus Generalibus Burgundiae recipiunt, Praetoris, non vero Electorum Iurisdictioni subjiciuntur.

Limitatur Territorium Matifconense Bressia & *Termini.* parte *Dombes*, intercurrente Arari ad Orientem, Borbonio agro ad Occidentem, Cabillonensi territorio & parte Carolesii ad Septentrionem, & tandem Bellojolefio & Lugdunensi agro ad Meridiem. Longitudo ejus ab occasu versus ortum Solis excurrit duodecim, latitudo novem circiter milliaria.

Regio Matifconensis sua seorsim comitia celebrat, eodemque tempore convocatur, quo Burgundia; quod Baillivi auctoritate praestatur, aut Praetoris generalis, si Baillivus abfuerit, litteris idcirco ad eum à Rege datis. Baillivus aut Praetor Comitibus praesident; at vice Ecclesiae, Matifconensis Episcopus; Abbates Cluniacensis, Tournutensis, & S. Rigaltii, necnon & delegati Capitulum S. Vincentii & S. Petri iis interfunt. E Nobilitate verò conveniunt quicumque banno priori & posteriori tenentur, acceptis sigillatim à Baillivo litteris; pro tertio autem Ordine demandantur Matifconenses, Cluniacenses, Tournutenses, & San-Gengoucenses Deputati. Triennale ex parte sua Legatum Nobilitas assignat, majori suffragiorum numero praelectum. Delegant praedicti Abbates & Capitula ex Ordine Ecclesiastico, quemadmodum & quatuor civitates jam memoratae eligunt quos mittant ex Ordine populorum; servata tamen inter illas alternatim vice; prout ceciderit, quae jus nominandi possidet, Deputatum ad Comititia transmittit. Legati Nobilitatis, Ecclesiastici, atque tertii Ordinis inter Praesidentis manus solenni se juramento obstringunt. Porro ii Legati Comititia constituunt, junctis etiam Electionis Officiariis, qui quartum pro talearum aliorumque onerum distributione suffragium perferunt; cui quidem muneri unanimiter vacant, suumque Procuratorem habent, necnon Syndicum, & Graphiarium. Celebratis ergo Comitibus & rite peractis, tres hujusce Conventus Legati incipientibus

bus jam Burgundiæ Comitibus adsunt, ubi & locum habent, & suffragium in deliberativis ferunt, commissâ quoque ipsis facultate sese opponendi juxta delegationis præscriptum, iniquis oneribus, si quæ Matisconensibus imponerentur; hæc quippe regio undecimæ duntaxat provinciarum onerum parti obnoxia est. In hujusmodi Comitibus Præses natus est Matisconensis Antistes.

Diocesis.

Diocesis Matisconensis complectitur 266 parochias, plurimos Prioratus & sacella, sub quatuor Archipresbyteris, nimirum Beaujoleni, Rossy, Virisset, & Val Regnaud. Abbatia sunt Cluniacensis & S. Rigaltii. Convocata sunt Matisconam duo Concilia, unum sub Pelagio II, tempore Imperatoris Mauricii, & alterum sub Rege Gontrando ad annum 588, cui præfuit S. Eusebius Episcopus hujus loci.

Oppida,
pagi &
arces.

Sunt & alia oppida in hac ditione, qualia sunt Cluniacum, Tornutium, de quibus supra; dein S. Gengutii oppidum, amœnissimo loco, in monte nempe vini præstantissimi ferace, situm. Nomen ab illo Sancto habuit, qui ex illustri familia oriundus sanctissime vixit sub Pipino Burgundiæ Principe. Marilly les Nonains sive Monialium, Prioratu Virginum clarum est, quæ numero octoginta vel centum, omnes è nobili prosapia oriundæ sunt. Le Boys sainte Marie, sive Nemus S. Mariæ, antiquum olim Comitum Matisconensium patrimonium fuit, qui ibidem monetam cudi faciebant. Egregia Castellania est, de qua suo loco postea. E reliquis hæc loca celebriora sunt: Berzé, nunc primum in Comitatum evectum, cujus Dominus unus inter quatuor primos Barones provincie Matisconensis, arcem habens ad viam Regiam, quæ Matiscona Cluniacum ducit; Lugny hodie Vicecomitatus; Bontbelet, Baronatus, olim egregio castello munitum, quod jussu Parlamenti dirutum est, quum diutius atroces insolentias Alardi de la Tour, Baronis de la Salle & hujus loci, perferre nequiret; Saint Poinet, le Parc, le Senouzan, Salornay, S. Sarnin, Dulphey, Chavanes, nobilium pagi, arces & castella; Dun le Roy oppidum olim potens, & munitum quatuor portis, quæ quatuor Equitum fidei committebantur, quorum Dominus de Chavanes primus erat; reliqui tres erant Domini de la Clayette, de Sancenier, & d'Anglure: Nunc ex antiquis ejus monimentis nihil præter Ecclesiam & Presbyterium residui est, à Capitulo d'Aigue-Perse in Beaujolesio dependens; Pierre Cloux, S. Maurice, Marigny, Sirolieres, Merzé, la Grange, Ozenay, Chastipol, Grenoux, Faverges, la Pallu, &c.

EPISCOPATUS & COMITATUS ALTISIODORENSIS.

Auxerre.

Auxerre, Latinis Autricus ad Icaunam fluvium in Burgundionibus, Autistodorum & Antistodorum, urbs egregia & antiqua est, sita in solo fertilissimo, & in declivi montis condita ad fluvium Icaunam, qui Burgundiam à Nivernensi territorio distinguit. Iam inde ab Apostata Iuliani temporibus celebris fuit, qui hic ca-

stra metatus est, & milites refecit, cum in Campaniam duceret. Non longe hinc in loco nominato Chablis, cruento inter se prælio concurrerunt filii Ludovici Boni, in quo plurima Gallorum Nobilitas occubuit, & Lotharii superbia impotens à fratribus junioribus Ludovico & Carolo castigata est. Commissum est hoc prælium anno 841 festo Paschatis, vel, ut alii volunt, ipso Ascensionis die, ante Solis ortum. Tantum in eo sanguinis effusum est, ut vicinus inde fluvius sanguine tinctus videretur. Auxerra munita est firmissimo castello, in colle sito, & solidis altisque muris cincto. Sunt in urbe Marecallatus, Tribunal ordinarium Prætoris urbani, Consulat Mercatorum; sedes Episcopalis, ut & magnificum Episcopi Palatium; qui multa non exigua Dominia possidet, & inter Vassallos Comites Auxerrenses, Barones de Puisaye & Donzy, Dominos de S. Veran, & plures alios numerat. Diocesis comprehendit 204 parochias, quarum

Diocesis.

tredecim in urbe sunt, 30 Prioratus, & quatuor Commendatarias Equitum Melitensium. Ecclesia Cathedralis dicata est S. Stephano Protomartyri, & à 59 Canonicis administrata, habet collationem Episcopi, cum Archipresbyteratibus Auxerrensis, de Puisaye, de S. Brice, Varsiac; Abbatia Diocesis sunt S. Germani, S. Mariani, S. Patris, S. Iuliani, Insula monialium in urbe, Crisenon, S. Laurentii Cosnensis, Pontigny, Bonras, Rigny, & Roches.

Territoria
fines.

Clauditur hoc territorium ad Septentrionem & Orientem Campaniâ, ad meridiem Burgundiâ, & ad occidentem Nivernio: protenditur à Borea Austrum versus in octo miliaria, complectitur autem ab ortu versus occasum Solis octodecim miliaria longitudinis. Oppida & arces præcipuæ in hac ditione sunt

Oppida &
arces.

Coulange, Chasteau-Sansoy, Mailly la ville, & Mailly le Chasteau, Cravan & Bassou ad Yonnâ fl. sive Icaunam; les Vourves, Espigneau, Donzy, Chichiry, Appouviigny, Regennes, Seignole, arx munita; Hery cum castello, Bené, Beauvoir, Beauche, Escan, Ville Fargeau, Ouane, S. Amans, Neufry ad Ligerim cum munito castello; Cosne, Versay, Trucy, Courson, Charentenet, Bazerne, Irancy generosorum vinorum proventus celebre; Vezelay, oppidum antiquum non longe ab Icauna in præalto monte situm, quod unus tantum aditus; Abbatia ejus loci proprium. L'Isle au Marquis de Nesle, Vermanton, Trein, Anus, Fontenay sur Anus, Migé, Venoy, & multa alia loca Electionis sive Præfecturæ esse censentur. Regio quæ Puisaye appellatur, quæ urbe & Ducatu S. Ferreol consistit, Filia natu majori Ducis Aurelianensis propria est cum arce ampla, Bleneau, & aliis Ducatus S. Ferreol locis, ut S. Privé, S. Martin, Roncheres, Merilles, Arguien cum arce, &c. & quibusdam pagis & castellis vicinis ad Generalatum Aurelianensem & ejus regimen refertur, nisi nomen & autoritas Ducis de S. Ferreol, quæ caput regionis, impediunt: Nihilominus aliqui Auxerrensi illam accensent ob viciniam cum compluribus aliis urbibus vel oppidis, quæ alibi in Nivernensi, aut Aurelianensi provincia collocavimus, qualia sunt Charité sur Loyre, Donzy, Clamecy, Antreim, Dreux, Gyen, Briare, Bony, cum quibusdam oppidis, pagis, aut

Qualitas.

Mores.

Flumina.

aut castellis, quæ Oynæ fluvio adjacent, *Touffy* nempe, *Champeaux*, *Dracy*, *le Breau*, *Villiers* S. Benedicti, *la Grange*, *Grand champ*, *S. Martin*, *Charny*, *Duchy*, &c. sunt in finibus Burgundiæ aliqua Domina, quæ Bodinus numero sex esse ait, sub nomine vulgari *de Souffrance* sive *Surseance*; quapropter aliqui tractatus extraordinarii inter Reges Galliæ & Hispaniæ intercesserunt de permu- tandis quibusdam locis limitaneis Ducatus aut Comitatus Burgundiæ, inter cætera Castro & Burgo *de Fontaine François*, de supremo jure *Sa- vigny*, in Revermontio, utpote à Vicecomite Auxonnensi dependentis, *Coligny le neuf*, &c. quæ Galliæ annexa sunt, in locum eorum quæ Hispano tradita.

Qualitas. Enumeratis igitur primariis Burgundiæ locis, superest, ut hujus provinciæ dotes, incolarum mores, opportunitatem fluminum, opulentiam, vires, regimen & Religionem paucis exponamus. Et quidem Burgundia hanc laudis prærogativam præ cæteris meretur provinciis, quod Ordinum mater appelletur, ob celeberrima nempe mona- steria, Cisterciense, Cluniacense, & Tournu- tiense, quæ suo fovet gremio. Ager frumento feracissimus est, vino quoque, & metallo; limpi- dissimis etiam aquis scatet, silvasque habet amœ- nissimas. Regio hæc etsi longe lateque diffusa, ubique tamen fertilissima est, adeo ut frumen- tum non solum circumvicinis provinciis Lugdu- nensi nempe, & aliis suppeditet; sed & in Pro- vinciam, Oxitaniam, indeque in Hispaniam transmittat; silvas habet cæduas, saltus, ac ne- mora; uberrimis nutrit pascuis innumeros pene animalium greges: fructus & fruges omnis ge- neris profert. Solum Cabillonense, frumentum, filiginem, hordeum, avenam, milium, & cetera id genus legumina producit; sunt & variis in lo- cis ferri fodinæ, imo & quædam alicubi æris ve- næ reperiuntur. Territorii Carolesii pecus cate- ris præstat: hic etiam opima est venatio & au- cupium.

Mores. Varia est Burgundiæ incolarum indoles; præ- cellunt quidem Divionenses urbanitate, sed & ambitiosissimi sunt; sectantur feminæ nitorem vestium, attamen honestatem præ se ferunt. Plebs laboribus addictissima est; præcipuè vero culturæ vinearum sedulam navat operam, quem- admodum & laneis lineisque textilibus. Solerti sunt ingenio Cabillonenses, studentque sermonis elegantia. Cæterum Burgundiones generatim ingenuæ sunt indolis, erga Deum pii, ad arma strenui; equidem non pauci computationes a- mant, verum ad hoc invitat ager ubique vino præcellenti luxurians.

Flumina. Burgundia multis fluminibus irroratur; Græna, vulgo *Grosne*, è tractu Forensi prodiens, Mona-

stera Cluniacense, & Ferteum alluit; ac non- nullos postmodum agros perfundens, tandem in Ararim mergitur. Araris, *la Saone*, ad Bellegar- dam ponte jungitur; ut & ad oppidum S. Ioan- nis Launensis. Vogesus, *la Vauge*, duobus è fon- tibus oritur, uno quidem juxta locum *de Vergy*, altero *de Gilly*, Cisterciumque perlabitur. Sunt & alii amnes, quorum hæc vulgo nomina, *la De- hune*, & *Bursure*, necnon & Lupa fluvius, Gallicè *la Louve*, qui è monte Iurenfi profluit. Perfun- dunt hanc quoque regionem *Rivière*, *Soubre*, *Salins*, & *Arbois* rivuli. Orsa, vel *Vrfa*, *l'Orse* è Diœ- cesi Lingonensi procurrit duobus à Cartusiâ Li- gniacensi miliaribus, exceptisque aquis *Creusæ* fluminis, in Sequanam tandem juxta Villam No- vam evolvitur; *Laigne* è vico sibi cognomine na- scitur, unde Colligniacum properat. *Arsè*, deinde, *Lozain*, *Barfan*, *Lousche*, alique supra memorati hujusce regionis amnes Arari tributum reddunt. Hic etiam tractus Sequanæ fontibus insignis est, nam ex Burgundiæ Ducatu initium ducit celebra- rimus is fluvius, è valle nimirum modicè à mona- sterio Duniensi diffitâ. Reliqua minoris momenti fluenta, brevitati consulens, omitto.

Tantus est frumentorum hac in regione pro- *Opet.* ventus, ut inde suos habitatores abunde locuple- tare sufficiat; præcellit tamen ipsa vini optimi, & delicatissimi abundantia, quæ Parisios, Lugdu- num, Campaniam, Lotharingiam, regionesque alias transmittunt incolæ: Cannabis, linum, & pecora cujuscunque generis immensum etiam quæstum proferunt. Auget opes non modico fer- rum è mineris erutum. Nec vacat enumerare frequentissimas opulentissimasque tota ipsa regio- ne nundinas.

Divionensis civitas, Cabillonensis, & alia *Vires.* castris muniuntur validissimis; plurima etiam sunt loca situ & arte præstantissima. Amplissima est ipsa provincia, & populo frequentissima: quæ & strenuâ Nobilitate non solum illustratur, sed & protegitur; potestque quatuordecim hominum millia in bella conscribere, & 800 Equitum.

Burgundia suos Ordinum Conventus habet: *Comitia.* in iis locum & suffragium habent Augustodunen- sis, Altifiodorensis, Cabillonensis, & Matisconen- sis Antistites: Abbates quoque Cluniacensis, Cisterciensis, & S. Benigni iisdem Comitibus inter- sunt.

Eadem Burgundiæ provincia, atque Carole- *Regimen.* fium uno Governatore, generalique à Rege Præ- fecto reguntur; habent urbes præterea suos seor- sim Governatores.

Incolæ plerique omnes Romano-Catholicam *Religio.* religionem profitentur; vix alter ritus, præter- quam locis *de Vezelay*, & *Paray*, usquam conspi- citur.



Les environs de
L'ESTANG DE LONGPENDY,
Comprenant
une grande partie du
COMTE de
CHAROLOIS.
Par Jean van Damme
S. A. Amendale


Echelle de deux lieues françoises

CAROLESIVM,

vulgò

LE CHAROLOIS.

Fines.



Extensio.

protenditur, octo latitudine; & ovalis fere est figuræ.

Carolesia civitas, vulgo *Charoles*, hujusce territorii est caput, insidens fluvio, qui è Verdenateni stagno profluit: validissimo castro munita est, &

Arolesium agro Matifconensi clauditur ab Ortu & à Meridie; ab Occasu Borbonnesio, ex quo, interfluente Ligeri dirimitur; à Septentrione autem territorio Cabilonenfi terminatur. Longitudine

fede Ballivatus regii, atque Comitalis gloriatur.

Alia Carolesii loca sunt, *Parey le Moineau*, Prioratus Cluniacensis, ubi & eximia Domus; Mons S. Vincentii, prima regionis Baronia; *Charlieu*, non ignobile oppidum & firmo castro munitum, quod & Cluniacensi Prioratu decoratur; S. Antonii Tolonenfis; *Chaumont*, domus insignis; *Bazole*, Comitatus; *Digoine*, Baronatus, &c.

Quatuor Castellaniis componitur hic Comitatus, nimirum, *le Sauvement*, *Artus*, *Dondain*, & *Sanvigne*; quatuor etiam Baronatibus exornatur, nempe, *Charlieu*, *Digoine*, *Ioncy*, & *Lugny*. Deputati ad Conventus Ordinum de triennio in triennium eliguntur.

Quatuor
Castellania,
& quatuor
Baronatus.




B V R G V N D I Æ C O M I T A T V S,

vulgò

LA FRANCHE COMTE.

Nomen.



Dimensio.

Limites.

Diœcesis.

Archiepi-
scopus.

Comitatus Burgundiæ, cognomento *Liber*, ac vulgariter *la Franche Comté* appellatus, (sub quo nomine, nullo Burgundiæ addito vocabulo, vel mediocriter peritis notissimus est) longitudine suâ quadraginta circiter leucas occupat, latitudi-

ne dimidium spatium duntaxat.

Terminatur is qua Sol oritur, Bernensi Helvetiæ agro, & Ducatu Sabaudia, ab utroque interposito Iurâ monte diremptus, cujus partem mediam Comitatus hic noster includit, ad altissima ejus juga porrectus; qua occidit Sol, Burgundiæ Ducatu, ac Bassinensi agro, majorem ejus partem ab his terminis Arari fluvio submovente; à Meridie Bressiâ, quæ olim Sabaudici, nunc Gallici juris, caput habet Burgum, Cæsari *Forum Sebastianorum* nuncupatum; à Septentrionibus denique Lotharingiâ, Alsatiâ, ac Monbeliardensi Comitatu, Principatuque Porentru: quibus terminis notior addi potest Vogesus mons, à quo propinquæ huic regioni provinciæ quoque terminum accipiunt, in istâ olim Galliæ parte comprehensæ; quæ *Maxima Sequanorum* fuit appellata. In hanc verò diem usque incolæ hujus tractus Latinis *Sequani* dicuntur, de quibus Chiffletius in libro, qui inscribitur *Vesontio*, meminit, atque Metropolim eorum Vesontionem fuisse, quæ nunc in Imperialium urbium est numero; licet Burgundiæ Comitatus fermè umbilicum obfideat, cujus Dominus, ipsius metropolis quoque protector ac custos est. Is hoc protectionis jure judicem huc mittit sessionis jus in Senatu urbis habentem, ac præsidarium urbi militem imponit, cujus Præfectus Capitanei titulo decoratur, Vicarii autem, quod Præfecto provinciæ vicariam operam præstet.

Metropolis hæc Archiepiscopi, S. R. Imperii Principis, sedes est, cujus ditio ipso Comitatu Burgundiæ latius patet, nam & Vice-comitatum *Auxonne*, & oppidum *Bellegarde* seu *Seurre*, cum nonnullis aliis Ducatus oppidis complectitur; parentque Vesontino Archiepiscopo suffraganei *Basle*, *Losanne* & *Belay*. Archiepiscopalis dignitas hodiè sedet humeris Marchionis *Marnay*, qui frater est Ducis *Pont de Vaux*, supremi antehac *Bruxellis* in aulâ Leopoldi Archiducis Austria, ac deinde Ioannis Austriaci prægustatoris. Præsul hic humanitate singulari est, devotione eximiâ, ac judicio in florente ætate maturo.

Gallia.

Possident Vesontinâ in urbe Principes Auriaci, tanquam Cabillonensis domus hæredes, Vice-comitatum Majoratumque, atque hoc nomine suos officiales hîc habent, qui certis in casibus à Chiffletio, & Ludovico Goluto in ejusdem Notis historicis expressis, justitiam administrant.

Dividitur porrò Comitatus Burgundiæ in Ballivatus five Præturas tres, quarum peculiaris descriptio deinde sequetur. Prima Prætura *Amontia* est, altera *Avalia*, tertia *Dolensis*; suntque præter has, Comitatus portiones duæ, quarum altera S. Claudii tribunali, altera Abbatis in Luxeul territorio subiecta est. Libera autem est ab omnibus hisce tribunalibus ad Parlamentum appellatio, penes quod est summa dicendi juris, ac dirigendorum pacis bellique negotiorum quædam autoritas. Nam cum Præfectus Provinciæ moritur, Parlamentum accepto à Rege Hispaniæ mandato, Provinciam tantisper ex Regis gubernat sententiâ. Præfecturæ nunc munere fungitur Baro de *Scey*, Bauffremontiâ è domo, qui & superioribus bellis laudadiliter rem gessit, & jam, ex quo pacata Provincia est, parem justæ felicitque administrationis laudem meretur. Constituitur hoc Parlamentum Præsede unico, aliquot equestri ex ordine viris, tam ordinariis quàm extraordinariis, aliquot item Magistris Libellorum supplicum, Ecclesiastico plerumque ex ordine creati solitis; Consilarii duo itidem Ecclesiastici, & duodecim Laici five sæculares, quorum in numero sunt bini Regis Advocati fiscales. Prædictis omnibus Procurator Generalis accedit, qui plurimum autoritate valet; nam & liberè Senatui Parlamenti assistit, & cameræ computorum seu consilio rationum interest, prædii seu patrimonii Regii curâ ei peculiariter demandatâ. Procuratori huic substitutus est alius inferior, adjunctique Notarii duo, ac clavatores quaterni. Notarios autem seu Secretarios Procuratoris Generalis nunc agunt Antonius Beraurius, & Claudius Pautheretus, viri diligentia ac fide insignes.

Præfectus Provinciæ Parlamentum pro libitu ingreditur, utpote qui ejus quoddam sit membrum, ac primum à Præsede locum occupet; nec ab ejus ingressu Archiepiscopus, veluti supremus libellorum supplicum Magister, excluditur. Parlamenti Sedes est Dola, urbs Academiae quæ gloriâ illustris, quam Rector Magnificus, omniumque Professores Facultatum componunt. Ibidem Monetæ computorumque Camera stabilem locum tenent.

His de causis caput Provinciæ Dolam indigent; quanquam Salinarum oppidum Comitatu

Diviso Comitatus in Ballivatus.

Academia.

Monetæ ac computorum Camera.

T t t t

tu



Illustr. Excell. mess. Domini
D. ANTONIO DE BRUN.
Baroni d'Agremont, et Episcopi de Villeret, Angeri
et Vallis-Comen. Supremi in Belgio Fidei-Comitatus
Causidici, necnon Regii Catholici ad Hispaniam Regis
pauli octavi cum potestate cum apud Pragae, totius Fidei
republicae Praesidentum Ordinis Ordinario Legato &c.
1584. hanc D. D. I. Blaeu.



tu & Vice-comitatu, ad illustrem Gorvouden-
fium spectante familiam decorum, de primatu
contendere videatur. Oppidi hujus Consul sive
Præfectus, Capitanei Majorisque titulis insignis
est; habetque hic locus celebres quæstuosasque
Salinas, quarum originem Ludovicus Golutus
lib. Notarum Historicarum 2, à capite 23 usque
ad caput 33 inclusive, veluti memorabiliorem,
accuratâ descriptione pertextuit. Reliqua, præ-
ter Dolam ac Salinarum oppidum, Comitatus
Burgundiæ oppida sunt *Gray*, Præfecti Provin-
ciæ sedes, quod oppidum regulari munitione,
ut & Dolam urbem Carolus V, Imperator cir-
cumdedit; quæ anno 1636 trimestrem fortiter
obsidionem toleravit, abstinere coactò Principe
Condæo, cum quod propter obsessorum perti-
naciam de exercitu ejus magna fieret diminutio,
tum etiam quod auxiliares obsessis copiæ non
procul abessent. Hoc ipso tempore Parlamen-
tum, cum Vefontino Archiepiscopo statum Pro-
vinciæ dirigens, obsessâ erat Dolâ inclusum. Se-
quuntur oppida *Vesoul*, *Lons-le-Saulnier*, *Poligny*, *Ar-
bois*, *Baume*, *Pont-arlier*, *Ornans*, *Orgelet*, *Quingey*,
S. Claude, *Lexeuil*, *Champlite*, *Clervaux*, *Lille*, *Blete-
rans*, *S. Amour*, *Villafans*, *Pesmes*, *S. Laurent de la
Roche*, *Ionvelle*, *Faucogney*, *Villersjucel*, *S. Hippolyte*,
Ray, *Gy*, & quædam alia.

Dole obsi-
dio.Oppida
præcipua.Militia &
arma.

Ad rem militarem quod attinet, Ballivatus sin-
guli singulas legiones pedestres, ac certum equi-
tum numerum alunt, vasallis quoque, cum bel-
lum aut propulsandum, aut inferendum, ad con-
scribendum equitatum obstrictis, qui Prætorem
Amontium habet ductorem; universæ autem
militiæ præest regius Provinciæ Præfectus. Præ-
ter Gubernatorem sive Præfectum Provinciæ,
Ballivosque sive Prætores prædictos, est quidam
Sylvis Præfectus, cui vicarii, alique subsunt mi-
nistri. Habent etiam Dola & Gray oppida pecu-
liares Præfectos, quibus magna sæpè de porta-
rum occlusionem, reclusionem, ac custodiâ, visita-
tione mœnium, & his similibus cum Magistrati-
bus contentio est, quod Magistratibus horum
locorum ampla fuerint à Regibus seu Dominis
suis privilegia concessa, servata variis in bellis fi-
delitatis ac constantiæ argumento.

Clerus.

Summo in honore hîc Clerus habetur, in cu-
jus manibus beneficia Ecclesiastica plurima, ac
dignitates non paucæ sunt. Primus Archiepiscopus
Vefontinus fertur S. Linus D. Petri suc-
cessor fuisse; Capitulum autem Vefontinum
Insignis titulo inclytum, magnum Decanum, ma-
gnum Archidiaconum, magnum Cantorem,
magnum Thesaurarium, aliosque Archidiaconos
minores habet; tum Canonicos mitratos,
pannisque violaceo ac rubro colore Episcopopo-
rum instar vestitos. Sequuntur hoc Insigne Ca-
pitulum Capitula S. Anatolii, S. Mauriti, &
S. Michaëlis Salinarum in oppido, aliaque in op-
pidis *Dole*, *Gray*, *Poligny*, *Arbois*, *S. Hippolyti*,
Colmoutier, *Nozeroy*. Abbatiarum item utrique
comparatarum sexui, commandariarum pro
Equitibus Melitenfibus, ac Prioratuum tam Con-
ventualium quam simplicium sive ruralium, qui-
bus eos nominibus incolæ distinguunt, hîc ingens
est numerus.

Amnes.

Annium Comitatus Burgundiæ præcipuorum

vulgaria nomina ista sunt: *la Saone*, *le Doux*, *l'Ou-
gnon*, *la Louve*, *l'Ain*, *le Desoubre*, & *le Lison*. Hi cum
vario piscium genere abundant, tum maximè
truttis, rarissimis alibi piscibus.

Nec cupri, ferrique metalla defunt, effoditur-
que purpuram mentiens color è monte cogno-
mento Castelli Lambertini, qui in varias Galliæ
ac Germaniæ regiones avehitur. Ceterum mons
hic inter celsissimos Europæ montes computatus,
summo vertice in vastam se planitiem explicat,
herbarum medicarum, iuræ montis exemplo, fe-
racem. Alabastriten cum jaspide Sanlothanum
Sampanumque loca suppeditant.

Metalla.

Miraculi autem loco esse potest locus ille, qui
vulgò *la Froidiere* dictus, horrendæ specus seu po-
tius abyssi speciem exhibet, in quo per omne
anni tempus, Iulio adeo atque Augusto mensi-
bus, cum Solis ardores augescunt, constantes
glacie montes visuntur, conchyliorumque ex-
trorsum villosorum innumera multitudo appa-
ret. Adhæc juxta *Quingey* oppidum longa lataque
crypta subterranea est, cujus extrema in spatiosa
dilatantur conclavia. In his sine ullo artificio hu-
mano varias rerum imagines cælato opere cer-
nes, à naturâ vi certæ distillationis ad mensuram
lapidescentis tam ingeniose expressas, ut sculpto-
rum etiam peritissimi hîc quod admirentur, nec
tam facile imitari arte suâ possint, inveniant.

Admiran-
da.

Generosorum equorum, vinique præstantis
foelix apud Sequanos proventus est; meliore verò
notâ sunt digna vina, quæ circum *Arbois* & *Cha-
teau-Chalon* loca nascuntur. Ceterum Comitatus
Burgundiæ omnibus rebus affluit, quæcunque
aut usu necessariæ sunt, aut delicatis ambitiosæ;
quamobrem is in Ioannis Boteri relationibus
Galliæ compendium, & in Paradini historiâ Bur-
gundiæ *Provincia minimè vicinorum populorum* egens
commercio appellatur. Inter arces porro, quæ
plurimæ in hoc tractu se offerunt, memoratu di-
gnior illa est, quæ S. Annæ signata nomine, in
Principum Auriacorum ditione est.

Soli fertili-
tas.

Incolas magnitudo animi, ac testata tot in bel-
lis alacritas, amorque constans in Regem suum
religionemque Catholicam commendant. Ab
his virtutibus illud boni evenit, ut regio non
ampla, ab anno 1636 usque 1643 annum ad me-
dium perductum, maximis Gallorum copiis po-
tenter restiterit, quæ haud multo antè annuo
tempore Lotharingiæ, Barrensemque Ducatus,
Ducatum Sabaudia brevi septimanarum sex in-
tercapedine, Principatus *Montbeliard* & *Poren-
tru* labore dierum quindenûm, Allatiâque se-
mestri spatio subegerant.

Mores In-
colarum.

Liber est Burgundiæ Comitatus incolentium
respectu, qui sunt à vectigalium præstatione im-
munes; liberidem Dominantium respectu, qui-
bus is Divinâ gratiâ, ac victrici ensè duntaxat
est partus, quemadmodum Ludovicus Golutus
Notarum hist. lib. 4, cap. 15, capite item 39 libri
eiusdem testatur, qui feudorum Imperii Burgun-
diæ Comitatum eximens, plura ei subiecta haud
ignobilia feuda recenset, interque alia Comita-
tum *Montbeliard*, qui Wirtembergensis Ducatus
appendix, Principatum S. R. I. numero cen-
setur; tum Vice-comitatum *Aussonne*, qui Duca-
tus Burgundiæ portio, Gallici nunc juris est,
quon-

Immunitas
& Indepen-
dentia Co-
mitatus.Incolarum
acris contra
Gallos de-
fensio.Comitatus
Burgundiæ
antiquiNem-
tas.Ordin-
Comi-

excessit eo ipso tempore, quo me hujus opusculi labor exercuit. In dignitatem defuncti deinde Iulius Chifletius nepos cum ob sua, tum etiam ob avunculi merita successit. Is in illustrium virorum Genealogiis retexendis præcipuè versatus, Madritum est advocatus, ut ordinis Aurei Velleris Cancellarius esset; fratres duos habet pari passu ad scientiæ virtutisque gloriam contententes.

Venio ad alios virtute dignitateque spectabiles viros, occurritque primus Claudius Bereurius, qui oblatum sibi à Rege Præfidiatum Dolensem respuit, Consilarii Regii, ac Propriædis muneribus contentus. Ceterum Præfidi Dolensis munere nunc fungitur Claudius Franciscus Lulierius, vir æquitatis sectator egregius, in Ioannis Boyvini locum successit, qui Madriti in Supremo Consilio Belgico Senatoris dignatus honore, paternarum virtutum heredem reliquit Claudium Boyvinum, nunc Parlamenti Dolensis Senatore. Simon Froissardus, vir claris natalibus, ac rerum usu peritissimus, Procuratoris Generalis officium pluribus annis cum maximâ laude exercuit. At nunc & Consiliarius est in Parlamento, & libellorum supplicum magister, in ampliorum possessionem honorum propediem vocandus.

Sed & Goillensis Abbas, Bruxellis in Sacello regio Concionator Regis ordinarius, illustrium Comitatus Burgundiæ virorum numero censendus est. Hic è nobili Demkerkiorum, è Belgio quidem originem ducentium, sed jam à longo tempore in hac regione per varias affinitates stabilitorum familiâ profectus, summam humanitatem devotionemque cum summâ eloquentiâ conjunxit.

Nec Dola solum, sed etiam Vefontio omni ævo magnorum virorum altrix extitit. Hac in urbe natus est Lifola, nunc Hungariæ regis nomine apud Poloniæ regem legationis munus obiens, cum antè trigesimo ætatis anno Londini apud Angliæ regem pro Ferdinando III Imperatore ultra quadriennium negotia curasset, vir moribus, & literis politissimus.

Vefontinus quoque est Vincentius Richardus, Camera Computorum quæ Dolæ est, Consilarii, Secretarii Regii titulis jure meritissimo decoratus. Memini audire me ex ore Antonii Brunii, viri Clarissimi, se par Vincentio huic ingenium, ac limatum æquè judicium in nullo unquam homine notasse. Is septem præcipuarum peritus linguarum, honestissimis laboribus vitam exercuit, Pegnarandani, Saavedranique Comitum Hispanicorum variis adfistendo legationibus, ac demum vitâ functo prædicto Antonio Brunio, Hispanico itidem ad Confœderati Belgii Ordines Legato, legationem istam per menses tredecim sustinendo dignissime.

Plures in hac Provinciâ, inprimisque in Parlamento seu Supremo Senatu viros invenio, quorum virtus æternam postulat memoriam; at ne longior hîc æquo sim, aliis hanc Spartam relinquo.

Ordinem Equestrem membrorum numerus, religiosa avitæ nobilitatis custodia, ac in plerisque conjuncta cum literis arma commendant.

Habet Comitatus Burgundiæ Ballivatus principales tres, Amontium videlicet, Avalium, & Dolensem, ut jam supra memoratum est nobis; quibus accedunt Ballivatus *Luxeul*, & *Vauxvillers*, cum Tribunali Terræ Sancti claudianæ. Verum cum tria hæc territoria postrema vasallorum in manibus sint, ea præcipuorum trium Ballivatum excluduntur numero, quanquam iisdem, quod ad reddendum jus spectat, privilegiis gaudeant; provocantes quippe hinc immediatè five directè ad Parlamentum confugiunt.

Præacti Ballivatus majores in varia dividuntur *Tribunalia*; estque primum Ballivatus Amontii Tribunal in oppido *Vesoul*; alterum in oppido *Grey*, ac tertium in oppido *Baumes-les-Nonnes*: atque his ipsis Tribunalibus Præfecturæ aliquot subalternatæ sunt, inferiori jurisdictione donatæ, à quibus Deputati Provincialibus Comitibus assistunt, deliberativæ vocis jus habentes; qui vero in Tribunalibus memoratis jus dicunt, vicariam Ballivo Amontio operam præstant: quo munere nunc fungitur Marchio Venensis è Baumenfi Familia.

Præfecturæ Tribunalibus Amontii Ballivatus præcipuis suppositæ sunt *Mont-bozon*, *Iussy*, *Faucogné*, & *Mont-Iustin*. *Præfectura*

Ballivatus Aval in sena *Tribunalia* secatur; quorum primum est *Mont-morot*, translatum nunc ad oppidum *Lion le Saunier*, seu, ut vulgus pronuntiat, *Lons le Saunier*; alterum *Salins*, tertium *Pontarlier*, quartum *Poligny*, quintum *Arbois*, & Sextum *Orgelet*; quæ *Tribunalia* diversas pariter Præfecturas habent subiectas, nimirum *Chavanes*, *S. Julien*, *Chateau-Chalon*, *la Rivière*; estque Ballivus nunc Baro de *Scey Beaufremontia* de gente, Regio nomine Provincie Præfectus.

Dolensem Ballivatum terna dividunt *Tribunalia*; quorum primum in urbe *Dolâ* est, alterum in oppido *Quingey*, tertiumque in *Ornans* oppido; quibus itidem Præfecturæ aliquot subsunt, scilicet *Fresans*, *Orchamps*, *Rocheport*, *Gendré*, *Montmiré*, *Colone*, & *la Loye*; Ballivi dignitatem hodie sustinet Comes Grammontius.

Iam autem singulæ Præfecturæ subdividuntur in varia castella, feuda, vicosque, ut & Beneficia Ecclesiastica, quæ quidem singula ad aliquem ex prædictis Ballivatum spectant; sed eadem rursus certis Tribunalibus Præfecturisque attribuantur. Ad Ballivatus Amontii *Tribunalia* referunt *Abbatias Luxeul*, *Lure*, *Bellevaux*, *la Charité*, *Lieucroissant*, aliàs *les trois Roys*, *Theullé*, *Charilleu*, *Claire-Fontaine*, *Bitenne*, *Faverney*, *la Grace Dieu*, & *Corneuil*; Abbatiamque *Baume-les-Nonnes* Virginum assignatam conventui. Præter hæc *Abbatias* spectant eodem Prioratus *S. Marcel*, *S. Tibaut à Iosse*, *Ionvèlle*, *Marterois*, *Marast*, *S. Marie*, *Fontaine Fleuré*, *Monterot*, *Pont sur Saone*, *Fauchecourt*, *Apremont*, *Annegré*, *Vaclusse*, *Dannemarie*, *Chasternay*, *Fontenay*, *Belle-Fontaine*, *Pesmes*, *Grandecour*, *Escuelle*, *Champlite*, *Autré*, *S. Martin sous Beaumont*, *S. Valier*, *Vellefont*, *Voisé*, *Charme*, *S. Vaubert*, *Rosé*, *Chaux*, *Villorbe*, *Cusance*, *Chambourney*, *Bonnevaux*, *Negre*, & *Lantenans*. *Abbatie*

Adfunt quoque Hospitalis Domus, videlicet *Crey*, *Orville*, & *Marnay*; nec non assignatæ Equitibus Melitenfibus *Commendarie* in locis *Vesoul*, *Mont-* *Domus Hospitalis; Commendarie Equitum Melitenfibus.*

Nominis origo.

Soli fertilitas.

Animalia.

Metalla.

Montfugné, la ville Dieu, Auteaureille, Levigné, Melant, Salle, Escechain.

Ad Baillivatus Avalii Præfecturas pertinent Abbatia S. Claudii, Baume, Balerne, Goilles, Mont Sainte Marie, Mont Benoist, & Rosiere; at muliebris sexus gaudet Abbatii Chasteau-Chalon, Lion le Saunier, Migette, & Montigny. Prioratum in numero habentur Bonlieu, Vaux, Rufé, Arbois, S. Estienne de Pontarlier, S. Nicolas, S. Magdeleine à Salins, d'Ecreux, de Fontenois, de Brery, Clerval, Ebouchoux, Colignal, Mothe, Poëte, Gigny, Morrau, Chasteau, Siroz, S. Laurent de la Roche, S. Lothain, S. Germain, S. Desfré, de Lion le Saunier, Vaubles, l'Escoville, S. Germain prez d'Arley, Dilay, Montrond, Chastenay, Menaut, S. Louys sous Montbeno, Roman-moutier. Hospitalia sunt S. Sepulchre, S. Bernard & Bracon à Salins, S. Laurent, S. Julien, & Arley; Commendariæ Rufé, Arbois, & de Salins.

In Præfecturis Baillivatus Dolensis Abbatia numerantur Damparis, Buillon, d'Acey, proque altero sexu Abbatia Ornans, cum Prioratibus la Loye, Courte Fontaine, Gendré, Colomne, Touë, S. Vivant, & S. Renobert: Commendaria unica Templi, Hospitalia duo Quingey, & Montmiré.

Sunt præterea Abbatia duæ à SS. Paulo & Vincentio denominata, quarum templa cum cœnobiis Vefontina quidem urbs habet, ad eandem tamen Regis Hispaniarum collatio ac præsentatio accedit.

Præcedentem Comitatus Burgundiæ descriptionem Richardus, Amstelædami Hispanico nomine Consul, vir summis honoribus dignissimus, publico bono accuratè eleganterque composuit; cui nos ortus, coitusque interfluentium amnium, ac locorum singularia quædam subjungenda putavimus, ne irruptione nostra turbaretur compositionis ordo pulcherrimus. Araris itaque, vulgo la Saone, illico ac Vogesi in montibus, loco Viomany dicto, in confinio Lotharingiæ prorumpit, patrii immemor soli, clementiore fluere sub cælo anhelat, primumque asperis ex locis devolvitur versus Chastillon locum Comitatus Burgundiæ, qui liber cognominatur, cum quod incolæ ejus sint à tributorum præstatione immunes, tum etiam quod sub Comitatus titulo omne Dominium superius excludat. Distat is procul à mari, ac navigiorum patientes amnes ad commercii facilitatem desiderat; nihilominus tamen divitiis abundat, soli ingenio ad omnia feracissimo. Qua in planitiem se exerit regio, tantum messis unica frugum producit, quæ per triennium ad alendos incolas sufficiant: vina, præterquam quod excellentia sint, colorem, saporem spiritumque constanter retinendo, triginta annorum ætatem ferunt; ac pascua irrigantium benignitate fluminum adsiduis ferme herbis obsita, pecoribus abundant. Silvas lignorum copiâ multinummâ instructas, tertium regionis horreum appellant. Equi (ut benè notat Richardus) laboribus sunt ac bello aptissimi, bellicosus incolarum animo, quem frons eorum subindicat, ad ipsa quasi animalia transeunte.

Ferri argentique metalla, loca produnt complura; Doux autem & Louvre amnes arenis suis aurum supervehunt. Salsarum dulciumque scatebræ aquarum juxta Salinarum oppidum exiguo ab

invicem intervallo decurrunt, quæ veteribus Romanis, diu licet hanc regionem possidentibus, fuerunt incognitæ. Reges Comitesque Burgundia primùm vastum illud infra oppidum Salins ædificium, la grande Saulnerie, vulgo dictum, inspectorum operariorumque commoditati, retinendis salsarum ac dulcium aquarum fontibus, ac coquendo, formando, servandoque sali construxere.

Marmor nigrum (de quo supra aliquid meminimus,) in locis S. Lothain, Toraise, & Torpe effoditur; etiam reperias marmor, quod æquali portione cinereum nigrumque colorem adsciscat, & item aliud, maculis rubris notatum, distinctumque quasi globulis quibusdam auratis. Nec lapis alabastrites deest, jaspideusque, ex quo duodenum, ac quindenum pedum etiam longitudine surgentes ad templorum palatiorumque ornamentum columnas elaborant. Adeo terra, quæ eximia propter merita gentibus omnibus materna in veneratione est, incolas Provinciæ hujus præcipue rebus omnibus ad necessitatem, commoditatem, pompam voluptatemque instruxit. Porro Naturæ rerum inprimis dilectam hanc esse regionem, vel res minimæ arguunt; apud Dolam etenim, loco qui Sampans dicitur, lapilli colore rubro se offerunt, in quibus eadem Natura, ad ostendendam artificii sui majestatem, mille rerum, ut hominum, animalium, stellarum, florum, ac his similibus species expressit, adeoque insignia gentilitia integra, coloribus locisque apte distincta; non secus ac si mirandorum operatrix, postquam universam mundi machinam omnibus absolutam numeris vastissimo spatio diffudit, hic eandem non minore artificio in compendium contrahere voluerit. In cryptis etiam cavernisque latent miracula; quippe lapillos in iisdem invenias elaboratis adamantibus obsitos, aut eosdem aquarum adhærescentibus guttulis vivotenus exprimentes, aut durior materia globulorum fingentes speciem.

Cryptæ in locis Aucelle, Quingé, & Courte-fontaine conspicuæ, ludunt in efformandis columnarum, galearum, ensium, sepulchrorum, rerumque variarum imaginibus; quarum speculatio etsi minus seria, minusque videri necessaria possit, non abit tamen sine voluptate miraculoque. Apparent etiam prædictis in locis æque ac in Provinciæ vico Limans, ab oppido Forcalquier leuca unica remoto, litterarum elementa eo ducta perfectionis artificio, ut vel à primum discantibus ac prima fronte noscantur: unde Nideri historia non omnino debet videri à veritate aliena, memorantis, in Mauritania apud Septa oppidum spectatum fontem fuisse, lapillos volventem, è quorum quinario, aut senario numero construi tota salutatio Angelica potuerit, aliis Ave Maria, Gratia plena aliis, aliisque Dominus tecum, &c. signatis. Nihil enim repugnat, quo minus Natura unica hic in lapillo filiceo literæ effectrix, verbum integrum majore in lapide efformet. Non iners illa est, aut cæca, quo posteriore nomine quibusdam malè signatur; sed Divinæ creationis socia, gubernationisque adiutrix.

Demum, ut nihil ad felicitatem regionis deesse

Nominis origo.

Soli fertilitas.

Animalia.

Metalla.

Salina.

Marmor.

Miracula Naturæ.

Cryptæ.

Amnes, piscisque.

Baillivatus præcipui.

Tribunalia.

Præfectura.

Abbatia.

Prioratus.

Domus Hospitaliales; Commendariæ Equi Melii.

esse videatur, amnes, *Saone & Lougnon*, ex Vogesi montibus orti, itemque *Doux, Louve*, & *Ain*, è lura monte profecti, quidquid uspiam in hoc tractu fontium est lacuumque, quadam magnetica vi ad sui attrahunt augmentum, ut delicatissimorum piscium greges multiplices recipiendo laxius, quasi dispersita quædam aquarum iis assignent conclavia. Ceterum Ararim, qui *Saone* incolis dicitur, carpionibus metropolim attri- buunt, Loignionem nullis seu barbis, truttis amnem *Aine*, Dubim luciis, umbrisque *Louve* fluvium. Tot commoditatibus instructæ genti haud difficilis est illa rigorosa per Quadragesimale tempus abstinencia à carnibus; adeo ut facilius ad poculum veneni hauriendum ex incolis aliquem inducas, quam ad forbendum indictâ abstinentiâ ovum, nisi à Parocho aut à Confessario forte licentiam habuerit.

Explicata hujus regionis parte, quam Araris flumen vix à fontibus suis digressus invisit, cursum ejus, licet variis ambagibus sinuosum, strepentemque per vallium ima, facilius deinceps versus *Pont de Saone* locum sequemur, ubi is plurimis jam auctus amniculis gloriosior apparet, quibus à locis quæ perfluunt est nomen; qualia sunt *Fontenay, Jussey*, & *Tonvelle*, illustres Trimul- liorum familiæ quondam locus, ab Ioanne Tri- mullio possessus, quando Philippus Burgundiæ Dux, cum in institutum à se anno 1429 pro viginti quatuor primariis Equitibus ordinem Aurei Velleris cooptavit, Equitibus singulis torquem aureum, fuso ac vellere aureis signatum conce- dens, quadam Iasonis imitatione, qui à Critheo patruo in Colchos ad aureum vellus, hoc est, ad repetendos thesauros, quos Phrixus fugiens apud illos deposuerat, reportandum navigare jussus, Græcorum complures in societatem glo- riosi laboris excivit. Solent autem Poëtæ au- reum vellus Virtutis præmium interpretari.

Porro Araris à loco *Pont de Saone* cursum diri- git in occasum, salutatoque *Pont de Rupt* loco, ad *Grey* oppidum descendit, quod directis infi- gni latitudine viis elegans, fontibus amœnum, templis, aliisque publicis ædificiis magnificum, denique valido turratoque muro ac propugnacu- lis defensum, & ad retinendos externos valet, & ad hostes arcendos.

Exiguo ab oppido *Vezoulx* (quod unum ex præ- cipuis Provinciæ est, ob primum in eo Bailliva- tus Amontii Tribunal) fons, seu puteus cerni- tur, *Frais-puis* dictus, adeo copiose scaturiens, ut late circumjacentia loca nonnunquam inundet. Os putei latum est orgyias quindecim, profun- dum viginti, superficies ejus tam alta, ut vicina turris fastigium adæquet. *Pont de Planches* rivu- lus ex colle *Fondrement* dicto descendens, rivu- lusque *Bief S. Lupum* præterfluens, Arari ab Oriente, *Mambray* vero & *Dampierre* ab Occi- dente eidem miscentur.

His rivulis comitatus Araris subit pontes *Grey*, & *Prantigny*, cursu deinde versus *Pontallier* oppidum directo, quo loco veluti terminus qui- dam est, Comitatum Burgundiæ à Ducatu di- vellit. Nam quemadmodum utriusque regio- nis incolas duorum altercatio regum disjungit; ita Araris terram ipsam interfecat, insulam me-

dio excitando in alveo, quæ *Pontallier* Comita- tus oppidum ligneo ponte adeundum includat, & à Burgundiæ Ducatu submoveat. Ut autem divisus à se Araris sufficientes utrique alveo aquas assiduo subvehat, provida rerum mater Natura providit, ut ante divortium trium aut quatuor accessu amnium instructior veniret. *Loignio* ex Vogesi montibus per vallem *Servance* descendens, ac *Villersey*, positum alta in rupe ca- stellum subterfluens, *Linottam* per *Monclay* & *Marnay* loca in Ararim supra *Pontallier* oppidum secum pertrahit: *Navigena* vero eidem Arari ex adverso conjungitur, qui in loco *Mons-Angon* dicto, ternis Lingonum ab urbe leucis pro- fluens, *Torselle* rivulum intercipit, cum eoque insulam molitur, quæ *Tallexé* oppidulum conti- net. Venella in vico *Tay* ortus, ac magnorum more fluviorum apud *Bussey* terris abditus, ac deinde prorumpens, infra *Pontallier* in Ararim devolvitur.

Tot amnium confluxus spectabilem Ararim efficit, qui in Meridiem deflectens, duabus infra *Pontallier* leucis *Auxonne* oppidum cum arce, quod Ducatus Burgundiæ est clavis quædam, aquis suis luculenter instruit munitque, lapideo ipse hic ponte superandus. *Tille* flumen è loco *S. Seigne* profusum, *Agnon* rivo juxta *Sequanæ* fontes intercepto, ad loca *Sault le Duc*, *Is Sur Tille*, & *Tille-chateau* dilabitur; quo posteriore loco postquam *Besvam* recepit, in Ararim influit unius infra *Auxonne* oppidum leucæ intervallo. Hac ratione Araris magnorum navigiorum fit pa- tiens, quibus merces avehantur *Lugdunum*. Ceterum *Tille* amnis in hoc admirandus existit, quod ripæ illius herbarum genus producant, quo plebs infima, cum difficilis frumenti annona est, panis supplet defectum.

Si Dubim apud *Valesin* seu *Chastelot* requirere velis, paulatim ad *Salins* oppidum supra memo- ratum descendes, cui à salis fontibus, ac fale candido, qui ibidem conficitur, quæsitum est nomen. Id sat vasto ambitu se explicat, muro turribusque munitum, splendidis instructum ædi- ficiis, ac binis arcibus defensum, quarum altera *Bracon*, *Belin* altera appellata, angustæ valli *Scodin- gue* nomine signatæ prætexuntur.

Arbois oppidum suburbia habet cum medio- cribus oppidis conferenda, fossas, quæ horten- sem amœnitatem exhibeant, montes circumcir- ca, qui arboribus dense obfiti silvarum sunt lo- co, à quibus fortasse *Arborosa* Latinis, ac vulga- riter *Arbois* vocitatur.

Poligny firmissimo se muro contra hostium tuetur assultus. Splendor ædificiorum, fontiumque publicis in locis erumpentium amœnitas, ad ejus commendationem sufficiunt.

Dola, urbs vetus est, cui Dubis amnis ad ma- jorem incolentium commoditatem, optimam re- rum aquam suppeditat. Est ea Comitatus Me- tropolis, Parlamenti sedes, Camera Computo- rum, Musarum Gymnasium, quibus de causis incolentium frequentia celeberrima, totius Pro- vincia est caput, à quo vitam, motum ductum- que reliqua membra sortiuntur. Nam scientiæ veluti sensus quidam Reipublicæ corpus diri- gunt; vectigalia belli pacisque temporibus agen- darum

Fontenay,
Jussey,
amniculi.

Grey oppi-
dum muni-
tum.

Frais-puis
fons scatu-
rigine mira-
bilis.

Pont de
Planches
rivulus.

Mambray
Dampierre-
pot, rivuli.

Pontallier
oppid.

Lougnon.

Linotte.

Navigene.

Torselle.

Venelle.

Auxonne
oppid.
ad Arari m.

Agnon.

Besve,
amnes.

Herba, quæ
panis fit
loco.

Salins op-
pid.

Arce ejus
binæ.

Arbois
oppid.

Poligny
oppid.

Dola urbs
Academia
clara.

Besançon
urbs.

Diacetis
amplius

darum rerum nervos rectissimè appelles; justitiam vero fontem concordiae, quæ quam necessaria sit conservationi populorum, quis non videt. Porro Dolam infelicitas feliciorē effecit; nunquam enim à primâ conditione suâ tam magnifica ædificiis apparuit, ac nunc conspicitur instructa, ex quo scilicet à perpeffis anno 1579 ruinis, novum sibi splendorem adscivit, eamque Carolus V, Imperator, septem ingentibus propugnaculis munivit, quod *Auxone* oppidum cum S. Laurentii territorio ejus essent ditioni subtrahenda. Robur urbis exploratum est Gallis annis superioribus non sine summo oppugnantium dedecore. Interfecit eam Dubis annis, cujus ripam utramque ad faciliorem incolentium congressum pontes hinc inde connectunt. Templâ, palatia, aliaque ædificia publica ob structuræ magnificentiam, ingenti urbem ornamento amplificant.

Besançon
urbs.

Besançon, Latinis *Vesontio*, *Vesunticum Sequanorum*, & *Besuntium* appellata, urbs pervetus est, cujus situm Cæsar descripsit, ambitumque murorum hodiernum à vetere diversum, adhuc extantia passim cum aliis antiquitatum monumentis rudera testantur. Ea libera Imperii Civitas, in fide tamen Regis Hispaniarum, Dubi fluvio adsidet, à quo in partes duas dirimitur, ponte rursus devinctas. Viarum elegans in longum latumque directio, benè materiata ædificia, pleraque frontispicio formæ ejusdem surgentia, Palatium Curia magnificum, fora seu ædificia rerum venalium spatiosa, instructum probè armamentarium, horrea plena, abundantes cellæ, denique suburbanus ager aut vitibus obsitus, aut in prata diffusus, aut distinctus culturis, *Vesontionem* inter spectandas S. R. Imperii urbes constituunt. Senario numero fontes variis erumpentes in locis, decoratique Bacchi, Charitum, Caroli V insidentis Aquilæ, Tritonum, Neptuni, Nympharumque simulacris, opulentæ habitationique commodissimæ urbi, singularem amœnitatem conciliant.

Complura loca publica, veterem hodieque appellationem quodammodo retinentia, (ut *Chaumar*, hoc est, Campus Martis; *Chammuse*, campus Musarum; *Charmon*, Charitum mons; *Ronchau*, Collis Romæ) antiquitatibus Romanis maximè ornatam hanc urbem fuisse loquuntur. Præter Curiam, Granvellanum Palatium veterum Romanorum templa aut porticus adæquat. Hic deorum semideorumque quendam conventum celebrari dices, quos ingeniosæ artificum manus aut finxerunt ex ære, aut formarunt è marmore, aut pictis in tabulis expresserunt ad vivum. Inter statuas se offerunt Iupiter, Diana, Hercules, Mercurius, &c. atque Imperatores plurimi; pictæ vero tabulæ Michaëlis Angeli, Raphaëlis Vrbinatis, Martinique Denosii artifices manus luculenter commendant. Univerſitas sive Academia urbis, quam Ferdinandus Imperator anno 1564 fundavit, Theatrum quoddam Musarum est, in quo bonas literas cum viva docentium vox, tum etiam librorum lauta suppellex promulgat.

Dioecesis
amplius.

Vesontino Archiepiscopo subsunt suffraganei *Bellicensis*, *Lausannanus* & *Basileensis* Episcopi.
Gallia.

Dioecesis *Vesontina* latius olim patuit, ut quæ *Nyon*, quæ vicinum *Lacui Lemano* oppidum, *Avenches*, aliàs *Vuistisbourg*, *Friburgensis* agri oppidum, *Basileam*, arcem *Vindone*, *Yverdunum*, *Colmariam*, quæ Latinis *Argentaria* dicitur, arcem *Raurac*, Portum *Abussinum*, aliaque loca fuerit complexa. Hodie illa Abbatias duntaxat 24, Prioratus 94, & parœcias 780 continet, quæis præfunt Archidiaconi quinque, totidemque Decani.

Dubis, variorum tributo annuum gloriosior, *Alia hujus*
Comitatus
loca.
dum *Vesontione* egreditur, *Cabilonum* iter dirigit, mergiturque *Arari* apud *Cabilonum*, oppidum antiquum, supra à nobis recensitum. Sed jam missa flumina faciamus, ad *Nozeroy* oppidum, *Provinciae* centrum vocati, ubi *Aix* annis è rupe exsurgens, admirandam deprædicat originem. Situm est autem *Nozeroy* in ipso montis vertice, quod arx plumbeis laminis contexta defendit, iisdem cum oppido mœnibus inclusa, septa fossis, & tormentis bellicis instructa. Celebrant *Nozeroy* quaternæ in anno nundinæ, ac *Divi Antonii* sollemnius festum, quo frequentissimus hic esse solet *Matronarum* conventus. Nomen illi primitus inditum à nucibus, quibus circumjacens ager abundat, à quodam ex *Cabilonenſibus* Dynastis mutatum in *Nazarete* putatur.

Chastel-Chalon, celebris est *Virginum nobilium* *Chastel-*
Chalon.
cœnobio locus: *Orgelet*, oppidum amœnum est, *Orgelet.*
atque arce suâ munitum, emporiumque lanificio nobile.

Quingey, ut & *Ornans* oppidis aquas *Louve* flumen suppeditat. *Vſier* clarum arce suâ oppidulum, incolas habet, quorum lepida simplicitas celebratur proverbio. *S. Hippolyti* oppidum monte continuo muri in modum circumdatum, robusti, gnavi bellicosique incolæ tenent. *Bourg*, locus est *Dan* flumini appositus, duas inter arces propinquas, uno eodemque nomine signatas. Adſident quoque anni huic *Clervaux*, *Morant*, *Turmeye*, & *Campignole*. *Mortes* castellum est nullis cinctum mœnibus; *Monet* vero castellum item vetus, nunc dirutum conspicitur. *Mirebel* satis superque ruinis suis testatur, quis loco quondam splendor fuerit. *Sorbin*, egregia arx est. *Beaume* inclytum est suo à *Cluniacensibus* dependente cœnobio; ut & *S. Claudii* oppidum, quo ad visitandas *Divi reliquias* ingens hominum multitudo votivam solet peregrinationem obire. *Bletteræ* *Celle* anni adjacet, muro, turribus, atque arce validum.

Lons le Saunier, quibusdam *Leon le Saunier* appellatum, oppidum est perexiguo ambitu porrectum, sed amœnitate beatum. Id vallo ac fossâ circumdatum, situm loco plano fortitur, quem collium frugifera ambit opacitas. Viam in eo cernes insigni latitudine patentem, quam longâ serie utrimque mercatoriæ stipant tabernæ, porticum in modum defensâ, à Sole ac pluviis ambulacra præstantes. Platea major umbilicum oppidi tenens, celebrandis comparata mercatibus, mediocrem amplitudine suâ capit exercitum. Arcis exteriora firmo opere murus circumdat, interioribus ruinosam faciem habentibus. Nomen oppidum invenit à *Salinis*, & usitatâ in *Salinis* mensurâ. Præest ei Major cum aliquot *Scabinis*, dominatur vero Princeps *Auriacus*. *Montmor-*
tici


X x x


tici Tribunalis in Avalio memorati Ballivatu sedes hîc est, quanquam Montmoroti nomen sententiarum inscriptiones retineant, pronuntiationi executionique sententiarum criminalium Montmorotiano assistente Præfecto. Ceterum frequens hoc mercatoribus emporium est. *Rougemont*, oppidulum est in Germaniæ confinio, *Montbeliard* oppido vicinum, atque Equestris ordinis festâ S. Georgii die conventu quotannis celebratum. *Sene* vicus est ingens, à vulgari hîc scaturientis vocabulo Sequanæ appellationem sortitus, qui illico à Sontibus suis viginti septem ex ordine molas circumagit; quo loco arx visi-

tur cum ingenti vivario continui muri ambitu concluso: nec procul hinc est arx *Montrival*, plurimorum scatebris fontium amœna. *Crotene* vicus est amplissimus, arce suâ *Seugean* dictâ nobilis.

Plura sunt haud contemnenda Comitatus Burgundiæ loca, quæ hîc repetere supervacaneum duximus, quia descriptionis Burgundiæ Sequanicæ autor Richardus eorum jam meminit, ceterasque hujus Provinciæ res memoratu dignas notavit, è quâ Metensis ager abire nos jubet, primorum Austrasiæ regum sede olim clarissimus.








Nova & Accurata delineatio Geographica
EPISCOPATUS METENSIS
Quo ad Iurisdictionem temporalem.

Milliaria Germanica communia.
Milliaria Gallica communia.



Mosella
fluv.

Lotharin-
giam irri-
gat.

Soli quali-
tas.

Vologne
fluv.
Nun. fluv.

M E T E N S I S

E P I S C O P A T V S.



*Mosella
fluv.*

*Lotharin-
giam irri-
gat.*

*Soli quali-
tas.*

*Vologne
fluv.
Nun. fluv.*

Etas aditurum Mosella pulchrum flumen urbem interfluens præfluensque deducet, quod in Fortunati Pictaviensium Episcopi, Ausoniusque Consulis Romani carminibus non minorem majestatem obtinet, quam apud Lotharingos, Luceburgienses ac Trevirenses, quorum populorum terras fecundat. Nam posteaquam laxitatem alvei, aquarum limpiditatem ac ripæ utriusque amœnissimum cognovissent aspectum, pratorum, vinearum, arborumque gratâ varietate distinctum, relictis veterum Græcorum fabulis, ingenii præstantis vim ad hujus laudem fluminis contulere. Oritur id in montibus Lingonum, loco aliorum more fluminum sublimi, fluminisque imaginem ex variarum corrivatione aquarum supra Remiremont opidulum coeuntium fortitur, quo abundantius Provinciam hanc irriget, nobilem veteris Austrasiæ regni portionem, partemque hereditatis, mortuo Ludovico Pio, Lothario filio adscriptam, qui nomen ei de suo imposuit, nec velut Imperii membrum quoddam possedit, sed tanquam hereditatem à majoribus traditam, antè regnum Galliæ cum Lotharingiæ tenentibus Dominio, quam summi fastigium Imperii Arduenna novisset.

Non terra hîc solùm, sed aquæ ipsæ locupletant incolas; fontes enim, quos Vagnia vallis habet, achatas, granatos, aliosque lapillos preciosos producunt, singulæ Germanorum ornamenta, qui eos cum Indicis audent conferre; nisi quòd hos muliebris opinio, aut mercatorum laudatior efficiat calliditas. Salsarum scatebræ aquarum in locis Mayenric, Dieuse, Marsal, Chasteau Salin, Salonne & Rosieres, candidum duratur in salem, ornamento mensarum, ac vicinorum commodo populorum. Carpiones seu Cyprinos Linderanus lacus fert adeo præstantes, ut cum illis nullum uspiam carpionum genus queat dulcedine saporis conferri; quamobrem speculares easdem cognominant, quod in his tanquam in speculo ceterorum alibi carpionum laudabiles qualitates existant. Plombieranæ Thermae duabus à Remiremontio leucis distantes, salubritate aquarum suarum omnia Medicorum recuperandæ conservandæque valedudinis præcepta anteeunt. Divitias hujus regionis uniones, ac grana aurea amnis Vologne loquantur.

Vologne seu Voloye, Nunii flumine auctior, primus amnium Mosellam Chamery locum infra Remiremontium influit; cum quo versus Espinal, Chastel, Charmes ac Bayon loca descendit, ubi conflandorum speculorum vitrorumque nobilissima Gallia.

totius Europæ materia effoditur. Alius deinde rivulus, Modon dictus, Colone Brenoneque, cui Vezelise vicus adfidet, rivis acceptis, apud Chaligny locum Mosellam ingreditur, cujus beneficio Tullo ac Mussiponto oppidis se cum Mosellâ communicat. Inter hæc oppida Mosella medius, infra Fruartum recipit Murtam, è pluribus fluminibus compositum, quorum accessu copiosius Nancei fossas adimplet. Confusa ei flumina sunt Mothane, quod infra Abbatiam Autrey ortum, versus Rambervillier, Gerbervillier, & Mortagne loca dilabatur; Ravon, quo Divey, Raon, & Lunerville, octo Lotharingiæ Munimentorum in numero relatum, rigantur; Plaine, Ravoni permixtus amnis; & Voiziere, ex ingenti lacu de la Garde procedens. Illa supra, infraque Rosieres paulatim coalescentia, Murtæ deinde nomen inveniunt, unoque alveo recepta, ad Fanum S. Nicolai festinant, ut hîc sanctissimi Miræorum Episcopi reliquias vengerentur, indeque devolvuntur Nancejum, de quo fufius infra.

A Pontamuffo rectâ Metas cursum Mosella instituit, in via pontes Ioy & Moulin locorum subiens recipiensque rivulum Ma, antequam hanc ad urbem accedat, antiquitatis gloriâ inclytam, rerum eventis admirandam, situ lætam, ac munitione propè inexpugnabilem.

Vrbs igitur quæ Gallis Metz dicitur, Latinis Metis & Meta, eam Cæsar, Tacitus, Plinius, Ptolomæus, alique veteres scriptores Divodurum Mediomatricum appellavere; quasi deorum sedem caputque Mediomatricum. Romanis Galliæ imperitantibus, illa cum Tullo ac Viroduno oppidis ad Trevirenses Civitatem pertinuit, Metropolitim Belgicæ I. Verum Gallis deinde Rhenum transgressis, propagatisque ab hoc flumine usque ad Mosellam ac Scaldim regni sui terminis, Reges stirpis primæ secundæque, regni Austrasiæ, quæ postea Francia Orientalis fuit appellata, sedem hac in urbe constituere.

Sed cum nullum unquam regnum tam sapienter fuerit ordinatum, quod demum longinquitas temporis, aut vicissitudinum amans Fortuna non everterit, Metense regnum quoque variis fuit mutationibus afflictum. Diviso à Ludovico Pio, Caroli Magni filio inter tres filios ejus, Lotharium, Ludovicum cognomento Germanicum, & Carolum cognomine Calvum, Imperio, patre mortuo, ex filiis duo tertium ad novam divisionem compulerunt, obtigitque tum Lothario Imperium Italiæ, Provincia, regionesque omnes Rhenum inter Scaldimque extensæ, quæ regni decoratæ titulo, à possessore suo acceperunt Lotharingiæ nomen, corrupte Lorraine pronunciari solitum.

Lotharius, postquam Lotharingiam annos quindenos tenuisset, eam in Lotharium natu minorem filium transtulit eundem ditionis suæ heredem,

Y y y

Occupatur
à Carolo
Calvo;

itemque à
Ludovico
Germanico;

redem, qui nominis esset, instituens. Lotharius pacatum dum pater vixit regnum habuit; at eo vitâ functo, Carolus Calvus avunculus ad id occupandum prætextu custodiæ (qui Principum ditioni alicui inhiantium color esse solet) accessit. Ludovicus Germanicus invidiâ in Carolum Calvum fratrem ob auctam ejus ditionem magis ad ductus, quàm nepotis sui Lotharii tuendi causâ, simulavit tamen oppresso se venturum auxilio; tantumque minis effecit, ut Carolus frater Lotharingiæ partem ei concefferit, quæ Rhenum Mosamque interjacet, retentâ sibi portione altera, à Mosâ ad Scaldim usque porrectâ. Hac injustissimâ divisione Lotharingia in secundam mutationem regiminis incidit.

Eam non multo post tertia excepit mutatio, quam Ludovici Germanici dispositio invexit, quâ Carolomannus filius ejus Bavariam, Hungariam, & Bohemiam sortitus est; Saxoniam, Frisiam, ac Ludovicana Lotharingiæ partem Ludovicus; Carolus autem (qui deinde tutorio nomine pro Carolo simplice Francorum regnum direxit) Sueviam, cum alterâ Lotharingiæ parte, quæ Metas, Tullum & Virodunum, Allatiamque continebat. Nova isthæc partitio novam secum regiminis formam attulit, quam deinde variavit abitus ex hac vitâ Ludovici Balbi, qui in regnum Galliæ ac Lotharingiæ partem Carolo Calvo successerat. Huic Regi atque Imperatori, (qui si vita ei longior fuisset, uberem Oratoribus atque Historicis dicendi scribendique materiam reliquisset) superstites filii tres fuere, Ludovicus, Carolomannus ac Carolus Simplex, ex quibus duo nati majores paternæ ditionis universæ administrationem adiere, parum solliciti de bellis, quæ ob susceptam fratris tutelam contra Danos, ac Ludovicum Germaniæ regem erant gerenda, cui Lotharingici regni partem illam dedere, quam Carolus Calvus juniore Lothario injustè abstulerat. Superstes verò duobus fratribus suis Carolus Crassus, universum Lotharingiæ regnum ad caput unum redegit, eo prorsus modo, quo id Lothario Imperatori in partem hereditatis paternæ obvenerat. Profectò eadem Imperiorum Regnorumque quæ Planetarum est ratio, qui postquam diu præfixi orbis ambitum constanti cursu secuti sunt, ad idem, à quo digressi fuerant, punctum revertuntur.

redit ad
Carolum
Crassum.

Post istam divulsarum Lotharingiæ partium combinationem, integrum fuit hoc regnum possessum à pluribus, ab Arnolpho Imperatore, nepote Caroli Crassi, Gundibolco notho, Ludovico Arnolphi filio, Conrado nepote Ludovici, qui Lotharingorum odia in se provocans, ab iisdem regno fuit expulsus, suffecto in locum ejus Carolo Simplice Galliarum rege. Is regno huic Præfectum dedit Reinerum Arduennæ Principem, à Clodione Francorum rege genus suum ducentem, cui Gilsibertus filius permisso Caroli Simplicis, vicinorum populorum studia beneficiis potius, quam terrore armorum retinere cupientis, successit. Atque hæc sexta fuit regiminis forma, à præcedentibus omnino diversa.

Donat Me-
tense re-
gnum Ca-
rolus Sim-
plex Hen-
rico Saxoni.

Sed cum deinde Franci se Regi suo ingenio ac nomine Simplici opponerent, Henrici Saxonis auxiliis nova tentantium fuere oppressa

consilia; quamobrem ei Carolus sumptuum laborisque mercedem Lotharingiam tribuit, contra Salicam legem, nihil de regni patrimonio submoveri patientem. Hac ipsâ de causâ Albertus, ex regiâ Francorum stirpe Metensium Episcopus, ægerrimè tulit Metensis concessione regni civitatem suam in alienigenas transferri; at ejus successor Thierricus, Othonis I Imperatoris cognatus, rei ex sententia sua gerendæ occasionem nactus, Metensibus autor fuit, ut Basileensium, Argentoratensium, Spirensium, Colonienarium, aliorumque exemplo populorum, se ab Francorum jugo vindicarent, libertatemque sibi sub protectione Imperii adsciscerent. Henricus tandem ejus nominis Secundus, præclare noscens nihil in regnum Francorum temporis præscriptionem valere, illegitimamque esse prædecessorum suorum vel minimarum regni partium alienationem, Metenses ad pristinum jugum redire coëgit, urbem solemnè pompâ armatus, capite excepto, ingressus, ut clementiæ inde, non rigoris, novi subditi caperent argumentum. Hac ratione alienati ab Imperio Metenses, atque Henrico Regi sacramento fidelitatis obstricti, symbolum Imperatoris, voce *Utra* in primaria urbis Æde expressum delevere, substituentes Henricanum illud, *Donec totum impleat orbem.*

Id sub Hen-
rico 11.
Francorum
regno deinde
unitur.

Molestissimè tulit hunc casum Carolus V Imperator, augendo, non minuendo natus Imperio. Itaque incredibili celeritate centenùm millium virorum colligit exercitum, ex Germanis, Hispanis Italisque compositum, captamque à Francis urbem arctissimâ obsidione circumdat. Inguenti huic tempestati à Francorum parte opponitur Franciscus Lotharingus, quo acerrimo propugnatore potiundæ desperatione Carolus inde discessit.

Metropolis
ejus obside-
tur à Caro-
lo V.

Sed jam ad Mosellam revertor, à quo præcipua urbi dignitas accedit. Is eam quodam ramo suo interfecans loco quo S. Stephani Abbatia conspicitur, insulam format cum Sellâ amne, qui civibus suarum usum aquarum offert, antequam Mosellæ misceatur. Pontes præcipui quaternario sunt numero, quorum bini in urbe sunt, ad S. Vincentii Abbatiam, quæ flumen utrumque interjacet, commodiorem aditum præbentes; reliqui duo, alter *Pont Iffroy*, *Pont de More*, alter incolis appellatus, à Theonvillanâ parte dant ad urbem accessum. Munimentum prope S. Theobaldi portam in ripa Mosellæ loco editiore conspicuum, ac quaternis propugnaculis quadrato lapide obtectis, altaque fossâ cavatâ in rupe, & validum tutandæ urbi, & retinendis in officio civibus Henricus II rex condidit.

Munimen-
tum
Henricus II
rex condi-
dit.

Judæi peculiarem in urbe viam domibus suis obsident, celebrantque in ea Synagogam five conventum peragendis sacris; Catholicis sua sunt cum altaribus templa; Reformatis & sua.

Religio.

Urbs ipsa vasto se ambitu explicat, qui novem millia passuum circiter complectitur, ante suburbiorum demolitionem ad quatuor leucas Gallicanas porrectus.

Portarum, quemadmodum & pontium, ad intrandum binarius est numerus, ad exeundum versus Mosellam porta unica, ab Inferno cognominata, non patente ab hoc urbis latere è Munimento

Templa.

Diœcesis.

Regimen
urbis.

nimento egressu alio quam ductu navigii. Ceterum murorum urbem circumeuntium ambitum propugnacula, turres, ambulacra atque suggestus longè munitiorem efficiunt.

Templa.

Primaria Aedes, S. Stephani honori, urbis patroni, dicata, Canonicorum superbit centuriâ. Præter Parochialia urbis templa sedecim, Abbatia Ordinis S. Benedicti se offerunt, S. Arnulfi templum, Ludovici Pii Augusti, Caroli filii, & filiarum aliquot Pipini regis sepulturâ celebre; S. Clementis, S. Martini, S. Symphoriani, S. Vincentii, S. Glossinæ, S. Mariæ, S. Petri, lautissimis omnia redditibus instructa. His ad majus urbis ornamentum accedunt cum cœnobiis templa Carthusianorum, Augustinianorum, Cælestinorum, Capucinatorum, Minimorum, Recollectorum, Iesuitarum, Mathurinatorum, Dominicanarum, Clarissarum, fororum S. Magdalenæ, &c.

Dioecesis.

Metensis Episcopi, qui S. R. I. Princeps, atque opulentarum possessionum est Dominus, ditio seu Dioecesis in Archidiaconatus quatuor dividitur, ac parœcias sexcentas, & viginti tres.

Regimen urbis.

Superioribus annis penes XIII viros summa fuit juris dicundi autoritas, singulis ad diversa negotia, prout publica res exigebat, applicitis. Præerat his unus, eodem numero contentus supermi Scabini nomine, qui autoritatis argumentato latus gladio armabat, in functione, & post functionem eodem ornamento, ac jure nobilitatis conspicuus. Fas erat illi monetam urbis notatam insignibus, auream argenteamque cudere, atque eam sub muneris ingressum aut inter amicos, aut distribuere in populum. Is sæpè functionem suam ad sex, novem, duodecim, & plures continuabat annos, iterato quot tribus annis duntaxat fidelitatis juramento. Ex his Tredecimviris unus læsorum excipiebat querelas, persolutas à reis multas usui proprio reservans: alius Thesaurarii titulo publicis erat ædificiis præfectus, ac destinatum instaurationi murorum, portarum, pontium, fontium, ac Curia palatii pecuniam administrabat. Porro IV Viris erat in Domum Hospitalem inspectio, quibus præfectus Domus reddere rationem tenebatur, ipsis Senatui ad reddendas rationes obnoxii: Præfectus Hospitiis militibus assignabat hospitia. At hæc forma regiminis fuit anno 1641 publicato Edicto Regis sublata, instituto in Tredecimviratus locum Ballivatu, cujus Metensis Præfectus est caput; in causis civilibus ac criminalibus, itemque in particularibus negotiis singulos habens vicarios, ac Consiliarios denos, (quo in numero quatuor sunt religionis, quam Reformatam appellant) Procuratorem unum, unumque Advocatum Regis. Urbi regendæ Major est datus, ac Scabini decem, quorum biennalis est functio, manentibus in officio quinque, ac quinque denuo electis. In suburbanis vicus est Iony, Mosellæ adfluens, ubi quantacunque est inter montes utroque distantia, aquæ ductum priscis illis temporibus fuisse indicant ejusdem quæ adhuc existant reliquæ. Arcuum multi integri sunt, ex albo lapide in laterum formam dissecto compositi; ac nonnulli quoque ejusdem operis in adversâ ripâ cernuntur.

Gallia.

METENSIS AGER,

vulgò

LE PAYS MESSIN.

Metensis ager, modicâ parte exceptâ, ^{Limites.} quam Luxemburgensis ager attingit, quaquaversum ab Lotharingæ Ducatu circumdatur. Idem vico suo *Colligny* Argentoratensium urbi accedit, silvis quibusdam terminum inter utramque ditionem statuentibus. Longitudo summa leucarum est quatuor, latitudo totidem, quo spatium vici circiter ducenti continentur, ex quibus multi ad Metensem spectant Episcopum, ut *Ars*, *Chatay* S. *Germain*, quo loco everfi à Metensibus oppidi ruinæ cernuntur, *Agancy*, *Donau*, &c. Reliqui ditionis Regiæ sunt, aut juris inter Episcopum ac Regem communis, ut *Malatour*, *Vry*, *Thionville*, oppidum Regio munitum præsidio, ac maximè dignum memoratu. Sed antequam id nostra attingat descriptio, Sella ortum cursumque indagabimus, obiter ^{Sella fluv.} contemplantes, quæ terræ facies sit in ripâ fluminis utraque. Oritur Linderano ex lacu, qui jam sæpè nobis laudatus, ac laudandus deinceps, insigni leucarum quatuordecim ambitu diffusus, in medio aquarum suarum, insulamque excitans, carpciones gignit mirum in modum delicatos. Non sine causâ id vulgare *Selle* nomen accepit, cum falsas aquas vehat, præcipuis Provinciæ hujus Salinis aquas in ejus alveum derivantibus; unicâ quippe à fontibus leucâ Dieuzanæ accedunt Salinæ, quas Marsalenses sequuntur, tum ^{Marsal, Munimentum.} Vicanæ, & Moyenvicanæ. Ceterum *Marsal*, unde primis Salinis cognomen, locus est munito clarus, à Carolo Lotharingæ Duce tantumquam pignus quoddam fidei servandæ traditus Ludovico XIII, eo tempore, quo inter utrumque in oppido *Vic* constituta pax est, Carolusque tum multa Regi promisit, quæ deinceps parum servavit. *Moyenvic*, dedente se nuper præfidiario milite, nunc Gallici juris est.

Porro ab oppido *Vic* Sella amnis ad *Nomeny* lo- ^{Moyenvic.} cum festinat, sinuatoque variè cursu pontes plurimos, ligneos plerosque subterfluens, tandem Metensi in urbe Mosellæ admixtus, cum eodem *Theonvillam* descendit.

Theonvilla igitur, sive à falsorum cultu deo- ^{Theonvilla.} rum, seu à Theone conditore nomen acceperit, in alterâ Mosellæ ripâ sedet, Luceburgio leucis quatuor, totidemque à Mediomatricis remota, inter Inferioris Germaniæ loca antiquitatis gloriâ clarissima. Carolus Magnus hîc tertiam Imperii sedem statuerat, situs transitusque rationibus adductus; unde dignitas ejus antiqua facillè potest intelligi, ut quam tantus Imperator sui sedem <sup>Fit Sedes Imperii ex-
tia.</sup> Imperii delegerit. Est autem locus hic arte & naturâ adeo munitus, ut vix unquam expugnari potuerit; situm quippe plano in loco remotis montibus sortitur, circumcinctus paludibus, quibus inaccessus ab Occasu redditur, tutus Mosellâ flumine fossas ejus implente; ac propugnaculis regulari formâ, turribusque defensus.

Z z z z

Anno

Anno 1550 Galli Guisio Duce Theonis-villam adfudis tormentorum bellicorum ictibus pulsantes, ac variis petentes assultibus, magnum suorum numerum perdidere, interque ceteros Strotium virum bellicosissimum, in quatuor Marschallorum Franciæ numero; at deficiente milite obseffo, eam nihilominus per deditionem ceperunt. Reddita fuit deinceps Philippo II Hispaniarum Regi, pace inter Hispanos Gallosque post Sanquintinianam cladem compositâ. Eam Ludovicus Borbonius penè adolescens insigni contra Hispanos ad Rocroy Munimentum victoriâ potitus, in Gallorum potestatem anno 1643 redegit. Ceterum Præfectus oppidi Regius nunc est Bocquetus.

Circ. oppid.

Mosellæ tribus à Theonis, villâ leucis *Circ* oppidum appositum est, ab eodem Ludovico Borbonio expugnatum, qui in hoc tractu præclara dedit requisitarum summo in Duce virtutum documenta.

Soli qualitas.

Frumenti ager Metensis minus est ferax; vini, nucum, cerasorumque fertilior, quæ Pontamussum ac Nancejum carentia cerasis loca portantur. Vina generosiora nascuntur in locis *Lory*, *Longueville*, *Sy*, & *Lessy*; nec ignobile crescit lapidosus in locis circa *Ars* vicum. Pisces crebra flumina lacusque suppeditant: equi Metensium minus procero sunt corpore, sed tamen robusto. Ferri metallum quoque diversis in locis effoditur.

Mores.

Incolæ inconditis sunt moribus, quod Germanorum tribuendum viciniæ est; parum ad literarum studia affecti, bellicosi tamen, industrii, libertatis ac religionis amantes. Agricola sobriè frugaliterque viventes supellectile domos instruunt, uxoribus eorum liberisque decenter vestitis. Oppidani Gallicum vivendi morem sequuntur, ac filios suos Parisiorum Lutetiam mittunt, ut ibi cum linguâ mores politiores imbibant, exercitiis corpus reddant dispositum, ac jurisprudentiæ praxin addiscant. In quibusdam hujus agri locis Germanici idiomatis est usus, ut in vicis *Enry*, *Eury*, *Hougondanges* & *Hoquencourt*. In Dioecesi quoque loca nonnulla sunt, cujus incolæ festo S. Stephani die tenentur ad principem aram Basilicæ apud Mediomatricos huic Divo dicatæ anseres offerre, ac in supplicatione tum solitâ per urbem haberi, cantare Germanicè. Ceterum vernacula est Lotharingica, hoc est, Gallica corrupta.

Opes.

Ob situm ad commercia cum Germanis exercenda opportunum, opulenta est Mediomatricorum urbs. Vina hinc in Germaniam mittuntur ac Belgium: Metensium bombardæ cum sclopis expetuntur ubique. Germanorum equi antequam Lutetiam perveniant, hanc urbem transeant necesse est; quibus vendendis certi per septimanam præfixi sunt dies, ut & frumento vendendo. Porro redditibus multis privilegiisque municipalibus instructa urbs, à mercibus quoque vectigal postulandi jus habet.

Vires.

Agrum omnem vigil miles, transitusque Munimenta custodiunt; sunt quippe diversis in locis ordinati quidam titulo Capitanei, quorum ductum certus ex incolis numerus delectus sequi tenetur, pagis seu communitatibus nitratum pul-

verem, glandes plumbeas, pecuniam, ac quædam alia ad militarem necessaria expeditionem subministrantibus. Capitanei, quibus suus est Metensi in urbe Præfectus, eo singuli cohortes deducunt suas, quo ille jubet, procinctum bellici tormenti explosione monente. Possunt ex pagis istis bina armatorum millia duarum cogi spatio horarum.

Moulin, leucâ unicâ Metensi distans ab urbe, ponte Mosellæ flumini imposito, atque arce munitus locus, transitum ad urbem præcipuè observat, nullo tamen munitur præsidio: at Munimentum, eidem fini dicatum, trecenti ac sexaginta milites unicâ cohorte contenti defendunt; Metensium urbem Regiis cohortibus denis, singulis è sexagenario militum numero compositis, custodientibus. Ceterum urbs cum Munimento suo ingenti tormentorum bellicorum numero superbit.

Circumpositis urbem oppidulis vicisque sui sunt Majores, vulgò *Maires*, ac Iudices. Henricus II Galliarum rex Præsidem ordinaverat in urbe, inter præsidarios civesque Iudicem.

Parlamenti Curia, quam, sublato Præsidis officio, Ludovicus XIII, cognomento Iustus, vulgata Ianuario mense anni 1633 Edictali lege constituit, designatis Britanno primo Præsidente, libellorum supplicum Magistris quatuor, Præsidum item functiones obituris, senisque & hoc, & Consiliariorum functionis munere, atque aliis Consiliariis, & Advocatis generalibus duobus. Edictum hoc illicò Remefortius, conditus *de la Greliere*, Regis Consiliarius, ejusdemque in majore Consilio Advocatus generalis, ac recens instituto Parlamento creatus primus Advocatus generalis, promulgari actisque publicis ad rei memoriam inferi postulavit. Igitur publicato, relatoque ad acta Edicto Regio, Parlamentum solemnem sessionem primam accepit, præsentibus Madauri Episcopo, Metensis Episcopi suffraganeo ac Vicario generali, (qui in eo debitum Ducibus ac Paribus, seu Episcopis Sessionis jus in Parlamento habentibus, locum occupavit) supremo urbis Scabino reliquisque Senatoribus liliatis in subfelliis locatis, Cathedralis Ecclesiæ Decano, ac Canonicis, S. Arnulphi Abbate, aliisque Abbatibus & Præbendatis, Equestri Ordine universo, ac vicinis ex locis assistente hominum multitudine ingenti. Solemnis hujus installationis seu Sessionis relationem cum ornatissimâ oratione suâ prædictus Grelierius pridem typis vulgavit. Porro Metensis Parlamenti Curiaë subditorum stabilita à Regibus commoda, functio semestris est, reliquum anni tempus involvente justitiæ Admittuntur ad eam Reformatae religionis Senatores seu Consilarii sex, parem habentibus auctoritatem cum ceteris, sed nullam Edicti, aut alterius nominis separatam Cameram componentibus.

Metensi urbi, agro atque Episcopatu commune regimen est sub unâ Præfecturâ; Tullensis Comitatus cum urbe cognomine peculiarem regiminis formam sortitur, quemadmodum etiam Virodunensis suo cum munimento civitas, quam primâ atque alterâ Regum stirpe Franciæ submotam, ac Imperatoriæ ditioni adjunctam, primò sub

Religio.

Moulin,
Munimen-
*tum.**Mos-*
ensis
*descriptio.**Virodu-*
nensis, *urbis*
Episcopalis

Religio.

sub Comitibus, post sub Episcopis Dominis, sub Lotharingæ Ducibus deinde, itemque sub Magistratu live Consilio Senatus varium regimen exercuit, donec ad Gallorum ditionem reversa, primævam gubernandi rationem recepit. Metensi in agro Episcopatus sunt tres, Metensis scilicet, Tullensis ac Verdunensis, tanquam suffraganei ad Treverensem Archiepiscopum spectantes. Inter Metenses haud parvus incolentium est numerus religioni Reformatae addictus, cui liberum est sacrorum in urbe exercitium: qui verò ejusdem sectatores religionis vicatim degunt, Divinum Numen precibus veneraturi, in arce Horniâ conveniunt. Iudæorum immoderatas usuras Parlamenti Senatus compescuit.

Præter descriptam à nobis Metensium urbem, sunt item Metensi in agro Virodunum ac Tullum, utraque urbs Episcopali sede notissima.

VERDVNENSIS EPISCOPATUS.

Mosæ
amnis
descriptio.

ANtequam Verodunum urbem lustratum eamus, in Vogesi montibus, ad Lingonum confines, Vaudemontio in agro erumpentes Mosæ fontes indagandi sunt nobis, communi amnis majoribus plerisque hac gloriâ, iis ut in locis nascantur, qui terræ editiorem situm obtinent, ac proximè accedunt ad cælum. Is propè *Montigny le Roy* oppidulum prorumpens, in Septentrionem usque ad fanum S. Thibaldi curvatur, quo loco portandis jam potens navigiis, ea ad Castrum Novum, vulgo *Neuf-château* deducit, ut gloriosior gratiorque Lotharingæ colonis appareat, qui quantum terra solaribus radiis, tantum huic anni debent beneficium. Ut primùm in hanc illustrem Provinciam suam parat Mosâ ingressum, certatim amnes rivulique variis profluentes ex locis ad tributum pensionem festinant, collatisque viribus spectabilem aquarum copiâ alveum efficiunt. Flumen *la Morbe*, qui rupis istius lambit radices, cui impositum est Munimentum cognomine, prope Castrum novæ Mosæ confunditur, in quem deinde alius quidam rivus è Vogesi silvis profectus, ac *Dombray*, *Beaumont*, *Viocour*, & *Atigny* loca salutans, apud *Maxey* locum infra *Brecy* sese exonerat. Istis aquarum auctibus speciosior Mosâ, ad *Vauconleux*, vicum Ioannæ Darcie clarum natalibus descendit, attingitque paulo post S. Michaelis oppidum, atque inde Verodunum devolvitur, liberam S. Imperii urbem, antequam Henricus II Francorum rex eam suæ redderet ditioni.

Verodu-
num, urbs
Episcopalis.

Verodunum, urbs Episcopalis, ac *Virodunum*, *Verodunum*, & *Vereduna* aliis nuncupata, vasto ambitu excurrit, triurbis seu tergeminae urbis speciem ab interfluente Mosâ sortita. Partium prima cis flumen clivo incumbit, altera amnem transgressa occupat planitiem, tertiam autem insula com-

plectitur, excitata medio Mosæ in alveo. Henricum Aspremontium seu ab Aspero monte Verodunensem Episcopum, Lotharingæ Burgundiæque Ducum armis vexatum, ditionem suam Philippo Valesio Regi tradidisse existimant, eâ conditione, ut pro defensionis seu tutelæ beneficio octingentos quotannis coronatos Regi Galliarum Verodunenses penderent; quod in hunc usque diem sedulo faciunt, exstructo Ludovici XIII jussu Munimento, nunc contra hostium incursiones magis quam unquam aliàs defensi.

Continuata ista Regum Galliarum protegendæ Verodunensium voluntas, Verodunensem Ecclesiam multis in rebus ad Gallicanæ morem pertraxit Ecclesiæ, sectatricem quoque illius; quod observatum fuit ex Sanctione Pragmaticâ, ut patet ex S. Mariæ seu Cathedralis Ecclesiæ, & S. Magdalene Canonorum capitularibus decretis.

Omni ævo Lotharingæ Duces aut armorum terrore, aut oblatâ permutatione Verodunensibus Episcopis, aut aliis modis rationibusque Verodunensium infringere vires tentarunt; at Galliarum Reges Verodunensium Protectores adfuerunt, urbem dignitati servarunt, adeo ut hodieque Verodunensis Episcopus & Veroduni Comes, & Princeps Imperii vocetur.


TULLENSIS EPISCOPATUS.

Tullum, Tullio, Tulla, & Leucorum civitas Tullum appellata, urbs est antiquitate celebris, Mediomatricos inter ac Lingones Mosellæ adficens, Ballivatus titulo decora.

Profanæ antiquitatis gloriam ejus sacra amplificat antiquitas, consistens in eo, quod Tullenses Christianæ fidei documenta à S. Manfucto, S. Petri Apostoli discipulo, primo hujus loci Episcopo, acceperint, cui in hanc dignitatem succedere deinceps viri integritate clarissimi, S. Amon, Alchas, ac longâ serie alii. Diocesis latè patet, pluribus Abbatiis insignis, quarum vulgaria nomina ista sunt: S. *Epure de Tour*, S. *Manficy de Toul*, S. *Leon de Toul*, *Moyenmoutier*, S. *Pierre de Sennone*, *Remiremont*, *Chaumozey*, *Lunerville*, *Cairlieu*, *Vaux en Ornois*, *Mirevaux*, *Flabemont*, & *Stirage*. Possessiones agrorum omnes ad Metensem, Tullensem, ac Virodunensem Episcopatus spectantes, ab Episcopis Lotharingicâ è domo permutatæ, inito inter Ludovicum XIII, ac Ducem Lotharingiæ contractu, ad pristinam naturam rediere.

Ternæ autem urbes istæ, Metensis scilicet, Tullensis, & Verodunensis, nunc Galliarum Regi parent, à cujus Præfecto præsidioque tutelam singulæ accipiunt. Præest igitur Metensibus hodie Schombergius, Franciæ Mareschallus; Tullensibus Comes Pafius; Verodunensibus autem Marchio Feuquierius.

LOTHARINGIA.



AD veterem Lotharingiam statum cognoscendum, præteritorum memoria temporum nobis breviter ex probatissimis quibulque Historicis repetenda videtur. Carolus Magnus igitur, qui Francorum regno aliquot sæculis jam ante in *Austrasiam*, hoc est, Terram Orientalem, (cujus metropolis erat Divodurum Mediomatricorum) continentem urbes, provinciasque Metensem, Trevirensensem, Moguntinensem, Coloniensem, Iuliacensem, Geldrensem, Limburgensem, Hannoniam, Brabantiam, Hollandiam, Zelandiam, Ultrajectensem Provinciam, agros *Hasbain*, *Tungres*, *Ardenne*, *Leodicensem*, *Luxemburgensem*, *Namurcensem*, *Tullensem*, *Virodunensem*, *Palatinatum Rheni*, *Alsatiæ*, *Burgundiamque*; & *Neustrasiam*, hoc est, Terram Occidentalem, comprehendentem quidquid terrarum inter Mosam ac Ligerrim flumina ad Oceanum Britannicum usque pertingit, divisit, Germaniam atque Italiam adjunxit, tantarum ditionum hæredem Ludovicum cognomento Pium, filium relinquit. Post Ludovici excessum inter ejus filios de regni jure, ac finibus acris orta dissensio, his conditionibus finem accepit: Lothario natu majori præter Romanum Imperium, hoc est, Romam, & Italiam, Provincia cum Pedemontio, Sabaudia, Delphinatus, Helvetia, & Burgundia, cum omni Austrasiæ regno cessere: Ludovico obtigit Germania omnis usque ad Rhenum; ultraque hunc civitates tres vini gratiâ, Moguntia, Spira, Wormatia: Carolus cognomento Calvus Occidentalem sortitus est Franciam ab Mosâ flumine ad Britannicum Oceanum.

Nominis origo.

Lotharius Cæsar in Abbatia Pruniensi juxta Treviros, cui se monachum addixerat, anno 855 mortuus, Ludovicum, Carolum, ac Lotharium filios reliquit. Diviso inter fratres regno paterno, Lothario secundogenito Austrasiæ regnum obvenit, cui ab hoc Lothario, aut à Lothario patre ejus, Lotharingiæ nomen adhæsit. Id deinde multis partibus imminutum, atque in varia discerptum dominia ac nomina, ea parte Lotharingiæ nomen servavit, quæ à Francorum regno semper dependit. Mortuo autem Lothario Lotharingiæ rege, Carolus Calvus patruus ad occupandam hæreditatis jure Lotharingiam magnis cum copiis accessit. Verum Caroli consilium invadendæ Lotharingiæ Ludovico fratre Germaniæ rege armis impedire tentante, Carolus fuit ad dividendum æqua portione Lotharingiæ regnum compulsus. Itaque Ludovico illa pars obtigit, quæ suo Germaniæ regno erat contermina, hoc est, omne id terrarum spatium, quod hodie Belgium appellamus, exceptis Flan-

driæ, Artesiæ atque Hannoniæ Comitatibus, qui Gallici juris erant. Fuit tunc Lotharingiæ Ludovicaniæ regia sive metropolis Aquisgranum; Carolinæ vero Divodurum Mediomatricorum. Sed cum postea Franci regnum suum Carolo Crasso Imperatori deferrent, utraque Lotharingia ad Francorum regnum rediit. Eam deinde Carolus vere simplex, Henrico Aucupi Imperatori tradidit; cujus filius Otho, itidem Imperator Lotharingis Præfectum titulo Ducis imposuit, Othonem nomine; eoque mortuo Lotharingiæ Ducatum ab eodem Othone I Imperatore Conradus Wenicheri Ducis Franconiæ Wormatiæque filius accepit: quem tamen ille paulo post in Brunonem Archiepiscopum Coloniensem, Othonis Imp. fratrem transferre coactus est. Hic summæ potestatis argumento Archiducis Lotharingiæ titulum assumens, magnam Lotharingiæ partem in incolentes ad Rhenum, Mosam atque Mosellam Prælatos contulit, cum ut eos ad Imperii partes traduceret, tum etiam, ut beneficiis in Ecclesiam Francis imposterum has ditiones recuperandi spem adimeret. Idem Bruno Mosellanicum in Lotharingia Ducatum, Lotharingiæ superioris nomine signatum instituit, eum Friderico cuidam concedens, cui Theodoricus filius deinde successit. In quem vero Otho I Imp. à morte Brunonis fratris Lotharingiam inferiorem transtulerit, non satis aperte scriptores enuntiant. Illud constat, Othonem II Imperatorem, Othonis I filium Inferiorem dedisse Lotharingiam Carolo quartogenito Ludovici Transmarini Francorum regis filio, ut Lotharium Francorum regem à reliqua Lotharingia recuperanda per Carolum averteret. Superiorem pluribus deinde sæculis ex Domo Alatica Principes tenuere; inferiorem, post Carolum Francicum, primum Loranica è domo Principibus, tum Comitibus Flandriæ, mox Burgundiæ Ducibus è Francica domo, denique Archiducibus Austriæ tenentibus; qui idcirco præter Brabantiam titulum, Ducalem Lotharingiæ sibi adsciscunt.

Est autem superior Lotharingia, quæ Mosellæ prætexta, (quam etiam ob causam Ducatus Mosellanicus appellari solet) caput habet Nancejum. Inferior Lotharingia, cujus caput erant Bruxellæ, ad mare usque pertingens, Brabantiam, Geldriam, aliasque regiones vicinas complectebatur.

Sola autem Lotharingia superior antiquum titulum Ducalem in hanc usque diem retinuit, quem Nicola Henrici Bullionea ex stirpe Lotharingiæ Ducis ex Margaretha Gonzaga filia, paterni Ducatus heres, quod male à Carolo marito haberetur, annis superioribus in Galliarum regem transtulit: quanquam de restituendo Carolo, qui bello Belgico, ac Madritana captivitate notissimus est, adhuc sedulo agatur. Sed jam ulterius est nobis Mosæ cursus indagandus, qui

Lotharingia sit è regno Ducatus.

Lotharingiæ divisio in superiorem, & inferiorem.

Distinctio superioris ab inferiore.

Hodie superior tantum Ducatus nomine censetur.

Vaucolem, Joanne Darcie patria.

S. Michel Ballivi sedes.

Astenay munimentum.

Monzon, oppidum Academiae & Marchionatus titulo clarum.

Chiers fluvius.

La Ferté oppidum. Ivois oppidum dicitur.

Lametz, oppidum.

qui illustrem hanc regionem subit, plurium in Oriente Principum Regumque Palæstinæ altricem, quam jure plenam Majestate terram appello, quod belli nervos, pacisque ornamenta, metalla, cum unionibus, cassidoniis, aliisque lapillis preciosis, è quibus construi coronæ solent, producat.

Nobilis amnis hic ad Castrum Novum, vulgo *Neufchâteau*, flumen *la Mothe* recipit, quod cognomine habet munimentum in rupe, quam subterfluit, inexpugnabile ob loci situm munitionemque annis superioribus putatum, antequam id quinquemestri obsidione Forzius anno 1634 Galliarum regi subiceret. Ceterum id ad Ducatum Barrensem spectat.

Alio præterea fluvio intra alveum suum recepto Mosa augetur, qui è Vogesi silvis ortus, ad *Dombray*, *Beaumont*, *Vicourt*, & *Atigny* delabitur oppidula, juxta *Maxey*, infra *Brecy* positum locum Mosa confusus. His aquis adauctus Mosa, ad *Vaucouleur* devolvitur, locum Ioannæ Darcæ, Aurelianensis Puellæ vulgo dictæ, natalibus clarum, cujus plenis voluminibus tradita à Gallicanis scriptoribus historia est.

Porro Mosa salutato *Vaucouleur* oppido, ad *S. Michel* Ballivatus ac Parlamenti sede nobile. Subiecta sunt huic Ballivatu loca *Astenay*, *le Pont à Mousson*, *Iamets*, *Chastel sur Moselle*, *la Mothe*, *Hathon-Chastel*, *Estain*, *Varennes*, *Louguion*, *Longwy*, *Brie la Chaussée*, *Clermont*, *Thiécourt*, *Apremont*, pagique octodecim.

Ad *Astenay* quod attinet, postquam Mosa Virodunum, Dungum, arce munitum oppidum, ac Villam Francam præterit, idem amnis mœnia ejus lambit, ad loci munimentum aquis suis amplificat, tuereturque contra hostium irruptiones, Burgundionum præsertim, quos reliquis viciniores habet. Ante annos non multos Princeps Condæus, loco hoc cum Munimento in potestatem suam redacto, Præfectum imposuit. Inde Fluminis alveus ad *Mozonium*, vulgo *Mouzon* derivatur, oppidum non tam naturâ loci (collis enim editior ab una ei parte imminet) quam exstructis manu operibus defensum. Galliarum rex hîc cum præfidiario milite habet Præfectum, Præfecti munere hodie Comite Grandpræo fungente, Gadacio vero *Pontamussum* gubernante. Locum hic in hanc diem usque peculiaris Præfecturæ, licet non magnæ, titulo gaudet, ab impositionibus, tributisque exemptus; unde antiqua dignitas ejus æstimari facili potest. Idem Marchionatus S. R. Imperio subiecti nomine inclytus, non incelebrem Academiam, Monasteria elegantis structuræ complura, arcemque interfluyente Mosellâ à se divisam complectitur.

Binis Mozonio leucis *Chiers* amnis Mosa aquas suas communicat, quas tribus è fontibus haurit, totidem rivulorum genitoribus, qui ad *Chavancii* locum eodem alveo confusi, *la Ferté*, & *Ivois* oppida præterfluunt, antequam Mosa jungantur, præclarum de utrisque, incolis & Gallis perhibentes testimonium, illis pro aris & focis pugnantibus acerrimè, his ad regni sui amplificationem summo studio curaque nitentibus: rivulorum quippe unus *Iamets* munitum arce oppidum.

Gallia.

dum, atque *Anvilliers* oppidum radit, quod sæculo unico ternis Gallorum lilia victoriis notata conspexit, ac victricia suis turribus vexilla imposuit. Anno 1542 Carolus Aurelianensium Dux occupato ex pacto hoc oppido, id ferro & flammis excidit, ne deinceps hostibus præberet refugium. Verùm cum non haud diu postea Carolus V Imperator, ad demonstrandum, posse etiam ex inflatâ subditis suis clade, aliquod ad se pervenire commodum, firmo id opere denuo munisset, atque elegantibus instruxisset ædificiis, Henricus II, Galliarum rex, decennio post ad restauratum *Anvilliers* oppidum oppugnandum accessit, qui illud potestati suæ redditum novo multasset excidio, nisi præfidiarius miles, qui ducentorum equitatu, peditatu vero mille & octingentorum hominum valebat, post paucorum dierum oppugnationem, certis se conditionibus dedidisset. Recepit id institutâ inter utrumque regem pacificatione Philippus II, Hispaniarum rex, sed Chastillonius, validis licet mœnibus ac propugnaculis defensum, bello superiore in potestatem Ludovicii XIII redegit.

Reliqui rivuli ad *Mareville*, *Virton*, & *Montmedii* oppidula decurrunt, inter quæ munitione maximè valet postremum, præcelso monti impostum, Gallorum repetitis direptionibus notissimum, præcipuè vero postremâ, quæ anno 1654 Ludovico XIV oppugnante evenit.

Marveille seu *Marveil* oppidum commune appellatur, quod media parte Hispanici, alterâ Lotharingici juris sit. *Vierton*, quasi *Veneris donum* Latine diceret, ipso nomine testatur, veteres Luxemburgensis agri colonos fuisse idolorum cultores, qui oppidis, aliisque Provinciæ suæ locis nobilioribus deorum ac Planetarum nomina tribuere; valde enim probabile *Luxemburgum* illos Soli, luminum patri dicasse, *Sathenay* oppidum Saturno, Lunæ *Arlum*, Marti vicum *Mars en Famene*, Mercurio *Mercur* vicum, arci *Soye*, & *Bastogne* interjacentem; Iovi autem *Ivois*, quod transpositâ literâ V facile apparet, Veneri *Vierton*, & Diis omnibus *Thionville* seu *Theonville*, ex Græco nomine *Theon*, & Latino *Villa*, compositum vocabulum, quasi omnium deorum fedes, ad eum modum, quo Romani suâ in urbe Pantheon omnibus Diis sacratum templum excitavere, quod nunc Sancta Maria Rotunda ab ædificii formâ appellatur.

Proinde collectis *Chiers* aquis, ad *Ferté* oppidum dilabitur, quod ævo nostro concitata bella mœnibus munitionibusque cum *Ivois* oppido exuere. Posterius oppidum anni huic appositum, sesqui leucâ distat à *Ferté* oppido, quatuor à *Montmedii*, haud ignobili oppido, antequam Henricus II, id anno 1552 vi expugnatum mœnibus privaret. Illud ad præsidii tutelam novis instauratum munitionibus, exiguo incolentibus est commodo.

Rivulos seu flumina *Munaux*, *Hapsconca*, *Mari-* mont, *Baxel*, *de la Petite Forest*, *de la Bonne-Fontaine*, *de l'Hermite*, *du Brule-Hamez*, *de Teste de Chevaux*, quæ *Giers* amni, seu ipsi Mosa infra *Remilly* locum miscuntur, hîc nec numero, nec jacto; quia Sedanum Mosa festinat, quæ urbs vallo, propugnaculis, ac arce munitissimâ instructa, Gallicum militem duntaxat excubitoem ac propugnato-

A a a a



Academia
Pomannus-
fana.

Flumina
varia.

Nancy, Lo-
tharingie
metropolis.

Prælium
propè Nan-
cejum.

Niclas-
bourg.

Luneville
Ducatus.

S. Diey.
Preuy.
Amance.
Ravon.
Vici.
Pfaltz-
bourg Prin-
cipatus.

Sarbourg
Ducatus.

Vaudemont
Comitatus.

S. Marie
aux Mines.

Erckenheim.

gnatorem suum habeat. Sed currat tantisper Mo-
sa cursum suum, nobis ad Mosellæ deflectentibus
fluenta, in quem amnes plurimi influunt versus Pon-
tamussum urbem, Lotharingiæ Parnassum, ob exci-
tatum in eâ disciplinarum seminarium, à PP. So-
cietatis Iesu directum. Quod licet antiquitatem
minimè præferat, docendi tamen ratione, ac
doctorum gloriâ virorum, cum quavis Germa-
niæ aut Galliæ Academia potest conferri. Am-
nium igitur versus prædictam urbem se miscen-
tium Mosellæ nomina ista sunt: *Modon, Colon, Bre-
non, la Meurthe, la Mothane, le Ravon, la Plaine, la
Voiziere*, ac nonnulla alia. Mosella tot amnis
comitatus *Nancejum* progreditur, vulgo *Nancy*,
Ducatus Lotharingiæ Metropolim. Vrbs hæc exi-
guo ambitu inclusa, sed validis munita propu-
gnaculis, gemina hodiè est, Antiqua, & Nova,
utraq; situ amœna, arce seu Palatio, Ducum
habitatione, magnifica, religiosa templis, tot il-
lustrum Heroum ornata sepulchris, munitioni-
bus, atque armamentario instructa copioso, se
Galliæ regum potestati subiecit. Superioribus
bellis, quæ Galliam intestino exercuere diffidio,
ad prohibendum transitu Germanos, cincta fuere
mœnibus suburbia ejus; ampliatioque anno 1587
urbis pomœrio, nova deinde muniendi ratio ac-
cedens, eandem inter munitissima Europæ loca
constituit, dignum Christianissimorum regum
gloriâ Trophæum.

Haud procul ab urbe palustri in loco Sacel-
lum cum Cruce lapideâ prægrandi cernitur, cui
inserta ærea lamina, inscriptionem continens Ca-
roli Audacis, ultimi Burgundionum Ducis, hoc
loco occisi testem.

Binis Nancejo leucis in ripâ Murtæ amnis visi-
tur *Burgum S. Nicolai*, ubi templum laxitate atque
altitudine censendum, columnis celsis, sed gracili-
bus, ac duabus eleganti structura turribus con-
spicuum est. Nullis quidem mœnibus est circum-
datus hic locus, sed amplius tamen, nitidusque
ædificiis, ac incolis frequens, ob nundinas com-
mercio celebres, & ob S. Nicolai reliquias pu-
blicè ostendi solitas, piorum visitatione famige-
ratus.

Reliqua à Ballivatu Nancejano dependentia
loca sunt *Luneville*, in ripâ Ravonis, quo loco
insigne habent Lotharingiæ Duces Palatium;
Saint Diey ad amnem eundem; *Preuy*; *Amance*
Nancejo vicinum, vetus Ducum sedes; *Ravon*,
cum vicis octodecim.

Pfaltz-burgum munitum est oppidum, positum
in Germaniæ confinio, arce, tituloque Principa-
tus insigne.

Sarburgum, Saravo seu Sarre flumini adfidens
oppidum, feudum est, cum *Sarwerden* à Metensi
Episcopo Lotharingiæ Duci collatum: *Vaudemont*,
antiqui Comitatus, Ballivatus, supremique Do-
minii titulis decorum, subjecta oppida habet
Vezelise, ingens ad Brenonem amnem, qui Mo-
doni miscetur, oppidum, Ducis Lotharingiæ
primogenito solitum assignari. Sancta Maria in
Fodinis Præfectura est à Nancejano separata
Ballivatu: hîc frequens Germanicæ linguæ est
usus, quemadmodum etiam in *Ballivatu Alema-
nico*, qui latè patens, à veteri divisione Lotharin-
giæ Austrasia appellatur. *Borkenhein*, *Sarwerden*-

sis caput Comitatus, est arx duntaxat. *Plombieres*, *Plombieres*
oppidum est nullis mœnibus cinctum, balneis oppid.
suis clarum, circumpositis montibus naturalem
ei præbentibus tutelam. *Blamont*, elegans cum
binis arcibus oppidum, insigni versus Alsatiam *Blamont*
Comitatu inclytum. *Valdrevange* ad Sarram flu- *Valdrevan-*
men, Alemanici Ballivatus est caput, quo spe- *ge.*
ctant oppida *Serkin, Dieuze, Homburg, Saint Arod,*
Putlange, Beringen, Faulquemont, Schomburg, vicique
octodecim. *Mirecour*, caput est Ballivatus; *Vosges*, *Mirecour.*
cui subjecta sunt loca *Neuf-château, Dompierre, Char-*
mes, Bruyeres, Plombieres, Archer, ac vici octo.

Barrensis Ducatus longitudine suâ leucas oc-
cupat triginta, latitudine ejus spatium dimidio
contentâ. Is Lotharingiam quasi crucis formâ
amplectens, feudum est Galliarum regibus pro-
prium, quod Antonius & Franciscus Lotharin-
giæ Duces, publicis sub Francisco Primo rege do-
cumentis sunt fassi, Barrensis idcirco Natura-
litis, ut vocant, literis nunquam egentibus.
Oppida ejus sunt *Bar-le-Duc, Ligny, Saint Michel,*
la Mothe, Arq, Fou, Longwy, Arancy, Estain, la Marche, *Ligny Co-*
Bournion, Clermont, Haton-châtel, Varennes, Vanne, &
quædam alia oppidula. Ceterum *Barleducum* Bal-
livatus titulo claret, à quo *Gaudrecour, la Marche*,
ac vici circiter centeni dependent, unico *la Mou-*
vance vocabulo contenti: Ipsum Senonensi Præsi-
diatui Parlamentoque Parisiensi provocationis viâ
subjectum. Marchionatus Pontamussanus feudum *Pont-à-*
Imperii, oppidum cognomine tantum vicosque *Mouzon*
tricenos complectitur; *Espinal*, Ballivatus est *Marchio-*
modico conclusus spatium, Ducali Consilio sup- *naus.*
positus; Castellanus autem Ballivatus Iuridico
S. Michaëlis conventui subjacet. *Remiremont*, lau-
tum est non procul à fontibus Mosellæ oppidu-
lum: Abbatia hîc præter oppidum peculiarem
sibi tractum vendicat, olim membrum Imperii;
at nunc Duces Lotharingiæ Protectores dunta-
xat agnoscens, ac generalibus exactionibus con-
tribuens. Inclusa hoc cœnobio virgines, quæ no-
bili sanguine se natas esse per generationes octo,
probare tenentur.

Salmensis Comitatus se Lotharingiæ Alsatique *Salmis Co-*
insinuans, terminatusque Argentoratensi Episco- *mitatus.*
patu, longitudine leucarum sex, latitudine qua-
tuor, vicos continet sexcentos, pluresque monti-
bus impositas arces; ab eo *Bandoviller* oppidum *Bandoviller*
dependet. Is mediâ parte ad Rhingravios, alterâ *oppid.*
ad Lotharingiæ Duces spectat, quorum ditioni
hæc Comitatus pars materno à latere accessit.
Primos Salmensium Comites Hungaria dedit,
quorum nepotes pluribus sæculis hunc Tractum
ab Imperatoribus feudi loco habuere ob exantla-
tos pro S. R. Imperio labores: Rhingravius, Prin-
ceps Salmensis, Lotharingiæ Ducis vasallus est,
propter arcem insignem *Neuviller* cum agris ad-
jacentibus.

Nassoviensis Comitatus Lotharingiæ trans Sa-
ravum adfidet, Comitumque sedes est *Sar-bruch*, *Nassau Co-*
quod vocabulum pontem Saravo impositum si- *mitatus.*
gnificat. Lotharingiæ Duces feudum suum vo-
lunt esse Comitatum hunc, rem obtento in Ca-
mera Spirensi decreto probantes. Ceterum idem
Comitatus à Metensi dependet Episcopo. Habet
plura alia hæc regio loca non contemnenda,
qualia sunt *Balsen*, oppidum paludoso in loco po-
situm, *Balsen.*

Baufre-
mont.
Rambert-
lers.
Darvè,
loca alia

Soli qua-
dam.

Baufre-
mont.
Rambervil-
lers.
Darvè, &
loca alia.

fitum, munitumque; *Baufremont*, arx, nomen-
que veteris familiæ; *Rambervillers*, *Darvè*, supe-
rioribus annis præliario milite, Præfectoque
defensum; *Marsal*, egregie situ paludoso muni-
tum oppidum, salinis nobile; *Densè*, oppidum
cum arce, ac salinis, quemadmodum quoque *Sal-
loné*; *Vic*, oppidulum circumstructo muro, turri-
busque passibus ab invicem vicinis remotis de-
fensum, ac salinis notum, sedes est suffraganei
Metensis; *Moyenvic*, salinis est clarum; *Biche*,
munita arx est; *Rosieres*, oppidulum cum salinis.
Porro Baillivatus Lotharingiæ præcipui sunt *Nan-
cy*, *Vosges*, *Montreux*, & *Pfaltzbourg*.

Soli quali-
tas.

Lotharingiæ, ac Barrensis agri fertilitate, ac
rerum omnium copiâ, si oleæ liquorem excipias,
terrarum nulli cedunt. Triticum, frugesque aliæ,
vina præstantia, carnes sapidissimæ, pisces deli-
cati, de quibus supra meminimus, legumina mul-
tiplicia, pascua alendis gregibus benigna, ac ani-
malium genera penè omnia, nec equis quidem
præstantibus exceptis, hic tam abundant, ut
non solum incolis sufficiant, sed tot rerum quo-
que exteri participes esse queant. Sterilitatem
vero montanam satis superque compensat buty-
ri lactisque, abietum, terebinthinæ, phasianor-
um, aprorum, cervorum, reliquorumque vo-
latilium copia; ferina quippe hic publicè in
macellis dividitur. Equos mittit mons *Voge-
sus*, & Baillivatus Alemanicus, quos pernecitatis,
proceritatis ac pugnacitatis causa æstimant non
parum. Boum copia multis partibus minor est,
utiturque gens rustica equis ad suorum cultu-
ram agrorum. Calx, arena, lapidesque ad ædifi-
candum ob duritiem coloremque aptissimi pas-
sim habentur; marmor candidum nigrumque
prope Nancejum effoditur; porphyriten, jas-
pidemque in montibus, Sircensem Trevirensẽ-
que agros spectantibus copiose invenias.

Chalcedonios magnitudine ac pulchritudine
infignes, lazulo agathique comparandos, unio-
nesque Volonia amnis juxta *Bruyeres* locum au-
rique grana suppeditat. Fodinæ metallorum
præcipuæ visuntur ad *S. Mariam*, cognomento
in Fodinis, inque locis *le Val de Lievre*, *la Croix*, *le
Chirpaul*, *Lusse*, *le Buffant*, & *le Tillot* vulgariter ap-
pellatis, ac circum Præfecturam *S. Diey*, quæ
metallis argenti, cupri, plumbi, ferri, & chaly-
bis, succisque mineralibus, antimonio, arseni-
co, & aliis scatent. *Vaudrevanges* veri præstantis-
que Lazuli fodinas habet, *Schalvemburgum*
achates cum granatis largitur; similibusque la-
pillis preciosis *Vallis Vagny* fontes abundant, quos
Indicis seu ex Oriente allatis conferre Germani
non dubitant. Speculis vitrisque conflandis ma-
teriam haud alius in Europa locus aptiorem sug-
geret. Salinas habet Lotharingia sex, in locis vi-
delicet *Moyenvic*, *Dieuse*, *Marsal*, *Chasteau-salin*, *Salon-
ne*, & *Rosieres*, quæ salem dant minutum, candore
saporeque laudatum. Aquæ salforum fontium
istorum maxime valent ad frigidam humidam-
que corrigendam intemperiem. E lacu *Linder*,
qui ambitu suo leucas quatuordecim continens,
terno per annum piscatu solemniori visitatur,
carpiones cognominatos à speculo, capiunt, ea
saporis dulcedine præditos, ut nihil delicatius in
hoc genere piscium alibi reperias. Thermas

Gallia.

Plombierenses binis à Remiremontio leucis dif-
finitas, frequentes cum Gallis Germani visitant,
quod aqua earum attracto sulphure atque alu-
mine, magisque à plumbo (unde eis cognomen)
sapore salubres existant. Vagari per Lotharin-
giam ajunt Spiritum malignum, *Ternequin* vulgo
appellatum, qui vianibus noctu incolis specie
lucernæ sit obviis, incautosque in præcipitia ac
foveas deducat.

Sunt Lotharingi mixtis inter Gallos Germa-
nosque moribus; à Gallorum tamen facili ac
prompto ad omnia ingenio remoti. Belli opifi-
ciorumque gloria plerumque excellunt, ab utris-
que, Gallis ac Germanis exerciti. Nobiles pro-
fectione in Galliam atque Italiam adornata po-
liorem sibi normam vivendi adsciscunt, domi
Gallico more vestiti, & Gallico potius quam Ger-
manico utentes idiomate. Incolæ ceteri libero
sunt, sed durior ingenio, nec facile corruptelis
obnoxio. Baillivatus Alemanici, sub quo Lo-
tharingiæ Alemanicæ continentur loca, habita-
tores Germanicè loquuntur, reliquis Gallicè, sed
corrupte loquentibus. In cibo accuratam stri-
ctamque rationem sequuntur in potu, Germa-
nici, (ut videtur) moris amantes. Barrenses hu-
manitate liberalitateque proxime ad Gallos ac-
cedunt: sunt autem, si de Lotharingis sit uni-
verse loquendum, Divini Numinis cultores adfi-
dii, corde ac lingua aperti, audaces, robusti,
Germanicorum sectatores bellorum, proclives
ad ludum, mites denique in suos.

Opes Lotharingiæ prodit copia fructuum, sa-
lis, pecoris, metallorum, aliarumque sine nume-
ro rerum. Alsatiæ, Trevirensi, ac Colonien-
si agris de sale ejus providetur, inde annuo ad Du-
cem fructu redeunte integri circiter millionis.
Ex supra memoratis metallorum fodinis & Dux
ipse, & privati magna percipiunt emolumenta.
Lazulus, uniones, Chalcedonius lapis, quem ca-
vant ad vasa unguentaria, aut aliis rebus incor-
rupte servandis, vitrorum speculorumque confi-
ciendorum materia, opera acu picta, aut inge-
niose contexta, exteris mercatoribus vendun-
tur. Quæ in *Espinal* & *Neuf-chateau* oppidis con-
ficiuntur mapparum mappellarumque in usum
textilia, in Germaniam, ac remotiores Galliæ
provincias exportantur. Est etiam incolis quæ-
stuosus equorum mercatus, quos partim ipsa ha-
bet Lotharingia, partim huc ex Germania mit-
tuntur. Vectigal autem rebus impositum, auri
millionem quotannis Principis ærario infert; so-
la quippe, certis concessa hominibus, Linderano
in lacu piscandi licentia, sedecim librarum milli-
bus in singulos annos redimitur. Quæ in *Espinal*
scribentium commodò papyrus compingitur,
de ea prospici solet Germanis, incolisque Comi-
tatus Burgundiæ.

Munimenta seu loca ad tolerandam vim ho-
stilem idonea, octo in Lotharingico numerantur
Ducatu, Nancy scilicet, *la Mothe*, *Marsal*, *Tamoth*,
Lunoville, *Clermont*, *Estenay*, & *Biche*. Ex his *Nan-
cejum* seu *Nansium* longe ceteris munitius est.
Arces habet Lotharingia complures, inter quas
Barleducensis eminet; loca vero mœnibus con-
clusa quinquagenario aut sexagenario numero.
Potest Lotharingiæ Dux, præter cohortes pe-
destres

B b b b b

Mores in-
colarum.

Opes.

Potentia.

destres equestresque corporis destinatas custodia, in sua ditione quindena peditum millia, equitesque bis mille conscribere; constat etenim fuisse ab eo, anno 1634, contra Suecos oppugnantes Imperium propriis conscripta sumptibus armatorum millia sedecim, cum millibus equitum quaternis.

Nobilitas.

Præcipuum Lotharingæ decus est ordo Equestris, cuius amplissima privilegia ditionis suæ possessionem ineuntes Duces confirmant. Is exterorum ac domesticorum nobilium affinitatibus stabilitur propagaturque. Principatum in eo tenent Marchiones *Haraucourt*, *Chastelet*, & *Bassompierre*; Comites *Lenoncour*, *Ligneville*, *Ludres*, *Beaumeau*, *Ragecour*, *Mitry*, alique ad duodenarium usque numerum; tum Marchiones sex; præter vassallos Germanos. Ceteri ex prædictis familiis genus suum ducunt, ut sunt Marchiones *Trichasteau*, *d'Esne*; Barones *Chambley*, *Stainville*, *Netancour*, *Vaubecour*, *Armoises*, *Lemont*, *Savigny*, *Florainville*, multique præterea.

Non habet Lotharingia Cancellarium, sed Chiliarcham, ac generalem Provinciæ Præfectum. Actiones possessorii feudales vetus ordo equestris Nancejum indicto conventu, summa auctoritate decedit. Ceteræ lites aut ad Cameram Computorum, quæ Nancei est, aut ad ipsius Ducis pertinent Consilium. S. Michaelis clarum Parlamento oppidulum, causas appellationum Barrensis agri, non ipsius oppidi dijudicat. Huc tamen spectat *Chastel-sur-Mosel*, extra Barrenses licet fines sit positum, supremi Scabini, ac Scabinorum aliorum, quos Nancejum habet, itemque singulorum Præfecti oppidorum arciumque functio, patrio more vitæ cuiusque est comes. Camera Computorum ex Præfide libellorum supplicum Præfectis quatuor, quatuor item Secretariis Status, pluribusque Consiliariis componitur. Principis Consilium Nobiles, ac Togatorum prima virorum constituunt. Moneta cuditur Nancei, & ad S. Mariam.

Religio.

Sacrorum in hac regione directio, aut ab Ar-

chiepiscopo Trevirensi, aut à Metensi, Tullensi, ac Virodunensi Episcopis dependet. Pluribus Lotharingæ Prælati licet esse mitratos, inprimisque Nancejano Primati, cuius Ecclesia Virgini Matri sacrata, Primatialis communiter appellatur; tum magno Præposito S. Diei, Abbatibusque *Longueville*, *Tolley*, & S. *Pierrevert*. Hos sequuntur ordine aliquanto inferiores Abbates *Rangval*, *Ianviller*, *Bonfai*, *Estival*, S. *Marie-aux-Breistroff*, *Clairlieu*, de l'Isle, de *Haute-seille*, *Ville*, de S. *Benoist*, *Luneville*, & *Chamoufey*, Prior *Flavigny*, Equitesque Ordinis S. Benedicti.

Nobilium fœminarum conventui destinatas Abbatis tres habet Lotharingia, quæ votis omnibus solutæ, libere possunt ad conjugalem statum transgredi. Abbatiarum nomina vulgaria sunt *Remiremont*, *Espinal*, & *Bosiere aux Dames*; ad quas illustres duntaxat virgines admittunt, quæ avitam nobilitatem quaternos per gradus parentum legitimo matrimonio junctorum rite instrumentis, aut testibus demonstrant. Obligantur autem Abbatissæ solum castitatis voto, quæ dudum virgines ceteras ad clausuram traxissent, hoc est, egrediendi, ac matrimonia contrahendi facultate privassent, nisi illæ libertatem privilegiorum jure retinissent. Illustrium nobiliumque virginum collegia istiusmodi habent Germaniæ urbes, Montes Hannoniæ, & Silva-Ducis Brabantia.

Sunt porro in finibus Lotharingæ Orientalibus, Campaniæ ac Comitatu Burgundiæ obversis, terrarum portiones quædam, *Terres de Sur-seance* vulgariter appellatæ, quod inter Lotharingæ Ducem, Regesque Galliæ, ac Hispaniæ adhuc lis sit de dominio. Bodinus earum numero censet Dominium *Lommes*: sunt item oppida ac vici nonnulli qualitatis ejusdem, quibus vassalli tantisper pro dominis dominantur. *Fontenoy* oppidum pleno dominio tenet Ducissa *Grouy*; alia aliis parent dominis. Eadem fere in Burgundiæ confinio est ratio, quemadmodum supra notavimus.

P R I N C I P A T V S
S E D A N E N S I S.
E T
R A V C O R T I I,
ac præfectura
D O N C H E R I I.



Situs.

Urbes.

Pagi.

Regionis in-
doles.

Edanum, cui annexum est sui prorsus juris Dominium *Raucourt*, Principatus titulo ac insignibus claret. A Gallia regno Mosæ flumine secernitur. Ab alia parte conterminum habet Ducatum Bullionensem, reliquis vero parti-

bus agro Lutzenburgico clauditur. Præter urbem cognominem, pagi insuper ad hanc ditionem aliquot referuntur, quales sunt, *Ievonne*, amœnissima pagus situs valle, per quam torrens fertur ea rapiditate ac vi, ut non moles solum triticeas circumagat, verum etiam machinas eas, quæ præparando, fundendo, subigendo, formandoque ferro, quod è locis proximis eruitur, inserviunt. Idem etiam truttas gignit, saporis gratissimi pisces, magnitudine fere salmonibus pares, qui vado hic non alto, ac parte sui extra aquas eminentes, non difficilem sui capturam præbent. *Francherval*, *Semange*, (paret hic locus Duci Niverfii) & *Douzi*, prope quem fluviolus *Cher*, uno ab urbe milliari, in Mosam excurrit.

Regio tota montosa est, sylvis arboribusque densa, quæ usibus incolarum apprime conducunt, sive exstruenda sint ædificia, sive profligandum per hiemem frigus, sive conficiendi carbones, quibus in fabrorum fornacibus ferrum fusile redditur. Dites enim hic circumcirca reperias ferri fodinas, è quo arma bellica, galeæ, clypei, thoraces, gladii, confici solent. Ab eo latere, quo Ardennæ sunt saltus, prærupta montium juga surgunt, vallibus gratissimis jucundissimisque interstincta, quasi Thessala Tempe. Vallium laudatissima ea est, quam *Querimont* vocant, arboribus, longelateque in quincuncem dispositis, confita, ambulantium recessus ordinarius. Cervos, hinnulosque magna alit frequentia, cuniculorumque incredibilem vim. Eam irrigat fons aquæ uberrimus & limpidissimus, qui arcem ipsam permeans, urbem ingreditur, varieque per tubos ac canales subterraneos sparsus, non solum publicis in locis, plateis, compitisque aquas fundit, verum etiam privatorum ædibus

Gallia.

admissus, grato irriguoque humore cives recreat. Ante ipsam urbem ponte egregio stratus est Mosæ, qui, ex ipsis aquis exsurgens, eam Gallia annectit, aut ab ea interstinguit. quem transgressis apparent campi plani, qui à montibus Gallicis quasi descendentes, versus Mosam exspatiantur. pascua sunt pecori gratissima.

Antequam belli civilis motibus concuteretur *Urbs de- scriptio.* Gallia, minus celebris fuit hic locus; verum cum territorii hujus Domini religioni Protestantium essent addictissimi, accidit, ut quotquot in ipsa Gallia, ob fidem, quam profitebantur, durius haberentur, huc tanquam ad asylum ac refugium locum frequentes se reciperent, experti erga se summam Dominorum Sedanensium humanitatem ac benevolentiam. Confluentibus itaque indies huc ejusdem religionis ac doctrinæ hominibus, etiam orthodoxis concionatoribus hic loci degentibus, primum erectum fuit Collegium *Collegium.* ali- quod, sive Schola trivialis, erudiendæ juventuti; inde etiam Academia, quod locus iste Musarum *Academia.* crederetur esse domicilium aptissimum ac commodissimum. In ea non solum linguæ Latina, Græca, Hebræa doceri cœptæ, sed & artes ac disciplinæ graviores, Theologia, Iurisprudentia, Philosophia, vocatis ad earum professionem undecunque viris doctissimis, gravissimisque. Inter *Viri in ea celebres.* eos non postremum tenuere locum Daniel Tilenus, Theologiæ Professor, Silesius, editis libris clarus: Desiderius Heraldus Iuriconsultus, literarum gloria celebris, Græcæ hic linguæ Professor, postmodum in Parisiorum Curia Advocatus: Samuel Neranus, vir insigni variaque eruditione, qui Græcanicas itidem literas cum laude docuit: Albertus Huttenus, pietate, ac doctrina eximius, Hebraici sermonis Professor, ac promotor sedulus, postea in Batavorum Insula verbi Divini præco fidelissimus. Nec silentio prætereundi, Andreas Melvinus, quem captivum à Britannia rege precibus impetravit Dux Bullionensis, motus fama nominis ejus; & Iacobus Capellus, qui & Concionatoris ibidem, & postquam Hebræam linguam ad tempus professus esset, Theologiæ Professoris munere functus fuit.

Anno 1611, liberalitate ac munificentia ipsius Ducis Bullionensis, Bibliotheca erigi cœpta est, *Bibliotheca.* quæ

C c c c c

Cives.

quæ hortatu ac studio D. Iustelli I. C. Secretarii Principis, magnique literarum ac literatorum fautoris, brevissimo tempore omnis generis, facultatumque variarum libris supra modum aucta fuit. Cives humani, seduli, industrii, partim opifices, partim mercatores. Inter illos excellunt armamentarii, qui ex ferro armaturas omnis generis cudunt, loricas, thoraces, galeas, sclopeta, eaque probatissima & per universam Galliam expetita. Nec defunt hic, qui lanam tractent, & in varias formas texant. Nec minus arma tractare norunt, ac si veterani essent ac bello assueti.

Alluit urbem Mosâ, cujus ripæ usque adeo imminet, ut aquis suis molas, in cavitate propugnaculi cujusdam in Mosâ prominentis exstructas, circumagat. Duo in urbe templa sunt, unum vetus, in quo per vices Catholici & Reformati conciones habere solebant. Alterum novum, forma oblonga ac rotunda, quam ovalem vocant, in quo jam Reformati soli concionantur, concessio Catholicis templo veteri. Suos novum illud habet peridromos, ut maximam auditorum frequentiam admittat, quorum omnium oculi in Concionatorem dirigi possunt. Ædes ferre omnes ex vivo lapide ac durissima petra constant, quæ ex vicinis montibus excinditur. Tecta imbricatim assurgunt, plateæ latæ satis & patentes, ut urbs hæc tum civium modestia ac morum probitate, tum ædificiorum elegantia ac mercatu, reliquis omnibus vicinis urbibus præcellat.

Et, ne quid defit, adversus bellicos insultus munitissima est: propugnaculis suis sibi invicem respondentibus validissima, quæ ipsa proxime ambit murus, è lapide ad hos usus exciso, cujus copiam præbent montes vicini, imprimis fossæ castellum seu arcem cingentes. quæ ob lapides quotidie erutos, in profunditatem tantam dehiscunt, ut abyssus desuper spectantibus appareant. Qua parte urbis lateri montes adjacent, imminet illi Castellum sive Arx, quæ sensim ex humiliori loco, versus montium fastigia ascendit. Valida est, magna, patens, propugnaculis suis terribilis ac invicta, ea arte fabricata, ut vicina montium nocere obsessæ non queant. Fossæ itidem profundæ ac stupendæ altitudinis. Armis, tormentis bellicis, omnique apparatu Martio instructissima est. Sedem hic sibi ac domicilium deligit Princeps Sedanensis.

Dominium hoc olim fuit hæreditarium Domini *Principes* minorum *de la Marche*, quod tandem, desiderata prole mascula, ad filiam Charlottam *de la Marche* devolutum, cessit Henrico Turonio Vice-comiti *de Tureyne*, &c. primo Galliæ Mareschalco, qui dictam Charlottam matrimonio sibi junxerat. Atque hic quidem Princeps, Bulionii quoque Dux; cujus filius ex Elizabetha Nassovia, secunda uxore, in Principatum Sedanensem successor, ac Dux Bullionius, Ludovico XIII Regi Christianissimo, eundem Principatum suæ veluti fidelitatis pignus asseruit; hodieque Coronæ annexus est.



LACVS


Flumina
minora
complura.Lacus Ge-
nevensis de-
scriptio.

Elen, oppid.

Seillon, arx.
Lozane, op-
pidum Epi-
scopale.

L A C U S G E N E V E N S I S,

Ac cognominis Ducatus descriptio.



SI Helvetia me protulisset in lucem, aut longo eam tempore frequentassem, accuratè singulorum nomina fluminum recitarem, quæ Genevensi seu Lemano lacui miscentur, cœuntque in suburbanis Yvorne oppidi, quâ Rhodanus Lacum ingreditur, quondam exstructi, sed ante sexaginta circiter annos terræ tremoribus everfi. Quædam tamen è numero non parvo obiter excerpam, de fontibus seu scaturigine eorum minimè sollicitus, quod extra Galliæ ditionem nascantur, ut nonnulli alii amnes, qui velut advenæ quidam ortum aliundè ducentes, Galliam tamen variè interfecando fecundant. Vocabula minorum fluminum Genevensis influentium in Lacum ista sunt: *Elin, Egin, Saltina Vesp, Vfsents, Viesch, Lans, Massa, Drance, Dala, Sitta, Moissa, Lifferna*, &c.

Flumina
minora
complura.

Lacus Ge-
nevensis de-
scriptio.

Lacus igitur hic, quem ab Genevâ, ac Lausannâ urbibus, alterâ ad influxum Rhodani, ad exitum ejus è lacu alterâ positâ, cognominant, omnium Europæ Lacuum maximus est, maximeque navigiorum patiens, leucarum quindecim seu sedecim longitudine, latitudine quatuor duntaxat porrectus, tam altus quibusdam in locis, ut profunditas ejus sæpè tentata, quingentorum cubitorum bolide explorari nequiverit. Is interdum, cum nulli in superficie flant venti, interiore vento seu æstu suo tam altè fluctus, celo etiam tranquillo ac sereno, attollit, ut sævientis freti speciem, non stagnantium congeriem aquarum exhibeat. Initium ejusdem est à loco *les Monteyz en Chablais*, protenditurque ad Genevam urbem usque, orâ ejus passim nitore oppidorum, ædificiorumque splendore conspicuâ.

Elen, oppid.

Primum autem quod occurrit oppidum, est Elen, angustum murorum suorum ambitum interiore ædificiorum elegantia compensans; quod Sabaudia Ducis quondam jugum excussit, ut Vallesius se redderet, qui id cum Bernensibus Gundenfi agro deinde permutarunt. Nam, etsi eundem quem semel fortita sunt situm loca constanter retineant, dominorum tamen ac fortunæ sunt vicissitudinibus obnoxia. Paulo inferius Lacui adfidet *Seillon* arx Regia; atque hinc leucis tribus deorsum est Lausanna oppidum, quo Amadeus Sabaudia Dux, ad supremum Pontificatus fastigium Felicis nomine accepto evectus, Basileense Concilium transtulit, qui deinceps Pontificiam dignitatem Christianæ pacis amore

Seillon, arx.
Lozane, op-
pidum Epi-
scopale.

Gallia.

ultrò Nicolao V, reliquit. Porro *Lausanna*, quæ & *Lofana* ad Lacum Lemani ripam appellatur, jam ante quina sæcula fuit Episcopali sede inclinata, Episcoporum longum recensens Catalogum. Tenuit eam diu Carolus Burgundia Dux, qui apud Moratum fusus ab Helvetiis, Nancei naturæ debitum persolvit. Moratum autem Germanis *Murten* dictum, cognomini appositum est Lacui, cujus loci meminit quædam Germanica, ac Latina inscriptio, in quodam sacello, quod cæsorum prædicto in prælio ossa continet, conspicua. Occuparunt Lausannam aliquando Sabaudia Duces; at injusto eam titulo possidentes, perbreve ejus dominium habuere. Nam Lausannenses vicinæ nimium dominationis osores, ac memores pristinae libertatis, impositâ servitute abjectâ, Bernensium se commendarunt tutelæ.

Genevensi quoque Lacui miscentur torrentes seu rivuli quaterni, *la Venege* scilicet, *le Veiron*, *l'Aubonne*, & *le Pourmentou*, qui ex Burgundia montibus descendunt.

Oppositâ in orâ est Gavotius ager, leucarum trium, aut summum quatuor intervallo diffusus, in quo S. Gingulphi est oppidum. Separatur is à Ballivatu Tonnonio *Dranse* amne interfluente, qui duplici è fonte profluens, duos in rivulos secatur, qui *Dranse* vocabulo retento, (altero tamen ab abundantia, à vallibus altero cognominato,) supra *Traverse* locum junguntur, ut pari passu, postquam diu aspera rupium trivère, Lacum subeant Lemani. Superandus est *Dranse* amnis lapideo ponte, viginti duobus ex arcubus composito.

Ad eundem lacum modico à *Dranse* amne spatio visitur *Ripaille*, locus Amadei, primi Sabaudia Ducis secessu clarissimus, qui solitariè quidem hîc, sed tamen delicatè vivens, quemadmodum istorum temporum scriptores commemorant, à Basileensi Concilio deinde Romanus Pontifex fuit designatus. Ab hoc Duce Gallicum proverbium (*faire Ripaille*) provenit, quod lautè vivere significat.

In medio Lacu, juxta perstreptentem Rhodanum, Saxum extat, cognominatum à Neptuno, vulgo *la pierre de Neyton*, quod aræ loco erat, veteribus Gallis, hîc Neptuno aquarum præfidi sacrificantibus. Haud procul hinc abest Avianum, incolis *Erian*, Comitatus titulo insigne oppidum, ac frequenti lauro, & frutice, quem rorem marinum appellant, notissimum.

Geneva in orâ sedet lacus cognominis sive Lemani, quo loco Rhodanus amnis amisso in lacu nomine redonatur. Fuit ea temporibus Cæsaris

D d d d

Allo.

Episcopi
Lausannenses.

Torrentes
varii.

Gavot, regio
exigua.

Dranse
fluvius.

Ripaille.

Prover-
bium Galli-
cum Faire
Ripaille
unde na-
tum.

Avianum,
oppidum.

Genevâ,
urbs Duca-
tus inclita.



BURGUNDIA COMITATUS SATIS PARS FRANCIAE PARS

Benevole Lector
F. Franciam G. Generam
denotat.

LACVS LEMANNI
LOCORVMQVE CIRCVM
IACENTIVM ACCVRATIS
SIMA DESCRIPTIO.
Auctore
IACOBO GOVLARTIO GENEVENSIS.



Allobrogum civitas ultima, sicut nunc Helvetiæ quædam est clavis, atque urbium Lacui appositæ postrema. Sapiens hic ac magnanimus Imperator Genevæ suâ dignatus præsentia, majestatem suam ejus arctari mœnibus voluit, ad cujus capiendas victorias nimis angustum sibi videbatur Imperium Romanum. Ceterum de Cæsare memorant Historici, quod, cum prælio adversus Helvetios commisso conjiceretur in fugam, omne aurum atque argentum suum demerferit in Rhodanum, qui thesaurum Cæsareum adhuc alveo suo continere putatur, inexplorato hætenus loco, quem Sole clarum lucente quidam sibi notatum fuisse arbitrabantur.

Situs ejus.

Situm obtinet Geneva inter Lacum cognominem, agrum Vallesium, ad Bernenses spectantem, Sabaudiam, & Ballivatum Gex, qui Gallicæ ditionis est. Porro Rhodanus hanc urbem duas in partes dividit, quarum major civitas appellatur, minor suburbium S. Gervasii, à templo quodam huic Divo sacratum. Ternis pontibus ligneis ex urbe in suburbium, ac vice versâ ex hoc in illam est transitus, frequentato tamen magis ponte majore. Duo ex pontium numero ternario sunt pluribus molis, ac tabernis utrimque opificum instructi. Pons ultimus, macello vicinus, locum habet conficiendo nitrato pulveri comparatum, interpositâ inter hunc & sequentem insulâ, quæ triremes publicas custodit, atque in turri firmissimo opere ab Iulio Cæsare constructâ apparatus bellicum asservat. In extremo pontis officina monetaria est, insigni horologio visenda. Ceterum Heliogabali dominatu urbem gravi absumptam incendio reedificavit Aurelius Imperator, Aureliamque suo de nomine vocavit: at cives deinde antiquitatem conditoris gloriæ præferentes, abolito recenti urbis nomine, vetus pluribus memoratum Historicis revocarunt in lucem, quod eo clarius docere possent suorum gloriam majorum, atque urbis suæ antiquitatem.

*Vires ejus
sive potentia.*

Si Urbis situm, firmitudinemque portarum, murorum, propugnaculorum, turrium, interque has Turrim præcipuam, in Lacus orâ instructam, atque Armamentarium vario armorum genere, hostiumque spoliis instructissimum, consideres, naturâ ac opere urbem contra hostium assultus munitissimam concludas necesse est. Hac de causâ in vulgari ejus nomine inventum fuit anagramma *Vengée*; quod vocabulum Genevenses semper ab hostibus suis vindictam sumpsisse testatur.

Viarum pulchritudo, quæ porticum in modum per urbem ad arcendam pluviam Solisque ardores directæ sunt; splendor ædificiorum, quorum pleraque quadrato ex lapide materiata, in insignem altitudinem confurgunt; publicarum ornamentum arearum, ager suburbanus vinearum, pratorum hortorumque amœna varietate distinctus; frugiferi colles; ambulationes jucundæ, mirè recreantes prospectus, montibus terminati, ac fluviis, truttas magna gignentibus copia, ut Arvus, è montibus Vossignii descendens, Lacusque, in quo peculiare est Piscatoribus vivarium, delicatissimis quibuslibet piscibus refertum, quos magnatibus seu viris princi-

pibus, transeuntibus hanc urbem solent offerre; denique mercatorum frequentia, ac rerum propè omnium perfacilis annona, vicinorum Principum cupiditatem irritant, ac commorandi aviditatem advenis inculcant.

Non sum nescius, variis de causis Sabaudos Genevæ suo Duci adscribere. Prima ex Imperatoriis Declarationibus depromitur, quæ Genevensi Episcopum, Spiritualem licet, Temporalemque urbis constitutum Dominum, ac S. R. I. Principem, Sabaudia Duci, tanquam superiori submittit. Altera prætensionis causa ex monetâ Ducis Sabaudia nomine atque effigie signari solitâ arguitur, qui reis omnibus impunitatem concedendi jus habebat; cum neque Episcopus, neque urbis Senatus eâ autoritate valeret, ut vel unicam pronuntiaret, multo minus exequeretur criminalem sententiam, sine Iudicium à Duce designatorum consilio: quæ sanè luculenta sunt superioris Domini argumenta. Proinde multorum usu sæculorum compertum habemus, sine prædicti Ducis consensu Genevenses cum vicinis exterisque nullum unquam foedus pepigisse; eosdemque, quotiescunque Sabaudia Dux adventabat ad urbem suam, claves illi submisionis obtulisse indicio, ceteraque præstitisse officia, quæ in Principes suos conferre subditi debent.

Ex adverso Episcopus se unicum urbis Temporalem Dominum esse propugnat, Pontificum Romanorum autoritate Imperatorioque milite, atque Helvetiorum decreto publico contra Sabaudia Duces, ac Genevæ Comites longo tempore constanter defensum; donec incolæ anno 1536 excusso Sabaudi dominatu, Episcopum quoque, cum omni clero ex urbe expulerunt, Palatio Episcopali in publicum carcerem converso.

Iam verò populus Genevensis asserit, fuisse omni ævo liberam Imperii Civitatem Genevæ, quod ex Aquilis bicipitibus, Templi parieti antea pluræ sæcula insculptis evidenter appareat. Huic gubernandi ratio accedit, ex Aristocratia Democratiaque composita; populus quippe potestatem suam omnem transfert in Senatores viginti quinque, quo in numero quaterni sunt Syndici, quævis baculus niger, argento utrobique munitus, autoritatis argumento gestatur. Quem primum ex Syndicis nuncupat, illi præcipue cura Reipublicæ incumbit, reliquis tribus ad diversa munia obeunda adhibitis. Porro ex viginti quinque Senatoribus istis quintus quisque dignior judicatus Instantiæ primæ jus habet. Est etiam, qui Quæstoris seu Thesaurarii generalis munere fungatur, aliis alia curantibus. Ducentorum Consilium, publicis negotiis decidendis adstrictum, à viginti quinque Senatoribus eligitur: at Consilium generale, è civium numero quantocunque compositum, Syndicos alioque Iustitiæ ministros designat.

Omnia hæc munera in idoneas collata personas, procul remota gratia, præclaram gubernandi rationem constituunt, qua primum sibi locum vendicat publicarum rerum cura, alterum redditio juris, tertium vero punitio criminum, inter quæ adulterium, Romanæque religionis

*Sabaudia
Ducis in
Genevæ
præsentio.*

*Dioecesis
amplius*

Arve fluvius.

Alandon.

*Tornan,
Lyon,
Versoy,
Alamogno,
rivoli.*

Memorabilia de monte.

*Ducatus
Genevæ*

gionis exercitium Genevenfi in ditione strictè prohibitum, maximè puniuntur. Consultandi autem sive deliberandi tot Senatoribus locus est Palatium Curia, magnifico opere exstructum, ac eleganti sine gradibus ascensu, lapidibus affabre strato, latoque adeo, ut onustum currum nullo negotio excipiat, visendum. Hic in Senatorum conclavi septem sine manibus picti in pariete Iudices cernuntur, in medio eorum sedente excepto, qui unimanus æquitatem balance expendit.

Sed cum nobis fas non sit inter Rempubli-
cam, Ducem atque Episcopum agitatum diu li-
tem componere, prælio rectius quam judiciali
tollendam decreto; illud de Diœcesi addemus,
quod ea trecentas & quinquaginta parœcias
contineat, præter collegiata templa, Abbatiæ-
que Entremont, Filiac, Sifferay, S. Catherine, Six,
Abondance, Hautecombe, Alpes, & Bonemont.

Vix Genevam egressus est Rhodanus, & ecce
Aruns amnis, in ipso urbis exitu lapideo supe-
randus ponte, è Fosigny montibus præcipitatus,
interdum tantâ intumescit violentiâ, ut celer-
rimum licet, ac quævis rumpentem obstacula
Rhodanum repellat, visæque aliquando sint Ge-
nevenfes molæ adverso amne circumagi. In Rho-
danum quoque Alandon cum pluribus aliis rivulis
demergitur. Rivulorum nomina ista sunt: l'A-
london, in Ballivatu Gexio natus, le Tornan, le Lyon,
la Verfoy, & l'Alamogne, omnes Gexiis è monti-
bus decurrentes in Rhodanum. Ceterum mons
Gex alio nomine appellatur Mijou, cujus initium
est à Munimento Escluse, porrigiturque ad Val-
lesios usque, Comitatumque Burgundiæ, uno
regiones hæc loco ab invicem divellens, qui vul-
go la Combe de Mijou indigetatur.

Montis hujus, qui tot nobis rivulos fundit,
memoranda sine scelere præterire non possum;
è quibus primò se offert aurifodina Thueriana,
quæ subeuntem sibi aquam secretâ quadam sa-
nandi morbos virtute impertit; adeo ut duplici
morbo duplex hic inveniat medicina; aurum
minuendæ avaritiæ, quæ gravis animi est mor-
bus; aquam verò efficacem gravissimis quibus-
que doloribus corporis tollendis. Alterum est
arbor ea latitudine diffusa, ut commodè ho-
mines sexaginta à pluvîâ, aut à Solis tueatur ar-
doribus. Tertium miraculum puteus est capaci-
tate insigni, qui delapsis è cœlo imbribus, illicò
guttas grandiores hæc altitudine eructat, cœlo
sicco quietus. Saltus istius causam faciliè cogno-
scas, ubi exploratum tibi fuerit, posse fontem sca-
turiginis suæ altitudinem contingere, quemadmo-
dum hîc accidit, ubi aqua editiore è loco descen-
dens, invento sub terrâ meatu, in puteum hunc
cum impetu devolvitur, ac soluta quasi terreno
carcere, ad majorem libertatem saliendo anhelat.

Ducatus Genevenfis, olim Comitatus titulo
contentus, à Genevensibus fuit Comitibus pos-
sessus, qui Principum ordine censebantur, ut Sa-
baudo ex Equite apparet. Vassallos Ducum Sa-
baudiæ eosdem fuisse, investituræ continuatio te-
statur, quæ voluntaria plerumque; nonnun-
quam etiam, fastidientibus dominatum Comitibus,
violenta extitit. Celebris hîc quondam
agitata quæstio fuit, quando Roberto Gene-
venfi, qui familiæ suæ postremus, eo ipso tem-
pore Romanus Pontifex Avenione sedebat, Ge-
Gallia.

nevenfis Comitatus obvenit. Putabat is ob Pon-
tificatus majestatem esse se ab accipiendâ inve-
stiturâ immunem; at responsum accepit, per
Procuratorem ut ageret, quia id sua indignum
personâ arbitraretur. Bellamera tunc acuto casum
consilio decedit, quod operibus suis inseruit.
Vitâ functo Roberto, sorores ejus prætere-
sionem, inprimisque natu major, in Vil-
lartiam initis nuptiis familiam transgressa; tum
Auriacus Cabilonenfi ex domo Princeps, Dux-
que Bavariæ, non minore jure successionem sibi
deberi putaverunt; Imperialis verò Camera pro-
prietatem Genevensis ditionis ad Imperium de-
volutam asseruit. Amadeus ejus nominis octavus,
Dux primus, à Sigismundo Imperatore Geneven-
fis Comitatus adjudicationem obtinuit, cessis
ei juribus quibuscumque Imperiali Camera com-
petentibus, cum expressa prohibitione, ne quis
deinceps Genevensia usurparet insignia. Idem
Amadeus Villartiorum præteritione redemptâ,
hunc tranquillè Comitatum possedit, quem
deinde Amadeo filio concessit, cui liberi nulli
fuere superstites. Janus Sabaudus, Ludovici Du-
cis filius, eundem postea tenuit, qui sine heredi-
bus masculis excessit. Tandem Philippo Sabau-
do, Duci Nemorensi traditus, ad ejus fuit ne-
potes transmissus, quos Sabaudicæ gentis ca-
put seu columen eo tanquam feudo suo investit.
Fuit autem Ducali titulo hic Comitatus dona-
tus ab Emanuele Philippo, in gratiam Iacobi Sa-
baudi, avi Ducis Nemorensis hodierni.

Genevensis ager, Dominiis Fosigny & Beaufort eo-
dem comprehensus, Permutatæ regionis, Comitatu
Burgundiæ, Sabaudiæ, agrisque Chablais & Taran-
taise, ac valli Cremayeur, conterminus est. Is ad quin-
denas circiter leucas se explicans, eximie fertilis
est, ac frequens arboribus, pluribus olim familiis
illustribus augustus, è quibus multæ intercidere.

Clariore ex Equestri Genevensium ordine sunt
Claromontii, Virii, Mentonii, Dovynii, Chivronii,
Hautevillani, Compesi, Ruffillionii, Beaufortii,
Sanjoirani, Sacconæi, Crofillefdii, Salenovii, Lor-
næi, Arantonii, Coudraei, Noverii, alique com-
plures, qui fortassis pari sunt cum jam memoratis
nobilitate, sed nobis haud æquè perspectâ.

Anicium, vulgo Anissy, Genevensis agri ho-
die metropolis est, atque Episcopi sedes, qui-
busdam Nisi vocitata, à Græco nomine νῆσος,
quod insulam significat; olim namque vasto hæc
urbs ambitu sua mœnia extendit, omnem illam
planitiem complexa, quæ ab hodierno urbis
termino ad portum Brogni pertingit, & Lacu,
amnisque Thion & Ciet quasi tota circumdata:
Aliis Latine Annexiaquum seu Annessiacum indige-
tatur, quasi Annexum aquis; antiquitus autem
Civitas bovis appellabatur. Clara est ea variis an-
tiquitatum monumentis, ut numismatibus, ur-
nis, inscriptionibus, aliisque. Annus 1448 ur-
bem casu exorto incendio penitus absumpsit;
atque ex eo tempore longe minorum murorum
ambitum accepit. Situs ejus amœnus est vicino à
Lacu, tribus in longitudinem leucis, atque uni-
câ in latitudinem porrectus, qui quadruplici al-
veo ingressus urbem, commoditati incolentium
navigabilis existit. Facile posset hic Lacus in
plures secari alveos sive canales, & ex hoc loco
minores quædam Venetiæ componi. Arx urbis
E e e e e magni-

Diœcesis
amplius.

Arve su-
vis.

Alandon.

Tornan,
Lyon,
Verfoy,
Alamogne,
rivuli.

Memora-
bilis de hoc
monte.

Ducatus
Genevensis.

Genevensis
agri ampli-
tudo.

Nobiles Ge-
nevenses.

Anissy, me-
tropolis.

magnifica est, sed ob editiorem vicinorum situm locorum non æquè tuta. Ducis nomine jus dicit Præsidiale collegium, ex Præsede, & binis Assessores compositum, à quo ad Cambericensem provocare Senatui fas est. Est etiam hîc minor quædam Computorum Camera, recipiendis agri vectigalibus comparata, Iudexque omnibus in primâ instantiâ communis. Vrbs parva sit licet, est tamen splendore templorum censenda. Templum Marianum Decanus habet cum suis Canonicis; quod Duces Genevenses Mausoleum sibi elegere. Mauritanum majori parœciæ præest; templum S. Sepulchri antiquo Fratrum S. Sepulchri Prioratu insigne est; Dominicanum ab adædificato P.P. Prædicatorum cœnobio augustius est. His Franciscanum accedit, in quo S. Petri Genevensis Canonici usque ad annum 1536 divina celebrarunt officia, paulo post à Reformatæ religionis assediis Genevâ urbe proscripti. Clarissæ, per idem tempus Geneva exire iussæ, Anneffiacum confugerunt, ubi Episcopus Genevensis jam inde sedem habuit. In hac ipsâ urbe Franciscus Salesius Episcopus, vir omnibus numeris absolutus, ac verissimum Episcoporum exemplar, Visitationis religiosum ordinem pro Deo dicandis virginibus instituit, qui per brevi Franciæ terminos egressus, circumjacentibus etiam regionibus innotuit.

Loca in
Genevensi
tractu alia.

Lacus Anneffiacus cum fluviis *Tonne*, *Fleurie*, & *Seran*, qui unum omnes alveum infra *Seyssel* oppidum subeunt, Rhodano quoque miscetur. *Seran* amnis, diversus ab eo qui à Brescia profuit. *Rumilly* oppidulum incolis frequentissimum interluit, quod situm in agro quodam fortitur, de quo alibi: reliqui Genevenses ex jugis decurrunt. Cetera hujus tractus nobiliora loca sunt *Entremont*, Abbatia titulo inclutus locus, *Tamiers* Abbatia, S. Amadei mons, S. Catharinæ Abbatia Virginibus designata, & *Cheyferi* Abbatia, Comitatus Burgundiæ confinis; *Taloire*, vicus ingens ac Prioratus Regius; *Rocheville*, oppidulum mœnibus septum & mercatu celebre; *Faverge*, olim Baronatus, nunc Comitatus; *Tono* frequens emporium; *Clairmont*, amplissimus vicus, Baronatû titulo decorus; *Claumont*, latè patens vicus; *Menton*, Baronatus, S. Bernardo Mentonio clarus, qui Peninis Alpibus nomen dedit, non autem S. Bernardo Clarævallenf; *Vigne*, oppidum mœnibus clausum; *Torens*, Baronatus; *Viry* Baronatus; *Mornay*, Baronatus; *Crusilles*, ingens vicus; *Albi*, muro conclusum oppidum; *Montou*, Baronatus; reliquorum commemoratione locorum superfedeo. Nata Seminesis in montibus vina commendationem præ ceteris merentur; at Tarentasiæ montes cum Genevensibus tridui propemodum itinere pertexentes juga, vinum album ac subrubens eximiâ copiâ producant.

Fossigny,
Baronatus.

Fossigny, vetus Baronatus est, olim filiis ex Genevensi domo natu minoribus solitus assignari, deinde Delphinatibus possessus, tandem Sabaudicæ ditioni permutationis jure accessit. Dominium utile hujus Baronatus ad Nemorensem Ducem nunc spectat, manente penes Sabaudicæ Ducem directo illius dominio. Peculiari Ballivatu gaudet, ac Iudice in oppido *Bonneville* tribunal habente. Porro in superiorem inferioremque

dividitur, quorum hic priore rarior in montes attollitur. Montem Baronatus celsissimum glaciale incolæ, eundemque maledictum appellant, ob nives adsiduas, CrySTALLI materiam. Tanta est ejus altitudo, ut Lugdunum Portâ S. Sebastiani egressis, quadragenis licet adhuc leucis ab eo remotis, spectandum se præbeat, vertice ejusdem contra morem aliorum hujus tractus montium omnino deserto.

Sallanca Superioris Fossinii caput est, montes ac flumen *Arve* interjacens. Id portis licet careat mœnibusque, oppidum est totius Baronatus amplissimum, & item mercatu celebre. Loca reliqua sunt *Flumet* & *Megeve*, duo oppidula montana, circumstructo muro defensa; Clusæ utriusque Fossinii metropolis censetur, in ripâ fluminis *Arve* naturâ loci munita. Annexa sunt illi suburbia bina, quorum alterum *Recolle* & *Thor* ornatu cœnobio: Situm inter cetera Fossinii loca medium fortitur, conventu eligendo Ballivo, imponendisque tributis notior. *Tanninga*, parvum est oppidum, sed Clarissarum cœnobio, falciumque mercatu nobile. *Samoën*, ingens parœcia est mercatu nota, montibus amque interjacens; cujus præstantes casei, quos vulgo *Vascherins* nuncupant, ab exteris etiam mercatoribus expetuntur. Non longe hinc abest Abbatia Sixia.

Sallanca
oppid.

Flumet,
Megeve,
oppidula.
Cluse,

Tanninga,
oppida.

Samoën.

Bonavilla, oppidum ad Arvum flumen, in ipso Fossinii inferioris aditu, arce antiquâ, quæ oppidanis imperat, ac tribunali conspicuum, ad Nemorensem Ducem spectat. Vicinæ illi sunt arces *Pressy*, *Asnières* & *Tours*. *Bonne*, locus est situ prorsus amœnus, cujus munimentum solo æquatum est. Sequuntur S. *George*, *Passy*, præstanti vino notissimus vicus; *Contamine*, Abbatia; S. *Ioire*, frequens incolis vicus, & Baronatus in S. Mauriti Comitatui; *Vieu*, oppidulum cum arce situ opportuno exstructum; *Boège*, magno ambitu vicus, Baronatus titulo decoratus; *Chamonny*, itidem vicus est.

Six, Abbatia.


Lacus Benedictus versus Bonavillam oppidum montis cujusdam verticem tenens, duum millium passuum ambitu, à duabus vicinis parœciis anniversario S. Claudii die benedicuntur, ut moderata ejus inundatio sit, ac minus damnosa ac colis existat. Interea *Arve* flumen progreditur, quod postquam Munimentum præterit cognomine, subitque inferius pontem, Genevensis agri terminum, ad Rhodani alveum properat, quaternis aut quinis delapsis è monte rivulis jam auctior. Rhodanus isto aquarum influxu gravior, cursu in Meridiem directo, duabus Genevâ ab urbe leucis pontem Charcium attingit, eo loco, quo superioribus annis S. Catharinæ Munimentum Sabaudicæ Dux in quadam crepidine figurâ pentagonâ condidit, quinis munimentum propugnaculis, ac bellicis tormentis ad vexandos Genevenses instructum, quod Henrici IV Galliarum regis consensu una fuit nocte sic dirutum, ut altero die etiam Genevensis ferme dubitasset, hîc prædictum S. Catharinæ Munimentum stetisse. Huic Genevenses opposuerant secundum, quod etiam solo fuit æquatum, ut inter Sabaudicæ Ducem ac Genevensem Rempublicam diu agitata lites quodammodo sopirentur, donec firmior eas pax tolleretur.

Lacus Benedictus.

S A B A V.

COMITATUS RUSCINONENSIS,

Coliovra, Perpignianum, Salça, &c.



I partas nostro sæculo, Gallorum Regum strenuitate, victorias, hisce voluminibus coronidem imponens, reticere; cuiusdam velut oscitantia, aut negligentia reus forte iudicarer: quapropter, quod hinc adicere de-

crevimus, à Ruscinonensi Comitatu ordiemur. Felix prorsus ista regio, cuius ora, Francorum Principum irrorata sudoribus, fertiliores evasere, quam Oceani, aut fluminum è Pyrenæis montibus effluentium undis irrigata: suntque profecto illorum armis, quam suarum amplitudine terrarum nobiliores; nec unquam tantopere superbierunt tres ista civitates, Coliovra nempe, Perpignianum & Salça, ternique regionem hanc percurrentes fluvii, Egli nimirum, Latet, & Tech, quàm cum suis in littoribus florere LILIA, suisque mœnibus accrescere perceperunt.

Postremus autem iste fluvius, Tech videlicet, è colle Arensi descendit, pontemque Ceretensem permeat, ac demum in mare provolvitur subtus Elnam, citraque urbem Coliovrensem, quæ quidem prior omnium hujus regionis urbium, saltem earum, quæ alicujus sint momenti, arma Gallorum experta est, cum antea Franciæ Regibus parère recusasset. Urbis istius situs atque munimenta, nec non & suppetiarum sibi in promptu affuturorum certitudo, ingensque fortium virorum, quibus custodiebatur, numerus, Gallorum quidem aciem retundere potuissent, victoriarumque ab iisdem præsentiarum cursum præscindere, nisi peritissimi Franciæ milites cunctas artis machinas perrumpere didicissent, devictis jam terra marique naturæ viribus.

Egli amniculus multis è rivulis coalescit, qui velut divisa quædam venæ è montium Pyrenæorum jugis defluunt, atque haud procul à Stigel uno junguntur alveo, ut sic in Mediterraneum mare procurrant inferius à S. Laurentii fano, & paulo ultra maximam Salçæ Leucataque paludem. Porro Leucata in Oxitaniæ finibus posita est, à Francisco Primo, Gallorum Rege, condita, quasi firmissimum adversus hujusce regni hostes propugnaculum; ipsi quippe huic duntaxat rei intendunt, ut sui fines dilatent imperii. Salça autem à Carolo Quinto Imperatore extructa, ut civitati Leucatenfi ex adverso repugnaret: at illam subjugarunt Galli, quamvis præaltis ad cælum turribus esset munita, murisque prævalidis ac propugnaculis circumdata, quæ ad nihil aliud profuerunt, quam ut civium magnanimitatem strenuè repugnando testarentur, nec non & illorum gloriæ characteres suorum ædificiorum marmoribus fortius imprimerent.

Gallia.

Latet est maximus hujusce regionis fluvius; at tamen non adeo celebratur ob alvei sui altitudinem, qui quidem procul incipit inter montes Aragoniæ, quàm ex eo quod Perpignianenses muros alluit. Decrevi porro istius urbis amplitudinem potius in ejusdem origine ac progressu ostendere, quam ipsius fluvii; ut sic Gallica indoles splendidius elucescat.

Fuit omni sæculo civitas hæc inexpugnabilis; unde & facile conjici potest quam strenui fuerint, quantaque illorum potentia, qui sibi illam subegerunt. Repetamus illius antiquitatem, ut ad nostra tandem tempora descendamus.

Invaluit apud nonnullos hujusmodi sententia, Lucium Perpennam Hispaniæ Proconsulem, Perpigniano nomen dedisse, corrupto forsan vocabulo; quæ quidem ratio nominis ad nostrum maxime facit institutum; ex tali enim observatione ingens emicat Francorum gloria, eam nimirum urbem ipsos superasse, quæ Romanis olim rerum Dominis triumpho materia extitisset; certissimum quippe est, Gallias potissimum fuisse Romanorum Imperii portionem, imò primariam dissolutionis tanti Corporis, quod longe lateque toto terrarum orbe protendebatur, causam. Porro sita est ista civitas juxta Latet fluvium, in amplissima fertilissimaque planitie; nec ullo ex latere quidquam ei dominatur, quin potius minatur omnibus propter eximiam situs eminentiam, arx namque ipsa scopulo insidet, urbsque sufficientibus munimentis vallata, etsi non omnibus in locis ad amissim observatæ fortificationum regulæ, quas itidem sectari opus non fuit; iis enim lateribus arx prævalet, quæ non finit hostes propius ad muros accedere; aut si accesserint, bellicis eos machinis nullo penitus negotio quatere potest. Ceterum nec aqua deficit fossis juxta muros circumductis, neque in urbe ipsa, tum ob puteorum, qui in ea sunt, multitudinem, quam ob fontis ad illam singulari artificio deducti abundantiam. Incolas autem quod attinet, præterquam quod rebus omnibus ad defensionem necessariis illam munierunt, semper ab omnibus generosissimi habitati sunt; nam & Hispani Historiographi, suæ nationis recensentes historiam, ubi de urbium obsidione agitur, illarumque à civibus propugnatio- ne, ceteros quidem Constantes appellant defensores; Perpignianenses vero Constantes-Desperatos vocitant; hac loquendi formula suggerere volentes, civem Perpignianensem gloriosam magis mortem præoptare, quàm locum sive urbem adversario cedere.

Arx Perpignianensis vetustissimo constat castello, quod in ea vicem turris obtinet, sexque ingentibus munimentis regalibus, quæ eò fortiora sunt, quod & se invicem tueantur, nec à quocumque possint ullatenus invadi. Non possunt alibi tot inveniri tormenta bellica; unde cum hostibus nulla

E e e e 2



COMITATUS RUSCINONENSIS, &c.

nulla expugnandæ arcis spes affulgeat, illam duntaxat à longe saluant, sicque ab eorum ictibus immunis evadit; & flammivomæ ex adverso machinæ nonnisi accedentibus summa circumspectione militibus loquuntur, hacque ratione ingens fit fragor, at nullus omnino effectus. Propugnacula durissimæ rupi superstructa nequaquam possunt à cuniculariis excavari, suntque altitudinis non vulgaris, nec è planitie possunt bellicis tormentis concuti; & cum sint undiquaque protecta, atque ipsa scopuli crepido ingenti prælargaque fossa obducatur, scalis superari non potest. Iacet arcis in medio eximius armorum locus, ubi acies consistere queat parata in prælium, hostemque jam subingressum repellere. Hic tanta tormentorum bellicorum copia, ut quod apud Reges exteros pluribus asservaretur in urbibus, castellis, aliisque ejusmodi locis, Hispanus ipse unicâ Perpigniani arce recluserit. Accedit, quod cum maximi esset apud Hispanos momenti istius arcis præfectura, idcirco nonnisi magnanimi Duces illi præficerentur, ac strenuis militibus custodienda mandaretur. Demum ut noveris quantæ molis sit Perpignianum, illud velim pro certo teneas, quod nempe, quidquid calamitatis aut infortunii, Arragoniæ Castellæque Regibus acciderit, urbem hanc vix aliquando expugnatam fuisse, aut saltem potius urgente maxima necessitate, quam armorum violentia. Ab anno 1462, ad annum 1474, urbs hæc multas ex Catalaunorum rebellionem adversus Joannem Arragoniæ regem calamitates perpeffa est; huic autem (Joanni nempe) suppetias tulit Ludovicus Undecimus, Francorum Rex, agente Iacobo Armagnaco, Duce Neaufensi, sed assignatis prius Franciæ in pignus Ruscinonensi & Cerdanensi Comitatibus, cum urbibus annexis, agrisque dependentibus. Initio quidem contractus hic bona fide fuit servatus; at postmodum Arragonensis pacto non stetit: unde offensus supra modum Ludovicus, urbem hanc tam arcta obsidione cinxit, ut eam sibi subegerit anno 1474, quo Cardinalis de Ambosia, pompaticè in eam vice Regis ingressus est. Ceterum pertinaces adeo fuerunt obsessi, ut prius quam se dederent, corium omne, catulos, mures, imò & suosmet infantulos absumperint, præter trecentos homines Gallos, quos immaniter confoderant, & muriæ immiserant, ut hac ratione in extremæ necessitatis tempus asservarentur.

Ex vi Concordiæ à capto Perpigniano initæ, totus Ruscinonensis Comitatus Franciæ paruit, donec Carolus Octavus, patre jam vitâ functo, bella per Italiam moveret. Is igitur pacto cum Rege Arragoniæ inito, Perpignianum cessit, ut hac ratione securius Neapolim subjugaret; Arragonensis autem cum verbis non steterit, Franciscus hujus nominis Primus nullum non movit lapidem, quò Perpignianum recuperaret. Hanc itaque urbem 40000 hominum obsidione cinxit. Idem, anno 1542, injuriam sibi à Carolo V. Imperatore illatam vindicaturus, Ruscinonensem decrevit invadere Comitatum; eamque ob rem Delphinum potentissimo stipatum exercitu illuc ablegavit, cum interim Dux Guisacensis intra fines Luxemburgensium ingentes quoque virorum bellicosorum turmas immitteret. Delphinus ergo Perpignianum obsedit, quam ex insidiis

capere moliebatur, res autem illi ex adverso cessit; cum namque Hispanus omnes belli machinas, ex devicta Algerensi civitate asportatas, ibi deposuisset, & 8000 hominum præsidium insuper adjecisset, tanto ardore milites erupere, ut expulsi Delphini cohortibus, omnia pene Gallorum tormenta ceperint, iisdem postea Perpignianum advectis. Eapropter soluta est, non absque Francorum clade, Perpigniani obsidio. At forte insignem hujus triumphus gloriam Ludovico Iusto fors reservarat; qui summa omnino prudentia, non satis prospiciente Duce-Comite, urbem hanc invasit. At non solum quanti sit momenti Perpignianum, sed & quanti sit Francis emolumenti perpiciamus. Primò quidem Perpignianum Oxitaniam in tuto servat, adeò, ut quæ olim civitates tanto in pretio fuere, Narbonna nimirum & Leucata, nunc præsidia tantum, aut propugnacula quædam Statui inutilia censeantur, cum fortioribus prævaleat apud inimicos: Regiam quoque dominationem ad Comitatum Franciæ finitimum extendit, qui & amplitudine, rerumque omnium abundantia gloriatur, quique ab Historiographis, Hispaniæ brachium & medulla cognominatus est: Liberam quoque viam aperit in Catalauniam; quæ quidem provincia nunquam non Franciæ, difficilis custodiæ visa est. Tandem etiamnum Franciæ Regi paret civitas Perpignianensis; at de ejusdem novissima obsidione ampliorem nequaquam mentionem facio, cum ipsa omnibus innotuerit: Gradum itaque faciam ad alias Gallorum victorias, quarum alibi descriptiones exhibebimus: in præsentem autem sufficiat nomina tantum indicasse.

Nuper multis emicuerunt victoriis LILIA, arma nempe Regum Ludovici XIII, ac XIV, ejus filii. Primò namque in Belgica Flandrica captæ fuerunt urbes Atrebatensis, Bapalmenfis, Hefdinensis ad Canchium amnem, S. Pauli, Bethunenfis, Rentyensis, Lillerensis, S. Venantii, Bourbourgenfis, Mardicensis, Wattenfis, Cassellensis, Licensis ad Aa flumen, Basleensis, Lens, &c. In Comitatu vero Hannoniensi, oppida de Landrecy, Quercetum, Condaum, S. Gislei, &c. In Ducatu Luxemburgensi, Thionisvilla ad Mosellam, Damvillierium, Montmedy, &c. In Belgica Germanica possidet Rex Christianissimus subsequentes civitates, quas vulgari idiomate referam, nempe: Hagenau, Zabern sive Saveri, Molsen, Bensfeld, Schlestat, Rheinfeldt, Colmar, Ruffac, Defford, &c. Nec plura de Brisacensi civitate ultra Rhenum, in Regione Brisgaviensi; Badensem quoque Marchionatum, Ducatumque Wirtembergensem, Sueviam, Inferiorem Palatinatum Cis-Rhenanum, ac demum urbem Philipsburgensem silentio transmittito. In finibus Sequanorum recensentur & alia non ignobilia loca, scilicet, Bletteranum, Oppidum S. Amoris, Arbosia, Polignium, Lura, Vesolium, &c. Inde Comitatus Montis-Beliardi, Potentrusia, Comitatus Pfirtenfis seu Ferretæ. Sunt etiam plures aliæ tum Catalauniæ, tum Italiæ civitates, quas enumerare supersedeo; cum enim jam quieverint horrenda belli tonitrua, nec non & in terris utrique Coronæ subiectis Oliva Pacis revirescat; peracta res est; & novit unaquæque civitas, quisnam sit Rex cui & præstare debeat obedientiam, & apprecari Salutem & Felicitatem.

S A-

Clades.

Sabaudorum origo.

Sabaudia montes.

Incolarum mores.

Vires.

Regimen.

Alia Gallorum victoria.

S A B A V D I Æ D V C A T V S.

Sabaudia-
rum origo.



Abaudorum nomen à Sabaudo Archiepiscopo Arelatenſi, ſub Childeberto rege Sedis Romanæ in Franciâ Vicario legatoque Apoſtolico traxit originem, qui imbutæ à ſe fide Catholicâ genti montanæ nomen in Baptiſmatis ſacramento ſuum impoſuit, quemadmodum Duces ſeu Reguli eorum *Ceſtitudinis* titulum ſibi vendicarunt, cùm is primum in Italia cœpit eſſe in uſu, cui deinde adjectivum Regiæ appoſitum, ut à minoribus ſeu inferioribus diſtinguerentur.

Sabaudia
montes.

Ceterum Sabaudica gens vaſtis celſiſque montibus includitur: in quibus novitate varietateque rerum confunduntur viantes; modò enim montes illi viarum tranſitus aperiunt, quos paulo poſt occludunt; hîc videas ſublimia juga attolli, alibi ruſſum deprimi; hoc loco montes longiore tractu protendi, iſto contrahi; nunc in planitiem ſolum diffundi, ac deinde arctari in vallem: unde natum de Sabaudiâ proverbium, eſſe eam diſcordis inſtar ſymphoniæ, ejuſque vias tonorum imitari naturam varietatemque.

Incolarum
mores.

Innata quædam huic genti ſtupiditas eſt, quam etſi aliquâ parte frequentatione exterorum videatur amittere, eam tamen quam maximè retinent in dictis ſcriptiſque ſuis. Perſuaſiſſimum eſt illi Ducem Sabaudia primum Orbis terrarum Principem eſſe; patriam, terram miraculorum; montes, auro atque argento gravidos; & ſi tot hîc flumina eſſent, quot numerantur torrentes, non dubito, quin montes ſuos terreſtrem paradifum eſſet dictura.

Vires.

Situs ditionum Sabaudicarum & ad exercenda commercia, & ad prohibendum in Italiam tranſitum eſt opportunus, maximis quibuſque facinoribus à Romanis aliſque Italiam tentantibus in Alpium theatro patris.

Præſidiis inſtructiora loca ſunt *Vercell*, *Aſt*, *Nice*, *Carmagrolle* & *Montmeillan*, ſingula etiam pacis tempore quadringentis aut etiam quingentis militibus cuſtodita.

Porrò ex omni Sabaudiâ, militum ſeu ferendis armis maximè idoneorum habito delectu, Dux facilè peditum colligit viginti millia, equiteſque ter mille ac quingentos, quorum plerique ſunt nobiles. Maritimæ Ducis vires in quinſ aut ſenis triremibus conſiſtunt; nec tenue adjumentum à S. Mauriti ſanctique Lazari Equitibus accedit, qui ex flore Nobilitatis delecti, quadringenti eſſe debent, ſinguli candidâ in pallio cruce decori. Ceterum Sabaudicis copiis præeſſe quidam ſolet Admiraliſi titulo. Regiminis ſeu gu-

Regimen.

Gallia.

bernationis ratio ab ipſo Duce tanquam à fonte proficiſcitur, qui Senatus adjuvatus conſilio, quod ex magno Cancellario, pluribuſque conſiliariis è Clero, Nobilitate & Magiſtratibus delectis, compoſitum eſt.

Iuſtitia adminiſtratio eſt penes tria Parlamenta, quorum primum Cameriaci ſedet, pro Sabaudiâ, alterum Taurini pro Pedemontio, tertiumque Nicæ pro Comitatu cognomine ac Vallibus ab eo dependentibus. Dux Nemorenſis Sabaudicâ è Domo Princeps pro Genevenſi tractu, qui aſſignata illi portio eſt, Tribunal ſtabilivit *Anici*, à quo ad Cameriacenſem Senatum licitè provocatur.

Ærario provinciæ duo Præſecti præſident, alter ciſmontanus, ultramontanus alter.

Ærarium.

Sabaudia Ducatus Comitatuſque Nicæ ſuum quique Gubernatorem habet, Vicarii generalis ſub titulo, quibus eadem quæ Gubernatoribus provinciarum in Galliâ auctoritas eſt.

Gubernato-
res provin-
ciarum.

Ceteræ provinciæ, ut & urbes ac Munimenta, ſuum quæque à Duce nanciſcuntur Præſectum, functione eorum plerumque ad triennium durante.

Iam inde ab antiquiſſimis temporibus regio ſplendore ſeu pompâ miniſtratum fuit Sabaudia Ducibus à magnis Aula, Stabulo, Cubiculo, Venationi, aliſque functionibus præſectis. Cuſtodes corporis ordinarii in quadruplici diſcrimine ſunt, qui Aulam ſedulò obſervant, prodeuntemque in publicum Ducem comitantur.

Duci Sa-
baudie re-
gio more
miniſtratur.

Eſt & Duci domesticum ſacellum vulgo *Chappelle* appellatum, iſque privilegiis exemptionibuſque reſidentia gaudens, quibus ſacri Canones ſummorum Regum affecere ſacella; ingreditur id Dux clangente tympanorum tubarumque ſonitu; neque Archiepiſcopum aut Episcopum ſacris operantem in Episcopali Cathedrâ ſe præſente permittit, illique prius quàm ipſi thurificatur Episcopum.

Sacellum
Ducale.

Sabaudia ditionibus maſculus ſemper potitur, excluſis ſceminis, qui & in Franciâ mos obinet.

Successio.

Per omnem Sabaudiam duo tantum ſunt Archiepiſcopi, Taurinenſis, & Tarentaſinus, cujuſ ſedes eſt *Moſtiers* oppidum; Episcopum verò undecim, Genevenſis, cujuſ nunc ſedes *Anici* eſt; Maurianenſis, cujuſ ſedes eſt Fanum S. Ioannis; Auguſtanus, Vercellenſis, Ivreanus, Aſtenſis, Albanus, Foſſanus, Salucenſis, Mondevianus, Nicæuſque. Sabaudici etiam iuris quondam fuere Episcopatus Bellicenſis & Laufannenſis, quorum ille in Gallicam, ille in Bernenſium ditionem pertransiit. Solius Catholicæ religionis in univerſa Sabaudiâ cultus eſt publicus, ſingulari fato vicinorum Genevenſium religione Reformatâ excluſâ.


Religio.

Præter memoratos ordines Equeſtres, alius in Sabaudiâ eſt, ab Annuntiâ indigetatus, cujuſ primum inſigne roſa fuit, poſtea verò Virginis

Ordo Equi-
tum An-
nunciata.

F f f f f

Annun-



Annunciata imago, mutante Symbolum Carolo cognomento Bono, abavo Ducis hodierni, à quo recens Annunciata nomen invenit. Addidit ei Emanuel Philibertus Dux quinarium Equitum numerum, in honorem ac memoriam quinque vulnerum Christi.

Porro ad antiquam Sabaudicam Domus gloriam quod attinet, est ea post Francicam Domum, inter omnes Christianorum Principum familias, antiquitate Nobilitatis maximè incluta, ut quæ continuâ successione exorata Ducum suorum seriem ad hanc diem propagarit.

Limites hodierni.

Amplitudo.

Sabaudia, in genere seu universè accepta, terminatur hodie ab occasu Solis Rhodano ac Guier fluminibus à parte Regionis Permutatæ; à Meridie Delphinatu; à Septentrionibus lacu Genevensium, & Valfiorum regione; ab Oriente verò Pedemontio. Longitudo summa directâ linea accepta, si Vallem Augusti simul comprehendas, à Ponte Bellovacensium ab Occasu, usque ad Vallem Valfisæ Ortum versus, amplius duos longitudinis gradus occupat, ex quibus sexaginta leuca Gallicanæ confurgunt; à littore vero lacus Lemani supra Hujanum sumpta, usque ad Delphinatus prope *Esilles* oppidum confines, implet latitudinis sesquigradum, qui leucas Gallias quadraginta componit.

Verùm si Sabaudiam intra Ducatus terminos coarctes, extenditur ea à Rhodano amne ad Vallem Maurianam usque spatio leucarum circiter duodecim, continetque lacum *Bourget*, lacumque *Aiguebellette*, vulgariter appellatum, valles *Chantagnan*, præstantissimi vini feracem, *Baugensem* pascuis fecundam, *Sanpetrianam*, *Miolanamque* frugum ac fructuum omnis generis eximiè fertilem; quemadmodum etiam omne illud spatium terrarum quod vulgò *la Combe de Savoie* nominant.

Præcipuè hoc loco observandi sunt montium latera, qui infra Cameriacum à loco, quem *S. Ioire* nuncupant, *Chenin*, *Tormeri*, *Montmeillan*, *Arbi*, *Crues*, *Saint Philippes* oppida, ultra *Miolanum* porrecti vinum album subrubrumque producunt, quæ bonitate cum quibuslibet aliis æquo jure contendunt.

Urbes aliæque loca.

Urbes præcipuæ sunt *Chamberi*, *Montmeillan*, *Rumilly*, *S. Genis*, *Aiguebelle*, *Aix*, *les Eschelles*, *S. Pierre d'Albigni*, *Miolans* & *Conflans*, præter haud exiguum castellorum vicorumque numerum, quibus hæc regio undique ornatur.

Cameriacum metropolis.

Porro metropolis hujus Ducatus est Cameriacum, antiqua Ducum Sabaudicæ sedes, ac Parlamenti nunc statio, quod Senatus appellatum nomine, compositumque ex quindenis Senatoribus, ac Præsidibus quatuor, non solum domi, sed etiam foris ob accuratam juris redditionem inclaruit; decisiones quippe seu decreta ab hoc lata Parlamento, atque ab Antonio Fabro primo Præsidente collecta, in omnibus penè Tribunalibus allegantur. Quidquid terrarum cis montes est, ad hujus jurisdictionem Parlamenti spectat.

Ceterum Cameriacum ingens quondam urbs fuit, at incendio ante bina circiter secula vastata, angustiores murorum circuitum accepit. Stipatur nihilominus adhuc suburbiiis ternis, ex benè materiatis domibus compositis. Situs ejus

mirè amœnus est, sortitus planitiem, coronatusque undique fecundis collibus, quos crebræ passim arces ac prætoria seu voluptatis secessus illustrant. Urbs ipsa crebros in fontes limpidissimarum aquarum erumpit, quæ è *S. Martini* colle scaturientes, per multiplices aquæductus sive canales in varia urbis loca dispertuntur. Duo præterea amniculi, ac præsertim *Albana*, pleraque sub ipsas urbis vias decurrens, purgandæ urbi, ac aliis incolentium commoditatibus inservit. Porro insignis arx urbem tuetur, quæ tamen adhuc imperfecto opere conspicitur, quemadmodum etiam Sacellum sanctum, in quo olim sacratissimum erat repositum Sudarium. Peragunt in hoc Sacello seu templo divina viginti duo Canonici, atque unus Decanus, qui Sabaudici Cleri sub Gratianopolitano constituti Episcopo est caput. Constat autem Episcopatus Gratianopolitanus Decanatibus quatuor, è quorum numero Sabaudicus est, cui Prioratus ac parœciæ complures, ut *Lemens*, *la Motte*, *S. Ioire*, *Bessy*, *Entremont*, *S. Bardot*, aliæque subiectæ sunt.

Sunt Cameriacenses valdè Catholicæ religionis cultui addicti, quod in urbe & suburbiiis variorum templorum decens ornatus testatur.

Mulieres Cameriacenses inconcinno prorsus more vestitæ, speciem exhibent venustarum fecundæ carceris inclusarum, aut syderum obscurâ circumdatorum nube: quidquid enim pulchritudinis corporibus earum natura concessit, id indumentis suis ab omni elegantia alienis deturpant. Diceres profecto eas studio quodam in istum absurdum ferri ornatum, aut similes esse muribus istis, qui montanis in locis nascuntur. Est animal hoc magnitudine felis, cruribus brevibus, crine aspero, ore auribusque sciuri, cujus carnes præterquam quod salubres sint stomacho, plurimis adferunt morbis medicinam. Idem sex aut septem mensibus continuis, à medio Septembri scilicet ad Martium mensē usque sine ullo alimento indormit, Augusto mensē fœnum conquirens, supra quod se componendo quietam hyemem transigat.

Quamquam flumina complura suas aquas ad purgandam hanc urbem contribuant, nihilominus tamen multi ex incolis strumatici sunt; quod malum frequens apud Sabaudos est, ex aquarum frigiditate causatum. Eandem ob causam in obstructis à Sole locis glacies se per plura secula conservat, quotannis sua assumens augmenta, ac montium verticibus prædurum tegmen præbens. Porro se ipsa purificata ac perspicua reddita, duritiem crystallinam cum tempore sibi adsciscit, eo prorsus modo, ut dubites effossane sit è terræ visceribus crystallus, an glacies, quæ quibusdam in locis in Germaniam mutata crystallum, Mediolanum expolienda portatur. Liquefacta hæc, aut contusa in pulverem glacies, si adhibito vino sumatur, certis quibusdam morbis medetur.

Cameriacensium ædificia magnam habent cum Genevensibus affinitatem, in ipsas vias columnarum adminiculo protrusa, ut deambulantes à Sole ac pluvia præstent immunes. Arx supra portam Victoris Amadei Ducis, ejusque conjugis, veluti duorum hujus patriæ geniorum, signa ostendit.

Fœminæ Cameriacenses inconcinne vestuntur.

Mures Alpini.

Struma frequens in Sabaudia malum.

Glacies in crystallum mutantur.

Asara amnis.

Arcus fluv.

Munimerum Briga con.

Mengiv fluv.

Conflans oppid. munimerum.

Miolans oppid. firmum.

Semay fl.

Montan fl.

ostendit, cum simulachris Prudentiæ Pudicitia-
que; quæ duæ virtutes vera sunt Principum ad
rectè gubernandam provinciam, ac immortalem
consequendam gloriam ornamenta.

Egre Miolanum aut Montemelianum oppi-
da attingas, nisi Isaræ amnis eò te alveus dedu-
cat, cujus origo in Sabaudia statuenda est, eo
loco, quo Arcus & Mengiva amnes alveos mis-
cendo, in novum flumen transire videntur. Inde
Delphinatum prope Montemelianum ingreditur,
ac jam navigiorum fit patiens, quæ Gratiano-
polim, ultraque in Rhodani alveum devehit.

Isara
amnis.

Arcus fluo.

Munimen-
tum Brian-
çon.

Mengiva
fluo.

Conflans
oppid.
munitum.

Miolans
oppid.
firmum.

Semar fluo.

Montmeil-
lan Mun-
imentum.

Ad Arcum flumen quod attinet, ortus is in
loco, qui *le Col du petit Bernard* indigetatur, Taren-
tasiæ percurrit, vallemque Augusti irrigat,
lambensque Munimentum S. Iacobi, accessu dif-
ficili transit *Monstiers*, oppidum, antiqui Archie-
piscopus sedem, sacris Conciliorum monumen-
tis celebratam; de qua commodior erit loquen-
di inferius occasio. A *Monstiers*, ubi divisum al-
veo ejus interfluente oppidum saxeus pons jun-
git, ad Munimentum *Briançon* devolvitur, præ-
cellæ rupi impositum, à solo fluminis latere ac-
cessibile, ubi ducenti aut trecenti gradus ascen-
sum præbent; & tamen Lesdiguierius sub Hen-
rico Quarto, Rege Galliæ, imperator exer-
citus, expugnato Munimento hoc, artem & na-
turam superavit. Ad Confluentes oppidum Ar-
cus & Mengiva unum in alveum coeunt, quorum
hic ad radices montium *Fossigny*, è cognomine
vico prorumpens, cum Arco Isaram flumen
componit.

Conflans oppidum munitum est, ad Isaræ amnis
in Tarentasiæ ingressum locatum, incolis fre-
quens, ceterisque rebus omnibus, & ad toleran-
dam obsidionem, & ad claudendum in valles
aditum probe instructum. Ceterum cognominis
Marchionatus est caput.

Vix Isaræ amni origo & nomen constitit, cum
illico Miolanum attingit, veteris Baronatus ca-
put, imposita rupi arce defensum, quæ horren-
dis licet præcipitiis tutissima esse videatur, ta-
men in Magni Henrici regis potestatem vicino
metu concessit, oblatam gratiam dubio Martis
præponens eventui. Hinc procul Arcus amnis
conspicitur, cui conveniens nomen obtigit, quod
in modum arcus intensi fornicatum alveum for-
tatur. Originem ejus in monte *Cenis* locant,
haud longe ab incunabulis *Semar*, aliud Sabaudia
flumen, quod violenter Montem *Cenis* egres-
sum, & ingenti strepitu ima rupium compellans,
ad Fanum D. Ioannis in valle Mauriana devolvi-
tur; indeque positam in rupe ad montium fau-
ces arcem *Charbonniere* salutatur, ad cuius turrin,
quæ quædam arci frons est, unica rupi incisa
via te mittit. Locus hic duabus celebratur de-
causis, cum quod in primum hujus provinciæ
Munimentum fuerit dicatus; tum etiam quod
Thomam, Humberti filium, Sabaudia Comitem
ac Pedemontii Principem ediderit in lucem. Ce-
terum amnis *Semar* Isaræ demum supra *Chamoasse*
locum miscetur.

Isara Arci aquis auctior ac potentior factus,
Montemelianum, locum munitum petit, quem
per plana locorum porrectum, deindeque inclu-
sum montibus, cum *Mantula*, celebri in Burgun-
Gallia.

dicâ Historiâ loco, nonnulli confundunt. Oppi-
dum ipsum exiguo circuitu, nec firmo mœnium
& propugnaculorum opere, nec numero inco-
lentium instructum, arcem habet in summa ru-
pe, è media surgente planitie, exstructam, ab
oppidi parte duntaxat fossis munitam, quinis
immanibus propugnaculis, ac crebris tormentis
bellicis defensam; quod exprimere Sabaudi
proverbio solent, cum quid firmiter se statuisse
declarent: *Ne omnes quidem Montemelianæ arcis ma-
chine bellicæ à mea me sententia dimoveant.* Isara hoc
loco ponte instruitur, alioque ad Gussolinum,
oppidum Montemelianum ac Gratianopoli inter-
jacens.

Montemelianum & Cameriacum inter con-
spicitur cœnobium illud, quod *Nostre-Dame de
Mians* incolæ appellitant, Fratribus S. Francisci
strictioris Observantiæ possessum, multitudine
miraculorum celebre, præcipueque ideo, quod
unicum hoc loco sacellum, cum gravissimus ter-
ræ motus, sub Friderici II, Imper. dominatu,
S. Andrea oppidum, cum quinque Parochiis
vicinis evertit, constiterit inconcussum; quam-
obrem vicina circum loca *Abyssi* nomen hodie-
que retinent.

Natura loci ac cura Principis inexpugnabilem
Montemelianam arcem reddidere; est ea quip-
pe extra cuniculorum minas locata, nec scalis
ascendi potest præcipitiorum de causa, tormen-
torumque globi in ipsos recidunt obsidentes.
Solis ea avium patet volatibus, ac fami sitique,
spiritibus cuncta locorum pervadentibus. Porro
ipsa in rupis vertice excisum puteum habet.

Sub Henrico II Galliarum rege, Brandi-
fio Comite arcis Præfecto, expugnata ea fuit,
perductis in altissima vicinorum montium su-
pra fidem humanam tormentis bellicis qua-
dragenis.

Non procul hinc Albana tenuis amnis se in
Isaram flumen exonerat. De Serano amne quod
est, Isarum subit apud *Rumilly*, oppidum non
magnum, at frequens incolis, fertili conditum
loco, arcium circumpositarum varietate amœ-
num, sedesque Nobilitatis antiquæ, quæ excelsa
montium sibi domicilium elegit, ut puriore no-
bilioreque spiritu donatum. Vicinum est Mu-
nimentum *Annuntiata*, ac Abbatiali titulo infi-
gnitum virginum nobilium Monasterium, *Bon-
lieu* appellatum.

Aque, vulgari vocabulo *Aix*, exile oppidum
est, caput cujusdam Marchionatus à Cambe-
riensi familia possessi. Celebre id est Decanatu,
& Canonicorum secularium capitulo, in quo-
rum templo asservatur è ligno (ut creditur) Sa-
cro sanctæ Crucis à D. Hieronymo crucula con-
fecta. Thermæ hic aluminosarum sulphurearum-
que aquarum magno ægrotantium seu morbido-
rum concursu frequentantur, qui his ipsis aquis
malunt lavari, quam Apothecariorum ignotæ fi-
bi virtutis pharmaca sumere; quæ, præterquam
quod majore precio emantur, longe incertioris
sunt quam aquæ hæ operationis.

Hautecombe Abbatia titulo decoratus locus, ad
lacum *Bourget* conspicuus, veterum Sabaudia
Comitum sepulchralibus monumentis notissi-
mus est.

Monte-
liana arx
diripitur à
Gallis.

Serram fl.

Rumilly
oppid.

Annun-
tiata Mu-
nimentum.

Aix oppid.

Hautecom-
be Abbatia.

Fons admi-
rabilis.

Fons, quem *Miraculosum* appellant, ac *Haute-combensem* Abbatiam illustrat, ad singulos horæ dimidiæ decursus patitur decrements, simillimus in eo Bellestatio fonti, qui spatio horarum duodecim vicibus totidem copiosus profluit, totidemque arescit, temporum dimensione tam æqua, ut nec horologium suas accuratius horas recenset; at hic tanto mirabilior existit, quod ante profluvium horrendum fragorem prodromum emittat, haud alienum ab eo, quem, aut exonerans se in mare copiosior amnis excitat, aut tonitruorum vi depulsa nubes, quasi natura in hoc miraculo producendo summe eniteretur.

Les Eschelles.

Les Eschelles, seu *Scala*, à via regia, ad quam incisa sunt rupi, originem nominis traxere. Persuasum fuit nonnullis, hoc loco Hannibalem ferro, igni atque aceto aditum in Italiam suo aperuisse exercitui. Celebris hic locus est quadam Ordinis Equitum Melitenum Commendaria, sepulchroque marmoreo, à quadam Sabaudia Ducissa exstructo, in quo statuae artificiosissime elaboratae ejus repræsentant affinitatem.

Familia illustrior.

Illustriores in Sabaudia familiae sunt Marchiones Cameracenses, sanctique Mauriti à Chabotum domo, Comites Montis majoris. Barones Serrani, gens Grolæa, Chasteaufortia, Seissellia, Moussia, Chastilloniam, Turnonia, Escherallia, Gruffia, Sonnasia, aliaque complures.

Chablais Ducatus.

Limites ejus.

Genevensis Ducatus sequitur Chablæus, sub quo Ternier & Gaillard Baillivatus, agrique S. Victoris & Capituli. Terminis clauditur à Septentrionibus lacu Lemano, Vallesiorum regione ab Ortu, agro Fossinensi à Meridie, & Genevensi ab Occidente. Longitudo ejus ad novem aut decem porrigitur milliaria, latitudine tribus aut quatuor summum milliariis contenta. Sedes hic veterum Veragrorum, ac pars forsitan Coloniae *Equestris*, unde nonnulli appellationem nominis à Caballis derivant. Regio ipsa fertilis est atque amœna, variis castellis arcibusque distincta, antiquæ Nobilitatis Sedes. Inter hæc quoque Marchionum Lullinorum domus locum sortitur. Familiae nobiliores sunt Armanicia, Lucingia, Alingesia, in cujus potestate Munimentum est; Chastelardia, Monthonia, Corfingia, Vallonia, Charmosia, Sanpaulina, ac multæ præterea alia. Spectant ad hunc tractum Valles *Aux* & *Abondance*, quarum utraque veteri Abbatia claret. Tilly ad Lacum itidem Abbatia superbit.

Tonnon caput Ducatus Chablais.

Caput Ducatus est *Tonnon* ædificiis bene materiatis, pulchrisque viis instructa urbs, Palatio publico, ædibusque Marchionis Lullini ab hortensi adjuncta amœnitate arearumque varietate laudatis conspicua. Cœnobium hic sunt Capucinorum, Barnabitarum, collegiumque Presbyterorum, quale PP. Oratorii solent habere. Porta urbis in prata, arva ac vineas Serraninas te mittunt.

Ducatus Aoste.

Limites ejus.

Aoste Ducatus è senis late patentibus vallibus componitur, præter eam, à qua ipse nomen suscepit. Porrigitur is spatio leucarum triginta, à *Courmayeur*, loco Fossinensi agro vicino, usque ad locum *Varal sur la Sesia*, ad Mediolanensem territorium spectantem. Terminos habet Novarensem, Vallesianum, Fossinensem, Tarantesi-

cum, & Pedemontanum agros. In valle cognomine plurima Romanarum antiquitatum monumenta inveniuntur. Est autem Ducatus hic, ut & Chablæus, avitum Sabaudicæ Domus patrimonium. Comites Sabaudia hinc Ducatus titulum sumebant, antequam in Ducatum eveheretur Sabaudia. Chalandia gens quondam Vicecomitis *Aoste* usæ est titulo, in ejusque ditiones fuere arces hujus tractus pulcherrimæ. Rarior hic Nobilitas est; nam præter Chalandios, qui à Chastillonis Fenisique descendunt, Avisi, Vallesii, Clii, Nussii Serresiique notantur.

Caput hujus Ducatus est *Augusta Prætoria*, quondam Romanorum Colonia, Episcopali sede jam olim clara, satis elegantibus ædificiis media in valle ornata, ac triumphali Augusto Cæsari dicato arcu prope integro, amphitheatroque, ac aliis Romanæ magnitudinis monumentis insignis. Ager ejus angusto se spatio explicat; fertilis tamen est, imprimisque vini apiani. Reliqua loca præcipua sunt *Bard*, arx munimento suo clara, qua vallis occluditur; *Donas* locus sub scalis, hoc est, via ducentis & amplius gradibus rupi incisis ascendente, quo loco pervasisse in Italiam Hannibalem multi existimant; *Mont-Iovet*, qui locus Priscis *Mons Iovis*, & *Mons Bardum* appellatus, Munimentum est rupi incubans, quæ valli dominatur subjæctæ; Fanum S. Vincentii; *Verrez*, arx munita; *Chastillon* oppidum cum arce; *Cly*, *Hur*, *Fenis*, *Issogne*, *Morges*, *Avise*, castella sunt haud contemnenda, præter multa alia, quæ Vallis Valeisana includit; *Gressonay*, *Gressenche*, *Rema*, *Courmayeur*, & *Cogne*.

Vallis Mauriana ad octodecim circiter leucas porrecta, prima Comitum Sabaudia sedes, atque antiquissimus eorundem titulus fuit. Initium hujus vallis est supra Montemelianum apud confluentes Arcus & Isaræ, terminaturque qua mons *Cenis* se paulatim in planitiem demittit, Sabaudia Ducatui, Tarantesiæ, Delphinatui & Pedemontio contermina, minores valles alias à latere complexa. Illa tota extare in rupes videtur, pascuis tamen vinoque Australi in parte, frumento sufficienti, & croco eximio abundat. Parochiæ in ea frequenter omnes incultæ centenario numero sunt. Cameracensis gens quondam majorem ejus partem possedit. Arces præcipuæ jussu Ducissæ Blancae ob Cameracensium conjurationem fuerunt demolitæ. Rara hic quoque Nobilitas est; incolæ enim montanis educati in locis ægre Nobiles tolerant, ad sola commercia nati. Pontia gens tamen Gallicanis monumentis celebratur, Petri Pontii de causa.

Metropolis hujus Vallis est Fanum S. Ioannis, urbs media in valle conspicua, antiquo Episcopatu incluta, ac jam inde juxta viam regiam à temporibus primorum Burgundia Regum celebrata. Cetera loca sunt *la Chambre*, *S. Iulian*, *S. André*, locus optimo caseo notissimus; *Modunne*, cui Deiparæ cognomento Carmelitanæ templum, magna in veneratione oppidanis habitum imminet; *Visse*, *Braman*, *Lanebourg*, præter alia dispersa per montes loca.

Tarantesiæ vetus Comitatus est, leucarum duodecim circiter procurrens, ac Sabaudia Ducatui, valli Maurianæ, Fossinensi agro, vallique Au-

Amplitudo
et loca ejus.

S. Maurice
Marchio-
natus.
Columna
Iovis.

Mosiers
Archiepi-
scopus.

Munimen-
tum S. Ia-
cobi.

Sabaudici
soli quali-
tatis.

Fructus.

*Amplius
et loca ejus.* Augusta confinis. Numerantur in hoc Comita-
tu castella seu vici viginti quatuor satis frequen-
*Tignes &
Aïre val-
les.* ter inculti; complectitur vero Tignesium atque
Isaranam valles, quarum posteriori suum debet
Isara nomen originemque, quemadmodum etiam
familia quædam, à qua Comitatus titulo tene-
*S. Maurice
Marchio-
natus.
Columna
Iovis.* tur. S. Mauriti vicus cujusdam Marchionatus
est caput, qui sat longo spatio versus S. Bernar-
dum minorem protenditur, quo loco *Columna*
Iovis visitur, famigeratus diabolica olim in vian-
tes tyrannide locus.

Atque hinc paulo post in Vallem Augustam
ingressus est, quæ sublato ponte, qui flumini im-
positus, inaccessa videri debet. Marchionatum
hunc quondam Centrones tenuere, populi ex
Alpibus Grajis profecti. Romanorum temporibus
caput ejus erat *Forum Claudii*, quod deinde
Tarantasia vocitatum, universæ regioni nomen
imposuit: hodie *Mostiers* appellationem invenit,
clarum antiquo Archiepiscopatu, cujus frequens
in Conciliorum decretis fit mentio. Oppidum
ambitu exiguo Isaram flumen per medium sui
secundum Palatium Archiepiscopale admittit,
quo loco utraque fluminis ripa lapideo ponte
jungitur, transitusque ex hac in illam oppidi par-
tem est. Situm porro in amœna sortitur planitie,
quam ab omni parte alta montium circumdant;
suntque perdifficiles accessus, torrentibus ac
præcipitiis periculosiores viarum angustias red-
dentibus.

Salinæ Ducis hoc loco cernuntur, à quo arx
Briançon unica duntaxat leuca abest. Communis
hic item ex Sabaudia in Tarantasia, & hinc in
Italiam est transitus, custodiri facillimus. Mu-
nimentum S. Iacobi eodem situ ostenditur, ac-
cessusque item difficili. S. Mauriti vicus adhuc
rudera quædam murorum suorum exhibet.

De qualitate Sabaudia in particularium de-
scriptione locorum meminimus, nunc de ea uni-
versè dicendum est nobis. Habet igitur Sabau-
dia colles vallesque frumenti eximie fertiles, ac
montes maximam partem in fecunda pascua
diffusos, alibi tamen ob nivium frequentiam fru-
menti parum feraces, filigine ad tertium deci-
mum mensem hærente sub terra: feritur enim
Augusto mense, nec ante metitur, quam anni
sequentis September illuceat, nisi nives forte &
tum messes impediunt. Ad armenta gregesque
alendos pascuorum hic plus satis est; unde illa
carnium, lanæ, coriorum, butyri caseique copia
existit. Mittit has merces Fossinensis ager par-
tim ad Genevenses, partim ad Lugdunenses,
partim etiam ad Germanos; idem minutiore
frumento, avena, ac præstanti genere legumi-
num abundat. Montemelianum, Chantanium,
ternis à Camberio leucis, *Costerouge*, Inferiusque
Fossinium excellentia vina producant, ut & Mau-
rianus ac Genevensis agri, in quorum hoc lacus
Anicius est, truttis delicato piscium genere per
omne anni tempus abundans, carpionibus item,
idque Majo mense.

Fructus. Noces exprimendo oleo, castaneæ alimento
montanorum idoneæ, poma, pyra, alique fru-
ctus copiose nascuntur in vallibus. Cameriacen-
ses Anicianæque tam opportunæ tinctoribus sunt
aquæ, ut serica textilia his in locis tineta, alio-

rum textilibus locorum mercatores anteponant.
Strumæ vulgarem morbum soli aquarum nimia
frigidity attribunt. Australia Vallis Maurianæ
vallisque Augustæ, & Ganavezii crocum eximium,
universisque sufficientem Sabaudis producant.

In montibus sylvisque frequentes feræ vagan-
tur, ut apri, cervi, damæ, hinnuli, cercopitheci,
qui huic regioni (si Delphinatum excipias) fer-
me peculiare sunt, sapidissimam carnem præ-
bentes. Lepores albi ceterique vulgares, ac
omne volatilium genus, perdices albæ vallis
Maurianæ, & attagenes in Sabaudia Ducatu
excellunt. In Genevensis agri juniperetis mira-
turdorum est hybernis copia temporibus. Pel-
les leporum alborum, quod singulari virtute fo-
vendi sint præditæ, stomacho solent applicari.
Ceterum lepores isti æstate amisso pilo albo ci-
nereum recipiunt, quem deinde accedente hye-
me, denuo in album commutant. Phasianorum
attagenumque duplex hic genus est; perdicum
vero triplex, album, rubrum, cinereumque. La-
cus Lemanus, qui inter ima collium variis sinu-
bus intervallo leucarum septendecim inflectitur,
ac varia à locis quæ transit nomina adsciscit, Sa-
baudia pisces copiose suppeditat, idem benefi-
cium ceteris lacubus præstantibus. Bourgetanus
siquidem lacus, duabus à Cameriaci leucis dissi-
tus, truttas ac piscium genus, Gallis *Lavarets* di-
ctum, rarum alibi locorum, subministrat. *Fons*,
qui Miraculosus appellatus in Hautecombenfi
Abbatia conspicitur, in hunc ipsum lacum de-
volvitur. Pisces prædictorum lacuum fluviatili
piscium generi debent præferri, cum quod soli-
dus præbeant alimentum, tum quod claris spa-
tiosisque in aquis nutriti, medio quædam inter
marinos ac fluviatiles sapore existant. Salinæ
Sabaudia nondum omnes exploratæ; una Ta-
rantasia hanc à falsarum aquarum fonte suo
prærogativam habere videtur. Fontis istius ori-
go est in vico *Salins* dicto: at deinde à tem-
pore non multo alii falsarum aquarum sunt fon-
tes reperti, è quibus sal candidus efficitur uni-
versæ regioni sufficiens, vicinis carbonum fodinis
utilem ei coquendo materiem largientibus. Li-
gnorum ex genere frequentior se offert abies,
quercus & picea trabibus aptæ, aliæque mino-
res ad asseres idoneæ. Crebrior nux conficien-
dis suppellectilibus commodam præbet mate-
riam, quo usu buxus quoque laudatur. Vbi te-
gulæ nequeunt terræ idoneæ defectu haberi, ha-
rum defectum suppleunt subtiliores ardosiæ, lon-
ge profecto concinnius, tectum domibus præ-
bentes: sua calci ac marmori reliquoque lapidi
laus constat, qui bene politus cum porphyre-
tico aut marmoreo Italia ac Græciæ lapide con-
tendat. In valle Augusta thermæ sunt minera-
lium aquarum, quæ ob difficile accessum mi-
nus sunt cognitæ, minusque frequentantur. A-
quenses apud Cameriacum thermæ à Geneven-
sibus, Lugdunensibus, ac Gratianopolitanis ma-
gno celebrantur concursu, quod aquæ earum
sulphuream aluminosamque pervadentes terram,
admodum salubres existant. Sal nitratus, sul-
phur, & quidquid præterea ad bellicum pulve-
rem conficiendum requiritur, hic affluit; qua-
propter ad avehendas has rerum species crebri
exteri

exteri accurrunt, Montemelianis nihilominus assidue in hoc pulvere conficiendo desudantibus. In superioris Fossinii Vallisque Augustæ locis glacialibus perfecta invenitur crySTALLUS, quam incolæ Mediolanum exportant, qua in urbe omnium affaberrime politur. Sub glacialibus locis istis & herbæ seu gramina crescunt, & suam frumentum maturitatem assequitur. Sanguis ac pinguedo rupicaprarum (quæ animalia sunt calidiora, colore cinereo, magnitudine cervina, atque agilitate,) singulari medendi plurimis morbis virtute sunt prædita. Damæ ea copia ca-

piuntur à rusticis, ut per totum annum his carnibus vescantur. Cercopithecus, alpinum animal, carnem habet salubrem stomacho, ac pinguedinem ad multorum curationem morborum utilem. Vrsus, lupus, lynx, ceterarumque ferarum genus frequens in montibus vagatur; in quibus etiam cryptas puteosque Sallancam versus invenias, cum fontibus aquarum ac fodinis aluminis. Ceterum arenâ crySTALLINIS vitris conflandis idoneâ Vallis Augusta abundat; unde eam mercatores Mediolanenses & Lotharingi frequentes ave-

F I N I S.



HELVE TIA,

QVÆ EST

EUROPÆ

LIBER XV.

HELVETIA

QVÆ EST

EUROPÆ

LIBER XV

Nomen.

Limites.

Extensio.

HELVE T I A.

Nomen.



Elvetiæ nomen admodum antiquum est, hodie Suitzia, vulgariter *Schweitz* dicitur, non à Vitis Saxonie populis, à Carolo Magno sedibus quondam privatis, & in Alpes conjectis, ut curiose nimis quidam argumentantur: nihilo magis à Suetiis, qui tempore Segeberti Regis in Helvetiam commigrarunt, sed à Suitio pago, vulgo *Schweitz* dicto, vel quod primum pro libertate in eorum agro pugnatum sit, vel quia diutissime cum Eremitanis contenderint, & primi omnium ex Pagis tribus Austriacorum irruptioni expositi fuerint, & inter tres Pagos maxima eorum fuit potentia. A foedere verò, quod inter se pepigerunt, malunt *Eydenossen*, id est jurisjurandi participes, aut eodem juramento devincti, dici; eoque nomine sese appellant.

Limites.

Helvetiorum veteres limites nemo Iulio Cæsare melius circumscripsit. Ita enim de Orgetorige apud Helvetios, ea tempestate facile Principe, ad capeffendum Galliarum imperium populares incitante differit: *Id hoc facilius*, inquit, *eis persuasit, quod undique loci natura Helvetii contineantur: una ex parte flumine Rheno latissimo atque altissimo, qui agrum Helvetium à Germanis dividit: altera ex parte Monte Iura altissimo, qui est inter Sequanos & Helvetios: tertia lacu Lemano & fluvio Rhodano, qui provinciam nostram ab Helvetiis dividit.* Nunc Helvetia omnis, Rætiaque, Germaniæ pars, ab ortu, Norico & Tirolensi Comitatu; à septentrione Suevia; ab occidente Allobrogum Ducatu terminatur; à meridie Italiam ostendit: vastis undique altissimisque clusa montibus eadem & obfessa: clementius insurgentibus montium jugis, qua Vindelicis, Rauracisque; ad miraculum editis, qua Noricis Insubribusque obtenditur. Iis & ipsi inter se, & undique ab aliis separantur; præscribente suis cuique finibus terminos ipsa natura & easdem muniente.

Extensio.

Cæsar longitudinem c c x l pass. mill. latitudinem c l x x x definit. Quantum ad longitudinem, calculatio certa; Nam à *Stat* ubi Helvetia incipit, ad claustra Rhodani infra Genevam, numerantur milliaria Helvetica triginta, ex quibus unumquodque v i i i m pass. Italicorum conficit; quæ si inter se compares, rationem numerumque exactum reperies. de latitudine res paulo implicatior, tamen si à montis Iuræ culmine ubi *Laver* aut

Helvetia.

la Verriere dicitur, lineam ad cacumen Grimfel, unde Arulæ scaturigo, maximaque Helvetiæ latitudo, producas, aut fallor, vel millia à Cæsare notata offendes.

Olim dividebatur Helvetia in quatuor pagos, Tigurinum, Vrbigenum, Aventicensem & Antuatem.

Tigurinorum tractus, hodie antiquum *Tur-* *Pagus Tigurinus* retinens nomen, diocesis Constantiensis est, complectiturque Tigurinos, Tuginos, Vranios, Glaronenses, Abbatiscellanos, itemque S. Gallum, Rupertivillam, Terminos, Toggeburgenses, & eam regionem universam quæ circa Podamicum est & Rhenum.

Vrbigenus pagus, qui hodierna notatione *Argow* videtur dici, à Tigurino dividitur Vrsa fluvio & Vchtlandia, ab Aventicensi Arula fluvio. Hujus pagi ut partes diversæ, ita nomina. Circa Burghdorff oppidum & Salodorum, *Imburgeden* & *Burgenthal*, à burgis & castellis quæ illi parti frequentissima: prope Emmatiam fluv. *Emmenthal*. A Vietlisbach Oltam usque *Buchsgovia* ab arce Buchsen, & simpliciter *Govia*, *Gen*. Circa monasterium Muri, *Vaghenhal* & libera præfectura, itemque *Rusthal* sive vallis Vrsæ. Apud Silvanios infra silvam *Surichgovia* à flu. Surina. Habuit Vrbigenus pagus proprium Episcopum, cujus Cathedra Vndionis. Ejus sunt oppida Aquæ Helvetiæ, Bremgarte, Tobinium antiqua. Comitatus Lentzburgiorum, Aquensium, Habsburgiorum.

Aventicensis pagi contra Vrbigenum jam terminos posuimus; versus meridiem separant Valesiani montes ab ea gente secundum fluviorum derivamenta; his in Arulam aut Sanam, aliis in Lencarum decidentibus. Tum vero montes illi, qui à castro S. Dionysii, se Minnidurum inter & Losannam Turassum usque inflectunt, Antuatesque ab eo secludunt. A septentrione ejusdem Iuræ summities ad ortum usque Siggeris prænominati, Aventicos à Sequanis, Rauracorumque parte dividunt. Hujus ut cæterorum partes plures per varia nomina. Antiquum & ingenitum vocabulum solum circa Friburgum retinuit, ubi Aventici ruinæ, ut totius olim Helvetiæ capitis. Regio nominata Vchtland, & lacus quem hodie à vicino oppido Moratensem vocant, in antiquis instrumentis *Vchter See*, sive lacus Aventicus. Pars superior hujus pagi in plures valles tributa, unde hæc *Hasterthal*, *Sibenthal*, *Sanerthal*: ab altero latere *Vatterthal*, Latine Vallem transversam nominant, Valendis, quæ vallis Angma etiam dicta. Quæ vero Neocomo sive Neoburgo Salodo-

A

lodo-

Iodorum usque sunt, *Salgeu* antiquitus appellabatur sive Salengeu, quorum oppidum Salodorum Salensium. Habuerunt etiam Aventici suum Episcopum. Oppida antiqua Aventicum, Salodorum, Paterniacum, Minnidurum, Pyrenesca, Ebrodunum, Vrba, Noidenolex, Bramagus vicus. Comitatus Neocomensis, Strasbergensis, Arbergenfis, Rotundomontanus, Gruriensis. & Comites de Glana præcipuæ nobilitatis, utpote ab antiquis Burgundiæ Regibus.

Antuatium.

Quartum pagum Antuates habuerunt utroque Lemanni latere. Complectitur is Alpes & valles omnes à S. Mauritio Genevam usque & Rhodanum, qui apud illam urbem lacu egreditur: versus orientem & Aventicos, limites jam collocavimus. A meridie montes illos habet, qui Salassos & Centrones, Allobrogumque partem ab illis dividunt. Versus occidentem demum Genevam & Rhodanum usque dum Iuram attingit, qui Allobroges; tum ipsum Iuram, qui Sequanos ab iis separat. Ejus pars quæ dextro Rhodani, qua exitum ducit, Lemannique latere, continetur, postquam ducta eo Romana equitum colonia, Equestris dicta, incolæ equestres, alteram quoque ripam sive sinistram complexi, quæ nunc quoque Chablais dicitur, à Caballo. Amedeus III Sabaudia Comites in Ducatum eiecit anno 1251, adjuncta Augusta Salassorum. Altera pars sive superior antiquum nomen retinet, Vaat. Ejus sunt oppida antiqua Lausunum vel Lausodunum, hodie Losanna, Bibiscum, Alæ Penne, quam Neapolin aut novam civitatem vocant, ad caput Lemanni, Clarona, Dina, Nevidunum sive civitas equestrium, Comitatus Lausannensis.

Secunda divisio.

Hæc antiqua Helvetiæ in quatuor pagos divisio, postea omnis in duas partes distributa: unam Allemanni, quæ Allemannia, & in Ducatu illius gentis ad Vrsam usque & pagi Tigurini terminos: Tigurum enim, Tugium, Vrania & Glarona Allemanniæ Ducatus fuere, ut patet ex veteribus instrumentis: cætera Burgundi tenuerunt, & Burgundiam minorem dixerunt.

Hodierna divisio.

Hodie quoque omnem Helvetiam in quatuor partes dividunt, Zurichgouw, Wiflispurgergouw, Argouw & Turgouw; Dividitur quoque hodie in tredecim populos, Itali *Cantones*, Helvetii *Ort* dicunt; sunt autem hi Tigurum, Berna, Lucerna, Vria, Suitia, Vnderwaldia, Tugium, Glarona, Basilea, Friburgum, Salodorum, Schaphusium, & Abbatisclla. Hisce se adjungunt eorum Socii atque confederati. Abbas & oppidum S. Galli, Rætorum confederati populi, Episcopus Sedunensis & tota Valesianorum regio, Rotweila, Mulhusium, Bipennæ, Neocomum, & Geneva, alique, qui communi Helveti-

corum pagorum imperio reguntur, quemadmodum infra latius.

Montium Helvetiæ hi perpetuis nivibus *Soli quas* albicant: illi procul aspicientibus nihil promittunt nisi saxa durissima, postquam inscenderis, præta pinguißima offendis; alii vero & aspectu sunt amœni & reipsa. In iis per æstatem menses ad summum tres pascuntur cum greges, tum vaccæ, è quibus tanta emolumenta, ut brevi oratione nemo possit consequi. Nam serum inde, caseus, butyrum, aliaque lactaria tanta fiunt copia, ut non tantum Helvetia iis rebus expleatur, sed finitimæ quoque nationes. Transvehuntur namque in Sueviam, ultra Iuram montem, in Italiam, multaque alia loca. Atque tam ingens redit pecunia, ut vix credi possit. Illud mihi compertum, ex viginti vaccis fructum esse annum centum eoronatorum, præter sumtum omnem, quem in familiam, famulos & famulas distribuere necesse est. Omitto foeturam copiosissimam, lac & liquidum & concretum, quæque ex lacte adhuc alia conficiuntur in quotidianum usum. Hinc est quod tantus populus, in tam angusto circulo enutritur, quod adeo pauci mendicant. Ager Bernensis, Friburgensis, Salodorus, Herogea & Durgea frumento mire exuberant. Colles autem Schaphusiani, Moretenses, Aventicenses, Bretenfes & Thermopolitani vino. Apud Tigurum & Basileam utrumque non mediocriter crescit. Sunt & alia insuper loca per Helvetiam, quibus neutrum deest, sed minor copia.

Habet Helvetia suas ferri & chalybis optimi fodinas; sed & argenti venas in montibus Glareanis, aliisque vicinis repertas fuisse constat. Vrsa flumen aurum arenis trahit: Idem Emanna minor, qui Vrsam influit, præstat; magno argumento in montibus in quibus oriuntur aurum nasci. Sunt qui existiment esse auri venas eo loci, quo thermæ Fabarianæ scaturiunt, cujus satis manifesta signa in petris appareant. Cæterum in Helvetia nullæ fere præter ferri secturas sunt: Gens enim militiæ dedita rem metallicam, cujus ignara est, negligit: neque patitur peregrinos fodinas facere, ne sylvæ cæduæ in carbonum usum cædantur, & pascua in montibus optima pereant, aut vastentur, & regione peregrinis repleta, indigenis inde multa & magna incommoda nascantur.

Hic fama celebratissimæ illæ Alpes, jam olim Herculis & Hannibalis trajectu notæ: *Montes.* Poeninæ summæ, Cottiaque, apud Salassios Viberosque: Adulæ, Grajæque, Misauco penes & Lepontios: In Engadinorum ora Iulia. Vatarus & Brantius montes apud Venones: Rætico in Rucantiis, & notatus magni Cæsaris scriptis Iura mons, Lemanno imminens lacui. Adduntur & Abnobæ montes in

in Tulingorum finibus, falso Danubii origine clari. Horridi sylvis omnes, vagi solitudine, & informes terris plerique; sed asperiores cœlo, tristiores cultu aspectuque qua Italiam monstrant, Rætis Sedulisque habitati. Vastum in vorticibus ubique silentium, ingens solitudo; in crepidinibus vestiti sylvis. Amnibus passim torrentibusque perfunduntur. Frigus habitat pæne perpetuum, nivesque etiam æstivæ; sed clementiores tunc sine damno: hybernis mensibus durius inimicæ: onerosa quippe nix, ventorum intemperie declivi montium acta, in ima vallium, incredibili cum immanitate præcepit, & villas vicofque subvertit; unico in hunc hostem remedio, muris ædes molibusque parietem munire; nullum quippe hostem gravius metuunt, ad integros sæpe menses obsidentem; dum frigoris niviumque injuriam intra domorum claustra hypocaustis superant, quoad æstatis & Solis subsidio levantur. Parva videantur hæc, considerantibus, eam esse locis quibusdam severitatem rigoremque naturæ, inter contiguitates præsertim montium, ut ad defectum terræ mortuorum corpora glacie condantur; ingenti stoliditatis humanæ argumento, quasi non alibi felicitis terræ abunde sit, ut eam nobis & viventibus negemus & demortuis. non deserit nos natura, sed illam nos. Habet tamen etiam infelix hæc habitatio avaritiæ humanæ fomenta: in cacuminibus & convallibus summorum montium armenta alunt; lactis caseique perquam optimi ex eo numerus simul & pretium: at miserum mehercle genus hominum, & nihilo suis armentis felicius, quibuscum ad custodiam excubant; secreti à consuetudine, à commercio; nulla nisi pecudum societate; iisdem illis magis quam sibi similes; quippe quibus & sermonis nonnunquam longa intermissione oblivio eveniat. Lenitur hæc asperitas leni quoque ope opibusque naturæ: Venas quippe metalli, plumbi, ferri, æris, argenti ostendit potius natura quam dedit. Crystalli ingens copia, effossi terra partim in summis montibus, partim præruptis in montibus collecti. duum id generum, clarum unum & pellucidum, pretii majoris; subfuscum alterum ac livens colore subluteo. magnitudo variat, sicut omnium è terra nascentium: ad quinquaginta pondo integrum & non vitiatum compertum est. Apud Sedunos carbo bituminosus metalli instar effoditur; is in calcaria fornace combustus, strue lignorum adhibita, in calcem convertitur, novo & elegantiori modo. Abundat & larice: ex qua agaricum, inter purgantia celebre; & resina, qua terebinthinæ loco ipsa gens utitur. In tanta austeritate locorum rerumque penuria vivit tamen illa gens; sparsis passim domibus, & quibusdam locis adeo iniquis, ut vi-

Helvetia.

su, nedum habitatu, durum sit. Retrussissima inibi ædificia, ædesque etiam sacre, montium crepidinibus præcipitiisque adhærent; in hoc urgente religione, tanquam major ibi ejus sit reverentia, ubi major solitudo; & cultus potior, ubi major labos. Sic Iabaria illa, sic Bremisa, sic apud S. Bernardi Divæ Virgini sacra, sic infinita surrexerunt: in tantum aucta superstitione, ut idolo, quod ibi antiquitus prætereuntium cultui habebatur, sacellum circumstruxerint; nugante vulgo & credente, dejectos hic à D. Bernardo dæmones ibidem includi. Sed in his Alpium tractibus maxime mirum, variare sub eodem cœlo tempestates, eodemque die iter facientes in hyemem, in ver, in messem incidere. summis in montibus nives & gelu; in depressioribus eorum partibus pascua perpulchre viridantia conspiciuntur; ad radices colligi fœnum; simulque imis in vallibus frumenta secantur.

Animalia eadem fere quæ apud nos, sed & ^{Animalia.} rariora generat. Frequentiores capreæ montanae in summitatibus duntaxat montium ^{Capreæ montanae.} agunt; saltu montes integros metiuntur: nive victitare ajunt; ligno & foliis rarius: calorem averfantur, nec ferunt, certo experimento, in valles expulsa statim deficere. non nisi primis annis capi à venatoribus ferunt: excellentissimas solas, invidia gloriaque pulchritudinis, capiuntur, sicubi à matribus imperitia viarum deerraverint; cæteroquin captu difficillimæ.

Est & ibex, velocitate admiranda; licet ^{ibex.} capite vasto, cornuum pondere onerato, mira & incredibili pernicitate è monte alio in alium transiliens. Librat se in cornua: ut tormento aliquo rotatus in petras, visu celerius huc aut illuc exsultat. sed magis mirere, loci illi tantillum sufficere, quantum capiendis extremis ungularum tibiis satis sit; eas arctissime conjungit, & uno impetu assurgens tanquam vento raptus, oculis eripitur. Etiam venatori cautio est, arcte saxi aut montibus inniti, ne quid spatii mediū sit; transversis siquidem cornibus in præcepit agunt, si quem erectum montibus distare viderint.

Hic & mures illi, à loco nomen sortiti ^{Mures Alpini.} Alpini, magnitudine felium: somniculosi à continuo somno dicti, quem ad sex fere menses protrahunt: ad eum ante se instruunt, pabulo in specus convecto, non devorando, sed cui mollius incubent. Videas alternos marem ac fœminam, supra se complexo fasce herbæ, supinos cauda mordicus apprehensa invicem detrahi ad specum; ideoque illo tempore detricto sunt dorso. Mox citant se excitantque alto sono; eodem, & à venatoribus insectati, produnt se, aut fugam mutuo monent. Comedunt innixi natibus, pedibus anterioribus vice manuum fungentibus; posterioribus & solis gradiuntur.

B

Re.

Reliqua animalium, urfi, lepores, colorem pro tempestate anni variant. Albi hyeme; succedente æstate, paulatim naturalem colorem induunt; intermedio temporis maculosi. sed & copia est: quinquaginta una die lepores una in domo distrahi visi sunt. Immensæ supra fidem magnitudinis boves, quorum in Italiam quotannis infinita aguntur armenta. Sunt & lupi, rhoes, lynces; similiter phasiani, perdices, utriusque generis otides; lagopodes, sed sylvestres.

Aqua.

Causatur frequens nix aquas copiosiores: coactæ & quasi inhibita montium obstaculis nubes, nivem ponunt, quæ subinde diversos per meatus decidua de montibus aut impetu acta, aut mollius collecta, in torrentes abit, & hi conjuncti in fluvios; quibus deficiente alveo, ac stagnantibus, lacus excitantur multi magnique. Videas passim aquarum collectos gurgites magno cum pondere, de montium cacuminibus, factis spatiis, decidere, excitato per impetum casumque violentum pulvere fumo simili: sed illæ miræ gentis solertia usui passim urbium domuumque accommodatæ & ornamento: diductis subinde per urbes aquis & in canales coactis, aquarum simul inopiæ consulunt, & munitiei oppidorum: decursu quippe earum sordes & illuvies cœni efferuntur. Corrigitur aliquando natura, sicubi deficiat. Eadem arte & sterilitati medentur agrorum, deflexis passim fluminum ac torrentium cursibus, aut correctis; prætereuntemque & otiosam alias aquam suis egestas humana usibus accommodavit. Apud Lepontios non procul à Rheni capite, traductum ex vicino monte est flumen, in proximum, qui cætera satis amœnus aquarum indigebat, ingenti & gigantea prorsus mole. suppositis tibicinibus & canteris canales & aquæductus lignei suspensi sunt, cæsis ante nudarum rupium lateribus. Non agnoscit ingratitudo humana naturæ bona, nisi labore emantur. Nec is tamen sine usu aut usura labos: ad labentis aquæ impetus molas frumentarias adhibent, alibi pro sua quisque necessitate subducit partem quam ad suos usus referat. Sic & ad signandam monetam, alibi ad tornandos lebetes aheneos accommodatæ sunt, miranda felicitate inventionis.

Fontes.

Augent aquarum copiam fontes per universum hunc tractum frequentiores, diligentia majori & operositate, quam arte aut ornamentis, ad incolentium usum diductæ; inter quos usu salubri nonnulli, & calidæ aquæ, morbis medentes, etiam experimentis claræ.

Therma.

Notæ præter cæteras aquæ Helveticæ, in modum municipii auctæ: quæ apud Sedusios nomine tantum & fama valent. utiliores Raticæ in Engadinorum tractu, gustu vini;

ut alio potu peregrino non utantur. Sed omnium magis mirandæ Fabariæ, à vicino Benedictinorum cœnobio nomen sortitæ, in Racantiorum ambitu, intra montium fauces portentoso aspectu, aditu difficiles, infernali trucique situ; ac, velut horrendo in barathro, strepitu præterlabentis per vicina saxa cautesque fluvii, & continuo ruentis aquæ impluvio, pullantur. Nec deterret ea loci facies ab ingressu, cum frequentes eo morbidì conveniant. Mirum vero, periculum homines sanitatis facere, ut sanitatem acquirant: quis namque inter foetorem, fumos, contagia, speret morbos depellere, cum ex ipsis fiant? fingunt tamen exempla miseri, & credunt: sanatosque audiunt semper alios; se vident nunquam. Non tanta terræ aquisque societas nobiscum est, ut eas cuiusvis morbo medicinam facere posse putemus.

Abeunt tandem conjunctæ hæ aquæ in fluvios: ex quo præcipuis Europæ fluminibus hinc origo. hinc fama celebratissimi Rhenus & Ister, hinc Rhodanus, hinc Ænus, junctis pene initiis, diversissimas per oras in maria evomuntur.

Flumina.

Rheni duplex ac dubia origo in ambiguo reliquit, anteriore an posterior (nam ita distinguuntur) verum illius caput. Ille apud Antuates summas pone Alpes; hic penes Misauos incipit. ego veram originem neutri assignaverim; cum infinitis pene initiis, Rheni omnibus nomine insignitis, utrimque nascatur; quibus in unum tandem coactis, & apud Iliantum supra Curiam unum in alveum confluentibus, continuo & minime interrupto cursu it, donec aliorum quoque intervenitu fluminum augeatur: Lacum deinde Podamicum ingressus, & sub Scaphusia cataracta præcipiti interruptus, Germaniam in occidentem versus æquus præterlabitur, donec apud principium agri Batavici nomen simul perdat & cursum; obturato olim per casum vero & antiquo ejus ore, reliquo Mosæ aliisque fluminibus hausto.

Rhenus.

Vicinus Rheno Rhodanus, adversa summarum Alpium parte è monte glaciali ac nivoso natus, soluta Sole glaciei nivisque vi, & adjuncta fontis copiosi scaturigine, citato statim cursu ingens à primordio rapidusque per Sedusios ruit: dein per Allobroges inter rupes & saxa coactior, latiore mox ac liberiore alveo Galliam præterlapsus, supra Arelatenfes in Mare mediterraneum effunditur.

Rhodanus.

In conterminis Helvetiorum finibus supra Tulingos Danubius surgit, non longe ab Abnoba montis jugis hætenus credita origine, pellucido è fonte, ab ejus ditionis dominis superbo ædificio circumjecto, ebulliens: auctus statim ditatusque vicino flumine, & aliis mox, ac infinitis sese insinuantibus, per Germanias, Pannonias, Daciasque diversis anfracti-

Danubius.

fractibus meat : donec in mare Ponticum sex meatibus irruinat.

Ænus. Ænus, apud Venones tribus lacubus in Iuliis Alpibus ortus, Noricos præterfluit, donec & idem Danubio misceatur.

Duras. Duras, cujus apud antiquos nulla mentio, oritur in finibus diocefeos Curienfis, valle quam Sancti Ioannis vocant, fluit per Doggios (*Doggenburger* vulgo.) & populum quem nominant Durgouw; in Rhenum exit circiter duo millia passuum supra Eglisow oppidum ditionis Tigurinæ; ab hoc flu. multa nomina derivantur, ut Durtal, Wintherthur, sive Winterdur, & quædam alia.

Limagus. Limagus veteribus æque ignotus; oritur apud Glaronenses, & ibidem vocatur Linthus; ex lacu autem Rivario alius effunditur nomine Magus, qui influit in alterum, atque tum Limagus appellatur. Posteaquam autem ab origine circiter x m. passuum Claronam, atque infra eam Castra & Marcam duas regiunculas irrigaverit, intrat lacum Tigurinum, & medium urbis transiens, cursu circiter cc stadiorum confecto, primo in Arolam, brevissimo autem post spacio in Rhenum influit.

Rufa. Vrfa, hodie Rufa, ex monte quem Furcam appellant, oritur; fluitque per loca confragosa, donec non procul à vetere pago in lacum Lucerinum, hodie *die Lucerner See*, & *Waldstett See* ingrediatur, inde Luceriam pertransiens, & in multos circumductus gyros Arolam intrat, non multum sub Brugis Heroeæ oppidulo.

Arola. Arola ex montibus erumpit, unde fluit Rhodanus: per lacum Hassensem & Thunum labens, venit Bernam, quam totam pene concludit; alluit Salodorum; cursu longissimo deinde confecto, & Rufa atque Limago acceptis Rheno miscetur.

Lacus. Nihilo inferiores fluminibus lacus, quos pene singula, quædam & duplices faciunt: Rhenus, Venetum & Podamicum; Lemannum, Rhodanus; Rivarium & Tigurinum nobiles, Limagus ignobile flumen: Lucerinum Vrfa facit: cæteros, Verbanum, Gaurum, Larium, Semnium, Benacum, in meridie omnes, sui quemque fluvii gignunt. Amplissimus Lemanus, adjectu clararum antiquarumque urbium nobilis; sed cui non cedat Podamicus, nunc Brigantinus, nunc Acronius, nunc Venetus, cognominatus. certo & olim creditum, Rhenum præterlabentem non miscere undas; quod & de Benaco memoriæ traditur. Cinctus undique amoenissimis locis & castellis in delicias exstructis, speciem præbet mirabilem: addit decorem sub ipsa fauce etiam ponte clusum oppidum Constantia, claras mox inter urbes memoranda. Notati & fama celebratis urbibus Tigurinus & Lucerinus; sed ille etiam ponte me-

morabilis ad duo millia aut eo amplius passuum excedente, Rapperswilam prope, qua ad Eremitas, Divæ Virgini sacram ædem, iter est. Rivarius editissimis & visu horrendis undique montibus clausus metum facit inspectanti, tanquam nusquam exitus sit. Est & Pilati lacus, miraculo & vanitate notatus; injectu quippe sordium irritatum ciere tempestates ajunt: quod tamen ego in medio reliquerim; ac, sicut probare argumentis longum, ita refutare supervacuum sit. Cæterum qualiscunque is lacus supra Lucernam est, summo & acclivi montis jugo, sylvis undique circumdatus, tanquam hæc illi munimenta natura fecerit, ne temere irriteretur. Non est tamen prætereundum, aquam suo alveo inclusam, nec flumen in se ullum recipere, nec habere exitum; fluvius tamen nivibusque nec augeri unquam, nec minui; sed sibi semper similis, nigras & suas tantum tueretur undas. adire locum peregrinis nefas; ne temere re quapiam injecta, vicina regio periclitetur.

Feraces hi omnes piscium; inter quos & rariores quidam, & proprii suis quique lacubus. Truttarum nusquam major copia. adverso fere flumine eunt, frigoris captandi causa. hinc est, quod maximas & ad triginta pondo sub primordio Rhenus Rhodanusque alant. In tanta tamen aquarum copia raræ naves cymbis in Liburnicarum modum utuntur: nec semper vento, ut nostrates. non nisi secundo navigant: obliquare sinus nesciunt: remis fere adsident. ita obtinuit, ut ubi incedi terra possit, aqua non volentes utantur. id ex equorum copia fit, securius celeriusque euntium: nam ex vento pendere, aut sulcare undas lento itinere, ubi per negotia urgeare, permolestum est. etiam regio montosa ventos arcet, unicum navigationis præsidium.

Talis vera & genuina Helvetiæ facies si-
tusque: nam & clementius alibi salubreque & fertile solum, sed qua aut Galliæ, aut qua Germaniæ adjacet. Plurima apud Bernates & Tigurinos vineta, & alibi & pascua & viridaria omni fructiferarum arborum genere constita. cætero sterilior, nisi quod valles quædam amœnæ juxta ac feraces frugum. Qua Rhodanus fluviorum Galliæ fertilissimus apud Lepontios Viberosque oritur, vallis est modice lata; undique præruptis altissimisque montibus cincta, sinuante se fluminis cursu porrigitur; & inferente se mox angustis in lacum faucibus fluvio, coeuntibus pene in unum montibus clauditur. eam vallem hodie Valesii habitant, præcipuam fertilitate, & ferendo vino fructibusque nulli parem; (nisi quis primas Volturenæ detulerit Italico cœlo soloque;) nihil ex vicinorum Rhætorum austeritate retinentem; atque hoc ipso campis ac planicie felicior, quod opposi-
torum

torum montium reflexione calor augeatur; bis quippe annuatim reponit commissas fruges. vina ejus, & olim celebria, & Mantuani vatis carminibus decantata, summo hodie in pretio sunt. Includitur hæc quoque montibus, sed arctior & restrictior orientem versus, difficili ad Tridentinos aditu; utroque etiam latere continuis montibus obfesso, sed sterilibus, qui septemtrionem Rætōsque; fertilioribus, qui meridiem Galliamque Cisalpinam spectant. patet in occidente declivis jugis; & à dextra alia quoque valle sese aperiente, lacum Larium ostentat. Cæteræ vallium aut modice fecundæ aut steriles. quædam tamen, arctæ licet, & exiguæ, fertilitate supra reliquas sunt ex incolarum diligentia: industrii enim ac solertes vincunt sterilitatem loci. Operæ haud parum in derivandis aquis ponunt; prata, hortos, vineas irrigant. Apud Rhætōs vallium eæ pene populosæ magis quæ steriles; Iliantum, Longanissa, aliæque: Ibiq̃ demum vera Rhætia est, non alienis imbuta moribus, non corrupta deliciis; solas nives, solas solitudines veneratur: hic ambitionis meta, hic cupiditatum terminus, hic manent, hic generant; nec extra, nec ultra norunt; hic sui similis natura suas tantum leges sequitur, nec præpostera aut præmatura Venere corrupta numerosas validasque gentes alit.

Struma.

Sunt & in his vallium nonnullæ strumosa dictæ, eo quod earum incolæ grandibus sub gutture strumis sint. aquarum id vitio fieri autumant, falsa ratione; cum & idem divitibus aquam perraro bibentibus eveniat: nugantur alii, implere pituita artus, & inflare aquas venis metallorum infectas. ego incertus rei causas in medio relinquam: nisi quis & loci vitio adscriperit; cum eadem ratione naturæ, iisdem in locis sint & pagi fatuis referti. nullo ii cibo humano, quidam & stercore & excrementis, alii fœno pascuntur: nudi etiam per hyemem incedunt: sono magis quam sermone utuntur, quippe qui à nullo mortalium intelligatur. Monstratur tamen & fons in agro Tigurino paulo supra quæ Taurus Rhenum ingreditur, cujus aqua hausta strumosos efficiat; & in Cicera valle amnis qui fatuos ac stolidos: quarum rerum causæ in occulto latent. Et, quod magis mirere, dicunt in Bernatibus, mulierem ad decem annos citra omnem cibi potusque humani usum vixisse tamen, sed per miraculum ostentatam; torquentibus se frustra Medicis & causam quærentibus, cum supra infirmitatis humanæ terminos sit. Fructus tractus hujus in conterminis Italiæ vicinæ feliciores, alibi agrestes: vinum, cujus avidissimi sunt, locis etiam parum idoneis colligunt; inde ægre maturitas; nec eadem ubique bonitas. quibus omnino deficit, à Sedusiis Volturenisque,

Fructus.

junctis sarcinariis, exportant. Fert & Valesia crocum, magno gentis lucro.

Regio ipsa montana, & multis locis aspera ^{Incolarum genus & mores.} atque difficilis cultu, tum etiam olim magna sui parte sylvestris & inculta: hominum genus non modo laboriosum, sed asperum durumque alit, atque ideo militiæ optimum. Cæterum uti natura Europa bellicosiores populos & ferociiores plerunque habet Asiaticis; ita in ipsa Europa, qui regiones asperas, montanas & frigidas incolunt, bellicosiores aliis esse perhibentur. Idque testantur Gothorum, Vandalorum, Hunnorum, Longobardorum, Francorum, & aliarum gentium res gestæ, quæ ex Septentrionis asperrimis regionibus egressæ, cultissimas Europæ provincias vastarunt aut occuparunt, & Romanam potentiam omnibus quondam terribilem contriverunt. Simili modo frigidissimæ Alpium regiones, uti procerissimas arbores & armenta præstantissima educant; sic, cœli solique natura ferente, homines quoque robustissimos & fortissimos gignunt. Itaque in plerisque regionibus alii sunt milites, alii agricolæ, alii opifices; in Helvetia omnes quodammodo milites nascuntur; neque quisquam est integro corpore & ætate, in quo non militaris quidam spiritus eluceat. Cum autem Helvetiorum libertate vicini pene omnes, & præsertim Austrii Principes, continuis bellis opprimere conati sint, per annos propè ducentos; necessitas ipsa militiæ studiosos eos effecit; dum pro conservanda libertate, pro finibus tuendis, pro uxoribus & liberis, arma quotidie sumere cogerentur. Atque ut Agesilao, cum à Thebanis vulneratus fuisset, dictum est, cum dignam suæ disciplinæ mercedem accepisse: ita nobiles illi, qui præscos Helvetios agriculturæ & rei pecuariæ studiosos bellare & pugnare coegerunt, ipsi quoque parem disciplinæ suæ mercedem acceperunt, toties prælio victi & ex Helvetia profligati. Inde factum est, ut leges & consuetudines ad exercitia belli accommodata sint. Nam, cum apud multas gentes plebi armorum usus interdicitur, contra in Helvetia omnis, tam urbana, quam rustica plebs, etiam mercenarii & capite censi, arma pro facultatum ratione sibi comparare, & domi conservare coguntur. Et, quia nostra ætate tormentorum, quæ bombardas à sono & sclopetos nominant, maximus in militia usus est, publice præmia his proposita sunt, qui se in hoc armorum genere exercent; idque non tantum in urbibus, uti in plerisque Germaniæ locis fit, sed in omnibus frequentioribus vicis; quin pueris arcu certantibus, ut ad alia tormenta aptiores sint, itidem præmia proponuntur; ac ab ipsa adolescentia bombardis uti discunt. Ludicra alia exercitia omnia bellicum quid spirant; non enim ad ullos conventus celebriores & festos dies,

Exercitia.

Arma.

dies, uti sunt ecclesiarum dedicationes, nuptiæ & similes, plebs absque tympanis militaribus convenit: & hic honor ingens sponso exhibetur, si quamplurimi non invitati, hastati & bombardarii, aut sponsæ obviam procedant, aut sua pompa, in qua militari gradu incedunt, festum exornent: sæpe etiam pueri octo aut decem annorum, & his juncti adolescentuli paulo adultiores, cum vexillis & tympanis, armis instructi, militari more incedunt; ac videas alios sclopetos gestare, alios hastis aut halabardis armatos, quibus vix credas animum ad hæc contrectanda, aut vires ad gestandum adesse. Atque ita qui nunquam Vegetii aut aliorum præcepta de re militari viderunt, nullius imperio, sed sponte & naturali quodam armorum studio à pueritia ad arma gestanda & militarem gradum sese adsuæ faciunt. Multis in locis magistratus quotannis, aut certo annorum spatio, populum armatum lustrare solet, etiam in altissima pace, non minus quam si certo hoste imminente delectus habendus esset. Ac fiunt hæc lustrationes nonnunquam in ecclesiarum seu templorum dedicationibus, alibi in nundinis: plerisque in locis, quando subditi in præfecturis sacramentum dant novo præfecto, armati lustrantur.

Exercitia.

De aliis exercitiis quæ ad militarem virtutem præparant, non est quod multis agam; uti sunt cursus, saltus, lapidis projiciendi, instar disci, veterum ludus, vecte certare, lucta, digladiationes, & certamina in omni armorum genere; quibus fere singulis quotannis publica præmia proponuntur. Nullam præterea credo gentem esse in Christiano orbe quæ ita se natando exerceat, ut lacus maximos, quibus regio abundat, & flumina rapidissima, facile natatu superent. In montibus, quoties à rusticis operibus ociantur, venatione assidue se exercent; & modo capreas & rupicapras atque ibices per montes summos & præruptas rupes insectantur; modo cum ursis & lupis, & lyncibus atque apris, congregiuntur; & honori ducitur, si quis urorum aut luporum capita, quos interfecerit, postibus præfigat; quin & à magistratibus præmia plerunque accipiunt. Aprorum etiam capita veteri Græcorum consuetudine honoris ergo claris & nobilibus viris, aut regionum præfectis, quasi *deuſion* quoddam venationis, donantur.

Arma.

Milites Helvetici domi plerumque armis ornantur, nonnunquam etiam ex publicis civitatum armariis, si non bene instructi videantur. Sunt autem eadem fere arma Helvetiorum quæ & reliquorum Germanorum; sclopeti, ut nunc vocant vocabulo ab Italis accepto, recentissimum armorum genus; hæstæ fraxineæ prælongæ pedum 18; ingentes secures præfixa cuspide ferrea, quas alabardas vocamus; aliæ his minores, nulla cuspide

Helvetia.

præfixa, quibus tantum cæsum hostem ferire licet; prælongi gladii, quos humeris gestantes ambabus manibus in prælio regunt: lateri quoque prælongum ensen accinctum singuli gestant: veteres Helvetii brevioribus longe usi sunt, qui ad fœmora dependebant, apti ad punctum feriendum è propinquo hostem: nunc præter ensen singuli pugionem præacutum gestant, quadrantali fere juxta manum latitudine; hunc ditiores auro & argento laboriose exornant. Corpus alii lorica, alii thorace aliaque armatura è solido chalybe facta, muniunt. pauperiores & levis armaturæ milites galea ferrea contenti sunt. Quidam boum aut urorum coria armorum loco habent. nonnulli linea tela multiplicata & undique consuta & foraminata utuntur; tanta enim telæ durities est, si minima foramina junctim filo optime consuantur, ut vix ullis ictibus penetrari queat. Cæterum, ut Polybius scribit, Romanum militem adornari corolla plumea, pennisque tribus puniceis aut nigris erectis, longitudine ferme cubitali: his enim additis reliquæ armaturæ, virum duplo majorem videri quam sit, & pulchrum aspectu hostibusque terribilem fieri: ita Helvetii milites, qui suam operam præ cæteris conspicuam esse cupiunt, plumis partim albis, partim alterius & ejusdem fere cum vexillo patrio coloris, ornantur. Singuli armis crucem albam rectangulam imponunt; hæc enim omnium Helvetiorum militare signum est. Sui Pagi vexilla & signa singuli sequuntur. Tympanis & tubis & tibiis utuntur, ita tamen ut facile discrimen inter Germanorum & Helvetiorum tympanistas animadvertas, quod Helvetiorum pulsus gravior est & tardior, illorum longe tumultuosior. Vranii tamen in bello sylvestris uri cornu operoso argento circa labra ornatum inflant, quem taurum Vraniensem vocant, *den stier von Vry*. Simile vero cornu Vnderwaldii quoque in bello secum ferunt. Lucernates æreis cornibus quandoque utuntur, quibus se à Carolo Magno donatos jactant, *Härhörner* vocant. Delectus vero militum hæc est ratio. Si bellum patriæ inferretur, & domi geratur, ut Romæ nulla excusatio admittebatur cum Hannibal ad portas esset, sic absque mora sponte, tanquam ad commune incendium restinguendum, omnes qui bello utiles sunt, concurrunt. Neque tamen quicquam absque ordine & tumultuose fit, quoniam pacis tempore singuli Pagi delectos certosque duces & signiferos, horumque optiones constituunt, ut, quæcunque necessitas ingruat, semper parati sint. Sed quia sæpe longius copias educere necesse est, neque omnes educi possunt, ne regio omni præsidio vacua hostibus prædæ sit; itaque tum delectus habetur, & plerumque vir virum legit, ac Xenophontis judicio fortissima

Militum delectus.

C

acies

acies est quæ ex amicis & sociis congregata est. idem cum sentirent Helvetii veteres, non tantum in delectu hoc spectarunt, ut homines inter se noti & amici conjungerentur in unam aciem, sed legibus quoque sancierunt, ut omnes Helvetii in bello sese totis viribus mutuo juvent, & amore fraterno prosequantur, depositis omnibus si quæ ante habuerint privatis odiis. Ac apud cæteros Germanorum milites usu receptum est, ut se mutuo fratres nominent; (unde etiam veteribus Germani dicti videntur;) interim quotidie fere inter se digladiantur & tumultuantur; & plerunque truculenti illi *Landsknecht*, quorum facies concisa & cicatricibus plena Martem spirare videtur, plura ab amicis & sociis quam ab hostibus vulnera acceperunt; ut jure Cadmæi fratres dici possint. Contra in Helvetiorum castris summa plerunque pax est & tranquillitas, & singuli alios, quos tantum Helvetios sciunt, cætera ignotos, non aliter quam fratres complectuntur: acerrimæque odia sincere causa reipubl. deponunt. Cujus rei memorabile exemplum, commemorare non piget. Erant inter se duo Helvetii jurati hostes, Arnoldus Vnderwaldius, qui magnum in militia nomen postea assecutus est, & Zerchintes Tigurinus; ambo viri fortes & bello utiles. Cum igitur bello Suevico ambo in castris eisdem essent, à ducibus belli edictum illis fuit ut amicitiam colant, & veterum inimicitarum belli tempore obliviscantur. Accidit autem forte ut excursionem quadam Arnoldus ab hostibus circumveniretur. id conspicatus Zerchintes, illi cum sociis auxilio venit, eumque præsentis periculo eripuit. Cæterum cum sub vesperam in castra rediissent, Arnoldus ad tentorium Zerchintæ accedens, eum nominatim evocat. contubernales totius rei ignari, atque existimantes, eum hostili animo advenisse, ipsi progrediuntur, & Arnoldum pacis indictæ admonent, caveat ne tumultum in castris excitet. ille se amico animo adesse respondet; &, quid acciderit, commemorat: simulque bellatorem equum, quem illa excursionem ceperat, Zerchintæ dono adducit. atque ab eo die mutuam amicitiam firmiter ad obitum usque coluere. Atque ut in adjuvando & auxiliando fraternum amorem exegerunt Helvetii, atque etiam præstiterunt: ita in partiunda præda idem ab illis observatum est. Nam primum capitali pœna ab illis cautum est, ne cui prædandi causa ex acie excedere liceat, donec hostes prorsus profligati fuerint. postea, ubi prædandi potestas facta est à ducibus, quicquid partum fuerit, id omne confertur in publicum, & viritum distribuitur. Et quia singuli Pagi publice etiam inter se fraterna societate devincti sunt, publica quoque præda, uti sunt tormenta bellica, arces & regiones

bello captæ; vestigalia & alii reditus, inter ipsos ex æquo dividitur; quamvis nonnulli Pagi duplo aut triplo sæpe, etiam aliqui quintuplo majores copias aliis educant. Attamen ob rem fortiter gestam, extra ordinem & privatim illis militibus quorum fortitudo singularis & excellens fuit, & publice quoque Pagis qui præcipuam operam navarunt, præmia dantur. Quoniam vero commeatus maxima ratio in bello habenda est, lege sancitum fuit à priscis Helvetiis, uti hi qui Helvetiis annonam, arma aliasve res necessarias venales præbent, & in castra adducunt, ab injuria omni defendantur, non aliter ac si Helvetii essent. Perpetua etiam lex est, jam olim ab iis sancita, ut in omni bello nulla vis & injuria locis sacris inferatur, ut parcatur muliebri sexui, nisi si qua mulier arma hostibus subministret, aut ipsa etiam jaciendo lapides, aut quovis alio modo damnum det. Porro, quod ad castrametandi rationem, & aciei dispositionem spectat, singula exponere, quæ Helvetiis cum Germanis aliis communia aut peculiaria sint, non mei instituti. hoc tantum dico: nostra & patrum memoria inter omnem peditatum maximam laudem promeruisse phalangem Helveticam: quam, cum densatis hastis eam aciei formam, quam erinaceum vocant, efficit, optime omnium equitatus resistere posse, homines militares judicant; & ita esse reipsa compertum est. Nam ad Novariam peditatus Helvetiorum, omni prorsus equitum auxilio destitutus, non tantum peditatum Gallorum, sed florentissimas & fortissimas equitum copias, fudit & profligavit. Post vero, ad Marignanum cum Francisco rege duobus continuatis diebus pugnantes, & tormentorum vi & multitudine superati, quamvis victi, ita densatis ordinibus Mediolanum rediere, ut receptus eorum nihil fugæ simile haberet, neque victores persequi & vestigiis eorum insistere auderent. Post quoque bello Gallico, quum ad Druidum fanum pugnatum est, cum equitatus Gallicus atque Germanicus magna vi in phalangem Helveticam impressionem fecisset, & plerisque è primariis centurionibus concidisset; nihilominus tamen tertio aciem suam instaurarunt, & ordines conservarunt, ita ut hostium quoque judicio magnam bellicæ fortitudinis laudem eo proelio consecuti sint. Sed nos hæc hominibus militaribus relinquentes, ad pacis studia, quibus à juventute innutriti sunt, accedamus. Primum vero literarum, quæ principem locum tenent, non ita studia. ^{Pacis} cultura fuerunt apud Helvetios veteres; quod ingenue fatendum est, non magis quam apud veteres illos Romanos, quando assidue adhuc cum Æquis & Volscis & Vejentibus aliisque vicinis populis bellum gerebant. Nam ut illi tantum carminibus impolitici majorum suorum

Schola.

Instituta.

Leges.

rum fortia facta canebant: ita apud Helvetios, victoria bello partæ simili carminum genere vernacula lingua celebrata sunt. Latinæ linguæ artiumque cognitionem rudes & militares homines tantum ad eos pertinere judicabant, qui sacris initiati essent. Nostra autem ætate in omnibus Helvetiæ Pagis, omnium ordinum viros invenies variarum linguarum & artium peritos. Multi quoque qui linguæ Latinæ usum non habent, nihilominus historias omnis generis, & quæ ad mores & rempublicam, aut ad religionem pertinent, ex veteribus auctoribus Germanice aut Gallice redditis diligenter cognoscunt, & vulgari lingua scriptis libris instructissimas bibliothecas habent. Scholæ vetustissimæ in Helvetiis olim fuerunt in cœnobio S. Galli, & in Curiensi collegio, uti alibi ostendimus; quibus tamen in locis aliquot jam seculis bonarum artium & literarum studia frigent. Sed Basileæ à Pio Papa, olim Ænea Sylvio dicto, Academia instituta multos clarissimos doctissimosque viros protulit; quos nominare non necesse est, cum scriptis suis noti & celebres sint. Sunt quoque celebres scholæ Tiguri & Bernæ, & alia Lausannæ à Bernatibus instituta. Neque prætereundæ sunt celeberrimæ officinæ Typographorum, quæ Basileæ & Tiguri & Genevæ sunt instructissimæ, ut nullis aliis per Germaniam cedant. De literis dixi, sed præter literas omne virtutis studium, & præsertim justitiæ, ad pacis functiones pertinet: rempubl. vero Helveticam summa æquitate constitutam esse, & justitiæ laude claram semper fuisse, ex legibus, foederibus, institutis & moribus veteribus, plurimis denique factis & exemplis constat. Leges commemorare nolo, quia non dissimiles sunt aliarum rerumpublicarum, quæ optime constitutæ sunt, legibus; in quibus maleficia & scelera acerrime puniuntur; neque hic ullus personarum respectus habetur. Foedera ipsa maxima justitiæ cura & studio conscripta sunt, quorum hic scopus est, ut quisque pacate suo jure frui possit, & omnis vis injusta à singulis communi studio & opera prohibeatur. Hoc ut æquissima ratione fiat, primum in bello suscipiendo summo studio cavetur, ne temere & absque justa causa cuiquam arma inferantur. itaque priusquam arma capiantur, optimi & prudentissimi quique publico consilio causas belli cognoscunt, an justæ & legitimæ sint. Deinde in propulsanda injusta vi accurate cavetur, ne ulla fraude doloque utantur hi qui foedere tenentur ad suppetias ferendas: itaque si per nuncios, per literas interpellari, si viis obsessis interpellari non potuerint, nihilominus pro viribus suppetias ferre jubentur. Præterea quia propter æs alienum sæpe in exigendo graves lites & controversiæ existunt, sic ut

nonnunquam ex hujusmodi privatis causis respubl. ipsæ inter se committantur; foederibus Helvetiorum diligenter cautum est, quomodo exigendæ pecuniæ, & pignora capienda, ut neque creditoribus nimia concedatur licentia, neque debitores fraude uti possint. Quæ certamina æris alieni causa in Romana repub. exorta sint, quoties plebs iniquitate foeneratorum & potentum oppressa secessionem fecerit, aut novas tabulas postularit, nemo, qui historias attigerit, ignorat. At Helvetiorum prudentia & æquabili jure ab illis constituto factum est, ut inter assidua bella, in regione non ita copiosa, nunquam novæ tabulæ postulata sint. Cum autem homines militares sæpe ira conciti ad arma ruant, & inter hujusmodi frequentes pugnae existant, quibus falso quidam fortitudinem ali excitarique arbitrantur, cum tales potius sint injurii rixatores quam fortes viri; huic quoque malo Helvetii mederi conati sunt: primum graves multas illis imponentes qui injuriarum auctores fuissent, & alios contumelia aliqua affecissent. sed quia ira non semper reprimi potest, ne aliquo modo erumpat, aliud remedium addiderunt, ne ad cædes usque facile progredierentur, quod quivis astantium, qui rixæ alicujus spectatores & testes sunt, eam pro viribus dirimere legibus tenentur. quod si quis his minus paruerit, acerrime à magistratu punitur: noluerunt enim quinquam ita ira superari, ut legum admonitus illis non obtemperet. Qui vero cædem aliquam patravit, etsi magistratum manus effugerit, nusquam tamen in ullo Pagorum locum habet, sed quemcunque suus Pagus ob crimen proscripserit, ab aliis quoque finibus arcetur, nisi testibus evicerit se tuendæ vitæ causa cædem fecisse. Porro ea semper fuit æquitas magistratum in jure dicundo, & puniendis fontibus, ut multi extra Helveticam civitatem ad illorum opem confugerint, aut causas suas ad eorum cognitionem detulerint: videbant enim nemini injuria affecto opem denegari, quando multos à potentibus injuste bonis suis spoliatos, vel legationibus missis, vel etiam armis sumptis, in integrum restituerunt: sic contra Austrios Principes pro Fulachiis civibus Scaphusianorum, Graderis fratribus è Styria, Helvetii arma sumpserunt, & Principem adegerunt, ut vi ereptas possessiones ipsis restitueret. Simili, sed graviore in causa, pro Renato Lotharingo contra Carolum Burgundum, qui illum omni fere ditione sua spoliavit, feliciter depugnaverunt. Sic sæpe bellum illatum est his, qui falso nobilitatis titulo se ornantes, mercibus suis mercatores spoliabant: atque non tantum in ipsa Helvetia, sed longe extra ejus fines, cum aliis urbibus amicis socia arma ad hujusmodi grassatores debellandos junxere. Factum est

au-

Scholæ.

Justitia.

Leges.

Pacis
studia.

Liberalitas.

Convivia publica.

autem hac cura, ut tutissima semper itinera fuerint per omnem Helvetiam, sic ut mercatores opulentissimi iter fecerint faciantque liberi, & suas merces ultro citroque transportent absque ullo stipatorum comitatu, aut commeatu peculiari: quin in proverbium abiit, si quis aurum in baculo à tergo dependens palam gestet, huic licere tuto per Helvetiam iter facere. Proxima iustitiæ est liberalitas, sub qua hospitalitas comprehenditur, cujus nomine gens Helvetica semper commendata fuit. Non adsunt Helvetiis lautitiæ Italarum & Gallorum; quamvis & hæ quibusdam locis non desint: at illa patriæ terræ munera, lac, butyrum, mel, liberaliter largiuntur: Non desunt tamen Helvetiis optimæ carnes, feræ, & volucres, pisces quoque lacustres & fluviatiles variorum generum: atque apud eos, ut veteres heroes, cum civibus tum hospitibus frequenter carnes, & præsertim ferinæ, optimique pisces, inter hospitalitatis munera offeruntur. Præcipue tamen Helvetiis erga egenos & mendicos beneficii sunt, quorum alii hospitium, alii victum aliaque necessaria abunde illis suppeditant: itaque tanta peregrinorum, qui emendicata stipe visitant, apud eos est copia, quanta vix alibi inveniatur. non disputo rectene faciat magistratus qui tales ferat; hoc eo tantum attigi, ut ostenderem, singularem esse gentis in egenos beneficentiam, quæ illos allicit ut frequentes huc confluant. Populus vero ipse Helveticus maxime omnium publicis conviviis delectatur. in urbibus quidem opificum collegia, aut civium societates, peculiares ædes habent his conventibus destinatas; in agro vero vici fere singuli publicam domum habent, quam, quod amicitiae causa eo conveniant, sociorum domum nuncupant. Conveniunt autem sæpe viri; aliquando etiam cum maritis uxores ad eadem convivia vocantur. neque tamen sumptuose illic vivitur aut delicate; uno aut altero carniū ferculo plerumque convivium finitur: sæpe etiam collatis symbolis cœnant, dum quilibet in commune confert quod domi sibi paraturus fuerat. Et sunt in eodem cœnaculo omnes tribules, & societatis illius principem locum magistratus & seniores tenent. Rarus est in huiusmodi conviviis musices usus, quod maiorem ex mutuis colloquiis, in quibus sæpe de rebus privatis, plurimum de publicis disputant, delectationem percipiant; præsertim vero senioribus commemorantibus res præclare gestas, quibus vel ipsi interfuerunt, vel quas à majoribus suis accepere: sæpe etiam qui voce valent, clara majorum facta decantant. Ac fuit olim Helvetiorum summa cum in omni re, tum in publicis conviviis moderatio & temperantia, ut rarum esset, & ignominiosum

haberetur, in tali conventu ebrium videri: at, etsi major adhuc sit moderatio in publicis conviviis Helvetiorum quam apud plebrosque alios Germaniæ populos, non tamen prorsus ab his ebrietas exulat, neque tam de decori est hodie atque olim habebatur.

Vestitu à Germanis distinguuntur locupletissimi, fluitantibus & versicoloribus braccis, tegmine quondam veterum Gallorum. Cæteri strictis & singulos artus exprimentibus. Rari sagulo aut pallio utuntur. Domi tamen frugalior, & rudi crassaque lana; foris cultior; per urbes, per itinera ornatiores incedunt, uno atque altero servorum comitati. Fœminarum habitus elegantior. opulentiores serico, aliæ lineis amictibus velant; utraque purpura aliisque coloribus variant: nigro fere, etsi diverso capitis velamine, pilei in modum; nam centone non utuntur. Nudæ quædam brachia, apertæ sinus, & pectora monstrata potius quam detecta: raris ea linteis tegunt, fallendo simul visui, & alliciendo. ornatiores operaturæ sacris incedunt, raro sine comitatu. Formæ naturali arte & tempore lenocinantur, velata parte oris, ne faciant aspectum, & quo venerationis plus insit. Omnium ornatissimæ Basilienses vestiunt, non abludente naturali venustati cultu quoque corporis. utroque cæteris præcedunt, cedente jam olim formarum laudem Basileæ Tiguro; ne hic quidem stabili natura, sed & subinde variante, alternatim fovendo ac præferendo singulos. Dominum ac servum vix ulla neque vestium neque ordinis differentia dignoscas; simul incedunt, simul acubant, sed serius accedens servus, prior convivio abit. quod mirum; cum inter pares difficiles loci prærogativæ & æmulationes sint.

Sermo Germanus, sed incomitior & sine ornameto. Rhæti Sedusique lingua utuntur ante omnia deformi. incolæ Romanam vocant, nonnulla veteris linguae similitudine: sed aliarum interventu corruptior: minime dubio contractæ olim cum S. imperio societatis testimonio. In confinio Italiæ idiomate Italico; plures ex crebra conversatione Gallica utuntur. Latina vetus nusquam vulgarior; minime mirum, tanto in otio & quiete. Litteras scire quam videri malunt; multique sciunt multa, & multos multa etiam latent. Injurias neque faciunt libenter, neque accipiunt; acceptas graviter ferunt: nec silentio iras nutriunt: statim aperiunt, statim conciliant. Causæ litesque omnes nono fere die aut octavo interciduntur, nec ducunt ultra protrahuntve. hic tantum nondum adeo corruptis moribus, ut vendant magistratus, emant judicia.

Postquam Romani longo temporis tractu in Helvetia dominati essent, Burgundi, imperante Honorio, anno verò salutis nostræ

406, sedibus suis egressi & Provinciam Sequanorum Gallicam, quæ hodie Burgundia Comitatus est, adepti, Occidentalem quoque Helvetiæ partem, quam ab Orientali *Ruff* fluvius dividit, occuparunt: anno dein 450 Orientalior pars Alemannis invadentibus cessit. Clodovæus verò expulsi Alemannis anno 499 dominium ejus sibi asseruit, nec longo post tempore Occidentalis quoque, qua Burgundi potiebantur, possessionem Franci adepti. Cum verò Francos Helvetia agnosceret dominos, in hunc fere modum dividebatur: Turgoviæ eique circumvicini agri jus sibi vindicabant Alemanniæ, sive Sueviæ Duces; reliquis provinciis Gubernatores præerant; quos ejus sæculi scriptores Minoris Burgundiæ Vice-Regentes sive Gubernatores vocabant, quandoque etiam Duces Transjuranos. Ludovicus verò Franciæ Rex, Helvetiæ, Alemanniæ, nec non Burgundiæ Carolus Calvus filium anno 858 præfecit: ast Ludovico fatis functo, filii ejus Lotharius, Ludovicus & Carolus Calvus patris regna & provincias, æqua divisione instituta, partiti sunt; & quidem Lothario Italia, Provincia, omnesque terræ ab Alpibus, ultra Rhenum Mosamque fluvios sitæ; exceptis iis, quæ ad Alemanniam pertinerent, una cum titulo & dignitate Imperatoris obtigit. Carolus Francia potitus est, at Ludovicus Bavariam, Saxoniam, Thuringiam & Alemanniam acquisivit; adeo ut Helvetia Alemanna Ludovico cesserit; Burgundia Lothario; abhinc Regum Franciæ dominio exempta, Helvetia in Imperatorum, vel Alemanniæ Bavariæque Ducum potestatem transiit. Dein Comitibus Burgundiæ & Zeringensium Ducibus cessit dominium; qui se Dei & Imperatorum Gratia Burgundiæ Gubernatores dictabant, judicum & Advocatorum seu Protectorum totius Turgoviæ titulum quoque assumptes.

Bertholdo vero Quinto, ultimo Zeringensium Ducum è vivis abrepto, circa annum 1246, & Imperii habenas moderante Friderico II, diversa rerum in Helvetia fuit facies. Sueviæ enim Duces nulla in Orientiore ejus parte pollebant potestate. Tigurensium civitas pagi totius caput Canoniorum & religiosorum parebat collegiis, quamvis nonnullis quoque privilegiis à Regibus & Imperatoribus concessis frueretur. Non contemnendus porro terræ tractus Kiburgensibus parebat Comitibus, quorum postremus, circa idem fere tempus fatis fungens, hæreditatem suam Rudolpho Comiti Habsburgensi sororis suæ filio, post ad Imperatoriam Majestatem evecto, reliquit. Toggenburgenses quoque Comites præpollebant dominiis & viribus; nec non S. Galli Abbates, quorum dominium Abbatis Cellenses, majorque Turgoviæ pars agnoscebat. Rapperswylenses quoque

Helvetia.

que Comites non postremum occupabant locum; Habsburgenses vero Tugium, terrasque circumvicinas, atque majorem Zuitii pagi possidebant partem. Vrii fere omnes Religiosis Tigurensibus, sive Monasterio Vettingensi. Abbatia Murbachensis Lucernæ, & potiori territorii circumjacentis parti dominabatur. Habsburgensium præter Comitatum cognominem Badenses & Lentburgenses erant. Barones etiam Volhusenses & Schembachenses admodum magna gaudebant autoritate, Kiburgensesque Comites Burgdorfæ commorantes, omnia circa Arbergam, Nidoviam, Buochs & Falkenstein possidebant. Berna vero se Sabaudici Ducibus, Friburga Kiburgensibus Comitibus tradiderant. Salodorum erat sub imperio Canoniorum S. Offi. Vchlandia, isque terrarum tractus qui Iuræ monti adjacet, partim ad Sabaudum, Comites Gruyeræ, & Neocastri, Barones Granson, & Episcopum Basileensem, pertinebat. Ager Vallengis Sabaudici juris erat, vel Lausanensem agnoscebat Præsulem. Schaphusia denique ad monasterium Omnium Sanctorum spectabat. Cæterum habitabant etiam in Helvetia innumeri fere natalium splendore illustres. Monasteria vero & Canoniorum collegia immediate ab ipso dependebant Imperatore.

Friderico II autem ab Imperio remoto, in Concilio Lugdunensi anno 1255, tantis tumultibus Germania & Italia turbata fuere, ut ipsa Helvetia quoque eosdem experta fuerit. Earum enim Civitatum quæ Ecclesiasticis parebant, quædam Imperatoris, aliæ Pontificis Romani fovebant partes. Tigurenses, Solodurenses, & Schaffhusienses Senatam, Consulesque creandi, aliosque magistratus instituendi plenam potestatem, consentiente ad id Friderico, Ecclesiasticorum inimico summo, arripuerunt. Præterea Vrienses, Suitenses atque Vnderwaldenses libertatem à solo Imperio dependentem tum consequuti sunt. At post Friderici obitum, cum in illo multorum annorum interregno dissidia in imperio non sopirentur, usque ad Rudolphi Habsburgensis Imperatoris electi coronationem, Nobilium quoque in his regionibus licentia cresceret, tres supra memorati Pagi Rodolphum, propter eximiam virtutis opinionem, ad defendendam armis libertatem, si opus foret, numerato annuo stipendio, ducem ascivere, & foedus cum eo fecerunt; quod post Tigurini & Basileenses secuti sunt. Vrienses Wernerum Baronem Attinghusanum, Suitii Arnoldum Stauffacherum, illustribus natalibus ortum, duces ad tuendos se ab omni injuria elegerunt. Rodolphus vero post ad imperii fastigium evectus, quamvis laboraret plurimum in augenda potentia Habsburgicæ Domus, Helvetiis tamen libertatem suam in-

D

tactam

tactam reliquit. Rodolpho extincto Adolphus Nassavius rite in Imperatorem electus est, cui Albertus Austrius Rodolphi filius, imperium ambiens, sese omnibus viribus opposuit; & tandem Adolpho, in acie occiso, successit, & Imperatoriam dignitatem consecutus est. Adolphus autem cum Helvetiis privilegia ipsorum confirmasset, iique partes ejus contra Albertum fovissent, in grave Alberti odium inciderunt. Albertus itaque, jam in ipsa Helvetia Kiburgensium, Habspurgensium, Badensium & Lentsburgensium in confiniis Alsatiæ Princeps, novum in Helvetiis Principatum instituere coepit. Quoniam vero Ecclesiasticorum magna erat potentia, ubique satagebat, ut vel suas jurisdictiones sibi venderent, vel ipsum liberosque hæreditarios perpetuosque Tutores, & Advocatos sive Patronos assumerent; postulavit enim id ab Argentinenfibus, Basileensibus, Constantiensibus, & Curiensibus, Episcopis, Abbatibus, & Collegiis S. Galli, Murbacensibus, Tigurenfibus, cæterisque. Pari ratione Helveticarum regionum Comites & Barones, Villisovianos, Rotenburgios, Regensburgios, Eschenbachios, Arburgios, Wolhusanos aliosque sollicitabat & urgebat. Verum Abbas S. Galli, Collegia duo urbis Tigurinæ, Comes Homburgius, & quidam alii, Austrios neque patronos, neque Advocatos ut assumerent, neque quidquam jurisdictionum, ut iis venderent, adduci potuere. Cæterum multi alii, & inter alia Monasteria Secconienfem, Murbacensem, D. Virginis ad Eremum; Collegium Lucernensem, sua jura Alberto dederunt, quæ ipsi apud Glaronenses, Lucernenses, Switiõs & Vnderwaldios habebant. His artibus vicinas regiones cum jam occupasset, arcesque nonnullas in ipsis pagis sibi comparasset, de ipsis Switiõrum, Vriorum & Vnderwaldiorum pagis in suam potestatem redigendis agere coepit, legatosque ad pagos misit, qui illis suaderent, ut se in clientelam Familiæ Austriacæ dederent, cum cæteri omnes vicini jam sese ei dedissent. Pagi vero responderunt, se, membra imperii, ab Alberto Imperatore petere, ne ab eo divellantur, simulque amplissima Regum & Imperatorum Romanorum privilegia ostentarunt. Hisce exacerbatus Albertus, duos Imperii nomine Præfectos, qui duro & aspero imperio populum premerent, civesque harum regionum nullis, aut levibus de causis in carceres conjicerent, novasque exactiones exigent. Grisslerus Eques, qui Sutiis & Vriis præerat, postquam, prope Altorffum in Vriorum pago arcem extruxisset, quam *Zwing Vry under die stage* nuncupavit, id est jugum Vriorum, quo in extremam servitutem redigendi sunt; Altorffi in foro pileum prælongæ perticæ imposuit, jussitque omnes nudato capite, flexisque genibus honorem cum pileo

exhibere, quo se præsentem afficere consuevissent. Hæc, aliaque insolentia Præfectorum acta, Waltherum Furstium Vriensem, Wernherum Stauffacherum Sutiium, & Arnoldum de Melchthal Vnderwaldensem excitaverunt, ut jurejurando se invicem obstringerent, ad Patriam communi consilio & auxilio tyrannide liberandam. Mox autem non solum plebis, sed Nobilitatis quoque maxima pars in his pagis Foederatorum partes sequuta est; nam Præfecti non minus Nobilitati, quam populo infesti erant, & vulgo ab his nobiles pagorum rusticis amumerabantur, & rustici nobiles, & rusticorum tribules appellabantur: eorum quoque jura Præfecti Austriis paulatim asserere coeperant. Interea temporis accidit, ut apud Vrios confœderatorum unus, Wilhelmus Tellus, aliquoties pileum stipiti impositum præteriret, nullo reverentiæ aut honoris signo exhibito. Præfectus è liberis ejus filiolum unice patri charum deligit, & in vertice ejus pomum impositum sagitta petere jubet. Tellus arcu sumpto, Deo haud dubie jactum gubernante, pomum è filii capite dejecit, illæso puero. Verum cum Præfectus alteram sagittam thoraci Tellii insertam cerneret, quæsit in quem usum hanc quoque è pharetra deprompserit; ille ingenue se hoc consilio sumsisse ait, ut si priore filium feriisset, secunda præfectum peteret. Re cognita, Præfectus Tellium vinctum navi imponi jussit, ut eum ex Vriorum regione Cussenacum in perpetuos carceres abduceret: at Tellus gravi oborta tempestate occasionem evadendi natam arripuit, & postera die Præfectum ex insidiis obruncavit. Cum autem tandem Kal. Ian., præstituto facinori die, advenissent, ex insidiis & stragemate insigni Vnderwaldii Rotzbergicam & Sarnam arces occuparunt. Eodem die Vrii novam arcem Vriæ jugum nondum absolutam destruxere, & apud Sutiios Stauffacherus cum suis Lovertiam arcem in lacu positam cepit & diruit. Postridie tres Pagi Legatis missis publicum fœdus in decennium fecerunt, & illud jurejurando sanxerunt. Albertus cognitis his rebus, graviter commotus, statuit pagos bello persequi, & vi sub jugum redigere; sed non multo post cæsus à fratrili filio & conjuratis, bellum, quod animo destinaverat, persequi non potuit. Alberto successit in Imperio Henricus Lutselburgensis, VII ejus nominis: hic trium Pagorum privilegia & veteres immunitates illis concessas confirmavit. Interea temporis Alberti liberi, vindictam necis paternæ spirantes, armata manu Helvetiam ingressi, anno 1309, multas munitissimas arces diruerunt, nobilissimasque plurimas harum regionum familias deleverunt; arce enim Farvanga capta, uno die 63 nobili stemmate oriundi capite mulctati sunt.

Mor-

Fœdera.

Socii.

Mortuo autem Henrico, dissentientibus Electoribus, Ludovicus Bavarus, & Fridericus Austrius, Alberti filius, ambo electi sunt: Pagi autem dicti, qui Austrios oderant, Bavarum adhæserunt; quamobrem à Constantiensi Episcopo excommunicati, & à Curia Imperiali Rotweilana proscripti sunt. Bavarus autem eos rursus excommunicationi & proscriptioni exemit. Leopoldus vero Austrius, Princeps præpotens, quique paternum odium pectore alebat, à Nobilibus profugis instigatus, exercitum 20000 armatorum in Switios duxit. Pagi interim copias suas collegerunt, & 1300 numero locum *Morgarten* dictum, munierunt, & castra in edito monte posuerunt, copiasque Leopoldi 16 Novembris anni 1315 penitus deleverunt. Eadem fortuna paucis post dies Vnderwaldii Strasbergium Comitem à Leopoldo, ut regionem eorum vastaret missum, debellarunt. Hæc autem victoria fundamentum firmavit Helvetici foederis, quod, antea ad decennium factum, tum primum tres Pagi in perpetuum pepigerunt, & in litteras retulerunt.

Fœdera.

Conjuratio ab Austriis eorumque affeculis contra Lucernam instituta foedus Helveticum acceleravit, eo quod Lucernates, cum cernebant odia & insidias Nobilitatis, foedus cum Vriis, Switiis & Vnderwaldensibus inierunt anno 1332. Mox Tigurini anno 1351 cum præcedentibus foedus confecerunt, & quamvis quinto demum loco foederi accesserint, nihilominus propter urbis eorum potentiam, princeps locus omnium consensu illis datus est. Tugienfes una cum Glaronensibus anno 1352 foederi nomen dederunt. Bernenses vero anno 1353 foederatis se junxerunt, secundusque iis locus in foedere concessus est. Anno vero 1481, Friburgum & Solodurum Helvetica civitate donatæ sunt, & Pagis annumerari cœperunt; Basilea autem & Schaphusia, anno 1501 eadem jura consequutæ sunt; ultima vero Abbatis-Cella à reliquis admissa est, adeo ut Pagi hodie numerentur tredecim.

Socii.

Socii verò, Helveticis pagis juncti, sunt sequentes: Abbas S. Galli foedus perpetuum iniit cum Tigurenfi, Lucernensi, Suitiensi & Glaronensi pagis anno 1451: Civitas vero S. Galli cum Tigurenfibus, Bernensibus, Lucernensibus, Suitiensibus, Tugiensibus, atque Glaronensibus convenit, anno 1454. Rhæti sive Grifones inter se uniti, perpetuum foedus cum omnibus Helvetiis percusserunt anno 1498. Valesii multa fœdera cum Helvetiis variis temporibus sancierunt; anno 1250 cum Bernensibus; anno 1417 cum Lucernensibus, Vriis & Vnderwaldiis; verum anno 1533 exortis de fide controversiis, Sedunensium Episcopus cum septem pagis Catholicis foedus fecit; Rotweila in Suevia anno 1519 recepta est ut

foederata ab omnibus Pagis. Mulhusium in Alsatia quoque, urbs Imperialis, anno 1515 ab universis pagis aggregata est: Bienna variis foederibus Helvetiis juncta fuit, tandem foedus omnino firmatum anno 1547. Neocomenses Comites amicitiam singularem cum Bernatibus colunt, iis & Lucernatibus ac Friburgensibus foedere juncti anno 1529. Geneva cum solis Bernatibus contraxit anno 1536, nondum publico foederi adjuncta.

Nonnulli Helvetiorum Pagos unam Civitatem, unamque rempublicam constituere aestimarunt; alii apud eos nullam imperii societatem & conjunctionem esse; ideoque unam rempublicam dici non posse, arbitrati sunt; Pagosque singulos rempublicam singulam constituere, esseque totidem respublicas æterno foedere inter se junctas, præsertim cum non solum limitibus inter se distinguantur, sed plane diversis legibus, nec non moribus, diverso quoque regiminis modo utantur. Sed cum unum sit totius gentis Consilium, & communi imperio provincias pleraque administrent, de pace & bello omnes simul statuant, si non una sit respublica, saltem quam proxime ad unius reipublicæ formam accedere, dicendum est. Porro regimen Vriorum, Suitiorum, Vnderwaldensium, Glaronensium, Abbatis Cellensium, & Tugiensium, Democraticum est, quoniam omnia ad populi deliberationem referuntur. Tigurini, Bernates, Lucernates, Friburgenses, Salodurenfes & Schafhusiani regimine utuntur quam proxime ad Aristocraticum accedente; hi enim ab Optimatibus, quos Dominos vocant, reguntur; quamvis in eo Democratiæ quid habeat, quod populo Dominorum competat electio.

Quidam pagorum summum magistratum, seu publici Concilii capita *Ammannos* vocant; & hoc quidem magistratu utuntur Pagi qui oppidis carent & vicatim habitantur: atque in his summa imperii penes universam plebem est: cujus consilio res majoris momenti definiuntur. in hoc numero sunt Vrania, Switia, Vnderwaldia, Tugium, Glarona, & Abbatis Cella. Alii Pagi sua oppida habent, penes quæ est imperium totius Pagi. Sed tamen in his duæ sunt rerumpub. formæ; quædam namque, & præsertim ea, quæ vel à Principibus condita, vel eorum imperio subiecta aliquando fuere, à Sculteto, vernacule *Schultheis*, & à Senatu, qui libera electione ex omnium civium numero delectus fuerit, administrantur; & hæc forma inter omnes maxime est Aristocratica: ac Berna, Lucerna, Friburgum, Salodorum hoc modo rempubl. gubernant. quædam vero oppida sunt in Tribus certas distributa; atque ex his plebis suffragiis tributim magistratus creantur. hi summum magistratum & caput publici consilii

Burr-

Burgermeyster, civium magistrum, vocant: hujusmodi reip. forma est Tiguri, Basileæ, Schaphusiae. de singulari singulorum pagorum regimine suo loco differemus. Cæterum id commune est omnibus civitatibus præcipuis, quod bina iis sint Consilia, grande & minus. Majus constat ex Consiliariis aliquot, qui nomine totius populi congregati, res majoris momenti, & ad Rempublicam pertinentes, disceptant. Minus, quod singulis diebus cogitur, sapiendarum inter concives litium, est. Consilarii vero dicti vel è Nobilium, civiumve qui mercaturæ operam non impendunt, societate, vel tribubus, quos *Zunft* vocant, eliguntur. Cæterum, præter dicta Consilia, pagi Calvini doctrinæ addicti, Consistoria habent, ubi de rebus Ecclesiasticis agitur.

*Senatus
Helveti-
cus, vulgo
Landt-
dagh.*

Præter dictos Magistratus & Consilia, Consilium, sive Conventus celebrari solet generalis Helvetiorum, quem vulgari idiomate *Landtdach* vocant. hic Senatus non idem semper est numero; quandoque enim conveniunt præter pagos etiam alii Socii & foederati civitatis Helveticæ; & præcipue ex his S. Galli, Rhætorum sive Grisonum & Mulhusianorum Legati: atque hic est maximus & frequentissimus Senatus, & qui rarius convocatur; ubi de bello, aut pace, aut aliis rebus agendum est, quæ ad omnes Confoederatos ex æquo pertinent. Plerumque tamen solum Pagorum tredecim Legati conveniunt, & de rebus ad civitatem Helveticam spectantibus deliberant, & singuli par sententiæ dicendæ & suffragii ferendi jus habent: itaque cum ab aliquo Pago bini legati mittuntur, unum tantum suffragium habent, quoniam hæc juxta pagorum, non Legatorum numerum æstimantur. Attamen non semper omnes Pagi interfunt Senatui: verum ubi agitur de præfecturis, quæ à septem octove Pagis reguntur, aliisve de rebus quæ tantum ad horum cognitionem spectant, tum septem aut octo solummodo Legati conveniunt. cæterum ubi de Præfecturis Italicis agitur, quæ 12 Pagorum imperio parent, eorundem legati conveniunt: in his autem rebus, quarum totius reipublicæ interest, conveniunt omnium Pagorum Legati, plenumque & justum Senatum constituunt. Postquam vero Helvetia propter discrepantes de religione sententias in partes abiit, peculiare quoque conventus instituti sunt, & frequentissime conveniunt, & proprium senatum habent.

*Per quos
haberi
possit.*

Convocandi vero & consulendi Senatus summa auctoritas, more majorum est penes Tigurinum pagum, qui veteri privilegio primum locum & ordinem inter pagos tenet. Hi ubi publicus conventus habendus sit, singulis pagis per litteras causam, tempus, & locum conveniendi indicant. Legati etiam exterorum Regum & Principum à Tigurino

pago jus adeundi senatum postulant, & quandoque extra ordinem sibi haberi senatum petunt. At in peculiaribus conventibus alia ratio est. Nam quatuor pagi Calvinistici à Tigurinis convocantur; at senatus septem pagorum Catholicorum plerumque à Lucernatibus cogitur. Sunt etiam peculiare conventus illorum Pagorum, qui Gallorum Regi foedere juncti sunt; hos Legatus Regius, qui Salodori commoratur, convocat, idque regiis sumtibus.

Helvetii veteres locum habendi Senatum nullum certum perpetuumve habuerunt; at hac nostra ætate non lege aut decreto ullo, sed more & consuetudine receptum est, ut publicus Pagorum senatus Badæ in Curia oppidi habeatur, idque ob rerum ad victum necessarium abundantiam, nec non ob situs amoenitatem & commoditatem; quia in medio fere Helvetiæ situm, pene pari itineris spatio ab extimorum pagorum Legatis adiri possit. huc accedit, quod cum 8 Pagorum imperium agnoscat, ut major pars idem, parque jus ibi habeat. Peculiare Conventus quatuor urbium Calvinisticæ religioni addictarum Aroviæ, Bernensium in oppido, plerumque habentur. At pagi Catholici dicti, plerumque Lucernæ, aliquando Bechenriedæ in Vraniis, aut Brunnæ Switiorum conveniunt. Cum autem Legatus Gallorum Senatum Helveticum conscribit, & militem petit, Salodorum eos evocat.

Quotannis vero more majorum Senatus legitimus circa solstitium Badæ habetur: & tum Præfecti publicarum provinciarum coram Senatu rationes reddunt, & provocationes ex singulis provinciis audiuntur. Indictus autem Senatus vel ex decreto publici Senatus, ex formula recessuum, ut vocant, habetur. Nam plerumque graviores causæ primo conventu non definiuntur, vel quod non liqueat Senatoribus, vel quod non habeant plenam Potestatem; itaque alius conventus indicitur communi decreto, & interea Legati singuli domi Magistratus suos, imperium summum obtinentes, consulunt. Et si autem indictus Senatus tantum propter causas publicas habeatur, tamen ubi illæ finitæ fuerint, si qui privati ex provinciis illuc venerint, & suas causas agere voluerint, audiuntur. Confident autem Legati in Senatu juxta Pagorum ordinem & numerum, ita ut primum locum teneat Tigurini pagi Legatus, editiore subsellio mensæ adsidens; proximum locum Bernas habet: post hunc Lucernas: & deinceps reliqui juxta pagorum ordinem. Tigurinus exponit quibus de causis Senatus indictus sit, additque, quid de iis à Magistratu suo in mandatis acceperit. Idem faciunt ordine reliqui. Hisce factis præfectus Badensis, ex quocunque pago is fuerit, sententias

ex

*Res de
quibus
cognos-
centur
Senatus.*

*Locus ha-
bendi Se-
natus.*

*Tempus
& ratio
agendi in
eo.*

ex ordine rogat, sententiis dictis suffragia ab eodem numerantur juxta Pagorum, non autem Legatorum, numerum.

*Res de
quibus
cognoscit
Senatus.*

In hisce conventibus ventilantur magni momenti quaestiones, quales sunt, de bello inferendo, seu pace conficienda; Si aliquis pagorum gravi injuria affectus sit, ad Senatum prius refert, ut ille statuatur an justa sit belli causa; & si videatur e Republica esse, ut bellum moveatur, proxime deliberatur de modo & ratione belli gerendi. Vt autem in bello suscipiendo Senatus consulitur, ita pagi non singuli separatim, sed communi consilio de pace agunt. foederum quoque faciendorum jus Senatus competit. In his tamen hoc servatum, ut si pagus aliquis nollet, cum aliquo, novo foedere illigari, id illi liberum esset. Legumlatio quoque ad Senatum pertinet. Quamvis enim singuli pagi peculiaribus legibus & moribus utantur, nihilominus communi consensu multa quandoque Helvetii edixerunt, & observanda statuerunt. Si quoque Legati extra Helvetiam mittendi sint ad controversiam dirimendam, ad foedus faciendum, ad gratulandum, ad cohortandum, aut etiam imperandum, aut postremo res repetendas, aut ad bellum indicendum; siue etiam in ipsa Helvetia cum Pago aliquo, aut civitate per Legatos agendum fuerit; de his omnibus Senatus deliberat & decernit. Est etiam in Senatus cura & arbitrio positum, quid cum Legationibus Regum, & Principum exterarumve civitatum, agendum; quidve eis respondendum. Postremo provinciarum, quae publico pagorum imperio reguntur, Senatus summam curam habet, ut recte administrantur. Et primum, quoniam plerique officia quaedam lucrosa habent, ut sunt, Secretariorum, Commissariorum, Officialium, Interpretum, & in Turgea *Landman* & *Landweibel*; quorum is, nomine decem Pagorum, Iudiciis capitalibus praest; hic, causas capitales agit: omnia haec certis hominibus a Senatu conferuntur; neque Praefecto tales suo arbitratu deligere licet. Deinde si quae controversiae difficiliore in Provinciis oriantur, de quibus praefecti nolint ex suo consilio sententiam ferre; haec ad Senatum referuntur: aut si Praefectorum sententia alterutri parti iniqua videatur, ad Senatum provocare licet; & causas quidem Italicarum praefectarum Legati, qui quotannis Iunio mense illuc mittuntur, cognoscunt: reliquas, qui Badae conveniunt: & ad hunc Conventum ab altero provocare licet, quod hujus sit major autoritas. Postremo vectigalium, reddituum, item mulctarum a Praefectis ratio coram Senatu reddenda est; & annui redditus singularum Praefectarum, inter illos pagos aequa portione distribuuntur, penes quos illius praefecturae imperium est. Caeterum sunt

Helvetia.

quoque coenobia quaedam in publicis praefecturis, quorum Advocatio ad Helvetios pertinet. Atque ut summatim dicam; quidquid ad provinciarum communium administrationem spectat, de his Senatus cognoscit, & eorum cognitio penes Senatum est, quae ad publicam salutem, & tranquillitatem in praefecturis, ipsisque pagis pertinet.

Siquis causas habet, quas coram Senatu agat, primum a Tigurini pagi Legato petit sibi Senatum dari. is diem illis constituit, ac nomina eorum in Albo Curiae annotat. Post ubi coram Senatu causae agenda sunt, alii quidem ipsi suas causas agunt, alii Causidicis (quos *Führsprech* vocant) utuntur, quos vel domo secum adducunt, vel e praesentibus, nam magna huc tunc confluunt copia, deligunt: illud vero imprimis hic notandum, causas hic non ex Romano jure & Iurisconsultorum responsis, sed ex aequo & bono, & legibus atque consuetudinibus singulorum populorum disceptari.

In publicis controversiis, quae existunt inter duos, pluresve pagos, aut inter privatos homines & pagum aliquem, utraque pars ex suorum numero duos iudices deligit. hi absolvuntur jurejurando, quo suo Pago obstricti sunt: & fidem dant, se ex jure, aequo & bono controversiam cognituros; daturos quoque operam, ut quam primum controversia vel amice componatur, vel jure decidatur. Certa vero loca sunt antiquis foederibus constituta, in quibus haec judicia fiant. Septem antiquiores Pagi, si qua lis inter ipsos existat, Legatos & iudices suos mittunt ad Eremitanum coenobium. Glaronensium antiquissimo foedere hoc nominatim sancitum est, si controversiam habeant cum aliquo e tribus pagis: Cum Vraniis ut Mercham, cum Switiis ut Bergeram, cum Vnderwaldiis Brunnam conveniant; ac tum reliqui pagi causa cognita sententiam ferant.

Bernenses, & tres pagi, Vrii, Switii & Vnderwaldii, in loco conveniunt, qui *Kienholts* dicitur. Tigurini vero & Bernates Soffingae. Friburgenses, & Salodorii, si litem habent cum octo Pagis, aut aliquo eorum; si quidem ipsi autores sint, Lofingae iudices conveniunt; si rei, Wilisovium veniunt.

Basiliensium, Schafhusianorum, & Abbatum Cellensium causae Badae disceptantur: ibidem etiam Conventus habetur in controversiis Helvetiorum, cum Rotweilensibus & Mulhusianis: sed civitatis S. Galli controversiae disceptantur apud Eremitanum coenobium: Grisonum vero, Wallenstadii, quod oppidum est ad caput Rivani lacus in Sarimetana praefectura.

Foederum, quae Helvetii cum exteris habent, primum & praecipuum est Gallicum. Primus Regum Galliae Ludovicus I post ca-

Judiciorum in Senatu ratio.

Judicia publicorum controversiarum.

Loca judiciorum.

Foedera cum Gallicis;

E

sum

sum ab Helvetiis ad Moratum Carolum Burgundiae Ducem, cum Helvetiis foedus decem annorum fecit, anno 1476. Porro filius ejus Carolus VIII, anno 1483 paternum foedus cum iis renovavit. Qui vero huic in imperio successit Ludovicus XII, foedus quoque in decennium cum illis conjunxit; quo finito, cum gratias Helvetiis egisset, & publicas & privatas pensiones, quas illis persolverat, renuntiasset, ii exacerbati, cum Julio II, Pontifice maximo, foedus inierunt. Franciscus I, Ludovici gener & in regno successor, Helvetios cum ad Marignanum memorabili praelio superasset, cum iisdem perpetuam pacem facere, eosque regno Galliae firmo stabilique foedere conjungere conatus est. quod tandem anno 1521 utrimque praestitum fuit. Finito hoc, ob mortem regis Francisci, filius Henricus II, iisdem quibus Pater conditionibus novum foedus cum Helvetiis inivit. Idem postea fecere Carolus Nonus, Henricus IV, Ludovicus XIII, & qui hodie Gallici regni habenas moderatur, Ludovicus XIV, cujus ad Helvetios Legatus, more solito, Salodori commoratur.

Cum Austriacis & Burgundis;

Sequuntur foedera Austriaca & Burgundica: & primum quidem Helvetii inducti persuasione Ludovici XI, Galliae Regis, cum Sigismundo Friderici filio Austriae Archiduce, haereditarium foedus inierunt; quod de novo confirmatum est à Maximiliano Imperatore anno 1511; eodem Carolum nepotem, Hispaniarum tum temporis Principem, obstringens. Anno quoque 1543 id à Ferdinando Rege Rom. Caroli Imp. fratre, agnitum est.

Cum Mediolanensibus;

Porro Lucernates, Bernates, Vranii, Switii, Vnderwaldii, Tugienfes, & Glaronenses, foedus antiquum cum Galeatio Sfortia Mediolanensium Duce renovarunt anno 1416. Et quoniam Mediolanum saepius dominos mutavit, capitula hujus foederis aliquoties confirmata atque renovata sunt; ac postremo anno 1552 Ferdinandus Gonzaga, Mediolanensium Gubernator, nomine Caroli V, cum Helvetiis conventionem hanc renovavit. Philippus II, Hispaniarum Rex, & Mediolani Dux, foedus fecit cum sex Pagis Catholicis, Lucerna, Vrania, Switia, Vnderwaldia, Tugio & Friburgo. Litterae de ea re datae Lucernae anno 1587; juratae & confirmatae Mediolani 1588. in eandem quoque societatem venerunt Abbatis Cellanorum Catholici anno 1597. Hujus confederationis ergo Regis Hispaniae, tanquam Ducis Mediolanensis, nomine, Legatus Lucernae commoratur.

Cum Sabaudis.

Sabaudiae Duces antiquitus foedus & amicitiam, cum Bernatibus praecipue, Friburgiis & Salodoriis coluerunt multis annis. Ceterum cum omnibus Pagis Helveticis Carolus III, in annos 25 fecit anno 1512. Emanuel Philibertus cum sex Pagis, Lucerna, Vrania,

Switio, Vnderwaldia, Tugio & Friburgo foedus inivit ad vitam suam, filiique sui. anno 1577 Carolus Emanuel foedus id confirmavit. Ducum horum nomine Friburgi fere semper residet Legatus.

Fecerunt Helvetii foedera nonnunquam in paucos aliquos annos cum Romanis Pontificibus, cum Angliae & Hungariae Regibus, Wirtembergae, Tusciae, & Burgundiae Ducibus, cum Episcopis Constantiensi, Argentiensi, Basileensi: cum urbibus Vindeliciis ad Lacum Acronium, cum Suevicis item, & iis quae ad Rhenum sunt.

Falluntur ii quam maxime, qui apud Helvetios nullam prosapiae curam, nullum sanguini & natalibus honorem haberi existimant. quamvis enim verum sit, Helvetios, nobiles eos vel morte vel exilio multasse, qui armis contra eos sumtis, libertati insidias intentebant: at ii qui communi cum Pagis consensu arma pro libertate assumere, semper, eorumque posteris in hunc usque diem honoribus affecti sunt. In bello quoque, quod cum Austriis Principibus gessere, non exiguus Nobilium numerus periit; nihilominus supersunt nonnullae Baronias aliasque possessiones & feuda possidentes: aliae, paupertate oppressae, nobilitatis & sanguinis claritudinem ostendere vetantur. Apud Bernates non paucae sunt familiae antiquum natalium splendorem conservantes; sed maxime inter eas elucet, *Erlachii*, *Diesbachii*, *Bonstettenses*, *Luternavii*, *Vatervilla*, & *Mylinenses*. quibus privilegio concessum est, immediate post majores Magistratus incedere, quamvis iisdem, quibus caeteri cives, legibus obstricti, in dominiis tamen suis omnigena jurisdictione gaudentes. *Escherii*, *Schmidii*, *Stuckii*, alique apud Tigurinos: *Sonnenbergii*, *Fleckensteynii*, & *Setheynii* apud Lucernates, sanguine antiquo & illustri oriundi sunt: apud Friburgenses nonnulli ex *Erlachiis* & *Diesbachiiis* degunt, qui Bernam patriam ob exercitii Religionis Catholicae prohibitionem reliquerunt. Schafhusii Dominorum Thurnensium antiqua & illustris prosapia, usque in hodiernum diem clara est, publicisque quandoque Reipub. muniis praeficitur. Salodori, apud Switios aliosque pagos restant nonnulli ex antiqua nobilitate, qui Magistratum aliquando gerere consueverunt. Basileae nullus fere antiqua illa nobilitate viget; verum ii, qui Nobilium gradum & honores possident, eum postmodum ob causam quamcunque honorificam consequuti sunt. Horum Nobilium nonnulli extra civitates in dominiis, arcibusque suis victitant, jurisdictionibus, exemptionibus, privilegiisque suis gaudentes; verum Iudicio quique Pagorum suorum subiecti. Alii in Civitatibus degunt, & non raro Magistratibus admoventur, nonnunquam

Religio.

quam Præfecturis, militiæ, armisve præficiuntur.

Religio.

Septem ex Helveticis pagis, Lucerna, Vrania, Switia, Vnderwaldia, Tugium, Friburgum & Salodorum Religioni Catholicæ Romanæ quam constantissime addicti sunt. Bernates verò, Tigurenſes, Baſileenſes, & Schaphuſiani, Calvinii ſententiam, & religionem, quam Reformatam dicunt, amplectuntur. Abbatis-Cella, & Glarona ab utriusque generis civibus promiſcue habitantur; Magiſtratus autem ex utriusque profeſſionis Senatoribus conſtat.

Totius Helvetiæ Status & Diviſio.

Helvetia communiter dividitur in tres partes principales, I, Cantones ſive Pagos: II, Eorum Socios & Conſœderatos: III, Præfecturas.

I. Pagi, quos Itali *Cantones* vocant, in univerſum ſunt tredecim, Tigurum, Berna, Lucerna, Vria, Switia, Vnderwaldia, Tugium, Glarona, Baſilea, Friburgum, Salodorum, Schaphuſium, & Abbatis-Cella.

II. Pagorum Socii & Conſœderati ſunt; Abbas & oppidum S. Galli; Rætorum, vulgo *Griſones* dicuntur, conſœderati popu-

li; Episcopus Sedunensis, & tota Valeſiano- rum regio: Civitates quoque Rotevilla, Mul- huſium, Geneva, Neocomum, & Bipennæ.

III. Præfecturæ dividuntur in eas quæ communi imperio reguntur, & alias, quæ ſub cujuſque Pagi ſunt regimine.

Prioris generis ſunt Turgovia, Badæ, Ra- guſca, Provincia quæ Libera dicitur; Trans- Alpinæ quoque hæ Luganiorum, Locarnen- ſium, Mendriſianorum, Vallis Madiæ. Præ- dictæ autem duodecim, octo, ſeptemve pagis unitis obediunt.


Bellizona, Riveria & Briena, à tribus pagis Vrienſi, Switiienſi, & Vnderwaldenſi re- guntur.

Moratum, Schwartzenburgum, Granſea, & Orben, Bernenſem & Friburgenſem pa- gos agnoſcunt.

Gaſtal, Vſnach & Gams, Switiis & Gla- roneniſibus parent.

Badæ, Bremgarten, Frawenfeld, Rapper- ſwila, Dieſſenhofen & Meyling, ſuis privile- giis gaudentes, ſub protectione Pagorum an- tiquas libertates retinent.

Vallis Tellina, Clavenna & Bormio ad Griſones pertinent. Et hæ quidem regiones, conjunctim ſumtæ, Corpus illud conſtituunt, quod Helvetiam vocamus.



PAGVS TIGVRINVS,

vulgo

ZVRICHGOW.

Nomen.

Termini.



Agus Tigurinus, qui à primaria urbe Tiguro Zurichgow dici solet, ad Septentrionem Hegoviam, & Kleckgoviam Sueviæ partes, nec non Schafhusianum pagum respicit; ad Occidentem

Argoviam habet conterminam; ad Meridiem Tugienfi & Lucernate terminatur pagis; ad Orientem Turgoviæ parti annexus est.

Diviso.

Dividitur in novem præfecturas majores, minores vero viginti duas. Majores sunt Comitatus Kyburgensis, Gruningen, Andelfingen, Grisenze, Eglisow, Provincia Libera, Regensberg, Wadischwyl & Laufen. Minorum nomina præteribimus, id solum notantes, nonnullas earum ambitu & frequenti populo majoribus esse superiores.

Urbes & oppida.

Hujus pagi caput & Metropolis est Tigurum, vulgo Zurich, urbs antiquissima, & situ admodum amœno, inter duos montes ad oram lacus Tigurini, ubi Limagum, quem infra Glaronam excepit, rursus effundit. Limagus urbem in duas partes dividit inæquales, majorem & minorem, quæ tribus pontibus junguntur; publica ædificia pulcherrima sunt, inprimis templa; privata quoque splendida, sed plateæ angustiores. Cæteræ hujus pagi urbes sunt: Grieffensee, ad lacum cognominem sita: Winterthur; Eglisow; Laufen, ad Rheni cataractas; Stein, ad Rheni ex lacu die Vnderzee exitum, Gruningen & Regensberg. Kyburgensem Comitatum Tigurense Budæ ab Imperatore Sigismundo, anno 1424, precio persoluto, adepti; tum rursus Friderico III, anno 1442, restituerunt, sed ab eo Comitatum anno 1453 rursus consequuti sunt. Winterthur & Steyna, duo amœna oppida, quoque Tigurinis parent: proprios enim quamvis Magistratus habeant, Tigurinorum tamen edictis tenentur, & in bello illis militant, attamen propriis signis utuntur: illud ab Austriis Principibus coemptum; hoc sponte sua anno 1484 Tigurinis se submisit. Eglisow oppidum Comes Tengenensis Tigurinis vendidit. Liberam verò Provinciam in feudum ab Imperatore Sigismundo accepere. Præterea possident legitimis heredibus extinctis Dominium Sax sive Hohen Sax, quod Rhein-

thal, vel Rheni valle, Werdenbergenfi Comitatu, Rheno fluvio & montibus includitur: pagos verò complectitur, vicosque nonnullos non contemnendos, arcemque Forstleck apicis rupis, cui nullus inter vicinos montes dominatur, impositam. Territorium, quamvis aspicientibus fragosum & rude videatur, nihilominus frumenti vinique apprime ferax est.

Qualitas.

Ager circa Tigurum frumenti ferax, etiam vitium, præsertim colles, & mons, qui ab urbe ad orientem excurrit, pene ad tria millia: sed vinum acerbius est, & minus laudatum, quia uvæ non satis ad maturitatem perveniunt.

Cives & incolæ formoso & venusto admodum sunt aspectu, quod iis, cum omnibus Turgoviam incolentibus est commune. Mulieres passim pulchritudinis laudem merentur; quod mirum inter rupes & aspera montium juga videri posset.

Incolæ.

Tigurinorum frequens & celebris mentio est in Romanis historiis, quia & cum Cimbris adversus Romanos militarunt, & Cassium Consulem profigarunt, postea vero à Julio Cæsare victi & cæsi sunt. post in Francorum potestatem, & inde ad Imperatores Germanos pervenerunt, à quibus & urbi & Collegiis Præfecti, per trecentorum annorum spatium iis fuere præpositi, usque ad annum 1215. Cæterum illis temporibus urbs nihilominus suum Magistratum habebat virorum 36, è quibus 12 quadrimestri tempore imperabant. Tandem cum paulatim cresceret urbis libertas, collegiorum, penes quæ semper maxima ex parte urbis imperium fuerat, jugum excusserunt: cumque inter 36 viros, quorum 12 quadrimestri, ut diximus, spatio, imperio præerant, & plebem dissensio esset orta, Duodecim virorum potestas ablata est, & Magistratum ratio popularis, approbante Ludovico Imperatore, qua tributim deliguntur, fuit instituta in hunc quidem modum: Civitas in duodecim Tribus, quas Zunfft Germanice nominant, divisa est, quarum una è Nobilibus constat, hæ in iis quæ ad rempublicam pertinent; & in electione Consulibus, (iis Burgermeister) cujus potestas semestris est, vel Tribunorum, quos Oberstermeister vocant, qui Consulibus potestate proximi sunt, communi consilio & suffragiis omnia peragunt. Sunt autem præcipuæ

Regimen.

Præfecti
rarum
regimeFæd
Tig
nor
cum
pag

cipue autoritatis duo publica Consilia; Majus, quod in gravioribus tantum negotiis, & quæ ad totam rempublicam pertinent, convocatur, constans ducentis hominibus. Minus, quod quotidie rempublicam administrat, & civium controversias cognoscit; idque ex singulis tribubus terni homines; ex Nobilium tribu seni desumpti, duoque Consules, publici Consilii Capita constituunt. Præterea est & aliud Consilium, quod Quæstorium nominare possumus, quod rationibus publicis præest, & constat viris octo. Publica verò Iudicia apud Tigurinos duo sunt, unum rerum Civilium, *das Stadtgericht*, constans VIII-viris, ac Prætoris peculiari; alterum, quod controversias annuorum reddituum judicat. Causas Capitales Senatus novus judicat, atque ei præfectus Imperii, *der Reichsvoght*, sive *Blutrichter*, qui ex ipso Consilii Corpore ab ipsis Senatoribus quotannis eligitur, præest. Præter iudicia verò jam dicta, est & Consistorium, quod *Chorgericht*, sive *Ehegericht* vocant, in quo causæ matrimoniales & Ecclesiasticæ pertractantur. Constat autem hoc certo numero Assessorum, qui ex utroque Senatu publicis suffragiis deliguntur, iisque aliqui è Theologorum, aut Ministrorum suorum numero adjunguntur.

Præfectu-
rarum
regimen.

Tigurinorum Imperium late patet, & Præfecturas plurimas, ut supra monuimus, complectitur: harum quædam à Senatu urbano administrantur; ita scilicet, ut præfecti in urbe maneat, & Senatorio munere fungantur, nihilominus pagis suis jus dicant: si quæ tamen causæ criminales & capitales fuerint, de his Senatus cognoscit: aliæ vero præfecturæ ampliores sunt, in quas Præfecti cum imperio mittuntur: atque hi non tantum civiles causas, verum etiam plerumque capitalia crimina judicant, & puniunt. Habent autem singulæ præfecturæ sua privilegia, suas veteres consuetudines; pleræque etiam sua peculiaria Iudicia, ex suo Corpore delectis Iudicibus: in his nihil omnino immutant præfecti, sed ipsis jura salva & integra relinquunt; Iudiciis eorum præsent, & juxta leges & consuetudines uniuscujusque præfecturæ jus dicunt.

Fœdus
Tiguri-
norum
cum aliis
pagis.

Tigurini, videntes Basileam & Argentinam, eorumque Episcopos, Friburgum Brisgoviam, Colmariam & Seletadium in ruinam suam conspirasse, bellumque decrevisse; cumque in Cæsare Carolo IV, & Imperio nullam auxilii spem esse ante didicissent, cum Lucernatibus, Uriis, Switiis & Vnderwaldiis anno 1352 fœdus inierunt: Etsi autem Tigurum quinto demum loco Helvetico fœderi accesserit, tamen nihilominus ob urbis celebritatem, & potentiam, princeps locus omnium consensu iis datus est, quem hodie quoque aucto fœdere retinent in Comitibus, *Helvetia*.

gationibus, aliisque publicis actionibus. Postmodum anno 1400, Wenceslaus Caroli IV Imp. filius, Tigurinis omne Præfecturæ Imperialis, sive Magistratus, quem *Voghtey* vocant, constituendi jus, quod Imperatoribus compete-
tebat, vendidit, iisque ut ex ipso corpore Reipublicæ suæ in futurum præfectum eligere possint, concessit; quod postea ab Imperatore Carolo V, anno 1519 confirmatum est. Cæte-
rum omnes, Tiguri, vel in pago Tigurino habitantes, Calvinii doctrinam, quam Reformatam vocant, profitentur.

S A L O D O R V M.

Pago Salodorenfi ad Septentrionem vicini sunt Basileenses; ad Orientem & Meridiem Bernates; ad Occidentem verò adjacent terræ Episcopo Basileensi parentes. Pagi totius caput est Salodorum, vulgo *Solothurn*, antiquissima civitas, in majorem minoremque divisa, ponte super Arolam injecto conjungitur; & hæc quidem Constantiensis, illa Lausanensis diocesis est. Oppidum validis est cinctum mœnibus, ædificiis pulcherrimis habitatum, inter quæ eminet palatium quod Franciæ Regis Legatus inhabitat. Pertinet ad pagum hunc, in Bursgovia, *Olten*, oppidum ad Arolam fluvium situm, emptione ab Episcopo Basileensi comparatum; *Balsal*, vicus sive oppidum admodum grande, & quod quamvis muris careat, merito inter civitates numerari posset. Arx quoque ejusdem nominis à Salodoris tenetur, ad dextram Birs fluvii ripam sita, unaque leuca à *Lauffen* distita; præterea in Sisgovia ad Iuram montem loci nonnulli, quamvis exigui momenti, ad Salodorenses pertinent.

Ager fertilissimus est, præterquam quod vites non toleret; & juxta Balsal oppidum ferri fodina est quam Falkensteinensem vocant. Linguam loquuntur indigenæ Germanicam rudiorē, seu Helveticam. Anno 1351 Salodorenses cum Bernatibus fœdus perpetuum fecerunt, cæterorum quoque confœderatorum amicitiam magna fide coluerunt. Itaque bello Austriaco, quo Leopoldus cæsus est, finito, paribus conditionibus ac cæteri confœderati fœdus & pacem cum Austriis fecerunt, & in tabulis fœderatis junguntur, & cum iisdem communi consilio leges militares statuerunt, & jurejurando sanciverunt. Demum finito Burgundico bello, in quo fortiter & strenue omnium judicio se gessere, una cum Friburgiis in Pagorum numerum adscripti, & à confœderatis, quasi civitate donati sunt. Cæterum civitatis Salodoren-
sis regimen quam maxime cum Republica Bernatū convenit; ideoque eò lectorem remittimus.

F

SCHAFF-



S C H A F F H U S I A.

Termini. Schaffhusianorum pagus partem Kleckgovia, quæ Sueviæ est portio, situ occupat; ad Septentrionem terminatur residuo ejusdem provinciæ; ad Occidentem terras, quas Austrii Archiduces in Kleckgovia possident, habet vicinas, ad Meridiem & Orientem Tigurinorum pagum respicit.

Schaffhusia Civitas. Caput Pagi totius est Schaffhusia ad Rhenum in ripa Germanica sita, Helvetiæ tamen ponte jungitur; sub ea circiter 3 mill. passuum major Rheni cataraetes est, ubi per ingentia saxa maximo impetu fertur, & tandem ex altissimis rupibus horrendo sonitu, & spumis, nebulæ instar, in altum sparsis, præcipitatur, ita ut nullius generis naves illic transire possint: quare omnes naves, quæ ex Acronio & Veneto lacu, secundo flumine descendunt, necesse est Schaffhusiæ exonerari; hinc urbi initium, nomen, & opes. Sola hæc civitas, & quædam Kleckgovia pars, nam (reliquam Austriæ Archiduces, vel Comites de Zultz possident,) Pagum hunc constituit.

Qualitas. Territorium omnium rerum fere, quæ ad sustentandam hominum vitam requiruntur, abundat; nullibi vero in tota Helvetia majorem piscium copiam quam Schaffhusiæ invenies: opes civitati, ut jam monuimus, ex necessitate naves in ea exonerandi; nec non ex commercio quod in Gallia, & aliis remotissimis quoque provinciis exercent, lina, cuprum, aliaque metalla sua distrahendo. porro Civitas ipsa arce munitissima, quæque eam ab omni parte securam reddit, defenditur.

Regimen. Nellemburgii Comites tempore Henrici III, Imp. huic districtui dominantes, cœnobium Omnium Sanctorum condiderunt, idque Abbatis curæ demandarunt. id primam originem urbi dedit; alteram, & incrementum, Rheni cataraetæ debet. Initio vero urbis maxima potestas penes Abbatem cœnobii fuit; qui & Magistratuum mediam partem elegit; cæterum paulatim cives eorum imperio se exemerunt, & Romanorum Imperatorum beneficio, multis immunitatibus & privilegiis donati sunt. Verum Ludovicus IV, Bavarus Schaffhusiam ab Imperio alienavit, & Austriæ Ducibus divendidit; sed Sigismundus, 85 post annos, eam rursus Imperio univit, civesque ejus amplissimis privilegiis donavit; illisque cavit, ne unquam urbem eorum postea ab Imperio alienare liceret. Verum cum Fridericus Tertius, Austrius, Imperio potitus fuisset, conatus est rursus Austriæ Domui Schaffhusiam asserere; & Sigismundo Duci potestatem fecit, ut Schaffhusianos cives in verba jurejurando adigeret. Sed missi à Sigismundo ad id Legati, cum cives, privilegiis suis & immunitatibus

nitentes, acriter obsisterent, eosque urbe arcerent, irrito conatu domum redire coacti sunt; & tum Schaffhusiani, ad melius conservandam libertatem, cum Tigurinis, Bernatibus, Lucernensibus, Sutiis, Tuginis & Glaronensibus fœdus in aliquot annos fecerunt anno 1454. quod anno 1479 in 25 annos sequentes renovarunt, comprehensis quoque Vriis & Vnderwaldiis, quibuscum hætenus nullum peculiare fœdus Schaffhusiani habuerant. cum verò postea & bello Burgundico & Suevico Schaffhusiani Helvetiis fidelem operam navassent, eoque nomine apud Helvetios magnam gratiam iniissent, & sibi non exiguam laudem comparassent; anno post bellum finitum proximo 1501, perpetuum fœdus cum II Helvetiorum pagis fecerunt, & in numerum pagorum adscripti sunt.

Schaffhusia civitas in undecim Tribus, vulgo *Zunft* dictas, dividitur; quarum prima e Nobilibus constat, quorum præcipuæ familiæ *Stat & Thurn*. Senatus eorum major, constat 86 viris; minor autem 26 tantum, amborum præsides, sunt Consules. Cæterum Schaffhusiæ duo sunt Iudicia: Urbanum, quod de debitis, contractibus, & similibus actionibus judicat, vocatur ab iis *das Schuldgericht*; si autem debiti summa centum aureos excedat, Senatus de eo cognoscit. Alterum iudicium vocant *das Vogtgericht*, aut *Buessengericht*; Præfecti, aut multarum iudicium: propterea quod præfectus Imperii, seu rerum capitalium huic præsideat, & multas irroget. Cognoscit hoc Iudicium causas criminales minoris momenti, ut sunt leviores injuriæ & vulgaria convicia: nam de gravioribus injuriis & contumeliis Senatus pronuntiat. Schaffhusiani Latobrigorum majori parti imperant, & in eorum oppida ac pagos præfectos mittunt. Religionem verò Calvinisticam amplectuntur.

B A D A.

Termini. Badensis Comitatus Rheno fluvio, BERNENSIS & Tigurensium pagis includitur; omnium verò Præfecturarum Helveticarum splendidissima est.

Hujus Præfecturæ caput est Bada civitas, *Oppida.* quæ superior dicitur, ad discrimen oppidi ejus quod Marchionem Badensem dominum agnoscit; sita est ad Limagum fluvium, estque ex antiquissimis totius Helvetiæ; quippe cujus meminit C. Tacitus, qui appellat locum in modum municipii extructum, amœno aquarum salubrium usu frequentem. Antiquitus habuit duas arces: alteram in edita rupe sitam, quæ inde nomen apud Germanos accepit, *der Stein zu Baden*, ab Helvetiis destructa, nunc in ruinis jacet: altera ad pontem sita est, quam nostra ætate Præfecti ab Helvetiis missi

missi incolunt. Vicinos habet complures calidos fontes, quorum causa huc quotidie magna hominum vis confluere solet.

Oppida.

Pertinent etiam ad Comitatum & Præfecturam Badensem duo oppidula, *Clingenovium*, & alterum vulgo dictum *Keyserstuel*, ac si dicas Cæsaris sedem ac tribunal; hoc ad Rheni ripas situm est, illud Arolæ aquis alluitur. Præterea inter utrumque jacet *Zurzack*, vicus ingens ad Rhenum fluvium, oppidi in morem excultus, ad Clingenoviam præfecturam pertinens: hic celeberrimæ nundinæ bis quotannis celebrantur, ad quas mercatores non tantum ex Germania, sed ex Gallia quoque & Italia confluunt, cum tamen nundinæ, quod mirum est, uno die peragantur.

Qualitas.

In districtu seu Comitatu Badensi sunt ultra triginta balnea tam publica, quam privata aquæ calidæ, ad utramque Limagi fluminis ripam disposita; quin imo in ipso Limagi alveo ferventium aquarum scaturigines ebullientes conspiciere licet; ad balnea hæc quotannis plurimi utriusque sexus mortales confluere solent, morbis suis remedia quærentes. Circa oppidum ager est amœnissimus, hortique frequentes, vites quam plurimæ, sed quæ vinum minus generosum ferant.

Regimen.

Bada Civitas, Tigurinæ, Lucernatibus, Vranis, Sutiis, Vnderwaldiis, Tuginis, Glaronensibus & Bernatibus paret, quamvis Magistratus suos habeat peculiares, Consilium minus, quod duodecim constat Consiliariis, & majus, quod quadraginta viri constituunt, Prætorem, quem *Schultheis* vocant, Consilii præsidem; Thesaurarios, aliosque minoris authoritatis officiales. Portus ad ipsam civitatem pertinet, telonium vero Cantonibus solvitur. Consilium porro minus non solum de rebus ad Civitatem spectantibus cognoscit, verum etiam lites tam criminalium quam civilium causarum dijudicat; Præfectus vero Badensis nullum jus in oppidum Badense habet, sed in Comitatum, qui in plures pagos & minores jurisdictiones divisus est; in his præfectus suos habet vicarios, qui una cum iudicibus ejusdem pagi jurisdictionem ejus nomine exercent, multas impositas exigunt, & ad præfectum referunt; nonnunquam etiam ipsi præfecti hujusmodi Iudiciis interfunt. Sed ad Iudicia majoris momenti, & in quibus de crimine capitali agitur, Iudices 24, ex toto Comitatu Badensi conveniunt; hi vero deliguntur à Præfecto, ac semel delecti perpetuo munere funguntur. Iudices secundum leges de capite alicujus sententiam ferunt: attamen Præfectus, penes quem est summa potestas, sententiam eorum mitigare potest. Illud supra monuimus Præfectum Badensem in publico Helvetiorum conventu, sententias ex ordine rogare & colligere; ut plurimum quoque sigillo suo, id quod pu-

Helvetia.

blici Consilii nomine scribitur, munire solet; quod si dispares sententiæ æqualem numerum teneant, suo voto differentiam dirimit. Inter officia Præfecti præcipuo loco est Scribæ totius provinciæ; quod munus cum dignius, tum etiam eo uberius est, quod hujus opera Helvetii in suis conventibus utantur. Proximus ab hoc est quem Sub-præfectum Badensem vocant.

Civitatis *Keyserstuel* & *Klingenoww* Episcopus Constantiensis Præfectos imponit, neque in illis Præfectus Badensis ullam edicendi, aut imperandi, vel multas exigendi potestatem habet; sed Iudicia tantum capitalium criminum ad eum spectant. Cives vero horum oppidorum, cum cæteris Badensis Comitatus incolis, Helvetiis militare tenentur. *Zurzack* pagi celeberrimi jurisdictio ad Clingenoviensem Præfecturam pertinet; ideoque ab Episcopo Constantensi Præfectus ei præponitur. Porro hic non edicit, aut multas imponit majores 10 libris; sed si crimen, nundinarum tempore commissum, quod gravius plectendum, aut etiam capite multandum sit, tum Præfecti Badensis apparitor Iudicium exequitur, & reum multat. Verum extra nundinarum tempus, capitalium criminum rei, primum Clingenoviæ examinantur, & tum demum confessi & convicti Præfecto Badensi traduntur. Nundinarum autem tempore, adveniente Præfecto Badensi, jurisdictio omnis Episcopi cessat, & solus præfectus imperandi & edicendi jus habet ad finem usque nundinarum. Cives generatim religionem Catholicam Romanam amplectuntur; at ii qui Comitatum incolunt, promiscue vel Catholici, vel Calvinistæ sunt.

Oppidorum regimen.

Religio.

BREM OGARTVM.

B Remogartum oppidum est ad Russ fluvium, à quo media sui parte fere peninsulæ modo cingitur, infra Lucernam duobus magnis milliaribus Germanicis situm, admodum amœnum est, & ab artium mechanicarum magistris, nec non mercatoribus inhabitatur. octo veterum Pagorum imperium agnoscit; Consilium suum minus est duodecim; majus vero quadraginta virorum, quibus præest Prætor sive Scultetus, à Cantonibus seu Pagis dominantibus electus. Oppidum vero imperat vicis aliquot ei proximis, quos vocant Cellæ præfecturam, *das Keller-ampt*. Summum vero imperium & animadversio in capitalium criminum reos Tigurinæ competit. In his autem pagis, ad Cellæ præfecturam spectantibus, si qui Iudicio contendant, primò Bremogartum provocant; deinde Tigurum, si Bremogarten-sium sententia ipsis non probetur: in controversiis autem quæ tantum Bremogarti dis-

Situs.

Regimen.

G

cep-

ceptata fuerint, provocationes ad 8 pagos fiunt.

manfit. Cives religionem Catholicam Romanam constanter profitentur. Religio.

M E L L I N G E N. LIBERÆ PROVINCIÆ.

Situs.

M *Ellinga* exiguum oppidulum ad eundem Ruffi fluvium, medio milliari Germanico infra Bremogartum, semper Comitibus Habsburgiis paruit. Oppidum hoc, ut & Bremogartum, eodem bello, quo Bada ab Helvetiis capta nomine Imperii, & postea à Sigismundo Imperatore iisdem oppignorata sunt, hac conditione, ut illis omnia vetera jura, privilegia, consuetudines, salva maneat, & Helvetiis præstent eadem servitia, quæ antea Habsburgiis & Austriis dominis suis præstiterunt. Itaque octo veterum Pagorum, ut Bremogartum, imperium agnoscit.

R A P P E R S W E I L.

Situs.

R *Aperfwila* oppidum est ad ripas lacus Tigurini; Tiguro distat quatuor sive quinque itineris horas. pontem habet è ligno constructum mille quingentos passus longum, qui utrasque lacus ripas conjungit.

Regimen.

Oppidum hoc, Vrii, Suitii, Vnderwaldii & Glaronenses, cum à Constantiensibus contumeliis affecti, bellum illis inferrent, anno 1458 stratagemate occupaverunt, civesque sibi sacramentum dicere coegerunt, iisdem iis privilegiis servatis, quæ sub Austriis dominis habuerant; ab illo autem tempore in prædictorum quatuor Pagorum potestate per-

L iberæ Provinciæ ad Ruffi fluvium sita, diversa ab ea Libera Provincia trans Albium montem, quam Tigurinis à Sigismundo Imperatore datam supra monuimus, appellantur Castella & vici, qui sunt ad sinistram Ruffi fluvii, supra & infra Bremogartum oppidum: inde nomen videtur impositum, quod tres vici, quorum singuli suam jurisdictionem habuere, ac proprios Magistratus seu officiales, nempe *Meyenburgum*, *Richenzee* & *Ergow*, vel Villa Verbigena, quasi provinciæ quædam peculiares, in unam provinciam conjuncti sunt. Olim hæc regio appellata fuit Comitatus Rore.

Lucernates (bello quo Helvetii, jussu Imperatoris Sigismundi & Concilii Constantiensis, Fridericum Austriam persequuti sunt) loca ad Ruffi fluvium, & hunc quoque Comitatum Roræ in potestatem redegerunt; postmodum Tigurini, Suitii, Vnderwaldii, Tugini, Glaronenses, post etiam Vrii in hujus Præfecturæ societatem admissi sunt; itaque septem pagi Helvetiæ hodie huic præfecturæ imperant. Præfectus autem pagorum nomine non in hac regione habitat, quoniam regio hæc non admodum ampla est: sed cum usus postulaverit, juris dicundi causa aliquoties in anno illuc proficiscitur, & plerunque in Cœnobio Benedictini ordinis Muræ habitare solet. Regimen.

WIFLISPVRGERGOW.

B E R N A.

Limites.



Extensio.

Berna
Civitas.

Ernatum pagus ad Septentrionem terminatur Rhynfeldensi, Austriae Archiducum Comitatu; ad Occidentem Salodorum pagum, Episcopi Basileensis terras, Neocomensem & Burgundiam, Comitatum habet vicinos; ad Meridiem Lemannum lacum, & Valesiotum Comitatum respicit; ad Orientem, terminos cum Badensi, & Bremogartenensi territoriis, Lucernatum & Vnderwaldiorum pagis habet communes. Pagorum omnium maximus, longitudinem itineris quinque dierum continet; complectitur autem majorem Argoviae & terrae de Vaux dictae portionem, mediamque totius Helvetiae partem; numerans Praefecturas quadraginta tres, urbesque plures quadraginta, limitibus suis inclusas.

Totius Pagi metropolis, Helveticarum urbium potentissima, in longitudinem porrecta, ab Arula fere tota concluditur fossa profundissima: nomen consequuta dicitur ab urso, quem *Bern* vocant Germani, in venatione à Berchtoldo IV, Zeringensium Duce, capto (proposuerat enim urbi condendae nomen à prima fera, quam caperet, imponere) condidit eam dictus Berchtoldus anno 1240; aedificia habet mirabiliter extructa; nam licet tutum circumire sub porticibus cameratis totam fere urbem, etiam pluviosissimo tempore; dorsum cui imposita est longius est plus minus mille passus, trium platearum, sed latissimarum, per quas amnis ab occasu, nempe Isthmo, qui continenti adjungitur, immittitur, ut rivuli limpidissimi per omnes non modo plateas, sed etiam domos meent, omnes sordes abluentes. Arula ipsa, à lateribus Meridionali, Australi, & Septentrionali eam cingens, tam profundo est alveo, ut locum, cui urbs est imposita, fere montem fecerit, urbemque munitissimam effecerit, utpote quae per Occidentale latus seu Isthmum unicum praebeat aditum, quem ex consilio Comitatus Susae, Bernensium exercitus Praefecti, munitionibus, vallo & fossis adeo muniunt, ut cuiusvis hosti resistendo jam sit idoneus; cum antea simplici interclusus muro, vim facienti facile pateret. Univerſa vero urbs fere è lapide quadro facta est, praebente materiam copiose, qui ad murum urbis est, monte sectili.

Helvetia.

Reliquae Bernensis pagi Civitates sunt, in Argovia; *Buren*, *Wangen*, *Arberg*, *Arzwil* & *Bruck*, ad Arulae fluvii ripas sitae; *Vndersee* ad lacum cognominem est, *Thun* inter lacum *die Thunersee*, & Arulam fluvium, *Louppen* & *Lentzburg* Comitatus, septuaginta pagorum caput, *Bugdorff*, *Erlach*, *Nidow*, & *Zoffingen*, quod Latinis Tobidium est.

In eodem quoque districtu Bernates Praefecturas possident *Brandis* oppidi & arcis; *Biberstein*, sub qua comprehenduntur tres pagi, *Lantschout*, *Rip*, *Schenkenburg*. *Frutigen* cum valle ejusdem nominis, *Save*, *Aelen* versus Rhodanum & lacum Lemannum, *Signau*, *Sicomiswald*, *Drachselwald*, *Emmenthal*, sive *Emmae* fluvii vallis, *Hafelia* vallis, & *Summia* vallis, superior & inferior, vulgo *das Ober und Nider Simmerthal*: haecque omnes Praefecturae dicuntur Germanicae, quod Germanico utantur idiomate.

Praeterea Bernates possident fere totum illud terrarum tractum, qui vulgo Romanus, sive *de Vaux*, Helvetiis corrupto sermone *Waat* dicitur; initium autem sumit ille tractus inter *Versoy*, & *Coupet*, pagos non longe Geneva disitos, ubi terminus lapideus Bernensium insignibus exornatus, jurisdictionem eorum incipere designat; inde juxta lacum Lemanni ripas extenditur, post *Aventicum*, vulgo *Avanches*, civitatem versus usque ad pagum *Fouz* dictum, exporrigitur, ubi ab Helvetia separatur prope *Moratum*: non est nimiae longitudinis, utpote quam viginti sex horarum itinere totam peragraré possis. In hoc districtu Praefecturae sunt octo, Gallicae dictae, quod indigenae Gallico, seu potius Sabaudico sermone animi placita efferant: sunt autem haec, *Aventicum*, vulgo *Avanches*, *Moudon*, *Iverdun*, *Lausanne*, *Morges*, *Nyon*, *Orbe*, *Aille* & *Vivay*. Praeterea quatuor praefecturae Bernatibus & Friburgensibus communes sunt; *Morat*, *Schwartzenburg*, *Granson* & *Scherlin*, sive *Chalansée*.

Aventicum quondam civitas celeberrima, *Wiflis* & *Aventici* pagi caput, nunc vulgo *Wiflis-purg* Germanis, Gallis *Avanches* dicta, tractu temporis mutata rerum facie, in ruinis jacet, nihil ex prisco splendore, qui ex nummis aliisque venerandae antiquitatis monumentis, quae hic effodi solent, colligi potest, retinens; hodie nullius fere est momenti oppidum, ad lacum Muratensem situm. *Moratum* oppidum est ad eundem lacum, cui nomen suum communicat, situm; ob decantatam Helvetiorum à Carolo Terribili, ultimo Burgundionum Ducum reportatam victoriam, stragem-

H



gemque fere incredibilem 30000 Burgundis, ipsoque Duce, caesis, admodum celebre. Memoriam victoriæ gloriosissimæ conservans sacellum pugnae loco exstructum est.

Yverdon. *Yverdon*, antiquis Ebrodunum, inter præcipuas, & majoris momenti territorii Romani urbes, tam ob vicinitatem lacus Neocomensis, quam ob splendorem ædificiorum & nitorem platearum; accedit arx perampla ad suburbium sita, operibus munitissima; vinorum quoque aliarumque mercium transitus, portusque opportunitas; serici quoque cultura post annos aliquot hic vigere coepit. cives sunt opulenti, & in hortis suis amoenissimis excolendis mire delectantur; cæterum cum civitas limitibus Burgundici Comitatus admodum sit vicina, & commode ob situs opportunitatem muniri possit, Helvetiorum inimicis semper petita fuit, quo ibi sedem belli figerent. *Lofanna.* *Lofanna*, quondam cathedrali sede conspicua, ampla & opulenta civitas, ad lacum Lemannum amoenissimum situm occupat, à Collegio suo celebritatem haud minimam consequuta. *Granson.* *Granson* ab Historicis celebratur ob victoriam memorabilem, quam Helvetii anno 1476 à Carolo Terribili Burgundiæ Duce reportarunt. *Orbe.* *Orbe*, non longe ab Yverdon civitate, ad ripas fluvii ejusdem nominis est. *Oppida.* Geneva Helvetiam petentibus, primum Bernensium oppidum quod occurrit, est *Coupet*, una cum arce sua, Baronatus titulo insignis; succedit Nevidunum, vulgo *Nyon*, castello munitissimo defensum; Præfecti sedes ordinaria: est & *Morgex* parvum quidem, sed nitidum oppidulum, atque amœnum, plateis rectis, largisque, & quam optime stratis, ædificiis singulari artificio, omnibus eodem fere modo extructis ornatum: Præfecturæ quoque est caput, sub qua comprehenditur etiam Role vicus nobilissimus, Baronatus titulo insignis; *Lutry*; *Cuilly*; *Vivay*, quod Latinis Viviscum dicitur, Præfecturæ itidem caput; sub qua Xilon fortalitium munitissimum censetur. *Aigle* Rhodanum versus situm est. Præterea nonnulli in Comitatu Rhinfeldensi loci ad Rhenum Bernatibus parent; cæteri Austriæ Archiduces Dominos agnoscunt.

Qualitas.

Solum circa Bernam, omnium rerum ad victum humanum necessariorum abundans, hordeum, avenam, secale, far optime producit; tritici non admodum ferax, cum frigidius sit, quam tritici semen requirit. Sylvas habet piniferis arboribus consitas; vinum vero hic minime magna fert copia, colles enim aliquot ultra Arolam fluvium, & ad Septentrionale civitatis latus, solummodo vineis sunt exculti. Nihilominus civibus non defunt vina, plaustris à Rheni ripa huc devectis, vel etiam in provinciis Bernatibus subditis nata, utriusque coloris, inter quæ ex-

cellunt Vallengia albi coloris in territorio de *Vaux* & prope *Susmont* nata; nec non ea quæ Savagnina vocant Xablefii Ducatus. Inter *Vibiscum* & *Role*, in territorio de *Vaux*, colles omnes, pagique undique vineis sunt confiti, unde vina generosa & maximi pretii colligunt indigenæ, eaque Bernam, & Genevam lucri gratia devehunt. Præterea omnes, qui ditiores sunt, Bernæ cives in hoc tractu villas suas habere procurant; adeo ut hic districtus merito inter amœnissimos, ac fertilissimos, præsertim ubi lacui est propinquior, censeri debeat; nam colles vina pretiosissima proferunt, arva frumenti optimi, imprimis tritici sunt feraces, & pascua innumeris armentis & gregibus alendis sufficiunt. *Bonwald* sylva usque ad Arolam fl. pertingens, pinus & abietes fert magnæ proceritatis, quæque centum triginta pedum altitudinem quandoque attingunt: has Genevensium mercatores emtas Arolæ committunt, qui eas in Rhenum defert, hinc Rheni auxilio in remotissimas regiones quæstus ergo devehuntur. Porro regio tota piscibus mirum in modum abundat; Lemannus enim, Neocomensis, Muratensis, Thunensis lacus, fluviique & rivuli incredibilem tractarum, luciorum, anguillarum, aliorumque piscium suppeditant copiam. quinetiam nonnunquam ripæ horum lacuum, præcipue Ebrodunensis, anferibus, anatibus, aliisque id genus avibus obsitæ, indigenis aucupii maximam præbent copiam.

Indigenæ hujus pagi robusti sunt, laboriosi, bello & paci accommodissimi, judiciofi, prudentes. Lingua utuntur Germanica præter eos, qui districtum Romanum, vel de *Vaux* incolunt; ii enim Gallicam, seu potius Sabaudicam loquuntur linguam; hic quoque commodiores tam mares, quam feminæ Gallico more vestiuntur; verum cæteri vestitu Helvetiorum communi uti solent. Feminarum Bernensium aliquæ pileos gestant pellibus prætextatos, aliæ capitis tegumentum, quod caput totum involvens, frontis quoque pauxillam tegit partem; nonnullæ capillos in duas partes divisos, libere per humeros vagari permittunt. cæterum in nuptiarum aliisque publicis solemnitatibus, Bernates, collum catenis sat magni ponderis aureis ornare gaudent, quibus dignitatem & opulentiam demonstrent. In omnibus vero hujus pagi Civitatibus, homines quidam à publico Consilio, seu Magistratibus, constituti sunt, qui noctu singulas horas alta voce intonent, & significant, quamvis campanæ sonitu satis imotescant. In iis vero urbibus, quæ Gallice loquuntur, simpliciter horarum numerum significant: in Germanicis autem versiculo vernaculo decantant; horas siquidem hisce versiculis annuntiant:

Höret,

*Höret, das ich wil sagen,
Es hat Zehen geschlagen.*

Quod Latine significat, attendite sermonem meum, decima jam audita est. Hicque mos jam ab antiquo obtinuit, ut cives in quemvis eventum alacres, vigilesque esse admonerent, & improbas actiones, noctu fieri solitas, reprimerent.

opes.

Bernatum porro Respublica ceteras Helveticas divitiis opibusque longe excellit, ob districtus, præ cæteris, longe majorem extensionem, & Ecclesiasticorum, præsertim Episcopi Lausanensis, redditus, qui in Reipublicæ usum nunc convertuntur. Ad quantam vero summam Reipublicæ redditus annui ascendant, nulli unquam extraneo, quod sciam, innotuit. indubitata autem opulentia immensæ signa sunt, quod diversis temporibus contra Principes potentissimos bella diuturna, etiam alieno in solo gesserit, militibusque suis stipendia justo quoque tempore persolverit; Comitique Suxæ, Exercituum suorum Duci, duodecim millium Imperialium stipendium annuum numeraverit; præter imensos sumtus, quos diversis in locis eodem tempore, facere coacta fuit. Cæterum id solum Bernatibus deesse videtur, quod lacuum Lemanni & Neocomensis nulla sit communicatio; nam si fluvii utrumque influentes jungerentur, quod facillime fieri posse nonnulli existimant, adeo ut navigiis è Lemanno in Neocomensem pateret iter, immensis Respublica ditaretur opibus; è Neocomensi enim lacu facili negotio per Arolam in Rhenum fluvium descenditur. Quæstorum, qui duo Bernæ sunt, unus omnes proventus, quos civitas in Sabaudico agro colligit, administrat. Cæterum Respublica subditos nullo impositionum genere onerare consuevit, verum decimas, & possessionum feudaliū census ab iis exigit. Plebi ipsi otium, diversoria, lites, dissensiones & Præfectorum exactiones summam paupertatem conciliant. Ebroduni nundinæ quotannis celebrantur famosissimæ; & præterea singulis Mercurii diebus mercatus est, in quo sal, aliæque res comestibiles magna copia divenduntur. Vibisci casei laudatissimi Gruyerenses distrahuntur; Morgesii mercatum tritici ferrique habent copiosum; sed maxime celebres sunt nundinæ Nevidunenses, ad quas Genève, ex Sabaudia item, Burgundiaque innumeri confluant mercatores.

Vires.

Ante ultimi Germanici belli tempora Bernates duodecim millia militum electorum, continue stipendio persoluto in quemvis eventum parata tenere consueverant; postmodum vero numerum hunc, superadditis aliis sex millibus auxere; adeo ut semper octodecim millia militum conscriptorum Bernatibus militent. Si vero necessitas majorem

Helvetia.

exigeret numerum; fumo in vertice montis prope Bernam excitato, quadraginta armatorum millia, solo viginti quatuor horarum temporis spatio interposito, ex solo Bernensium Pago Bernam confluerent; si vero paulo majorem moram tempus concederet, alia viginti millia ex subditis Præfecturis & Provinciis iis addere posse, experientia docuit; hinc natum est proverbium, *Bernates cum Mediolanensibus equipollere.* ex eo quoque, quod sola Alensium præfectura quatuor cohortes ordinarias, septem armatorum millia continentes, elargiatur, Bernensium potentia apparet. Ante dicta bella, Lacædemoniorum more, nulla in propugnaculis, murisque præsidia ponebant, in fortissimorum virorum constantia, Civitatum vires consistere existimantes. Verum necessitate munimentorum explorata, anno demum 1623 civitatem vallis, fortalitiisque munire coeperunt. Fortalitia vero præcipua, quæ Bernates tenent, hæc sunt; Sabaudia oppositum *Chilon*, ad limites Burgundici Comitatus, *Ebrodunum*, *S. Fourgues*, & *S. Crucis*.

Berchtoldus V, Zeringensium Dux & Burgundia Præfectus, postquam anno 1240 Bernam condidisset, variisque nobilissimis familiis populasset, eam Imperio Romano attribuit, libertateque donavit, quam ejus donationem Fredericus II, Imperator, ratam habuit, & nomine Imperii urbi præfectum debuit, eamque post variis privilegiis & immunitatibus donavit, & à jure præfecti exemit. Cæterum Imperio valde turbato, Kyburgensis & Arbergenensis, Nidoviensis & Strasbergenensis Comites, alique quam plurimi viri nobiles, libertatem urbis opprimere conati sunt; Bernates verò, cum nullum ab Imperio turbato auxilium sperarent, sese in clientelam Petri Sabaudia Comitis dederunt; qui postquam conatus inimicorum repressisset, urbis pomeria ampliavit.

Ab eo autem tempore Sabaudia Comitibus paruerunt, usque dum Eduardus, Amedæi IV filius, bello contra Burgundum, Gallia Delphinum & Genevenses implicitus, Bernatibus polliceretur, si strenue auxilium ferrent, se re bene gesta præmium quodcunque petissent, daturum. Nam illi fortiter pugnantes, hostibus devictis, veterem suam libertatem præmii loco à Sabaudis repetierunt; idque illis bona fide præstitum est; foedus tamen & amicitiam ab eo tempore perpetuò cum Sabaudis coluerunt: à Kiburgensibus anno 1310 oppidum arcemque Thunensem coëmerunt; anno quoque 1351 Arbergensem Comitatum: anno 1384 Kiburgensis Comes iis Burgdorfiam vendidit: Loupam vero Civitatem Gransonii Domino oppignoratam, prævio Imperatoris consensu, & pignore persoluto, sui juris fecerunt anno 1324.

I

Cæ-

Cætera pagi partes, vel emtionis titulo acquisitæ, vel armis coactæ, vel etiam proprio & voluntario motu Bernatibus se submiserunt. Fœderi autem cæterorum Helvetiæ pagorum ascripti sunt anno 1353: secundum locum, quamvis Tigurinis primum locum obtinentibus, opibus & virium magnitudine antecedant, sibi in Comitibus aliisque publicis negotiis stipulati.

Consilia.

Magistratus.

Consilia publica Bernæ duo sunt: Majus & minus. Majus ducentis constat hominibus; minus 26 virorum est. Supremus autem Magistratus est *Schultheys*, Galli *Avoërium*, Latini Consulem appellant. Bellis Mediolanensibus grassantibus, hic Bernensium Ducis decorabatur titulo; durat autem Bernæ ejus auctoritas per biennium, quamvis quotannis de eo sententiæ rogentur, & denuo eligatur. Hic Consilio præsidet, nomina eorum, quibus eo die concedetur audientia, albo innodat, Consilium convocat, & Sigillum ejus conservat. Ab hora quinta matutina, usque ad horam Consilii; rursus à prima pomeridiana usque ad quintam vespertinam, unicuique Consulem alloqui cupienti, patent ædes, liberque ad eum accessus conceditur. Post Consulem præcipuæ dignitatis sunt quatuor Signiferi, *Venner* sua lingua nominant; hi Tribunis & Conservatoribus plebis similem quodammodo gerunt Magistratum; Viribus quatuor partes singulis signiferis singulæ commissæ sunt, qui arma singulorum inspicunt, & curant quæ ad rem militarem pertinent, & quadriennio munere suo funguntur. Hos sequuntur Quæstores, sive ærarii Tribuni, quorum unus urbanos redditus & agri Germanici colligit, alter proventus agri Gallici curat. illud inprimis notandum, Consulem, Signiferos, Quæstores, addito præterea uno è numero ducentorum, arcanum & secretius Consilium, quod *den heymlichen Rath*, vocant, constituere. ad hoc autem primum referuntur ea quæ arcana sunt, & ad totam rempub. pertinent. Posteaquam vero Magistratus modo nominati ab utroque consilio electi & confirmati fuerint, de reliquis etiam publicis officiis sententiæ rogantur. Præterea Bernates in eligendo Senatu hoc peculiare habent, quod neminem in consilium recipiunt, nisi qui in ipsa civitate natus sit; liberi vero eorum, qui reipublicæ causa absumunt, vel præfecturam aliquam administrant, tempore muneris extra civitatem nati, perinde habentur atque si in urbe nati fuissent. At in majus Consilium deliguntur etiam extra urbem nati, si modo cives sint, & in ea domicilium habeant, atque ex Helvetia, aut confœderatis populis nati sint; spurii quoque, & aliqua infamiæ nota insignes arcentur.

Iudicia.

Iudicia apud Bernates sunt tria, atque omnes Iudices à Signiferis & Quæstoribus eli-

guntur, & à minori Consilio confirmantur. Primum Iudicium nominatur exterius Iudicium, *das Oussergericht*, huic Consul urbis præsidet, quamvis primus apparitor, quem *der Groosz-Land-Weybel* vocant, semper fere ejus vices obit; constat assessoribus duodecim, quorum postremo loco electus Signiferorum unus est, alius præterea è minori Senatu, reliqui decem è majori Consilio deliguntur. his omnibus adest Scriba, & duo apparitores. Iudicant hi de debitis, de levioribus injuriis & contumeliis, aliisque minoris momenti causis. ab hoc Iudicio provocatio ad minorem Senatum est. ab illo ad sexaginta viros; hi autem sexaginta viri nominantur Senatores minoris consilii, & præterea viri 36, quos è majori Consilio Senatores sibi adjunxerint. A Iudicio 60 virorum ad majus Consilium provocare licet. Conveniunt autem Iudices quotidie ad causas cognoscendas, Martis die excepto, quod eo mercatus seu forum habeatur. Alterum tribunal audit provocaciones ex agro Sabaudico, & inde nomen habet *das Weltsh Appellatz-Gericht*. huic præest Quæstor Gallicus, qui assessores habet duos ex minori, octo ex majori Consilio, scribam peculiarem, & apparitorem. Ab his omnes appellaciones ex agro Sabaudico deciduntur. soli Lausanenses ab hoc Iudicio exempti sunt; sed Quæstor cum aliquot assessoribus Lausannæ eorum provocaciones audire tenetur.

Tertium Iudicium Consistorium vocatur, Iudices habens duos ex minori Consilio, qui alternis mensibus iudicio præsidet, duos è numero Ministrorum Ecclesiæ, quatuor è majori consilio, præterea scribam & apparitorem. Hi causas matrimoniales cognoscunt, morum censuram agunt, & disciplinam ecclesiasticam exercent.

Capitis iudicium à peculiaribus iudicibus Bernæ non exercetur, sed quoties de vita aliquis agitur, major minorque Senatus causam cognoscunt, & sententiam ferunt, Consul iudicio præest, & sententias colligit. Sententiâ latâ mox Consul in trivio publice pro tribunali sedet, assistentibus apparitoribus; ac tum Scriba rei confessionem, & sententiam in illum latam recitat; postea Consul carnifici executionem mandat, & illi reum tradi jubet. Bernatum porro Præfecturæ propria habent Iudicia (*Landgericht* vocant) ubi iudices ex tota præfectura convocantur, & præfidente Præfecto sententiam ferunt, attamen in Senatus Bernensis arbitrio positum est horum sententiam mutare, corrigere, vel probare.

Habent autem Bernates, ut supra monuimus, plurimas præfecturas. Germanicas triginta, & unam; harum vero quatuor suburbanæ sunt, iisque quatuor Signiferi præfecti sunt,

Religio.

Termin.

Friburgum ur.

Oppid.

Præfecturarum regimen.

sunt, & sub eorum signis in bellum profiscuntur; ceteræ viginti septem Haseliæ val-
lis signum sequuntur. Hæc Ammannum ha-
bet ex suo corpore à Senatu electum, cui ad-
ministrationis quoque rationem reddere te-
netur. Vndersee oppido præponitur *Schult-
heys* ex Bernatū urbe. Simminia vallis supe-
rior & inferior castellanos habent, quos sua
lingua *Schachtlan* vocant; Frutingen, Sane
& Allen Gubernatores præfectos suos vo-
cant. Laupen, Thunium, Burgdorff, & Pyr-
nestic, eodem modo, quo Vndersee, admini-
strantur. Signaw, Trachselwald, & Emmia
vallis à propriis Præfectis reguntur. Brandisii,
loci dominus, qui unus è numero civium Ber-
nensium est, præfectum constituit; Lan-
deshut, Arberg, Nidow, Wangen, Aarwan-
gen, Bibersteyn & Schenkenburg, Præfectos
habent è vicinis electos.

Præfecturæ agri Sabaudici à Præfectis quo-
que administrantur. Laufannæ id singulari
privilegio indultum est, quod à Sententiis à
Præfecto latis appelletur ad 20 viros, ab his
ad sexaginta virorum iudicium: ab his si ap-
pelletur, Quæstor agri Gallici cum aliquot
assessoribus Laufannam venit, & illic eorum
provocationes audit. *Morat, Schwarzenburg,
Granfon & Chalansee*, Præfecturas, cum Ber-
natibus. Friburgenses communiter possident.
his alternatim per quinquenium Præfectos
constituunt, sic ut Præfecto ex una urbe con-
stituto, provocatio ad alterum fiat; & ab ea-
dem rationes Præfecti examinentur. Præte-
rea Cœnobiorum præfecturæ, quæ ad Berna-
tes spectant, in Germanico agro novem sunt,
è quibus sex civilem quoque jurisdictionem
habent; in Gallico verò, solummodo tres
sunt. Omnes Bernensem pagum inhabitan-
tes, Reformatam Religionem, ut vocant, se-
ctantur; nec ullum ibi Catholicæ religionis
permittitur exercitium. Episcopus Laufannen-
sis, cujus denominatio Sabaudicæ Duci com-
petit, Friburgi hodie commoratur.

F R I B U R G.

Termini.

Fribur-
gum urbs.

Oppida.

Friburgensium pagus, in Vchtlandiæ ter-
ritorio situs, ab omni parte Bernensium
terrīs cingitur. Primaria pagi civitas, à
qua denominatur, Friburgum, à Berchtoldo
IV, Zeringensium Duce, conditum, urbs est
sat ampla, & populo frequens; ad Sanæ &
Gavernæ amnium confluentes sita, à meri-
die, oriente & septentrione, omnia altissimis
rupibus sunt prærupta, latus occidentale pro-
funda fossa tegitur.

Cætera alicujus momenti loca sunt, *Illin-
gen & Corbers*, ad Sanæ ripas; *Wipping*; *Ta-
vernach*; *Plaffey*; *Bol & Borry*. In eorum
quoque districtu est *Remond*, sive *Romont*,
Comitatus caput, quod à Bernatibus, qui id

anno 1536 Sabaudicæ Duci eripuerant, acce-
perunt. *Gruyera* quoque Friburgensibus parer,
caseis delicatissimis famosa, cum suo Comi-
tatu. Præterea cum Bernensibus conjunctim
possident Præfecturas *Morat*, *Granfon*,
Schwarzenburg, & *Chalantsee*.

In plerisque hujus Pagi locis lingua utun-
tur Gallica corrupta, sive Sabaudica: Frybur-
gi promiscue linguam jam dictam, & Ger-
manicam loquuntur.

Friburgum, urbs à Conditore suo, Berch-
toldo IV, Zeringensium Duce, privilegiis &
immunitatibus eximiis ornata, libertatem à
Berchtoldo V, prioris filio, consequuta, &
sub Imperii protectione ab Imp. Friderico II
recepta est. Postmodum cum Helvetia gra-
vissimis motibus exagitaretur, post remotum
ab Innocentio IV, Pont. Max. ab Imperii re-
gimine Fridericum, Friburgum in potestatem
Comitum Kyburgensium, qui Burgdorffia
habitabant, pervenit. Postea è Kyburgica fa-
milia per nuptias Annæ Kyburgensis, unicæ
Hermannii Comitis filia, cum Everardo Habs-
burgensi, Lauffenbergii domino, initas, ad
Habsburgios transit ejus possessio. Rudolphus
vero Habsburgius, cum Imperii habenis ad-
motus esset, considerans Friburgum ab ea
parte munitissimum esse contra Sabaudicæ
Comitem, (cui Bernates voluntarie sese dedi-
derant) propugnaculum, eam à consobрино
suo Everhardo cœmit, ac deinceps sub Au-
striae Domus imperio annis fere ducentis
mansit. Anno autem 1403 perpetuum fœ-
dus cum Bernatibus fecere Friburgenses,
agnoscentes nihilominus Austriorum impe-
rium; donec Albertus Austrius, irritatus,
quod bellum contra Bernates suscipere ma-
jor & sanior civium pars detrectaret, aulæ
Magistrum Friburgum misit, qui cives omni
alicujus precii suppellectili, ad exornandam, ut
ferebat, urbis Curiam, quo splendidius Princi-
pem adventurum exciperent, corrogata spo-
liavit, gravique eos insuper contumelia affe-
cit. Qua moti Friburgenses, arctiori fœdere
se cum Bernatibus junxerunt anno 1350.
Itaque usque ad annum 1477 Sabaudicæ Du-
cibus paruerunt, donec post libertatem &
veteres immunitates iis à Violanta, Philippi
filii sui impuberis Sabaudicæ Ducis tutrice, con-
cessas, pro insigni, quam Friburgensibus de-
bebat, pecuniæ summa in numerum pago-
rum inscripti sint anno 1481.

Friburgum urbs hodie dividitur, sicut Ber-
na, in partes quatuor, quarum una à Burgo, al-
tera ab insula seu Prato, tertia Novæ Civitatis,
quarta à domo Hospitali nomen habet. Ex
his partibus ii deliguntur, qui publicis Consi-
liis præsunt: sunt autem hic, ut alibi, Consi-
lia publica duo; majus 200 hominibus, mi-
nus, viginti quatuor constans. Vtrique præ-
est Consul, illis *Schuldheys*. Proximi à Con-
sule

Lingua.

Historia.

Regimen.

fule sunt quatuor Signiferi, qui quatuor urbis partibus præsunt; hique, quamvis ex ordinario Senatorum minoris Consilii numero non sint; intersunt tamen minori Consilio nomine totius plebis, ac suum suffragium habent, præterquam in appellationibus.

Est post hos Quæstor, sive ararii Tribunus, cui Civitatis thesauri & omnes reditus commissi sunt. Cæteri majores minoresque officiales iidem sunt, iisdemque muneribus funguntur, ut Bernæ. Cæterum à minori Consilio res urbanæ, ac provocaciones subditorum audiuntur, præterquam ex Præfecturis Sabaudicis bello acquisitis. Majoris momenti negotia tractantur, examinantur, & deciduntur in 200 virorum Senatu, quod Consilium Status quodammodo referre videtur.

Judicia.

Urbanum Iustitiæ Tribunal, quod *das Stadtgericht* vocant, ex peculiari Iudicum confessu constat, qui civium causas cognoscunt, eas dijudicant, captivos examinant, quæstionibus subjiciunt, ac deinde ad Senatum minorem singula referunt. Alter Iudicum confessus vocatur *das Landtgericht*, atque hic rusticorum causas judicat. In unoquoque judicio duo sunt à minori, & octo ex majori Consilio, & ab eorum sententiis ad minorem Senatum provocatur. Præterea Friburgi tribunal est, quod duodecim iudicibus constat, ex utroque Consilio delectis; hi provocaciones Præfecturarum, quæ bello quod Helvetii contra Sabaudia Duces gessere, captæ sunt, audiunt, & de his pronuntiant. Conveniunt autem hi singulis mensibus, & ab eorum sententiis non datur provocatio.

Præfectura.

Præfecturæ Friburgensium suburbanæ quinque sunt, quæ à singulis singulæ Senatoribus, in urbe habitantibus, & Senatorum munus obeuntibus administrantur. Cæteræ, in quas Præfecti cum imperio mittuntur, & illic habitant, sunt quatuordecim, præter quatuor, quas cum Bernatibus habent communes. Præfecti autem hi ab utroque Consilio delecti, quinquennio Præfecturis suis præsunt, sed singulis annis coram minore Consilio rationem reddere tenentur.

Si Friburgi debitor ad constitutum diem non solvat, creditor unum, duos pluresve famulos cum equis mittit in publicum diverforium; his omnes sumtus debitor suppeditare & solvere cogitur, donec creditori satisfiat: executionem hoc modo factam, & vadimonia, *trostungen* & *Leystungen* vocant.

Religio.

Pagi hujus incolæ Catholicæ Romanæ Ecclesiæ sunt addictissimi, & in spiritualibus Episcopo Lausannensi parent: qui Lausannâ à Bernatibus, Calvinii dogmata sectantibus, exclusus, Friburgi habitat.

B I E N N A,

vulgo

B I E L.

Bienna, aut Bipennium, oppidum est ad exitum lacus, quem vulgo *de Bielersee* vocant, in dominio Episcopi Basileensis; Biennæ imperio autem subditi sunt vallem S. Imery incolentes. Quamvis vero in temporalibus & civilibus dominum agnoscat prædictum Præsulem, nihilominus regimen suum habet peculiare, & propriis privilegiis, & immunitatibus fruitur. Episcopus vero summum Magistratum oppido constituit, quem Majorem, *den Meyer*, vocant; sed ex oppidi Senatoribus unum, qui Senatui se jurejurando obligat, & Senatus vicissim ipsi jurat. Præest judiciis capitalibus, atque cum Senatu criminales causas cognoscit. Multarum, quæ ternas libras excedunt, pars media Episcopo cedit, præterea decumæ quædam & reditus. Portoria, telonia, vectigalia & tributa civium sunt, non Episcopi; neque illi licet tributum, vel aliquod onus civitati imponere, aut urbem oppignorare. Verum si forte Episcopo bellum gerere contingat, cives ei militare tenentur, propriis sumtibus, non tamen longius ab oppido, quam ut eodem die domum reverti possint: quod si ulterius progredi velit, eorumque opera uti, stipendio eam conducere obligatur. Cives omnes in sex societates distributi sunt: Consilia publica duo sunt, majus constans triginta; & minus, viginti quatuor Senatoribus, qui ex omni civium numero libera electione creantur. Publico Consilio præest Civium Magister, vulgo *Burgermeyster*, qui ab utroque Senatu eligitur, & primam potestatem & auctoritatem post Majorem obtinet. Si verò in Senatu de Republica deliberetur, & res civiles tractentur, Major, cæterique, qui aliquod officium Episcopi nomine administrant, Senatu excedunt, & Civium Magister ibi præsidet. Post Consulem, hæc maximæ dignitatis munera sunt, Quæstorum, Signiferorum, Ædilium, & Consistorii Iudicum. Iudicum insuper peculiarem conventum Bienna non habet, sed omnes controversiæ civiles & criminales à Senatu dijudicantur. Vallis Immeria, quæ etiam Dominium Ergue dicitur, in plures conventus dividitur, quorum singuli proprium Majorem, sive Ammannum habent. Præfectus autem huic dominio à Biennensibus non imponitur, sed singuli conventus propria Iudicia exercent; ac ubi sententiæ diversæ fuerint, causa ad Senatum Biennensem remittitur; ab eodem quandoque assessores aliqui mittuntur, qui iudicio paganorum

norum finem imponant; sed ab eorum iudiciis ad Senatum datur provocatio. Vallis huius incolæ sub Biennensium signis militare tenentur. Bernensibus autem hoc oppidum perpetuo foedere se conjunxit anno 1352. postea cum Saladoriis anno 1382, perpetuum foedus fecit: & tertio cum Friburgensibus anno 1407. atque ita cum his tribus pagis foedus perpetuum habent. Incolæ omnes Calvini doctrinam profitentur.

NEOCOMENSIS PRINCIPATUS.

Termini.

P Rincipatus hic, Neocomensem, & Vallanguinensem Comitatus comprehendens, antiquæ Helvetiæ, à Cæsare descriptæ, limitibus includitur; ad Septentrionem vicinas habens Episcopi Basileensis & Biennæ territoria; ad Bonneville oppidum Bernatum pagum jungit; ad Occidentem Burgundia Comitatus est; ad Meridiem Bernensium, & Friburgensium terræ: ad Orientem verò lacu Neocomensi terminatur, cuius ulteriorem ripam Bernatum & Friburgensium loca quædam occupant.

Magnitudo.

Extenditur longitudo ejus, si à Bonavilla incipiens, usque ad terras Gransonii progrediatis, novem itineris horas. Latitudo verò à lacu usque ad limites Burgundici Comitatus sumpta, quinque horarum spatio terminatur.

Neocomum urbs.

Totius ditionis, & specialiter Comitatus cognominis caput est Neocomum Latinis, incolis *Neufchâtel*, Germanis *Newburg*. sita est urbs ad ripam lacus, qui nomen hodie ab oppido habet, olim, ruinis id testantibus, multo amplior, quam hodie conspicitur. Antiquitatis in ea non contemnendum vestigium est turris magnifica, à Cæsare quondam, ut fertur, ædificata è lapidibus ex rupe, quæ in medio civitatis existit, excisis; præcipuum oppidi ornamentum Castellum est, Principum sedes, pulcherrimi operis, ita positum ut oppido dominetur, turrisque ejus villas pagosque suburbanos in officio continere queat. Ecclesiam præcipuam à Bertha Burgundiæ regina conditam ferunt. Oppidum denique ipsum ædificiis pulcherrimis ornatum, fontibus limpidissimis irriguum, non minimam pulchritudinis & amoenitatis meretur laudem.

Oppida.

Cætera Principatus huius oppida sunt, *Landeron*, non longe à Biennensi lacu, ob situm & civium fortitudinem ac constantiam inexpugnabile æstimatum, & *Baudrii* Baronatus titulo insignis, arce pulcherrima exornatum, ad Principem Neocomensem spectans. Prætorium hic visitur, unica leuca ab oppido distans ad lacus ripam excitatum, hortis syl-

Helvetia.

visque mire amœnis cinctum, quod delectationis gratia constructum est. Præterea Comitatus Neocomensis complectitur Præfecturas nonnullas majores, vel etiam castri alicujus; ut sunt, *Pontis Tiellensis*, *La Coste*, *Colombier*, *Cortailond*, *Bervais*, *Gorgier* & *Vaux Marcus*, ad radices Iuræ montis, & lacus Neocomensis ripam sitas. Cæterum Comitatus hic in ipso monte Iura, vel in vallibus hinc inde interjacentibus situm occupat.

Vallanginus Comitatus præcedenti annexus, in Iura monte situs est, separatur autem à Burgundia Comitatu Dulci fluvio, & quinque vallibus constat; earum vero nomina hæc sunt: *Rus*, *Losche*, *Saine*, *Breneft*, & *Chaus de fond*. Oppidum & arx Vallanginensis præcipuus huius Comitatus locus est, præter quem in ejus districtu nominantur quadraginta vici.

Lacus Neocomensis septem horarum itineris longitudinem habet; latitudo trium horarum est; Orba, fluvius ex hoc lacu in Biennensem influens, & aquas suas prope Buren Arolæ miscens, Neocomensibus vina sua aliæque mercimonias, aquæ beneficio in Rhenum usque devehendi commoditatem præbet.

Circa Lacum aër temperatior est & suavis, in montanis frigidior. Solum quoque lacui ^{Aëris & soli ratio.} adjacentis admodum fertile, hordei, avenæ, leguminum magnam vim benigne profert. Vina quoque hic crescunt utriusque coloris, optimæ notæ, & generosissima, quæque Basileensibus, Bernatibus, Friburgensibus, & Saladoriis divendere solent indigenæ. Ferri, chalybisque aliquot hic sunt minæ. Burgundiam & Basileensem Episcopatum versus pascua conspiciuntur lætissima; cæterum tam montes, quam valles innumera animalium armenta, pecorumque greges, nec non feras nutriunt. Lacus incredibilem fere elargitur piscium varii generis sapidissimorum copiam, inter quos troctæ excellunt, saporis optimi, quæ nonnunquam quadraginta librarum pondus æquant; hæc è lacus alveo, Areusam fluvium Baudrii & Colombier oppida interfluentem ascendentes, facillimo negotio capiuntur; ex qua captura Principi redditus non contemnendi proveniunt. Præterea in lacu hoc capiuntur nonnulli pisciculi, quorum sale conditorum magnam vim Argentineses, aliique Rheni accolæ hinc quotannis petere solent.

Incolæ Principatus huius fortissimi sunt bellatores, & laborum patientissimi; excellent præterea præ finitimis nationibus ingenio, ad artes quasvis addiscendas accommodatissimo. Fœminæ à gravitate & modestia passim commendantur. Plurimi lingua utuntur Sabaudica & corrupta; verum honestioris gradus cives linguâ Gallicâ animi sensa eleganter exprimunt; Omnes fere Helveticam, vel Germanicam quoque loquuntur.

K

Prin-

Opes.

Principatus hic Principi suo confert quotannis 40000 florenorum summam. Neocomensis populus opulentus est, cujus commoditates præcipue in vini proventu, armentis & gregibus, piscatu, ferri chalybisque copia, pannificio, & lanæ cum Basileensibus, Lotharingiis & Germanis commercio consistunt.

Vires.

Belli ingruentis tempore Princeps octo armatorum millia in statu suo conscribere potest, & relictis ad terram defendendam aliaque negotia, idoneis præfidiis, tria millia contra hostes extra dominii sui terminos educere. Ii vero qui sub ejus sunt imperio, cum quindecim virorum millibus ei militare tenentur, dummodo ipsis stipendium Princeps persolvat. Omnes vero Neocomenses proceritate sunt conspicui, robusti, bellatores egregii, & fere temerarii, unde *les aventuriers de Neufchâtel* audiunt; cæteris Helvetiis permixti per totam fere Europam militant. Verum cum peculiariter ad bellum procedunt, signa Helvetiorum non sequuntur; ordine multum ab iis diverso in præliis utentes, & majori audacia, vel potius temeritate pugnam arripientes. Cæterum Principatus hic clavis Helvetiæ merito dici potest, idque ob passus sex tam angusti aditus, ut facillime à minima militum manu contra maximas hostium copias defendi possint. ad limites Burgundiæ Comitatus vicus est in planitie positus, *Verriers* dictus, qui unico fere momento sexcentos milites armis instructos proferre potest; ad finem vero hujus planitiei angustus admodum, & vix quinque pedes latus est passus, ab utraque parte rupibus inaccessis interclusus, hunc catenâ ferreâ ut moris est clausum, bini homines, contra exercitum numerosissimum facile defenderent. Viginti ab hinc passibus, turris quondam visebatur, totius districtus propugnaculum, postmodum ab Helvetiis dum terras hæc occuparent, destructa. Paulo ulterius, in valle traversa *Moutier* locus munitissimus montis apicem occupat, omni apparatu bellico probe instructus. ad montis vero radicem vicus est quingentos milites armare potis. Ad *Rupem fortim* arx olim erat inexpugnabilis, quæ latronum domicilio infamis, capta & destructa, in ruinis jacet; verum locus natura est munitissimus, adeo ut decem homines eum occupantes, exercitui quamvis maximo facillime resistere, ac ulteriorem progressum vetare possint. Versus Bernatum limites Arx est Tiellensis, quatuor propugnaculis defensa, quæ Tiellensis fluvii & Bernensi pago ad Neocomenses transitum prohibet.

Regimen.

Neocomensis Principatus absolutus, nullique hodie obstrictus est; olim quidem feudum Imperii, sed ab eo, quemadmodum cætera Helvetia, postmodum disjunctus. Romanis primum, post Burgundiæ Regibus hæc

regio paruit; Memphum vero, Othoberti è Regibus Burgundis oriundi filium, circa annum 815 pro parte hæreditatis suæ, terras omnes à *Pontarlier* in Burgundiæ Comitatu, usque ad agrum Salodorensem, & in iis Neocomensem, Valanguinensem, Arguelensem, Arbergensem, & Nidoviensem Comitatus possedisse, nonnulli Neocomensium Annales testantur. Alii Memphum Neocomensis comitatus & terrarum circumjacentium possessionem & titulum jam anno 414, à Gondiocho primo Burgundiæ Rege consequutum, affirmant: Verum ob bella inter Sabaudicæ Duces & Helvetiorum confederatos pagos subsecuta, sola Neocomensis & Valanguinensis Comitatum possessio apud Memphi successores remansit. Vltimus hujus stirpis Princeps Ludovicus vitam cum morte commutavit 1373, Isabellam, Frenemque filias relinquens, statuum suorum heredes; harum Isabella sine prole moriens Conradum III, Comitem Friburgensem, Sororis suæ filium, in omnibus, quæ in Superiori & Inferiori Burgundia, possidebat, dominiis heredem instituit. Conradus autem, deinceps Friburgi & Neocomi Comes, Badenvillerii & Campoliti dominus, Mariam de Vergy uxorem duxit, ex qua filium Iohannem procreavit. Iohannes Mariam Cabillonensem, Aurantiæ Principem matrimonio sibi conjunxit, ex qua nullam suscepit prolem, mortuus anno 1458. Rudolphus Hoochbergius, Guilielmi Hoochbergii Marchionis, Susebergii, & Rotelini domini filius, jure testamenti Iohanni consanguineo suo defuncto successit. Duxerat hic uxorem Margaretam Guilielmi Viennensis, & Alisiæ Cabillonensis filiam, quo conjugio, omne jus, quod Cabillonensibus in Neocomensem Comitatum competeat, sibi heredibusque suis acquisivit. Obiit autem anno 1487. Illud hic minime prætereundum, inter Guilielmum Viennensem, & Alisiam Cabillonensem, matrimonium contrahentes, utrimque stipulatum, filios ex eo matrimonio nascituros, eorumque descendentes, Cabillonensi familiæ, si forte masculi heredes deficerent, in omnibus dominiis successuros; hac stipulatione fretus Longavillæ Comes (Philiberto Cabillonensi, Arausionensium Principe, ultimo ejus stirpis, in obsidione Florentiæ, absque prole, anno 1530 extincto) hæreditatem Principatus Arausionensis contra Renatum Nassavium disputavit: Rudolphus Hoochbergensis è Margareta Viennensi filium unicum sustulit Philippum, Neocomi Comitem, Rotelini, Susebergii, & Badenvillerii dominum. Hic anno 1476 Mariæ Sabaudicæ, Amedei Ducis, & Violantiæ Francicæ, Ludovici XI R. Sororis, filia matrimonio conjunctus est. ex ea autem unicum tantum filiam Iohannam procreavit; & quam-

Privilegia.

quamvis inter matrimonium contrahentes conventum esset, filios ex eo conjugio nascituros in successione dominiorum Rotelini, Susembergi, Badenvillerii, Schoffii & Sugniaci quibuscunque, etiamsi forte è secundo Philippi matrimonio nascerentur, præferendos: nihilominus Philippus anno 1490, cum consanguineo suo Christophoro Badensi contractum secretum celebravit, cujus virtute Philippo sine prole mascula defuncto Christophorus in Rotelini, Susembergii, Badenvillerii, & Schoffii dominiis succederet; & vice versa, Christophoro sine filio extincto, Hoochbergensis Marchionatus, Floschingense, & Sultzbergense dominia Philippo obvenirent. Sed peior omnino Philippi, unicam & solam filiam habentis, erat conditio, cum Christophorus jam filium Philippum nomine procreasset. Philippo, anno 1503, Iohanna unica filia relicta, defuncto, Christophorus vi contractus cum Philippo initi, Rotelini, Susembergii, Badenvillerii & Schoffii dominia occupavit, deposito Iohanne Neocomensi, Vallis Marci, & Gorgierii domino, Iohannæ Hoochbergiæ in iis dominiis Gubernatore; atque ut secuta eorum ipsi esset possessio, ad Maximilianum I Imperatorem recurrens, & Rotelini & Schoffii dominia, ut feuda Imperii, Susembergii & Badenvillerii à Domo Austriaca tenere confessus, investituram adeptus est. Ludovicus Aurelianensis, Longavillanus Dux, interea matrimonio cum Iohanna Hoochbergia inito, Neocomensem Principatum adeptus, Rotelini quoque se inscripsit Marchionem, & ius in prædicta dominia in posteros suos transmisit. Verum bello postea inter Galliarum Regem Ludovicum XII, & Helvetios exorto, cum Longovillanus à Regiis staret partibus, Bernates communi Helvetiorum nomine urbem Neocomum, totumque Comitatum occupaverunt anno 1509, & præfectum ei imposuerunt. idem fecere cæteri ordine, exceptis Tigurinis, qui, cum primum præteriti fuissent, debebant, ubi vices ad ipsos rediissent, duplici annorum spatio imperare. Sed ubi tempus id venisset, Ioanna Hoochbergia, Longovillani Ducis vidua, per internuntios tantum effecit, ut Comitatus Neocomensis sibi certis passionibus restitueretur anno 1529, & cum ante hoc tempus Comitatus certis conditionibus & pactis, Bernatibus, Lucernatibus, Friburgensibus & Salodoriis conjunctus fuisset, ea in hac restitutione confirmata sunt; & Longovillani Duces, Comitatus huius, Bernatibus peculiari foedere obstricti, libera & pacifica gaudent possessione.

Privilegia.

Cæterum Neocomensibus eximie à Comitibus suis concessæ fuerunt immunitates. Magistratum & signiferum creandi potestas iis competit, subsidiorum immunes sunt, de-

cimasque nullasolvere tenentur. & hodiernus Princeps anno 1617 singulari liberalitate, omnes glebæ addictos subditos servitute exemit, liberosque eos & sui juris esse voluit. Porro regitur Comitatus hic à Præfecto nobili Helvetio, qui à Principe eligitur.

Iustitia administratur, ut in plurimis Helvetiæ locis, à Majori, & duodecim Senatoribus, qui Neocomi in Curia conveniunt; lites autem voce deciduntur, nisi forte de crimine agatur; & singulis oppidulis sua sunt tributa: neque datur de sententia earum provocatio, nisi ad Consilium Principis. Incolæ omnes Religionem quam Reformatam vocant amplectuntur; Ecclesiastici proventus Principi competunt.

Longovillani Duces, & Principes Neocomenses à Ludovico Franciæ, Duce Aurelianiensi, Caroli V, Franciæ Regis, filio, & VI fratre descendunt hoc modo: Ludovicus filium extra matrimonium procreavit Ioannem, qui Nothus Aurelianensis postea dictus est. Hic Caroli VII, Regis, exercituum Ducator, Franciæ Camerarius major, Longavillæ Comes, Castellaillonii Princeps, Dunensium Comes, Partenæi, Vouvantii & Mervantii fuit dominus. insignis animi vir, & bellator egregius, Aurelianum ab Anglorum copiis, tempore Ioannæ Puellæ Aurelianensis, fortiter defendit, eosque Normannia & Aquitania penitus expulit, verus Monarchiæ Franciæ restaurator. Vxorem duxit Mariam Harcourtiam, filiam Iacobi de Harcourt, Tancarvillæ & Montisgomerii Comitis; è qua liberos suscepit, Franciscum, Ioannam Passavantii dominam, & Catharinam, Roucyaci Comitem; obiit verò, rerum gestarum gloria clarus, anno 1470.

Franciscus Aurelianensis, filius Iohannis unicus, Franciam longo tempore gubernavit; ex uxore Agnetæ Sabaudicæ, Ludovici Sabaudicæ ducis filia, liberos sustulit, Franciscum, Ludovicum & Iohannem Cardinalitia purpura decorum; Tancarvillæ Comitatum jure hereditatis, Ioanna sorore defuncta, adeptus est: ex vita hac migravit anno 1491.

Franciscus Aurelianensis, II ejus nominis, Dunensium, Tancarvillæ, & Montis Gomerii Comes, Castellaillonii Princeps, Meloduni Vicecomes; Partenæi, Vouvantii, Mervantii, Monstrolii, Noyelles ad mare, & Gournæi dominus; hæreditarius Normandiæ Comes Stabuli, Franciæ Camerarius major, Aquitaniæ Gubernator, & primus Longavillæ Dux; nam Longavilla ad Ducatus dignitatem à Ludovico XII anno 1505 evecta est. E Francisca Alençonica, Renati Alençonii Ducis filia, unicam suscepit filiam, Renatam nomine, ante septimum ætatis annum denatam; obiit anno 1513.

Ludovicus Aurelianensis, Francisci II, Lon-

Iustitia
administratio.

Genealogia
Principum
Longovillanorum.

Longovillani Ducis frater, uxorem duxit Iohannam Hochbergiam, Neocomensis & Valanguinensis Comitatum heredem; cum autem Francisco I Franciæ Regi contra Helvetios militasset, & memorabili ad Marinianum prælio interfuisset, Comitatu Neocomensi ab Helvetiis spoliatus est, quem deinceps viduæ ejus restituerunt. filios è Iohanna habuit, Claudium, Ludovicum, & Franciscum, filiam quoque Carlottam Nemoursiæ Ducissam; vitam finiit anno 1519.

Claudius Aurelianensis, Ludovici filius primogenitus, Longovillæ Dux, Dunessii & Neocomi Comes, improlis in Papiæ obsidione vitam cum morte commutavit, anno 1525.

Ludovicus II, Claudii frater, Mariam Lotharingicam, Claudii Guisæ Ducis filiam, in uxorem duxit, ex qua filium habuit unicum, Franciscum nomine, qui octennis obiit anno 1551, heredem relinquens cognatum suum,

Leonorum Aurelianensem, patru sui Francisci Aurelianensis, Castellaillonii Principis natum, qui hoc modo effectus est Longavillæ Dux, Dunessii, Tancarvillæ & Neocomi Comes, Abbavillæ Vicecomes, Gournæi, Passiaci, Monstrolii, Belay, Castri Heraldii, Parthenæi, Vouvantii, Mervantii, Longniaci Baronatum Dominus: E Maria Borbonia S. Pauli Comitissa, & Estoutevillæ Ducissa, Francisci Borbonii S. Pauli Comitissæ, & Adrianæ Estoutevillæ Ducis filia, liberos suscepit Henricum Aurelianensem, Longavillæ Ducem; Franciscum Aurelianensem S. Pauli Comitem

& Fronfaci Ducem; & Leonorum Aurelianensem, Castellaillonii Principem in ipso juventutis flore defunctum: filias vero Catharinam Aurelianensem, Virginum Carmelitarum monasterii in suburbio S. Iacobi Lutetiæ conditricem; Margaretam, mature defunctam; Antonetam, Carolo Gondyaco Insulæ Bellæ Marchioni nuptam, & Leonoram, Caroli de Matinjon Turingii Comitissæ uxorem. Obiit Princeps generosissimus anno 1573. Henricus Aurelianensis, dicti Principis filius natu major, Longavillæ, Estoutevillæ Dux, Neocomi Princeps supremus, Dunessii & Tancarvillæ Comes, Castellaillonii Comes, Franciæ Camerarius major, & perpetuus Normandiæ Comes Stabuli: Sub Henrico III, & IV, Franciæ Regibus, sæpius eorum exercituum Dux felix, inclytus; anno 1588 Catharinam Gonzagam Clivensem, Ludovici Nivernii Ducis filiam domum duxit; supremum diem clausit Ambiani anno 1595.

Henricus II, Primi filius unicus, paternorum Statuum & virtutum dignissimus heres, summa cum prudentiæ laude Neocomensis Principatus hodie est possessor: uxorem duxit anno 1617 Ludovicam Borboniam, Caroli Borbonii Sueffionensium Comitissæ, & Annæ Montafieriæ filiam; qua defuncta, Mariæ Borboniæ Henrici Principis Condæi filiæ, matrimonio junctus est; Princeps omnium virtutum genere laudatissimus, filium habet Carolum Paridem, Dunessii Comitem natum anno 1646.

A R G O W.

L V C E R N A.

Termini.

Lucerna
Civitas.

Vcernensium pagus, Bernatum, Tugien-
sium & Vnderwal-
diorum pagis inclu-
ditur. Lucerna urbs
totius territorii caput
est, quæ situm oc-
cupat planum, sed
montibus à tergo &
sinistra circumseptum; ab his mœnia susti-
nentur, & tures altissimæ. Frontem amplecti-
tur lacus, dextram fossæ aquosæ cum plani-
tie elevatissima; prospectant vero hæ duæ
partes montes adeo altos, ut nubes videan-
tur verticibus attingere. Sita est urbs ad Ru-
sam fluvium, qua is effluit ex lacu Lucernen-
si, hic pontibus tribus longitudine, & quod
tectæ sint, pulcherrimis transitur, quorum
longissimus ducentos pene passus extendi-
tur; ad urbis fere mœnia exsurgit mons al-
tissimus, quem Fractum & Pilati montem
vulgo nominant, in cuius summitate lacus
ille memorabilis, in quem siquid injiciatur,
incredibiles excitantur tempestates. Cæteræ
hujus pagi urbes sunt, *Sempach*, *Sursee*, &
Willisow.

Mores.

Lucernates, hospitales admodum, externos
quoscunque mira recipiunt humanitate, eos-
que concivium loco, honore & obsequio pro-
sequuntur; hinc est quod Helvetiorum hu-
manissimi audiant. in bellis loco tubarum
æreis cornubus incurvis utuntur, quæ hor-
rendum intonant, ipsi vocant *harschborner*,
dicentes se his virtutis ergo à Carolo Magno
donatos esse. Cæterum Lucernatum Respu-
blica multarum nobilium gentium extincta-
rum bona possident, quæ non contemnendos
ei conferunt redditus; & cum hac iter sit in
Italiam per S. Gothardi montem, & hinc
merces ad Alpes subvehantur, indeque in Ita-
liam clitellariis jumentis, & vicissim Italicæ
merces per lacum & Russi fluvium in Rhe-
num, & porro in Oceanum descendunt; op-
portuno ad commercia quæ hic gnaviter
exercentur, loco urbs ipsa sita est, & imposi-
tiones, nec non telonia, mercibus quæ trans-
eunt, imposita Reipub. ærario valde profunt.
Nobiles & Civium præcipui, à diversis Prin-
cipis stipendiati, splendide admodum &
commode vivunt, palatia sumptuosa inhabi-
tantes; Cæteri artibus mechanicis & naviga-
tione occupantur, & victum quærunt; nul-
li vero, quamvis peritissimo artifice, artem
suam exercere licet, nisi prius civium albo

Helvetia.

inscriptus, & in eorum numerum assum-
tus sit.

Maxima olim potestas Lucernæ, ut in mul-
tis aliis Germaniæ urbibus, fuit penes Canoni-
corum collegium; fundatum vero illud fuit à
Wichardo presbytero, Ruperti, qui militum
Ludovici Regis dux erat, fratre; cum autem
collegium illud in potestatem Abbatis Mur-
bacensis ex donatione Pipini regis pervenis-
set, oppidi quoque imperium ad tempora Al-
berti Austrii Imperatoris dicto Abbati com-
petiit. Hic cum in Helvetia novum princi-
patum condere instituisset, Lucernam quo-
que & circumvicina loca à Murbacensi Ab-
bate emit. Habuerat vero Lucerna sub Ab-
batum imperio multarum rerum immunita-
tes & præclara privilegia; neque merum im-
perium penes Abbatem erat: cives ipsi oppi-
dum ampliarant, mœnia condiderant, ur-
bem suo arbitrato etiam tum temporis mun-
nierant. Ea omnia inviolata se observaturum
Austrius promiserat, clementique imperio se
usurum. Sed cum sub Austriorum imperium
per continuos viginti sex annos gravibus one-
ribus pressi, cum Vriis, Switiis & Vnderwaldiis
continua bella gessissent; primi pagorum ex-
cursionibus expositi, commercia interim peri-
rent, agri vastarentur, cives etiam sæpe ab ho-
ste interciperentur; tandem pacem cum tri-
bus pagis fecerunt, integris tamen juribus
Austriæ Domus: qua Austrii irritati, urbem
ex insidiis occupare tentarunt, sed conspira-
tione detecta, foedus Helveticum acceleravit.
Foedus enim inter pagos confœderatos &
Lucernates iustum est anno 1332.

Lucerna in Tribus non dividitur, regimen
vero fere idem est ac Bernense; sed artificum
hic sunt collegia, quæ de rebus agunt ad arti-
ficium spectantibus, & vulgari voce *Gesel-
schaften* vocantur, nullam in creatione Ma-
gistratum potestatem habentia. Consilia pu-
blica hic quoque duo sunt; Majus centum
hominibus constans, & Minus, triginta sex,
quorum octodecim per semestrem tempus
Rempub. administrant; & totidem per aliud
semestre. ideoque bis quotannis hic Senato-
rum in majus & minus Consilium fit electio:
si quæ loca vacant, circa solstitium & bru-
mam; eliguntur autem novi Senatores à mi-
nori Consilio, quod præterito semestri rem-
publicam administravit. Consilii publici hic,
ut Bernæ, præses est Consul vulgo *Schuldheys*,
sed illius imperium annuum est. Iudicia apud
Lucernates duo sunt, horum unum nomina-
tur *das Wochen-gericht*, quia singulis septi-
manis Iudices conveniunt, & de contracti-
bus

Iudicia.



bus ac debitis judicant. Alterum numero Iudicum nomen habet *das Neuner-gericht*, novem-virorum Iudicium: hi injurias & convicia puniunt. Capitis Iudicia, ut Bernæ, non peculiares iudices exercent, sed Senatus cognoscit, & sententiam fert.

Præfectura.

Duæ Lucernatibus tantum sunt Præfecturæ, ad quas Præfecti mittuntur Wickenfis & Sempachiana; at Sempachii Præfectus nullum in oppidum jus habet, tantum lacui & piscationi præfectus est. Reliquæ eorum præfecturæ à Senatoribus urbanis administrantur: sunt autem eæ, *Willisow*, *Eutlibuch*, *Rotemburg*; *Habsburg*; *Berone* cum agro vicino, quem *Michel-ampt*, id est Michaëlis præfecturam vocant; *Meriswende* (qui vicus id privilegii habet, ut ipse sibi præfectum deligat ex Senatu Lucernensium, Consule excepto, quemcunque voluerit) *Wegisz*; *Epicon*; *Horbe*; *Krientz*. *Sursee*, & *Sempach* oppida in Lucernatum clientela sunt; habent tamen proprium Consilium, quod causas tam civiles, quam criminales judicat: sed præses Consilii Surseii iuramentum dat Lucernatibus; Sempachii non à civibus, sed à Senatu Lucernate deligitur ex civium Sempachianorum numero. Pagi hujus incolæ omnes Catholici Romani sunt.

Religio.

V R I I.

Nomen.

VRii, qui à Romanis Taurisci appellabantur, nomen consequuti sunt ab Vranis, quos, ut dixi, Tauriscos nominarunt Veteres; nam & hodie in isto tractu Tauros Vros vocant, veterum Germanorum more, & insigne gentis in hodiernum diem Taurinum caput est, in campo croceo depictum; & belli tempore cornibus ejus animalis, tubarum loco, utuntur, & classicum canunt.

Termini.

Vallem tenent Vrii non ita magnam, hinc ab Oriente monte Crispalto altissimo, per quem ad Rhenum anteriorem & Rhætos iter est, inde Gothardo & summis Alpibus, qua Italiam respicit in semicirculum, scenamque quasi conclusam; ad Septentrionem lacus Walstetensis est.

Loca.

Est autem Vria communitas pagorum, quorum præcipuus *Altdorff* dictus, quod veterem pagum significat, non longe à Russ fluvio situs est, ædificiis pulcherrimis, & plateis lapide stratis ornatus, ut ab oppido nihil differat, nisi quod mœnibus careat; Montes eum cingunt prærupti & altissimi, ut non possit nisi admodum difficulter adiri, aut navigio, aut per montem Gothardi periculosissimum.

Opes.

Opes hujus Reipublicæ consistunt in teloniis, & impositionibus mercium, quæ ex Italia in Germaniam hac deferuntur, nec non

stipendiis annuis, quæ à Pontifice Maximo, Galliæ & Hispaniæ Regibus recipit. Ii vero qui inter populum commodiores sunt, ex agris & pascuis propriis, in quibus armenta pascuntur, victum & opes quærunt; cæteri in devehendis per pagum mercibus Italicis, vel Germanicis occupantur, adeo ut numerus eorum plus 20000 virorum sit; nonnulli hospitia exteris præbent, neque Senatores ipsi hoc facere indecorum existimant; Pauperiores ditioribus pastorum loco inserviunt, ligna cædunt, aliaque ejusmodi servitia præstant. Artifices quoque hic reperiuntur, sed ii solum quos necessitas exigit. Commercio nonnulli quoque occupantur; merces vero, quæ iis ab exteris advehuntur, sunt triticum, vinum, panni linei, & è lana confecti, quoniam iis omnibus carent: abundat vero regio piscibus, bobus, vaccis, caseo, butyro, quibus per totum annum vitam sustentant indigenæ; exteris ligna in varios usus dissecta, caseos, quos aliqui Hollandicis bonitate pares existimant, & butyrum magna divendunt copia. Complurimi exteris Principibus militant; nam mechanicas cum pauci addiscant, & quandoque accidat ut unde familiam sustentent, non habeant, delectis ad militiam non raro, parvo omnino pretio recepto, sese substituant, & militatum abeunt; hinc est quod in Helvetiorum apud externos militantium cohortibus plurimi sint Vrii, armis annisque graves. Cæterum incolæ viri sunt prudentes, acres, & vere contemptores vitæ, ubi pro justitia, aut libertate dimicandum est.

Vrii primum Romanis, post Alemanniæ *Regimen*. Ducibus, & deinceps, ut cæteri Helvetii, Imperatoribus Germanis paruerunt, donec Ludovicus Germanicus, Pii filius, Magni nepos, eos monasterio sacrarum virginum à se Turingi extructo donaverit; à cujus Abbate postmodum omne jus ejus, quod virtute donationis Imperatoriæ in Vrios tenebat, coemerunt.

Vriorum tota regio in decem partes dividitur, quas ipsi vocant *Gnosfamen*, quasi participationes dicas, forte propterea, quod hi publicorum pascuorum & bonorum, item honorum & munerum omnium participes sint, & quod ex his tantum ad annuos conventus vocentur. Summa potestas Pagi est penes Consilium totius plebis: Conveniunt autem omnes totius regionis Cives, sexdecim annis majores, singulis annis Betzelingæ, qui locus mediæ horæ itinere ab Altorfio primario vico distat; & primo Ammannum ex omni populo deligunt, qui biennium suo munere fungitur, nulla habita ratione, in qua parte, aut vico regionis habitet, dummodo virtute & prudentia aliis præstans, hoc munere dignus videatur. Ammanno delecto, eodem conventu deligitur ejus vicarius, quem

Statt-

Statthalter vocant; Quæstores seu Tribuni ærarii, qui *Seckelmeyster* iis dicuntur, dein Scribæ, nec non Præfecti, qui vel ejus pagi proprias, vel cum aliis Helvetiis communes Præfecturas regunt; alique Magistratus, & quicunque publica aliqua munia administrant. Hisce factis, publica edicta totius plebis suffragiis confirmantur, aut abrogantur, veluti de alea, de choreis, de computationibus, de foro rerum venalium, & alia hujus generis. Si verò alio anni tempore negotia incidant, quæ ad statum Reipublicæ pertinent, extraordinarii & indicti conventus habentur. Minus quoque Senatorum hic est Consilium, qui toti Regioni consulant, numero sunt sexaginta, præter eos qui publicis honoribus functi, Senatores deinceps perpetuò manent; quod si graviores causæ sint agenda, neque totius plebis consilium convocandum videtur, tum vel consilium duplicatur, aut triplicatur, & singuli Senatores singulos alios, aut binos secum assumunt. Nemo autem in Senatum deligitur, neque Consilio etiam totius plebis interesse potest, nisi qui fuerit ejus regionis civis, *eyn Landman*; atque facilius est in urbibus jus Civitatis assequi, quam apud Vrios, quia certo consilio & more majorum, veteribus colonis regionis novos admisceri nolunt, ut facilius in eodem statu respublica maneat, & mutationes caveantur. Præter hæc duo Consilia Senatorum & totius plebis arcanum quoddam & sanctius est paucorum, & præterea Iudicia rerum controversarum. Senatores ejus septem sunt, inter quos primum locum Ammanni obtinet vicarius; Iudicant hi de debitis quæ 60 florenorum summam non excedunt. Aliud deinde est Iudicium virorum quindecim, in quo Ammannus præsidet, & civiles controversias majoris momenti cognoscit. Iudicia rerum Capitalium à Senatu seu publico Consilio, & quidem plerumque duplicato exercentur, præsidente Ammanno, aut ejus vicario. habentur autem loco publico, sub dio, ubi omnibus spectare, causam audire, & judicium sententias cognoscere licet.

Præfectura.

Lepontinæ Valli trans Alpes Vrii præfectum imponunt, huic additur Vicarius ex ipsa valle, & assessores sive Iudices, cum quibus una tam civiles, quam criminales causas judicat, & triennio præfecturam obtinet. Præterea montis Gothardi incolæ Vriorum imperium agnoscunt, proprium tamen Consilium, & Ammannum habent, ab Vriensibus confirmatum; & quoties causæ capitales aguntur, duo è Senatu Vriorum consilio ipsorum interfunt.

Religio.

Vrii omnes Catholicam Religionem constantè amplectuntur.

Helvetia.

S C H W I T Z.

S Viti, Taurisci olim, quemadmodum *Nomen.* Vrii, dicti fuerunt; unde vero hodiernum nomen consecuti fuerint, an à Suediis, qui loca hæc occupaverint, an aliis, incertum; illud certum, eos hodie nomen omnibus Helvetiis communicasse, eosque communi nomine *Switios* vocari. Pagus Switiorum Tigurino, *Termini.* Glaronensi, Vnderwaldiorum & Lucernatum, cingitur territoriis; est quoque, ut Vria, pagorum congeries, undique fere interclusa montibus, longe tamen quam Vria situs amœnioris, faciliorisque aditus. Incolæ hujus pagi fortissimi sunt, venatores egregii, & agriculturæ dediti, quamvis agros paucissimos habeat pagus, & præcipua ejus pars è pascuis constet, quare innumera armenta, pecorumque habent greges. Opifices apud eos fere nulli, si sartores, sutores, fabros, & lignarios excipis, sed magna eorum vis, qui mendicando victum quæritant. Mares hic æque, ac feminae alibi, caseos conficiunt, adeo ut eos in foro Argentinensi vendere cupientes, eos ne quidem à muliere tactos affirment. Commercio cum exteris hic fere nullum, ideoque oppidò pauci mercatores hæc loca adeunt; nisi forte vicum Brumen ad lacum situm transeant, & illinc *Art* Tugienfis pagi vicum petant; quod usitatum itinerantibus est iter; indigenæ vero eorum vicorum peregrinantibus hospitia præbendo, mercesque per utrumque lacum devehendo, rem faciunt.

Pagus hic olim Alemannico Ducatu in- *Regimen.* clusus, pro majore sui parte Lentzburgensibus Comitibus paruit, qui partem ejus Schemnitzensi Cœnobio donarunt; Cætera pagi loca Stein, Steineberg, Sattel, Art, Cusnach, à Lentzburgensibus ad Habsburgios devoluta sunt. concessione vero Ludovici Imperatoris Magni fil. sub protectione imperii recepti, nullum superiorem agnoscetes, libertatem tuebantur. Postmodum cum emtionis titulo ab Everhardo Habsburgensi jura omnia, quæ ei competeabant consequuti essent, ab Imperatore Henrico VII, eisdem immunitates, quibus cæteri gaudebant pagi, obtinuerunt. Suitiorum autem regio divisa est in partes 6; quas quartas vocant, quia olim tota regio in partes quatuor divisa fuit; aucto vero populi numero, nova partitio facta est in sex partes; quæ tamen vetus nomen retinuerunt. Ex his partibus æquali numero senatores, qui toti regioni consulant, deliguntur, numero 60. Summa potestas est penes Consilium totius plebis, quod Ammannum, aliosque minores Magistratus eligit. Cætera regiminis forma eadem utuntur, qua Vrii, quo lectorem remitto.

Habuerunt olim Suitii quatuor præfectu- *Præfectura.*
ras, *ra.*

M

ras, Marchiam, Regionem ad Eremitanæ Virginis fanum, Cussenacum, & viculos ad lacum Tigurinum, qui villarum nomen habent, *die hof*, oder *ding-hof*. Sed ex his quatuor duæ priores jure quasi municipali donatæ sunt, ac è suo numero Magistratus eligunt, qui ipsis jus dicant. Verumtamen quotannis, cum conventus totius populi Suitiensis habetur, pro more, Legatos illuc mittunt, ac petunt sibi electionem propriorum Magistratuum concedi; idque illis ingentis beneficii loco conceditur, hac exceptione addita, ut modeste & obedienter se gerant, alioquin populo Suitensi liberum esse præfectum illis imponere, quotiescumque voluerit. Cussenacensium par fuit conditio; sed cum exteri, qui hoc itinere sal & alias res vehere consueverant, conquererentur injuste secum agi, & se nimium ab ipsis premi, Suitenses re comperta, denuo illis præfectum, & novas ordinationes & statuta dederunt. Præterea cum Glaronensibus duas præfecturas communes habent, Vsenach oppidum, & Castra Rætica, vulgo *Gastal*, ac per vices præfectos dant, & semper uni tantum præfecturæ Pagus unus, alter vero alteri imperat; Toggenburgii Suitensium & Glaronensium non quidem subditi, sed cives sunt, & cum his alternatim militant.

Religio. Pagi hujus incolæ Catholicam religionem amplectuntur.

V N D E R W A L D E N.

Nomen. **V**nderwalden, Latinis Sylvania, à Sylva interjacente, in Argovia situm occupat, cum Lucernatibus, nec non Vriis, & Suiis in lacu *die Vier Waldstetten Zee* terminos habens communes. Dividit eam in superiorem & inferiorem interjacens sylva *Kern* dicta: Superiores Sarnæ, vulgo *Sarnen* Consilium constituerunt, eoque gentis universæ sigillum contulerunt; inferiores Stantii, vulgo *Stantz*.

Qualitas. Territorium pascuis amoenis, sylvisque pulcherrimis constat. incolæ fortissimi sunt belatores; in armentis gregibusque præcipuæ eorum constant divitiæ; qui lacus ripas accolunt, piscatu victum quærunt, fructusque suos lucris gratia navigiis Lucernam vehunt.

Regimen. Antiquitus Stantz sub sylva ad lacum totius regionis caput fuit, & dicti sunt homines vallis in Stans; nunc, cum Vnderwaldiorum nomen pro tota regione accipitur, in lingua Helvetica semper additur supra & infra sylvam, *Vnderwalden*, ob *und* *under dem Wald*. Quamvis vero Vnderwaldia in duas partes hæc sit divisa; nihilominus communi nomine appellatur, nec in pagorum Conventibus generalibus duorum, sed unius tantum suffragii jure gaudet. privatim vero sin-

gula conventus peculiare celebrat, sigilloque peculiari utitur. Franciæ Reges tractus hujus, unica Zurigoviæ Comitatus appellatione comprehensi, reditus Lucernensi Cœnobio tradiderant, supremo nihilominus jure sibi reservato; Ab eo tempore Monachi Majores suos in vicis *Stants*, *Cnochs*, *Sarnen*, *Saxlen* aliisque constituerunt. Verum postmodum Vnderwaldii, jura hæc à Monachis ementes, libertatem denique integram, Imperii Præfectorum jugum excutientes, consequuti sunt.

Triginta homines ex unaquaque duarum partium eliguntur, qui Consilium simul constituunt; sed singula habet Ammannum, Vicarium, Quæstores aliosque minores officiales, qui eodem, ut apud Vrios, Suiis quoque modo, eliguntur, eademque forma ut apud eos hic pagus regitur. Indigenæ omnes sunt Catholici. *Religio.*

T V G I V M,

vulgo

Z V G.

TVgiensis pagus, vulgo *Zug*, Tigurensi, *Termini.* Lucernatum, & Zuitensium pagis includitur: Oppidum habet præcipuum, *Tugium* *urbis.* cujus frontem cingit lacus Tugiensibus & Zuitiis communis; tergum & sinistram monticuli, dextram campi non mediocriter fertiles. præterea Tugienses possident ad eundem lacum Chamum oppidum, ubi olim peculiare domini, nec non vicis pagosque nonnullos sat pulchros. Territorium fertile *Qualitas.* est, triticique satis ferax, indigenæ fortes, laborum patientes, humanique erga externos audiunt.

Paruit civitas hæc primò Chami dominis, post Welebergiis, dein Haluiliis, postremo in Habsburgiorum potestatem pervenit; quibus contra Helvetios cives longo tempore militarunt; donec ab iis obsidione cingere-tur; deditioem itaque facere coacta, cum Helvetiis convenit, & in numerum pagorum recepta est anno 1352. Sed quamvis Tugium oppidum sit magni momenti, tamen imperium totius pagi non est penes oppidanos, sed etiam ii qui agrum Tuginum inhabitant, pari jure cum oppidanis imperant. Pagus in tres conventus dividitur, Montanum, Vallem Egeriæ sive aquæ Regiæ, & Barum parochiam in campo urbi proximo; urbs ipsa duorum conventuum loco censetur. Ex hisce quinque eliguntur quadraginta quinque Senatores, novem ex singulis conventibus; Ammanni ordine ex singulis conventibus deliguntur; qui vero ex conventibus exterioribus delecti fuerint, eo biennio quo Magistratum gerunt, in urbe habitant. Deinde Ammanni Vicarius, Quæstores, Præfecti, alii-

Præfectura.

Religio.

Limites.

Loca.

Qualitas.

Incola.

Regimen.

aliique minoris notæ officiales eliguntur; Tugii quoque urbs, præter publicum totius regionis Consilium, proprium Senatum habet, Iudicia ac Magistratus urbanos, Ammanni Vicarium, Quæstorem, Ædilem, aliosque Magistratus, qui civium causas cognoscunt, & publica urbis negotia administrant. Iudicia rerum capitalium, eodem, quo apud Suitios, Vrios, & Vnderwaldios, modo exercentur. Cæterum Tugini Chamo oppidulo, S. Andreæ vico, quondam etiam oppido, Hunebergo, Walchevilæ, Steynhusæ pago, & alteri, qui S. Wolfgangi nomen habet, Præfectos imponunt. Omnes vero Religionem Catholicam Romanam profitentur.

Præfectura.

Religio.

G L A R O N A,

vulgo

G L A R I S.

Limites.

Glarona vallis est juxta Limagum fluvium, non admodum ampla, longitudine trium milliarium Germanicorum; nomen habens à præcipuo totius regionis vico; cincta, tribus partibus, altissimis Alpibus; à meridie & oriente Rhætos; ab occasu Vrios & Suitios attingit, à Septentrione Castra Rætica regionem, qua Limagus vallem egreditur. Complectitur ambitu suo Werdenbergensem Comitatum, & loca alicujus momenti, *Sevelen, Walenstat, Buchs, Graps, & Ganps*, nec non *Schwanden*, ubi comitia hujus pagi convocantur; pagus ipse, quamvis exiguus, mire amœnus est, & undique fluviolis amnibusque, qui piscibus sca- tent, irriguus. Indigenæ procerâ staturâ, robusti, humani, ingenio sunt subtili, & à fraudibus abhorrentes.

Loca.

Qualitas.

Incola.

Regimen.

Regio hæc multis annis monasterio Seco- nienfi fuit obnoxia, donata S. Fridolino ab Viso & Landulpho fratribus; huic solveban- tur redditus, decimæ & census certorum fun- dorum; ab exactionibus & vectigalibus erant

liberi, suis legibus viventes, & Senatum ex civibus habentes, cujus tamen electio penes Abbatissam erat. Advocatia vero Cœnobii & Glaronensium erat penes Rom. Impera- torem. Fridericus autem Barbarossa eam Othoni Burgundiæ Palatino dedit; à Bur- gundis ad Habsburgios pervenit. Albertus Austrius Rudolphi Imper. filius, reluctantibus Glaronensibus imperium Advocatiæ hu- jus titulo sibi vendicavit. Austrii quoque jam vires nacti, post domo ejectum Swandium Baronem, jura majoratus Glaronensis ad se transtulere; & quod hætenus nunquam fa- ctum fuerat, Præfectos in illam regionem mi- sere, qui populum regerent, & illi jus dice- rent. Horum imperia cum aspera & insolenti- tiæ plena essent, plebs odio Austriorum, Hel- vetius bellum inferentibus sese ultro dedit, & perpetuo foedere junxit anno 1351.

Summa Reipublicæ, ut in prædictis pagis, penes populum universum est, in Comitibus publicis Swandiæ haberi solitis congregatum.

Pagus autem dividitur in partes 15, quas vo- cant *Tagwan*; quod nomen operam diurnam significat, sive etiam tantum terræ spa- tium, quantum unius hominis diurnâ operâ coli potest. Singulæ autem earum suâ operâ vias in suo agro munire tenentur, & publicæ operæ juxta has partes distributæ sunt. Con- silium sexaginta virorum habent, quorum quatuor è partium singulâ eliguntur. Præ- terea duo hic sunt Iudicia, unum novem, alte- rum quinque virorum, qui à publico conven- tu totius populi quotannis deliguntur. No- vemviri controversias hereditatum cogno- scunt, & injuriarum. Quinque viri autem de debitis & reddita pecunia judicant. Glaro- nenses autem Werdenbergensibus præfectum dant in singula triennia; Comitatum vero eum emere anno 1517. Cum Suitiis quoque alternatim præfectos Vrenacum, & in castra Rætica mittunt. Indigenarum pars Catholi- cam religionem, pars alia Reformatam, ut nominant, sectatur; ideoque Magistratus ex utriusque Religionis viris constat.

Præfectura.

Religio.

T E R R I T O R I U M B A S I L E E N S E.

Termini.

Basilea
Civitas.Nominis
origo.

Situs.

Qualitas.

Erritorium Basileense ad Orientem urbe *Lauffenburg, Seibhen-gen*, & parte vallis *Brick*; ad meridiem vero Iurasso monte, qui hic valde præceps est, terminatur; ad occidentem aliquas Salodiorum & Basileensis Episcopatus præfecturas; à Septentrione Rhenum & superiorem Marchionatum respicit. octo horarum vero ejus est longitudo, latitudo septem horarum itinere finitur; complectitur vero vicos quadraginta duos, & viginti tres paroecias. Basilea Cantonis caput est. Eam vero ex opulentæ & eximiæ Romanorum Coloniae Augustæ Rauracorum cineribus, quasi novum Phœnicem resuscitatam, ex illius ruinis ædificatam, & pedetentim ad hoc potentia & gloriæ fastigium singulari Divinae Providentiæ favore evectam fuisse, plurima authorum & monumentorum testimonia comprobant. Num vero à frequenti Gallorum, aliarumque nationum per Rhenum transitu, prope turrem à fale nomen sortitam, & eodem adhuc loco exstantem, nomen acceperit; an vero Basilena, Imperatoris Iuliani mater, suum urbi commodaverit; aut an à Basilisco ibidem invento denominata fuerit, incertum est. Sita est urbs Basilea ab elevatione poli 47. gr. 42. min. quoad longitudinem autem, à primo meridiano, quem ab Insulis Azoribus novissima Geographorum opinio deducit, 31 gr. 15 min. distare creditur. Aere fruitur salubri & temperato, & quamquam aquiloni non parum objecta sit, frumenti tamen, vini & graminis feracissimo agro circumdata est, quippe quæ sibi sæpissime superflua aliis adjacentibus, & horum indigentibus regionibus communicat. Dividit illam celeberrimus Germaniæ fluvius Rhenus in duas partes, quarum major Gallica in ora Alsatiam versus, minor Germanica in ripa sita est: conjungit tamen has eximius è lapide fluvio instratus pons, cujus longitudo in 350 passus extenditur. Quæ vero urbi Rhenus in mercibus, aliisque ad urbis sustentamentum necessariis rebus subvehendis & devehendis, emolumenta adferat, vix equidem, cum unicuique melius conjicere liceat, ea enarranda putem. Licet autem sæpissime olim fortuitis incendiis, sive aquarum inun-

dationibus, & intumescente frequenter Birsecko fluvio, (qui urbem intrans ibidem Rheno aquas suas tradit) nec non variis & gravibus terræ motibus, maxime 1356, concussa & labefactata sit: ita nihilominus iterum convaluit, ut Æneas Sylvius, cum anno 1431 & seqq. Concilio Basileensi Prælati titulo interesset, perspecta palatiorum magnificentia, arearum amplitudine, ædificiorum splendore, platearumque nitore, eam Ferrariæ & Florentiæ maxime eximiis Italiæ urbibus comparare, imò præferre non dubitaverit: quam deinde ad Pontificatum maximum sub immutato Pii Secundi nomine evectus, favore suo prosequi voluit, & ibidem Univer-^{Acade-}sitatem erexit, tot tantisque privilegiis dota-^{mia.}tam, ut Parisiensi, Bononiensi, Viennensi, Erfordienfi aliisque ne unguem quidem concedat.

Cætera Pagi oppida sunt, *Walemburg* oppida. ad fluvium Ergetz situm, & castro egregio *Alt Walemburg* dicto, conspicuum; Episcopus hoc, per ultimorum Comitum Froburgensium obitum, ad se devolutum Basileensibus vendidit: *Liechstal*, tribus Basilea leucis distitum, Rhenum, Augustumque pagum inter, medio fere itinere; id quoque ab Episcopo Basileenses pretio persoluto adepti sunt. *Sissach* oppidum, à quo regio *Sisgorn* dicta nomen consequuta, situmque est in valle inter *Ober* & *unter Harwenstein* montes posita; præterea *Warnsburgensis* Comitatus redivus huic Cantoni addictus est.

Basileenses ut plurimum procera sunt sta-^{Mores.}tura, forma decora, & membris bene compactis; feminae venustæ, & gratiosæ. Mares ingenio excellere, & humanitate, nec non pectore aperto, & in externos propenso esse prædicantur: sunt præterea hilares, minime morosi, at modestiam & gravitatem nihilominus servantes; lites, discordias, jurgia inter eos vix cognita; concordia & amore singuli erga cives pariter & externos affecti sunt. Juvenes, aliquæ maturioris ætatis vestibus utuntur ad Gallicum morem confectis; Mulieres pileos gestant præaltos, & sacchari fere panem referentes, pellibus preciosis cinctos; capillos vero in nodos colligatos in humeris vagari permittunt: plurimæ quoque jam Gallico vestiuntur more. Gladiis utuntur, ad antiquum Helvetiorum morem, largissimis, eosque lateri accingunt, ut verè diceret, Basileenses gladiis alligatos. Linguam loquuntur Ger-

Germanicam, quamvis Gallicus quoque maximo in usu sit.

Opes.

Opes & redditus reipublicæ Basileensis consistunt in Abbatiarum quarundam opulentis redditibus, & è Comitatu Waspurgensi, aliisque Præfecturis provenientibus; præterea onera & vectigalia, mercibus, hic ex Italia, Gallia & Germania transeuntibus imposita, maximam urbi adferunt utilitatem. Cives commerciis, quæ hic strenue vigent, rem & opes quaritant.

Regimen.

Cæterum cum urbs hæc Helvetiis vicina sit, eorum amicitiam, multis annis antequam se eorum foederi jungeret, studiose coluit; sæpius communibus consiliis & viribus contra Austrios, Gallosque bella gessit; sæpius Helvetiorum ope ab ingruentium inimicorum armis defensa est. Postremo cum Bello quod inter Maximilianum Imperatorem, & Helvetios gereretur, Basileenses medios sese gessissent, nullamque partem auxiliis juvissent; Nobilitas, quæ ingenti Helvetiorum odio flagrabat, eos pene hostium loco habere cœpit; neque hi tantum, qui Austriis parebant, sed complures qui eousque cives fuerant, ex urbe in vicinos Sequanos, Alsatios & Brisigavios commigraverunt: unde urbis incolas contumeliis & injuriis afficere non cessabant, donec ii, indignitate rei commoti, anno 1501 perpetuo foedere sese decem Helvetiæ pagis junxerint, eo modo pacem & quietem metu auxiliorum Helveticorum consequuti.

Dividitur Basilea in quindecim tribus, quas *Zunfti* vocant, è quibus quatuor aliis nobiliores habentur, quas dominorum tribus, *Herren-Zunfti*, vocant. Prima mercatorum est; altera eorum qui auro, argento, stanno fundendo & cudendo laborant: tertia vinariorum; quibus etiam scribæ & Cœnobiorum œconomi annumerantur: quarta est aromatizantium, item eorum qui sericum vendunt, atque omnis generis institorum; & hæc quidam omnium est populosissima; reliquæ undecim sunt plebeie, omnis generis opificum. Nonnunquam diversi generis opifices in unam tribum conveniunt, & sua peculiaria collegia habent: hujusmodi autem hic sunt piscatores & navicularii; sutores & coriarii; sartores & pelliones. Sed in his quæ ad rem publicam pertinent, & in electione Senatus, sive creandis Tribuum Magistris, qui Senatui intersint, communi consilio & suffragiis omnia peragunt.

Ex his tribubus omnes, qui publicis consiliis interesse digni æstimantur, pari numero è singulis eliguntur. Sunt autem hic præcipuæ auctoritatis, ut apud plerisque Helvetios, duo Consilia publica: Majus, quod virorum est 244. in minus Consilium singulæ tribus quaternos dant viros, his accedunt Consules & Tribuni.

Helvetia.

Ambo hæc Consilia, Majus & Minus, in duo dividuntur, vetus & novum. Veterem Senatui eos nominant, qui per medium annum munere suo defuncti sunt; atque hi quamvis quoque convocantur, cum Senatus habetur, non tamen semper vocantur; nam sunt quædam quæ Novus tantum Senatus transigit.

Primæ apud Basileenses dignitatis Magistratus est Consul; hos sequuntur Tribuni duo, vulgo *Zunftmeysters*, qui una cum duobus Consulibus urbis Capita nominantur. Hisce capitibus novem alii è Senatu adjunguntur; & hoc Consilium à numero tredecim virorum nomen habet. ad hos omnes graviores causæ referuntur, & primi de his deliberant, antequam rem universo Senatui proponant.

Basileæ duo sunt Iudicia in majore oppido, & tertium in minore: Publicum Iudicium majus, vulgo *das Stadtgericht*, decem Iudicibus constat, qui partim è Senatu, partim è plebe in Iudicium ordinem adfiscuntur. Cognoscit autem Iudicium hoc omnes actiones civiles & criminales: sed in civilibus actionibus, de testamentis, contractibus, debita pecunia, & similibus, Prætor Urbanus, vulgo *der Statrvogt*, Iudicio præest: in causis vero criminalibus, Præfectus seu Advocatus Imperii jus dicit, ac Triumviri capitales Senatorii ordinis, nomine totius Senatus, per Accensum, *den Obersten-knecht*, causam adversus reum peragunt. Fiunt autem Iudicia hæc loco publico, & aperto, ita ut omnibus interesse, spectare & audire, quæ aguntur liceat. Secundum majoris oppidi Iudicium tantum leviores controversias, & minoris momenti dijudicat, & quæ summam decem librarum non excedant. Minoris oppidi Iudicium, suum proprium habet Prætorem; & omnes causas, præterquam criminales, cognoscit. Aerarii Sanctoris, in quo thesauri urbis asservantur, curam gerunt Quæstores triumviri, *Dreyerherren*; præter quos alii sunt triumviri, *Ladenherren* vocant, qui minora vectigalia, & redditus annuos Reipub. administrant. Post ii sequuntur qui curam omnium publicorum ædificiorum, viarum, fontium gerunt; atque hi, à mercede, quam publicis operis persolvunt, *Lohnherren* dicuntur. Sunt etiam Quinqueviri, quos *die Fünferherren* vocant, hi controversias de finibus, & quales inter ædificandum, inter vicinos oriuntur, dirimunt. alii annonæ curam gerunt. Pupillarum & viduarum patroni, *Weysenherren*, alique minores Magistratus.

Præfecturæ Basileensium sunt *Farnsperg*, *Præfectura* arx supra Reinfeldam in edito monte sita; *Walenberg*, oppidulum ad jugum Iuræ montis, quod ab excisa rupe nomen habet *der Houwensteyn*; *Homburg*, *Munchensteyn*, & *Ram-*

N

Ram-



Septentrio.

*Religio.**Ramsteyn.* Basileenses omnes Reformatæ religionis dogmata sequuntur.E P I S C O P I
BASILEENSIS DITIO.*Termini.*

E piscopi Basileensis ditio ad Septentrionem Montis Beligardi Comitatum, Sungoviam & Alsatiæ partem respicit; ad Occidentem Burgundiæ Comitatum; ad Meridiem Neocomensem Principatum, & Bernensis pagi partem; ad Orientem Basileensi Cantoni jungitur. Longitudo ejus in novem horas extenditur.

Oppida.

Oppidum ditionis præcipuum est Bruntrutum, Germanis *Porentrut*, arcem habens munitam satis, & pulchram, Episcopi secessu claram; licet in divinis pendeat à Bisuntino Archiepiscopo. Cætera ditionis oppida sunt, *Bienna*, cujus supra memini; *Bonavilla*, Germanis *Neustat*, *Telsberg*, communiter *Delmont*, in Saltzgovia ad Hoim fluvium situm, arcem munitissimam habens, ubi Episcopus nonnunquam secedere solet; huic adjacet vallis Telsbergensis, oppida *Vnderscheiler* & *Altdorff*, vicisque complures comprehendens. *S. Vrsitii* oppidum, cum arce, inter prærupta rupium præcipitia situm; *Hasenburg* in medio montium, non longe à Lutzeleni abbacia excitatum; *Lauffen*, ad Birs fluvium, qui non longe ab oppido immani fragore è rupibus se præcipitat, & prope Basileam aquas suas Rheno commiscet. Vltimas duas hæc civitates Iohannes Vianensis Episcopus vendiderat; ast anno 1433, Iohannes Fleckensteinus una cum Godensels, Spiegelsberg, Frejemberg, Birseck, Ysteyn, & Riehen præfecturis, rursus ditioni suæ adjunxit. In hisce regionibus est passus ille sub rupe excisa, quem vulgo *Pierreport*, vel *Pierre pertuise* vocant. *Homburgum*, *Walenburgum*, & *Liechstal*, Episcopi Basileensibus; *Olsen* Salodo-

riis vendiderunt: *Rapoltsteyn*, arx Baronatus celeberrimi, & amplissimi in Alsatiæ caput, Episcopi hujus feudum est.

Territorium tritici abunde est fertile, vina *Qualitas.* quoque profert magna copia; inter quæ ea excellunt potissimum, & magni æstimantur, quæ in Præfectura Ysteinensi, circa Biennam & Bonavillam proveniunt; ex quibus incolæ non contemnendum percipiunt lucrum. Sylvæ frequentes, & spissæ Lauffensibus & Telmontiis uberem ædificandi præbent materiem. Pascua & prata Vallis S. Immerii optimæ notæ sunt, & late virentia. Vallis Telsburgensis, nec triticum, nec fructus fert; incolæ ex armentorum, gregumque vivunt proventu. Biennensis lacus pisciculos profert, quos *heurling* vocant; hos sale conditos, & magni æstimatos vicinis, vendere solent.

Gens ipsa Germanico utitur idiomate, sed *Lingua.* multum corrupto. Bruntruti cives neque Helveticam, neque Burgundicam; sed linguam ex ambabus corruptam proferunt. Bonnavillenses linguâ Gallicâ corrupta, Biennenses Helvetica utuntur.

Episcopus Basileensis inter Ordines, Principesque S. R. Imperii numeratur, sub Circulo Rhenano superiore: Consilium habet more Principum Germaniæ, quod Cancellariam vocant, Buruntruti residens, quod terras Episcopo subjectas regit.

Biennenses, Monasterienses, & S. Immerii *Religio.* vallium, nec non Aswiler vici incolæ religionem, quæ Reformatæ dicitur, profitentur: cæteri Catholici sunt. Canonici Vallis Monasterienses Delmontii resident; Cathedralis vero Ecclesiæ Basileensis Canonici, Friburgi in Brisgovia degunt. Buruntrutum Episcopi sedes ordinaria est, eique oppidi temporale dominium competit, quamvis in diocœsi Bisontina situm sit. Episcopus vero ipse Archiepiscopi Bisontini est suffraganeus. Buruntruti Theatinorum quoque collegium est, fabricæ pulcherrimæ.

RHÆTIA FŒDERATA,

vulgo

GRISONVM REGIO.

*Rhæti
unde orti.*



RHÆTIA nomen suum à Rhæto, Tuscorum Duce, fortita est, qui à Gallis Italiam invadentibus agro suo inter Alpes & Padum jacente pulsi, Rhæto Duce in altissimos montes, populosque Alpinos Tauriscos se contulerunt. Quibus associati in valle Tumiliasca (quæ à pago Tumilio tumuloque eminenti prope castrum Ottensteyn sic dicta est) oppidum condidere, quod à patriæ jam derelictæ nomine Tusciam (Tusfanam) vocaverunt, uti etiam tria castra, in honorem Ducis sui Rhæti, Rhætiam altam, Rhætiam imam, & Rhætium, nec non arces alias complures. At horum posterius, asperitate forte aëris & montium acrioris facti, nullam dilatandorum finium occasionem neglexere, verum occupatis Athesis Abduæque fontibus, mox secundæ fortunæ aurâ elatioris, ulterius progressi sunt ad utrumque lacum, Acronium nempe, hodie Bodanicum, & Ripanum, seu Walenstadiensem; & ab altero latere Comum, Veronam, Tridentum usque. Ac sic factum, ut caput Rhæticiæ gentis Tridentum fuerit, uti post Vindelicorum, Augusta, vastissimisque spaciis habitaverint Rhæti. quorum longitudo inter Rhenum & Plavis amnium fontes milliaria complectebatur circiter ducenta: latitudo vero inter Schuazium oppidum & Veronam, centum & viginti Italica.

*Latius
olim re-
xere.*

*Rhætia
limites.*

Rhæticiæ autem Inalpinæ Confoederatæ, subditarumque ei terrarum termini hi sunt: Ab Oriente habitant Vennones (*Vallis Vennosta*), quo loco inter Monasterium (*Munster*) pagum & Tuberium (*Taufers*) crux terminalis est. Iurisdictio tamen civilis Rhætica ulterius abit, multis Fœderatis Rhætis extra dictum terminum habitantibus. Præterea ab eadem plaga Oenanos (*Inthalen*) vicinos habent; quo loco Rhætia, à sinistro latere, usque ad Pontem Martini extenditur: à dextero autem latere ea patet usque ad rivum, *Schergerbach* dictum, qui communis terminus est. A Solis denique ortu vicinas quoque agnoscit vallem Silviam, & vallem Solis, ubi summi montium vertices pro limite sunt. Ab Occidente porro Rhæticiæ Fœderatæ Helvetia.

tæ adjacet Comitatus Beltionensis: ubi rivulus de Lumino, & summitates Grainæ & Lucumonis, (qui nunc Sanctorum Mariæ & Barnabæ nominibus notus est) & denique Crispaltæ, Vepchæ, Mærchæ, terminum ponunt. A Meridie Rhætis Fœderatis contermini sunt, primo, Larii lacus accolæ. In planitie, à vallis Tellinæ parte, infra pagum Plantedium locus est, *Il Sanchietto* dictus, qui per rectam lineam crepidinem montis in cacumen secatur: hinc Abdua: à parte Comitatus Clavennæ, in continenti quidem, locus ad lacum Mezolæ est, *La porta*: in lacu vero ipso Mezolæ, seu Clavennæ, saxum supra Dantium, *Il Sasso d'Olciasco* dictum: Præterea cacumina montium vallis Saxeæ, Mediolanensis Ducatus, & jugum Montium, verticeque vallis Brembanæ, Serianæ, & Scalviæ, Bergomatum, & vallis Camonicæ, Brixienfium; Venetæ ditionis populorum. Septentrionale latus ab una parte claudunt cacumina Rhæticonis montis; à cuius tergo Montefuniani, Austriacæ ditionis, habitant: in planitie vero Fons S. Catharinæ infra clivum S. Lucii ab Estionibus Valledulcianis, Comitibus ab alto Amisio parentibus, Rhætiam fœderatam interfecat. A parte vero altera cum exigua rupe aliquantum infra pontem Rheni regniæ viæ imminente, sursumque in summitatem montis S. Margaretæ tendente; tum inferius, ipso Rheno flumine à vicino Comitatu Sarunetum, terminatur. Atque horum limitum ubique certi termini positi exstant.

Figura Rhæticiæ similis est formæ piscis soleæ, *Figura*, seu passeris marini extensi, Germani *Platteisen* vocant. Mons est situs inter Amisium, Scheidium, & Umbilicum, in cuius cacumine tria Fœdera collimant. Rhæti vero ab Italis *Grisones*, ab Helvetiis *Grawpundter* vocantur.

Dividitur in tria Fœdera. Primum à situ *Divisio*, nomen accepit, & superius fœdus, *der Oberpund*, vel Canum fœdus, *der Grawpundt* nominatur. Alterum nominatur Domus Dei, vel Cathedrale, incolis *Cà de De*, Helvetiis *der Gotthaus-pundt*, propter Curientem Episcopatum, qui hoc fœdere continetur. Tertium est decem iurisdictionum fœdus, *der Zehen-Gericht-pundt*. Subditi sunt Volturena vallis, & Clavennæ Comitatus incolæ, Myensfeld & Malans oppida, vicique complures.

Alpes Rhæticiæ variis distinguuntur nominibus; *Montes*.

O

bus;



bus; inter eas maxime celebrantur juga Rhætica, hodie *das Wurmser joch*; nam in summa valle Bormium opulentum castrum, Itali *Monte Braulio* vocant; sequitur mons quem *Colmen del Orso* vocant incolæ, Germani *den Vrschler und Splugerberg*. Huic proximus est Adulas mons, quem Rhæti *Colmen de Vccello*, Germani *den Vogelberg*, & S. Bernardini montem vocant. Dein Alpes Iuliæ Rheticarum altissimæ, & præruptæ, ut hyeme fere sint impermeabiles. his adjacet Septimus mons, vulgo *Setmerberg*.

Fluvii.

Fluvii, qui regioni huic originem debent, sunt *Rhenus*, cujus descriptionem in Germania dedimus. Abdua, vulgo *Adda*, fontes habet in ipsis jugis Rheticis prope Bormium, hinc Volturenæ, lacumque Latium pervagatus, in Padum sese recipit. *Oenus* ex Engandina superiore prorumpit, Tirolensem Comitatum rigat, & tandem Danubio Patavii in Bavaria miscetur. *Meira* ex Alpibus Iuliis labitur, & in lacum Clavensem, nomen perdens, se præcipitat. *Langarus* in Pretigovia natus, prope Malantiam à Rheno recipitur; præter eos amnes innumeri ex Alpibus erumpunt, quorum nomina recensere impossibile est.

Qualitas.

Tota regio montibus asperimis horret; vina nihilominus quibusdam in vallibus profert generosa, & optimæ notæ, ab exteris quoque expetita, quæque veteribus Romanis jam tum cognita, melioribus Italicis comparanda censuerunt; Augusti Cæsaris palato gratissima ea fuisse affirmant. aquæ potari hic suavissimæ sunt: balnea ad diversa morborum genera sananda conducentia. CrySTALLI quoque & metallorum ferax est regio, innumera armenta pecudesque nutriens.

Mores.

Rhæti moribus rusticis præditi, superbiam præ se ferunt incredibilem, omnes totius orbis nationes præ se contemnentes, Principumque exterorum amicitiam flocci æstimantes, quamvis eam, si necessitas urgeat, sibi procurare non desinant. hinc est quod Legatus quidam Galliæ Regis, ad gentis superbos mores alludens, distabat, se hic montes superbæ, valles miseriæ invenisse.

Grisones peculiari choreas agendi modo utuntur, quem à Tuscis majoribus traditum accepisse ferunt. Armis induti, hastisque cuspide ferrea armatis, catervatim saltando per pagos vicosque discurrunt, saltusque admirandos faciunt, quos conficere, armis si se nudaverint, impossibile affirmant. Hastis vero illis unus alterum tali petit violentia, ut ictum evitare posse eos diffideres. estque hæc saltatio residuum quoddam sacrificiorum, quibus pagani abundantiam segetis, uberemque proventum à diis deprecabantur. Caterum in hisce regionibus non pauci sunt illustri stemmate procreati, qui ut paupertatis miseriam effugiant, agricolarum, laborantiumque operam

præstare coguntur; neque hoc iis dedecori esse, vel natalium splendorem offuscare credunt; sese à Romanis progenitos jactantes: cum veritati consentaneum sit, eos à Tuscis descendisse; sed quamvis majorum imagines jactare soleant, agrestibus rusticisque moribus præditi, agricolarum potius conditionem referunt; iis tamen exceptis, qui vera nobilitate ornati, mores nobiles induerunt.

Ærarium Grisonum non admodum opulentum est, ex eo quod populus hic fere cum paupertate luctetur. redditus ii quos à subditis, & stipendia quæ à Principibus Respublica percipit, primum vicatim, dein viritim distribuuntur. Maximus autem Reipub. redditus est ex impositionibus, & è teloniis, quibus merces quæ per hæc valles transvehuntur, onerata sunt. Privati occupantur in transvehendis hisce mercibus, atque ex eo non contemnendas opes colligunt; cum enim brevissimum per hanc regionem ex Italia in Germaniam, à lacu Lario ad Constantiensem sit iter, continuo viatoribus & mercatoribus frequentatur, mercesque transeunt. Opulentiores verò, vicos inhabitantes, hospitia itinerantibus præbent; estque honestissima ea victum quærendi ratio, quam nec ipsi Senatores exercere dedignantur. Artifices hic fere nulli, nisi quos humana necessitas exigit. Si vero cum Austriis Grifones bella gerere necessitentur, adeo ut itineribus interclusis nullus hic viatorum merciumque sit transitus, plurimos paupertatis miseras, famemque ipsam tolerare, dicitur.

Paucissima Curia habent tormenta bellica *Vires.* majora, cætera regionis loca munitionibus destituuntur; armamentarium, horreaque iis nulla, secus ac Helvetiis, qui omnibus necessariis optime sunt provisi. Singuli plebis domi arma ordinaria, sclopeta, gladios largissimos, hastasque ut plurimum habent, iisque diebus festis sese exercitare solent.

Signa eorum cruce alba ornantur: cæterum Helvetiorum more tympanis, fistulisque utuntur, acies instruunt, cæteraque militaria exequuntur. Sed cum ob penuriam pecuniæ armis destituantur, frumentum quoque è Suevia, Mediolanensi Ducatu, Tirolensium Comitatu petere necessitentur, maximis difficultatibus obruuntur, si forte bellum illis gerendum sit. Volturena quoque vallis & circumvicina loca iis vina laudatissima conferunt, cum regio ipsa quibusdam solum in locis, & quidem exigua copia mediocria tantum vina proferat. Nihilominus regio egregie munita est contra hostiles impetus, habetque quatuor duntaxat aditus perangustos providæ Naturæ munitissimos, adeo ut à viginti hominibus facillime contra quemvis hostium insultum servari possint. Primus est per Comensem lacum in Italiam; secundus per vallem

lem Comonicam in Venetam ditionem; tertius per vallem OEni in Tirolensem Comitatum; quartus in Helvetios & Sueviam per pontem Curiae Rheno superstratum. Domus omnes fere tam in oppidis, quam in vicis è solo ligno constantes, facillime incendio absumuntur; vallesque montibus adeo asperis distinguuntur, ut non nisi difficillime, & magno temporis tractu, si necessitas urgeat, à vicinis auxilium obtinere possint.

Postquam Romani Rhætiam in provinciam redegerunt, ejus regimen Procuratori commiserunt; dein Imperatores alios Magistratus Ducum, & limitum Praefectorum titulo Rhætiae praeposuerunt: donec Alemanni pulsis Romanis terras circa Rhenum fluvium & Constantiensem lacum occuparent, Rhätosque in montium suorum juga compellerent, locoque subditorum haberent: Gothi postmodum, Duce Theodorico, totius Italiae fere regimen adepti, Rhætiae Ducem sive Capitaneum praeposuerunt. Ast dein Franci Gothos praeliis diversis fusos expulerunt, Praesidibusque suis Rhætiam gubernandam commiserunt; usque dum Reges Francorum eam in Comitatus & Dominia dividerent. Solus Episcopus Curienfis dignitatem praefecturae, quam cum Praesidibus conjunctim exercuerat, & territorium Curienfe recuperavit, quamvis Dissentisii Abbas partem ejus sibi competere contenderet. Ultimo Carolus, cognomento Magnus, Imperator, totius Rhætiae Praefectum & Gubernatorem constituit Constantium Curiensem Episcopum; quam dignitatem ejus Successores obtinuerunt, usque ad Thietolphum, post quem Episcopi sequuti solam eam Rhætiae partem rexerunt, quam Domus Dei vocant, Comitibus, Baronibus, Nobilibusque caetera administrantibus; atque post ea tempora nullus universae Rhætiae Praefectus generalis praefuit. Post tractum temporis vero, ii Rhætorum qui circa Rheni fontes habitant, una cum Abbate Dissentisio, ejusque Vasallis, Castri Rhætici & Saxii dominis eorumque subditis, & nonnullis communitatibus liberis, foedus perpetuum inierunt, quod *Superius*, ad situm habitato respectu, & *Canum*, ob antiquitatem venerandam nominarunt. Articuli hujus contractus Troni, anno 1424, conscripti sunt.

Episcopus Curienfis, ejusdemque Civitatis cives cum vicinis communitatibus foedus inierunt, non longo post Superiores tempore; & Foedus hoc nominarunt, Domus Dei, sive Cathedrale, respectu ad Cathedralem Ecclesiam sedemque Episcopi habito.

Anno 1450 Davosii, vallis Rheticae incolae, Barponenses, Meyensfeldenses, & Malansiani, foedus perpetuum sancierunt, idque decem jurisdictionum deinceps nominarunt. Postea duobus aliis foederibus se in perpetuum

conjunxerunt, atque ita tria Foedera, in unum quasi corpus conjuncta sunt anno 1471 in loco Varzerol, in ditione Belfortensi.

Hæc Foedera in Communitates distinguuntur, quarum singulae suis immunitatibus & privilegiis gaudentes, proprios habent Magistratus, leges, & judicia; ex iis tamen una tantum Respublica constituitur, cujus major potestas penes Senatum trium Foederum est.

Senatum autem trium Foederum, Grifones vocant, *ein pundsdach*; suntque comitia legatorum ex singulis communitatibus totius gentis. tractantur in eo, quæ ad totius gentis Rempub. pertinent, de pace & bello, de foederibus, de Legationibus, de legibus & edictis; audiuntur appellationes, quæ ex communibus praefecturis ad Senatum sive Comititia totius gentis fiunt. Loca autem, ubi habetur Senatus, tria sunt; Illantum in superiori Foedere; Curia in Cathedralli, Davosium in Decem jurisdictionum. Frequentius tamen Curiae convenit; idque nundinarum tempore. Superius Foedus Senatores sive Legatos ad hunc Senatum mittit viginti octo; Cathedrale viginti quatuor, Decem jurisdictiones quindecim; & quamvis plures mittantur, totidem tamen, quot dixi, singula foedera suffragia habent.

Caeterum Legati dicti non sub arbitratu de rebus deliberant, sed ex mandato sui Conventus quod scriptum ad Senatum deferunt, agunt, & ad hunc acta referunt: Omnia autem suffragiorum numero aguntur. Porro nonnunquam etiam Consilium totius pene gentis convenit, sed id rarius contingit.

Præterea habent & alium Senatum, quem vocant *ein Beytag*. quando tantum praecipui Magistratus, & quasi capita trium foederum conveniunt: sunt autem ii, Iudex Provinciales, iis *Landrichter*, in superiori foedere; Consul Curienfis in Cathedralli; & *Land-ammann* Davosienfis, in decem jurisdictionum foedere. Hi & præterea aliquot alii ex singulis foederibus convocati, conveniunt quoties causae publicae agenda sunt, quarum tamen causa, totius Rhætiae Senatum indici non placet: non habent autem absolutam statuendi potestatem, verum acta ad Communitates foederum separatim referuntur, & quod major horum pars statuerit, ratum est.

Iudicia publicarum controversiarum apud Rhætos non dissimilia sunt Helveticis. Si enim inter tria foedera controversia oriatur, ex singulis Foederibus tres vel quatuor Iudices deliguntur, qui soluti juramento quo suo Foederi obstricti sunt, causam vel amice componunt, vel ex æquo & bono dijudicant. Si autem duo Foedera tantum litem aliquam habeant, deferunt eam ad tertium foedus; Si inter duos conventus, sive jurisdictiones ejusdem foederis existat controversia, utuntur iudicio proximi conventus: Vbi vero foede-

rum diversorum conventus inter se contendunt, Senatus trium Fœderum Iudices constituit, qui causam cognoscant. Quando Conventus, vel etiam privatus aliquis controversiam habet aliquam cum ipsis Fœderibus, duo vel tres iudices è singulis Fœderibus eliguntur. Quando duo Fœdera adversus unum litem habent, sex Iudices è duobus Fœderibus deliguntur, & totidem ex tertio; & si hi causam componere non possint, trium Fœderum suffragiis arbiter deligitur. Conventus autem juridici primò Ilianti habentur, deinde Curia, postea rursus Ilianti, quarto denuo Curia, & quinto Davosii.

Consuetudines.

Communi apud Grifones decreto sancitum est, ne Episcopus Curienfis, aut quicumque alius ecclesiastici ordinis, civilem Magistratum constituat, & Præfectum aut Ammannum conventui & Iudicio alicui præponat; sed Rhætorum populus suos Magistratus propriis suffragiis creat. Qui autem ab Episcopo aliqua officia impetrare, quamdiu illi serviunt, comitiis & Senatui interesse non possunt. Ministros ecclesiarum singulæ parœciæ sibi deligunt, & eos amovere possunt; iisque stipendium, quod plerisque in locis perexiguum est, solvunt. Decimas minores nullas solvunt tota Rætia; majores non in agro, sed collectis fructibus & vino domi solvunt. Omnes qui in aliqua Communitate habitant, libere in omnibus fluviis & rivis, lacubusque piscari possunt; similiter passim venari & aucupari. Porro per universam Rhætiam eodem pondere & mensura, tam aridarum quam liquidarum rerum, utuntur, Curienfis scilicet oppidi; neque in his quicquam Curienfis immutare licet, absque aliorum Fœderum consensu.

Præfectura.

Rhætorum tria Fœdera ex æquo imperant præfecturis quibusdam. Cis Alpes prope Curiam Meyensfeldio, & Malantio Præfectum imponunt; superatis Alpibus Plurienfis est præfectura, cujus præfectum Potestatem vocant. Sequitur Clavenna Comitatus; hujus præfectus à Rhætis Commissarius dicitur, præterea in singulis Volturenæ vallis præfecturis Potestates constituunt. In omnibus autem causis provocare licet ad Senatum Dominorum Rhætorum (*dei Signori Grifoni*) vel ad Commissarios, quos illi Iudices ordinarint & miserint, aut denique ad Communitates; quæ summa penes Rhætos potestas est. In electione autem præfectorum ordo hic & fœderum & communitatum servatur, exempli gratia, si fœdus superius Præfectum Sondriensem dederit ad hoc biennium; dabit alium ad proximum Cathedralis fœdus, & ad tertium biennium Decem jurisdictionum Fœdus. In singulis quoque fœderibus communitatum ordo similiter servatur; ac aliquando Communitates ipsæ, quæ ex ordine præfectum dare debebant, cum so-

læ eligebant; nunc à Senatu Rhætico eligitur.

Episcopus Curienfis, Fœdus Cathedralis, & Canum, à multis annis amicitiam cum vicinis Helvetiorum pagis temporariis fœderibus confirmarunt. Primum anno 1497 Fœdus superius, sive Canum, Helvetiis septem veterum pagorum fœdere æterno se conjunxit: anno verò sequenti iisdem pagis conjunxit se Fœdus Cathedralis, sive Domus Dei: Decem jurisdictionum fœdus, etsi non eodem fœdere continetur, & solis Tigurinis & Glaronensibus conjunctum sit, tamen cum cæteris Helvetiis amicitiam & societatem non minori fide & constantia coluit, quam si ad id jurejurando obstrictum esset. Tandem tria fœdera cum Valesiis & Bernensibus æternum fœdus inierunt.

Cum exteris quoque Principibus hæc tria Fœdera, quandoque amicitiam pacto & fœdere firmatam coluerunt. Anno 1508 Cremonæ cum Ludovico XII, Franciæ Rege, fœdere se junxerunt; quod Fœdus superius, sive Canum, una cum plurimis Helvetiorum, solis Tigurinis exceptis, cum Francisco I, renovavit anno 1523. Eidem se obstrinxerunt Fœdus Cathedralis & Decem jurisdictionum, cum anno 1549, Henricus II, id confirmaret. Carolus IX postea anno 1564; anno verò 1602 Henricus IV id ratum habuit, sub eo comprehendens quoque Franciæ Delphinum Ludovicum XIII; cujus contractus ratione, eos contra Volturenæ vallis, aliarumque ad Grifones pertinentium terrarum usurpatores adjuvit, eosque in dominia earum restituit, exercitus Duce Marchione de Cœuvres.

Sæpius etiam Rhæti cum Domo Austria fœdus inierunt; cum Maximiliano enim Imperatore Paulus Curienfis Episcopus, & tria Grifonum Fœdera convenerunt in viginti annos; qui contractus in perpetuum confirmatus est anno 1518; & in hodiernum diem in Tirolensi Comitatu Feldkirkiensi, Pludentino, & Brigantino Dominiis observatur.

Nonnullis quoque Fœderis Cathedralis & Superioris conventibus seu communitatibus, cum Mediolanensis Status Principibus nunquam intercesserunt tractatus, sive, ut vocant, capitulationes. Fœdera ipsa ante secula aliquot cum Vicecomitibus sese junxerant; quem contractum cum Galeatio Maria, Iohanne Galeatio, aliisque Domus Sfortiæ Ducibus deinceps confirmarunt.

Præterea cum Venetorum Republica, cuius ditio iis adjacet, concordis amicitia Grifonibus omni tempore fuit, iisque sæpius militarunt; tandem anno 1603 in comitiis, Davosii habitis, æterno fœdere cum Venetis se junxerunt; quod anno deinceps 1616 confirmatum & ampliatum est.

Grifonum alii sunt Catholici, alii Calvinii doctrina.

Pacta cum Gal-

Situs.

Extensio.

Divisio.

cum Austria;

cum Mediolanensibus;

et Venetis.

doctrinam sectantur : Verum disceptationes de religione in publico haberi vetatur , nisi in Comitibus totius gentis , si necessitas id forte exigat : Calvinistæ quoque nullum in res Ecclesiasticorum jus acquirere possunt , nisi prævio totius gentis decreto : vasallis præterea & subditis , Calvinii dogmata sectantibus , Ecclesiam de novo exstruere haud permittitur , nisi tria Fœdera conjunctim in id consentiant : porro in causis ad religionem spectantibus , suffragiorum numeri non habetur ratio , sed omnia amico consensu peragere curant. Grifones ipsi liberi , religionem pro libitu mutare , Ecclesias ædificare , minorem numerum ut majori cedat , constringere possunt , neque ad id Comitiorum consensus requiritur.

FOEDVS SUPERIVS,
five C A N V M,
vulgo L A L I G A G R I S A,
& G R I S O N A.

Situs.

Fœdus Superius , quod Germanis *das Oberpundt* dicitur , eam Rhætiae partem occupat , quæ à Meridie Septentrionem versus Bellizonâ , & à vallibus Galançâ & Misauca ad Rhenum usque extenditur , ubi is ponte , qui vulgariter *Ponzol* dicitur , stratus est. Extensio ejus à Meridie ad Septentriones est fere duodecim & mediæ leucarum Rhæticarum , quæ triginta tres , & quartam Italicas conficiunt. Ab occasu orientem versus à Rheno ripa ad limites Vriensis pagi , leucæ Rhæticae numerantur sex & quarta. Comprehen- dit Fœdus hoc Concilia octo majora , Conventus , sive communitates viginti duas. harum prima & antiquissima est , Discentisium , quod in antiquis tabulis Desertinum dicitur ; Abbatia celebris , ad Rhenum sita , cujus Abbas loci dominus est ; præterea conventus hic complectitur parœcias *Tronum* , ubi Comitum hujus Fœderis celebrantur , *Brigel* , *Tavetsch* , vallem antiquorum Ætuaciorum sedem , nec non *Medels* , præterea pagos *Kemps* , *Sum- witz* aliosque.

Extensio.

Divisio.

Sequitur Leguntia vallis , vulgo *Lugnitz* , ad dextram Rheno ripam se extendens ; in hac fontes Glenner amnis visuntur , qui prope Illiantum se Rheno commiscet. Locus hujus conventus præcipuus & maxime celebris , *Villa* dicitur ; præter quem nonnulla alia , sed minoris momenti , sunt : *Frein* , *Lumbrein* , *Fient* , *Surcastel* , *Igels* , *Maurisen* , *Cumbels* & *Tersnaus*.

Tertia est Fossa , Germanis *Grub* , sive , ut alii volunt , Illiantum , à civitate sic dicta Fœderis hujus præcipua , ad confluentias Fluvii Glenner in Rhenum sita , & ubi Rhenus collectis fontibus , vere Rhenus esse incipit. Vicos pagosque hæc communitas plurimos comprehendit.

Quarta est Flemia vallis , vulgo *Flims* , ad sinistram Rheno ripam sita.

Quinto succedit loco *Burtza* , Germanis *Waltenburg* , à loco sic dicto ad sinistram Rheno ripam excitato , denominata : in hac sunt vici *Andest* , *Rubis* , *Septo* , & *Schlans*.

Sexta est ordine *Rhatzuntz* , Latinis Rhætium , sedes quondam antiquissimæ & nobilissimæ familiæ Baronum Rhætensium ; sic dicta à castro quod sinistram Rheno ripam in extremitate Tumbesch vallis occupat , & à familia Equestri de Planta possidetur : comprehendit loca , *Bonadus* , *Ober-Ems* , & *Veldsberg*.

Septima est Supra-saxum , vulgo *Obersax*.

Hanc sequuntur Liberi supra sylvam ; quorum vicus præcipuus *Laax* ; hi Liberos se dicunt , quia pecunia numerata jus Comitum suorum primi ante reliquas Communitates redemerunt. huic annexa est Stuffsavia : quam *Savien* Rhæti vocant. Nona est Rhinwaldensis , cujus locus princeps *Splugen* dicitur , non longe à monte , quem *Colmo del Orso* vocant , situs.

Decima est *Schamps* , quæ in antiquis archivii Curienfis scripturis Sexamnia & Sexamnis dicitur.

Vndecima , Tuscia est , quæ à pago in principio Domalascianæ vallis sito , nomen consequuta est , comprehendit *Kaats* vicum , aliosque locos nonnullos.

Duodecima , *Heintzemberg* , sive montium jurisdictio , ab ea dependent vici *Durmein* , *Flerden* , *Purtein* , *Salen* , alique.

Decima Tertia , *Schlöwitz* , cum Lewenberg arce , Domini hujus communitatis domicilio.

Decima Quarta , *Hohen Trumbs* , cujus incolæ , cum duas è tribus communitatis partes possiderent tantum , reliquam septem millium scutorum summâ persolutâ emerunt ; arx *Hohen Trumbs* hodie in ruinis jacet.

Decima quinta , Thänna , vulgo *Thamins* , ad passum è Grifonum terris ad Sarunetes per Gongelum montem sita.

Decima sexta , *Vals* , sive S. Petri vallis , loca comprehendit *Fale* , *Leizer* , &c.

Decima septima , *Safien* , quondam Stuffsavia dicta , domus hujus communitatis hinc inde sparsæ sunt ; vici vero sunt *Commene* , *Salerno* , *Gum* & *Salpenna*.

Decima Octava , *Scopina* est supra Tusciam , in loco admodum solitario sita , domibus hinc inde sparsis , & longo intervallo inter se distantibus.

Decimanona , *Thennen* est , situs admodum angusti , & inter montes altissimos coarctati.

Vigesima , *Vallis Misauca* est , prope Bili- tionum & Italiae fines sita , hanc Muesæ fluvius , qui Tesino prope dictam urbem se miscet , secatur intermediam ; nomen ei à Misau- cia

cia arce inditum, quam Rhæti anno 1626 destruxerunt.

Vigesima prima, *Galanca Vallis*, quam cognominis amnis rigat. Vigesima secunda, & ultima, Communitatum, Rogoretum est, vulgo *Ruffsee*, in dicta valle, ubi palatium visitur à Iohanne Iacobo Trivultio excultum, ad Trivultios pertinens.

Territorii qualitas.

Territorium Fœderis hujus, asperum & præruptum, vix hominum culturam admittit; paucisque admodum fructibus cultores beat; armentis gregibusque pascendis aptius, ideoque butyri, lactis & casei magna hic abundantia: circa Rheni ripas verò nonnullis in locis hordeum profert, & alicubi vina, sed agrestia, quæque vix post trium annorum spatium potari apta sunt; Domiliafca, vallis satis amœna, hordei feracissima est, vinaque fert magnâ copiâ. in Waltenpurgensi Conventu fons est aquæ frigidissimæ, qui surdis & oculorum vitiis laborantibus prodesse fertur; sed paucissimi aquis ejus utuntur, cum adeo frigeant, ut unico momento earum frigus perferre, sit pene impossibile. In Leguntia valle circa Badam, nec non in eâ quæ S. Petri dicitur, balnea sunt mirificè iis producentia, qui febribus laborant. Misfaucia vallis omnium Communitatum est longe fertilissima; quamvis non ubique, sed quibusdam solummodo in locis vineta ferat, fructusque satis bonos; reliqua sterilia sunt. Galancia vallis tota sylvis est horrida, nullosque fructus elargitur, præter tritici laudatissimi nonnihil. in valle *Tharveisch*, cristalli reperitur magna vis: in Seisenfi sylva, ejusdem vallis lapides inveniuntur, in quibus salis venæ conspiciuntur, quem cocti facile emittunt. In Trimonio & Seisenfi conventibus, nec non Ferrarenfi valle, fodinæ sunt argenti & cupri ditissimæ, plumbi quoque minæ ad Erenfelsium Baronem spectantes, prope Speluncam vicum ferri fodinæ sunt celebres.

Vulgo Splugen.

Lingua.

Grisones qui Suprafaxum, Rhinwaldensem, Stussaviam, Thäunam, Scopinam, & Vallem Communitates inhabitant, lingua Germanica animi sensa exprimunt; cæteri omnes idiomate peculiari, seu, si mavis, Grisonico utuntur, præter vallem Misfauciae & Galancæ incolas, qui Italice, sed minus polite, loquuntur.

Incolarum numerus.

Numerus vero eorum, qui hujus fœderis terras inhabitant, 50000 virorum est, quorum decem millia, armis tractandis idonea, numeris inscripta sunt.

Fœderis origo.

Grisones, Helvetiorum populos, vicinos suos, imitantes, anno 1424, in Trunio pago solemniter congregati, perpetuum fœdus inter se pacti sunt, hisce articulis legibusque præcipuis; ut sibi mutuo adsint in omnibus rebus justis & æquis, & se mutuo contra hostes consilio & auxilio juvent; nequis injuria afficiatur; ut vias pu-

blicas securas conservent; neminemque in fœdus nisi communi omnium consensu admittant; locusque Comitibus celebrandis Trunium pagus esset. ii qui fœderi huic subscripserunt, fuere Abbas Discentissius, una cum Communitatibus, Discentisia & Waltensburg; Barones Rhætienfes, & loci iis subiecti, Rætium, Suprafaxum, Stussavia, & Thünna; Comes Misfaucorum, & loca ad eum pertinentia; Iliantum civitas, Leguntia, S. Petri, & Flemia valles; Comes Werderbergensis, ejusque loca Hohen Trums, Tannins, Lewenberg & Schloris. Domini de Laax, sive Liberorum supra sylvam, Rhinwald, Schans, Tosanna, Henzenberg, & Scopina valles. Pepigerunt quoque Abbas pro Vriis, Suiis, & Vnderwaldiis; Rhæti Domini & Misfauci Comes pro Mediolanensium Principibus.

Georgius verò, Verderbergensis Comes, Curienfi Episcopo dominium suum, juraque in Tuscianam, Scopinam, Sessam, & Vals valles vendidit, Iohanni Iacobo Trivultio quoque jurisdictiones Rhinwaldensem & Stussaviam cessit, Ortensteinio solo sibi retento.

Fœdere hoc communi consensu confirmato, certum regiminis modum constituere visum est; quem certis articulis comprehenderunt. Secundum hos quotannis die S. Georgii in Trunio pago, Iudicem Provincialem, vulgo *Landrichter*, Fœderis totius caput constituunt; ad quem actum mittunt triginta duos delegatos, quorum numero Abbatem Discentissium; Rhætii dominum & personam electam nomine communitatum, quæ ad Misfaucium Comitem, eo quo Fœdus pactum est tempore, pertinebant; nec non Iudicem anni præteriti comprehendendi necesse est. Primo anno Abbas è Discentissio conventu tres viros numerat; anno subsequenti Rhætii Dominus totidem è Rhætio, Waltenspurgensi & Flemia communitatibus. Tercio Vallis Leguntia, Fossa, & Flemia unum eligunt, qui aliquem è supradictis communitatibus nominat, qui Comitibus Misfauci locum sustineat; nam cum Curienfis Episcopus ei successisset, prædictæ communitates, pretio persoluto, se ejus imperio liberarunt. Cæterum nullus, nisi indigena, & ad unum ex prædictis dominiis pertinens, Iudicis Provincialis dignitatem assequi potest. Prædictis Legatis jam congregatis, Iudex ejus anni vota colligit, & secundum eorum numerum successor ejus pronuntiatur. Si æquis hinc inde votis certetur, Iudex Provincialis suo superaddito, electionem terminat. ab iisdem quoque deputatis Cancellarius & Iapitor Fœderis eliguntur; provocationes totius regionis audiuntur; litesque & controversiæ finiuntur. Abbas Discentissius, præterquam quod prædicto jure in Electione Iudicis gaudeat, veteribus privilegiis & jure mo-

Regimen.

Regimen.

monetæ cudendæ fruitur. Senatus vero Discentisius quadraginta Senatoribus, unoque Ammanno constat, qui una cum quibusdam aliis Abbatem eligendi jus habent, & causas criminales dijudicant. Quindecim ex dictis Senatoribus de controversiis civilibus, rebusque matrimonialibus cognoscunt; sed in his, nisi consultis primò Ecclesiasticis, haud temere pronuntiant. Media condemnationum pars ad Abbatem pertinet; reliquam Communitas sibi vindicat, jure privilegii ab Hugone Werdenbergensi Comite acquisiti, & à Roberto Imperatore confirmati anno 1408. Waltenspurgenses Ammannum creaturi, ex quatuor ab Abbate propositis, unum, qui muneri præsit, eligunt; multæ verò integræ ad populum spectant: habent autem viginti quinque viros, qui de causis rerum criminalium cognoscunt; tredecim verò qui civiles & matrimoniales dijudicant: Rhætii Dominus in Altofaxensi conventu, è tribus à Populo propositis, unum Ammanni munere functurum eligit, integrasque multas percipit. Cæterum Foederis superioris, sive Cani, Comitum, quemadmodum & peculiaria Waltenspurgensium, sæpissime Ilianti convenire solent. Est vero Iliantiis tribunal peculiare, quod *Burgergericht* iis dicitur, quod de causis quibusdam minoris momenti cognoscit; in cæteris, communi cum cæteris hujus conventus vicis regiminis modo utuntur: Schlowisii verò dominus è tribus à populo propositis Ammannum creat, multasque rerum judicatarum solus percipit. Thannenses majoribus privilegiis gaudentes, libere Ammannum suum eligunt, qui deinceps in Rhætica arce Domino juramentum præstat, cui multæ pecuniariæ obveniunt.

Regimen.

Dominus de Thannins, & conventus ipse alternis annis tres viros nominant, & eligunt ex iis Ammannum; multæ autem domino debentur. Rätenses pariter tres eligunt viros, è quibus Baroni loci Ammanni competit electio. Thusciana, Heintseberg, Scopina, & Stussavia olim Baronum de Vats, nunc ad Episcopum Curientem spectant, jure cessionis à Georgio Werdenbergensi anno 1475 factæ: quod autem ad Tuscianæ jurisdictionem spectat, Præfectus ab Episcopo constitutus, è tredecim viris qui de rebus civilibus & matrimonialibus cognoscunt, unum Ammanni munus administraturum eligit; Iudiciis rerum criminalium præsidet; multasque pecuniarias, viginti librarum summam haud excedentes, colligit: estque hæc multa, etiam si reus ad mortem condemnatus fuerit, maxima. Scopinæ ab Episcopo præfectus Ammannus è tribus à populo propositis eligit, eodemque, ut apud Tuscianos, modo omnia administrat. In Stussavia, multæ, quæ è sententia non capitali oriuntur, Communi Helvetia.

tatis sunt; reliquæ ad Trivultios pertinent. Cæteri porro conventus, Burtza, vallis Leguntia, Vals, la Voppa, Laäch, Flems, Hohentrums, Stussavia vel Safien, Schans, Rhinwald, Mafox, Galanca, & Rufftee, libera Ammanni gaudent electione; hic autem, cum determinato Assessorum numero, causas quascunque cognoscit & dijudicat.

Plurimi hujus foederis regionum incolæ religionis Catholicæ ritus sequuntur; nam 5000 hominum, quæ hic numerantur, vix 3000 Calvinii amplectuntur dogmata; & inter decem millia militiæ adscripta, quingenti soli horum numerantur. Sunt autem in hoc foedere Catholicorum parocciæ octuaginta; Calvinistarum septem tantum; quarum præcipuæ sunt: Speluca, Tusciana, Iliantum & Thamins. Misauca & Galança valles, quamvis huic foederi inclusæ, in spiritualibus tamen Mediolanensium Archiepiscopo sunt subditæ. Rarissime autem Reformatorum quis ad Magistratus munia promovetur, cum plura Catholicorum sint vota; iique opulentiores fere sint, & religionis suæ acerrimi propugnatores.

FOEDVS CATHEDRALE

feu

DOMVS DEI.

Foedus Cathedrale seu Domus Dei, Rhætis *Liga di Ca de Dé*, Germanice *der Gottshaus-pundt*, ad Occidentem Foederis Superioris seu Cani terminatur terris; ad Septentriones Decem jurisdictionum Foederis jungitur; ad Orientem Tirolensem Comitatum habet vicinum; ad Meridiem Clavensem Comitatum, & Volturenam vallem respicit. Longitudo ejus à Septentrione meridie versus leucarum Rhæticarum duodecim & mediæ est; latitudo, à Tirolensis Comitatus terminis Rhenum usque sumta, in novem leucas Rhæticas extenditur.

Conventus sive Communitates viginti & unam habet, quæ nonnunquam in undecim majores contrahuntur. Urbs Curia, Germanis *Chur*, Foederis hujus caput, primo loco numeratur; sita est ad fluvium Plessur, qui non longe ab ea Rheno sese commiscet: Nonnulli eam antiquorum Ebodurum à Ptolomæo memoratum esse, existimant, quorum sententiæ incolarum Curientium traditiones suffragantur; affirmant enim olim Imburg vocatam eorum civitatem. Edificia hic, pro ratione oppidi, non contemnenda. Palatio Episcopali, Ecclesia Cathedrali, & Canonico-rum ædibus, in loco totius urbis editiori sitis, conspicua, & S. Lucii martyrio clara: loci ad Civitatem hanc pertinentes sunt, *Mafsans, Lurtibald, & Erasca*.

Se-

Secundus hujus Fœderis conventus nomen habet quatuor vicorum, Germanis *Vierdörffer*; sunt vero ii, *Zitzers*, *Igis*, *Trimmis*, & *Vndervatz*.

Tertius Ortensteynum, in Domiliafca valle situm, juxta Rheni posterioris ripas, comprehendens parœcias *Dumilts*, *Scheid*, *Basbels*, aliasque; ex hac valle in Vatum superius transitur per aditum angustum, & periculosum.

Quartus est Furstenoviensis Conventus, nomen ab arce Furstenow consequutus, vicos complectitur *Scharans*, *Sils*, *Almens* & Rietbergiam arcem.

Quintus est Vatum superius, sive *Obervatz*, cum vicis *Almen*, *Lain*, *Muldain*, *Dal*, *Sturris* & *la Motta*.

Sextus, Griphensteyn juxta Albel fluvium, qui in Rhenum in Trumleskia valle influit.

Septimus, Bergoniensis, sive *Bergun*, in quo Albel fluvii fontes sunt versus Engadinam superiorem: in hoc conventu *Filifur* vicus est, sed Ammannum peculiarem habet, & territorium ejus ad Decem jurisdictionum Fœdus pertinet.

Octavus, *Soprasasso*, sive *Reamps*, Latinis Ministerium in Impedinis, comprehendit *Tintzen*, vel *Tenezone*, vicum, Latinis Tinitionum, in Antonini Itinerario memoratum: præterea *Savognin*, *Saluc*, aliosque plures.

Nonus, Imum Castrum, *Tiffen-Casten*, non longe ab Albel fluvio.

Decimus, Stalla seu Bivium, in quo montes in duo se dividunt itinera, unum versus Clavennam Comitatum, alterum juxta Molojam montem, unum ex Rhæticiis Alpibus versus Engadinam superiorem.

Vndecimus, Avenensis, qui quemadmodum Biviensis, in aspero admodum solo situs est, comprehendens *Madris*, aliosque vicos complures.

Duodecimus, Bregalia sive Præjulia: hic conventus, juxta Meiram fluvium situs, dividitur in duas jurisdictiones, superiorem, & inferiorem; Germanis *Oberport* & *Vnderport*: Brægaliā supra portam, & infra portam, locus hujus conventus præcipuus est *Vesprano*.

Decimus Tertius, Ingadina superior, cujus vicus præcipuus, & Ammanni sedes ordinaria, *Zutz* est; comprehendit autem & Sumadæ districtum, seu jurisdictionem, quæ decimum quartum Conventum constituit.

Decimus quintus, Pesclaviū est, incolis *Postlaff*, ad ulteriorem Montis Bormini partem, & Volturenæ fines situs, locus opulentus; de quo dixisse sufficiat, quod, præter alia insignia, Typographiam habeat non contemnendam.

Decimus sextus, in inferiori Ingadina est *Steinsberg*.

In eadem decimus septimus est, *Schultz*;

cujus arcem *Trasp*, Archiduces Austriæ, Comites Tirolis, possident.

Decimus octavus, Heremusium, vulgo *Remmuff* est, ditionis quoque Austriacæ; comprehendit autem vicos *Crejusich*, *Mnau*, aliosque aliquot.

Decimus nonus, vallis Monasteriensis, juxta Ramum fluvium. Vigessimus, ad Malos, vulgo *Mals* ad Athesim fluvium, non longe inde exortum.

Vigessimus primus, & ultimus, vallis Saminia est.

Schantz vicus in Winstgovia situs, olim regebatur à Iudice ab aliquibus Fœderis Cathedralis constituto, sed nunc nihil in eum, paulatim à Fœderatis separatam, juris obtinent; *Churburg* & *Furstenberg* arces in eodem districtu, prope *Glurentz* & Athesis ripas sitæ, feuda Episcopi Curienfis sunt.

Hujus Fœderis territorium asperrimum est, ^{Qualitas.} & sterilius; nisi circa Athesim in valle Monasteriensi, nec non Domiliafca valle, & in territorio circa Curiam versus ripas Rheni fluvii; ubi fere omnium fructuum genera, folis aurantiis malis, & olivis exceptis, benigne proveniunt; in inferioris Ingadinæ Heremusienfi conventu fons conspicitur, cujus aquæ è Tassæ vallis loco naturaliter concavo prorumpunt; nonnullis diei horis, aridus plane, brevissimo post tempore aquarum copia mirum in modum abundans. In eadem inferiori Ingadina, in Scharla valle, fodinæ argenti & ferri sunt, quibus Austriæ Archiduces Comites Tirolis Iudicem præponere solent.

Cæterum hujus Fœderis incolæ, ^{Incola.} superioris Fœderis populum ingenio vivaci multum antecedunt; domi audaces & superbi, sed foris vilioribus ministeriis etiam, quam superbiam illi convenit, sese applicantes; linguam loquuntur Curia cives, quatuor Vicorum, Vatii superioris, Avenensæ & Motæ conventuum ^{Lingua.} incolæ Germanicam: cæteri omnes lingua peculiari, sive Grisonica, quam Ingadinenses, Romanam vocant, utuntur, exceptis Pesclaviensibus; quorum idioma haud male cum Italico convenit. Numerus autem ^{Vires.} eorum, qui Fœderis hujus terras inhabitant, triginta quinque millium est; quorum septem millia armis tractandis idonea sunt.

Circa annum millesimum quadringentesimum, aliquot horum Conventuum societatem inierunt; postmodum autem anno millesimo quadringentesimo decimo nono, cognoscentes inquietum Nafonis Episcopi animum, fœdus certis conditionibus constituerunt: ut se communiter ab omni injuria defenderent, onera & oppressiones arcerent: Dein à Superiori Fœdere incitati, strictiori simul Fœdere se invicem obstrinxerunt. Fœderis caput est & Governator, Consul Curienfis; vulgo *Burgermeister* dictus; singuli vero con-

conventus proprios Ammannos, Iudices, five Potestates, suas quoque leges & consuetudines habent, quibus libere utuntur. Episcopus Curiensis ministros & Magistratus eligit, qui in territorio Curiensi causas tam civiles, quam criminales dijudicant: Arci Furstenbergiae in Winstgovia sitae praeterea Castellum praeposit, qui iura ejus & auctoritatem in Monasteriensi valle tueatur. Multarum vero & condemnationum in valle inferioris Ingadinæ non minima pars Episcopo obvenit. Heremusum arx praeterea Praelati hujus feudum est, & in Castello Furstenouwe, in Dumiliasca valle sito, Gubernator ejus nomine residet; cui impositum est curare ut privilegia, jura & jurisdictiones Episcopi in Tusciana, Heinzenberg & Scopina Foederis Superioris conventibus, nec non Vatio superiore hujus Foederis communitate conserventur. Praeterea complura extra Grisonum limites, & in Alsatia ipsa sita, feuda Episcopum hunc dominum agnoscunt; qui ex Vulturena valle & Clavennensi Comitatu quoque aliquos percipit redditus. Denique Sacri Romani Imperii Princeps jure monetæ cudendæ fruitur.

Curia Ci-
vitat
Regimen.

Curia Civitas, cujus Consul, ut supra monui, Foederis totius caput est, singulari gaudet privilegio, quod generalia totius Rhætiae foederata, & peculiana hujus foederis Comitum, atque ea quæ *Bytag* vocant, eo convocari debeant; plena praeterea fruitur libertate: Forma autem regiminis non dissimilis est ei qua Tigurina; aliæque ejusdem generis republicæ utuntur. Nam ab initio cives omnes in quinque tribus divisi sunt, videlicet sartorum, sutorum, mercatorum, pistorum & vinariorum. Singula harum trium tribuum duos habet tribunos, vulgo *Ober Zunftmeysters*; quorum annuus per vices est Magistratus; iis adstant vicarii, quos vocant *Vnder Zunftmeysters*, qui per vices quoque munus administrant. Ex hisce singulis quatuordecim viri majori Consilio intersunt, quod hominibus septuaginta constat, comprehensis inter eorum numerum Tribunis; atque hi minores Magistratus creant. Ex his è singulis tribubus quinque in minus Consilium deliguntur, quibus adduntur magistri trium superioris anni; atque ita confectus triginta virorum conficitur. Horum pars media, viri quindecim, Senatorum titulo cohonestati, reipublicæ negotia etiam maxime arcana administrant, & de causis matrimonialibus cognoscunt. Senatui praesunt Consules, quorum imperium per vices est annuum. Porro triginta viri, quorum mentionem fecimus, causas criminales dijudicant; & huic judicio praest Praefectus urbis, vulgo *Stattvogt*; eo autem munere duo alternis annis funguntur, sicut de Consulibus dixi: Iudices causarum civilium quindecim sunt, decem ex consilio triginta viro-

rum, quinque trium magistri, five *Zunftmeysters*, quibus praest Praetor urbanus, vulgo *der Statrichter*. Iudicant ii controversias civiles, & actiones pecuniarias de debitis, & ab iis provocatio est ad minorem Senatum. Praeterea est Iudex, quem *den Praefect-richter* nominant, qui unâ cum sex Assessores de mercedibus mercenariorum, & agricolarum cognoscit. Ammannus Civitatis, vulgo *der Satt-Amman*, quoque non exiguae dignitatis Magistratum gerit; cura enim ædificiorum publicorum ei incumbit. Cæteri Magistratus sunt Signifer major, Quæstor, Tabellarius major, Cancellarius, & Scriba rerum civilium. Magistratus porro Civitatis quotannis Novembri mense, die D. Martino sacra deliguntur.

Archiduces Austriae, Comites Tirolis, in Ingadina inferiori arcem Tharasp possidere, eique Gubernatorem praepone supra monui; & quamvis foedere comprehendatur, nihilominus determinatio causarum tam civilium quam criminalium, & matrimonialium ad *Schultz* jurisdictionem pertinet: sunt vero in ea quatuor civilium causarum Iudices, unus Foederis, alter Domus Austriae, in cujus electione Tharasp arcis Praefectus duo tenet vota, tertius Abbatiae montis S. Mariae, quartus coenobii monialium vallis Monasteriensis. Praeterea Augustissima Austriarum Domus ad angustum Rhætiae aditum, quem *Finstermuntz* vulgo vocant, castellum possidet, ubi telonium est, unde ei non exigui redditus. hic duo rerum civilium sunt Iudices, unus Foederis Cathedralis, qui unâ cum tribus Assessores judicat, alter Domus Austriae.

In Tirolensi Comitatu porro nonnullae arces & feuda Episcopi Curiensis sunt, veluti *Rotund*, *Schrofenstein*, *Richenstein*, & *Helffmir-Godt*, five Deus me adjuvet.

Omnes Curiensis Civitatis Cives unanimiter religionem, quæ Reformata dicitur, amplectuntur, adeo ut Catholicis exercitium religionis publicum in ea denegatum sit; solis exteris & iter facientibus in Cathedrali Ecclesia, vel Episcopi Curia permittitur sacra facere, precesque Catholicorum more effundere. Vici omnes circa civitatem, nec non regio illa quæ juxta Rheni ripas Spelucam usque extenditur, à Catholicis inhabitatur. in Tharasp ditionis Austriae arce Gubernator tam in ipsa arce, quam pago ei vicino sacra Romano ritu peragi procurat. Cæterum duæ in hoc foedere sunt Abbatiae, una monachorum, altera monialium: & tantus fere Monachorum Canonicorum, Parochorum & Clericorum numerus, quantus Ministrorum Ecclesiae Reformatorum; quamvis hi opulentiores sint; cum ditiores & potentiores indigenæ, Calvini dogmata sequantur; & inter Catholicos vix unus alterve sit, qui aliqua auctoritate polleat; inter septem millia virorum quoque, qui mili-

tiae

tia adscripti sunt, vix mille quingenti numerantur, qui Romanæ Ecclesiæ sunt addicti; adeo ut penes Reformatos regiminis, armorum, opumque in hoc Fœdere sit possessio.

F O E D V S

DECEM IURISDICTIONVM.

Termini,
& exten-
sio.

Fœdus Decem Iurisdictionum ad Meridiem & Occidentem Cathedrale Fœdus respicit; ad Septentrionem vero & Orientem Helvetiorum & Austriacæ ditionis terris jungitur. Longitudo ejus non ultra quinque leucas Rhæticas extenditur; latitudo ab Oriente ad Occidentem sumpta, ab inaccessible montibus divisa, ejusdem fere extensionis est.

Conven-
tus.

Hoc tractu decem Conventus sive iurisdictiones comprehenduntur, quarum dignitate, nam caput est Fœderis, prima est Davosienfis, à vico qui Davosium, à Rhætis *Davos*, Germanis *Tafaas* dicitur, ubi totius Fœderis est Curia, & omnium iurisdictionum comitia habentur.

Secunda est Belforienfis, vel Alvanovana, Rhætis *Alvenaw*, antiquitus ob arcem *Belfort*, ad ripam Albelli fluvii excitatam, non exigui nominis.

Tertia est S. Petri, in valle *Schallick*, in qua Plessur fluvii fontes conspiciuntur.

Quarta est Prælongana, vulgo *Langwise*, in eadem valle sita.

Quinta, Barpontana, seu Corvantiana, vulgo *Churwald*, supra Curientem Civitatem ad Fluvium Raboss in valle, in cujus delitiosissima solitudine Abbatia celebris est.

Sexta, Cœnobienfis in valle Rhætica prope fontes Langari fluvii, vulgo *zum Klosterleyn in Prastigoww*, multis vicis constans.

Septima, Castellana, vel Ienatienfis, in eadem valle. *Castels*, vel *Iunatz*.

Octava, Accerienfis, vulgo *Schiers*, in dicta valle prope Langarum.

Nona, Malansiana vocatur à vico *Malans*, qui inter Rhæticonem montem & Langarum fluvium jacet.

Decima, nomen habet ab oppido quod Germani *Meyensfeld*, quidam Majævillam, alii Lupinum vocant; situm id est ad Orientalem Rheni ripam in planitie amœna.

Qualitas.

Fœdus hoc constat fere totum montibus horridis & incultis, nullosque fructus reddentibus; præter Rhætica vallem, & tractum Rheno proximum; pascuis verò abundat, unde tanta casei, butyri, lactis, carniūque copia, ut indigenis non solum sufficiat, sed & exteris lucri gratia ab iis apportentur, & cum aliis rebus sæpius permutentur. In Davosienfi iurisdictione, quoniam altissimis & perpetua nive tectis undique montibus cingitur,

aër frigidissimus est; incolis quoque maximum nonnunquam à decidentibus conglomeratis nivibus, integrisque glaciei rupibus discrimen imminet, nec absque grandi periculo, plurima loca habitantur: in solatium tamen incommoditatis hujus benigna natura lacus iis concessit, piscibus, præsertim tructis, mirum in modum repletos; pascua quoque præstantissima, ubi innumera boum armenta, & pecudum greges aluntur; equorum proventu non solum opes acquirunt, sed & ex argenti, plumbi cuprique fodinis, quorum metallorum plurimæ hic reperiuntur venæ. Præterea balnea hic sunt variis morbis medendis commendata, in Valle Rhætica, Kario, Alvanova aliisque locis: nec vinum iis deest; nam generosum satis, & præstans vineæ circa Malansiam & Majævillam profertur; unde & tritici non contemnendas habent messes.

Omnes hujus Fœderis incolæ Germanice *Lingua* loquuntur, sola Alvanovanâ iurisdictione exceptâ, ubi Rhæticus sermo usurpatur. Porro *Incola- rum nu- merus.* quindecim millia indigenarum numerari fertur, quorum quatuor millia armis tractandis idonea æstimantur.

Octo Priores Iurisdictiones Archiducem *Regimen.* Austriæ agnoscunt: Etenim loca hæc olim paruerunt Vatiensibus Dominis; extincta vero eorum familia, Toggenburgii Comites ipsis successerunt; & his Amatienses. Postea Gaudentius Amatiensis Comes moriens anno 1489, hæc Archiduci Austriæ reliquit. Verum subsecutis temporibus Archiduces iis multas immunitates & privilegia, exemptionem à teloniis, & tributis concesserunt: singulæ quoque iurisdictiones sua habent privilegia, & peculiares consuetudines, quorum omnium tabulæ in archivo Davosiano conservantur. imponunt Austriæ Archiduces octo hisce iurisdictionibus Præfectum, quem hætenus è Rhætis elegerunt; is in Rhætica vallis Castello habitat; *Castelz in Prastigoww*, & octo iurisdictionibus nomine Austriæ Archiducis jus dicit, & si qua alia Principis jura sunt, administrat; sed jurejurando Populo se obstringit, se nulla negotia, quæ ad Rempublicam pertinent, curaturum.

Rei in iurisdictione, ubi capiuntur, forum fortiuntur; verum in valle Rhætica ad Castellum deducuntur; plurima tamen loca suos habent carceres. Capitalium rerum Iudiciis præest dictus Austrii Principis Præfectus; & hæc ab eo & decem Assessoribus, singulis è singula iurisdictione desumptis judicantur: si vero multa pecuniaria litigii expensas æquare nequit, Præfectus Principis nomine (nam omnia rei bona fisco addicere, ei illicitum) eas supplere tenetur ex decimis, quæ Archiduci ex metallorum fodinis proveniunt. Princeps autem Iudicem suum fodinis, qui decimas

Magi-
stratum
electio.

Mal-
siana
Mey-
feld
Iuri-
regin

mas cogat, præponere solet. Si vero Principem inter & aliquam ex jurisdictionibus sit controversia, ab ejusdem foederis conventu alio deciditur. in Coenobienſi vallis Rhæticae jurisdictione Caſtelli in eadem valle Præfectus Ammannum, *den Land-ammann*, creat: Accerienſes & Caſtellani è tribus à Gubernatore ſive Præfecto propositis unum deligunt Ammanni munere functurum. Et vice verſa in Barponenſi, S. Petri, & Alvanovana jurisdictionibus, populus tres proponit, è quibus Gubernator unum deligit. Davoſienſes, Prælongani, & in valle Schanſick nonnulli libere proprios Magiſtratus conſtituunt, multas poenasque, citra ſanguinis effuſionem tamen, irrogant, Gubernatore nequaquam interveniente; infamiae notam reis inurunt, eoſque rurfus honori reſtituunt, ſecundum libitum.

Si inter jurisdictiones de limitibus oriatur controversia, vel etiam inter privatum, & jurisdictionum aliquam lis incidat, decem è toto foedere Deputati, in ipſo controverſiae loco conveniunt, & poſtquam Præſidem ſibi elegerint, cauſam cum eo determinant. Si vero in jurisdictione aliqua major Iudicum numerus, vel aliqui tantum ex iis, alicui ex litigantibus vel ſanguinis, vel foederis jure ſint conjuncti; quinque viri ex vicinis jurisdictionibus electi iudicibus adjunguntur; hos autem *die funff frembden*, quinque extraneos, vocant.

Magiſtratum electio.

Comitia totius foederis in vico Davoſio conveniunt; hæcque Præſidem ſive Caput totius foederis eligunt, quem *Landt-Ammann* vocant; uti & ſigniferum *Pannerherr*, Cancellarium, Heraldum, alioſque majores Magiſtratus; Conſilium majus conſtat octoginta duobus viris, quibus alii triginta octo junguntur; hi omnes, ſecundum ſuffragiorum numerum, tres viros delectos populo proponunt, ejuſque de *Landt-Ammanno*, rerum Matrimonialium Iudice, Signifero, aliisque Magiſtratibus ſententias rogant, qui à majori votorum numero tum conſtituuntur. Porro illud notandum eſt, hiſce centum viginti viris Conſilium grande & minus, Cancellarium, ejuſque vices gerentem, nec non apparitores majores conſtituendi juſ competere.

Ex majoris Conſilii Senatoribus, quindecim viri eliguntur, qui minus Conſilium conſtituentes, de rerum civilium cauſis cognoscunt; iisque præeſt Landt-Ammannus. Conſilium rerum matrimonialium uno Præſide, & ſex Aſſeſſoribus conſtat, ex ſexaginta duorum virorum numero deſumptis. Cæterum provocationibus nullus hic datur locus; ſed in majoris momenti rebus ut plurimum Conſilium majus conſulitur.

Malanſiana & Meyenfeldenſis Iuriſd. regimen.

Posteriorès duæ jurisdictiones, Malanſiana ſcilicet, & Majavillana, olim quoque Vatienuſium dominorum fuerunt, & poſtea Toggenburgenuſium Comitum: ab his pervenere ad Helvetia.

Wolfhardum Brandiffium, propter uxorem è familia Werdenbergia: ac tum ſalvo Brandiffiorum jure cum aliis octo jurisdictionibus, duobus Rhætorum foederi ſe adjunxerunt. Dein anno 1506 tria foedera Majavillanum dominium à Sultzenſi Comite, Malanſianum à Rhætici Caſtri dominis coëmerunt. in arce Majavillana Præfectus, *Landtvocht* dicunt Rhæti, à Rhætis conſtitutus, hiſce duabus Iurisdictionibus juſ dicit; Magiſtratus vero ejuſ biennium durat: nihilominus oppidum proprium Senatum habet, qui conſtat Præſide, vulgo *Stattvocht*, qui quotannis ex Senatorum numero à Præfecto eligitur, & duodecim Senatoribus, quibus negotia publica majoris momenti, & rerum civilium Iudicia injuncta ſunt; à quibus tamen ad præfectum datur provocatio.

Criminum aliquorum rei in arce Meyenfeldenſi carceri mancipantur; eorumque cauſæ ab urbis Præfecto, vulgo *Stadtvogt*, duodecim Senatoribus, nec non aſſeſſoribus Malanſianis quinque, Ienatienuſibus tribus, Flegenuſibus binis dijudicantur. Gubernatoris tamen in arbitrio eſt ſententiam eorum mitigare; multæque pecuniariae ad tria Foedera conjunctim pertinent. Malanſiani proprium habent Iudicem, à Gubernatore è tribus à Populo propositis, delectum, qui una cum duodecim Aſſeſſoribus cauſis civilibus finem imponit: Ienatienuſibus quoque ſuus eſt Iudex, decemque aſſeſſores; cæteræ jurisdictiones ab Ammannis ſuis, qui ſupremæ dignitatis Magiſtratum gerunt, gubernantur.

Dominium Haldeſteyn ſub Trium foederum tutela & patrocinio eſt: Dominum vero habuit ſuum, qui decimas majores, minoresque colligit; reis, quamvis ſententia lata condemnatis, veniam ſi libet, concedit: Gubernatorem & decem Aſſeſſores conſtituit, qui civiles, & matrimoniales cauſas dijudicant; à ſententia vero eorum ad ipſum dominum datur provocatio: Si autem de crimine ſit controverſia, Aſſeſſores à Domino electi, nonnullos è Curienſibus ſive Trimontinis ſibi adiutores aſſumere ſolent.

Pauciſſimi hujus foederis incolæ, Catholici Romanæ Eccleſiæ ritus amplectuntur, nulluſque Legatorum duodecim, qui ad generalia Foederum comitia mitti ſolent, iis eſt addiſtus; quamvis enim tres quatuorve hic Catholicorum numerentur parœciæ, locorum tamen miſeria, & incolarum infrequentia in cauſa eſt, cur communitatem conſtituere nequeant. Vnicum hic eſt monaſterium religioſorum Ordinis Ciſtercienuſis, quod *Cloſter Churwald* dicitur.

Religio.

V O L T V R E N A ,

passim

V A L L I S T E L L I N A .

Nomen.

P Riscis temporibus Thyreni Tusciae populi, patria profugi asyllum in hac valle nacti, Civitatem condiderunt opulentam, quam Volturrenam nominarunt; hinc Valli incolisque nomen: quamvis ii à quibusdam inter veteres Vennonetes quoque dicantur. Hodie passim ab indigenis exteris Valtellina, à Tellio urbe, olim totius tractus celeberrima, dicitur. Ab oriente sunt Rhæti vallis Monasterii, vallis Styliæ; Tyrolensis Comitatus & vallis Solis incolæ: à Meridie Bergomates, & qui vallem Camunicam inhabitant, Venetæ ditionis: Occidentem versus Larii lacus incolæ: ad Septentrionem Pescavienfes, Engadini, & Prægalli Rhæti.

Extensio.

Longitudo ejus à fontibus Adduæ, usque ad Larium lacum est sexaginta milliarius Italicorum, quæ decem Germanica, Gallica viginti efficiunt. Latitudo varia, nam juxta S. Britium in Bormiensi, ad S. Iacobi pontem in Tellienfi, ad S. Mariam ad Saxellam, in Sondrienfi, ad S. Gregorium in Morbenienfi, & Trahonensi jurisdictione in ostia satis arcta restringitur.

Divisio.

Tota Vallis à quibusdam in tres partes (*terzies*, tertianas vocant) dividitur; quarum prima Tiranensem & Telliensem præfecturas complectitur; secunda Sondriensem; tertiam constituunt duæ reliquæ præfecturæ, Morbeniensis & Trahonensis. Hisce tribus nonnulli Bormiensem Præfecturam adnumerant. Alii in sex Præfecturas distribuunt, quas jam retulimus.

Tiranensis Præfectura.

Tiranensis Præfectura dividi solet in undecim communitates, quarum prima, est situs ratione Sondalensis, nomen à *Sondalo* pago ad dextram Abduæ ripam sito consequuta, hosce pagos jurisdictione sua comprehendens; *Leprese*, *Frontal*, *Bolador*, *Teron*, *Vallem Tammeriam*, *Samma* & *Vont*.

Secunda à *Grosio* pago luculento ad Abduæ ripam posito denominatur, pagos habet *Ruwelè* cum valle proxima, quam *Davoste* vocant; *Surrey* & *Tiolo*, unde ad vallem Camunicam Venetæ ditionis, sat commodum, quamvis inter montes asperrimos, est iter.

Tertia à pago *Grossotto* nomen habet; ad eam pertinent *Piazza* & *Prada*, pagi montesque vicini ad utramque Abduæ ripam positi; in hac vero degit celeberrima Robustelliorum gens.

Quarta est Vervienfis, à *Vervio* pago, quem Germani *Werf* vocant; in ea sunt pagi; *S. Sebastiano*, *Ala*, *Escala*, & *Alval*.

Quintam constituit *Matz* pagus, Archi-

presbyteri, omnibus totius regionis parœciis præpositi habitatio; pertinet quoque ad eam *Spars* vicus.

Sexta comprehendit *Tovo* vicum & *Prestin*.

Septima, *Luera* una cum S. Mariæ Magdalena vico.

Octava Præfectura à *Serno* vico denominatur, præter quem ei subsunt loca, *Bozol*, *S. Gothardo*, & *Valchiosa*.

Nonam & dignitate præcipuam constituit Tiranum oppidum, mediæ leucæ spatio à *Serno* vico disjunctum; ad eam verò spectant, *Colonia*, *Suldosso*, *Borafino*, *Sunasna*, *Vesoy*, *Piatti*, & *la Madona* vici: porro Tiranum semper illustres sanguinis nobilitate familiæ, Quadrorum, Venuistorum, Lazzaronorum, Homodeorum, Pergolenorum, Rossorum, aliæque inhabitant.

Decima, quæ semihoræ spatio Tirano abest, *Stazzona* dicitur, vicus habitatione Lambertengiorum clarus: Præterea hic sunt vici *Muschano*, *S. Christina*, *S. Rochi*, & *la Motta*; *Villa* quoque ad Abduæ ripam sita est, nec non *Raino* & *Val Pelasco*. Cæterum in hac communitate *Torelli* degunt.

Vndecima & ultima communitas hujus Præfecturæ est pagi *Bianzone*; unicum præterea vicum comprehendens *Bavata* dictum.

Tiranensi Tellienfi succedit Præfectura ei proxima & adjacens, in meditullio fere Volturrenæ situm occupans, & territorium peculiare constituens. Caput ejus est Tellium oppidum in edito, ac natura munitissimo loco situm; unde totius provinciæ arx & propugnaculum censeretur; ab hoc vero vallem Tellinam quidam dictam putant: vici sub hac præfectura comprehensi sunt circa Abduam: *Boaltio*, *Ala Tresenda*, *S. Iacobi*, & *Nicolai*. in eaque stirpis nobilitate claræ familiæ, Betta, Piatti, Guicciardi, Gatti cognominatæ, aliæque habitationes tenent. E regione Tellii, ultra Abduam ejusdem præfecturæ vici sunt. *Auriga*, & ulterius Meridiem versus, *S. Petri*, unde difficile arduumque in Italiam & vallem Camunicam est iter, quod vulgo *le Zappele d'Auriga* vocant; ultimus vero hujus jurisdictionis vicus *Carona* orientem versus, in montis apice spectatur.

Præfectura Sondrienfis reliquas omnes dignitate & potestate antecedit, dividitur autem communiter in octodecim communitates; quarum Tellio vicinior est Clurium, vulgo *Chiuro*, vicus admodum antiquus, quem Brandameniorum, Quadrorum, & Vice-Comitum familiæ inhabitant; pagos habet subiectos *Castiono alto*, *Gera*, & arcem Aquensem.

Secunda, five vicinior Clurio communitas, Pontensis est, à vico *il Ponte* dicto nomen sortita; hic aliquot nobilium ædibus est illustris.

Se-

Præfectura Morbeniensis

Sequitur Trixivium, vulgo *Tresivo*; olim Vallis locus præcipuus, & Gubernatoris sede conspicuus.

Quarta Montana est, vulgo *Montagna*, vicus luculentus; huic subsunt burgus, quem *il dozzo della Rogna* vocant; *S. Maria*, *Prada*, *S. Giovanni*, & *Macrecchia*, vici.

Quinta *Sondrium* est, celeberrimum totius Volturenæ oppidum, lepidum satis, & Prætoris totius Provinciæ domicilio conspicuum; situm vero est ad *Malor* fluviolum è Malencia valle defluentem: vici autem qui huic Communitati subsunt, vocantur *Columbre-ra*, *Cadolo*, *Triangia* & *Triasso*.

Vallis *Malencia* sexta est, & comprehendit juxta Malor fluvium, *Arquino*, *la Torre*, *Chiapanigo*, *Chiesa*, aliosque aliquot vicos.

Septimam constituit Mons *Sondriensis*, vulgo *Monte di Sondrio*.

Octava *Castionum* est, quæ complectitur *Mangraldo*, & *Ligea*.

Nona à Postalesio pago luculento & populo frequenti constituitur.

Ad decimam, *Berbennum*, vulgo *Berben*, Germanis *auff dem Steyn*, spectat *Polagia* vicus, *Marogia* & *S. Petri* viciniæ, è domibus hinc inde sparsis constantes; nec non *Piamonte*, ultimus hujus partis secundæ vicus, ad *Abduæ* ripas positus.

Ad sinistram *Abduæ* ripam, meridiem versus, & prope *Clurium*, undecima est communitas *Buffettum*; eam sequitur duodecima *Piatteda*, quæ *Ambriam* vallem complectitur. Decima tertia est *Faedum* vulgo *Faed*; decima quarta *Albosagia* est; *Paribelix* gentis arce & domicilio clara. Decima quinta est *Cajolum*, vulgo *Cajuolo*, ubi familiæ nobiles *Sale* & *Liveri* dictæ degunt. *Cidrasco* vicus ad radicem *Aspria* montis situs, una cum valle *de Madre* vulgo dicta, per quam ad *Bergomatum* Venetæ ditionis terras itur, decimam sextam constituit. Decima septima *Fusina* est, eamque excipit ultima *Colorina* dicta.

Tertia & inferior Volturenæ pars juxta sinistram *Abduæ* ripam extensa, Præfectura *Morbeniensis* dicitur, & duodecim communitatibus constat: earum autem *Colorinæ* proxima, & situs ordine prima *Talamona* dicitur, juxta *Tartanam* vallem, per quam tempore æstivo sat commodum ad *Bergomensem* ditionem patet iter; hujus Vallis locus præcipuus *Campo* est, ad *Tartanum* amnem situs; quamvis *Talamona* ad *Roncasolam* fluviolum posita, communitatis hujus caput sit, & frequentia populi, nec non *Mazzon* & *Camonico* gentium nobilissimarum domiciliis superbiat: in montibus huic communitati subsunt vici, *Dondon*, *Premiana* & *Fay*.

Sequitur *Morbeniensis*, in qua *Morbenium* hujus præfecturæ totius caput, ad fluvium *Bit-*

to, aut *Bitter*; hic cavæ conspiciuntur adeo profundæ, ut quadraginta aut quinquaginta gradibus in eas descendatur; cæterum in hac Communitate pagi sunt *Campoderbolo*, *Valle*, & *Arsio*.

Inter altissimos montes heic Vallis subidet, quæ à fluviolo, qui eam secatur, *de Bitto* dicitur; in ea sex hujus præfecturæ conspiciuntur communitates. Media *Morbenio* leuca ad dexteram *Bitto* fluvii ripam est *Albarredo*, & in opposito margine *Sacco*, nobilissimæ gentis *Belot* dictæ sede inclita; paulo ulterius juxta viam, quæ ad *Sasinam* vallem tenditur, *Rasura* & *Pedestina* sitæ sunt; ultima est *Giruolo* duodecim viciniis & aliquot nobilium habitationibus constans.

Morbenio versus *Larium* lacum tendentibus, prima sese offert octava: hujus Præfecturæ communitas, *Cosio* vicus luculentus, olim Gubernatorum sede celebris; non longe ab eo in loco elevato conspicitur arx generis prosapia illustrium Vice-dominorum.

Prædicta Communitate egressis *Dalebio* sese offert, vicus magni nominis, annexum pagum *Rogolo* habens; sequitur ea quæ à vico *Planteda* nomen habet, & sese usque ad *Scalletam* pagum extendens, qui ita dicitur, quod ibi gradibus è rupe excisis in *Larium* lacum descendatur. Non longe ab ipso lacu, ubi olim *Olonia* arx erat, *Petrus Henriques de Azevedo*, Comes de *Fuentes*, & *Mediolanensis* Gubernator, anno 1605, fortalitium prope *Abduæ* in lacum exitum in monticulo *Montocchio* dicto extrui jussit, natura & operibus munitissimum, & quam maxime opportuno loco situm; quod Hispani militum præsidio valido, omnibusque rebus necessariis probissime instructo, magna conservant cura; quamvis *Rhæti*, contra articulos pristinorum inter *Mediolani* Duces & *Confederatos* foederum, id fieri asseverent: Paulo infra fortalitium jam dictum *Morbeniensis* Præfectura terminatur, conterminum ad Meridiem habens *Colicum*, Comitatus titulo insignitum, feudum Regis Hispaniæ à Comitibus de *Albertis Bormiensibus* possessum.

Ad Septentriones ultra *Abduam* *Trahonensis* est Præfectura, quæ undecim distinctas quoque habet communitates; sunt autem *Trahona*, *Bulium*, *Arden*, *Datum*, *Civium*, *Mellum*, *Cercunum*, *Civum*, *Campus*, *Mantellum*, *Dubinum*.

Primus vicus qui in hac Præfectura è secunda & media Volturenæ parte venientibus, se offert, est *Vilipenta*; hinc non procul *Bulium* est, quod vulgo *Buglio* dicunt, *Paravici-næ* gentis nobilissimæ domicilium; & *Arden* vicus ad montem situs, qui non rarò totus nivibus tegitur, quæ ex apice montium incredibili vi & copia nonnunquam decidunt: prope hunc pagum *Malena* fluvius

Ab-

Præfectu-
ra Teller-
sis.

Præfectu-
ra Son-
driensis.

Traho-
nensis
Præfectu-
ra.

Abduæ se commiscet. Ab hoc autem amne *Masena Vallis* nomen consecuta est; hæc Septentrionem versus in duas partes dispescitur, quarum una Prægaliæ Rhætorum, altera Malenciam vallem respicit: hic prope *S. Martini* pagum Colossus ingens lapideus humi stratus conspicitur, triginta quinque ulnas longus, largus decem, altus quindecim: præterea vallis hæc continet pagos hosce, *Feloneræ, S. Petri, Tajegio, Cornolo, S. Antonii, S. Catharina & Civo*.

Cæterum Trahonensis præfectura à dextra hujus vallis parte, versus Larium lacum se extendit, pagos vicofve tam in planitie, quam inter montes sitos hos numerans, *Bedoglio, Caspan, Ca del Pico, Ca del Sasso, Datio, Pelasca, Desco, Torchi, Catego, Campo vico, Ganda, Cermeledo*, aliosque ad numerum novendecim, opulentissimos omnes.

Trahonium, vulgo *Trahona*, paulo ultra Abduæ ripam situm est, totius Præfecturæ caput, ubi Præfectus, quem Potestatem vocant, domicilium habet, ædificia habet sat eleganter constructa, populum frequentem, plurimosque generis nobilitate insignes.

*Bormien-
sis Præ-
fectura.*

Bormiensis Præfectura à quibusdam territorium peculiare censetur, neque Volturenæ adnumerari solet, ut ante monuimus; undique & ex omni parte cingitur altissimis montium jugis, adeo ut Abduæ fluvius vix exitum in Volturenam inveniatur, ad cujus sinistram ripam, iter & transitus in eandem datur inter præcipitia horrenda, rupesque præruptas; ad eos montes & passum quos S. Britii appellant, quondam fortalicium, murique extructi erant, ita ut unicâ porta iter, alioquin difficillimum & perangustum, intercludi potuerit: hyemis vero tempore ob nivium copiam angustias occupantem, inaccessa sunt itinera, omnisque denegatur aditus: in hisce angustis fortalitia quædam extruxerunt incolæ, adeo ut vix crediderim ulli terrarum locum naturæ vel artis beneficio munitiorem ostendi posse.

Termini.

Ad orientem Bormina regio Vinstgoviam & Athesinam vallem Austriacæ ditionis, nec non Sarcam vallem respicit; ad Meridiem Camunica vallis, & cætera Volturenæ pars est: ad Occidentem, Pefclaviensem, Berninam & Engadinam Foederis Cathedralis Rhætorum valles habet vicinas; à Septentrione, Monasterii vallis, nec non Valdera & Bufalora montes imminet.

*Divisio
in Com-
munita-
tes;*

Complectitur quinque Communitates, quarum prima est Bormium, Germanis *Worms* cum suo territorio; II. Vallis Furba Orientem versus tendens; III. Vallis interior, ubi Primadium, & vallis Pedenucis, vulgo *Pedenoz*; VI. Vallis inferior Volturenæ versus, ubi Cepina; V. Vallis Luvinium Ingadinam versus.

*in Parœ-
cias.*

In parœcias quoque sex distribui solet;

præcipua est *Bormium*, cum vicis *Piatten, Platzén, Ogen & Fumarogen*.

Bormium Provinciæ hujus oppidum præcipuum, ad confluentias Abduæ & Fredolphi fluviorum situm, amplitudine, ædificiorum forma atque habitantium frequentia Civitatem referre videtur, estque inhabitatum à familiis aliquot multorum imaginum splendore illustribus, inter quas excellunt eæ quæ vocantur *de Albertis, Foliana, Mariolen, Sermonde, Florende, Casulare, & Zenoni*; aliæque plures.

Secunda est *Sancti Nicolai* in valle Forba, ad quam spectant vici *S. Anthonii, Tregua, S. Gotthardi, & S. Rochi*, in hac Alfurnus mons verticem extollit, cui Fredolphus Miniciusque fluvii ortum debent. Cæterum in hac valle ad circumjacentes terras quatuor se pandunt itinera; primum juxta Wimlat amnem ad vallem Mertherthal dictam; secundum versus vallem Solis conducit, tertium ad Sarcensem, quartum per Pontem Ligneum ad vallem Camunicam; asperrima tamen sunt, & hybernis temporibus, ob glaciei & nivis copiam, inaccessa.

Tertia Parœcia S. Galli dicitur, sub se comprehendens vicos, *Primai, Terriplan, & Molina*.

Quarta Pedenucis dicitur, vulgo *Pedenoz*, cum vicis *Semang, Isolaccia* aliisque in valle Freel sitis.

Quinta est *Scopina* vicus, in quo Ecclesia S. Mariæ est, & huc Communitas *Murinon* pertinet.

Sexta est in *Luvinia* valle, quæ à Volturenæ, Ingadina, & Monasteriensi vallibus undique altissimis separatur montibus, neque ullis vicis pagisque, sed domibus tuguriisque hinc inde sparsis habitatur.

Ære fruitur Volturenæ saluberrimo, nisi *Æris ratio.* cum æstivo tempore ventus quidam, quem *Breva* indigenæ vocant, à Lario lacu spirans, regionem nescio quâ corruptione inficit; & hinc est quod opulentiores, sanitatis conservandæ causa, tum temporis, ad Bormiensem districtum, situ superiorem, secedere solent; nam ære is gaudet subtiliori, puro, & optimo; quare è circumvicinis regionibus plures, evitandi nimii caloris gratia, æstivos menses illic transigere solent; aut hyeme frigus ibi immodicum est.

Porro non raro gravia ab aquarum inundationibus Volturenæ regio patitur damna; nam Abduæ fluvius quandoque imbrium niviumque liquefactarum copia auctus, alveum deferere, libereque per humilia & plana Vallis loca vagari solet. In Malencia valle Balnea sunt S. Martini dicta, cujus aquæ auri, sulphuris, aluminis, & salis nitri venas trans-euntes, mulieres steriles conceptui idoneas reddunt; ischiadico dolori supremum & optimum adferunt remedium; colica passione labo-

laborantibus opitulatur; omnibusque infirmitatibus è causa frigida provenienti-
auxilantur. in Burmieni quoque præfectu-
ra, circiter mille passibus ab Abduæ fontibus, aliisque in locis quam plurimis aquæ
scaturiunt diversis malis morbisque medendis aptæ.

Fluvii.

Abdua fluvius supra Bormium oppidum è Monte Braulio exoritur, illinc Volturenæ Vallem pervagatus, in Larium lacum se præcipitat, rursusque eum post trium quatuorve leucarum spatium deferens, Mediolanensem Ducatum rigat, Laudem Pompejam transit, aquasque suas quinque supra Cremonam miliaribus Pado commiscet. *Fredolfus* ex Monte Alfurno ortus Furbam Vallem pervagatus, Bormii in Abduam illabitur; civibus ejus non contemnendi est usus, ob ligna quæ devehit, molasque quas circumagitat; cæteri fluvii à dextera & sinistra è montibus vicinis orti, singuli Vallem singulam constituunt, & post breve itineris spatium aquas suas Abduæ committunt; sunt autem, *Isolaccia*, *Puschavi-
no* è Bernino monte egrediens, *Travaglione*, *Malor*, ex Monte Aureo ortus Malencam Vallem secans, & prope Sondrium Abduam ingrediens, *Finala*, *Masena*, *Iova*, *Bombolasca*, *Bito*, *Tartano*, *Madrasco*, alique plures.

Montes.

In superiori Volturenæ parte, Bormiensi scilicet districtu, se erigit mons excelsus, quem Montem Braulium vocant, Germani culmen ejus *das Burmser joch*, Burmiana juga dicunt; quod in summa valle ad montem Bormium urbs conspiciatur. Itali *Monbrajo*, vel, ut alii malunt, *Montgrajo* nominant; ad Septentrionem est mons, quem veteres Pedem Falarium dixerunt, nunc *Bufalor* nuncupatur. Alfurnus mons hic quoque conspicitur, *Fredolfi* & *Mincii* fontibus clarus.

Fertilitas.

Solum hic est miræ fertilitatis, adeo ut quibusdam in locis annuatim bis terve fructus ferat; inter vineas enim triticum serere consueverunt, quo collecto, eidem aggeri milii, panicæ committunt semen; dein rapas & olera: nonnullis quoque in locis adeo blandum est, ut aratro unicus bos sufficiat: quod mirum inter cautes rupesque durissimas videri posset. quamvis vero mira fertilitate omni-
genas commissas reponat fruges, tamen populi & incolarum frequentia efficit, ut frumento aliunde evecto plerumque egeat. Fructus omnis generis hic non desunt, nam præter poma, pyros aliosque fructus Germaniæ communiore, ficus quoque, amygdala & melogranata, nec non olivæ feliciter proveniunt: castanæ quoque magna hic nascuntur copia, quibus viliores è plebe panis vice utuntur. Vinum hic quoque nascitur præstantissimum; præsertim ad dextram Abduæ ripam, quæ Soli magis opposita, majorem &

Helvetia.

præstantiorem ejus fert copiam; quod longe in Helvetiam, Noricum, & Germaniam magno gentis lucro avehitur. Excolendis ideo vitibus gnaviter indigenæ incumbunt, inter ipsas rupes asperrimas, omnique terra destitutas, terram aliunde apportatam disponentes, iisque vitium plantas non sine optato successu committentes. Vvæ quoddam genus peculiare habent delicatissimum Iulio mense maturum, Voltureni uvam *Lugadicam* vocant. Præter eam vina varii sunt precii, illud vero quod generosissimum æstimatur, ne Cretico quidem, quod ab Italis *Malvasia* dicitur, cedere necesse habet; eoque potius medicina quam potus vice, præsertim qui catharris defluentibus vexantur, uti solent: ex uvis jam maturis & collectis, per tempus aliquod stramini impositis id premunt, quod Italico nulla in qualitate cedere ferunt: Porro vinum hoc ætatem optime fert, & usque ad centum annos conservatur; rubei coloris vina quotannis colorem mutant; & quanto annosiora, tanto magis albo colori accedunt, donec vix ab albis discerni queant; tum vero caput tentant, & adusti vini vires æquant: generositas autem vinorum Volturenæ ex eo procedit, quod vallis ab Oriente in Occidentem extensa, integro diei spatio Solis radiis sit exposita, qui maturitatem uvis probe confecerunt. Arbores ad fabricandas naves materiam abunde suppeditant, quam Veneti sæpissime hinc petere consueverunt; armenta bouum, ovium & caprarum greges hic aluntur magno numero; nam in vallibus, ipsisque montibus præstantissima habent pascua; è quibus fœnum colligunt quoque, alendis hyeme animalibus.

Animalia.

Capræ, mures alpini, ursi, lupi, lynces, vulpes, martes, apri, thoës, lutri, lepores, sciuri multi in hac regione; falcones, accipitres, phasiani, perdices, gallinæ sylvestres plures capiuntur. Abdua quoque magnam piscium vim alit, inter quos Truttæ, quæ nonnunquam 20 & 30 librarum pondus æquant, ob copiam fere viliores.

Fera. Aves. Pisces.

Auri ramenta, quæ Abdua fluvius interdum arenis suis intermixta deportat, ostendunt montes vicinos hujus metalli venis non carere; præsertim Bormienses, ubi & argenti, ferri, cupri, plumbi, aluminis & sulphuris non infructuosæ sunt fodinæ; verum eæ, è quibus ferrum eruitur, maxime exercentur.

Metalla.

Homines Volturenæ forma decora sunt, corpore firmo, & robusto, ingenio subtili, & ad quasvis scientias apto; militiæ addicti, egregii evadunt bellatores; ii qui studiis operam dant, egregios quotidie progressus faciunt; fideles præterea sunt & constantissimi: Mulieres gratiosæ sunt, & in amorem propensæ, sed cautæ dissimulatrices; viragines porro, & bellicis spiritibus præditæ. Lin-

Mores.

S

guam

guam loquuntur Italicam minus politam, si-
ve Lombardicam; quamplures hic sunt nata-
lium splendore, & veterum imaginibus illu-
stres, moribus exculti, & comitate ne quidem
politioribus Italicorum cedentibus.

Opes.

E vinis quæ in Tirolensium vicinas terras,
Italiam, Helvetiam, ipsamque Germaniam de-
ferunt, quæstus iis uberrimus. butyrum, ca-
seos, animalium tergora & sebum, Venetis
aliisque Italiæ populis dividentes, non con-
temnendum lucrum percipiunt. Boves quo-
que hujus regionis ab Italis magni æstiman-
tur, eorumque nundinis Tiranensibus, quæ
die S. Michaëli festo celebrantur, integra ar-
menta ab iis abducuntur.

Incola-
rum nu-
merus.

Cæterum incolarum Volturenæ numerus
fere viginti quinque millium esse perhiben-
tur, quorum quatuor millia armis tractandis
idonea, tria millia numeris inscripta. Post
ultima bella Morbenium, Sondrium & Bor-
mium firmissimis, contra hostium impetum,
munimentis cinxerant, verum ea, juxta ulti-
mæ conventionis articulos, nunc solo æqua-
ta conspiciuntur. Loco eorum diversi loci
sunt naturæ beneficio adeo muniti, ut mini-
mo negotio, quamvis exigua militum ma-
nus, exercitui integro resistere, eique ulterio-
rem transitum prohibere possit; & si incolæ
concordi inter se sint animo, hostium incur-
siones, solis naturæ providæ munimentis
nixi, & sine ullo artis adminiculo, facillime
arcere possint, præsertim in Bormiensium di-
tionibus.

Regimen.

Romanis Volturena longo temporis tractu
paruit, post eos Gothos experta est Domi-
nos; denique Longobardos, quibus à Gallis
pulsis, dominium Gallis victoribus cessit, sub
quibus pace & otio frui longo tempore con-
cessum, donec Guelphorum & Gibellino-
rum partes & discordiæ, eam non minus
quam totam Italiam vexaverint: hisce bella
inter Turrianos & Vicecomites exorta suc-
cesserunt, quibus non minora damna & in-
commoda experti sunt incolæ; tandem Vice-
comites expulsis Turrianis dominium recu-
perarunt, & postmodum ad Sfortias Medio-
lanensium Duces transmiserunt; quorum
temporibus à sententiis à Magistratibus Vol-
turenæ ad Mediolanensium Senatum dabatur
provocatio. Anno 1404, Mastinus Barnabæ
Vicecomitis, Mediolanensium Principis filius
natus minor, cum pater ejus à Iohanne Galea-
tio, Galeatii Secundi filio, carceri esset manci-
patus, Curia, Iohannis vindictam effugiens,
commoratus, Vallem hanc, Bormiensem &
Pesclaviensem districtus, nec non Clavennen-
sem Comitatum, ditiones ei à patre in patri-
monium anno 1379 tribuit, Episcopo Cu-
riensi donavit. Sed ob potentiam Iohannis
Galeatii, & successorum, donatio effectum
fortiri nequii: nihilominus anno 1486 ar-

mata manu Rhæti Bormium, Clavennam at-
que Plurium occuparunt, Volturenæ quo-
que anno 1512. Anno postmodum 1516,
Maximilianus Sfortia Ludovici Mauri filius,
jura omnia Mediolanensibus Ducibus in hæce
ditiones competentia, Rhætis, in remunera-
tionem auxilii contra Franciscum Primum
Gallorum regem præstiti, cessit. Franciscus
ipse pacem cum iis anno 1516 iniens, ratio-
nibus, quas Mediolani Ducatus nomine te-
nebat, cessis, iis liberam possessionem asse-
ruit.

Hodie Vallis in tres Partes sive Tertianas
distribuitur; Superiorem, Mediam, & Infe-
riorem. Tellium peculiarem districtum con-
stituit, & à suo Præfecto seu Potestate pecu-
liari regitur. Superioris Tertianæ caput est
Tiranum, Potestatis sedes & Domicilium.
in Media, totius Vallis Præfectus sive Guber-
nator, nec non ejus Vicarius Sondrii com-
moratur. Inferior Tertianæ in duas Præfectu-
ras dispescitur, quarum altera Morbeniensis,
altera Trahonensis, singulæ peculiarem ha-
bent Potestatem. Vnusquisque autem Præ-
fectorum, seu Potestatum suum habet Vica-
rium, Cancellarium, ministrosque alios plu-
res; omniumque Magistratus biennio finiun-
tur; sua quisque in jurisdictione tam civiles,
quam criminales causas dijudicat. Totius
vero Vallis Gubernatori, peculiari privilegio
ubicunque in Valle de delictis, si alios Iudices
præveniat, cognoscere concessum; præterea
particularis & ordinaria in dimidia Tertianæ
parte ei competit jurisdictio.

Quod ad negotia publica attinet, notan-
dum est, totius Volturenæ Deputatos, qui
plerumque Sondrii conveniunt, eligere Can-
cellarium totius Vallis; ei archiva, privile-
giorumque instrumenta committuntur; ad
eum spectat quoque (si negotium aliquod
publicum id exigat) deputatos convocare;
qui præsentem Vallis Gubernatorem, vel ejus
vicario super re proposita deliberant; & dein
conventibus, locisve suis consulta commu-
nicant.

Tertiana superior quoque suum habet
Cancellarium; Conventus autem ejus con-
stat è Decanis sive Primoribus Communita-
tum, qui Tirani convenire solent. Is autem
qui totius Vallis Cancellarius, eodem pecu-
liari in Tertianæ media munere fungitur;
conventus vero Sondrii celebrantur. in Ter-
tiana inferiori, Morbeniensis & Trahonensis
Præfecturæ suum singulæ habent & Cancel-
larium, & Senatum, quem Communitatum
Consules constituunt. Tellium eadem gau-
det prærogativa. in quaque Tertianæ porro
quatuor Iustitiæ sunt consules; in Tellien-
si districtu bini; Doctores ut plurimum Iuris
utriusque, vel etiam Medicinæ, qui lites mi-
noris negotii finiunt; à Tutoribus & Cura-
tori-

Religio.

Situ.

toribus tutelæ rationes exigunt; in rebus pupillorum alienandis, & minorum contractibus, decreta & auctoritatem suam interponunt. Syndici præterea in Tertianis singulis eliguntur, qui jura & privilegia exacte observari curant.

Vnaquæque Communitas quotannis Superiorem eligit, quem in Tertianis, Media & Superiori nec non Tellienfi districtu Decanum; in inferiori & Clavennensi Comitatu Consulem vocant; hic jura & privilegia Communitatis suæ facta tecta servari curat; & Magistratus de delictis, quorum notitia ad eum pervenit, certiores reddere tenetur.

Bormienses, qui ad limites degunt, non contemnendis fruuntur privilegiis & immunitatibus; quoniam iis proprios Consules aliosque Magistratus creandi facultas competit; idque forte ducta in hunc modum: vasi argillaceo oris angusti fabas aliquot albas nigrasque immittunt, harum unam ii qui electorum officio fungentur, manu immissa extrahunt; cui fors fabam atro colore notatam dedit, ei electio competit. Hoc modo singulis quadrimestribus Consules bini eliguntur, qui supremo funguntur Magistratu, nec non sexdecim Senatores, quorum decem ex ipsa Bormiensium urbe, reliqui è vallibus proximis sumi solent, atque his criminalium decisio inuncta; Præterea tredecim quoque Consilarii, omnes cives, à quibus civilium rerum causæ judicantur. Præsides omnibus Præfectus sive Potestas à Rhætis constitutus cum suo Cancellario; & provocationes tam hujus territorii, quam totius Volturenæ Vallis in trium Foederum comitiis generalibus ventilantur.

Religio.

In præcipuis & majoris momenti locis, Bormio solo excepto, veluti Sondrii, Tirani, Tellii, Morbenii, & Trahonæ, Calvinistæ suos habent Ministros, quamvis à Clericis Ecclesiæ Romanæ numero superentur. Vallis ipsa, ut & Clavennensis Comitatus, in spiritualibus Comensi paret Episcopo; cui tamen, nisi Rhætis permittentibus, jurisdictionem exercere denegatum est. Cæterum ii qui placita Calvini amplectuntur, nullum locum soli inhabitant, cum plurima sint à solis Catholicis inhabitata. Numerus autem Reformatorum 2500 non excedit; & inter 4000, armis tractandis idoneos, ultra 800 non reperiuntur: Verum dignitate, aut opibus prævalentes, fere omnes religionem quam Reformatam vocant, amplectuntur.

COMITATUS CLAVENNENSIS.

Situs.

Comitatus Clavennensis, Italis *Chiavenna*, Germanis *Claven* sive *Cleven* dicitur, situs est ad radices Alpium,

quæ Germaniam ab Italia separant; ad Orientem Prægalia Vallem, montesque respicit; ad Occidentem Misauicino Comitatu terminatur; ad Meridiem Larium lacum habet; ad Septentriones Averensem & Rhinwaldensem; hanc Cathedralis, illam Superioris sive Cani foederis communitates.

Comitatum hunc à Trahonensi Volturenæ Vallis præfectura separat mons altissimus Coderia dictus, ad Volturenæ extremitatem situs; hic ad introitum Comitatus primi se offerunt, *Varsejo*, *Campo* & *Novato* pagi, quorum incolæ in re navali, sive lignis cædendis, occupantur; hinc juxta lacum Clavennensis ripas tendentibus occurrit *Riva*, sive *Mezuola*, ubi merces, in Galliam & Germaniam terrâ deinceps devehendæ, è navibus exportantur; hic Hispani arcem olim extruxerunt; sequitur *Malaguarda* vicus, & *Prada* pagus; ad montis radicem prope Clavennam cavernæ artificiales visitantur, æstatis tempore adeo frigida, ut vinum recens exportatum præ nimio frigore non sit potabile. Iuxta Meiræ fluvii ripas siti sunt pagi *Sammolico*, *Vigazolo*, *Casenda*, & *Lera*, *Selva Piana* & *Gordona*, totius Comitatus amplissimus, arcem habens vicinam sic satis munitam. Præter dicta autem loca, plures adhuc pagi vicique non contemnendi Comitatus hujus terminis continentur.

Ad dextram dicti fluminis ripam, supra caput Larii lacus 10. m. pass. Clavenna civitas conspicitur, ædificiis eleganter extructis conspicua; ecclesias habens sex, quarum præcipua S. Laurentio dicata est; cæterum Comitatus Clavennensis est metropolis; ob commoditatem situs, merciumque ex Italia in Germaniam, & vice versa devehendarum commodissimum transitum à frequentibus mercatoribus inhabitata: Multi quoque nobilitatis splendore illustres in ea habitant. arcem præterea habet munitissimam, & hostium conatibus sat longo tempore resistere validam; quam Marchio de Cœuvre Exercitus Gallici, Rhætorum auxiliarius Dux, Hispanis anno 1629 eripuit. Suburbium habet *Orelo* dictum, ponte sibi conjunctum, pagosque sub jurisdictione sua sitos *Campedelo*, & *Dragonera*.

Hinc non longe distat Plurium, olim vicus ingens in campis, qui Alpibus subjacent, positus, ad utramque Mairæ ripam, & ad oppidi morem excultus; quondam Præfecturæ, cum Prægalia confinantis caput. Ei imminabat mons præaltus, è quo saxa cavabantur, è quibus lebetes torno confici solebant ad coquinæ usum; ac dicitur eam saxorum naturam esse, ut venenum injectum ad ignem ebulliant, & rejiciant; ideoque lebetes hujusmodi per Italiam magna copia distrahantur. Anno vero 1618 mons totus corruit, vicumque totum oppressit, & in abyssum præ-

præcipitavit, ut ex loco pulcherrimo & opulentissimo, jam nihil supersit, præter rudera paucissima, lacumque, eodem loco situm, miliaris fere spatium extensum. Vicum quamvis non adeo magnum, pulcherrimis ædibus, palatiisque Vertemanni, Franchi, Boschetti, aliisque nonnulli exornarant: Multi vero inhabitantium mercatores erant, qui foro cedentes, creditoribus suis bona nummosque improbe abstulerant, Principumque more magnifice extructis palatiis, hortisque delitiosissimis, utensilibus ex argento confectis, aliisque rebus pretiosissimis gaudentes, vitam tranquillam hic transigebant; sed eos, ut jam monui, unico fere momento, justo Dei Iudicio cum viro, & cæteris inhabitatoribus omnibus, admirandus montis corruentis casus oppressit. Cætera Pluriensis Præfecturæ loca sunt *Villa*, ubi primæ ab ea parte conspiciuntur vineæ; *S. Goëbia*, ubi Vallis arctissime à montibus vicinis stringitur; *Savong*; prope quem via, seu potius semita in Germaniam se pandit brevissima, sed non nisi à peditibus usurpari solita; *Crana* & *Rongalia*, ultimi Præfecturæ Pluriensis limites. Pluriensis Præfectura & Clavennensis à fluviolo, quem vulgo Pluvia vocant, separantur. In eodem Comitatu ad radices Spelucæ montis Vallis S. Iacobi se aperit, vicum præcipuum cognominem habens, eam Lirus amnis secat; ad ripas vero ejus siti sunt pagi *Campo dulcino*, *Madesa* olim Tarveseda, & *Beth* totius Comitatus fertilissimus, & Vallem hanc terminans.

Quali-
tas.

Comitatus hic, S. Iacobi Vallem si excipias, totus solo gaudet admodum fertili, & ubique cultissimo, vini tamen, quam frumenti feracior; cujus defectum suppleant castaneæ, è quibus panem conficiunt, quo plebs utitur, graviolem & sicciorem, nihilominus non contemnendi nutrimenti. Aëre fruitur saluberrimo, adeo ut miraculi instar habeatur, si pestis contagione regionem affici contingat; Nonnunquam tamen ventus è Lario lacu exurgens, aërem quodammodo inficere solet. Fluvios habet duos, Mairam & Lyrum, è quibus incolæ maximas, tam ob piscium, quos nutriunt exquisitissimos copiam, quam ob molas quas circumagitant, percipiunt commoditates. Armenta in montibus, pratibusque innumera fere pascuntur, unde maxima lactis, butyri, caseique vis; quam in Statu Mediolanensi nec non Venetæ ditionis terris cum emolumento distrahunt. Circa Plurium montis ruina suppressum hodieque saxa, cujus mentionem su-

pra feci, excavantur, lebetum conficiendorum gratia.

Cives Clavennenses ingenio sunt facili, & *Mores.* ad quævis apto, politici, comes, artibus liberalibus & mercaturæ imprimis dediti; moribus adeo sunt exculti, ut plurimi Rhætorum, quamvis Clavennensibus dominantur, Clavennæ domicilium elegerint; Itali quoque religionem Catholicam abdicantes, civitatem hanc ut asylum aliis locis præferunt; Multi civium stemmatis nobilitate sunt illustres; sed nihilominus omnes fere, aut certe plurimi, mercaturæ studiis se applicant.

Rhæti tributa sive impositiones quasdam *Opes.* Comitatu huic imponere solent, omnique condemnationum & poenarum pecuniariarum proventu gaudent. Clavennam & vicina loca inhabitantes è butyro, caseis, & carnibus, quibus continuo Italiam provident, lucrum opesque congregant; non minoris momenti iis est, mercium è lacu Lario expositarum, & jumentis per Alpes devehendarum transitus, cum in iis innumera eorum jumenta occupentur.

Suos præterea habent Tribunos, aliosque *Vires.* officiales, quibus jubentibus arma arripere, & expeditionem suscipere tenentur; incolarum numerus quinque millium esse creditur, quorum mille armis tractandis idonei censentur.

Tria Rhætorum foedera huic Comitatu *Regimen.* duos præponunt Præfectos, Commissarium Clavennensem, & Potestatem Pluriensem; horum Magistratus biennio finitur; quisque in suo districtu justitiam administrat, lites civiles & criminales dijudicat; in criminalibus à sententia eorum nulla admittitur provocatio: in civilibus ad comitia generalia trium Foederum recurritur. Clavennenses præterea quotannis, forte ducta, Consulem, Vice-Consulem, ærario publico præpositum, duos Iustitiæ Consules, quorum Magistratus biennio circumscribitur; Syndicos duos privilegiorum assertores; Ædiles duos; Consiliarium unum, & Cancellarium eligere solent; iis adjungunt, quatuor ex ætate provectionibus; & penes hos quatuordecim Civitatis est regimen.

In Comitatu hoc quindecim Catholicorum *Religio.* sunt parochiæ; Clavennæ, Plurii, Pontileæ, & in aliis quibusdam locis, Reformati suos quoque habent Ministros. Inter quinque millia hominum, qui in Comitatu degunt, octingenti fere Calvinii dogmata amplectuntur; quorum centum armis tractandis habiles censentur.

V A L L E S I A.



Situs.

Nomen.

*Termini
Vallesiae.*

*Fertili-
tas.*

Va Rhodanus fluvio-
rum Galliae fertilissi-
mus apud Lepontios
Viberos oritur, vallis
non ita lata undique
præruptis, altissimis-
que montibus cincta,
secundum fluvii cur-
sum sese porrigit, &
paulo supra eum locum, ubi is Lemanium la-
cum influit, angustis faucibus ad exitum flu-
vii relictis, coeuntibus in unum pene monti-
bus clauditur. Inhabitarunt olim hunc locum
Viberi ad ortum fluminis, deinde Seduni, &
infra hos Veragri: verum jam ab aliquot se-
culis universi vallis hujus incolae uno nomi-
ne Vallenges aut Vallesii seu Vallesiani à valle
nominantur. In inscriptione vetusta, quæ
non longe à Geneva ad lacum Lemanium
cernitur, *Valinsa* nominatur.

In conciliorum subscriptionibus Epaunensis
& Aurelianensis quinti, Episcoporum Octo-
durensium Valinsanorum mentio fit, ita enim
quædam exemplaria vocant, alia vero Val-
lensium nomen habent: & liber Provinciarum
Octodorum civitatem Vallengium nominat.

Terminos habet Vallesia, ab Ortu Lepon-
tios, Antuates ab Occasu, à Meridie Lepon-
tios iterum & Salassos, & à Septentrione
Helvetios: ab his omnibus altissimis monti-
bus & qui perpetuis nivibus rigent, dirimi-
tur. Itaque omnibus ferè locis æstate diffi-
cilem aditum habet: hyeme vero nonnulli
montes, & præsertim Gemmius, quæ æstate
frequentissimum iter est, prorsus impervii
sunt, reliqui magno labore & periculo supe-
rantur. Vno tantum itinere per Antuates quæ
Rhodanus montes aperit, commode adiri po-
test: sed idipsum & loci natura & arte ita
munitum est, ut regio hac quoque parte ab
hostium incursionibus tutissima videatur. Val-
lis ipsa in longitudinem ferè 100. millia pas-
suum patet, tota tamen angusta est, nisi qua
inter montes in alias vales diffunditur, qua-
rum aliquæ 15, nonnullæ etiam 30 millium
passuum longitudinem habent.

Incolæ ipsi magno labore & singulari in-
dustria omnia loca, quæ modo culturam ad-
mittunt, exercere solent, multum autem ope-
ræ in aquis derivandis ponunt: etenim non
tantum prata & hortos, sed, quod in vicinis
hisce regionibus inusitatum est, vineas quo-
que irrigare consueverunt. Itaque è summis
montibus aquam ligneis canalibus per duo
milliaria aut etiam amplius deducunt, magnis
sumptibus, & aliquando etiam magno vitæ

Helvetia.

periculo, quando homines funibus suspensi,
nudarum rupium latera cædunt, ut ex his
suppositis tibicinibus & canteriis canales sus-
pendant. Quare etsi vallis arcta & exigua
sit, hac tamen industria efficiunt, ut idipsum
quicquid est soli fertilitate nulli finitimarum
regionum cedat. Vini primum ea est copia
& bonitas, ut illud jumentis sarcinariis per
altissimos montes ab Helvetiis & Lepontiis
exportetur. Frumenti tantum habet, ut aliunde
invecto non egeat, ac durat illic messis à
Majo ad Octobrem usque mensem, dum in
vallibus depressioribus, & montibus frigidio-
ribusque locis tardius, alibi citius frumenta
maturefcunt. Ac sæpe eodem die iter per
montes facientes, in hyemem, & ver, & in
ipsam messem incidunt: in summis enim
montibus nives & glaciem reperiunt, in eo-
rum depressioribus partibus pascua pulcherri-
me florent, & ad radices fœnum colligitur,
in valle ima frumenta jam matura secantur.
Fructus omnis fere generis illis non defunt,
nam non tantum pira, poma, cerasaque di-
versi generis, pruna item & corna, & mora,
& nuges juglandes, avellanæ, pineæ, copiose
apud eos nascuntur, sed ficus quoque &
amygdala & malogranata apud Sedunos fe-
liciter proveniunt, neque tantum arboribus,
sed omnis generis herbis & floribus cultissi-
mos hortos habent, in quibus præter alia cro-
cus præstans colitur, tanta copia, ut in vici-
nas regiones magno gentis lucro exportetur.
In tanta florum copia, apum plurima alvea-
ria incolæ habent, ex quibus toto anno mel
recens illis abundanter suppetit. In montibus
metalla sunt, plumbi, ferri, æris, argenti: cry-
stallus etiam ibidem in summis Alpibus, par-
tim è terra effoditur, partim ex præruptis ru-
pibus, quibus innasci solet, colligitur, ejus-
modi etiam inde accipitur, cui adhuc saxi è
quo enata fuerat particula adhæret. Duo-
rum autem generum crystalli in his alpibus
reperiuntur. Vnum quod præstantissimum
est, clarum & pellucidum, alterum sub-
obscurum, nonnunquam crocei aut alterius
coloris: quædam vero exterius quodam quasi
velamine obductæ, interius claræ puræque
sunt. Magnitudo eorum diversa est, nam fe-
runt nonnunquam integras, & non vitiatas
ponderis quadraginta librarum, aut etiam
quingenta reperiri. Præterea lapidum seu
carbonum bituminosorum, quos vulgus *stein-
kolen* vocat, magna est copia apud Sedunos
& Siderianos: hi lapides toti nigri sunt, &
metallorum modo è montibus effodiuntur,
deinde aliorum lapidum modo in calcariam

T

for-

fornacem componuntur, & fasciculis aliquot lignorum adhibitis accenduntur, & in calcem optimam convertuntur: Modus hic calcis coquendæ è bituminosis lapidibus, non ita pridem inventus est, cum antea tantum ad ignis usum instar carbonum reliquorum adhibiti fuerint. Sylvæ abundant larice, ex qua cum Agaricum inter purgantia pharmaca celebre, tum præstantissima resina colligitur, qua therebinthinæ loco Helvetii chirurgi utuntur, hanc Vallesiani *lertschinen* vocant, Helvetii *glorien*: præterea pinu, picea, abiete, aliisque arboribus quæ alpibus frequentes sunt. Cervis, capreis & apris carent: ursi, lupi, thoes, lynces, vulpes multi sunt in hac regione: Ferinæ etiam reliquæ tanta est abundantia, ut bubulæ instar, & nonnunquam vilioris precio in macello vendatur: similiter phasiani, perdices utriusque generis, otides, lagopodesque, & diversorum generum gallinæ sylvestres, non pauciores quàm in Lepontiis & Rhetis capiuntur. In vallibus & montibus mediis præstantissima pascua habent ac magna boum armenta alunt: ita ut quotannis hinc non exigua copia boum in Italiam abducatur. Ad Rhodanum equorum sunt pascua, porcos alunt paucos, eosque aliunde emptos: muli etiam & asini illis non desunt: in mediis montium pascuis, sed arduis, & quo boves ob loci acclivitatem pervenire non possunt, oves pascuntur: in sylvis vero quæ boum & ovium pascuis adjacent, capræ nutriuntur. Itaque butyri & lactis & casei magna apud eos est abundantia, ut & apud Helvetios. Atque apud ipsos præstantes casei ex lacte modò emulso & calenti, absque ullo igne parantur. Rhodanus cum aliorum piscium varia genera, tum qui inter fluviatiles non postremam laudem obtinent, Truttas multas & ingentes 29, & 30 pondus alit. Calidæ quoque aquæ duobus locis scaturiunt, quas ad varios morbos Medici, & magis etiam vulgus hominum commendant.

Homines hujus regionis sunt corpore firmo & ad labores apto, colore plerumque subfusco, ut qui se agro colendo in Sole quotidie exercent: multis strumæ nascuntur, quod quidem plerique aquarum vitio fieri existimant: Munstero tamen hæc ratio non probatur, eo quod opulenti, qui rarissime aquam bibant, non minus cæteris strumosi sint: sed hoc infirmum plane argumentum est, quasi nullus sit aquarum nisi in potu usus, & non etiam panis & plerique cibi quibus quotidie utimur, aqua misceantur, aut coquantur. Idem tamen scribit, Stiria populos strumosos esse, atque incolas causam ejus rei aquæ atque aëri quibus vescantur, tribuere. Atque idem sentit Georgius Agricola: Aquæ, inquit, quæ infectæ sunt venis auri, argenti, plumbi, stibii, nervos duos efficere, contra-

here, tendere, similiter artus pituita replere & inflare solent. Ex ipsis vero aliquæ gutturosos efficiunt: ut in Norico supra Iuvavium nobile oppidum, quod hodie Salzeburgum nominamus; atque in Alpibus duobus in locis in Cillera valle, quæ distat ab Oeno ad octavum lapidem, meridiem versus, ejus vallis incolas & habitatores nationem Medulorum Vitruvius videtur vocasse: & in Sundersera valle, quæ abest à Curia oppido Rhetia, circiter duodecim millia passuum. Vbi præterea fons est cujus aquæ potæ adeo lædunt cerebrum, ut stolidos faciant; atque etiam in Italia Equiculis guttur intumescit aquarum, quas bibunt, vitio. Hæc ille. In agro Tigurino ad Turum fluvium, proxime qua Rhenum ingreditur in villa Flaach nomine, fons est qui bibentes gutturosos efficit, ideoque strumarum fons nuncupatur. Ac quod Vallesianos spectat, in quibusdam pagis complures gutturosi inveniuntur, in aliis prorsus nulli, in quibusdam pauci admodum. Alium quoque pagum illic esse authores fide digni referunt, in quo plures claudicent, quum in proximo pago nemo tali vitio laboret. Item pagum esse in quo plures fatui homines inveniuntur, quos ipsi *gouchen* vocant, qui vix homines nominari merentur, bestiis similes, ut qui nullo cibo humano utantur: se enim vidisse qui stercore equino uteretur, alium qui fœno, alios qui nudi tota hyeme incederent, & varia hujusmodi monstra: quorum causa in occulto latet. Constat tamen illic primam esse gratulationem quæ enixis affertur, quod naturarum expertæ illis dicere & gratulari solent, quod infans non sit fatuus: *Gott sy gelobt, das kind wirdt kein gouch werden.*

Vestibus vulgo ex crassa & rudi lana utuntur, & in hac re rustica plebs Helvetiorum populo minus sumptuosa est. Edificia pleraque ex ligno, latice potissimum extructa sunt, quæ & tempestates fert, & vetustate duritiam & nigredinem acquirit, ut hebenum Æthiopiam imitari videatur: ædificia ipsa pro captu hominum satis affabre extructa sunt: tecta ex fissili lapide fiunt, idque ad incendia arcenda. In oppidis, & celebrioribus vicis qui oppidorum more extructi sunt, plurimæ domus muratæ extant, additis turribus & murorum pinnis eleganter in modum arcium extructæ. Victus talis est, qui & vestitui & habitationi, & hominibus rustico labori deditis conveniat. Nobiliores tamen splendide vestiuntur, & argento, auroque ornantur, nec minus in victu omnibus delitiis abundant. Agricultura potissimum student, sed qui supremam vallem incolunt, Viberi, pastioni maxime operam dant, quod regio eorum frigidior, neque vites ferat, neque tam felix frumento sit ut altera: cæteri & vineas & fru-

Anima-
lia. Feræ.

Homi-
num ha-
bitus &
mores.

Vallesi
divisio

Respu-
blica.

& frumentarios agros colunt. Mercaturas non magnas faciunt, sed res quibus abundant, exportant, & necessarias domum reportant. At vero omnes bellicosi sunt & amantes libertatis, itaque & frequentia bella pro libertate tuenda gesserunt, & monumenta horum tota regione dirutæ arces, & murorum ruinæ visuntur. Literarum studia ab illis magni fiunt, itaque & nobiles homines suos liberos frequenter ad exteras gentes studiorum causa mittunt, & sæpe etiam tenuiores magna animi constantia, ne in summa quidem paupertate & victu ostiatim emendicato literarum studia abjiciunt, sperantes sese si aliquam eruditionem consequantur, domi & in ecclesia & in republica honores & dignitates posse adipisci. Lingua utuntur partim Germanica in superiori, partim Sabaudica, quam Romanam illi vocant, in inferiori.

Vallesia
diviso.

Vallis universa in duas partes dividitur, Vallesiam superiorem ab ortu Rhodani usque ad Morsiam fluvium, qui infra Sedunum Rhodano miscetur, hanc olim Viberi & Seduni incolere: & Vallesiam inferiorem à Morsia ad Agaunum, quæ loca Veragri tenuerunt. Superior regio in septem partes distincta est, quas ipsi Defenas, & Germanicè *Zenden* nominant: quod nomen unde deductum sit ignoro: nam à decumis aut denario non potest derivari, cum tantum septem Defenæ sint: viri docti quidam existimant idem esse quod *diolensis*; singulæ enim Defenæ suam *diolensiu* sive jurisdictionem habent, singularem rempublicam & peculiaria privilegia: nos deinceps Defenas Latine non male ut arbitror Conventus nominabimus. Septem igitur sunt Vallesiae superioris Conventus, Gomefianus, Brigianus, Vespianus, Raronius, Leucianus, Siderianus & Sedunensis. Porro Conventus universi ecclesias seu parochias habent xxx. Inferioris Vallesiae sex sunt Conventus, quos ipsi nominant Signa militaria, *Baner*, eo quod singuli propriis vexillis utuntur: ecclesiarum xxiv.

Respu-
blica.

Veragri sive Vallesiani inferiores diu olim cum Sedunis & Viberis bella gesserunt, & tandem nonaginta duobus ab hinc annis victi eorum imperium subierunt: arces munitæ numero sedecim ab his distructæ sunt, quarum rudera hodie cernuntur, neque enim easdem restituere licet, ne libertati eorum inde periculum creetur: itaque nunc Viberi & Seduni Veragris imperant, & illis præfectos mittunt, qui jus dicant, & rempublicam administrent. Princeps vero totius regionis est Episcopus Sedunensis, qui Comes & præfectus Vallesiae nuncupatur: hunc suffragiis communibus deligunt Canonici Collegii Sedunensis, & legati septem Decumarum superioris Vallesiae. Proximum ab Episcopo locum tenet quem illi regionis ducem seu capi-

taneum, & Gallica voce Balivum, vulgo *des landts hauptman*, nuncupant; hunc juris præfectum nos nominare possemus, quando ad illum causæ civiles deferuntur: præest hic biennio, & ab Episcopo & legatis Decumarum liberis suffragiis deligitur, atque deinde publica approbatione singulorum conventuum confirmatur. Singuli quoque Conventus summum Magistratum habent, quem Gomefianii, Raronii, & Leucenses Majorem, cæteri Castellani nominant: hic cum sui Conventus Senatu qualvis causas etiam capitales judicat. præterea Ammanos (quo nomine Helvetici quidam pagi summum Magistratum appellant) sed hi apud Vallesios sunt sub imperio Majorum. Ab omnibus Conventibus ad senatum Vallesiae provocare licet. Nomino hic senatum, quem vulgo vocant *des landts raadt*: hic more majorum quotannis bis convocatur, Majo & Decembri mensibus, quo tempore ex singulis pagis bini, & nonnunquam terni legati conveniunt, idque Seduni in castro Majoriæ. Senatui interest Episcopus, sententias rogat Balivus: ac ab his de republica consilia tractantur, eliguntur gubernatores & qui publica officia administrant, & summum jus dicitur, à quo provocare ad aliud tribunal non licet.

Fœdere conjuncti sunt Vallesii Helvetiis. *Fœdera.* ac primum Friderico II. Imperatore anno 1250, cum Bernatibus fœdus in decennium fecerunt, neque ullum hoc antiquius fœdus habent. Multis deinde post annis bello inter Vallesios & Guilelmum Episcopum à Raronia familia exorto, quinque Conventus fœdus cum Lucernatibus, Vraniis & Subsilvanis fecerunt, ut utrinque cives & quasi ejusdem regionis censerentur: factum est hoc fœdus anno salutis 1417. Anno autem postquam hæc gesta fuere 31, cum Bernatibus novum fœdus ab omnibus Decumis initum est. Mox anno 1473, fœdus & societas perpetua sancita est inter septem Conventus Vallesiae, & tres ante nominatos pagos Helvetiorum: & post biennium cum Bernatibus etiam perpetuum fœdus sanciverunt, ut adversus quosvis hostes sibi mutuo auxilio sint. Postremo 1533 anno Episcopus & Conventus Vallesianorum fœdus cum tribus pagis renovarunt, & eidem quatuor alios pagos adscripserunt, Sultiam, Tugium, Friburgum, & Solodorum.

Non possum hoc loco præterire Matzam *Matza.* Vallesianorum, singularem quidem hujus populi consuetudinem, quæ forte Scythica alicui videri possit, vulgo nominant *einem die matzen bringen*, hoc est Matzam alicui adferre: id non dissimile est Scythicæ consuetudini sedendi in tergore bovis, quam Lucianus in Toxari describit. Apud Scythas enim si quis à potentiore læsus, & ulcisci se volens, pugnae par non esset, bove immolato carnes fru-

frustillatim concisas assabat: dehinc ipse porrecto humi corio, in eo sedebat, in tergum reductis manibus victorum more. Appositis autem bovis carnibus adeuntium quicunque voluisset partem sibi sumebat, ac dextro pede tergum bovis calcans, pro facultate auxilium pollicebatur: colligebatur autem hoc modo in tergo bovis ingens nonnunquam exercitus, & qui certissima fide cohæreret, hostibusque expugnatu difficilissimus esset: non aliter quam si iurejurando esset adactus. Nam in tergum ascendisse instar iurisjurandi illis erat. Similis est Matzæ ratio apud Vallesios, etenim si quis in rempublicam Vallesiorum videatur peccasse, potentior tamen sit quam ut privatis adversus eum jure agere liceat, tum qui patriæ injurias persequi volunt, & nonnunquam etiam turbulenti homines qui tumultibus gaudent, Matzam instituunt, & ad hunc deferunt. Est autem Matza signum conspiracy, idque non unius formæ, nam olim dicitur ingens tantum clava lignea fuisse, huic clavum infigebant quicunque voluissent conspiracy loci esse, & publicas injurias ulcisci. Postea Matzam fecere larvam quæ aliquo modo humanam faciem referret, eam radicibus arborum & vitium inter se implexis cinxerunt. Nonnunquam absque larva tantum ex radicibus arboris contextitur, quas tamen ita artificiose connectunt & compllicant, ut quandam imaginem faciei humanæ eminus intuentibus repræsentet, hanc militari more pennis caponum & gallorum gallinaeorum ornant. Solent autem plerunque ex betula arbore Matzam conficere, hanc adhuc teneram inflectunt, & in circulum compllicant, seu flexile ejus cacumen in nodum constringunt, inserta illi pertica, eam deinde tandem in gyrum torquent, donec arbusculam ipsam radicibus evellant: indicantes hoc facto se malum à patria radicibus extirpaturos esse. Hujusmodi igitur arborem tenellam Matzæ annectunt, & qui authores hujus rei sunt, clam & plerunque noctu Matzam betula alligant arbori alicui, aut etiam sepi, qua maxima hominum frequentia iter facere solet. Mane facto prætereuntes inspecta Matza, inscii forte hujus rei obstupescunt, & illic consistunt visuri rerum eventum: his se adjungunt tragoediæ authores, & se mirari simulant quid sibi Matza velit, tandem aliquis audacior cæteris profilit & Matzam solvit: tacitus interim neque quidquam deinceps loquitur, verum Matzam in campum aut pratium aliquod defert, hunc cæteri sequuntur, atque illum in orbem circumstant, ac tum ex horum numero aliquis Matzam alloquitur, & quid sibi velit, vel quid illi doleat interrogat, quoniam vero Matziger filet ac mutus videtur, suadet alius ut Matzæ detur advocatus seu procurator qui ejus causam agat, itaque

ex omni numero plerunque cæteris facundior, sed factiosus, & cui voluptati sint hujusmodi motus, ad hoc officium deligitur. Is simulans se omnium consiliorum ignarus, hæret, & dubitat ob quam causam Matza in publicum prodierit, ac varias causas commiscitur, quas Matza, hoc est is qui Matzam fert, attente audit, ac tandem ubi veram protulerit murmurando annuit, & præ gaudio exultat. Tum advocatus populum astantem hortatur, quoniam Matzæ querelam cognoverint, deinceps consultant quid faciendum sit. Hoc idem Matzifer supplici gestu rogat. Tum advocatus singulorum, aut saltem eorum qui seditiosæ plebis duces sunt, sententias rogat. Hi vero nulla pacis mentione facta, in eo consentiunt omnes, Matzæ auxilium ferendum esse, ac veteres consuetudines & libertatem populi defendendam, idque reliquis conventibus indicandum. Neque hic ullo legato opus est, nam mox fama hujus rei per totam regionem volat. Dies jus prosequendi decernitur. Interim qui sibi timent, aut vi, aut consilio, aut largitionibus tumultum populi sedant: quod si id neglexerint, tunc Matza à furiosa plebe ad ejus ædes defertur quem injuriarum agunt, has illi quibus aliorum bona diripere volupe est, invadunt & occupant, quicquid invenerint absument & deprædantur. Ac sæpe ingens hominum multitudo, non tam ad publicas injurias ulciscendas, & defendendam patriæ libertatem, quam ad spem prædæ confluere solet. Ferunt Matzam hanc primum inventam & usurpatam, cum plebs duro imperio Guilhelmi Episcopi, & parentis illius Guiscardi Raronii premerebatur: circa tempora Concilii Constantiensis. Nostra ætate communi incolarum consensu, Helvetiis præcipue auctoribus, Matzæ usus non quidem forte prorsus abolitus, sed tamen aliquo modo sepultus est. Periculum enim erat, ne quod aliquando factum fuerat, opulenti sed innoxii viri, Matza à turbulentis & seditiosis hominibus adferretur, tantum diripiendarum opum gratia. Itaque rectius statuerunt jure potius agendum esse, & in eos qui rempublicam læserint, legibus agendum, potius quam tumultu hoc barbaro & Scythico puniendos.

V I B E R I,

Gomesianorum Conventus.

POpulos qui ad ortum Rhodani incolunt Viberos supra nominavimus, Plinium secuti, qui libro 3, cap. 20, ita scribit: Lepontiorum qui Viberi vocantur fontem Rhodani accolunt. Nonnulli tamen existimant Viberos esse quos hodie Vrsarios seu Vrsellanos nominamus, qui ad fontem Vrsæ fluvii,

fluvii, quem Rufam vulgus nominat, habitant, hos autem volunt dici fontem Rhodani accollere, quoniam ab adversa parte Furculæ montis, è quo Rhodanus oritur, supremas valles Vraniorum habitant: Cæsarem etiam ajunt Sedunos collocare ad ortum Rhodani, cum scribit, Nantuates, Veragros & Sedunos ad summas Alpes usque incolere: volunt enim summas Alpes penes Lepontios esse montem Gothardi, cujus ramus aut promontorium est mons Furcula. Verum ego horum sententiæ non possum assentiri, video enim eos alibi plerumque dici ad fontes fluminum habitare, qui proximas valles fontibus fluminum incolunt, non autem qui ab adversa fontium parte habitant. Porro alibi ostendimus Cæsarem nomine summarum Alpium non intelligere Lepontias Alpes, sed τὰ ἀρχαῖα τῶν ἀλπίων: aut si hoc nomen sit alicui Alpium parti tribuendum, id convenire Pennino, & proximis inde montibus ad fontem usque Rhodani. Præterea cum plures Rhodani fontes demonstrantur, ut mox ostendemus, Gomefiani ad hos omnes incolunt, Vrsarii nequaquam, quare omnino hos Viberos nominandos censeo, aut Iuberos. Nam Viberorum (quod ego norim) nemo veterum præter Plinium meminit, apud hunc vero uno loco Viberi, & alio loco ubi Augusti trophæum ponit, Iuberi nominantur: quo loco Sigismundus Gelenius, quem honoris causa nomino; Viberorum nomen reposuit. Sed sunt qui alterum retinere malint, & Gelenium virum alioqui doctum & diligentem, nonnunquam in emendando Plinio nimium suis conjecturis tribuisse censent, ob quas ipsi nolint à veteri lectione recedere. Nam exempli gratia ab eodem lib. 4. cap. 5. pro eo quod vetus editio habebat, Dorion Thamyræ vatis clara temporibus, ab eo repositam aliam lectionem, Dorion, Zancle variis clara temporibus: cum tamen vetus lectio Strabonis & Lucani auctoritate confirmetur: similiter lib. 5. cap. 32. Azari portum commutatum in Amyci portum, quamvis prior lectio cum Strabone consentiat. Cum igitur rationem non afferat cur Iuberorum nomen expungendum sit, se non posse illi assentiri ajunt, sed alterum potius immutandum censere, cum hujus vestigia adhuc iisdem locis extent. Nam si Munstero fides habenda est, Furca mons è quo Rhodanus oritur, idem Coatius & Vrsellus atque Iuberus nominatus est: hodie quoque mons huic vicinus è quo fluvius Elmius oritur, quem quidam Rhodani fontem faciunt, Iubet nominatur, & hic ni fallor is est quem Paulus Iovius alicubi Iovetum appellat. Solent autem proximæ valles & populi, nonnunquam à montibus vicinis nomina accipere, aut sua illis imponere, ita namque in proximis Alpibus à Poenino mon-

Helvetia.

te vallis Poenina nomen accepit: & Alpes quibus à Briga ex Vallesiis in Italiam proxime descenditur, Itali vulgo montem Brigæ vocant, quo nomine etiam Reimundus Marlianus utitur. Iuberi igitur seu Viberi supremam Vallesiæ partem tenent, quorum nomine si quis Vrsarios quoque comprehendere censeat, quando sæpe idem populus ab utraque parte alicujus montis habitat, non valde repugnari: sed hi qui in Vallesia habitant Viberi, duos habent Conventus Vallesianorum, quorum superior & fontibus Rhodani proximus ipsorum dialecto *Consenches*, Germanis *Gomser-zenden* nominatur: nos hosce Gomefianos vocavimus, secuti viros doctos qui eodem nomine ante nos usi sunt: alter à Briga vico Brigianus nominatur, servans vestigium quoddam prisce nominis, *Briger* vulgo quasi Viberigus dictus. Gomefianos igitur à Lepontiis Vrsariis altissimæ Alpes dividunt, eas Furcam nominant, quoniam duobus quasi bifurcatis jugis in altum assurgunt.

Ex monte Furca Rhodanus oritur. Strabo Fontes Rhodani. Rhodanum oriri scribit supra Antuates & Veragros, à cujus fontibus non longe absint Rheni fontes, & mons Adulas. Polybius, Rhodanus, inquit, tribus fontibus surgit, supra maris Adriatici intimum sinum. Plinius, Rhodanum ex Alpibus oriri tradit: item Silius, *Aggeribus caput Alpinis & rupe nivali Profluit.*

Solinus quoque idem scribit, & addit eum primo per Helvetios ruere. Pomponius Mela, Rhodanus, inquit, non longe ab Istri Rhenique fontibus surgit. Idem scribit Plutarchus in Annibalis vita. Ammianus Rhodanum ait à Penninis Alpibus effusore copia fontium fluere. Appianus primo de bellis civilibus scribit, Eridani & Rhodani fontes modicis jugis distare. Sebastianus Munsterus & Ioannes Stumpfius nostræ ætatis scriptores, tradunt Rhodanum in Furca monte ad occasum oriri, non vena aliqua aut fonte è terra scaturiente, sed ex nivibus & glacie inveterata, quæ nunquam prorsus solvitur, attamen liquefcit & aquam effundit, & quamvis inferiore ejusdem montis parte magnus fons scaturiat, tamen hunc uti altiore merito Rhodani fontem censerit. Horum sententiam confirmat Silius, scribens rupe nivali Rhodanum proflire. Contra multi ex Vallesiis limpidissimum fontem in loco meridionali è terra scaturientem, pro Rhodani fonte demonstrant, prope quem pascuæ Alpes sunt, in quibus æstate ingens utriusque pecoris numerus alitur: illum autem fluviolum ex perpetua glacie ortum, qui non longe à fontibus prioribus miscetur, ipsi Rhodani nomine non dignantur. Cæterum intra primum milliare à fontibus, Elmius fluvius ex Agerana valle Septentrionem versus profluens, Rhodanum

V
auget.

auget. Ad omnes hos fontes respexit Polybius, qui Rhodanum tribus fontibus oriri scribit. Porro qui Rhodani fontes Rheni fontibus vicinos esse ajunt, non errant, nam inter Furcam ex quo Rhodanus fluit, & Crispaltum, qui Rhenum anteriorem fundit, duntaxat altissimum jugum Gothardi montis intermedium est, cujus duo alii montes quasi brachia quædam & promontoria esse videntur. Sed Danubii fontes aliquot dierum itinere à Rhodani fontibus distant, sicut & Eridani fontes qui è Vesulo fluit, inter quem & Furcam Penninæ & Grajæ Alpes & Coctiæ intermediae sunt. Quare non bene videntur horum fontes vicinos dixisse, Appianus, Mela & Plutarchus, & qui ex recentioribus hos secuti sunt, ut Marlianus, Dominicus Niger, & nonnulli alii. Ammianus, qui Rhodanum ex Penninis Alpibus fluere scribit, ita forte defendi potest, quod hoc nomine censeantur omnia illa Alpium juga in Vallesia, quæ à Summo Pennino ad Lepontios usque porriguntur. Vadianus autem vir alioqui doctissimus, hunc secutus à vero aberravit, scribens Rhodanum apud Salassos in agro Sedunensi ad eas Alpes, quas hodie sancti Bernardi cognominant, caput tollere. Nam Salassi primum alii sunt à Vallesianis apud quos Rhodanus oritur, apud illos vero Durias: deinde non oritur è monte S. Bernardi quod est summum Pennini jugum, sed è Furca monte qui ad lxxx. M. P. à monte S. Bernardi distat: fluvius quidem Dransa Octodorum præterlabens è Pœnino oritur, & in Rhodanum fluit, sed nemo propterea illic fontes Rhodani statuit, quando etiam alii fluvii ex Alpibus Vallesianorum in eundem defluunt. Paulus Iovius ab Iovis jugo Sesithem amnem fluere scribit, & contraria parte Rhodani fontes existere. Verum amnis cujus fontes ex adversa parte Sesithis existunt, non Rhodanus est sed Vispa fluvius qui infra Vespianum vicum Rhodanum influit. Ex adversa autem parte fontium Rhodani in lacum Verbanum ex iisdem fere alpibus defluunt Ticinus, Media & Athiso. Sunt ergo veri fontes Rhodani, quos Gomefiani in suis Alpibus Furcæ montis demonstrant, sive unum aut duos vel etiam tres fontes, Rhodani fontium nomine nobilitare libeat. Fluvium vero Rhodanum Galliarum multo fertilissimum nominat Plinius: & eundem inter tres maximos Europæ fluvios computari tradit Solinus, Varronem ut arbitror secutus, qui idem affirmat apud A. Gellium. Nomen fluvio impositum censet Plinius à Rhoda oppido Rhodiorum in provincia Narbonensi: Vallesiani & Germani Rodden vulgo fluvium nuncupant, ut dubitem de Græca nominis origine: Galli *Rhosne* vocant. Fluit Rhodanus per totam fere Vallesiam recta versus occalum, nisi quod infra Octo-

dorum aliquantum cursum suum versus septentrionem inflectit: atque brevi propter plurimos alpinos fluvios, quorum præcipuos suo loco nominabimus, adeo excrescit, ut magnis quoque navibus ferendis par sit, nisi saxa ingentia & rupes per quas præcipitatur, navigationi obstarent: Nonnunquam auctus alpinis torrentibus plurimum damni dat incolis, ni magis aggeribus coërceatur, ne extra suas ripas erumpat, quos tamen nonnunquam rumpere, & agros proximos inundare, imo secum auferre solet: unde quidam potius à rodendo, quam à Rhoda urbe nominatum dixere. Itaque recte Solinus Rhodanum ex alpibus præcipitatum ruere scribit, occurrentium aquarum agmina secum trahentem. Et Silius:

*Aggeribus caput Alpinis & rupe nivali
Profilit in Celtas, ingentemque extrahit
amnem*

*Spumanti Rhodanus proscindens gurgite
campos.*

Egressus autem Vallesiam Rhodanus, per Antuaturn Helvetiorum agrum fluit: itaque recte scribitur à Solino, eum per Helvetios ruere, quanquam non primo, ut ipse scribit, hac fluat, cum antea per Viberos, Sedunos & Veragros ruat, atque circiter xx. M. P. infra Agaunum extremum Veragrorum oppidum lacu Lemano excipitur, qui ejus impetum mitigat: accidit autem hoc plerisque Alpinis amnibus, ut magno impetu à fontibus ruentes in lacus deinde incidant, qui eorum vehementiam mitigant: sic Abduam Larius, Ticinum & Athisonem Verbanus, Mintium Benacus, Rhenum Acromus, Vrsam Lucernanus lacus, Arolam Brientius & Thunius, ac Limagum Tigurinus lacus excipit. Ac referunt Polybius, Mela & Ammianus, Rhodanum etiam in ipso Lemano suum impetum retinere, seque per medium lacum integrum agere, tantumque egredi quantus venerit. Inde contra occidentem ablatus Gallias aliquandiu dirimit, ac Ararim leniter fluentem prope Lugdunum suscipiens, deinde non minores seipso torrentes Isaram & Druentiam, & complures ignobiliores fluvios, cursu versus meridiem converso tandem in Sardoum pelagus influit. Atque hic est Rhodani totius cursus, quo nunc omissio ad Viberos & Rhodani fontem revertemur.

Initium igitur & caput Vallesiae est mons *Furca* ^{mons.} Furca, è quo Rhodanus oritur, qui etiam limnes est inter ipsos & Vranios. Mons ipse non inhabitatur, sed ut Silius scripsit,

Nullum ver usquam, nullique æstatis honores,

*Sola jugis habitat diris, sedesque tuetur
Perpetuas, deformis hyems.*

Cæterum ad radices montis, intra primum milliare à fontibus Rhodani, vallis proxima incolli-

colitur ab his, qui mitiora Furcæ juga pecoribus suis depascuntur: ac duo illic viculi occurrunt *Vnderwasen* unus, alter *Oberwald* (hoc est superior silva) vernacula lingua dicti. Inde ad meridiem mediocris vallis inter montes se aperit, quam Ageranam vocant, hæc Elmium fluvium Rhodano augendo effundit. Paruit olim vallis ista nobilibus de Arna, seu (ut incolæ nominant) Aragno inferiore, hi merum mixtumque hujus loci imperium habuere, sed opibus eorum nescio quomodo imminutis, incolis sua jura & privilegia vendiderunt, quibus illi nunc quoque fruuntur, & sibi proprios judices eligunt & confirmant, quos Ammanos vocant. Itinere deinde circiter horæ unius ab influxu Elmii in Rhodanum, circiter VIII. M. P. à fontibus Rhodani, ad dextram fluvii & radices Grimsulæ montis, pagus occurrit, ecclesiam parrochiale habens; hunc incolæ Castellionem superiorem vocant, Germani Gestilam. Grimsula mons, cui Castellio adjacet, continuus est Furcæ, & uterque Lepontinarum Alpium pars censetur. Dividit autem Grimsula Helveticam vallem Haselam à Vallesis, & ab ea parte sunt Arolæ fluminis fontes: iter per hunc montem ad Helvetios asperum est & admodum arduum, vix enim quatuor aut quinque horis mons superari potest. Crytalli in hoc monte & aliis quam pluribus effodiuntur. Duobus vero millibus passuum infra Castellionem, ad eandem Rhodani ripam alter pagus jacet Vlrice nomine. Iuxta hunc olim Berchtoldus Zeringiorum dux à Vallesianis prælio victus fuit: & post priorem pugnam ducentis ferè annis denuo ab eis eodem loco cum Bernensibus pugnatum est: in utriusque pugne memoriam cruces ligneæ ab incolis erectæ sunt anno 1419. quæ nupera quoque ætate in illo campo extiterunt. Infra Vlrice itinere horæ unius, in longe amoenissimis pratis, qualia vix alibi in tam vastis & pene desertis locis invenias, ad dexteram Rhodani non inelegans vicus extructus est, quem Monasterium nominant. Ad lævam Rhodani è regione ferè Vlrice, quondam cœnobium monacharum erat, quod nunc ob loci asperitatem, & annonæ inopiam desertum est. Versus meridiem inter montes, vallis Eginia per 8000 ferè passuum seu milliare Germanicum extenditur: ex hac valle duo itinera ad Insubres patent, unum per montem Nisium in vallem Lepontinam Bellinzonam, alterum per Griessum montem in Antigoriæ vallem Bonmatum ducit. Nomen hujus montis Gries, quosdam videtur movisse ut Alpes Graias apud Sedunos ponerent: in qua sententia videtur fuisse Antonius Salamanca, qui non tantum Bernardi minoris montem Alpes Graias vocat, sed alterum quoque Vallesianorum montem Sempronio proximum, non ta-

men Griessum, idque in Helvetiæ tabula Romæ edita. Ex Eginia valle fluvius ejusdem nominis ortus, ubi in Rhodanum influxit, eum ad justam fluvii magnitudinem auget: nam & à Septentrione per supra nominatos viculos non pauci ignobiles rivuli in eundem fluvium se exonerant. Ad Rhodani septentrionalem ripam, vici complures in campis amœnis & fertilissimis extructi sunt, Recingium, Glurina, Ritizium, Biella, Walda, qui omnes fluviolis quibusdam rigantur. His aliquando imperavit Domina de Graniola, sed incolæ progressu temporis ab ejus dominio exempti sunt: regio nomen Comitatus retinet, ipsi legibus & statutis Vallesianorum tenentur, habent tamen proprios judices in causis civilibus; cæterum criminales causas Gomefaniæ decumæ (cui attributæ sunt) judex Arnæ cognoscit. Proxime hos vicos ponte lapideo Rhodanus transitur, ac ab eo latere est vicus quem Mulibachum, quasi molarum rivum dicas, nominant, patria Matthæi Cardinalis Sedunensis, viri per totum orbem celeberrimi. Habuit Mulibachum nobiles ejusdem nominis, quorum familia interiit, insignia duntaxat supersunt, Nicolaus Mullibachus vixit anno 1309. Arna incolis Aragnum, vicus ingens & Gomefianorum caput, hoc loco situs est, 8000 passuum infra Monasterium, ædificia habet non inelegantia, & quasdam domus muratas & lapide fissili tectas, superior enim regio non nisi è ligno ædificia habet, tecta è larignis scandulis. Hoc in loco Curiam Gomefani habent, & causas capitales cognoscunt. Arnâ oriundus fuit Waltherus Superfazo Episcopus, qui Veragros hætenus à Sabauda Episcopatu ademptos recuperavit, anno 1475. Fluvius deinde Binna infra Arnæ Rhodano miscetur, Gomefianorum hac parte limes: oritur hic in monte Albrunio, per quem iter est in vallem Antigoriæ, in valle quam quidam Longam, alii Bindulum interius vocant, ac per vallem à se denominatam cursu continuato, quindecim millia passuum à fonte suo in Rhodanum mergitur. E regione Arnæ ad dextram fluvii ripam, qua is ponte jungitur, vicus est Viescha cum valle ejusdem nominis, 6000 passuum longitudine, per quam etiam fluviolus è glacie inveterata emergens Rhodanum influit. Iuxta hunc cœnobium quondam fuit sacrarum virginum, nunc desertum: reditus ejus à Matthæo Cardinali Arnensi ecclesiæ attributi sunt. Inferius ad alterum Rhodani pontem viculus est Laxa nomine, Gomefianorum terminus ab altera fluminis parte.

Infra Laxam vicum montibus in unum pene cœuntibus vallis admodum coarctatur, ac tantum angustæ fauces Rhodano defluenti relictæ sunt: promontorium quod à Septentrione ad Rhodanum usque percurrit, in antiquis

tiquis diplomatibus à monte Dei superius nominatur, Germanice *uff Deifch*. Hic mons Gomefianos à Morgianis dividit: regio namque non ita magna ab hoc monte ad fluvium Massam Morgiana nominatur: hæc propriam jurisdictionem & merum imperium habet, attamen attributa est Conventui Raronio, ejusque pars tertia censetur. Duo sunt hujus regionis celebriores vici: Graniola primum, quæ ad sinistram fluminis jacet in rupe celsa, prope fauces Bynniæ vallis, ac ponte hinc Laxam itur, unico fornice ab una rupe ad alteram ducto, tanta est vallis angustia. Habuit autem olim Graniola peculiares dominos, qui an iidem cum Morgianis fuerint, ignoro: his, ut supra diximus, paruerunt vici aliquot superiores ad Rhodanum, qui adhuc nomen Comitatus Graniolani servant. Morgia alter vicus, à quo regio hæc nomen habet, à Germanis *Moril* nominatur, & ab altera & dextera parte Rhodani situs est in medio regionis, itinere duarum horarum infra Arnam: hic quoque Rhodanus ponte jungitur. Supra Morgiam ad Rhodanum prætata sunt & pascua amœna, atque non paucæ domus, similiter in vicino monte Bitta & alii viculi occurrunt, & supra hos altissimus mons ab Antonio nomen habens. Apud Morgianos primum vites proveniunt. Nam Gomefania regio propter frigus nullas fert: Morgiana tamen vina acerbiora sunt, neque regio hac parte inferioribus locis Raroniis & Sedunis & Veragris conferri potest.

Iuxta Morgiam versus septentrionem, in altissima petra quondam arx fuit Mangepana, Baronum Morgianorum sedes: hos in incolas tyrannidem exercentes Petrus Sabaudia comes, incolis juvantibus, bello aggressus vicit, arcemque eorum destruxit, cujus nunc exiguæ ruinæ supersunt. Baronum insignia nunc quoque Morgiani servant, nigrum bubuli caput, è cujus naribus aristæ duæ exeunt. Crediderim Barones Morgianos familiæ Raroniæ affinitate aut propinquitate aliqua conjunctos, atque hos eorum hæredes fuisse: ideoque nunc Raroniæ decumæ Morgianos adnumerari. Præterea Dirreberga arx in eadem regione fuit, quæ forte eodem tempore diruta est: mons adhuc arcis nomen servat. Massa fluvius, qui Morgianos à Brigianis dividit, ex Aletschianis montibus oritur, & per ejusdem nominis vallem fluit, æstate liquefcentibus nivibus excrescit, & turbidus ac impetuofus fertur, sicuti omnes ferè hujus regionis fluvii, sic ut vado transiri commode non possit, verum ponte lapideo prope exitum jungitur.

B R I G I A N V S C O N V E N T V S.

Secundus Conventus ab insignioribus pagis Briga & Nateris nomen habet: frequentius tamen à priore denominatur. Cæterum quàm populofus & frequens sit, ex eo colligimus, quod anno 1465, peste per Vallesiam grassante, ex Brigianis & Naterianis supra mille, & quadriennio post 1400 homines perierunt. Nateræ autem vicus milliari non magno à Morgia distat, ad dexteram Rhodani ripam, loco saxoso, non tamen sterili, ædificia pleraque lapide extructa sunt. Prope hunc vicum in edita rupe quadam arx munitissima extructa est, quæ à saxo seu rupe nomen habet, domus quondam minorum à Saxo, Episcopo nunc paret. Extat etiam supra Nateras non longe à ponte Massæ fluminis turris quædam in colle, & ruinæ veteris arcis Wingartæ, quam nobiles olim, quorum familia nunc periit, inhabitaverunt. Sunt quoque à septentrione Nateris conjuncti viculi quidam in montibus, ecclesia quæ à loco Montana nominatur, Blattana, & Birgiscum vici. Infra Nateras pons lapideus duobus fornicibus egregii operis utramque Rhodani ripam jungit, qui eo loco tanto impetu per saxa magno cum sonitu ruit, ut mirum videatur fundamenta aliqua pontis in tanta fluminis rapiditate jaci potuisse. Cæsa est ad hunc pontem Princeps, seu Comitissa (ut vocant) Vespianorum cum filio anno 1365. Ad sinistram fluminis ripam ex adverso Naterarum Briga posita est, & paulo infra hanc Glisfa, ita ut tres hi vici triangulum ferè æquilaterum constituent. Briga à Viberis nomen habet, quasi dicas Viberiga, seu Vibericus vicus, est autem hic vicus ad Saltinam fluvium in oppidi morem extructus, cæteris Vallesianorum vicis elegantior & amœnior: ab Ortus & Meridie montes pascui imminet, multis viculis inhabitati: & proxime Brigam veteris arcis rudera apparent, vulgus locum *Hel-lam*, quasi Tartarum, aut inferos dicas, nominat. Saltina fluvius oritur in monte Sempronio, & per vallem ejusdem cum monte nominis, duo milliaria magna seu 16. millia passuum fluit, ac paulo infra Brigam Rhodanum intrat. Brigiani huic fluvio pontem lapideum, tribus fornicibus extructum (nam nivibus solutis late inundat) imposuere. Per montem Sempronium, quem quidam Scipionis montem vocant, ad Lepontios Transalpinos iter est, & vetus oppidum Osclam. Tradunt quidam Cæsarem per has Alpes duxisse exercitum contra Helvetios, atque ejus rei memoriam cotibus inscripsisse, in quibus adhuc cernantur literarum quædam vestigia.

Sim-

Simlerus existimat quidem Cæsarem hac exercitum in Galliam duxisse, sed hoc non esse illud iter, cuius r. lib. belli Gallici meminit, alibi ostendit. In monte hoc vicus est Sempronius, cui valles duæ conjunctæ sunt, quarum una Germanicum nomen à situ inter montes habet; alteram Alpiam vocant. In ipsa Sempronia valle Brigiani magnam copiam utriusque pecoris alunt, in Alpibus quas S. Iacobi, & alteram Ganteram nominant. Glisa quæ à Græco nomine ecclesiæ, nomen suum accepit, circiter mille passuum itinere Briga abest, ad sinistram Saltinæ fluvii, vicus exiguus, verum amoenissimo loco situs, & ædificiis optime excultus. Templum hic est D. Virginis, ad quod tota valle multi mortales religionis ergo confluere, & dona afferre solent, quibus ejus templi sacerdotes laute victitant. Vicus hic patria fuit Georgii Suprafaxi, cujus Guiciardinus & Iovius in historiis meminerunt. Georgius Suprafaxus hic vir ingenti animo, corporeque, Italicis bellis magnas opes & bellicæ virtutis eximiam gloriam consecutus, summam domi sibi auctoritatem & potentiam comparavit, ac Gallicas partes secutus adversus Matthæum Sedunensem Episcopum, eundemque Cardinalem graves inimicitias exercuit: atque cum opera Cardinalis Romæ captus, & in Adriani mole carcere inclusus, beneficio Francisci Regis liberatus fuisset, in patriam reversus Cardinalem Vallesia expulit: sed tandem ipse in exilium pulsus, anno 1529, Viviaci ad lacum Lemani obiit. Ecclesiam D. Virginis Glisæ ampliavit, & eodem loco sacellum & aram dicavit, ac ibidem sibi monumentum paravit, in quo tandem post obitum quiesceret. Extat in hoc facello tabula, in qua Suprafaxus cum uxore ac filiis duodecim, ac undecim filiabus ad vivum depictus est; res spectatu digna, duorum conjugum tam numerosa & formosa (si pictura non fallit, uti affirmant) proles.

Ex tanto liberorum numero complures adhuc nepotes in Vallesia extant, inter quos non ita pridem Georgius avi nomen referens, vir egregia animi & corporis indolis, adhuc vivebat. Non longe infra Glisam murus à Rhodano ad excurrentia juga proximorum montium ductus est; hunc ad hostium vim arcendam quondam extructum fuisse, turres & propugnacula ostendunt, verum à quibus & quando hoc factum sit, ignoratur. Quidam Romanum opus censent, hos cum per Sempronium montem adversus Gallos exercitum ducerent, hunc locum munivisse. Alii existimant Viberos hujus munitionis auctores fuisse, qui contra Sedunorum irruptiones eandem extruxerint. Nam hic terminus Viberorum fuisse censetur, unde & pagus in monte supra Vespianum à Sedunis Termina appellatur: in Se-

Helvetia.

dunis vero multi nobiles olim habitaverunt, Vipsii, Raronii, Turriani, Leucii, Siderii, Gradecii, alique plures, quorum dirutæ arces passim visuntur, hos cum vicinis assidua bella gessisse, dum fines proferre student, verisimile est. Verum posteaquam eodem imperio utrique populi reguntur, & arcibus disiectis libertate fruuntur, hic murus neglectui habetur, multisque in locis vetustate fatiscit. Non longe ab hoc muro fluviolus Gamsa ex Alpibus Vespianorum ortus, in Rhodanum evolvitur.

Ex adverso Rhodani latere medio milliari infra Brigam, calidarum aquarum fons mediis in campis scaturit. Aquas Brigianas vel Vibericas vocant: locus ipse amœnus, & planus est, cui à Septentrione montes altissimi & quorum præruptæ rupes recta in altum confurgunt, imminet. Calidarum fons ex imis rupibus scaturit, non magna copia, itaque duo tantum lacus gypso incrustati ad usum lavantium parati sunt, hi quod aqua profundo loco scaturiat, in terram depressi sunt, magno incommodo lavantium, aqua non defluente nisi plenis lacubus. Calida ipsa quo loco primum emicat, vehementer calet, sic tamen ut tacta non lædat: juxta illam, quod mirabile & jucundum visu, ex eadem petra frigidissimæ aquæ rivulus manat. Balneæ sulfureæ sunt, ac plagas, corrosiones, ulcera & scabiem sanant: medentur etiam spasmo, tremori, catarrho: tollunt tinnitum aurium, & sterilitatem foeminarum abolere creduntur. Nocent his qui infirmo capite, aut corpore debili sunt, febrientibus item, & his qui sunt jecore & renibus calidis.

S E D V N I,

Vespianus Conventus.

S Vb Glisa Vespianorum Conventus incipit, ad hos pertinent proximæ Alpes versus Meridiem & amplæ in his valles Saffia & Mattia, per has duo fluvii ex Alpibus descendunt, qui in unum confluunt prope Staldam pagum, atque ambo Vispæ nomen habent, veteribus ut arbitror Germanice dicti *Fispach*, quod pisculentum rivum significat: ab hoc fluvio præcipuus pagus & totus hic Conventus nomen accepit. Prior fluvius in valle Saffia duobus fontibus oritur, quorum orientior est in monte Antrunio, supra Almengallum, alter in monte Martis, quem Fœ Seduni, & Magganam montem Itali vocant: juxta hos fontes duo itinera patent ad Verbanum lacum, per vallem Magginiacam, item Sessitem Novariensis dioceseos. Inter eosdem Saffia pagus positus est, unde valli nomen. In monte autem qui ad Brigianos vergit, Termina pagus est situs: alter deinde mons

X

pascuus

pascuus inter Saffiam & Mattiam valem positus, Grenchiam pagum habet, huic vicinus est Rietbergus mons optimis pascuis abundans. Grenchia natus est Thomas Platterus, qui à lata rupe imminente paternis ædibus, quæ illic in perpetuam C.L.V. memoriam ostenditur, nomen accepit: hic primum Basileæ typographiam exercuit, & complures bonos auctores eleganter & emendate in publicum edidit: postea ibidem ludum literarium magna cum laude doctrinæ & industriæ aperuit, è quo viri docti quam plurimi prodire: & quamvis ferè septuagenarius, idem munus pari diligentia obiit. Filius præterea illius Medicinæ Doctor Felix nomine, & reuera in morbis curandis & peritus & felix, ea diligentia, & tanto ingenio ac doctrina rem medicam docuit & exercuit, ut non vulgarem sui admirationem apud omnes doctos commoverit. Grenchianus etiam fuit Simon Lithonius patrueus Platteri, qui in Argentinensi Schola dicendi artes una cum utraque lingua Græca & Latina magna cum laude docuit, & juvenis adhuc magno omnium ejus Scholæ Professorum mœrore obiit, anno 1543.

Mattia vallis incipit à monte Sylvio, per hunc iter est ad Salaffos & Ajazam vallem, & quam Helvetii vocant *das Kremerthal*, quod hujus incolæ per varias regiones oberrent, merces diversi generis circumferentes: hac via per glaciem inveteratam aliquot millibus passuum iter faciendum est. Ex monte Sylvio, ubi colles sunt Finilæ, Areleitæ, & Moutæ, descendit alter fluvius Vispius millibus passuum triginta quinque supra Vespianum pagum. Iuxta hunc in suprema valle est pagus Matta, quatuor miliaribus supra Vespianum: infra hunc milliari uno vallis alia ad latus dextrum montibus se insinuat, quæ à proximo pago Dæsa aut Tæsta nomen accipit: pari ab hoc spacio distat pagus Gasa, prope quem crystalli pulcherrimæ ex Alpibus effodiuntur: ab hac inferior pars vallis nomen accipit. Milliari uno infra Gasam, duo fluvii prope vicum Staldam confluent, atque deinde uno flumine sex millia passuum infra eundem sub Vespiano vico in Rhodanum influunt.

Super confluentes Vispæ & Rhodani Vespia vicus habitatur, caput tertii Conventus Vallesianorum: duo hic templa, S. Martino unum, & alterum D. Virgini extructa sunt: supra pagum quondam arx fuit, quæ una cum pago propter amœnitatem arx pulchra Germanico idiomate appellata fuit: postea veteri appellatione abolita, à Vispa fluvio nomen accepit. Hoc loco quondam sedem habuerunt Vespiani Comites, magnæ apud Sedunos auctoritatis & potentia: horum familia extincta Blandræ Comites illorum hæreditatem adiere: ex hac familia Blandrana

Comitissa Vespianorum, anno 1365, cum filio Antonio ad pontem Rhodani prope Nateras cæsa est: causa & author cædis literarum monumentis non traditur. Arx deinde Vespiana à Petro Sabaudia Comite capta & diruta est, forte eodem bello quo Mangepaniam arcem ab eodem dirutam scribunt. Vespia Amedeus Sabaudia comes, à Gomefaniis Brigianis & Vespianis prælio victus, ad quatuor millia hominum amisit. Habitarunt quondam Vespia nobiles familie Vltrorum, item Sillinorum, Hengartiorum, seu à Platea, & Vuerriorum, quæ adhuc florent. Neque hi tantum, sed quam plurimi alii nobiles Vespia olim habitarunt; ita ut asserant omnes ferè nobilissimas totius Vallesia families, Vespia ortas esse: ac tanta olim nobilium eo loco frequentia fuit, & is fastus, ut haberent proprium templum quo à plebeis discernerentur, cum quibus eisdem sacris ædibus uti, dedecori sibi putabant.

R A R O N I V S C O N V E N T V S.

R Aronia vicus ad dextram Rhodani ripam 8 millia passuum sub Vespia, caput Raronii Conventus, duo templa habet, S. Romani in edita petra supra vicum, alterum S. Germani, & ipsum extra pagum in plano extructum. Iuxta S. Romani ædem, in eadem rupe turris & ruinæ arcis Raronia visuntur. Etenim in his locis olim imperium habuere Barones Raronii, vetus & nobilissima familia. Munsterus tradit Othonum tempore Raronios numeratos inter quatuor Barones imperii, ac alio nomine dominos de Thufis appellatos, id unde habeat, ignoro: posterius nomen Rheticum est, qui Tusciannam vicum, quondam oppidum, ita appellant: sed nulla illic Baronum hujus nominis mentio. Ex hac familia ante annos trecentos Petrus Raronius Sedunorum episcopus fuit: & eundem episcopatum ex hac familia Guilielmus II, & post Guilielmus III. Guiscardi Raronii hic filius, ille vero frater, administrarunt. Verum bello inter Raronios & Vallesios orto, sedes eorum & arces dirutæ sunt, pace autem facta, Raronii nihilominus extra Vallesiam mansere, quod nollent plebis inconstanti voluntati denuo suam salutem cum vitæ periculo committere. Petrus, aut potius Petromannus, Raronius matre è Toggenburgensium comitum familia natus, post FridERICI Comitæ postremi obitum, comitatum Toggiorum, adeptus est, quem deinde Vldericco abbati S. Galli vendidit, ipse in monasterio *Rüti* pagi Tigurini mortuus & sepultus est. Hunc nonnulli Guiscardi filium & Guilhelmi tertii fratrem fuisse arbitrantur, est autem

tem hic ultimus è Raroniis, cuius in domesticis historiis mentio fit. Reliquit Petrus Raronius hæredem unicam filiam, quæ nupsit nobili viro Allobrogi è Tarentasia, Humberto à Villetta Baroni Chiuronis, qui sedes suas in Vallesiam transtulit: huic natus est unicus filius Ioannes Baro Chiuronis & Raronius Vicedominus Sedunensis, hic uxorem duxit Pernetam, unicam filiam Perrodi de Bastia domini Sirri; itaque iuncta sunt tria dominia Raroniæ, Chiuronis, & Sirri. hujus filius Petromannus uxorem duxit ex familia Beauvois, quod Bilunnum Antonius in Itinerario suo nominat: ac duos reliquit filios, Petrum, qui uxorem habuit ex Tavellia familia de Granges seu Gradecio: huic complures liberi fuere, inter quos primus Franciscus de Chiurone Vicedominus Sedunensis, Senechalque Vallesii, Baro armiger & miles, obiit Seduni anno 1528, vir magnificus & egregiæ proceræque staturæ, qui bellis plurimis in Gallia ordines duxit: hic ex Philippa uxore, è familia Blonaya de S. Paulo, plures liberos utriusque sexus habuit, quorum aliqui in adolescentia absque liberis sunt mortui, quidam vero sacris initiati sunt. Barbara autem filia nupsit Francisco de Monteolo: horum filius Bartolomæus Vicedominus Martini & Leitron, ante annos complures mortem obiit, relictis Ioanne, Francisco & Petro filiis. Porro Petri de Chiurone frater Andreas duos filios suscepit, Franciscum abbatem de Cavorus in Pedemontio, & Urbanum Chiuronis & Villettæ dominum: hic genuit Michaellem, qui deinceps in Tarentasia Chiuroni dominatus est. Hanc generis successionem propter Raroniæ familiæ nobilitatem attexere volui. Porro in iisdem locis Raroniæ decumæ Æsperlingiorum magna potentia extitit, extinctis præsertim Raroniis. Fuit hæc vetus & nobilis familia. Verum bello exorto inter Waltherrum Episcopum Sedunensem & Rodolphum Æsperlingium, propter Enfischia vallis possessionem, Rodolphus, quod Sabaudos evocasset, illis victis, patria cum omni familia pulsus fuit. A Raronia versus Meridiem ultra Rhodanum, inter Vespian & Thurtmannum (pago id nomen est) montes pascui sequuntur, in quibus villæ complures sunt, & ignobiles viculi, qui Raroniis parent. Eodem loco est vallis Eischolia, in qua sunt argenti fodinæ. Verum infra Raroniam ab eadem fluminis parte Gestila vicus est, quem Castellionem inferiorem appellant: & prope hunc ruinæ arcis Turrianæ. Turriana familia olim in Vallesiis potens, & hanc arcem Turrianam, & proximam vallem Letschianam, item Ajentum prope Sedunum, & Contegium oppidum in Veragris possedit: præterea in Helvetiis Laupa & Frutingia vallis paruerunt. Sed posteaquam Antonius Tur-

rianus Guiscardum Sedunensem Episcopum per insidias crudelissime trucidavit, bello victi & bonis exuti sunt: eorumque arx Turriana & cæteræ munitiones dirutæ sunt. Luniza fluvius ex altissimis montibus supra Raroniam ortus, infra Gestilam Rhodano miscetur, hic finis est Raroniæ decumæ. Eodem loco vallis Letschia versus Septentriones inter altissimos montes viculos complures habet, & præterea plumbi metalla. Per hanc vallem & montem Letschium iter periculosum, & in quo multi præcipitio pereunt, ducit ad Helvetios in vallem Frutingiam.

LEVCIANVS CONVENTVS.

Leuclianus Conventus, qui Raronium sequitur, calidarum aquarum saluberrimis balneis celebris est. Vallis est ad Rhodani lævam, Gemmio monte altissimo, & cælum penè tangentibus jugis undique septa, unico tantum ad Meridiem exitu relicto, qui à balneis nomen habet. In hac valle inter amœnissima prata, calidarum tres fontes non longe distanti spatio scaturiunt, quorum unus qui largissimus est, hospitibus, quæ in usum balneantium extracta sunt, cingitur. Eo loco sunt piscinæ sive lacus octo, lapide strati & parietibus gypso incrustatis clausi. Sed hujus fontis tanta copia est, ut facile tot alios implere possit, quando vel media aquarum pars in publicam viam derivata nulli usui est. Fons alter, à pago remotior, à leprosis frequentatur: tertio illi utuntur qui cute usu balnei exulcerata, curatione levioris aquæ opus habent. Ad ducentos passus ab hoc fonte, scaturiunt alii fontes frigidissimæ aquæ, è quibus maximus à Majo tantum mense ad Septembrem usque fluere solet, cætero anni tempore aquis caret; vulgo D. Virginis fons nominatur, quod à festo Mariæ quod in Vere celebratur, usque ad festum Assumptionis perennis sit. Verum naturæ rerum periti hujus rei hanc causam tradunt: Vere, quando nives in Alpibus, è quibus oritur, liquefcere incipiunt, fons quoque incipit fluere: ac rursus sub Augustum mensem, quum primum Alpes illæ nivibus tectæ fuerint, fluere desinit: quod occulti meatus per quos scaturit, & primo calore aperiantur, & frigore rursus claudantur: ideoque modo tardius, modo citius pro tempestatum ratione fluere incipit & desinit. Idem in aliis Alpinis fontibus fieri usu & observatione, cognitum est. Calidi fontes perpetuo scaturiunt, & omnes æque calent, atque Vibericis plus fervent, nam gallinam immissam deplumant, & ova excoquunt. Aqua ipsa plerunque pura, limpidaque est, sed interdum crebro colorem mutat:

tat: odore caret, neque, ut plerunque calidæ solent, sulfur redolet: cupri & æris mixtura potissimum constare creditur. Medetur morbis frigidis & humidis, calefacit, exsiccat, abstergit, resolvit & constringit. Podagras mitigat: stomachum languentem roborat, & appetitum excitat: hepar, pulmonem, splenem juvare creditur: oculis lippientibus & obscuris, spasmo, catarrho, medetur: hydropticis & calculosis prodesse dicitur: uterum in mulieribus debilitatum confirmat, & solvit alvum bibentium: denique inveteratas & ulcerosas crurium plagas, & cicatrices ubivis male sanatas aperit & perfecte curat. Diversoria hujus loci pro regionis more minimi sunt ornatus & elegantiae, sed tamen ob regionis opulentiam non modo victus copia est uberrima, sed ne delitiae quidem desunt; adhæc aëris illius tanta est salubritas & amœnitas, infestissimo & morbido Syrii æstu, ut etiam vilissimæ habitationes salutare, gratæ, jucundæque omnibus videantur. Avorum memoria Iustus Sillinius Episcopus, balnea pecuniaria sibi hoc loco extruxit, & diversoria complura renovavit, atque templum D. Barbaræ sacratum primus hoc loco posuit. Utuntur vero aquis Leucianis non solum indigenæ Vallesii, sed vicini quoque Allobroges, & Helvetii, quorum major frequentia esset, nisi per Gemmum montem via præceps, angusta, & lubrica multos domi teneret. Ea namque est altitudo & asperitas hujus itineris, ut non male quidam ab gemitu Gemmum nominatum putent: quod transgredienti montem sæpe ob laboris & periculi magnitudinem suspirent & ingemiscant. Vicini tamen montibus assueti frequentissime per hunc montem Bernam eunt: sed æstate tantum, hyeme enim est impervius. Ex Gemmio monte per Balnearum vallem Dala fluvius in Rhodanum influit, supra hunc vi millibus passuum à balneis, Leucia vicus, caput Conventus Leuciani positus est, loco natura admodum munito: à meridie enim Rhodano, ab occasu Dala fluvio cingitur, uterque transitu difficillimus ponte jungitur, cui castellum superimpositum viam munit: à Septentrione prærupto monte clauditur, ad ortum verò exiguae fauces inter montes & Rhodanum iter angustum Raroniam versus relinquunt. Raronii Barones castellum quoddam in hoc vico olim incolere, id bello Raronio dirutum est, sicuti etiam arx Episcopi, quæ tamen postea restituta, nunc quoque durat. Leuciae plerunque comitia eligendis Magistratibus, & cognoscendis controversiis, ab Episcopo & legatis septem Decumarum celebrantur: quod locus in medio regionis situs, commodissimus videatur. Infra Leucias via publica per pontem Rhodani ad dextram fluvii ripam ducit, quo loco merces quæ per Alpes

in Italiam vehuntur, deponi solent. Ibidem vasta quædam est vorago, quam torrentes qui in Rhodanum evolvuntur, effecere, & hoc loco Leuciam quondam sitam fuisse tradunt. Prope Leuciam campus est, qui à gemitu nomen habet, Gemens pratum vulgo nominatur, propter prælium quod anno 1318, in his campis factum fuit. Quatuor millia ferè passuum infra Leucias Salges vicus sequitur cum Ecclesia D. Ioannis, & equitum Rhodiorum æde, cujus authorem nos ignoramus. Infra Leuciam Gallica lingua utuntur, superiores Germanica: in ipsis tamen vicis celebrioribus Leucia, Sideris, & Seduno, utraque lingua paulo lautioribus in usu est; sed extra hos vicos agreste vulgus (ut dixi) Gallica tantum lingua, eaque ita barbare utitur, vix ut à Gallo intelligi queant.

S I D E R I A N V S C O N V E N T V S.

Leuca ubi descenderis, montibus utrinque longius à Rhodano recedentibus vallis latius aperitur, & Soli magis exposita cum vitibus abundat, tum etiam fructuum copia longe superiores partes vincit. Sideræ vicus hic primus occurrit paulo remotior à Rhodano versus Septentrionem, elegantia ædificiorum & viarum mundicie, quos ante numeravimus pagis plerisque inferior, sed his soli fecunditate longe præstans. Ecclesia S. Catharinæ est in hoc pago, & arx non inelegans Hengartiorum, qui fortunarum suarum sedem Vespia huc transtulerunt. Versus Septentrionem pagi Siderianorum sunt, Musatum cum S. Sebastiani templo: Villa, pago id nomen est: & Lagesum cum templo D. Mauricii. Inter Rhodanum & Sideras Aymo Turrianus Episcopus Sedunensis cœnobium familiæ Carthusianæ extruxit, anno 1330, sed regione assiduis bellis vexata, exhaustis cœnobii opibus, Patres hujus familiæ alias sedes quærere coacti sunt: succedere in eorum locum ex Episcoporum voluntate Carmelitæ, qui mendicato vivunt, eoque commodius hic habitare potuerunt. Prope hoc cœnobium in tumulo quodam arx Sideriana, Episcoporum sedes, quondam erat, sed bello Raronio ab incolis incensa conflavit: murorum reliquiae magnam & elegantem arcem fuisse declarant. Secundum Rhodanum, ubi sesquihoræ itinere Sideris descenderis, Gradecium occurrit, oppidulum quondam, nunc dejectis mœnibus in vici formam redactum: servat tamen quædam adhuc oppidi jura, & nobilibus Tavelliis Gradecianis paret.

Supra vicum in rupe tres arces constructæ, & mœnibus oppidi comprehensæ bello Turriano

riano ab incolis vastata & deleta fuerunt, nunc murorum duntaxat reliquiae supersunt. Supra Gradecium ad Septentrionem est Lenfa vicus, & ecclesia S. Petri: mons vicinus à pago nomen accipit: sed infra Gradecium ecclesia & vicus S. Leonhardi sequitur, via Sedunensi: & juxta hunc fluvius è monte Ravinio, quà in Simmiam vallem transitur, ortus, qui Siderianos à Sedunis hoc loco dirimit. Bello Turriano juxta S. Leonhardi vicum ingenti proelio Turriani victi sunt anno 1375. Ad alteram vero Rhodani partem ex adverso Siderarum vallis est Enfschia, duorum milliarium longitudine, praestantibus pascuis abundat, & argenti quoque metalla habet: hæc quondam Raroniae familiae paruit, nunc quoque peculiari imperio regitur, & propria insignia habet. In hac valle sunt plures vici, sed praecipuus D. Euphemiae: arx praeterea Perrigarda in altissima petra extructa, quæ bello Raronio deleta est. Vssentia fluvius è summis montibus ortus per Enfschios in Rhodanum influit. Iuxta Vssentiam ex adverso Perrigardæ tres pagi Sideriis annumerantur, Fertorinum ad S. Bonifacium, vulgo vocant Fercoreii, & Schaleium, ac Gruna. Inter Fertorinum & Grunam sunt argenti metalla.

S E D U N E N S I S C O N V E N T V S.

Septimus Conventus Vallesiorum (si ab ortu fluminis eos numeres) à fine Siderianorum usque ad Morsam fluvium, qui Veragros à Sedunis dividit, VIII millia passuum longitudinem habet, latitudinis aliquanto plus, valle illic latius se expandente, & quibusdam aliis vallibus inter altissima Alpium promontoria se insinuantibus. In hujus medio Sedunum ad Sittam fluvium jacet, non solum illius Conventus, sed totius Vallis caput. Incolæ lingua Sabaudica Seon, Germani Sittam nominant: Latini civitatem Sedunorum, & Sedunum totius gentis nomine: quod aliis quoque urbibus accidit, ut populorum, quorum caput erat, nomina sibi adsciscerent: sic Rhemorum & Parisiorum nomine urbes celeberrimæ in Gallia nuncupantur, quæ horum populorum oppida maxima quondam fuerunt. Vrbs Sedunorum sita est in amœna planicie, sed ab oriente mons mediocris altitudinis illi imminet, qui in media planitie solus inter altissimos montes, quibus vallis universa cingitur, assurgit duobus verticibus. Horum sinister sublimior & undique præceps, unicum duntaxat à civitate ascensum habet, eumque difficilem ubi equo uti non licet: in hujus summitate est arx Tybele, quam Episcopi, si metus aliquis pestis

Helvetia.

existat, inhabitare solent, quod illic sit aura salubrior & frigidior. In radice hujus verticis propius urbem alia est domus Episcopi, quam Majoriam nominant, olim arx nobilium quos Majores Sedunenses nominarunt, sed à Bartholomeo Grisaco Majore, vendita est Episcopo Sedunensi, Carolo IV imperante. Alterum montis verticem Valeriam nominant, in hoc est templum D. Catharinae & ædes Canoniorum, qui intra annos 300, (ut ferunt) propter assidua bella hunc locum exædificarunt & inhabitarunt. Veruntamen nomen ipsum Valeriae me movet, ut multo ante tempore hunc locum à Romanis munitum credam, sed bellis aut alio modo vastatum, postea à Canonicis opportunitatem loci secutis denuo restitutum. Inter has arces passim per montem facella, aliaque vetera ædificia spectantur, partim diruta, partim integra & renovata. Inter cætera prope ludum literarium vetusta domus ostenditur, palatium Theodori primi Sedunorum Episcopi. Civitas ipsa, quæ monti adjacet, pro captu regionis satis eleganter extructa est, & illi quotidie plus decoris accedit: cives enim pace diuturna opibus aucti, urbem novis ædificiis subinde ornant, quæ antea bellis sæpe vastata, aliquoties incensa & pene deleta fuit, ut in historia Sedunorum legitur. Tempa celebriora habet D. Virginis unum, propè Gundesianam portam, quod olim Episcopale templum fuit; & collegium canonicorum habuit, qui non, ut olim, urbem ipsam, sed Valeriam incolunt: alterum D. Petri, item S. Trinitatis, & ad mœnia D. Theodori templum à Matthæo Cardinale extructum. Sitta fluvius urbem perluens, salubriorem & muniorem secum avectis sordibus eandem efficit. Urbem esse vetustissimam absque dubio est, cum enim Iulii & Augusti Imperatorum ætate jam tum celebre fuerit nomen Sedunorum, necesse est fuisse tum quoque aliquod totius gentis maximum oppidum, quod non aliud fuisse præter hoc, & nomen, & situs ipse loci confirmat. Frequentibus autem vastationibus & incendiis vetera monumenta perierunt, extat tamen adhuc in summo templo D. Virginis, ad majorem templi portam, antiqui marmoris fragmentum, unicæ vetustatis Romanæ reliquiae.

Sedunum hodie sedes est Episcopi, qui regionis princeps est: Episcopatus vero Sedunensis unus est è vetustissimis totius Galliae. Sigebertus in Chronicis refert anno Domini 511, Florentinum Episcopum Sedunensem pro Christo mortem pertulisse. Rursus in Agaunensis cœnobii, quod à D. Mauritio martyre nomen habet, consecratione mentio fit Theodori Episcopi Sedunensis: extructum autem fuit hoc cœnobium à Sigismundo Burgundionum rege circa annum Domini 505.

Y

Sed

Sed in Concilio Epaunensi, quod circa annum Domini 510 celebratum fuit sub eodem Sigismundo rege, mentio fit Constantii Octodorensis, id est, Valensæ Episcopi, & in Concilio Aurelianensi quinto circa annum Domini 546, sub Childeberto Francorum rege, Rufus Vallengium Octodorensium Episcopus adfuit. Et longe ante hæc tempora Theodorus Octodorensis Episcopus Concilio Aquilejensi interfuit, circa annum Christi 385. Nam id celebratum fuit tempore Gratiani Imp. & Damasi PP. Siagrius & Eucherius Coss. Quare nonnulli censent Vallesiam olim duos Episcopatus habuisse, Sedunensem & Octodorensis; uti enim distincta jura fuerunt Sedunorum & Veragrorum, ita quoque Episcopatus diversos fuisse arbitrantur: Sed alii contra censent id regionis angustiam vix pati: etsi enim urbes pene conjunctæ in Italia proprios Episcopos habent, aliam tamen rationem servatam ajunt in provinciis, præsertim Transalpinis, in quibus longe majores sunt diœceses Episcoporum, quam in Italia. Præterea id indicium unici Episcopatus esse volunt, quod unius tantum Theodori Sedunensis Episcopi mentio fiat in dedicatione cœnobii D. Mauritii apud Agaunum, à qua non est credendum abfuturum fuisse Octodorensis Episcopum, in cujus diœcesi hæc agebantur, si alius à Sedunensi fuisset. Existimant autem Octodorum, quod caput aliquando Vallengium fuit, ut ex libello Provinciarum apparet, primam fuisse Episcoporum sedem, donec bellis Burgundionum vastatum & dirutum fuit, deinde Episcopatum Sedunum translatum esse: ac rursus propter Seduni excidia in veterem sedem rediisse, donec id restitueretur. Vel Florentinum & Theodorum Sedunenses Episcopos non ab urbe, sed à populo denominatos, quod Sedunorum vetustissimum nomen omnibus Vallengibus, ut hodie etiam solet, tribueretur. Nos rem in dubio relinquimus: nomina autem Sedunensium Episcoporum & res gestas alii persequuntur, nunc regionis descriptionem, ut cœpimus, contexere pergemus. Supra Sedunum inter Ortum & Septentrionem est vicus Ajentum, & mons Ravinius, per quem itur ad Simmiam vallem Helvetiorum Bernarum. Ajenti & arcem & imperii aliquid Turriani habuerunt, verum bello cuncta illis periire. Inde post fluvium Sittam sequitur S. Pancratii Ecclesia, & vicus Grimfusa, post hunc Saviesfa, S. Germani vicus, & mons Santschius: per hunc Sana vallis Grueriorum Comitum aditur. Ex monte hoc oritur Morfa fluvius: sed inter montem & Sedunum supra fluvium in editissimis & pene inaccessis rupibus, duarum arcium rudera cernuntur, una Seon nominatur, è qua Antonius Turrianus Guiscardum Tavellium Episcopum præ-

cipitem dejecit: altera vulgari lingua Montarsum, & in Latinis diplomatibus Mons Ordei nuncupatur. Ab altera autem Rhodani ripa, è regione Seduni Bornus fluvius Rhodano miscetur: ortus hic è monte Sylvio qui Salassos à Sedunis dividit, & ad xvi millia passuum per Vrensiam vallem labitur: juxta fluvium est ecclesia S. Martini cum pago adjuncto; Massius præterea pagus, & Naxa cum templo D. Mauritii. Habet & alium fontem Bornus, nam ex Alpibus fere eisdem, ad 18 millia passuum à Rhodano fluvius oritur, qui octo millibus passuum à fonte suo priori miscetur: vallis per quam defluit, Armenia nominatur: æris secturæ eximie bonitatis hoc loco sunt, & pagus ejusdem cum valle nominis, ac alter Voschius nomine supra confluentes utriusque fluvii. His locis Salsularum fons ante annos aliquot ^{salsularum fons.} inventus est, è quo salem coquere cœperant, sed hodie negligitur, partim quod sal ex hac aqua non admodum probetur: partim propter sumptus qui maximi faciendi sunt, ut aqua dulcis unà profluens à falsa separetur: partim etiam, si vulgo credendum est, eorum opera qui sal marinum in Vallesiam vendunt. Supra Rhodani autem & Borni confluentes in montis radice est Bremisa pagus, & prope hunc ex rupe excisa sine ullis tignis & trabibus ligneis formatum est integrum cœnobium, hoc est, templum, cubicula, conclave, culina, cella vinaria: monachi qui incoluere brevi omnes, ob loci, ut creditur, humiditatem, ad unum usque periire: itaque ab habitatoribus nunc desertum est & vacuum.

V E R A G R I.

Post Sedunos Veragri imam vallem inhabitant, à Morfia flumine ad fauces usque qua Rhodanus egreditur, inferiorem Vallesiam eorum regionem hodie nuncupant. Meminere horum Cæsar, Plinius, Strabo, Livius, qui ipsos semigermans facit, itinera enim quæ ad Pennium ferant, cujus juga Veragros incolere scribit, gentibus semigermanis tempore Annibalis obfessa fuisse tradit. Sed nostra ætate Veragri Gallica lingua sive Sabaudica utuntur, quam ipsi Romanam vocant; nam cum Romani rerum potirentur, veterem suam, Celticam linguam (quæ non alia forte fuit à Germanica nisi dialecto differens, unde etiam morum & linguæ ratione semigermani à Livio dicti sunt) dedicere, aut potius Latinam, qualis in provinciis quibusdam in usu erat, cum hac commiscentes, utramque corrumpere. Verum in summis vallibus & quæ cacuminibus Alpium proximæ sunt, incolæ Germanicæ linguæ usum retinuerunt, non tantum apud Vallesios, sed in adversis quoque Salassorum & Le-

Lepontiorum vallibus, ut in Aiaza & Cremera, & Sessite, Ofceala, Antigoria, Madia, in quibus omnibus cum Italica lingua utantur, tamen vici aliqui sunt, & præsertim cacuminibus Alpium proximi, in quibus Germanice loquuntur. Existimandum est hos veterum incolarum reliquias esse, in variis enim migrationibus gentium, ipsis suæ sedes permanere; nemo enim alius in his locis habitare voluisset aut potuisset, præsertim cui liceret alibi cultiori loco sedes quærere: itaque veteres incolæ propter Alpium transitum illic relictæ sunt, qui iter per aspera loca munit, & viæ duces peregrinis essent. Sic igitur suprema pars Vallisæ veteres incolas, linguam quoque Germanicam retinuit: alibi linguæ Gallicæ seu Romanæ usus introductus est: cæterum an id debeamus Seduno & Oëtodoro, quibus in oppidis aliquis Latinæ linguæ usus fuit, ut veteres inscriptiones testantur, ac forte etiam Itali homines mercaturæ causa illic habitarent: an in Vallisiam novi coloni, vel ex Allobrogibus vel aliunde immigrarint, affirmare non possum. Mihi non dissimile vero videtur, quum diu Burgundiæ regno, & postea Sabaudis principibus (utriusque autem in Allobrogibus imperarunt) Vallisiani inferiores subiecti fuerint, complures ex vicina Allobrogum regione hæc commigrasse, & ita alienæ linguæ usum introductum.

Parent Veragri nostra ætate superioribus Vallisianis, & in Conventus sex, ut diximus, distributi sunt, quorum primus ad dextram Rhodani jacens Contegianus, à Contegio, quod vulgo *Gundes* vocant, denominatur: Pagi hujus nominis sunt duo; alter à Rhodano remotior, quondam oppidulum, Contegium Castellum nomine, alter flumini propior, quem Contegium planum nominant. Ab his non longe distat Vertrunius vicus, qui eidem Conventui attribuitur, & à sinistro latere Rhodani, mons vinetis & pascuis amœnus Neinda, cum ejusdem nominis pago. Paruit aliquando hic Conventus Turrianis, qui in Contegio Castello arcem habuerunt, sed bonis hujus familiæ propter Episcopi cædem publicatis, ipsorum ditio Episcopatus & Reipublicæ Sedunorum cessit, arx diruta est. Eandem ab Amedæo Sabaudia comite, qui Veragrorum imperium sibi vendicaverat, restitutam, Vallisiani illo victo denuo diruerunt. Paruerunt deinde Contegiani Bernatibus, bello enim Veragrigo, quod anno 1475 gestum est, Bernates suppetias tulere Vallisii, qui illis in stipendium Contegium dedere: sed bello Allobrogico anno 1536, Vallisii data Bernatibus præfectura ad lacum Lemanium, quæ Aelen vocatur, Contegium, quamvis impari permutatione, ejus loco receperunt, ne deinceps quisquam exterorum ulli parti Vallisio-

rum imperaret. Contegii celebris est Serventum vetus & nobilis familia.

Infra Contegium ex Alpibus illis quæ Veragros à Bernatibus Helvetiis separant, Lifferna fluvius Rhodano miscetur, post hunc Ardonius alter Conventus Veragrorum, & vicus eodem nomine sequitur. Ad hunc Conventum pertinet & alter pagus Schamosius ad D. Andream, & cœnobium D. Petri unâ cum conjuncto pago.

Tertium Veragrorum Conventum Sallionium nominant, à Sallionio oppidulo; id in edito colle situm, loco amœno, arcem quoque sui nominis habuit, sedem Sallionia nobilis familiæ: Werinus Sallionius anno 1210, Sedunorum Episcopus fuit. Familia hæc post extincta est: arcem Seduni bello Veragrigo dejecerunt. Inter Sallionium & Ardonium vicum est templum S. Martini, & vicus Leitrone: sed sub Sallionio est Fulliena pagus, & ecclesia S. Sulpitii. Duo hi Conventus siti sunt ad dextram Rhodani, nisi quod unicus præterea vicus Ridenæ cum Ecclesia S. Laurentii, ab adversa fluminis ripa, Conventui Sallionio accensetur. Proximus conventus à situ nomen habet, & Intramontius nominatur, nam undique altissimis montibus cingitur. Vallis prima, quæ magis ad Orientem vergit, Baneas, credo à Balneis quæ forte olim hic fuere, nomen habet, & nomini insignia respondent: hanc fluvius à meridie defluens secatur, qui prope Branscheriam pagum alteri miscetur, & ambo Dransæ nomen accipiunt: vicus hujus loci à D. Mauritii templo & valle nomen habet. Iustus Sillinius Episcopus argenti metalla primus hic invenit, quæ nunc quoque cum fructu exercentur. Altera vallis Intremontiorum à Pennino monte Branscheriam usque porrigitur quatuor leucis Gallicis, quo loco alter fluvius Dransæ priori miscetur. Pagum qui duabus leucis à summo Pennini jugo distat, S. Petri Burgum appellant, ab eo vallis nomen accipit, 14 mill. pass. post hunc Lida sequitur, & pari post Lidam spacio Orsiera vicus & D. Nicolai templum. Orsiera vero, & S. Petri arx atque Baneæ, singuli pagi propria distinctaque jura & peculiaria insignia habent, sed Intremontiorum Conventu comprehenduntur.

Branscheria præcipuus pagus hujus Conventus, xx millia passuum summo Pennino distat, celebre hic est D. Stephani templum. Saxo etiam vicus Oëtodoro propinquus Intremontiorum est, una cum arce, quæ in prærupta rupe quondam hoc loco habitabatur, sed bello Veragrorum diruta est: & ex altera Septentrionali Rhodani ripa Vulieffus pagus, & templum sancti Martini.

A Branscheria vico per S. Petri vallem & Pennini jugum, quod nunc montem S. Bernardi majorem vocant, iter est ad Salassos. In sum-

summo Pennini coenobium extat, in quo hospitio excipiuntur qui per has Alpes iter faciunt. Etenim mons ipse assiduis nivibus tectus, & omnia late ab utraque parte squalida & sterilia sunt: itaque jumentis sarcinariis ex proximis celebrioribus vicis omnem annum in jugum montis convehere necesse est. Fratres hujus coenobii peregrinos magna humanitate excipiunt, & quotidie ab utroque montis latere illis obviam progrediuntur, cibum & potum delassatis adferentes, viam ostendunt, & in monte superando illis auxilio sunt. Pauperibus gratis victum dant, opulentiores suo quisque arbitratu symboli loco munera dant. Si qui hic moriantur, cum nihil terræ hoc loco sit, in profundissimam foveam ruptæ glaciæ abjiciuntur; ea illorum sepultura est. Qui coenobio præest, Eleemosynarius vocatur, ac in Lausanensium Episcoporum annalibus traditur, Hartmannum Eleemosynarium hujus coenobii supra septingentos & viginti abhinc annos Lausanensem Episcopum factum esse, anno 851. Quo tamen anno coenobium hoc primum conditum sit, ignoratur: non est dubium longe ante ejus originem hoc loco hospitium aliquod in usum peregrinorum extructum fuisse: quod postea in coenobium commutatum fuerit. Domesticis monumentis proditum est in hoc monte idolum quoddam fuisse, quod petentibus responsa dederit. Livius etiam scribit libro vigesimo primo fuisse in summo sacratum vertice Poeninum, & ab eo montem nominatum: quidam Iovem hic sacratum fuisse arbitrantur, & ideo jugum hoc Alpium Montem Iovis nominarunt. Posteaquam verò Salassi & Veragri ad agnitionem Christi venerunt, Bernardus sacerdos ex Augusta Prætoria, piæ & sanctæ vitæ homo, idolum deiecit, & coenobium eo loco in usum peregrinorum instituit, ab eo deinde mons nomen accepit. Vulgus nugatur dæmonem qui responsa dederit, ab eo in horrendam specum hujus montis quibusdam adjurationibus compulsus, illic quasi carcere quodam detineri.

Scio à nobis de Poenino, quem S. Bernardi majorem montem arbitramur, complures viros doctissimos dissentire, sed nos nostram sententiam, quæ tamen non nostra est, sed clarissimorum virorum, Henrici Glareani, Ægidii Scudi, Alberti Leandri, alibi confirmabimus, ne absque ratione hos secuti esse videamur.

Martiniacensis conventus proxime sequitur, & primum vallis, mediocri spacio inter montes occasum versus sese diffundens, quam Tridentinam nominant, in qua ferrum è montibus effoditur: per hanc itur ad Bodiontios: mox vicus Martiniacus ad dexteram Dansæ fluvii, à cujus altera parte arx in præcipiti petra sita est, quam aliquoties vasta-

tam Episcopi Sillinius & Matthæus Cardinalis restituerunt. Hoc loco via per Alpes se in duas partes dividit, una per Sedunos & Veragros ad Sempronias Alpes & Furcam aliasque juga ducit: altera per Intremontios & Penninas Alpes ad Salassos. Martiniacus vicus est Octodorum veterum, caput quondam Vallengium: nam qui Octodorum inferiori loco ostendunt, & vestigia ejus eluvione Dransæ & Rhodani deleta volunt, nulla firma ratione nituntur. Nam primum, ut Cæsar describit, Octodorus vicus positus in valle, non magna adjecta planicie, altissimis montibus undique continetur, & in duas partes flumine dividitur: quæ descriptio Martiniaco optime convenit. Flumen autem non Rhodanum intelligi à Cæsare, sed Dransam, Eutropius ostendit, qui torrentem nominat: & Rhodani celeberrimi fluvii nomen Cæsar haud reticisset. Deinde Antonius in suo Itinerario scribit Octodorum à summo Poenino distare 25. millibus passuum, & à Tarnada XII. M. P. quæ distantia hodie quoque eadem fere traditur: nisi quod quidam ad summum Poenini plus III. millibus P. numerant: quo minus illi audiendi sunt, qui longius à Poenino Octodorum remonent: minime omnium qui Octodorum esse volunt S. Mauriti oppidum.

Octodorum Iulii Cæsaris ætate vicus fuit, ^{Octodorum.} atque illic cum Veragris & Sedunis Galba Cæsaris Legatus pugnavit, & victor omnia ejus vici ædificia incendit. Postea (forte tum postquam gentes illæ Alpinae omnes à Cæsare Augusto devictæ fuerunt) oppidum factum est, & incolæ Latio donati. Sequentibus deinde seculis Maximianus Hercules, cum exercitum adversus Bagaudas duceret, Octodorum venit, & illic sacrificiis peractis, milites sacramentum dicere jussit: ac Thebeam legionem id renuentem Agauni trucidavit, ut in Agaunensium martyrum vita scribitur. Ab illo tempore crediderim in his regionibus fidelium numerum crevisse: nam sanguine piorum rigatur Ecclesia Christi: numero autem credentium aucto, uni Episcopo Ecclesiarum cura commissa fuit, qui Octodori sedem suam aliquando habuit: ut in Sedunis ostendimus. Postea cum Burgundiæ reges, sub quorum imperio Veragri & Sedunitum erant, assiduis bellis peterentur à Francis, cum universa vallis, tum Octodorum multa perpeffum vastatumque fuit, & ab eo tempore nunquam pristinam dignitatem recuperare potuit: Episcopatus tamen apud Sedunos permansit: Octodori vero in locum oppidi vicus successit, frequentior & notior propter mercatores, quibus hac frequens per Alpes iter est.

Sub Octodoro ad sinistram Rhodani hi viculi sequuntur, Iuviana, Servantia, Verosa, mox

mox Tarnadæ oppidulum, juxta quod montes in unum penè coeunt, exiguo spacio qua Rhodanus effluit relicto, vallem præruptis & altissimis rupibus quasi muro quodam claudunt. Rhodanum incolæ eo loco ponte fornicato stravere, cui Castellum additum est, & porta ponti imposita, qua tota Vallis clauditur: montes enim hyeme plerique impervii sunt, ipsa etiam æstate difficulter transiri possunt, neque ulla via militaris & convehendis curribus tormentorum apta, per hos montes patet: præterea singuli aditus & summa quoque montium juga in Vallesiorum potestate sunt, quæ illi exigua manu tueri facile possunt. Recte itaque incolæ totam vallem unum quoddam oppidum censent, montibus quasi moeniis munitum, cujus porta Tarnadæ sit. Tarnadæ autem Antonium secuti oppidum hoc nominamus, veterum plerique Agaunum nominarunt, nomine Germanico *Am Gans* paululum deflexo, nomen id locum rupibus plenum sonat: & certe talis est Agauni situs. Locum hunc à Iulio Cæsare bello Gallico munitum fuisse plerique credunt, ut sic Alpium transitum in potestate haberet: quo consilio etiam Oëtodoreses Latio donati sunt.

Multæ inscriptiones in templi pavimento, parietibus & muro cœmiterii visuntur, sed vetustate exesæ & attritæ sunt, ita ut vix paucissimæ literæ agnosci queant. In sacello ejusdem templi supersunt tres columnæ marmoreæ, antiqui operis, & penè summam aram pavementum tessellatum variegati coloris.

*Legio
Thebaa
castra.*

Hoc loco à Maximino Imperatore Legio Thebea, cujus dux erat Mauritius, propter confessionem nominis Christi castra est. Ab eorum martyrio annis circiter 220, cum locus hic apud Burgundos, qui in his regionibus dominabantur, magnæ venerationi esset, Sigismundus Rex Burgundiorum Maximi Genevensis, Theodori Sedunensis & aliorum Episcoporum oratione impulsus, eodem loco in honorem martyrum cœnobium celebre construxit, S. Severinum abbatem ibidem constituit, oppidulum Tarnadæ juxta positum moenibus ampliatis cœnobio conjunxit, & eidem (ut vulgo loquuntur) incorporavit: ab eo tempore Tarnadæ nomen obsolevit, & nunc vulgo ad S. Mauricium nuncupatur. Tabulæ dotationis testantur Sigismundum regem amplos redditus huic cœnobio donasse, & credendum est Clodoveum Magnum, Francorum regem, non pauca eidem dedisse, si modo verum est, quod ab Aimoino traditur, ipsum à Severino primo abbate febre liberatum esse. Fuere abbates post Severinum usque ad Carolum Magnum Imp. 31, in quorum tamen numero Severinus in vetustis hujus cœnobii monumentis non ponitur. Aletheo abbate simul & Episcopo Sedunensi Ca-

Helvetia.

rolus Magnus reliquias martyrum hujus loci invisit, & abbati ac monachis multa largitus est. Eiusdem Imperatoris filius Carolus Leonem Papam Roma ad Carolum Imp. proficiscentem Agauni excepit, & ad patrem deduxit. His temporibus fratres hujus cœnobii D. Benedicti regulam profitebantur: sed aliquanto post mortuo Adelongo Sedunensi Episcopo & D. Mauriti abbate, qui Aletheo successerat, Ludovico Pio Caroli filio imperante, monachi hinc propter vitæ petulantiam & improbitatem ejecti, & in eorum loco presbyteri & canonici à Ludovico substituti sunt, & datus his præpositus qui ipsos regat. Ultimus in ordine Præpositorum Reinoldus fuit, Amedæi Comitis frater: illo tempore opibus cœnobii dissipatis, quas Canonici partim turpiter prodegerant, partim liberis suis largiti fuerant, ad tantam egestatem Collegium illud pervenit, ut nemo amplius cœnobium inhabitaret, aut sacra perageret: donec tandem Amedæus Comes permotus precibus Hugonis Gratianopolitani Episcopi, Agaunum venit, & ab alienata bona Ecclesiæ restituit, & in locum Canoniorum, alterius familiæ Canonicos, quos regulares nominant, delegit, imposito his Priore Hermencrado, anno 1136. Ab his cœnobii opes rursus auctæ sunt, nam & Petrus Tarentasiensis Episcopus fratribus non pauca donavit: & Amedæus Comes Præposituram Balnearum illis attribuit: aliorum quoque liberalitate, & fratrum diligentia & parsimonia brevi tempore opes illorum plurimum crevere: his autem auctis, Prioris nomen fastidientes, ab Eugenio Papa impetrare Abbatis nomen & dignitatem. Ac Hugo secundus cœnobii Prior, anno 1146, Abbas ab Eugenio Papa Lugduni appellatus est: quo anno ab eodem Pontifice templum D. Mauriti consecratum tradunt. Eadem dignitas & vitæ institutum hodie manet. Non possum hoc loco præterire quod à viris gravibus ac ab omni superstitione alienis, qui sese oculatos testes afferebant, audivi, in piscina cœnobii Mauritiiani pisces servari pro fratrum numero, notis insignitos certis, quorum si quis moritur, brevi fratrum aliquem consequi, & omnino certissimam mortem fratrum alicui portendi, si piscis mortuus in aquis appareat. Quidam tamen fidem huic narrationi derogant: atque nullos alios pisces in vivariis cœnobii servari ajunt, quam truttas è Rhodano huc delatas.

*Piscina
mirabilis.*

Infra Agaunum incipit Antuatium regio, quos quidam cum Strabone Nantuates appellare malunt, hi juxta Rhodanum & lacum Lemani ab utraque parte ad summas Alpes incolunt. Per hos iter à Pennino ad dextram Lemani ducit in Germaniam, Argentoratam & Moguntiacum; cujus Antoninus Itinerarii provinciarum auctor meminit:

Z


ac

*S. Mauri-
tii Abba-
tia.*

*Via extra
Valle-
siam.*

ac ponit Tarnadæ, quod Agaunum & S. Mauricium nominari supra diximus, & Pene locum hinc distantem M. P. 1021, id quidam putant esse oppidulum ad caput fere Lemani Germanis *Neuwenstat*, Villa nova Gallis nominatum: inde Bibiscum quod vulgo Vivis nuncupant, M. P. 1009, hinc sequuntur Bramagum vicus, Bramafans hodie, Minnidunum *Milden*, Aventicum, Petinesca, Saloturum, Augusta Rauracorum, &c. Porro aliud iter ad sinistram lacus ducit ad viam Grajarum Alpium, Bautas oppidum, quod hodie Bonam vocant, inde vel per Equestres in Helvetiam & Germaniam itur, quod iter ab Antonino describitur: vel per Centrones Lugdunum: Tarantasia enim caput Cen-


tronum M. P. 1040, à Bauta distat. Vtroque autem latere Lemani ab Agauno Genevam, & in Allobrogas iter est. Populos qui ad sinistram Lemani habitant, quidam omnes uno Equestrium nomine contineri censent, hodie quoque vulgo Gavoti, item ab equo Caballicenses nominantur, *Pays de Gavot*, & *Pays de Chabaul* seu Tschaballes dicti. Supremam regionem Agauno proximam Vallesii occuparunt, quando societate cum Francisco Galorum rege & Bernatibus atque Friburgensibus facta, bellum adversus Carolum Sabaudia Ducem gesserunt, anno Domini 1536. Nostri ætate maxima pars Antuatium Principi Sabaudia paret.



A B B A T I S - C E L L A ,

vulgò

A P P E N Z E L.

Situs & nomen.*Abbatis-Cella vici.**Qualitas.**Regimen.*

Abbatis-Cella est regionis & vici nomen. Regio hæc supra S. Galli oppidum sita est inter altissimos montes, juxta Rhætorum fines. Vicatim habitatur, & octo insignes habet vicos; quorum

singuli suas ecclesias seu templa, ut vocant, parochialia habent. Omnium caput est, quam Abbatis-Cellam vocant, à qua regio nomen habet; hæc omnibus modis oppidum repræsentans, sita est ad Sintriam; & quia frequentius in vico hoc Abbates S. Galli, tum regionis Domini, versabantur, & in eo quoque arcem munitissimam, Clanxiam nomine extruxerant, inde nomen accepit ut Abbatis-Cella diceretur.

Regio tota montibus amœnissimis, nec non pascuis lætissimis constat, unde armentorum ingens numerus, lactis, butyri caseique incredibilis affluentia. Incolæ ex armentorum proventu & lino quod cogunt, texuntque, vitam sustentant, merces suas in oppido S. Galli vanales offerentes.

Sigebertus Austrasiæ sive Alemanniæ Rex, hujus regionis incolæ, ut servos regios & fisco addictos, Monachis Cœnobii S. Galli dono dedisse fertur anno 1151. Paulatim dein à variis nobilibus, Comitibus, dominis tota regio in Abbatum potestatem venit; tumque in varias jurisdictiones, communitatesque divisa & separata fuit, quæ non solum suam rempublicam, sua insignia, vexilla, sigilla; sed etiam jura diversa haberent; ita separati omni ex parte Abbatis-Cella, Altstetten, Troga, Hundivilla, Herisovia aliique vici; nihil commune habentes, quam quod uni eidemque Abbati S. Galli nempe, parerent domino. Postea cum Abbatis-Cellani à nobilibus, per Abbatem mitti solitis, acerbius tractarentur, in contemptum privilegiorum acquisitorum, sese in libertatem asseruere, primum armata manu; post etiam pace facta, magna pecuniæ summa Abbati persoluta, libertatem sibi posterisque redemerunt; & reipublicæ formam instituerunt, qua hodie utuntur; & cum ante, ut jam monui, singuli vici sua insignia, propriosque conventus haberent, unum tantum signum totius regionis, unicum

Helvetia.

conventum & Iudicium, in quod ex omnibus vicis præstantissimi deliguntur, esse voluerunt. Anno 1403 denique nobiles omnes expulerunt, cum ab iis intolerabiliter continuo vexarentur, & societatem junxerunt cum Pagis Helveticis, Tiguro, Lucerna, Suitia, Vnderwaldia, Tugio & Glarona. Anno 1452 sese cum septem antiquioribus Helvetiis pagis perpetuo fœdere junxerunt, & ab eo tempore Austriis, Burgundicis, Suevicis bellis, cum Helvetiis militarunt, illisque fidelem ac utilem operam his bellis navarunt. Anno autem 1513, in numerum pagorum ascripti sunt.

Abbatis-Cellanorum Ager dividitur in partes sive ordines duodecim, ipsi vocant *Roden*; harum sex conjunctæ pago Abbatis-Cellæ dicuntur interiores; atque olim imperio Abbatis S. Galli paruerunt; reliquæ sex, exteriores nominantur, positæ extra ditionem Abbatis, quondam partim liberæ, partim nobilium jurisdictioni subjectæ. Concilium Abbatis-Cellanorum constat 144 hominibus, duodecim scilicet ex unaquaque parte desumptis; quorum singuli, si de rebus majoris momenti deliberandum sit, unum duosque viros sibi adsumunt, adeo ut pro negotiorum mole Consilium duplicari, vel etiam triplicari soleat. Potestas summa hujus pagi penes Concilium totius plebis est, uti & Alemanni, & reliquorum Magistratuum electio, qui iidem fere, & similes hic ut in aliis Pagis sunt. Iudicia duo sunt: Prius in publico composito residet, & inde nomen habet, *das gassen-gericht*; Iudices in eo sunt 24, è singulis partibus regionis bini; præest his publicus apparitor, *der Lantweybel* dictus; ac singulis septimanis quarta feria conveniunt, hi multas imponunt, & puniunt eos qui injuriam alteri fecerint. Posterius, quod juratum Iudicium nominatur, *das geschworen gericht*, constat duodecim iudicibus, qui dubias controversias, & quæ delato jurejurando finiuntur, cognoscunt. Apud eosdem ex singulis duodecim partibus totius regionis singuli Senatores eliguntur, & è majoribus partibus plures. hi observant eos, qui publica edicta violarint; deinde ea, quæ majori Senatui proponenda sunt, prius ab iis deliberantur: ideoque Nomophylaces simul & Probuli sive Præcon- sultores existunt, eorumque munus est per-

A a

pe-

Religio.

petuum; vulgo autem apud ipsos vocantur *Landhälich*. Abbatis-Cellanorum porro major pars Reformatis se addixit, abolitis Romanæ Ecclesiæ ritibus: universi tamen controversias matrimoniales ad Consistorium Constantiensis Episcopi deferunt; Magistratus autem ex utriusque religionis civibus constat.

F R A W E N F E L D V M.

Frawenfeld, caput Turgeæ regionis, non longe à Murg fluvii ripis dissitum est; biennio post Rapperswilam, anno scilicet 1460, septem pagi Helvetiorum id cepere, bello quod contra Sigismundum Austriacum ab iis gestum est. Subest vñ pagis antiquioribus, sed salvis suis privilegiis. Senatum habet peculiarem, & præterea confessum Iudicum duodecim, *das Wochengericht*, qui controversias civium, & eorum qui extra urbem in pagis proximis ad urbis jurisdictionem pertinent: criminales vero causas, & hereditatum, ac similes Senatus dijudicat: à Iudicio ad vñ Pagos Helvetiorum provocatio datur, sed à Senatu nulla. Ammannus regionis Iudicio præsidet. Oppidum vero carcerem & jus sumendi capitalis supplicii, antiquitus quoque sub Austriis Principibus habuit; atque hodie Helvetii jura ejus conservant & tuentur; & quamvis summa jurisdictio rerum capitalium ad Pagos decem pertineat, Frawenfeldum tamen excipitur; quod, ut dixi, septem Pagis paret, salvis suis privilegiis. Habet etiam Cœnobium Augiæ divitis, in lacu Constantiensi situm, quædam jura in hoc oppido, & cives se sacramento ei obstringunt, postquam litteras ab Augiensi domino acceperint, quibus promittit se jura cœnobii sui, quæ in oppido habet, nunquam oppigneraturum, venditurum, alienaturumve esse; ac præterea conservaturum ipsis singula ipsorum jura, privilegia, immunitates & bonas consuetudines. Præterea belli tempore ducem, Legatum & signiferum habent suos; olim quoque eosdem universa Turgea sequi, & illis sacramentum dicere tenebatur, sed nunc peculiare duces, propriaque signa consecuta est.

T V R G E A ,

vulgò

T V R G O W.

Termini.

Turgeam Rhenus & lacus Constantiensis ad Septentriones terminant, reliquas partes Rheintalia, Werderbergenensis Comitatus, Altofaxi dominium, & Tigurinus pagus, cujus haud contemnendæ in ipsa Turgea sunt ditiones, terminant; cæterum, inter

omnes præfecturas Helvetiorum nulla est amplior & populosior quam Turgea: quippe quæ parochias supra 50 habet. Huic præfectos dant *Regimen*. Pagi vñ vetustiores, & ad hos dominum regionis & civilis jurisdictio pertinent, atque, si bello petatur Helvetia ab externo hoste, cum his militant: suprema autem jurisdictio causarum criminalium & capitalium 10 Pagorum est. Cæterum Ecclesiastici ordines multi, & quam plurimi nobiles, passim in vicis Turgeæ inferiorem jurisdictionem obtinent, sic tamen ut ipsi nihilominus præfecto totius regionis subjecti sint: atque hi edicunt & mulctant libræ unius pœna: possunt deinde edicere & mulctas imponere ad decem usque libras, sed media pars mulctarum cedit præfecto, sicut hæc omnia certo jure & ordine constituta sunt, ipsis noto. Omnes autem qui jurisdictionem habent, nominantur *Gerichtsherren*. Ex his Ecclesiastici ordinis sunt isti: Episc. Constantiensis, qui suos præfectos in Turgea habet, Arbor Felice, Tanneggi, Guttingæ, Gottliebæ. Capitulum Ecclesiæ Constantiensis Alienavii jurisdictionem obtinet, Cœnobium Augiæ divitis, quod nunc Episcopatu unitum, & ut dicitur, incorporatum est, maximos redditus in Turgea & plurimas jurisdictiones habet, Stekburæ, Bernangi, Manebachi, Ermatingæ, Tribeltingæ, &c. Multi quoque nobiles hujus cœnobii vasalli sunt. Eremitani cœnobii abbas, Eschentzi dominus est. S. Galli cœnobium etiam quorundam vicorum jurisdictionem habet. Cœnobio item quæ in ipsa Turgea jacent, Tobella Ioannitarum domus, Fischinga Abbatia ordinis Benedictini, Ittinga Carthusianorum domus, Munstarlinga Abbatia virginum Benedictinæ familiæ, & Tennikona Cisterciensium familiæ Abbatia; item Veldbachum, Calchera, S. Catharinæ vallis prope Dieffenhovium; & præterea quædam Præposituræ jurisdictionem in unum aut alterum pagum, & quandoque in plures obtinent. Nobilium *Arces*. autem familiarum arces, quæ adhuc incoluntur, & veterem jurisdictionem retinent, multæ sunt; quarum eas, quæ nunc succurrunt, recensebo, cum familiis ad quas pertinent: Wellenbergum & Griessenbergum Vlmii hodie incolunt; Herdera & Burgela Landenbergiorum arces; Wengia, Gieliorum; Spiegelbergum, Muntpratorium; Winfelda Schellenbergii, & ni fallor, Gemmingiorum. Ad fines oppidum Comitatus Ebersteyni; Nuwenburgum cum Mammera Tummiorum; Salensteynum & Blideca Halvilii; Clingenbergum Heydenheymeri; Ottlishusa Schenckiorum; Eppishusa Hagenviliorum; Libenfelsa Lanziorum; Clinga vetus Brumfiorum; Nufera Stockerorum; Sonnenberga Hutensiorum. Multæ etiam arces dirutæ sunt, quarum jurisdictionem maxima ex parte Eccle-

elesticæ familiæ obtinent, partim etiam nobiles aliarum arcium incolæ, aut cives Turgeæ.

Porro non tantum civilium, sed etiam criminalium & capitalium causarum jurisdictionem habet abbas Rinovianus in oppido Rinovio. quod sanè pervetus oppidum esse videtur, quamvis hodie ædificiis parum excultum, & eo loci quondam castra habuisse Romani adversus Alemannos creduntur. illic in Rheni insula cœnobium est Benedictini ordinis, unum ex vetustissimis totius Helvetiæ. Abbas merum imperium in oppido habet; verum tamen in criminalibus si quis damnatus fuerit capitalis criminis, traditur Præfecto sive Ammano provinciæ, ac bona damnati à VII Pagis Helvetiorum confiscantur. Habent Rinoviani peculiare signum sive vexillum sub quo Helvetiis militant.

Oppida. Præterea oppida quædam Turgeæ Helvetios quidem patronos agnoscunt, sed tamen suas immunitates & ampla privilegia habent, ac propriam jurisdictionem.

Episcopi Cella. Episcopi Cella, oppidum ad confluentes Sitteræ & Turi, jacet quidem in Turgea, & sub suis signis cum Helvetiis militat, sed præfectus nullum in illos imperium habet, neque quicquam illis imperare & edicere potest: paret autem partim Episcopo Constantiensi, partim *avrovouia* fruitur. Episcopus præfectum habet in arce oppidi, & omnium mulctarum media pars illi cedit; sed cives oppidi proprium senatum eligunt, & duos, qui huic præsent, quos veteres Senatores vocant. hi rempub. cum Senatu administrant, & alter horum judiciis rerum capitalium præest. neque licet cuiquam à sententia Senatus provocare, neque etiam civem oppidi ad judicandum citare. Vestigal vini & alii redditus reipublicæ cedunt. Quando Episcopus iusjurandum à civibus exigit, prius iusjurandum dat, se ipsorum privilegia & immunitates nulla ex parte imminuere velle.

Arbor Felix. Arbor Felix vetus oppidum ad lacum Acronium, cujus Antoninus quoque Itinerarii auctor meminit. Episcopo quidem Constantiensi paret; qui præfectum ibi habet; sed cives præterea Ammanum & Senatum deligunt; qui res civiles administrant. habent etiam Helvetii aliquid juris & domini in hoc oppido; nam arx eorum usibus servit belli tempore, & cives iisdem militant.

Dieffenhovium. Dieffenhovium, oppidum ad Rhenum inter Scaphusium & Steynam, ad Turgeam pertinet, ac præter VII Pagos veteres, penes quos est Turgeæ dominium, Berna & Scaphusium juris & domini aliquid Dieffenhovii habent: sed tamen Dieffenhoviani tantum octo Pagis juramento obstringuntur. Oppidi hujus cives privilegiis non paucis fruuntur, & peculiarem Senatum habent, &

Sculdetum, ut vocant; quin etiam jurisdictio aliquot pagorum in vincula ad ipsos pertinet; verum omnes in præfectura Turgeæ censentur, & una cum reliquis, attamen sub oppidi sui signo, Helvetiis militant.

Cæterum præter jurisdictiones Ecclesiasticarum familiarum & nobilium, complures sunt pagi quorum integra jurisdictio ad Helvetios pertinet. nominantur autem jurisdictiones Comitatus Turgeæ, ac apparitores Præfecti per hos pagos judiciis præsent. Fuerunt autem aliquando diversæ actionum & judiciorum formulæ, & variæ admodum consuetudines; verum septem Pagi Helvetiorum, consentientibus & in consilium adhibitis jurisdictionum dominis, communem quandam juris formam per universam Turgeam constituerunt. Porro si quis cum alicujus jurisdictionis domino controversiam habeat, eam ad præfectum Provinciæ defert, & ab illo jus petit.

Duplex autem est superioris juris forma in Turgea; aut enim causæ aguntur coram provinciali judicio, aut coram præfecto & ejus assessoribus. hoc vocant *dasatzung*; alterum *das landtgericht*. Iudicium hoc provinciale non tantum ad septem Pagos pertinet, qui Turgeæ præfectos imponunt, sed præterea Bernates, & Friburgii ac Salodorii, ejus domini sunt. Convenit id aliquando Vitoduri, cum Kyburgius Comitatus cum Turgea conjunctus esset: postea prope mœnia Constantiæ, postquam civibus ejus urbis à Sigismundo Imperatore oppignoratum fuit: alias etiam alibi habebatur: sed nunc Frawenfeldæ tantum habetur, & ab Helvetiis decreto cautum est, ne alio transferatur. Iudices sunt XII, quos præfectus deligit: & quatuor horum ex oppido Frawenfeldo, reliquos ex agro Turgeo. Iudicio præsidet præfectus nomine 10 Pagorum; vel Ammanus regionis; quem iidem Pagi constituunt; vel etiam alius vicarius, quem sibi præfectus substituerit. Appellationes ex tota Turgea in hoc provinciali judicio deciduntur. deinde ibidem judicantur pecuniariæ controversiæ, quæ ad hoc judicium deferuntur, & jure deferri possunt: item convicia, quibus alterius fama & honos læditur, causæ criminales & capitales. Porro de iisdem rebus omnibus præfectus cum suis assessoribus, qui plerunque sunt Ammanus provinciæ, & Scriba, atque Apparitorum primus, judicat: atque in actoris arbitrio situm est, utro judicio uti malit. Præfectus sua edicta & sententias executioni mandat, multa pecuniaria decem librarum imposita, ni intra dies 10 illis satisfaciatur. Provinciale Iudicium non imponit multam pecuniariam suis edictis, sed bannum sive proscriptionem. hoc tantum sub multa edicit, nequis in judicio ipse causam agat, non adhibito actore aliquo è nu-

è numero iudicum : item, ne quis intra ipsum confessum Iudicum ingrediatur. Qui præfecti edicta contempserit, accusatus custodiae mandatur. Ab utroque Iudicio ad Helvetios provocare licet, & prout causa fuerit, à Pagis VII vel X cognoscitur. Similiter multæ omnes partim cedunt VII Pagis, partim X; nempe bona capite damnatorum, aut quæ ob noxam capitalem confiscantur, & multæ criminum, quæ cum capitali noxa cohærent. Sunt autem hæc omnia certo jure definita; & præfecto notum est, quid quibus Pagis cedat. Veluti sunt, exempli gratia, atroces injuriæ, etiam si non puniantur capite: item si quis pacem sibi indictam manu violarit: injuriæ quæ alicui in publica & regia via inferuntur, sive vulnerando aliquem, sive spoliando, aut vim inferendo: item si quis sibi usurpet & vendicet privatim publicas vias: terminos aut bona fiduciario jure data transmutet: fidem publicam violet: dominos superiores, præfectum, aut iudicium, contumelia afficiat, &c.

Porro quicumque superiori Iudicio capitalis noxæ rei pronuntiati fuerint, ad alios deinde iudices accusantur; qui capitis sententiam ferunt. Numero hi sunt XXIV. Atque aliquando hic mos fuit, ut XII iudicibus provincialis iudicii totidem alii à præfecto adungerentur, ex tota provincia ipsius arbitri electi: hodie vero plerunque iudices Frawenfeldensis oppidi de capite pronuntiant: idque fit vitandorum sumptuum gratia; qui longe majores essent, si iudices ex tota provincia convocandi essent. Ab hoc Iudicio non licet provocare; attamen in arbitrio Præfecti positum est, sententiam à iudicibus latam mitigare, aut genus supplicii capitalis mutare, vel damnato vitam concedere: aggravare autem Iudicium sententiam non potest.

S A R V N E T E S ,

vulgò

S A R N G A N S .

S Arunetum sive Sarngensium regio quondam Comites habuit hujus nominis; à quibus Helvetii eam emêre. Fuerunt autem orti ex Werdenbergensium Comitum familia, quæ eadem fuit cum Montfortia; nam hæc in plurimas familias aliquando divisa fuit. Dividitur autem tota regio flumine non magno, quod Saram vocant, in duas partes. Superior habet vicos aliquot; quorum præcipuus est Regatium, ubi iudicia ejus partis exercentur: item cœnobium Fabarianum; cujus Abbas quandam in his locis jurisdictionem habet. Videtur autem hæc pars olim ab altera separata fuisse, sic ut Sarunetum no-

men ad illos pertineat, qui infra Sarâm habitant, & à flumine forte nomen habent; (alii enim sunt Sarunetes, quorum Plinius meminit, ad ortum Oeni fluminis, hodie Ingadini dicti.) qui vero supra flumen habitant, Reguscis aut Rhucantiis attributos fuisse verisimile est: hi & proprio iudicio, & aliis menfuris atque ponderibus, quam inferiores, utuntur. Sanegaunum vero oppidum non magnum cum arce, in qua præfectus habitat, caput est totius præfecturæ. Oppidum ipsum, sicut & alterum, ejusdem præfecturæ ad lacum Rivanum, quod *Wallenstatt* vulgo nuncupatur, in antiquis autem diplomatibus Riva, proprium Consilium habet, & ejus præsidem Scultetum; quem tamen Helvetii, qui imperium præfecturæ obtinent, constituunt. Verum inferior tantum jurisdictio ad hos spectat. Quo modo etiam præcipui vici sua iudicia habent. Supremum Iudicium rerum criminalium & capitalium Sanegauni habetur. Iudices deliguntur ex oppido & tota præfectura. Præsides autem Iudicio plerunque loco Præfecti is, quem Ammanum regionis vocant. Præfectus ipse causam adversus reum agit: habet autem ex officiis Scribam & apparitorem. Si capitalium criminum rei teneantur Rivæ, illic Iudicium habetur, & capitis supplicium de condemnatis sumitur: sed Præfectus Iudicio præest, non Rivensum Scultetus.

R H E G V S C I ,

vulgò

R H I N T A L .

I I populi qui vallem hanc inhabitant, antiquitus à Ptolemæo Rhegusci, Plinio Rhugusci dicti, hodie vulgo *Rhingower*, sive *Rhintaler* audiunt; vallis ipsa, à Rheno nomen habens, dicitur *Rhintal*. Iacet supra ingressum Rheni in lacum Acronium ad sinistram ejus ripam; ad Orientem ultra Rhenum vicinos habet Brigantium & Feldkirchensem Comitatus; ad Occidentem Abbatis-Cellensis pagus & Turgeæ pars est. Oppidum ejus præcipuum Rhyneggum est, in inferiori vallis parte situm, ubi totius vallis Præfectus commoratur. Secundas obtinet Altestettum; & præter duo hæc oppida, plurimi in hac valle sunt pagi, arcesque, quarum majoris momenti sunt, Grunensteyn, Husen & Rosenberg.

Incolæ hujus vallis culturæ vinearum & nendo lino, quod in oppido S. Galli commode vendunt, potissimum student, & inde sibi victum comparant. Cives quoque S. Galli multa prædia & vineta hic habent, & non paucos colonos. itaque una cum incolis novum vinum æstimant, & certum precium constituunt; non quod

quod teneatur quis vinum vendere, sed quod domini colonis, & alii itidem his, à quibus vinum hac conditione emerunt, juxta publicam æstimationem solvant. Instante enim vindemia, legati singularum villarum S. Gallum conveniunt: his unus aut alter è Consilio S. Galli adjungitur, & communi consilio de precio vini statuunt: si sententiis discrepent, & paria fuerint suffragia, is pagus, cujus vices tum fuerint, arbiter est: singuli enim pagi certis vicibus ex ordine arbitrii jus habent. Pretio vini constituto vindemia inchoatur; neque enim antea licet uvas colligere. Dividitur autem tota præfectura in partes certas, quas *hoof*, villas, nominant. quarum hæc sunt nomina; Altestettum oppidum, Marpachium, Bernangum, Taal, (ad hanc villa Rhynecum pertinet,) Oberrieda. Singulae villæ propriam jurisdictionem habent, & duos Ammanos; quorum unum præfectus Helvetiorum, alterum Abbas S. Galli constituit. Multarum, quæ in his imponuntur, pars media Abbati cedit, altera Helvetiis. Altestetti tamen multa trifariam dividuntur, & tertia pars oppidanorum est. Mentio hic fit Lustenovii. ajunt autem quidam, inferiorem & superiorem jurisdictionem hujus loci spectare ad Austrium Principem. Iudicia rerum capitalium Helvetiorum sunt, ac Præfectus eorum hæc exercet in his villis, in quibus crimen capitale commissum est. Iudices sunt Ammani villarum.

P R Æ F E C T V R Æ I T A L I C Æ.

Præfecturæ Helvetiorum Transalpinæ, sive ultra Alpes, in Italia sitæ, antiquorum Lepontiorum terras occupant; sunt autem quatuor, Luganensis, Locarnensis, Mendrisiana & Madia vallis; quæ in Helvetiorum potestatem pervenerunt anno 1513, ex dono Maximiliani Sfortiæ Mediolani Ducis, post pulsos operâ & auxilio Helvetiorum, consilio & auctoritate Iulii Papæ, ex Italia Gallos. Verum triennio post Franciscus I, Gallorum rex, cum Helvetios ad Marignanum vicisset, & pulso Maximiliano Mediolanense dominium rursus Gallis vendicasset, pace Friburgi facta, donationem hanc Helvetiis sua auctoritate confirmavit. Idem fecere alii qui Gallis in imperio Mediolanensi successerunt. Obtemperant hæ præfecturæ omnibus Helvetiorum pagis, unis exceptis Abbatis-Cellensibus; hi enim, cum Helvetiis primum hæ regiones datæ sunt, nondum in numero Pagorum fuere, sed proximo demum anno in eum asciti sunt.

Helvetia.

L V G A N V M.

Primum inter Præfecturas Italicas locum obtinet Luganum, incolis *Lugano*, Germanis *Lowetz*, oppidum ad lacum, qui à nonnullis ab oppido Luganensis, ab aliis Gauni lacus dicitur; is ad lævam habet Larium lacum, Verbanum sive Majorem à dextris, in quem per fluvium Treça vulgo dictum se exonerat. Oppidum ipsum à frequenti nobilitate inhabitatur; præfectura juxta lacus Luganensis ripam dextram extensa est, confines habens Præfecturas Locarnensem, & Bellitonensem, nec non Mediolanensium ducatum. Cæterum Præfectus hujus regionis Capitanei nomine honoratur, & omnium præfecturarum habet regimen, si bellum subito in hisce regionibus oriri contingat; eadem quoque quo Locarnenses regiminis utuntur forma, quam describere aggredior.

L O C A R N V M.

Proxima priori inter Præfecturas est Locarnensis, nomen ab oppido præcipuo consecuta. Olim temporibus Ducum Mediolanensium Comitatus unus erat ager is totus, cui nunc Locarnensis Præfectus imperat, (si tamen Brisagum oppidum excipias,) una cum eo, cui Madius præfectus præest. Comites vocabantur Rusci; qui nobiles Comenses erant, magnæ auctoritatis: ita ut urbe Como, vel Novocomo, potiti sint; quam tamen Duci Mediolanensi restituerunt anno 1416. sed Comitatus iste postea divisus fuit, & vallis Madia à Locarnensi ditione sejuncta est. Quo tempore vallis quoque Verzascha, & Gambaronium, Potestates quosdam sibi eligendi, jus facultatemque obtinuerunt. Amplitudo ejus qui Præfecto subicitur agri, ex conventuum sive parochiarum numero colligi potest: Parochias enim computant plures viginti.

Oppidum hoc Italice *Locarno*, Latine Locarnum, Germanice vero *Luggaris* appellatur. Sic autem appellatum plerique existimant, quod sit quasi locus carniū, quia ager bonis suavisque carnibus abundet. In plano situm est, inter radices montis altissimi, & Verbani lacus ripam. Habet ab oriente lacus, initium & caput; à meridie lacus ipsius, quasi collum gracile, & ultra lacum excelsos montes. Ab occasu diffunditur in pectus suum; à tergo, quod septemtrionem spectat, montes sunt magni. Orientem versus, ad fines agri Bellitonenfis, campus est amplissimus, foeni in primis ferax, per quem Ticinus amnis delabitur. Non procul vero ab oppido inter jam dictum campum & ipsum oppidum, & inter montis radices & Verbani ripam, præ-

B b

dia

Arx Lo-
carnensis.

dia sunt lætissima, frumenta vinumque simul ferentia. Ad occasum, juxta oppidum, agri sunt satis late patentes, & valde fertiles. hi olim latius patebant, sed à vicino fluvio vastati sunt, & abrepti. Montes vero longo tractu porrecti, vitibus optimis ordine pulcherrimo dispositis confiti sunt. Porro oppidi amplitudo è familiarum numero cognosci potest. numerantur enim familiæ plus minus quadringentæ. Habuit ante annos non ita multos amplissimam & munitissimam arcem, turribus multis insignem & claram, magna fossa circumdatam. Sedes quondam fuit Rufcarum Comitum præcipua. Galli arcem annis aliquot tenuerunt, ab anno Domini 1499 usque ad annum 1513, Comitibus arce quidem privatis, sed non pulsis. In ea palatium erectum est, quod etiamnum integrum & intactum visitur: estque prætorium, hoc est, domus præfecti; in quo tamen habitat ipse quoque interpres, & fatelles, ambo Helvetii. Portus intra arcis muros est egregius, in quo naves armatæ olim servabantur. Anguli ejus quatuor (est enim quadrangulus) turribus totidem muniti erant. In ambitu murum habebat bene firmum. Alluebatur tum temporis Verbano; ideo naves è portu in lacum commode exponi poterant. Nunc tanta illic congesta à vicino fluvio, Madia dicto, glareæ vis conspicitur, ut intervallo satis magno à lacu distet. Diruta postea fuit arx tota, præter palatium, ab Helvetiis, anno salutis 1531. Fundamenta adhuc extant omnia, & parietes ædium multarum. Oppidum nullum est ad Verbanum situm quod Locarnum amplitudine vincat. Nobiles quoque habet plures, quam ullum aliud, ideoque primarium & princeps oppidum est. Quanta autem sit loci hujus amœnitas, ex jam posita descriptione satis liquet. Aëris vero temperies, clementia & salubritas tanta, quantam optare licet. Austri non nisi refracti & retusi eo perveniunt, propter objectos illis montes. Boreas & ipse sæpe clementior est, propter altitudinem montium, oppidum hoc quasi tegentium. Ab oriente in occidentem perflatus est liberrius. Nullæ ibi stagnantes aquæ, nullæ paludes.

Agri fer-
tilitas.

Montium Locarnensium radices, & reliqui territorii bona pars, vini, ejusque generosi & optimi, feracissima est. In collibus & montibus vites palis alligantur, sub quibus fœnum nihilominus provenit: in planitie arboribus, quos *rumpas* vocant, maritantur; è quibus palmites bini & bini prælongi mutuo implexi, ad extremos oculos colligati, hinc & inde, ab una ad aliam arborem traducuntur: & ubi arbores longius à se invicem absunt, aut palmites breviores, quam ut arborem contingant, (quod fere in vineæ latitudine accidit,) tum palmitum extrema ex dua-

bus contra se positis arboribus committuntur (virga interdum media) satis alte, ne frumentis, & frugibus aliis, quæ illic satæ succrescunt, impedimento sint. Palmites hi uberem & incredibilem uvarum proventum exhibent. Vvæ grandes sunt, & ut plurimum bene maturescunt: unde fit ut pressis calcatisque illis ingens multi copia exprimatur. Agri in universum non adeo late patent, ob lacum & montes proximos: sunt tamen fecundissimi, tum soli bonitate, tum agricolarum industria, crebraque stercoreatione. Cum enim agri non multi sint, oppidum vero satis populosum, summa cura & quasi otio excoluntur. Vicecuplum non raro reddunt. Bis in anno messis celebratur. mense Junio demittunt triticum optimum, &, quam vocant, filiginem. secunda messis est Octobri. milium, panicum, & aliæ fruges è secunda aratione & satione colliguntur. Montes & valles carniarum optimarum, hœdorum inprimis copiam mittunt & suppeditant: dein perdices, phasianos, aviculas, lepores, capreas, butyrum, & caseum abunde suggerunt. castanearum quoque uberrimum proventum alendis rusticis idoneum. Comedunt illas crudas, recentes, siccasque; similiter & coctas, modo elixatas, modo assatas: ex iis farinam quoque faciunt, & panes pinsunt, farinamque ad alios usus multos adhibent: imo castaneæ nobilium deliciae sunt. Quamobrem si castanearum proventus felix fuerit, fame & inedia vix laboratur; cum scilicet sint illis

— mitia poma,

Castanea molles, & pressi copia lactis.

adde, & vini. Proveniunt illic ficus optimæ; mala, sive poma, multorum generum, valde mitia; sic & persica, pira, cerasa, & multi alii fructus non ignobiles, ut pruna multiplicia, malogranata, cydoniaque, olivæ & arancia, & alii fructus, non infeliciter illic veniunt. Lacus piscosissimus est, & multa gignit piscium optimorum genera. Mediolanum sæpenumero pisces, inprimis truttæ, venum mittuntur. In summa, rerum propemodum omnium ad victum humanum necessarium abunde satis illic habetur. Solius frumenti caritate laborant non raro, agrorum, sicut commemoratum est, paucitate. Sal aliunde importatur.

Regio propter vicinos montes, & valles, *sylvæ*. sylvis cæduis referta est, in quibus proceræ, speciosæque & pretiosæ arbores, larix in primis (quæ etiam agaricum gignit selectissimum) & abies, ad ædificia cum primis expetitæ, crescunt, ex quibus Locarnenses magnum lucrum faciunt. Excelsæ enim arbores cæsæ primum in partes aliquot, quas *borras* vocant, secantur, ut commodius per angustias vallium, perque flexuosos & saxosos torrentes in Verbanum deduci queant; ubi postea

Mercatus.

Populi
ordines.

Magi-
stratus.

postea in rates dispositæ per totum Verbanum tractum, deinde per Ticinum fluvium (qui, ut influit in Verbanum, ita ex eodem effluit) Mediolanum & Papiam magna copia deducuntur: nec tantum trunci illi arborum, sed etiam tigna, sive trabes larignæ, longæ & pulchræ. asseres quoque ex iisdem arboribus absque numero. lignorum item variorum copia pro calcariis. sic & carbonum. Papia rursum per Padum, in quem Ticinus sese exonerat, Cremonam Placentiamque descendunt. Imo si velint, Ferrariam, & Mantuam, & Venetias usque, & in Adriaticum mare. Arborum trunci justam suam quandam tum longitudinem, tum crassitiem habent. mercatorum quoque signo notantur. similiter & tignorum vallis Verzascha, & vallis Media, aliæque proximæ, incredibilem numerum dant; ubi torrentes impense augentur.

Mercatus.

Celebratur Locarni altero quoque Iovis die mercatus frequentissimus & celeberrimus, & naves ex omnibus Verbanum lacus oppidis illuc advolant; in quibus hominum multitudo non vulgaris. Conferunt se eo emendi magis, quam vendendi gratia. Confluunt multi e variis ducatus Mediolani oppidis, e vicinis præfecturis, Luganensi, & Bellizonensi, item e Mesauiciis, & Lepontiis; ut nihil dicam de vallibus & pagis omnibus Locarnensis & Madianæ præfecturæ. Longe lateque si illinc proficiscaris, tam celebrem mercatum vix reperias. Platea ibi est ad lacum capacissima, in qua mercatores tentoria multa & cadurca figunt contra tempestatum injuriam.

Populi ordines.

Univerſus populus in tres classes distributus est: nimirum in nobiles; cives antiquos, quos illi burgenſes nuncupant; & eos, qui aliunde illuc habitatum conceſſerunt; quorum tamen plerique annis centum & amplius ſedes ſuas eo in loco fixas habuerunt. Nobilium familiæ, hoc eſt, cognationes, ſunt quatuor, Aureliana, Muralta, Magoriana, & præterea Dunorum familia cæteris antiquior. Plebis deinde nomine cenſentur domini totius habitatores, alii omnes in pagis & vallibus. Et communio ſocietasque omnium ſimul Communitas appellatur.

Magistratus.

Principio præfectus, qui Commiſſarius vocatur, à duodecim Helveticorum Pagorum rebuspub. altero quoque anno finito, modo ex hoc, modo ex illo Pago, juxta Pagorum leges & fœdera electus, Locarnum mittitur.

Hic merum imperium habet, ſummamque poteſtatem animadvertendi in fontes; quos ſolus morti (ſi criminis atrocitas ita poſtularit) addicit; niſi de more aliquos ſibi aſciſcat viros judicio præſtantes, & patriarum legum morumque peritos. Ad jus autem dicendum non admittitur, niſi prius ſolenni jurejurando populi leges, & inſtituta, quæ ſtatuta, id eſt, municipalia jura vocant, ſe ſervaturum pro-

miſerit. Quod ubi præſtitit, populus, qui tunc præſens eſt, ſolenni publicaſque acclamatione illum pro legitimo ſuo præfecto agnoſcit, & obedientiam, fidem, obſervantiamque interpoſito juramento promittit. Cæterum, quia præfectus Helvetica, populus autem Italica lingua loquitur, præfecto interpres Helvetius ab iſſis dominis electus (à quibus etiam ſuum accipit ſtipendium, non à Locarnenſibus, ut præfectus) adjungitur. Per hunc interpretem præfectus ad populum & cauſidicos, populus vicifiſim & cauſidici ad illum, referunt omnia; hacque ratione cauſas ille cognoscit & judicat, Notariis omnia Latine excipientibus. Reipub. rebus, de quibus mox dicam, præfectus ſe non immiſcet; nam penes populum plena poteſtas eſt Magiſtratus ſuos, ſive officiales, creandi, & de rebus omnibus ad rempublicam pertinentibus conſtituendi & ordinandi.

Eligitur præterea Procurator fiſci, qui criminales cauſas urget, & pecuniam fiſco, quam Cameram vocant, adjudicatam ſervat. Creatur & hic à Dominis, ſed civium Locarnenſium unus ut plurimum. Magiſtratum is gerit quandiu viſum fuerit Dominis.

Quarto, ab iſſis dominis præfecti vectigalium conſtituuntur. Nam quotannis æſtate, quando Legati duodecim illuc veniunt, cum uno aut pluribus civibus, quibus jus exigendorum vectigalium aſſignant, certa pecuniæ ſumma paciſcuntur, quam Præfecti elapſo anno Dominis perſolvunt. Hos Magiſtratus quatuor, domini ipſi creant.

Porro præfectus ſatellitem ſibi deligit, plerunque conterraneum ſuum, qui ab ipſius latere non diſcedit, ſed præſto ſemper aſeſt, ſecuri halabardica, gladioque armatus. Primus apparitorum eſt, & fontibus capiendis cuſtodienſisque in vinculis præeſt. Quoties autem Domini illuc proficiſcuntur, hunc pro oſtario habent; numerantque ei ſtipendium Domini ipſi, quemadmodum & interpreti.

Ab eodem Præfecto, ſeu Commiſſario, vicarius, qui Locum-tenens dicitur, eligitur; civis ſcilicet aliquis, cauſis tractandis juriſque dicendo idoneus. is abſente, aut laborante, aut aliter præpedito Præfecto, illius nomine & vice pro tribunali ſedens, cauſas quaſlibet civiles, quantumvis graves, judicat, ut qui eadem, qua Præfectus, authoritate & poteſtate polleat iis in cauſis.

Apparitores præterea aliquot è populo à Conſilio, de quo mox verba ſient, eliguntur, qui ad omnia imperata dicto audientes ſint. Serviunt autem & obediunt cum præfecto, tum etiam reipublicæ, ſive communitati. Atque hi ſunt dominorum & præfecti Magiſtratus ſive officiales.

Populus & plebs, quæ nunc reliqua eſt, Comitatus illius, ex veteri more quotannis calend.

Consilia-
rii.

calend. Januarii viros xxi deligit, quos Consiliarios vocant, quia reipub. à consiliis sunt. Horum xxi ex præcipuo oppido, Locarno scilicet, assumuntur: tres è proximo alio oppido, Scona, vel, ut aliis placet, Ascona: reliqui sex è pagis & aliis vallibus, hoc est, è plebe reliqua. Eorum, qui Locarni eliguntur, sex sunt è nobilitate, quatuor ex antiquorum civium cœtu, & duo ex residuo populi: nonnunquam vero tres; è nobilibus autem tantum quinque. E tribus porro, qui è populo Sconensi fiunt, unus de nobilibus Dunis, duo alii de populo universo eliguntur. Quum autem ex plebe sex alios Consiliarios creari dixerim, per plebem dominii loca ea omnia intelligo, quæ Potestates sive Præfectos alios non habent, præter summum illum præfectum Commissarium. Quod ideo admonendum hic est, propter oppidum Brisagum, vallem Verzascham, & Gambaronium, quæ Potestates suos, id est, subpræfectos quosdam, & privata etiam jura, obtinent, ut paulo post monstrabitur, & Consiliarios non creant.

Consiliariorum autem munus & officium est, videre curareque diligenter ne quid detrimenti respubl. capiat: præterea sumptus publicos & stipendia omnia decernere, quæque ad totius reipub. incolumitatem facere videntur, disponere & ordinare.

Procuratores.

Consiliariis Procuratores adjunguntur septem, qui, quæ à Consilio sive Consiliariis decreta, sedulo diligenterque curant: dantque operam, ut quique suum faciant officium, nihil negligant, omnia exequantur. Sunt etiam Ædilium loco, quoniam ædificia publica procurant. Hi non carent fideli Scriba, quem Cancellarium appellant, à quo omnia Consilii acta in tabulas referuntur.

Porro autem, quia Communitas nullam publicam pecuniam reponit, Quæstor ærarius quotannis novus creatur, qui à Consiliariis decretam pecuniæ summam colligit & exigit à Consulibus sive Conventibus. Quilibet enim conventus, sive parochia, suum habet Consulem, (vocari autem Consules videntur, quod quique publicis suorum pagorum rebus consulant, sintque patres pagorum quidam;) qui veluti minores quæstores sunt. Hi à singulis patribus familias, vel à familiis, exigunt debitam pecuniam, quam scilicet Consiliarii præscripserint, & imposuerint illis dinumerandam & solvendam: quam quidem Quæstori numerant. Modus autem exigendi est, pro cujuslibet familiæ & parochiæ ratione census honorum, sive juxta æstimationem bonorum, & taxationum numerum. scit enim quælibet non modo parochia, verum etiam familia, quantumvis minima, quid quantumve debeat pro quaque taxatione. Vna vero taxatio illis est librarum centum Imperialium

summa, aureorum videlicet Rhenensium viginti septem, tertia unius parte minus. Consules itaque à familiis, Quæstor à Consulibus exigit: qui ostea suum, in primis dominis Helvetiis, annum censum persolvit: qui & Præfecto, & Medicis & Ludimagistris, & apparitoribus, & quibuscunque aliis publico stipendio conductis, sua stipendia exponit: adhæc sumptus alios publicos omnes facit: & in summa, quicquid reipub. nomine dandum est, dat. Elapso suo anno, administrationis rationem coram Consilio aut Procuratoribus reddit: subductaque ratione accepti & expensi, si plus expendit quam acceperit, successor reddit: sin contra, quod superest, successor dinumeratur.

Præter jam dictos magistratus hos quoque creant; nimirum duos annonæ præfectos; (ut alios quosdam minores officiales præteream;) totidem, qui viis purgandis, reparandis, sternendisve præsunt. Creantur hi omnes à Consilio.

Sconæ quoque oppidum in hac præfectura est Locarno vicinum, & amplitudine ejus æmulum, sed non ita populosum, in planitie & ad lacum situm; hic Dunorum familia sedem suam, & bona plurima habet.

Ad Locarnensem præfecturam pertinet *Brisagum* etiam oppidum Brisagum, ad Verbani lacum *et c.* ripam septentrionalem, in finibus totius Helvetici dominii: quatuor millibus passuum à cœnobio distans. Item vallis Verzascha, ad orientem, à flumine Verzascha per ipsam descendente nomen habens. Similiter & Gambaronium, ad Verbani littus meridionale. Habent vero loca hæc suos subpræfectos, quos Potestates nominant, ad quos civiles duntaxat causas referunt: nam criminales non nisi sub communi Præfecto Locarnensi tractant. Imo in causis illis civilibus ad Commissarium provocare licet.

Porro quum subpræfectos illos sibi ipsis præficient, quos volunt è suis, vallis Verzascha & Gambaronii habitatores; Brisagi tamen populus id juris non habet, sed præfectum de Aureliana nobili familia, quæ Locarni est, altero quodque anno sibi eligit quem vult. Horum locorum incolæ pecuniæ nihil contribuunt; suam tamen portionem census dominorum, & stipendii Commissario debiti, conferunt, suos quoque publicos sumptus ipsis suis in pagis faciunt.

VALLIS MADIA.

Vallis Madia, quam Germani *Maynthal* vocant, à fluvio Madia, vulgo Mayn, nomen habet, juxta cujus ripas extenditur, versus meridiem Locarnensem Præfecturam, versus Orientem Versacam Vallem habens, cæteras ejus partes Vallesii & Vrienses termi-

terminant. Longitudo ejus ad sex leucas Germanicas extenditur. Vrbibus caret; vici ejus vero sunt ad sinistram Madia ripam siti; *Fusio*, *Sornico*, *Brolio*, *Manzono*, *Brontal*, *Lausera*, *Mogeno*, *Zumano*, *Cono*, *Cordanco* & *Verio*: ad dextram Madia ripam, & ubi Rowanæ amnis aquas recipit, sunt *Cerentino*, *Rusco*, *Campo* & *Bagnasco*; juxta dictum amnem conspiciuntur *Verizzino*, & Madia sive *Maggia*, alique nonnulli. Madia fluvius, à Germanis *Mayn*, dictus, oritur è Furcula monte S. Gothardi monti proximo, medius inter Ticinum & Tossam fluvios, valles hanc fecius labitur, tandem Rowanæ, Dolia & Livini annium aquis auctus, in lacum Majorem sive Verbanum se exonerat.

Cæterum Præfectura hæc eodem quo præcedentes modo regitur.

M E N D R I S I V M.

M Endrisii præfectura ad sinistram lacus Gauni est, olim Luganensium appendix. Præfectum ei imponunt duodecim Helvetiorum pagi, quisque suo ordine; regimen verò plane idem cum superioribus habet.

B I L I T I O N V M,

vulgò

B E L L I Z O N A.

I Talicis præfecturis connumerari forte potest Bilitionum oppidum, quod paret tribus Pagis, Vriis, Suitiis & Vnderwaldiis. Fuit hoc oppidum Comitum Misfauciorum; qui eo spoliati à Duce Mediolani, cum de novo per insidias oppidum cepissent, vendiderunt illud Vriis & Vnderwaldiis: cæterum iisdem artibus quibus Misfaucius oppidum Duci ademerat, illis Helvetiis quoque ademptum, & à Duce recuperatum fuit. Ab eo tempore (facta autem sunt hæc circa annum Domini 1422) multa bella Helvetii hujus oppidi recuperandi gratia gessere, & demum anno 1500 ejus possessionem adepti sunt. Cum enim inter Sfortias & Gallos assidua bella vigerent, cives, ut suæ quieti & paci consulerent, sese Vriis dedidere: cæterum Galli Insucribus potiti, sæpe id, sed frustra, ab Vriis & eorum sociis repetiere. Ac demum eo tempore quo Helvetiis tradita sunt quatuor præfecturæ à Mediolanensibus Ducibus, Bilitioni imperium tribus Pagis confirmatum est. Dividitur autem Bilitionensis ditio in tres præfecturas, Bilitionum, vallem Palensam & Rivieram. quæ ita administrantur à tribus Pagis per vices, ut semper singuli Pagi unam è tribus præfecturis obtineant: itaque si Vrii præfectum Bilitiano imposuerint, Suitii Palensæ valli, & Vnderwaldii Rivieræ impera-

Helvetia.

bunt; ac postea Vrii Rivieram, Vnderwaldii Palensam, & Suitii Bilitionum præfectum mittent: & quia Rivieræ præfectura exiguos proventus habet, plerumque is qui Bilitiono præfuit, postea Rivieræ quoque præponitur.

A B B A S S. G A L L I.

I Nter Socios & confœderatos Helvetiorum primum sine controversia locum obtinet Abbas S. Galli, & oppidum. Abbatum S. Galli multis seculis magna fuit potentia, & non contemnendæ opes; ac inter Principes imperii numerantur. Cæterum à quo Imperatore titulum & honorem hunc acceperint, mihi incertum est; Stumpfius annotat, à Conrado Favariensi, annalium scriptore, tradi, Vlticum abbatem, ex Altosaxa familia oriundum, Basileæ à Philippo Augusto in Principem promotum. Et quamvis nostra ætate non tanta sit Abbatum potentia atque olim fuit, magna tamen nihilominus est, & late imperant. Paret illis in Turgea oppidum Wila, ac eo loco palatium & vicarium habent: deinde in superiori Turgea, ager populosus & non contemnendus imperio abbatum subjectus est; incolas vocant *die Gottshoussent*, homines Domus Dei, sive cœnobii, qui in certas regiones (*gegninen*) distributi sunt, quarum hæc sunt nomina Helvetiorum linguâ, *Rosbach*, *Thumbach*, *Gold*, *Vnderegg*, *Morswyl*, *Tablata*, *Gottswyl*, *Waldkylch*, *Romischhorn*, *Summery*, *Mula*, *Hettischwyl*, *Bernhartscell*, *Lumishwyl*, *Berg*, *Wittenbach*, *Rodimont*, *Strubencell*, *Geiserwald*, *Helfenschwyl*, *Bergknecht*, *Zuzwil*, *Ziberwangen*, *und Wiger*. Sunt autem hæc loca in certas præfecturas distributa, quibus præfecti ab Abbate imponuntur: præterea in plerisque locis suos Ammanos & officiales habet, qui ipsius nomine minorem jurisdictionem exercent: summum judicium quoque ab ipso constitutum est, ad quod ab his minoribus provocationes fiunt, & ubi graviores causæ disceptantur. Præterea officia omnis generis pro more Principum constituta sunt. Porro præter jam dictam regionem Comitatus Toggenburgiorum Abbatem S. Galli dominum agnoscit; qui etiam præfectum regioni constituit, summum judicem rerum capitalium: interea Toggenburgii cives sunt Suitiorum & Glaronensium, & sua privilegia & immunitates habent, quarum beneficio inter alia libertate religionis fruuntur. Item in præfectura Rheguscorum, quæ ad Helvetios spectat, minor jurisdictio in plerisque vicis ad Abbatem pertinet, qui etiam Ammanos suos in his habet.

Gallus, à quo locus nomen habet, ex Scotia claris parentibus natus, Columbanus Abbatem discipulus, cum eo in Galliam profectus est, & inde in Germaniam, ad Lindiniacum

C c

flumen,

flumen, in loco qui Tuconia dicitur, (is *Tuggen* nominatur, juxta Lintham seu Limagum fluvium, ad caput Tigurini lacus,) contra diverſi generis idololatrias Chriſti fidem ferventer populo annunciavit. Brigantii item ad caput Acronii, & Arbore Felice, atque aliis in locis Helvetiæ, circiter annos ſedecim Chriſtum prædicavit. A Gomzone autem Duce Alemannorum ad Episcopatum Conſtantiensem vocatus, id munus ſuſcipere renuit, ſed Duci author fuit, ut munus hoc committeret Ioanni, uni è numero ſuorum diſcipulorum, quem ad hoc maxime judicabat idoneum: ipſe vero, circa annum Domini 1000, in montana loca ſupra Acronium lacum ſeſe contulit, ſolitudinem amans, & eo loco, ubi hodie Cœnobium & oppidum S. Galli viſitur, cellam extruxit, atque cum aliquot diſcipulis in ſtudio & meditatione rerum ſacrarum ætatem ſuam illic tranſegit. Poſt obitum S. Galli, diſcipuli ejus eodem loco perfeverantes, ſtudia ejus imitati ſunt; nullam tamen ab initio certam regulam profitebantur: verum cum Francorum reges & Duces Alemanniæ pietate eorum delectati, eos muneribus multis afficerent, crevit fratrum numerus, & cella S. Galli paulatim in cœnobium mutata eſt: itaque anno 80 poſt D. Galli mortem, à Waltramo Comite & regum Francicorum præſecto petierunt ſibi Abbatem dari. Is Otthomarum præbyterum educatum in Collegio Curienſi apud Rætos, mittit ad Pipinum Caroli Martelli filium Francorum Principem; qui ex patris ſententia hunc primum Abbatem fecit S. Galli: & tum primum D. Benedicti regulam fratres profiteri cœperunt. Ab eo tempore cœnobium opibus & potentia plurimum crevit, ita ut hujus loci Abbas inter Principes numeretur; ac antiquitus ſub tutela Romanorum Imperatorum fuit, qui cœnobio Advocatos ex nobilibus harum regionum, quæ Alemanniæ nomine cenſebantur, dedere. Verum cum in variis diſſidiis Pontificum & Imperatorum ab his negligereſſet cura cœnobii, & bello deinde exorto inter Abbatem & Abbatiſcellanos, experti eſſent cœnobium opus habere fortibus aliquibus Advocatis, cum cives oppidi, qui in ipſis quaſi viſceribus cœnobii hærebant, Abbatiſcellanis conjuncti eſſent, & ex clientibus Abbatis plerique his faverent: ideoque Caſpar Landenbergius Abbas ordine 111, de conſilio ſuorum fratrum, petiit à quatuor Pagis Helvetiæ, Tiguro, Lucerna, Suitia, & Glarona, ſe jure civitatis cum ſuis donari, eoſque cœnobii Advocatos & defenſores ſuæ libertatis & omnium ſuorum bonorum, poſſeſſionum, juridiſctionum, conſuetudinum, privilegiorum conſtituit. Eſt autem jus hoc civitatis perpetuum, quod à ſingulis Abbatibus, cum primum electi fuerint, renovatur;

ac ſpondet Abbas, omnia loca ſuæ ditionis quatuor Pagis ſemper aperta fore, ut ubique liberum receptum habeant: item ſi quæ controverſia illi cum quoquam oriatur, ſe velle judicio horum Pagorum ſtare. Poſtea Abbas Vlrucus, cognomento Rufus, qui Landenbergio ſucceſſit, hoc addidit priori fœderi, ut ſinguli 15 Pagi ordine mittant virum Senatorii ordinis, qui biennio cum Abbate maneat, & ſit totius regionis Capitaneus. hic judiciis intereſt; & omnium mulctarum ſemiſſis cedit Helvetiis. Sancitur præterea eodem pacto ut omnibus bellis ſubditi Abbatis quatuor Pagis militent. Quod autem Abbas Vlrucus renovavit fœdus, & ſe arctius conjunxit quatuor Pagis, cauſa fuit, quod proximis annis, cum cives S. Galli & Abbatiſcellani conſpiſſent cum ſubditis Abbatis, & deſtruxiſſent Roſaci cœnobium, quod Abbas novum illic extruebat, quatuor Pagi, cæteris Helvetiis in auxilium evocatis, Abbatis jura fortiter aſſeruerunt, & ejus adverſarios graviter multarunt. Durat hæc ſocietas noſtra quoque ætate; & quamvis non omnes Pagi quoad religionem cum Abbate conſentiant, mittunt tamen illi ex fœdere Capitaneum, qui civilium rerum adminiſtrationi intereſt, & in his rebus privilegia & jura monaſterii tuetur.

Ii qui Abbatem S. Galli Dominum agnos-
cunt, ejusque terras incolunt, Eccleſiæ Catholice Romanæ ritibus ſunt addiſti, quippe
Religio.
Regis ad exemplum totus componitur orbis.

O P P I D V M S. G A L L I.

Oppidum S. Galli originem ſuam & incrementa cœnobio debet, libertatem Romanis Imperatoribus, qui Imperio hoc oppidum univerunt, & privilegiis atque immunitatibus multis donarunt. Mœnibus primum cinctum eſt temporibus Arnolphi Imperatoris, metu irruptionum Hungaricarum, & una cum monaſterio ſub Imperii tutela fuit; multis quidem in rebus Abbatibus obnoxium, interim ſua quoque jura cives habuere, quæ Imperatorum beneficio & ſua induſtria ſubinde auxere: cæterum, aucto civium numero, & creſcentibus etiam interea cœnobii opibus, frequentes inter eos lites extiterunt, quæ ſæpe vicinarum urbium arbitrio, aliquando Romanorum Imperatorum ſententia, compoſitæ ſunt; multoties quoque pecunia Abbatibus numerata eorum poſtularis ſatiſfecere, & ſuam libertatem redemptis illius juribus auxerunt. Verum cum Abbatiſcellani bellum Abbati Cunoni moviſſent, cives, qui pro Abbate initio pugnant, non abſque ſua clade, poſtea Abbatiſcellanis fœdere ſeſe conjunxerunt: cæterum finito hoc bello, cum aliquot annis poſtea Abbas Landenbergius jus civitatis apud quatuor

tuor Helvetiorum Pagos impetrasset, cives oppidi, ut se quoque iisdem praesidiis muni-
rent, cum sex Pagis Helvetiorum, Tiguro,
Berna, Lucerna, Suitia, Tugio, & Glarona,
perpetuum foedus fecerunt. Confirmatum
est foedus hoc juramento pridie Ioannis Bap-
tistae anno 1454, & à civibus Helvetiorum
Legati publico convivio excepti sunt, cui cir-
citer 1500 homines interfuerunt. Ante hoc
foedus cives S. Galli cum quibusdam Pagis
Helvetiae ad certos annos foedus fecerunt
cum Tigurinibus, Constantiensibus, Scaphu-
sianis anno 1312, & 1347, & saepe alias cum
Tigurinibus & Constantiensibus: cum Tiguri-
nibus item, Bernatibus, Vriis, Sutiis, Vnder-
waldiis, anno 1329. Sed haec paucorum an-
norum foedera omittenda putavi, adnotato
ultimo, quod nostra aetate durat.

In hoc oppido linea tela elegantissima texi-
tur, idque maxima copia, quae postea non
tantum per Germaniam, sed per Galliam,
Italiam, Hispaniam, Bohemiam, Poloniam
divenditur: unde oppido nomen celebre, &
magnae opes civibus, qui Byzantii & in ipsa
Africa & Asia institores suos habere consue-
verunt, comparantur.

Dividitur oppidum in nobilium societa-
tem, quam Nottensteyniam vocant, & prae-
terea in Tribus sex, inter quas primum &
praecipuum locum obtinet textorum Tribus.
Duo praeterea habet Consilia, majus & minus.
Majus Consilium constat hominibus LXVI;
undeni namque è singulis tribubus in Consilium
deliguntur. Minori interfunt homines
XXIV; Duodecim tribuum magistri; no-
vem praeterea alii Senatores, & tres Consules,
primus qui Consulatu fungitur; secundus, qui
vetus Consul dicitur, & proxime Consulatu
abiit; & tertius, qui praest judicii rerum
capitalium. Hoc Consilium administrat res ur-
banas, & controversias civiles dijudicat, & de
haereditatibus & testamentis sententiam fert.
Populus universus ter quotannis Reipub. cau-
sa convocatur; primum quando Consules de-
liguntur; Secundo, proximo die post natalem
Servatoris, quae D. Stephano sacra est; tum
cum iurandum dant novo Consuli, & se
obedientiae magistratuum obstringunt: tertio,
xv. Augusti, posteaquam tributorum ordi-
natio constituta fuerit, quae tum publice in
conventu populi recitatur. Primum inter ju-
dicia urbis est Quinquevirorum; sunt autem
ii Consul, Tribunus, è novis Magistris tribuum
unus, & duo è novo Senatu; hi judicant de
credita pecunia, de deposito, de debitis, quae
non habent praefinitum certum terminum, de
mercede debita, de controversiis ad annonam
pertinentibus, de injuriarum actionibus, &
multis: ab eorum autem sententiis non datur
provocatio, sed ipsi graviores sive obscuriores
controversias ad minorem Senatum remittere

possunt. Alterum est Vrbanum, *das Statt-
gericht*, constans assessoribus duodecim; huic
praest Praetor Vrbanus, vulgo *der Statt-Am-
man*; ad hos pertinet controversias de debitis,
permutationibus, annuis censibus judicare,
sed ab iis ad minorem Senatum licet provoca-
re. Praeterea Consistorium sententiam fert
de controversiis Matrimonialibus, & de di-
vortiis; neque ab ea provocare licet: Prae-
terea habet oppidum hoc Tribunal aërii,
vectigalium & portorum Praefectum, Aëdi-
les, Telarum inspectores, & juratos menso-
res, nec non mensurarum inspectores. Om-
nes porro qui urbem vel jurisdictionem ejus
inhabitant, religionem, quae Reformata di-
citur, profitentur.

R O T E V I L A.

Rotevila ultra Danubium in Germania
ad sinistram Nicri fluvii sita est, non
longe ab utriusque fluvii fontibus.
Oppidum hoc inter Romani Imperii urbes
non incelebre est. eo enim loco iudicium
Imperii exercetur; quod Curiae iudicium,
Hofgericht vulgo, nuncupatur; ad quod vici-
nae regiones in gravibus causis provocant, ac,
qui huic contumaces fuerint, iudicium sen-
tentia Imperiali banno subijciuntur, ac quasi
proscribuntur. Ferunt autem à Conrado III
Imperatore ante plures quam quadringentos
& viginti quatuor annos institutum esse. Foe-
dus primo junxere Rotevilani cum Helvetiis
in annos quindecim, Friderico III imperante,
an. 1463. Idem foedus aliquoties ab illis reno-
vatum est, ac an. demum 1519 cum omnibus
Helveticis Pagis perpetuum foedus sancive-
runt. Bello Suevico Rotevilani in medio ho-
stium positi, Helvetiis fidem constanter serva-
runt, omnesque suas opes & copias amice &
liberaliter illis obtulerunt. Helvetii vero his usi
non sunt, sed id tantum ab eis petierunt, ut
ipsi urbem suam adversus hostes defendant.
Ceterum quia Rotevila longe extra limites
Helvetiae posita est, quod non nisi cum peri-
culo exercitus per alienos fines duci potest,
diligenter eorum foedere cautum est, ne te-
mere bellum sibi sociisque excitent. Nam
primum sancitur, ne cuiquam bellum inferant
inseis & non consentientibus Helvetiis: dein-
de ne sine horum voluntate cuiquam extra
Helvetiam auxilium ferant: praeterea si vis
illis inferatur, quam vi repellere voluerint, si
quid vi & armis faciendum fuerit, ex Helve-
tiorum consilio agant. Si hostes eorum se juri
sistere voluerint, eo iudicio quod Helvetii ho-
nestum & æquum statuerint, illo utantur.
Nullum foedus faciant absque voluntate Hel-
vetiorum. Si inter Helvetios bellum oriatur,
quod major pars censuerit, id sequantur. Hel-
vetii Curiae iudicium Rotevilanis pro viribus
con-

conservanto, sed eo contra neminem Helvetium utantur: si exterorum aliquis Helvetium citaverit, ostendant, quomodo jure illo uti, seque tueri debeat, neque ulli Helvetiorum hoc judicio molesti sint.

M V L H V S I V M.

Mulhusium, oppidum in Sequanis, aut, ut alii volunt, in Rauracis, putatur antiquitus Ariabinium nominatum. nam in Antonini Augustalis itinerario id inter Augustam Rauricam & Vruncim, quod volunt Ensisheimium esse, ponitur; deinde mons Brisiacus, & Helvetum, & Argentoratum numerantur. Fuit jam olim è numero urbium Imperii Mulhusium. Cæterum ejus Advocatiam habuit Episcopus Argentoratensis; sicuti & Argentariæ, quam Colmariam hodie nominamus. Cæterum bello exorto inter Rodolphum Habespurgium & Episcopum Argentinensem, Mulhusium Episcopo ademptum, & arx ejus, quæ in oppido erat, diruta est. atque ab eo tempore rursus fuit in

numero urbium Imperii Romani. Primam societatem cum Helvetiis iniit circa annum 1464. cum enim nobilitas vicina urbi liberæ infesta esset, & occasiones belli adversus illam studiose quæreret, cives cum Bernatibus, Friburgiis, & Salodoriis foedus in annos quindecim fecerunt, ac Bernatum intercessione reliqui septem Pagi Helvetiorum urbem in suam tutelam recepere. quo facto animi Nobilitatis adeo incensi sunt, ut brevi odia hæc in apertum bellum eruperint: in quo Helvetii præsidium primò urbi misere, & deinde omnes Pagi sub signis magno exercitu auxilio venire: ac demum, obfesso Waldshuto Austriacorum oppido, nobilitatem ad æquas pacis conditiones recipiendas adegerunt. Anno deinde 1506 Mulhusiani à Basiliensibus in civium numerum recepti sunt, atque ita ætius Helvetiis uniti: nono autem anno postea cum omnibus tredecim Helvetiorum Pagis fecerunt foedus 19 Januarii mensis. Hoc foedere de bello inferendo, societatibus ineundis, conditiones plane similes Rotevilano foederi fanciuntur.

F I N I S.



INDEX & ORDO

TABVLARVM

VOLVMINIS SEPTIMI.

GALLIA,

Lib. XIV.



Allia.	1
Præfectura Urbis, & Agri	
Parisiensis, vulgo l'Isle	
de France.	17
Regio Parisiensis.	19
Gallinensis, & Hurepen-	
sis regio.	29
Equalina Silva & Regio, vulgo Pays d' Forest	
d'Yveine.	33
Velocassinus comitatus, vulgo Vexin le François.	35
Bellovacensis regio, vulgo le Beauvoisis.	37
Valesius tractus, vulgo le Valois.	43
Campania, illiusque appendices Provincia.	53
Rhemenfis ducatus, vulgo Rheims, & Rete-	
lense territorium.	59
Brionia, vulgo la Brie.	61
Senones, vulgo Senonots.	63
Picardia.	67
Veromanduorum regio.	69
Bolonienfis, & Guinenfis comitatus.	71
Caletum, & Terrâ recuperata.	73
Normannia, vulgo Normandie.	75
Ebroicenfis diœcesis, vulgo l'Evêché d'Evreux.	77
Caletes, vulgo le Pays de Caux.	85
Perchenfis comitatus.	89
Britannia.	91
Cenomanenfis Comitatus, vulgo Pays du	
Maine.	97
Andegavenfis ducatus, vernacule Anjou.	101
Lodonense & Mirabalenfe territorium.	103
Belfia, vulgo la Beaufse.	105
Blesense territorium.	107
Turonenfis ducatus.	111
Aurelianenfis præfectura.	113
Biturigum regio, vulgo le Berry.	117
Pictavia, vulgo Poictou.	121
Santonia, vulgo Xaintonge.	125
Infula S. Martini, & Vliarus, vulgo l'Isle de Ré	
& Oleron.	129
Lemovicium, vulgo Limosin, & Limania.	131
Nivernenfis ducatus.	133

Borbonium, vulgo le Bourbonnois.	135
Arvernorum provincia.	137
Petrogium, vulgo Perigord.	143
Sarlatenfis episcopatus & ditio.	145
Cadurcium, vulgo Quercy.	147
Aquitania, vulgo la Guyenne, & Gascogne.	151
Burdigalensis ager.	153
Ayrenfis episcopatus.	155
Aiguillonenfis ducatus.	157
Benearenfis principatus.	163
Languedocienfis provincia.	167
Albiensis episcopatus, vulgo Evêché d'Alby.	ante 173
Provincia, vulgo Provence.	187
Araufionenfis principatus, & Avenionenfis	
comitatus.	197
Delphinatus.	199
Lugdunenfis Præfectura.	ante 209
Lugdunenfis ager, vulgo le Lyonnais.	209
Bressia, vulgo la Bresse.	213
Dombesii dominium.	217
Burgundiæ ducatus.	219
Bressia Cabilonenfis, vulgo la Bresse Chalon-	
noise.	ante 221
Carolesium, vulgo Charolois.	225
Burgundiæ comitatus, vulgo la Franche comté.	227
Metenfis Episcopatus.	ante 235
Metense territorium.	235
Lotharingia.	241
Sedanenfis & Raucortii principatus.	245
Lacus Genevenfis, five Lemanus.	247
Rufcinonenfis comitatus, vulgo Roussillon.	250, b
Sabaudia ducatus.	251

HELVETIA,

Lib. XV.

Helvetia.	1
Pagus Tigurinus, vulgo Zurichgow.	19
Wiflispurgergow.	23
Argow.	33
Bafileenfe territorium.	39
Rætia Fœderata, vulgo les Grisons.	41
Valesiæ descriptio, quam videre est in gene-	
rali Helvetiæ tabula.	59

I N D E X


A L P H A B E T I C V S

T A B V L A R V M

V O L V M I N I S S E P T I M I.

G A L L I A,

Lib. XIV.



Ger Parisiensis, & Præfectura	
Vrbis, vulgo <i>l'Isle de France</i> .	17
Aiguillonensis ducatus.	157
Albienſis episcopatus, vulgo	
<i>Eveſché d'Alby.</i>	ante 173
Andegavenſis ducatus, verna-	
cule <i>Anjou</i> .	101
Aquitania, vulgo <i>la Guyenne</i> , & <i>Gascogne</i> .	151
Araufionenſis principatus, & Avenionenſis	
comitatus.	197
Arvernorum provincia.	137
Aurelianenſis præfectura.	113
Ayrenſis episcopatus.	155
Bellovacenſis regio, vulgo <i>le Beauvois</i> .	37
Belfia, vulgo <i>la Beauſſe</i> .	105
Benearnenſis principatus.	163
Biturigum regio, vulgo <i>le Berry</i> .	117
Bleſenſe territorium.	107
Bolonienſis, & Guinenſis comitatus.	71
Borbonium, vulgo <i>le Bourbonnois</i> .	135
Breſſia, vulgo <i>la Breſſe</i> .	213
Breſſia Cabilonenſis, vulgo <i>la Breſſe Chalon-</i>	
<i>noife.</i>	ante 221
Brionia, vulgo <i>la Brie</i> .	61
Britannia.	91
Burdigalenſis ager.	153
Burgundiæ comitatus, vulgo <i>la Franche comté</i> .	227
Burgundiæ ducatus.	219
Cadurcium, vulgo <i>Quercy</i> .	147
Caletes, vulgo <i>le Pays de Caux</i> .	85
Caletum, & Terra recuperata.	73
Campania, illiusque appendices Provincia.	53
Caroleſium, vulgo <i>Charolois</i> .	225
Cenomanenſis Comitatus, vulgo <i>Pays du</i>	
<i>Maine</i> .	97
Delphinatus.	199
Dombefii dominium.	217
Ebroicenſis diœceſis, vulgo <i>l'Eveſché d'Evreux</i> .	
<i>ante</i>	77
Equalina Silva & Regio, vulgo <i>Pays & Foreſt</i>	
<i>d'Yveline</i> .	33
Gallia.	1
Gaſtinenſis, & Hurepenſis regio.	29

Infulæ S. Martini, & Vliarus, vulgo <i>l'Isle de Ré</i>	
& <i>Oleron</i> .	129
Lacus Genevenſis, five Lemanus.	247
Languedocienſis provincia.	167
Lemovicium, vulgo <i>Limofin</i> , & <i>Limania</i> .	131
Lodonenſe & Mirabalenſe territorium.	103
Lotharingia.	241
Lugdunenſis ager, vulgo <i>le Lyonnois</i> .	209
Lugdunenſis Præfectura.	ante 209
Metenſis episcopatus.	ante 235
Metenſe territorium.	235
Nivernenſis ducatus.	133
Normannia, vulgo <i>Normandie</i> .	75
Perchenſis comitatus.	89
Petrogorium, vulgo <i>Perigord</i> .	143
Picardia.	67
Pictavia, vulgo <i>Poitou</i> .	121
Præfectura Vrbis, & Agri Parisienſis, vulgo	
<i>l'Isle de France</i> .	17
Provincia, vulgo <i>Provence</i> .	187
Regio Parisienſis.	19
Rhemenſis ducatus, vulgo <i>Rheims</i> , & Rete-	
lenſe territorium.	59
Ruſcinonenſis comitatus, vulgo <i>Rouſſillon</i> .	250, b
Sabaudia ducatus.	251
Santoniam, vulgo <i>Xaintonge</i> .	125
Sarlatenſis episcopatus & ditio.	145
Sedanenſis & Raucortii principatus.	245
Senones, vulgo <i>Senonois</i> .	63
Turonenſis ducatus.	111
Valeſius tractus, vulgo <i>le Valois</i> .	43
Velocaſſinus comitatus, vulgo <i>Vexin le François</i> .	35
Veromanduorum regio.	69

H E L V E T I A,

Lib. XV.

Argow.	33
Baſileenſe territorium.	39
Helvetia.	1
Pagus Tigurinus, vulgo <i>Zurichgow</i> .	19
Rhatia Fœderata, vulgo <i>les Grifons</i> .	41
Valeſiæ deſcriptio, quam videre eſt in gene-	
rali Helvetiæ tabula.	59
Wiſſispurgergow.	23

